

# 001 上清靈寶大法

經名：上清靈寶大法。南宋金允中編。係靈寶派符咒道法總集之一。凡五十五品，四十四卷，並序文目錄一卷。底本出處：《正統道藏》正一部。

## 上清靈寶大法總序

嘗聞無極之先，混融莫測。洪濛之始，清濁方形。圓穹上浮，渺渺浩浩，自然之氣，宗主元綱，乾旋坤鎮而萬類生，運啓化興而五文煥。萌於天上者，凝雲結篆。降於人世者，譯而成章。發道德之機緣，作神仙之梯級。

粵自龍漢，教以大乘。迨乎延康，授之中品。故洞玄之緒，神化大宏。後世之見於用者，齋修章表出焉，而其科條訣法符篆神文，散之羣書。蓋洞

玄之部，品目繁多，詞章浩博。惟《度人》之一卷，備拯濟之深樞。內而鍊行修仙，可以登真度世。外而立功歲事，可以福顯利幽。隱訣靈音，悉存經內，其如理致幽晦，世未能詳。

中世以降，析請多門。宋簡寂先生陸君修靜，分三洞之源，列四輔之目，述科定制，漸見端緒。至唐廣成先生杜君光庭，遂按經誥，修成《黃籙齋科》四十卷，由是科條大備，典格具彰，跨古越今，以成軌範。當其成書露刺之日，上符玄穹昭允之祥，天下後世罔敢越此。至如符篆文移，則非齋科所載。行教之士，轉相傳授。於是纂聚中洞諸經符呪訣目，集以成書，而實宗于《度人》之一卷。惟經乃法中之本，而法乃經之用。法出於靈寶，而隸乎洞玄，故謂之靈寶大法。由是經典之內，凡可以開度亡爽，利祐生民，符書法術，莫不兼收並錄，燦然聯屬矣。俾嗣法之人，不勞餘力。

如古者齋法，上品功用，則端嘿動天，存思格物，固非常人之可遽行。其

餘齋法，通悃達誠，章詞爲首。後世增以文檄關申，實體世法而爲之，以輔章文之所不及。既有法職，則以洞玄部之籙冠其首。法籙相應，以爲階銜，聞奏上玄，通達三界，不得不備儀式。爾既立階位，又列文移，於是印篆不可無也。及夫得道登升，自有上天真職，如許旌陽爲都仙太史，劉寬爲童初上帥，正一天師得老君玉印，費長房受壺公符籙，此乃天界神授，所謂仙職真印是也。今應世行科佩籙，嗣法不過師傅。啓修真之漸門，開立功之要路，固不在乎印篆之繁，職位之高也。

靈寶大法近者編述多門，有百二十卷者，似乎過詳，未免三洞經典，通取以入其中。福唐王升卿編作二十卷，頗爲適中。然多應世之科，亦分列曹局，及有預修之齋，頗無經據。似此等不無大醇而小疵。又有只編二十卷者，深爲簡當，而初授科法之士，多患不知根源。舊有隨經編法者，乃依經中之儀，製而爲用，乃是宗本。而世又指爲度人大法，或稱靈寶經中，別爲異

途。凡世之流傳者多門，未可盡睹。雖未能悉契靈旨大綱，亦粗可按行耳。

紹興之後，浙江以東，多宗天台四十九品，不究前輩編集之本意。首於序中直云：靈寶大法者，三十六部尊經之首，九品仙真神靈之根。指法中編集之辭，俱是上帝口宣之語。殊不知符檄齋修、醮設書禁、驅治祈請鎮禳，悉是中古之後，因事立儀，隨時定制，輔翊元化，贊助靈風，非以爲法，出於後世，而不可行。乃其採諸經之要妙，搜衆典之符章，亦有遇異人之付傳，亦有蒙神仙之授受，凡可以立功宏化者，集爲中乘之法。却非上古之世天帝之言，而每叙事之條，見其間稱玄師曰，遂將上帝品排，謂救苦天尊爲玄師。彼蓋將以爲一言一論，悉出於天尊，其不加詳審，類多如此。惟本源之既失，故體格之益訛。是致於符章也欲其異，於印篆也欲其多，於法職也極其崇，於行用也肆其詐。及其授受之際，捧一編之書，轉相沿襲，師弟子略不深究博詢，問辯攷證，迷以傳迷，自

神其說。

且夫玄元始三氣，爲萬化之根宗。自三氣肇而奠二儀，二儀定而生萬物，人稟中和之全氣，故像天地之大體。及其氣血運動，密契陰陽，是人身法天地而生成，非以此身，其爲天地也。修鍊之旨，有存三守一之門，即章文遣馭之所宗。以氣合氣，以神感神，覬天人交通，於恍惚之間，其事非稍知道者，不足與聞，法中略露其微意，台山書中不同其旨，乃取他處飛玄三氣印，編入法中，以發奏牘，使其印有所出。亦與洞玄之錄，靈寶之法，了不相屬。又不知氣可飛玄，則將升神矣。况三氣之妙，非可刻之印間。近來行其法者，又自相矛盾，印名同而篆文異者尤衆，甚至以經中之字合而爲印者，不可備數。夫印者信也，文移申發，以示記識，如世之張官置吏，有一官則一印，上而君父，下而士民，莫不認以爲表誌也。如行天心正法，則以驅邪院印爲記，是行正法之科條，備驅邪院之屬吏，故此印發文移也。如錄進洞玄之

品法，以靈寶爲職。舊儀只稱三天門下南曹，又以靈寶大法司爲曹局，故以其印而發文移，是本局之信記也。今又益以太上三天之印，既曰三天，又曰太上，非錄之階，又非法之職，此特摘其礙理之甚者。此外紛紛碌碌，不知其幾印，可惜謬用其心也。

邇來博古之人，亦嘗有著述儀範科條者矣，乃復取天台法中之符文印篆，雜入其中，玉石混淆，邪正交錯。至於職位，世人既未際真授，未免佩錄於宗壇，求法於師友，以錄爲階，以法爲職，亦行教者不得不用耳。天台法中乃稱領教嗣師，或自稱宗師，復立玉陛仙卿太極真宰，取以繫銜，大可驚畏。

且人之爲物，稟受冲粹，成茲一靈，迨夫卑形，不過父母氣血結爲胚胎，及其長也，百穀衆物養其軀體，自微至著，無非土滓。故《雲房三十九章》詩中有云：四大一身都屬陰，不知何物是陽精。蓋言人之五體百骸血津骨肉，莫非陰類。上士能修元鍊本，陰

盡陽淳，如天之清，乃仙之品。猶未免受書洞府，效職仙曹，及其飛升輕舉，尚須攷證功過，量校數目，方遂高步雲烟，騰翔霄漢，仙真等級，誠爲不輕。季世凡夫，地行濁質，佩籙傳法，則地界行教之司而已，五氣三雲，未徹修存之妙理。九還七返，莫全冶鍊之深功。袞袞塵途，前期匪測，滔滔俗浪，宿命難知，升舉之期，可謂遠矣，而乃遽稱大位，自處仙真，用以爲銜，瀆天罔道，仙卿真宰，豈地界治官之可當哉。如醮告斗，以伸祈禳，則靈寶大法中一事也。在二十四等之中，只名北斗除灾醮而已。

天台之行靈寶者，欲別立門戶，以傳於人。因見宣和間有璇璣之籙，故集諸家之說，以爲璇璣之法，別立玄靈璇璣府，印編末却歷言所本。如《北斗經》傍通圖諸書，皆列其後。雖法中言辭出於衆書，而立爲此印，又誰爲之耶。銜位稱主管璇璣府事，子生人則稱太上宮察訪使，是何說也。使有璇璣之府，亦斗星之宮，爾人而主管之，

已與斗星同列矣。察訪之官，漢魏尚未有之，後世朝廷，廉使之任，非道法之階。殊不知受正一之籙，行天心正法，則通達誠祈，謄詞醮斗，有何不可。以致遷入洞玄法籙，則北斗醮，乃法中之一事，又待別立一銜，方可主行哉。儻每一等齋，則易一職，一品醮則更一銜，如此則古科二十七品之齋，四十二等之醮，當補數十等職位，乃可奉行，不期紛紛耶，使其職位之合典格。凡主行齋醮，進章拜表，禱雨祈晴，濟死度生，無所不通，又何必多立各稱，廣易銜位，大抵法籙階位，所以備儀式，符章印篆，所以是表誌。今以印篆階職，一至於此，其有不存于編，而用行矯僞者。如建齋醮之初，高功大書揭示，稱已於某日默朝上帝，啓告齋事，可謂不經。

且留形住世之術，惟金丹一法最爲正理，修仙之事，所當究心。自此之外，如鍊氣滄霞，服丹餌藥，收光吐納，熊經鳥伸，其類不一，而未可徑得鉛凝汞結，內就金丹，故謂之三千六百傍門

小法，默朝上帝是其一也。蓋於身中升降運用，極於泥丸成者，可以却疾延年，失者未免動神損志。然專修此法，近來成就者亦希，非可以通天徹地而成真者也。若夫火棗內榮，陰魔外絕，與道爲一，身外生身，升神而面朝三清，洞視而遐觀萬彙，此則靈寶中見玉清聖境之時，形神俱妙，隔絕囂塵，俟數待期，徑登金闕。得至此者，必不行科應世，身入齋壇，既能躬覲天真，則章表文移，折旋音韻，一切不用，此又非默朝上帝例矣。

今方崇壇廣席，設像陳儀，牘盈編謄章表，是齋修之品格，却稱默朝上帝。謂能面陳意於天，且人可罔也，天可欺乎。編中鋪聚，多乖正理，其書起自南渡之初，迄今將百載，邪說異論，幾徧浙東，歲月浸深，傳流漸廣，後學之事，習以爲常，亂敗典章，靡有窮已。太上之教，尊之而不加貴，毀之而不加卑，固不待辯是析非，然後昭顯第以其法。行齋用事，違格失經，非獨書罪於三官五帝之司，而天下後世豈無達

誠之士，將有秦無人之譏，欲加考正，又恐貽怒於其襲法之徒，故坐視神文之被穢，莫敢一言也。

允中每觀其室礙，形神爲之震懼。初非以理推測，已見臆度。蓋戾古畔科，雖三尺之童，平心以觀，亦覺其謬。允中幸免陷身於邪僞之門，終不認後人之被誤，敬遵師傅之要旨，兼攷諸家之成書，務合古儀，略加編集。似失退遜而允中之管見，實謂居其職而任其事，矧佩籙傳符，久叨靈蔭冠星披羽，粗集冲科，雖非上天真授之班，實玷地界職司之列。兼戴髮含齒，賦性立形，一切一毫，莫非元始祖氣，皇天之貺，大道之休，顧不重耶，是居其職而不任其事，可乎。由是不恤謗議，粗作編聯，使允中之言稍合科條，則其與同學共之。或允中之言，有違典格，則冀高人正之。是以略序其始末於卷首。允中不敢故爲險論，以是己非人。不過略刪其續撰，頗從舊規，合理而有源，不厭其凡俗，背科而無據，不貴其新奇。

蓋以陸簡寂分三洞四輔爲別，以杜廣成立經定制爲宗，然後公其說，以定其法。是謂言之者無罪，聞之者足以戒。然允中見近世編錄法書，悉隱其機要。爲度師者，雖自無所得，而不應禁祕之文，亦委曲隱落。甚至減易古書，除削舊法，欲令不全，逐時出奇賣祕，以邀求嗣法弟子。此不獨靈寶齋法，其餘法書，莫不皆然，世態澆漓，一至於此，大抵靈機妙頤，便可飛升輕舉者，固不當顯書廣泄。如濟世立功，接人利物之用，豈宜略不具載。

允中於出世之法，登升之訣，未之聞也，但世之所行，幸頗識邪正，今成是編，深以市道爲戒，不敢故行隱落。凡靈寶之修存功用、救苦齋修，亦已備述。不至大段疏闕，理當而有據者，一毫不遺。論怪而無根者，雖詳不錄。意義相續者，不分兩卷。法之相須者，不敢離析。舊書分散，則取而序之。事涉別書，則攷而釋之。疏出條目，悉可按行，所其法中科禁至重，自來不存簡策者，亦備存條目。成書之後，錄奏

上玄，告聞三界，對天立願，廣宏至教。爲學之士宜廣見聞，況今名山福地，僻境遐方，隱跡林泉，混塵朝市，有道之士，豈無其人。患不能廣參徧歷，別識仙真而已。第亦須稍知，今之諸方，在家出家嗣行靈寶者多矣，而靈寶之法，今又幾家。然後攷自己之所得邪正淺深，亦不可略見。假使專執先入之說，而非他人，身坐井中，而作天論，則非有心於教者矣。學者更能平其心志，審其端緒，毋致日趨於乖真叛道之途，實允中之至願也。允中經籍度三師，乃中原之宗派，已叙其姓名於卷末，允中非敢出私見，以誑世人。蓋以師授之旨，多口傳而心記，恐歲久泯沒，故次序古書，而略隱於其中，爲教門而設也。

洞玄靈寶弟子南曹執法典者權童初府右翊治金允中序。

# 上清靈寶大法目錄<sup>①</sup>

洞玄靈寶法師南曹執法典者  
權童初府右翊治金允中編

本法戒律品

本法十戒

經中十二善

論法以戒律爲先其戒條不必訓釋恐失

本旨

七事區貫品

發明經中七事

論七事乃經中之大體

四譯成書品

譯字成經節次

論別本稱五譯出於誑妄

經文序例品

安鎮國祚四條

上消天災五條

下禳毒害三條

升舉之例一十三條

功德應感一十七條

傳度盟授一條 泄慢獲罪三條

論別本以序例爲密告大不當理

分章釋用品

叙玄章第一

啓運章第二

真應章第三

定極章第四

還元章第五

重玄章第六

演梵章第七

宣祕章第八

上聖章第九

至學章第十

勸學章第十一

讚玄章第十二

條誦章第十三

上學章第十四

暢微章第十五

效盟章第十六

玄局章第十七

三元章第十八

行道章第十九

洞玄章第二十

赤文章第二十一

大梵章第二十二

梵炁章第二十三

招真章第二十四

寶諱章第二十五

受度章第二十六

衛真章第二十七

玉曆章第二十八

流化章第二十九

升玄章第三十

契玄章第三十一

成真章第三十二

挹華章第三十三

天寶章第三十四

普護章第三十五

陰鍊章第三十六

保鎮章第三十七

至言章第三十八

大洞章第三十九

感應章第四十

論別本以分章爲訓解不識義理

七經八緯品

七經之條

八緯之目

論別本不載七經之條其八緯之目大不同

元綱流演品

叙流演之源

元綱升神之路體合人身

元綱流演圖二

升神飛步朝謁祕法

論別本升神朝謁止以泥丸爲上天大

失本旨

玄穹主宰品

三界所治

昊天北極天皇所

論別本所改上帝名偁不合經典

三界宮曹品

上界諸天官府

中界山嶽地府

下界水府治職

論別本以經中一句作一司撰造將吏

名目改壞經誥不便

朝元入靖品

崇例聖位

入靖朝元科式

論私立靖名不便

誦持存思品

沐浴等呪

入室存思

發鑪引炁

誦經中復官

論世俗於經中增添呪語非理及內外相應不偏廢

玉札靈章品

玉札四十九字 服玉札口表

論別本所載一百五十六字非舊式及其口表淺近不文理

三晨芒耀品

玄真經存日月法

太虛真人赤君內法

東華真人服日月象法上清紫文吞日

炁月精法

飲斗光法 服日光法

服月光法

論別本改去三光之明礙理

五行正炁品

服斗星名

六字治病

服字內注六丁

六甲遣妖訣

八符治毒法每符二字

晦日服字法三字

朔日誦字法五字

論當以內應外感為宗他書增入移景

通光法非本旨

五芽內鍊品

五芽真文服存呪法

常服法

論別本以五芽經作五藏失本旨

三宮修誦品

默誦經法

三宮各有所主

論別本以三天配正月七月十月失本旨以默誦於內誦及撰梵語洞經礙理

洞照幽徹品

靈寶玉鑑

移景通光照

洞玄寶鑑

靈寶洞玄照

速度亡魂訣

論驅崇先宜開度

元始太定品

定息積力祕訣

論別本謂天尊止在泥丸違失經旨及為光怪之說不便

洞觀百靈品

徹視法

內視中方

論後世以開光考照為洞觀非本旨

採鍊祖炁品

採鍊止有條目訣法未降

論法止鍊本身祖炁訣法未降不可意料曲為之說

洞陽符火品

六十四卦配合靈書訣法未降

九炁包鼎訣法未降

論別本以配卦為玄真隱諱非是

五炁混合品

中理五炁條目訣法未降

九宮七星圖訣法未降

論別本所載混合百神一章無可行法

流精玉光品

迎日光為丹大略訣法未降

論別本所說於古法小異要之非可行之訣

之訣

梵炁流行品

梵炁之行合於人身大略訣法未降

論別本所論不同

黍珠神變品

調息進火內鍊黍珠訣法未降

論別本誦經十徧成丹非本旨

齋直禁忌品

元會節序日

避忌日

禁食厭物

李少君口訣

本命日修用呪訣

淨穢法

解穢法

式假解穢

常用呪言

論別本所隱經論未善

本法印篆品

靈寶大法司印

通章印

神虎三印

黃神印

越章印

論世俗增印太多名僞失格

錄階法職品

仙班五等

論法職當存錄階次補

本法之職不宜僭妄

悔過謝愆品

祝香啓白

五方懺悔

三禮

回向出戶

論別本所編錯雜科文亦難宣讀

五品陰功品

靈寶壇

星宿錯度日月失昏格

四時失度陰陽不調格

國主有灾兵革四興格

疫毒流行兆民死傷格

師友命過格

三晨象

上真星宿好樂

太乙好樂

九鼎名

論別本改易壇名及鎮禳之法皆異於

經

濟生陽德品

玄樞三晨壇解治法

飛斗

北斗符

南斗符

和合年命符

斗星名符

七元祕授符

飛神入斗法

論別本所叙失古法

祭鍊幽魂品

祭鍊本源

造斛及合用之物

祭鍊日早晨口奏重撰白文

早晨預白將吏

書生天籙並訣

水火符變食符

靜夜行事啓請重撰白文

召將變食

召六道四生孤魂重撰普召文

呪食

水火二鍊法

三皈九戒

度魂焚燎重撰告遣孤魂白文

事畢謝聖重撰口奏祝願白文

每日出飯小施食儀

論舊科施食後誦殺鬼呪非便丹陽符

不出於本法中

驅妖拯厄品

除邪法有符

驅捉法真文併符

召神王法

鎮禳法有符

解度法有符

三部符法

驗崇九宮法

論別本立總治幽冥品非本旨

裂字爲符品

古法裂字止有三十一符

天篆符二十六出靈書內

論別立符名非古法

黃籙次序品

序齋

修齋節次

預告

颺旛

誦經

發奏

拜章

告符發玉札

告齋投詞

立幕

勅水

請光

宿啓

破獄

正齋三日

醮謝散壇

論格式止從古科

修齋受詞品

投狀式

齋官請高功重撰初請語

法師答辭重撰辭遜語

齋官再拜重撰勸請語

高功再辭重撰再辭語

齋官三請重撰三請語

法師答從請重撰受辭語

法師口奏重撰白文

論三辭乃是重其事

颺幡科式品

遷神幡式

重撰颺幡儀

論世俗廣添幡式頗為不經

鎮信威儀品

金龍釋義

紙墨筆硯等釋義

香花釋義

鎮炭釋義

槿木簡式並釋義

金紐釋義

章函制度

論鎮信釋義並從廣成先生科式

壇圖幕式品

壇圖二

二十八宿星象圖

六幕

土地位

神虎堂

誦經堂

茭郭

論世俗六幕位次高下與古儀不同

玉文真篆品

五老赤書玉字真文

行赤書法

五嶽投簡呪

安鎮星宿禳度天灾呪

攝召法呪

召龍天水神止水度水呪

廣成先生叙說

靈書三十二天隱語真文

收靈書真文呪

論赤書玉字乃投簡之本源

登齋科範品

發奏請牒重撰功曹三獻儀

告符重撰啓奏白文

告符發玉札重撰將吏三獻儀

投詞告齋

請高功陞壇重撰白文

九祖位

監壇神位

鍊度堂聖位

靖堂室

齋供

高功白衆撰白文 四結願

高功出請先詣監壇神前重撰白文

次詣師幕請師拜牋各幕重撰白文

陞壇表白開啓重撰白文

請光分燈並依古式仍重撰白文

論近世雜科太近俗者不宜用三朝失

時尤戾古典

臨壇符法品

降真召靈符法

入戶出戶呪

禮師釋義

晨午晚三朝存思法並釋義

齋壇三寶位次

發鑪並釋義

三上香密呪並釋義

焚降召符法

上本位香釋義

論命魔步虛之法古有奧義

論分燈符式不同

章詞表牘品

素車白馬章

開通道路章

論開通道路章並拔罪章皆不必歷陳



地獄名

升度亡魂章

沐浴鍊度章

章函章几制度

書章法

章信

章關式

獻章中官將狀式

黃素朱表

論今人齋修多不能廣度却用朱表古

式其詞不相合建黃錄以普度為功

重撰救苦表

重撰請陰陽正炁鍊度表

重撰九天上帝表 青詞格式

論撰詞表當知體格不宜用世俗變體

雜說失格者不當備奏

上章科格品

淨外穢沐浴法

淨內穢服符法

服心章告心神法

上章燒香爐內符

章前後空紙式

靈寶詞章儀重行校定

章中官將聖位

論洞玄部靈寶拜章不應雜以他法

六幕啓謝品

啓玄師箋

啓五帝箋

啓三官箋

啓天師箋

啓三師箋

啓監齋箋

謝玄師箋

謝五帝箋

謝三官箋

謝天師箋

謝三師箋

謝監齋箋

已上六幕啓謝箋並重撰述

論六幕合用箋文五帝稱號更行考證

奏申文檄品

奏狀式

上帝合用奏狀例

上界天真合用申例

上界申狀式

中下界申狀式

二等牒式

功曹將吏用關子例

關子式

劄子式

黃錄預告奏申六狀並牒式

黃錄正奏一十四狀式

正申上界二十八狀並二牒式

正申中界三十二狀並一十二牒式

正申下界一十一狀並一十六牒式

神虎召魂牒七玉女牒催召牒

拘集孤魂普召牒

給散孤魂錢簡錄關

遣發奏申文檄關帖引共十式

告發諸符關共三式

功德牒式

三等獻醮狀並關子式天省五府謝過狀二式

重撰齋壇節次榜

經壇榜

曉諭將吏榜

神虎壇榜

率勵壇官榜

曉諭孤魂榜

論黃錄齋後醮謝不必再發請狀及醮

獻聖位宜照文移關係之所並合與醮

及地獄不當移文

升度符告品

救苦真符

長生靈符

金龍驛吏符

茭龍驛吏符

青宮九龍符命

破地獄符

拔幽魂符

登真度命出離生死符

太上勅赦生天寶錄

元始符命

普告三界符

歷關諸天符

勅制地祇符

古法四鎮合同

靈寶升天大券

升天左券

升天右券

洞玄靈寶長生度命黃錄

論符之本旨世俗用符冗雜悉非正理

及以鬼魂命終之因撰符不便別法中

符不應入

受持策杖品

造策杖法

五嶽符

五帝直符

論策杖當平居呪持

然燈破獄品

重撰破獄啓白文

高功存念行用法

破獄燈圖

論普度方可破獄

神虎攝召品

叙神虎所屬之府

壁魯洞銘式

入門壇式

召魂幡上二符

神虎玉札

陽耀通關壇

神虎攝魂符幽寂符

天皇印訣

芻身升度法

重撰告玉札神虎三獻儀

重撰發催召儀

論神虎召魂隨所得之法以行

受持策杖法

十天玄化符

九幽破獄燈儀

九清梵唱破獄呪

破獄步罡式

官將位次

鐵跡臺光之章

斗章

三部使者符

七玉女符

陰靈攝魄壇

神虎罡

神虎服色

水火鍊度品

正薦沐浴儀

水火方位

水火鍊度儀

度魂儀並回向文

日魂符

火鈴符

月魄符

十二河源符

金液鍊形符

生神九章符

酆都山形

論鍊度世用雜符太多酆都山形不宜

以私意增益

施食普度品

高功奏啓

孤魂沐浴儀

呪食徧諸方通用呪

高功升座祝香語

鍊度孤魂重撰高功告白文

孤魂鍊度儀

度魂回向白文

論建齋當重於普度近者世俗科書太

呪食呪白文

高功升座祝香文

正薦傳戒儀

鍊度合用符篆

真火合同符

鍊身符

真水合同符

五芽真文

石鏡水母符

玉纓神變符

重撰普召六道儀

孤魂朝真啓白

鄙陋者不宜輕用

散壇設醮品

古科條目

黃籙醮謝真靈三百六十聖位

又一百六十醮位

論五帝稱號宜隨其所寓

黃籙大齋散壇設醮儀

散壇拜表設醮禮畢

論三洞經典近世散失不備世俗不當

暗毀廣成先生齋科

投龍送簡品

下元黃籙簡文述玉札金龍等式

科文釋龍璧等說

科文式投三簡法

玉簡金龍玉璧金紐制度

山簡告文真文

土簡告文真文

靈山福地投龍簡醮儀

靈泉江海投龍簡醮儀

齋壇投土簡醮儀

叙三元八節投簡式

廣成先生科叙黃籙投簡說

論投簡出真文玉訣本於五老亦書今

叙醮

水簡告文真文

投簡設醮圖

用別符於簡後不合經科

傳度對齋品

授受之格

投師狀式

申奏大略格式

三界清醮狀式

三界醮獻狀式

傳度合用

靈書真券式

環式

龍頭書刀式

補職帖式

發奏節次

靈寶對齋設醮傳度儀

上清靈寶大法目錄

## 上清靈寶大法卷之一

洞玄靈寶法師南曹執法典者權

童初府右翊治金允中編并論義

### 本法戒律品

#### 十戒

一曰執心平等，不得自欺。二曰忠事君師，孝敬天地父母。三曰慈仁及物，貧儉節身。四曰清靜端直，不得阿黨。五曰敬遵上法，深信修身。六曰敬重鬼神，不得輕侮。七曰凡所衣食，皆是元始祖氣，不生外想。八曰灰水蕩穢，不用修飾。九曰口誦心拜，毋使形勞。十曰七日大定，神光湛然，見玉清聖境。

#### 十二善

不殺，不害，不嫉，不妬，不淫，不盜，不貪，不慾，不憎，不妬，言無華綺，口無惡聲。

允中嘗謂飾躬謹行之士，所當為何。獨志於奉法行科，而後方能遷善遠

罪耶。蓋修仙之道，非止於盡世法而已。欲得內貞外潔，表裏洞然，始可進道法之階梯。甚至高真上聖，尚齋戒累功。故戒律者，養成德性，檢束身心，學者所當先務。聖人治世之法，必始於修身齊家，然後可以治國平天下，莫不由中而及外也。今以本法戒律為第一品，若使行之不修，身之失正，則居不能令妻子，出不能信朋友，又其可對越上帝，以交神明哉。道典戒律，散諸經誥中，條目繁多，不應悉錄，靈寶本法，合隨經入戒也。其十二善，有一本除去言無華綺，口無惡聲外，以不殺不害等為十戒。又舊本於其條下，悉加註解者。蓋此十二事本為修真法子而設，只據正義而行，有何不可，固不必詳加訓釋。或議論稍失本旨，反致迷誤後人。故今刪去，專存本文爾。

①此目錄與正文品目不盡相符，故仍依其舊。

### 七事區貫品

一明元始祖氣，從何先化玉字，而後發生萬物。二明生育混沌，陶冶萬物。三明靈寶自然，生成圖書，總括萬象，為三才機紐。四明靈寶為三洞祖教，出生一切聖人。五明人身體法元始，造立混沌，聖胎法身。六明元始祖氣，無形之先，作何比擬，降質成氣，化生萬寶，今世作何體狀，復採鍊此氣為丹，餌之登真。七明得靈寶之道，上則白日登晨，次則長生度世，或得尸解，及經中備有萬法。

允中切詳，靈寶雖為中乘之道，實貫通三洞，總備萬法，端本澄源，學者當知其始終。道之未形，先天先地，自然祖氣，化肇萬生。及其結氣成文，凝雲作篆，於是圖書焉，立教垂科，度人接物，以法為用。但法出於經，而經涵道妙，豈獨區區於齋修禁呪之間而已哉。儻能深徹玄機，稍窺靈奧，要須因法以知經，因經而悟

道，知道中之道，則超三界六極之外矣。我之一靈，本不蒙昧。我之一氣，自合道真。後世狂妄之徒，多為虛無誕謾之說，使人不能測，矯偽萬狀，惑亂世人，自汨其真，自戕其性，可不惜哉。故今先以戒律開其端，次明七事，以先知經之體用。然後考四譯成書之旨，是法之門戶也。此何行中編經法之次序云。

### 四譯成書品

第一玉字生於虛無之先，神文隱於混沌之內。至赤明開圖，元始宣演祕諱，係第一譯，為大梵玉字。第二道君標叙玉字祕諱，天真皇人書其文，為第二譯，號諸天八會之書。第三道君撰次靈寶成經，為第三譯，號雲篆光明之章是也。內王母下受黃帝，龍威丈人授大禹靈寶五符，並在經內。而於經之本文，無所更易，故不謂之譯。昔黃帝問道於峨嵋，親見皇人，再蒙指授。及太極真人授道於左仙翁，亦非

譯經，故亦不謂之譯。第四漢元封元年七月十五日，西王母以此經下授漢武帝，帝不曉大梵之言，遂改天書玉字為世書，號第四譯。

允中考詳《靈寶度人》一卷，自古經法傳記，皆以為四譯而成書，理甚明白，不容附會臆說也。虛無之先，無光無象。赤明之後，玉字方彰，此第一譯也。天真皇人書為正音，此第二譯也。道君撰次成經，此第三譯也。王母下授漢武帝，方易以成世書，此第四譯也。自茲以後，經傳人世，不復更有增損矣。而天台却獨立一家之說，見其經緯儀範第十七品，增作五譯，既稱妙行真人集符圖於中盟錄，又稱妙行真人三洞經為靈寶大法，此則妄矣。太極真人徐來勒，傳靈寶之道付葛仙翁，猶天師傳正一之科，三茅二許受洞真之緒。此乃三洞傳教之宗師，而非《度人經》中之第五譯也。且譯之為義，謂傳言一也。釋彼之文，為此之字，如譯人辯四方之音，亦此義也。若《度

人經《降世之後，初不曾有五譯，豈敢甘心以從矯偽之論，故止據古書編叙。

### 經文序例品

藏金玉以鎮五嶽，投龍璧於海淵，鑄九鼎以安九州。

右三條上為帝王行道，安鎮國祚之例也。

天地運終，星宿錯度，日月失昏，四時失度，陰陽不調。

如此五條，上消天災之例也。

除病，謂經法以康和也。解毒害。謂消穰分野刑害之炁也。度尸。謂九鍊之法，以遷升也。

如此三條，下穰毒害之例也。

上升朱宮，飛升金闕，飛升南宮，遊宴玉京，遊行太空，度上南宮，飛升上清，逍遙上清，度品南宮，飛升太空，魂度朱陵，遊行三界。

如此一十三條，升度之例也。

咸得長生，全其本年，皆得度世，却死，門戶興隆，曾祖受度，便得神仙，延壽

長年，尸解，得為九宮真人，國祚太平，位登仙翁，魔王敬形，太陰鍊形，為聖君金闕之臣，萬神朝禮，魔王保舉。

如此一十七條，功德應感之例也。

齋金寶質心，告盟十天。

如此一條，傳度之例也。

允中按：舊書以齋金寶效心盟天而傳，及依玄科四萬劫一傳，又告盟十天而傳。分為三條。蓋在經序則言上天所寶，不傳下世，至士齋金寶效心盟天而傳，乃謂受傳合應如此。至經中則言依玄科四萬劫一傳，若有至人齋金寶質心，依舊格告盟十天：然後而付焉，此正言傳度之格也。不應別出，今止存一條。

身則被殃，殃及九祖，泄慢墮地獄。

如此三條，獲罪之例。

經內明大道元氣之母，生根祕諱，玄真玉女之妙，具有禮樂器用之物，形名度數，兵革五常之道，先天以備，天真皇人循體之也。中古述作治世之教，大道於是乎隱，不知其源，出於先天也。經中大梵隱語六十四

句，出於大梵開圖之先，有數之始。呼吸之息，契合陰陽，息之數見於脉。故一呼三寸，一吸三寸，推而至於丈尺，於是積分為寸，累寸為尺，以見於物。律曆度量權衡，五緯七政，八卦九宮，二十四氣，自茲而生。聖人則之，故制器之道，因財為尺，因指為寸。經內備有萬法，陰丹陽丹，天文禁戒，吉凶像影，占往知來之術，濟幽拔顯，招真致靈，福國寧家，康時阜物，鎮穰保度，悔謝請祈，莫不備焉。西靈龜母譯以世書，而授漢武帝，故經中多從漢制。

允中切詳靈寶大法，總錄奧妙，備載條科，蓋其類例不離於經。一事一訣，皆隱經內。今略出大槩，為法之張本。序例後一段，總說經之體用。天台只增其言辭，作宗師密告第四十九品。彼既不深詳義理，又不廣覽衆編，遂敢妄稱宗師密告，不知乃叙事之辭爾，又非行用之訣。其人見書不博，遂自以為奇秘。今止依經以為序例而已，不敢作密告以罔

人。學者既於此見經之大略，然後進步於經之施用，是亦為學之序爾。

上清靈寶大法卷之一

### 上清靈寶大法卷之二

洞玄靈寶法師南曹執法典者  
權童初府右翊治金允中編

#### 分章釋用品

#### 太上靈寶無量度人上品妙經

#### 叙玄章第一

道言：西上此二字治卒暗。昔於始青天中，玉隆騰勝天也。碧落空歌，大浮黎帝諱，見隱語中。土，受元始度人無量上品。

#### 啓運章第二

元始天尊當說是經，週回十過，以召十方。當說者，謂此劫運，開圖出教也。

#### 真應章第三

自然以下大洞世界。

始當詣座，子上至午上挑發，催生安胎書

吞。天真大神，上聖高尊，妙行真人，中指上節疊書，已上辟邪鬼。無鞅數衆，乘空而來，飛雲丹霄，綠輿瓊輪，羽蓋垂蔭，流精玉光，亥上，流精玉光是九色，主腎圓象也，治夢交。五色鬱勃。西上，少氣書吞。洞煥太

空。

#### 定極章第四

七日七夜，諸天日月星宿，璇璣玉衡，一時停輪，神風靜默，山海藏雲，子上，治氣急吞。天無浮翳，四炁朗清。自七日下午止，此治眼目等疾，書燒印上吞之。一國地土山川林木，緬平一等，無復高下。土皆作碧玉，無有異色，衆真侍座。中指中節，安宅動土，作呪土用之。

#### 還元章第五

元於五行生數，立於五行成數。玄座者，法身所御也。

元始天尊玄坐空浮五色獅子之上，午上，治心不寧、心病、瘡疾，吞。說經一水徧，諸天大聖同時稱善。是時一國男女，聾病耳皆開聰。說經二火徧，盲者目明。說經三木徧，暗者能言。說經四金徧，跛痾積速，皆能起行。說經五土徧，久病痼疾，一時復形。說經六水徧，髮白反黑，齒落更生。說經七火徧，老者反壯，少者皆強。說經八木徧，婦人懷妊，鳥獸含胎，已生未生，皆得生成。說經九金徧，地藏發泄，金玉露形。說

經十土徧，枯骨更生，皆起成人。是時一國是男是女，莫不傾心，皆受護度，咸得長生。行其道則長生不死。

### 重玄章第六

道言：是時元始天尊乾上，凡燒香先召十方無極，然後入意。說經一徧，東方無極無量品至真大神，無鞅之衆，浮空而至。說經二徧，南方無極無量品至真大神，無鞅之衆，浮空而至。說經三徧，西方無極無量品至真大神，無鞅之衆，浮空而至。說經四徧，北方無極無量品至真大神，無鞅之衆，浮空而至。說經五徧，東北無極無量品至真大神，無鞅之衆，浮空而至。說經六徧，東南無極無量品至真大神，無鞅之衆，浮空而至。說經七徧，西南無極無量品至真大神，無鞅之衆，浮空而至。說經八徧，西北無極無量品至真大神，無鞅之衆，浮空而至。說經九徧，上方無極無量品至真大神，無鞅之衆，浮空而至。說經十徧，下方無極無量品至真大神，無鞅之衆，浮空而至。十徧周竟，十方無極天真大神，一時同至，一國男女，

傾心歸仰，來者有如細雨密霧，無鞅之衆，迨國一半土皆徧陷，非可禁止。於是元始懸一寶珠，大如黍米，乃赤黍也，收之，念大梵隱語四十九徧，祝之，吞一粒，可治一切病苦，想衆真入珠中，良上。在空懸之中，去地五丈。入珠中黍米法也。天真大神，上聖高尊，妙行真人，十方無極至真大神，無鞅數衆，俱入寶珠之中。天人仰看，唯見勃勃，從珠口中入，既入珠口，不知所在，國人廓散，地還平正，無復歛陷。國土徧陷，寶珠乃懸。既入珠口，地還平正。元始即於寶珠之內，說經都竟，衆真監度，以受於我，當此之時，喜慶難言。難言所謂內諱。法事粗悉，諸天復位，倏忽之間，寂無遺響。是時天人遇值經法，普得濟度，全其本年，無有中傷，傾土皈仰。先因傾心，後乃傾仰。咸行善心。連上下太平治呪，詛解和同之意。不殺不害，不嫉不妬，不淫不盜，不貪不慾，不憎不妬，言無華綺，口無惡聲，齊同慈愛，異骨成親，國安民豐，欣樂太平。有如上十二善行，方契齊同慈愛，異骨成親之道也。

### 演梵章第七

經始出教，一國以道，預有至心，宗奉禮敬，皆得度世。宗奉禮敬四字，行一皆得度世。

### 宣祕章第八

道言：元始天尊說經中所言，並是諸天上帝內名隱韻之音，亦是魔王內諱，百靈之隱名也，非世之常辭。

### 上聖章第九

此是元始天尊感應功德。

上聖已成，真人通玄究微，能悉其章，誦之十過，諸天遙唱，萬帝設禮，諸天遙唱，萬帝設禮，所以爲《大洞經》也。河海靜默，山嶽藏雲，日月停景，璇璣不行，羣魔束形，鬼精滅爽，回尸起死，白骨成人。日月下乃是空法，定中可以自見一切無道之鬼，見身聞之皆滅，如功未就，未可制禦也。未有定力，則可用後洞視法。

### 至學章第十

至學之士，誦之十過，則五帝侍衛，三界稽首，魔精喪眼，鬼妖滅爽，濟度垂死，絕而得生。所以爾者，學士穢氣未消，體未洞真，召制十方，威未制天政，德可伏御地祇，束縛魔靈，但却

死而已，不能更生。

勸道章第十一

輕誦此章，身則被殃，供養尊禮，門戶興隆，世世昌熾，與善因緣，萬灾不干，神明護門。

讚玄章第十二

尊妙獨步玉京之上，故曰《大洞真經》。

斯經尊妙，獨步玉京。度人無量，為萬道之宗。巍巍大梵，德難可勝。大羅天上有玉京之山紫微上宮，有玉京之殿三十六座，每座高虛廣萬里，軒簷五千五百里。

修誦章第十三

道言：凡誦是經十過，諸天齊到，億曾萬祖，幽魂苦爽，皆即受度，上升朱宮。格皆九年，受化更生，得為貴人。而好學至經，功滿德就，皆得神仙，飛升金闕，遊宴玉京也。好學之人，明功德重於誦者。

上學章第十四

上學之士，修誦是經，皆即受度，飛升南宮。世人受誦，則延壽長年，後皆得作尸解之道，魂神暫滅，不經地獄，即得反形，遊行太空。

暢微章第十五

此經微妙，普度無窮，一切天人，莫不受慶，無量之福，生死蒙惠。有科條格。

效盟章第十六

至學輕泄，殃逮玄祖。世人皆不得傳之，禁脫有漏慢，豈止此耶。寶秘則億曾齊功。

上天所寶，不傳下世，至士齋金寶，效心盟天而傳。輕泄漏慢，殃及九祖，長役鬼宮。前次輕誦，故殃及其身後，以泄慢乃累其祖。

玄局章第十七

九宮二十四炁神，皆在身中。

侍經五帝，玉童玉女，各二十四人，營衛神文，中指中節。保護受經者身。

一日佩符呪，二日通行炁脉，用吞營衛神文四字立效。侍經五帝，玉童玉女，各二十四人，共二百四十人，從帝行也。

三元章第十八

道言：正月長齋，誦詠是經，為上世亡魂，斷地逮役，度上南宮。七月長齋，誦詠是經，身得神仙，諸天書名，黃籙白簡，削死上生。十月長齋，誦詠是經，為國王帝主，君臣父子，安鎮國祚，

保天長存，世世不絕，長為人君，安鎮其方，民稱太平。八節之日，誦詠是經，得為九宮真人。戴九履一，左三右七，二

四為肩，六八為足，五居中宮，以為實腹，此乃豁落斗也。本命之日，誦詠是經，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。中指上節，此是定心

神况，上清中都也。按《龍躡經》云：四梵以上，次有三清之天。第一太清十二天，九仙所居。次上清十二天，九真所治。次玉清十二天，九聖所居。共三十六天，玉清乃最上天也。

行道章第十九

凡誦經行道行法，各依式存想，口傳心授，口誦心拜，並依良上，至一指甲下挑發。

道言：行道之日，皆當香湯沐浴，齋戒入室，東向叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外翳冥，有青龍、白虎、朱雀、玄武、四聖將也。獅子、白鶴，羅列左右，日月照明，洞煥室內，項生圓象，光映十方。三氣者，玄氣青，元氣黃，始氣白，是三氣也，皆從一氣而生。今居三氣之中，以表學人存三守一之道，乃氣之母也，斯真常之



道矣。如此分明，密呪曰：無上玄元太上道君，召出臣身中三五功曹，左右官使者，侍香金童，傳言玉女，五帝直符，直日香官，各三十二人。呪日授之關啓所言，今日吉慶，長齋清堂，修行至經，無量度人。臣及甲乙，謂臣及某人同轉是經，以求長生之道也。如止自誦，當向木德之方，朝太陽取青黃白三氣，而誦之臣及甲乙也。大洞內章回風混合之旨云：東方扶桑之宮有若木，太陽一出，若木有光，青黃白三氣翳鬱其頂，宮中仙人於此時誦經行道，以奉帝德，今所誦經，故宜向甲乙之方。甲乙乃東方也，故經云東向誦經。轉經受生。願所啓上徹，徑御無上三十二天元始上帝至尊几前。畢引氣三十二過，東向誦經。東方長生之方，諸天所尊重也。書符大洞口訣，東向，於十月行道也。

### 上清靈寶大法卷之二

### 上清靈寶大法卷之三

洞玄靈寶法師南曹執法典者  
權童初府右翊治金允中編

#### 元始無量度人上品妙經

#### 洞玄章第二十

元始洞玄靈寶本章，上品妙首，十回度人，百魔隱韻，離合自然。凡二十四字。

#### 赤文章第二十一

皆是本章經，共六十四字，生氣真呪混合也。

#### 混洞乃洞天也。赤文，無無上真，元

始祖劫，化生諸天，開明明大道也。三景，是爲天根。上無復祖，唯道爲身。五文開廓，普植神靈。無文不光，無文不明，無文不立，無文不成，無文不度，無文不生。中指中節。

#### 大梵章第二十二

是爲大梵，大洞體也。天中之天，鬱羅蕭臺，玉山上京。蕭臺是七寶玄臺，有九層，高參太空之上天。上極無上，大羅玉清。渺渺劫刃，若亡若存。三華離便，大有

妙庭。金闕玉房，森羅淨靈。淨靈乃三清殿下雨池也。

#### 梵炁章第二十三

六十四字，治百病，吞服。

大行梵炁，良上，識者同道此大洞旨。週

迴十方，中有度人不死之神，中有南極長生之君，中有度世司馬大神，中有好生韓君丈人。今日校錄，諸天臨軒。於赤明劫中，在浮黎國中，開圖校錄之日。校是比較罪福輕重，錄是記錄功過淺深。此二句係在招真章。

#### 招真章第二十四

東方無極飛天神王長生大聖無量度人，震上。

南方無極飛天神王長生大聖無量度人，離上。

西方無極飛天神王長生大聖無量度人，兌上。

北方無極飛天神王長生大聖無量度人，坎上。

東北無極飛天神王長生大聖無量度人，艮上。

東南無極飛天神王長生大聖無量度人，巽上。

西南無極飛天神王長生大聖無量度人，坤上。

西北無極飛天神王長生大聖無量度人，乾上。

上方無極飛天神王長生大聖無量度人，中指甲下，資薦用。

下方無極飛天神王長生大聖無量度人。中指中節，使者攝召用。

此十位神王功力甚大，凡有事告神王，遣飛天使者，當誦神王內諱。

十方至真飛天神王長生度世無量大神，並乘飛雲丹輿，綠輦羽蓋瓊輪，

參駕朱鳳，五色玄龍，辰上，治肝病，書吞之。

建九色之節，十絕靈幡，前嘯九鳳齊唱，後吹八鸞同鳴，獅子白鶴，嘯歌邕

邕，治肺出聲。五老啓途，中指中節。羣仙翼轅，億乘萬騎，浮空而來，傾光迴駕。

四指四節，書吞之。監真度生，寅上，催生吞之。

諸天丞相，丞炁，相炁。南昌上宮，韓司主錄，監生大神，寅上，催生吞之。

執籙把符，齊到帝前，隨所應度，嚴校諸天，普告三界，無極神鄉，泉曲之府，北都羅酆，三官九署，十二河源。河源十二月，月度於

東井。上解某人祖考億劫種親，疾除罪簿，落滅惡根，不得拘留，逼合鬼羣。中指中，白誥道告三界，黃紙墨書，計四十八字，行法用。

元始符命，時刻升遷。北都寒池，部衛形魂。制魔保舉，度品南宮。死

魂受鍊，仙化成人。生身受度，劫劫長存。隨劫輪轉，與天齊年。永度三途

五苦八難，超陵三界，逍遙上清，一如符命，金龍驛傳。凡六十四字，後書九幽符，外

青紙朱書。年 月 日具法位臣某吉時告下。

寶諱章第二十五 上清之天，天帝玉真無色之境，梵

行梵行者，道中之道，天中之天，出入無門，真空無碍也。故云三界之上，逍遙上清。升天右券。

元始升天寶券文篆券，大洞法也。用青紙朱書六十八字，背書真文。

太皇黃曾天， 帝鬱繼玉明。

太明玉完天， 帝須阿那田。

清明何童天， 帝元育齊京。

玄胎平育天， 帝劉度內鮮。

虛無越衡天， 帝正定光。

太極濛翳天， 帝曲育九昌。

赤明和陽天， 帝理禁上真。

玄明恭華天， 帝空謠醜音。

耀明宗飄天， 帝重光明。

竺落皇笏天， 帝摩夷妙辯。

虛明堂曜天， 帝阿那婁生。

觀明端靖天， 帝鬱密羅千。

玄明恭慶天， 帝龍羅菩提。

太煥極瑤天， 帝宛黎無延。

元載孔升天， 帝開真定光。

太安皇崖天， 帝婆婁阿貪。

顯定極風天， 帝招真童。

始皇孝芒天， 帝薩羅婁王。

太皇翁重浮容天， 帝閔巴狂。

無思江由天， 帝明梵光。

上揲阮樂天， 帝勃勃監。

無極曇誓天， 帝飄弩穹隆。

皓庭霄度天， 帝慧覺昏。

淵通元洞天， 帝梵行觀生。

太文翰寵妙成天， 帝那育醜瑛。

太素秀樂禁上天， 帝龍羅覺長。

太虛無上常容天， 帝總監鬼神。

太釋玉隆騰勝天，帝眇眇行元。

龍變梵度天，帝運上玄玄。

太極平育賈奕天，帝大擇法門。

已上券裏文背，每兩句作一行，天名用朱書，帝諱用墨書。

三十二天，三十二帝，諸天隱諱，諸天隱名。天中空洞，天帝金闕玉房空洞，謂大洞也。自然靈章，二章諸天隱韻，天中之音，天中之尊，上帝天中之神。太一司命以下。天中大魔，天中之靈。九和十合，變化上清。無量之奧深，不可詳敷落神真，普度天人。

### 受度章第二十六

今日欣慶受度，歷關諸天。辰上請滅三惡，斬絕地根。飛度五戶，名列太玄。魔王監舉，無拘天門。辰上，得道之鬼蒙天尊賜券出符，告得三界魔王，舉到天門，不得拘執，佩之修行，法爲之關，計二十八字，欲開通五道也。東斗主筭，卯上西斗記名，酉上北斗落死，子上南斗上生，午上中斗大魁，總監衆靈。中指中節，保生護命呪符，或書吞之。青帝護魂，卯上白帝侍魄，酉上赤帝養炁，午上黑帝通血，子上黃帝中主，萬神

無越。中指中節，呪之，治身上走疰疼痛，手揉之則安。

### 衛真章第二十七

青天魔王，巴元醜伯。卯上赤天魔王，負天擔石。午上白天魔王，反山六目。酉上黑天魔王，監醜朗馥。子上黃天魔王，橫天擔力。五帝大魔，中指中節，祛邪治病瘡，書而吞之。萬神之宗。飛行鼓從，總領鬼兵，麾幢鼓節，遊觀太空。自號赫奕，諸天齊功。上天度人，嚴攝北酆。神功受命，普掃不祥。八威吐毒，猛馬四張。午上，八威吐毒，酉上，一切毒蟲所傷，書貼。天丁前驅，中指中節大帥仗旛。辰上，辟邪祟。擲火萬里，寅上流鈴八衝。敢有干試，拒遏上真，道之至人蓋衆邪。金鉞前戮，中指甲下，書貼，辟邪。巨天後刑。四指根屠割鬼爽，風火無停。千截首，萬萬剪形。魔無干犯，鬼無妖精。三官北酆，明檢鬼營。不得容隱，金馬驛程。普告無窮，萬神咸聽。三界五帝，列言上清。三十二字，神公所受之命也，大事用之。

### 玉曆章第二十八

元洞玉曆，龍漢延康。眇眇億劫，混沌之中。上無復色，下無復淵。風澤洞虛，金剛乘天。天上天下，無幽無冥，無形無影，無極無窮，溟滓大梵，寥廓無光。赤明開圖，運度自然。坎上，此靈寶正經，計六十四字。凡呪水，用此呪十徧。

### 流化章第二十九

元始安鎮，子上，治驚悸，書吞之。敷落五篇。赤書赭石書之玉字，八威龍文。保制劫運，使天長存。梵氣彌羅，萬範開張。此三十二字，法天也。可呪安宅，書爲大將。

### 升玄章第三十

元綱流演，三十二天。輪轉無色，週迴十方。旋斗歷筭，回度五常。五星也。三十五分，總氣上元。八景冥合，氣入玄玄。

西龜之山一曰龍山，乃九天之根紐，黃氣之淵府。在天西北之角，周回千萬里，與玉清連界，東南接通陽之霞，上承清宮神虎之門，西北則寒穴之野，上通金闕神仙之庭，南則極於

太丹浮黎之鄉，氣協洞陽之光，北則正於勾陳，交關華蓋，氣踐廣陵中央，直衝玉京。八達交風山嶺，平天三萬里，湧金為墻，結玉為門，金臺玉樓，十二神宮，上有自然流精。紫闕金華之宮，瓊瑤之室，傍通九竅之洞。自生紫氣之雲，交帶鳳文。九色落陳，崖生紫桂。秀嶺瓊林，結瑚為條，植玉為根，鸞樹含實，赤子白環。三華耀葩於朱景，反香流芳於太玄。八氣扇颯以長鼓，玉籟空唱而成音。龍嘯雲樓，鳳嘯絕岑，毒獸萬羅，長蛇千尋，神宮堂堂，靈仙紛紛，巍巍元館，觸類吐津。蓋元始之妙化，實天元之靈根也。

契玄章第三十一

玄中太皇，上帝高真，汎景太霞，嘯詠洞章。金真朗郁，流響雲營，玉音攝氣，靈風聚烟，紫虛鬱秀，輔翼萬仙。

成真章第三十二

千和萬合，自然成真。凡和合用此書吞，二指中節。真中有神，長生大君。無英公子，白元尊神。太一司命，桃康合

延。執符把籙，保命生根。上遊上清，出入華房。八冥之內，細微之中。下鎮人身，泥丸絳宮。中理五氣，混合百神。十轉迴靈，萬氣齊仙。凡一章，作布氣呪念十徧，吹患處，二指中節。

挹華章第三十三

仙道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞瑤歌之章，魔王靈篇，辭叅高真。

第一欲界飛空之音

人道眇眇，仙道莽莽。鬼道落兮，當人生門。仙道貴生，鬼道貴終。仙道常自吉，鬼道常自凶。高上清靈爽，悲歌朗太空，唯願仙道成，不欲人道窮。北都泉曲府，中有萬鬼羣，但欲遏人筭，斷絕人命門，阿人歌洞章，以攝北羅艷，束送妖魔精，斬馘六鬼鋒。諸天氣蕩蕩，我道日興隆。

第二色界魔王之章

落落高張，明氣四騫，梵行諸天，周迴十方。疊篆作大符鎮宅。無量大神，

皆由我身。我有洞章，萬徧成仙。仙道貴度，鬼道相連。天地眇莽，穢氣氛氛。三界樂兮，過之長存，身度我界，體入自然。此時樂兮，薄由我恩，龍漢蕩蕩，何能別真。我界難度，故作洞文，變化飛空，以試爾身。成敗懈退，度者幾人，笑爾不度，故為歌音。

第三無色界魔王歌曰

三界之上，眇眇大羅。上無色根，雲層峨峨。唯有元始浩劫之家，部制我界，統承玄都。有過我界，身入玉虛。我位上王，匡御衆魔。空中萬徧，穢氣氛葩。保真者少，迷惑者多。仙道難固，鬼道易邪，人道者心，諒不由他。仙道貴實，人道貴華。爾不樂仙道，三界那得過。其欲轉五道，我當復奈何。

此三界之上，飛空之中，魔王歌音，音參洞章。誦之百徧，名度南宮。誦之千徧，魔王保迎。萬徧道備，飛升大空，過度三界，位登仙翁。有聞靈音，魔王敬形，勅制地祇，侍衛送迎。拔出地戶五苦八難，七祖升遷，永離鬼

官。魂度朱陵，受鍊更生。戊上，已上三十  
二字，黃紙黑書，勅當處土地地祇等神。是謂無  
量，普度無窮。有祕上天文，諸天共所  
崇。泄慢墮地獄，禍及七祖翁。

#### 天寶章第三十四

道言：此二章並是諸天上帝，及  
至靈魔王隱祕之音，皆是大梵之言，非  
世上常辭。言無韻麗，曲無華宛，故謂  
玄奧，難可尋詳。上天所寶，祕於玄都  
紫微上宮，依玄科四萬劫一傳。若有  
至人齋金寶質心，依舊格告盟十天，然  
後而付馬。

#### 普護章第三十五

道言：夫天地運度，亦有否終。  
日月五星，亦有虧盈。至聖神人，亦有  
休否。末學之夫，亦有疾傷。凡有此  
灾同氣，皆當齊心修齋，六時行香，十  
徧轉經，福德立降，消諸不祥，無量之  
文，普度無窮。

#### 陰鍊章第三十六

道言：夫末學道淺，或仙品未充，  
運應滅度，身經太陰，臨過之時，同學  
至人爲其行香，誦經十過，以度尸形如

法，魂神經上南宮，隨其學功，計日而  
得更生，轉輪不滅，使得神仙。

#### 保鎮章第三十七

道言：夫天地運終，亦當修齋，行  
香誦經。星宿錯度，日月失昏，亦當修  
齋，行香誦經。四時失度，陰陽不調，  
亦當修齋，行香誦經。疫毒流行，兆民  
死傷，亦當修齋，行香誦經。師友命  
過，亦當修齋，行香誦經。夫齋戒誦  
經，功德甚重，上消天灾，保鎮帝王，下  
攘毒害，以度兆民。生死受賴，其福難  
勝，故曰無量，普度天人。

#### 至言章第三十八

道言：凡有是經，能爲天地帝主  
兆民，行是功德。有灾之日，發心修齋  
燒香，誦經十過，皆諸天記名，萬神侍  
衛，右別至人，尅得爲聖君金闕之臣。  
諸天記人功過，毫分無失，天中魔王亦  
保舉爾身得道者，乃當洞明至言也。

#### 大洞章第三十九

諸天中大梵隱語無量音，道君撰  
元始靈書中篇：  
宣婁阿蒼，無愆觀音。須延明首，

法攬菩曇。稼那阿奕，忽阿流吟。華  
都曲麗，鮮菩育臻。荅落大梵，散烟慶  
雲。飛灑玉都，明魔上門。無行上首，  
回蹠流玄。阿陀龍羅，四象吁員。南

閻洞浮，玉眸詵詵。梵形落空，九靈推  
前。澤洛菩臺，綠羅大千。眇莽九醜，  
韶謠緣邐。雲上九都，飛生自騫。那  
育郁馥，摩羅法輪。靈持無鏡，攬姿運  
容。馥朗廓奕，神纓自宮。刀利禪猷，  
婆泥咎通。宛藪滌色，大眇之堂。流  
羅梵萌，景蔚蕭嶠。易邈無寂，宛首少  
都。阿繼郁竺，華莫延由。九開自辯，  
阿那品首。無量扶蓋，浮羅合神。玉  
誕長桑，栢空度仙。獲無自育，九日導  
乾。坤母東覆，形攝上玄。陀羅育邈，  
眇烝合雲。飛天大醜，總監上天。沙  
陀劫量，龍漢瑛鮮。碧落浮黎，空歌保  
珍。惡奕無品，洞妙自真。元梵恢漠，  
幽寂度人。

#### 感應章第四十

道言：此諸天中大梵隱語，無量  
之音，舊文字皆廣長一丈。天真皇人  
昔書其文，以爲正音。有知其音，能齋

而誦之者，諸天皆遣飛天神王，下觀其身，書其功勤，上奏諸天，萬神朝禮。地祇侍門，大勳魔王，保舉上仙，道備尅得，遊行三界，升入金門。此音無所不辟，無所不禳，無所不度，無所不成，天真自然之音也。故誦之致，飛天下觀，上帝遙唱，萬神朝禮，三界侍軒，羣魔束首，鬼精自亡。琳琅振響，西上，書此四字吞之，治聾。十方肅清，河海靜默，山嶽吞烟，萬靈振伏，招集羣仙。天無氛穢，地無妖塵，冥慧洞清，大量玄玄也。亥上，書以開心也。

允中切惟靈寶之經，則洞玄部也，一十二部，悉總於中乘度人之一卷。義理幽玄，故謂上聖已成，真人能悉其章。然教因時以顯，法應運而行。學者雖未能蹟隱索微，第經文譯以世字，又非釋氏胡語之不可辯者，祇隨正理而詳審，亦足以洞其大略。故經法自初及中，分而四十章。章各有其義，義各有所主，此則靈寶出法之始也。行持之士，進洞玄之仙職，備靈寶之法僚，可不先於此究心

哉。允中以為宜深徹分章之本意，然後七經八緯之可通。學者能精思詳究，自得無窮之至。天台之書，亦編入法中，於其間小有增改，且易其名曰大經訓解。夫訓解則注釋之義，《度人經》至齊而有嚴東，至唐而後有薛幽棲輩，相繼注釋，自後訓解甚衆，而未可謂之法也。四十章之用，乃法之始。天台却以為大經訓解，此故不得不以實名而入品，非欲故謂異同也。

### 上清靈寶大法卷之三

## 上清靈寶大法卷之四

洞玄靈寶法師南曹執法典者  
權童初府右翊治金允中編

### 七經八緯品

元始大定，神光湛然，七日七夜。洞觀百靈，徹視十方。玉札洞視內解。採鍊祖炁，生聖胎法身。訣未降五行正炁內鍊。黍米寶珠，神變積而成丹。訣未降中理五炁，混合百神。訣未降已上謂之七經。

流精玉光陰陽丹。訣未降內包九鼎，外合九色洞陽符大開圖。訣未降炁流行，合於太陽，流演十方。訣未降三宮修誦。洞照幽微。五品陰功。濟生陽德。升度無間。

已上謂之八緯。

允中竊謂靈寶之道，洞玄之品，肇於洪濛之始，演於億劫之先。及其應運流光，因經立教，皆不出於七經八緯。但其科法，有叙錄入編者，有未

降人間者，已逐事疏出於本品，終不敢牽強而為之說也。台山靈寶中，謂之修誦緯品。其一曰太一含華，玉露迎珠，存之誦之，不待萬遍而登真，名寶珠玄化緯。其二曰司命化生，降而復升，存誦萬遍，馳雲駕龍，白日上登太空，名獅子威神緯。其三曰帝官分身，三元功成，萬遍足備，舉身升仙，名上官妙乘緯。其四曰丹臺內座，中禁成真，六千積功，德同九真，名中禁證真緯。其五曰丹谷潛老，神炁俱存，三千下行，名籍玉京，名下元初學緯。其六曰三炁生三，上合三天，造兆一身，分形十天，形同天師，儀範自然，坐御獅子，在於空玄日光寶珠，五文宗元，十過周回，應感玄變，名立應神通緯。其七曰內服外誦，三十二音，心存玉尊，泥丸帝宮，神誦玉章，俯仰元君，萬遍已畢，無所不成，名玉音萬靈緯。其八曰三界七元，百千萬遍，三界可度，仙翁雲駟，名三界拓靈緯。此其八緯也。自有靈寶大法

以來，諸家編叙甚衆，其他雖互有得失，莫不以七經八緯為之宗本，鍊行累功，登真度世，以致神機道妙，多隱其中。今台山上以修鍊存思，分為八緯，與世傳略不相同。却於經緯儀範品中，略出七經之名，而不載七經之條。往往其人未睹全書，於是以意逆料，遂立此品，用之修誦，固不為礙理，但一失古法。七經八緯之目，皆經中之事也。由網之捨綱，使學者不知發足動步之蹊徑，而覬升堂入室，不其難乎。

### 元綱流演品

元綱則元炁之路，九天之根，在北之角，與玉清連界。東南則接通陽之霞，上承清宮神虎之門。西北則寒穴之野，上通金闕神仙之庭。南極於大丹浮黎之鄉，炁協洞陽之光。北則正於勾陳，交關華蓋，炁踐廣陵中央，直衝玉京。八達交風，即西龜之山，乃天之根也。詳見分章釋用品。

允中考詳元綱者，乃天之根紐，炁之經纏，道源未判，元綱已肇，此乃天地之大體，妙炁之靈樞。羅絡乎三十二天之中，貫通於二十八宿之分，形於上者謂之道，流於下者謂之教，行之內則配合於身，施之用則旋回有法。此乃因天地之自然，象人之體用也。且人之幻身，結形穢濁，受質胚胎，一毫一毛，非塵腐之物。獨我之一靈，與天地相為終始，是均稟祖炁也。故頭圓似天，足方似地。目如日月，體象乾坤，炁息周流，密應天度，人能修此以應彼，則可以與天長存，超然不泯矣。昧者不悟其真，不考其用，乃中曰身備有天地，不假外求，非也。內鍊之法，散而為三千六百傍門，要在金丹正訣。其始也，追二氣於黃道，會三性於元宮。而其成也，陰魄消蹤，陽神契道，隨其功業之輕重，第其資品之崇卑，效職仙曹，受書洞府，終不謂我身有天地而外無天地，內有形神而外無鬼神。得一末術，便以為有內

而無外，何其謬哉。近者亦有知此論之非者矣。所恨不逢師旨，揣量莫得其要。既不全內，又不專外，乃自謂之說曰，謂之不內不外，是又去理遠矣。且蒼蒼在上，天也，日月星辰，天之文也。博厚無根，地也，山川河嶽，地之理也。人之一身，四肢五體，乃天地間之一物，而性靈於餘物耳。戴天履地，而言外無天地，可乎。允中今此所叙元綱之體，乃天之經，常也。次則叙人身取法天地，配合陰陽，言其象也。天以剛健而不息，故天得以長存也。人能會道而澄神，人亦可以不泯也。此非身中自為天，亦非不內不外，未免誤天下後世矣，故不得不明辯之。

元綱者，升神之要路，天階之絕景。道源既判，神天崆峒之上，非言可盡，非見聞可窮。悟其真者，因真修真而外真自應。識其妙者，因妙得妙而外妙自臻。推神天之象，則元綱之位，其遠其近，舉可知也。人之有元炁，開通骨脉腧穴，上達於頂，

一如天上元綱之路。人之魂魄在身，一如氣在天中。知出入則長生飛騰，不知則庸愚之夫。不審術業，未曉仕宦官聯之次，而求見君也。夫元炁融聚，魂魄所養，爰有真精。真精本根於右腎，右腎為命門，在脊骨之窮，其下有太骨，骨中之髓透尻骨，其穴名龜尾，其身為王母，面南而治事。因帝所向而言之，則謂之西龜之山，道家託論為名也。又為之金闕，以其居西也。右為金闕，左為玉房，言玉在山而木潤，居東方也。又玉水之所本，陽精之化，精之所著，名曰淨靈，此乃元綱之炁，根本之所發也。寶圖之設，高壇起於此，鬱羅蕭臺基於此，臺之中尊直當於心，所謂靈臺也。上清之境，太清之上際，則心之下也。心之懸垂，其下為肝。肝之下二分，北斗七星居之，其氣達心，其源上通舌下，名曰湧泉，其氣下達右腎之炁。泄者以湧泉之炁不禁，謂之交鋒。交鋒者，言斗之罡星大魁所照之地，其性肅

殺，其神即慾界也。如知其道者，以舌拄上腭，直運其氣，循脊而上，以脊通頭。頭上者玉京之要路，所謂西龜山，與玉京為鄰界也。今人不知，便以為西龜山在腦。然西龜去玉清之炁四千萬重居，中炁直達在天，則火星最低，炁先及也。又心屬火，言上達而相感。夫日月與火星齊，故遊日月。參之一身，則兩乳與心齊，兩乳者眼之根源也。人之二乳，藏精以養目也。故老氣衰目昏，乳無汁，腎無精。箕斗在天之東北，為天之關樞，艮之位也，於人則右手肩井穴也。人之炁脉，以右為始。天道之行，以西北為始，由西行而至牛宿，則天事畢矣。然未有發生，故造化於此起焉，言重入火星也。人氣雖一周，而消息係焉，重入心中也。由火木水金而行者，天度也。由心肝腎肺者，氣俞也，即背脊之穴也。取脊穴而觀，則上下左右見矣。求其妙而推其喉環，通於頂門，所以為玄玄之妙，難以言而盡，不可指而



名也。無色之界，在心之下，空洞之中，斗魁之左也。復自斗口，則以舌拄上腭，名曰天橋，則超上清而至玉清矣。如此則玉清之景，頭也。上清之景，絳宮也。太清之景，丹田。心為靈臺，則靈臺之說可見矣。於是而守，守之在心。於是而朝，朝之在頭。此三華離便大有之庭也。故天中之天，無英白元之會於心也。自然成真，會於頭也。修靈寶之道於身中，至此而事畢矣，不可得而容聲矣。

允中切論元綱流演之於天者，已叙於前。體合於人身者，存錄於此。學者宜深知此身之所以貴重者，可以為真仙，可以配天地，可以鍊形神，可以會道妙。乃道家因物象以設比喻，法天地以立名稱。隨已育之身，而立有為之法，自有為而至於無為，以有形而升入無形，然後壽齊天地，與道合真。其事始於身中，而不止於身中也。

### 元綱流演圖

允中按《真誥》中諸論五星圖所布，常南面也。以太白位在西，歲星位在東，按而施之，所以爾者。五星隱伏，縱橫無常，不如北斗列象常在，故一以定位於五方，不得隨星之所在也。允中考之天文，五星並無定位，或如連珠，或聚東井，留伏逆順，躔度不齊。按圖行事，合從五行所屬，以定方而已。是《真誥》中所論，亦如此。當知此圖為行事設也。如二十八宿，上貫三十二天之炁，則所屬互相不同。今只以三十二天環列四方，二十八宿亦從天文定位，以正方隅，以便朝謁而已，非以一宿而應一天之炁也。若取某天之炁而下貫某宿則方隅錯雜矣，難於行用故也。謁三十二天，自太皇黃曾天始，至平育賈奕天終，然後回謁二十八宿，每宿十二步，箕起而斗終，於斗宿旋身，回至箕，却望斗魁而至，謁五星如法。詳見淨明經法。

升神上境，入北斗之中，三台六星蓋

頂，而行步斗一座。次六步，應三台而出。左環四十九步，犯火星。又東行入十一步，至太陽謁孝道仙王。復右行六十四步，自北入西至太陰，謁孝道明王。左旋而出，左行復右行。凡七返如環，此無色界。定想見無色界諸仙真來往，於是周歷十方，謁三十二帝，二十八宿。每宿丁罡十二步，以回共三百三十六步，至斗宿。即借箕星之罡，以行直環，望北斗大魁之次，及交風之山。右旋南嚮四十九步，重入火星，經於太陰，三十六步，謁水星，由水東行，至于太陽之側。右行六十四步，成木東向，謁木星。再回而行，借水星罡，復出太陰之傍。八十一步，成金西向，謁金星。東行達于斗口，三十步而入中，謁土星。反行，再入金水木之宿，直望北方玉京金闕，乃八步而進，再拜長跪。

具法位臣姓某臣，幸因宿慶，獲際真風，入靖凝神，恭朝天闕，身外之身，冒抵玉京。臣無任瞻天望聖，惶懼屏營之

至，再拜。

重啓云：臣凡骨性頑，理難超舉。幸因師授，使遂飛神，不避誅夷，敢披丹悃。入事意。臣無任祈恩，俟命之至，謹言再拜，退復元路，神入頂門。呪曰：

蛇蟬蛇蟬，脫殼離塵。吾今朝真，上謁青雲。欲使神人，閉債封形。舉步以去，祕訣靈靈。急急如律令。

右元綱流演之圖，乃梵行諸天之路也。始於飛神躡斗，終於謁帝朝元。若能精思按行，出入既熟，登對不亂，可以上章奏事，役使鬼神，以致脫殼升真，混合梵炁，鍊形之術，朝元之方，莫先乎此。每於三元八節，甲子庚申，入靖焚香，面北平坐，臨目靜思，凝神定想，氣息綿綿，神風不鼓，聳身出頂，如蟬之脫殼，升步空玄。如法行事，自微至著，由想念而及成真，則存乎其人矣。允中謹按：此條乃法中之要用，章奏之本源，如金丹之成，身外生身，事非小補。近世天台靈寶法中，多教人止於身中作用，由不及上極於

泥丸，二十八宿，三十二天，三境十方，千真萬象，環於泥丸之中。其元綱飛步，乃收神入腦，有如集身神朝元之法，又類補腦還精之術。甚至上章啓事，飛神告謁，皆以此為不傳之妙。彼但見傍門法中，有此等功用頗多，便執以為祕訣。既於靈寶不得要領，遽假此以行之。又慮見議於識者，故其徒自想神異，不言於人。豈知元綱流演於三十二天之中，經二十八宿之分，乃天中之根樞也。人身象之，爾存身中之百神，定神中之一念，馳誠上境，會道朝真，非止專力於泥丸而已。存內真而外真自應，知身度而天度可窺。若想念專純，久則鍊神易質，無足疑者。儻還神於身內，注意於腦中，則非矣。學者宜深詳究此機，平心勿泥，庶徹正真之理，共超清靜之鄉。

### 玄穹主宰品

高真上聖，總錄穹玄。妙有妙無，

不可窺測。經典一出，漸露其機。三洞正科，其理淵深。自大唐以後，經誥散失，逐時補綴，真偽混淆。有識之士能別其源，悉其理，始可指其萬分之一爾。元始天尊，萬化之源，道之玄炁。不可擬議，然散而為炁，聚而成形，其中有神，強名天尊，居玉清聖境。靈寶天尊，道之元炁，以教言之，元始為洞真，則至此為洞玄，居上清真境。道德天尊，道之始炁，以教言之，自元始至此為洞神，居太清仙境。昊天上帝，自三炁化生，高出乾坤之表，生萬物而載也，三才肇立，炁清高澄，積陽成天，萬彙之源，豈應無主。故以形象言之，謂之天，以主宰言之謂之帝，出治於玄炁之下，而尊於三界之上，是為天主。按《天文志》云：南極入地三十六度，北極出地三十六度。天形倚側，蓋半出地上，半還地中。萬星萬炁悉皆左旋，惟南北極為之樞紐而不動，故天得以運轉也。世人望之在北，而曰北極，其實正居天中，為萬星之宗主，三界之亞

君，次於昊天，上應元炁，是爲北極紫微大帝也。台山靈寶法中，却云紫微北極大帝，乃三界萬神萬煞之帝，欺罔凡世，褻瀆上玄，深可驚畏，學者所當深戒。天皇帝，乃北極帝座之左，有星四座，其形聯綴微曲如鉤，是名勾陳。其下一大星，正居其中，是爲天皇帝也。其總萬星，位同北極，却爲樞紐，而天皇亦隨天而轉。上應始炁三炁之下，萬天之上，三界之中，莫尊於此三帝矣。

允中竊惟三清三境天尊，人孰不知其爲玄元始三炁。但炁之聚則爲形，散則復爲炁，是萬化之源，三才之祖，天地之根，不可得而名議。赤明啓運，大道流光，或火鍊太空，或真人按筆，真文降世，三洞宣行，故有洞真洞玄洞神之部，天寶靈寶神寶之稱。中古以後，遂立科法，三洞各有經錄，故謂之三乘九等也。道之隱者不可知，道之用者故立教。台山靈寶法中却叙云：元始天尊乃道中之主，太上道君乃法中之主，太

上老君乃教中之主。吁，三洞四輔法籙之源，九品三乘互相通貫，而以爲三清各主其一，其爲誣罔，可勝言哉。想其不知三清之爲何物也。可爲瞽者指路於其前，盲者繼蹤於其後。其說如此，而欲行其法，以拔幽濟顯，敢望其感格耶。台山法中又云：紫微上官天皇帝，則紫微垣中勾陳之下者是也。可以言紫微垣，或言勾陳宮，可也。若稱紫微上官乃是玄都玉京山，非紫微垣也。一字之差別，利害甚重。昔唐朝尊老君為聖祖天皇帝，此乃唐室一時尊祖之典，又非紫微垣之天皇帝也。不識古今，妄稱名號，罪不容貸矣。內有聖祖天尊位號辯論，今世既不設此位，不復書入矣，非漏落也。此聖位乃宋朝之始祖，以元天大聖后為配耳，只今之九天司命真君也。

上清靈寶大法卷之四

## 上清靈寶大法卷之五

洞玄靈寶法師南曹執法典者  
權童初府右翊治金允中編

### 三界宮曹品

#### 上界

無上大羅天，玄都玉京，玉清境，上清境，太清境，九天大帝，九天上帝，三炁丈人，三寶君，三天門下天樞院，泰玄都省，種民四天，無色界四天，色界十八天，欲界六天。係三十二天大福世界八梵天，五老上帝宮，東極青宮，東華上相宮，南極長生大帝，西靈龜闕，四極真王，北極紫微垣，天帝垣，太微垣，丹靈上官，韓司火府，上清童初府，北魁玄範府，三界魔王宮，五帝魔王宮，太陽宮，太陰宮，北斗七元宮，上元天宮宮，清靈左宮，元皇中宮，洞白右宮，上元九府三十六曹三宮。

#### 中界

中嶽崑崙山，十大洞天，三十六洞

天，三百六十名山，九壘，北都羅酆山，北太帝君宮，紂絕陰天宮，泰殺諒事宗天宮，明晨耐犯武城天宮，恬昭罪氣天宮。按《真誥》所載六宮名數，內第四宮名恬昭，不知恬昭是也，恬照是也。後人更宜詳考。宗靈七非天宮，敢司連宛屢天宮，十王真君，洞陰金闕，北都府，司命府，五道府，泉曲府，丈人宮，鬼宮北斗，四明真公府，變生府，溟泠大神，東嶽帝宮，泰山府，乃東嶽分治所中元地官宮，中元九府，共四十二曹三宮。

下界

東霞扶桑宮，暘谷神王府，蓬萊宮，蓬萊都水司，方諸青童宮，十洲，九江水帝宮，四海龍王，四瀆源王，五湖王者，十二河源，下元水官宮，下元三宮九府四十二曹。

允中切聞天真司於上境，鬼神主於幽冥，固非世人所可測。然而行持之士，亦須少達天地之正理，粗曉教法之源流。既不通古今，又不考經典，妄以己見測度，迷悞後世，可不哀哉。靈寶之法因應世，而列科條

奏申所及祈請，所關有所據，而言之可也。台山靈寶法中，以三清上帝列為三師，救苦天尊為真師，又稱玄師。法中續添言辭，皆以玄師冠其首。不知後世增廣之書，與舊典不同。又立修用仙曹品，以經中一句作一司。且如不得拘留，逼合鬼羣，經中本意自謂應度之魂，出離幽境，不得復行拘留，而逼合於鬼群之中，是承上文之義爾。却取以為不得拘留司，逼合鬼羣司。如無所不辟，無所不讓，無所不度，此言大梵隱語之功用能如此。今却不同經意，取以為無所不辟司，無所不讓司，無所不度司。今日欣慶受度，歷關諸天，魔王監舉，無拘天門。却除去今日二字，取以為欣慶受度司，歷關諸天司，魔王監舉司，無拘天門司。此言經之功用感著，今日欣慶受度之後，歷關諸天，則魔王保舉，無拘天門。爾乃斷章破句，悉以為司，且有修用仙曹，施用仙曹，赫奕仙曹，三界所向仙曹等例，牽合誕妄，無所不至。

如三界所向之字，初不出於經中。赫奕二字，則經中自號。赫奕諸天齊功，乃稱天中魔王之威德，初及其他，亦非有此曹局。今却取經中名列太玄等語三十餘句，以為赫奕仙曹，與經中之義了不相關。似此不止二百司，其法者書以為將吏職位，及臨壇呼召，不識正理，不知慚愧。三洞四輔經典數千萬卷，若皆以經中一句為一司，則經誥典章乃盡為司局之名。深機奧義，皆莫得聞。王升卿所編《靈寶大法》考證甚多，其以經句為司處亦有數條，失於刪去，已為不當。而台山排聯補綴，礙理極甚，如掌醮司、降聖司之類是也。自宋齊唐，泊于宋朝，所設羅天醮三千六百位，則包總備具，亦無此等司治。天樞院居三天門下，詳見拜章科典。乃改稱南極天樞院，猶誤也。自北極為中天，過北極方至天門，南極則入地三十六度，與北極相對。今却顛倒錯謬，不知南北，憑此關申，得不違科失格耶。允中今

立玄穹主宰品，以明三清三帝三炁之源。繼之以三界官曹品，以備關申之目。祈禳升度，拔幽濟顯，已足備事。恐學者反謂此書之略，或輕易增入，謬妄名司，貽害無窮，故不得不為之辯。

### 朝元人靖品

夫靖室者，不雜塵穢，不交世事。建立壇墀，法地象天。稱家之有無，隨舍之廣狹耶，排列聖位，望闕朝元，內外莊嚴，身心同潔，交真靈於胎蠻，會至道於洪濛。非在妄立名稱。以欺世罔俗也。在宮觀則設三境至真諸天帝位次，或居俗舍則中建三寶，傍列衆真，遇朝謁望闕存思而已。今具聖位之略云：

玉清聖境元始天尊，上清真境靈寶天尊，太清仙境道德天尊，昊天上帝，北極大帝，天皇大帝，后土皇地祇，長生大帝，青華大帝，東華木公青童道君，白玉龜臺九靈太真金母元君，東極

太乙救苦天尊。已上正列，不立位則口啓。

九天上帝，三十二天上帝，五福十神太一真君，上清十一曜星君，北斗七元星君，天地水三官大帝，北極四聖元帥真君，靈寶五師真君，日宮孝道仙王，月宮孝道明王，太極仙翁葛真人，都仙大史妙濟真君，南極長生大君，度世司馬大神，好生韓君丈人，司命司錄尊神，延壽益筭度厄尊神，三界大魔王，五帝大魔王，五天魔王，十方無極飛天神王，南昌上宮主宰高真，北陰酆都大帝，東霞扶桑大帝，五嶽五天聖帝，酆都六天十洞主宰，陽谷神王，九江水帝，十二河源聖衆，洞天福地主錄仙真，崑崙上宮三百六十名山仙衆，童初府蕭閑堂易遷館真仙聖衆，三五功曹，左右官使者，左右龍虎君，侍香金童，傳言玉女，五帝直符，直日香官。已上共三十七位。

清旦澄神定志，整具冠褐，先立戶外，臨目，存思身神羅列，叩齒九通。乃微呪曰：

大明靈神，九度鬱青。朝霞藏輝，濯鍊

五神。宣駕六合，七神調平。結節散釋，胎根肅清。

臨壇符法品中云：凡入戶先左足，出戶則先右足。此品却云：舉右足入戶，未審是非。切記用心於諸經法中參考辯證，續見《真誥》中載云，入靖戶先前右足著前，後進左足，令與右足齊，畢乃趨行如故。使人陳啓通達上聞。方知臨壇品中錯誤。再叩齒九通，念朝入戶呪：

四明功曹，通真使者。傳言玉童，侍香玉女。爲我通達，道室正神。上元生炁，入臣身中。令所奏章，關達上聞。

舉右足先入戶，至聖前烈火豐香，平心定炁，存香官使者，左右龍虎君，侍香金童，傳言玉女，夾侍香案。日月去面，各九寸，北斗蓋頭，嚮向前，三炁鬱鬱，身在炁中。然後閉炁定神，對席心拜，或端簡三拜，叩齒，依儀奏啓。因心所祝，存誠上達，使徑御九天也。閉炁出地戶，念朝出戶呪：

出陰入陽，萬神開張。關啓事畢，請閉

黃房。侍香玉女，明備神宮。

凡入靖燒香朝真，切勿反顧，出戶亦莫回視。將行事時，不得與人言語，并足蹈戶下。不得以口齧香，不可用竈火燒香。如遇戊辰戊戌日并疾風暴雨大雷急電之時，皆須暫停，俟天炁稍靜，方可朝修。已上皆是法中禁戒，違者獲罪。落景入靖，精念九神，下應帝席，叩齒九通。呪曰：七星玄真，魄靈皇君。流輝內映，浹御斗魂。三台耀華，七液纏津。金璫虎籙，備衛生門。神化洞虛，攝輪紫庭。

次叩齒，念夜入戶呪：

四上功曹，龍虎使者，正一生炁，侍香素女。夜有所啓，願得開明童子，太玄少女，與我俱入。黃房之理，通達所啓，皆使上聞。餘如清旦儀。夜出戶呪：玄上太陰，八窗開明。夜有所啓，少女通靈。事畢復位，萬神咸寧。

或於靖中端坐，存念，隨平日所得功用密行，尤佳。或參行諸法，別有儀範者，自依本條。《真誥》云：凡入室燒香，皆當對席心拜，叩齒陰祝，

隨意所陳，惟使精專，必獲感應。

允中謹按《真誥》云：奉道之家，當精治靖舍。蓋欲屏除妖穢，祛斥外務，而為朝修之所也。初不曾稱有名。東漢正一天師內修真行，外立殊功，周歷名山，惠及萬彙，然尚未敢僭立名稱，妄自尊大。至順帝漢安元年，感降老君。面承道旨曰：吾昔降蜀山，立二十四治，上應二十八宿，下實陰景黑簿之司，分掌世人生死罪福。近有鬼邪侵奪，枉害生民。遂命天師攝邪歸正，復興此治。至唐避高宗御諱，世人遂改稱二十四化。故今總稱治化，是乃肇基於古，而天師復興之。六十甲子生人，分隸其間。於是都功籙中，隨本命用為治印。天師亦因道運興行，一整諸治，建立福庭而已。晉許旌陽夙質仙資，久修上道，年四十有餘，棄官東歸。時道行已著，與吳真人遊於嵩陽，聞金陵丹陽縣黃堂靖，有女師諶母，往叩道妙。母遂出蘭公所留銅符鐵券，金丹寶經，諸階祕

訣，孝道明王之教，盡付許君。母又飛茆於西山之南，許君尋得其所，遂建祠宇，亦以黃堂名之，今號崇真觀。初真君往訪飛茆，路傍伐除妖怪，明日登山巔，指山腰之泉罅曰，是有異物藏焉，後將為孽。遂立壇靖以鎮之，今號龍城觀。暨還豫章郡城，誅海蜃巨蛇，遂留壇井，鎮弭後患。其勢布若斗星之狀，即進化靖、節奏靖、丹符靖、華表紫陽靖、霍陽靖、列真靖也。是凡此之類尚多，今多為官觀，乃真君立靖之本意也。鎮奠靈山，降伏妖異，名與乾坤而並久，功齊天地以無窮，德重勳高，拔宅升舉，亦非世俗符水之人私居，輒立名號者。德不齊漢天師，豈應與復治化。功不並許旌陽，不當建立靖名。此外別無經據，實天下之通論。近世行靈寶之人，皆自矯妄，僭立靖名，不揆輕重，不知退遜，跨越於漢天師，並駕於許旌陽。且云：默坐存神，金光之中現出靖名。吁，豈非欺天耶。若坐中金光可睹，面

接天書，乃上仙地位，難久稽於人間矣。何其罔人，以非其道也。行持之士，宜稍安分守。僭妄如此，誠非善後之計。儻塵中上士，物外高人，或居官觀，或處家庭，當治靖舍，以備朝修。遊歷四方，客寄他境，則隨寓望空朝謁，亦可以感徹上玄，正不必輒立靖名，詐稱神授，以肆妖妄也。移申發奏，從舊制則稱三天門下，南曹為額。據所行之法，則用靈寶大法司。有何不可，切不得隨順世俗，以助欺罔。若有力之家置立道院，而揭其名，或建堂館而榜其額，此則世間臺榭之名號，而不施之天地鬼神之前者，自從其便。

### 誦持存思品

欲行道誦經，當預備香湯沐浴。今只用桃白皮、淡竹葉煎湯，舊用五香湯。即青木香、甘松、丁香、沉香、白芷五件，共煎湯。天台法中令人用薰陸香，非也。道家所忌之物，非古法也。

先存三晨，照盆視湯，呪曰：  
太玄真液，鍊炁生靈。沐浴蒼華，誦詠洞經。七祖飛仙，我騰上清。

解髮就浴，呪曰：

神宮振天，黑雲散開。流金火鈴，煥擲無邊。使我通真，遊行諸天。無量度人，招靈命仙。

解衣呪曰：

五斗配衣，龍虎侍真。開明三景，上登玉晨。解衣成仙，使我長生。

就浴呪曰：

靈池玉泉，灌我身形。內鍊五藏，外通九門。使炁開通，尸穢蕩清。萬徧保舉，入登帝庭。

戴冠呪曰：

雲層碧玄，使我通真。冠髻召仙，五炁攝真。神華發光，上升帝庭。取桃竹湯一盞，先飲。

呪曰：

齋科中則先飲後浴，經法中則先浴後飲。

黃神守關，青帝護魂。天驕咆哮，萬魔喪精。尸血盡滌，青虫滅形。七魄鍊化，紫雲自生。遊宴太元，高真併襟。

著衣呪曰：

神童侍衣，玉女燒香。登拜經室，玉音琳琅。度我七祖，除穢禍殃。延年長存，寶漿雲根。

入室平坐，思空玄之中，青霄紫雲之上，三十二天上帝冕服，端圭，正立，隨方環列，森然如象黍珠中朝元之式。然後叩齒一通，心拜一天帝，則為簡當。別一法，乃存三十二天金樓玉殿，天帝各居其中，然後心拜，亦可。但覺樓殿宮闕存思，繁瑣而勞耳。定，以東向誦經心拜，自太皇黃曾天始，次存青黃白三色雲炁，自三丹田出，翕冥滿室，上接三境天中玄元始三炁，混合天地，遍覆十方。蓋三炁者皆從一炁而生，今居三炁之中，以表學人存三守一之道。次存青龍從肝出左，白虎從肺出右，朱雀從心出前，玄武從腎出後，獅子自下丹田出，白鶴兩眉後出，各六，羅列于左右。眉後兩小穴中為六合之府，日月出其中，日紫色赤光九芒，月黃色白光十芒，去面各九寸，光霞

遍徹室內，燦然金碧。光芒回入鼻中，泱腦後四寸金華宮，項生圓象，大如車輪，光明映照十方。如此分明，於是密呪曰：口言而耳不聞聲爲密呪。無上玄元太上道君，召出臣身中三五功曹，左右官使者，侍香金童，傳言玉女，五帝直符，直日香官，各三十二人。此數句只是密呪。外別無呪。下文云云文經旨所載。

各存思森然環立，至几前畢。引炁三十二過，以口吸引之，非引出也。又法，以鼻引之，自黃曾天始，入復徹形，洞泱內外。東向者，是長生之方，諸天所尊重也。焚香正己，注心歷目，徹聲吟詠，若直爾念誦則無益也，或有誤錯耶。却上三十字讀之，勿使急速。苟貪遍數，翻為徒勞。調聲詠誦，令神和魄暢，室中常使香炁綿綿不絕。初遍讀從序至末，次則自元始洞玄靈寶本章起，周十過為一遍。若有急事暫起，稍久存思，讀序如法十過。既周，整神靜念精思，納功曹玉女等。曰：

臣誦經已訖，向來所出身中三五功曹，左右官使者，侍香金童，傳言玉女，五帝直符，直日香官，各三十二人，悉還金房玉室。在左還左，在右還右，無令差互。後召復到，一如故事。

允中嘗聞，誦經乃鍊神之道，清修之首要。在乎先究經之大意，次明誦之存思，讀其文而解其義，遵其法而澄其神。行之於外，可以濟物而立功。修之於內，可以登真而度世。神而明之，存乎其人。儻口誦而心違，言貞而行穢，經誥之聲不絕，險惡之念盈懷，自幼及老，持念無成，又安可責報應於萬遍之間哉。且經中之奧理，上古已成真人，始洞其章，或者因此出奇。經中行道之日，皆當香湯沐浴，至項生圓象，光映十方，如此分明，密呪曰。此蓋為存思已定。然後密啓無上玄元太上道君，召出臣身中功曹將吏。蓋密呪不欲耳聞，使心念精，百神森衛。乃其陳清堂修行誦經之意，以致上徹，徑御三十二天，引炁三十二過，皆密

呪時行用之事也。其理昭然。初無疑侶。乃於此妄增密呪一段，且編入經法中，其呪文與經中之義略不聯屬，理難存用。如本經自太皇黃曾天，帝鬱繼玉明；太極平育賈奕天，帝大擇法門，乃諸天隱諱，諸天隱名，故能普度天人，功用如此，是第一章也。第一欲界飛空之音，至其欲轉五道，我當復柰何。此則三界之上飛空之中魔王歌音，誦之萬遍，則魔王保迎，以至泄慢則禍及七祖，是第二章也。次方總云：此二章並是諸天上帝，及至靈魔王隱秘之音，蓋諸天上帝，是指前一章三十二天諱也。至靈魔王隱秘之音，是指三界魔王歌也。故云皆是大梵之言。夫皆是者，亦總二章而共言之也。文意聯讀，詞旨貫接，豈容增損。而或者却云：此二章之前，乃是缺文，自有其辭不在經內。因別撰二章，以誑後學，愚者以多信之，增添密呪，與偽作二章。却非天台法中續添者，乃起自劉漢間，今其說



已流布江之東西。然流言止於智者高見，達識之士必能共加排斥，免致異論滋熾，則善也。凡誦經存念，皆以內而應外，一炁分三，是為玄元始三炁。夫一炁之始，無形無名，三炁之分，是為三尊。天以此炁而肇造乾坤，人稟此炁而生育軀體。故出身中之三炁，羅絡一室，上感天中之三炁，彌滿六合。存內真而外真自應，澄神而天地皆歸，久而與道合真，成仙易質，非專外，亦非不內不外也。學者其詳之。劉漢，乃五代時也。

### 上清靈寶大法卷之五

## 上清靈寶大法卷之六

洞玄靈寶法師南曹執法典者  
權童初府右翊治金允中編

### 玉札靈章品

魁 魁 魁 魁 魁 魁 魁 魁 魁 魁  
魁 魁 魁 魁 魁 魁 魁 魁 魁 魁  
魁 魁 魁 魁 魁 魁 魁 魁 魁 魁  
魁 魁 魁 魁 魁 魁 魁 魁 魁 魁  
尚蝕 尚銜 尚饒 尚餽 尚餽 尚餽  
尚銜 尚饒 尚餽 靈 靈  
雷 防中 表德 岳

右四十九字，朱書經黃紙上，入室靜念，或剪為細圓，或燒灰水調密，啓太上，淨水服之。

### 口表

臣某言臣地界行尸，塵途陋質。幸承宿運，獲被真風。所當內鍊形神，外祛邪妄，輔乾坤之大化，翊道德之元綱。然而茅塞凡心，未能識通炁候。伏睹靈寶玉札，可以錄炁聚神。以今清堂行

持，服符請炁。恭惟太上無形無名至真大道，肇陰陽之根本，立天地之胚胎，俯憐後學之愚蒙，溥降先天之正炁，灌注四體百骸之內，熏蒸五藏六府之中，庶俾徹視，無所不通。執法而行，有妖皆剪，三灾不及，百順咸臻，早遇至人，亟逢真授。謹拜口表上進以聞，臣誠惶誠恐，稽首頓首，再拜謹言。

謹述玉札之略不過乎。此蓋大道之宗，不可言宣，不可理測。妙有妙無，豈存形跡。然而既立科法，於是譯此靈音，以行真化。故符書字畫，所不可無。別本所載魁魁，天地諱魁，日月諱曜道枝正蒼條將軍梁高寒爽，日月帝皇內諱閃闕闕閃闕閃闕閃闕閃闕，玉皇君諱魁魁魁魁魁魁，南斗諱魁魁魁魁魁魁，北斗諱魁魁魁，三台諱靈靈靈，三天內諱天地眾。三天隱諱防中表德岳，三天真諱魁魁魁，三師真諱魁光音，三師諱魁，真武諱魁，天猷諱魁魁魁魁，五嶽諱魁魁魁，三塗諱魁魁魁魁，六丁諱魁魁魁魁，六甲諱魁魁魁魁魁，神虎夫人內諱何魁，

喬魁，侯魁，魏魁，張魁，劉魁，蔣仁貴，神虎大聖諱尚蝕，尚銘，尚饒，尚餽，尚餘，尚飭，尚餒，尚餽，崔樞旋，盧機權，鄧衡文，寶陽光，一名陽言置諱太一天真，太初天真，真仙真人，三真諱洞玄潛，北極諱天命長人桓寧，上帝諱魁魁魁務猷收，太一諱魁魁魁魁魁魁魁，雷雨諱已上計一百六十五字，為玉札。且有默表一通，却錄于第二品。似覺言辭淺近，未知大道之本真。如魁至魁，七字在玉篇及天文中以為星名。外如三天內諱，三天隱諱，諸天隱名之義，天中之音，非世之字，合天之音，亦感召之理。夫天地乃道之形，元炁乃道之本。一元未判，無形無名。天地初分，書契未立。及其在天成象，在地成形，天之主宰止稱上帝。暨乎靈章漏祕，火鍊太空，結炁成文，符圖漸出，中古立教，譯以世書。於是天真有號，星宿有名，天文有經，地理有別。故經中有諸天隱名，是天中帝真之名號也。今總而直言，天名魁，地名魁，則以

不可名之體而立別名。雖有所據，亦不宜疏出，必見譏於高識之士矣。今編出古靈寶法中四十九字，乃天地既分之後，經誥已出之餘，星一象神物之名爾，法書經籍中稍易考者。儻言天地有姓有名，則如泰密之戲論矣。又古法中有內鍊之法，朱書玉札四十九字，安小瓶中，以淨土七合密封，平旦誦呪，取五方炁吹瓶中，以甲子日為始，至第二甲子取瓶中玉札燒服。古法中名內鍊寶藏。今既拜口表，服玉札，故於此一條，不復別出。亦以太拘形跡，非徑易之道。然古書既有，不敢缺失，故附序其條目於此。

### 三晨芒曜品

日月麗天，玄斗中建。協平五緯，調正陰陽。總理元綱，輝映六合。三才因之以立，萬彙資之以生，惟人稟受中和，結直形體。若能養鍊神炁，節逸性情，外靜內澄，動符天度。然後可以

採服暉耀，召挹靈芒，納諸身中，百神澡鍊，施之宇內，兆庶蒙休。若云布炁書符，特餘事耳。儻炁之清者，不存於胸襟。情之昏者，橫塞於靈府。雖得神文祕呪，面接三晨，亦云徒勞矣。高上靈寶虛皇之祕，始於積一生三，心與道俱，則躋靈寶之闔域。若其次者，三晨之光，為靈寶之機要也。此段可知金先生得道矣。其言甚妙。東卿司命神君曰：先生王君，昔見授《太上明堂玄真上經》，清齋休糧，存日月在口中，晝存日，夜存月，令大如環，日赤色有紫光九芒，月黃色有白光十芒。存咽服光芒之液，常密行之無數。若不修存之時，令日月還住面明堂中，日居左，月居右，令二景與目童合炁相通也。此道可以攝運生精，理和魂神，六丁奉侍，天兵衛護，此上真道也。《太上玄真經》先盟而後行，行之然後可聞玉珮金璫之道耳。季偉，茅君之弟諱，昔長齋三年始成，竭單思乃能得之，於是神光映身，然後受書爾。此玄真之道，要而不煩。吾常寶祕，藏之囊時，故相示

有慎密者也。《玄真上經》未降世，太虛真人南嶽赤君內法曰：每以月五日夜半子時，存日象在心中，日從口入也，使照一心之內，與日共光相合會。畢，當覺心暖，霞輝映臉。良久，呪曰：

大明育精，內鍊丹心。光輝合映，神真來尋。

祝畢，咽液九過。到二十五日、二十九日，復作如上。使人開明聰察，百關解徹，面有玉光，體有金澤。行十五年，太一遣寶車來迎登太霄。行之務欲數，不必此數日作也。此一條出《太上消魔經》。

東華真人服日月之象上法：男服日象，女服月象，旦不廢，使人聰明朗徹，五藏生華，魂魄制鍊，六府安和，長生不死之道。

日象  月象 

南嶽夫人曰：大方諸宮，青君常治處也。其上人皆天真高仙，太極公卿，諸司命所在也。有服日月芒法，雖已得道爲真，猶有服之。直存心中有

象大如錢，在心中赤色。又存日有九芒，從心中上出喉，至齒間，而光芒迴還胃中，如此良久。臨目，存見心胃中分明，乃吐涎漱液三十九過，止。一日三爲之。行之一年，疾病頓除。五年身有光彩，十八年必能得道，身行日中無影，辟百鬼千惡災氣。常存日在心，月在泥丸中，夜服月華，存月白色十芒，從腦中下入喉芒，亦不出齒間，而回入胃，如服日法。右此方諸真人法，出《大智慧經上中篇》。常能用之，保見太平。又曰：行此日在心，月在泥丸之道，謂省易可得者。若行無中廢絕者，除身三尸百疾千惡，鍊魂制魄之道也。日月常照刑中，則鬼無逃形。青君今故行之，吾則其人也。告今以子，子可密示有心者耳。行此道亦可行寶書日月法也，兼行亦善也。即紫文中日十六字，月二十四字也。仙人一日一夜，行千事初不覺勞，明勤道之至生，不可失矣。此乃天人告楊真人語。

凡人常存識己之形軀，使髣髴對坐我前，使面上帝，有日月之光，洞照

一形。日在左，月在右，去面九寸。存畢，三叩齒，微呪曰：

元始上真，雙景二玄。右拘七魄，左抱三魂。令我神明，與神常存。

祝畢，叩齒三七過，咽液七過。此為帝君鍊形拘魂制魄之道，使人精明，神仙長生不死。

### 上清紫文吞入炁法

一名赤丹金精石景水母玉胞經。

其法常以日初出時，東向叩齒九通，微呪日魂名，日中帝字。曰：

日魂朱景，照韜綠映。回霞赤童，玄飈炎象。

呪此十六字畢，握固，存日中五色流霞，來接一身，日光流霞俱入口中。

### 上清紫書吞月精法

其法常於月初出時，西向叩齒十通，微呪月魄名，月中夫人字。曰：

月魄暖蕭，芳艷翳寥。婉虛靈蘭，鬱華結翹。淳金清瑩，炁容素標。

呪此二十四字畢，瞑目，握固，存月中五色精光，俱入口中。又見月光中有黃炁，大如目童，名曰飛黃月華

玉胞之精。能修此道，則奔日月之仙也。

已上數條出於上經及《真誥》諸事中，乃高真事業上道之門，儻心未清靜，神未安定，則無覲於靈驗也。力未及此，則從其次者存神請炁，近同常法行之，精專亦足以致真感靈。未免以形跡求之者也，疏於下條。

### 飲斗光法

每月初七、十七、二十七日夜，日月明朗，天地瑩潔，黃昏望斗焚香，掐斗訣，戌至辰叩齒七通，一叩一誦星君，魁魍魎魍魎魍魎，先吐濁三口，次呪曰：

威武靈靈，神光七星。內外利貞，與我合并。急急如律令。

呪畢，存星光七道下注口，吸飲七口，急漱液送下，定神再拜。呪曰：神光灌注，五臟六腑。存真去穢，急急如律令。

久行之有驗，則夢見日月星辰，或龍虎之象，或雷電光耀，則得其梯階也。

### 服日光法

平旦日未出時，焚香東向，定炁存神，伺日初升，再拜臨目。

具法位，上啓日中帝君，日宮神仙，乞降靈芒，灌注臣身。願得五藏生華，身有光明。密念日魂十六字，引光吞服，使滿腹中。再拜而退，引光吸咽，無正限數。

### 服月光法

昏黃月將出，望月光，定炁存神，再拜臨目。

具法位，上啓月中皇君，月宮神仙。乞降靈芒，灌注臣身。願得五藏生華，身有光明。密念月魄二十四字，吸月中白光，入口吞服充滿，再拜而退。自始生明，至望止望後，太陰減光，理不再服，翌月如初。

允中末學，不足以知奧義。第聞師友之餘論，窺教門之典章，似有所悟，不容緘口，惟思與同學之士共之。夫三晨又曰三光，亦曰天之三奇，即日月星是也。星曜衆多，不可備言。帝座之外，獨中斗總高列宿，

調正天經，生化之源，喉舌之任，為星中之機要，並日月為三光。且太極既肇，清炁為天，華炁之明，以為日月星辰。惟斗斡旋於天中，下而五嶽四瀆，九州分野，人物生齒，山川草木，莫非藉此以植，因斯而生。天捨是則不足以正乾綱，人捨是則不能以陶形質。上學之士密炁冲虛，則明玄中之玄，而悟道中之道。合元炁而為一，固不待挹暉採炁矣，是乃非世人常行之論。於法術生焉，何術不資於三光，何法可離於中斗。幾乎上道者，則靜坐存神，引芒納炁，雖成真之後，尚當勤行。其次者則焚香瞻象，誦呪飲光，雖形跡之尚拘，而精專之可應。此外求炁之法，則太陽以十二時移一度，太陰以五日移兩宮，積其分抄，筭其盈閏也。斗罡則以河魁臨戌，天罡指辰，月將加時，每月定以中炁，筭之魁之所指。然後望方引吸。是雖曲盡其妙，然未可倚斯為得法之徑路，是非上經之所重也。天心正法以三光為

主，應世除妖之職，立功宏化之端，前後其法中所用，三光皆不可捨。方隅向背，手掐足步之法，蓋為學有序，罔得越陞。合從詳悉之法門，以資符水之行用，得其機要者，亦有功之人矣。不可謂其常說而輕之，又在乎用心一與不一也。至如日月呪而用梵語者，後世流傳之久而有之。上經無梵音，前輩多辯之矣。近世之行靈寶者，只欲自成一家，不肯與正一法錄同其說。故於靈寶中略去三光之論，惡其名與天心雷同，不足以賣奇於嗣法弟子，殊不知靈寶又其可捨三光哉。乾蓋之穹隆非不高也，星辰之昭煥非不遠也，人居其間豈不寥絕。以勢言之，欲得其炁則難矣。以理推之，則有可得者在物有之矣。螺蚌之吸月，久乃精光透殼，產珠而明。犀牛瞻星月，終焉暈入兩角，或為星象，或為月形。彼蟲獸而無知，亦得三晨之精耀，豈其有呪訣方隅而得之也，蓋其心無思無慮，不撓不雜，見月則吸月，睹星則

望星，惟精惟一，故非高非遠，矧人為萬物之靈，反蟲獸之不若哉。為其靈惟汨於事物之間，心智流於機謀之域，以至學道之士，又多好奇怪，用心愈雜，報應益遙。良由致力於末，妄其本不能專精，而泥於術，得術不由於哲匠，未免萬劫而徒勞。存思祝請，不可無也。要須澄其念慮，定其精神。存念於三晨之輝耀，專心於一念之精誠，期於能感能通，全在毋退毋墮。詳考諸家採服之法，多萃今之所編，皆可按行。但考筭方隅，度量節炁之類，不復編入。應有可以致驗之術，何憚其繁。亦非欲天心法中分別。蓋靈寶之教，貫乎上道，前之諸法，格當施用，故不應下而泛取也。天台《靈寶經》緯修用第十八品，備載存神參斗之法，謂能割移死籍。乃以竹為棚架，懸鏡為斗形，步斗然燈，仍用緋絹七尺，書斗諱包於額下，結之腦後，仗劍噴水，以劍斫蓋四十九下，吸斗星之炁，要見斗口二星，可以不死。又

於每月三七日亥時，入室置香鑪頂上，如鍊頂之狀，存煙上升而朝斗，次方習出神朝元，以為緋絹包頭，架棚懸鏡，然香頂上。既類厭蠱之術，又成妖巫之狀。況於求仙之道，禮法為先。靈寶乃孝道明王之教，以孝弟為主。忠直孝敬自可動天地，感鬼神，至於住世留形、延年却死，亦須內精修鍊，外立功勤，際君得時，則為天下興大利，除大害，宏恩於萬彙，加惠於四方。未會風雲，則收光斂跡，謹身退藏，力之所及，尚當積功立德，隨心而濟物，因事而利人，施藥施符，斥邪拯厄，歸至真之道，參純正之師，昭格皇天，名聞玉闕，當是之時，死籍可割，生名可書。今乃教人妖邪巫覡之態，夜為厭禱不正之術，既非齋醮壇席之格，又非奏章朝修之儀，僥倖以此割死籍，上生名，亦愚之甚矣。仰惟虛皇之正教，乃冲素之宗風，不泯古之典刑，故寬求於簪弁。既入科典，於是星冠羽服，執簡舒壇，入靖焚香，朝元

啓事，如恭對君父，如面覲天威，進趨有儀，朝修有法，從容不迫，定炁存神，交真靈於恍惚之中，馳一念於太虛之上。及其致辭，必先祝國君之萬壽，次祈九祖之升遷，惟孝惟忠，遵守禮法，是科教之本也。大道之門戶至正無邪，又安有紅繒包首，操刃斫器之事哉。以斯而謂之參斗，誤人顧不甚歟。却以紫文中日魂朱景一十六字，月魄曖蕭二十四字，及斗星名魁至魍，皆令人對象請炁，編入祈恩謝過第四十一品中，號為靈寶開明三景之道，謂之三境真炁。既不考來歷，又欲避三光三晨之名，以為異也，日月星之炁，而稱三境真炁，可乎。其第十八品中參斗之後，又有朝元法，存神如拜章之儀，不當連於參斗也。及載升度剛風符，三天朝元畢，天曹建邸，崇立靖名，每日會仙曹入靖，分神治事等說，極其怪誕。所叙西龜山圖，即經法中源綱流演之義，所述多失本源。自存神參斗已下，其法中指為靈寶

七經，非也。本經中七經八緯，允中已從舊格條目編入，今作第六品。學者宜平心考訂，邪正自分，切不可以此彼之說，而混雜此書，庶可依據經旨耳。

### 五行正炁品

魁魍魎魍魎魍。服斗星名。

右法朱書黃素，以黃蠟和為七丸，一日一服，清心淨水吞下。七七日外智慧目明，日誦萬言，開口不忘。

魍魎魍魎魍。六字治病法。

右法朱書黃上，治百病。

魍魎魍魎魍。服字內注六丁法。

右法於上六日午時。朱書黃上，每二字作一符，六字作三符。至上七日五更後睡覺，取上二字，淨水吞之。候聽，聞初有人作聲，吸炁咽之，中、下一七日同此。名曰內注六丁。一月受持足日，自此之後，凡見有邪鬼纏惑之者，心念一遍，閉目良久，六丁告於心神，意中所出言語，

皆是鬼邪作禍之由，至於服色人數，一一皆合其驗。此六丁名也。

魍魎魍魎魍。六甲遣妖法

右法凡小末妖魂作過，朱書，同金錢火化，其邪立被六將遣出海中，夢異報。此六甲名也。

尚蝕，尚餒，尚饒，尚餽，尚餽，尚餽，尚餽，尚餽。入符治毒法。

右法應是毒物所傷，癰腫丹瘤，五藏大小之疾，書於病所，或內吞外貼，不過三字，即安。

靈霽霽。晦日服字法。

右法晦日要誦及十萬遍，奏章立達三天，報應經下凡世。

防中表德岳。朔日誦字法。

右法於月朔日，要誦一萬遍，三月有應，一切災厄，默念三十二遍，其災厄自然解散。嘗聞太極既判，一生二，而二生三，三生萬物，萬物既植，於是五炁生成，肇於虛無之上。則五老上帝，為五炁之根宗，昭於乾象之中。則五星為經常之上曜，於地則五嶽以奠寰區，於物則金木水火

土以為五行，於人則心肝脾肺腎以成軀體，於事則仁義禮智信以開國成家。以四十九字密符造化，默契五行。故服之於己，則澄神鍊炁。施之於人，則却疾除妖。是由方諸之召水，陽燧之引火，以內應外感激之道耳。儻內無本真，而覬外真之應，自汨五行，而求五炁之充，恐報應難矣。天台靈寶法中，以玉札五行正炁為一品，乃以四十九字入於他卷。却以五嶽持身呪及移景通光等法，雜諸其中，使五行之經，不復可見。故今止從古法，而不敢增易也。

### 上清靈寶大法卷之六

## 上清靈寶大法卷之七

洞玄靈寶法師南曹執法典者  
權童初府右翊治金允中編

### 五芽內鍊品

五芽者，五炁也。在天為五老上帝，在經則炁結成文，是為五芽真文。在五方則五常，即東方青帝靈威仰，南方赤帝赤熛怒，西方白帝白招矩，北方黑帝叶光紀，中央黃帝含樞紐是也。在乾象則為五星，在地理則為五嶽，在人事則為五常，在物則為五行，在人身則為五藏。修靈寶之道，洞房之法，餌五方正真之生炁，以鍊凡軀也。

### 五芽之法

請五帝五童降身，及佩真文，使其神居五藏之中，為致五芽之精，當於四音而行之。

常以立春之日雞鳴入室，東向九拜，平坐，叩齒九通，思青帝五方之五帝也，青帝以其司春，主東方之生炁故也。長九寸，

頂青玉冠，九炁青羽衣，駕蒼龍之輦，建穎旂從，甲乙胡老之官九十萬人來降。須臾化生青炁如雲，貫覆己身，從己口入，直下肝府。又思木星煥明在東方，照己身。便開目，念呪九遍，吞東方真文一十二字。呪曰：

九炁青天，元始上精。皇老尊神，衣服羽青。役御天官，煥明威星。散輝流芳，陶溉我形。上飡朝霞，服引木精。固養青芽，保鎮朽齡。臟腑充溢，玉芝自生。延年億紀，顏返童嬰。五炁混合，天地齋并。

### 東方真文一十二字

青 芽 飲 以 朝 華  
青 芽 飲 以 朝 華  
青 芽 飲 以 朝 華  
青 芽 飲 以 朝 華  
青 芽 飲 以 朝 華

常以立夏之日雞鳴入室，南向三拜，平坐，叩齒三通，思赤帝南方赤帝司夏，主南方之生炁。後方並與前同。長三寸，頂赤玉冠，衣三炁赤羽衣，駕丹龍玉輿，建米旂從，丙丁越老之官三十萬

人來降。須臾化赤炁如雲，貫覆己身，從己口入，直下心府。又思火星煥明在南方，照己身。便開目，念呪三遍，吞南方真文一十二字。呪曰：

三炁丹天，朱宮靈童。元始上帝，參駕赤龍。丹羽飛衣，錦帔光明。驅策靈官，運道陰陽。三炁吐輝，灑我絳宮。赤子保鎮，鍊芽飾容。朝飡朱景，玉芝滿充。回停劫年，朽骸及童。長齡天地，永享無窮。身生水火，變化百方。

南方真文一十二字

南方真文一十二字  
南 方 朱 丹 朱 丹 服 食  
南 方 朱 丹 朱 丹 服 食

常以立秋之日入室，西向七拜，平坐，叩齒七通，思白帝理如前式長七寸，頂白玉冠，衣白羽衣，駕白龍玉輿，建素旂從，庚辛亥老之官七十萬人來降。須臾化生白炁如雲，俄覆己身，從己口入，直下肺府，又思金星煥明在西方照己。便開目，念呪

七遍，吞西方真文一十二字。呪曰：

金雲七門，浩映西華。中有素皇，元始之家。參駕白龍，七炁峨峨。徘徊玉門，散精朱霞。金星吐輝，芳芝滂沱。玄奧我身，養我素芽。明石鮮光，萬劫不殂。服以流泉，飡以太和。九天上帝，給以玉華。保年駐白，顏景敷羅。長存天地，三光同遐。

西方真文一十二字

西方真文一十二字  
西 方 明 石 明 石 服 食  
西 方 明 石 明 石 服 食

常以立冬之日雞鳴時入室，北方向五拜，叩齒五通，思黑帝長五寸，頂玄玉冠，衣碧羽衣，駕黑龍玉輿，建皂旂從，壬癸羌老之官五十萬人來降。須臾化生黑炁如雲，似流星之光，覆己身，從口入直下腎府。又思水星煥明在北方，照己身。便開目，念呪五遍，吞北方真文一十二字。呪曰：

北方玄天，五炁散靈。上有大神，始老元精。駕龍建旂，遊宴上京。是曰元吉，慶雲敷榮。飛芝流灑，滂沱四盈。玉女玄奧，灑我身形。腎宮充鎮，朽芽堅生。五府納真，上通神明。五老降接，仙道早成。變化水火，衣服羽青。飛行太空，遊造紫庭。壽同三景，萬劫長齡。

北方真文一十二字


北方真文一十二字  
北 方 玄 滋 玄 滋 服 食  
北 方 玄 滋 玄 滋 服 食

常以二分二至日入室，向五方十二拜，叩齒十二通，思黃帝長一尺二寸，頂黃玉冠，衣五色羽衣，駕黃龍玉輿，建黃旂從，戊己蒼老之官十二萬人來降。須臾化生黃炁如雲，覆己身，從口入直下脾府。又思土星在中央，照我身。便開目，念呪十二遍，中央真文十六字。呪曰：中央大山，元炁徘徊。上有元老，總統四靈。參駕黃龍，五色羽衣。運道九



天，輪轉璇璣。煥明七星，流光散輝。玉英芳芝，流溢回飛。淘漑我身，肺腑光開。養芽滄精，萬神總歸。檢魂制魄，仙鍊八威。表裏洞清，常生不衰。通真達靈，升入大微。

中央真文一十六字



右呪畢，各以方數取炁咽津，便服真文。

常服法

每以雞鳴陽光始分，東方向叩齒，如其方數，摩兩手掌令熱，以手摩拭面目，如其方數，念呪，自東方起，一周而止。

東方青芽，服食青芽，飲以朝華。

便以舌撩上齒之裏、舌底、唇三過，嗽口令玉泉滿口，而咽之九過，又引青炁九咽，令鎮肝中。

南方朱丹，服食朱丹，飲以丹池。

便以舌撩下齒之裏、舌舐、唇三過，嗽口令玉芝滿口，而三咽之，又引赤炁三咽，令鎮心中。

中央戊己，昂昂太山，服食精炁，飲以醴泉。

便以舌撩上下齒表裏、舌舐唇，嗽口令玉泉滿口而咽之，又引黃炁一十二咽，令鎮脾中。

西方明石，服食明石，飲以靈液。

便以舌撩齒上之表、舌舐唇，嗽口令玉芝滿口而七咽之，又引白炁七口，令鎮肺中。

北方玄滋，服食玄滋，飲以玉飴。

便以舌撩下齒之裏、舌舐唇三過，嗽口令玉芝滿口，又引黑炁五口咽之，令鎮腎中。

右畢，叩齒三十六通，咽炁三十五過。又念都呪：

白石巖巖，行泉源湧，洞似玉漿，飲之則長生，壽命延長。

呪華，以舌撩上下中央，令玉芝滿口而三咽之，引炁二十五過，拯炁而咽

之，其道都畢。嘗觀靈寶之道，隱於洪濛之始，肇於溟滓之初，蘊奧難窮，妙莫能測。中古以降，方立教垂文。正經之中，備有萬法，及其功成事著，則由學者自得之。五芽之法，採五方之生炁，鍊五藏之英華，炁之渺茫，未易有得。於是服真文以召之，炁結成文，以此引彼也。建齋設醮，拜表騰章，布炁書符，祛妖却妄，以斯為首。鍊除陰翳。消陰育陽，與三晨之輝相須。而用人身之五藏，實穢物耳。至若存肝出青炁，肺出白炁之類，乃存鍊之法，而非五芽也。降東方之生炁，挹木官之朝華，下浹兆身，鎮鍊肝腑，乃五芽之義。以五方之五炁，鍊五藏之五神，久假而不歸，烏知其非有也。積鍊之久，人之炁合天之炁，人之神合道之神，亦鍊神之道也。今所編五芽真文，悉皆祕在上經，不同常術。學者深洞其旨，則可勤而行之。天台法中祈恩謝過第四十一品，乃為之說。曰靈寶有赤文祖炁，天之靈寶也。

入人身生五色靈芝，乃釋之曰：東方青芽者肝也，南方朱丹者心也，西方明石者肺也，北方玄滋者腎也，中央戊己者脾也。以舌捲津，分方而咽之，謂首為太山，終焉以十二時咽炁，名換骨易形之法。既不載祝辭，又無真文，竊取五芽之義，轉其說於他岐，乃稱服咽炁液，火應水朝，為子母夫婦之圖，取丹經中之餘論而不全者也。既稱天之靈寶，又直指五芽為五藏，是說即皆不可為法也。

### 三宮修誦品

度人上品，鬱秀光芒，上消天災，下攘地禍，外濟庶物，內鍊百神。行用之門，以專精為首，修誦之法，以存念為先。故使炁息調平，音聲和暢，想三炁之翕鬱，會百神之森羅。於是可以內鍊其躬，外浹於物。若語不出口，耳不聞聲，謂之默誦。自始及終存念，並依古法也。

入靖焚香，定心平炁，收光內視，

萬慮不干，端坐直身，毋倚側，毋僂背，俾牛車之路不屈，龍虎之炁綿綿。然後誦經，各以其事之重輕，所用之內外，有神誦心誦炁，所謂上中下三田也。此外有意誦，並有所主。或為人度厄消災，或為己祈恩謝過，以致調平炁候保福。

帝王祈雨禱晴，濟時拯物，遷升滯爽，普度幽魂，凡有緊切，悉當入室，默誦神文，方行章醮存思，次第詳具誦持存思品，悉合如法。初一徧誦序，第二徧止自經始，十徧為一過。誦畢納官，百神守位，密陳情愫，出宅升神也。係第四緯。

允中所編靈寶每品中，相關涉處已略叙之矣。獨天台法書中，內誦編在度厄消災第四十品末，乃以太乙、司命、桃康、無英、白元尊神等，各書靈書千遍。又一說則分三田內誦，乃是聞其名而不得其理，却云正月於上田，七月於中田，十月於下田。又云萬神俱誦，以致齋醮禱祈，書于疏狀，直稱內誦洞經一千卷，以獻真

薦亡。殊不知《大洞真經》三十九章，每章有二符，此經乃屬洞真部。《度人經》法中四十章，是釋《度人經》之用爾。古者以為度人一卷，內隱洞經之妙，非徑以度人為洞經，而為上帝之前。指《度人經》中之文為洞經，可乎。又一說其至玄至妙，弟子傾家資以奉師而後得者，其徒以為世莫得聞，自稱上道者也。其法之略曰：想己身為枯木，大火焚蕩，和氣化成，真人收神上田，入太淵宮中，步斗作用，於是誦元始祖炁洞經。至於鍊度，只以上田為天帝之居，肺為東井，頭中赤天出火，腎為真水，九曲之暢為九幽，千魂萬魄皆於此度化。所謂元始洞經，傳出他郡者，止於《度人經》中取一段而為之，天台祕而自行者。乃如釋氏梵語呪四十八句，計一百七十六字，泥丸中啓奏上帝等事，皆不出身中，以致朝真不拜，謂天帝不離泥丸故也。不知古法中有不參紫神之法，本意為行坐功而不睡者言之。行科奉

教，非此例也。又況未離世網，其傾倒泥丸，有甚於拜者矣。默誦一節，古法有之，今改稱內誦，非也。且云萬神誦之，事出無據。三田各有所主，彼分為七月、正月、十月，則非也。彼不知心誦、炁誦、神誦、口誦，理既不同，存神念真，亦非天台所謂萬神也。古法默誦，皆全誦本經，其中包羅甚衆，澄神鍊炁，可交真靈也。今若獨取經中一段，以備默誦，亦不必易名稱洞經也。迨至捨本經正文，而撰出梵音胡證，則妄之甚也。按《度人經》肇於古初，天真皇人書其文以為正音，四譯而用世書，亦在漢武帝時。及明帝夢金人，而釋氏之典方入中國，於是始有梵語。今以釋氏胡音，稱為《度人經》中祖炁之文，雖三尺童子，亦將失笑矣。其臨壇行事，則端坐內觀，云金光之中現出天書，多只一字。法師自稱只見一字，不曉所謂，亦不敢漏泄。事過之後，却以此一字隨己應之事，解其吉凶，皆不出點畫之中。有數十

字，例皆如此。緣其法書，初焉稱光中現出靖名等說，其妖妄怪誕。治於內誦經之曙光中則見字，終至於會鬼神入靖治事。吁，履霜堅冰之漸也。一念之萌，出於不正，千途萬徑，步步歸邪。恐其下流，無所不為矣。然後誦之訣事，當禁祕不可輕宣。若全隱其機，恐學者不得其門，復入流邪偽之域。故寓其奧於此，以俟學者之自得也。上丹田泥丸也，中丹田絳宮也，下丹田也玄關也，其法有神誦、心誦、炁誦也。口出言辭，耳聞聲韻。是明誦也。口不出言，耳不聞聲，是默誦也。默誦既有心炁之不同，又有意誦之名例。悉存身為元始，坐空浮五色獅子，洞明內外，如居赫日光中。依法誦之，皆有所主，調正乾度，上消天災，保鎮帝王，延洪國祚，以致為父母延年益算，請福消愆，是一例也。為人為己，謝過祈恩，保命延生，禳灾度厄，是一例也。上資九祖，普及衆魂，濟拔幽陰，一切追薦，是一例也。召攝

施用，收治行為，是一例也。此外非可盡述矣。

### 洞照幽微品

此係八緯中第五緯，《靈寶玉鑑》全書另載。

紅杏墨黑，磨真襪臍。靈寶興生，轉獨隸遷。可韓明功，都成切角。正聚魂攝，都功聚魂。招八方捷疾使者，天地神祇，萬靈同歸，合天地勅。

先結三塗五苦訣，念呪，取東南方炁吹鏡上了，以筆自乾方點一點，八方計八點。呪曰：

謹請乾坎艮震巽離坤兌，收攝八方無道邪鬼，入吾鏡中見形。急急。

右取八方炁，吹十日，共睹日月受持，不勞神炁來者，其中見形。

### 移景通光照

元始律令，道君勅文，召日光童子，月光童子，星光童子，開光童子，運三光玄斗日月之精，化為六通神光，照徹十方世界，萬景千真，移日面前，見形占人，卜物未來未兆，通神應靈勅。

右念呪，取三光中一炁吹筆或手指，筆用朱，指用麻油，於手中寫符一道。

原闕符

令吹炁，再念呪，取炁吹，如此三次，見光一道，洞見幽明，及未然之事。

仙曹按局洞玄寶鑑

紅杏，墨黑，磨真，襪臍，靈寶。

右先念呪，於空中書本師心印一箇，以左手望空撮入手中，五方炁吹，令人吹了，再壓。如此三次，令見赤黃白三色了。又呪曰：

謹請降真召靈符使，疾速下降。

又取天門炁吹，見二符丹色見於掌中，符在臨壇符法品。又呪曰：神風鼓吹，玉字琳琅。

又取東南炁吹，見二符搖動。又呪曰：

謹請東方啓道童子，爲吾速降。五方並同。

又取五方炁吹，見五方童子，方可一

一召攝，依法施行。

靈寶洞玄照

天地降炁，日月合形，天上地下，某某某處見形。右天地炁吹如常法。

速度亡魂訣

凡臨壇按治鬼邪，務在存亡俱獲利濟。先為破獄呪曰：

無上玄元太上道君，教臣行符，照破幽獄，罪魂出離，急急如律令勅。

右呪出《九清楚唱經》中，面天門默誦九遍。次召亡魂，即速得亡魂離苦。先念水鍊呪曰：

已枯復榮，已滅復生，得生天上，更稟太靈，九天之勅，反復胎嬰，穢累蕩除，魄尸反生。

右以水一器，正北，叩齒九通，思玉童三人，玉女七人，咽津七口，呪之七遍，灑其魂，即火鍊。呪曰：

日月光華，徘徊洞陽。流火入器，鍊化陰芒。尸穢消滅，萬炁混康。徑離五苦，飛升天堂。

右以火一器，正南，叩齒三通，如前思想，呵炁三口，呪九遍，取酆都山

真形，火化成灰。呪曰：

元始符命，制魔奉行。保舉亡魂，度品南宮。酆山消燼，三官解刑。赦縛釋業，受化更生。隨品度鍊，上登福庭。

呪訖，以舌拄上腭，存身為元始天尊，默誦隱語一遍，存金光滿口，雙指玉清訣，吹紙往東北方放訣，其魂立得上生朱宮，隨品受鍊，乃生福庭。

允中自本法戒律啓，並依古書編次。至元綱流演品，朝元入靖品，誦持存思品，玉札靈章品，三晨芒耀品，五行正炁品，五芽內鍊品，三官修誦品，皆行持之士修存服餌，致真召靈之本源也。內功既足，則外當及人，愈疾除邪，拔幽濟顯，為立功之先務。近人不知體格，乃為靈寶大法專至開度，復別補法階，以備祛治。豈知靈寶為中乘之要法，兼濟死生之徑途，何事不關，無施不可。然顯幽一理，人鬼無殊。受詞之初，竊須審量事體，酌詳輕重。或妖怪精邪，橫侵生類，逆天無道，情在不原，固

宜錄奏上玄，關聞合屬，滅形絕類，誠不為慘。其有幽魂滯爽，抱恨銜冤，餓鬼窮魂，失依乏嗣，沈迷而超生無路，託附荏苒生民，陰炁襲人，灾痾或作。宜先究患身之形氣，以至受崇之根源，非市道魔禱姦偽之徒，妄意揣量。故繼之以照召之法，考其實跡，鞠其姓名，毋信偽辭，必窮始末，如情在可憫魂魄幽沈，合依古儀，用速度亡魂之法，存神靜志，默誦靈文，如式開度。然後焚化酆山真形，或告行一二超度符命，差官將吏兵合屬曹局，隨業受生，尤其盡善矣。抵有力之家，大建善功，廣崇齋直，然而召攝鮮驗，超度難期。今於行持頃刻之間，欲遽度亡魂於一經一咒之內，豈不難哉。夫建齋啓事，移檄召魂，未易輕也。先要高功練達科教，洞明正理，次則移箋奏，不礙舊章。又在齋心堅切，內外一志，立壇薦事，不缺典儀。更得所度亡魂靈識，生前修檢，罪戾不深，庶幾祈告感通，見形受度。或一二事

之窒礙，則報應寥邈矣。今鬼崇至於，纏及生人，若非抱恨不伸，必是無依失祀。報對既以結證，陰府不復拘留，儻識見之非高，多迷蒙而未覺。浮遊為厲，散蕩興妖，於此之時，法官能開悟以理，訓戒以道，更假上真之教典，副以端默之精誠，呼吸之間，幽魂獲度，誠非虛妄。生者可免疾患之纏，死者遂脫沈滯之苦。若家非匱乏而未度靈者，難從此科，自依式修崇可也。天台編《靈寶玉鑑》一節，入五行正炁品，又以雜呪混於其中，乃無速度亡魂之目，使古法中之美意不復可見。故今從舊格，而盡剖其端緒。當知古人治病祛邪，欲顯幽俱利也。學者所當留心耳。


### 上清靈寶大法卷之七

## 上清靈寶大法卷之八

洞玄靈寶法師南曹執法典者  
權童初府右翊治金允中編

### 元始大定品

七日七夜，諸天日月星宿，璇璣玉衡，一時停輪。神風靜默，山嶽藏雲，天無浮翳，四炁朗清，一國地土，山川林木，緬平一等，無復高下，土皆作碧玉，無有異色。



一呼二至  
一吸二至

一呼一吸，四至共得六寸。一呼二至，一吸二至，各得三寸。一至得三寸，一至得一十五分。經緯天地，縱橫十五，故上帝付黃帝《河圖》也。入室平坐，以手診脈，四動為一息，量人平常出入，漸漸加之，不要大段費力。放炁出自口，勿使耳聞。放於息勻之後，再作如初積之力久，炁住息平，始着意在鼻準頭。乃鼻三，

顯二，眉四息，於是微微出氣，為一遍。續再作，積至八十一遍，四十九日外，每遍加息，自一時可至一日，自一日可至七日。然後以耳對肩，以鼻對臍，收其六根，專意於目。初則非內非外，觀其神光。三日之外，於密室中，見神光一點，孜孜定神。四日之外，漸明漸大。七日，神光滿室，定中百物皆為未然。七七日外，定中見一切真靈鬼物，方入洞觀徹視之道也。


竊謂度人一經，備有萬法。元始大定，為法之機要，亦道之徑路。始於定炁存神，以致朝元登謁。過此以往，極道之域，不可擬議。七日七夜，諸天日月星宿，璇璣玉衡，一時停輪。此元始說經之時，天中之事也。薛幽棲注中略釋其義。今即之人身，日月停景，目不瞬動也，神風靜默，息不出入也。山嶽藏雲，炁不升降，然後孜神內視，一志湛然，習定出神，升騰上境，洞觀萬彙，徹視十方，訣已詳疏于前矣。天台編神

光大定二十五品，乃云璇璣玉衡，脉不息也，是則妄甚。且習定大法，目不可瞬動，息不可出入，炁不可升降，神斯可出而脉豈得不動，人已就死，却非出神。又曰天尊空浮，乃自元神居玉清宮。又曰天尊雖遠妙，近言泥丸宮。又曰自己已有天尊，何勞望上天。所引並非也。又曰威神妙化，結成獅子，天尊乘之，下入丹田，左青右白，前赤後黑中黃，故謂之五色。却云七日七夜所見者，皆未來之事。彼不知出神洞視，以致脫質升玄，豈可謂身中之五炁天尊，止於泥丸而已。夫徹視十方，通幽達妙，大而高天厚地，廣而萬聖千真，皆可洞見，與造物者遊。今却只稱所見皆未來之事，何其狹陋哉。後世學者欲得修用之梯階，當自習定。

### 洞觀百靈品

本命日為始行定法，七日之外，定

力有準，方行徹視。定力未成，不可行之。息既定而神可出，目駐萬里之外，不顧面前之物。又七日，漸明漸有彷彿。百日成功，坐視三界，徹見十天。又云誦詠妙經，得為九宮真人。



紫度炎光內視中方曰：常欲閉目而卧，安身，微氣，使如卧狀，令旁人不知覺也。乃內視遠聽四方，令我耳目法萬里之外。久行之，亦自見萬里之外事。精心為之，乃見百萬外事也。耳中常聞金玉之音，絲竹之聲，此妙法也。四方者，總其言耳。當先起一方而內注視聽，初為之實無髣髴，久久誠自入妙。

允中考之古書，習定出神，始可行洞視之道。然調息一事，易知而難成。始於一息四至，久則一息而八至，累功不斷，可至一時。滿一時則可一日，自一日則七日可期。於是聚神

如己之狀，端立泥丸之中，內外湛然，一毫不著，騰身直出頂門，覺身外生身，歷歷分明，神離軀中，如蟬脫殼，馳於空迴，馭炁穹玄，謁列宿於天階，朝元尊於閭闔，衆真可覲，萬炁齊仙，終至於見玉清聖境。第此乃出神之妙，可以通真達靈。學者或際遇明師，修存而至於洞觀之域，更宜進步，毋自退沮，可也。

**採鍊祖炁品**

鳳曲頭點頂，精息內潛。龍升頭搖鼻，其炁上升。龜縮頭含息，精炁下行。蛇屈身不直，元炁周旋。鶴閉炁微息，精歸丹府。

仰惟元始祖炁，無形無名，劫運之初，不可髣髴。玄綱既肇，二象分形。天稟此炁以爲天，地稟此炁以爲地，人稟此炁以爲人，以至動者植者立性卑形，莫非祖炁化生也。然人分此一炁而生，未免失此一炁而死。豈非情欲汨其內，勢利役其外，不知本源，不徹

正理，神昏氣耗，不覺大限之臨，而終至迷亂無依，斯爲下鬼矣。今焉採祖炁而鍊，結聖胎於身中，聖胎就而身外生身也。此一條大槩，乃採鍊身中之祖炁。古書有其目而訣法未降，不可以意料而爲之說。

**洞陽符火品**

亥	丁丑豫	戊寅隨	己卯蠱
庚辰臨	辛巳觀	壬午噬嗑	
癸未賁	甲申剝	乙酉復	
丙戌無妄	丁亥大畜	戊子頤	
己丑大過	庚寅坎	辛卯離	
壬辰咸	癸巳恒	甲午遁	
乙未大壯	丙申晉	丁酉明夷	
戊戌家人	己亥睽	庚子蹇	
雲都解	飛鸞損	辛丑益	
壬寅夬	癸卯遯	甲辰萃	
乙巳升	丙午困	丁未井	
戊申革	己酉鼎	庚戌震	
辛亥艮	壬子漸	癸丑歸妹	
甲寅豐	乙卯旅	丙辰巽	


丁巳兌 戊午渙 己未節  
庚申中孚 辛酉小過 壬戌既濟 癸亥未濟

九日乾 坤覆坤 甲子屯  
乙丑蒙 丙寅需 丁卯訟  
戊辰師 己巳比 庚午小畜  
辛未履 壬申泰 癸酉否  
甲戌同人 乙亥大有 丙子謙

脉爲心色，乃身內九鼎。外合九色，上應大梵，契同卦炁，合於太陽，故或以爲坤母。東覆九日，導乾二句，顯其機。然配卦與甲子於隱語，古書以爲洞陽符火開圖，而訣法未降，中間理未可通，不合牽合也。

**九炁色鼎**

大小腸小紅，一作絳肺白，膀胱蒼，一作綠心赤，脾黃，腎黑，胃紫，肝青，膽碧。



考詳《度人經》，乃中洞之一卷，而

中篇又為一卷之樞要，隱奧難窮，不可理測。大唐以後，亦有為之訓釋者矣，然終未易透徹也。如中篇分隸六十四卦，舊法謂乾坤兩卦，見於坤母東覆，九日導乾。然此外六十二卦，又以何據而定。其說理已難通，兼元來條目止謂之洞陽符火開圖。是上聖以成真人，始悉其章也。所可知者，中篇萌於天地之先，與後世之書，契不相雜。獨易之為義，變通無窮。卦之炁數，密參造化。伏羲雖畫卦天地已分之後，而卦中之義，實肇於爻象未畫之前。故邵雍云：誰信畫前元有易。是存深意，而人未洞其至理也。易有六十四卦，中篇有六十四句，皆起於古初。或卦自中篇而出，或中篇與卦相須，尚可言也。如以一卦配一句，若窮其理則不可強通，既分屬則六十甲子亦隨之。古法具其目，而訣法未降，是未見於用也。至於九炁色鼎，雖略解其意，亦隱其訣。期運不至而未降也。天台法中却以中篇配卦

之例，編作三十三品，改稱玄真隱諱。又取屯卦為首於甲子，而強為之說。既不伏直言訣法未降，又不能言配卦之義，復於其法三十二品中，以服三十二天炁，謂之吐納。正不知三十二天之內，四天在種民世界，四天在無色世界，十八天在色界，六天在欲界。今欲步二十八宿之罡，以引此炁也，不其寥邈哉，恐心愈勞而報應愈邈也。彼既以中篇改作玄真隱諱，而三十二品之未編，祖道玄真，烜赫正成，鬱儀返質，熒惑操形，乃是玄真隱諱。出於上經，却稱玉音攝炁呪，移前作後，改東為西，此何理哉。

### 五炁混合品


上清華房，太一含運。其形自然，太一居之，如蓮花未開。人身中蓮花之房者，心也。八景冥合者，八冥之內身有八脉，冥會之處，盡總於心。細微之中者，萬物皆有細微之中，通於大道

元炁，如芭蕉之脉，人身內亦有血脉，經絡之道路也。五炁之中，百神混合於內也。乃大洞回風混合之道，在《上清禁經》中。明其道則不死壞，行其道則為真仙矣。


玄中真人頌曰

玉清天橋閉靈關，綠室長延便清閑。  
靈風吹烟五炁住，玉音攝炁三丹田。  
又曰

一神飛出上斗台，風火回環再朝骸。  
若不浩劫經一刻，直待猿猴死更灰。



猿居中宮五位乃心也



切詳經中，自元綱流演三十二天，至玄中太黃上帝高真，皆天之體，而大梵之用也。及夫下鎮人身泥丸絳



宮，中理五炁，混合百神，十轉回靈，萬炁齊仙，此則直言人身中之事也。故其說以太一含蓮，其形自然，八脉冥會，總於絳宮。是能五炁混合其事，與大洞回風混合之道相通。惟其訣法未降，雖有作用之目，而無入手發足之門戶。故爾天台法中第三十品，作中理五炁，以經中數章，訓解於其前。至出入華房。八冥之內，細微之中，下鎮人身，泥丸絳宮，中理五炁，混合百神一章。初無訣法在其中，只略叙云，造化非身外，根本此三天。上皇無上，高真皆宗，仰於紫微上官，如此而已，非行用之妙也。乃繼之云，妄泄此道，九祖沈於火毒之獄，極口禁傳。其末又云，非上玄聖師，下教天真小仙，豈得明矣。既如此則非可行之訣，特法中條目爾，又何妄泄之罰，一圖於法中只小異。天台不肯言訣法未降者，欲存此等事，以為賣奇之端也。

### 流精玉光品

於四顧高地上，建一室，方八尺，上圓下方，開三十二圓穴，每穴圓九分，塞其三十一穴，留一穴，令日光直注其中，下以寶器，貯東方井華水一器。迎日光照水，流轉一室，十日外其五色流精，水中結成丹砂，五色五綵，餌之通神徹視，役使萬靈，五藏生華，返老還童。積其玉光丹砂，取月華水、露水、江水、山泉、河水、井華水、西流泉，入寶器中，依前流注日光，三十日內，有結成金砂。再將前砂併入水，再迎日光。然後以辰砂三黃入金合中，煨成神丹，可以却疾回年，點化變寶也。

詳考法中於四顧高地，建室置器，以取日光，久可成丹。而訣法未降，此無中生有之事，豈容以意料為之。天台法中編出三十六品，名陰陽二丹。其一章略云：流精玉光者，可以採鍊，餌之通真。太空未有一物

開三景，普植神靈，復採鍊此炁鍊而成丹，以此而形容流精玉光，理亦粗通。其次為高山懸崖，人跡不及，四顧日月通照之處，營密室一所，上圓下方，面相去八尺，四方一丈，離地五尺，穿三十二竅，布二十八宿之形如窗牖，使日光注照於內，於日直角宿之日起首，用七寶之器，圓面五寸，貯西流水，令迎日光下降，四十五日之外，水中結成五色流精之砂，取而餌之，面生流精。又曰於三十二竅之下，置三十二器，於直宿之日取其方水，投以天華四泉，使日月照耀其中四十五日，面生浮砂，光明晝。然常須護淨，勿令塵翳。即安置壇鑪，八門進火，以金十二兩作鼎，以鐵二十四兩作釜，陽燧取火，晝夜煎之，四十五日一開，開時以月華滌潤，下凝白華取之，及一斤即入藥，用陰陽火煨鍊，飛於蓋上。九年自然飛凝，餌之仙化。此乃古未降訣法之條。天台法中所述雖詳，而其說小異於古法。然亦非可行之

訣，古書已疏未降訣之條矣。又曰本命日吞日月之華，而謂之栢空度仙，則非也。又採百花入衆藥，合靈寶流光丹，餌之立致長生，亦非也。道典中服食之例甚多，非本法，故不應存用。

### 梵炁流行品

人稟炁而生，亦有數之始，呼吸之息，見於三部四至之脉。一呼三寸，一吸三寸，以見尺丈於璣衡，合於太陽。一日一夜一百刻，計六千分。每一刻六十分，每一時八刻二十分，共計五百分。晝夜一萬三千五百息，每一刻三百六十息。一呼一吸，脉行六寸，定太陽行六十里。一晝一夜，太陽行九十六萬一千五百里，隨天周行，照耀三百六十五度二十五分半。一日得一度半，周天一百八十二度六十二分七十五抄，一度計一千四百六十四里六寸四分，二十八宿行次躔度。大道梵炁，流演無窮，旋斗歷箕，回度五常。每一

刻太陽之真炁流行一萬八百里，每一刻六十分三百六十息，定太陽流光。每一分六息，太陽流光三百六十里。每一時太陽行流光八萬六千四里，每一時炁行六千七百五十寸，十二時炁血行七十萬八千九百五十寸，日月交而陰陽交，日月行而營衛行，而大藥成。此元始上品至道，三界真仙莫不因此而骨肉同飛得者。晝夜大定中自明，閉口奉行。若泄一言而行，則七祖九玄同受酆都之考，玄都之令，敢不奉行。

嘗聞聚而形成，則真中有神，流演無窮而周於十方，此天真之大梵也。人身之大梵，上應於天度。故呼吸息至炁行身中，合於太陽，積鍊而成大藥，斯實修真之路，入道之階，而訣法未降也。天台法中第三十七品名大行梵炁，乃云人自溟滓大梵而生，却自溟滓大法而死，此則非也。人固自梵炁而生矣，不修大梵之經，常失大梵之炁而死。乃云自此而死，其可乎。於其九鼎圖後，叙金母居西龜之山，取象於人身，即元綱流

演之事，爾已編入本品，難以旁引而曲證，非可用於此條也。

### 黍珠神變品

陽爻三十六息，陰爻二十四息，一口炁出入三寸，每一時炁長六千七百五十寸，十二時通長八萬一千寸，共計八千一百尺，爲八百一十丈真炁。每一時八刻二十分，十二時九十六刻，內乾坤艮巽占四刻。凡人一時定一千一百二十五息，十二時共一萬三千五百息。每一息定火一銖，得祖炁之丹，如黍米大重一銖，二十四銖重一兩，三百八十銖定火一斤，一萬三千五百息計真火二十五斤二兩半，八陰八陽，依卦生焉爲聖胎，白日輕舉，位登玉清也。

按此條雖訣法未降，而理則與前品連續，乃鍊身中之梵炁，合太陽而成功。於是按陰陽出入，審火候進退，丹成藥就，大如黍米，則神變之丹是矣。其餘丹經中論例相似者甚多，而非元降之目，理不應假彼以證此。

天台第二十九品名黍珠入妙，乃以十遍周竟，十方無極天真大神，一時同至，及元始懸一寶珠，大如黍米一段，悉取薛幽棲等注中之說，委曲引論，又益之雜說。却云以內言之，即寶珠神化胎仙之法。九轉十過，功用既周，從有入無，名黍珠玄丹，鎮黃庭之靈府，丹成貫日，立駕雲輿。如此則以誦經而可成丹，全不及於修用訣法，理則不然矣。天台之法四十九品，終始並無訣法未降之條，而七經八緯為法之要，乃隱去七經之日，改換八緯之名，雖古法無訣者，亦極辭牽合以文飾之。今按道典，自龍漢延康之劫，赤明啓運之初，傳降不常，或隱或顯，有因時而降者，有因人而降者。既降而傳行人世者，有其人升真而書隱者，三洞正典尚不能全，如變化七十四萬之法，藏天隱月之文，八稟十訣，天關三圖，九赤班符，胎精中記，似此之名不計其數，名存經告之中，法不降行于世，豈敢因其名而自撰其文哉。

蓋道運有其時至而靈文漏祕，難以人力，強求之也。靈寶大法古有七經八緯，除天台之外，諸家編集，皆不出此七經八緯。一十五條內，共有六條訣法未降，即採鍊祖炁，洞陽符法，五炁混合，流精玉光，梵炁流行，黍珠神變是也。安知後世無仙資靈質之士，感聖師神授之，詳是古書，存其名例也。而天台逐事曲為之說，使成簡編，或取而用，豈不誤世。今未免再三，剖析其源流也。

### 上清靈寶大法卷之八

## 上清靈寶大法卷之九

洞玄靈寶法師南曹執法典者  
權童初府右翊治金允中編

### 齋直禁忌品

#### 三元

正月十五日，七月十五日，十月十五日。

右天地水三官，二十七府，百二十曹，凡三會日考校罪福，三元日奏御上宮。可以行道建齋，修身謝過。

#### 三會

正月七日舉遷賞會，七月七日慶生中會，十月五日建生大會。

右三會上，三官考覈功過，三魂攢送生人善惡，又謂之三魂會日。此是本命之日，亦更有小攢會日，台光以甲子日上詣，爽靈以庚申日上詣，幽精以本命日上詣，亦言生人善惡。其日宜受符籙齋戒，呈章拜表，以祈景福。

### 五臘

正月一日天臘，五月五日地臘，七月七日道德臘，十月一日民歲臘，十二月臘王侯臘。

右五臘日，為五帝攢會之日。此日豐都北陰大帝，皆引出生人久遠玄祖父母，幽獄鬼魂，責問住處陰司年代，積罪結釁端由，及子孫姓名墳墓所在，如積劫未有追贖，因此日皆延累生人。其日引問，得子孫兄弟親姻九族姓名，攢集校定，以為生人罪狀，正一道民之徒，此日誠憑法力，祭祀追贖幽途，皆一一得福，常日祭祀不可達也。出正一玉經。

### 每月十直齋日

一日西北方北斗下，八日北斗司殺君下，十四日東北方太一使者下，十五日東方天帝及三官下，十八日東南方天一下，二十三日南方太一八神使者下，二十四日西南方北辰下，二十八日西方太一下，小盡於二十七日下二十九日下方中太一下，三十日上方上太一下。

已上出《業報因緣經》。又別文云：

十方天尊下，又云十方天君下。

### 節會日

天節甲午，地節甲申，人節甲子，天會丙午，地會壬午，人會壬子，日會庚午，星辰會辛酉，月會庚申，五行會甲辰，四時會甲戌。

右節會及五臘，宜修齋設醮，祭祀先靈。

甲子太一簡閱神祇，庚申日三尸言人罪過，本命日計人功行。

又云：甲寅庚申，尸鬼競亂，宜避房室。又玉經云：此三日為小攢會日，凡三元考校未盡者，於此重考校焉。

### 八節

立春，春分，立夏，夏至，立秋，秋分，立冬，冬至。

按《真誥》云：八節之中，皆當齋戒立靖，謀諸善事，以營於道之方也。慎不可以其日忿爭喜怒，及行威刑，皆天人之大忌也。

### 午卯日

凡午卯之日，常當清齋入室，東向心

拜，存神養炁，期感神明，亦適意所陳。常如此者，玉女降侍。

### 避忌日

李少君口訣：道士求仙者，勿與女子。

三月九日，六月二日，九月六日，十二月三日。

其日當入室，不可見女子六尸，亂則藏血擾潰飛越，三魂失守，神凋氣逝，積以致死。所以忌此日者，非但塞遏淫泆而已，將安女官。女官在申，男官在寅，寅申相刑，刑殺相加，是日男女三尸出於目朱童之中，女尸招男，男尸招女，禍害往來，喪神虧正。雖人不自覺而形容自損，由三尸戰於眼中，流血於泥丸也。子至其日，雖至寵之女子，親愛之令婦，固不可相對。我先師但修此道而仙矣，復不及至親，無心者矣。子其慎之。此乃仙人劉綱妻，女仙也。出《神仙傳》。

又別條云：凡甲寅庚申之日，是尸鬼競亂，精神躁穢之日也。不可與夫妻同席，及言語會面。當清齋不

寢，其日遺諸可欲。旦望，每月初一日為旦，十六日為望。則以官曆逐月十四日、十五日、十六日考之，並合朝修，祈恩謝過。

### 月忌

正月二日，又庚申二月九日，又辛亥三十日，又甲戌四月十一日，又癸亥五月十一日，又壬子六月十日，又癸丑七月十二日，又甲寅八月十三日，又乙卯九月十三日，又甲辰十月八日，又丁巳十一月十五日，又丙午十二月十三日。又丁未。

已上日忌燒香，每日常行香火不拘。

### 帝煞日

正月庚申，二月辛卯，三月庚戌，四月癸亥，五月壬子，六月癸丑，七月甲寅，八月乙卯，九月甲辰，十月丁巳，十一月丙午，十二月乙未。

已上忌燒香。

### 聖忌

丙寅，丁卯，道父忌丙申，丁酉，道母忌壬辰，壬戌，北帝忌戊辰，戊戌南帝忌絕命，本命絕歲星，行年到日六害，本命對日月晦，月窮之日歲破。太歲對衝

已上日不宜行道燒香，亦不宜殺。宜正坐，思心悔過，聖自懸知。

### 祈懇日

正月四日，二月八日，三月十五日，四月八日，五月九日，六月六日，七月七日，八月八日，九月九日，十月五日，十一月三日，十二月十二日。

已上日乃太上大道君登玉霄琳房，四盼天下，有志節遠遊之心者。至其日平旦日出時，北向再拜，亦可於靜中也，自陳本懷所願，畢咽液三十六過。又云東海青童君常以丁卯日，登方諸東華臺四望。以此日常可向日出行之，可因此以服日精。

### 禁忌

生蔥，韭，大蒜，小蒜，胡荽，此為五辛五辛舊有其說多矣。大槩此等物辛臭烈甚，食之經日，尚臭出口中，對人言語，已覺不可，況於持誦神文，朝真行事乎。五辛之外，更有薤藟似葱之屬，皆不宜食。不必細為之說。鴈，犬，黑蠶魚。鯉字非也。此名三厭。三厭之外，更有鱉鱉之類，皆腥穢之

氣難退者，並不宜食。

臨尸，吊喪，新產，新刑，殺所，屠坊，淫舍。

已上皆不可食。李少君口訣法：道士求仙，不欲見死人尸，損神壞炁之極。人君師父親愛，不得已而臨之爾。所以道士遠世，不事王侯是無君也，塊然獨處是無友也。惟父母師主，不得不臨喪，致感極之哀，不吝性命之傷，苟以此故而傷，是無傷也。吾其祕文，故口傳焉。

本命日，常以其日向本命方，叩齒三通，心存再拜。呪曰：

太一鎮生，三炁合真。室胎上景，母玄父元。生我五藏，攝我精神。下灌玉液，上朝泥丸。夕鍊七魄，朝和三魂。左命玉華，右嘯金晨。令我神仙，役靈使神。常保利貞，飛行十天。

呪畢，心拜四方，叩齒三通，咽液三過，此名為太上祝生隱朝胎元之道。常能行之，令魂魄保守，長生神仙。又法，學道之士當先檢制魂魄，消滅尸鬼，常以晦朔之日，庚申甲子之

日，清齋入室。沐浴塵埃，正席而坐，得不眠者益善，以真朱筆點左目下，以雄黃筆點右鼻下，令小半入谷裏。點畢，先叩齒三通，微呪曰：

上景飛纏，朱黃散烟。炁攝虛邪，尸穢沈泯。和魂鍊魄，合體大神。令我不死，高壽永寧。聰明徹視，長享利貞。

呪畢，又叩齒三通，咽液三過，併右手第二指，躡右鼻孔下，左手第二指，躡左目下，各七過，當盡陰穢。

按之勿舉，於是都畢。按此二處是七魄遊尸之門戶，鉞精賊邪之津梁矣。故受朱黃之精，塞尸鬼之路，引二景之勳，遏淫亂之炁也。此太極上法，常能行之，則魂魄和柔，尸穢散絕，長生神仙，通炁徹視，行之三年，色念都泯矣。此太靈真法。


### 淨穢

《太上九變十化易新經》曰：若履厭穢及諸不淨處，當澡浴與解形以除之。其法用竹葉十兩，桃枝削去白四兩，以清水一斛二斗，於釜中煮之，令一沸出，適寒溫以浴形，即萬

厭消除也。既以除厭，又辟濕痺瘡癢之疾。且竹葉虛素而內白，桃即却邪而折穢，故用此二物，以消形中之滓濁也。天人遊下世間，既返則未嘗不用此水而自蕩也。至於世間符水呪漱含之近術，皆莫比於此方也。若浴者益佳，但不用此水以沐之耳，鍊尸之素漿，正宜以浴耳，真奇祕也。

### 紫微王夫人授解穢符

又攝穢符



允中蒙師祕授，今立願編校大法，不敢隱惜其法。以梓木作簡，如尋常朝謁簡之狀，只令微小爾。書前符刻之簡上，常護淨之。遇食葷履厭之後，或有急切行持，不暇浴洗，則先用茅香煎水七合，以漱口罷，點七點於左右手心內，將兩手拭目。呪曰：

積穢隨水行，盡從神窗出，急急如律令。

次於聖前焚香，叩齒四十九通，執簡以攝穢符向伸，對口躬身，呵炁於符上，呪曰：

穢炁出，正炁入，正炁存，穢炁去，三十六厭，三十六穢，神符攝盡，絳宮寧一，朗清神戶。

呪畢，放簡，回身，掐斗訣，步斗罡，上吸炁一口，拋訣，以次行事。此備急之法。若登壇朝謁奏啓焚修事體稍重，自從科浴沐也。

### 式假

應行持之士，身遭大喪及父母度師，並具申三天門下，移文將吏，閉靖，不可焚修。如遇事變急切，不及動狀，則作關付功曹土地，騰啓上玄。大喪三年二十七箇月，不計閏月，此服制也。道家惟忌厭穢，尸既收掩，穢炁已除，百日式假聽解穢，入靖朝修，服制自終。三年舊儀，大喪一年，既非服制之限，不應廢缺，朝修一歲之久。如尸柩未殯，寢處柩傍者，不問日限，自不合入靖也。期喪一月解穢，申牒如式。期喪不臨尸，

大功以下不臨尸，並三日式假，解穢入靖。期功之外，尸不當臨，避之可也。吊不可廢，隨即解穢矣。非親雖厚，並合避厭也。大喪事畢，解穢沐浴訖，關申合屬真司，收復將吏，一如常儀。

### 生產穢

道士出家，自處琳宮，一切生產，並合回避。俗士修真，惟生子義不容遠合。終月之後，方可解穢入靖，悉如前儀。此外並合回避，違者考罰。

### 理髮呪

泥丸玄華，保精長存。左爲隱月，右爲日根。六合清鍊，百神受恩。

呪畢，咽液三過。能常行之，髮不墮落。當數易櫛，櫛之取多，而不使痛。亦可令侍者櫛取多也。於是血液不滯，髮根常堅，宜向旺方。

### 澡浴呪

天地開朗，四大爲常。玄水澡穢，辟除不祥。雙童守門，七真安房。靈津鍊灌，萬炁混康。內外利貞，保茲黃裳。急急如律令。

### 食呪

百穀五味，流入脾胃。五藏安寧，尸邪永墮。七祖蒙恩，長生久視。

### 脫衣呪

受命太帝，上升九宮。百神安位，列侍神公。魂魄和鍊，五藏華豐。百骸玄注，七液虛充。火鈴交換，滅鬼除凶。上願神仙，常生無窮。

### 夜卧呪

天有九皇，地有九宮。我身百節，萬神相從。三尸伏滅，五藏流通。三田四支，動息守中。龍虎八卦，侍我瓊容。鬼妖萬精，勿干真宮。

### 登廁呪

左德神，右德神，左司土，本夫人，除我死籍，上我生名。

允中按古科齋直之日，禁忌之條，散諸經誥，不可備述。但切於修用，略出而已。設醮祈恩，登壇啓事，上章拜表，首過謝愆，皆可以其日行事。若無禱請，因此檢制行為，去非寡過，亦清修之一助。有如不可親之事，不當食之物，昏亂神炁，濁穢身

形，豈應不屏斥也。若躬行於道德之域，心宅於冲靜之鄉，寢寐不忘，造次毋失，當此之際，無時非齋，又何日分之拘耶。儻身之不修，行之不檢，僭冒法錄，違越禁忌，則三官考罰，五帝糾愆，九祖同辜，一身受罰，非道不慈也。天台法中第二十三品作齋戒節度，內十戒係靈寶本科。允中從古法已編入第一品，此外齋直日分頗近科條，但所引經典之名，多是三洞品目，古無者。今雖傳行於世，未宜憑據。

沐浴常以東井之日：

正月十日，二月八日，三月六日，四月四日，五月一日，六月二十七日，七月十五日，八月二十二日，九月二十日，十月十八日，十一月十五日，十二月十三日。

上清靈寶大法卷之九

## 上清靈寶大法卷之十

洞玄靈寶法師南曹執法典者  
權童初府右翊治金允中編

### 本法印篆品


印者，信也。因也封物相付，亦執政者所持信也。《漢官儀》云：王侯曰璽，列侯至中二千石曰章，其餘皆曰印。此陽世之典格也。隆古盛時，人鬼各安其所，陰陽不雜其倫。故道之用，唯見於修真鍊本，以致輕舉飛昇。中古以降，慢真日益，正道日晦，邪偽交馳，上下反覆，於是出法以救其弊，表章以達其忱，付降印篆，以為信誌。故用印之義，近同世俗，亦道運因時損益者也，但名稱近似世之官府者，不可用字畫，兼取世之凡篆者。不當用曹治，僭及天上真司者。不應用本職之外而繁雜者。不必用靈寶大法，古來止用三天門下南曹印。近世既缺真篆，而

三天門下四字，不應用於人世。除去此四字，又為印不成。故依本法，止用靈寶大法司印，其文則天章雲篆也。六字之中，雖近字體，而不可皆識。天台雖置此印於不用之地，亦編入法中，乃大其樣製，如靈字寶字，悉排此字畫，使令端停，多類凡篆，行其教者，印文與中元正派亦不同。今既進品洞玄，佩中盟錄，行靈寶法，則職位已重，除拜章外，上而奏牘，下而關申牒帖，行移告文符錄，三界十方之曹局，九州四海之冥司，九地重陰，洞天仙治，幽顯所隸，並用靈寶大法司印，實本職執法之信記也，其可雜以他印耶。申奏狀方函，並上下一體施用，惟章並章函，通用章印而已，遣章關牒亦用本職印。

### 靈寶大法司印

自周秦至本朝，尺非一等。有周尺，有秦尺，有漢官尺，有後周尺，至本朝有布帛尺，有省尺，江淮間有淮尺，長短互有不同。今本職執法之

印，合徑二寸五分，周尺。往往法書言印徑幾寸幾分，多不辯尺之長短。後有師古之士，並從周尺可也。周尺比宋浙尺，止八寸三分，為周一尺。



通章印




洞真之品，玉清之道，出於晉永和間，三茅二許、楊郭七真傳降，無章奏之格。太清正一之道，乃玄元後聖付正一天師，有拜章之儀，用九老仙都君印者，以太清同生八老，尊太上為師，故弟子上聞於師，以九老仙都君印。洞玄之道，靈寶之教，自三皇之始，赤明之劫，其教已出，元有章奏之格，出《五鍊生尸經》、《五老本行經》。玉宸乃為元始之弟子，故以此印，通誠祖師也。非此法錄，不得僭用，應而易以他印，並受考於三官矣。

允中按：此乃古法中所述。宋朝有



道之士王升卿，重編靈寶法，亦依法叙陳，諸家多遵用之。其印文於神霄錄亦有之，只去絃略以印章奏，而不詳本末。今此靈寶古法，在宋朝之前。而神霄之教，盛於宣和之間。非此法之條，不得此而同之。其錄中印無絃，此既為中乘之重印，章文之信記，方經同執，法印合應用絃如印式，去絃則非印也。若執法印用周尺，則此印亦用周尺，用布帛尺，則此印亦布帛尺，從古尺可也。

神虎總印



七玉女之名也，用以印召魂旛而已。神虎行移關牒，止用本職印。靈寶大法總中乘之要，南昌上官將吏，北


魁玄範府攝召官君，皆所統攝也。今人却以神虎總印，印之神虎關牒，豈有牒其將而用其名，可乎。

神虎雌雄二印




神虎本科，用於召魂旛上下，攝召之信爾。有別法不須者，自從所傳，不用於文移亦可。玉札亦止用本職，印年月後。具法位告行，則亦合從執法用印，亦可也。

黃神印



越章印



正一者，旨要所載。乃以一印，總名黃神越章，而徑闊稍大，用於布炁治病之間而已。今徑闊一寸八分，周尺。依古文用二印，緊切告祈奏啓上帝。不拜正章者，用之訣法別出。允中恭聞靈寶之道，出於無極之先。靈寶大法，起於中古之後。東吳葛

仙翁受經於徐來勒真人之時，法猶未備。晉許旌陽遇謚母，傳日中孝道明王之教，而科品始彰。今稱淨明院非也，靈寶無二道。晉宋之末，齋修方盛，文檄漸繁，故印篆尤不可缺也。漢天師止以陽平治一印，而至飛昇。許旌陽授銅符鐵券，金丹寶經，孝道明王之教，靈寶之道，亦非印多也。以致拔宅升舉，位列高穹，修真得道，上士高仙，亦有不假印篆，而濟世康時者。豈在印之多寡，以為法之輕重。後世行法者，玄奧不逮於古人，印篆百倍於前輩，近時撰造印記，增改舊法，為圖利之端者多矣。然不過雷霆雜法考召諸書中，以行其詐爾。天台乃於科教中為異，既行靈寶法，却不用本職印奏牘，乃以飛玄三炁玉章印發之，靈寶古法中所無者也。諸家編集靈寶法甚重，自來不曾增入此印。天台於符告中，却用三天太上印，且符文之降出於上玄。今之書篆成於人手，告天而行之可也，未免列法師銜位

於符後，三天太上又何預焉。三天之與太上，非為印文之辭也。又其法中有道君玉印，則妄也。天子王侯謂之璽，以道君而稱印，不可也。以玉為璽，謂之玉璽。如天子古有八璽，秦李斯篆傳國寶，天師刻玉為印，亦止稱陽平治都功印。竟古及今，未有於印文內自言玉印者也。道君則天中之君，如世間人君之璽，臣下安敢用之。臣上奏於君，而復用君之璽，可乎。此外又有混洞赤文印，靈書中篇印，八威龍文印，元始符命印，自然靈章印，勅制地祇印，歷關諸天印，招集群仙印，普告三界印，似此之類，皆以經中四字為一印。如嚴攝北酆印，明檢鬼營印，添一印字，湊分三行，似此之類，則以經中八字為一印。如此則世有《天篆度人經》，自首至尾，悉可為印，不可勝計矣。又新行青玄九司法，亦古典所無之書，其間創立印篆尤衆。行持齋醮者，又取而雜諸靈寶以用之，非也。宣和間寶籙宮有

高上神霄元一六陽璇璣祕籙一階，即無法也。南渡已後，宗壇所授，止稱北斗籙而已矣。天台而因旋璣之名，而集諸書以為法，遂製玄靈璇璣府印，乃杜達真為之。夫璇璣即中斗星官爾，既非下界行持之司，又非人間所用之記，上箋於斗官，而反用斗中之印，豈不礙理。如受天心而行北斗醮，從本法合用驅邪院印，遷靈寶而行北斗醮，則用靈寶大法司印，有何不可。而故欲百計撰造，何哉。又詐稱玄靈通真靖靈寶玄壇，非獨僭亂天儀，亦且違冒陽憲。金陵之三茅山，大洞之宗壇也。臨江之閻阜山，靈寶之宗壇也。信州之龍虎山，正一宗壇也。歷朝崇奉三洞聖師，傳真弘化之地，主領教綱之所。若民間齋醮建壇於一時，事畢撤之，豈有私居，輒立名號者乎。如得通真之妙，則天下大利大害，分野之灾祥，數運終始，皆能逆知，然此等說，世法所禁也。功行未至，固不必狂妄如此。世有通真先生者，朝

廷封之爾，非下民自稱也。又有九靈飛步章奏司，九靈飛步章奏印。夫步罡以應九靈，即章奏作用之事，罡步之名爾。天上無此司，世間無此印。法籙自正一而至洞玄，皆可拜章，並依本職而已。惟正一法籙用九老仙都印，靈寶法籙用通章印。古無異說，豈待別補一銜，特撰一印，而可拜章乎。且以世法言之，宋朝守卒已上，皆得上章表於朝廷，不過書所居官以為銜爾，不應正銜之外，別立章奏之階也。天台又有交兵虎符，乃朝廷發兵之信，民間安可僭竊其名哉。天台續編靈寶法，新起璇璣法、青玄左府法，其類不一，前後所撰印篆，不計其數，難以備言。如天心法用驅邪院印，乃正一之樞要也。考召諸術，千途萬派，莫不總乎驅邪院也。世乃厭其稱名常俗，多易考召院、靈官院，之類極多。亦以其額為印，若雷法名稱印篆，邇來又其繁冗。殊不知運雷霆於掌上，致風雨於目前，亦不必印多而後

可行也。靈寶却不應至此。允中今按：古書止用靈寶大法司印行也，一切奏申符檄也。通章印專以拜章也，黃神越章印以備急切奏告也。只四印而已。此外神虎印用於召魂旛，或朱篆七玉女名於旛身，不用亦可。祈天告地，設醮修齋，禱雨請晴，召魂攝鬼，治病考崇，拔亡救存，二十七品之齋，四十二等之醮，應世間行持之用，盡靈寶章奏之事，止以前四印，無可不可。功成而洞觀徹視，行高而使鬼役神，亦不必廣置印篆矣。北斗除災醮，即四十二等醮中之一也。古來即無璇璣醮，亦無玄靈府印，安可逐時增置。靈寶之外，兼行別法者，自從本科，以其印用。其符奏申合屬，亦只用靈寶本職印可也。蓋玉清洞真本無章奏文移。靈寶為中乘之極品，正一而下，諸法不得跨越靈寶故也。凡我法友，幸謹其初。

### 籙階法職品

三洞經籙應運傳行

洞真部有上清大洞回車畢道籙一階，佩之者稱上清大洞弟子。或不佩籙，而入靖誦《大洞經》，行大洞功用者，止稱小兆臣其。《大洞經》三十九章，屬洞真部。非是近世之人，將《度人經》中章句，指為洞經者也。而大洞本品，古無法職，亦無章奏。後世有編大洞法者矣，然終非古書也。洞神部盛於東漢，盟威籙以下諸階雜籙，悉總於正一壇。天心正法，五雷諸法，考召之文，書禁之術，莫不隸焉。此不詳述其用。洞玄部有靈寶中盟祕籙一階，紫虛陽光次之，靈寶大法隸焉。佩籙而不行法者，止稱籙階。既行靈寶法，而齋法出於靈寶，未免應世接物，因事立儀，遂出法職，亦不得已而強立名色，應時行化者也。進拜章詞，而罔有所總，濟拔幽顯，而銜有所稱。

若法籙職與相皆違，未免鬼神切笑。林侍宸亦云：故立仙階五品，以備行用爾。自茲而進修不已，積功鍊炁，會道澄神，善行徹於玄都，仙名書於玉闕，天界真職於人世。俾之宣弘，頒羽蓋於青霄，召之升舉，事符今古。德至而然，固非先冒崇階職而至也。行靈寶經法而欲為異途者，有行淨明法而補別職者，皆非也。並合佩中盟，而補本職者也。有以太上執法，冠其銜者，尤非也。太上者，虛無之神也。又曰：大者，至大之名，上者，尊崇之義。又曰：至大無外，窮高而不測，故謂之太上。又曰：無上可上，是謂太上。夫道則稱太上無極大道，及太上道君、太上老君。宋朝真宗大中祥符八年，上玉帝尊號曰：太上開天執符御曆含真體道昊天玉皇上帝。自此之外，則太上二字不可施矣。道典中或獨稱太上，太上二字者指道君老君也。天中君，上之稱也。猶世之稱皇帝之號也。以君之號而為

臣稱。秦王并天下，遂稱皇帝，後世因之。且世之官爵，自一命以上，皆出於君。而階銜之首稱皇帝某官，天子某職，可乎。宗壇之錄卷首，皆稱太上某錄，以錄中符篆皆出於太上也。若行持之士給符禁治，或告行符命，皆稱太上某錄符，可也。是可施之符篆，決不可施之職銜。錄因出於太上，而以錄為階。不可以太上加諸銜首，矧太上執法真士，礙理甚矣，太上何置於銜位之中耶。人世奏牘，有宗廟字皇帝字之類，並合平闕。人臣階位，有帝御前及殿名者，並空一字，然終未嘗有帶皇帝及天子於階銜者。太上二字，猶世間皇帝之字也。蓋直指君上之位號，非御前及殿名，指其傍稱也。如有上清某錄弟子者，則玉清上清太清三境天名三洞，以此為別。故錄階或冠其首，亦非可置諸銜之中也。太上二字，冒以為銜，於汝安乎。階銜者，已所得之位也。某錄弟子某法之職，是佩得此錄，傳得此法，以

為己銜，太上不可得也。夫《靈寶經》法，乃法之始也。法曰：益繁有二十卷者，有十卷者，有百二十卷者。既分卷數，仍有品名，乃舊格也，故今不敢廢也。孝道明王之教，傳付許旌陽，初即靈寶也。後世法書混雜，而別為淨明法，亦多非本文也。其餘編集尚多，互有所長，不容棄置。法中奧妙，各遵師傳，而錄階法職不可易也。有謂南曹執法，乃行經法之人所稱。此外靈寶法，不稱南曹，不知經法乃本法也。今齋醮中告行符命，出給真券，典章行用，悉出經法中。不知源流者，却云行齋應世，所用靈寶法，與經法不同，何其淺陋之甚。自靈寶以來，初無太上執法之階。此乃起於天台之謬說。諸方有識之士，未嘗用之。邇來又有不用錄為階，却專取經籍之名，以為階者，尤非也。或者以謂南曹之名，與靈寶大法司印，亦是後世置立。殊不知其來既遠，而師尊所定，大有典刑，不悖於理，以備應

世而蒞法爾。較之天台，僭稱領教嗣師執法真宰等職以為銜，及妄言光中見字，偽置靖名以為額，豈非妖妄耶。近來經法中，亦廣職位矣。如仙階一等，武職六條，及排比品秩之類，頗漸繁雜，悉不當引用，不可以為經法所載，便行補受，忽亂天儀。有稱靈寶中盟弟子，又曰行靈寶大法，於天為不能曉，而叮嚀之中盟，則靈寶錄南曹執法，為靈寶之職，其來甚久，高天上帝非不知也。佩是錄，補是職，則合行是事無疑矣。豈待再三疏於銜位，而後可行耶，此執著不通知見。允中此書已行奏告，不可忽也。今典者一職，他法有之。靈寶法中舊尚未出，因師尊以四階並帶仙字，後學不敢當之，遂啓告上玄，特增典者，為初品之職，而四階不可除者，以俟後之成真得道之士。今列五職，並以南曹執法冠其首，云南曹執法典者，南曹執法仙士，南曹執法仙官，南曹執法真士，南曹執法真官。

允中對越天地，啓告真靈，重編靈寶大法，而法職一事最關典格，高人上士，祕訣靈文，近者甚難際遇，唯籙階法職，不勝其崇。天台法中第二十六品玄憲仙格中，建置法職，初職曰三天代筆伏魔持法使者，數職之後有玉陛執法真官，次列以卿監，其終有赤明執法真宰等數職。自有天地以來，世間未嘗有此法職。執法二字，起於經法中，本只四五職而已。天台竊以二字，撰出數十職，故加以太上字，亦其欲排職位之多而為之爾。神仙飛升之後，尚有欲界色界之殊，肉質凡尸，敢下筆而當之耶。三官四聖已上，天帝之貴臣，可列玉階。昔上真降言，天帝常有紅雲擁蔽，雖真仙亦罕覲面。天台徒友，恐未可執職於玉陛之間。人世朝廷，則疏遠之臣，亦難陞殿陛無極之階，未易至玉陛，執法未易當也。凡人自稱真宰，理未安也。道法三千餘年，掌教於宗壇者，亦以籙為階，而法為職次稱。天台乃僭稱上

清領教嗣師，既非籙之階，又非法之職。天下之大，四海之廣，洞玄之道，悉總之矣，斯為領教也。自三皇五帝，以至今日三洞真典，四輔靈文，未嘗有此。漢天師正一真人，名高玉籍，師表天人。至第二代則張隴西也，深究天文，博通經史，考周天分度，垂萬世典，則實希世之奇才，乃稱嗣師。至第三代則張鎮南也，功業亦盛，已降稱系師矣。自茲而下，垂二千年，閱三十餘代，悉稱嗣教天師。言嗣傳其教，繼襲其師位而已，已不敢比張隴西，直稱嗣師也。洞真洞玄宗壇，非本姓而以弟子傳教，故稱宗師。以時君許其傳籙，身居宗壇，主領傳度天下學士，亦以宗壇為重，故得稱而人不議。此外不拘在家出家，受籙行法者，紛紛不一，宗師嗣師豈可常稱。浙西近多有僭稱宗師者矣，皆教門之罪人也。允中不敢立奇說，不敢為高論，編一法則從古科，行事則從經典，受職於自己者則從退遜，施用於

齋醮者則懼天憲，一符一呪出處未詳者不敢用，一階一職名位稍重者不敢當，期天下行持之人，早成正道，願天下修真之士，早遂飛昇，無他意也。允中備見僭冒大職，失格犯科者，心切驚懼，慮其遭譴而望其速改也。如許旌陽歷劫修真，而功高今古，年一百三十六，拜命飛昇天書曰：上詔學仙童子許，云云辭多而不及具矣。拔宅升舉之高仙，止稱學仙童子而已。上昇之後，方列真職。宋朝王侍宸，呼吸以致風雨，指顧而起雷霆，已是神仙之資品矣。顧而起雷霆，已是神仙之資品矣。有親書雷神符刻石，在饒州神運天慶觀，至今存焉。符後細書曰：五雷小吏王文卿押。每字不過三四分。前輩其修德也厚，其處己也恭，其取名也廉，其臨事也懼，必不肯自稱嗣師與真宰矣。使其果當昇舉，位列高仙，在世之日，尤宜退遜，又何損於道德耶。允中行法之後，進品洞玄，佩中盟籙，所以止稱洞玄靈寶弟子者。以允中先祖諱明，於禮

不應繫銜。而洞玄部紫虛陽光籙之外，極於中盟籙，教門亦稱靈寶籙，故可以回避家諱也。他人自從籙階，合稱靈寶中盟弟子南曹執法，從古書也。止補典者，遵師訓而不敢當仙真字也。唯童初五府正法，屬洞神部，而通於洞玄者也，故可兼職於銜內。自此以下諸法，雖行而不應繫銜。金陵三茅山華陽洞天之中有仙都，內有童初府、蕭間宮，以處男仙得道之真，易遷宮以處女仙得道之真，非高品之仙莫得入也。上帝封四聖與天師為嗣教外臺卿，出法以救世，故稱五府。府之外館有翊治，所以掌其事，為堂館中仙真尊崇也。事見本法並《真誥》諸書。五府法中仙班七品，非世間諸法之比。五府雖降法於人間，而翊治乃洞天之仙局，實有其處，非真仙莫能執職其中。地界法官未免稱其職而遵其事，故曰權童初府右翊治，不敢正受仙職也。法中而列七職，亦以俟真仙也。靈寶大法雖崇，而執法典者，

乃是地界行法之司也。五府法雖次於靈寶，而右翊治乃是仙班，是以不得不帶權字也。近者諸方有補至丹臺外記室者，於心寧無愧乎。今靈寶法職五品，而初五品之後，亦不宜妄行遷進以仙真之字，未易當也。世人未進洞玄而行昇度者，多兼南昌受鍊司及黃籙事者，亦非古格也。黃籙院三官主之，印記與院額，難用於人世。林侍宸靈素雷律，許用黃籙院印，以行齋修，終不便也。路真官時中立玉堂醮法，以正一法籙銜位，而行洞玄科品，乃越一階而文移行用，以天師與上帝同其輕重，是其大失也。天心法職、驅邪院印，非出於偽撰，主行黃籙，固為未當，又大勝天台用詐妄法銜，雜偽印篆以行之也。謹飾之士，務從古科，方為盡善。

上清靈寶大法卷之十

## 上清靈寶大法卷之十一

洞玄靈寶法師南曹執法典者  
權童初府右翊治金允中編

### 悔過謝愆品

修真之要，寡過為先。過之不悛，去道遠矣。雖行持符法，求至上道之階使，為行不檢，亦豈足以攝伏鬼神。況於進拜表章，濟度幽顯哉。功過之司，毫分無失。晉許遠遊遁跡山林，勤心味道，漸入真品。而三官都禁遣周魴等出丹簡罪簿，以誥之曰：夫欲學道慕生，上隸真人，玄心棲邈，恭誠高靈者，當得世功相及，禍惡不侵，陰德流根，仁心下逮，乃可步真索仙，度名青府耳。由此言之，未及許遠遊者，其可不知寡過自修耶。奉法行持，求仙學道，所當悔愆已往之愆犯，積累方來之功勤。故《玄綱論》曰：過惟改而不復為，功惟立而不倦。是謂日新其德，自

天祐之。儻口行祈謝之科，心乏省愆之念，首之前而作之後，飾之外而敗之中，然後苦己勞形，瞻星禮月，持齋奉戒，焚香誦經，亦為徒設矣。有大言眩世，則云罪之不積，惡之不為，豈須懺悔，斷棄教科，此又矯激大過。從容中道，無過與不及，所宜悔過於心，知咎必省，依經奉教，按格行科，削罪目於三官五帝之司，上生名於十極九霄之境，立功不怠，舉形仙飛，固有分焉，亦無自阻，有志者多成事也。

### 謝過儀

每歲除秋分一日外，常以三元八節，本命生辰，甲子庚申，及諸良日，入靖室，或官觀山澤，靜潔去處，焚香，專志省愆思咎。先於壇側端默而坐，深念生世以來，所行所作，無故愆犯不善。云多戰兢，自艾恨不，剖心瀝膽，誓毋復為，今茲愧慚，措身無地。方振衣而起，整肅形神，登壇啓告。無壇處，立香案，展壇布席，行用入戶，誦呪上香，如法祈謝之

儀。早以東為始，午以南為始，夜以北為始。分五方懺念本合置立科法，發爐循格，至三上香，方行禮，方如自然朝儀。但此等事以密為尚，兼獨行朝修，不宜繁瑣。故今止編四方謝罪之文，損益隨事之宜爾。

### 先祝香。

道香，德香，無為香，清淨自然香，妙洞真香，靈寶慧香，超三界香，三境真香，滿瓊樓玉京，徧周天法界。以今焚香，供養虛無自然大道，三境天尊，昊天上帝，北極紫微大帝，紫微天皇大帝，后土皇地祇，三十二天帝君，萬天上帝，上清十一大曜星君，中天北斗七元星君，天地水三官帝君，北極四聖元帥真君，靈寶五師真君，四方二十八宿星君，三界五帝大魔王，十方無極飛天神王，北陰酆都大帝，東獲扶桑大帝，五嶽五天聖帝，洞天福地，名山靖治，主錄仙真聖衆，三洞四輔法籙中靈官將吏，三界官屬，一切威靈。仗此香雲，普伸供養，玉華散景，九炁凝煙，香雲鬱羅，逕衝諸天。侍香金童，傳言玉

女，上聞帝前。令臣關啓，咸得如言。具法位臣姓名，以今良旦，齋潔洗心，祈真告道。先伸上祝皇廟社稷，宗廟先靈，駕景九霄，垂休萬葉，今朝皇帝基圖永久，祚業昌隆。聖壽並於乾坤，德教均於造化，萬方向善，百穀咸豐。有識有知，悉悟至真之道。無邊無極，共躋榮樂之鄉。大教興行，正法流演。敢伸凡願，上冒宸嚴。臣下情無任戰兢，惶懼激切，屏營之至。

臣某志心皈命，東南西北、四維上下、十方靈寶天尊，三十二天上帝，周天二十八宿星君，天真上聖，五嶽真君，山川河海，洞天福地，一切神仙諸靈官。

次三禮，次向北方。夜以北為先。三拜長跪。

具位臣姓名，志心皈身皈神皈命，北方東北方無極太上靈寶天尊，北方八天帝君，北方高真上聖，斗牛女虛危室壁七宿星君，北嶽恒山黑帝真君，北方洞天福地，山川河海，一切真靈，北鄉神仙諸靈官。

臣聞大道垂慈，啓悔愆之路。高真垂化，開謝罪之門。若非請命以祈恩，豈獲釋愆而道譴。伏念臣愚庸賤品，蠢陋凡資。幸浹真風，叨逢道運，久膺法籙，冒玷簪裳。不能勉強以立功，乃復因循而造罪。莫知檢束，罔謹修持。所慮萬祖億曾，昔亡往逝，暨臣千生累劫，宿命先因，爰至今身謀用之間，舉室親姻之衆，造諸元惡，成彼深愆，無量無邊，難名難述，結在天曹地司之內，著於日月星辰之宮，永劫不原，終天無解。懼其報至，恐及禍萌。以今皈命首陳，盡祈湔洗。伏願天垂恩宥，道啓慈憐，萬聖流祥，衆真錫慶。赦臣九玄七祖，以及己身，萬劫千生，至于今日，滔天重罪，蓋世深愆，消滅惡根，削除過籍。庶使臣早成正道，獲際真師，身世安榮，法徒寧泰。在俗則云：眷姻寧泰，更祈祖宗神識，師友魂儀，已逝親姻，先亡眷屬，長居快樂，永遂逍遙。六道三途，四生萬類，俱蒙拯度，悉被陶成。臣某下情無任懺悔，禱祈之至。

三拜，次向東方。

具位臣姓名，志心皈身皈神皈命，東方東南方無極太上靈寶天尊，東方八天帝君，東方高真上聖，角亢氏房心尾箕七宿星君，東嶽泰山青帝真君，東方洞天福地，山川河海，一切真靈，東鄉神仙諸靈官。

臣聞云，同前。

次向南方。

具位臣姓名，志心皈身皈神皈命，南方西南方無極太上靈寶天尊，南方八天帝君，南方高真上聖，井鬼柳星張翼軫七宿星君，南嶽衡山赤帝真君，南方洞天福地，山川河海，一切真靈，南鄉神仙諸靈官。

臣聞云，同前。

次向西方。

具位臣姓名，志心皈身皈神皈命，西方西北方無極太上靈寶天尊，西方八天帝君，西方高真上聖，奎婁胃昂畢觜參七宿星君，西嶽華山白帝真君，西方洞天福地，山川河海，一切真靈，西鄉神仙諸靈官。

臣聞云，同前。

次中央。

具法位臣姓名，志心皈身皈神皈命，上方下方無極太上靈寶天尊，三景九霄大羅無極三十六天帝君，五老上帝，北斗七真，天曹主宰，無鞅高真，羅酆陰境，十地真靈，三十六土皇君，中嶽嵩山黃帝真君，中央洞天福地，山川河海，一切真靈，上鄉下鄉神仙諸靈官。

臣聞云，同前。

次歸位對席

臣等志心稽首，禮

太上無極大道。

臣等志心稽首，禮

三十六部尊經。

臣等志心稽首，禮

玄中大法師。

次啓白，回向

具位臣姓名某，謹重誠上啓無極大道，上帝高真，三界威靈，十方衆聖。以今懺愆謝過，入靖修真，獲遂陳情，仰祈大宥。伏願陰曹削罪，仙府書名，道遇至人，學無魔試。臣敢不益堅善



念，深悟前非，願契道真，永依冲蔭，十方共慶，九祖蒙休。爲上因緣，念十方靈寶天尊無量不可思議功德。

次出戶，如常式。

靈寶自然朝，先啓聖，次禮十方，次懺悔三禮，次回向念善。今五方謝過，即靈寶自然朝之餘意。止一五方者，貴其簡而易行。不舉玉音梵唱，貴其精默感格。奉道修真之士，不問法錄高下，悉可按行。久久行之，內加痛省，則罪滅福生，成真得道矣。

### 五品陰功品

經云：星宿錯度，日月失昏，四時失度，陰陽不調，國主有災，兵革四興，疫毒流行，兆民死傷，師友命過，皆當修齋，行香誦經。比經中之本意，五等之功用也。其法當建靈寶之壇，集同學之士，取九方之清泉，貯金玉之寶器，九鼎也書九野之名，九州分野之名，埋三晨之象。以金玉石英，作日月五星之象，埋


壇上也。

匱蓋行持，驗災增減，潔所建之壇，備神明之好樂，錄五事之灾咎，奏所隸之高真。心丹合天，五功乃就，克臻升舉，是為陰功，洩語外知，其功不注。謂此事皆以密行為貴，不可說與外人知也。

### 靈寶壇

擇素無穢污、不雜砂礫之淨土，非戰場刑獄、屠宰畜產之地，建壇三級。下層方九尺，高一尺二寸。中層八角，廣七尺，高一尺二寸。上層圓，廣五尺，高九寸。壇中三級，排列聖位及諸好樂等物。

### 壇式



星宿錯度日月失昏

謂五星凌犯，九曜差躔，妖星吐輝，孛彗舒耀，次舍不順，變亂經常，日青無光，月行失次，薄蝕翳暈之類。

### 上層

壇中聖位從所主也。

天皇大帝，太微帝君，北斗七元星君，五方五帝真君，十一曜星君，妙行真人。

### 中層

三台華蓋星君，二十八宿星君，三官帝君，北極四聖真君，十方飛天神王。

### 下層

八卦大神，九州社令，五嶽大神，十二月將，十二時直。

四時失度陰陽不調

謂春行秋令，夏霜冬雷，常雨常暘，炁候差忒之類。

### 上層

壇中聖位從所主也。

虛皇天尊，五方五帝，三元三宮四司，搏桑大帝，暘谷神王。

### 中層

五嶽大帝，九州社令，四海龍王，四瀆源王，八卦大神。

下層

風雲雷雨大神，風伯雨師，十二月將，十二時直，直壇土地。

國主有灾兵革四興

謂權臣專制，姦佞擅威，盜賊四興，亂臣割據，蠻戎逆化，邊鄙不寧之類。

上層

壇中聖位從所主也。

昊天上帝，北極大帝，玉虚上帝，十方靈寶天尊，十神太乙真君。

中層

三十二天上帝，十一列曜星君，十方飛天神王，九宮大神。

下層

九壘土皇君，五嶽大神，九州社令，太一諸神將，十二時直，直壇土地。

疫毒流行兆民死傷

謂瘟疫之炁干時害民，不祀之鬼乘炁為癘，以致野道蠱魅，精怪鬼邪，癘瘵傳尸，復連延續，行病肆毒，使斯民夭橫非命死傷之類。

上層

昊天上帝，十方靈寶天尊，長生保命天尊，妙行真人，三官四聖真君。

中層

三元將軍，收瘟斬瘟大將軍，三洞經法中度厄吏兵，天醫大神。

下層

五方天兵騎吏，九州社令，太歲尊神，十一月將，十二時直土地。

師友命過

謂受一善之教皆為師，同一朝之學皆為友，傳道嗣法，合志共門，義等天親，情無生死，命過之後，當謁追修，隨事之宜，合建黃籙壇。其行事從本法升度之格，已見於後，此不重叙。

三晨象

日用金，月用玉。缺則以白銀代之，各徑寸如其形。五星用五色石英，小如彈丸。各埋於壇之上層土中，深各九寸。日左月右，五星從本方。

上真星宿好樂

琵琶，鳳管，時花，新果，山泉，潔飯，或染五色五穀，青木香，甘松香，茆香，細茶，大棗，五色幡，五色綵繡。

太一好樂

此乃十神太一，世俗為孛星，非也。壇中當作十位列。

五福太一真君，綦太一真君，大遊太一真君，小遊太一真君，天一太一真君，地一太一真君，四神太一真君，直符太一真君，臣綦太一真君，民綦太一真君。

竹弓，蘆矢，印甲馬，兵士，無鞍馬，木刀鎗劍戟，緋黑紙錢，五色繒，時花，新果，細茶，山泉。

右諸好樂之物，各宜精潔為佳。

九鼎

壇中寄於二官

曉荆二，魁梁七，寶雍六，金揚九，鼎豫五，昂冀一，銅徐四，罡青三，蒼兗八。

古者金玉銅鐵之鼎，或不能辨。當以新潔陶器略，鼎之可以貯水者，上為之蓋。以硃書九鼎之名，於器之外，九州之名，於器之內。安於壇中層之八方，依九宮布之，只以第五宮中央之鼎，寄安二宮之側。先祈具奏所屬上帝，申牒壇中三界真靈，次汲九方清

泉，入九鼎之內。法師口奏事狀，以蓋覆之。仍別設淨筵，各依好樂，備置儀物時花新果，燒香然燈，供陳如法。集同志同齋之士，善行清修之人，不拘人數，協力同心，共修齋直，禁壇淨穢。移文所屬地祇等神守衛。然後正心誠意，精篤想念，悉如古典，誦詠《度人上品妙經》。行香六時，經周十過，使丹衷徹於九極，一念格於十方，非若世俗常行讀誦之易也。儻非其人，不集善事，心馳於塵空之境，口誦太上之篇，雖積日累時，數周十萬，亦為難矣。功成德就，啓視九鼎。且以鼎貯水，上又覆之，清澄如初，理之常也。小有混濁，或別見異狀，則事之變化也，反常者，皆以為妖。則可以知其所屬之分野安危，未能全解也。此則古人淳誠之用心，若區區分辨於毫髮之間。或紅則主某事，濁則主某災，此則類乎巫覡之小技，非經中上消天災，下攘毒害之大體也。行香之儀，通自有式。壇中所設高真，皆專位排列，如十一曜分十一位之類。若數位總為一而書之，

非古法也。

經曰：修齋行香誦經，則合從齋法。欲少近古，可行靈寶自然朝，亦通，即齋法之始也。

允中按：經曰：星宿錯度，日月失昏。又或四時失度，陰陽不調。又曰國主有災，兵革四興。又曰疫毒流行，兆民死傷。又曰師友命過，皆曰亦當修齋行香誦經。舊有一家靈寶法中，每一句作一章，分為九事，切詳經旨。上四條皆兩句八字，意義相聯。每二句之下，皆曰行香誦經。獨師友命過只一句，亦曰行香誦經，是九句而格分五條。故允中師授之書，共一靈寶壇，而分五等聖位。除師友命過一條，合從升度本科外，四等聖位疏于前矣，是為五品，從經旨依師授之也。李少微曰：齋者，謂黃籙等齋，五文鎮謝，非常俗之齋也。三時啓奏，所以感天動地，降福禳災也。此壇上圓、中八角、下方，乃靈寶之壇。古者靈寶別法，建壇泥壁，漬玉液以奏帝，其

壇亦同此式。正合靈寶本法，而其行事，乃終歲修用，非世俗可以常行。與其消災禳變，一時拯急之意不同，不敢叙入此也。天台法中載此禳鎮，在度厄消災品中。其始則載火鈴印文，請炁禁治之事，其訣未詳。而本法隸童初玉冊，與此不聯。次則八節之日誦經，依九宮而保禳九州分野。此乃古書中，學士依節服符，自鍊之緒餘。又以為九宮誦經之後，回南向東，湊作十轉，悉非本旨，甚矣。以此靈寶壇稱三天總炁壇，以黃籙三級方壇却稱靈寶壇，恐其別有所據，却不出靈寶本法。且於下元之日建壇，列九鼎，取清泉為沸湯，以入鼎中此等事，古未用湯者，其餘行用，多不同古科。獨下元日建壇禳鎮，而以九鼎中水之豐耗，或見五色，以占九野之有何災，是占驗之術，而行於災變未兆之前，固不失為美之意。然別作一科行之，可也。殊不知經中言此五條，皆當行香誦經。而其次章則總曰：凡有是

經，能為天地帝主兆民，行是功德。有災之日，發心修齋燒香，誦經十過，皆諸天記名。經中意謂天地運度，亦有否終。至聖神人，亦有休否。禍厄將興，災變或肇，所當隨事拯救，按格解禳。而此五等有九條，乃災變之大者，依其事之所隸，建壇祈告，則功德無量。今若云防事於未然，杜災於未兆，善則善矣，非為其事，反同常行，而大違經中之本意。則凡所修所用，措辭立說，皆與此異。今所編者，以本經為主，以古法為定，故不容叛經而言法也。

上清靈寶大法卷之十一

上清靈寶大法卷之十二

洞玄靈寶法師南曹執法典者  
權童初府右翊冶金允中編

濟生陽德品

此八緯中第七條

生生之德，大矣哉。道好生也，故生天地。天地好生也，故生萬物。人惟既生，於是以生為重。神仙上士學道修真，反惡夫幻身之累我。世人罔究其旨，便謂修行之士不貴乎生，是不然也。夫得道者不戀形體，不染物欲，本來一念，湛然獨存。故其留形也，不逐世緣而蕩。及其蛻質也，不隨形體而亡。神鍊炁澄，超凡入聖，回顧眇之胚骸，豈非累我。老君曰：吾有大患，為吾有身。太極真人頌曰：外身而身存。皆此義也。若世人則異乎此，身在則神在，體存則誠存，體質一傾，魂神散亂。或沉於幽暗，或墮於杳冥，如此之死，不可復生。已生之生，夫豈不

樂。貪生而惡死，實古今之常情。生生之不窮，乾坤之正理。是以上帝憫世，垂教立科，拯厄扶危，除妖却妄，拜章設醮，請福延生，皆所以廣大道生生之德，而遂斯民生生之願也。靈寶古法，有濟生陽德品，乃醮告斗星，延生度命之行用也。然非受來詞，則事難關申。雖為救濟之善德，而非可以隱祕，是之謂陽德。按古儀四十二等醮，其第二十等曰北斗醮。今此立玄樞靈壇，中設北極帝座，前列衆真，環以北斗南斗，而其行用，近乎北斗醮矣。蓋夫斗之在天，實為權綱之主，關係甚重，延生請宥，尤隸斗樞。故也學者當深體濟生之本意，以迪古人之用心，則此科可行矣。

法曰：下元有山川河海之內，城邑鄉塢之中，水石禽獸之精，五行不正之神，下土強惡之鬼，魑魅妖厭之魂，妄行妖孽，擅作異端，纏惑生人，諸不能治。或有北陰酆都之內，血肉不正之神，結連祖考，昔亡近化，內外親姻，訟由冥曹，延及生人，復連殃

害，諸不能解。以此三辰玄樞靈壇，建於淨地，所祈立報，解治安寧。


### 玄樞壇又曰三辰壇

擇潔淨密室，或曠野無人迴靜處，取淨地建壇一所。每層高一尺。上層闊二尺，當心中皇宮，設北極大帝、天皇大帝。中層闊三尺，列北斗九皇，南斗、三台、日月，皆依象然燈。下層闊六尺，列三元將軍，十二支神，當年太歲，擎羊陀羅二使者，四直功曹，土地等神，前列洞案，書二斗名，燒燈焰，以五色線自斗口布至洞案下，依儀關啓，暗晝匿過，深愆微生，昧心隱慝，和合年命，禳解災厄，人道肅清，鬼怪戢息，其應特異，至誠至神。或不及累土為壇，則用聖土畫地為三級，依儀修建，然以常壇為優。

### 飛斗


用大紙雲馬，於鞍上空處，朱書南北二斗符，每位獻狀一通，并馬一騎，逐星獻之，馬以奔走之狀，雲作飛逸之勢，或印板能如式，則傭工繪之。

### 北斗



### 和合年命符名育死局

謹請五星靈應帝君，和合某人年命。急急如元始天尊勅。




却於符下書云：某人某年月日時生，上屬北斗某星君，平生陰匿某罪，願乞原赦。作三行，或五行，燈焰上燒。


### 二斗星君

魁魍魎魍魎魍魎，魍魎魍魎魍魎。

### 七元祕授符



### 飛神



先步斗，自斗柄入斗口至魍，存斗罩身，再步入斗口，三拜，存思出神，直入斗中，呼四直使者，具白醮意，見其入斗。次見擎羊陀羅二使者下降，檢察醮筵，復回啓報星真，法師立斗中候其回。畢，次入南斗，復如北斗式。見火鈴將軍，六星童子，檢察回報。然後斗星乃降，良久有紫雲異香，或赤光入戶，乃二斗下降也。忌僧尼孝子婦人雞犬見之。

先於壇前，列案然燈燭，仍時新五果醴酒異香，不用檀香乳香。或缺淨酒，則酌以玄酒，惟精潔。依儀奏啓關告事畢，獻狀錢馬，以火燒化，誠極其至，萬厄皆除。

允中受傳靈寶大法，乃中原舊文也。今所編集，悉遵師傳，不敢改易。大抵事若當於理，何暇辨釋，豈可言別派之異同。實緣天台一宗，流布漸

廣，而其說戾古者多矣。與其餘諸家大不相似，遺之不考，人必致疑，罔知適從，故不得已而述之。衆書與天台不同處，則叙其所以異。天台與衆書近似處，亦證其說不誣。初非允中自無師授之文，假天台之法以成書也。況允中編集出行用古式，多是天台法中所不載者。玄樞祈告，古來靈寶法中稱濟生陽德品，今列于前者，是其本文也。自天台杜達真立璇璣法，每事好異，既不從伏古科稱北斗醮，創置玄靈璇璣府印，設察訪使之職，又稱主管璇璣府事。令世人受之，此則玄科世法，兩皆違犯天理人情，兩皆不順。允中已於總序詳論之矣。故只合遵依法，止稱北斗醮，主行之人，各從本法之銜，用本職之印。如行天心正法，合用驅邪院印之類，不應改換銜位，變更印文。若不稱北斗醮，而別立一名，則北斗之傍名號亦有隱僻，而人罕見者，皆足以為異而欺世。但未免有如曹娥碑陰黃絹幼婦之

語，後世市井間流，而為猜謎者也。變其正事，令人以意逆之，實兒戲爾。以此褻瀆上真，於心安乎。及其文檄，既上奏於斗星，與天帝同禮。或者又簽其狀函，曰狀奏九宸玉闕，此尤僭亂天儀。三清玉帝之天門，可言玉闕，斗星不敢當也。且以星界言之，則紫微垣已可考矣。垣者，圍屏之謂。今兩畔各有七星環之，上則華蓋覆之，北極大帝、天皇大帝居於垣中，其前之缺處曰闔闔，此則紫微垣之闕，乃可稱帝闕。如北斗則又居闔闔之前，乃綱紀之星，為喉舌之要，出納號令，臨制四方。世之尚書，亦為朝廷之喉舌。夫斗則天之大有之司，其職至要，其權至重矣。然終不可尊北斗為天帝，猶世之不可以尚書為天子也。北斗稱玉闕，僭亂謬之甚矣。杜公之門戶，其始貴於異俗，尚奇而終焉。大致違科失禮，襲而倣之，恐非謹厚之體格也。若北斗又曰中斗，如法中以南斗相對而醮之者，蓋取

《南斗經》中之說而為之。其實南斗乃二十八宿中之斗宿，亦在大之東北，自天文中亦稱南斗，然終不可與中斗對也。古法如此，編入故不敢更易其舊。

上清靈寶大法卷之十二

## 上清靈寶大法卷之十二

洞玄靈寶法師南曹執法典者  
權童初府右翊治金允中編

### 濟鍊幽魂品

謹按：中乘之法，洞玄九真之道。

乃太上大道君以延康劫初，禹餘天上所出，其經則洞玄一十一部。至漢靈帝光和二年，太極真人徐來勒，以上清寶經三十六卷，靈寶勸戒等經三十七卷，授付仙翁葛玄，後世稱太極左仙翁者是也。洞玄之品，靈寶之道，至斯而大昭於世，仙翁實爲傳教之師真也。而近者傳行祭鍊之法，皆稱葛仙翁祭鍊。或者又去仙翁字，而止稱太極祭鍊者，尤爲礙理。夫無極然後太極，則天地之始，非可以爲法書之名。若言太極真人則徐君也，若言太極左仙翁則葛君也，若無仙翁真人稱，則太極二字決不可獨用於此。及觀諸家所稱仙翁祭鍊之文，諸方皆以生天寶錄爲主。

其言辭科法，悉是今人之體格，而徑以仙翁之古科，則不然矣。往往世人問仙翁嘗以祭鬼而立功，遂採其名，而編集成書。殊不知仙翁生於東漢，其文辭體格，與今不侔。然今之所存，依法中典格，敘述而用之，有何不可。又豈特立異名，而後可以利濟哉。人能澄清志慮，整肅形神，虔恪奉行，則隨誠報應。或臨事慢易，存念乖違，雖親奉天尊之玉音，亦難弘恩於幽壤。前後記載所傳，耳聞目睹，因此書成功者甚衆，學者可以究心。允中所見祭鍊之書，不止數十本，雖大體相類，而其祝辭白語多駁雜，其聲音不比，臨事難讀。今所編符呪行用，皆出靈寶諸法中，受天心正法，以下皆可通行，而啓祝行用之言辭，則允中之撰集也。乃所以廣其事，而不至拘執。若初行而欲奏聞上帝，關告冥司，則直辭具述，欲發願祭鍊孤魂而已。儻云奉行仙翁祭鍊大法等語，皆涉無根，緣此乃法中一事爾。行持之士，散施符藥，以濟生民，祭鍊鬼神，以資幽爽，所當爲者，唯

在精專久而已。近世行持此者甚多，銳於初而怠於終者，皆是也。或遇三元八節，四赦庚申，甲子生辰，旦望上七等日，爲之者甚佳。但萬一其間一二，有不可免之事奪之，則因此而敗美意。亦有至期之夜，鬼神守待於其地，致人驚懼，而廢初志者有之。若欲持久而可常，莫如不拘日分，隨時修爲。或一月而行一次，或二三次，或有暇而併爲之，或偶遇良日亦爲之，並不爲定格。則在己無失期不滿之念，在鬼無徯望待哺之期，兩皆無拘，其功愈重，不執不滯，乃可久行。或者不以此說爲然，欲剋日候期者，自可從便，今每行而不用申奏文移，貴其簡易。應大建斛食，普度沉魂，合從本科，非此例也。

#### 造斛

每用米一升，或二升至數升，皆隨力，製爲淨飯。切忌葷穢，乘熟裝成一小斛。不必用麵食之類。有力者自從其厚，於其日晚間方造。

合用

符三道，降召符，真文五幅，酆都山形三五本，靈書中篇十本，生天錄十道，紙錢三五貼，淨水，燭或燈隨力，香。

已上合用之物，愈多愈好。若隨力建功，當用前件也。遇行祭鍊，須於其日晨興盥沐，終日齋潔味爽，預行口奏。

先祝香

道香，德香，無為香，清淨自然香，妙洞真香，靈寶慧香，超三界香，三境真香，滿瓊樓玉京，徧周天法界。以今恭謹焚香，供養三清三境天尊，昊天上帝，北極大帝，東極青宮慈悲太乙救苦天尊，南極長生大帝，東華木公上相青童道君，白玉龜臺九靈金母元君，度人不死尊神，九天好生韓君丈人真君，九天司馬大神，南上司命司錄、延壽益筭、度厄尊神，靈寶五師真君，南方丹天世界，朱陵火府，南昌上宮主宰高真，鍊度官君將吏，北魁玄範府神虎攝召官君，玉女神將吏兵。恭望天慈，曲垂省錄。玉華散景，九炁凝煙，香雲鬱

羅，逕衝諸天。侍香金童，傳言玉女，上聞帝前，令臣關啓，咸得如言。具法位姓某，輒伸凡悖，上瀆天聰。伏念臣濯質清，時叨承道蔭，無功及物，有罪積躬，僭欲濟度於幽明，或可超昇於沉滯。謹於今日夜，就某處備置淨食，祭施三塗五道，十類四生，一切孤魂。臣擬書行太上生天寶錄，水火真符，印給酆都山形，普行鍊化，用濟沉魂。但臣夙稟凡資，未明真理，仰祈矜貸，庶可感通。恭望天慈，俯流生炁，容臣書篆，許以頒行。仍乞天旨，告下城隍社令，陰境冥關，典祀神庭，黃泉蒿里，掌錄魂魄，應干神道，主執曹僚。悉令依應開扃，啓閉放釋罪魂。定於今日夜亥時來赴壇筵，享祀受鍊，仰霑玄澤，以返本真。拱俟天恩，特垂昭報。臣誠惶誠恐，稽首頓首，謹言。

如行天心正法，即除去神虎將吏，却入太玄本際童子，六甲開道使者，統兵助法神將吏兵，至夜起告亦同。

次白將吏


靈寶大法司，如行天心正法，可云北極驅

邪院。以今關告執職萬神，下元黃錄院開度官君將吏，南昌受鍊官君將吏，北極玄範府何喬二大將，七真玉女，三部使者，追攝吏兵，當處里域土地，社稷正神，疾速赴壇，有事啓白。存將吏至諸司官將悉以來臨，當職恭佩靈章，奉行大法，立功為本，濟度當勤。見取今日夜就某處，備置食筵，薦資孤爽。除已啓聞上帝高真，告行符章外，今請諸司官將衆神，遍諸冥關幽獄，夜府陰宮，嶽瀆靈墟，城隍社令，黃泉蒿里，主錄亡魂，應干合屬去處，拘集三塗十類，五道四生，及郊野無歸遊魂飛爽，有祀無祀，善終惡終，一切應度孤魂等衆。剋於今日夜亥時，悉赴某處，伺候祭鍊，正品超生。火急奉行，亟切昭報，澤覃鬼趣，皆自神功，急急奉行。

次書篆符

太上生天寶錄

此錄誥文式，任意寫於後，或於錄下。





開度五道四生。孤魂滯魄，出離幽暗，隨果往生。主者遵依符命奉行。

太歲 年 月 日告下。  
具法位臣姓某告行。


端坐，存思救苦天尊在懸空之中，大慈大悲大惠真人、救苦真人左右侍立。次想南斗蓋頂，化身為真人狀，然後見天尊遣玉女，乘寶光持寶籙，下至面前，低聲誦中篇一遍，便落筆書篆，將唵吽吒唎四字，重疊書之，口念呪曰：

无上玄元，太上道君，教臣行符，照破幽獄，死魂出離。急急如律令。

每用十道，每道皆依式書篆之。次書水火符各一道，並畢，再誦中篇三遍，以符篆香上熏過，奉安淨所，至夜用。

### 請真火符


太陽炁，離訣，黃紙硃書。



日魂呪  
日魂珠景，照韜綠映。迴霞赤童，玄炎颺象。急急如律令。

### 請真水符

太陰炁，坤訣，黃紙黑書。




### 月魄呪

月魄曖簫，芳艷翳寥。婉虛靈蘭，鬱華結翹。淳金清瑩，炁容臺標。


### 酆都山真形符

已見於鍊度品中。



次持誦靈書中篇三十遍，有暇多誦，尤佳。

### 變食符



### 淨夜行事

於空迴處安斛食，其斛食邊不用燈燭，却安卓子於數丈之外，有隙地稍遠尤善，卓上却安香爐、淨水、燈燭，行持。蓋以食祭鬼，不宜人氣及燈燭逼近。今人多置鬧隘燈燭之中，大為非便。次法師焚香，臨案行事啓聖。

### 祝香，啓聖位。

並如清旦式云。

恭望天慈，證盟開度，玉音攝炁，靈風聚煙，紫虛鬱秀，輔翼萬仙。執籙把籍，齊到帝前，令臣關啓，咸得如言。具法位臣姓某，不避靈誅，冒干宸聽，願垂鑒映，遙賜證盟。伏念臣猥以凡資，濫司至化，輒忘微賤，敢有披陳。靖惟三途九地之中，沉滯十類四生之衆，善功罕遇，玄澤難霑。寂寂幽關，欲自新而無路。茫茫苦海，念超脫以何由。固其夙習之所招，實在迷途而可憫。自非皇天眷宥，大道慈憐，曷俾沉魂得離陰境。臣謹依真教，虔備食筵，告行超生鍊化之符章，持誦大梵靈書之祕

典，用資萬類，普度四生。聊輸懃懇之誠，少拔幽沉之衆。恭望道慈省錄，天造矜容，特降兩曜之英華，密布五行之正炁，付臣冶鍊，許以宣行。煥幽暗以開明，拯沉淪而升度。臣某下情無任祈恩俟報之至，誠惶誠恐。稽首頓首再拜。

### 退復本位

次焚召符，及真文變神召將。存想行持。

靈寶大法司，關告將吏，如清旦式添五道大神，當處土地，里域社稷正神，黃泉蒿里，一切主者，火急赴壇。請詳照本司已行，啓奏上帝，及先來關告事理，即今拘集九州分野，五道三途，十類四生，孤魂滯魄，疾速赴壇，祇受祭鍊，霑領天恩，證品超生，以時昇度。急急如上帝律令。

次變食，用真文五道，於斛之四畔，隨力燒之。存五方生炁，下注斛食，燒符，望空吹散於斛上，須臾變成天厨，異饌斛食，廣博崇高。或不行靈寶法，則用變食符，代真文用之。每

方微聲，誦中篇一遍。

法師遠立，行攝召。

如自行則密吟

太微迴黃旗，無英命靈籙，攝召長夜府，開度受生魂。

謹伸召請天道之衆，神道之衆，人道之衆，地獄道之衆，餓鬼道之衆，畜生道之衆，胎生之衆，卵生之衆，濕生之衆，化生之衆，普天之下，六合之中，有主無親，合靈抱識，三途九夜，萬狀千形，或男或女之身，遠化近亡之衆，沉靈滯爽，一切孤魂，普召來臨，受茲薦拔。伏聞妙道隱沉，運陰陽而立極。至神恍惚，鼓造化以分形。既奠兩儀，而生萬物，普出陶鎔之內，或歸覆燾之中。然而民物漸繁，俗非朴厚，洪荒已遠，世益澆漓，富貴貧賤之變遷，爲修異習。禍福盛衰之倚伏，奔走殊途。爲萌善惡之分，遂有升沉之別。今古遙遙而既隔，幽冥寂寂以無窮。倘未能隨業受生，終不免任緣淪滯。故登涉之流常少，退墮之輩頗多。是以貧賤異倫，死生同等。生今既極於富貴，

歿也當脫於沉淪。若非效職於仙曹，則必返躋於貴冑。其奈功分厚薄，德有淺深，或稽舊洛之遊，尚駐幽都之駕。若乃職分帥閫，位列戎行，惟知奮力於忠勤，豈顧身膏於草野。妻兒已遠，祭祀不聞，形質無歸，精魂何托。或遺家就學，或挾篋尋師，干祿求名，偶乖素志，懷才抱藝，未副初心。豈知日月之流，不覺限期之及。間有身騰仕路，位列朝班，或功名已極而身危，或爵祿未隆而數至，或出使於他國，或受任於異鄉，偶致身命之難全，或亦妻孥而莫保。固有絕塵而披羽褐，削髮而入空門。以期玄籍之書，欲冀性宗之悟，其如進修有分，安能一一俱成。未免延駐無由，又恐茫茫失托，或棲巖隱谷，晦迹消名，避世以無求，窮居而獨善。豈謂年華易度，光景難留。蕙帳還空，歎山人之已往。松窗既寂，嗟處士之何歸。幸有生於富貴之家，出自膏粱之族，貨財燔己，聲色逼人，事過成空，回首悉非。我有數窮必逝，留形難假人謀。有因身口相縈，遂爲貨

財所役，或商或賈，忙忙毫髮之徒勤。以病以亡，寂寂鄉關之永隔。惟人以食爲命，故農以耕爲生。沾體塗足之甚勞，東作西成而粗給。倘妻兒溫飽，雖老死而葬祭以時。偶骨肉孤寒，因淪落而魂靈不祀。以至功居一藝，業在九流，役役以度朝昏，紛紛以歸輪轉。棲遲故里，或得正終。飄泊異鄉，多成客死。或昧於擇術，居屠宰之行。或偶然失身，於倡優之部。及至今日之幻化，寧知前路之升沉。況林林而生，總總而衣，或鰥夫寡婦，或獨老孤兒，或足斷手殘，或目昏耳聵，或口瘡而語言莫辯，或性愚而菽麥不分，或服毒不救而亡，或生產未分而死，或遭時疾，或陷國刑，或因殺鬥而客主遽傷，或因呪詛而彼此不利，或赴水赴火，或自縊自刑，或石壓樹摧，或蛇傷虎噬，生兮萬類，死也百端。丘隴森森，前之朽者莫辯。墳塋疊疊，後之來者何多。青山莽莽爲誰家，白日昭昭非我晝。露冷月明之夜，寂寞孤墳。風悲雨暝之鄉，淒涼空谷。或已焚尸柩，散蕩遺

骸，未悟死生，浮遊孤爽。人世音容之已遠，泉鄉悉苦以無窮。啾啾之聚哭何悲，漠漠之幽沈未度。與夫精怪魘魅，魍魎陰靈，鳥獸蟲魚，胎卵濕化，三途十類，五道四生，普天六合之中，四海九州之內，聲述不盡，品類未詳，一切孤魂，萬類鬼爽。伏願仰承道力，恭仗真科，整肅儀刑，扶携而來，就食精專，念慮率勵，以共朝真，受茲祭鍊之良緣，赴此潔誠之法會。普伸告召，想已來臨。

#### 呪施食斛

奉爲孤魂，上資雲路，往生仙界，

念玉清惠命呪：

稽首明慧虛無尊，稽首皈命重玄主。裁成天地無德稱，悉爲衆生作恃怙。慈悲五道轉輪回，哀救三途地獄苦。皈命金闕天中尊，皈命六道慈悲父。皈命玉清無上尊，已離生死長綿綿。出有入虛無所待，能令枯朽變成仙。千劫萬劫難一遇，爲衆廣說業因緣。回骸起死永長存，使其形神無變遷。

#### 破獄呪

茫茫艷都中，重重金剛山。靈寶無量光，洞照炎池煩。七祖諸幽魂，身隨香雲輿。定慧清蓮花，上生神永安。

#### 昇天呪

功德金色光，微微開幽關。華池流真香，蓮蓋隨雲浮。千靈重元和，常居十樓。急宣靈寶旨，目在天堂遊。

#### 咽喉呪

浩晶生法氣，氤氳凝天中。兩曜共澄徹，五緯交相通。三光煥已明，寶炁盈三宮。帝鄉會九老，咽服百骸豐。金華照光景，身與日月同。念道上聖前，萬劫壽無窮。

#### 三光流精法食呪

妙道生一氣，氣中分陰陽。凝化日月星，燦然流三光。九華合九道，八色怡八房。煥爛洞真體，流晶歸大芒。下生淵泉宮，上列無何鄉。從體復非迹，欸然都相忘。七寶流精結，混沌雜華房。嚙服九雲散，此樂殊未央。

#### 玉陽法食呪

玉陽正真炁，妙道三景分。元和唱靈音，八會敷瓊文。五老嚙丹澤，飄飄乘

景雲。大聖諸天衆，駕龍飲玉津。三五定生籍，遊戲太上京。華晃朗無際，携手朝玉宸。

### 加持法食呪

回首仰元羅，合景挹靈芒。拘魂制七魄，思臍定中央。行住履虛無，寢息宴玄房。飢飡黃碧花，渴飲瓊林漿。神旌命大魔，合體鍊真光。復照觀太空，長在空中遊。圓通泯波際，真花靡終期。杳杳無終始，行者當明知。寂寥忘理教，應運葳弘規。鑑道不自超，要當先所施。會歸無二處，隨心自合離。

### 生魂育魄呪

靈芝無根，衆化之原。中凝七魄，上結三魂。二十四真，出入無門。杳冥之內，恍惚元精。隨劫存亡，逐炁而生。外凝混朴，內養七真。五神植華，三台敷榮。紫霞素童，返胎歸嬰。騰雲而升，跨霧浮空。中有玉真，號曰神功。左挾無英，右衛白元。玄獸遏後，丹禽擁前。上浮翠蓋，下擁金蓮。香雲凝空，甘露無窮。用之無盡，尋源不終。

### 高功再白

上來呪施法食，演誦靈文，想被殊恩，悉皆飽滿。今請澄清一念，整聚本真，各赴壇前，受茲鍊化。

### 次變火池

焚真文符，入香爐中，可燒烈火豐香，誦中篇一徧。

存身中絳宮，赤炁騰出，漸盛遍滿身外，注入爐中，化成真火。

密啓東華上相木公青童道君，日宮太陽帝君，伏乞特降正真陽火，下鍊孤魂。

存絳宮自空而下，注入爐中，化成廣大火池，烈炎竟天。

謹召南昌受鍊司鍊度官君將吏，火池主者，火鍊神將吏兵，一合下降，引領到壇，五道四生一切孤魂，並入火池，依法冶鍊。便存符使引魂入鍊。

### 火鍊呪

炎神炎神，火鈴火鈴。上通紫微，下徹黃冥。却穢鍊魂，赤帝之靈。炎精二神，三台流光。鍊胎易質，魄鍊魂康。穢炁殂落，乘煙飛揚。除炁消息，陽氣混康。精神益滿，洞入火鄉。混合九

炁，總契虛皇。昊天有勅，流金振芒。九元煥落，利貞無疆。

須臾，見衆魂出火，已成全潔之身。

### 次變水池

焚真水符，入水盂中，誦中篇一徧。

存下田黑炁騰出，漸盛遍身，注入盂中，化成真水。

密啓白玉龜臺九靈太真金母元君，月宮太陰皇君，伏乞特降正真陰水，下鍊孤魂。

存真水自天而下，徑入盂中，化成廣大水池。

謹召鍊度官君，水池主者，水鍊神將吏兵，引領孤魂等衆，並入水池，如法濯鍊。存將吏引魂入鍊。

### 念水鍊呪

龍漢蕩蕩，無形無名。渺渺億劫，黃道開明。神清朗耀，九炁吐精。玉虛澄輝，太霞高明。玉皇開化，溥度天人。三元道養，二象攝生。朽樹故根，已枯使榮。蠢動蛸息，長生化形。懷胎含孕，俱得生成。亡者命過，魂歸三清。魄受鍊度，南宮飛升。今日大吉，皆得

光明。五帝鑒映，普告萬靈。天神地祇，及諸河源。五嶽四瀆，及諸名山。洞玄洞虛，洞空洞仙。無極大聖，至真尊神。無窮無極，普監度生。惡根斷絕，玄都記名。衆真班列，咸聽帝言。經是帝勅，保誦持人。至度道岸，無使灾侵。我奉帝命，一切咸聽。

須臾，見無數衆魂出水，悉成玉質仙姿，端淨瑩潔，此乃先火後水，從舊科法鍊也。或學者依師所授，及別有經據，或以先水後火，各從其便，無拘執水火之源。一法用肝肺為金母之氣，以應木公金母，請降陰陽之正炁，為水火也。或心腎之炁於身中，則請降日精月華，皆以應之，並可行也。允中不敢執為定式，聽學者自擇理長之說而行之。近有用南極北極，以為水火之源，則於理難通，已論其詳，於鍊度品內。

### 高功再白

孤魂等衆，冶鍊既畢，仙化成人，望闕謝恩，皈依三寶。

第一皈依無上道。

第二皈依無上經。

第三皈依無上師。

孤魂等衆，三皈依畢，朝謝禮周，自今已後，心歸正道，毋忘善念，毋墮邪徑，天上人間，須持戒律，謹當演說，永久堅持。

### 九真妙戒

一者敬讓，孝養父母。二者克勤，忠於君主。三者不殺，慈救衆生。四者不淫，正身處物。五者不盜，推義損己。六者不嗔，兇怒凌人。七者不詐，諂賊害善。八者不驕，傲忽至真。九者不二，奉戒專一。

孤魂等衆，既承戒律，沾被天恩。今謹焚化生天寶籙，酆都山形，靈書中篇，冥財等用。各請當壇祇領，執詣受生，合屬曹局，證品超生，施行赴壇，魂爽受鍊。鬼神遇此因緣，當生警省，盡悔昔時之失，快登今日之雲。便須脫離鬼群，正好尋求道妙。身爲外物生，存已非本真。神乃性根亡，歿豈能壞滅。惟了悟於本始，又何礙於死生。本性無時而不存，至靈著物而自昧。

幻身有質，貴賤總亦成空。陰魄無形，饑寒安能相累。良由貪戀祭祀，是致自取愚迷。儻明一性湛然，幽路冥關而解脫。萬緣不著，人間天上以逍遙。有遺者乃可成真，自沮者多爲下鬼。今茲善念既發，從前惡障咸消。洗塵垢以皆空，整形神而俱妙。更在既悟者勸其未悟，先知者覺於後知，已往之跡難追，舊事不須回首，方通之衢可涉，前程切要留心。對闕恭辭，離筵好去，若凡若聖，以次前行，奉送雲程，伏惟珍重。

### 焚燎

存孤魂皆成仙姿妙體，騰空散去。次端簡，上香謝聖。

具法位臣姓名，謹重誠奏啓，三清三境天尊。如清旦式恭望高真，俯垂省覽。臣不量愚昧，僭假符章，祭鍊孤魂，關行事竟，施爲戾格，念慮失真，萬罪千愆，悉祈原宥。以今回茲淨供，普施衆生胎卵濕化之倫，飛動沉浮之類，羽化鱗介畜獸蟲魚，共沐天恩，同霑道蔭。或值網羅鈎餌，永脫橫傷。儻逢

陷穽弓刀，自逃苦趣。身辭異類，罔返故根。臣已荷寬恩，更祈終宥，集茲微善，先伸上資。社稷尊靈，祖宗神識，翱翔瓊館，遊宴王京。今朝皇帝壽永萬春，惠加四海，禾稼登而人民樂，邊境靜而兵甲寧，瑞應自臻，疵癘不作。次冀臣等九玄七祖，四友三師，內族外姻，昔亡往逝，普超陽界，俱陟仙鄉。臣尚願身得道真，學逢至士，俗門眷屬，凡世塵蹤，盡依覆育之恩，以迪安全之慶。攝召官將，鍊度衆神，委績勤勞，乞行記錄。臣不勝感幸無任，懷恩之至，爲此因緣，念十方靈寶天尊不可思議功德。

次白云：本司萬神攝召鍊度官將，有勞神力，祭鍊周圍，功德漸隆，進升真秩，各還所部，悉復元班，後召須來，一如故事。

允中撰集祭鍊科文符呪，出於諸法中，但取其簡易可行之條。爾施食諸呪，年來頗多，亦有異同。今只取前件八段，乃諸方皆用者，庶可通行。若彼有而無此，言辭各別，互以

爲是非者，未免省去。如其啓祝告遣之辭，乃允中區區管見，僭行撰述。若欲詞章典麗，文氣瑰奇，則作者自更易之外，有每日要出一掬之飯而祭祀者，亦佳。但旦旦爲之，頗不易行。雖食葷後盥洗畢，誦淨口呪，亦可爲。或能勤力，遇夜呪施，不復啓奏如儀，只行其捷徑科法，今列于後。

### 先祝香

具法位臣姓某，以今焚香，供養東極宮中慈悲太乙救苦天尊，大慈大悲大惠真人，大慈大悲救苦真人。恭望道慈，俯垂鑒念。臣以今虔抽淨食，普施孤魂，欲乞恩光，特垂開度，變茲凡饌，普濟無窮。臣下情無任，祈恩激切之至。

次念中篇一遍，存此食廣大豐足，便召魂。

謹伸召請九州分野，五道四生，三途十類，一切孤魂，赴此食前，享今淨供。

### 呪食諸呪品見前

上來宣說靈章，呪施法食，三途五苦，盡得沾濡，十類四生，悉皆飽滿。即超陰境，共陟仙鄉。爲此因緣，念太乙救苦天尊不可思議功德。

允中不量猥陋，冒綴此文。蓋以祭鍊之功，誠爲弘博所望。同志永堅善心，行之益廣，造物者必錄其功也。但前後撰此科文者非不多，皆未詳究。蓋雖盡善，兼其間又有減口施食之類語，皆鄙俚，以致效學釋典，參雜混同，悉誤後人。舊有一本刊行者，施食告戒發遣之後，却令人誦天蓬呪一遍，此尤不可行也。蓋其意恐孤魂滯魄留，因為妖異，自古及今，以美意而薦鬼神，縱有冤對，亦可由茲解釋，豈應無故及我為讎，天地亦不容之。何須自起疑心，不終善意。故機心一萌，鷗鳥翔而不下，況於鬼神乎。至念精純，獲無涯之福慶。意外之防，正不足慮。而今之所集，非好沽名也。務守教綱，庶顯幽之俱利。略通義理，期道俗

之共行。察允中之用心者，則不防備施用之萬一。惡允中之正論者，則未免招謗毀之百端。有毫髮利濟於冥途，雖遭紛紜是非於人世，皆不恤也。乾坤之廣，生民之衆，又安得人人皆不取之耶。諸方祭鍊，以生天錄為主。而浙東所傳祭鍊諸科，以黃炁陽精符為主，又名丹陽鍊度符。參考上清靈寶古法內不載，獨世稱仙翁祭鍊者乃有之。今來允中所編者，專隸洞玄本部，事屬靈寶，合在法中之條，乃立功之事，故在濟生陽德之後也。所有丹陽鍊度一符，近來法中雖已漸盛，然而從古式，不敢編入本法。允中已廣此靈寶祭鍊一書，與衆共之。或專行祭鍊，自欲益此符者，更請考詳，從便增用也。

上清靈寶大法卷之十三

### 上清靈寶大法卷之十四

洞玄靈寶法師南曹執法典者  
權童初府右翊冶金允中編

#### 祛妖拯厄品

靈寶大法之施用，乃三界大魔王主之，而十方飛天神王則法中之將，神王下各有使者吏兵。若其臨事收治，則移牒神王，關告召役嶽瀆典祀將吏，差使事畢，遣回本屬。妄立將吏，私出名號，臨事不神，魔王之章，裂爲救世符禁之法。

人道眇眇，仙道莽莽。鬼道樂兮，當人生門。天道貴生，鬼道貴終。仙道常自吉，鬼道常自凶。

右符以五月五日雕成，有患狐魅，即令佩帶，其鬼自出。凡有人家素有妖異，未終祛捉，只令殊分，不為禍患。招鬼目，第四指上節右。念前呪七遍，書符一道鎮之，其怪永絕。

#### 祛捉法

凡人家精魔作禍，百怪千邪，遣之不去者，招西文，朱書此真文一道，連黏牒前。移文神王，及劄付嶽瀆將吏，併力擒之。黏真文並用印，並握訣，如係宗親尊屬，及有故銜冤者，須量事體，不可輕用。

靈寶大法之施用，乃三界大魔王主之，而十方飛天神王則法中之將，神王下各有使者吏兵。若其臨事收治，則移牒神王，關告召役嶽瀆典祀將吏，差使事畢，遣回本屬。妄立將吏，私出名號，臨事不神，魔王之章，裂爲救世符禁之法。

應 禮 應 禮 應 禮  
禮 應 禮 應 禮 應  
禮 應 禮 應 禮 應  
禮 應 禮 應 禮 應

譯文

高上清靈爽，悲歌朗太空。惟願  
仙道成，不欲人道窮。北都泉曲府，中  
有萬鬼群。但欲遏人算，斷絕人命門。  
阿人歌洞章，以攝北羅酆。束送妖魔  
精，斬馘六鬼鋒。諸天罔蕩蕩，我道日  
興隆。

靈寶大法司牒某方無極飛天神王。

當司據入詞意，尋行契勘，委是某邪  
作禍，除已啓聞

上帝，告行靈章，須至專牒者。

牒請詳事理即仰，統率吏兵一合下降，  
前赴某處，擒捕逆天為禍害民鬼崇，攝  
赴天獄，依律治罪，斷絕妖氛，肅清境  
域。牒至疾速報應施行，故牒。

年 月 日 時牒。  
具法位姓名某押。

右用摺角實封，牒召役，有法牒付神  
王外，於就近嶽瀆，係勅正神，典祀  
祠廟城隍主者，並行移文，會合收  
治。用牒用劄，隨其神位輕重，審量  
事體施行。

召役法

東方神王震文初一忽，南方神王離文初八  
飛，西方神王兌文初四菩，北方神王坎文初  
五雲上，西南神王坤文初六滌色，東南神  
王巽文初三無鏡，西北神王乾文初七那郁，  
東北神王艮文初二度仙，上方神王中指甲  
上初九獲無，下方神王中指中初十瑛。

右神王下各有使者吏兵，自初一日  
至初十日，每方直一日，周而復始，  
唯小盡月則二十九日，并用上下方  
次月一日。如其神王輪降人間，一  
切大事可牒神王，小事則用使者。

禳鎮法

凡人家宅不寧，所求不遂。作事屯蹇，在身可  
以佩帶，於家可以貼鎮。

落落高章，明炁四騫。梵行諸天，周回

十方。無量大神，皆由我身。呪七遍，書  
符。

解度法

凡有祖先為禍，不可得而攝罪者，書符燒之，  
此經中遣鬼之用也。

空中萬變，穢炁氛葩。保真者少，迷惑  
者多。仙道難固，鬼道易邪。人道者  
心，諒不由他。仙道貴實，人道貴華。  
爾不樂仙道，三界那得過。其欲轉五  
道，我當復奈何。呪七遍，書符遣用，已上法五  
條，與經法同。

三部符法

上部三境真符

玉清聖境 上清真境 太清仙境  
上天大帝 九天都官 捉鬼將直

玉皇大帝 五方五帝 五方真君  
縛鬼將直 速將真炁 炁隨符行

聚形



玉清訣  
天門炁

右黃紙朱書，筆行鬼神行，筆往鬼神  
住。

謹請太上元皇妙道真君，九天丈人仙




官僕射，五嶽尊神，速降真炁，入臣符中。隨符所勅，鬼死人安。急急如三清真符勅。

右符書成，誦呪，取五方炁吹入符中，遣符再呪，燒灰香湯調下，一切疾病，日進三服，行之以誠，立效。

中部輔翼真符

紫微北 天蓬大 天猷副 翊聖保德  
極大帝 元帥煞 元帥煞 真君攝煞

佑聖真武 天關大神煞  
真君攝煞 地軸大神煞



書畢，點目云：開天徹地，照破邪魔。

謹請九天雲路追捉將江翟趙徐四元帥，一依符命，隨符前後，收捉鬼物，治病安寧。急急如上清元降律令勅。

右符黑書黃紙上，每用八道，內大書一道，同金錢火化大門內。細書七道，燒灰，桃心煎湯調下，非常報應。


下部五帝符

青帝護魂東斗主算 白帝侍魄西斗記名  
青天魔王巴元配伯 白天魔王反山六目

赤帝養炁南斗上生 黑帝通血北斗落死  
赤天魔土負天擔石 黑天魔王監醜朗馥

黃帝中主萬神無越中斗大魁總監眾靈  
黃大魔王橫天擔力 五帝大魔王神之宗

飛行鼓從，總領鬼兵。麾幢鼓節，遊觀太空。自號赫奕，諸天齊功。上天度人，嚴攝北酆。神功受命，普掃不祥。八威吐毒，猛馬四張。天丁前驅，大帥仗旛。擲火萬里，流鈴八衝。敢有干弑，拒遏上真。金鉞前戮，巨天後刑。屠割鬼爽。風火無停。千千截首，萬萬剪形。魔無干犯，鬼無妖精。三官北酆，明檢鬼營。不得容隱，金馬驛程。普告無窮，萬神咸聽。三界五帝，列言上清。



謹請五斗真宰，五方五帝直符，二十二天上吏，稟奉上帝勅命，風火無停，回尸注生，返死還寧，魂魄和柔，萬神安

平。急急如律令。

右符朱書，黃素淨水吞之，無所不攘，無所不治。

驗崇法

凡受投詞，未能洞視鬼神，先用九宮之法，依圖旋轉行起。不用飛宮，不用中宮。男一歲起離，左轉順行先一轉，不用二宮。女一歲起坎，從右逆行，先一轉，不用八宮。次則逐宮數之，年上起月，月上起日，日上起時，至止處以意推究，神而明之，存乎其人。此為未至通幽之士而設。古書只云：至某宮主某事而已，不曾有詩訣。後人欲便於背記，故韻其語而為詩，以便暗誦之。

二 七 六  
九 五 一  
四 三 八

乾宮患者命多災，寒熱相乘病往來。崇是家親并外鬼，欲求醮祭度泉臺。墓殃塚注興西北，舊願前盟神廣催。更有惡終狂逝鬼，薦修祛隔斷根荄。坎宮患者弱昏沈，陰崇玄衣及竈神。寒熱有時多腹痛，貌形短少產傷人。天神有願違初志，虎犬羊逢月分迤。溺死家親帶河伯，冥司越訴速催頻。

良宮患者或狂言，脹滿多迷寒熱煎。香火神前稽素願，竈君傷鬼互來纏。月建忌逢巳酉丑，精怪皆由東北邊。短小傷魂面黃色，行符超拔保安痊。震宮患者多感疫，耳閉面浮言語悲。脚弱體疼因呪詛，鬼魔天譴致危疑。先亡尊長青衣鬼，土地東厨結禍基。病重且防七五夕，過期方可給符醫。巽宮患者痛連心，病在腸中淨欲侵。五道五通興諺語，先亡魁偉眼眉深。東南樹上妖神動，井閉渠煙且細尋。急醮高真祈覆護，直須來意切丹襟。離宮患者難思食，心痛頭疼熱亦多。土地竈神南上廟，先靈形小恙紅酖。赤衣婦人產中逝，吐逆時加上盛痾。更有陽魂身帶血，薦親却崇不差訛。坤宮患者因腸胃，瀉痢相仍體漸癯。目病鬢稀瘟死鬼，西南木崇樹椰榆。天曹有願兼干土，諸父宗親帶血膚。無墓刑亡難度化，細窮精怪遣靈符。兌宮患者心癥結，夜卧多驚冷汗生。

父祖遺苛并少女，土神干犯禍方成。久年有願神來索，曾向平時夢兆縈。竈崇亦因乘間隙，須將符法酌量行。

允中伏聞靈寶之法，自古及今，顯幽兼濟。齋法升度，所以拯拔幽魂。符呪禁治，所以救治生類。近世法中，乃有總治幽冥三品，大非本旨。且靈寶之道出法救世，一字一言，無非兼濟顯幽。又不止乎靈寶而已，道教之中三洞四輔之內，凡有法守，莫不皆然。三綱五常之道，乃天生民而立之君，布化而治陽世也。虛無自然之教，乃道出世法而傳之師，除邪而却幽陰也。而於法中別立總治幽冥之品，則其餘之法不總幽冥耶。古書所載，難以從俗，此等議論，為博學高識之士而言之。若不辯邪正，不通古今，徒冒道法之名，未脫猥俗之態者，不足與語此。若此等碌碌之輩，毀以為非，允中尤不以為重輕。天下後世，必有見知者，其何可泯。倘出私意而欲遏塞之，恐井泉中之蛙，不能致力於井之外。

也。允中所編只叙來歷，乃與近法所以不同。若其法之正條，則遵師傳。但此法又非允中三師自立之文，乃古書而傳付允中也。有志之士遍歷江湖，廣參博考，方知允中之源流不謬矣。若天台總治幽冥上品，所述符名甚多，皆非出於本法。只有九宮洞視訣，却是古法，其起例亦同，既合舊典，豈敢故為異論。惟詩訣言辭不同，意亦稍稍相似，此一條自從允中師傳編入。其總治幽冥中品，則載長生符、救苦升天左右券、背文、四鎮合同符，并隸符誥品外，有三官三簡、拔度六道四生符，其符文則靈寶本法，並無出處。神虎七玉女符，陽耀通關壇，陰靈攝魄壇，並隸神虎品，悉不應入此總治幽冥下品。有請真水真火隸鍊度品，如此即其三品，乃撮諸法品中雜符，以揍成之。依古法而叙，則與此三品況符其呪，各其所隸，假使欲增此名，亦別無符法可類。此蓋急利之人，要將法書零細傳授，故立此名。

以逐時也。浙東諸郡之外，罕行天台靈寶之治，此書自不應如是詳述。但恐邪說易布，異日他時有被其誤者，故允中雖傳之別州縣，不得不叙天台之始末。素聞天台之說習熟，未知自正論，不出戶庭而謂乾坤之窄，自無定見而寄耳目於人，是甕中天地爾。

### 上清靈寶大法卷之十四

## 上清靈寶大法卷之十五


洞玄靈寶法師南曹執法典者  
權童初府右翊治金允中編

### 裂字為符品

道言：西文，治百病。始當詣座，子午斗，催生安胎。妙行真人，上清訣，辟邪。流精玉光，玄文，治夢鬼。五色鬱勃，西文，治少氣。神風靜默，山嶽藏雲，子文，治氣急。天無浮翳，四炁朗清。中指中，治耳病。五色獅子，玄座空浮。中指中，吞之，鎮宅，治心氣不足。五色玄龍，辰文，治肝病。嘯歌邕邕，西文，治肺病。五老啓途，中指中，治脾病。群仙翼轅。寅上，催生護身。監生大神，監生度世。卯西文，催生，救產厄。西斗記名，西文，煞。北斗落死。子文，度厄。中斗大魁，總監衆靈。子午斗，辟惡鬼，治百病。巴元醜伯，玉清訣，治瘡疾反山六目。玉清訣，治目疾。自號赫奕，諸天齊功。上清訣，遣邪。神功受命，普掃不祥。玉清訣，治鬼祟。天丁前驅，護身。擲火萬里。燒怪。流鈴


八衝，玉清訣。治魔鬼。屠割鬼爽。治病。千千截首，萬萬剪形。斬妖。八威吐毒，治毒。勅制地祇，召役土地等神。阿陀龍羅，祛邪怪。四象吁員。治陰魅。元始安鎮，敷落五篇。鎮宅。

### 鎮宅大符




右符法並以硃書，重疊成符，面東南方，想符光，吸炁吹筆書成，念大梵隱語一遍，再取炁吹之。依每日當直，遣飛天神王下使者，隨符前去。

### 治虛呪符




右符水下，三道。

### 治眼漫符




右符水洗之。

治復連符




右符以火燒病人前。

治瘟疫符




右符佩帶貼鎮，亦吞服。

治邪符




右符可佩可服。

治橫逆符




右符佩服。

治百邪符




右符服佩。

治祖先為禍符




右符燒與之。

治病符




右符平補炁。

治精神不旺符




右符宜佩之。

治所主星辰照臨符




右符宜佩之。

治神少符




右符服七元。

治百邪符




右符宜佩服。

却百邪符




右符宜服之。

治百病符




右符宜吞之。

禱雨符




右符用鐵札書，投龍潭。

萬神畏伏符



右符安鎮之。

制伏魔鬼符




右符宜佩之。

治百精符




右符以桃木書，釘鎮之。

治百精符




右符以桃木書，釘鎮之。

治耳聲符




右符宜服之。

治瘖不能言符




右符服之原本在未。

立獄符




右符追鬼立至。

治疫疾符




右符鎮貼服之。

祈晴符



右符焚之。

治風疾符



右符宜服之。

已上諸符，則於中篇之內取字，天篆成符，本無符名。自服則以正字，救治他人則以上符，取炁吹而給之。

允中謹按：靈寶之用，因經而出經法。故以經中之文而為呪，以經中之字而為之符。初也必審詳義理，始製而為用，其間亦有義理可見者，亦有不可曉者。允中參之諸家，莫

不相似，只云某字治某事，不曾置立符文，大約五十餘條。若得其妙理，用之有餘。若不徹其機，雖累數萬言，亦為徒設。若以古法為例，則

《度人》一經，字字皆可為符，而所用乃不多。想古人自有深意。天台法中四十二品，皆取四字為符名，條目頗多，如碧落空歌符、神風靜默符之類，深失本旨。蓋經中之上下相貫各有理。後世謂經雖譯以凡書，以為天中之靈音，尚可威伏至陰之妖異，故書以禁治，實非當時元有名。天降此符，民可使由之，不可使知之。況於人治鬼，尤宜謹密。今疊字成符，多隱其體，出此名稱，機緘

剖露矣甚。其條目不同，乃天台自成一家，與舊法及天下衆本並不相合。允中只述古典及世之所共者，甘受天台諸郡之謗毀，却免得罪於天下後世。惡之者必少，樂之者必衆。惡之者私心，樂之者公論。如此而被謗毀，又何害焉。

### 上清靈寶大法卷之十五

## 上清靈寶大法卷之十六

洞玄靈寶法師南曹執法典者  
權童初府右翊治金允中編

### 黃籙次序品

虛皇之教，起於古初。妙道開光，神文降世，或隨時而化見，或因事以付傳。中古以還，典章浩博，至晉宋間簡寂先生陸君，始明授受降出之源，別三洞四輔之目，攷詳衆典，撰次齋法儀。自是遐邇宣行，齋法昭布，條陳經誥，次序乃成。暨則張清都萬福，復加編集典式，漸詳中乘。以後廣成先生杜君光庭，於是總稽三十六部之經詮，傍及古今之典籍，極力編校，齋法大成。雖其一字一法，由始及終，莫非出於經典所是，古科二十四品之齋。廣成之論，謂黃籙兼總死生，人天同福，上至邦國，下及庶人，皆得修奉，隸於下元宮中，統攝萬靈，並關九府，功德深重，利祐

存亡，於是撰集齋科四十卷，雖其壇壝典儀，朝修俯仰，莫不古今一途，而其科文嚴整，典儀條暢，發明古則，昭示方來，齋法至斯，不可有加矣。其科中第一卷，叙壇官則曰：法師當佩三洞之錄章，其次則佩洞玄錄者，可以行齋。蓋齋法出於靈寶，屬洞玄部也。自告齋始事，以至醮謝散壇，則廣成科中無不備具。自不必後世之紛紜齋科，雖參三洞之衆經，而多出於洞玄之十二部。若奉行齋事，符書呪訣，關奏文移，古科不載。自唐以後，則總于靈寶大法。而法之本文，又主以《度人》上品之一卷，是謂上清靈寶大法，經雖至簡，而蘊奧難窮。經曰：星辰錯度，日月失昏，亦當修齋，行香誦經。國主有災，兵革四興，亦當修齋，行香誦經。疫毒流行，兆民死傷，亦當修齋，行香誦經。師友命過，亦當修齋，行香誦經。今廣成科中為國消災，為民祈福，拔濟師友，普度孤魂，請福三元，關陞九祖，皆

曰黃錄，悉有科儀齋法出靈寶。故所集來歷，則關涉經典甚衆，而行齋符法，合在此書。靈寶古法自奉持戒律，淨明本經，服炁存神，收光內鍊，然後救世拯物，輔正驅邪，建德立功，濟幽度沒，至此則齋法當行，是充其所蘊，以及天下者也，亦施用次序。廣成立科，以黃錄為重。靈寶舊法，亦皆黃錄科品云。

#### 序齋

科曰：遷拔亡爽，功及幽陰。宜選三元三會、五臘之辰，更符天恩天赦。及亡者死日，周期大祥，遠忌等目，尤良。齋官備置質信，躬造師門，投詞三請。舊儀臨壇投詞三請，則預奏之後，不應再行辭避遜。今當投詞之初，合先辭而後受，臨事之際，只致詞請法師陞壇而已。初受詞訖，即行啓告。次錄狀預奏，前朝三十六日設誦經堂及法師靖室。率同齋之士入靖對齋，不交世事，精誠看誦《度人上品妙經》、《九天生神寶章》、《道德》二篇、《黃庭玉經》。近

期則率壇衆，習儀演事。齋前十日或七日，舒壇列纂，立象陳儀，豎建遷神寶旛，迴黃靈旛，正奏三清，玉帝，北極，天皇大帝，垣土，南極，太乙慈尊，九天帝君，三十二天帝，五老天君，木公金母，泰玄都省，日月北斗，三官四聖五師，九天採訪，三界五帝大魔王，酆都大帝，搏桑五嶽上真，五嶽聖帝，雷霆主宰，酆都曹僚，洞天福地，牒城隍祀典，黃泉蒿里，法錄中官將，神虎官吏，三界合屬真司。宿啓之日，齋官道衆備威儀，至靖室致詞，請法師升壇行事，立幕上箋，建壇開啓，進拜素車白馬章。至晚拜酆都拔臯章，告下救苦符，拔幽魂符，九龍符，生天錄，次發玉札神虎將吏，根攝係薦魂儀，及一切孤魂，禮燈行事。正齋第一日，三朝朝真，誦經行道。早朝進拜通天救苦表，開通道路章。靜夜破獄，攝召正薦魂儀，及一切孤魂歸位，呪食，引孤魂於茭郭斛筵，廣行呪食，聽法聞經，伺候鍊度。正齋第二日，

朝真行道，晚朝拜上沐浴鍊度章，鍊度一切孤魂，法師升座，說戒傳符給錄，度化登升。第三日正齋，朝真行道，晚朝拜升度亡魂章，鍊度正薦亡魂，說戒傳符，度橋超化。齋後拜言功朱表，告下三簡降聖，設醮謝恩。醮畢還戒納職，解壇散席，送師徹幕投龍。先就壇瘞土簡，退入靖，禮成交賀如式。

### 修齋節次

齋官修寫投詞，詣法師門下，備禮服進謁，上香致辭，法師辭遜。齋官致辭，捧狀再詣，法師再答。齋官致辭三請，法師允答受詞。法師望天門設香案，或有設象處，於上帝再上香。法師以投詞置簡上，三拜，齋官上香再拜，高功法師具事情口奏，三拜而退，齋官再拜，各復位。

### 預告

先設功曹使者將吏位，次以酒果供養，立五師位於堂上，或殿廡間，備香燭供養，排列預告奏申文牒狀於師前。各以淨箱置之，以備捧行。高功於

師前上香三禮，齋官上香再拜，高功跪致辭請牒，齋官道衆同捧所發文牒，知磬舉華夏，道衆詠和而行。道衆引至關發奏所，高功變神步罡焚符，知磬舉香水偈灑淨，高功召將白事意，三獻散花法事。諸方之例，多是高功止於召將而已，表白念白文，齋官上香致拜，高功再白，表白宣關，引高功遣發，齋官跪酌焚燎，表白回向念善。

### 揚旛

設香案於揚旛所，高功與齋官各上香設拜，知磬舉法事，高功啓白有文，宣揚旛呪，表白回向念善退。

### 誦經

此是齋前誦經之常式。

道衆列班，高功齋官各上香，知磬舉法事，高功開啓白齋意，表白宣經疏，知磬舉敷坐讚，衆官平坐，知磬唱詠，表白白文舉請轉寶經，誦經畢。收經起立，表白嘆經白文三聞經智慧頌，表白回向念善。

### 發正奏

齋期以屆，則舒壇立纂，鋪列道場，敷陳六幕，內外整備，關發正奏文牒，詣師幕序立，暫設像列位耳。齋官上香拜，高功上香，知磬舉法事，高功拜跪，白齋意請牒。餘如預告式。已上並不係廣成先生齋科內式，乃今世所通行之儀。

### 拜章

素車白馬章，破鄴都拔罪章。

壇墀已建，中列三寶位，只於外壇之外，兩序列章中官將位。或不升壇，只於道場中拜章行事。建壇之後，並合於內壇上行事。近有別立小臺拜章，非也。如宗壇傳度章，亦多就道場中拜奏。夫建壇所，以為行齋科拜章表而設，儻有壇而就別所，則非本旨矣。

高功入靖，服符存念如法。道衆齋官備威儀詣靖，知磬舉法事，引高功出靖，詣師幕。知磬唱道讚，高功啓白，知磬舉華夏，高功登壇入戶升天門，如法上香畢。舉啓堂頌，都講



舉，各禮師存念如法，高功宣呪。呪具拜章儀中。都講舉鳴法鼓二十四通，高功發爐，都講舉各稱法位，高功行科至謹。當上請道衆兩員，於左右序立，請降章吏，三獻三散花。高功三宣科都講舉，衆官各長跪，高功靜默出官。高功出官有訣。高功開章付侍經，或道衆接章，跪受捧詣三寶前。露章，道衆一員宣章副本，道衆捧龍頭書刀硃筆硯等列案前，高功念開函呪，開章函，熏章遣章封章，以函付侍經，道衆華夏，至焚燎所。表白宣關讀疏，并焚之，伏章如式。道衆舉焚詞頌，高功伏起，道衆唱章詞已焚，高功宣科送聖頌，高功納官有訣十二願。高功復爐，下壇出戶如式。至師前，高功密謝，表白回向念善，引高功入靖，知磬皈依正道，表白云拜章事畢，衆官復位。符命玉札，或先告符命，別發玉札，亦可。仍備酒果，三獻如儀，符命玉札，並列上帝前。衆官詣上帝前，列班舉法事，高功口奏請符，道衆捧符

命玉札旋行。道衆華夏，引至遣發所，舉法事灑淨，高功變神，焚符召將獻茶，高功三獻，三散花，三祝白。表白宣關牒，高功發遣焚燎，多置燥柴，烈火焚符簡。表白回向念善，高功至上帝前謝恩，退入靖結齋投詞。近有先就靖室投詞，非古式。道衆詣靖室序立，高功齋官各上香，表白出班讀職榜，高功以下僉職榜。高功詣坐，齋官上香，表白致詞，請高功四結願書結齋狀，道引出靖室。

### 立幕

此下並遵廣成科。

衆具威儀詣靖室，導引高功至監壇神位前，高功上香啓白不拜，詣玄師幕序立，高功齋官各上香，請玄師下降，請玄師頌，齋官上香獻茶。齋官上香，捧詞函自述齋意，回身捧函曰：高功投詞再拜。高功執函，長跪啓師，宣箋宣關焚箋，高功致拜，餘五幕並同此式，惟不投詞。引至三官三師五帝天師監齋幕，或先詣監齋幕，自下而上猶尊也。華夏至

壇前序立，上香祝白，開啓有文，請威儀道士一員，勅水禁壇有文，回向念善。

### 請光

先明一燭於玉清前，存念如法道衆詣壇前序立。知磬舉法事，齋官上香設拜，高功同侍香侍燈，詣上清前。高功啓白宣呪，高功以慧光符撚，詣道前點光在手宣呪。高功以手中紙撚付侍燈，道衆各執一燭，於侍燈手中點，道衆遍點壇席燈燭，舉天尊號，存念如式，回向念善，金鍾玉磬儀。

### 宿啓

廣成科法於請師前投詞。

道衆具威儀詣靖室，齋官上香，知磬舉金真演教天尊，高功詣六幕上香，先五帝西三幕，次自外東三幕，末至玄師幕上香。高功默祝齋意，唱華夏引導至壇所。高功先行入外壇，旋繞地戶，威儀列壇前不入，高功密呪，入地戶，升天門，六職各依位立，都講中壇之東向西立。高功入天門

升內壇，齋官隨之上十方香。早東為始，夜北為始，上御案香，三寶前正案也。古稱洞案。上香焚符密呪，齋官上香畢，出天門退歸本位。高功上本位香，就科案則本位也，今以科案指作洞案，非也。啓堂頌，都講舉各禮師。高功宣衛靈呪，都講舉鳴法鼓二十四通。高功發爐，都講舉各稱法位。高功宣科禮十方，舉禮足，各虔誠皈命懺悔，跪懺道士宣懺三啓頌三首，各一拜禮三寶。左行至東方敷露真文，道衆隨聲和之，四方各如式，以金龍鎮之。高功還位，都講舉重稱法位。高功宣科，表白宣詞，高功再宣科智慧頌三首，旋行。高功都講案立都講及衆官，於壇前面北立，都講唱，衆官等各各首體投地，心禮十方，方各一拜，從北為始，衆官皆俯伏默禮。禮畢唱白，衆官平坐，說戒威儀。衆官於西方面東坐，齋官壇前面北，法師三上香，說戒奉戒頌，左旋一周，都講唱奉戒三禮補職，高功以下各受職，三禮宣

禁。都講唱監齋受罰簡，受訖拜十二願。高功復爐，學仙頌出堂，高功自天門出內壇，與衆官自地戶出中壇。右用空洞密呪，出至玄師幕序立，舉向來讚，高功小啓謝過有文，都講舉監齋糾過，監齋視衆官有過者糾，華夏引至靖室，知磬舉皈命至道，表白舉建壇。事畢，衆官復位破獄。廣成無此科，係出靈寶法。然燈燭立香案，道衆序立，關九獄燈，高功默啓告符，執策杖破獄如式，九獄畢回向。

#### 正齋第一日清旦

衆官詣靖室，舉天尊引高功出，至六幕上香，玄師前序立。知磬唱道華夏，高功上壇，如式上十方香，上御案香，焚香，密呪。上本位香，都講舉，各禮師存念如法。高功宣衛靈呪，都講舉鳴法鼓廿四通，高功發爐，都講舉，衆官等各長跪。高功出官有科，都講舉，各稱法位獻茶。高功宣科，表白宣詞。高功再宣科十方懺，高功隨方上香，都講立天門望

東，高功立鬼門望西。都講舉，各思九色圓像，咽液，命魔，密呪。高功存思行事訖，都講舉步虛旋遶。三日九朝，悉命魔密呪。今人於早晚朝不命魔，非古法也。步虛，十首散花，每首一拜。都講舉禮經如法，三啓三首，各一拜。都講舉三禮，都講舉重稱法位，高功大謝，學仙頌出壇，如式至師幕序立。高功小啓，表白回向，都講舉監齋糾過，監齋糾過畢。華夏引高功復靖，知磬皈依至道，表白唱早朝事畢，衆官復位。

#### 中分 晚朝

不出官，不用衛靈呪，其餘並如早朝式。

#### 靜夜 拜章

先上太一救苦表，詣太一宮。見表式。拜開通道路章，見章式。

#### 攝召先發催召文儀

黃籙以廣度為功，主行之士正宜恢博用心，庶使所薦之魂受惠，所是正薦魂儀，併十類孤魂，當立兩旛，一體攝召，不必先後，以別重輕，用心

不廣。乃為所薦亡之類攝召之後，却分幕就浴。先引正薦亡魂，朝真歸位，請道衆一員呪食。次別室沐浴孤魂，引領朝真。次赴茭郭，享斛呪食如式。且令徑日於正齋中，聽法聞經。次夜鍊度，其鍊度之法，亦不當與正薦分兩等，孤魂得度，則福歸亡者。不宜痛加分別，刻意重輕，非上帝垂科之意也。攝召有儀，見施普度品。

### 正齋第二日

早午晚三朝，並同第一日，只不出官。午朝後或晚朝，拜沐浴鍊度章，晚朝後上木公金母表，九天帝表。靜夜鍊度十類孤魂有儀，高功升座，教戒鬼神，傳授符籙，度魂如式。

### 正齋第三日

三朝並同第二日，午朝後拜升度亡魂章，靜夜鍊度正薦亡魂，高功升座，說戒傳符，度橋送亡如式。每日朝退少息，却三時升壇誦經，乃古法也。

### 散壇

全係廣成科法。

衆官詣靖室，引高功出至六幕上香，玄師前序立，唱道華夏引登壇。高功先入壇，如式上十方香舉，各禮師宣衛靈呪，舉鳴法鼓。高功發爐，行靈寶自然朝禮十方懺悔，三啓三禮，收真文各於本方案上熏。衆官同聲宣真文，總執真文香上熏之。宣詞表，拜言功朱表，遣表封表，道衆捧青詞朱表，於天門焚之。表白宣關，高功伏表伏起，衆舉表詞以聞。三上香，告山水土簡，投龍頌，上香，重啓降聖，設醮，三獻法事。送聖頌，高功升壇還戒。舉還戒頌。高功長跪，衆官納職。高功復爐，舉旋行三塗五苦解壇頌，學仙頌。出堂，詣六幕，上箋謝，入靖室。衆官已下謝高功，各展禮服而散。已上節次，乃古齋也。

龍於中壇，三日之外設醮解壇，投龍散席，務令精勤始終耳。近代以來，相承皆亥時。法事既畢，明旦丑時，言功設醮，詳醮之設。蓋以修齋之內，召命神靈，營衛壇場，宣通關告，往來勞役，所以設此醮筵，用此酬賞。允中按：此乃廣成先生考詳古式而叙之，非自為之說也。大唐以前，既已遵行。且古旨三日之外，尚留金龍命綵，以鎮壇中，直俟醮酬畢，方納職解壇。而廣成之格，止於次早言功設醮，亦俟醮畢，方行納職解壇。近世多於拜表，便行納職散壇席之後，方再發文字，重行請師，然後設醮，了不干涉，戾古甚矣。而間有洞玄靈寶之法而行齋，却易洞神之銜而設醮，又失本旨，豈知黃籙謝恩醮，乃齋後酬謝真靈之一事也。未醮而除去壇壇。預酬戒職，以此醮別為一事，大覺難行。惟浙東有數郡行之習熟，不以為疑爾。故蔣氏立成儀，凡事欲依經典。於此一節，亦不取廣成先生之說，而用近

規。故今將近世之儀，亦列于左，使  
行之者知其始末之詳。

### 世俗近格散壇節次

衆官詣靖室，引高功上六幕香，詣玄  
師幕前序立。高功默啓齋意，高功  
衆官登壇，高功上香如式，都講舉  
唱，高功發爐，舉重稱法位。高功宣  
科禮十方懺，三啓三禮，收真文總呪  
如式。重稱法位，宣表、露表、遣表、  
封表、焚表，納官還戒，舉還戒頌，告  
三簡，舉投龍頌，納職辭三寶，古科無  
此復爐，舉三塗五苦頌，解壇送六幕，  
高功歸靖。

### 設醮

發請醮文字，華夏出靖禁壇，上香。  
高功開啓舉，各禮師宣衛靈呪，發  
爐，出官。初獻宣詞，亞獻、終獻宣  
疏，送聖頌，納官，復爐，散如常式。  
已上是近世規式，遵古科者則不免異，惟理所在，  
當從古式。

允中按：廣成先生科式，自建壇散  
壇，九朝懺謝，轉經然燈等事，各有  
成規。如申奏文檄，行用符法，却乃

於靈寶大法。今之行齋次第，除廣  
成先生古科之外者，乃大為之約，以  
輔本法。但諸方之例，近多不同，古  
今之式，尤有差殊。允中蒙師尊付  
授，約以遵承廣成古科，故不敢改  
易。不行古法者，自可從所受而行  
之矣。

### 修齋受詞品

#### 齋官初詞式

具法位姓某，無官者具鄉貫。

右某伏爲某人，年月日時生，某年月日時  
某處身故，今經幾時，未測升沉。謹瀝  
丹誠，願備科式，崇建

無上黃籙大齋五晝夜。於內三日正  
齋，九時朝奉滿散。修設三界高真清  
醮幾分位，上資邦國，普福生靈，廣度  
六道三塗，拔濟九玄七祖，集茲善果，  
專用薦度亡故某靈魂，超生淨界。謹具  
狀申洞玄靈寶法師某君先生，伏乞法慈  
矜允，特與先次，敷擇建壇，開度施行。  
謹狀。

年 月 日 具 位姓某狀。  
若衆會，則作某人等，又別易其辭。  
此蓋初請師之旨也。若臨壇，請師  
行事而投詞，則在奏之後，不應如此  
言之。別具後式矣。

#### 齋官執詞上香口白法師

黃籙大齋會首具位某，輒露精誠，上干  
清聽。某伏聞洞玄中品，總萬法之範  
模。黃籙明科，作群生之梯級。古今  
允賴，凡聖同遵。功德普被於無窮，利  
澤遍霑於有識。獲承善果，亶自宿因。  
伏念某等生長塵途，棲遲俗境，汨沒愛  
河之浪，難窺道域之垣。欲消永劫之  
罪瑕，宜拯至陰之苦趣。上惟邦國，下  
念存亡，願超九祖之靈儀，普度三塗之  
滯爽。四維之內，六合之中，烈士忠  
臣，亡身殉國，順孫孝子，殞命報親。  
或流離凍餒以客終，或疾患殘傷而橫  
夭，或時逢兵運，肝腦塗於戰場，或數  
值凶年，骨肉罹於災劫，或溺水赴火，  
或縊索銜刀，或遭事受刑，或懷冤服  
毒，或罪戾深而難於超度，或執對重而  
未遂消平。幽路茫茫，莫救萬塗之苦

趣。冥關杳杳，難開九夜之光明。痛念己親，均哀庶類。虔叩洞玄之妙闢，恭開黃籙之洪儀。先資宗廟累朝之靈，仰祝帝王萬年之壽。普度三塗十類，廣拔九壘重陰。集此殊休，用行資度亡故某等魂。解冤滌垢，鍊質澄神，溥及舍生，同霑巨福，茲爲重事，貴在得人。恭惟靈寶大法師某君先生，資稟清高，譽望昭著，參習徧十方之界，涵濡盡三洞之書。願堅素心，大濟群品。錄此專勤之至，懇主茲度化之玄壇，惠及人天，功加幽顯。敬陳迫切，拱俟矜從。

#### 法師答

某蓬華寒生，樗蒲陋質。身膺符籙，修崇幸積於歲年。考訂經科，參訪廣求於師友。心之勤兮已至，分之薄也無成。德素不充，豈微才之足取。法猶未備，愧真授之難逢。揣己自量，慮有辜於盛意。強顏應命，必終墮於齋功。宜求出世之高人，以掌玄科之首職。敬回詞幅，不敢受行。

#### 再請

黃籙大齋會首具位姓某，敢恃寬假，荐有披陳。某等伏聞，正一真人未立功，則不敢以事三境都仙。太史因濟物，而方能升入九霄。雖神仙以內鍊而成，然高真以外功爲重。況黃籙無邊之福，乃靈寶至上之因。仰祈邦國華夷之共安，下使幽顯神人之咸慶。伏願某君先生，發胸中之素蘊，繼前哲之靈蹤。開濟世之津梁，作度人之矜式。特回慈憫俯錄，丹衷力賜，主領於齋盟，先次關申於詞悃，曲從虔請，幸免固辭。

#### 法師再答

某伏聞靈寶神經，黃籙大範，貫通三洞，總錄十方。爲三千善行之有功，聚百萬琅函之奧旨。科禁至重，恩德難窮。宜求超卓之良才，庶可主張於大事。如某者積學雖久，真理未明，求師徒勤，異人罕遇，道未窺於隱祕，德豈濟於顯幽。行故事而備典儀，尚能勉力。升陽神而朝穹極，實非真人。幸廣訪於福地名山，庶可得於仙資道器，毋勞

累請，願體誠辭。

#### 三請

具位某等，不避三瀆之煩，復罄一忱之切。伏聞齋法隆重，真科崇嚴，遵格依儀，福惠無極。背常違式，譴罰立臻。某等刻骨舒誠，盟心立願，不使齊用有缺，當令儀物精專。儻有怠違，甘從考罰。尚望某君先生，不忘初誓，仰闡道恩，主盟無上之善緣，典領合壇之清衆。千靈效職，庶彙承休。億萬斯年，上祝帝王之壽。八千封域，普資寰宇之安。三塗九地以清閑，十類四生而共慶。庶俾某等所薦之魂爽，各族之先靈，承此善功，早升仙界。拱聽俞允，即賜啓聞。某等無任，皈向虔請之至。

#### 法師允答

某資凡識陋，功淺德微。幸叨佩於靈文，謬參承於仙職。深願普濟幽顯，庶可少積勤勞。尚慮學術之未精，恐致齋修之有玷。今既罔容辭遜，於勉力欽承。所賴齋主之始終，毋隳美意。更冀壇官之共志，不爽真科。某敢不遵按典儀，恪恭齋事，先當瞻望天闕，敷

露來詞。

法師受狀，置簡上望天門。列香案，上香，致拜。齋官上香，再拜，平立。法師口奏：

道香德香無爲香，清淨自然妙洞真香，靈寶惠香，超三界香，三境真香，滿瓊樓玉京，徧周天法界。以今焚香，奏啓虛無三境高真，金闕諸天上帝，日月星辰諸列仙，地水嶽陽十方聖，三界萬靈，六合真宰。仗此真香，普伸供養。玉華散景，九炁凝煙，香雲鬱羅，徑衝諸天。侍香金童，傳言玉女，上聞帝前。令臣關啓，咸得如言。具法位臣某姓，投詞乞建無上黃籙大齋幾晝夜。上資邦國，下及宗親，廣度六道四生，普福九州十類。集茲善果，用薦亡故某，出離陰境，超陟仙鄉。臣偶藉微因，獲陶真化。委職任之既久，念功績之甚微。所當束己以省愆，豈敢接人而闡教。蓋以告盟之有約，屬茲懇請以難辭。尚賴天造矜包，道慈憫濟。容臣敷齋而普度，許臣按式以宣行。專錄來詞，別行聞奏。上願累朝先聖，列

廟尊靈，升入天中之天，早證道中之道。今上皇帝壽齊嵩華，福等滄溟，萬國安平，兆民康阜。九幽夜府，同承最上之因。十類孤魂，盡被無邊之澤。集茲福利，專爲齋主某，薦資亡故靈魂。超神紫府，鍊質丹天，慶及後昆，福流齋主。冒犯天威，某激切之至無任。

已上繕寫奏牘申牒一宗文字，擇日預告，奏申移文，總歸一卷，易於行用，此不重叙。

允中嘗見前輩臨事謹重，不務苟簡。受狀之際，法師三辭，然後口奏。此先經師高君之式也。齋官精誠專篤，則一念之頃，有神物司之。況黃籙之功，顯幽共濟，法師其可不重其事耶。遜避而後受詞，禮也。豈無昭昭之鑒。或諸方不能從此議者，自隨時簡易可也。

上清靈寶大法卷之十六

### 上清靈寶大法卷之十七


洞玄靈寶法師南曹執法典者  
權童初府右翊治金允中編

#### 颺旛科式品

建齋之始，近齋壇空隙地立長竿，預期颺旛，啓聞穹厚，普告萬靈，亦將建善功之期信也。故顯幽共睹，鬼神遙瞻，寓物備儀，不在繁雜，古法旛有二式爾。

#### 遷神寶旛


絳繒七尺，或四十九尺，造旛一首。以朱砂雌黃合研，書日月斗形於旛首，書旛名於旛身，左手書三天內諱，右手書三天隱諱，亡魂睹此，則得罪障解脫，神遷南宮。



#### 回耀靈旛

以白素黃繒，造旛長二十四尺，或四

十九尺。旛身書青玄全號，左足書太微回黃旗無英命靈旛，右足書攝召長夜府開度受生魂，左手書茫茫艷都中，云云左手書功德金色光。云云以長竿懸於壇下，任風吹颺，十方幽魂睹此靈旛，一念皈依，則夙生罪障應時消滅，以至塵勞大罪皆得原除，上生南宮，地獄開泰，死魂更生。又《三途經》云：或造小旛十首，懸諸林木山川之中，亦獲其果。



### 颺旛儀

#### 高功祝白

道香，德香，無爲香，無爲清淨香，清淨自然香，妙洞真香，靈寶慧香，超三界香，三境真香，以今焚香，奏啓玉清聖境元始天尊，上清真境靈寶天尊，太清仙境道德天尊，三界萬靈，虛空衆聖，普同供養。香乃玉華散景，九炁凝煙，香雲密羅，徑衝九天。當願侍香金

童，傳言玉女，傳臣啓奏，上聞帝前，令臣所啓，咸乞如言。

具位臣姓某，不量微陋，僭瀆玄穹，願賜慈憐，曲垂省錄。臣無功待罪，久列班行，有願濟時，敢騰詞悃。臣昨據鄉貫某人，請建無上黃籙大齋，上資邦國，普福群生，關陞七祖九玄，拔濟三途十類，集茲善果，用薦亡故某靈魂，超生善境。臣已行備錄來悃，具狀奏聞，移檄諸司，關申三界。以今齋事有日，謹當肇颺靈旛。蓋以黃籙冲科，總萬靈而關九府，洞玄上品，通四輔而貫三乘。惟福利之無邊，乃修崇之有格。靈音寶號，降九天十極之晨輝。色縷紋繒，敷五道三途之妙蔭。含情受度，幽爽蒙休。仰觀天造垂矜，道恩流宥，特施善救，曲鑒微衷，舉旛呪文，謹當宣演。

黃籙開度，三界十方。四生六道，同列道場。生神遷魄，萬劫不忘。旛之爲體，隨風飛揚。風之所被，各從其方。重陰之府，九夜之鄉。地獄餓鬼，旁生無鞅。皆得解脫，上生天堂。

知磬舉靈旛赦罪天尊  
上來颺旛，功德無量勝因。普薦

三途，廣資萬類，莫不睹光輝而消障惱，瞻形影而脫罪緣。解免牽纏，原停逮役，九幽夜府，因遂開明。六趣迷塗，悉歸清泰。伏願皇圖綿永，海宇丕平，風雨順而五穀登，災沴消而萬民樂。昆蟲草木，咸遂生成。鱗介羽毛，俱辭夭橫。集茲微善，奉爲齋主某人，資薦亡故某人靈魂。自悟宿因，早超冥界，冤讎解釋，罪垢蠲除，乘此齋功，徑登道岸。爲上良因，念三清無上天尊，不可思議功德。

允中粗閱諸家靈寶法中，大體皆同，所載旛圖，止有兩式。其一曰遷神寶旛，其二曰回黃靈旛，別無異品。惟天台靈寶與諸家不同，而法中載旛圖，亦止二式，但却以遷神旛爲回耀旛，其製小異。近世有立告盟旛者，多書玉皇睿號。而蔣氏立成儀則書太上無極大道，三十六部尊經，真文寶符，十方上聖等字，皆啓告齋盟之意也。而靈寶古法無之。雖別

有經據，難雜於上清靈寶本法。故也只彼蔣氏齋科中，則可隨俗而行之。此外邇來旛式甚衆，其間雖無所出，而於理稍通者，尚可用之。至如有命靈旛之類，則失當礙理其意。蓋以《九天生神章》，有太微回黃旗，無英命靈旛之語，因撰此旛。殊不知無英乃神名也，命者召用之義也。靈旛者，神靈之旛也。謂無英之神，命此靈旛，以攝召也。今却以命靈二字，為旛之名，大失本旨。儻以此例而取之，則《度人經》中有天丁前驅，大帥仗旛，今立帥仗旛可乎。《生神九章》、《度人》一經，最為玄古。大帥所仗之旛，後世不可睹其髣髴。無英所命之旛，亦難考其製度。大抵建齋立事，旛花圖像，以備儀式，不可無爾。又何待多立名號，乃可感通哉。若有力之家，多造旛蓋，或書經呪，或標天尊睿號，亦以寓誠供養。然此等事，亦不必過多矣。二旛之式，出靈寶法中揚旛科文。近世翟參政嘗述壹本，已見蔣

氏立成儀，並不隸廣成古科也。近諸方亦有增呪三四段者，今不遍錄。揭旛之初，禮雖啓祝，固不繁辭。允中謹隨陋見，撰述揭旛之文于右，姑以備用爾。其有主行之士，好詳善之文者，自別易之。

### 鎮信威儀品

廣成先生科曰：質信效心，以財為首。財既可捨，心亦隨之。聖善冥通，隨適心意。高天厚土，玄聖上真，非信不通，非心不感。感通之至，在乎信焉。金龍一十三枚，各重一兩，長三寸六分，以十枚鎮十方案，三枚隨簡段之。

科曰：天子皇后用上金，公卿用次金，庶人銀或銅，塗金。夫龍者，乃上天之驛騎也。傳達通感，龍騎為先。負簡即騰信三官，效誓則告盟十極。鎮信之法，以龍為首。缺者考屬陰官曹。

鎮綵一十一段，十段鎮十方，一段命

信。東方，青九。南方，絳三。西方，白七。北方，黑五。上方，碧三十二。下方，黃三十二。四維。黃各一十二。

總十方之數，共一百三十六。天子疋數，諸侯丈數，庶人尺數。本命紋繒，天子諸侯紫色，士庶以本命納音色，疋丈尺數，各隨年外加一。以表延生之信。命綵置之中央案上。

科曰：紋繒者，顯五行之色，象十方之炁，降十天，致五帝，通真效信，請命祈靈，不可缺也。缺者考屬天官玄都曹。

### 紙筆墨硯

十副，鎮十方，每方紙各用一十二幅。

科曰：建齋行道，或救拔億曾萬祖，先後亡靈。或請福祈恩，消災謝過。則四司五帝，三界十方，紀錄善功，校定罪名。當以紙筆墨，為錄功紀善之籍，質信於十方，不可缺也。缺者則十天五帝不錄其功，九幽三官不除其考。缺者考屬三官曹。



香華

十样，鎮十方。

科曰：香者，以通感為用，隔氣去穢。花者，以鮮潔為美，表端效珍。請福祈真，香花為本。香以沉箋降真，花以香潔木生者。若無花，可用五綵剪成，以鎮十方，不可缺也。缺者考屬陽官曹。

鎮米

二斛四斗。

科曰：米以質信天官，增加品祿。缺者考屬天官曹。

鎮油

二斗四升。

科曰：油者，陰類也。陰中生陽，以油鎮陰，官續陽景。缺者考屬陰官曹。

鎮炭

一百二十斤。

科曰：炭者，陽類也。陽中生陰，以炭鎮陽，官資陰炁。缺者考屬陽官曹。

鎮錢

二萬四千。

科曰：鎮錢二萬四千，以代上金之信，質心三界，告盟十天。缺者考屬玄都曹。

槿木簡

三面，各長一尺二寸，闊二寸四分，厚二分。

科曰：簡者，記也，告也。記世之功，告盟上真。上下正方。天子以玉為之。玉有九德，禮天地之信也。餘皆槿木為之，或栢木。丹界五行，丹書國號、年月、建齋之所，及法師姓名。投於名山大洞，靈泉龍穴，及齋壇之中。告天地水三官，使著明齋，事奏于上境。缺者考屬地官九都曹。

玉璧

一十三枚，十枚鎮十方，各徑二寸四分，厚二分，圓形，虛其中心。外三枚投龍簡。天官用蒼璧，圓形。地官用黃璧，方形。水官用玄璧，六出形。皆虛其中，各亦徑二寸半。

科曰：玉以貞潔之德，可以盟感上真，故以為信。若投龍簡，當以青絲金紐纏而副之。青絲以代割髮，金

紐以代歃血，上告三官也。缺者考屬地官九都曹。

金紐

二十七枚，徑九分，如環之狀，每簡用九枚。天子用金，餘用銀塗金，以青絲纏之，同龍簡投之。

每簡用九紐者，見於靈寶經法中，餘並從廣成科書。後世不敢增易，惟書簡則廣成科，不載符，止真書其一面，而經法則書篆文於一面。用與不用，各從師授。

合用壇外威儀

節一對。五色絲為之，上下五層，懸竿頭上，金龍銜綬帶。

幢一對。珠蓋珠網，八角一層，懸竿，木胎，左龍右虎，銜綬帶。

旌一對。以節無龍鳳綬帶，三層，五色絲為之，懸竿。

珠幡一對。珠錦玉珮，金鳳銜之，懸竿。

五明扇一對。以木刻成，金綵裝飾，上列日月星，中列五嶽，下繪海濱，立以木竿。

鶴羽一對。木刻成鶴翅，立以硃竿。已上威儀，並按廣成科。

章函。權木為之，長一尺二寸八分，闊二寸八分，正中上下，開三印池案副之。

章案。長二尺二寸，高八寸，仍須曲脚，以梓木栢木為之。違科奪算。



龍頭書刀。刃長六寸，古鐵為之，以銀半兩，製龍頭形於其柄，拜表鎮章，用不可缺。

香爐几案榻褥。二十副。三寶一副，十方十副，高功都講奏案各一副，六幕六副，壇外香案一副，此是齋壇所需之數。他處所用，不在此數內。

允中恭考古典鎮信威儀，皆有定式。今悉從廣成科法，諸方亦無大段殊別，只有三簡符篆，則多不同。允中所受經師高君之法，乃依古法本儀。其告文並同古式。簡背篆文，則從師傳之法矣。傳此法者，當遵此而行。非正傳此法，而別有源流者，自依所受。儻三簡別有符，而不見顯然出處，則毋輕用也。須考證來歷為善。

壇圖幕式品


科曰：禮天地，通真靈，當建壇以申至敬。壇層格各有等差，今專叙黃籙齋壇，故不泛及。



壇外之燈，從真仙品禮祝之法，共計一百五十九燈。蓋古者二十八宿，只用二十八燈，是以數簡。今有力之家，將二十八宿在天之象，而依樣然燈，尤佳。二十八宿星圖，亦列于左。

壇外燈圖

二十八宿經星圖



東方七宿，自角至箕，計三十二宮。北方七宿，自斗至壁，計三十五宮。西方七宿，自奎至參，計五十一宮。南方七宿，自井至軫，計六十四宮。井宿之前一星，四列鉞，故共六十四宮也。凡二十八宿，總計一百八十二宮。此圖從《天文志》及渾天儀中式也，與近來刊行齋壇圖子不同。蓋逐時易板雕刻，日漸失真。今故合從渾天儀為定。然止從每宿一燈，則共點一百五十九燈。若依星象而點燈，則二十八宿併壇中諸燈，共三百十三燈。豐儉隨力。大抵燒香然燈，齋功之首。其餘浮費，或有滅

損。法天象地，乃於燈燭，宜從厚爾。故考天文，而出其圖於此。主行之士，幸深詳之。

### 齋壇

或壘以寶甄，或砌以文石，或竹木暫結，或築土創為，務合規矩，以崇朝奏之禮。或露三光之下，以達至誠。或以天寶之臺，取法上境，建齋行道以為先。於中列太上三尊之象，如朝會玉京山也。壇上下四重欄楯，天門地戶飛橋等，務在精好，纂作瑞蓮之狀。或八十一，或七十二，或六十四，隨壇廣狹設之。竹木為之，束茅表像，亦可為延真之所也。外壇用長纂八枚，門榜八裊，褥席十六副，纂上安壹榜也。此乃十炁，故不用雙纂成門。止於巽上開一門，餘皆欄斷。

正東卯地震宮洞清之炁，青書黃榜。  
東南巽上巽宮梵行之炁，黃書黑榜。  
正南午地離宮洞陽之炁，朱書白榜。  
西南坤上坤宮梵陽之炁，黃書黑榜。  
正西酉地兌宮少陽之炁，白書青榜。

西北乾上乾宮梵通之炁，白書黑榜。  
正北子地坎宮洞陽之炁，黑書赤榜。  
東北艮上艮宮梵元之炁，黃書黑榜。

中壇用長纂八枚，門榜四枚，以二纂中間安一榜為門也。短纂二十枚，裊席二十副。

亥上天門，青書黑榜。

巳上地門，黃書赤榜。

申上月門，黃書白榜。

寅上日門，黃書青榜。

右四榜長短纂列中壇之外，只開地戶、天門。

內壇用長纂一十八枚，門榜十枚，亦以二纂中間安榜為門，短纂十枚，裊席十副。

東方卯地青華元陽之門，朱書青榜。

東南辰地始陽生炁之門，白書黃榜。

下方巳地九靈皇精之門，黃書赤榜。

南方午地洞陽太光之門，黃書赤榜。

西南申地元皇高晨之門，白書黃榜。

西方酉地通陰金闕之門，黑書白榜。

西北戌地九仙梵行之門，白書黃榜。

上方亥地大羅飛梵之門，青書黑榜。

北方子地陰生廣靈之門，青書黑榜。  
東北寅地靈通禁上之門，白書黃榜。

右十榜長纂十八枚，短纂十枚，列於內壇之外。十榜當用長纂二十枚，今用十八者，以兩角有門，每二門共一處柱，故用長纂十八也。

壇三級，此法用纂六十四枚。長纂三十四枚，各長一丈三尺。短纂三十枚，各長一丈。門榜二十四枚，七黑，五黃，三白，三青，四赤，用五色裝之，雕木為額，畫飛仙雲炁之形，務取精巧。纂三重，用青繩、絳繩，各五百尺縻之。護淨隔凡。止開東南一門而已。三官帳於壇之東，三師帳於壇之西，各作帳幄，備圖像几案，供養如式。三官主三元考校之籍，證錄齋功。三師為開度之宗，經籍度三師也。師資存念之旨，各宜列位齋壇左右也。九祖位，在壇之東南，遷拔九幽，洗滌玄祖，宜設位遙對壇所也。五帝位，古儀在五方案上，壇內窄狹，就三師位北，別設帳幄，與三官比，玄中法師相對，各

設几案供養，亦為便也。監齋大法師位，次三師之南。土地位，在壇之西南。關召敷奏，傳感上玄。凡建齋壇，土地為首，亦宜設位，遙對壇所也。

右廣成先生法也。舊儀中壇廣三丈二尺，內壇廣二丈四尺，外壇又居中壇之外。今之修建，當隨地之闊狹，為之列纂。則廣成科大為約長纂則可定，如短纂則隨壇之大小施之爾。廣成科中，若五帝座勢，不可安於五方案上，未免於壇前設幕為便。則是五帝一幕，三官一幕，玄中法師一幕，經籍度師一幕，監齋大法師一幕。近世增以正一天師一幕，則合為六幕。而廣成科之說，則五帝居壇之西一，玄中法師居壇之東一，三官居壇之東二，三師居壇之西二，監齋法師居壇之西三，增入天師則居三官之次。則是五帝居西一，玄中法師居東一，天師居西二，三官居東二，三師居東三，監齋法師居西三。悉從廣成古科，則經籍度三師不居

天門，無正一天師幕。此蓋龍虎山正一宗壇，尊崇祖師之義，而曰先生因之行齋。故有圖子雕行，添正一三師一幕，而經籍度三師居天門也，實非古儀矣。況以靈寶法而行齋，合守廣成古科。

#### 九祖位

此則齋主之九祖，薦拔亡魂，合先昇度九祖。若眾建黃籙，則各列九祖位。古科欲遙對壇所，或舍宇窄，未必可以安頓，則隨事宜可也。

#### 土地位

古者玄壇啓事以禮告天，故禮簡而事嚴。壇外須別設土地，以為關告之首。今人崇壇之外，又別設道場，列法中將吏，里域眾神，則時遷事異，非如古者。是土地已在列位中，不必別設也。

#### 監臨位

古者建齋，請降兵馬，營衛壇場，朝奏感通，交於盼蠻。後世既繁簡不同，而儀式文移俱密。是以牒請城隍主者，或近境祀典正神監臨，宜於

廊廡或門間別設位，而日易酒果供養，解壇一併言功，既不出古儀，則其位隨宜安設也。

#### 神虎堂

此靈寶大法之科式也。後世攝召魂儀，務見報應，故有此格。宜潔淨室宇，依科建立，中列聖位。

北斗玄冥夫人，

太乙紫元夫人，

神虎雄左玉曹何將軍，

神虎雌右武鸞喬將軍，

提魂攝魄七司玉女，

上部追魂侯使者，

中部追魂魏使者，

下部追魂張使者，

監獄使者劉將軍，

聚魂功曹盧將軍，

整魂神將太一軍，

對魂神將劉將軍，

神虎追魂大將馬將軍，

追魂攝魄合屬官將吏兵。

右列聖位，供養茶湯酒果，務在豐潔。左立陽耀通關壇，右立陰靈攝

魂壇，中建召魂八門壇，不令雜人出入，臨壇依法行事。壇式叙在神虎攝召品。

### 鍊度堂

廣成先生編撰科儀，乃唐大順間。是時未行鍊度之儀。近世此科方盛，故聖位及堂宇之式，難以立為定制。浙中多別立一堂，排列聖位，設醮，後方行鍊度，與道場中了不相干。江東有數郡，只於道場內上帝前奉行。又一式，則於道場內恭對上帝行事，廊筵相對，只列鍊度官，仍設醮筵，徑對上帝行事。如木公金母，九天上帝，諸位帝真，皆已列位於道場內，故不別設。此等事古無定格，今當遵從師傳。此書乃靈寶法也。此一法合於道場內兩畔，設鍊度官將位。次設醮行科，如拜表請炁，只對上帝前也。或別立一室，自居一所，則中間合設帝真位矣。古者朝奏之規，以壇為重。今既立壇以行齋，而建置道場，舒設圖像，正為行事而備。若於道

場之外，又別置鍊度堂，大為繁冗。且以人而鍊度幽魂，誠為難事。所資者祈告真靈，請降二炁，或可少資幽沉。符乃召炁之信，呪乃天中之音。然後運一元之神炁，合二象之生津，此其本也。儻專務華飾，日增怪奇，多方排整壇場，撰造圖局，悉為無益。今止於上帝之前，道場之內。左設火池，右設水池，法師定炁存神，依科行事，有何不可。豈待變詐百出，而後可行哉。官觀尚有寬狹不齊，況人家宅宇，安得廣有去處，逐一別所為之。其地不能精潔，反成褻瀆。只就道場內為便，或堂宇寬閑，可以施設，却自隨宜也。神虎欲攝召行事，須別立堂，却與鍊度不同。

### 鍊度聖位

東方青帝君，  
南方赤帝君，  
西方白帝君，  
北方黑帝君，  
中央黃帝君，

度人不死尊神，  
度世司馬大神，  
好生韓君丈人，  
司命司錄君，  
延壽益算君，  
度厄上生君，  
陶魂鑄魄君。

朱陵火府官將吏兵，  
南昌受鍊官君將吏，  
龍威丹天大神，  
復相反身大神，  
皓華玄英大神，  
返形超化大神，  
九光火鈴童子，  
東井黃華玉女，  
火池主者火鍊官將，  
水池主者水鍊官將，  
靈寶大法司官君將吏，  
黃籙院升度官君將吏，  
九天監生官將吏兵，  
品命度生官君將吏。

### 誦經堂

此齋中之最重事也。古法入靖對

齋，誦經為首。或三十六日，或四十九日，先集道衆誦經，中設三寶位。

### 靖室中

設高功座，仍供養天師，或齋法之祖師。道衆列兩傍，法師行持，存念，書篆符文，悉就此矣。

### 茭郭

設斛之所，以備風雨。或以茭草，或以淨茅，用之幽靜之地，不欲人物喧雜。隨地之闊狹，以寬廣為上。造立草屋，如郭城之狀。中安斛食，四傍或列齋饌供養，惟在精潔。先度衆魂，則所薦之靈儀獲福。齋官多不曉此理。高功又不達齋修之本源，反隨順齋官之意。常汲汲用力於正薦之魂。而於普度之事，良不如意，何其愚哉。此浙東尤於此事疏略，學者其深思之。

### 齋供

時新果實，切宜精潔。舊儀建齋，則逐日易之。不用石榴、甘蔗之類，及穢泥之物。枝上淨果為佳。上帝三寶前，列茶湯果實，供養如法。六幕

並將吏神祇前，備齋饌淨食之類，供陳之上，及薦獻神真，下及道衆飲食，並須潔淨。不用酥乳醍醐酢酪等物，皆為葷。或六畜皮毛爪甲，毋墮飲食中。禁猫犬禽獸之畜，污犯壇中正齋。每朝發爐時進茶，大謝後獻湯。今多不用湯矣。更隨宜審量之，請師之詳。法服品格，已見廣成黃籙科中，不必重叙。

允中經師高君，自京南渡紹興之初，化行江淮間，所行上清靈寶大法，乃古書也。自唐末五代時流傳者。高君歸老于新安，前後主行黃籙，難計其數。莫非一遵古典，非後世私意更易之儀。其法則主於《度人》一經，其齋則遵廣成之科。先籍師唐君受傳，以付劉副觀。劉君受傳，以付金允中。冒昧嗣行，悉從成典。故今壇圖幕式，皆先經師高君之定法也，與廣成之科則一同。而近世印行田先生黃籙壇圖，則有少異，蓋六幕不同，則宗壇崇本，遂增正一天師三師，而廣成科未有也。壇外燈

圖，只隨金籙禮燈儀布之，若無禮祝之法，則不設燈，此一高君從杜廣成科而行也。允中度師劉君，再行奏受齋法於正一宗壇蔣君九思，奏法於田君居實，度師劉君面承蔣君戒曰：某受法於田先生，奏告盟誓，悉從廣成古法。允中今遵此而行，乃高君之定法也，而田先生付授之旨也。雕行壇圖，雖曰田君名重，蓋一時為宗壇設爾，既告天盟受，使從古科。今不敢以圖子廢舊式，乃是叛正理以累師也。永嘉蔣先生叔輿，編《黃籙立成儀》，則六幕皆用杜廣成科，而其次序又有小異。乃天師與三師，皆居三官之上。而廣科云：三官居壇之東，三師帳居壇之西。又云：五帝座舊在五方案上，或壇內窄狹，就三師位北別設帳，與三官比，玄中大法師對。如此則是五帝幕居壇之西一，玄師幕居壇之東一。夫壇則座北而南向，今言五帝居三師幕北，與玄師相對，則三官幕合在壇之東二，三師幕合在壇之

西二，分明矣。後世增以正一天師，則合居三官之下，三師之上，而天師却與三官相對，三師却與監齋相對，無可疑者。自後唐以後，羅天醮儀，及宋宣和間朝廷印行三千六百聖位圖，則五師班次，在三官四聖之下甚遠。又有靈寶三百六十位醮儀，亦宣和刻石于浮光天慶觀，則三官之班次，亦在五師之上。古今皆然。玄中法師今與五帝對者，乃從廣成科。天師居三官之上，則恐未安。允中所編壇圖，從高君舊式，不敢移易。後之行者，或別有經據，則自從所授可也。允中考之古典，與夫師傳皆合，縱有小異於近世之儀，終不敢戾古背師，以趨時也。他人不此例。高君姓名，已著卷末矣。

上清靈寶大法卷之十七

上清靈寶大法卷之十八

洞玄靈寶法師南曹執法典者  
權童初府右翊治金允中編

玉文真篆品

經曰：赤明開圖，運度自然。元始安鎮，敷落五篇。赤書玉字，八威龍文。保制劫運，使天長存。此乃是元始天尊大梵祖炁，化生玉字，出書度人也。而《靈書中篇》，在開圖之初，謂之中者，中和之炁，融而成書，故曰中篇，孝道明王主之。五炁分而列五位，於是赤書玉字，五篇敷落，故五老上帝主之。所以中篇著於末者，取生物首下之義，故赤書先之。然而真文呪訣，出於古書。後之學者，難可施行。故高上著筆，以解曲滯，開演古文微妙元辭。諸天尊披誦玉音，十方遙唱，上帝設禮，神魔降伏，安天鎮地，功用無窮。其如季葉，真道易潛，至理用晦。世俗

之習，溺於先見，故多以先得者為貴。世俗貴異，又以常有者為賤，偶得者為寶。世俗貴難，復以難得者為奇，易得者為輕。所以世師有得其妙者，多不以及人。盲師罔世，各立異論，迷迷相續，遂誤後人。今審夫仙經，參之上法，務為簡要，少存玄綱云。

東方青帝靈寶赤書玉篇真文

 歲  星  輔  肝  角	 攝  炁  舉  仙	 人  總  校  圖  錄	 鬱  畢  中  有  典  老	 皇  青  天  勤  碧  霞	 東  方  九  炁  始
---	----------------------------------	---	--	--	---

二十四字，書九天元臺，主召九天上帝，校神仙圖錄。

元 鎮 真 氏 房

心 尾 日 景 迴

旋 箕 主 七 辰

正 斗 明 輪 承

炁 捕 非 掃 除

災 群

三十二字，書紫微宮東華殿，主召星官，正天分度。

東 山 神 咒 攝

什 九 天 赤 書

符 命 制 會 鄂

山 東 魔 送 鬼

所 誅 無 蠲 悉

詣 木 官 敢 有

稽 延

三十二字，書東華司靈之館，主攝鬼魔，正九天炁。

下 制 河 源 海

水 東 神 大 劫

洪 災 蛟 龍 負

身 水 府 開 道

通 巡 百 千 北

帝 赦 文 風 火

無 問

三十二字，書于九天東北玉闕

丹臺，主攝東海水帝，大劫洪災，召蛟龍及水神事。

右合一百二十字，皆元始自然之書。一名生神寶真洞玄章，一名東山神呪，一名青帝八威策文，東方安寶華林青靈始老帝君所掌也。

南方赤帝靈寶赤書玉篇真文

南 方 丹 天 赤

帝 玉 堂 中 有

大 神 號 日 赤

皇 上 炎 流 煙

三 炁 勃 光 神

仙 受 命 應 運

太 陽

三十二字，書九天洞陽之館，主九天神仙圖籍金名。



靈 焚 送 惑 蘇 輔 靈 心 井

厲 鬼 守 房 眾 柳 星

張 翼 統 御 四

鄉 軫 總 七 宿

迴 轉 天 常 召

運 促 會 正 道

驛 行 赤 文 命

靈

三十六字，書三炁丹臺，主召星官，明數正天分度。

北 攝 豐 山 東

送 魔 宗 符 教

所 討 明 列 罪

源 南 山 神 咒

威 伏 北 方 群

妖 滅 爽 萬 試

摧 亡

三十二字，書於西南玉闕，主制北酆，以正鬼炁。

南 河 水 帝 太

伯 龍 王 神 咒

流 行 普 掃 不

祥 洪 水 飛 災

止 台 蛟 龍 開

除 水 逕 千 道

萬 通 敢 有 十

訖 攝 送 火 宮

赤 書 所 告 莫

有 不 從

四十八字，書西南正陽玉闕，主南海水帝，大劫運交，洪水四出，主召蛟龍水神事。

右合一百四十八字，皆元始自然之書。一名南雲通天寶靈衿，一名九天神呪，一名赤帝八威策文，南方梵寶昌陽丹靈真老帝君所掌也。

中央黃帝靈寶赤書玉篇真文

中 央 惠 靈 黃

上 天 元 始 生

五 老 中 皇 尚

尊 攝 炁 監 真

總 領 群 仙 興

籙 真 玄 靈 圖 攝 宿 簡

玉 文 靈 催 運 信 上

告 萬 威 神

四十字，書太玄玉寶玄臺，主神  
仙玉簡宿名，總仙炁也。

鎮 星 輔 脾 迴

度 北 元 魁 魁

主 非 截 邪 斬

根 魁 魁 魁 魁

掃 穢 除 氛 魁

正 玄 祭 斗 明 度

天 關 九 天 符

命 金 馬 驂 驛 傳

四十字，書玄都玉臺，主攝星  
官，正天度數。

勅 攝 北 帝 過

塞 鬼 門 剪 除

不 禪 莫 有 當

前

一十六字，書玄都玉臺，主攝北  
帝，正天炁，檢鬼精。

中 山 神 咒 召

龍 上 雲 制 會

黃 河 九 水 河

源 不 得 息 從

善 惡 悉 分 千

妖 萬 奸 上 對

帝 君 莫 有 子

試 太 陽 激 熾

赤 書 玉 字 宜

告 普 聞

四十八字，書玄都玉臺，主攝中  
海水帝，四泉之水，洪災湧溢之  
數，召水蛟龍事。

右合一百四十四字，皆元始自然之  
書。一名寶劫洞清九天靈書，一名  
黃神大呪，一名黃帝威靈策文，中央  
元靈元老帝君所掌也。

西方白帝靈寶赤書玉篇真文

西 方 素 天 白

帝 七 門 金 靈

浩 映 太 華 流

芬 白 石 我 我

𠄎 七 𠄎 炁 𠄎 佩 𠄎 盪 𠄎 上

𠄎 有 始 始 𠄎 生 𠄎 皇 𠄎 老

𠄎 大 𠄎 神 𠄎 總 𠄎 領 𠄎 肺

𠄎 炁 主 𠄎 校 𠄎 九 𠄎 天

𠄎 檢 𠄎 定 𠄎 圖 𠄎 錄 𠄎 制

𠄎 召 𠄎 上 𠄎 仙

四十八字，書九天素靈宮北軒之上，主召仙炁，舉仙道也。

𠄎 太 𠄎 白 𠄎 檢 𠄎 兼 𠄎 奎

𠄎 婁 𠄎 保 𠄎 魂 𠄎 胃 𠄎 鼻

𠄎 畢 𠄎 精 𠄎 立 𠄎 制 𠄎 七

𠄎 關 𠄎 參 𠄎 總 𠄎 斗 𠄎 魁

𠄎 受 𠄎 符 𠄎 北 𠄎 元

二十四字，題金闕玄窗，主攝白

帝星官，正明天度。

𠄎 赤 𠄎 書 𠄎 玉 𠄎 字 𠄎 九

𠄎 天 𠄎 正 𠄎 攝 𠄎 召

𠄎 萬 𠄎 炁 𠄎 普 𠄎 歸 𠄎 帝

𠄎 君

一十六字，題金闕三圖館，主攝六天鬼炁，行此法也。

𠄎 西 𠄎 山 𠄎 神 𠄎 呪 𠄎 八

𠄎 威 𠄎 七 𠄎 符 𠄎 符 𠄎 水

𠄎 上 𠄎 龍 𠄎 召 𠄎 山 𠄎 送

𠄎 雲 𠄎 在 𠄎 所 𠄎 校 𠄎 得

𠄎 同 𠄎 到 𠄎 帝 𠄎 門 𠄎 輔

𠄎 衛 𠄎 上 𠄎 真 𠄎 斬 𠄎 滅

𠄎 邪 𠄎 源 𠄎 若 𠄎 有 𠄎 不

𠄎 祥 𠄎 截 𠄎 以 𠄎 金 𠄎 關

𠄎 赤 𠄎 書 𠄎 符 𠄎 命 𠄎 風

𠄎 火 𠄎 驛 𠄎 傳

四十八字，題金闕三圖館，主攝西海水帝，及水中萬精，召雲龍，以防水火之事。

右合一百三十六字，皆元始自然之龍書。一名金真寶明洞微篇，一名西山神呪，一名八威召龍策文，西方七寶金門皓靈皇老帝君所掌也。

北方黑帝靈寶赤書王篇真文

𠄎 北 𠄎 方 𠄎 玄 𠄎 天 𠄎 五

𠄎 炁 𠄎 律 𠄎 徊 𠄎 中 𠄎 有

𠄎 黑 𠄎 帝 𠄎 雙 𠄎 皇 𠄎 太

𠄎 微 𠄎 總 𠄎 領 𠄎 符 𠄎 命

函 仙 鍊 八 威 青

茲 裙 羽 襦 龍 文

鸞 鳳 衣 上 帝 所

舉 制 到 玉 階

四十字，出鬱丹玄元紫微臺北軒之上，主諸天真人神仙圖。

北 辰 輔 腎 斗

牛 衛 扉 女 虛

危 室 豁 落 四

開 壁 總 七 星

執 凶 糾 非 御

災 掃 穢 明 道

動 輝

三十二字，是天北元玄斗中書也，主北方星官正天炁。

北 山 神 呪 激

陽 起 雷 流 鈴

煥 落 獲 天 振

威 北 鄂 所 部

萬 妖 滅 摧

二十四字，書北方朔單鬱絕之臺，主攝天魔北帝萬鬼事。

九 河 傾 訖 鳥

母 群 飛 蛟 龍

通 道 水 伯 洞

開 赤 文 玉 書

驛 龍 風 馳

二十四字，赤書北方朔單鬱絕之臺，主北海水帝，制水中萬精，召蛟龍以負身。

右合一百二十字，皆元始自然之書。一名元神生真寶明文，一名北山神呪，一名八威制天策文，北方洞陰朔單鬱絕五靈玄老帝君所掌也。

元始赤書，五篇真文。上清自然之靈書，九天始生之玄梵。空洞之靈章，成天立地，開張萬真，安神鎮靈，生成兆民，匡御運度，保天長存。上制天機，中檢五靈，下策地祇，嘯命河源，運役陰陽，召神使仙。此至真之文，妙應自然。致天高澄，使地固安，五嶽保鎮，萬品存焉。

右法凡行赤書，須先關告。若不關告而便為之，無所益也。古者修真之士，以五篇赤書，鎮禳攝制。或投之名嶽洞淵，以削罪籍，上名九天，即此是也。凡投簡，如告水帝，削除罪簿，即硃書銀木簡上，以青紙裹，青線纏之，負以金龍一輔，以金紐九匣簡，以投三河之淵。如告五嶽靈

山，亦硃書銀木簡，金龍金紐，悉如前法，埋於本命之嶽，或福地名山。若告九地土皇，亦如斯式，埋於所住之中宮。簡上書法師位姓，某年月日時生，願神願仙，長生不死。如水府，則續之曰：九府水帝，十二河源，江海淮澤，溟泠大神，乞削罪名，上聞九天，謹詣水府，金龍驛傳。其首同式，其末別作一行，書太歲某年月日時，於某處告下。各以簡之背書真文，却以簡之陽面書告文，用本法印印之。投簡之際，發爐，啓告，宣呪，投簡，復鑪，如式。或以文置之五方，則五嶽仙官至。若長齋百日，精思不輟，則天真下降。但專佩此文，亦得屍解。硃書五色石上，災殃自滅，凶殘自消。不及五嶽之山，則所居之地，取四方之山，亦可備五嶽。但本命之方，則為命嶽，取象以招靈炁神，無所往而不在也。然炁炁開煥，出圖度世，無文不光，無文不明，無文不成，無文不度，無文不生。故百魔隱韻，離合自然，因時以

治事，隨事以用文。故五書之赤文，中篇之祕篆，皆可離合而用之矣。

### 水府呪

北向，叩齒三通，讀簡文。訖，法師執簡，念呪。

元始五老，上帝高尊。十方至真，太華靈僊。赤文告命，無幽不聞。上御九天，請下玉文。日月五星，北斗七元。中告五嶽，四方靈山。下告河海，十二泉源。九府水帝，溟泠大神。今日上告，萬願開陳。謹投玉簡，乞削罪名。千曾萬祖，九族種親。罪相連累，及傳我身。普蒙削除，絕滅種根。記名水府，上言帝前。七祖父母，去離八難。上登九天，衣食自然。我罪釋散，萬神咸聞。謹以金紐，關盟水官。請如所陳，金龍驛傳。

### 嶽府呪

東向，叩齒九通，讀簡。畢，法師奉簡，念呪。

玄上開明，元始監真。上帝五老，赤書丹文。天地本始，總領三元。攝炁召會，催促舉僊。高上符命，普告十天。日月星宿，五嶽靈山。天上地下，冥靈

大神。監生主錄，南上三門。開領玉簡，勒名丹篇。削落罪書，上補帝臣。歸憑至道，脩立齋功。拔贖九祖，一切苦魂。行道事竟，謹依靈山。請投玉簡，乞削罪名。皆蒙解脫，無有冤親。去離三惡，魂升九天。死生開度，億劫長存。今日上告，萬神咸聞。謹以金紐，關盟地官。請如所告，金龍驛傳。

### 土府呪

中庭，向壬，叩齒十二通，讀簡。畢，法師奉簡，念呪。

天地開張，九炁分靈。三元同符，十方朗清。五老上帝，開真領生。丹書赤文，元始上精。普告天地，九土皇靈。今日上告，萬僊定生。脩齋行道，普為存亡。我願我仙，請投玉名。土府太皇，削除罪形。奏簡上宮，刊簿華清。身得飛騰，天地同靈。九祖種親，腐骸更榮。魂升南宮，受化仙庭。今日告命，萬神咸聽。謹以金紐，表盟至誠。請如所告，金龍驛傳。

### 五嶽靈山投簡呪

每遇本命日、甲子日、立春日，寫東

方赤書。自東方起，至舉仙，凡二十四字。立夏日寫南方赤書，自南方起，至太陽，凡三十二字。二分二至日寫中央赤書，自中央起，至萬神，凡四十字。立秋日寫西方赤書，自西方起，至上仙，凡四十八字。立冬

日寫北方赤書，自北方起，至玉階，凡四十字。依方色書白刺上，記姓名月日，如投簡儀。則九年，五方仙官到，使青腰、赤圭、黃素、太素、太玄玉女來皆見。叩齒十二通，呪曰：

玄上高靈，元始尊神。大聖徘徊，萬聖臨軒。三景敷輝，慶雲四陳。上告較圖，推算九天。今日啓願，投刺靈山。丹書赤字，自然真文。上告五帝，記名玉篇。萬神監映，日月明言。願度願生，願神願仙。天地星宿，互照我身。三官九府，五帝大神。普告無窮，削除罪根。元始大開，莫不納言。九祖幽魂，受福自然。三途五苦，永離八難。得與三景，同輝紫宸。轉輪不滅，身得飛仙。

宣呪畢，讀刺了，投於絕巖之頂，便散花靈山之上。又叩齒三通，向本命方，呪曰：

元始監映，仙名已書。三官九府，罪業蠲除。散花五帝，告盟太虛。請如所陳，萬劫常居。

#### 安鎮星宿禳度天灾法呪

五方赤書，主召其方星官，天文分度及天灾，安鎮則方而息。東方自歲星起，寫至灾群，凡三十二字。以青紙硃書，露中庭九日九夜，依法以火燒，散灰於青煙之中。并刻石書於青石上，埋之。南方自熒惑起，至命靈，凡三十六字。以青紙硃書，露中庭三日三夜，依前法焚。并刻石書赤石，埋之。中央自鎮星起，至驛傳，凡四十字。以青紙硃書，露中庭十二日夜，依前法焚，并刻石書黃石埋之。西方自太白起，至北元，凡二十四字。以青紙硃書，露中庭七夜，依前法焚，并刻石書白石埋之。北方自北辰起，至輪輝，凡三十二字。以青紙硃書，露中庭五日五

夜，依前法焚，并刻石書黑石埋之。皆東面，散髮，叩齒十二通。呪曰：

元始上天，三光高明。回景照耀，四方朗清。運度所衝，激揚流星。五分錯越，三統失寧。五斗總辰，七宿明靈。真君大魁，厥諱玉精。夫人皇妃，字曰育嬰。總御玄關，回轉天常。今日客灾，玄告不祥。謹以真文，赤書上呈。散髮謝愆。披露丹誠。惟垂玄鑑，回復天經。炁不橫越，灾不橫生。焚燒靈文，散煙玉庭。上景監明，普告萬靈。炁消三關，灾滅九冥。陰陽調和，國土太平。謹以金龍，風火驛程。

呪畢，露真文於中庭，各安方所，以金龍鎮之，隨日而焚之。又依方色數，刻石埋鎮。用燈照及紋繒，安鎮為信。

#### 攝召法呪

凡受上法，宜先攝伏魔鬼。魔精降伏，神明自至。東方即自東山，至稽延，凡三十字。硃書青木刺，南方即自北攝，至摧亡，凡三十二字，黃書赤木刺。中央自勅攝，至當前，凡一

十六字，白書黃木刺。西方自赤書，至帝君，凡一十六字，黑書白木刺。北方自北山，至滅摧，凡二十四字，青書黑木刺。凡念呪，皆向東北。而東九次，南三次，中央十二次，西七次，北五次。俱叩齒三十六通，閉息炁九口，而仰念呪曰：

三元閉明，回轉天常。運推數終，百六乘剛。大劫交會，萬妖爭行。北艷不拘，放逸鬼宗。群魔縱肆，祆閉天光。上帝有命，普告十方。演明天度，法教開張。正道治民，掃除不祥。有何小妖，群聚為殤。赤書玉文，統攝鬼鄉。北艷三官，速明傳行。千魔束爽，萬鬼送形。流鈴交換，激炁太陽。金虎四邀，天丁捕亡。大小齊到，不得匿藏。元始所告，列奏上蒼。

### 召龍天水神止水度水等法呪

天地大劫之災，洪水四出，此符可以禳止。或使蛟龍，為通路開水，逕以度身。東方自下制，至無間，凡三十二字，黃書青紙，投水中。南方自南河，至不從，凡四十八字。中央自中

山，至普聞，凡四十八字。西方自西山，至驛傳，凡四十八字。北方自九河，至風馳，凡二十四字。皆如東方，叩齒五通，閉炁二十五息，存己身心中生火，出頭頂，燒四方山林草木及己身都盡，形體皆成灰塵，一時飛翔，入青煙之上，無所復遺。思大水浩蕩除天下，己身化為蛟龍，隨水而流。因又叩齒二十五通，呪曰：

上炁回靈，開明九元。天推地轉，三炁流傳。五行相促，運度機關。陰陽否激，結成災衝。大劫傾訖，蕩除妖氛。九河受對，洪流激川。水毋徘徊，鳥鳥合群。日月冥會，三景停關。上選種臣，排較玉文。棄惡貴善，清濁永分。我係帝簡，名列九天。大災四會，赤書所蠲。是日告命，萬神咸聞。日月五星，照明我魂。五嶽靈山，浮度我身。九河水府，溟泠大神。開深水逕，通利河津。蛟龍應符，攝山送雲。負我度我，驚馳四奔。丹書赤字，元始真文。金龍驛程，時刻無停。立須奏御，上對帝君。

呪畢，引炁二十五咽。須臾，自當有水神開道，在山則山自浮，在水則水自開，可謂臨厄而自濟，儵歎之頃也。群國有水災之時，亦可建齋，精心行之矣。天尊於億劫之始，運元炁真精，化生靈文，以制御劫運，保國安民。宿有福慶與善因緣，得值斯文。上古之人，淳和抱朴，與道混同，不俟齋戒，行之立應。代末時澆，人心散壞，宗正者寡，違真者多，欲行其法，須依三元簡文，立齋行道，精心思念，冥契玄聖，乃致感通。不爾者，魔試所干，徒為之耳。可選精潔之士，於絕塵之地，名山靈跡，以期通應，以彰大道濟度之慈，太上救物之澤。弘化之士，其勉之哉。

### 廣成先生論真文

昔在元始天尊。混元既判，三炁開圖，以大道元精真一之炁，化為靈寶赤書，凝結為文，降於五方，以鎮安天地，招命真靈。故云天地得之以安鎮。日月得之以光明，鬼神得之以開度，人民得之以長生。真文傳

於世，上消天災，保鎮帝王。下禳毒害，以度兆民。制伏神鬼，拯拔沉淪，無所不為也。經云：無文不明，無文不光，無文不立，無文不成，無文不度，無文不生也。又云：赤書玉字，八威龍文，保制劫運，使天長存，此靈寶五篇真文之妙用也。故能鎮天分度，調和陰陽，開度飛爽，保衛帝王，拯淪濟溺，通幽達明，和冤釋咎，却死延生，生死之苦，無不救之。當建齋之時，以真文玉字安鎮五方。解壇事畢，收而焚之，散灰青煙之中，具如玉訣之法。或學士脩真，自祈度世，記名仙品，永離鬼官。當以三元八節、甲子本命之日，書文玉簡，投諸名山，除宿世罪簿，言名上天。事事三過，諸天三官九府，記其善功。上天友別，萬神敬護，五帝侍衛，三界司迎，千魔萬精，不敢妄干。經曰：志願堅固，觸向咸成，七祖父母，上生天堂，生死福慶，影響相酬也。

廣成先生再叙中篇說

黃籙齋拯救幽靈，遷拔飛爽，開度長夜，升濟窮泉，固其大旨也。然驅災致福，謝過希恩，人天普脩，家國兼利，功無不被矣。所鎮靈寶五老赤書真文，詳其所為，祇通四種。

一則求仙受道，自東方九炁下二十四字。

二則禳制星辰，自歲星輔肝下三十二字。

三則摧伏鬼魔，自東山神呪下三十二字。

四則蠲消九害，自下制東河下三十二字。

五篇之用，於期畢矣。西京清都觀張萬福《天師儀軌》云：諸天隱語，八會玉文，元始天尊於香林園中，為上智童子所說。下拔五苦，遍濟九幽。於遷神儀中，刻石行用。今則黃籙遷拔，當用此文。吉凶合儀，銓量充當，庶夫永劫，可以流通。呪祝焚燎，與真文同。其有成法，共弘之焉。

靈書中篇大梵隱語

又曰三十二天隱語。

東方八天

東方八天  
靈書中篇大梵隱語  
又曰三十二天隱語



𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎

南方八天

𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎


西方八天

𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎

北方八天

𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎  
𠄎 𠄎 𠄎 𠄎 𠄎 𠄎 𠄎 𠄎 𠄎 𠄎

中央  



中央

本法無此中央符，別本收入於此。

太上靈寶大羅之天自然玉字黃帝

一炁天文。





散壇，夜隨方讀文。訖，弟子捧文香  
煙上，法師叩齒十二通。呪曰：

無上至尊，大聖高尊。布化運炁，三十  
二天。八會九光，自然成文。安鎮天  
地，保制劫年。元始符命，普告三元。  
下勅九地，上關諸天。中告海嶽，名山  
大川。今日上告，萬神咸聞。修齋行  
道，拔度幽魂。三官九署，削滅罪根。  
永度三途，五苦之源。世世受福，記名  
丹篇。神生天堂，鍊化自然。生死開  
度，億劫長存。九天告命，風火驛傳。

允中恭惟元始天尊，啓真機於劫運  
之先，開靈圖於天地之始。赤書玉  
字，敷落五篇，肇育乾坤，主張造化。  
因時而降世，應運以流行。故上可  
以調正天經，協平炁候。中可以綏  
寧邦國，保鎮帝王。下至學士，求仙

入道，則驅滅魔試，成就善功。以之  
安鎮方隅，則壇場淨肅。投之山川  
河嶽，則削罪記仙。此乃玉訣中之  
元科，上經中之本旨。及夫齋法既  
興之後，則以五書鎮壇而修齋，立事  
功成。事畢，則投簡山川土府，願其  
紀勤齋功，消除過籍。黃籙之投三  
簡，蓋本諸此。近世妄人，更不考究  
源流，乃多撰造符文，書之簡背。或  
又分時節，而改易其符，不經甚矣。  
豈知五篇之妙，靈書之功，可以離合  
而用，無所不禳，無所不度也。況赤  
書玉字，合居靈寶大法之篇首。至  
於齋科之中編入者，庶俾行齋之士，  
將知安鎮之儀，投簡之式，實本諸  
此。固不宜隨俗撰符，以妄用也。  
若夫散齋投簡，則全屬齋科，詳見投  
龍送簡品矣。散壇、告簡、投龍三  
呪，宜熟味之。其可用他符於簡後  
耶。

上清靈寶大法卷之十八

# 上清靈寶大法卷之十九

洞玄靈寶法師南曹執法典者  
權童初府右翊治金允中編

## 登齋科範品

古者行持之士，德行充於內，精誠動於中，立壇以朝奏為先，行事以精思為首。故自投詞告齋之後，次則陞壇，按科而行。及至今世之威儀，率繁於古人之典式。然諸方襲行既久，難於一旦除之。惟其所增，多是請祝之詞。若不大造經誥者，非可盡去。但世之所用者，頗無倫序。或行正一法錄科品之格，或兼用諸家雜法之辭。道衆欲備用於一時，未免兼收而並錄。不知源流既殊，措辭亦異。况高功之啓白，尤宜深切於事情。允中所編洞玄靈寶本科，實難泛取而混用。緣廣成先生編集，止於齋科而已。啓祝之辭，奏告之語，舊典不載。故今從本法之旨，

重行修述一宗關告之文。非敢以此而自眩，蓋欲不戾洞玄之科條爾。不行此法之士，或取而用諸他派，大覺違失本意。亦猶此法中，不可雜他書而並用也。

## 發奏儀

先立玄中大法師、正一天師位。若已舒六幕，則就玄師前，將所發文檄，悉用淨箱盛置，列于師前，高功、齋官各上香設拜。次高功長跪，致詞請牒。此式諸方多，獨温台二郡不用之。居其所者，自從習俗。此書乃通行之文，不專為一隅設也。祝香如式。

具位某，恭謹焚香，再拜上啓玄中大法師，三天扶教輔元大法天師，正一靜應真君，靈寶經師真君，靈寶籍師真君，靈寶度師真君。仗此真香，敬伸供養。香乃玉華散景，九炁凝烟。香雲密羅，徑衝九天。當願侍香金童，傳言玉女，傳臣啓奏，上聞帝前。令臣所啓，咸乞如言。臣聞混元未肇，潛一炁以凝真。五太爰分，發三乘而立教。道

由教而乃顯，教非師而莫傳。况齋法之有儀，實師尊之上隸。伏念臣久叨玄廕，謬忝真班，應有來詞，理難寢抑。臣先據某人投詞，乞就某處，開建無上黃籙大齋。上資邦國，下福群主，普度幽沉，廣恩冥漠。回茲善果，薦拔亡故某魂，超生陽境。以致三塗息役，六趣咸休。臣謹祇率法流，同脩齋直，盟天告地，按格行科。顧惟末學之塵微，難俾齋誠之通達。欲祈天監，須仗師恩。恭惟靈寶五師真君，學洞顯幽，功齊造化，分形下教，弘正道以接人。立願康時，出玄科而濟物。凡崇善果，仰屬真師。應有請祈，俱由省錄。况今典儀將肅，齋事屆期，敢憑申奏之文移用，告陰陽之主宰。上聞齋悃，普達哀衷。恭望曲賜矜憐，俯垂憫念。特頒真旨，告下玄曹，差降法籙合屬將兵，勅遣傳奏應干神吏，齋持文檄，導達悃忱。歷啓萬真，號令不違於頃刻。遍聞三界，感通待報於斯須。所有奏申，合行關遣。即祈真旨，俾遂凡忱。臣干冒師嚴，下情無任，不勝惶懼，祈恩激切之

至，謹言。

道衆同捧所發文字，華夏引至功曹位所，列文字于前，知磬舉法事，道衆一員吟香偈。諸方有不用處，隨常例。

### 次吟水偈洒淨

高功變神，步罡，焚符，召將，諸方皆用。表白宣三獻白文，於召將之後。三獻畢，高功發遣。或有高功自宣白文者，各隨其俗召將。畢，祝白。

### 初獻酒

伏聞三炁資始，混茫於龍漢之初。三號爰分，昭煥於赤明之後。陶鎔清濁，肇毓坎離，慈周法界，而劫劫度人。德被遐荒，而方方設教。闡三乘之妙典，列四輔之冲科，慶襲顯幽，澤均今古。是以三清十極，悉當按格以騰詞。三界十方，可以依儀而移檄。於是備關申之職，列傳奏之司，嚴道法之紀綱，達士民之懇禱。事當敷告，今具啓聞本司。今據入意，以今專錄來詞，敬行關發功曹使者，傳奏吏兵，土地衆神，里域主宰，任當受事，職在宣傳。既辱臨壇，用伸初獻。齋官上香拜，舉散花一首。

### 亞獻酒

伏聞道廣運以無私，天不言而善應。雖精神之可格，非牋牘以難通。况三洞赤書，啓萬途而濟世。十方正典，弘衆法以度人。既有司存，合嚴科式。今列文移而將發，幸茲神馭以來臨。略備菲儀，用摠至悃。物則甚陋，心惟克誠。神其領之，敬伸亞獻。

### 三獻酒

伏聞飛雲走馭，駕景乘空，示現靡常，威靈素著。升騰雲漢，上徹於寥陽。出入幽冥，遍馳於陰境。傳上玄之命令，達人世之請祈。符檄藉之宣通，表狀資於關奏。十方允賴，三界依憑。輔天翊教而效專懃，導敬達誠以昭勳績。職惟至要，禮則宜處。終厥彝科，以陳三獻。

### 白文

伏以天之高也，可以誠通。神之幽矣，乃容心感。故天人之相際，雖幽顯以何殊。一念既精，萬真垂監。惟關申之將徹，恐神馭之難稽。薦獻已終，文移合發，遣造關牒，謹用宣呈。

### 宣關牒，宣錢馬狀

上來公文已行宣示，即請騰雲叱馭，整轡浮空，金闕玉房，通信誠於頃刻。神庭幽府，達文檄於須臾。九天六地之真司，三界萬方之主宰。高極太空之上，俯窮無底之中，隨所詣而齋傳，按關大而遞發。毋延時刻，火急奉行。急去速來，立待報應。

### 知磬舉向來

向來發奏功德，上資邦國，普及顯幽，同賴善功，證無上道，一切信禮。

### 表白回向

發奏功德，無限良因，專爲開建大齋，奏陳誠悃。伏願萬真垂監，列聖流光，齋直無魔，善功成就。爲上因緣，念十方靈寶天尊，不可思議功德。發奏事畢，衆官復位。

### 告符命儀

衆官於道場內上帝前序立。

### 知磬舉天尊號

高功出班，上香，跪奏。

臣聞因辭達悃，託物寓誠。假茲清靜之香，仰徹虛無之境。道香德香無

爲香，無爲清淨香，清淨自然香，妙洞真香，靈寶慧香，超三界香，三境真香。以今焚香，奏啓虛無自然元始天尊，上清真境洞玄靈寶天尊，太清仙境洞神道德天尊，昊天玉皇上帝，紫微北極大帝，紫微天皇帝，東極青宮太乙救苦天尊，金闕玉陛下。仗此香雲，遙伸上奏。香乃玉華散景，九炁凝烟，香雲密羅，徑衝九天。當願侍香金童，傳言玉女，傳臣啓奏，上聞帝前。令臣所啓，咸乞如言。

具位臣某，謹昧萬死。輒貢愚衷。仰覬天恩，曲垂玄聽。臣久叨妙蔭，幸忝法僚，爰領世詞，遂弘真典。已於今月某日，備錄奏聞，爲某人崇建無上黃籙大齋。依按科條，合頒符命，已入靖書篆，次當取旨告宣。今乞容臣，告下元始符命，金籙白簡，救苦真符，破地獄真符，拔幽魂真符，太上勅赦生天寶籙，東極青宮救苦九龍符命，太乙玄冥混元神虎玉札。遍下十方三界，六洞九幽，嶽瀆名山，城隍社令，應干合屬去處。開關赦罪，釋放係薦亡故某，及

十類幽魂，三塗苦爽。悉離所部，盡赴齋壇，霑被宸休，以時昇度。伏念符式則雲章鳳篆，法容假手於人，然而令行，乃道旨天音。誓當請命于帝，恭望至仁廣度，大造垂憐。赦愚臣狂僭之誅，憫萬類沉冥之苦。特降合干將吏，按勅宣行，普告三界攸司，依科遵奉。臣即今敷告，拱俟頒恩。臣干冒天威，無任待罪激切，屏營之至，謹言。

高功存念如式，道衆於帝前捧符命，行華夏引，至告符所。先備香燭酒果供養，如發奏之儀。道衆一員吟偈洒淨，高功變神，焚符召將。

靈寶大法司，焚香，關召十方飛天神王，玄都茭龍驛吏，地道功曹使者，九州社令神君，神虎何喬二將，主魂七司玉女，三部追魂張候魏三使者，監獄使者劉將軍，聚魂功曹張將軍、盧將軍，整魂對魂神將，追魂大將馬將軍，陽耀陰靈召魂二使者，本司所行法中追魂攝魄合干官將吏兵，黃泉蒿里丈人，當處土地，里域正神，火急赴壇，急急。存至。

舉修齋奉請神將吏兵，降臨壇所。齋官上香拜。

獻茶，高功啓白或表白宣白。

初獻酒

伏以靈寶立升遷之典，下元彰開度之儀。紫虛鬱秀以成文，赤玉光芒而結篆。萌於上境，爲安天鎮地之基。降於人寰，弘度死超生之路。祈天請命，許以宣行。闡事敷齋，先當關告。本司先據入意，除已謄詞列款，進拜章文外。今望取旨，告下元始符命，金籙白簡，救苦真符，破地獄真符，拔幽魂真符，太上勅赦生天寶籙，東極青宮九龍符命，太乙玄冥神虎混元玉札。遍詣十方三界，九壘重陰，十洞六天，泉臺夜府，洞天福地，嶽瀆靈司，社令冥曹，黃泉蒿里，三元九府，百二十曹，掌錄魂魄之司，一切天牢地獄，合屬去處。開關赦罪，釋放除愆，普召沉魂，領霑天貺。今請官君將吏，合屬衆神，遵元始上帝之教言，守太上道君之律令。一如始青天中之約，並從洞玄靈寶之規，火急奉行，依時報應。壇有常儀，

禮合薦陳。齋官投誠。用伸初獻。齋官  
上香，拜舉散花一首。

### 亞獻酒

伏以齋功至重，流大有於冥關。  
道力無邊，渙洪思於幽壤。降玄都驛  
吏，頒救苦真符，勅飛天神人，下九龍  
符命，以至太一玄冥之典，傳攝鬼之章，  
神虎大將之靈，受召魂之職。昭昭天  
憲，敢不遵行。赫赫神威，所宜聽領。  
雲驂已降，使騎來臨。祭則有儀，合陳  
亞獻。齋官上香，拜舉散花。

### 終獻酒

伏以神文秘篆，可以策役萬靈。  
藥笈瓊章，由是敷弘衆法。既列齋修  
之式，遂開濟度之門。白簡丹書，遣芟  
龍而遍詣。紫文玉劄，命神虎以專行。  
律令昭於十洞九幽，攝召盡乎三塗五  
道。悉資神力，上闡天休。況今壇墀  
已陳，典儀既肅，合要亡魂而報應，普  
召苦爽以來臨。事非可停，禮分有式，  
敬陳三酌，少畢精誠。同前

### 白文

伏以九極靈章，三天告命，疾速宣

布，火急頒行。攝召魂靈，立祈響應。  
齋壇文檄，謹用宣陳。

### 宣關牒狀

上來公文，已行宣示。衆神承領，  
各詣冥司。伏以上帝垂科，萬神聽令。  
仰遵典格，下救幽沉，拔度亡魂，出離  
苦趣。上極三界，下及九幽，分野名  
山，城隍里域，校量罪福之所，主領魂  
魄之曹。所至宣行，依時攝現。須神  
靈之佐助，俾道法以昭彰。雲騎速馳，  
立希報應。錢馬給散，風火驛傳。

### 投詞告齋

古者齋法崇嚴，而事無繁瑣。後世  
精誠不逮於古人，而行用漸增於舊  
典。廣成先生科，以投詞告齋，在立  
幕之際。請玄師之時，於師前序立。  
先一人讀職狀，訖，齋官繼上香，投  
詞之後，即對玄師白齋意。次則升  
壇宿啓。此蓋古人止於拜章，未有  
發奏預告等事，故於齋中受詞。近  
者蔣氏立成儀，則於靖室投詞，高功  
升座。次令一人讀詞，然後下座，結  
盟退詣齋。次方行立幕請師，仍於

玄師前，再依古科投詞，頗成重複。  
允中師授之格，一遵廣成科法。今於  
靖室，高功正席立，先僉定職榜。齋  
官上香，次則表白長跪致詞，請法師  
升壇。詞意乃謂法師已主領齋事。  
奏告畢，今大齋屆期，請師升壇行齋  
而已。不復作齋官懇請。此乃正奏  
之後也。便引高功出靖室，旋行立  
幕，序立於玄師前，即依古式，齋官  
自述齋意，捧詞函投之，高功致詞，  
則謂崇建大齋，已蒙錄奏上玄，關申  
三界，今當升壇，宿啓，請法師，按科  
行事而已。庶合事情，免成煩瀆。  
況未議齋期，未發預奏，請法師主行  
之。初已投詞預告，正奏之後，高功  
主領其事，已達三界。臨壇之時，非  
投請師之狀，乃繳青詞也。允中所編，  
實遵師授，非好為異。或主行之士，  
不能從此，或者自隨時俗，奉行可  
也。各依本宗而已。

高功齋官道衆，名於靖室序立。次  
法師上香，居高功位正立，表白宣職  
榜，高功已下僉榜書名。表白長跪

致詞，請高功行事。

具位充齋壇表白某，再拜上啓

伏聞赤書闡教，黃籙垂文，鎮地安天，上可扶持於劫運，寧家福國，下能濟度於顯幽。乃中乘之偉功，實洞玄之妙旨。儻非宿資善慶，豈能立此殊因。要須素蘊靈機，庶可弘茲真典。恭惟靈寶大法師某君先生，道鍾神秀，天俾清淵。玉檢瓊篇，結蟠於胸次。雲章鳳篆，飛走於筆端。惟其德行之內潛，是以感通之外應。以今齋主勵志，法衆盟心，共修至上之良緣，以廣無邊之巨福。既蒙主領，已荷關申。今茲崇建於瑤壇，正當展揚於法事。伏願略摠素蘊，大闡靈風。開幽顯之迷途，作人天之矜式。俯從衆請，即整仙儀。振舉條綱，建陳壇席。某等無任懇禱，激切之至。

高功答曰

伏聞洞玄之上法，黃籙之冲科，自簡寂先生標三洞之殊，遂弘齋法。迨清都張君考千古之式，重董典章。由世間漸有師承，而教綱未至全備。暨

乎廣成先生，歷探三乘之典籍，旁稽四輔之源流，著成黃籙之科文，以崇洞玄之品格。莫不逐事詮舉，衆目條陳，作萬代之範模，爲十方之依賴。付於有道之士，以弘無上之齋壇，自古今稱爲重事。如某者山林晚學，雲水孤蹤，冒居法籙之班，未習教科之奧，勉從齋主之請，輕主大緣，姑遵師授之書，僭當首職，幸已聞奏，不許退辭。然尚冀齋主之始終，益堅誠敬。全仗壇官之調協，同賜扶持。庶俾齋醮之圓成，廣流恩於萬類。更冀過尤之消殄，逃譴責於三官。拱聽仙音，共敷齋事。

次書齋狀或不用隨例。

舉四結願

願大道興行，經法流演，至心稽首，正真三寶。

願今上皇帝，聖壽無疆，明齊二景，至心稽首，正真三寶。

願師尊父母，亡者生天，見存安樂，至心稽首，正真三寶。

願一切含生，免罹諸苦，同證無爲，至心稽首，正真三寶。

次舉

金闕化身天尊。威儀引行，出靖立幕。

高功詣監壇神前，祝白齋意，請神監衛壇席，齋官上香拜，高功不拜。

監臨神前白文

具位某焚香，上白監臨某神。伏聞真科昭著，齋法崇嚴，三界欽承，萬靈遵奉。況今玄壇已肅，羽蓋將臨，所合振勵紀綱，斥除妖異。已嘗移牒，輕屈神驂，既辱俯從，幸垂少駐。惡徒異類，毋使入壇。穢氣塵氛，悉令屏跡。導千真而降駕，盡六合以霑恩。齋事告終，奏功遷賞，尚祈留聽，以就善緣。謹白。

詣玄師幕序立，高功、齋官上香。

請師舉

修齋奉請玄師，降臨壇所。

知爐舉

雲輿已降，鶴駕來臨，齋事周圓，遷當奉送。

獻茶

齋官回身，長跪捧詞函，向高功投之。高功受詞，置簡上，長跪，白齋

意。

告齋繳青詞狀式

鄉貫姓某。

右某先於今月某日，具狀披投，乞行開建無上靈寶黃籙大齋，追度亡過某人。已蒙騰奏上玄，關申三界。以今齋期既屆，壇席敷陳，齋捧青詞，須至再錄。狀申靈寶大法師某君先生，伏乞告齋登壇，依式宣行，謹狀。

年 月 日 姓某 狀。

高功受詞，跪白

具位臣姓某，謹稽首再拜，上啓玄中大法師。恭望師慈，曲垂省錄。臣聞上帝慈愍沉淪，遂弘開度之典。聖師流傳科式，乃垂齋直之門。萬法恢張，三乘敷布，善而能應，感而遂通。不揆塵微，爰孚悃悞。臣先據某人投詞入意，其已於某日，錄奏三天金闕，申牒合屬真司。及茲已屆齋期，再據齋官某人投詞，乞行告齋登壇闡事。伏念臣季世下材，胎生穢質，久叨師廕，獲參佩於天章。謬列玄班，僭備負於法任。知道愈遠，豈諧通達於幽冥。寡過未能，乃

復浮沉於俗網。修己尚謬，接人實難。蓋以教在敷揚，法當利濟。臣雖微陋，仰依大道之至慈。齋或可行，實賴聖師之原庇。伏願騰誠九極，流宥三塗。容臣奉行，願始終之無障。赦其違式，俾章奏之上聞。齋事圓成，師恩罔極，啓壇牋牘，謹用陳聞，伏乞玄慈，俯垂炳鑒。

宣牋 宣關 焚化

向來牋牘，謹以上聞。伏乞玄慈，特垂省覽。流光法席，駐仗齋壇，成就善功，弘敷真廕。儻從凡禱，實荷師恩。臣與齋官無任祈恩，激切之至。詣三官幕，高功、齋官上香拜。

請三官

修齋行道，奉請水官，降臨壇所。  
修齋行道，奉請地官，降臨壇所。  
修齋行道，奉請天官，降臨壇所。

知爐舉

雲輿已降，天駕來臨，齋事周圓，還當奉送。

獻茶 高功長跪告齋

具位臣某，頓首再拜，上啓天地水三

官帝君。臣聞肇混茫於五太，分氣象於三光。宰制者百二十曹，君臨乎二十七府，功過兼錄，齋醮仰關。敢瀆慈仁，用陳誠切。臣先據某，伏念臣行無片善，識乏寸長。冒主齋盟，僭當壇職。儻非靈庇，難就殊功。啓壇牋文，敢伸敷露。

宣牋 宣關

上來牋牘，已具披陳。伏乞真慈，特垂孚鑒。少停仙駕，略駐齋壇，矜覆愚蒙，圓成齋直。庶顯幽之共濟，俾罪戾之咸消。儻遂禱祈，實由真廕。臣與齋官無任祈恩，激切之至。詣三師幕，高功、齋官上香拜。

請三師

修齋行道，奉請度師，降臨壇所。  
修齋行道，奉請籍師，降臨壇所。  
修齋行道，奉請經師，降臨壇所。

知磬舉

雲輿已降，鶴駕來臨，齋事周圓，還當奉送。

獻茶 高功長跪告齋

具位臣某，謹頓首再拜，上啓靈寶經



籍度三師真君。臣聞玉篆金書，實高真開於大教。琅函藥笈，惟聖師肇於靈基。接引十方，陶鎔千古，敢希洪造，敬露丹衷。臣先據入意，伏念臣久叨訓育，素昧進修。濫忝玄班，僭司冲教。非假師尊之覆佑，難期齋事之圓成。啓壇牋文，敬伸敷露。

宣牋 宣關

上來牋牘，已罄敷宣。伏乞師慈，特垂省錄。俯臨壇墀，少駐旌旄，庇晚學以逃辜，就善緣而弘福。願終齋直，皆自恩松。臣與齋官無任懷恩，激切之至。

詣五帝幕，高功、齋官上香拜。

請五帝

修齋行道，奉請青帝，降臨壇所。  
修齋行道，奉請赤帝，降臨壇所。  
修齋行道，奉請白帝，降臨壇所。  
修齋行道，奉請黑帝，降臨壇所。  
修齋行道，奉請黃帝，降臨壇所。

知磬舉

雲輿已降，鸞駕來臨，齋事周圓，還當奉送。

獻茶高功長跪告齋

具位臣姓某，謹頓首再拜，上啓五方五帝。臣聞太極凝真，列五方而拱御。梵元分炁，錄四序以司時。三界功過之兼書，十方神人之並錄。敢因齋禱，上冒神嚴。臣先據入意，伏念臣末學庸資，叨承化育。濫當壇職，恐冒修爲。匪籍甄陶，曷能就事。伏願暫迂仙仗，俯屆人寰，大霽慈恩，廣恢弘宥。鑒觀壇席，削其違謬之愆。成就齋功，拔彼沉冥之苦。啓壇牋牘，敬用敷陳。

宣牋 宣關

上來牋牘，僭已敷陳。伏乞聖慈，特垂憫濟。暫迂鸞駕，曲駐靈場。矜宥愆辜，敷弘福祉。儻得顯幽之俱利，實由造化之深恩。臣與齋官無任，激切之至。

詣天師幕，高功、齋官上香拜。

請天師

修齋行道，奉請天師，降臨壇所。  
知磬舉

雲輿已降，鶴駕來臨，齋事周圓，還當奉送。

獻茶高功長跪告齋

具位臣姓某，謹頓首再拜，上啓三天扶教輔元大法師正一靜應真君。伏聞金書演妙，洞神之教弘敷。玉局流光，正一之風大闡。立古今之典則，開幽顯之津梁。既結齋盟，實由主宰。臣先據入意，伏念臣法非練達，學未弘深。輒籍玄恩，冒當首職。教科崇重，慮有墮於善緣。師造慈憐，願曲矜於齋悃。啓壇牋牘，謹用敷宣。

宣牋 宣關

上來牋牘，已罄披陳。伏乞師慈，特垂監察。暫迂鶴駕，少駐雲驂。成齋事於始終，敷善功於幽顯，願消魔障，實在帡幪。臣與齋官無任祈恩，激切之至。

詣監齋大法師幕，高功、齋官上香拜。

請監齋

修齋行道，奉請監齋，降臨壇所。  
知磬舉

雲輿已降，聖駕來臨，齋事周圓，還當奉送。

獻茶高功長跪告齋

具位臣姓某，謹頓首再拜，上啓靈寶監齋大法師。臣伏聞靈寶開圖，洞玄御運。大弘濟度之格，爰開齋直之門。教有司存，事關典錄。臣先據入意，伏念臣資凡品下，性昧識昏。僭棲真教之中，謬列壇官之首。欲俾齋功之浩博，實資師造之併懺。壇有牋文，敢伸敷露。

宣牋 宣關

上來牋牘，已用宣陳。伏乞師慈，特垂炳鑒。俯臨壇席，暫駐輪輿。全善果以無魔，廣齋功而博浹。儻如所禱，實自真恩。臣與齋官無任，激切之至。

次少歇，退入靖室，或徑引入道場所開啓。

上清靈寶大法卷之十九

### 上清靈寶大法卷之二十

洞玄靈寶法師南曹執法典者  
權童初府右翊治金允中編

#### 登齋科範品

表白開啓

高功齋官上香拜。

臣聞因言而宣意，祈精禱之潛通。

寓物以將誠，冀清熏而上格。普聞三界，上叩重霄。道香，德香，無爲香，無爲清淨香，清淨自然香，妙洞真香，靈寶慧香，超三界香，三境真香，恭謹焚香奏啓，供養虛無自然元始天尊，上清真境洞玄靈寶天尊，太清仙境洞神道德天尊，昊天玉皇上帝，紫微北極大帝，勾陳星宮天皇帝，后土皇地祇，東極青宮太乙救苦天尊，東華上相木公青童道君，南極長生大帝，白玉龜臺九靈太真金母元君，九天上帝，五老天君，三十二天上帝，五福十神太乙天君，上清十一曜星君，中天北斗九皇星

君，南斗六司星君，四方二十八宿星君，天地水三官大帝，北極四聖真君，玄中大法師正一靜應真君，太極左宮仙翁冲應真君，九州都仙大史神功妙濟真君，靈寶經籍度三師真君，三天門下泰玄都省主宰高真，上清天樞院聖衆，三洞四輔經籙法中高真上聖，周天三百六十五躔度星真，三元唐葛周三真君，風雲雷雨電主執聖衆，地府玄天北陰酆都大帝，水府東霞扶桑大帝，五嶽五天聖帝，五嶽佐命真君，地府玄天主者，十宮真君，鬼官聖衆，四明真公，酆都宮洞，曹僚聖衆，洞天福地，名山靖治，主錄仙真，水府暘谷神王，九江水帝，四海龍王，三河主宰，四瀆源王，蓬萊都水使者，十二溪女仙真，陰境飛雷電吏，國朝祀典聖衆，州縣城隍主者，九州社令神君，黃泉蒿里丈人，靈寶官屬法籙中靈官將吏，三界官屬，一切威靈。悉仗真香，普同供養。香乃玉華散景，九炁凝烟，香雲密羅，徑衝九天。當願侍香金童，傳言玉女，傳臣啓奏，上聞帝前。令臣所啓，咸乞如言。

以今開建道場，恭崇法席。奉爲鄉貫某人，伏爲亡過某，生於某年某月某日某時受生，不幸於某年某月某日身亡。今經幾時，謹投靈寶法錄弟子某，就某處崇建靈寶黃籙大齋幾日幾夜。燒香然燈，朝真行道，告行符命，攝召魂儀，轉誦真經，施食普度。先伸上祝祖宗神御，社稷尊靈，騰景九清，升神十極。今上皇帝，乘乾繼聖，法道體天，延壽曆以無疆，綿皇圖而永奠。寰區昭泰，邊鄙謐寧，兆民永樂豐登，萬物不生疵癘。三塗苦趣，停謫役以清閑。十類沉魂，脫拘迷而昇度。集慈善果，無上良因，專爲齋主，資薦亡過某。湔滌愆非，解除冤對，超神北府，鍊魄南宮，回保家門，同增亨利。以今玄壇崇建，齋事將陳，次第關行，先伸啓告。伏願萬靈垂鑒，衆聖流光。俾功德之圓成，庶顯幽之利濟。願頌報應，拱俟感通。拜手清場，關行法事。

### 次分燈

先然一燈，於玉清天尊前。或就壇上，則於三寶前。舊式並合用陽燧，

俟日正中，取太陽之火，以然玉清前燭。高功却以分燈慧光符，撚作紙燈，執在手中。仍請道衆兩員，各執符燭，於高功本位左右侍立。高功長跪奏啓畢，方進上帝前，以紙燭請光在手，回本位祝白，却分與二侍者，以次散點，此所謂請光也。近有人於道場內並不然燭，高功却先明一撚於手中，方行奏啓。乃以燈付侍者，祝白詣上帝前點之。如此則是進燈於帝所，非自道前而請光矣。理大不通，其立說亦有碍，茲故及之。

### 分燈儀

高功回本位，長跪奏啓。

具位臣姓某，再拜，上啓虛無自然元始天尊，上清真境洞玄靈寶天尊，太清仙境洞神道德天尊。恭望道慈，俯垂省錄。臣聞九極雲霄之上，昭融不間於晨昏。二儀寰宇之中，顯晦遂分於晝夜。陽輝潛耀，世尚溟濛。陰氣凝根，境尤幽昧。是以繼明西日真科，莫重於然燈接景。北都流宥，實先於破暗。

敢祈慈愍，曲允奏陳。伏念臣委靡凡資，塵容陋品。雖幸聯於班列，久未積於功勤。固當退自省循，豈敢進而請禱。蓋以法先濟物，教在利人。況受誠詞，難抑來悃。臣據入意，已行錄奏於高穹，茲合恭開於法席。蘭膏繼夜，先祈輝散於一壇。靈耀燭幽，所冀恩周於三界。願頌生炁，曲拯沉迷。恭望道慈，俯垂玄應。臣干冒道威，不勝戰慄。待罪之至，誠惶誠恐，稽首頓首，謹言。

### 表白舉

十方靈寶天尊。

高功進入三寶前。如在道場內，則入玉清元始天尊前。

臣聞道運莫窮，隨機而示應。天輝無外，寓物以流光。是敢仰叩重玄，冒聞霄極。恭望特攄大宥，曲煥深仁。矜此凡忱，錄茲丹切。玉清宸闕，錫道炁以頌恩。清微天中，布生津而育物。容臣請命，許以分光，煥六極而惠十方，照萬天而輝九地。臣俯躬持念，以俊流恩。

元始一炁，演化敷光。空洞混合，幽寥延康。苦魂九夜，乘晨希陽。惡根應化，合精桃康。萬真順諾，生炁汪洋。

### 知磬舉

三清無上天尊。高功存念如式。

以符撚於玉清前點之，請光入手，退本位，執紙撚於左手。道衆二員，各執一未然紙，撚於高功，左手右立。

### 高功再白

臣聞混洞一元，一生二而爲體。凝澄二炁，一肇三以爲宗。天地萬形，乃成乃立。陰陽品物，以育以生。孕此靈樞，莫非祖炁，是用歸誠反本，請炁分輝。伏願自一分三，並三晨之明耀。由三及萬，流九極之生津。體大道生物之神功，結元始開天之妙化。天上地下，永居不夜之鄉。人世幽都，悉變純陽之境。存亡被福，隱顯蒙恩。

高功以燈，分點左右二燭皆然。三人執燭燈並立，宣呪：

赤明開圖，運度自然。開明三景，億劫之先。今日大願，沉魂受鍊。重昏幽

暗，永閉寒泉。欲請慧光，照燭冥關。冰池溫和，爐炭息焰。刀山劍樹，永斷攀緣。回光十方，照耀諸天。和消五累，業除勾連。三晨同輝，永劫元元。開光童子，承恩上仙。三光玉女，請如斯言。

### 高功密呪

道生一，一生二，二生三，三生萬物，普燭幽沉。臣請炁分輝，曲承道廕，流祥錫慶，上煥天休。清衆同誠，遍然燈燭。

二侍者各持燭，分與道衆，遍點壇席周足。却以諸燈，聚於玉清前燒之。

臣謹按冲科，仰祈玄佑，請光布耀，煥暗燭幽。伏願大道高尊，玄穹上聖，普覃靈廕，大霑慈休。照映十方，顯明三界，人消疵癘，魂脫幽沉，十類遷升，群生寧泰。爲上因緣，念十方靈寶天尊，不可思議功德。

分燈儀，近世於上帝前請光之後，再詣天師前，啓祝宣：飄飄帝師駕，五列玄上門。九光騰煥耀，三界普光明。金符書玉簡，鎮響出虛間。太

微回黃旗，無英命靈幡。攝召長夜府，開度受生魂。此乃是路真官玉堂齋法所用之格，洞神正一之崇應行事。悉以天師為主，與古齋靈寶本科不同。後之洞玄法師，奉行古法，乃亦取此呪，雜入其中。或再詣師前分光，悉爲失格。兼齋法自有宗本，不可混同輕用。兼靈寶舊法中，只有赤明開圖，運度自然呪一段而已。今於此呪外，增入元始一炁，演化敷光呪，乃是祝請之辭，已出於詳密矣。自上帝前，而再回師前之禮，誠不可增。蔣氏立成儀分燈，又添一呪曰：九陽玉清，三光道明。洞玄靈寶古法中不用。今合隨宗派，不敢泛取續增矣。蓋請光之儀，以陽燧對日火光，然一燭於玉清前。然後高功致詞，再拜進前，請光在手，回本位，分與二侍者，以次散點，是請之於大道也。而浙東有數郡，却亦先點一燈，在高功手中，長跪致詞。道衆却受之，以進入三清天尊前，逐位宣白文點之，方行分光，如

此則是高功進燈光於上帝前，非請慧光以燭三界也。理大不通，故今止從舊格。

### 金鐘玉磬儀

臣聞真文隱妙，藏萬化而莫形。空洞生神，肇一靈而有象。是以五篇敷落，三洞弘開。道之教也既彰，教之儀而大備。惟典則之具列，故制度之聿陳。取法陰陽，金主剛而玉貴潤。配合天地，鐘應上而磬徹幽。況齋盟已達於瑤宮，衆聖將臨於寶席。整嚴班列，遙瞻仙馭於虛徐。振肅規儀，仰睇粹容於杳靄。故即器而陳禮，異以聲而感神。虎躍龍騰，瑞氣充盈於法界。鸞翔鳳翥，靈風鼓振於珂奇。肸鬻交通，斯須感格。臣等束躬請命，拜手投誠。荐瀆靈威，不勝寒慄。

### 振金鐘二十五聲

伏以崇體弘聲，範澤金而定質。懸角隆篆，振鉦鏃以成音。配陽德而上昭，肅玄綱而悉舉。上極無上，隨梵響以凌空。真中之真，泱靈輝而布祉。召陽神呪，恭對敷宣。

元範恢漠，九霞映空。丹靈顯著，五緯交通。真陽激切，韻合玄宮。元始徘徊，群仙敬從。萬炁齊仙，隱微降衷。道生自然，變化無窮。

### 擊玉磬三十下

伏以浮材潤質，惟清緩以揚音。廣古修端，以倨方而示象。法坤體鎮，感陰會靈。逸響琳琅，密格四維之表。精衷昭徹，潛通六極之幽。均五炁以冥和，集五靈而允鑒。召陰神呪，恭對披宣。

高上太虛，瓊宮紫房。玄壇制器，玉磬琳琅。霞霄振舉，乾坤合張。陰生梵唱，流演元綱。慶雲生門，升度沉亡。克成高仙，永處福鄉。

### 鐘磬交擊，三十六下

伏以陰召陽凝，妙用潛於罔測。金鐘玉磬，清韻徹於無窮。雖坎實以離虛，乃水升而火降。感激之道，自然然而。應和之功，當舉而舉。則剛柔而製器，調音律以迎禧。鳴厥磬鐘，格于上下。達靈神呪，恭對披宣。混合二炁，表陰著陽。金和動瑞，

玉潤靜昌。交感上下，格于十方。杳振玄宮，環佩鏘揚。靈符所告，嚴肅壇場。祕範重宣，萬神開張。

### 振金鐘九聲，擊玉磬六下

伏以乾蓋上浮，坤輿下奠。森羅萬象，杳冥莫接於形嚴。周回十方，磅礴難窮於境域。然潔齋以事帝，豈高下之散殊。惟至誠以感神，宜天人之相際。茲以壇場將肅，鐘磬交鳴，韻奏鈞天，髣髴神遊於帝所。音高梵唱，依稀境界類於玄都。益勵衆誠，同行讚詠。

次舉法事，旋遶出壇，引高功入靖，勅水，道衆在壇續之。預請有威儀道士一人，行禁壇法事。

### 禁壇儀

存三師在西，存絳衣真官，乘斗而下水盂，劍安于地戶上，上香，啓白：具位臣姓某，誠惶誠恐，稽首頓首再拜，上啓聖位。臣聞一炁之初，運陰陽而立極。二儀之始，肇清濁以開天。既育群生，爰彰衆化。是以五篇敷落，稟爲經籍之宗。三洞宣行，大啓教科之緒。保制劫運，鎮奠乾坤，福國康

時，下穰毒害，拔幽濟顯，普度天人。臣等幻偽結形，昏庸受質。幸被正真之化，獲聯道法之階。未能斂己以潛蹤，僭欲宣勞而效職。瞻詞列款，達凡世之請祈。設醮修齋，闡虛皇之典格。深知越分，惟冀垂恩。敢陳迫切之情，上瀆穹高之聽。臣等謹據入意，其諸誠悃，具載章詞。臣等祇按明科，恭開法席。九清道境，祈一念之感通。三界真司，願衆靈之鑒映。蓋以卑凡之域，無非塵俗之區。是恐厭污之妄干，或致凶邪之未斥。惟假天輝之浹，庶令妖侵之消。伏願上帝高尊，俯矜奏啓。天真大聖，曲省辭陳。特勅有司，給遣官將。注靈光於法水，寓威耀於神鋒。五炁氤氳，水從呪而蕩祛氛穢。七星煥爛。劍隨罡而殄滅魔精。十方肅清，萬神侍衛，號令頒而無遠弗屆，詞章達而有感皆通。臣謹復簡存神，拱俟天恩報應。臣某誠惶誠恐，稽首頓首再拜，謹言。

次復簡，瞑目，左手上帝訣，右手劍訣，次握固於脇下，存想三步九跡，

召四靈。

青帝分靈，聚真震位。修體千尋，蒼鱗呈瑞。質肇青龍，降兇掃穢，來立吾左。

赤帝分靈，離宮聚炁。晶熒丹彩，璀璨赤翅。形現朱雀，焚滅妖異，來立吾前。

白帝分靈，凝真於兌。皓姿素質，吼動天籟。厥狀白虎，誅邪剪怪，來立吾右。

黑帝分靈，坎宮育質。丹蛇蒼龜，陰陽配合。是名玄武，鎮肅壇界，來立吾後。

四靈將軍，隨召速臨。稟勅受命，電掣風奔。

次近案前，就水劍白，仍取水劍在手。

夫劍乃宣威而布令，水能蕩濁以流清。况誦呪召靈，存神請炁。故得精邪滅跡，厭穢消蹤。恭按冲科，顯宣天令。

次以劍橫水盂上，取炁謹請東方青天魔王，降真炁入臣水。

謹請南方赤天魔王，降真炁入臣水。

謹請西方白天魔王，降真炁入臣水。

謹請北方黑天魔王，降真炁入臣水。

謹請中央黃天魔王，降真炁入臣水。

五帝大魔，萬神之宗。麾幢鼓節，遊觀太空。自號赫奕，諸天齊功。各降真炁，入臣水中。臣某奉宣上帝勅。

吾之劍足濟水火，體法乾坤。堅剛勵百鍊之鋒，雪刃涵七星之象。指天而妖星殞晦，召雷而紫電飛騰。吾今仗握叱妖氛，三界鬼神皆指攝。一揮萬里總澄清，地境邪精俱絕滅。

嚙水一口

吾之水止流隨勢，凝泮以時。地六成潤下之功，天一生至柔之性。渙雨露而發生無外，變霜雪而肅殺有常。吾今用以滌壇場，普召五天鐘正炁。一嚙六極俱無塵，地土緬平成碧玉。

嚙水一口

次念天蓬呪，嚙水一口。  
次誦呪，行至東方結界。

謹請東方無極靈寶官屬，飛天神王，使者吏兵，浮空而來，降臨壇所，行

神布炁，搜索邪精，驅除鬼賊，有罪無赦。吾從地戶結界至東方。急急如律令。

謹請南方無極靈寶官屬，飛天神王，使者吏兵，浮空而來，降臨壇所。行神布炁，搜索邪精，焚燒鬼賊，有罪無赦。吾從東方結界至南方。急急如律令。

謹請西方無極靈寶官屬，飛天神王，使者吏兵，浮空而來，降臨壇所。行神布炁，搜索邪精，誅斬鬼賊，有罪無赦。吾從西方結界至西方。急急如律令。

謹請北方無極靈寶官屬，飛天神王，使者吏兵，浮空而來，降臨壇所。行神布炁，搜索邪精，飄蕩鬼賊，有罪無赦。吾從北方結界至北方。急急如律令。

謹請中央無極靈寶官屬，飛天神王，使者吏兵，浮空而來，降臨壇所。行神布炁，搜索邪精，埋藏鬼賊，有罪無赦。吾從中央結界至中央。急急如律令。

### 次橫劍水上，召兵馬

謹請天僊兵馬，地僊兵馬，飛僊兵馬，真人兵馬，神人兵馬，日月星宿兵馬，九宮五帝兵馬，三河四海兵馬，五嶽四瀆兵馬，城隍社令兵馬。列陣於壇場內外，守衛壇界。如有伏屍故炁，土木石精，於道不順者，收付魁罡之下，入地千丈，無動無作。急急如律令。

次至鬼門，以劍劃地，書鬼字，卓劍插鬼心。

### 誦呪，嚙地，收劍

九天有命，普告萬靈。促召天真，俱會帝庭。太一下觀，雙皇翊形，鑒察禦邪，理炁攝生。若有不祥，干試神明。青帝之道，勅整神兵，七神秉越，天鋒右征，揮劍前驅，煥擲火鈴。激命甲騎，虎卒天丁，風火齊戰，伐邪絞精。上威六天，下攝魔靈，既威既攝，萬兇滅形。神戈電掃，姦邪毋生。仙皇秉節，有命敢停。拒節違命，是誅是刑，各敬各謹，保茲黃寧。九天誥命，萬神敬聽。急急如上帝律令。次還本位，復水

劍，再執簡，稽首而退。

次升壇宿啓行事，各如本科。出靖室，詣師幕，一應節次。並見黃籙次序三十五品。其宿啓建齋科書，並在廣成先生科內，更不重叙。所有登壇存想，出戶入戶，高功作焚符密呪等訣，並已詳載於臨壇符法第四十二品。外登齋之科，悉見於此矣。

上清靈寶大法卷之二十


### 上清靈寶大法卷之二十一

洞玄靈寶法師南曹執法典者  
權童初府右翊治金允中編


#### 臨壇符法品

凡開建齋壇，於正奏之前，或十日七  
日內。先青繒硃書，降真召靈二符。  
並立位列，備香火燈燭、淨茶時果供  
養。法師旦夕上香，持誦中篇，精祝  
符使。或用髹牌開刻符形供養，亦  
可登壇朝謁，攝召鍊度，請神召將。  
並篆二符，先燒，然後行事，並用靈  
寶大法司印。

#### 降真符




#### 召靈符



右二符，硃書青繒上，以香花祭二符  
使者。七日之外，可降千真，檄召萬  
靈。如黃籙大齋建壇，及追魂鍊度  
之時，朱書黃素，燒灰，吹布十方，千  
真萬靈俱集壇所，所感玄通。學不  
篤信，五嶽試人。大齋無此符文，則  
真靈不降，徒勞施用。鍊度追攝，無  
此則三官拘執，無顯應也。  
凡建壇洞視，以二符為首。乃九天  
太霞神文，祕於玄宮，不傳下世。有  
泄此道，魂沉北府，永無仙冀。

#### 三晨慧光符



右用黃紙，九寸，闊三寸，硃書三道，  
香上薰過符，摺玉帝訣，存元始天  
尊，降流慧光，下挾符中。請光之  
時，撚作紙燭，高功與道衆共三人，  
各執其一。高功請光入手，復本位，  
却分與左右二道衆，以次散點之。

#### 早入戶呪

四明功曹，通真使者，傳言玉童，侍靖

素女。為臣通達，道室正神。上元生  
氣，入臣身中。令臣啓白，皆得上聞。

#### 出戶呪

出陰入陽，萬神開通。關啓事畢，請閉  
黃房。侍靖素女，明備神宮。

#### 夜入戶呪

四上功曹，龍虎使者。正一生氣，侍靖  
素女。夜有所啓，願得開明童子，上元  
少女，與我俱入黃房之中，通達所啓，  
皆得上聞。

#### 出戶呪

玄上太陰，八窗開明。向有所陳，少女  
通靈。事畢復位，萬神潛寧。

左足右足，詳見朝元入靖品中。

凡入戶，皆先右足。出戶，則先左  
足。臨入戶，存思香官使者，左右龍  
虎君，夾侍香案。晨朝則兼存四明  
功曹，通真使者，各一人；侍靖玉  
童，傳言玉女，各二人；共六人羅列  
左右。夜則存四上功曹，侍靖素女，  
開明童子，上玄少女，各一人；龍虎  
使者二人，共六人羅列左右。入戶  
者，入地戶也。令升壇則於地戶之



左，存想密呪。出戶則存官將玉女，傳達齋誠，各各散去。應三洞經科中，玉女出戶、入戶，皆此呪。近者有淺識之士，見《正一指要》中。應朝修，皆用此呪，遂稱洞玄法錄。行別易此，好異之甚，不可據也。

### 陞壇

凡陞壇，先上六幕香。次則手爐一人，知磬一人，前導讚引法師登壇，威儀及道衆並分左右，序對立壇前。未入壇內，高功先行入地戶，陞內壇，道衆隨之。近有人只如常旋行，高功居道衆之後，入巽戶至外壇之後，方揖。高功先行入地戶，道衆却立，高功攙越而過，大不嚴肅。故蔣氏立成儀亦云：凡陞壇，則高功居前，出壇，則高功居後。乃合古科，大為允當。高功密呪，入地戶，道衆俱入壇中，都講旋至中壇之東面西立，六職於正中壇之西面東立，高功與齋官同陞天門，入內壇，上十方香。日以東為始，夜以北為始。次上御案香，高功焚香，密呪，存思如

式。齋官上香。畢，再出天門，左旋至中壇面北立，高功回本位，上手爐香，密呪。次按科行事，至復爐。知磬舉學仙頌，先行，道衆次之。高功自內壇出天門，至中壇最居。道衆後出地戶，念呪，次旋行出巽戶，詣師幕，回向入靖室，如常儀。壇外諸門皆攔斷，只留巽戶。中壇則自地戶出入，內壇皆自天門出入。近有中壇與內壇皆自地戶入，却自天門出者，悉非也。廣成先生科及陸簡寂科法皆曰：入地戶，升天門，上十方香。蓋自古皆然，不可從俗。內壇法天，故自天門出入。中壇象地，故由地戶出入，不可易也。

### 清旦存思

思青雲之炁，匝滿齋堂。青龍獅子，各八數，與經中存思之義同，以壇為正而守衛。備守前後。天仙地仙，日月星宿，五帝兵馬，九億萬騎，監齋直事，三界官屬，羅列左右。

按此乃登壇之後，先存太上三尊，在天寶臺中，左經右師，儼然如對。然

後群仙侍衛，萬神備守，已成玄臺仙局。以次行事，三朝皆然，惟氣不同。

又思青氣從肝中出，如雲之升，青龍獅子，在青氣之中，天仙地仙飛仙，五方五帝兵馬，匝覆齋官家大小之身。

此乃先存天中之青炁，自上而垂。己之青炁，自身而出，混合充滿。蓋夜氣方收，陽光未照，木德王盛，青炁自生。天仙地仙飛仙，則建壇之始，所謂仙真兵馬此也。所謂五帝，乃東方青帝，南方赤帝，西方白帝，北方黑帝，中央黃帝是也。此乃司五方之正炁，主四時之候序，統總兵馬，翊衛齋壇，是其職也。故章官有道上、二玄、三玄、四始，皆節候之神，與此相表裏。

又思五藏五嶽，五帝真炁，從鼻中出，覆己身，彌滿一壇之內，光明洞煥，照徹十方，項生圓象，如日月之明，身作金色，洞見內外。

此五嶽不在外也，乃身中五臟所配，丹經中有圖。前段所謂五嶽兵馬，

則嶽瀆之神，皆遣兵馬，來護齋壇。故自存天之青炁，而便及兵馬，此乃在外而不在內也。凡此行用，悉是內外相應。而中間一段，又言五方五帝，則是四時炁候之神，已見於前矣。此之所謂五帝者，乃身中之氣，氣靈則生神。如《大洞真經》中有五帝，見於存思者是也。以《洞經》屬

天寶，而此以靈寶之法，故不敢常引也。五臟則見《黃庭內景》，可詳考之。登壇行齋，未免從簡易之法。不過思肝出青氣，肺出白氣，脾出黃氣，心出赤氣，腎出黑氣，先盛於身中，擁從鼻出，如雲上騰。五炁之中，各有一帝，皆冕旒之服。服隨方色，炁滿齋壇。而我身隨炁之輕浮，內外煥然，不復血屍穢質，光生項後，狀若日輪，照徹十方，光映我身，成金色也。

### 午朝存想

思黃雲之炁，匝滿齋堂，麒麟獅子，如前備守前後，天仙地仙。悉如清旦之式。又思黃炁從脾出，如雲之升。

五臟五嶽，五帝真炁，從鼻中出，當於巳時登壇，至午時四刻後下壇。蓋日景將中，陽炁方盛，脾土分旺四時而乘離而乃生於南方，乃火生土也。上應元炁之下孚，不可過午時之中炁，存思與時不合，大為之失格。

### 落景存思

思白雲之炁，匝滿齋堂，白虎獅子如前。又思白炁，從肺中出，如雲之升，白虎獅子在白炁中，皆如前式，又思五臟五嶽，五帝真炁，從鼻出，亦如清旦之法。晚朝當於日未入時登壇，使炁未全陰，白炁方盛，上應始炁，以合存思也。夫始炁在身，則屬下丹田，而肺乃水之母，肺炁盛於昏時，是水將生也。故肺出白炁，上應而混合也。

允中竊睹廣成先生杜君編黃籙齋科中叙曰：按金籙古儀，及黃籙舊法，宿啓之夜及言功之時，皆先作自然朝，然後行齋。故啓齋儀云：相率先行自然朝，至三禮後，即告齋補職，說戒宣禁。此法自陸先生寇天師相傳，至今頗歷年代，皆以齋法出

於靈寶自然朝，為齋之祖宗。故先行自然朝，示不忘本也。近有愚庸之士，不達古賢之情，此乃張雲光之謬致使。後人逐其波，先於玄師前補置六職，定科授簡，然後升壇。乃云備簡寂先生齋法，寡識無知，一至於此。尚有其黨，相倣行之。不惟獲亂法之愆，抑亦受謗賢之罪。達教君子，宜共斥之。舊法之中，相傳錯誤者，啓齋言功之時，自然朝內合禮靈寶天尊，不相傳禮玉寶皇上天尊號，此稍失自然朝之本旨。恐是年代綿遠，書寫舛謬。今於此儀，已為改正。非敢臆度，惟禮所歸，此杜君所叙也。凡陸簡寂、張清都科中，有毫髮之異同，莫不逐事考證初非，遺去舊文，而杜君自為一家之論也。

論青黃白三色。

至如早朝存青炁，午朝存黃炁，晚朝存白炁。又注釋曰：此乃天地相源之始祖也。故《生神經》云：青黃白三炁，為三境三官，乃萬代之本始。則當時與陸簡寂科書別無差異。是

以明言三朝，存青黃白三色之炁也。近者陸君科書多零散不全，允中須見數本，亦頗相似，獨至浙東有人餘傳者，皆改午朝作赤炁，其利害甚重。且青炁在天，則屬玉清境。在人則屬上丹田，其炁根於肝也。黃炁在天，則屬上清境，在人則屬中丹田，其炁根於脾也。白炁在天，則屬太清境，在人則屬下丹田，其炁根於肺也。此乃出於正經之中。是以存身之炁，合天之炁，各以其時也。世人自以傳得科書，所載稍異，便指為簡寂之定說，恐於此理未安。況杜廣成先生於陸科中有異同處，非不具言。是在唐時，簡寂之書於此事，未有易也。後世傳錄之久，謬誤甚多，非至一節，兼元科小節不同。廣成一暴白其源流，所有午朝存炁之色，乃是齋中重事。若陸簡寂科中，午朝存赤炁，而廣成先生亦以黃炁，當時安得不叙其同異之詳。廣成之科，奏啓上玄，盟告天地，後世行用，昭昭報應。非一蔣氏《立成儀》所謂

考證經典，過於廣成；博覽古今，復於前哲。故其建壇散壇，并九朝科書，須用社君之文。而其典格事情，或參用杜君之辭，或不取杜君之論。《立成儀》首尾，類多如此。因其特高出前輩，超卓不羣。然既逐事重行參究，自加去取，使成一家之學，所宜併廣成科書文辭，悉不必用，盡行重撰。使無駁雜不淳之弊，自立垂世之規，乃為盡善。既是不用其說，却用其文，恐未免璧微瑕，千慮一失矣。今午朝存黃炁，正出杜廣成建壇及九朝等科書中所載。《立成儀》取其文以備用，却於午朝自存赤炁，易去一朝之存，是杜說非也。其說既非其文，又豈應編入。允中曾係度師，奏授杜廣成科法，故不敢易。而允中諸師尊之說，則曰混茫之首，雜二象而莫形。大道之源，涵三炁而未肇。及其一元既判，三靈爰分，所以陶育乾坤，匠成萬彙。道為之基，實萬炁之祖。自一分三，斯為玄元始三炁。合而言之，

謂之大道。析而稱之，謂之三炁。形而名之，謂之太上三尊。且天失此炁，則不能運。地失此炁，則不能奠。人失此炁，則不能生。夫三炁者，經中又曰三素雲也。是為天地神靈，萬有之祖，六合內外，皆道炁也。道之所在，三素居之。虛極則靈，至靈生神。故齋壇中只立無極大道者，是總三炁而言之。一炁化三炁，初不可名，亦不可形。聚而成形，故有太上三尊也。教因經而立，經以師而傳，故列經與師也。以致行事，則禮師威儀經。先存天寶臺中太上三尊，左有三十六部尊經，右有玄中大法師，此經中之說也。自經而師，以至千真萬靈，皆道炁也。太上三尊，炁之祖也。齋科經法，非師不傳，故禮師也。如此則我與彼，道也經也，了不相干。於是以氣合氣，以神召神，交通之機，感激之道也。至此則術數生焉，消息盈虛，休囚生旺，各應炁候。人之身中亦有三炁，而汨於一形，不

能自靈。非先假道之炁，不能神我之炁。非澄己之神，不能感道之神。故早午晚三時不差，是成生炁，使我身之炁充盈也。青炁在人身，則屬上丹田，其炁根於肝木，旺於寅卯之間。故取未晨之際，是乘木旺也。齋壇則先存青雲之炁，匝滿齋壇，此則天中之玄炁也。又思青炁從肝中出，如雲之升，則身中之玄炁也。則是天之炁，與身之炁混合。然後諸仙兵馬，千真萬神，拱衛齋壇，是感通之義也。黃炁在人身，則屬中丹田，而其炁根於脾土。則寄旺於四季，本非專旺於子也。五行之中，惟土居中宮，亦無正生之時，其生則出於火，火旺於午，故土乘母之生炁而盛也。是以午朝，先存黃雲之炁，匝滿齋壇，此則天中之元炁。又思黃炁從脾中出，如雲之升，此則身中之元炁也。則是天炁與人炁混合，然後諸仙兵馬，千真萬靈，拱衛齋壇，是感通之義也。白炁在人身，則屬下丹田，而其炁根於肺也。金旺於

申酉間，日入之時，故乘金旺也。晚朝則先存白雲之炁，匝滿齋壇，此則天中之始炁也。又思白炁從肺中出，如雲之升，此則身中之始炁也。則是天炁與人炁混合，然後諸仙兵馬，千真萬靈，拱衛齋壇，是感通之義也。三炁之屬三田，而三炁出於肝脾肺，皆杜科引經格也。肝脾肺者，炁之根也。上中下三田，炁之舍也。夫木與火，皆陽也。金與水，皆陰也。土則於五行之中，主火，為土之母，故借火以為生旺之候。肝屬木，木能生火，三體皆為陽。故青炁雖根於肝，而屬上田者，乃陽也。肺屬金，金能生水，二體皆為陰，故白炁雖根於肺，而屬下田者，乃陰也。惟脾出黃炁，以應土者。天五與地十，合於中宮，而生土。居天地之極數，為陰陽之根基。其源則在中田，隨母而旺於巳午也。故旦以青，午以黃，晚以白，上合玄元始之三炁。以至鍊凡成聖，證度通真，亦本諸此。非可以言辭盡端。修用之法，

散在經中。炁之象色不同者亦多，則非此功法也。齋壇所用青黃白三炁，備存諸經衆典之內。而杜廣成所編，齋壇存念青黃白三炁，則依據《威儀自然經》也。外靈寶諸經甚廣，惟《度人》一經，總包萬法。元始所授，而道君叙傳，為中乘之機要。雖天地再造，此經亦不可得而廢也。齋法出於靈寶，今古之所共知。行齋則以靈寶大法為宗。《度人經》曰：入室，東向，叩齒三十二通，上聞三十二天。心拜三十二過，閉目，靜思身坐于青黃白三色雲炁之中，內外翳冥，有青龍、白虎、朱雀、玄武、獅子、白鶴，羅列左右，此道君所叙之訣也。誦經則總三而修存者，以誦詠經文，可以自早至暮，本無定時，故不得不備玄元始三炁。所謂內外翳冥者，亦以人炁合天之炁，人天感通之道，炁中生象，故有四靈之類也。齋壇朝修，則三時一定，不可移易，各乘生旺者，以人身中之炁，遇時而盈，庶可

上感。然先存雲炁，覆滿齋堂，及思身中之炁，如雲之升，與經中感通之道一也。炁盈成象，故早存青龍、獅子，午存麒麟、獅子，晚存白虎、獅子，與經中所用一同也。誦經則總而想之，齋壇則分存之，無二說也。杜君本既諸《威儀自然經》，而靈寶法中施用，又宗太上道君之經格也。主行之士，可不深考之。存念之法，是平居之時，宜修其所當修。臨壇之際，庶可感其所難感。若午朝易赤炁出於心，而午時火旺，其說甚通。但先存赤雲之炁，覆擁齋堂者。若是天中之炁，自古衆經之中，未常言三境之內，有赤炁也。與杜君所主皆不同。近有妄自尊高之人。專談曠蕩虛無之禮，欲效莊列而不至，亦以欺世而盜名。故於行齋設醮之間，悉以大言高論，而覆護其短。學者不究其淺深，被其愚瞽者多矣。至於玄元始三炁，亦尋未分之始而言之。自九炁而為三炁，總三炁而為一炁。元故不論玄元始之化三

尊，不究青黃白之分三色，是又以誇談之說而罔人也。三炁之為青黃白三色也，亦見於《三元品誠經》中。謂炁之始凝，結青黃白三炁，置在上元三官。中則青陽之炁也，左則元黃之炁，右則洞白之炁，天官主之。此皆隸玉清而總於上元也，則玄元始三炁之分而結成也。及其黃炁之下析，則結元洞混靈之炁，凝極黃之精，遂立中元三官，地官主之。白炁之下析，則結混澤之炁，凝神皓之精，遂立下元三官，水官主之。乃三炁之分三元，此經中之大略也。

若身中三炁居三田者，非以人身直為天地。蓋人法天地以成形，身中備有三炁也。夫天則純陽，結輕清之炁，以上凝為天。天雖非木火之炁，然五行之中，火則炎上，純陽而無疑。火因木而生，木乃火之母。木之本體，生於地則聳，致之水則浮，金水土皆實於木。火位居東南，安得不俱屬陽哉。全陽則在上，乃青炁居上田，以象天也。用其母而

子從之，是炁出於肝者，則身中青炁之根矣。天以青陽之炁，結上元三官身中青炁，所以舍於上田也。水則全陰，稟至柔之資以俯潤。五行之中，水性就下，致之於地則滲，激之在高則流，萬變無窮，終居土下，水之純陰亦無疑。以水因金而生，金乃水之母。金之本體出於土，堅實沉墜。土水火皆輕於金，水而金，水位居西北，安得不俱屬陰哉。全陰則在下，乃白炁居下田，以象水也。水舍於下田，不為黑炁而為白炁者，亦用其母而子從之，是炁出於肺也，身中白炁之根矣。水以神皓之炁，結下元三官身中白炁，所以舍於下田也。若地則濁厚其根，鎮二儀之中。地為坤而屬陰，然地即土為之體，正位於中官黃炁居中田以象地也。且中田乃絳官也。不出赤炁而出黃炁者，蓋以炁出於脾，而舍於所生之地，亦子之隨母也。猶青炁之不居肝而居上田，白炁之不居肺而居下田，是三田者皆三炁之舍

也。按《大洞經》、《黃庭經》所載，兩眉間却入三寸，為上丹田。心名絳宮，為中丹田。臍下三寸為炁海，為下丹田。存身中三田三炁，取法三元三官。則道之絳炁之分，而見於身中之體用也。存天中青黃白三色之雲，乃玄元始之三始，則道之宗，炁之源也。若理五炁於身，不捨五行之用。金木相見，水火降升，必索黃婆，媒合於中宮，乃合四象為大藥，是金水為陰，木火為陽，以土為基也。所以青黃白之三炁，為萬法之本始，萬化之根源。肇六極而奠八方，生三才而育萬物，大包天地，細入毫芒，何所往而非青黃白三炁耶。

土，而用木火金，於理安乎。心肝脾肺腎，五臟同一體。乃去脾腎，而用肝心肺，必有的說也。儻以陰陽言之，則木火屬陽，金專屬陰，三炁之中，未免二陽而一陰，又重輕不等。既非上合三境，又不通丹經內藥。緣齋壇存用，早朝先則思青雲之覆，次思身中青炁，如雲之升。午朝以黃，晚朝以白，例皆如此。乃身中三官之炁，上合天中三境之炁也。次則繼之以兵馬，仍降五方正炁也。又明言思五臟五嶽、五帝真炁，從鼻中出，周覆己身，彌滿一壇，是五臟配五行，正用金木水火土五色之炁矣。若前來有青黃白三炁，出於身中者，使不合玄元始三炁，則身中五炁之用，豈非各有所主乎。除此數說之外，或欲以天中玄元始三炁，易以為青赤白三色。雖辨證於元始天尊之前，允中之論必不屈也。古今正理，決難亂也。從有私家收藏經文，所載亦難據也。故允中不敢遵從其說。

陸簡寂科書近來被人更易，頗不可考第。陸君分三洞之源，列四輔之目，區別真偽，考證是非，高絕古今，非後世自眩自矜者之比。凡前來二三說，得理至甚，必非出陸君之手。其書自宋齊至今，將歷千載，傳錄差誤不一。杜廣成齋科於大唐，既考三洞經科，又參以陸儀為準，使其元有此說，杜君安得不叙其詳，悉於書中。其他末節異同，尚且逐言之，豈應於此略去。是陸君之書，在唐時尚未訛舛。允中所睹者，已互有不。今以此等事而未出於陸君，則有成廣成之說，非惟得亂教之愆，亦獲謗賢之罪矣。允中冒昧行用，已二十年，一遵廣成定格。凡從遊同學之士，受此書而行之，自可安心。若是午朝存黃炁而有差謬，則是杜廣成輕用《威儀自然經》，而靈寶大法遵太上道君所叙《度人經》，用青黃白三炁，亦不當為，非允中之罪也。若是三寶之位，太上無極大道，不當存為三尊及玄中大法師之位，

當增太上三尊，則禮師威儀經所載存念之法，為不當矣，尤非允中之罪也。允中從經籍度三師所授，而先師乃本杜廣成，杜乃本於前諸經。青黃白三炁，最為《度人經》存念之本。雖別經之中，或有異同。尤不應捨《度人經》之本源，而行齋也。

飛天十部妙經，總三十六卷，其中大半，係互相傳錄抄寫之本。亦有數卷彫印者，乃是後世鏤版之書。於內《度人經》一卷，其來至古不容差謬。靈寶大法以《度人》一經為宗本，存念之要，青黃白三色之炁為根源。設醮修齋，自背靈寶之宗本。乃旁引曲證，不可行也。杜君齋科，世間遵用已四五百年，後人不可更易者，乃以其卷帙尚全。非若陸科歷時悠久，篇帙零散，而可以昏亂之也。不為近人，又偽入太上三尊之別號，添辭三寶之三章。天下之衆本，可考諸人之私意，姑混淆於一時，事久而真偽自彰也。同學之友奉行此書，自可泰然無慮。不妨奏

告上帝，直言所存青黃白三炁，於三朝行用。乃金允中今遵行杜先生齋科，庶可不疑。或有失當，則非為杜君之誤後世，而三炁存思，實出於太上道君經格也。允中又何慮焉。

上清靈寶大法卷之二十一

## 上清靈寶大法卷之二十二

洞玄靈寶法師南曹執法典者  
權童初府右翊治金允中編

### 臨壇符法品

#### 齋壇三寶位次

太上無極大道中。

三十六部尊經左。

玄中大法師右。

右三寶所書牌位，出廣成先生齋科。諸方奉行，元本並只如此。共計壹拾柒字，即無異同，亦不曾別有他字。近有人妄行增易，乃編入陸簡寂齋儀中。如三捻上香，願達三境，杜廣成科中亦無下文。今益以太上三尊之號，且以三寶繼之，分隸三境，輒行編入杜君齋科內。始為此者，罪豈容誅。幽顯不容，天人共忿，謗賢亂教，欺世罔人，墮其一魂，誠不足憫。累及九祖，情實可憐。罰重殃深，流禍延惡，播以償辜，非

道不慈，惟人自取，後之學者，可不戒之。

三上香。

一捻上香，願達太清境。二捻上香，願達上清境。三捻上香，願達玉清境。

次恭身端簡，密呪曰

香乃玉華散景，九炁凝烟。香雲密羅，徑衝九天。侍香金童，傳言玉女，爲臣通奏，上聞帝前。令臣所啓，咸賜如言。

謹按廣成齋科，一捻上香，願達太清境，二捻上香，願達上清境。三捻上香，願達玉清境。如此而已。近者世傳雜科，却云：一捻上香，願達玉清境，供養無上道寶。二捻上香，願達上清境，供養無上經寶。三捻上香，願達太清境，供養無上師寶。或者相傳，以為陸簡寂齋科所載。殊不知陸君主張教法，立萬代之範模。考訂經典，別千古之真偽。身得度世，名列仙階。編撰科書，所存雖少，無非按據經典，參合條綱。後人

不究其源，凡有好奇尚異之事，多委之簡寂齋科。大唐之時，已有此弊。但欺誑後學，誣污先賢，厥罪惟深。至如《立成儀》中，則云：一捻上香，願達玉清境，供養妙無上帝自然元始天尊無上道寶。二捻上香，願達上清境，供養妙有大帝虛皇玉宸大道君無上經寶。三捻上香，願達太清境，供養至真大帝萬變混沌玄元老君無上師寶。又於其下，分明注曰：出廣成先生齋科。且廣成先生之書，流傳至廣，自古至今，初不見有此等語，不知何所出如此。況杜君四十卷之中，二十三萬言，其餘太上三尊，並無此等聖號，三寶亦未嘗分隸於三尊，各主其一也。蔣君博洽多聞，精通科教，若云此說出於僻書祕典之內，則後學所不敢知；若言出於杜君，則杜君弘科演教，立說措辭，素無一毫奇詭之語，觀其書，讀其文，可以想見其人，不知何緣，遽以此說誣執杜君也。蔣君未必如是，恐其書刻刊之誤耶。或蔣君所

傳杜儀，為後人所傳，失加考正耶。杜科遍傳天下矣，若獨以自收之書，如此其餘，安能家至戶到，逐處增益哉。太上無極大道者，萬氣之祖，萬化之源。天地象形，萬生萬類，無非出於大道也。經則道之文，師則道之臣，亦出於道也。所以齋壇既立，無極大道，左有三十六部尊經，右有玄中大法師。蓋以道本一炁，無形無名。一炁分三，遂為玄元始三炁，虛極生神，故有太上三尊。雖萬化萬生，皆出於道，而太上三尊，乃道之宗主。及其立教，則龍漢劫出書號洞真部，赤明劫出書號洞玄部，上皇劫出書號洞神部，此則三十六部之經也。經出則教興，經教因師而傳授。故齋壇立經與師，乃齋科之所自也。太上三尊皆大道也，三洞之書皆正經也，三乘之教皆師傳也。今以元始獨立主大道，而作道寶，是誠允當矣。然三炁三尊，本同一體，使道君、老君不預此列，則道君、老君無道矣。又以道君獨主經，而作



經傳經也。今以為專隸上清，則是元始與老君無經矣。又以老君為人天之師，遂以為專作師宗，或又以玄中為老君化身，此尤不可執泥也。此事只見於《老君實錄》諸書而已，使果如其說，則老君為天尊，則以為上帝，既化身行教，則以為玄中大法師而已，不應探其源而稱之也。如禮師威儀經之說，則存天寶臺中，太上三尊，左有三十六部尊經，右有玄中大法師。此蓋謂經則有象，師則具形，惟大道無形，不可想念。道既肇始，主宰萬生，為歷劫之宗祖，作三才之根本。故存太上三尊，輔之以經，侍之以師，其理甚明。安得以為道君專主經，而老君專為師乎。且三尊之號，在經中只稱元始天尊，太上道君，太上老君。其別號則曰天寶君，靈寶君，神寶君。以三境之名而稱之，則曰玉清，上清，太清。以三洞之書而名之，則曰洞真，洞玄，洞神。如此而矣。蔣氏儀中所立三尊之稱，則廣成儀中何嘗有此

等尊號。杜君為崇元館大學士，乃唐時之執政代臣。唐室尊老君為祖，遂上尊號，曰聖祖金闕妙無天皇大帝。杜君在唐時編集齋科，豈敢輒去朝廷尊號，而易以萬變混沌之說。此蔣氏儀中，謂三尊之聖號，三寶之分隸，皆出杜儀，則不然也。至於老君稱混元上德皇帝，乃宋朝所尊號，在唐朝亦未有也。況太上三寶，以一炁分三，肇基成體，本無輕重，豈有異同。妙無妙有之間，不可思議，實難分別。今以元始為妙無上帝，道君為妙有上帝，其理大不可通。杜廣成於廣明二年，進《三界混元圖》於朝。其中叙曰：天尊者，極道之宗元，挺生自然。消則為炁，息則為形，不無不有，非色非空，不終不始，永存綿綿。居上境為萬天之元，居中境為萬化之根，居下境為萬化之尊。無名可宗，強名曰天尊。蓋世人尊之如天，仰之則彌高，攀之則無階。杳杳冥冥，不可以理究，不可以言筌，不可以階升，不可以壽

紀。生萬物而不為主宰，御萬化而不為言，至尊至極，故曰天尊也。此杜君之論也。而《混元圖》自唐于今，諸處刻石，傳布世間，人所共睹，不可私下增改。杜君之議論源流如此，肯以元始為妙無，道君為妙有哉。如世之人物，則有形有質，謂之有可也。陰之鬼爽，則無形無體，謂之無可也。三境天尊，謂之有則不可睹，不可窮，謂其無則生天地，育萬物。自古諸經衆典，以至莊列諸子，百家之書，未嘗力指其有，亦未嘗決稱其無。茲以元始定為妙無，則不可復有矣。是元始天尊矣，乃陰鬼爾。又以道君定於妙有，則不可復無矣，是道君亦非天尊矣，乃凡人爾。竟不曉其意，以三尊為何物。且為此說出於杜科，則以至愚至陋之輩，視廣成先生矣。蔣氏之書，刊行已廣。後學之士不睹杜君之全書，則誤後世，不其深乎。儻有經典中，而稱元始為妙無上帝，道君是妙有大帝，決非出於天尊之金口，必是

世人之偽辭。始作偽者，罪不容誅。或無所據，而輒以說，此誣毀杜廣成，則於心寧無愧乎。又不知何人增於杜儀中，蔣君亦為其所誤也。至於齋壇書三寶牌位，諸家所傳杜儀，皆曰太上無極大道、三十六部尊經、玄中大法師，如此三位而已。蔣氏《立成儀》，於中則曰太上無極大道，左則曰三十六部尊經真文寶符，右則曰太上三尊、十方衆聖、玄中大法師。蔣氏不注出處，而世謂其說出於陸科。及考陸科，浙東亦有如此傳寫者，他處衆本，多與杜科一同。且其科文年代深遠，差誤甚多。惟理之所在，則無極大道，太上三尊也。故經曰：上無復祖，惟道為身，是三尊也。又曰：三十六部尊經於左，則真文寶符皆在經中，似不必再增此四字矣。此猶可也。又於師位，增太上三尊，則無極大道，非三尊乎。是三尊之外，別有大道乎。且經乃三尊所演之書爾，今經居左，太上三尊在師位而居右，是三尊在

經之下也。三尊降以為師，則大道已不復有主兼。三尊之與大道，非可分為二途。若大道是此三尊，而師位又如是三尊，未免重復。或師位之三尊，非大道之三尊，則兩箇太上三尊矣。諸經衆典，或別有所出。儻不與道經師，並列為三則，以太上三尊、十方衆聖，皆為之師，有何不可。如出處不涉齋事，則難錯雜引用也。齋壇之內，於中既立太上無極大道，則師位不可再立太上三尊。禮師威儀等經，又明言先存天寶臺中太上三尊，左有三十六部尊經，右有玄中大法師。即前所謂大道無形之可想，故存三尊也。輔之以經，傳之以師，與其牌位所書相合，事理顯然，無可疑者。今後移三尊，而加之師位，則經中之說，亦不可行，臨壇亦不可如是存思。蔣氏《立成儀》，於存念之首，亦引《敷齋威儀經》云：先存太上三尊，左經右師，其餘位牌，却以太上三尊，加諸師位。往其宗派，必於大道位存三尊，於師

位又存三尊。如此則衆人只存三尊，而蔣氏存六尊，可謂詳密。若於師位存三尊，則大道又無可想。既以三尊移居師位，在蔣氏所當除去《威儀經》存念一節，庶幾與牌位相合，不致自相背馳。至當歸一，惟理所在。此非可執己見而非他人，亦不可引別經而飾偽妄。豈有太上三尊，而與玄中大法師，同其位哉。天上人間，悉無此理。況於牌位，只如杜儀書之，左以三十六部尊經，右以玄中大法師，又有何窒礙，有何缺事，有何非理，有何失格，何故贅其辭而增益之。允中亦非曲主杜廣成之書，而力排諸家之說。其如義理不通，罔天誤世，不可得而苟從，不獲已而辨析，其非所樂為也。允中不願世人皆從此說，不敢以蔣氏之論為未善。允中三師奏授，既已若此，考之經典，又以如此。依按奉行，不敢異此。啓告上帝，不敢越此。所以陳其大略，為同學共宗之士而言。初非勉彼以從此也。非允

中同志之友，不必用此說。受蔣君宗緒之人，不應由此途，使彼別有所據。在允中以其於理未通，尚不敢從，況於詐稱杜儀所載。則允中萍

梗之蹤，遊歷稍廣，所見杜儀善本甚多，奉行杜儀亦久，其中並無此說，是以甚不以為然。此心洞達無疑，雖天人相去之甚遙，而監臨報應之至速。若行此法者，當併前來青黃白三炷之存用，並合行奏聞上帝直言。允中傳付如此，或有未當，允中甘當其責。然允中有所授，而云固非己見，而增改古人之書，必無罰也。

### 焚符

右法上香密呪之後，不復行用。今於三捻上香後，則焚真文一道，降真召靈符各一道。此則見於靈寶大法矣。真文則《元始靈書中篇》天篆之文，刻梓，硃印於輕黃紙上。臨燒，則存元始天尊在天寶臺中，如黍米珠說經之時。次燒真文，吹散，存十方無極無量品至真大神，無鞅之衆，

浮空而至，降真召靈符，同燒散之，存監齋直事，三界真靈，千乘萬騎，環侍三尊。

### 御案

御案，則當上帝前中間一案。又曰洞案。洞者通也，通真達靈，焚香之所也。在道場中則居玉清前，壇中則居三寶前。散花詞云：洞案爐烟起，無為道德香。是指此案近有遐方之人。指科案為洞案，非也。

### 本位香

此科案也。齋法之始，朝奏為先。恭對高真，恐語言失次，故立科文。端圭正立，不可執卷，故置科案，居於高功所立位次之前，故曰本位。宋朝以來，諸方所用，皆一橫几，略可安科書而已。是以於手爐中上香密呪者，祝辭也。意宣祝言，而心存上帝者也。蔣氏《立成儀》，於科案則安香爐，諸方並不能通行。兼所至處科案，亦不如此寬闊，以香爐置於案之一邊，又成非禮。欲大造科案，則壇狹處不可容也。本位香止

從舊例，以手爐上香為便。

### 呪曰

空因色顯，心以香傳。心之所達，非火非煙。令臣關啓，徑御九天。真靈歆格，不假言宣。

### 又呪

道由心學，心假香傳。香爇玉爐，心存帝前。真靈下盼，仙旆臨軒。令臣關告，徑御九天。

師授常用前呪。蓋密呪而不聞聲，心存而朝上帝，故曰不假言宣也。

### 禮師

凡科中都講舉，各禮師存念如法者。高功瞑目，存太上三尊，在天寶臺中，左有三十六部尊經，右有玄中大法師，十真五帝，群仙侍衛，如玉京山衆真朝會之儀。次思經師所在之方，心拜三過。曰：願師得仙道，我身升度。

廣成先生曰：經者，遠也。經為遠師，乃籍師之師，因師授受，不忘本也。次思籍師所在之方，心拜三過。曰：願師得飛仙，為我開度，七祖父

母，早升天堂，我得道真，升入無形。廣成先生曰：籍者，因也。傳真學道，師資相因，乃經師弟子，度師之師也。次思度師所在之方，心拜三過。曰：願師得升度，上登高仙，為我開度，五苦八難，名入仙錄，永為真人。

廣成先生曰：度者，進也。度我凡身，進登道品，從凡至真，莫不因師，乃己之師也。

夫三師者，經、籍、度三師。蓋道不可無師。下而至於一術一訣，莫非師傳。況身佩經錄行大法，主領齋醮，開度人天，豈應無師。而古者傳錄，則以有錄者為師。中古以後，建立宗壇，不容師度。故傳經受錄，合以宗壇為師。若嗣行靈寶奏受齋法，則合從所受之法，存拜三師。或於錄外，而曾從人授持經者，亦合兼用之。儻以受經之故，而遺去傳法之師，則不可。行經乃道之緒，餘法乃經之施用，真以經之傳授為宗，而傳法者不為三師，則亦有所偏矣。

夫法則出於經，捨於經則非法。正教之外，而別習他書雜法者，却不在臨壇存禮之數也。

#### 五方衛靈呪

每句皆四字。東方之首，曰九炁青天。南方之首，曰南方丹天。西方之首，曰七炁之天。北方之首，曰北方玄天。中央之首，曰黃中理炁。近者見南與北，皆有方字，却於東西中三方，皆添方字，以六字宣之。此古經行文，自有句法不同，豈可自加增添乎。有識之士，當革之可也。然存思却是五方之正炁，非三素雲矣。夫三號合生九炁，而其散也萬殊。析其大為五炁，在天為五星，在地為五嶽，在人為五臟，在物為五行，在事為五常。今以所用呪，而存降五方之正炁，驅斥妖氛，肅清壇墀。夫東之炁則屬木，其時則為春，其帝則青帝也。餘四方，皆倣此例。故有五方五帝兵馬，則此神主之也。存降之法，想念於倏忽之間，存各方之真炁，隨其方色，炁中各有兵吏，

隨呪應召，翊衛齋壇。近有衛靈五方之符者，不係洞玄靈寶法中，故不用之。止遵先師所行衛靈呪，出《真文要解經》，亦見《金錄簡文》也。

#### 鳴法鼓

廣成先生曰：法鼓者，內正神炁，外滅魔靈，法事所先也。左左叩齒為天鐘，右右叩齒為天磬，中中叩齒為法鼓。叩之以八為節，三八二十四，通身中三部八景二十四神。法鼓外滅魔靈，內集身神二十四，不為虛設。

#### 法爐

無上三天玄元始三炁太上老君，召出臣等身中三五功曹，左右官使者，左右捧香，驛龍騎吏，侍香金童，傳言散花玉女，五帝直符，直日香官，各三十六人出。出者嚴裝。關啓此間土地里域，真官正神。臣今正爾燒香行道，奉為某，為國為家，修建黃錄大齋。祈天永命，福國裕民。其諸誠悃，具載章詞。願得太上十方正真生炁下降，流入臣等身中。令臣所啓，速達逕御至

真無極大道昊天玉皇上帝御前。

此陸簡寂、杜廣成所定者也。其間互有出處不同。廣成先生雖本《金籙簡文》，而參考三洞經誥，不為不詳。今此發爐之儀，正屬洞玄本格，難以再有更改。惟太上玄元五靈老君，召出臣身中諸句，為正一發爐，屬洞神部，與此不同。近者有據已見，恣行改換。如三十六人出，出者嚴裝，關啓此間土地，乃改云：三十六人出，當召此間土地，速出關啓。大失。舊格所出三十六人，皆身中之神，悉皆嚴裝，環列前後，關啓土地，效職傳誠。不應改作土地速出關啓。蔣氏《立成儀》亦略疏出發爐，有不同。如《金籙簡文》三五功曹下，無左右官使者。又一本，五帝直符下，無直日香官四字。其餘異同尚多。今以廣成科為定者，蓋差異之文，及張萬福天師等科，皆在廣成之前，已經廣成刪校，露刺盟天而行，故當遵用。如至真無極大道昊天玉皇上帝御前，廣成考之盡矣。

無極大道者，總玄元始三炁而言之。

三炁則三境天尊，聚而為形，散而為炁，合而言之曰大道。且炁乃萬炁之宗祖，天地之根源，至尊無上也。及其形而上者謂之天，天既有象，天豈無主，故昊天上帝，天之主也。齋誠所格，宗本於大道，而主宰於昊天，故曰速達逕御至真無極大道昊天玉皇上帝御前。所謂並總根源，莫不備盡。近又有人增以無極大道三清上帝。蔣氏《立成儀》亦略辯此，謂近人增以三清上聖字，乃拘於色相之間，不合科式。然未能條例科文，分析義理，以驅世惑。且晉自陸簡寂，唐自張清都，其後則廣成編集科法，至今數百年間，無人改易其語。今輒於發爐正文，亦尚奇怪，襲而不革。其罪惟學者所當深戒。

### 命魔

高功左旋，於鬼戶望西立。都講至天門，望東立。高功三叩齒，咽液三過，心存日月在己面上，從鼻入洞房金華宮。兩眉間却入三分為雙丹

田。更入骨際三分為臺闕。正深入七分，左有青戶，右有紫戶，眉間却入三寸為丹田宮，亦名泥丸宮。又却入四寸為流珠宮。又却入五寸為玉帝宮。當明堂直上一寸，為天庭宮。洞陽房直上一寸，為極真宮。丹田直上一寸，為玄丹宮。流珠直上一寸，為太皇宮。此乃《大洞真經》中之所列也。務成子引《九宮訣》云：五寸為玉帝宮，又曰金華宮。九宮皆辟方一寸。金華在洞房之南也。光明出頂後，煥然作九色圓象，薄入玉枕，徹照十方，隨我旋回，而行密呪，不得令耳聞聲。違者有咎，慎之。

### 密呪曰

黃中策氣斬妖踪，察制強精斷邪翁。太上有命太上房，急召北帝詣玉宮。受承威令宣魔王，五炁翦鬱與命衝。祕藏玉文方就隆。三天運明，六天運終，賢者哉。

切謂命魔之格，自古齋法已載。陸簡寂至杜廣成諸君，所編皆遵古科，

三朝命魔，無可疑者。蔣氏《立成儀》謂趙道升《黃籙儀》，只於午朝命魔，乃本於《政和金籙》，悉古法也。而宣和御製《金籙道場科儀》，其間次序，乃是三朝皆命魔，步虛，設醮，後方行散壇科。此乃楊傑所撰者。其餘科案上手爐香，用空因色顯、心以香傳一呪，乃出此科中。與手執玉爐，心存九天一呪少異。教門正盛，考訂科法，大為詳密。故御製金籙科文，多從古法。蔣氏《立成儀》又引張清都曰：天尊未說經之前，諸天魔王，遊觀太空，行威縱毒。天尊說經之後，魔王從化，故衆聖將遊，先命魔王前驅也。蔣氏曰：經云，魔王敬受事，故能朝諸天。所以步虛，先存思命魔。允中切謂此一節，乃張清都釋說經之後，魔王奉化，神功受命，普掃不祥，凡天帝將遊，則命魔先驅，此箇一說也。今直以此意，而引證步虛之前命魔，亦頗未盡其理。若天帝將遊，先當命魔前驅，則上十方香，已存三尊居臺中。況於啓聖宣詞，禮方懺悔，悉當對上帝，存諸壇中已久。

魔王當於上帝臨壇之初，清塵效職，何獨將步虛而方命魔也。其義蓋不如。且行朝之序，先則高功上香，乃寓敬達誠也。繼以發爐，乃關白齋意，出身神，召里社，以宣騰也。各稱法位，則高功與道衆，自陳職位及姓名也。同誠上啓，則祈告列聖，敷露高功受詞行齋之由也。登齋至此，皆高功之詞爾。既列受詞之由，則宣青詞，以露齋官心懷也。齋官心詞既以如此，然朝修功德，先當上祝帝王，普福天下，開度九祖，以及見存，則三捻上香之意也。所請所祈，悉寓於言辭矣。薦拔亡靈，則慮其生存積諸罪垢。保安見存，則恐其平昔作諸愆瑕。雖勤勤於請福祈恩，儻使胥結於十方三界之中，罪列於天曹地府之內，則玄澤何從而降，惡籍何從而消。於是禮十方天尊，分方懺謝，以至日月星辰，山川河嶽，皆乞原除愆犯，削落罪書也。凡此行用，不出齋壇之中，而三界有司，關係考察，不過預齋衆聖，翊衛神祇而已。次則取法玉清天中，玄都玉京，金闕七

寶玄臺，紫微上宮，諸天衆聖，一月三朝其上，自清微天以下，皆朝元始也。見靈寶大法中。廣成先生曰：步虛十首，出《靈寶玄都玉京山經》。乃十天衆聖，旋繞玉京山，歌詠修真之詞。經曰：建齋行道，四天帝王駕飛雲綠輦，輦八景玉輿，真人玉女，手執花幡，前導鳳歌，後從鈞天，白鶴獅子，嘯歌邕邕，燒香散花，浮空而來，瞻禮行道，觀聽法音。此則罪福考錄，關與不關，文移請降，及與不及，皆當步虛。旋繞之時，天真大神，不問遐邇，無極無量，浮空下臨。故先當命魔，澄清寰宇。是不止於一壇之中也。其法高功密用神光，恭宣道旨，以太上令召北帝，俾宣魔王，察制強精，斷絕邪源。玉文就隆，則三天運明，正化流行，仙道隆矣。邪源閉塞，鬼道消亡，陰炁零墜，六天運歇。六合之內，道炁盈充，上極九霄，旁周萬萬，無鞅衆聖，悉可浮空，觀聽法音。所以能宣太上之令，而致此感應者，乃在高功吐納內鍊，胎息靜神，泥丸洞明，於是一想而神光照煥。

更籍太上呪令，則魔王受事。以至奉承帝令，掃清宇內，遐邇澄肅，衆聖浮空，以聽步虛也。是不止於一壇之內外，不拘預齋之衆真而已，此其所以用於懺謝禮方之後，而居散花步虛之前故也。而科式之初，因經立教。步虛旋繞已畢，義當禮經。所以言天魔敬護，世受大福。乃因受經持戒，念道遣欲而至此，嘆其功而禮之。次則言經道興行，家國隆盛，進修不已，入于大乘。既使七祖升遷，身乃超舉，於是再禮。夫愛經而味道，棲教以成仙，終至於與道爲徒，固鍊形質，超三界之難，度地獄之苦，功之所自，悉因於經，故三禮以終之。此禮經三啓之義也。自齋而至經，使我聞經而知道，修真而佩符籙，行教以度天人。今齋官懺罪而禮十方，祈恩於上境，嘆功而禮經矣。於是禮謝三寶，然後重稱法位，恭對天闕，普行懺謝，非止於十方及嶽瀆靈司而已，故謂之大謝。次方願念復爐，其理暢然矣。如趙道升輩，以命魔，爲專意內景，是太上不出泥丸矣，衆真居於

身內，命魔作用於體中，此其不達經旨，誤認本源。亦猶默朝上帝，啓告齋事於上丹田也。差誤甚矣。夫泥丸之有九宮，身內備具萬神，此豈期無之耶。自洞真天寶之道，以至靈寶神寶三乘之教，莫不悉有身中修存，有可專意於內者，有內外相應者。法師入室端坐，內鍊形神，此內也。登壇朝謁，闡事敷齋，此以凡誠而格上帝也。拜表上章，飛神謁帝，此出身神而謁高穹也。朝真懺悔，行道燒香，降五炁以肅壇場，合三素而存大道，以致命魔王而清六合，法玉京而詠步虛，皆內外相應，感激之道也。豈得以命魔，全用功於身中乎。又有以陽生於子，而終於午，陰生於午，而終於子，陰陽交錯之際，故午朝命魔。此又全無經據，亦以其執泥於身內，而爲此說。果使玉帝三清，不出我身，千真萬靈，悉歸我體，則何須升壇建齋，膳詞列款也。只今齋官致詞於己，我知，泥丸亦知矣，章詞齋醮，一切可罷。與聖師垂科濟世之意，大相反矣。二十七品齋，肆拾二

等醮，各有等差，互分品格，豈專力於內功，而遺經錄齋修耶。若夫比和金木，匹配坎離，汞結鉛凝，龍降虎伏，此則在內而不外矣。然却非可以弘科應世，設醮修齋之事也。學者於內修外鍊，當知其源流。奉教行科，合明其宗本。庶免指南爲西，顛倒錯謬也。若云命魔呪皆作內功，魔王衆神悉在我體，理誠難通。如《步虛經》詞曰：俯仰存太上，華景秀丹田。左顧提鬱儀，右盼携結璘。六度冠梵行，道德隨日新。此乃言常存太上，而行日月之上法，以至於道德日新，亦功成於內，而效見於外也。至於天挺超世才，樂誦希微篇，此則言非超世之才，則不足以知希微之篇，能悉其章而洞達妙理也。又曰：冲虛太和氣，吐納流霞精。胎息靜百關，寥寥究三便。泥丸洞明景，遂成金華仙。此則悟經誥之深機，以吐納而施用，行胎息，致祕訣，致泥丸洞明，克成真仙，與道爲一，此則言內鍊以成真仙，在我之身內，而不外也，自成功。若此，則天中魔王亦敬而受

事，豈止保舉哉。遂得上朝諸天矣。故曰：魔王敬受事，故能朝諸天也。凡所以得致此者，皆由齋戒累功而成。是以終之曰：皆從齋戒起，累功結宿

緣。飛行凌太虛，提携高上仙也。夫飛行於太空之中，乃輕舉矣，非止於身內者也。若使魔王不離身中諸天，止居頭上，則魔王受事於身田，朝謁天帝於泥丸，以是成功，而數盡之時，乃一守尸之鬼爾，非仙也。此等朝泥丸之功用，乃修存之始者，終焉不如此也。升陟空玄，臣事三境，方爲真仙。行功於身內，輕舉於天中，乃《步虛經》之意也。今齋壇命魔，而先存日月入鼻，然後洞房之光煥者。以泥丸之景，未至自明，故假存念以行事也。我身尚未真仙，未能遽使魔王受事，故假太上之命以設之也。其事與步虛一章，理極相貫。故步虛第十章又曰：散花陳我願，握節徵魔王。亦此義也。經中乃言成仙而自然者也，臨壇則行事而假之者也，儻胎息之道既就，泥丸之景已明，則不存日月而光映十方，不宣密呪

而魔王受事矣。然得至乎，此乃必不身踐齋壇，名彰世俗。此之科條，乃齋法也。故詳陳之。

上清靈寶大法卷之二十三  
洞玄靈寶法師南曹執法典者  
權童初府右翊治金允中編

### 章詞表牘品

章乃古式也。世之法書，隨時不同。惟有章格，不容以私意更易也。如黃籙齋，則自來用五通章，并朱表也。曰素車白馬章，破艷都拔罪章，開通道路章，沐浴鍊度章，升度亡魂章。近有更易移動其格者矣。師傳舊式，非可移時，故從古式也。

### 素車白馬章

上清靈寶法錄職位臣某，誠惶誠懼，稽首頓首，再拜  
上言。臣聞薦資幽爽，遷昇實藉於玄麻。頒告真符，宣布必資於神吏。敢伸下悃，僭冒

高穹。臣謹據某州府某縣某處居住，奉道某官某姓名開列暨家眷等，入事崇建太上黃籙大齋幾晝夜。上資



國祚，普福羣生，開度七祖靈魂，廣拔九幽孤爽。集資善果，超度亡某，早登道境。臣據詞虔切，難以抑違。除已備錄奏箋，冒聞穹壤。恭依科式，建立壇場，行道轉經，朝真懺謝，以今告行元始符命，金錄白簡，救苦真符，太上勅赦生天寶錄，太上破地獄真符，拔幽魂真符，東極青宮九龍符命，太一玄冥混元神虎玉劄。拔度亡某等門中七祖父母，及諸類孤魂，悉赴齋壇。於某月某日，宿建皇壇，攝召亡爽，示見報應，引朝真靈。某日清旦，正齋闡事三日，普施斛食，廣濟孤魂，鍊度靈識，傳授戒符。臣謹爲上請素車白馬大將軍一人，官君將吏一百二十人，玄都茭龍驛吏，飛天神人，東極青宮九龍符命使者各一人。宣傳符命，告下三官九府，百二十曹，五帝考官，六宮掾吏，酆都官府，考罰職僚，五嶽九幽，河源泉界，五道都府，溟泠大神，四瀆三河，九江八海，黃泉蒿里，九州社令，天牢地獄，幽關冥路，一切王者，咸領符命。原有亡某等門中七祖父母姻親，及九州分野，三

途五道，萬類四生，幽魂苦爽。衆苦咸除，出離地獄，永辭長夜，睹見光明，蠲除罪戾，落滅惡根，承此功因，受鍊更生。恩惟太上，分別哀求。臣謹因二官直使，三五功曹，左右官使者，陰陽神決吏，科車赤符吏，剛風騎置吏，驛馬上章吏，飛龍騎吏等官，操臣章上詣太上三天曹，伏須告報。臣某誠惶誠懼，稽首頓首，再拜以聞。

### 空三行

臣姓某屬某州某治某處焚修。

### 空三行。

太上無形無名虛無自然至真大道七寶金闕玉陛下。

### 空三行。

年歲次 月某朔某日某甲子某時章

文，於齋壇中拜上。

空三行結尾。

可陋

虛無自然金闕七寶玉陛下。具位姓名上奏謹封。

內函

謹謹 上詣 具法職臣姓某謹內封

### 外函

章文謹謹上詣 具法職臣姓某謹外封  
三天門下請進

右素車白馬章，舊格如此。近世有於請官之後，添入解穢衛壇官將，一併請降者。又有易其名為解穢章者，却除去素車白馬大將軍。皆各遵師授，或自有己見。今此法中，乃師傳舊式也。宗匠不同者，自從其派。解穢乃有司之事，解驅妖穢，以候帝真降鑒，不宜請上帝自遣法職解穢也。

### 酆都拔罪章

上清靈寶法錄某職臣某，誠惶誠恐，稽首頓首，再拜

上言。臣聞衆生積罪，自罹冥憲之中。大道流慈，廣度泉扃之苦。欲昇沉滯，須仗恩庥。臣謹據某州府某縣某處住坐，奉

道某官某姓某名入事，薦拔亡魂，上登道境。臣領詞虔切，理合關行。除已預錄

奏聞，尅於某日宿啓建壇，某日爲始，開建黃籙大齋幾晝夜。朝真懺謝，行道轉經，請命頒符，攝魂度化，咸令幽顯，俱沐生成。臣謹爲上，請降真召靈符使，

官，操臣章文，上詣太上三天曹，伏須告報。臣某誠惶誠恐，稽首頓首，再拜以聞。

空三行。

臣姓屬某治某州某處焚修。

空三行。

東極青宮大慈仁者太乙救苦天尊。乞降慈光，普照十方世界，北陰酆都，六天十洞，五嶽溟泠泉曲，考掠冥司，一切天牢地獄，悉承慈澤，普得寧閑。差

太上虛無自然至真大道七寶金闕玉陛下。

空三行。

年歲次 月朔 日某甲子某時，

於齋壇中拜上。

空三行結尾。

可陋

苦。即使劍刃摧鋒，桎梏廢毀，罪書沉滅，過籍消鎔，執對蠲平，冤讎和解。擔砂負石之衆，漣汲溟波之徒，驅雷役電之神，運風掃山之鬼，受報儻辜之魄，穿地引水之龍，九先七祖之魂靈，

虛無自然金闕玉陛下。具位臣姓某上奏謹封。

內函

謹謹上詣

具位臣姓 某 謹內封

太上三天曹

外函

章文謹謹上詣

具位臣姓 某 謹外封

三天門下請進

求。臣謹因二官直使，三五功曹，左右官使者，陰陽神決吏，科車赤符吏，剛風騎置吏，驛馬上章吏，飛龍騎吏等

開通道路章

上清靈寶法籙職位臣姓某，誠惶誠恐，稽首頓首，再拜

上言。臣聞幽途溟漠，難逢超濟之緣。

妙道慈仁，大啓遷昇之典。非仗玄穹

之惠澤，莫弘幽顯之津梁。敢昧宸嚴，

僭伸下悃。臣謹據某府某州某縣某處住

坐，奉

道某官姓某列名家眷等投詞，入事意修建

太上黃籙大齋幾晝夜。攝魂度化，尚慮

陰陽關隔。魂魄拘沉。謹爲上請太上

直符使者，三界直符使者，各一人。齋

持太上符命籙章，告下三元九府，百二

十曹，五帝考官，四司主吏，北陰酆都，

內外宮洞，九幽萬曹，無窮地獄，泉曲

河源，溟泠水界，五道都府，九壘土皇，

地下土府，九州社令，五嶽名山，洞天

幽治，考較曹僚，山林孟長，天下城隍，

壇廟神司，今年太歲，當境土地正神，

善惡二部長吏，一百二十曹官，天牢地

獄，冥關幽治，一切主者。敬聽上玄符

命，開關啓路，拔罪釋囚。係薦某魂，附

薦某等，及門中宗親，并九州分野，五道

四生，萬類幽靈，無極鬼爽，各令解脫，部衛形魂，悉赴齋壇，參朝三寶，聞經聽法，受戒傳符。大昭長夜之途，廣闢冥鄉之路。功圓果滿，進品仙階。違滯之神，冥曹降職。恩惟太上，分別哀求。如前結尾

方函可漏，並依前式。

木函貼黃

臣奏爲某處，崇建黃籙大齋。請降將吏，宣通告召事，伏取進旨。

謹按酆都拔罪章，并開通道路章，皆以廣度為主。雖齋官追薦，專爲一人。然普及幽冥，係薦之魂，自然蒙有。兼地獄之多，未易盡述。考掠之具，難以悉聞。故廣成先生曰：地獄者，以其獄在地中，故曰地獄。考理罪魂，或在城邑聚落之處，有陰官執而理之，亦曰地獄。《業報因緣經》云：世人陽罪陽過，則世官理之。陰罪陰過，則冥官主之。謂有三十六獄。又《仙戒經》謂有一十八獄，《正一經》謂有八大地獄，《因緣經》又謂酆都三官有二十四獄。諸

經所載。既以難窮。經文所不述者，又何有限極。至於金槌鐵杖，劍樹刀山，鑪炭鑊湯，火車糞穢之類，亦經中略叙其可畏之狀，以警戒世人，使毋造罪故也。若拔罪章中，有言銅柱鐵床，成寶之具，鑊湯鑪炭，成清涼之燈。歷陳地獄之狀，則言之，終不能盡，反使其意不廣。如開通道路章，告下大小鐵圍、無間地獄等名，亦為拘泥。恐地獄之衆名稱，尤未易盡知。故允中所行校罪章，則略言執對消平，冤仇和解之意而已，不復歷數獄具之形。開通道路章，則總言酆都官洞，無窮地獄，不復悉陳地獄之名。庶使言簡而意深，辭省而事廣。蓋陳詞之語，決不能盡。而幽陰之境，名不可殫。故普其辭而總其事，則凡有地獄之所，咸被宸恩，應罹獄具之刑，悉蒙玄宥。又何必指其名而後能消罪苦，定其地而後可廣齋功耶。儻蒙上帝垂慈，則無所不度。學者正當廣用其心，固不宜執泥於淺近也。此最

為學道之第一事，淺中狹量，非開度天人之胸襟也

沐浴鍊度章

上清靈寶法籙職位臣姓某，誠惶誠恐。稽首頓首，再拜

上言。臣聞形神暫滅，顧塵累之猶纏。魂識散馳，乃靈根之未復。非憑冶鍊，豈遂生遷。輒叩天閭，用摠凡悖。臣謹據某府州縣某處居奉道某官某姓某名列名家眷等，入事至資度亡魂，超登道境。臣據詞虔切，理合關行。謹率法流，尅以某日建壇，某日修建

太上黃籙大齋幾晝夜。轉經行道，懺謝朝真，請命頒符，攝魂度化，普及三途滯爽，萬類幽靈。咸沐神津，盡消鎔於塵垢。皈依道化，重假合於陰陽。臣謹爲上，請五方五靈童子各五人，解穢官將吏兵各一百二十人，浣濯夫人、黃華玉女各一人。應時下降，請取黃華神水，鍊尸素漿，靈映玉醴，甘露金津，灌注香湯之中。即使受度亡魂幽爽，蕩除陰穢，湔濯塵勞，表裏無罪債之根，內外消熱惱之垢。即令五方童子，

上請東方青靈始老真炁，哺飴以九炁之青津；南方丹靈真老真炁，哺飴以三炁之丹華；西方皓靈皇老真炁，哺飴以七炁之素漿；北方五靈元老真炁，哺飴以五炁之玄泉；中央元靈元老真炁，哺飴以一炁之黃華。使係鍊一切亡爽，承哺飴之恩，安鎮魂魄，自生五神。又請金剛百鍊千和玉液，太白流光，元皇散液，解除鬱結，驅滌滓穢，灌鍊身心，智慧洞明。又爲上請陰陽正炁，金木靈津，給降丹天世界，朱陵火府，南昌上宮，冶鍊官君將吏，下臨壇墀，鍊度亡魂，開明本性。整復形神，更生福鄉，永承道廕。恩惟太上，分別哀求。臣謹因。

空行，結尾。方函可漏，並用前式。

允中切聞：人之生也，血肉成形，榮衛所及，則有病痛痒癩。《道德經》云：吾有大患，為吾有身。蓋以身為神之累也。近世宋齊丘《化書》：時我本無害，而筋骨為之害。我本無痛，而血肉為之痛。此言實幾乎

道矣。若一神既離，百骸皆為腐土。

向之所謂肢體傷殘，心腹疾患，夫復何在。一靈若滯，或執對而拘纏，或沉迷而自惑，是以反生無期。儻本性之既明，則應時而度化。所以太上垂科之意，齋修之旨，乃因建立齋功，轉經行道，昭明幽翳，開悟沉淪而已。沐浴鍊度之章，意謂亡魂身經太陰，魂拘罪網，故欲先消其塵垢，然後聚凝神識，假合陰陽，重立根基，反生人道。其始也人而為鬼，今經上玄度化，則聚其神明，乃鬼復為人。託生之時，方有帝君品命，九炁生神，再造肌膚矣。但恐齋功不足以格天，二炁未臨於亡爽而已。若舊來章書，請降天醫神藥，以療生前之疾患，補續骸肉之傷損，則去道遠矣。非獨人之質壞而神不壞，兼以天地陰陽之正炁，鍊化亡魂而反生，又何慮其神之有患而不愈哉。故今從先師之付傳，不敢同俗而超世。如所授不同者，自從師法。允中則不敢越也。

### 昇度亡魂章

上清靈寶法錄職位臣姓某，誠惶誠恐，稽首頓首，再拜

上言。臣聞教恩廣被，拔沉滯之遷昇。齋福無邊，拯幽冥而超濟。願垂省錄，終賜慈憐。臣謹據某府州某縣某處居住，奉

道某官某姓某列名家眷等，入事意崇建太上黃籙大齋幾晝夜。薦悼亡靈，超登仙境。臣已按科教，依式宣行，開度係薦魂儀，祭鍊本音宗親，及以九幽滯爽。既承道力，更仗天恩。臣謹爲上請南昌上宮司命君，司錄君，延壽君，益筭君，度厄君，上生君，各一人，昇度亡魂，上生南宮，定筭玉簡，注名金文。又爲上請司馬大神，衛房聖母，洞陽童子。奉爲亡魂，玉眸鍊質，黃華蕩形，書紫策之生名，應朱宮之品格。仰依覆育，永遂逍遙。恩惟太上，分別哀求。臣謹因。

空行結尾。方函可漏，並依前式。

按《正一指要》，每十二月分上章，則分太上官名，每日則分官曹。此係

正一科條，自行遵用。今此章法，屬洞玄品格，見於上經，與正一異源。是謂上清科式，兼正一章。舊來亦已有不用官曹者。惟《道門定制集》，乃今人定入官曹，爾用之，未為深當。況於靈寶弟子，上章於太上道君，自來上詣三天曹而已。允中前後以此拜奏章文，屢蒙玄應，方敢編續於書，非自不曾用，而妄以惑世也。學者深詳之。

### 章函

長一尺二寸八分，闊二寸八分，用古尺，黃絹作袋外封，仍用黃羅帕袱包之。

### 章凡

如香案狀，脚曲，用黃羅卓衣，覆之四圍。

### 書章

於靜室，毋令人往來。預期掃潔。臨事時，以解穢符，用醋炭薰之。戒書章表之士，必先沐浴更衣，入室書寫應凡章文。每行止十七字，上空八分，下通走蟻。一說作不通走蟻。

但字近紙下邊，則筆畫易致失落，故令通走蟻，為當。每行闊一寸二分，紙高一尺二寸，自首至尾，行以單數。法位前空二行，法位至再拜字，作一行。上言字平闕。臣字及人名與鬼字、死字，並不得居行頭。生字不垂於行末。以淨綵覆卓，然後書之。年月後空三行，辭長者則續紙章。裁紙剩下者，隨即燒之，不得飛落床席地上。筆墨以新潔者，不得雜用。字涉凶穢者，不得居行頭，皆避於行中，不得令人見，不容婦人僧尼，雞犬猫畜等入章室。書章不得言語交亂。寫未畢，不得出室。為字未成，不得放筆。點筆對章，不得高讀。以聞低二字，平前行。告報下臣字，以聞後空三行。臣姓低二寸四分，前具法位而無姓，至臣姓處，則云姓謂。如臣姓某，住某屬，某處焚修之類是也。蓋章之前無姓，而章中亦止稱臣名而已。故於內間後言臣姓，以終牘無姓，而於此陳之也。今於此而書臣姓名者，失格者。

允中先經師高君章本云：臣姓高屬徽州祈門縣紫元庵焚修，不係允中之派者，自從便。臣姓後空三行，太上聖位後空三行，年月結尾。凡寫章不隔日，填陛下不隔時。拜章，日向東，夜向北。應章文一幅十七行，每行十七字。惟黃素朱表，每行二十四字。餘如章式。古法章官，不用六十甲子神入章中。書章，以紙隔手，不得令衣袖拂章。磨墨左轉四十九轉，不以口吃筆，不得出口烝於章上。本法當口含香水，焚香，面北而書。章表書士，不得履穢。若經涉生死厭穢觸污者，易其人。紙不得破裂，字不得漏點畫，暑月不得單衣露體，不得據案書字，不得挑剔改抹。書成不令人讀，不得安于有人往來處。太上聖位，端謹作一行書，不得拘以寸數。古法取三寸長，若排比其事不下，反致不端。陛下二字不細注，只以謹楷為貴。宣章副本，仍敷露正章於御前。以筆置聖位之右，龍頭書刀置於聖位之左，

法師長跪於科案，遣章畢，香上度過，緊卷入內封，誦開函呪，入函，入腦子沉香，以青絲三過繫之。舊用蠟印。實蠟不潔。今止用糊粘，印繫絲處封之。次入外函。以付侍香法師，存伏行持如式。

章信鎮綵

天子用匹數，公侯以下用丈數，庶人用四十九尺。錢，壹萬貳千文。祿米，壹石貳斗。油，壹斗貳升。香，五兩。紙，壹百幅。筆，大二枝，小三枝。墨，三笏。硯，貳枚。金魚，壹枚。玉鴈，壹枚。龍頭書刀，一口。長六寸，以銅鐵為刃，銀半兩為龍頭。鹽，壹斤。鼓，壹斤。柴，五十斤，炭，五十斤。淨巾，二條。命信，各隨年庚。

科曰：拜章備信，證質誠心。若心希功德，而吝惜財物，即神明不納。若為寒棲之士，貧乏之家，則師為代之。

章關

靈寶大法司

當司今為某，崇建

太上黃籙大齋幾晝夜。祝

國安邦，濟幽利顯。以今依科，拜進某章一函，謹謹上詣三天門下，上奏須至關者。

右關

齋章某官將，同進章諸從事，二官直使，三五功曹，左右官使者，飛章從事，五帝直符，十二時直使者，陰陽神決吏，科車赤符吏，剛風騎置吏，驛馬上章吏，飛龍騎吏等官，千乘萬騎，官君將吏。請捧章文，上詣天闕，以時進奏，毋得稽延，星火施行。故關。

年歲次 月 日 時關。

具法位。

章官獻狀

齋官姓某 謹備

元始靈書中篇幾本

雲馬 金錢

右謹具狀，上獻

三元唐葛周三將軍，  
三天門下上章詞表靈官，  
三天門下引進仙官，  
法中飛章從事促炁靈官，

錄章呈章齋章從事，三五功曹，左右官使者，五帝直符，十二時直使者，陰陽神決吏，科車赤符吏，剛風騎置吏，驛馬上章吏，飛龍騎吏，十二書佐小吏，甲子諸官吏，章中千乘萬騎將吏。伏惟

聖慈俯賜，采鑒謹狀。

年歲次 月 日齋官姓某上狀。

黃素朱表

廣成先生科中，全文每行二十四字，發表不用關文。

具位臣姓名，誠惶誠恐，稽首頓首，再拜

上言，

太上無極大道至真自然金闕七寶玉陛下。

臣等猥以下愚，謬參大法。功無塵露，疊重丘山。俯仰慚惶，形魂罔措。臣誠惶誠恐，稽首頓首。臣等實謂凡微，幸藉前福。叨逢妙化，欣荷過情。既忝玄司。職主救度。雖稟性庸瞽。參學昏蒙，誓罄丹誠，服膺妙訓。見義思勇，日夜切心。因緣

所值，敢不以聞。今有某州某府縣某處住坐，奉道某官姓某，列名稽首列詞。伏聞無上正法，黃籙大齋，解除生死，先世今身，心口意罪。上資帝王，下及群品，保國寧家，禳災却害，增延福壽，解釋愆非，拔度九玄七祖，一切幽爽。濟度存亡，惠澤普加。謹齋十方金龍鎮信，本命紋繒，香花油燭，供養之具。證質丹心，奉詞以聞。因臣等行道，懺悔首謝，宿世衆愆，斷絕殃咎，集茲善果，濟度亡某，超登道境。言詞丹切，理合申騰。臣謹率道士一壇，謹依下元黃籙簡文，靈仙品格，擇就某處，建壇設玄科之式，法天像地。以某所齋金龍繒綵，施鎮十方，祈天請命，救度存亡。共相警勵，洗心淨念，歸命至真。所祈所願，修建無上黃籙大齋幾晝夜。九時朝謁，十遍轉經。自某日爲始，立齋闡事。至某日滿散，修設謝恩清醮，二百六十分位。謹即言功解壇，將投龍於山水，丹書檄劄，以奏言於靈壇。拜表上聞九天，伏惟

太上無極大道元始天尊，太上道君，太上老君，太上丈人，無上玄老，十方自然靈寶天尊，已得道大聖衆，至真諸君丈人。大帝天帝，天師君，玄中大法師。曲鑒所奏，垂憫丹心。如蒙上御，乞勅典者，宣告十方五老上帝，五嶽真仙，三官九府，十界真靈。技度亡某，及本家九玄七祖，有緣無緣，冤親平等，一切幽魂。並令開度，得出長夜、九幽之中，昇入南宮。冠帶枯骨，反骸生華，轉輪漏盡，化生福門。所在土地，榮衛屍形，精神返舊，與景冥合。齋主某前生今世，一切罪咎，並乞蕩除，和釋冤對，度厄消災，延生保命，存亡開泰，眷屬安寧。上願七曜玄明，二儀永固，六合清靜，帝祚延長，陰陽調和，九穀豐稔，疫毒永殄，善瑞日臻，國富人安，天下太平，克保元吉，永遇道恩。謹遣所請天仙兵馬，真人兵馬，地仙兵馬，日月兵馬，星宿兵馬，五帝兵馬，三河四海兵馬，五嶽四瀆兵馬，各九億萬乘。臣等身中，各人所佩三

洞四輔經籙，法中真仙將吏，靈寶官屬，監齋直事，三五功曹，左右官使者，侍香金童，傳言玉女，五帝直符，傳言奏事飛龍騎吏，飛章從事，章中合屬官君將吏，降真召靈符使，降真召靈童子，太上直符使者，三界直符使者，玄都茭龍金龍驛吏，素車白馬大將軍，官君將吏，沐浴解穢官吏，南昌上宮鍊度官將，神虎攝召將吏，玉女神兵，正法諸部，同力追魂攝魄合干將吏，城隍社令，守宅將軍，此間土地，里域真官正神，三界神祇，監壇神將，應係監臨衛護，宣通召命，營衛齋事，有功勤者，一切嚴裝。隨臣表文，上詣玄都，列受功賞。謁言仙宮，進品上真，加崇爵秩，隨品署真，高下等級，皆令增進，一如太真之儀。臣等學法未備，俯仰失儀，進止犯科，不合儀格。恐四司所糾，五帝所執，千愆萬罪，乞蒙赦宥，哀憐未悟，不見罪罰。臣等身中五體真官，受功事訖，各還臣等身中官府。使臣學道得道，求仙得仙，永爲真

人，同三光煥耀，與五炁長存。恩惟太上衆尊，分別哀憐。臣謹因二官飛仙直使，三五功曹，左右官使者，陰陽神決吏，科車赤符吏，剛風騎置吏，驛馬上章吏，飛龍騎吏，天仙騎吏，各二十四人。操臣表文，上詣

太上三天曹，伏須

告報。臣某誠惶誠恐，稽首頓首，再拜以聞。

空三行。

臣姓某屬某州某處焚修。

空三行。

太上無形無名虛無自然至真大道無上元尊金闕七寶玉陛下。

空三行。

年歲次 月朔 日甲子 時，表

文於齋壇中，拜上。

右朱表，謹按廣成先生曰：用細熟黃絹六尺，取其末幅，硃界，硃書，每行二十四字。第一行名銜，至再拜盡一行，至上言字平闕，獨占一行。生字不得居下，鬼、死字不得居行頭。每行之終，不得抽破人名。臣

字亦不得居行頭。一如章法，不得挑抹塗改，僂字添注損污等。唯須精心。且人間奏表，尚須謹楷精細。況奏於天真，豈可輕忽乎。若不然者，但恐天司譴責，拜表不達，反獲罪咎，安能感通。

太上聖位，臨時法師自書，以二十四分內取盡。蓋古人純質，絹皆界行而書之，允中尚見前輩法師，守古法界行也。近世絹亦薄，紙背過，庶可操露。先師只用十分厚潔黃紙書之，尤便。用絹固是古法，但焚化之時，反有絲縷之炁，不復界行矣。獨此表則官君將吏，隨表上詣天廷，故不用闕文，只於散壇科中就拜。且黃素一表，世人多欲遵用廣成先生成藁。殊不知古人崇建大齋，詞旨必先祝君保國，而後己身，重於廣度，而及亡靈，故始終之意一貫，則此表可用也。近世建齋，保安則惟切切於一己，不及福國而康時。薦亡則惟汲汲於亡靈，而不意於普度。為高功者，亦隨順齋主之意，切切乎

慮齋福為人所分。故黃錄五章，近時絕無保國祝君之辭，且輕於普度之旨，直至朱表，而用廣成之格，乃與前五章頗相背馳，豈非欺天乎。允中所述章文，則僅存古意，故用此朱表，可以相安。若止於用趨時之章，書順媚齋主之詞旨，則此朱表，大不宜用。兼高功素無及物之懷，及修齋之時，惕惕驚懼，惟恐稍拂齋主之意，慮其續有齋修，則不復見招，趨承不暇，又安敢喘炁於齋主之前也。欲其辯析是非，敷陳正典，又其難矣。古人齋修而施財散寶，廣濟幽冥。一則釋其鄙吝之心，二則上不忘君，中度九祖，旁及黎庶，普福寰區。三則廣度五道四生，三途十類，至於鳥獸草木，俱被齋功。以此而保家保身，則福壽無極。為齋主者，儻聞允中之愚論，亦必能少廣其善心。惜乎主行之士，每對齋主，惟恐奉承之不暇，未敢舉此意也。允中尋常備員，主行齋醮，悉以此旨而



行之，齋主亦未嘗固執私意。同學之士，更能少安分義，為教門自重，毋被星粟施利所拘，而極其折腰下禮，亦教門之幸也。大抵財物得失，係乎宿緣。貧富窮達，自有定分。枉尋而直尺，甘言而求用，實徒然爾。

### 上清靈寶大法卷之二十三

## 上清靈寶大法卷之二十四

洞玄靈寶法師南曹執法典者  
權童初府右翊治金允中編

### 章詞表牘品

#### 救苦表

上清靈寶法錄職位臣姓某，誠惶誠恐，稽首頓首，再拜上言。臣今月某日，為某府州某縣某處姓名，開建無上黃籙大齋幾晝夜，薦拔亡某等係薦男女等魂。仍設斛食，普度孤魂者。臣聞旋回不息，惟大化之機緣。救度無窮，乃弘慈之誓願。敢依靈宥，輒露凡情。臣誠惶誠恐，稽首頓首。臣伏以死生大變，未免而有始有終。臧否業因，於是而或升或墮。况身經太陰之後，魂歸長夜之中，冥冥永隔於陽光，寂寂難超於陰府。所賴慈悲之教主，普遷黑壤之沉魂。惟是臣罔洞至真，自慚蒙陋，謬列宣騰之職，誓殫利濟之勤。爰錄誠祈，上干拯

度，恭惟

東極青宮慈悲太乙救苦天尊陛下。道均覆載，澤被幽明。開至真接引之門，闡大化裁成之教。宸輝所浹，遍九地以清寧。玄蔭誕敷，盡十方而昭泰。恭望流恩，垂祐泉臺，專遣飛天神人，特勅救苦童子，下九龍之符命，開六地之冥關。萬類幽靈，三途滯爽，悉承殊貺，同陟仙鄉。拔茲係薦之魂儀，脫彼多生之障難，咸蒙鍊化，永遂逍遙。謹奉表上進以聞。臣誠惶誠恐，稽首頓首，再拜謹言。

年歲次 月 日 具位臣姓某上表。

#### 請陰陽正炁鍊度表

上清靈寶法錄職位臣姓某，誠惶誠恐，稽首頓首，再拜

上言。臣今月某日，為某府州某處信某官姓名，開建無上黃籙大齋。以今某日夜，鍊度在會，普度衆魂，及三途萬類，一切孤魂。以某日夜，鍊某人魂儀者。臣聞立根賦命，乃炁化而形分。喪本迷真，故覺成而報至。欲

離苦趣，須仗善功。輒陳迫切之情，上冒穹高之聽。臣誠惶誠恐，稽首頓首。臣切惟質摧神往，魂散魄沉。既經於太陰，慮纏於苦網。不假正真之炁，莫遷冥昧之靈。臣猥以庸才，謬當首職。懼不明於玄奧，誠難冀於感通。今信官某，并在壇士民等，虔啓清場，恭開法席，祈天告地，列像陳儀。露哀罄之衷，瀝薦資之悃。爰念九泉之滯爽，不悟一性之本源。仗此微因，明其宿命。恭惟。

白玉龜臺九靈太真金母元君，東華木公上相青童道君玉陛下。二炁之祖，萬有之宗，立極先天，流祥育物，隨機濟度。應念哀矜。恭望曲軫洪慈，廣推大宥。魂靈魄識，獲承金木之神輝。本始根源，咸復陰陽之正性。九幽罷對，萬類蒙休。臣無任祈恩，激切之至，奉表上進以聞。臣誠惶誠恐，稽首頓首，再拜謹言。

年歲次 月 日具位臣姓某上表。

九天上帝表

上清靈寶法籙職位臣姓某，誠惶誠恐，稽首頓首，再拜

上言。臣今月某日，爲某府州某處某官某姓名，開建無上黃籙大齋幾晝夜。拔度各人先遠宗親，同超善境。普度九州萬類，一切孤魂。以某日夜，鍊度在會，係薦男女衆魂，及正薦某魂儀者。臣聞一元肇始，凝二象以分靈。九炁結形，俾萬生而立命。若非歸根返本，豈能復性聚真。敢冒冲科，恭摠凡愆。自知越分，實負戰兢。臣誠惶誠恐，稽首頓首。仗念臣塵濁庸材，昏蒙陋識。不明氣候，濫叨濟物之靈司。未習典章，冒攝靈壇之首職。念人死而爲鬼，藉陶鎔始遂還生。度鬼復以成人，非冶鍊豈能受質。木輝金潤，爰資合炁之功。陰極陽回，須賴生神之廕。恭惟九天上帝陛下。上翊三境，高拱重霄。無爲而庶物自繁，不言而十方被澤。曲憫沉淪之苦，特頒養育之

恩。布九極之生津。胎全十月。授五行之粹炁，體備百神。俯拔陰靈，徑超陽境。三途滯爽，咸停謫役之勞。萬類孤魂，同遂更生之樂。臣無任祈恩，激切之至，謹奉表上進以聞。臣誠惶誠恐，稽首頓首，再拜謹言。

年歲次 月 日具位臣姓某上表。

允中切見章文，乃古格，其來尚矣。允中今編黃籙合用五章，亦古儀也。其間請禱之辭，猶遵師傅也。散壇朱表一通，乃廣成先生之體格也。而略增法中所請官將而已。至於天帝之前而上表，則中古以後，世法而爲之，故合守古今朝廷之典式。允中所列救苦表，鍊度表，九天帝表，皆從師旨，其辭則允中冒昧撰述者。非敢自以爲當，蓋取其與洞玄靈寶鍊度，行用不相背馳。高達之士，更能以雄偉之文而易之，但不違科典，又其善也。九天上帝，分作九通專表，尤爲詳盡，然須九表各自命矣。以九炁之次序而爲之，乃佳。允中

不才，豈應悉備其事，當俟後之作  
者，以成垂世之規。

### 青詞

黃籙大齋專位拜詞，則合用七通。  
曰玉清，上清，太清，此三通，則大道  
也。次則昊天，北極，天皇，此則上  
應三炁，乃天中之主也。地祇，則昊  
天之配也。至尊至上，盡於此矣。  
若齋醮事體稍小，不專位拜詞，則從  
章格，書大道階也。此外黃籙齋醮，  
有南極大帝、救苦天尊，皆拜詞者，  
各有所見。自從師授隋唐以後，朝  
廷青詞，皆列聖位，宋朝亦因之。今  
錄真宗皇帝景德間內醮青詞一首，  
存此參照，及今之詞格于左。

### 真宗朝內醮青詞

維某年歲次某甲子某月某朔某日某甲子，  
嗣  
天子臣某，謹遣入內。內殿頭某，代拜  
於大內朝元殿，開啓  
黃籙大齋一月日。散日，恭設  
羅天大醮，一座二千四百分位。謹謹  
頓首，上啓

元始天尊，太上道君，太上老君，三清  
聖衆，十極高真，北極星君，九曜星  
君，南北二斗星君，天地水三元帝  
君，玄中大法師，三界官屬，一切真  
靈。伏以叁天兩地，於覆載以無私。  
陰慘陽舒，實生成而莫測。總萬靈  
而上列，甄庶物以下臨。順之則昭  
應禎祥，逆之則比生災異。先王所  
以祇畏，前聖由是範圍。臣纂紹祖  
宗，撫綏億兆，莫不觀高穹而取法，  
循先憲而守成。今以邊陲克安，歲  
時茂稔，伊何涼德，協比慶圖。敢忘  
馭朽之心，以奉臨深之戒。將酬神  
貺，恭啓醮筵。伏冀錫慶邦家，垂休  
動植，二氣罔生於疵癘，八紘永息於  
干戈。十曜臨天，無差於順度。四  
溟紀地，靡睹於揚波。黔首咸安，品  
彙斯泰。朝廷凝於庶績，寰宇道於  
三災，顛叩玄靈，伏切丹悰。臣無任  
瞻  
天，望  
聖之至，謹詞。

### 黃籙青詞式

維某年歲次某甲子某月某朔某日某甲子，

某府州縣某處住坐，奉

道某官姓某，謹投某經籙法師某，於某  
處啓建

無上黃籙大齋幾晝夜。上資邦

國，普福羣生。開陞七祖魂靈，廣度九

幽孤爽。集茲善果，專用薦度亡故某

魂，超生善境。謹謹頓首投詞，上啓

太上無形無名虛無自然至真大道無上

元尊金闕玉陛下。臣伏以入文臣無任

瞻

天，望

聖激切，屏營之至，謹詞。

### 黃籙散壇設醮青詞

維某年歲次某甲子某月某朔某日某甲子，

某府州縣某處住坐，奉

道某官姓某，謹投某經籙法師某人，於某  
處啓建

無上黃籙大齋幾晝夜。上資邦

國，普福羣生，升度先亡，廣拔孤爽。

集茲善果，追薦某人魂儀，超生

福境。齋事圓成，謹用修設

三界高真清醮，三百六十分位。昭答

天恩。臣謹頓首投詞，上啓

太上無形無名虛無自然至真大道無上元尊金闕玉陛下。臣伏以入文至臣無任瞻

天，望

聖激切，屏營之至，謹詞。

此詞聖位，乃徑拜大道，則不復三境天尊詞矣。蓋三炁即三境，三境則大道。此一階位，兼總三炁，包統一元，無不盡矣。今若具洞玄靈寶，階行靈寶法，而章用太清階，則越格甚矣，理亦不通。如正一法師諸章，既用太清階，則青詞亦止得同章而用。或分作三境，天尊位也。今總以大道階，則不拜三境。詞或有分位，則玉清曰虛無自然元始天尊，上清曰太上道君洞玄靈寶天尊，太清曰太上老君洞神道德天尊。近有人用虛皇上帝，於天尊之下者，非也。虛皇上帝，別自是一位。至於以道君為妙有上帝，以元始為妙無上帝者，亦

不達至道之人為之也。夫天尊則炁也，則道也。一炁分三，是為三境。同生一炁，以言其有則不可名，以言其無則不可泯。均處於妙無之間，是三境同體也。今以一尊為妙有，以一尊而妙無，則有者不可使之無，無者不可使之有，豈非去道遠矣。此等出奇好異，三境天尊聖位，亦戾古撰述，多違科典，乃浙東諸人為之。允中足跡所歷江湖，亦為稍廣。他處之好譎者，不如是之衆也。《正一章·太清階》曰：太清玄元無上三天無極大道太上老君，太上丈人，天帝君，天帝丈人，九老仙都君，九炁丈人，百千萬重道炁，千二百官君，太清玉陛下。此階則專於太清，而全屬洞神部矣。正一齋醮青詞，若用此階則合。別拜玉清、上清詞，可也。故不若作三境天尊。拜詞矣外，昊天詞則曰太上開天執符御曆含真體道昊天玉皇上帝，北極則曰中天紫微北極大帝，天皇則曰勾陳星官天皇大帝，地祇則曰承天效法

厚德光太后土皇地祇。此外杜撰不典之言，毋得污瀆上天也，非我法眷，不在此限。允中稽考古式齋醮，自始及終，皆備詞關申，是高功措辭者。獨青詞乃齋主之情旨，高功之所據憑科，所謂騰詞者也。青詞代剖肝，丹書象瀝血，所以形容齋主之誠切。其辭貴簡而不尚繁，貴質而不尚麗，傾心露膽，求哀於上帝也。近世能文之士，則專肆浮華。強記之人，則多引故事。儒家程文，尚不得引史以證經。況於混元未判，大道先天，而史傳記載，乃世間塵迹，豈應取以質證於先上帝之前。近代詞賦，多愛斷章用事。而於青詞，置謎語有同兒戲。亦敢為騰奏，良可哀也。若用道家經典，切宜詳審《道藏》所蓄經文。近來真偽混雜，未易分別。如天台桐栢崇道觀，乃五代之末，吳越王錢氏所建。藏中諸經，拘集道童及僧寺行者，衆共抄錄，以實其中，碧紙銀書，悉成卷軸。當時四方割據，錢

氏處於偏方，隨其境內所有之書，一時欲應限數，故其間顛倒錯謬，不可勝記。有脫字漏句，全不可讀。有言辭鄙俚，昭然偽撰者。于今幾三百年，更數世之後，不知始末，則謂道典，果有此等經文。高識之士，自能剖決是非。淺學之人，執為正典。或者取而引用，可乎。允中所見諸方經教混淆，不失於天台。况允中足迹所不經之地，耳目所未涉歷之書，尤多。遐方僻郡，道館琳宮，經籍失正者甚衆。學者所當深加詳酌，不宜一例輕用。如應世諸雜經中，人多取其全句入章詞中，絕有礙理者。俗人之見，每於薦度，則力稱亡者之德行，備述生前之勤勞，豈是告天請宥之意耶。人子孰不愛其親，若欲稱其行義，當求大手文筆，以為墓誌行狀，及祭文挽章之類，可詳書之。此詞非此例也。矜耀死者之所長，以誇於天下乎，謂亡者而天不知乎。禱病禳災之詞，亦不能悔愆引咎，反行怨天尤人。或取經史

中語，以為請福之辭。或希求爵祿，或僥望壽祉，極口形容，不識退遜，彼以天為何物耶。古今印行青詞，極其浩博。文章偉麗者甚多，體合科格者至少。前輩主行之士，皆預取青詞，逐字參訂，不違科格，始為申牒。允中諸師尊，多通古今，剛介不奪。雖大貴人請行齋醮，亦將青詞契勘，未嘗順俗錄奏，豈畏齋主之誚也。士大夫高上之人，其文有違道家典式者，自可以理商議。或世俗無知之輩，輒陳猥陋之旨，又豈當為其拜詞哉。邇來世態澆漓已甚，主行之士曲意趨時，廉耻道盡，惟恐齋主之不見用也，何論詞旨之當否。其間未諳科教，不通義理，冒昧行科者，固不足責。此等關奏，未必上達而天真亦應，原其無知春秋，責備賢者。鍊達典章之士，心知其非，乃敢徇情順意，不畏考罰，拱手聽命於俗輩，錄其俚語而上奏，其罪當如何哉。青詞之首曰維國號某年，古今已定。近有人謂維字犯天諱，而易曰

時。夫時字之義，乃題梁、書壁、記序中之格。謂書此之時年月，使後人讀之，知其為當時之事故也。今青詞書，於壇中即時焚奏，又非隔年異代，而後行用，却書時字於其首，是誠何義也。紫微夫人謂天中之書，非世俗穢濁之跡。若諸天隱諱之類，悉是天中之字，世不可識。經文逐時下降，譯以世書，遂有凡世之字。諸天之名，列真之諱，於大道至尊之前，不應回避。自天而道無名，無名諸天隱諱。乃天地以分，經籍既降，世方有之。今世俗之維字，而指為大道名諱，縱有經據，亦不可行。自唐以後，累朝上天帝尊號，前後一應玉冊，皆曰維某年而陳。隋以來百數年間，亦止用維字。何獨近來上天方有此諱，在朝廷不用皇□，其皇者大也。天子稱臣於天，不應自稱□，而朝廷不用國號者，以下文有宋嗣天子之銜，故不重疊也。臣下詞於天子，則曰維皇帝某年，乃古今之通義。有石刻中。或謂維字

犯天諱者，亦不可據也。今錄景德間青詞一首於前，及蔣氏《立成儀》亦載唐朝青詞一首，前後體制相類也。朝廷則總列聖位，乃從古式。民間獨位拜詞，則三清三函，昊天、北極、天皇、后土各一函，共拜七函。江東尋常設醮，或專拜昊天一函，以其天之主宰，事所隸也。有三境總以太上大道之階，則只作一函也。夫拜詞乃露誠切者也。朝廷青詞，自上帝而列至三界官屬者，乃普行祈禱也。故北斗醮中，亦上青詞，但言辭宜別重輕，而不稱奏也。又有妄人誑世，稱青詞止上於天帝，而斗星或用白紙，或用黃紙。青詞能於紙中分別高下，却稱奏與上天一同，何其謬哉。夫豈知青素丹書，乃剖肝瀝血之義爾。在天則稱進稱奏，在列真則曰申曰上而已。詞中言辭，大宜斟酌，不得與天同等。凡青詞之前，已具鄉貫姓名，於某處建某齋為某事，至詞中却叙哀祈之情而已。若有將一兩聯，形容建壇行道，

燒香然燈之意，則理涉重復。其文切在簡當，一念萌於胸次，萬靈鑒於空中。但不可不致辭，以伸懇禱而已。又何待繁文盈牘，而後動天平。允中尋常齋醮不預，主行之時，每承士友，委撰青詞，僭易應命者頗多。第一末學之文，不應傳遠，故不欲收聚入法中，姑叙世俗之弊。然此事全在高功，該貫古今，精考科典，騰奏之時，嚴加詳酌。儻有違戾，則齋官不為無罪，而高功罰倍餘人，可不戒哉，可不謹之。允中每厠跡齋壇，備員首職，既當主行，則青詞不應自撰，所承詞旨，縱有毫髮違礙，必白齋官，削易以用，而士夫亦未嘗而不見聽也。全不合典格者，決不騰奏。允中之窮達，悉歸之分定，何須諂佞施士，以苟求微利。此實師尊之訓，而允中賦性，尤不敢諛齋士而瀆上帝也。所有黃籙建齋，至散壇方行，設醮謝恩，此隨齋之醮，以其營衛壇場，傳達誠悃，功成事竟，醮謝真靈者也。與四十二等專醮之義不同。

故齋中青詞，則求哀請宥，述建齋之所禱也。至於醮謝青詞，則叙齋修有闕，祈請蒙恩，陳謝之辭也。如曰齋事慶成，懼典儀之違謬，亡靈獲度，沐恩造之宏深，此乃謝恩醮中青詞意也，常俗齋官，或非自己撰述詞文，率多委之他人。而士人用力於功名，未免專心舉業，又不復辭以不能。往往齋中青詞，祈一次，醮中青詞，又請祈一次。間有善於作文者，不過形容齋之與醮而已，彼又安知道家齋後，設醮之本旨。治經之人，於詞中而狀其事，多類經義破題。治詞賦之人，則又多似世人之啓劄。如薦父母，則用經句曰，生我劬勞。此詩隨寓之詞，初非對君上之語。豈可遽執其說，而對天稱我可乎。又有曰母兮鞠我，皆此類也。士大夫青詞自叙曰：自踰知命之年，屢玷觀風之節。夫五十而知天命，孔子自述之語。施於人前可也。若以知命五十歲，亦藏頭語爾，施於天可乎。追薦青詞曰：居諸云邁，哀悼

何窮。其意謂日居月諸，儻用日月。云邁則太熟，出於其麗。然除去日月字，而獨稱居諸，是何物也，是何義也。又如日豈期一夢之不還，俄見八旬之甫及。夫以一夢而形容其死，施於挽章雜文，可也。又不用日字，而獨稱八旬，是八十日乎，八十年乎。如曰遽染河魚之疾，旋興隙駟之嗟，此尤無禮。以河魚而作瀉痢之隱語，以隙駟為人死之謎言。況人生若白駒之過隙，乃譬喻爾。祈上帝而用之，可乎。如曰玉京金闕，步八景之雲霞。圓嶠方壺，住三山之樓觀。拔度亡魂，而所請如此，上帝可以施行乎。如曰朝露既晞，悲風徒切。此用事之閑語爾。然朝露易晞，以言其出處，則喻人之性命易損。若斷章止用此四字，隨尋常之理言之，則朝露既晞，不過日出而已，又何可用之天乎。若夫詩詞之格，有藏頭，有歇後，有隱語，有雙關。其句而去其上一字，或二字，謂之藏頭。蘇東坡有戲語詩曰：聖善

方當而立歲，乃翁已及者稀年。上句以三十而立，言其母三十歲也。下句以俗諺有七十者稀，言其父已七十歲，是乃藏頭也。用其句而去下二字，或一字，謂之歇後。有人作石詩曰：天漢支機罷，仙人捧膊餘。蓋有天漢支機石，仙人捧膊石。又東坡有詞曰：斷送一生惟有，破除萬事無過。蓋他人有全句：斷送一生惟有酒，破除萬事無過酒。東坡各去一字，而取為詞，正歇後體。唐末有鄭繁，多為此等諧語，當時號作歇後鄭五是也。狀其事而不言其名，則謂之隱語。如近代有詩曰：蕭蕭出屋千尋玉，飄飄當空一炷雲。乃上句言竹也，下句言香也。即隱語體也。用其句之義在此，而寄意於彼，謂之雙關。東坡有詞曰：日出西山雨，無晴又有晴。此本晴雨之晴，而暗用作無情中有情，此即雙關格也。此等皆詩詞雜文之體，至於書啓，則用於平交勢均位等之人可也。或上大貴人，及朝廷表牋，已

不可用，而近時有青詞，用藏頭隱語者甚多，求哀請命於天，乃用變格異體，以肆褻瀆。於心安乎。此特摘其略耳。此外不識避忌者尚衆，至於違戾道典格者，皆是也。不知考究，而但欲主行齋事，高功之職豈易為哉。無知者既不足責，有識者又不敢言。貪施利而媚齋官，順俗情而罔造物，良可驚也。章詞之用，所係不輕。高功若不自加參究廣覽，求其至當，而臨事略無去取，咎將誰歸。允中不足道也，慮天之不可侮，不免陳茲萬分之一。有志之士，必察之區區之用心。無知之輩，未必不因此等正論，反興謗讟呀。允中之論，為高識之士而發也。異時豈無知此意者，亦教門之一助。

上清靈寶大法卷之二十四

## 上清靈寶大法卷之二十五

洞玄靈寶法師南曹執法典者  
權童初府右翊治金允中編

### 上章科格品

三洞垂科，五文開煥，自古以肇其機，惟洞真之道。降流雖久，戰國之末，三茅真君始開祥於句曲，遂立宗壇，其後如許長史，許遠遊、楊司命、郭真人諸君，相繼不絕，無非精練上道，修誦洞經，教出玉清，繁文不立。洞真科格，本無章奏之規。至東漢正一天師，應運挺生，科條荐布，於是齋修之典章，表儀之燦然，昭煥斯為洞神之道，正一之宗。東吳左仙翁玄，受靈寶洞玄科品，於是傳上章謁帝之科，元綱飛步之訣。至晉許旌陽，行孝道明王之教，遂有驅妖馘毒之法，濟世立功之文。悉皆洞玄之道，靈寶之宗，自古至今，不可誣也。夫靈寶拜章之法，乃洞玄禁祕

之文。自太極仙翁內行飛神謁帝之妙，外傳上玄境域之祥，可以修真而煉形，豈止膳章而啓事。傳之非類，殃考一身。不奏妄傳，禍鍾九祖。若章中官將，即陰陽神決吏，剛風騎置吏，驛馬上章吏，飛龍騎吏等官，須與正一章同用。蓋剛風騎置之司，無兩途也。校章定章諸從事等職，以學者先佩都功諸錄，故行兼用，除去亦可。至於功曹玉女，印篆法階，屏炁存神，躡罡飛步，朝元肇事，會道通真，則專本洞玄之品，靈寶本科。上不僭用玉清大洞之儀，下不雜行正一洞神之訣。道有本源，如精金美玉。苟有一毫駁雜，無非偽物。惟精惟一，始可感通。仙翁修之，而得道成真。司馬承禎獲聞其祕，嘗隱於少室山中，以此洞玄章法，流傳於世，遇之者切須保祕。儻非盟天告地，臨壇付授，謹勿輕用。非此宗派，尤不宜行用也。寧可指以為非，棄而弗取，乃至漏慢爾。平居閑暇之時，先當習定。夫

定者，非釋氏所謂寂滅頑空之義也。惟儒家顏子心齋、坐忘之道，則近之矣。內念不出，外想不入，湛然靜空，綿綿若存，靜中有動，法術生焉。擁三炁而內充，聚一神而中峙，立此妙本，身世兩忘，漸覺此神輕浮，冉冉離世，乘虛馭炁，飄飄而上。依法飛步，其訣已散在法中，學者當自得之。始於人之共知，而終也非人所以可知。不用術數而功自隆，不待吹噓而形自煉，不出神而神自出，不俟修真而真自成。施之章奏，剪除妖妄，殄滅精邪，超度存亡，禳卻災難，萬道歸一，簡而不繁，實靈寶之樞機，真仙之徑路也。

### 上章沐浴


凡遇拜章，先淨外穢，沐浴更衣，用香湯先沐後浴，即易新衣，入靜室。夫身不潔則神不居，則法不靈，法不靈則難格天矣。

### 煎湯方

桃皮半斤，茆香半斤，藿香半兩，香白芷半兩，苓陵香半兩。



右為麤末同煎。  
服符以淨內穢



呪曰

天地運用，日月之精，光徹四海，能斷邪精。斬妖去病，身有光明。神水溉作，萬禍滅形。急急如律令。

誦呪，書符，燒灰，淨水調服。仍以一道，安章格案下，勿令人見。

### 常服符篆


凡拜章之士。尋常當持誦靈文，冷服符篆，感會靈炁，濯煉身神，庶可臨事有應。常服之符，具存法中。欲於此疏出，恐見者忽略忘義，故不立為定格。但能以平時行用有驗之符，逐時自服，足矣。

### 服章告心神法

凡臨壇拜章，於三日之前，先略具章中事意，用十分輕薄紙，二寸半，細書。却入靜存神，以章吞服。此拜章之作用也。若靈寶有心章之格，

乃告急密切之條，與此大略。近世有聞其名而得其傳者，乃曰心章，長三寸三分，即是告心神章也。邇來多以此為心章，製度告天，差謬甚矣。所服章格，已臨壇盟受，此不再叙。

### 上章燒符香爐中



此常用符也。又名都匠符。古儀於拜章臨伏時，燒之御案香爐中。不以其名稱常熟而忽之。

### 章前後空紙

正一章，用一十二小印。自再拜至太歲後，皆印之。有一家印有弦。如印式有一家小印，不用弦，只如符用之。故正一章太玄都前不空行，洞玄之科則章前後各空紙。悉依式書符，不用一十二小印。於年月上，只用通章印而已。世人但見神霄錄內載通章印，遂遽稱此印玉清，屬洞真部。殊不知神霄之教未興，而洞

玄章法自五代以前，并用此印。而通章印文，乃靈寶升天大券，但去其下文耳。生人用之，以為升章，入天廷之質證而已。夫印者，誌也，信也。正此義也。洞玄章法用通章印，則是靈寶本科。或者見此等行用，以一符一印，稍涉他書，便稱玉清靈寶，非也。升天大券，自古及今，昭然屬洞玄部。給付亡人，則以九玄使者字下，有召魂升等字。生人用以為印，則去下文，豈應便以為屬洞真部。神霄錄中，自編入備用耳。其錄與法，亦未嘗力指謂此印，不係洞玄靈寶之品目。蓋神霄當時以為天壇，萬法俱總。是以靈寶有一二符，編入錄中。未可以此，便易古之綱目也。

### 靈寶拜章儀

高功立靖，服符，存念本科。排酒果三十六，分列兩廡，備威儀詣靖，引高功詣師幕，啓事。竟，升外壇至地戶，念入戶呪。升天門，上方香御案上香，焚香符，上本位香。

高功移科案，居壇右，面西北。次存四靈衛已，日月照形，去面各九寸，北斗蓋頭，嚮向前，禮師如齋法。存三將軍自天門降。上元左腎黑炁，中元右腎黑炁，下元心赤炁。存朱衣吏兵，翊衛壇所。

都講舉，各禮師存念如法。

高功宣呪。

呪曰

大始元真，五老高尊。太常皓映，無幽不均。上御九天，中制艷山。下鎮江海，十二河源。八威神呪，靈冊五篇。召龍浮水，收炁聚雲。萬精摧落，所誅無蠲。日月五星，北斗七元。諸天諸地，諸水諸山。天王遊宴，五帝仗旛。天丁前驅，金虎後奔。饜天猛獸，羅閉四門。所呼立至，所召趨前。赤書豁落，風火無閑。有所攝言，金龍驛傳。

都講舉，鳴法鼓二十四通。

無上三天玄元始三炁太上老君，召出臣身中三五功曹，左右官使者，左右捧香，驛龍騎吏，侍香金童，傳言玉女，五帝直符。直日香官，各三十六人

出。出者嚴裝。關啓此間土地里域，社稷正神。臣今正爾燒香，奉爲入意，其諸情悃，具載章文。願得太上十方正真生炁下降，流入臣身中。令臣所啓，速達徑御至真無極大道昊天玉皇上帝御前。

各稱法位

具法位臣某，與合壇官衆等，謹同誠，上啓無極大道，上帝高真，日宮太陽帝君，月府太陰皇君，北斗七元星君，天地水三元帝君，北極四聖元帥真君，五方五德星君，四方二十八宿星君，玄中大法師，正一靜應真君，靈寶經籍度三師真君，太極左仙翁冲應真君，九州都仙太史，高明大使，神功妙濟真君，古今傳教真師，三洞宗壇上聖，靈寶經錄中神仙，洞玄科法中聖衆，十方飛天神王，三元唐葛周三真君，監齋直事，靈寶官屬，章中千乘萬騎，一切真靈。臣聞上帝高真，玄極至尊之主。玉京金闕，紫清無上之天。仰之而杳邈難窮，瞻之而穹窿無際。勢豈容於言接，形非可以階升。自惟

高下之殊途，亦且聖凡之異轍。然而科列關膺之職，教宏飛謁之規。雖天人交通於盼鑿之間，實師資接引於思存之頃。蓋出其神，得以朝帝。而潔其躬，許容格天。騰翥須臾，感通倏歛。將列封章而上達，先期真馭以下臨。召出身神，恭迎天吏，願堅初誓，典軫玄慈。稽首投誠，謹當上請。

請章官位

上香，獻茶，初獻法事

重稱法位

具位臣某，謹同誠，上收無極大道，上帝高真，日月星斗上聖，三官四聖，五師真君，三洞經錄神仙，三元將軍，章中官吏。咸望真慈，俯曰洞鑒。臣聞洞玄啓運，大宏章奏之儀。靈寶垂科，廣示齋修之格。真風普浹，玄化誕敷。由真師開曲濟之門，乃上聖闡無窮之惠。萬方仰賴，千古攸遵。豈地界晚學可以贊揚，實上境聖師俯加接引。尚祈憫濟，終賜提携。臣所據某人，勵志精勤，投詞激切。乞貢章文而上達，欲祈穹極之垂慈。然臣俗網凡夫，地行賤

質。冒當職位，叨任關宣。未能恩氣以輕身，豈遂飛雲而謁帝。惟遵定格，徒按成規。非仗師恩，難聞天聽。恭望玉京教主金闕師尊，降日時功曹，勅章奏官吏，赴壇傳悃，依式升章。庶顯教科，俾昭報應。敢伸菲薦，用罄愚衷。稽顙致恭，謹陳亞獻。

### 上香法事

臣謹重誠，上啓無極大道，上聖師尊，三元唐葛周三真君，三天門下上章詞表靈官，引進真官，上官典者，法中飛章從事，促炁功曹，驛亭令丞，四部監功謁者，察姦執正諸君吏，齋章進章諸從事，三五功曹，左右官使者，五帝直符，日時主者，直日香官，太歲官君，十干當直將吏，山川溪谷，海嶽洞天，靈官將吏，章中千乘萬騎，一切真靈。伏以蒼蒼上極，非人可親。翼翼小心，惟神能格。欲竭存思之妙，全憑傳奏之靈。以今某遵奉科儀，投詞啓事，貢膳章牘，願徹高尊。若非天吏以通傳，安得塵詞而洞達。恭陳薄薦，延降神騶，鑒此微衷，錫諸靈貺。助人神之存

想，指雲路以衝升。引進真官，導迎前後，上官典者，評省通呈。俾茲懇切之忱，即遂昭通之應。敢終三酌，以畢醮儀。

### 讀錢馬狀

謹白五體真官，八景神吏，金堂玉室，一切尊神。伏以首列九宮，宗奉泥丸之上帝。中理五炁，混合身內之百神。欲造真機，宜通妙用。又况傳經授籙，裂券分環，凡有請祈，法當利濟。今陳章牘，上達丹闈。出一身正炁之神，奏三境高真之御。從凡入聖，自地升天。先度罡風，荐浮空界，歷角亢而治氣，旋箕斗以護形，謁兩曜之神宮，度五常之星府。欲界，色界，無色，種民，上通金闕之高，朝奏玉京之聖。啓陳事竟，還復身中。謹按科條，關出將吏。

### 長跪出官

謹出臣身中五體真官功曹，上三天執法開化陰陽功曹，消灾散禍解厄君吏，各一十二人出，治中建節監功大將軍，前部效功，後部效殺，驛亭令，驛亭

丞，四部監功謁者，法中飛章從事，促炁功曹，三五功曹，左右官使者，五帝直符，玉童玉女，陰陽神決吏出。出者嚴裝顯服，冠帶垂纓，整其威儀。功曹弁朱陽之幘，冠通天之冠，衣皂紉單衣，腰帶龍頭之劍，捧持謁簿。使者弁玄陰之幘，冠九德之冠，衣絳章單衣，腰帶虎符，齋執玉版。直使功曹住立四方，三五功曹住立中央，治病功曹營衛臣身，左官使者建節在前，右官使者持幢在後，陽神決吏立左，陰神決吏立右，上部功曹住立上方，中部功曹住立身中，促炁功曹催促十方，上部使者遠望上天，中部使者遠瞻八方，都官使者匝繞臣身，天驕甲卒，狼吏虎賁，察姦勾騎，都官僕射，天丁力士，治正執正吏，收神食神吏，收鬼食鬼吏，收炁食炁吏，收毒食毒吏，收精食精吏，誅符破廟吏，罡風騎置吏，驛馬上章吏，飛龍騎吏等官，並皆屯駐臣左右前後。咸受臣所宣詞語，分別關啓此間土地，里域正神，監察考召，左右都平君，二十八治，三十六靖廬，七十二福地，三百六

十名山，崑崙上宮，洞天海嶽，道上二玄，三元四始，二十四炁，十二時神，皇天后土，今年太歲某太陰，六十甲子諸官君，風炁炁炁，里邑社，四面八方，東九夷胡老君，南八蠻越老君，西六戎氏老君，北五狄羌老君，中央三秦倉老君，玄元正炁，二萬六千神仙，川源溪谷，山林孟長，十二溪真，根源本始，本地之主，社稷靈官將吏。謹同誠，上啓太上無形無名虛無自然至真大道太上道君上清玉陛下。臣幸以宿緣，叨奉教法。告盟之日，約以流通。誓願敷贊真風，振揚道妙，永扶國祚，普濟生靈。凡有投誠，理宜關奏。今謹有某投詞入意，齋持法信，求拜章書。臣謹爲伏地，拜奏章文，今在素案之上，伏願上官典者，垂神省理，以時上達，請省章文。

捧章露於御案

龍頭書刀鎮左

硃筆魚鴈鎮右

宣章副本

按舊儀先遣章，後乃封章。但未對先遣官，則封後不復啓祝。頗爲未

順。今以封章在前，遣官在後，儻欲自從舊儀，隨便道衆捧章文及章函、面印、絨線、糊黏等，就高功案。高功捧章函，密念開函呪，函不先開，以章安函外，舊用蠟填印池上用蠟印，而蠟實不潔。今止用絨線繫畢，以糊黏印在池上用印之，紙亦不用蠟。

傳言書佐，開函小吏。手執書刀，開發函軌。章文上御，開通道理。所奏速達，臣獲終始。

次以章於香上度過，密念熏章呪：五色之煙，衝章上天。五色之炁，衝章達帝。下官故炁，不得妄干。

封章，法師自入函章表，道士授線，以糊黏印池，高功安貼紙印。次密祝勅章呪：

臣筆靈靈，勅此上清。仙童玉女，開發龍函。令臣關奏，速達天庭。急急如律令。

又密呪

遣章威儀，及時關奏。祕印心傳，靈章密授。朱煙起夜，雲路通晝。仰望玄

恩，潛垂福祐。

高功封章畢，捧于簡上，長跪，遣官。

謹遣臣身中五體真官，官一小吏，十二書佐，三五功曹，左右官使者，促炁功曹，飛章從事，五帝直符，飛龍騎吏等官。嚴裝顯服，冠帶垂纓，佩劍持籙。爲臣及時操持章文，徑上詣三天，合屬曹治，隨章進對。臣幸以夙因，謬膺玄職，不達正真，未明炁候，資品凡陋，識見愚庸。所進章文，或違科禁，文字不整，詞旨差訛，脫落乖違，語言褻瀆。請章中從事，書佐小吏，以時削治，俾遂進呈。無令上官典者，有所譴却。臣屏息隨章，徑上太上無形無名虛無自然至真大道太上道君上清玉陛下，謹勿稽停。左右歷關吏，章中諸靈官，以次分別。當令所請者下，所召者到，所治者愈，所濟者度，所誅者滅，所遷者達。若有下官故炁，於空界之中，邀截臣章文，使不上達者，即請錄付合屬天獄，依律治罪，以明天憲。所有章牘，必使上聞。臣俯伏御右，恭俟天恩，乞垂報應。

高功以章授道衆，置章几上。知磬舉法事，監齋隨章，引至焚燎所。焚章用烈火焚之。宣官將關壇中，舉焚章詞頌，高功送章出，隨即拜伏，存思，行用如式。壇四角安香爐，四方燒符。高功伏章起，稱以聞焚章頌，畢。

### 宣科

臣謹重誠，上啓無極大道，太上真師，玄中大法師，三天大法師，正一靖應真君，靈寶經籍度三師真君，北極四聖元帥真君，太極左仙翁冲應真君，九州都仙太史，高明大使，神功妙濟真君，三洞宗壇上聖，萬古傳教宗師，十方已得道神仙，三元唐葛周三真君，三天門下上章詞表靈官，引進真官，章中功曹玉女，從事直符，虛空雲路翊衛仙僚，五體真官，身中萬神，臣聞存真念道，冀通梵炁之高。拜表騰章，未徹教中之妙。徒按彝章而就事，深知凡骨以非仙。輒籍恩私，以二十四神而飛章紫極。仰依覆育，由三十五分而總炁上玄。但以想念不精，薦陳爽禮，仰

攀霞仗，幸沐俯臨。恭戀雲輿，誠難後從。願曲原其狂僭，冀終錫以生成。所請所祈，能通能應。懷恩實切，俛首知歸。引領天衢，再拜奉送。

### 送聖頌。

### 高功長跪，納官。

臣奏章事竟，所出身中五體真官，功曹使者，各從衆妙之門而入，在左還左，在右還右，彌綸天地。直使功曹，主領檢押，各歸本位，安穩金堂玉室，毋令差互。後召復到，一如故事。

### 十二願。

### 復爐。

香官使者，左右龍虎君，侍香諸靈官。當令臣拜章之所，自然生金液丹碧芝英。百靈衆真交會，在此香火爐前。令臣學道得道，求仙得仙，齋官受福，天下蒙恩，亡靈受度，幽爽升遷。十方仙童玉女，侍衛香烟，傳臣所奏所啓之言，速達徑詣至真無極大道昊天玉皇上帝御前。

### 出戶下壇。

### 師幕稱謝。

退入靖室。

章官醮位。

上元道化唐真君，  
中元定志葛真君，  
下元護正周真君，  
三天門下上章詞表靈官，  
三天門下引進仙官上官典者，  
治中建節監功大將軍，  
治中炁中官將，  
呈章通章從事，  
錄章校章從事，  
定章刺章從事，  
印章禦章從事，  
齋章從事章中官將，  
法中飛章從事促炁功曹，  
三五功曹左右官使者，  
五帝直符玉童玉女香官驛吏，  
四部監功謁者驛亭令丞，  
察姦執正諸官君，  
收邪食炁諸君官將，  
陰陽神決吏，  
科車赤符吏，  
罡風騎置吏，

驛馬上章吏，

傳言玉女書佐官吏，

三元四始二十四炁神君，

天門引進神吏守衛官君，

六十甲子諸官君，

今年某太歲尊皇君，

十干當直功曹將吏童子，

十二時直主者，

三界四直功曹傳奏直符，

監察考召諸司官將，

洞天福地靖廬治化靈官將吏，

山林孟長山川溪谷靈官將吏，

九州分野社稷正神，

當境城隍社令根源本始神司等神，

當境土地里域正神，

章中千乘萬騎一切真靈。

允中師授章法，乃洞玄靈寶之道，兼章出於古科，有如正一之宗。世所常行，與靈寶之品，其官將吏兵，大同而小異。至於飛神謁帝，存想施為，則靈寶與正一，全不相類。非對天盟授，不容顯宣。如玉清之品，洞真之部，不出章奏之格，古今之所共

知。近世天台法中，却謂心章之類玉清，合用通章印。此其見神霄籙內載通章印，遂創此說。不知印文，乃靈寶昇天大券也。又謂洞玄部，合用九靈飛步章奏印。夫九靈飛步，乃拜章之作用爾，古無。司局立此印名，指為洞玄部，則非矣。又為洞神部，用黃神越章印。此印亦非專主正一之宗。蓋彼不考其詳也。蔣氏《立成儀》則謂齋法出於靈寶，而章奏始於正一。蓋其源流，嗣法於正一之宗壇，而天師合從本科上章，故不旁考靈寶也。從《立成儀》之論，須不用靈寶本科，且不失正一章奏之式。是刻鵠也，亦為稍穩。儻不考洞真部本無章式，從天台而自分三洞拜章，恐不免違戾教典是爾。世有謂三五飛步為正一章法，九靈飛步乃洞玄部之行用，至有取神霄官將吏兵，混同拜章者。須神霄之教，盛於宋朝宣和間。而神霄未行之先，靈寶之科降世久矣。元不與神霄相雜。故近世叅行大洞，

益以神霄，却行靈寶，遂謂之玉清靈寶者，似覺詳盡，而古來未見此格也。夫洞玄靈寶拜章之法，當行功於平居閑暇之時，習炁鍊神，升虛入妙。在內則謂之十轉回靈，在拜章則謂之元網飛步。臨壇之際，不復紛紜舉措，手搯足行。惟令道衆，以香爐四枚，安於拜壇之四角，皆烈火豐香。纔候高功拜伏，即以四符焚於四角香爐內。高功遣官畢，捧章授道衆，齋章往焚燎，高功隨即伏章。所謂寂然不動，感而遂通，當致力於平時也。此則與正一存想飛神，大不同矣。惟傳此宗派，受此法術，書此章式，以此聖位，用此印記，習此功法，自始及終，從表至裏，悉成一家，始有感徹。若竊此一二行用，以增益舊學。或以傳法之士，耻於見從，其印篆文移，章式銜位，不伏改定，却取元網飛步之名，以詐世俗，則道有常，憲不可欺。上清靈寶大法卷之二十五

# 上清靈寶大法卷之二十六

洞玄靈寶法師南曹執法典者

權童初府右翊治金允中編

## 六幕啟謝品

君前用表，禮也。太子諸王以至宰執大臣，用箋用啓，亦禮也。此世法也。道家古來立教之初，止有章詞，中古以後，體效世法，遂有文檄表狀。夫既參古典，而約以禮經，則六幕合用箋文。舊格用表於師前，戾乎禮法矣。近者有用疏者，及考漢唐朝臣論事皆用疏，如宋之上殿劄子之類。今師前之疏，乃叙事於前，而以排句四六之文作右語，此又非古之疏體。故止從古者，上太子諸王之例用箋，於禮不悖，乃為適中。謹按《文選》有晉梁箋九首。內二首上太上箋，則稱臣。其首云：臣某言。其末云：死罪死罪。其餘與朝廷元輔并諸王，皆不稱臣，首末一

同，並無中謝。若宋朝令格內箋式，則與今之表相同，只改頓首為叩頭，却不稱臣。允中從師傳，止於天帝前用奏牘上表，其餘列具並用箋。通考古今之式，則體太子之例，用箋稱臣。儻依晉梁舊體，以散文為之。或從今制，則對偶排語。亦從其便，須更典則，無虧不為。致君臣一等，其中言詞，却以簡切，而無褻瀆為尚。若務文詞華麗，牽引故事，如几世朝廷表箋體，則於道典違科，誠非以實應天之本意也。允中所述，姑待一時之用，非敢執為定式。高才博學，練達科教之士，自以雄深雅健之文而易之，尤幸也。

### 啓六幕壇箋六式

#### 啓玄師

臣某言，臣今月某日，為某人修建某齋為某事，以今肅啓建壇者。

臣聞龍漢開圖，包萬天之祖炁。

赤明啓運，列三洞之明科。既宏濟度之端，遂有齋修之格。輒遵師訓，仰叩天闈。臣不揆么微，濫司教典。舒壇闡

事，庸罄竭於齋盟。列款騰詞，以敷陳於哀慄。况奉精虔之懇，恭摠朝奏之儀。儻非仰賴於

師慈，豈獲上通於

帝闕。恭惟

玄中教主大法師靜老天尊，

道均天地，

化並陰陽。陶鎔萬象，而自不以為

功。訓育三才，而物皆被其澤。俯

察告齋之至願，不違立教之初心。

接引愚迷，矜憐迫功。冀章詞之上

達，保齋直以無魔。俾茲一念之忱，

上徹九重之聽。謹奉

箋陳啓

以聞。臣某叩頭，惶懼死罪，謹言。

年歲次 月 日具法職臣姓某上箋。

#### 啓五帝

臣某言，臣今月某日，為某人修建某齋為某事，以今宿啓建壇者。

臣聞混茫資始，分

三炁以凝真。浩蕩裁形，列

五方而作鎮。典功過之錄籍，司懲勸

之權綱。將賴帡幪，敢摠情懇。伏念臣

生身塵濁，受性昏庸，偶藉夙緣，獲依

冲廕。既奉

正真之教，敢宏濟度之科。肅壇禪以

朝修，列

詞章而關啓。非仰干於

鑒錄，豈能遂於

感通。恭惟

中央黃帝天君，

北方黑帝天君，

西方白帝天君，

南方赤帝天君，

東方青帝天君。

毓妙劫初，融神化始。

佐乾坤而拱極，

秉造化以司方。

恩浹萬生，

利覃羣品。專體精誠之禱，俾成齋直

之功。悃誠上徹於九霄，

惠澤遐霑於六合。百靈效職，十地開

光。謹奉箋啓

以聞。臣某叩頭，惶懼死罪，謹言。

年歲次 月 日具法職臣姓某上箋。

啓三官

臣某言，臣今月某日，爲某人修建某齋爲某事，以今宿啓建壇者。

臣聞至仁闡教，垂濟度之明科。

大道宣慈，列齋修之教典。人天同福，

幽顯均休。輒錄凡悰，上陳淵鑒。伏

念臣蠢愚濁質，瑣陋庸資，夙際善因，獲

陶真化。愧才能之謏薄，念識見之昏

蒙。行道建齋，乃謬當於首職。濟生

度死，慮難格於高穹。匪賴成全，曷能

就事。恭惟

下元水官帝君，

中元地官帝君，

上元天官帝君。

斡旋萬化，

掌握三靈。羣生悉隸於統臨，衆善咸

歸於

校錄。况屬齋盟之始，敢干

考察之司所冀。騰啓

九清，關聞

三界，赦愆宥過，俾齋直以無魔，鍊魄

陶魂，庶幽沉之獲度。曲停

仙仗，

俯察齋功。謹奉

箋陳啓

以聞。臣某叩頭，惶懼死罪，謹言。

年歲次 月 日具法職臣姓某上箋。

啓天師

臣某言，臣今月某日，爲某人修建某齋爲某事，以今宿啓建壇者。

臣聞運偶真期，播

靈風而育物。

天開神化，宏

至道以垂文。

昭示典彝，

作成今古。爰徵

慈佑，庸啓清場。仗念臣宿藉善因，早

濡惠澤。愧功能之未立，念濟拔之當

勤。况承虔切之辭，敢伸關告。恭按

典章之格，用竭修崇。

實藉提携，庶期感徹。恭惟

三天扶教輔元大法師正一靜度顯佑真

君，

稟資道粹，

分炁魁靈。功拯世於萬方，

職侍宸於三境。



陶鎔末學，  
接引將來益恢。

立教之恩，  
俯錄告齋之愆。伏願謄詞天闕，  
頒命地司，降法錄三洞之官君，  
勅經科十方之將吏，

稟符受

令，啓道開關。俾齋直之圓成，庶幽顯  
之昭泰。謹奉

箋陳啓

以聞。臣某叩頭，惶懼死罪，謹言。

年歲次 月 日具法職臣姓某上箋。

啓三師

臣某言，臣今月某日，爲某人修建某齋爲某  
事，以今宿啓建壇者。

臣聞運肇重玄，列萬途而布化。

祥開三洞，總

衆妙以流輝。

昭示典彝，

恢張矩範。僭孚愚悖，仰冒

靈司。伏念臣拯幽護明，功莫先於齋

福。謄詞列款，事實隸於

師垣。况奉堅誠，式稽舊典。欲期

感格，須仗

恩矜。恭惟

靈寶度師君，

靈寶籍師君，

靈寶經師君，

立教初元，

垂科永劫。惟

經籍度之累洽，傳

道法錄之羣書。

曲軫深仁，

俯憐後學。伏願

特迂真馭，

俯駐皇壇。俾齋直之就成，庶詞章之

上御。謹奉

箋陳啓

以聞。臣某叩頭，惶懼死罪，謹言。

年歲次 月 日具法職臣姓某上箋。

啓監齋

臣某言，臣今月某日，爲某人修建某齋爲某  
事，以今宿啓建壇者。

臣聞道啓冲科，遂列齋修之格。

教敷真蔭，乃分

典領之司。事仰隸於

玄曹，誠用攄於凡愆。尚祈

淵鑒，俯錄齋盟。伏念臣幻網結垢，庸

昏受質。本無達識，冒玷玄班。既承

齋主之傾衷，恭勵法流而孚

告。祈顯幽之共濟，庶遐邇以霑

休。匪仗

鑒觀，豈容成就。恭惟

靈寶監齋大法師真君，

鍊真累劫，

宏化萬方。

恩普浹於迷途，

澤廣周於後學。略停

仙仗，

千靈翊衛於玄壇。

少振典儀，

三炁充盈於法界。謹奉

箋陳啓

以聞。臣某叩頭，惶懼死罪，謹言。

年歲次 月 日具法職臣姓某上箋。

謝六幕散壇六箋

謝玄師

臣某言，臣今月某日，昨爲某人崇建某齋，  
已遂圓成者。

臣聞天覆萬有，塵愚俱賴於陶成。

教出九清，幽顯悉蒙於

開度。遂令末學，獲畢齋修，敢罄凡

悰，荐干

冲聽。伏念臣建壇行道，須仰

藉於教科。思神念

真，實難全於

典格。臣等微行淺陋，進止乖疏，性愚

識昏，詞章褻瀆。幸關行之既畢，念違

戾之誠多，拊己自漸，捫心有慊。恭惟

玄中教主大法師，

功超十極，

位列三天。

綱紀陰陽，

恩普霑於六合。

扶持造化。

教廣被於萬方。遂令草芥之微，竊冒

師尊之庇。伏願

大垂矜憫，

曲賜慈憐。原貸深愆，削

五帝四司之籍。

鑒昭凡悃，超三途九獄之魂。

澤被無窮，

恩霑有識。謹奉

箋稱謝

以聞。臣某叩頭，惶懼死罪，謹言。

年歲次 月 日具法職臣姓某上箋。

謝五帝

臣某言，臣今月某日，為某人崇建某齋，已

遂圓成者。

臣聞元梵萌輝，

靈機運化。

惟度人之無量，故

拯世之有經。

幸依典錄之恩，獲畢齋修之禮。敢殫

下悃，荐瀆靈威。伏念臣稟質卑，微賦

資愚，鈍身濫膺於符籙，學未達於

典章。列款盟心，難抑來誠之切。謄

詞展敬，遂全法席之終。慚無善之可

書，徒積愆之是懼。非祈

憫濟，難冀

原容。恭惟

中央黃帝君，

北方黑帝君，

西方白帝君，

南方赤帝君，

東方青帝君。

與道分真，

隨天肇粹。

校萬靈之陞黜，

運五炁之循環。塵凡悉在於

矜包，幽顯咸依於

覆育。願勒修齋之渺福，

曲寬戾格之深辜。苦爽遷神，

昭六天而清泰。含生遂性，

寧萬類以安平。謹奉

箋稱謝

以聞。臣某叩頭，惶懼死罪，謹言。

年歲次 月 日具法職臣姓某上箋。

謝三官

臣某言，臣今月某日，為某人崇建某齋，已

遂圓成者。

臣聞瑤壇崇啓，既霑

鑒應之恩。

玉節旋回，敢罄

禱祈之悃。奉

彝章而荐愬，仰

靈眷之再孚。伏念臣季世凡資，塵勞末

學。一念無統，莫知修進之階。百過

未消，豈鍊齋修之典。徒按儀而就事，慮違式以成愆。深知

譴罰以難逃，敢露忱誠而自訟。恭惟

下元水官帝君，

中元地官帝君，

上元天官帝君，

尊臨九府，

攝制三元。神人悉隸於

校量，幽顯咸資於

陶鑄。憫茲蠢昧，

賜以寬容。

赦失格之深辜，

宥同齋之衆過。

恩覃三界，願紀勒於齋功。

澤被十方，

普超升於滯爽。謹奉

箋稱謝

以聞。臣某叩頭，惶懼死罪，謹言。

年歲次 月 日具法職臣姓某上箋。

謝天師

臣某言，臣今月某日，爲某人崇建某齋，已

遂圓成者。

臣聞元綱啓蘊，

開濟幽度世之科。

真教垂文，

列闡事修齋之品。遂令末學，獲畢善

功。伏念臣體未洞真，才非格物。誦

經行

道，輒祇事於

彝章。犯

禁失儀，實有虧於

成典。惟藉

師尊之宥。庶寬凡陋之辜。恭惟

三天扶教輔元大法師正一靜應顯佑真

君，

天目誕靈，

雲臺鍊秀。感

玉局再臨之駕，

傳琅函千軸之書。

願憫凡才，

益恢洪誓。

扶持隱顯，

曲行紀善。以頒

恩原有愆非，免俾因齋而獲罪。暨諸

有識。同證無爲。謹奉

箋稱謝

以聞。臣某叩頭，惶懼死罪，謹言。

年歲次 月 日具法職臣姓某上箋。

謝三師

臣某言，臣今月某日，爲某人崇建某齋，已

遂圓成者。

臣聞妙本無言，

隨機而設教。

元樞著式，

應物以宣慈爰。因典則之恢宏，

俾迪齋修之成就。不慚累

瀆，再貢誠

祈。伏念臣猥以凡微，叨承

化育。自顧謬庸之品，僭班

濟度之司。建

壇席而行

香誦

經，奉章詞而濟幽度顯。

幸關宣之畢事，愧終始之違科。非仗

師恩，豈逃冥譴。恭惟

靈寶度師君，

靈寶籍師君，

靈寶經師君。

翊天典教，

宏道傳真。

振清化而不窮，

播神休而罔極。

曲矜末學，

削罪籍而宥愆非。

俯錄齋忱，

紀善功而昭

惠澤。

十方均慶，九夜蒙

休。謹奉

箋稱謝

以聞。臣某叩頭，惶懼死罪，謹言。

年歲次 月 日具法職臣姓某上箋。

謝監齋

臣某言，臣今月某日，為某人崇建某齋，已

遂圓成者。

臣聞立儀闡事，爰遵齋直之規。奉

教行科，實籍

鑒觀之澤。敢終愚悃，荐冒

靈慈，伏念臣素乏青才，幸霑

玄廕。典章莫練，濫居

濟度之班。存念未真，謬列關膺之職。

雖勉強以事竟，驚違戾之愆深。輒賴

矜容，亟伸悔

謝。恭惟

靈寶監齋大法師真君，

主權科範，

典錄教綱。已

蒙成就於

善功，尚冀原除於重譴。伏願膺詞

九極，關告

諸司。勒齋福以無窮，

渙真休而普浹。合壇法衆，

咸消紀過之編。率土含靈。

盡迪有生之樂。謹奉

箋稱謝

以聞。臣某叩頭，惶懼死罪，謹言。

年歲次 月 日具法職臣姓某上箋。

允中依按杜廣成齋科，列六幕次序。

參酌古今典禮，故用箋文。惟五帝

近世多以為五老上帝，遂列位作東

方青靈始老天君之類。但五炁在天

中，則為五老上帝，在天文則為五

星，在地則為五嶽，在事則為五常，

在物則為五行，在神則為五帝，是東

方青帝威靈仰之類是也，在人則為

五臟。夫五炁無往而不在。但五老

上帝，乃五炁之根宗，天中之上帝。

若糾察凡人之功過，典錄世間罪福，

恐非天帝所當下臨。故玄中法師主

領教綱，而三官五帝攷察功過，此五

帝實三界之有司而已。若東方青帝

靈威仰，南方赤帝赤燂怒，西方白帝

白招矩，北方黑帝叶光紀，中央黃帝

含樞紐。蓋舊來有經中注解，即以

此五帝為五老，已恐不安。而有青

帝司春，赤帝司夏之類，乃五方帝

也。此則當與三官，同為考察之司。

此外五帝之位，尚不止此。酌其事

體，則齋壇之位，只用東方青帝，南

方赤帝，西方白帝，北方黑帝，中央

黃帝。乃為通義，不必指五老上帝，

以為定制。况先儒論五帝，古今未

有酌義。而司盟齋事，乃三界有司

之職。故位在玄中之下，而與三官

同列，是尤不可定為五老上帝也。

貫通經教之士，更詳考之。又重序

于醮謝聖位內矣。

上清靈寶大法卷之二十六

# 上清靈寶大法卷之二十七

洞玄靈寶法師南曹執法典者

權童初府右翊治金允中編

## 奏申文檄品

神仙之門戶不一，而立功濟世為首。故法錄行持之士，宜勉力於教科。既未能通真達靈，凡有請祈，須仗文檄。然須言辭有理，亦要典格無虧。有如朝廷疏狀，尚有定格。高天上帝，無極至尊，豈可妄亂褻瀆。主領齋醮，職在關宣通達悃誠，利濟幽顯。既在練達科教，要在少通文辭。况黃籙大齋，人天所重，全在高功立意措辭。不當隨順俗情，鹵莽備奏，於理窒礙，決難感通。科法之中，事先關奏，故以奏申文檄，隨法應用，而不敢略也。

## 奏狀式

具法位臣姓某，誠惶誠懼，稽首再拜上言。臣入意謹錄狀，上奏

某帝尊玉陛下

臣恭望

天慈，允臣所奏，特賜頒降施行。臣干冒天威，下情無任惶懼，待罪之至，謹奏。

年歲次 月 日具法位臣姓某 奏。

此一奏式，世人用之者少，浙中尤不識此格。允中師傅一宗，行之久遠，仍只用於三清上帝、昊天北極天帝而已。蓋以三清天尊，即玄元始三炁也。三炁為萬化之根源，三界之宗祖。生育天地，肇造陰陽，無形無名，難思難識，號為天尊，蓋強名之也。至于昊天上帝，為萬天之主宰，統御萬靈，上應玄炁。北極大帝，總錄萬星，為天之樞紐，上應元炁。天皇大帝，現象則居句陳之下，位亞紫微垣，上應始炁。三界之外，六極之中，莫尊於此矣。故用此奏牘，略如章首之文，不敢於世間常禮瀆之也。故其所乞，亦不敢繁辭，只乞頒降施行而已。至於請醮則於上帝之前，只云欲望天恩鑒錄，可也。

奏狀前貼黃在銜位之右，黃上之字

行，與狀字行，疏密相同。貼與上言字平行，以單數。狀後倚黃云：乞付合屬真司，頒降施行。貼在年月之右，通倚黃上，用印，如世間奏狀式也。

## 內封皮

某天尊玉陛下 具法位臣姓某謹封

## 方函

奏 狀 謹 上 詣

三天門下天樞院進奏 具法位臣姓某謹封

方函上或云奏狀，謹上詣

三天門下天樞院，投進。亦可仍別狀，申天樞院，謂之引進狀。單發一通，則附奏狀函內，如累牘則開列申狀，別函申天樞院。此則猶世間奏狀，別申門下省也。

## 申天樞院狀

具法位臣姓某，

今為某事，見行錄狀，上奏天闕，須至申上者。

右謹具申

三天門下天樞院主宰高真，俗望真慈，

特與通進施行。某干冒真威，不勝惶恐，謹狀。

年歲次 月 日具法位臣姓某狀。  
允中考之教典，而高天主宰，亦有可知者，亦有不可窮者。若非洞徹玉清，面朝金闕，固不宜私見臆度，妄撰名位也。今於天曹省府，只稱主宰高真，免犯禁忌。正典不出，而世間所傳呪之書，難於據憑也。上界諸天尊，諸天帝，道君，元君，天君，若天尊天帝，則正典位號。如道君，則紫微上官明皇道君之類是也。元君，則萬炁祖母元君之類是也。斯皆與諸天帝相同，並用奏狀，則如世間奏狀式。近世傳受法書，妄立上真名位，不可備述，並不在此例。如天師而過呼天君，追魂玉女而呼元君者，其為紊亂典章，尤甚。斷不宜因迷蹈誤也。戒之戒之。

奏式

具法位臣姓某，

右臣謹據入意，謹錄狀，上奏

某帝尊陛下。欲望

天慈，允臣所奏，特賜如何施行。臣干冒天威，下情無任惶懼，戰慄之至，謹狀。

歲次 月 日具法位臣姓某奏。  
已前後貼黃，並同世法方函，則隨所詣官闕。若非正典所載，不得撰立官闕名號。本欲異於他人，以誑世俗。殊不知褻瀆上象，自貽天憲。愚者襲之，愈誤後學，切宜遵古，可也。若世間奏狀，亦有先具銜位，次錄事因，後起右列者。道家近用之，全依世間格也。

世格奏狀

具法位臣姓某，

準格或據詞入意，須至奏

聞者。

右所據已，如何施行，欲望真慈，允臣所奏。謹錄狀奏

聞，伏候

勅旨。

年歲次 月 日具法位臣姓某狀。

世間格內又一式  
具法位臣姓某，

右臣入意，謹錄狀奏  
聞謹狀。

年歲次 月 日具法 狀。  
前後貼黃，並如常式。但世間之格式，惟道家所奏帝尊位號不一，難悉得其傳授。近世多用此二式，而添入聖位，是又與世法大同而小異矣，如章文之狀，惟允中一派用之。從世俗者，多止用此世間之格，自從事宜也。

上界列真，日官月府，五星四曜，北斗三官，四聖五師，高天上輔，玉帝貴臣，天曹主執，上境諸司，並用申狀。

嘗謂齋醮之儀，闕宣之典，文移奏告，利害不輕。近世所行，或於七元五師，上界列真，悉用奏牘。甚至泰玄都省，亦有用奏狀者。且故依效近世朝廷名位，自行注擬高真，隨意褻瀆。且如玄中法師，雖為科教之宗，然於天則臣也。或者以為老君

化身行教，而正典未見出處。設使果是老君分炁易形，亦不可尊為帝也。蓋始炁居於太清，則為天尊也。若化形而行教，且曰玄中法師，是三境之臣也。老君先天立教，歷劫度人，不可備舉。至周為柱下史，隱名易號，託質人寰，志在度人，無拘高下，當此之時，不過周室之臣爾。及其紫炁度關，青牛返闕，凝真霄極，正位太清，當此之時，謂之天帝，謂之上帝。故分形下降，臣事周室之時，不以為卑。炁返高穹，君臨上境之時，不以為尊。本於妙有妙無之間，隨其化現而名之可也。若為道德天尊，則天中之君也，合用章奏也。若為玄中大法師，則天上之臣也，合用申狀也。今欲徑指玄中為老君，則不然也。或者又稱玄中法師為靜老天尊，尤其謬矣。道經師三寶，蓋道不可名，因經立教。教典既立，非師不傳。齋壇之中，合崇宗本。故自道而經，自經而師，非以其位列三寶，而便為上帝。舊有羅天

醮位，及宋朝再加編考。當時道錄院叅稽典格，而五師之位，乃在三官四聖衆真之下爾。至如正一天師，尤不可誣之。按天師以東漢光武之世，生之於吳之天目山，後世嘗立神仙觀，是其所也。漢末永壽二年，飛昇於蜀。太上遣五帝使者，授天師位為正一真人。面朝九清，臣事三境。本傳并經籍昭然者。齋醮之科，師為宗本，別立專幕者，禮也。文狀之間，合用申牘，降於天帝，可也。豈應君前亦奏，臣前亦奏，可乎。陞天師、玉帝為一等，可乎。天師上昇之日，位方為真人，宋朝方上號為正一靜應真君，已自穹於天爵矣。或者又稱為天君。夫天君則與天帝並也。清微天寶，禹餘靈寶，大赤神寶，即三炁天君也。東方青靈始老天君，暨西南北中，則五方天君。天師得同此位乎。天師傳通經籍，九流百家，莫不精究，功成行著，拜命升天，其於體法名分之間，其嚴也審矣。茲睹世之愚夫，貢諛獻佞，

上之奏狀，呼為天君，又安得不振怒哉。第恐此等文狀，未必可通上境。無知之徒，敢致如此，良可驚也。上真名位，世莫得許詳。遵依古典而用之則可。若務過呼，以真人為真君，以真君為天君，以使者為使，則冒天禁甚矣。上界男真極尊者稱道君，女真極尊者稱元君，亦諸天尊之類也。今世但知杜撰過呼，甚至以女君過呼道君者有矣。及其經典不載之目，人自云某真知某院，某人為某主，某人總天省，唯其意之所欲，輒將天曹上聖，自加遷除，且矜己之所用異衆。吁世可罔也，而天可罔乎。天上之分司列職，嚴於世間。故神仙有上界足官府之語，毫分不可冒越，而庸人乃敢妄亂褻瀆。允中亦頗見此等行用之人，不為無報應也，而未知警省者尚多。今於上界列真，稱臣而用申狀。或者以為既稱臣，則當具奏，既用申狀，則不當稱臣。允中竊謂三代之時，陪臣於諸國之君，皆稱臣。其於天子，亦

稱臣。後世廢封建而為郡邑，天下一家，故不見陪臣之禮。人間奏申之格，秦漢已前，無昭然之文可考。但陪臣之上簡牘於其國，必不敢與天子同禮也。且君臣之分，天地之大經也。堯舜禹湯，文武周公孔子，作為教化，詔天下後世。其君臣之分，父子之親，夫婦之義，亦應天而立也。且以天文言之，日月星辰燦然可睹者，已肇於開闢之初，聖人未出之前。君臣之分，在天者素定矣。北極居於天中，與南極相對，為天之樞紐。日月萬星，隨天而轉，惟兩極不動，故天得以運也。北極居於紫微垣中，常現不隱。晉《天文志》曰：北極五星，在紫微垣中。北極，北辰最尊者。句陳口中一星，曰天皇大帝，居句陳之下。今按：天皇則位同北極，則天象中之君也。上則華蓋、句陳履之，左右則上丞、上衛諸星環之，中斗魁魁魁魁居其前，為喉舌之司。調理四時，斟酌元炁，出納帝命，總錄三界。外則天

市垣、太微垣、紫微垣，各有帝座，乃紫微垣之分司爾。周天萬象，日月星辰，悉總于北極，北辰在象，而衆星拱之，則此也。聖人仰觀天文，以考玄度，亦因其素定者而稽之。豈非聖人未出，上天已有君臣耶。且天市、太微兩垣，帝座尚不得以並北極，矧中斗之內暗曜二星，乃斗中之帝座爾。近世妄人，以《旁通圖》、《武威經》、《北斗錄》諸書，悉更變其名，撰作《璇璣法》，遂徑尊中斗七元，及斗中帝座二星，皆與天帝同列，文移章奏，一依玉帝之例。其為不典，可勝言哉。古科固有斗醮。夫醮者，道家總祭之名。非謂有醮法，而便尊為上帝也。以其事屬斗官，則總斗中衆真，而專醮之，以伸祈禱耳。安可以有專醮之儀，輒陞中斗星真以為天帝乎。法中有稱斗星為天之太尉者，有為天之上帝者，乃以其主宰而言。如東嶽進號天齊，功德可以齊天，非直以東嶽之神為玉帝也。古科有四十二醮，其中

如丁甲之將，八史之神，亦皆有醮。儻牽於專醮之義，則亦陞丁甲之將為大帝，可乎。自星界而上九清十極之鄉，非儒書所載，無象度可窮。然三洞正經，四輔真典，述之甚詳。夫玄元始三炁，聚而成形，為三境至尊。下則昊天、北極、天皇，上應三炁，宰御萬天，為天之主。允中今遵師授，及參考事宜，用第一等奏牘，謂不敢以世間常禮而瀆天。略體章格，古人祈告，率多拜章。今章文既不可常行，未免更用奏牘，則章文之餘意耳，而非正章式也。此一式世多未知，或止從常格而不用此，亦從便也。自此而下，諸天尊天帝天君，古科正典所載者，並用第一等奏狀。乃中古立教之後，用世間奏狀格也。而世間奏狀，不用聖位，以天下一君也。若天尊上帝，現象示形，不可悉數。今隨經科，有名號者而奏位，亦不一。所以不得不入聖位於狀內。若非正典所載，而近世法中稱呼者，皆不在此例。如以玄中為天尊，以



天尊為天師，為天君，其類頗多，皆不可憑據輕用。自非天尊、天帝、道君、元君者，一例用申狀。須位最貴，如上境之真君；權至要，如紫微垣之中，以至四聖上輔，天省高真，三官五師，日月星宿，悉從申例。却復稱臣者，謂行持之士，恐未能過度三界之上，徑為金闕之臣。或得道成真，不過受書洞府，蛻質空玄而已，故於上界衆真，亦當稱臣。猶古者陪臣之於國君也。不用奏狀者，猶陪臣不敢尊其君為天子也。設若行持之士，道尊德隆，自揆他日飛昇輕舉，徑陟九清，臣事三境，則於上界衆真，不必稱臣，不用陪臣之例。此則存乎其人，愚意恐地界法官，似未宜遽當此品。然不可謂世無其人，是以允中不敢妄議也。至於用表於師前，以後世之禮，君前方得用表。今乃用表於師前，於禮非便。所當體效古者，上太子以牋。《文選》及古書皆有格。故於師前，以牋易表也。若不分尊卑，不問典格，降

三清玉帝，與五師四聖，三官七元，皆為一等，乃並用奏狀，恐人間天上，理皆不然。如諸家法書，或立格式，令人用奏狀於五師七元者，亦一時有失契勘，不應因之而亂正理。

允中一介晚生，幸陶真化，罪緣深重，未遇至人，不練教科，識見短淺，非敢故為異論。欺世溢名，理之所不在，不忍甘心以從謬妄。且大塊未判，至道混融，簡策不形，無名可別。中古以降，科典宏敷，因世定儀，遂有關奏。既立文字，須按科條。後世妄庸之徒，或以為只據師傳，或以為只循舊式。然迷以傳迷，而執夫師傳，可乎。俗格礙理而因夫舊式，可乎。而狂詐之言，則云道以神會，天以心通，不專俟乎。文字之間如此，則果能出神面帝，大定朝元矣。其於奏申可停，表章可罷，苟事未免於形質之間，神未超空玄之上。乃大言誇張，以文過飾非，恐為昏迷之下鬼矣。奏申之格，名分所關，不可輕也。於人間而以臣為君，是亂天

下也。於高真而以臣為君，豈非亂天上乎。亂天下乎，其罪不容於誅。亂天上者，為無罪乎。天人一理，幽明一致。下俗而輕紊天規，雖天上不可亂也。然誅心之法，其罪為如何哉。人若以此而立身行己，為臣則不忠，為子則不孝。古者亂臣賊子，專致擅權當時。姦臣賣國之徒，先期尊崇之，以啓權臣之禍心。則此等人也，不恤謬妄，不顧禮義，詭詐為計，諂佞存心，其於冥間尚爾，於人世可知矣。行持之士，叨受一錄，獲傳一法，遽以不經之典，納諂於天，其於行事尚爾，於為人可知矣。蓋關奏之儀，教科所重。故允中不得不委曲而條列之。允中此論，可聞之於上帝，可白之於衆真，非私意也，非曲說也，非是己而抑人也，非已衆而沽譽也。千靈昭列，萬象森羅，實鑒允中之用心也。

#### 上界申狀式

具法位臣姓某，

右某謹據入意，須至申

聞者。

右謹具申

某聖銜。欲望

真慈，允茲申請，特與

施行。臣干冒

真威，下情無任，惶懼之至，謹狀。

年歲次 月 日具法位臣姓某狀。

中界下界，如酆都大帝，扶桑大帝，五嶽上卿，五嶽聖帝，暘谷神王，洞天福地主宰，九江水帝，泰山府君，地府六天，十洞酆官，凡有司及累經封爵貴典祀之類，當用申狀。前以司額，年月下具銜位。或狀前徑用銜位，亦可。

中界下界申狀式

靈寶大法司。

切照本司，據某處入意，須至申

聞者。

右謹具申

某聖銜，恭望

聖慈，允從申請，特與施行。謹狀。

年歲次 月 日具法位臣姓某狀。

中界下界之神位，次稍輕及，酆官泉

曲諸府，九州社令城隍，祀典太歲官君，神虎將吏，皆用牒。法官端楷僉名，細謹押字，不可輕慢無禮。且如州縣城隍，自來天心諸法，並行公牒。蓋法官濟人利物，事皆公行。兼中界有酆都大帝，五嶽聖帝，尊崇宜分高下故也。後世行遺失中，狂妄之人則大書押字，言辭輕瀆無禮。而退懦之士，至有城隍，亦有申狀者。過與不及，悉為失格。今具二等牒式。

靈寶大法司牒上某神。

當司據某處入意，須至移文者。

牒請詳前事理，云云謹牒。

年歲次 月 日牒。

具法位姓 押。

中界下界之神位稍輕，或祀典得額而未受封爵，或山川之正神未受封額，及法中將吏之次者，或尊貴典祀廟下分司之神，並用次等牒，則牒前不用上字。後只云故牒，於禮輕已。若祀典之神，雖不受今朝之封號，而是古之聖帝名王，忠臣烈士，生前位

號尊崇，至今廟食者。自當用申狀，不得一例行牒。且如越中有大禹廟之類，皆古之聖君，豈可輕忽。自宜酌量事體，施行可也。

牒式

靈寶大法司牒某神。

當司據入意，須至移文者。

牒請詳事理，云云故牒。

年歲 月 日牒。

具法位姓押。

中界下界神祇，位次卑者，及本司將吏，如天心中於嶽下借到將兵之類，並用帖。三洞四輔法錄，本有定品。今世法書，家數不一，流派散殊，將吏名稱無限極，不復在三洞四輔之內矣。若其高下位次，既不出正典，則在行其法者，自加詳酌。

帖式

靈寶大法司帖某神。

當司據入意，須至移文者。

帖云云故帖。

年歲次 月 日帖。

具法位姓 押。

功曹并本司吏兵用關

應關引，不可撰寫功曹姓名，所宜叮嚀。齋送關尾，不得用如違等語。法官行移，全賴功曹傳達。古今齋醮壇儀，皆以功曹為重。法官既未能乘空馭炁，非功曹何所倚仗。儻輒加凌慢，及寫如違，自干壇律等語。未審有違，則法官欲如何懲治。關後當云，以時傳達，切勿稽停之類，可也。正緣近世詭詐之徒，好異之士，私見臆度，杜撰法書。是致更易古文，增飾舊典，或取他書中符呪，添減撰集，妄置名額，自造印文，偽立天條，詐作壇律，千變萬化，惑亂世人，典格乖疏，行遣粗謬，以致侮慢典祀，憑忽正神，不識重輕，文移失當，有不可勝言者。高達之士，當深考是非，可也。

關式

靈寶大法司關某神。

當司據入意須至關行者。

右關某神施行，故關。

年歲次 月 日關。

具法位姓 押。

凡人家司命土地神，名位最小，可以指揮者，用劄。

靈寶大法司。

當司據入意，須至指揮者。

右劄付某神，仰詳事理，特與遵準施行，故劄。

年歲次 月 日劄。

具法位姓 押。

凡沿路土地發城隍牒，或嶽下申狀，不當關功曹者，用引。付土地傳遞前去。

靈寶大法司引。

當司今發某狀，前去某處，須至指揮。

右仰某處土地，某處等土地神，以次遞發。云云

年歲次 月 日引。

具法位姓 押。

凡關申之式，大槩如此。古者符法則出於經誥。若行移文狀，則體世法而為之。然師尊付授，其來久矣。所宜稍遵舊典。毋越禮經，輕重務得其中，言詞不致碍理。庶幾幽明可格，誠悃能通。若法職不合古儀，

行遣出於鄙俚，以致上真名位，亦加改更。三界神物，多換曹局。無非好奇尚異，以眩一時。如北斗星宮，却稱九晨玉闕之類，則以意妄加尊崇者也。如日宮稱鬱儀宮之類，則以經中別號而用之。似此尚多，皆為失當。所是黃籙之齋，顯幽并濟，古今之所重者。今略撰述奏申關牒一宗文字，以備修建。若其事體之重輕，行遣之詳略，却乃在高功臨事，自加裁度，非取一定之規也。預告以至散壇，但干狀牒，悉列于左。凡應授黃籙，投詞先期奏告。

奏昊天上帝

具法位臣姓某，

右臣謹據某府州縣鄉貫某人等投詞，擬就某處，啓建

無上黃籙大齋。上資

社稷尊靈，升神霄漢。

今朝皇帝，壽等乾坤。海宇乂寧，生靈昭泰，三途五道，俱冀升遷，九地六天，悉祈超濟。集茲善果，專為某人，薦拔宗祖先亡，保安五姻六族。臣

承茲精禱，不敢抑違，除已擇日開壇，修建別行，詳具上

聞外，謹先錄狀，上奏

太上開天執符御曆含真體道昊天玉皇上帝玉陛下。臣恭望

天慈，曲垂矜允，容臣奏行。仍乞告下三界合屬，有司照應。候開建齋壇，文移所至，悉與遵稟施行。臣干冒天威，下情無任惶懼，激切之至，謹狀。

年歲次 月 日具位臣姓某狀奏。

右用引進狀申天樞院

具法位姓某。

今為某人，修建

無上黃籙大齋。先期具奏

昊天金闕，須至申上者。

右謹具，申

三天門下天樞院主宰高真。恭望

聖慈，特與通進施行。謹狀。

年歲次 月 日具法位姓某狀。

預告申天省

具法位臣姓某，

謹據入意，除已擇日開壇，謹先次錄，奏

天闕外，須至申

聞者。

右謹具，申

三天門下泰玄都省主宰高真。欲望

真慈，特與敷奏

天闕，容臣奉行，仍冀取旨，告下三界合屬，真司照應。候開壇建齋，文移所及，咸令遵

稟施行。臣干冒

真威，下情不勝惶懼。謹狀。

年歲次 月 日具法位臣姓某狀。

預告申童初府

具法位臣姓某，

謹據入意，須至申

聞者。

右謹具，申

三天扶教輔玄大法天師正一靜應真

君，

真武靈應佑聖真君，

翊聖儲慶保德真君，

天猷副元帥真君，

天蓬都元帥真君。恭望

真慈，允今申請，特與敷奏

天廷。取旨行下三界合屬真司，依格

照應施行。仍冀容臣書行符命，給降靈

寶官屬。臣干冒

真威，不勝惶懼。謹狀。

年歲次 月 日具法位臣姓某狀。

預告申三官

具法位臣姓某，

謹據入意同前，須至申

聞者。

右謹具，申

下元水官帝君，

中元地官帝君，

上元天官帝君。恭望

真慈，允從申請。特與行下三元九府，

百二十曹，十方三界，應干合屬去處，

依格照應。仍乞容臣奉行，俾成齋事。

臣干冒

真威，臣下情不勝惶懼，謹狀。

預告申五師

具法位臣姓某，

謹據入意同前，須至申

聞者。

右謹具，申

靈寶度師真君，

靈寶籍師真君，

靈寶經師真君，

三天扶教輔元大法天師正一靜應真

君，玄中大法師。 恭望

師慈，同天省狀式。

預告牒九州社令

靈寶大法司牒上某州社令。 所屬分野州

名。

當司據鄉貫某人投詞，伏爲某人年月

日時生，於某年月日於某處身故。 今

來乞行，崇建

無上靈寶黃籙大齋幾晝夜，用薦超

生。 本司據詞難抑，除已錄奏

天闕外，須至移文者。

牒請詳前事理，即與牒諸州社令，關告

天下名山大川，城隍典祀，古跡靈壇，

考錄世人罪福，校量亡魂功過，主掌魂

魄，宰制冥途，應干合屬去處，悉令依

格照應。 凡遇文移所及，并與遵守施

行。 仍請前赴齋壇，同力協贊，俾遂善

功。 牒至，疾速依應施行。 謹牒。

年歲次 月 日牒

具位姓 押。

預告牒當處城隍

靈寶大法司牒上某州城隍主者。

當司據同前入意，須至移文者。

牒請詳事理，即與行下管內，名山大

川，及諸州縣城隍典祀。 同前結尾。

此黃籙預告，大略如此。 或欲詳盡，

則別增申牒者，臨時詳度而行。 但近

世多牒天下都城隍司。 及遍考典故，

並無所出。 如宋朝建都之地，亦止有

本府城隍佑聖王而已。 今駐蹕錢塘，

亦不過立臨安府城隍廟，已封顯正

王。 夫城者，州軍之城郭是也。 隍

者，城外之池是也。 蓋此神乃主城隍

之事，是一郡之所屬者也。 今若言都

城隍，則天下之大，恐不可總以一城

一池繞之。 雖秦始皇之長城，東自臨

洮，北至遼水，亦甫能繞東北之半而

已。 天下之大，既不共成一池城，則

稱都城隍者，未便。 夫城隍之稱，因

城池之建，而有神以主者爾。 今無如

是之城池，實難置其神矣。 以朝廷言

之，今無都城隍之廟。 以道典言之，

又無所出。 故今牒九州社令，隨其分

野，以布文移，可也。 近者亦有人指

冥中之他神，以其意義相似者，謂便

是都城隍。 殊不知城隍二字，難以言

天下，都作一城，盡繞一池也。 儻自

欲隨俗行牒，亦可。 但冥中無此神，

世間無此廟。 况黃籙科式嚴重，考錄

功過，神物司臨，自預告之後，一符一

字，不可妄用。 不考是非，公然印押，

關告文檄，豈宜不加謹審，使其別有

所據，實有此神，而不行文移，却不致

違背典格。 或無其神，蹈非習妄，以

取美觀，則冥譴可逃乎。 此說為博古

高識之士而言之。 愚陋俗夫，不學小

輩，必加竊笑矣。 學者更加考訂而行

之。

私家專薦，一名啓建，即用此齊

意。

具法位臣姓某。

右臣謹據某人投詞，伏爲亡過某年月

日時生，於某年月日時身故。 經今幾

日，未測升沉，齋信效心，摠誠列愆，修建

無上黃籙大齋幾晝夜。上資

邦國，普福寰區，開度五道三途，保寧九州四海。集茲善果，專用薦拔亡過某，超生度化，臣據詞虔切，不敢抑違，除已擇日建

壇次第修建外，須至先次錄狀，上

奏。云云。

已上申奏，狀關上界功曹，日時主者遞發。

上清靈寶大法卷之二十七

### 上清靈寶大法卷之二十八

洞玄靈寶法師南曹執法典者

權童初府右翊治金允中編

#### 奏申文檄品

#### 第二次奏

玉清，上清，太清，昊天，北極，天皇，地祇，東極。

#### 次申

天樞院引進，天省，玄師，三官，三師，五府，地府，水府，東嶽。

#### 牒

九州社令，當郡城隍，法中官將。

#### 奏玉清狀

具法位臣姓某。

右臣久玷靈司，素無善行。職在宏教，理合濟時。敢貢凡忱，上干

宸聽。臣謹據某等投詞，乞崇建

黃籙大齋。保國安家，拔幽濟顯，來

詞勤篤，不敢遜辭。已於某月日，預

期奏聞

天闕外。切緣黃籙科法，事極崇嚴。

臣么麼微軀，昏愚陋質，未明烝候，謬主齋修。慮魔障之莫除，致顯幽之

難濟。況普度魂爽，實為深切。若

非先次頒行，尚恐冥關拘滯。須至

錄狀。上奏

虚无自然元始天尊玉陛下。恭望

道慈曲垂憫錄先次

原赦臣夙世今生，深罪重過。俾無魔

障，許以敷宏。仍乞下

泰玄都省，照臣申請，亟賜頒降施行。臣

干冒

道威，無任戰慄，待罪之至。謹狀。

太歲 年 月 日具法位臣姓某 狀。

上清

太上道君洞玄靈寶天尊玉陛下。

太清

太上老君洞神道德天尊玉陛下。

昊天

太上開天執符御曆含真體道昊天玉皇

上帝玉陛下。

北極

中天紫微北極大帝玉陛下。

天皇

勾陳星宮天皇大帝玉陛下。

地祇

承天效法厚德光大后土皇地祇闕下。

度師云：三清玉帝，奏可用引進狀。

若北極、天皇，乃是星界，后土乃是

配天者，屬地界。此三狀不當發三

天門下。此亦金先生一時失詳也。

右七狀，并同式。用引進狀，申天樞

院，可漏子上簽聖位，方函上簽黃，

并云奏狀，上詣三天門下天樞院進

奏。

奏東極

具法位臣姓某。

右臣同玉清狀，須至錄狀，上奏

東極青宮太乙救苦天尊陛下。恭望

道慈，俯垂憫錄。特宏誓願，廣煥慈

光。普燭三界十方，天牢地獄，陰境冥

曹，應干昏衢夜府，咸令開霽。仍乞分

遣飛天神人，先次責勒冥司主宰，將一

應執對非魂，日下疾速結絕。疏出應

度之衆，發詣齋壇。及乾坤之中，九州

分野，遊神飛爽，有主無親，五道三途，

一切魂識，並令逐處拘集，一併俟候九

龍符命到日，遣至齋壇，領沾道澤施

行。臣干冒

道威，下情無任戰慄，待罪之至。謹

奏。

方函

奏狀謹上詣

東極青宮

再告申天省

具法位臣姓某。

右臣猥以庸資，叨承大化。未明烝

候，冒列班行。夙夜戰兢，罔知自

效。誓勒利濟，或報毫分。臣比據入

意臣，據詞虔切，不敢抑違。謹為祇

按典章，擇日修建，已於某月幾日，預

期申告外。切緣黃籙齋法，事極崇

嚴。而臣肉質凡夫，庸才淺學，謬當

重任。力豈能勝。兼欲修篆，應干

符籙，及先次行下有司，證結罪魂，

以時遣發。若非取旨施行，豈得早

遂感通，須至再具申

聞者。

右謹具，申

三天門下泰玄都省主宰高真。恭望

真慈，特與敷奏

天闕。取旨行下三界十方，天牢地獄，

陰境冥曹，應干合屬去處。責勒有司，

將見係薦執對，一應罪魂，日下疾速結

絕。疏出應度之衆，發詣齋壇。及九

州分野，五道三途，一切孤魂，並令逐

處城隍主者，社令里域等神，拘集前

來，伺候開度施行。臣干冒

真威，不勝惶懼。謹狀。

再告申五府

具法位臣姓某。

臣猥以庸資。云同省狀。

右謹具，申

三天扶教輔元大法師，

真武靈應佑聖真君，

翊聖儲慶保德真君，

天猷副元帥真君，

天蓬都元帥真君。同省狀。

申

玄中大法師。

申

靈寶度師真君，

靈寶籍師真君，  
靈寶經師真君。

申

下元水官帝君，  
中元地官帝君，  
上元天官帝君。

已上三申狀，並同天省狀式。

再告申地府

靈寶大法司。

當司據入意，本司據詞難抑，除已錄  
奏

天闕施行外。照得黃籙明科，事關  
幽顯，理宜廣度，庶成善功，須至錄  
狀申

聞者。

右謹具，申

北陰酆都大帝。伏望

聖慈，特與行下六天十洞，五嶽九幽，  
泉曲冥關，黃泉陰獄，中元地府，四十  
二曹，應干合屬去處。責勒有司，將執  
對罪魂，日下疾速取證結絕。疏出應  
度之衆，及九州分野，飛爽遊靈，五道  
三途，四生萬類，有主無親，昔亡往化，

一切孤魂。並仰逐處城隍社令里域主  
者，各行拘集，部送前來，祇領

天澤，以副上帝生成之恩。謹狀。

太歲 年 月 日具法位姓某錄狀。

再告水府

靈寶大法司。

當司據入意云同地府狀。須至錄狀申

聞者。

右謹具，申

水府扶桑東霞太帝。伏望

聖慈，特與行下九江四瀆，八海五湖，  
水國龍庭，溪源潭洞，溟泠水獄，下元  
三府，四十二曹，應干合屬去處。云同地  
府狀。

再申東嶽

靈寶大法司。

當司據云同地府狀。須至錄狀申

聞者。

右謹具，申

東嶽天齊仁聖帝。云同地府結尾。

牒社令

靈寶大法司牒某州社令。

當司據入意來詞誠切，理合奉行，

除已節次錄奏

天廷外。照得齋法崇嚴，真科隆  
重，合關三界，依應施行，須至移  
文。

牒請詳事理，即與轉牒，關告天下城隍  
典者，古跡靈壇，社稷冥司，陰宮神館，  
郊源道路，村谷山林，應干合屬去處。  
責勒所隸主者，將沉滯幽途，拘留里  
域。尚應考錄執對未除一切罪爽，並  
要日下，疾速取證結絕。疏出應度之  
衆，及浮遊四野，飛爽遊魂，五道三途，  
四生萬類，應干孤魂滯魄。伺候文移  
到日，悉行拘集，遞發前來，承領齋功，  
以時升度。事畢，具奏依格叙勳。謹  
牒。

太歲 年 月 日牒。

當郡城隍

靈寶大法司牒上某州府城隍主者。

當司據。入事同前。

牒請詳事理，即與行下管內，縣鎮村  
墟，山林溪谷，古跡靈壇，社稷典祀，應  
干合屬去處。皆同前牒。



牒官將

靈寶大法司牒上 靈寶官屬童初府官將。

當司據。入意同社令牒。

牒請詳事理，依準

洞玄靈寶經科，即與部帶吏兵，一合前赴齋所駐劄。奉宣天令，翻布符章，攝魄召魂，騰章進表，旁周三界，上極九霄，地府水府，陰曹冥域，文移所及，隨事感通。齋事圓成，奏勳如律。謹牒。

右件上境奏申，則關上界直符，日直主者，地府嶽府。申牒則關中界功曹，同逐處里域等神。

水府申狀，則關下界直符遞發。

黃籙再告之例，大略如此。若請命天廷，告聞齋事，則止奏上境。則不必申聞中下界，亦可。儻齋期尚遠，則告之後又三告，可也。今立第三告奏檢，以備行用。或齋期已近，擇日已定，則不必用前件再告文移，只預告之後，便以第三告之檢，作再告申發。更詳事體重輕，齋期遠近，臨事斟酌，務令適中，乃為盡善。或資

觀美，廣列文移，繁冗太過，則徒費爾。高識之士，更從長行之。

第三次奏

玉清，上清，太清，昊天，北極，天皇，后土，東極。

申

天樞院引進，泰玄都省，童初五府，玄師，三師，三官。

牒

官將。

奏三清三狀同式

具法位臣姓某。

右臣先據入意鄉貫某人投詞，稱某親年月日時生，於某年月日時在某處身故。乞行崇建

無上靈寶黃籙大齋幾晝夜。朝真行道，備物陳儀。上福邦家，保安寰宇。旁資含識，普度孤魂。集茲善功，專用薦拔亡過某魂，起生度化。謹取今月某日，於州縣某處，舒壇戴事。恭為關行，臣擬告行元始符命，金籙白簡，長生靈符，救苦真符，破地獄真符，拔幽魂真符，九龍符命，

太上救赦生天寶籙，靈寶本科諸真符命，混元神虎玉札。遍下十方三界，地獄冥曹。原赦三途五道，十類

四生。應度一切孤魂，及某人家九玄七祖，內族外親，與係薦某魂，出離幽境，悉赴齋壇，顯現形儀，以時受度。

謹再錄狀，昧死上奏

虛無自然元始天尊玉陛下。恭望

道慈，允臣奏請。所有前件符命，容臣奉行。仍祈道炁廣覃，特俾幽冥開泰。

臣干冒

道威，下情無任戰慄，待罪之至。謹奏。

奏昊天北極天皇后土四狀並同

具法位臣姓某。

右臣先據入意同前。謹再錄狀，昧死上奏

太上開天執符御曆含真體道昊天玉皇上帝玉陛下。恭望

天慈，允臣所奏。特降

救命，告下十方三界，應干合屬去處。普行赦宥，係薦亡爽，及各家宗祖親姻，三途萬類，一切幽魂，赴壇受度。

所有前件符命，容臣便宜書篆，次第宣行。臣干冒

天威，下情無任戰慄，待罪之至。謹奏。

奏東極

具法位臣姓某。

右臣先據入意同前謹再錄狀，上奏

東極青宮太乙救苦天尊玉陛下。恭望

道慈，允臣所奏。特敕飛天神人，下九

龍符命。遍詣十方三界，地獄幽關。云

寫皆同昊天狀式。

第三次申天樞院引進狀同前初式

第三次申泰玄都省

具法位臣姓某。

臣猥以庸資，叨承大化。未明烝候，

冒列班行。夙夜戰兢，罔知自效。

誓勤利濟，或報毫分。臣先據某鄉貫

某人投詞，稱某親某年月日時生，於某

年月日時身故。乞建

黃籙大齋，福國康時，拔幽濟顯。集

茲善果，資薦前件亡魂。臣謹祇率法

流，於某處舒壇立纂，列像陳儀。以

某日為始，宿啓建壇，攝召幽魂，修齋

啓事。於某日昧爽以後，三日九時，朝真懺謝，行香誦經，廣施無礙，斛食普度，十類幽魂，併係薦某魂，請烝鍊度，傳符受戒，俾遂超生。至某日修設三界高真清醮，三百六十分位，昭答

天恩。今者齋事有期，臣擬告行元始

符命，金籙白簡，長生靈符，救苦真

符，出離生死真符，東極青宮九龍符

命，太上敕赦生天寶籙，靈寶本法元

始符命，諸品靈符，混元神虎玉札。

遍下十方三界，地獄冥曹，赦宥亡魂

某，及其家九玄七祖，往逝宗親，四海

九州，三途五道，十類四生，幽魂滯

魄。出離陰境，悉赴齋壇。須至再

具申

聞者。

右謹具，申

三天門下泰玄都省主宰高真。恭望

真慈，允茲申請。特與敷奏天闕，取旨

告下三界陰曹主錄，亡魂應干合屬去

處。悉令依應，開扃啓閉，釋宥罪魂。

仍乞差降三洞四輔，經籙法中，官將吏

兵，法中官將吏兵，靈寶官屬，神虎追魂攝魄將吏。臣所行諸法中追攝官將，十方飛天神人，玄都金龍驛吏，茭龍驛吏，三界四直，傳奏直符功曹，玉童玉女，監齋直使，千乘萬騎真靈。付臣行司，頒命宣符，追魂攝魄，傳神達愜，營衛齋壇。俾遂感通，以福幽顯。臣干冒真威，不勝惶懼之至。謹狀。

第三次申五府

具法位臣姓某。

臣謹據。入意同省狀式。

右謹具，申

天師，真武，翊聖，天猷，天蓬。云同省狀。

第三次申玄師

具法位臣姓某。

臣謹據。入意同省狀式。

右謹具，申

玄中大法師，恭望

師慈。云同省狀式。

第三次申三師

臣伏睹黃籙齋法，策役萬靈，苟有謬

違，莫逃譴罰。如臣者塵途下士，季

世晚生。匪仗師恩，委難昭格。臣先

據云入意同前式。須至再具申聞者。

右謹具，申

靈寶度師真君，

靈寶籍師真君，

靈寶經師真君。恭望

師慈。云同前狀。

### 第三次申三官

具法位臣姓某。

臣夙籍微因，久承真蔭。冒膺法錄之

職，獲居利濟之司。誓盟之初，退墮

有譴。再申衷悃，荐瀆靈慈。臣此據

入意，至超生道境，臣據詞虔切，理合

關行。臣謹祇率同齋之士，恭就某處，

舒壇列象，備物陳儀。尅取某日，宿

啓建壇。至某日修齋行事。除已再

行錄奏天闕，告下符命，拔度召攝施

行外，須至錄狀申

聞者。

右謹具，申

下元水官帝君，

中元地官帝君，

上元天官帝君。恭望

真慈，允臣申請。特與行下十方三界，

三元九宮，二十七府，百二十曹，應干

合屬去處。悉令依格照應，符命所至，

根攝亡魂，疾速放停考對，不得拘留，

隨召赴壇，霑領齋薦。仍乞原有臣與同

齋法衆等，宿生今世，萬罪千愆。許容

奉行，俾無魔障，善緣成就，幽顯蒙恩，

實出生成之賜。臣干冒

真威，不勝惶懼之至，謹狀。

### 第三告牒官將

靈寶大法司牒上靈寶官屬童初五府官

將。

當司據入意同前三官狀。除已錄奏

天闕，告行符命外。今來齋事屆期，合

要急行。拘集天下一應孤魂滯魄，根

攝係薦亡過某魂儀，依時赴壇報應，須

至移文。

牒請詳已行請降事理，即與關告三洞

四輔，經錄法中官君將吏，攝召鍊度，

傳符達奏，十方三界，五嶽四瀆，監齋

直事，兵馬萬神，分靈布炁，駐劄行司，

通達文移，營衛齋事，傳符宣令，上表

騰章，攝魄召魂，關聞幽顯，周旋齋果，

事畢言功，錄奏

天廷，一如玄律。牒至幸疾速，依應施

行。謹牒。

恭睹

三境天尊號，曰虛无自然洞真元始

天尊，曰太上道君洞玄靈寶天尊，曰

太上老君洞神道德天尊，只得如此。

蓋三炁則大道也。本不可名，聚而

成形，故謂之天尊，乃不得已而強名

也。至於太上道君，太上老君之稱，

則見於古來經典。及其立教，則有

洞真、洞玄、洞神之分。是以三尊之

號，極止於此。近世天心正法中，則

稱玉清上帝，上清大帝，太清大帝，

此則以世法尊之，以主宰言之，謂之

帝。此外以意杜撰，好奇尚異，未免

褻瀆矣。

黃籙正奏及關申三界合屬去處

玉清，上清，太清，昊天，北極，天皇，后

土，東極，南極，木公，金母，九天，上

帝，三十二天上帝，五老天君。

已上並係奏狀。

申師補職，童初府祈晴，畫一申天省，

北斗，日宮，月府，九皇夫人，五星，二十八宿，南斗，玄師，童初五府，葛仙翁，許真君，天官，地官，五帝，監齋，採訪使者，救苦大惠，二真人，九天司命，九天司馬，三界魔王，黃籙院，南昌上宮，三元將軍，天樞院引進狀，五帝大魔王。

已上並係申狀。

牒神王，總牒將吏。

前項奏總申牒文，並關上界功曹，日直時直主者。

酆都，東嶽上卿，五嶽帝君，泰山府，洞天福地，靖治九壘，紂絕陰天宮，泰殺諒事宗天宮，明晨耐犯武成天宮，恬照罪炁天宮，宗靈七非天宮，敢司連宛屢天宮，泰素妙廣真君，陰德定休真君，洞明普靜真君，玄德五靈真君，最勝耀明真君，寶宿昭成真君，神變萬靈真君，無上正度真君，飛魔演慶真君，五化威靈真君，酆都高明司直，酆都東明真公，酆都西明真公，

酆都南明真公，酆都北明真公，鬼官北斗，酆都大禁晨，酆都中禁晨，酆都侍帝晨，酆都鬼官司命，酆都丈人宮，酆都北都宮。

已上並係申狀。

酆都變生府，酆都五道都府，

酆都泉曲府，酆都北天修門郎，

酆都北彈方侯，酆都南彈方侯，

酆都溟泠大神，酆都西明郎。

已上並係牒文前項，申牒關付中界

功曹，

九州社令，州縣城隍，太歲土府，

蒿里丈人。

已上牒文，引付逐處沿路土地傳遞。

水府，暘谷，漢江水帝，楚江水帝，

湘江水帝，澗江水帝，吳江水帝，

楊子江水帝，川江水帝，松江水帝，

荆江水帝。

已上并係申狀。

東海淵聖廣德王，南海洪聖廣利王，

西海通聖廣潤王，北海冲聖廣澤王，

江瀆廣源王，河瀆靈源王，

淮瀆長源王，

濟瀆清源王，馬當山上水府，採石山中水府，金山下水府，青草湖大神，彭蠡湖大神，丹陽湖大神，謝陽湖大神，太湖大神。

已上並用牒。二項狀牒，並關下界

功曹。

玉清狀上七御狀

具法位臣姓某。

右臣胎生濁質，末學庸資。幸承宿慶之深，叨佩靈章之寵。功能未著，罪戾已彰。惟有濟顯拔幽，庶可立功補過。是以不量微賤，輒瀆穹高。況奉誠詞，豈容抑絕。臣謹據某鄉貫某人投詞，乞行崇建

無上靈寶黃籙大齋。祝君康時，保國安家，拔度九先六族，普資五道三途。集諸善因，專伸追薦亡過某等魂，及保安某家見存眷屬。臣除已節次上聞外，今來謹為祇率法流，按儀修建。尅取某月幾日，宿啓建壇。自某味爽為始，三日正齋，九時朝奏，攝召係薦亡魂，及九州四海，萬類四生，五道三途，沉魂滯魄，享食受鍊，

證品超生。滿散修設清醮，三百六十分位，昭答

恩麻。庶俾幽關無沉溺之魂，斯民躋壽康之域。謹再昧死錄狀，上奏  
虛无自然洞真元始天尊玉陛下。恭望  
道慈，容臣開度。頒下合屬真司，照應  
施行。請降恩光，證明修奉。臣干冒  
道威，下情無任戰慄，待罪之至。謹  
奏。

上清

太上道君洞玄靈寶天尊玉陛下。

太清

太上老君洞神道德天尊玉陛下。

已上三狀同式。

太上開天執符御曆含真體道昊天玉皇  
上帝。

中天紫微北極大帝。

勾陳星宮天皇大帝。

承天效法厚德光大后土皇地祇。

已上四狀，並同三境狀式。三帝改  
云天慈，后土改云宸慈。

申天樞院引進狀如前式

東極狀

方函，上詣東極青宮。

具法位臣姓某。

右臣云同三境狀式。謹再錄狀，上奏

東極青宮太乙救苦天尊玉陛下。恭望

道慈，允臣奏請。特與申敕，十方无極  
飛天神人，救苦童子，合于官將吏兵。

遵照已行，請降九龍符命事理，遍詣十

方三界，夜府幽扃，考治之司，執對之  
所，應于合屬去處。開關啓閉，赦罪釋

冤，拔度係薦衆魂。以至四海九州，三

途萬類，遊神飛爽，一切孤魂。出離苦  
趣。悉赴齋壇，領霑宸休，以時升度。

臣干冒

道威，下情無任惶懼，待罪之至。謹  
奏。

南極狀

方函，上詣南極帝闕。

具法位臣姓某。

右臣伏念德薄罪深，自悲濁陋。豈期

昌運，獲被玄津。未際真師，無門效

報。敢勒濟度，少補夙愆。臣謹據入

事同三境狀。須至錄狀，上奏

南極長生大帝陛下。恭望

天慈，允臣所奏。特與告下南方丹天世

界，朱陵火府，差降鍊度官君將吏，下  
赴齋壇，治鍊所度亡魂，及五道三途，  
四生萬類，一切幽魂。上登朱宮流火

之庭，名書紫策，度化更生。庶使齋福

普覃，幽明均慶，萬方康泰，衆類昭蘇。

臣干冒

宸威，下情無任惶懼，待罪之至。謹  
奏。

木公金母，各一專狀。

世稱木公為東華丹林大帝者，別是  
一位，非木公也。金母有稱丹皇道

君者，亦別是一位。男真之極尊者

稱道君，女真之極尊者稱元君。又  
或稱萬炁祖母元君，此雖是女真，亦

別是一位，非金母也。古來羅天醮

位，可考此經誥疏出。不宜以世俗  
更易之。金木者，乃陰陽之根宗，鍊

度之所隸也。

木公狀

方函，上詣東華上相宮。

具法位臣姓某。

右臣輒忘微賤，僭冒穹高。尚祈寬恩，免加誅譴。臣謹據入事同前須至昧死錄狀。上奏

東華上相木公青童道君陛下。恭望

道慈，允臣所奏。憫憐末學，成就齋功。庶使澤及幽明，福周寰宇。臣尅以某日建壇，爲始鍊度魂儀。欲乞密降乾象之英華，特布真陽之生炁。治鍊係薦亡魂等，及三途五道，萬類四生，一切幽魂。即使九竅重開，百關再造，表裏洞徹，內外光明，返性聚神，知根復命，超登善境，共陟仙鄉。以至幽夜昭蘇，乾坤寧謐。臣干冒道威，下情無任惶懼，待罪之至。謹奏。

金母狀

方函，上詣西靈龜闕。

具法位臣姓某。

右臣云同前式須至昧死錄狀，上奏

白玉龜臺九靈太真金母元君闕下。恭望睿慈，允臣所奏。憫憐末學，成就齋功。臣以某日建壇，爲始鍊度魂儀。欲乞潛布西闕之靈津，特降真陰之妙炁。治

鍊係薦亡魂等，及五道三途，四生萬類，一切幽魂。即使九竅重開，百關再造，表裏洞徹，內外光明，反性聚神，歸根復命，超登善境，共陟仙鄉。以至幽夜昭蘇，乾坤寧謐。臣干冒道威，下情無任戰慄，待罪之至。謹狀。

九天上帝狀

具法位臣姓某。

右臣輒瀝丹衷，上干霄鑒。臣凡愚穢質，叨佩靈文。職在宣騰，教當濟拔。凡有披訴，敢不上聞。臣謹據入事同前須至錄狀，上奏

鬱單無量壽天帝陛下。恭望

天慈，允臣所奏。特與告下合屬真司照應，即使齋功成就，魔障不生，福被寰區，澤覃家國。乞降帝真胞命元元一黃演之炁，下布齋壇，灌鍊所薦亡魂某等，及五道四生，三途萬類，一切孤魂。即使回骸生炁，立影聚神，得沐玄津，重資道性，知根復命，咸遂生成。臣干冒

天威，下情無任，戰慄之至。謹奏。

右九天九狀，並同式。只改聖位及某炁，依生神章寫。

三十二天帝

用三十二狀，聖位照依《度人經》上寫。

具法位臣姓某。

右臣輒伸塵悃，上瀆叢霄。伏念臣季世駑材，覩顏覆育。叨承大法，德薄罪深。妄意宣宏，冀圖補復。臣謹據入事同前須至謹錄狀，上奏

太皇黃曾天帝陛下。恭望

天慈。允臣所奏。特賜恩光。俯燭鑒映齋壇。給降洞玄法錄，所隸官童將吏，靈寶官屬，依科受事，成就齋功。仍乞敷靈寶之慧光，法乾坤之造化。爲係薦亡魂某等，及五道三途，四生萬類，含情抱識，一切幽魂。蕩除昏翳，含哺陰陽，溟滓生津，立根受祖，恍惚有象，感炁凝神。庶使幽途無沉滯之魂，人世迪不平之慶。恩周家國，澤被華夷。臣干冒天威，下情無任，戰慄之至。謹狀。

太歲 年 月 日具位臣姓某 狀。  
上清靈寶大法卷之二十八

# 上清靈寶大法卷之二十九

洞玄靈寶法師南曹執法典者  
權童初府右翊治金允中編

## 奏申文檄品

### 青詞關

#### 靈寶大法司

本司今月某日夜，爲某人追薦某人，開建道場。所有齋官青詞，合行騰進。除望闕宣奏訖，今逐一用方函封印全，須至關發者。

右關某日某時，當直功曹使者，上界直符，捧詣三天門下投進。即請使騎星飛，靈車速駕，昇無極之天闕，赴合屬之宮曹。火急傳馳，以時奏進。庶使精衷上達，詞悃亟通。毋致稽停，早垂玄感。故關。

### 發五府申狀關

#### 靈寶大法司關 童初府時直使者。

當司隸名三天門下，通籍重明上宮，膺童初府之詞章，攝翊治所之職任，

遵行教典，合行科條。事應上聞，法許關告，當憑時直主者，逕達本屬真司。今有緊切申牘，須至關發者。

一申狀，一方函，封印金，上詣上清童初府申上。

右關某日時當直主者，請騰翔雲路，軒翥天衢，馳神騎於頃刻之間，達至悃於呼吸之際。詞陳速傳，官府即聞。如有故氣之妄侵，以致鬼邪而敢阻，即須攝赴天獄，速送冥曹，究其罪源，寘之玄憲。仍使箋牘之上達，早希報應之下臨。立待感通，幸毋稽延。故關。

### 發北斗狀關

靈寶大法司關 日時當直功曹二使者。

當司執職玄曹嗣法天省，攝濟顯拔幽之任，備除邪立正之司，法許申牘，格當關告。今有緊切文狀，上詣中天北斗宮，事應具聞，合行關者。

一申狀，一函，封印全，上詣

中天北斗九皇星宮申上。

右關某日時當直功曹二使者，控轡雲衢，騰身霄路。入罡風而穿灑炁，上徹

星宮，持封事而達凡忱，即聞斗極。如鬼妖之敢侮，或邪崇之妄干，即擒解所屬真司，攝赴就近天獄。庶使詞陳不壅，報應亟彰，立待通傳，切勿遲滯。故關。

### 發嶽府狀引

#### 靈寶大法司。

本司嗣法靈寶南曹，攝五元素府。理宜濟度，隱顯格當，關告幽冥地界之神，自應遵奉玄科之式，所合按行。今有急切公文，前詣嶽宮申上，特憑遞發，須至專行。

一申狀，一函，重封印全。謹上

詣東嶽帝宮申上。如申府，即云東

嶽泰山府申上。

右引某處里域土地，至東嶽下沿路土地，及地界合屬干係等神。請承領公狀，準此所行，以次轉遞齋持，逐處分明交度。勿違時刻，作急通傳。如有故炁干侵，以致下邪邀截，即須擒解泰山曹局，攝所屬城隍，盡理窮研，依律根治。所有公狀，仍與申聞，毋輒稽延，立須響應。

太歲 年 月 日時引。

發城隍牒引

靈寶大法司。

本司受命上穹，分司玄職，總錄顯幽之不典，督察妖異之亂常。依按科條，合移文牒。今有公牒一角封印全，前赴某處城隍司投下，須至專行。

右仰某處里域土地正神，仰承領引文，齋持公牒，前詣城隍主者神前。即時分明投下，急速傳達，亟切通聞。如有邪鬼干侵，妖異阻截，一就擒解攝行，究治罪源，寘之天律。須管公文即達，不請頃刻稽延。

太歲 年 月 日引。

告救苦符關

靈寶大法司。

當司今為某人，崇建某齋，拔度係薦某魂，及五道三塗，四生萬類，一切孤魂，今有符命，須至告下。

元始符命金錄白簡真符，

太上破地獄真符，

太上拔幽魂真符，

東極青宮救苦九龍符命。此符若作

專牒，則於關內除去飛天神人。

右關十方飛天神人，玄都茭龍驛吏，六道功曹，齋持符命，遍詣三界十方，冥關幽路，天牢地獄，嶽瀆靈司，分野名山，城隍里社，應干合屬去處。拔度亡故某人等魂，及五道三塗，四生萬類，一切幽魂滯爽。並與疾除罪簿。落滅惡根，出離冥關，悉詣齋所，領霑天澤，證品超生，不許稽違，有妨開度。故關。

太歲 年 月 日時關。

告長生符關

靈寶大法司。

當司今為某，崇建某齋，薦拔某人。今有長生靈符，須至告下。

右關金龍驛吏，齋持符命，遍詣南方丹天世界，超度亡故某人等魂，及五道三塗，四生萬類，一切幽魂滯魄。鍊神流火，度魄朱陵。火急奉行，毋得稽滯。故關。

太歲 年 月 日時關。

專發九龍符命關牒

靈寶大法司。

當司今為某，崇建某齋，拔度亡故某人

等魂，今有東極青宮九龍符命，須至告下。

右牒十方飛天神人，九龍符命使者，普詣三界十方，冥關幽路，黃泉夜府，嶽瀆靈司，分野名山，城隍社令，一切天牢地獄主者。咸領符命，拔度亡故某人等魂，及五道三塗，四生萬類，滯爽幽靈。赦滌愆非，解除考對，拔出地戶，超脫重陰，徑詣道場，恭承齋薦。請火急施行。謹牒。

太歲 年 月 日時牒。

正薦功德牒

靈寶大法司。

當司先據某鄉云云投詞，乞行崇建黃籙大齋，薦拔某人，超生善境。除已按科修崇，並已周圓，須至給牒為據者。

一某月某日具奏。

一帝申聞三界真司，預告齋事。

一某月某日第二次具奏。

天闕申聞上境真司，關告地水合屬去處，敷告齋事。

一拜奏，



素車白馬章一通，開通道路章一通，  
沐浴鍊度章一通，酆都拔罪章一通，  
昇度亡人章一通，救苦表一通，  
木公金母鍊度表一通，  
九天上帝表一通，  
啓師牋六通，謝師牋六通，  
青詞幾通，言功朱表。  
一齋壇告下，  
救苦真符，長生靈符，  
九龍符命，破地獄真，  
拔幽魂真符，神虎玉札，  
元始符命，普告三界符，  
歷關諸天符，敕制地祇符，  
出離生死符，太上敕赦生天寶籙。  
一請光破暗。  
一宿啓建壇。  
一敷露玉文。  
一正齋三日，幾時升壇轉經。  
一關點  
九獄神燈，破獄開關九卮神燈。  
一攝召魂儀，沐浴朝真。

一呪施雲厨妙膳。  
一普召五道三途，幽魂沐浴，朝真謁帝。  
一恭行水火鍊度。  
一修設  
三界高真清醮幾分位，上謝天恩。  
一投送  
三簡，紀勒齋功。  
一傳授  
靈寶上天黃籙一階。  
一給付  
昇天大券，昇天左右券，  
四鎮合同符一分，酆都山真形。  
一建立  
遷神寶籙，迴黃寶籙。  
一印給  
太上某經。  
一焚化  
某經，冥財。  
牒前件功德，並用資薦亡故某人。承茲善果，頓悟宿因，蕩塵漏以俱空，解沉迷而盡釋。萬類不着，一性自真。永離幽夜之鄉，早步逍遙之境。人間天

上，執此爲憑。故牒。  
太歲 年 月 日牒。  
齋事告終，謝恩設醮，乃召儀也。謂勞動神靈，召役將吏，合行酬謝。故於散壇之次，三獻效禮，與其餘醮設不同。是以正奏狀內，各請俯盼齋壇，故今不用請醮狀矣。凡文移所及之處，並列醮位，却逐一專狀獻謝。今列獻狀于左右，其餘醮告合專狀，請降者自從事而行。  
進獻狀  
具醮官臣姓某。  
龍車一座。  
右謹隨狀上進以聞。謹進。  
太歲 年 月 日具醮官臣姓某上進。  
具高功臣姓某騰進。  
上界列真獻狀  
具醮官臣姓某。  
雲馬一騎，  
金錢一分，  
右謹貢獻以聞，謹狀。  
太歲 年 月 日具醮官臣姓某狀。

具高功臣姓某騰進。  
中界下界獻狀

具醮官臣姓某。

雲馬一騎，

金錢一分。

右謹上獻，伏望聖慈，俯賜鑒納。謹狀。

太歲 年 月 日具醮官臣姓某狀。

具高功臣姓某。

發龍車狀關

靈寶大法司。

今月某日，為某修建某齋，滿散設醮謝恩，所有齋官進獻上帝龍車，隨狀以聞，須至關發者。

右關某日某時當直功曹，上界直符使者，請

上詣

天廷投進，不請稽延。故關。

太歲 年 月 日 時關。

三界醮儀關

靈寶大法司。

當司今月某日，為某人修建某齋。滿散，修設三界高真清醮幾分位，昭答

天恩。所有醮獻錢馬，須至關發者。  
逐一開具。

右關三界直符，年月日時四直功曹，里域等神，即請分司，逐一投達高極三天之上，旁周六合之中，預醮真靈，齋壇官屬，咸通致悃，各貢微儀。希神騎之速馳，庶醮誠之母壅。幸遵真教，上贊玄科。故關。

天省謝過狀

具法位臣姓某。

臣不避深譴，再露微衷。仰冀慈憐，始終寬宥。臣昨據云云投詞，崇建某齋幾晝夜。設醮謝恩，除已祇率法流，關行事畢。竊慮臣等資品庸下，性識昏蒙，不練教科，未能隱奧。犯違禁戒，謬度典章，朝謁非儀，奏申失格，詞章繁黷，符篆乖訛，以致舉結天司，名書黑簡。闔壇戰懼，無地措躬，須至申聞者。

右謹具，申

三天門下泰玄都省主宰高真。伏望真慈，曲垂省錄。特與敷奏天闕，仰希原赦。臣等自建齋至于滿散，一切罪犯，

削除過籍，湔洗瑕愆。庶齋福無虧，生靈蒙祐。臣干冒真威，不勝惶懼之至，謹狀。

太歲 年 月 日具法位臣姓某狀。

童初府謝過狀

具法位臣姓某。

臣不避深譴。同前省狀式，

右謹具，申

三天扶教輔元大法師正一靜應真君。列四聖位。恭望真慈。同前省式。

發狀關

靈寶大法司。

今發緊切申狀二函，上詣三天門下泰玄都省，

上清童初府，須至關遣者。

右關某日某時當直功曹，上界直符使者，速邁雲程，急馳飈馭。俾誠悃亟通於上境，庶詞章早徹於真司。佇俟神功，即昭玄應。故關。

太歲 年 月 日 時關。

右謝過二狀，以六幕諸真並有謝牋，惟天省并五府合行。首陳懲犯，天師已在六幕內。今申聞五府，又不

容除去天師一位。但不行此之士，主行自宜除此一狀，却專申天省而已。

### 又榜文

齋壇舊榜文，舊科所有者不甚繁雜。若隨俗增益，恐徒費紙劄，於事無備。如近世有告諭將吏誓言榜，又有約束將吏榜，顯然重複，此類尚多，今擇其不可免者，從舊式重撰于左。如神虎壇榜，合在神虎攝召品。曉諭孤魂榜，合在施食普度品。蓋恐章表局書繕，欲得檢式，皆聚一處。故以諸榜悉附文檄之品，只章表自作一品也。

### 齋壇節次榜

#### 靈寶黃籙大齋壇。

本壇今月某日，為某崇建無上靈寶黃籙大齋幾晝夜。上資邦國，普福生靈。濟拔五道三塗，開度四生萬類。集茲善果，專用追薦亡故某魂靈，超生善境。謹率同齋之士，共宏無上之科。宜立成規，免違玄範。法事節次，遵此按行。

逐一開具。詳細並見黃籙次序。

右榜壇所通用資聞，各宜整服肅容，循規合式。常須進止有序，毋令關奏失儀。共竭精誠，上祈感格。故榜。

太歲 年 月 日榜。

具位高功姓某 押。

### 經榜

#### 黃籙齋壇。

本壇今月某日，為某崇建無上黃籙大齋。福國康時，拔幽濟顯，廣資萬類，普度三塗。集諸善功，用薦亡故某人，早遂超昇。除已具錄奏聞，尅期修建。今先以某日看誦仙經，講宣妙旨。上獻十方高真，開化萬類幽魂，謹列品目于後。

太上洞玄靈寶無量度人上品妙經，

太上洞玄靈寶自然九天生神玉章

元始靈書中篇大梵隱語，

太上老君說常清靜經。

已上祝獻十方三界上聖高真齋壇醮席一切聖衆，

太上洞玄靈寶無量度人上品妙

經，

太上洞玄靈寶自然生神章經，

太上道德經，元始靈書中篇大梵

隱語，黃庭內景玉經

已上開度係薦亡魂。

太上洞玄靈寶無量度人上品妙

經，

太上洞玄靈寶自然生神章經，

太上道德經，元始靈書中篇大梵

隱語，黃庭內景玉經。

已上開度五道三塗，四生萬類，一切

幽魂。

右伏以玉笈琅函，發靈機於上境。金

書瓊札，孚妙化於人寰。保劫運於無

窮，拯顯幽而普濟。以今齋期將屆，經

席宏開。仗此善功，用祈景貺。尚冀

同齋羽褐，預職壇官，誠意而精心。俾

毋差於想念，肅容而端己，使勿越於禮

儀。所期感格於九清，庶可保寧於萬

彙。皇圖延永，社稷允昌，華夏和平，

顯幽全濟。即使係薦亡某，普度沉靈，

俱霑清靜之風，咸達希夷之妙。旁均

有識，同證無為。故榜。

年 月 日 榜。

列六職位姓 某。

具高功職姓 某。

右經榜，乃欲看誦，俱能見數。故也。每日晚誦經畢，當榜內經文品目之下，注云某人誦幾過。日分足，則併計而疏之。庶不差疊，亦不必預定過數。恐數目多，而誠心簡怠也。今榜所叙諸品經目，與近世所行頗不同。蓋古來靈寶法中叙云：黃籙前期三十六日，預修誦經堂，率同齋之士，入靖對齋，不交人事，精誠看誦《度人上品妙經》，《九天生神章經》，《道德》二篇，《黃庭玉經》。近期則習儀演事。此古法也。所謂入靖者，使塵俗不侵，內外專一，毋人物往來，言辭煩雜。始可存神誦經，思真念道。初非天台靈寶法中，妄立靖名，欺世罔人之比。所以經書只稱四品，而不及綴十不及一。其間真偽錯綜，邪正混淆，自非高才，未易分別。惟《度人》一卷，《生神九章》，最為玄古。故誦之致飛天下

觀，萬神朝禮。蓋以天中之音，而感格高靈也。及其攝召亡魂，聞經聽法，於《道德》五千文，涵蘊混元之秘。《內景》琴心訣，包藏造化之機。倘誦之者，深徹玄樞，則亡魂豈不言下開悟。餘雜經有妙義之文固衆，然《道德》、《黃庭》，豈筆舌可殫。上學高遠之人，自能意會。淺近庸愚之輩，因此榜興。不如是不足，謂之非常道也。

#### 曉諭將吏榜

無上黃籙大齋壇。

本壇切照黃籙科品，實隸下元中宮。策役萬靈，權綱九府。上錄三界，下總六天，齋福普覃，無所不度。靈光煥燭，有感皆通。天子以至庶人，皆得修奉。幽關暨于陽境，咸被生成。今齋主某人，齋信祈恩，束躬瀝悃。請修齋直，願濟存亡。是以按格騰詞，依科薦事。舒壇立纂，備物陳儀，設職修齋，轉經行道，盟天告地，拜表上章，追攝薦亡靈，普召含情幽爽，廣度三塗五道，旁資萬類四生。

除滌愆瑕，脫離沉滯，徑辭幽府，悉赴齋壇，聽法聞經，享食受度。上祝皇圖永固，聖壽綿長，六氣和平，四民康樂，烽烟罷警，禾稼豐登。集此善緣，專申追薦亡某人等魂，上及九祖七玄，以致五音六族，先亡靈識，近逝神儀。超出重陰，解除宿垢，度魂朱府，鍊質丹天，鍊炁聚真，返生澄性。次保家門咸泰，姻眷均休。尚慮壇墀未嚴，禁戒罔肅。下官故炁，厭穢妖塵，濁混靈場，冒登齋所，違越禁忌，敗亂紀綱。或地界神祇奉承簡怠，或傳奏官吏關告稽延，或列職衆神失嚴守衛，或里社主者不加專勤。倘有玷於齋功，實上違於玉律。事體至重，典格非輕。事已屆期，理難曉諭。

右榜壇前，請靈寶官屬，執職萬神，五元素府天神將吏，雷霆諸司主宰，齋壇干繫衆神。虔遵黃籙之科，共戴下元之格。部率將佐，篤役吏兵，會合當所城隍，監勒合千里社，衛護壇界，鎮肅方隅，驅却妖氛，掃清厭穢。倘有拒

逆，輒行干侵，即請申收有司，速送天獄，依律研究，治罪施行。所有章表文移，悉資導達，符章命令，咸藉宣通。布九清十極之恩休，度三界十方之沉滯。祈帝真之鑒盼，庶齋直之無魔。率勵昭甦，普天全濟。解壇散席，拜表言功，一如太真之儀，用謝至神之貺。故榜。

年月 日榜

具高功姓 某 押

神虎攝召壇榜

黃錄大齋壇。

本壇今月某日，爲某崇建黃錄大齋。恭按科儀，合行攝召係薦衆魂，各家宗祖，及五道三塗，四生萬類，含情抱識，滯爽沉靈。附旛見形，領薦受度。切照瓊編紫笈，大敷濟物之科，玉札丹文，顯著召魂之格。開九泉之昏暗，拯萬國之幽沉。降九龍符命以頒恩，仗七司玉女而宣令。雄左雌右，上三境而下六天。陽耀陰靈，追衆魂而集萬鬼。召攝毋稽於頃刻，報應立待於須臾。歲大道之

神功，遂皇民之精禱。即行拘集，咸俾昭彰。已立靈壇，須至曉諭。

右榜請北魁玄範府官吏，七真玉女，本司追攝合干官吏。遵奉真符，頒行玉札，遍詣十方三界，五嶽九幽，十洞六天，九州萬國。名山福地，江海河源，典祀神庭，城隍社令，黃泉蒿里，幽路冥關，主宰魂魄之司，校量罪福之所。嚴行追攝，速與根尋，係薦亡靈，萬類幽爽。差撥官將，部衛形魂，出夜府以來臨，附靈旛而報應。功成事畢，拜表叙勳。故榜。

年月 日 榜。

具高功法位姓 押。

率勵壇官榜

建齋設醮，高功之職首領一壇，禮絕衆官，乃齋法也。但共壇之士，不過同學之人，爲衆官所合，共尊高功。而高功亦宜自處謙退，近者申嚴壇衆，乃以榜約束衆官，誠非可行之格。今止作高功僉名，率勵壇官，庶爲允當。

某伏聞大道開先，高真憫物。先天立

教，歷劫度人，敷二十七品之齋，列四十二等之醮。和天安地，保國寧家。遂立法錄之班，爰備關宣之職。故奉教行科之士，乃拔幽濟顯之司。儻能隨事以殫誠，自可積功而度世。欲精誠而不替，宜典格之無虧。或形失禮儀，心妄專薦，則高穹之蕩蕩未易感通，兼玄憲之昭昭恐膺考罰。皆結三官之府，過標五帝之宮，懼夫筭減而福消，甚至魂沉而身墮。如某者山林下士，江海塵蹤。學矣徒勤，未遇真師之界付。行之粗久，幸蒙上帝之寬容。然而事無間於重輕，齋不拘於小大，全藉壇官同志法衆，協心贊助其行，彌縫其闕。左提右挈，俾物墜於善功。始敬終勤，庶曲全於齋事。從容登降，和暢關宣，舉措勿越於真科，想念不離於大道。正乃心而誠乃意，恭其事而守其規。若心怠而形恭，將速欺天之罰。苟意誠而理紊，則貽失格之辜。要當內外精專，身心純篤，閑居親愛之友，不應戲笑於壇中。平時悲怨之儔，安敢忿恨於齋次。敷宏大化，本是非輕。

對越上真，勢須自檢。幸垂清聽，同鑒丹忱。某稟聞。

曉諭孤魂榜

靈寶大法司。

當司今月幾日，爲某人崇建無上黃籙大齋。廣設斛食，普度一切孤魂等衆。或犯法赴刑，身首異處；或投河自縊，非命而終，或骨斷筋傷，或陣亡兵死，或沉痾久疾，積滯腹心。或腫痛瘡痍，潰爛肢體；或墮崖墜木，或破質喪軀。皆生世之時，有形之際，幻身淪沒，失於正終，迷執之情，常爲沉滯。無歸之魄，延注無窮。但人之體軀，假合而就。百穀五味，滋長肌膚，手執足行，耳聞目見，飢寒飽暖，千動百爲。豈期皮肌血肉，自能爲之。乃稟茲一靈，聚爲神炁。神凝炁注，五味以生。炁散神馳，百骸莫駐。所謂肢體傷壞，皮肉不全。蓋以重濁之資，無非有質之物。一靈之職，本何所傷。然而幽爽沉靈，孤魂滯魄，或銜刀帶索，處於幽關；或斷首殘身，迷於鬼域。

病亡而未離痼疾，產死而常帶血腥。或恍惚而睹其形，或夢寐而見其像。固是尸骸損傷於人世，豈得魂神零落於冥鄉。四大百骸，炁血之府，血腥垢穢，出於身中。神已歸空，身化塵土，腥穢遺質之物，沾污已往之神。夫人生爲有神，死則爲鬼。若刀與索，無識無情，用於一時，終歸朽壞，豈有鬼識，尚隨鬼身。蓋有質之物，而傷有形之軀。既死之魂，安能持有形之物。事實如此，理極昭然。良由執着形骸。留戀尸體。彼但記其命過之際，所以惡終。而茲在陰之靈，復懷舊想，志念着於體質之域。故形儀如初死之時，鬼迷執而成形，人心疑而見像。夫豈知有體則有全有闕，有形則有病有安。身常不存，患將安在。若於已死之後，尚念在世之損傷，亦已惑矣。今爲無體之魂，復慮生前之疾苦，不其愚哉。雖則分有昇沉，多因自罹執着。除已關告靈寶官屬，執職萬神，曉悟孤魂，開明正性。亦在致壇之

衆，深悟此理。應生前帶腥染穢橫死惡終之類，當知己壞之骸，不須顧戀。有靈之識，自可昇騰，毋執感情緣，無留戀尸體。一朝警覺，如出昏衢。以損傷而斃者，今不見其損傷。以濁穢而亡者，今何嘗有濁穢。以殘疾而困者，今亦無殘疾。以聾啞爲人者，今亦自開聰。一性冲融，群迷頓決，恩愛豈能俱絕。若戀着未有休期，冤讎未易遽忘，然償報則何解釋。赴壇相會，恩怨一空。況於富貴功名，豈能長久。金珠財寶，安能終隨。身已不存，物猶難戀。至此則貧賤何累，富貴非榮，萬事忘情，回心易慮，收召靈識，整聚神儀，沐浴朝真，享食受薦。陶以太和之靈澤，鍊以丹霍之神輝，返性復形，超生度化，福鄉可陟，地獄成空，爲無上之因緣，正好於茲而度脫。須至曉示。

右榜曉諭到壇孤魂等衆，各宜知悉。故榜。

年月 日榜。

具高功位姓某押。

允中竊詳建壇之式，具存古典。而行移關申，所以寓形，其辭而達其事。然行之有經，用之合宜，則不在乎過繁。儻德不足以動幽冥，學未至於通教典，縱使千辭萬幅，亦為徒然。散壇設醮。則止具獻狀。蓋建齋正奏已行請降，故不用請狀也。若尋常非建大齋，而專有醮設，自合專請專獻，各位具狀矣。齋後之醮，不用請狀，乃廣成先生降神設醮之式，非自為之也。若其醮位，合照奏申文移所及之司，并齋內應干將吏，並當酬謝。近者奏申甚廣，而醮位或六十分位而已，更不參照元來申請去處，理誠不通。兼奏告上帝之外，合申牒三界有司，乞行下原釋罪魂而已。冥牢幽獄狴犴之中，非承受法官文檄之所。今於地界，止申牒酆都官主宰，冥曹僚屬，使亡魂可拔，則主宰行下所隸之獄，無所不可。倘使齋誠難達，天命未頒，雖移文陸續，恐陰獄未必奉承。况地獄

之在中下界，不可以數計。經誥互有所載，如《仙戒經》、《正一經》、《業報因緣經》諸書。或云一十八獄，又云三十六獄，又三官二十四獄，此其略也。幽昧之鄉，陰冥之境，掌錄愆犯，考理罪魂，報係之曹，隨處建置，官吏萬萬之衆，無極無窮。但其權綱，則總于酆都北帝。如六天主者，十官真君之類，則其有司之大者。四明真公，鬼官北斗之類，則其官僚之要者。故逐一申聞矣。此外諸獄，既不可盡名，所是地獄文移，並不復用。使其符命下逮，申牒可聞，彼主宰之司，自能行下合屬幽牢矣。行教之士，欲張惶罪福聳動見聞者，自別為之，不必行此式也。

上清靈寶大法卷之二十九

### 上清靈寶大法卷之三十

洞玄靈寶法師南曹執法典者  
權童初府右翊治金允中編

#### 奏申文檄品

#### 五老上帝狀

方函，上詣東方青靈天君宮，餘四狀函並同式。

#### 具法位臣姓某。

右臣輒瀝丹衷，上干

宸聽。伏念臣久膺職任，竟乏功勤。

冀贖愆瑕，輒思利濟。臣謹據入事同前

謹錄狀，上奏

東方青靈始老天君陛下。恭望

道慈，允臣所奏，特與流光壇席，鑒錄齋

忱。成就善功，提携幽顯。庶俾恩覃

家國，惠浹寰區。仍乞密錫五炁之生

津，陶鑄萬途之滯爽。咸令生化，各遂

昭蘇。臣干冒

道威，下情無任不勝，戰慄之至。謹

奏。

申師補六職狀

方函，謹詣靈寶玉師宮或稱門下。

具法位臣姓某。

臣不避褻瀆之誅，荐冒至真之聽。伏念臣措身濁境，馳識靈途。存念乖違朝修，簡墮未能寡過。苟活餘生，尚荷寬恩。特容隸職，欲宏大教，莫先度人。臣比據入事來詞，誠篤當濟幽明，義合申膳，理難抑絕。臣自揆三掠之罪識，難蘇九夜之迷魂。非仗哀憐，豈能就事。臣謹按古儀齋法，出於靈寶。今得參佩洞玄部法籙之人，方可臨壇補職。今來未能盡皆如格，是以六職之內，未免權用正一諸品法籙弟子，備員任事。切恐有虧成典，謹具權宜，補列壇官法職姓名在前，須至申聞者。

右謹具，申

靈寶度師真君，

靈寶籍師真君，

靈寶經師真君，

三天扶教輔元大法師正一靜應真君，

玄中大法師几前。恭望

真慈，特加省錄。許以權宜備事，庶幾幽顯蒙恩。仍乞敷奏天廷，請命頒下三宮五帝，合屬真司，照應施行。臣干冒師威，下情無任不勝，寒慄之至。謹狀。

申五府祈晴狀

方函，上詣元應太皇府

具法位臣姓某。

臣身居塵網，名玷玄司。徒佩靈文，未逢真授。累干冲聽，罪不容誅。尚冀洪慈，委曲原宥。臣昨據某人等投詞，取某日就某處，啓建黃籙大齋。福國康時，拔幽濟顯。而臣末學道淺，仙品未充。黽勉開壇，事多違失。下戾妖穢之未滌，上恐風雨之無時。以至今來建壇之所，或境藏邪怪，或地匿妖祥。非仗師慈，難全善果，須至錄狀申聞者。

右謹具，申

三天扶教輔元大法師正一靖應真君，

北極真武佑聖靈應真君，

翊聖保德儲慶真君，

天猷副元帥真君，

天蓬都元帥真君聖前。恭望

真慈，俯垂矜允。特與敷奏

天闕，取旨告下雷霆霹靂，風雨雲電，合屬真司。至期收斂雲霧，止雨停風，掃蕩妖氛，肅清天地，三光煥耀，四炁澄清。仍冀差降解穢應干將吏，一合下降，監勒某處里域社稷等神，併力同心，掃清塵垢，祛蕩氛穢，整肅齋壇，鎮安境域。如有妖精犯觸，邪怪干侵，即仰所差將吏，以時收繫，押赴天獄，治罪施行。庶使齋功成就，魔障不生。臣干冒師威。不勝寒慄之至。謹狀。

天省劃一申狀

方函，上詣三天門下泰玄都省。

右以正奏劃一申天省狀，大略如此。更宜臨期詳酌而行。或有修建事體不同，可以隨事增入。

具法位臣姓某。

臣不避再三之瀆，上犯斧越之誅。惟冀寬恩，曲加矜宥。臣比據某鄉貫某



人投，乞崇建無上靈寶黃籙大齋。福國康時，拔幽濟顯，超度九先七祖，廣資五道三途。集茲善功，追薦亡故某，克遂超生，保安見存眷屬。除已祇率法流，恭爲修建，以今齋期已定，須至逐一申聞者。

一謹尅某日告齋，始事宿啓建壇，於當日某時，進拜素車白馬章。是夜某時，進拜破酆都拔罪章，告頌元始符命，金籙白簡救苦真符，太上破地獄真符，太上拔幽魂真符，太上敕赦生天寶籙，靈寶本法元始符命，混元神虎玉札。告下諸天諸地，陰陽主司，三界十方，冥關幽路，天牢地獄，應干合屬去處。依準符命，赦宥係薦亡魂，及五道三途，四生萬類，一切沉靈滯爽。夙劫罪愆，累生執對，咸從原釋。遵稟玉札，追攝赴壇，報應受度施行。

一某日正齋，三時朝真，誦經行道。是日午時，進拜通天救苦朱表，開通道路章。靜夜，破獄，召攝係薦

某人等魂，及五道四生，三途萬類，一切孤魂，沐浴朝真，享食受供。

一某日正齋第一日，三時朝真，誦經行道。是日某時，進拜沐浴鍊度章。當夜，鍊度三途五道，十類四生，一切孤魂，傳符受戒，度化超生。

一某日正齋第三日，三時朝真，誦經行道。當某日時，進拜昇度亡魂章。是夜，鍊度係薦某人等魂，傳符受戒，度化超生。

一某日，進拜言功朱表，修設三界高真清醮，三百六十分位，昭答恩庥。解壇散席，投龍奠簡，紀勒齋功。

右謹具，申

三天門下泰玄都省主宰高真。恭望真慈，俯垂矜允。特與敷奏天闕，取旨告下諸天諸地，日月星辰，三界三元，洞天海嶽，冥關幽壤，典祀神庭，應干合屬去處，疾速施行。庶俾號令徧通，精誠上徹。更祈三光煥耀，四炁朗清，萬聖翼轅，千真扈蹕。即使天澤浹於

寰宇，齋福被於幽明，六極均休，四生咸泰。臣干冒真威，罪當萬坐。謹狀。

申北斗狀

方函，謹詣中天北斗星宮。

具法位臣姓某。

臣輒罄愚衷，上干

真聽。臣叨行大法，徒歷歲時，學未通幽，無階自效。敢勤利濟，以報恩休。臣謹據入事須至錄狀申聞者。

右謹具，申

中天大聖北斗九星真君。恭望真慈，允從所告。特與敷奏天闕，告下三界合屬真司，依法照應施行。庶使齋功成就，澤被顯幽。仍乞行下北魁玄範府，差降神虎主吏，何喬二使者，俟魏張三部追魂使者，七司玉女，追攝合干官將吏兵，一合下降，赴臣行司。齋持玉札，徧詣冥關幽路，應干合屬去處。根攝所薦亡過某人等魂，及五道三途，四生萬類，一切沉靈滯爽。依時赴壇報應，削除罪籍，落滅惡根，聽法聞經，以時升度。恭冀雲車俯降，證錄齋

誠。臣干冒

真威，不勝惶懼。謹狀。

日宮狀

方函，上詣太陽日宮。

具法位臣姓某。

臣輒瀆重明，願回淵鑒。伏念臣受資塵陋，冒忝班行。自揆罪深，敢思補過。況承虔懇，敢不上聞。臣謹據入事須至錄狀申聞者。

右謹具，申

日宮太陽帝君。恭望

真慈，特垂矜允。暫迂仙仗，俯盼齋壇。監錄禱祈，曲全齋事。庶使恩周寰宇，澤被幽明。臣以某日，鍊度五道三途，四生萬類。以某日，鍊度係薦某人等魂。欲乞敷布靈芒，降流真炁，匹配水火，和合陰陽，各回性識以清明，盡出幽沉而度化。臣干冒真威，不勝惶懼。謹狀。

月宮狀

方函，上詣太陰月宮。

月宮太陰皇君。狀同日宮式。

北斗九皇夫人狀

方函，謹詣北斗九皇夫人門下。

具法位臣姓某。

臣不揆誅夷，冒干

平省。深知僭越，尚冀寬容。伏念某蕞爾微生，叨行大法。無功可錄，有罪足書。願濟顯幽，少圖補復。凡有披告，敢不上聞。某謹據入事須至錄狀申聞者。

右謹具，申

北斗九皇夫人。恭望

真慈，特垂矜允。俯賜差降神虎主吏何喬，七司玉女，三部追魂使者，追攝合干官將吏兵，赴某行司。齋持玉札，徧詣十方三界，地獄冥關，千真萬靈，治職冥曹，應干合屬去處。追攝五道四生，三途萬類，一切孤魂滯魄，及係薦某人等魂。出離陰境，悉赴玄壇，顯見形儀，昭示報應。仍乞暫迂仙仗，俯降齋壇，成就善功，證明修奉。某干冒真威，不勝惶懼。謹狀。

五德星君狀

如各一狀則方函，詣東方木德星宮。

具法位姓某。

臣輒伸丹悃，仰瀆高明。敢冀

大慈，曲垂

恩佑。臣謹據入意須至錄狀申聞者。

右謹具，申

東方木德歲星真君。恭望

真慈，俯垂矜允。特迂仙仗，暫降齋壇。鑒錄禱祈，證明修奉。庶使福周寰宇，澤被乾坤。臣以正齋某日夜，鍊度五道三途，四生萬類，一切孤魂。某日夜，鍊度係薦某人等魂。欲望大啓慈仁，廣推巨澤，布五行之正炁，合二象之生津，治鍊亡魂，復其性識，領諸善果，升入

朱宮。臣干冒

真威，不勝惶懼。謹狀。

南方火德熒惑星真君。

西方金德太白星真君。

北方水德伺晨星真君。

中央土德鎮星真君。

已上四狀，並同東方狀式，方函，隨方言之。

### 二十八宿狀

與五星狀同式。

右謹具，申

角宿星君。恭望

真慈，俯垂矜允。特迂仙仗，暫降齋壇。鑒錄禱祈，證明修奉。庶使福周寰宇，澤被乾坤。願闡仁慈，曲加拯濟。悉度赴壇之魂爽，盡承齋福以超生。役罷三途，獄開九地，飛沉遂性，動植昭蘇。某干冒真威，不勝惶懼。謹狀。

已上自角宿起，止軫宿，共二十八狀，並同式，方函，詣角宿星宮。餘並同，隨宿名上詣外。只斗宿一狀，已別具于後。蓋斗宿在二十八宿，則為斗宿，又為之南斗。道典有南斗六司星君，即此是也，正在東北之間。欲知其詳，自以渾天儀考之可見矣。世人但知南斗，又取與北斗相對，竟不考此星在何所，良可笑也。若不能每宿專狀，則皆除去。

亦可却專申斗宿而已。

### 南斗狀

方函，詣斗宿星宮。狀並同前式。

右謹具，申

南斗六司星君。恭望

真慈，俯垂矜允，特迂仙仗，俯降齋壇，成就善功，證明修奉，庶使福周寰宇，澤被顯幽。所有道場內鍊度五道三途，四生萬類，一切沉魂滯魄，及係薦某人等魂。敢冀恢育物之深功，垂鍊魂之巨澤。俱返久沉之性，普全已蕩之神。再毓陰陽，重資造化，悉升朱府，俱陟仙鄉。某干冒真威，不勝惶懼。謹狀。

### 玄師狀

方函，謹詣玄中大法師門下。

具法位臣姓某。

臣虔露丹衷，上干

真聽。載惟僭越，懼速靈誅。伏念臣染俗素深，真心易昧。力小任重，德淺職崇。日夕憂惶，罔知所措。是敢留心於濟度，或可小贖於愆瑕。蓋以黃籙科條，事體嚴重，非師尊之

覆育，豈愚陋之敢行。全仗慈憐，或能成就。臣所據某人投詞，乞建

黃籙大齋。除已節次上聞外，今以某日為始，建壇歲事，具黃籙節次在前，須至錄狀申

聞者。

右謹具，申

玄中大法師。恭望

師慈。始終矜允。荐行備詞，敷奏請命，頒下三界有司照應。敢祈雲輿下邁，暫駐齋壇。俾章詞上徹於三清，齋直圓成於七日。幽明同慶，寰宇霑恩。仍乞申敕三洞四輔法錄中官將吏兵，三界五嶽，兵馬營衛齋事。通達悃誠，布令頒符，追魂攝魄，拔萬類四生之滯爽，釋三途九夜之罪魂。即使係薦之靈，咸陟冲虛之界。臣干冒師威，不勝惶懼。謹狀。

### 三師狀

共一狀，與玄師狀同式。

靈寶經師真君，  
靈寶籍師真君，  
靈寶度師真君。

五府狀

方函，謹詣上清童初府。

具法位臣姓某。

臣不避誅譴，累瀆靈慈。伏念臣蒙陋行尸，生逢道化。叨

恩覆育，隸役真司。誓畢此生，共揚大教。敢祈矜宥，終始併幪。臣比據某人投詞，請建黃籙大齋，臣節次上聞外。今以某日，建壇始事。臣以便宜，書行洞玄靈寶本法應干符命，及五元素府真符秘篆。拔幽濟顯，輔教康時，役召神靈，圓成齋事。但臣性昏學淺，德薄罪深。非仗師恩，難期通感，須至錄狀申聞者。

右謹具，申

元素元輝府三天扶教輔元大法天師正一靜應真君，

元和遷校府真武靈應佑聖真君，

元照靈虛府翊聖儲慶保德真君，

元景丹天府天猷副元帥真君，

元應太皇府天蓬都元帥真君。恭望

真慈，矜憫後學。特與照詳臣前後申請

事理，再與請命

天闕。頒告諸司，依法照應。敢冀雲車下邁，暫駐齋壇。容臣宣告符章，頒行號令。仍冀申敕三洞四輔，經籙法中，官童將吏，三界十方，五嶽四瀆，兵馬衆靈，監齋直事，靈寶官屬，直月五將，十二時直主者，五府合屬將兵，臣所行法中官君將吏，追魂攝魄等神。應時感降，隨召來臨，營衛齋壇，宣傳符檄。騰詞章於九域，布號令於諸司。成就善功，普福幽顯。即使係薦亡魂某人等，及五道四生，三途萬類，一切沉魂滯爽。咸離陰境，悉詣齋壇，承領天恩，登升善域，飛沉遂性，動植昭蘇。臣干冒

真威，不勝惶懼。謹狀。

右此狀，非行五府正法之人，自可改易。專狀申天師一狀，共申北極四聖元帥府，亦通。

葛仙翁狀

方函，前詣太極左仙翁門下。

具法位臣姓某。

臣久竊真麻，獲聯法職。未能寡過，

豈敢有言。蓋以輔贊之勤，利濟爲首。敢騰凡悖，仰冒淵聰。臣謹據入事，除已錄奏

天闕外。緣臣資庸品下，學淺行輕。莫能通達於幽冥，竊恐難期於感徹。惟祈師尊之祐，庶成濟度之功，須至錄狀申聞者。

右謹具，申

太極左仙翁冲應真君。恭望

師慈，允從申請。不違初誓，益振玄風。特與敷奏

天廷，申敕洞玄部經籙法中官君將吏，靈寶官屬，玉童玉女，天將仙兵。併力同心，營衛壇墀，騰詞布令，錫命頒符，成就齋功，廣敷靈蔭。庶使福霑寰宇，澤被幽明。拔度所薦亡魂某人等，及九州分野，五道三途，四生萬類，一切應度沉靈滯爽。出離冥夜，承領善功，證性知根，超生度化。仍乞雲車俯降，證錄齋修。臣干冒師嚴，不勝惶懼。謹狀。

許真君狀

方函，謹詣高明大使君門下。

宋政和年間，上尊號曰神功妙濟真君。既奉玉冊。又係徽宗上表稱臣，若九州都仙大史高明大使，即天爵也。

具法位臣姓某。

臣顛蒙塵質，久被陶成。雖隸玄門，未探真奧。惟思自效，以報殊恩。臣謹據入事，但以臣學不過人，法非達妙。謬當首職，豈能動天。非藉師恩，難全齋事，須至錄狀申聞者。

右謹具，申

九州都仙太史高明大使神功妙濟真君。恭望真慈，允從申請。益堅宏誓，大闡冲科。念茲未學之愚庸，成此建齋之善果。敢冀擲火流鈴之仗，俯臨修齋行道之壇。鑒錄誠祈，證明修奉。仍乞騰詞

天闕，頒命諸司，申敕三洞四輔，經籙法中，官童將吏，靈寶官屬，玉童玉女，十方三界，兵馬衆神。隨召來臨，以時

感降，翊衛壇墀，通達齋誠，進表騰章，頒符錫命。即使國安民阜，物泰時康。拔濟係薦亡過某人等魂，及五道三途，四生萬類，一切沉靈滯爽，出離幽夜，霑領天恩，自知宿命以清寧，永釋前愆而解脫。存亡俱慶，幽顯咸休。臣干冒師嚴，不勝惶懼。謹狀。

三官各狀

天官方函，詣上元天官宮。

具法位臣姓某。

臣塵途濁質，愚陋無知。謬玷仙階，濫陶真化。束躬懷懼。豈敢有言。盍以禱請精誠，不容抑止，仰祈原宥，曲省丹衷。臣謹據入事，須至錄狀申聞者。

右謹具，申

上元天官帝君。恭望

真慈，曲垂矜允。特迂仙仗，俯駐齋壇，鑒錄誠祈，證明修奉。即使恩周寰宇，福被顯幽。仍乞敷奏天闕，告下上元天界，三宮九府，三十

六曹，應干合屬去處。依法遵從符命，拔度係薦亡魂某人等，及五道四生，三途萬類，一切沉靈滯爽。蠲消罪對，解釋拘纏，出離冥關，登升善境，華夏俱慶，動植咸休。臣干冒真威，不勝惶懼。謹狀。

中元地官

方函，上詣中元地官宮。

具法位臣姓某。

臣庸鄙受資，昏蒙賦性。冒承恩覆，獲被陶容。雖法籙之久膺，念功勤之莫著。尚祈矜宥，少錄愚衷。臣謹據入事，須至錄狀申聞者。

右謹具，申

中元地官帝君。恭望

真慈，曲垂矜允。特迂仙仗，俯駐齋壇。鑒錄誠祈，證明修奉。即使恩周寰宇，福被幽明。仍乞敷奏天闕，告下中元地界，三宮九府，四十二曹，合屬去處。云同天官狀式。

下元水官

方函，詣下元水官宮。

具法位臣姓某。

臣駑鈍不才，受職過分。日懼誅譴，補復無階。適領詞陳，理宜拯濟。敢祈寬假，特賜矜容。臣謹據入事，須至錄狀申

聞者。

右謹具，申

下元水官帝君。恭望

真慈，曲從申請。特迂仙仗，俯駐齋壇。鑒錄誠祈，證明修奉。即使恩周寰宇，福被顯幽。仍乞敷奏天闕，告下下元水界，三宮九府，四十二曹。應干合屬去處。同前。

五帝狀

方函，上詣東方青帝宮。

具法位臣姓某。

臣猥以么微，濫霑化育。備員法職，久乏功勤。欲追譴訶，莫先濟度。況承虔懇，敢不上聞。臣謹據入事，須至錄狀申

聞者。

右謹具，申

中央黃帝君，

北方黑帝君，

西方白帝君，

南方赤帝君，

東方青帝君。恭望

聖慈，曲垂平省。特迂鸞駕，駐蹕齋壇。憫末學之庸愚，釋臨壇之過失。免書罪籍，成就善功。庶俾寰宇霑恩，顯幽蒙祐。所有係薦亡故某人等魂，及

五道三途，四生萬類，一切沉靈滯爽。

悉祈原宥，盡賴恩矜。早離冥昧之鄉，

俱陟清虛之境。知根復性，聚炁生神，

以致動植咸休，飛沉俱泰。臣干冒

聖威，不勝惶懼。謹狀。

監齋狀

方函，上詣靈寶監齋大法師門下。

具法位臣姓某。

臣地行賤品，季世凡資。宿藉師恩，獲承法職。自知冒越，所合束身。適領誠詞，輒思自效。尚祈覆育，俯察凡私。臣比據入事，須至錄狀申

聞者。

右謹具，申

靈寶監齋大法師。伏望

師慈，俯垂矜允。特迂仙仗，暫駐齋

壇。宏曠蕩之恩，沛涵濡之澤。保全

末學，成就善功。庶使福被寰區，恩覃

幽顯。仍乞拔度係薦某人等魂，及五道

三途，四生萬類，一切沉靈滯爽。出離

幽境，升陟仙鄉，齋福所覃，華夷俱泰。

干冒

師嚴，不勝惶懼。謹狀。

採訪使者狀

方函，詣採訪使者門下。

採訪之職甚衆，故林侍宸醮格，於上八位之旁，只設此一位，如廉使察官之任。可謂要緊。使者之稱，亦不為輕。乃天中之名稱，如是非可改也。如應元保運真君，則宋朝所上尊號爾。近世者世人納諂於上真，

乃除去者，獨稱採訪使，甚失禮也。

殊不知天中只有採訪使者，不曾有

採訪使。俗輩以世法科度而尊之，

誠當革去。雖一字之間，礙理深矣。

具法位臣姓某。

臣輒冒不原之誅，仰瀆至真之職。惟

祈憫濟，省錄微忱。謹據入事，須至錄

狀。

狀申

聞者。

右謹具，申

九天採訪使者應元保運真君。恭望

真慈，俯垂矜允。特迂仙仗，俯眄齋壇。錄其精禱以上聞，略此違科而普宥。曲加成就，力賜提携。庶幾齋福被於寰區，玄津浹於幽顯。拔度亡過某人等魂，及五道三途，四生萬類，一切沉靈滯爽。永辭長夜，超出重陰，錄本聚神，返生證性。以致考停於九地，役息於三途，動植均庥，飛沉咸泰。某干冒

真威，不勝惶懼。謹狀。

救苦大惠二真人狀

方函，詣大慈大悲救苦真人門下。

具法位臣姓某。

臣竊惟科教之設，利濟爲先。某雖愚蒙，敢妄效職。況奉虔禱，理合敷陳。某比據入事，須至錄狀申聞者。

右謹具，申

大慈大悲大惠真人，

大慈大悲救苦真人。恭望

真慈，特垂敷奏

東極青宮。請降

道旨，普救三界，頒告諸司。專遣飛天神人，遍下九龍符命，分靈救苦，應念施仁。釋冥府之拘囚，燭夜臺之陰翳。拔度係薦亡故某人等魂，及五道三途，四生萬類，一切沉靈滯爽。解除冤對，開度沉迷，聚本生神，知根復性。早陟生生之境，長辭寂寂之鄉。即使齋福被於寰區，玄澤覃於幽顯。以至含情抱識，賦質立形，咸遂昭蘇，悉歸康樂。仍冀靈驂下邁，俯駐壇場，成就善功，以全齋事。某干冒

真威，不勝惶懼。謹狀。

九天司命狀

方函，詣九天司命宮。

具法位臣姓某。

某仰恃寬恩，輒據凡悖。某謹據入事，須至錄狀申聞者。

右謹具，申

九天司命真君。伏望

真慈，曲垂矜允。特迂

真馭，暫降瑤壇。少鑒眄於齋修，特保全於愚陋。俾無魔障，成就善功。即使福被幽冥，澤周寰宇。所有係薦亡故某人等魂，及五道三途，四生萬類，九州分野，一切孤魂，俱賴陶成，盡祈憫濟。上聞九極，潛降百神。特下命章，由三元而肇粹。齊唱恭諾，受九炁以結形。再造陰陽，重資性識，盡陟化生之境，並超沉滯之鄉。某干冒

真威，不勝惶懼。謹狀。

三界魔王狀

方函，詣無色界魔王宮。

具法位姓某。

某濫綴法僚，久依靈蔭，尚祈寬宥，錄此誠祈。某比據入事，須至錄狀申聞者。

右謹具，申

慾界大魔王，色界大魔王，無色界大魔王。伏望

聖慈，曲垂矜允。特迂幢節，暫屆壇場，成就善功，證明齋禱。仍乞請命差

降飛天神王大神，靈寶官屬，玉童玉女，三五功曹，左右官使者，五帝直符，監齋直事，洞玄靈寶法錄中合干官將吏兵。下赴齋壇，輔佐行持，營衛壇界，騰章進表，錫命頒符，拔度係薦亡故某人等魂，及五道三途，四生萬類，一切孤魂滯爽。悉加保舉。度品南宮。幽爽承恩，俾盡超於沉滯。生靈蒙祐，庶咸迪於壽康。某干冒聖威，不勝惶懼。謹狀。

五帝魔王狀

方函，詣青天魔王宮。並同三界魔王狀式。

右謹具，申

中央黃天魔王，  
北方黑天魔王，  
西方白天魔王，  
南方赤天魔王，  
東方青天魔王。

黃籙院狀

方函，詣下元黃籙院。

具法位姓某。

某濫以庸資，久膺上法。辛蒙覆育，獲被職司。敢賴優容，輒伸披懇。某

比據入事，須至錄狀申聞者。

右謹具，申

下元黃籙院主宰高真。伏望

真慈，曲垂矜允，特迂仙仗，俯降齋壇，成就善功，保全末學。仍乞敷奏

天闕，取旨差降黃籙院合干官將吏兵，下赴行司，宣傳符命，騰達章詞。拔度係薦亡故某等魂，及五道三途，四生萬類，一切幽魂滯爽。出離陰境，祇赴道場，省悟沉迷，蠲除報對，返生善境，永沐真休。即使齋福被於幽顯，玄澤周於動植，十方清泰，萬類昭蘇。某干冒真威，不勝惶懼。謹狀。

南昌上宮狀

具法位姓某。

某庸謬不才，冒昧忝職，功微過重，補復無階，恬非輔贊真風，豈能少酬素志。輒披丹悰，上瀆高聰。某比據入事，除已依科崇建外。今以建齋第二日夜，普行鍊度三途五道，萬類四生，一切應度幽魂。至第三日夜，鍊度係薦某等魂，各遂超生，咸祈度化。

某一體效誠，不敢妄分輕重。但以凡愚末學，未能深洞靈機。徒藉符章，慮難通感，須至錄狀申聞者。

右謹具，申

朱陵火府南昌上宮主宰高真。恭望

真慈，曲垂矜允。特迂仙仗，俯眄齋壇，成就齋修，普行濟度。仍乞申命官童將吏，合屬衆神，布炁分靈，依期下降。將到壇係薦某等魂，及五道三途，四生萬類，一切應度沉魂滯魄，特加整育，普賜陶鎔。聚二炁以重和，肇五行而再造。知根復性，返本還元，永斷執迷，咸臻生化。庶九野無幽沉之鬼，三徒罷謫役之勞。動植均休，顯幽共慶。臣干冒真威。

三元真君狀

狀謹申上上元唐真君門下。

具法位姓某。

臣謹據入事，今取某日某時，進拜某章。逐一開寫騰諸誠悃，上祈玄應。但以某早霑靈澤，久綴法曹。雖粗習於奉



教行科，未深明於飛神謁帝。慮章文之難御，致齋事之有虧。爰隸司存理，須禱請，須至錄狀申聞者。

右謹具，申

下元定志周真君，  
中元護正葛真君，

上元道化唐真君。伏望

真慈，允茲申請。特迂仙仗，俯降齋壇。統率章奏衆神，關告剛風上吏，掃清雲路，通達章文。升某凡神，上朝帝闕。庶使齋誠毋壅，天貺廣覃，萬類昭蘇，六天清泰。某干冒真威。

上清靈寶大法卷之三十

### 上清靈寶大法卷之三十一

洞玄靈寶法師南曹執法典者  
權童初府右翊冶金允中編

#### 奏申文檄品

神王牒

牒文似乎輕急，可比三元用申，亦好。

靈寶大法司牒上 東方無極飛天神王。

當司據入事，須至移文。

牒請詳事理，即與關告靈寶官屬，使者大神，三五功曹，左右官使者，左右龍虎君，侍香金童，傳言玉女，五帝直符，飛章從事，促炁功曹，靈寶法中官將吏兵。一合下降，悉赴齋壇，頒告符文，通達章奏，宣布號令，衛護齋修。庶使福被顯幽，恩霑家國，生靈蒙祐，動植咸休。事畢，上聞叙功遷賞，一如太真之儀。牒至，幸疾速依應施行。謹牒。  
右神王或專牒，則十方各一道牒。若則用一牒，則依法中直日，請一方

神王關告也。

將吏總牒

靈寶大法司 牒。

當司據入事，須至移文。

牒上請

靈寶經錄法中仙官將吏，執職萬神，童初府一炁都統大將軍，直月五將，十二時直主者，五府仙兵將吏，雷霆欵火律令大神，五雷使者，雷公電母，風伯雨師，社令雷神，追魂攝魄合干將吏，傳達章奏，衛護經科，符圖印訣中官將吏兵。各請照詳事理，會合本屬典祀正神，監勒里域土地，內外干係神靈，併力同心。自某日建齋，掃除故炁不祥，辟斥厭穢妖異，整肅內外，守衛壇場，通達齋誠，升進章表。所有到壇係薦亡魂，及五道三途，四生萬類，新亡往逝，惡死橫終，有主無親，含情抱識，一切沉靈滯爽，請爲開明性識，省悟執迷，毋令着體戀尸，悉俾和冤釋恨。使其自知形骸膏於土壤，魂魄屬於虛無。昔時疾患損傷，無身可慮。往日情緣恩愛，回首皆空。復彼一真，釋諸外

惱。轉輪不滅，仙化成人。然後齋福恢洪，善功昭著，恩普霑於動植，澤廣浹於顯幽。國安民豐，欣樂太平。散席解壇，言功遷賞，一如太真之儀。幸請疾速，依應施行，謹牒。

右件奏申牒文，並關上界直符，日時主者，傳達所有奏申之數，自可隨事增損。

鄂都

狀謹申上北陰鄂都宮。

靈寶大法司。

當司先據入事，須至錄狀申

聞者。

右謹具，申

北陰鄂都大帝。伏望

聖慈，特垂矜允。暫迂法駕，略屆齋壇，證錄精衷，鑒瞻修奉。庶使齋功成就，靈滓普覃，福被顯幽，澤霑寰宇，生靈蒙祐，家國承休。仍乞專降指揮，行下北都羅鄂，洞陰鬱絕境界，六天十洞，幽獄冥司，應干合屬去處。依法照應。咸令遵稟符命。拔度亡故某人等魂，及五道四生，三途萬類。運風掃山

之鬼，擔沙負石之徒，穿地引水之龍，受報償辜之職，一切沉靈滯爽，並與疾除罪簿，落滅惡根，赦宥罪瑕，蠲除執對。隨茲召攝，遣出重陰，盡解沉迷，俾膺齋福。如所攝亡魂考證未畢，不應遽原，亦乞差撥官將，時暫引衛赴壇，昭示報應。敢祈早賜施行。謹狀。

東嶽上卿

狀謹申上東嶽司命宮。

靈寶大法司。

當司據入事，須至錄狀申

聞者。

右謹具，申

東嶽上卿司命真君。伏望

真慈，曲垂矜允。特迂仙馭，俯降齋壇，證錄精衷，鑒瞻修奉。仍乞真旨，行下五嶽宮曹，天下名山洞府，福地靈墟，治化靖廬，及茅山華陽，良常洞天，地肺福地，神庭仙館，中界治職，及九州分野，城隍社令，應干合屬去處。依格照應，咸令遵稟符命。拔度亡過某人等魂，及五道三途，四生萬類，以至運

風掃山之鬼，擔砂負石之徒，受報償辜拘魂，未解一切沉靈滯爽。並與削除執對，赦宥罪瑕，超出冥途，俾膺齋薦，悉行遣發，隨召前來。如所攝亡魂未合遽行原釋，仍乞指揮逐處主者，差撥官將，時暫押送赴壇，昭示報應。恭聽天旨施行，庶使善果圓成。宸休普浹，生靈蒙祐，動植霑恩，謹狀。

五嶽

狀謹申上東嶽帝宮。

靈寶大法司。

當司據入事同前

右謹具，申

東嶽天齊大生仁聖帝。伏望

聖慈，曲垂矜允。暫迂仙馭，垂盼齋壇，鑒錄禱祈，證明修奉。庶使齋功成就，天澤普霑，家國蒙恩，生靈均慶。仍乞專降，指揮行下所屬曹局，冥獄幽牢，及九州分野，洞天福地，名山大川，祀典靈壇，城隍里社，應干合屬去處。同上卿狀式。南嶽司天大化昭聖帝。西嶽金天大利順聖帝。

北嶽安天大貞元聖帝。  
中嶽中天大寧崇聖帝。

右四狀，並同東嶽狀式。餘四嶽，方函，各詣某嶽帝官。

凡東嶽狀，不可稱泰山府君，直云申上東嶽帝官。若申泰山府君，方云申上東嶽泰山府。

### 泰山府君狀

狀謹申上東嶽泰山府君。

靈寶大法司。

當司據。入事云同前。

右謹具，申

東嶽泰山府君。伏望

神慈，曲垂鑒錄。特迂雲馭，俯降齋壇，成就善功，證明修奉。庶使顯幽蒙祐，家國霑恩。仍乞行下嶽府所理。冥獄陰曹，及天下名山洞府，福地靈壇，治化靖廬，神庭仙館，及九州分野，城隍社令，應干合屬去處。依格照應，咸令遵稟符命。拔度亡過某等魂，及五道三途，四生萬類，以至運風掃山之鬼，擔沙負石之徒，受報償辜，拘纏未解，或因事候證，或有犯自纏，一切沉

靈滯爽。並與削除罪對，原有愆瑕，超出冥途，俾膺齋薦，悉行遣發，隨召前來。如所攝亡魂未合遽行縱釋，亦請差撥官將，時暫護送赴壇，昭示報應。庶使善果圓成，宸休溥浹，生靈蒙祐，動植霑恩。謹狀。

### 洞天福地

狀謹申上某洞天靖治主錄仙真。狀同式。

乾坤之內，十洞天，三十六小洞天，七十二福地，及漢天師依古跡興復二十四治，嗣師增立四治，晉許真君鎮弭妖孽立三十六靖，共一百七十八所，若逐一申告，則非獨文移繁冗，又且醮位數過多。或以十洞總作一狀之類，則必無投下之司，反就礙理。今止以洞天福地與建齋之地同郡邑者，當就近申之，無則已之。蓋已於狀內，陳乞頒行矣。更請酌詳而用。

靈寶大法司。

當司據。入事同前。

右謹具，申

某洞天主錄仙真。伏乞照詳申請，特迂

仙仗，俯降齋壇，成就善功，證明修奉。仍乞關告所理仙曹靈域，掌錄陰魄，校量功過，應干合屬去處。咸令遵稟符命，拔度係薦某等魂，及五道四生，三途萬類，一切沉靈滯爽。並與疾除罪簿，落滅惡根，疏理拘纏，隨召遣發赴壇，昭示報應。即使謫役停於陰境，考對罷於冥關。慶浹顯幽，福周寰宇。立祈照應施行。謹狀。

### 九壘

狀謹申上第一壘土皇府。九壘聖位在後。

第一壘有四位土皇君，九壘共三十六位土皇君。然每壘四位，當共境界，未免一壘共一狀也。

靈寶大法司。

當司據入事。

右謹具，申

第一壘土皇君。伏望

照詳申請，特與關告九壘地司，主執聖衆。各迂神馭，俯降齋壇，成就善功，證明修奉。仍乞行下逐處土府冥曹，主理罪福，拘役亡魂，應干合屬去處。依格遵稟符命，拔度亡過某人等魂。餘

同東嶽上卿狀。

酆都曹僚

狀謹申上紂絕陰天宮。共二十八狀，同。

靈寶大法司。

當司據入事。

右謹具，申

紂絕陰天宮主宰真靈。伏望

聖慈，曲垂省錄。特迂神馭，俯降齋壇，成就善功，證明修奉。仍乞行下所理幽獄冥曹，主掌死魂罪福，校量世人功過，應干合屬去處。咸令遵稟符命，拔度係薦某人等魂，及五道三途，四生萬類，一切沉靈滯爽。並與疾除罪簿，落滅惡根，解釋冤讎，罷停考對，悉行疏理，應召赴壇。如所攝亡魂未應遽行原釋，亦乞差撥官將吏卒，時暫引衛前來，昭示報應。庶使玄恩普浹，齋福廣覃，幽顯同休，生靈均慶。拱祈照應施行。謹狀。

酆都曹僚聖位

紂絕陰天宮主宰真靈，

大敘諒事宗天宮主宰真靈，

明宸耐犯武成天宮主宰真靈，

恬照罪炁天宮主宰真靈，

宗靈七非天宮主宰真靈，

敢司連宛屢天宮主宰真靈，

泰素妙廣真君，

陰德定休真君，

洞明普靜真君，

玄德五靈真君，

最勝耀明真君，

寶宿昭成真君，

神變萬靈真君，

無上正度真君，

飛魔演慶真君，

五化威靈真君，

酆都高明司直，

酆都東明真公，

酆都南明真公，

酆都西明真公，

酆都北明真公，

酆都鬼宮北斗君，

酆都大禁晨，

酆都中禁晨，

酆都侍帝晨，

酆都鬼官司命官，

酆都丈人宮主宰真靈，

酆都北都宮主宰真靈。

已上二十八狀，方函，各詣其所。

酆都宮諸府八牒

並同式。

酆都變生府主者。

酆都五道府主者。

酆都泉曲府主者。

酆都北天修門郎。

酆都南彈方侯。

酆都北彈方侯。

酆都溟泠大神。

酆都西明郎。

牒式

靈寶大法司 牒上 某府主者。

當司據入事，須至移文。

牒請詳事理，疾速行下所管幽獄冥曹，主掌亡魂，考錄罪福，應干合屬去處。咸令遵稟符命，拔度亡故某等魂，及五道三途，四生萬類。並與疾除罪簿。落滅惡根，疏理拘纏，隨召遣發。如所攝召亡魂未應遽行原宥，亦請差撥吏兵，時暫引衛前來，昭示報應。仍冀神

馭光臨，證明修奉。庶使玄恩廣浹，齋福普覃，寰宇清寧，顯幽昭泰。牒至，幸火急依應施行，謹牒。

### 九州社令牒

靈寶大法司。牒上揚州分野社令神君。

當司據入事，須至移文。

牒請詳事理，疾速行下當州分野，名山大川，城隍里域，祀典靈壇，治職神司，應干合屬去處。咸令遵稟符命，拔度亡過某等魂，及五道三途，四生萬類，以至浮遊郊野，留著坵墟，有主無親，新亡往化，一切沉靈滯爽。並與疏理拘纏，放停考執，原除罪罰，解釋冤尤，隨召前來，以時遣發。如所攝亡魂證結未終不應遽放，亦請分遣屬吏，部衛赴壇，昭示報應。仍乞神驂垂賁，同證齋修。庶使善果圓成，天恩普博。人世遂有生之樂，冥途無不祀之魂。幽顯同休，寰區均慶。牒至，幸星火依應施行。謹牒。

揚州，兗州，青州，徐州，雍州，豫州，梁州，荊州，冀州。

右九州社令，九牒，並同式。如或只用一牒，則專委建齋處所屬之州社令，請專牒關告。牒後則云：牒請詳事理，即與轉牒，關告某州開八州名各處社令，一體行下，逐處名山大川。同前結尾。

### 本郡城隍牒

本縣城隍牒同式。

靈寶大法司。牒上某處城隍主者。

當司據入意，須至移文。

牒請詳事理，疾速行下管屬靈壇典祀，社稷神司，里域衆靈，山林孟長，應干合屬去處，依法照應。咸令遵稟符命，遷拔係薦亡故某等魂，及五道三途，四生萬類，新亡往化，惡死善終，有主無親，迷真惑性，或拘留里域。或執對牽纏，或取會不圓，或考證未畢，以至魍魎陰魅，山石精靈，一切遊神飛爽，沉魂滯魄，悉行部衛赴壇。如所攝魂儀，或係未應原釋之數，亦請時暫引衛前來，恭聽

天旨。仍冀神車早邁，營衛壇場，鎮肅方隅，周旋齋事。庶使善功成就，宸貺

普覃。遍家國以霑休，極顯幽而蒙祐。生靈利樂，動植昭蘇。事畢叙勳，一如玄律。幸疾速依應施行。謹牒。

### 太歲牒

靈寶大法司。牒上某太歲尊神。

當司據入意，須至移文。

牒請詳事理，疾速行下土府諸司，及見今營建壇所土神。並請時暫起離，權行回避。如其地有故炁伏尸，潜妖匿穢，並行收藏屏斥，毋致干侵。應係土府百神，治職去處，或有亡魂，因事執留，並令遵稟符命，遣發前來，以時升度。仍冀神車下降，同證齋修。即使善果圓成，宸休普浹，顯幽蒙祐，家國霑恩。牒至，幸疾速依應施行。謹牒。

### 蒿里牒

靈寶大法司。牒 黃泉蒿里丈人。

當司據入意，須至移文。

牒請詳前件事理，即與關告黃泉幽境，林莽陰鄉，掌領亡魂，主錄鬼爽，應干合屬去處。根攝係薦某等魂，及五道三途，四生萬類，新亡往逝，惡死善終，留滯坵墟，浮遊郊野，無親無祀，失倚失

依，執對牽纏，罪愆拘滯，一切沉靈滯爽。並與遵從符命，疾除罪簿，落滅惡根，遣發前來，恭承齋薦。如所攝亡魂，或考證未終，不應遽釋，亦請逐處計會，差借官吏，引衛赴壇，昭示報應。仍冀神驂下邁，同證齋功。庶使家國蒙恩，顯幽霑祐。事畢具奏，依格叙勳。牒至，幸疾速依應施行。謹牒。

里域帖

靈寶大法司 帖。

當司據入意，須至帖者。

帖請詳事理。自某日開建為始，即與整肅壇界，捍禦凶邪，祛斥不祥，消蕩厭穢，營衛齋事，通達文移。庶使善果圓成，顯幽利濟。事畢具奏，依格叙功。幸疾速依應施行。謹帖。

牒就近典祀正神監壇

靈寶大法司。牒某神。

當司據入意，須至移文。

牒請詳事理。自某日建壇為始，即希躬親統率吏兵，徑赴壇所駐劄。監勒里域土地，干係等神，守衛壇界，祛斥妖氛。應日前，其地或有故炁伏尸，須管

秘藏，毋令發露，或停止下官故炁，並令火急起離前去，不得稽留。自建壇一百二十步內，有太歲官君，禁忌神煞，亦請時暫回避，不許衝妨。事畢散壇，各復元位。庶使齋功成就，魔障不生，福被寰區，恩覃幽顯，叙功拜表，用答神休。幸疾速依應施行。謹牒。

已上申牒文字，關中界直符，并逐處沿路里域土地等神，同共遞發。

水府狀

狀謹申上陽府扶桑宮。

靈寶大法司。

當司據入意，須至錄狀申聞者。

右謹具，申

水府東霞樽桑大帝。伏望

聖慈，曲垂矜允。暫迂龍馭，俯降齋壇，證錄精衷，鑒瞻修奉。庶使齋功成就，靈蔭普覃，福被顯幽，澤周寰宇，生靈蒙祐，家國承休。專降指揮，行下水府有司，江海河源，溟泠泉曲，應干合屬去處。依格照應，咸令遵稟符命。拔度亡故某等魂，及五道三途，四生萬

類，一切沉靈滯爽。蠲除執對，赦宥罪瑕，超出俾膺齋薦，悉行遣發，隨召前來。如所攝亡魂未應遽行原釋，亦乞差撥官將，時暫護送赴壇，昭示報應，恭聽天命施行。謹狀。

陽谷神王狀

狀謹申上陽谷神王府。

靈寶大法司。

當司據入意，須至錄狀申聞者。

右謹具，申

水府陽谷神王。伏望

聖慈，曲垂省錄。暫迂神馭，俯降齋壇，成就善功，證明修奉。庶使顯幽蒙祐，家國霑恩。仍乞行下水府龍庭，河源泉曲，九江八海，四瀆三河，溟泠洞潭，下元水司，應干合屬去處。依法照應，咸令遵稟符命。拔度亡故某等魂，及五道三途，四生萬類，以至攄汲溟波之衆，穿地引水之龍。或自溺以投身，或覆舟而殞命，違盟受謫，積惡償辜，一切滯爽沉靈，並與赦宥罪瑕，蠲除考

對。悉行疏理，放免拘纏，隨召赴壇，以時遣發。如所攝亡魂執證未終，不應遽行原釋，亦乞差撥官將，時暫引衛前來，昭示報應，立祈亟賜施行。謹狀。

### 水府治職

漢江水帝，楚江水帝，湘江水帝，吳江水帝，五川江水帝，揚子江水帝，淞江水帝，松江水帝，荆江水帝。

已上九江水帝，用申狀。

### 牒

東海淵聖廣德王，南海洪聖廣利王，西海通聖廣潤王，北海冲聖廣澤王，順濟龍王，江瀆廣源順濟王，河瀆靈源弘濟王，淮瀆長源溥濟王，濟瀆清源善濟王，馬當山上水府福善安江王，採石山中水府順聖平江王，金山下水府昭信泰江王，青草湖大神彭蠡湖大神丹，陽湖大神，謝陽湖大神，太湖大神。

已上共一十七牒。

### 水帝狀

狀謹申上某江水帝官。

靈寶大法司。

當司據入意，須至錄狀申聞者。

右謹具，申

某江水帝。伏望

聖慈，曲垂省錄。暫迂龍駕，俯降齋壇，成就善功，證明修奉。庶使顯幽蒙祐，家國霑恩。仍乞行下所理，水司治職，應干合屬去處。依法照應。云並同賜谷神王狀。

### 龍王牒

靈寶大法司。牒上 東海淵聖廣德王。

當司據入意，須至移文。

牒請詳事理，即與行下所理，水司治職，應干合屬去處。依法照應，咸令遵稟符命。拔度亡故某等魂，及五道三途，四生萬類，以至漣汲溟波之衆，穿地引水之徒。或自溺以投身，或覆舟而殞命，違盟受謫，積惡償辜，一切滯爽沉靈，並與貸宥罪瑕，蠲除考對，悉行疏理，放免拘纏，隨召赴壇，以時遣發。如所攝亡魂執證未終，遽行原釋，亦請差撥官吏，時暫引衛前來，昭示報

應。仍請神驂下邁，同鑒齋修。庶使善果圓成，宸恩普博，寰區共慶，幽顯同休。牒至，幸疾速依應施行。謹牒。

右照，依前項龍王水府聖位，共一十七牒，並同式。

已上申牒文字，並關下界直符傳達。

### 神虎攝召牒

靈寶大法司。

當司據入意，除已錄奏

天廷，告行符命，請降玉札，遍詣合屬去處，追攝施行。今具係薦亡魂鄉貫姓名在前，須至移文。

牒神虎主吏何喬，三部追魂使者侯魏張，追魂大將，提魂攝魄官將，本司追魂攝魄將吏等神。請詳事理，遍詣十方三界，北都羅酆，海嶽洞天，城隍里社，或幽鄉之陰獄，或分野之冥司，典錄功過之曹，校量罪福之所，掌領魂識，主執陰靈，應干合屬去處。根攝前件亡魂，某人等魂，及五道三途，四生萬類，一切沉靈滯爽。或拘繫禁局之內，或囚閉幽府之中，或自迷自牽，或久沉久墮，以至浮遊郊野，散蕩山林，靈識

轉昏，神明未復，不經拔度，尚困幽陰。並請遵照今來上帝符命，混元玉札事理。火急根攝赴壇，依時報應。如所取亡魂證結未終，理難遽釋，亦請時暫交領前來，恭承薦拔。牒至，幸疾速施行。謹牒。

七玉女牒

靈寶大法司。牒上 神虎追攝七司玉女。

當司據又意同前。

牒請詳事理，遍詣十方三界，幽獄冥關，應干合屬去處。追攝亡故某人等魂，及五道三途，四生萬類，一切沉靈滯爽。或拘留陰境，或執對冥曹，或沉滯坵墟，或浮遊郊野，縈纏五苦，或謫役三途，或戀尸形，或迷性識。咸請遵稟今來上帝符命，玉札事理。悉行根攝，以令月某夜，並赴行司，見形受度。如所攝亡魂，校錄未終，不應遽釋，亦仰計會逐處主者，差撥官將，時暫護送前來，以昭道法，立待報應。切勿稽延。事畢，上聞叙勳，如律。謹牒。

催召牒

靈寶大法司。牒上 神虎攝魂官將衆神。

當司據入事，除已告行符命玉札及移文，根攝係薦亡魂，及五道四生，三途萬類，一切沉靈滯爽，前赴齋壇，以時升度。今來攝召屆時合要所取亡魂，附旛見形，昭示報應，須至再行移文。

牒神虎何喬二主吏，七司玉女，三部追魂使者，本司追攝合干官將衆神。請詳事理，火急催取前件係薦某等魂，及五道三途，四生萬類，一切沉靈滯爽。或沉滯山澤，棲隱坵墟，或無所依歸，浮遊四野，或不係里域，編籍無名，或性識蕩迷，魂神未聚，或已死而不悟，或執愛而自牽，或在三元曹局之中，或墮九壘重陰之下，或校錄之未解，或冤對之尚纏。三界十方，應干去處。依格追取，即令詣壇，以時附旛，分明報應。仍行開諭，俾悟本真，聽法聞經，知根識命，欽承道澤，恭領齋功。儻福廣被於幽陰，則勳實由於官將。事畢，

上奏遷賞如儀。牒至，立俟依應施行。謹牒。

拘集孤魂普召牒

靈寶大法司。牒上 神虎攝召合干官將等神。

當司今月某日，為鄉貫某人，就某處崇建無上靈寶黃籙大齋。以某夜虔備斛筵，普行濟度。除已錄奏天闕，關申三界合屬真司外。合行普召十方三界，六極四維，萬國之中，九州內外，天道神道，人倫道，地獄道，餓鬼道，畜生道，一切幽魂等衆。或終於富貴，或厄於孤寒，或善亡，或惡死，或投河自縊，或委壑墮崖，或無倚無歸，或自牽自執，或依草附木，或隱跡幻形，或懷冤蓄恨而凶終，或茹苦含悲而枉死，或傷殘於戰陣，或誅戮於國刑，或遭歐刺以傷生，或受拘囚而損己，或去離鄉井，或漂泊道途，或屯戍邊疆，或奔馳商旅，或自刑自刎，或自毒自殘，或負命欠財，或違盟失誓，或雷霆震擊，或水火漂焚，或生產未分，或呪詛興



禍，或遭厭蠱，或中毒砂，或馬墮舟傾，或木摧石壓，或精神散蕩，或魂魄飛揚，或足斷手攣，或目盲耳聵，或僧尼雜類，或技藝百工，或既歿而沉埋，或未葬而暴露，或焚屍而擲骨，或失祀以無依，或流竄於異鄉，或羈縻於夷虜，或瘖或瘂，或賢或愚，或壽考而終，或年夭而逝，或孤兒寡婦，或獨老鰥夫，或隱逸之倫，或文華之輩，或娼優之部，或屠宰之行，或賦質而頑，或失身於盜賊，或古來豪傑，或近世英雄，或公府吏胥，或戎門兵卒，或地獄幽關之罪爽，或城隍里社之拘囚，或蒿里黃泉，或溟泠水界，或九壘重陰之內，或五嶽考對之司，或證結未終，或校量不盡，或已經考罰，或未伏典刑，或三途謫役之魂，或五苦償辜之魄，或物精野怪，或妖崇邪神，或魍魎陰靈，或魑魅幽爽，或禽或獸，或蟲或魚，或走地飛空，或沉淵浮水，或居郊野，或處山林，或胎生卵生，濕生化生，或有情無情，有識無識，或展

轉沉滯，或返復輪迴，杳杳乾坤，滔滔今古，無高無下，無極無窮，品類未詳，聲述不盡，冥途夜府，一切幽魂，悉行拘集前來，詣壇受度，須至移文。

牒神虎雄左雌右主吏何喬二大將，主魂七司玉女，三部追魂使者，攝召合干官將吏兵。請詳事理，疾速徧詣冥關幽路，泉曲陰曹，九地諸司，三元主執，山川嶽瀆，分野神靈，社令城隍，典祀宮廟，黃泉蒿里，掌領幽魂之司，里城地祇，典錄亡人之所，天上地下，四海九州，應干合屬去處。咸令遵稟符命玉札，赦宥前件三界十方，四生萬類，一切幽魂滯爽。並與疾除罪簿，落滅惡根，出離陰鄉，悉詣壇所，以時並赴，不請稽延。庶玄澤之廣覃，俾陰靈之俱慶。十方昭泰，萬寓清寧。事畢，上聞叙勳如律。牒至，幸疾速依應施行。謹牒。

右總召牒，自古舊有之。蔣氏《立成儀》亦以常本編入。蓋此牒不過欲普召孤魂而已，非有他意。亦不必

遠引經文，亦初無隱奧難解。但其中云：若非有色，若非無色，若非有相，若非無相等語，全同釋氏之門。縱有所出，亦不必宜用。兼其《立成儀》中，乃牒城隍里域神虎將吏，令其放入前件孤魂。如比則是孤魂並已赴壇，將吏不容其入，大失普召之儀矣。儻只欲放入赴壇之鬼，似不必是。行移之詳矣，理之所在爾，初非求異。允中今從舊典考證，略加排整，使語言有序，庶其易讀。仍牒神虎官將，依準玉札，普行攝召，於理可通。奉行蔣氏之儀式，自從彼科。今為吾黨之士備用，不須彼此混淆。

#### 給散孤魂錢錄關

#### 靈寶大法司。

當司今月某日，為某人崇建某齋。普度五道三途，四生萬類，一切幽魂。除已沐浴朝真，享供受度，聞經聽戒，咸俾升遷。今有太上生天寶錄，酆都山真形，元始靈書中篇，別有印經於此間開寫，銀錢等物，並不限數目。合行給

散，須至專行。

右關六道功曹，法官有平日所用得力將吏，於此添入，請同共監散。當處里域土地等神，引上到壇一切孤魂，將前件符籙經文等物，恭承

道力，變化無窮，逐一當壇，盡行給散，務在周備，毋使缺遺，各令率領。事畢，并行發遣，前詣合屬真司，證品超度施行。故關。

### 遣發奏申文檄關

齋壇多用三界文牒而已。此外行持符法，祈告真靈，斗官五府諸處關文，以備緩急，行持施行而用，故併錄于左。

### 功曹總帖

靈寶大法司。

當司據入意，除已錄奏

天廷，關申三界外，須至移文。

帖三界直符使者，四直功曹，十二時直主者，六道功曹，監齋直事，某處里域土地，齋壇內外干係等神。各請照詳今來建齋事理，即為上開諸天宮闕，普達三界靈司。庶得萬聖鑒觀，百神受職，

進騰章表，翻布符文，通達關申，宣傳號令。上極太空之際，下窮無底之淵，所向必臻，無遠弗届，應聲受事，隨召關靈。俾齋直之圓成，庶顯幽之利濟。福覃無外，澤被有情。散席解壇，叙勳遷賞，錄奏

天關，一如太真之儀。故帖。

### 發上界申奏關

靈寶大法司。

當司恭膺法錄，佩受符章，隸役靈寶，南曹分職，童初翊治，遵行科典，格許關申。況有急切之懇祈，合憑傳奏之曹局。今有文狀，上詣天廷，須至專行關發者。

一奏狀幾，方函，封印全，上詣

某宮，逐一開具。

右關某日某時，當直功曹二使者，請神馭雲飛，使車電激。瞬息而翱翔萬里，呼吸而騰翥九霄。文狀上通，悃誠徑達。如或邪魔邀截，故炁干侵，即請攝赴真司，擒解天獄。仰遵大道垂科之意，以廣

上帝好生之恩。亟切齋持，斯須報應。

故關。

### 發中界文字關

靈寶大法司。

當司受職三天南曹，隸名五元素府，理合糾彈妖妄，法當濟度顯幽。事有關申，格須曹局，今有文狀，前詣中界真司，須至關發者。

一申狀，幾方函，封印全，詣

某所申上。

### 右關

中界功曹使者，請乘飈亟往，飛步潛通，遍詣真司，悉聞中界。俾文移之速達，庶報應之早彰。或無道魑魅干侵，或不正鬼神邀截，即仰擒解就近嶽瀆，束送所屬城隍，研窮罪源，上昭天憲。立俟捷疾，幸勿稽遲。故關。

### 發下界文字

當司恭受靈文，獲膺大法，普利人物，總治幽冥。既列司存，合遵儀範。有關申之急切，當曹局之通傳。今有文移，前詣下界真司，須至關發者。

一申狀，幾方函，封全，詣

某所申上。

右關

下界功曹使者，請潛通鬱絕，下徹重泉，赴地界之幽宮，入冥關之陰治。咸隨所詣，各與通陳。疾速以即闡威靈，亟切而明彰報應。幸勿稽滯，即使遵行。故關。

發三界直符關

靈寶大法司。

當司攝三天執法之任，隸五府記室之班。典格攸存，關申合通於三界。科儀昭著，表文當徹於九霄。今有急切詞陳，須至總行關發，逐一開具。

右關

三界傳奏功曹使者，承差官將吏兵。請分馳神騎，各赴真司。上達三境九霄，下徹十天六洞，普遍八紘之外，以及四維之中，洞府嶽瀆之曹，神靈宮廟之所。遞文移之速達，敷詞愴以急通。疾作傳馳，闡威靈於人世。昭示報應，叙功賞於天廷。即邁雲程，幸毋稽滯。故關。

九皇土壘聖位

- 第一壘色潤地土皇君，
- 第二壘剛色地土皇君，
- 第三壘石脂色澤地土皇君，
- 第四壘潤色澤地土皇君，
- 第五壘金色澤地土皇君。
- 第六壘金剛鐵色地土皇君，
- 第七壘水制澤地土皇君，
- 第八壘大風澤地土皇君，
- 第九壘洞淵無色綱維地土皇君。


上清靈寶大法卷之三十一

上清靈寶大法卷之三十二

洞玄靈寶法師南曹執法典者  
權童初府右翊治金允中編

昇度符誥品


救苦簡符

 玉誕長桑 柏空度仙 丹華曜日 照破九泉	 五嶽五帝紅杏翠 黑磨針襪臘靈寶 三官 九府 上 百	 幽都北府 九幽地獄 二十四地獄 三十六皇獄	 五帝 五岳 司功司殺 司命司錄	 三界大魔 九億鬼王 三界眾魂 拔出地戶	 五苦八難 三官消罪籙 五帝除死名	 照煥 萬罪蕩除 九祖 同昇	 重泉 冤仇和釋	 脫離三塗 覩見 光明	 永辭長夜
---	---	--	---	---	---	---	---	---	--

九幽 黃籙白簡  
龍對 金光自然

安鎮寒泉，永劫長存。魂升九天，無拘天門。急急如元始上帝律令。

聚形



誥文

元始符命黃籙白簡救苦真符，告下十方無極世界，三官九府，百二十曹，五帝考官，巨天力士，九幽地獄，執罰神兵，司錄司命，司功司殺，牛頭獄卒，三界大魔。拔度亡故某人靈魂，出離地獄，永辭長夜，睹見光明，萬罪蕩除，冤仇和釋。乘此九龍度命功德，上生天堂。一如告命，風火驛傳。

太歲年月 日於 三寶前告下。


救苦符可漏式

金籙白簡救苦真符告下  
謹 十方無極世界 具位臣姓某封

長生簡符

元始符命

普告三界



無極神鄉泉曲  
之府北都羅鄠



三官九府 上解祖考 疾除罪簿  
十二河源 億劫種親 落滅惡根

上天度人 太極 九龍  
嚴攝北鄠 都治 九九  
今日欣慶受度


歷關請天請滅 司方 飛度五  
三惡斬絕地根 太玄 戶名列

太玄魔王監 魂度朱陵 普度無窮  
舉無拘天門 受鍊更生 登真度命

鍊形灌質 隨品 返生福堂  
書名紫策 受生 天尊告命

敢不敬聽 急急如律令

聚形



誥文

元始符命金籙白簡長生靈符，告下南方丹天世界，朱陵火府，南昌上宮，長生大君，韓君司馬，司命司錄，延壽益算度厄尊神，迴骸起死監生大神，超度亡過某人靈魂，上登朱宮流火之庭，玉眸鍊質，黃華蕩形，書名紫策，受化更生。承此金籙度命功德，時刻昇遷，一

如告命。

太歲年月日於三寶前吉時告下。

長生符可漏式


金籙白簡長生靈符告下

謹南方丹天世界真位臣姓某封

茭龍驛吏符

按册命云：茭龍驛吏馳送應，謂不用文引，只以符傳付也。今之行者，若未能感通玄虛，可作請關符篆於尾，庶克達命於玄司也。或取新茭縛龍吏，納其符於草人身中，使負簡文。亦須別疏狀，告齋鄠都。不可不啓上真，不召驛吏，直以私意，率易宣此符。正猶人間赦命，非臣下之敢專。故須大醮天地，方可告行也。

玄都茭龍驛吏，一十二萬人，傳命泉宮，開光幽府。凡告救苦真符，當啓元尊玉帝，召關此吏一人也。凡書符時，搯玉帝訣，引北極星光，黃紙黑書，驛吏隨降篆符。紙當以槐黃紙，黑書，驛吏居前也。




北極星光，非北斗第六武曲北極，乃天皇之右北極，乃天樞也。救苦真符，自非大醮天地，不可告行也。儻有投詞，但當詠禮玄文，散燈，念道：使回光九地，輝破八冥，所薦逝魂，亦獲升度。當先置一燈於天尊前，拜跪，焚香，乞降晨光汎燭。九夜，乃執炬分燈，令暉散一輪。作一輪如車子大小，三級，上下三疊，然燈四十九盞，立十方洞靈天尊聖號，開衆生五累果門。假此回光，銷鎔五累也。

### 金龍驛吏符

世有救恤貧乏，濟度天人，奉戒修齋，供養三寶；或鍊真養神，功未充足，命窮滅度，經遊太陰者，方曲行赦命救苦真符外。別以栢木簡作長生靈符，告下南方丹天世界，使擢簡帝堂，鍊神火府。如罪魂無功於天人者，不可濫受登真之錄。但得睹

神輝，更生陽界，則幸矣。故於大醮之初，不告長生靈符。其符簡尺寸，同救苦符式。玄都金龍驛吏，二十五萬人，領符命，啓魔道，馳信令。凡告長生靈符，預關一人。




符用青紙丹書，搯玉帝訣，引太尊星芒，繞筆拂簡。畢，同符命焚青煙中。太尊星，自南而望北斗，則太尊星在中台、下台分中，微北向是也。太尊星北有四星，勢如軍井，南有少微，北是也。少微在亢宿，其星黃色而明要，在天璇、天璣二星正南。以鼻引其芒，繞簡筆也。

### 炁芒各類，清濁異歸。

凡取三光五星之炁，當以鼻引而口吐也。生旺雲烟之炁，當以口吸而隨吐也。引吸之時，勿使耳聞。耳聞則炁芒不降。又不可長引，長引則喘息失度。要在精傾注念，御意合神，於杳冥之間，則吸隨念，感降

自然也。若服御明暉，行吐納之道，則非此限也。



右符，面朝正東，思東極天中金樓玉殿之中，見太一救苦天尊，衣九色雲霞羽服，乘九頭獅子玉蓮寶座，左執甘露碧玉淨瓶，右執空青枝，從大惠、救苦二真人，青玄童子，八十一靈官。頂中出白毫相，光如刀劍，在赤日圓光中，一一分明。即密奏，因依左右，結三塗五嶽印，吸慧光咽了，心念聖號四十九遍。再吹筆書，不以多了。再存，取炁吹之，變化此符。則九州億萬窮魂，俱獲昇仙更生。如度一二亡魂，止可用此符，靈感無極也。

### 九龍符告文

東極青宮救苦九龍符命

### 空符

右符告下

三官九署，五嶽九州，酆都六洞，十宮

九幽，河源泉曲，五道都府，城隍社令，冥關幽局，一切主者，咸領符命。救度亡過某人，并係薦靈魂，洎六道四生，孤魂滯魄等衆。徑出幽翳，永離幽冥，地獄消苦，開泰泉局，火翳滅燄，刃毒摧傾，下明黑暗，上生朱陵，超度三塗，宿對停輪。一如告命，風火驛傳。

太歲年月 日吉時告下。

具法位臣姓某 告行。

方函式

東極青宮救苦九龍符命告下  
十方三界天牢地獄主者 具法位臣姓某謹封

玉清寶籙破地獄真符



符告文

普告三界，無極神鄉，泉曲之府，北都羅酆，三官九署，十二河源。上解祖考，億劫種親，疾除罪簿，落滅惡根，不得拘留，逼合鬼群。元始符命，時刻昇遷，北都寒池，部衛形魂，制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊

年。永度三塗五苦八難，超凌三界，逍遙上清。一如告命，風火驛傳。

年月 日 吉時告下。

具法位臣姓某告行。


內封式

玉清寶籙破地獄真符 具法位臣姓某謹封

方函式

玉清寶籙破地獄真符告下  
三界十方冥曹主者 具法位臣姓某謹封

玉清寶籙拔幽魂真符



符告文


元始符命，時刻昇遷，同前至逍遙上清。

年月 日吉時告下。

具法位臣姓某人 告行。

右二符，並以黃素丹書，黑書告文，內封外封，通用黃素墨書。造二十道。以十道告下十方，九道告下九州分野，內各一道，專用度有姓亡魂。

下元登真度命出離生死靈符



符告文

赤文玉清，上通紫庭。天慈赦宥，亡過某及億曾萬祖，苦爽遊精。削除罪簿，落滅惡根，速赴生方，罔識咸寧。上登天堂，澄神鍊質，真心洞明，蕩除陰翳，入道登真。一如告命，風火驛傳。

年月 日時 告下。

具法位臣姓某 告行。

可漏式

登真度命出離生死靈符告下  
九幽十方三界主者 具法位臣姓某封

右符以栢木造，長九寸九分，闊三寸，厚五分。簡文背書五行，歲月一行，共六行為式。拔度民庶用之。


太上敕赦生天寶籙式

无上玄元太上生天寶籙。

敕勘鄉貫某人投詞，伏為亡故某人，元命年月日時受生，於某年月日時命終。以今崇建某齋，用伸追薦。除已錄奏天闕，請命施行，須至出給符籙

告下者。

書寶籙符形



度人不死之神 南極長生之君

度世司馬大神 好生韓君丈人

太上救赦生天寶籙

告下三界

天曹地府

山川河嶽

右奉

太上救赦生天寶籙，告下三界，天曹地府，山川河嶽，泉曲冥關，北都羅酆，六洞十宮，三官九府，百二十曹，鬱絕之鄉，幽陰之境，諸大地獄，九州分野，福地名山，城隍社令，神物司臨之所，仙曹典錄之墟，校量罪福，考察功過，一切天牢地獄主者，咸領符命。應亡魂

累劫宿世，以至今身所作諸惡根衆罪，一切冤愆，承此太上慈恩，並與疾除罪簿，落滅惡根。不得拘留，徑出地府，永離幽冥，皆證妙果。如擔沙負石，連汲溟波之衆，驅雷役電，掃山穿地，貫天引水之徒，並與斷地逮役，永使逍遙。即令亡魂從今已去，七氣成真，六儀成體，五靈續絕，二曜扶衰，旋綱躡空，飛步靈宮，胚胎有始，塵劫無終，金城鍊質，玉洞凝神，真氣內養，以成真

人。上入玉虛，下洞幽泉，雲宮寶闕，中有真魂，出入福鄉，周旋生門，咀嚼靈芝，灌漱金泉，甘露川流，玄澍丹田，紫霞朝映，三氣凝烟，瓊室化仙，安座金蓮，真容掩日，塵劫爲年，一如告命。

年月 日時告下。

如大齋，可於此列六職位。

具高功法位臣姓某告行。

右先望天門，密奏。訖即將墨筆，書

赦敕文。畢，望天門密呪曰：

無上玄元太上道君，教臣行符，照破諸

獄。或言幽獄。死魂出離，急急如

太上律令敕。

呪七遍，用朱書南斗形，寫真諱於其

下。存天門方有玉童一人，乘金光

持黃牒下降。唵炁書四字了，逐一

字念四字，四遍，合形，如法施用。

寶籙符篆，並黃素黑書，內外封並用

黃紙。可告二十道，十道告下十方

世界，九道告下九州，一道專度列

位有姓名亡魂。讀訖，烈火焚化。

則得赦宥萬罪，消釋千愆，魂神內鍊

自生，徑得上升仙界。

內封式位同

無上玄元太上救赦生天寶籙告下具法位臣姓某謹封

十方三界天牢地獄主者 具法位臣姓某謹重封

切謂告符命以拔幽靈，所藉者符文，

出於科典。及其臨壇行事，則奏啓

玄穹，頒行九地，此古法也。而近世

庸妄之徒，專意誣罔世俗，故符命不

問重輕，不究是非，悉言自天而下。

至於印記，亦多取三天太上道君玉

印之類，以印符告。殊不知世間朱

砂、黃紙，成於凡人之手，而且欲欺

詐，矯稱天降，其為巧計，不亦疏乎。


生天寶籙者，如世人宗壇之義。符

文呪訣，出於太上。齋盟奏告，然後按行。故於錄尾，具高功位告行，言告之於天而行也。或者改為承誥奉行，則失本旨遠矣。甚至於其間，顯言手弑君父，不孝二親，此事其可赦哉。既為人，當知逆順，殺父弑君，豈忍形之言辭，而欲免其罪，則天地鬼神為之不容。雖經科中有時載之，今奉行科法，不應顯書而行。況世間罪目，萬狀千條，亦豈得一一盡述。只略言諸惡衆罪，使其符文可

以免罪，則不具罪目，亦可升度。若其符不可行，則累牘盈編，詳書過咎，悉成虛語爾。年月之後，妄立天相，以擬朝廷赦命，此於憲章已自非，使兼上天寥邈，不可理測，不可臆量，乃自撰名位，以人間朝班，而品排上真，以罔人求利，恐未足贍其軀，獲罪以殞軀，多不得享其利。近又有全取朝廷赦書，以為告文者。其間有已發覺，未發覺等語，此又罪不容誅，學者能捫心詳思之。凡事近厚，稍存正理，從其平易可行之

格，非為一身，免受禍於人間，亦可使九祖，獲逃罪於幽壤。又不誤人，於無窮之福報。

度六道四生錄式




太上生天寶錄，超度六道孤魂滯魄，出離幽夜，隨果往生。主者遵依符命施行。

年月 日時告下。

具法位臣姓某告行。

元始符命



符告文

元始符命，時刻昇遷，北都寒池。部衛亡過某人形魂，制魔保舉，至逍遙上清，一如告命。

年月 日時告下。

具法位臣姓某 告行。

普告三界符




符告文

普告三界，無極神鄉，至逼合鬼群，一如告命，風火驛傳。

年月 日時告下。

具法位臣姓某 告行。

歷關諸天符




符告文

歷關諸天，請滅亡過某人三惡，斬絕地根，至無拘天門，一如告命，風火驛傳。

年月 日時告下。

具法位臣姓某告行。

敕制地祇符





### 符告文

敕制地祇，侍衛送迎，至受鍊更生，一如告命。


年月 日時告下。

具法位臣姓某告行。

右四符，若薦度亡魂，只專書其中一符，只用簡書，如救苦簡式。若崇建大齋，則諸符普告，只用黃紙朱書，方函，如式用之。

允中嘗考元始符命，歷關諸天，敕制地祇四符，皆出於《靈寶度人經》法中，自古有之。因經立法，故符不外於經。其說謂嗣受靈寶弟子，合關昇九祖，過度一身，是以傳度之式，給告此符。別有行用，以之薦拔亡爽，則以經中之辭為告文，終不越違其本旨。天台四十九品中，既不修入此法書。而其徒臨事，却行施用。或於本文之上，加玉清等事。或一符而稱靈寶告命，或以一符而稱靈寶符命。此語上多不知其意，欲更改其名以罔俗耶，或不失出處而妄用耶，皆不可續撰名稱也。

### 四鎮合同符昇玄錄中本好




此符又名金文玉券。東一分朱書黃素，焚付天門吏。南一分朱書白璧，投名山福地巖穴洞天之中。西一分朱書青繒，付亡魂收執之。北一分雕金魚之背，流之水中。並書刻齋意。北乃天上人間證質齋功，超昇亡爽也。

允中恭按：古科四鎮合同，分為四分，證質三界，仍給付亡魂。是承齋功，出離幽境。欲天上人間，悉資善功，所至逍遙。其說甚長，其格甚古。近世所傳四鎮合同符。將一角謂之靈寶符命，用普告三界為告文。取一角謂之元始符命，用時刻昇遷為告文。取一角為玉清寶錄，用歷關諸天為告文。取一角謂之靈寶誥命，用敕制地祇為告文。乃於鍊度之時，焚於火池中。且鍊度之時，存亡魂在前方行鍊度。既非追取亡魂，又非超度亡魂，水火與皆在壇，而焚四片合同符，何說也，合同之義安在也。其誑妄之源，流波未泯。台山且有文過之語，

云所度亡魂，已自升天，不必合同於三界。此愚弄俗人可也。自古黃錄埋簡，以告齋於三界，使齋功無所不及也。況亡歿罪魂，一經薦度，鍊除陰翳，得脫重泉之中。或得隨品受化，已是大幸。便欲使徑上九天，可乎。四鎮合同，給一片付亡魂，則高功自揆已之功德行業，未能通達幽冥，縱使高真垂憐，悉可其奏，尤未明能審亡魂所詣。故四鎮之符，分詣三界，俾亡魂所向，合契昇遷，隨品受化，免為罪魂，斯其意也。豈可以為亡魂上天去了，不必分三界，如此則亦不必焚之鍊度所也。大意其源流，專以欺罔為事，其行用誑妄，毋足怪也。

### 昇天大券

此券以黃素方一尺六寸，中絕夾合，面書三界洞章，背書告文，盛卷以黃繒。付亡魂佩之，即得精炁魂魄神識，全出地司，受化更生天人。



告文

今日欣慶，歷關諸天，至無拘天門。

太歲年月 朔 日時告下。

具法位臣姓某 告行。

靈寶昇天左券

宣婁阿蒼，無愁觀音，須延明首，法攬  
菩曇。

每行四句，靈書共一十六行，末尾書

告文云：

元始靈書中篇，升度亡故某人，上登道  
境，魂神受度，更生自然，一如告命，風  
火驛傳。

太歲年月 日同前。

具法位臣姓某 告行。

三皇內文六十八字，書於左券背。

《三皇內文》不錄在此，自有別本。

凡昇天左券，背文外書亡魂數目。

靈寶昇天右券

面書三十二天帝，背《三皇內文》，於  
右朱書亡魂數目。

太皇黃曾天，帝鬱藍玉明。

太明玉完天，帝須阿那田。

每天二句，八天計一十六句。一方

八天，作四行書。四方共三十二天，  
共作一十六行書。左券偶數，右券  
奇數，如上式。末後書告文云：

無色之境，天帝玉真。梵行帝諱，三界  
天名，隱音隱韻，天中空洞。自然靈  
章，天中之尊。天中大魔，天中之靈。  
九和十合，變化上清。无量之奧，深不  
可詳。敷落神真，普度天人。亡魂某承  
此功德，上登道境，一如告命，風火驛  
傳。

年月 日時告下。

具法位臣姓某 奉行。

背書文《三皇內文》，不錄在此。

左右券並以青素丹書，中央橫截，一  
半用栢木匣盛密封，付天門吏。一  
半付男魂，一半付女魂，首領者密封  
如今，執付天門驗契。若無此券，地  
司土府不與全神而去，五嶽不與名  
籍而去，火官不與靈光全明而去，天  
門遏不使進前。若有此券，則得徑  
入天門，上生福堂。

外函內函

靈寶昇天右券 具法位臣姓某 謹封

靈寶昇天某券告下  
天門守衛衆神 具法位臣姓某謹重封

允中切詳靈寶左右券，青素丹書，中  
間橫截斷之。一半用狀封，付天門  
神吏。一半給付亡魂之首。某魂得  
此券。亡魂得之，三界不復拘留，可  
免沉滯，非獨為昇入天門而已。使  
其功行未該，朝謁上帝，則在中界，  
亦為身寶，度化更生而已。行教之  
士，宜審用之可也。

上清靈寶大法卷之三十二

①九：原誤作「見」，今依文義改。

上清靈寶大法卷之三十三

洞玄靈寶法師南曹執法典者

權童初府右翊冶金允中編

昇度符告品

太上洞玄靈寶長生度命無上黃籙。

維國號年月朔日，某甲子某州鄉貫某人，伏爲亡故某人齋意，仍就黃籙齋壇。乞傳授太上洞玄靈寶長生度命無上黃籙一階，付亡某人靈魂齋執，過度三界，證品超昇。仍令受持金籙白簡，九真妙戒，長生靈符，救苦真符。當消九幽大罪，標名九宮。察命童子，護戒威神，五帝直符，六宮掾吏，自當隨逐簡文，覆護受戒弟子。天上人間，常爲身寶，須至給籙者。

三皈依

第一皈依，

无上道寶。

第二皈依，

无上經寶。

第三皈依，

无上師寶。

九真妙戒

- 一者敬讓，孝養父母。
- 二者克勤，忠爲君主。
- 三者不殺，慈救衆生。
- 四者不淫，正身處物。
- 五者不盜，推義損己。
- 六者不嗔，凶怒凌人。
- 七者不詐，諂賊害善。
- 八者不驕，傲忽至真。
- 九者不二，奉戒專一。

神威戒護



校錄真人度

九華度命君

好生度命君

元黃演舍真君

書籍賞善罰惡君

左考正信真君

校章品度人魔王

九壇度命百使君

太一神元精德君

混元定生含真君

金闕通天大法橋君

朱陵上宮火府君

長生人君

韓君司馬君

書善真君

校錄真君

司命真君

司錄真君

延壽益算君

迴骸起死君

監生大神君



正度亡過某人靈魂受煉

南昌上宮度命黃籙

察命童子



救苦真符

符篆

元始符命金籙白簡救苦真符，告下十方無極世界，云云一如告命。

百二十曹官



長生靈符

符篆

元始符命金籙白簡長生靈符，告下南

方丹天世界，至一如告命。

迴骸起死尊神



監生大神帝君品命



受度某人靈魂，即日恭詣黃籙齋壇，拜受太上洞玄靈寶長生度命无上黃籙一階。如法受持，永充濟拔，人間天上，敬信奉行，一如玄科律令。

太歲年月 日某州縣黃籙齋壇給。

度師法位姓名 押。

保舉師法位姓名 押。

監度師法位姓名 押。

允中原夫道之始也，本無形，本無文。故不可名，不可睹。及其析希夷之妙，剖混沌之胎。於是昭煥陰陽，肇分清濁，靈虛孕秀，空洞生神。或聚炁而成章，或結玄而示象。以致五篇敷落，三洞宣行，實自然而然。應運降世，大可以保制劫運，翊贊元綱。下可以陶鑄黎民，昭蘇幽顯。莫非出於萬道之祖，元始天尊。以時宣演，立三乘而接物，出九等以度人。三洞之書，因經而籙降，自籙而法彰。道法之行，以符為首，亦合之義也。蓋符文生於天地之初，而涵乎自然之妙。施於世人，可以輔正除邪，驅災拯厄。用於冥界，則可以超脫九祖，濟拔沉魂。中古以後，齋法興行，洞玄之宗，靈風枝物。遂使修齋設醮，祈告高穹，請命頒符，煥燭幽夜，亦以符為先。蓋符乃先天之妙炁，自然之靈章。奏告而行，陰關開泰，無所不禳。又豈在於符篆之多，名號之異，而後可以通感哉。近世執法行科之士類，不深究

此旨。其間所見不同，用心失正，臨壇行事，求勝於人。靈寶本法，正屬洞玄部。其為昇度符告，如長生靈符，救苦真符，破地獄拔幽魂符，元始符命，九龍符命，登真度命符，普告三界符，歷關諸天，敕制地祇符，四鎮合同符，昇天三券，據古法符命，如此而已。請行符命，惟恐不蒙上帝許容奉行。儻得一符可應，則係薦之魂，無不可度，又豈可以符多為貴哉。今編出靈寶符命，不敢雜用他符，亦不增添他法符命。止用洞玄本科告行符命，悉出靈寶正法，以全教綱故也。學者宜詳辯焉。

上清靈寶大法卷之三十三

# 上清靈寶大法卷之三十四

洞玄靈寶法師南曹執法典者  
權童初府右翊治金允中編

## 受持策杖品

凡造策杖，須擇名山福地，淨域靈墟，用吉日，取向南淨竹一枝，長五尺五寸，通有九節者，奉安淨所，選甲午、丙午、丁卯，或三月三日，五月五日，七月七日，九月九日。將竹第一節，左微曲一曲，右微曲一曲。於第三節下四面，開四竅，納以四嶽內名。於頂中開一穴，安中嶽內名，又實以靈書中篇。各以蠟封固。或專意佩持修用者，則用五帝符入杖中，以黃紋之縵作袋用，長短小大，僅可容杖。凡行事之時，於第二節下懸小黃旛一首，長七寸。旛上書十方救苦天尊號，及十方玄化符。常行佩受，則去旛子。又一法，杖不曲。受禱之法，坐卧起息，常以自隨。至


不可隨身之地，則置之潔淨處。受持既久，以杖指天，天神設禮。以杖指地，地祇侍迎。指東北方，萬鬼束形。久久精勤，衣蓋竹隱以出入。凡施為，當叩齒三十六通，存五帝直符各一人，隨方色之服，五帝玉女各一人，侍衛策杖，有五色之光，映流杖上。微呪曰：

太陽之山，元始上精。開天張地，甘竹通靈。真符守吏，部衛神兵。五色流煥，朱火金鈴。輔翼上真，出幽入冥。召天天恭，攝地地迎。指鬼鬼滅，妖魔束形。靈符神杖，威制百方。與我俱成，與我俱生。萬劫之後，以代我形。制我五解，神昇上清。承符告命，靡不敬聽。


右呪畢，引五方真炁，三十六咽，止。或以三元八節，本命生辰，請炁行持，焚香朝禮。或旦旦行持誦呪，精誠不倦，神真現形，杖則載人飛行。功滿德就，以杖假形，倏忽之間，已成真人矣。

## 五嶽符

東方青地丹書，納杖東面。



南方赤地黃書，納杖南面。




西方白地黑書，納杖西面。



北方黑地青書，納杖北面。



中央黃地白書，納杖中央。



十天玄化符

太乙救苦天尊 尋聲救苦天尊 九幽拔生

朱陵度命天尊 六轉念廣度沉淪天尊弘慈廣度天尊聖力無窮天尊轉

輪聖王天尊隨願往生天尊 大慈大悲大惠真人 大慈大悲救苦

四極神靈稟受符命救三官五帝人 九府四司五嶽九幽六洞十宮

都主者普行拔度一切亡魂出離地獄上生天堂

合形



東方青帝符，青地紅書。

青帝歌

東望重拜手，蒼帝玉皇君。靈風鼓橐籥，育物布元春。雲龍轡嚴駕，玉樹擁瓊輪。枯萌汎露及，大惠無不均。萬仙歌以道，委曲戒天人。心根迷自固，拱跪戴洪仁。

南方赤帝符，紅地黃書。

赤帝歌

太景闔玉樞，洞堂啓金除。寒林蔭瑤砌，丹鸞踏瓊株。寶房名曲麗，明璫神所尻。飛遊豁雲道，引目眇真都。天日永不夕，重烟鎖青廬。太上敕印開，帕几羅簡書。裊風樹玄化，愍勲諒有餘。

西方白帝符，白地黑書。

白帝歌

陸甲抱金闕，柒政守靈壇。流鈴擲化火，威劍巨龍蟠。邈彼素靈真，明憲孰敢干。束制妖鬼魔，凜落霄風寒。冷氣既已息，萬天俄而安。真儔荷大庇，抵賴相歌歡。

北方黑帝符，黑地青書。

黑帝歌

無質統有物，淵兮上帝心，不啓不發道，蘊妙化機深。恐爾漏未盡，陰想忽浸淫。輪轉無涯波，苦道相迷尋。萬年嘗謹約，一旦自湮沉。無沖落鬼境，殃譴不可任。

中央黃帝符，黃地白書。此五符，即五芽真文。

黃帝歌

萬天拱中宸，控駕玉池根。翹機貫億曆，洞明闢四門。大有混黃真，糾制星宿魂。非帝道不運，有方賴之存。威忿即霜秋，味豫爲陽春。地成握元紀，仰荷戴无垠。

允中聞之師訓，道法之修用多門，策杖則託物寓靈者也。如董真人以神尺而成功，皆此類。蓋於平居閑暇之時，受持不廢，呪誦精勤，則大可以尸解託形，中則可以救危拯厄。行持齋醮，用以破獄。復假上帝靈符，資杖之靈神，庶幾可以感通溟漠，昭煥幽扃。近世多有不佩持，臨用却於師前請杖，用以破獄，非格也。正受中盟秘錄，嗣行靈寶大法，五靈策杖乃本錄本法之合用者。故當擇日，依格製就，一如科法，安置法院。晨興朝修之際，呪持如法。臨事施用，不復請降於師前。非此法錄之階，不當僭用。或平居失於佩持，則無於上帝之前啓祝，乞行破獄真符，願降十方生炁，五嶽靈芑，

灌注策杖。使幽關開泰，亡爽超昇，行用一如常日受持之訣。此乃法師存念密行之事。近世立科宣白，以助觀美。且使齋官喜其詳密，不知理不應用科文者，難以隨俗補綴。此等事顯行，不若默行。所以破獄，當請道衆行科，而高功端默存念，或有萬一之補，而常俗之論，又以地獄淵深，非可設像於地上，而冀其應。以形迹而言，誠不可行也。第科條所列，本有此式，為高功者，祇當精其念慮，專誠告祈於大道，乞上帝矜允，則獄何患其不開。故欲破獄，須盡其心，以告上帝也。既用策杖破獄，則破獄行用，自可連續，而古者策杖，先以自修，不專為齋醮而設。故破獄之條，別作一品。

### 上清靈寶大法卷之三十四

## 上清靈寶大法卷之三十五

洞玄靈寶法師南曹執法典者  
權童初府右翊治金允中編

### 然燈破獄品

破獄之科，本不與然燈連續。但唐廣成先生科，有九幽燈，則後世之九卮燈也。大則八十一盞，亦可九盞。其古法科中文辭，正以照燭九幽獄，其行用則與禮燈之法相似。故今以然燈點於獄前，請道衆宣科，而高功存思行用也。

道衆列班於獄燈前，高功啓白

先祝香如式

謹焚寶香，一心奏啓虛無自然元始天尊，太上道君，太上老君，昊天玉皇上帝，紫微北極大帝，勾陳天皇大帝，后土皇地祇，東極青宮慈悲救苦天尊，九天上帝，三十二天上帝，東華上相木公青童道君，白玉龜臺九靈太真金母元君，萬天上帝。恭皇天恩，流慈

鑒映，玉華散景，九炁凝烟，香雲密羅，逕衝九天。侍香金童，傳言玉女，為臣通奏，上聞帝前。今臣所啓，咸賜如言。稱法位臣姓某，夙藉善因，獲承道蔭，叨膺符籙，忝綴班行，僭主齋修，謬當首職。以今切慮所薦亡過某等，及九州四海，五道三途，抱識含靈，一切幽爽，下元罪魂，自棄幻身，多罹陰境，牽纏地府，執係冥曹。非憑上帝之頒恩，豈得幽都之奉令。伏願降度魂之勅命，下破獄之真付。六天十洞之曹，開扃啓閉。五嶽九幽之境，放罪釋愆。庶使係薦之亡魂，以至九州之滯識。超離苦趣，瞻睹慈光，符命下頒，以時報應。臣恭對天闕，依格奉行，無任祈恩，俟命之至。

高功存變行持，道衆一人行科

伏聞天地八方，有九幽地獄，考謫罪魂，皆由生世之時，造諸惡業，身歿之後，淪滯三途。受報終天，無由解脫，冥冥長夜，不睹光明。若非大聖垂慈，善緣開度，長居黑暗，憶劫難原。所以天尊玄科者，然燈之品，繼明西

日，昭映窮泉。流光所臨，沉魂息苦。神輝所燭，幽爽停酸。然燈之功，獲福無量。以今齋官某，切慮亡過某，倏謝日寰，竟歸夜府。或罹牽執，未遂升遷。謹用依教祈恩，修齋行道，焚符破獄，按格然燈。伏願九獄消簡對之文，三途罷謫役之苦，靈光所燭，黑壤開明，恭對燈壇，關行法事。

舉法事

弟子某人，謹然九幽神燈，上照東方無極諸天，福堂之內，陽光煥赫，照徹東方。中照震宮之卯位，青帝之野。清蕩凶灾，掃除氛翳。下照東方風雷地獄，破除幽暗，開諸光明，一切幽魂，乘茲妙利，震雷霹靂，息難停威。克獲生天，逍遙自在。法衆虔誠，稱揚讚詠。

衆諷中篇，旋遶

弟子某人，謹然九幽神燈。上照南方無極諸天，福堂之內，陽華洞煥，徹照無窮。中照離宮午位，赤帝之野，消平灾異，掃蕩氛邪。下照南方火翳地獄，破除幽暗，開諸光明，一切幽魂，乘

茲福利，吞火食炭，克獲清涼，普得生天，逍遙快樂。法衆虔誠，稱揚讚詠。

衆諷中篇，旋遶

弟子某人，謹然九幽神燈。上照西方無極諸天，福堂之內，真光洞徹，照耀重泉。中照兌宮酉位，白帝之野，消蕩兇惡，掃滅邪氛。下照西方金剛地獄，破除幽暗，開諸光明，一切幽魂，乘茲福利，金鎚鐵杖，化成蓮華，溥得生天，逍遙快樂。法衆虔誠，稱揚讚詠。

衆諷中篇，旋遶

弟子某人，謹然九幽神燈。上照北方無極諸天，福堂之內，祥光照灼，朗徹無邊。中照坎宮子位，黑帝之野，蕩除邪穢，洗滌灾凶。下照北方溟冷地獄，破除幽暗，開諸光明，一切罪魂，乘茲福利，冰戟霜刃，楚毒頓除，普得生天，逍遙快樂。法衆虔誠，稱揚讚詠。

衆諷中篇，旋遶

弟子某，謹然九幽神燈。上照東方無極諸天，福堂之內，靈光洞煥，照映虛空。中照艮宮寅位，丑寅之野，掃清灾沴，摧蕩凶邪，下照東北方鑊湯地

獄，破除幽暗，開朗光明，一切幽魂，乘茲福利，鐵叉煮漬，息苦停酸，早獲生天，逍遙快樂。法衆虔誠，稱揚讚詠。

衆諷中篇，旋遶

弟子某，謹然九幽神燈。上照東南方無極諸天，福堂之內，光華普照，煥耀無涯。中照巽宮巳位，辰巳之野，蠲消邪惡，摧滅灾凶。下照東南方銅柱地獄，破除幽暗，開朗光明，一切罪魂，乘茲福利，免其焦爛，內外清涼，獲生天堂，逍遙自在。法衆虔誠，稱揚讚詠。

衆諷中篇，旋遶

弟子某，謹然九幽神燈。上照西南方無極諸天，福堂之內，流光洞徹，照耀無窮。中照坤宮申位，未申之野，掃除陰沴，清蕩凶邪。下照西南方屠割地獄，破除幽暗，開朗光明，一切罪魂，乘茲福利，免經屠割，業報蠲除，盡得生天，逍遙快樂。法衆虔誠，稱揚讚詠。

衆諷中篇，旋遶

弟子某，謹然九幽神燈。上照西北



方无極諸天，福堂之內，光華煥徹，朗映太虛。中照乾宮亥位，戌亥之野，掃清妖惡，蕩滅凶灾。下照西北方火車地獄，破除幽暗，開朗光明，一切幽魂，乘茲福利，停輪息燄，清淨宿根，離苦生天，逍遙快樂。法衆虔誠，稱揚讚詠。

#### 衆諷中篇，旋遶

弟子某，謹然九幽神燈。上照中天，福堂之內，光明煥徹，輝映萬方。中照中宮，神州境域，灾凶殄息，妖惡潜消。下照中央普掠地獄，破除幽暗，開朗光明，一切幽魂，乘茲福利，刀山劍樹，永斷攀緣，離苦生天，逍遙快樂。法衆虔誠，稱揚讚詠。

#### 衆諷中篇，旋遶

向來然燈破獄，無限良因。伏爲九幽地獄，无量罪魂，以至十類四生，三途五道，九州分野，苦爽沉靈，无量无邊，含情抱識，有主無主，若冤若親。墮此獄中，受諸罪報。或先身作覺，此世爲愆，或三業六情，或宿纏往對。當生之日，不悟善緣，自作自爲，違天負

地。命過之後，幽係地司，五苦互煎，衆惡備受，諸罪未盡，難獲託生，展轉三途，輪迴六趣，動經億劫，出離無由，一失人身，永垂賢路。自非大道遷拔，至聖垂慈，長夜沉沉，何由超脫。因今然燈懺謝，咸睹光明。集此善因，奉爲齋宮，薦拔亡過某。一性昭融，萬罪消滅，乘茲善果，託化更生。爲此因緣，志心稱念十方救苦天尊，不可思議功德。

#### 高功望闕謝恩

高功存念行持法，於道衆未宣科，先密啓上真，具陳齋悃。次執策杖，用破獄符九道，半幅薄紙書之，不用誥文。每同中篇真文一幅，共捲法師袖中，執杖，化身為救苦天尊，步罡一座。出罡，向東方地獄，燒符文一道。存青黃白三色之炁，隨灰散布，光芒照徹，下入地中萬丈，下見此方地獄等處，不計數目。千曹萬局，考對之司，悉皆望闕，領受符命。毀鎖開張，盡放罪魂，隨光來詣道場。焚符，念本方梵唱呪，想成。再燒艷都

山形一本，吹散其灰隨炁，以杖撥開獄燈，見上極高天，下窮厚地，內外洞明，地獄空閑，九獄皆同。都畢，法師回身望闕，上香謝恩而退。破獄符見別品中。

#### 九清梵唱破獄呪

#### 東方

九炁青華，光曜風雷。玉寶慈尊，摧戈毀戟。扶晨通照，魂昇太微。神識受度，福享無期。

#### 南方

三炁丹華，光徹火翳，萬福慈尊，蠲灾火池。化成青圃，甘涼瑩肌。苦魂受恩，逍遙无爲。

#### 西方

七炁素華，照耀金剛。太妙慈尊，摧鋒滅鏑。刀化騫林，劍變栢桑。魂魄升度，與日同光。

#### 北方

五炁蒼華，光徹溟泠。玉晨慈尊，冰雪池温。温生寒廓，毒汁消清。魂獲妙樂，飛昇香林。

#### 東北方

梵炁晨華，徹照鑊湯。度仙上聖，威感無方。沸湧停息，以化甘漿。亡魂生形，徑昇天堂。

東南方

生炁之華，下照東南。銅柱破裂，火燄息閑。好生度命，普濟無間。苦爽解脫，昇度玉壇。

西南方

黃華月輝，透降坤維。除釋鋒鋸，屠割摧威。虛皇慈尊，保度沉黎。罪魂澄甦，刀劍悉摧。

西北方

天元景色，祥華敷光。无量慈尊，塗毒消亡。火車摧轂，皆化青蓮。焦骨爛肢，再生清涼。

上方


玉光金真，流精降暉。火坑天牢，悉變死灰。玉虛玄尊，普度無為。魂昇天堂，受福巍巍。

中央

三晨玄景，洞照普掠。真皇慈尊，除落考掠。金鎚鐵杖，應時消鑠。萬苦停酸，罪魂快樂。

破獄罡式

九獄燈圖



謹遵師傅，上稽舊格，破獄行用，悉著于編。關燈之文，出廣成先生《黃籙齋科》。其式只如禮燈之法，亦不諷經。古本上稱九幽燈而已。後世九卮燈，則每方諷《生神章》，其文亦少異。今用於獄壇，仍令齋官禮燈，而道衆宣演如法，以助高功行用。如禮東方燈，高功則至東方，行持破獄，所以諷中篇，旋遶以應高功存念也。道衆方宣文，禮第二方燈，旋詠如初。九獄皆然。庶使高功神炁安平，與祝燈之辭語意相合，免致紊亂存想。如近世九獄燈文，乃關燈之中，每方舉偈子一首，言辭不能典雅，且與破獄事體全不相合，所以汨溷高功之耳，又無益於事也。若九幽神燈然於道場諸處，則關祝之科自從世法。但破獄之義，本為普度而設。齋修之建，雖隨齋主之力。

凡有三朝啓壇、散壇，奉行齋法，並合隨宜，備置斛食，廣及三途，悉行度化。然後請符頒命，破獄行持，庶其有理。今齋詞之中，上不祝君主而及寰區，下不度九祖而及五道，用心窄隘，專意於所薦三位亡魂。如此則上帝不應為一人，而設特降符章，悉開九獄，必無此理也。地獄未必可盡，孤魂未皆可度，而我之立意，無一毫及物之心，豈太上垂科之本意也。施食普度，不拘多寡，隨力輕重，以恢善意，則破獄故事，始可舉行。專薦而無一語及衆生者，止可然燈宣讀，足矣。破獄之科，不必用也。識者以為然否。今之求用於齋主者，不敢喘息此說。吾當自行之可也。

上清靈寶大法卷之三十五

# 上清靈寶大法卷之三十六

洞玄靈寶法師南曹執法典者  
權童初府右翊治金允中編

## 神虎攝召品

《靈寶太赤金科》曰：青陽之君生炁之府，有東斗主筭君。丹靈之君養光之府，有西斗記名君。元炁之君赤炎之府，有南斗上生君。太淵之君鬱絕之府，有北斗落死君。中和之君北魁玄範府，有中斗大魁總監衆靈君。自稟受太微一炁，司命定筭注錄勒籍。大曰壽，小曰筭。一筭三日，一百二十筭為一壽，一十二壽為一紀。大功大德則以增壽，小善小行則以增筭，大惡大罪則為奪壽，小惡小非則為減筭。增延奪減筭壽，各有九等，並皆東斗君主之，屬陽明官貪狼星君總之，司馬命章敬諾恭順之。後男女分形之始，標名雕字，善惡功過，皆西斗君記之，

屬中元宮巨門星君主之。分神降炁，聖母衛房，化生分定，貴賤貧富，化外中土，生於所地，皆南斗君主之，屬陰精宮祿存星君總之。平生功過，一切罪業，年齡夭促，直至祿盡命終，魂歸大夜，皆北斗落死君主之，屬北極宮文曲星君總之。自生而始，記名主筭，上生落死，莫不總監於中斗大魁府也。主定十方世界，四生六道，魂魄神識，府有七元神虎，太一夫人，主其職焉。下有七玉女，掌管簿籍，司其死生，總領魂魄也。

- 第一提魂攝魄倒生玄司玉女，蔣魁。
- 第二主風癩顛癩蠱痢瘡瘡，死魂玉女，張魁。
- 第三主勞瘵癱疾死魂玉女，趙魁。
- 第四主瘟疫時行死魂玉女，李魁。
- 第五主驚弔刀刑自縊赴水投火自殘死魂玉女，徐魁。
- 第六主毒藥厭魅刀兵劫掠王法禽獸所害死魂玉女，卜魁。
- 第七主百病身亡死魂玉女，應魁。

右七玉女，主定疾病橫死，亡人魂魄，名字姓氏，別有玄司神虎大聖，收留魂魄。放留生死，皆主其職。雄左玉曹主魂玄伯何魁。雌右武鸞主魄主吏喬魁。

右二大聖各有攝魄攝魂吏一萬二千人。主者之首，有追魂使者三人，齋持北魁玄命太一玉札，追取十方三界九地，一切重陰病橫死魄，諸獄囚苦，億曾萬祖，先亡後化，一切魂魄，立侍大聖部下。

上部追魂使者侯魁中。  
中部追魂使者魏魁下。  
下部追魂使者張魁上。

昔西山真人劉根，遇太一玉女，受傳三使者。功成，遺龍虎山壁魯洞中，于今存焉。自正一天師三天外館，受玄元金闕之旨，錄於部下，再銘洞中。

銘曰篆文四十二字

青紙丹書，焚，神虎司亡魂見形。




後志司誌氣願  
冥魂悲界靈願  
靈目處強者倉  
多立坐靈起靈  
魁息身司息  
卯亥酉聯魂味

正文銘曰


天一北祚神虎書，太一紫文寶章符。  
北魁玄範在龍虎，得者當尋西壁魯。  
提魂攝魄乃玄司，生死去留職付汝。  
日星之光，照耀八方。鐵跡金晃，寶光  
臺章。威光燦燿，洞朗三天。坎水離  
火，蕩陰易陽。魂魄返嬰，神炁貫常。  
八門通幽，勿遇死傷。魂靈召到，不得  
隱藏。

鐵跡臺光之章



右章乃鬼神之祕寶，得之生形為天  
仙。神魂隨光，赴壇開陰離業。欲  
召無間魂魄，以青素丹書，七寸方，  
同茯神、茯苓各二十四銖，水一升，  
煎數沸，安八門召魂壇中，舉召魂  
幡，歌斗章而召之。

八門召魂壇



斗章

陰陽推運兮，劫數更遷。生死周  
流兮，孰愚孰賢。輪轉無窮兮，上玄造  
化。未出三界兮，拘於神變。魁魁東  
斗兮，魑魍西轉。魑魍南辰兮，魑魍北  
面，陰靈陰靈兮，茫茫沒沒。陽魂陽魂  
兮，碌碌幽幽。天地明兮，萬鬼潛。天  
地晦兮，萬鬼爽。陰陽運兮，鬼神享。  
太一召兮，何遲遲。先至後至今，律有  
賞感。此徬徨兮，赴我幡。賜汝靈書  
歸上清。


右手持召魂幡，左手摺天皇印，望東

北方，歌斗章。舉幡召魂，不以遍  
數。良久，幡重垂地，其魂來矣。魂  
靈見臺光之章，爭入其壇飲哺。師  
即以柳枝灑淨，為度魂識雷。此章  
津解脫苦惱，生形化肌，靈識變通，  
灼然語質分明。

召魂幡面符



大魁總監符



右幡以日紳，中央分為二幡，各幅截  
一尺五寸為蓋，二尺為身，三尺五寸  
作手足，造幡二首。面書前太一返  
形符，朱書，下書亡人姓氏。背書大  
魁總監符，下書三魂七魄名。

上部使者符，中部符。

中部侯使者，紫繡衣，紅抹額，背絹上畫。

(缺符)

中部使者符，下部符。

下部魏使者，紅繡衣，黃抹額，緋絹上畫。

(缺府)

下部使者符，上部符。

上部張使者，綠繡衣，紅抹額，青絹上畫。

(缺符)


右三部追魂使者符，以青繒、紅繒、黃繒各九寸，上以五彩繪畫使者形容，下書真形符，並朱書姓氏，同混元玉札及關引，烈火一處焚之。此使者持符，上入九清，下入九壘，以至十方三界，羅酆北都，九幽諸獄，洞府仙官，開關通道，追取亡魂，徑赴法會，無所不達。臨遣步入斗，呪曰：

太一紫元君，天一北祚勅。神虎戟飛運，招搖一統隨。玉札所至處，十方精光都一吸。右呪畢，七次嚥水一口，以扇扇灰往十方，祝白使者某人，速赴生方死路，追取某人魂魄，速赴法會，領受

靈寶昇度功德。

北斗太一玄冥神虎玉札式

又一式，於星前具齋意至生方，臣據詞難抑，除已依式宜行。今則齋壇肅備，攝召有期，合薦衆魂，理宜追取，所有玉札須至告下者，却於星下不書亡人名字年月，隨亡人所屬星下，書姓名年月日時死生，度無間之衆，可只書某等。



天一北祚符命，太一紫元神文，玄冥混元玉札，告下三界十方，天曹地府，山川河嶽，泉曲冥關，北都羅酆，六洞十宮，三元九府，百二十曹，鬱絕之鄉，幽陰之境，諸大地獄，九州分野，城隍社令，里域丘墟，黃泉蒿里，十二河源，主宰魂魄，應干合屬去處。追取上件亡過某等魂魄精神，徑離所部，速到靈寶玄壇，朝謁上帝，領受殊恩。神虎奉行，萬神敬聽。

大歲 年 月 朔 日 時告下。

具 法 師 銜 位 臣 姓 某 告 行。

右札朱書白素玉札文姓氏，封皮並黑書。


內封皮



神虎玉札追取亡某魂魄具位臣姓某謹封

方函

神虎混元玉札告下 具位臣姓某謹重封 十方三界生死之方

七玉女符






右七玉女真符，乃北魁玄範府追攝玉女貴賤生死簿書，乃蔣仁貴為首領也，其餘一同。

### 陽耀壇使者胡魁魁

繒袍。綠靴，牟黃巾，玉杖。

### 陽耀通關壇




黃紙朱書於獄心。書符呪。提魂攝魄飛捷，急急如律令。

右主攝先亡祖考，億曾萬祖，近化姻親，一切眷屬魂魄。

### 陰靈壇使者劉噫噫

皂袍，綠靴，卿子，牟黃巾玉帶，執杖。

### 陰靈攝魄壇



青紙朱書，安壇心。書符呪：神虎攝噫噫付身，急急如律令。

右主攝病死橫夭，自傷破殘，囚繫久沉冥司，一切魂魄。二壇以新淨沙土二石，布於地上，方六尺，或三尺六寸，細節勻淨沙土。以左手摺天皇印，右手摺玉清訣，以中指依樣書之。立監獄使者名位，中立獄名於前，以神虎攝魂符，沉西流水中，噴嚏，其一切亡魂，立見真形。與生世之人交通言語，歷歷可問。若生人悲哭，則遠矣。若忻喜，則亡魂盡見其質，與生人無異，萬目共睹，往來如常，仍加敬重。所召所遣，如影如響。報應在於頃刻，尤忌嗔怒，非私心妄召，餘無所戒矣。

### 神虎攝魂符

神虎大聖勅 神虎攝魂吏 地方陷 攝魂現形 十五人 隅攝付




化元聿白 星飛翠



監獄使者劉噫噫 急急令現形使者

張信魏達侯迪迫赴魂神

### 合形



神虎神君勅左右衛聖追魂神吏引魂童子遵奉神虎勅急急如律令

右符黑書白素，天皇印，玉清訣，北炁吹水中，噴嚏壇中及一室四面，即立見形。

### 神虎幽寂符

左神虎 將令右神 神虎追魂使者 大聖勅 虎大聖勅 何呂喬荀侯迪 魏達 神虎玉女七人內玄司 使者 張信 玉女蔣仁貴稟符奉行 劉噫

噫付身來神虎戟 飛運招搖 統隨 化元聿白 星飛翠

### 合形



急力神虎攝，噫覆付身形。急急如律令。


右符朱書黃素，沉於流水中。師先吞一道，次行用，立驗。若死亡在近化三年者，可書符燒灰，手內擎之，呪祝某人家亡魂，吹柱東北方，次以前符水噴於壁上，其亡魂立見。又有死期未至，卒然奄謝。或悟中惡鬼狂神，忤追遽終。或卒病而夭，大

命未竭而死。未及三日者，以等身緋繒旛被尸，將此符朱書白繒七寸，火化於人中之下，仍依前告玉札，不移時神魂再返元尸，立得更生。如天年算終，問訖復遣。若非此限，啓奏上帝，以劾不正。素非得邁古化，道契真風者，天不負兆。三感之外不神也。所謂回尸起死，無量度人。

### 天皇訣

以二指摺大指根，却以大指摺中指中文，餘三指開闊，勢屈向後如斗標，前如斗口，中有二尊帝星。以印呼雷役電，止雨召龍。禁勅雷霆之怒，收攝虎豹之獍，役神攝鬼，皆用此印。

### 神虎罡



### 葛身昇度法

先以淨草，隨男女形狀作一生前身軀，着生前衣服，腹中安大梵隱語，頭上載昇天大券。以秤架一具，葛

身安秤鈎上，懸空不着地。先令秤平，置之門外居魂壇中。仍以小兒，持白繒召魂旛，法師歌斗章，召魂來赴。葛身忽然墜下秤鈎，重於常時，其魂旛亦墜竿稍重，乃知亡魂已至。即取臺光章所煎香湯，以楊柳枝灑盡。次請道衆諷大梵隱語，引亡魂赴浴。訖詣三寶前，聽受符戒，并齋供事。竟，高功即令先治一室，可及三間，安建攝魂壇。先於四面籬壁，并以白紙泥飾，使無一點瑕痕。離後壁三尺四寸，以淨黃土建陽耀通關壇，陰靈攝魄壇，其二壇勻淨。法師左手摺天皇印，右手玉清訣，依符樣以中指畫。訖於壇中心，立白紙位牌各一，上寫監獄使者。又於壇前各立黃位牌一箇，各書壇名。次於二壇之前，立洞案之上，設攝魂將吏聖位。已具于壇幕式品中。用時花、淨茶、酒果、香燭，供養三獻。訖，法師令二小童子執旛赴壇，以旛安壇心。法師先將幽寂符自吞，又以一符燒灰，吹於壇所，祝請神虎官

將玉女，追攝合于將兵，只今引領一切亡魂，並赴法壇，分明顯見形魂。次以攝魂符沉水中，噴嚏四向及二壇之中。次燒監獄使者關文，又燒神虎將吏錢馬文牒等。法師焚攝召一應符命，以青幕閉少時，令親人漸次入壇中，四向壁上遠視亡魂，見形與生存形容無二。至昇度之時，却令二小童執旛，引出壇歸位。法師用紫楓木，雕神虎印，方一寸九分，五色囊貯之，佩手肘後，然後呼召行事。神虎二大聖，並如古者王侯，氈冠，淡紅袍，朱履，佩劍，錦綬，執簿。七玉女並紫袂衣環，髻鳳冠，朱履，羽裙、珂珮，手執生死簿。上部使者，紫服。中部使者，紅服。下部使者，綠服。並繡紋袍，朝天脚幞頭，紅抹額，玉束帶，魚尾刀，綠靴。

### 告玉札祝將，三獻儀。

### 道衆法事，灑淨，

### 高功焚符，變神召將。

靈寶大法司，以今火急關召神虎

雄左追魂何將軍，雌右主魂喬將軍，主魂七司玉女，三部追魂張侯魏三使者，追魂大將馬將軍，陽耀通關陰靈攝魄神吏，聚魂對魂整魂提魂神將，諸司追魂攝魄將吏，玄都茭龍驛吏，六道功曹，三界召魂使者，引領亡魂童子，黃泉蒿里丈人，九州社令神君，土地里域正神，監臨衛壇官將。疾速赴壇，奉宣天命。存至上來關召傳符，追攝官將吏兵。既辱來臨，幸承關告。伏聞始青天上，黍米珠中，十徧說經，萬真稟命。玄範以之昭布，大法由是宣行。出茭龍傳令之規，立神虎攝魂之典。白簡頒而三界遵奉，赤書降而九地開光。歷劫度人，隨時濟物。況承精禱，理合宣騰。本司今據入意，除已錄奏天廷，申聞地府，關告城隍社令，移文嶽瀆靈司，以今翻布符章，告行玉札，普詣幽冥之界，俱通考對之曹。須藉神靈，庶遷滯爽。既辱雲驂之俯降，特陳菲禮以奉誠。恭對神光，用伸初獻。

初獻酒

伏以元始上帝，開妙蘊於赤明之

初。中斗大魁，總靈樞於玄範之府。雄左雌右，能達於三界九幽。陽耀陰靈，可攝於千魂萬魄。是以澤覃無外，請大有於三天。律示有經，昭洪禧於萬寓。欲顯幽之並濟，宜符札以兼行。用仰神車，載陳亞獻。

亞獻酒

伏以傳令泉宮，驛吏稟符而徧下。召魂陰府，紫文頒令以感通。五嶽四瀆之冥司，罷除考對。十地六天之夜府，開煥光明。有召必臻，無遠弗屆。若非威神之特達，豈得報應之昭彰。儻獲曲濟於沉淪，敢不奏陳於勳牘。難滯衆靈之馭，敬周三酌之儀。畢此精衷，各惟享鑒。

終獻酒

伏以教存規式，法有典章。欲攝魂儀，須憑文檄。仗至靈之捷疾，庶可宣通。取亡爽於幽冥，立期響答。追召公牒，逐一披陳。尚冀衆神，當壇領受。

宣關牒 符札

高功步神虎罡，行持

上來公文，已行敷示，神靈可接，必與奉承。伏以九極垂科，十方被化，爰遵典格，用拯沉淪。追召陰魂，出離幽境。上極三界，下至九泉，百二十曹考錄之司。三十六地校量之所，城隍里域分野，名山嶽瀆靈真，神庭祀典，記錄罪福，主領魂神，蒿里黃泉，溟泠水界，應干去處，合屬有司。所至根尋，依時攝見，須神靈之佐助，俾幽顯以昭融。火急施行，亟切報應。

送神 向來

回向

發神虎催召文檄

道衆法事高功望闕啓白

具位臣姓某，謹再拜焚香，奏啓三清上境，八極天中，大羅浩劫，無上慈尊，三十六天，無色世界，天帝高真，東極救苦天尊，玉輔上宰，天省列真，中天北斗星君，三官四聖，靈寶五師。恭望天恩，俯垂鑒錄。臣聞靈風被物，實利濟以無窮。真教流光，故昇遷之有格。事當披懇，敢不上聞。臣先據某貫，開建道場，薦資亡過某，返生善境。臣自慚塵



陋，謬玷靈班，既奉誠詞，爰稽真典。已奏聞於霄極，恭請降於符章。普下幽冥，追尋魂爽。今則事期已至，攝召屆時，合要亡靈，赴壇受度。茲當再敷文檄，催督吏兵，庶使地司咸遵天律，欲望玄慈，荐頒天旨。嚴勅將吏，徧告有司，遵已降之符章，稟今來之號令。開關啓道，釋罪放魂，疾速來臨，火急報應。儻幽關之無阻，則玄貺之咸霑。臣干冒天威，不勝惶懼之至。謹言。

#### 關請將吏

以今焚香，奉請神虎何喬三大元帥，追魂七司玉女，二部追魂提魂攝魂吏兵，聚魂對魂神將，追魂大將馬將軍，陰關攝魂追魂二使者，追魂攝魄陰陽官將，諸司追攝吏兵，黃泉蒿里丈人，五道將軍，功曹使者，土地里域正神。伏願靈仗飛空，神驂御景，出北魁之仙府，遵靈寶之玄科。咸造壇前，奉行文檄，須臾顯應，倏忽感通。引領太虛，即希來降。

#### 舉散花 高功再白

伏以金科崇重，玉格昭明。遵玄

律以精修，錄凡情而關告。聞奏九清三境，頒命六洞九幽。拔度係薦之魂，脫離沉冥之境。況於真符已降，玉札荐敷，律令宣行，文移昭布，事關幽壤，法有靈司。將啓陰途，須勞神力，催促應干之曹局，嚴督合屬之吏兵，照會姓名，契勘鄉井，搜聚魂魄，整對形神。極三天九地之中，遍六合四維之內，悉與追攝，佇俟前來。所有牒文，謹當宣示。

#### 宣牒 焚燎

伏以天廷杳漠，雲路渺茫。雖瞻望之莫通，惟精誠之可格。上來文牒，已見披宣。諒爾至神，必回昭格。仗神威之迅速，攝魂魄於須臾。顯示條章，嚴宣號令，讚揚善化，成就齋功。即令係薦之魂。火急赴壇報應。錢馬奉化，風火驛傳。

#### 表白回向

上清靈寶大法卷之三十一

### 上清靈寶大法卷之三十七

洞玄靈寶法師南曹執法典者  
權童初府右翊治金允中編

#### 水火鍊度品

鍊度之儀，古法來立。雖盛於近世，然自古經誥之中，修真之士莫不服符請炁，內鍊身神。故劉混康先生謂生人服之，可以鍊神，而鬼魂得之，亦可度化。是鍊度之本意也。混康即宋朝三茅山宗師觀妙沖和先生，乃華陽道士。大觀二年再赴，解化於闕下。是以鍊度之符，莫非法師自鍊度之法。今乃不然，不據源流，不分品格，諸法衆經之中，兼收並取，悉以鍊度，更不究其來歷。是致無所經據之符，近又不計其數也。若夫水火之本，真陰陽之正炁。天地之所以肇，人物之所以生，茫不考也。甚者以南極北極為水火，殊不知金木之相見，果配合為南極北極

乎。如此則北極屬陰，南極屬陽矣。往往徒見有南斗陶魂，北斗鑄魄之說，遂以此取求水火於二極耶，北斗乃是中斗，南斗是二十八宿中斗宿，正在東北之角。南斗亦非南極也。夫南極乃與北極相對，為天之樞紐。北極出地三十六度，出於地上矣。南極入地三十六度，為地所遮，故世不可見。天有三百六十五度四分，度之一半出地上，半隱地下。北極之去地上也，再三十六度爾，於是世人望之，正在北方。以周天言之，北極乃天中之中，此非坎位也。南極亦非正南也，若正北之方。乃自危宿十五度，至虛宿十度四分之一，此則坎位也。若正南之方，自張宿十六度，至星宿七度，此則離位也。此始是南北之正方，坎離之位。若南方丹天界朱陵火府，乃南方之天，亦不稱南極。蓋有以也。孰謂水火而出於南極北極乎。此等主行齋醮，著書立言，其說頗礙。如路真官《玉堂齋法》，只請炁於太陽太陰，其說

雖若淺近，而未至礙理。以至奏木公金母，以為陰陽之宗，則內丹外藥俱通。而金陰木陽有地，人得之可以成真，鬼魂得之可以返生。鍊度可行，則不可知。得其炁與不得其炁，則在人能感召之間。且使上不失天度，下可近取諸人身矣。然匹配陰陽，未嘗去水火也。而木乃火之根，金乃水之母。至於丹成藥就，則會四象於中宮，藉黃婆而媒合，木與火皆陽也，金與水皆陰也。用水火必取諸坎離之位，求木金則不越震兌之宮。此仙經之定說，古今之通論。指中天紫微垣帝座，以為坎宮而請水，亦謬甚矣。於齋中預拜木公金母表，或於鍊度當拜表，從便施行。所有先行召魂，已見神虎品。次則沐浴呪食鍊度，不必別立其所，合於道場內上帝之前，可也。其鍊度官將，當俟散壇，併行醮設，是醮真靈之義也。或專設鍊度醮，則從近世之儀，可也。鍊度醮科，亦當撰述，以舊來師尊所行，只於上帝前行

事。是以不敢編入此法，沐浴科書，朝真讚導，呪食白文，并正薦傳戒科，並行重撰，編條列左。

### 正薦沐浴儀

呪則用諸方通行者。

引魂赴浴室，啓白。

伏以肉敗形摧，質已歸於壞滅。神離炁散，魂乃屬於虛無。初馳垢穢之可除，大抵神明之自淨。第恐沉淪，或久昇陟未期。長夜之鄉，陽輝寥絕。至幽之境，陰炁溟濛。況志念著於世緣，類多牽戀。魂識零於泉府，易致塵昏。惟一性之不純，故百神之難復。是用降九霄之生炁，召兩曜之晶華。浴幻芒而廣大無窮，變凡水而清涼普泱。斷百情之內垢，明一念之真根。亡過某當知，不滅者初非色身，長存者乃為本性。在世有形之穢，今以成空歸陰。未淨之懷，正宜自滌。然後沐茲澄水，濯彼靈資，望闕恭朝，赴壇受度。特吟仙梵，請就浴幃。

慈悲接引天尊

伏以水之妙用，德為至深。齊二

象以分靈，冠五行而潤下。方圓隨所，凝泮以時。惟造化之密符，故塵勞之可滌。況於降九天之正炁，誦三洞之靈章，德能被於幽陰，功乃遷於沉滯。亡魂某澄清淨念，悟性超凡。沾灑蘭湯，以時灌沐。奉爲亡靈，上資往生仙界。念沐浴蕩穢呪：

天澄炁清，五炁高明。日月吐輝，濯鍊身形。神精內盥，香湯鍊津。光景洞耀，煥映上清。氣不受塵，五臟納靈。罪滅三途，禍消九冥。五根斷絕，福慶自生。今日大願，一切告明。身受開度，昇入帝庭。

奉爲亡靈，上資往生仙界。念沐浴鍊真呪：  
太上高真，九靈之精。使魂飛仙，上登紫庭。沐浴華池，身神澄清。精通太虛，萬炁自然。

伏以身爲患本，情乃妄根。因此身而起七情，由六欲而生百慮。萬緣俱動，衆垢咸臻。身若不存，垢亦隨滅。第恐臨終染穢，在世沾塵，魂離歸空，疑終未釋。良由戀體，遂至迷真。

今者仗以真文，開以本性。布三光之正炁，陶一象之生津。斷彼妄根，釋諸疑想。奉爲亡靈，上資往生仙界。念沐浴鍊度呪：

龍漢蕩蕩，無形無名，渺渺億劫，黃道開清。神澄朗耀，九魂吐清。玉虛澄輝，太霞高明。元始開化，諸天齊臨。三元道養，二象攝生。未度者度，未成者成，已死即化，已枯即榮。蠢動蝸息，一切冥靈。懷胎含孕，咸得受形。亡者命過，魂歸三清。魄受鍊度，南宮變形。今日大吉，皆得光明。五帝鑒映，普告萬靈。天神地祇，及諸河源。五嶽四瀆，及諸名山。洞玄洞虛，洞空洞仙。無極大聖，至真尊神。無窮無極，普鑒度生。地根斷絕，玄都記名。衆神普應，一切咸聽。

伏以因緣報對，理在不誣。輪轉昇沉，悉由宿業。報對自有，休咎豈無。惟其一念以沉迷，雖歷千生而滯礙。今已澡鍊神宇，整聚真元。惟夫重濁之形軀，壞滅既久，沖虛之性識，清淨常存。然後捨舊從新，回情易慮。

奉爲亡靈，上資往生仙界。念沐浴東井呪：

天河灌東井，石景水母精。圓光拂靈耀，玄虛營高明。元始披重夜，天人逐月生。沐浴蘭池上，龍負遍長庚。金童灑香水，玉女灌五星。冠帶濯玉津，鍊度五仙形。體香萬真降，乘景登高明。

伏以舊障已除，煩塵滌盡。茫茫故態，有似夢中。肅肅仙容，獲承玄蔭。遷神非晚，返生有期。奉爲亡靈，上資往生仙界。念錄字回年呪：

天地洞清，洗穢除塵。鍊化九道，返形太真。百關納靈，節節受新。清虛鑒映，內外敷陳。日吉時良，度命回齡。玉童玉女，爲汝執巾。玄靈紫蓋，冠帶汝身。使其長生，天地同根。

伏以炁識既清，形神已復。披仙衣而束體，嚴冠履以朝真。再誦靈章，化陳羽服。奉爲亡靈，上資往生仙界。念金池冠帶呪：  
金真降真，普天炁清。鍊化金池，沐浴身形。三光耀煥，我道日明。飛仙羽

衣，上昇玉京。五濁已清，八景已明。今日受鍊，罪滅福生。長與五帝，齊真上靈。

伏以靈機罔測，神化無窮。幻成羽袂以踟躕，復彼天姿而整潔。即從導引，前遂參朝。奉爲亡靈，上資往生仙界。念清水度魂呪：

巍巍道德尊，功德已圓齊。降身來接引，師寶自相携。慈悲灑法水，以用洗群迷。永度三清岸，長辭五濁泥。

伏以澡濯既終，嚴裝事畢。表裏俱淨，識想咸恭。敬詣靈壇，仰朝天闕。衆行引導，共舉仙音。

道衆誦中篇 引魂朝謁  
表白引讚

伏以天人有間，精念慮則可潛通。幽顯雖殊，聚形神則能脗合。況於玄壇崇建，妙範恢張。衆真列仗以臨軒，上聖流光而照陛。期乃轉禍爲福之日，實爲首愆謝過之辰。今亡靈正當盡念傾心，陳詞列款，歸身歸神皈命，禮道禮經禮師。夫道爲天地之根宗，經乃顯幽之典式。然非師何以宏教，

非聖何以傳經。萬世之所欽崇，三才之所允賴。幽魂歸依則超度，世人修奉則仙飛。象外寰中，常當敬仰。人間天上，不可暫離。亡靈盡念，一心虔恭朝禮。

志心稽首，禮  
太上無極大道。

志心稽首，禮  
三十六部尊經。

志心稽首，禮  
玄中大法師。

恭以至真大道，無上尊經，玄中法師，宗壇上聖。乃陰陽之樞紐，實造化之本源。亡靈既獲皈依，自此永當悟解。勿流於邪道，毋惑於異端。念念常存，心心不轉。三界十方而無礙，六天九地以俱空。佇俟玄恩，以時度化。再行導引，請赴靈筵，聽法聞經，享食受供。

諷經，引亡歸位  
呪食

伏以乾坤旋斡，生化莫窮。數運推移，輪迴不息。惟消長之倚伏，故出

沒之乘除。既自始而有終，本非異事。然入幽而隔顯，豈不慘懷。生而形神處乎陽，死而屍魄墜乎地。五帝三官之府，善惡兼書。六洞十宮之曹，顯幽並錄。使其清修而居人世，未免考校而詣冥司。第其功行之淺深，隨其因緣而生化。是以幽顯杳冥之境，罔測昇沉。焄蒿悽愴之情，敢忘追奉。仰惟至道，大啓真科。盡存歿以霑恩，極幽冥而蒙福。今者奉爲亡故某，恭修妙典，虔叩上穹，拔度魂儀，祭陳靈席。雖供饌具於人世，而神章出乎仙經。召五方之靈芽，降三晨之妙炁。沾濡飲食，化天厨之滄。濯濯神形，變真元之體。初心煥徹，本性開明。悟幽顯以俱空，歷存亡而無礙。然後南宮鍊魄，東極朝真，返胎易質而陰消，聚炁生神而仙化。奉資冥福，恭演真文。奉爲亡靈，上資往生仙界。念玉清慧命啓請呪：

稽首冥慧虛無尊，稽首皈命重玄主。裁成天地無德稱，悉爲衆生作恃怙。慈悲五道轉輪回，哀救三途地獄苦。

皈命金闕天中尊，皈命六道慈悲父。  
皈命玉清無上尊，已離生死長綿綿。  
出有入虛無所待，能令枯朽變成仙。  
千劫萬劫難一遇，爲衆廣說業因緣。  
回骸起死永長存，使其形神無變遷。

伏以生生之境，形質易以純全。  
寂寂之鄉，魂識苦於散蕩。祭者想之  
如在，呪以招其復來。聚彼虛無，慰茲  
追慕。既以望玉闕而啓聖，次將煥幽  
府以遷神。宣開化之靈章，誦昇天之  
祕呪。庶使亡靈聚魂而復命，精念以  
遷真。無間存亡，享凡世勤勤之祭。  
終歸道化，朝大羅渺渺之庭。靜念告  
祈，精誠宣演，奉爲亡靈，上資往生仙  
界。念天尊說遷神呪：

茫茫艷都中，重重金剛山。靈寶無量  
光，洞照炎池煩。七祖諸幽魂，身隨香  
雲旛。定慧清蓮花，上生神永安。

奉爲亡靈，上資往生仙界。念天  
尊昇天呪：  
功德金色光，微微開幽關。華池流真  
香，蓮蓋隨雲浮。千靈重元和，常居十  
二樓。急宣靈寶旨，自在天堂遊。

奉爲亡靈，上資往生仙界。念三  
光流精呪：

妙道生一炁，氣中分陰陽。凝化日月  
星，燦然流三光。九華合九道，八色怡  
八房。煥爛洞真體，流精歸大芒。下  
生淵泉宮，上列無何鄉。縱體復非迹，  
欸然都相忘。七寶流精結，混沌雜華  
房。嚙服九雲散。此樂殊未央。

奉爲亡靈，上資往生仙界。念玉  
陽法食呪：

玉陽正真炁，妙道三景分。元和唱靈  
音，八會敷瓊文。五老嚙丹澤，飄飄乘  
景雲。大聖諸天衆，駕就飲玉。三五  
定生籍，遊戲太上京。華晃朗無際，携  
手朝玉宸。

伏以靈章演奧，品物化形。香有  
返魂之功，花見山林之藥。果成火棗，  
飲變太和。天降於靈光，水還於金液。  
食之而神鍊，享之而仙飛。乃妙道之  
玄功，實上真之神化。謹依科式，普用  
施陳。

奉獻諸天無價名香  
返魂名香，返生名香，妙洞真香，

天寶名香，蘇合名香，嬰谷名香，七寶  
名香，香氣氤氳，用之無盡，周流十方，  
以用供養。

奉獻諸天上妙奇華

金色蓮華，閔苑奇華，碧蘂金華，  
瓊玉艷華，鳳林仙華，大妙奇華，小妙  
奇花，七色蓮華。華氣芬芳，用之無  
盡，周流十方，以用供養。

奉獻諸天瓊林珍果

空洞靈瓜，萬歲仙桃，金紫交梨，  
元光素柰，赤靈火棗，飛丹紫榴。食之  
無盡，周流十方，以用供養。

奉獻諸天四種香飯

豐山香飯，龍山香飯，浮山香飯，  
太和香飯。香氣布豐，食之無盡，周流  
十方，以用供養。

奉獻諸天七種寶漿

日精寶漿，月華寶漿，星精寶漿，  
甘露寶漿，金液寶漿，靈光寶漿，玉匱  
寶漿。香氣布豐，食之無盡，以用供  
養。

伏以仙華異果，香飯靈漿，假經呪  
以資熏，召魂靈而祀享。想承遷拔，盡

得霑濡。故有合景神真，揖三寶而制七魄。雲宮妙呪，整三部而養七經。返炁聚神，鍊形易質。更慈聽法，前即朝真。奉對靈儀，再伸演誦。奉爲亡靈，上資往生仙界。念天尊說三光呪：

回首仰元羅，合景挹靈芒。拘魂制七魄，思臍定中央。行住履虛無，寢息宴玄房。飢飡黃檗華，渴飲瓊林漿。神旌命大魔，合體鍊真光。復照觀大空，長在空中遊。圓通泯波際，真華靡終期。杳杳無終始，行者當明知。寂寥忘理教，應運葳弘規。鑑道不自超，要當先所施。會歸無二處，隨心自合離。

奉爲亡靈，上資往生仙界。念生魂育魄呪：

靈芝無根，衆妙之原。中凝七魄，上結三魂。二十四真，出入無門。杳冥之內，恍惚元精。隨劫存亡，逐炁而生。外凝混朴，內養七真。五神植華，三台敷榮。紫霞素童，反胎歸嬰。騰雲而昇，跨霧浮空。中有玉真，號曰神功。左挾無英，右衛白元。玄獸遏後，丹禽

擁前。上浮翠蓋，下擁金蓮。香雲凝空，甘露無窮。用之無盡，尋源不終。

伏以靈寶爲萬法之宗，度人乃三洞之要。深出乎衆典，妙極於中篇。造化以之推移，劫運因之保制。凡夫修之得道，幽爽仗之成人。塵世通津，九天寶笈，敬伸諷誦，專用薦資。

### 諷大梵隱語回向

上來呪供香羞，闕宣祕典，歸投妙道，資薦神儀。伏願獲聽靈音，徑承道蔭，死生不惑，衝飛流火之鄉。神識無停，過度福堂之上。更回餘澤，普及後昆。爲上因緣，志心稱念十方靈寶天尊，不可思議功德。

### 立鍊度壇

舊儀以火鍊丹界天尊，太乙救苦天尊，九幽拔罪天尊，朱陵度命天尊，十方靈寶天尊，法橋大度天尊，金闕化身天尊，寶華圓滿天尊，逍遙快樂天尊，環而為壇。却以法師九圓，攝九天尊，奉行九鍊。固是其儀甚久，而此格實非凡體所可代行，執難襲用。至如天台靈寶法中，則立九天

尊之外，又第一曰疾除罪簿司，落滅惡根司，第二鍊曰斷地建役司，上解祖考司，拔出地戶司。永離鬼官司。九鍊中如此之類，凡三十餘司。嗚呼，《度人上品妙經》何其不幸如此也。且經中所言，謂十方至真，飛天神王，長生度世無量大神，並浮空而來，以至諸天丞相。主錄衆真，皆詣帝前，校錄應度之魂，告下三界泉曲，羅酆合屬去處，上解祖考億劫種親。此蓋言其已死之魂，合行度化，而上世祖考之延累，億劫種親之未脫，故當悉行原宥。然後却與疾除罪簿，落滅惡根，是消其過籍，赦其惡源也。免為罪魂，出離鬼群，承元始之符章，仙化而成人矣。理甚分明，不可誣昧。今乃云上解祖考司，疾除罪簿司，是何義也。當時經文序述如此，豈得取一句作一司，其謬之甚也。已於三界官曹品，已詳論之。然此事逐句取義，壞亂典章，聾聵世人，罪不容貸。今鍊度品，恐後人以天台邪說混雜，故不得不申言

之。若鍊度，止於道場內上帝之前，則左置火，右置水，一器以備典式而已，固不必意外華飾。一念感通，則存乎其人。

高功上香，密啓

次昇座，立，祝香

臣聞意無以自通，乃因辭而達意。誠雜於上徹，故假香以寓誠。一捻上香，供養太上無極大道。以茲功德，上資累朝先聖，列廟皇靈，證道登真，昇虛入妙。今朝皇帝萬春永壽，百順備躬，廊廟粹於忠良，海宇浹於聲教。二捻上香，供養三十六部尊經。以茲功德，奉爲齋主某，資薦先亡宗祖，已逝姻親，係薦靈魂，受度神識。伏願衆愆消解，萬慮澄清，沐斯再造之恩，即復自然之性。三捻上香，供養玄中大法師。以茲功德，歸福齋主某等，各家眷序，見在親姻。伏願天錫繁禧，道垂妙蔭。若男若女，祈壽祿之增新。乃子乃孫，俾家門之隆永。

啓白

臣聞三才肇立，萬象爰分。陶清濁

以成人，假陰陽而受質。稟夫至粹，是爲最靈。及其炁降而習俗殊塗，朴散而修爲異趣。泰否既萌於人世，昇墜遂列於幽關。考罪福以無遺，校功過而莫道。況生死者人之不免，而循環者理之固然。形質難留，終隨數而壞滅。魂神未泯，必任運以推移。儻非大道之流慈，豈得幽靈之受度。尚賴天垂靈祐，教歲明科，大布典儀，宏彰格範。發九清之寶蘊，用煥符章。分三境之神光，遂敷經籍。能感召陰陽之正炁，可呼吸水火之真精。幽魂得之，則仙化而成人。凡夫修之，則見存而證道。是以臣不量賤濁，輒慕沖虛，隸役玄司，棲身大教。敢按遵依典式，願濟拔於幽陰。既已崇建於齋修，當謹依儀而度化。以今齋主志勤追悼，誠切禱祈，用度亡靈，早超善境。恭望紫清上聖，金闕元尊，播命自天，垂光燭地。頒告東華上相宮，西臺龜闕，及朱陵火府，受鍊真司，日月二宮，陰陽主宰，陶魂鑄魄，合屬有司。降兩曜之

英華，布二儀之沖粹。勅遣玉童玉女，

仙吏仙曹，一合下降，應時悉赴。布流真炁，錫以生津。容其奉行，特垂開度。庶使沉魂復性，幽爽生神。恭俟天恩，俯垂報應。臣誠惶誠恐，稽首頓首再拜。謹言。

焚降真召靈符，就座召將。

十方靈寶天尊。

靈寶本章，追拔亡魂。上品妙首，十回度人。中有度人不死之神，中有南極長生之君，中有度世司馬大神，中有好生韓君丈人，中有南上司命司錄，延壽益筭，度厄尊神，回骸起死，無量度人。今日鍊度，諸天臨軒，傾光回駕。監真度生。諸天丞相，南昌上宮，韓司主錄，監生火神，執籙把籍，齊到帝前。隨所應度，嚴校諸天。上帝有命，萬神咸聞。謹召南方丹天世界，朱陵火府，南昌上宮，鍊度衆真，鍊度大神，木宮真陽生炁主執靈真，日宮炎光童子，丹霞玉女，日宮神仙，火府玉童玉女，火鈴童子，火鍊官君將吏，金宮真陰正炁主執靈真，月宮圓光童子，散輝玉女，月宮神仙，水鍊玉童玉女，水

鍊官君將吏，鍊魂度魄聖衆，靈寶官屬，一切威靈，速降壇所，稟命奉行。

高功存念，行持。

次想五帝真諱。

功都成，午，切角鎮，酉，興生轉，卯，獨隸遷，中旨中，功都聚魂攝。東南炁，剔坎，鍊亡魂。

焚真文，再念：

紅杏持到，卯，嘿黑捷同，子，磨針計刀，酉，襪臘收成，午，靈寶萬物。中指中文。

息利合，通正一，成法智，益可真，取驛令下攝。取五色炁。

存諸曹局功曹，乘雲御炁，浮空而下，各為係鍊亡魂，收召魂神，澄其性識，使之受鍊。

誦攝魂都呪

玉真萬華宮，高仙藏帝經。主圖九天表，洞觀無衆生。七轉召萬神，五嶽一來庭。三官招衆魂，司錄校所呈。拔籍重泉曲，記仙書上清。七世解牢結，穢血悉沉零。返胎朱火室，更受洞中生。伯吏衛神軀，令我保黃寧。此呪出

《大洞三十六章》。

死魂受鍊天尊。

變水池

左手掐亥文，右手執劍，遙畫地成水池。

開天門，放地戶，留人門，通鬼路。天門萬真入亥，人門真炁入申，地道萬陰空已，鬼道陰炁通寅。

誦淨天地呪一遍，次玄水灑水池。

焚真文，密啓白。

白玉龜臺九靈太真金母元君，乞布流陰炁，下入池中，化成廣大之池。

想真水自西北角流入池中，湛然澄清。再取西北炁一口，吹入池中。

次誦隱語一遍，取北方炁吹池中，噴玄水一口，放訣。

焚請降真水月魄符。

左手自子上剔出未上，默呪曰：

水帝君降。七徧，取北炁布水池。

焚十二河源符。

掐子文，呪取北炁，念十二遍，吹水中，想黃華神水無邊。次厲聲祝

曰：

南昌上宮，受鍊官屬，水池官將，神吏

鍊度，玉童玉女，引領亡魂，詣水池受鍊。

想亡魂入水池濯質。

焚真水合同符。

取北方水炁，與自己腎中黑炁合，吹入水池中。呪曰：

北方之君，黑帝之精。辰星使者，壬癸將軍。玄武陰神，肅肅清音。五行造化，萬物發生。天帝有勅，使者須聽。攝召亡魂，蕩濯身形。急急如好生元君律令。

焚石景水母。

東井黃華，石景王精。飛玄水母，金體玉津。滔滔源源，不竭池亭。九龍濯鍊，三光重精。仙人吐潤，鍊度亡靈。內外朗徹，表裏洞明。百關九竅，元炁滋榮。五藏六府，萬神自生。胞胎結節，隨水開肩。死炁斷絕，惡根沉零。我今鍊化，死骸生魂。返故改貌，玉體金容。變化鍊穢，飛昇紫宸。急急如上帝律令勅。

再呪

大玄法水，五行之數。生育萬物，死能



滌苦。若非大道，何以濟度。急急如紫微帝君律令。

再呪三遍。

焚金液鍊形符。

金液鍊形，與道合真。開明三景，是爲天根。無幽無極，無始無窮。元皇元始，靈魔絳宮。紫雲飛天，身乘六龍。水上火下，流入三宮。神歸陽明，大道自通。急急如上清金液鍊形律令。

次以玄水灑水池，呪曰

已枯復榮，已滅復生。得生天上，更稟太靈。九天之勅，返復胎嬰。穢炁斷除，白尸返生。急急如上帝律令。三遍。

次呪曰。

變火沼

師詣火沼，左手自子轉，至亥剔出，却寅勒至巳，緊掐定，右手執劍訣，遙畫地成火沼。

開天門，放地戶，留人門，通鬼路。

誦淨天地呪一遍，以玄水灑火沼。

焚真文，密啓白。

東華上相木公青童道君，乞布流陽炁，下入沼中，化成廣大之沼。

想烈火流金，自巽戶流入沼中，炎炎發焰，取南方炁三口，呵之。次誦隱語一遍，取丙炁一口，呵入沼中，喫玄水一口，放訣。

焚請降真火日魂符。

左手自寅勒，至午剔出。默呪曰：

火帝君降。七遍，取南方炁布沼。

次掐午文，呪曰：

擲火萬里，流鈴八衝。念三十二遍，取午炁一口，呵入火沼中。

想自己鼻中，火鈴滿地洞赫。次厲

聲祝曰：

南昌上官，受鍊官屬，火府神吏，鍊度玉童玉女，引領亡魂，詣火沼受鍊。

火鍊丹界天尊。

焚真火合同符。

掐午文，取南方火炁一口，與自己心中亦炁合同，呵入沼中，想亡魂入火沼受鍊。

發火呪

南方之君，赤炁之精。熒惑使者，丙丁將軍。朱雀炎神，赫赫陽精。五行造化，萬物發生。天帝有勅，使者須聽。

攝召亡魂，鍊度真形。急急如南方火帝律令勅。

火鍊丹界天尊。

焚火鈴符，鍊身符。

炎神炎神，火鈴火鈴。上通紫微，下極黃冥。却邪鍊魂，赤帝之靈。炎精二神，三台流光。鍊胎易質，魄鍊魂康。穢炁殂落，乘烟飛揚。陰炁消釋，陽炁混康。精神益壯，洞入火鄉。混合九炁，總契虛皇，昊天有勅，流金振芒。九天煥落，利貞無疆。急急如上帝勅。

再呪

炁化成人，尸變入玄。三化九鍊，昇入九天。九天之劫，更度亡魂。受鍊更生，得爲真人。急急如上帝律令。

三遍丙炁。

仙化成人天尊。次祝白

火沼官將，火鍊玉童玉女，引領亡魂，出流火之池，灌溉五芽真炁，混合百神。

存火鍊神將，玉童玉女，引領亡魂出火池。

五靈五老天尊。

焚五芽符即五芽真文符。

謹請東方青帝，青靈之童，甲乙之官，從虛空中來，齋厥陰之炁，青芝玉漿，灌溉亡魂紫微宮。

謹請南方赤帝，赤靈之童，丙丁之官，從虛空中來，齋少陰之炁，絳芝玉漿，灌溉亡魂絳宮。

謹請西方白帝，白靈之童，庚辛之官，從虛空中來，齋太陰之炁，素芝玉漿，灌溉亡魂華蓋宮。

謹請北方黑帝，黑靈之童，壬癸之官，從虛空中來，齋少陰之炁，玄芝玉漿，灌溉亡魂太陰宮。

謹請中央黃帝，黃靈之童，戊己之官，從虛空中來，齋太陰之炁，金芝月華，灌溉亡魂玉堂。

次呪

千和萬合，自然成真。真中有神，長生大君。無英公子，白元尊神。太一司命，桃康合延。執符把籙，保命生根。上遊上清，出入華房。八冥之內，細微之中。下鎮人身，泥丸絳宮。中理五

炁，混合百神。十轉回靈，萬炁齊仙。急急如上帝律令勅。

舉旛，至壇中正立。

高功再白。

亡過某等，早纏世網，夙昧真修，九炁無歸，五行蕩失，三魂受譴，萬劫飄流，不假良因，難回生理。當職既依典格，啓告真靈。體乾坤造化之功，法陰陽和合之數，匹配水火，濯鍊神形。降兩曜之精華，結五行之沖秀。立根受祖，溟滓生津，杳冥聚真，恍惚有象。蓋物有終而必始，理以變而乃通。鬼復爲人，身當仙化。除已表聞九天上帝，乞爲流祥頌慶，錄本生神。錫正炁於九關，合胎圓於十月。再資混沌，重睹清明。

謹上請帝真胞命元元一黃演之炁，纏其胞，使胞源宣通，上徹於天以生成。

焚第一章符，誦章。

混合空洞炁，飛爽浮幽寥。延康無期劫，眇眇離本條。苦魂沉九夜，乘晨希陽翹。大有通玄戶，鬱單降晨霄。

黃雲凝靈府，陰陽炁象交。胞元結長命，惡根應化消。桃康合精延，二帝秀玉飄。灌溉胞命門。精練神不彫。九天命靈章，生神神自超。元君遏死路，司馬誦洞謠。一唱萬真和，九徧諸天朝。稽首恭劫年，慶此榮舊苗。

謹上請帝真胎命元洞冥紫戶之炁纏其胎，使胎結解根，下響於地以固靈。

焚第二章符。

無量結紫戶，炁尊天中王。開度飛玄爽，凝化輪空洞。故根離昔愛，緣本思舊宗。幽夜淪遐劫，對盡大運通。帝真始明精，號曰字元陽。嬰兒史伯華，結胎守黃房。斬根斷死戶，熙頤養嬰童。禪善導靈炁，玄哺飛天芳。華景秀玉質，精練自成容。務玄育尚生，羅列備明堂。太虛感靈會，命我生神章。一唱動九玄，二誦天地通。混合自相和，九徧成人功。大聖慶元吉，散華禮大空。諸天並歡悅，一切稽首恭。謹上請帝真魂命元長靈明仙之炁，纏其三魂，使魂門練，通神以達精。

焚第三章符。

須延總三靈，玄元始炁分。落落大梵布，華景翠玉尊。明範飛玄景，開度長夜魂。遊爽赴期歸，炁炁返故根。大帝號陽堂，字曰八靈君。九關迴祿道，胎炁生上元。陵梵度命籍，太乙輔精延。泥丸敷帝席，三部八景分。魂生攝遊炁，九轉自成仙。琅琅九天音，玉章生萬神。三徧列正位，炁參八辰門。玄關遏死戶，靈鎮津液源。應會感靈數，明道潛迴靈。慶此嬰兒蛻，稽首讚洞文。

謹上請帝真魄命元陽尸冥演由之炁，纏其七魄，使魄戶閉關，天王降仙以安寧。

焚第四章符。

寂然無色宗，兜術抗大羅。靈化四景分，萬條翠朱霞。遊魄不顧返，一逝洞群魔。神公攝遊炁，飄飄練素華。榮秀椿劫期，乘運應靈圖。空洞生神章，瓊音逸九霞。一唱萬真會，騫爽合成家。九轉景靈備，鬱鬱曜玉葩。兜術開大有，一慶享祚多。上聖迴帝駕，

嬰兒歛以歌。不勝良辰會，一切稽首和。

謹上請帝真藏府命元五仙中靈之炁，纏其五藏，使藏府清涼，五帝朝真以存神。

焚第五章符。

翻翻五帝駕，飄飄玄上門。遊步黃華野，迴靈驕樂端。採集飛空景，舊爽多不存。太微迴黃旗，無英命靈幡。攝召長夜府，開度受生魂。公子輔黃寧，總錄具形神。玉章洞幽靈，五轉天地分。炁鍊元藏府，紫戶自生仙。數周衆真會，啓陽應感繁。玉女灌五香，聖母慶萬年。三界並歡樂，稽首禮天尊。

謹上請帝真靈府命元高真沖融之炁，纏其六府，使胃管生津以納和。

焚第六章符。

應聲無色界，霄映冠十方。回化輪無影，冥期趣道場。靈駕不待轡，朗然生神章。空洞諒無崖，玄爽亦爲彊。練胎返本初，長乘飛玄梁。斬畜喪天真，散思候履常。斬伐胞樹滯，心遊超

上京。願會既玄玄，悟我理兼忘。介福九天端，交禮地辰良。混化歸元一，高結元始王。稽首儔靈運，長謝囂塵張。

謹上請帝真元府命元高仙洞笈之炁，纏其九竅，使九竅開通，心神朗清以開關。

焚第七章符。

玄會統無涯，混炁歸梵輔。務猷運靈化，潛推無寒暑。乘數構貞條，振袂拂輕羽。瓊房有妙韻，汎登高神所。圓輪無停映，真仙森列序。上上霄衢邈，洞元深萬巨。秀葉翳翠霞，停蔭清泠渚。遨翫怡五神，繁想嘯明侶。五難緣理去，沖心自怡處。爽魂隨本根，靈靈空中佇。七誦重關開，豁滯非神武，運通由中發，高唱稽首舉。

謹上請帝真華府命元真靈化凝之炁，纏其八景，使三部八景，整具形神，幽夜光明以防身。

焚第八章符。

清明重霄上，合期慶雲際。玉章散沖心，孤景要靈會。煥落景霞布，神

衿靡不邁。玉條流逸響，從容虛妙話。靈音振空洞，九玄離幽裔。感爽無凝滯，去留如解帶。明識生神章，高遊無終敗。玄景曜雲衢，跡超神方外。應感無方圓，聊以運四大。研心稽首誦，衆聖共稱快。

謹上請帝真嶽府命元自然玄照之炁，纏其身，使三關五藏，六府九宮，金樓玉室，十二重門，紫戶玉閣，三萬六千身神，萬八千官府，三百六十機關，根元本始，一時生神。令神布炁，炁滿能聲，聲尚神具，毛髮生身，諸天下臨，以保其身。

焚第九章符。

無結固無情，玄玄虛中澄。輪化無方序，數來亦回乘。誰云無色平，峨峨多丘陵。冥心縱一往，高期清神徵。良遇非年歲，劫數安可稱。浮爽緣故條，返胎自有恒。靈感洞太虛，飛步霄上冰。津趣鼓萬流，潛凝真神登。無愛故無憂，高觀稽首昇。

高功再白：

夫三炁爲天地之尊，九炁爲萬物

之祖。故三合成德，九陽爲真。實天地之玄功，乃陰陽之妙用。今爲亡過某，上請九天降炁，五體聚神。既膺大道之殊恩，當稟上真之慈訓。蓋九炁生其神，三元育其質。黃白致相，混沌合形。六甲周流，五行結植。法天象地，含陰吐陽。則地剛柔，應天文分度。千真備列，萬象森羅，合道通真，既尊且貴。於是首爲崑崙，髮爲星辰，眉爲華蓋，眼爲日月，鼻爲天柱，耳爲

天窗，口爲天門，面爲天鏡，五嶽四瀆，八海九江，一元二儀，三光四象，五行六律，七元八景，九宮十方，三十六天，三十六地，莫不備焉。皆大道之妙應，神靈之所生也。汝等若不能尊其炁，貴其神，省茲始末，念其本真，以至躁動凡濁，淫惡亂心。則傷其神炁，炁盡神逝，魂沉五道，魄歿三途，業增九陰，殃流七祖，生生劫劫，休息無期，可不悲哉。汝等自當清虛，滅欲正念，無反更生，受形人道。尤宜含純養素，抱朴歸元，於慧性中會正道。是時則神仙可學，天上可登。故今神變之義，是學

仙鍊神之門戶開，異時歸真向道之良心。於二儀育質，九炁結形之後，再行焚化玉嬰神變靈符。汝等其深悉此意，毋忘此時也。

焚玉嬰神變符。

上元真一，守固泥光。中元真一，守神絳宮。下元真一，守衛命門。三元齊景，保命益年。招靈致炁，生降自然。變形鍊骸，骨化成仙。毛羽飛輕，騰翔帝前。急急如律令。

次以水灑受度亡魂，呪曰：

天澄炁清，五色高明，日月吐渾，濯鍊身形。神精內爽，法火鍊真。光景洞耀，煥映上清。炁不受塵，五府納靈。罪滅三途，禍消九冥。惡根斷絕，福慶自生。今日大願，一切告盟。身受開度，昇入帝庭。

又呪

北斗落死，南斗上生。萬靈侍衛，諸天記名。洞觀無礙，元亨利貞。急急如律令。

放水盂，祝白

汝等亡魂，受鍊已畢，躬身壇下，承領

功德，託化人天，逍遙自在。

次兩手煞文，擎鄴都形生天錄，吹中天炁一口，放錄上，白呪：

元始符命，時刻昇遷。北都寒池，部衛形魂。制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三塗，五苦八難。超凌三界，逍遙上清。

### 說戒

伏聞太極未判，一炁混融。自一分三，元綱遂演。高澄乾蓋，下奠坤輿，孕毓粹沖，以生人物。惟人之身法象天地，配合陰陽，故獨靈於萬物。夫一炁於本，先地先天。天地因茲，以成覆載。人物稟茲，以生形質。形質既立，於是有始有終。人能識存亡之機，達生死之變，則死未足驚，生非可樂。身與我累，世亦非真。富貴如浮雲，恩愛等夢幻。要須自能解悟，反省真源，斷貪著心，絕執迷念。百慮俱消，一性湛然，生死去來，本何牽係，可以昇陟虛無。蓋我稟茲一靈，亦與天地相為終始，何以一死一生之為累耶。且人

固非惡生而樂死也，惟其拘纏世網，沉昏愛緣，念慮不純，諸妄競起，但縱情而無極，豈悟生之有涯。富貴燔身，榮名在念，貨財山積，志亦未厭。大數一來，悉非己有。身謝之後，貪戀益深。寂寂幽途，沉沉夜壑，是知業緣報對，尚有休期。貪戀迷昏，永無了日。故太上啓沖虛之化，大道開清淨之門，拯此迷途，出諸疑網，此則垂科立教之本意也。今茲亡靈已棄世緣，魂未能整復。雖數運自有反生之期，而所不能超脫者，亦由執迷之未釋，貪戀之在懷。故也當司已為祈告上真，請降符命。布陰陽之正炁，合水火之真精。復其神明，鍊其魄識，重資混沌，再立根基，可為累劫良緣，千生慶幸。然而猶在亡靈自加警省，高作達觀，庶可永脫輪回，長辭障礙。切宜深悟死生之理，徹透存亡之機。當知世之金玉珠珍不足寶也。綺羅錦繡不足奇也，富貴華侈不足榮也，粟帛財貨不足戀也。至如夫妻父子，固云義重大倫，然生聚死散，亦理之常，豈能保其長且久耶。

然此等皆人情之所，不可免者。今乃謂物不足惜，恩不足戀，是果何也。蓋四大百骸，人孰不自愛重。及其所窮運盡，形化神馳，血肉質，悉皆朽腐。回顧一身，尚不能有，況貨財恩愛哉。由此言之，生則未免隨逐世緣，死則不須迷戀恩愛。所當省理者，惟一靈本性，劫劫生生，未嘗泯滅。則知形容累我，尸魄亂我，財寶昏我，恩愛惑我。我之本真，固自清淨沖虛。超出五行之外，則罪福因緣，冤讎報對，亦將煥然冰釋，天堂地獄悉成一空。惟當認取未生我身以前，一無所有。方可知根識性，悟本超凡。則濯形太陽，反生人道，特餘事爾。今則鍊化已畢，昇遷有期，若受質於人間，當毋忘於修檢。生生常歸正道，世世不墮迷途。太上三皈九戒，謹當宣演人間天上，毋忘戒言。

宣告亡靈，第一皈依，無上道寶。

夫道寶者，先天先地，無形無名。謂其無，則孰為造化之根源。謂其有，則難窺希夷之闔域。生萬炁而罔能測

其際，立三才而不自以為功。或隱號而藏名，或聚形而散炁。澤流萬劫，高總一元，世世生生，當遵道寶。

道寶讚

宣告亡靈，第二皈依，无上經寶。

夫經寶者，鍊空成梵，結炁為文，立極流祥，隨機設教。開三乘之祕蘊，列四輔之靈書。保劫運而奠乾坤，接天地而扶造化。廣涵真奧，永度迷津，世世生生，當遵經寶。

經寶讚

宣告亡靈，第三皈依，無上師寶。

夫師寶者，傳真演法，立教度人，儀表古今，提携幽顯。玄中教主，正一天師，或列職而在天，或分身而降世。三洞宗壇主宰，十方得道仙真，拯訓方來，昭明正化，科垂有則，惠浹無邊，世世生生，當遵師寶。

師寶讚

上來宣告三皈依者，乃古今之正教，天地之真宗。當知萬化因此而生，三才由此而立。況於幽而為鬼，顯而成人，三界之中，陰陽之內，須明逆順，

宜別正邪。自今以還，永歸正道。毋得陷於魔教，毋得惑於異端。一念既真，衆邪不入。正理無雜，大道坦夷。亡靈既已徹於真機，更合明於戒律。太上科條，謹當宣示。

智慧頌

宣九戒

- 第一戒者敬讓，孝養父母。
- 第二戒者克勤，忠於君主。
- 第三戒者不殺，慈救衆生。
- 第四戒者不淫，正身處物。
- 第五戒者不盜，推義損己。
- 第六戒者不嗔，凶怒凌人。
- 第七戒者不詐，諂賊害善。
- 第八戒者不驕，傲忽至真。
- 第九戒者不二，奉戒專一。

上來九戒，乃天尊垂訓。若人常能持守，身謝之後，永不沉淪。今亡靈在冥之日，受度之時，先須明此教條。將來託化受身，則忠孝為首，廉謹自持，舉措不失於規矩法度之中。當此之際，豈止根於天性而已，乃習熟於受

生之前者也。以致在幽在顯，固應心是道，念念皆真。出歿去來，不背正理，一塵無著，萬慮皆空，是又豈在於戒律哉。謹用告下金錄白簡，長生靈符，太上生天寶錄，以為仙化之憑。亡靈諦聽，謹用宣行。

宣符錄壇牒

高功立，大聲白云

假合陰陽聚本真，神明整復自生身。萬緣不著輪迴脫，高步烟霞謁帝真。下座，法事，結願。

表白度魂

或普度同行鍊化度橋，亦可通用此儀。專度正薦，則專用之為佳。度橋科儀，古來有之。近世方用，且於亭子四門，各吟偈一首，其辭甚陋。而道家法事，有讚有頌，有步虛詞、白鶴詞之類，所有吟偈之格，自古無所出，勢難從俗。雖送亡魂之際，添入俗格，不甚深害。然蕝齋立事，務合典儀，不經之言，豈宜對衆宣演。故今除去偈子，却易以白文，然後舉天尊號續之。且免於貽笑於

識者。

伏以推移罔測，生莫得以長存。

代謝匪常，歿豈宜於久滯。端在明心見性，要當悟正超凡。沖寂玄宗，虛無妙道，天地因之而肇立，陰陽由此以陶成，所當自此皈依。庶使前途際遇，今茲齋功，既就善果克圓，佩受符章，沾領功德，度法橋而徑往，指雲路以高昇。法衆虔誠稱揚奉送。

法橋大度天尊步虛一首。

東方九炁天尊行至亭東。

伏以道恩善應，齋福無窮。幽昧得以昇遷，陰爽悉無沉滯。瞻望青華之帝闕，朝謁長樂之天宮。庶蒙接引之麻，即被陶鎔之澤。此爲徑路，正好皈依。直指青霄，便期高步。同誠奉送，恭爲稱揚。

南方三炁天尊行亭南立。

伏以循環之機，本無沉滯。執著之見，多自拘纏。今既得濯靈風，自可悉明本性。祈天望聖，即昇流火之鄉。向道歸真，前赴鍊魂之府。一心求於度脫，六欲捨於昏迷。仰沐玄津，以資

仙化。再宣聖號，奉送雲程。

西方七炁天尊行至亭西。

伏以一真自悟，九地俱空。然非兩曜之精華，豈復五神之善識。是以瞻白玉龜臺而稽首，想金真聖母以傾心。仰冀生成，以祈度化。或隱或顯，常樂道以逍遙，明性明心，永蒙恩而清淨。切須正念，更勿邪情。同爲稱揚，再三奉送。

北方五炁天尊行至亭北。

伏以望之在北，乃是中天。仰之彌高，斯爲霄極。想穹窿之遠，渺渺莫窮。瞻閭闔之遙，巍巍難際。已露塵情而上奏，普祈幽爽之更生。茲荷宸恩，得圓齋事。乘斯妙利，更可滌慮澄神。仗此善因，即遂返真證性。既無滯礙，切莫遲回。寶號再揚，奉資進步。

逍遙快樂天尊引至焚燎所。

極樂三清界，向來，回向。

伏以高真慈憫，發三洞之祥光。大道沖虛，布十方之妙蔭。恩極乎六天九地，教覃於三界四維。幽顯蒙庥，死生


同福。垂情濟世，無量度人。齋主某罄竭精誠，恭修齋直，上資邦國，普及生靈。集此善功，追薦亡過某靈魂，超生善境。伏願天恩普濟，道澤宏敷，善果圓成，下脫萬緣之累。真符濟度，上超三炁之天。自明宿命之因緣，永滅前途之障礙。一靈自在，與道同符，回福見存，流芳後葉。三途九夜，俱得清閒。萬類四生，皆蒙昇度。爲上因緣，志心稱念大聖元始天尊，太上道君，太上老君，十方靈寶天尊，不可思議功德。

靈寶本法鍊度符命


日魂符




真火合同符



火鈴符



鍊身符




月魄符



真水合同符




十二河源符



金液鍊形符




石景水母符




五芽真文


青芽



朱芽




素芽



黑芽



黃芽




右五芽真文，其行用之詳，已見前五芽內鍊品。

九天生神章符

此符乃本章九天之炁也。正屬上清洞玄靈寶本部，非他法可雜。若九陽、梵炁、九霄之符，與此不同。符見別本，茲不再錄。

玉嬰神變符





酆都山真形



鍊度諸符，大槩如此。惟鍊身一符，亦出神霄。但此符乃十干之字爾，以人備五行而生，今再資五行之炁，以鍊其魂。此十二字，甲乙則屬木，丙丁則屬火，戊己則屬土，庚辛則屬金，壬癸則屬水。故其後召五方之靈芽，則五行之炁也。亦非專隸神霄，而神霄法中自有鍊度之式。此靈寶本法，鍊度皆用經中生神自鍊之符。若世之所用十二經絡符，並不當收入。蓋以陰陽正炁，鍊其魂魄，聚其散蕩，復其神明，去其翳濁。使亡靈明知尸形已壞者不足戀，靈識再聚者可還生。然後啓告九天上帝，請降靈津，俾九炁下鍾，形神方復，重資道性，再立根宗。若符十二

經絡，則託胎之後，九炁結形，九月神布炁滿能聲，當是之時，經絡自生。故首以水火二鍊，終以九炁結形，鬼魂反生之事，畢矣。玉嬰神變符，亦修真之士自服以鍊神者。故未後告行，使其神而明之，然後聽戒，受符命，徑超生路。昭應雖然在天，行之自宜有理。近世鍊度科格既不同，符命亦有異，皆不可雜用，混殺失宗。且如酆都山真形，傳流久矣，未嘗增損。近浙東人於其側，增黑池者。浙西於側，又增硤石地獄者。似不必如此增益也。夫增黑池者，不知其意，所據何說。或者又以《仙戒經》所載有十八地獄，而山形內只標一十七所，遂以黑池，湊成一十八所。不知山形所標天帝宮、鬼帝宮、通天門之類，則其中之宮闕也，上元六洞、下元六宮之類也，則其中之曹局也。共標一十七所，乃宮闕有司爾，獄則不可勝計也。今以曹局而為獄，則大失經旨。況一曹一局之內，所主之獄，又不知其幾

所。至如《業報因緣經》謂有三十六獄，又三官二十四獄，所出互有不同，山形之內，未易增損。或有經據，則酆都山形其來甚古，神仙上士未嘗有加，不宜於今日求異。若硤石血湖之說，專以恐脅生產之家，出錢薦拔而為之，其謬妄不待言而可見。所有齋科古儀，以定壇外科書俗用者，多不同。今新撰易去世俗常用者，庶切事情，却非敢為異也。

上清靈寶大法卷之三十七

### 上清靈寶大法卷之三十八

洞玄靈寶法師南曹執法典者  
權童初府右翊治金允中編

#### 施食普度品

建齋之始，先設芟廓於空地之上，務令寬廣，仍戒喧雜。當普召則立香案，高功望天闕口奏，次請道士一員，普行攝請。此是先移文三界，及牒神虎將吏，預行普召。或臨事而高功不欲再行啓告者，亦從便也。

立香案芟廓前，高功上香，望闕口奏

具法位臣姓某，謹拜手昧死，奏啓虛無自然元始天尊，太上道君，太上老君，昊天玉皇上帝，紫微北極大帝，勾陳星宮天皇大帝，后土皇地祇，十方靈寶天尊，東極青宮太一救苦天尊。恭望天慈，曲垂鑒燭。臣聞至道啓慈悲之教，高真宏濟度之科。俾凡夫得攝於化權，使晚學獲聯於法職。蓋欲廣覃

惠澤，善泐宸恩。動植咸歸化育之中，幽昧悉在哀矜之內。臣久承明訓，未立殊勳。領戶化民，敢忘本職。拔幽濟顯，少效微勤。以今齋主某勵志修齋，傾衷普度。雖已奏聞於天闕，所當廣濟於冥途。備置菲儀，關宣祕典。召六道之衆，並赴齋筵。攝萬類之魂，咸沾淨供。恭望特頒天命，並下冥司。宥罪赦愆，開關啓閉。庶三界之幽魂悉集，俾六合之沉爽同臻。許其遷升，容臣開度。敢期昭應，下副懇祈。臣冒犯天威，下情無任祈恩，俟命之至。謹言。

道衆舉幡，歌斗章。

太微迴黃旗，無英命靈幡。攝召長夜府，開度受生魂。

先召六道

夫六道者，則天道，神道，人道，地獄道，餓鬼道，畜生道也。關牒行移，有普召六道三途也，有召五道三途者。三途則天途驅雷役電，地途擔沙負石，水途漣波溟波。五道則《度人經》中魔王歌曰：其欲轉五道，我

當復奈何。乃五苦之場，所謂五道也。行移之中用五道，則本倣此。或六道亦可。然而濟拔苦爽，或先於五惡道。今臨召攝，則聖凡普及，高下同沾，是六道之文，不可除去。行移之中，更自詳酌。行之式說，悉是自來有之，非近世續為之說。其餘無所經據者，力加刪斥，不敢為疑惑矣。

謹伸上請天道之衆。夫天道者，居三界之中，列諸天之次，宰制遂分於品秩，稱呼莫得其後先。蓋由生稟奇姿，夙鍾靈炁，功全道備，藥就丹成。或證品仙階，或受書洞府，以至升騰霄漢，軒翥空玄，佐理陰陽，贊扶造化，善功愈積，尊位漸登，於是神變之莫窮，威靈之罔測。伏願暫離天府，略屆塵寰，即馭炁以下臨，悉浮空而俯降。接引五道之衆，開化十類之魂，錄此虔誠，證明修奉。天道之衆，願賜降臨。謹伸召請神道之衆。夫神道者，幽微不測，變現無窮，司禍福於人間，定吉凶於世表，掌握山嶽，統轄鬼神，調風

雨於四時，理陰陽於九土，隨心應感，遇物施恩，居幽理明，安民濟衆，總權各異，受職散殊。或聖帝名王，或忠臣烈士，或鄉邦英俊，或社稷明靈，或立壇場，或崇廟貌，有功立祀，受命爲神。鎮境域以垂休，護生靈而布祉，功歸正道，德贊玄猷。伏願神化須臾，靈蹤頃刻，來朝天闕，悉赴齋壇。鑒清淨之筵，領塵凡之供。神道之衆，俯賜降臨。

謹伸召請人道之衆。夫人道者，受炁陰陽，賦形天地，得處五行之內，故爲萬物之靈。分男分女，則有妍蚩。列尊列卑，則殊性識。或貴或賤，或賢或愚，或托蔭中華，或投胎外土，或以文華而受邦之爵秩，或運智爲謀而爪牙，或塵途有凍餒之虞，或蓬戶有沉綿之厄。顧茲等級，實係修爲。民庶繁多，品類衆雜，均爲人道，共稟靈津。其奈壽夭有期，存亡係數，形骸非已有，魂魄屬虛無。陽世不得長生，幽府豈宜久滯。伏願澄清念慮，整具形神，悟道超凡，知虛識幻。來赴精誠之供，

仰沾開濟之恩。聽法聞經，朝真領薦。人道之衆，及諸眷屬，各請來臨。

謹伸召請餓鬼道之衆。夫餓鬼道者，或拘幽夜，或墮昏迷，或因宿世之所修，或以累生之所作，或罹報對，或因徵呼，或習性沉迷，識見執著。是致飄零魂魄，散蕩神儀，沉浮於六合之中，困滯於九州之內。薦資之罕及，享祀之不沾，超脫未期，升騰乏路，悽然何托，邈爾無依。若非識性而返真，豈遂出迷而入覺。伏願上依真蔭，肅仗道恩，相携而盡赴道場，招集而同臻法會。恭朝九清之上帝，以離九地之拘纏，聽宣三洞之靈章，以滅三塗之障難。餓鬼道之衆，及諸眷屬，各請來臨。

謹伸召請四生道之衆。夫四生道者，胎中受命，殼內分形，穴處巢居，林藏石隱。或產于江海陂池之內，或養于重淵積水之中，或感炁而生，或隨物而變。雜名殊類，萬狀千形，飛走山源，沉浮波浪。雖稟炁之有異，而貪生則本同。或困於鈎餌網羅，或傷於鋒

刃弓矢。固亦趨利而避害，甚則搦肉而強食。蠢蠢而生，紛紛而逝，雖爲異類，俱出至化陶鎔之中。既忝貪情，悉在上帝憫憐之數。伏願俱承淨供，同赴善緣，濯濯靈津，永捨禽蟲之趣。沾濡法雨，終離毛角之群。悟本知根，還源復性。四生之衆，及諸眷屬，各請來臨。

#### 次召孤魂

伏以一元運而循環不息，二象凝而變化無窮。稟炁分靈，衆形乃肇。殊資雜品，庶類以繁。但成始，必成終。是有生，固有死。今古遙而時遷事異，死生定而情均理同。雖貴賤之不齊，亦賢愚之各致。生兮壽夭之莫測，死也升墜之難知。況厚朴之風漸離，洪荒之世已遠。盛衰倚伏，隆替相仍。揖讓而君，惟唐虞之莫繼。戰爭而國，自商周則攸同。周末而兵革紛紜，秦初而干戈繞擾，漢魏以降，南北屢分，迭廢迭興，或治或亂，風俗由之而厚薄，人物因之而盛衰。或失正而見弃於明時，或據忠而不容於亂世，或

功成而覺起，或貴極而身危。以致握外闔之威，秉出疆之命，或偶然於陷陣，或竟殞於遐荒，或負藝懷材棲遲而不遇，或守常抱道廢斥以無聊。居民旅而遭亂離，處軍戎而死鋒鏑。近來非一，昔者尤多。及夫士農工商巫醫小祝，千門萬類，百家衆流。處世之時，榮枯不等。亡身之後，冥寂何殊。有術至於長生，其如得之者鮮。無謀何以道死，未免視之爲常。賢愚俱化塚中塵，富貴亦爲泉下客。眷言及此，興悼何窮。恭惟大道之垂慈，特啓真科而廣度。爰稽教典，嚴列壇場。式陳無礙之筵，普供有情之衆。請降九龍之救命，昭蘇六地之沉魂。欲望幽顯真靈，陰陽主宰，逐處靈壇典祀，天下郡邑城隍，黃泉蒿里丈人，地府冥泠主者，水宮曹局，嶽府職司，五道大神，九州社令，山林里域，土地衆神。咸遵太上之符章，共稟青宮之特命。釋拘纏於萬獄，罷謫役於三途。疏理囚魂，昇遷罪爽，以至浮遊郊野，淪滯幽陰，有主無歸，含情抱識，九州六極，萬類

四生，一切孤魂，無窮鬼趣，悉行拘集，盡遣來臨，同沾勝妙之緣，即度清寧之境。俱賴至神之力，以宏上帝之休。攝召屆時，立祈報應。以今焚香，先伸恭請歷代帝王，前朝君主。或揖遜而有天下，或開拓以立基圖，或興利除害而垂萬世之功，或撥亂反正而創一時之業，惠加海宇，德被生靈。或今廟食於人間，或以昇神於天闕，終啓愛民之念，不忘憫物之心。接引迷途，提携後世，曲回睿鑒，俯錄凡忱。以至繼體之君，守成之主，秉治安之政，享太平之基。累洽重熙，康時保祚。然而數傳之後，累葉之餘，未免泰極而否生，運奇而變起。或王綱之不振，或太阿之倒持，或權臣肆凌逼之虞，或胡騎有寇攘之禍。小而播遷郡邑，大而傾覆邦家。雖云德之或虧，亦恐數之有定。昔日鑾輿歸杳漠，如今殿宇已坵墟。儻英靈未陟於丹青，慮清蹕尚稽於黃壤。伏望暫迂仗衛，略盼壇筵，鑒茲開度之齋修，密悟希夷之隱奧。當知富貴如夢，成敗一空，往事難追，前途可

勉。仰祈宸慈，俯賜降臨。以今焚香，奉請昔朝禁壺，往古掖庭，尊而后妃，下而嬪御。或望隆後苑，或德重坤儀。外佐聖明，內閑典則。雖古今之既革，必慈愛以如初。仰冀在天之靈，俯察由中之禱。其或德分厚薄，寵有盛衰，雖金屋玉樓，翻成寂寞長門，邃宇徒困悲涼。至如青塚之殯難歸，馬嵬之變罔測。或謝身於丹禁，或白首於上陽。遺恨未銷，清魂無倚。伏祈委鑒，俯賜降臨。當知富貴若風華，榮華如石火。徑登前路，毋念舊蹤。以今焚香，奉請累朝宰輔，歷代廟堂。負棟梁之材，展經綸之手。內而鎮安有度，外而綏集四方。或西掖判華，或北門視草，或分郡邑之寄，或列鵷鷺之行。助理化機，共扶國計。若大若小，乃武乃文。消禍亂於未萌，致太平於無象。及至數終壽夭，身委寰塵。或廟食於人間，或職參於仙府。伏願特迂騎從，俯降旌旄。鑒此凡誠，賜之景福。其間當貴之莫永，榮祿之易終。或降出於無聊，或竄流而不返，

甚而傾家失族，或至服藥罹辜。幽恨無窮，驚魂何托。當知去蹤莫救，覆轍難回。不須懷既往之冤，尚可爲將來之計。一聽清虛之典，咸除鬱結之情。普冀來臨，即垂允赴。

以今焚香，奉請千古英雄，歷代將帥。登壇授鉞，拜命策勳。或三箭而定天山，或七擒而伏南虜，或削平於僭亂，或拯復於寰區。嘉績濟時，精忠貫日。或盡節而沒於王事，或退老而終於天年，或守正而罹害於一時，或深入而喪軀於萬里。義之無失，理則何傷。或生不至於封侯，或死于今而廟食。伏願暫揚麾纛，俯屆壇場，享于克誠，誕孚靈佑。其有負可疑之勢，泱不賞之功，或自失於忠誠，或偶生於嫌隙。禍萌不測，變起於形。或放逐而終，或誅鋤而逝，或家門之廢墜，或嗣息之凋零。杳靄陣雲，昔日之壯圖已謝。沉昏夜府，今朝之滯識猶迷。願應召以來臨，庶隨機而感悟。不纏宿障，咸濯生津。

以今焚香，攝召戎門卒衆，軍陣兵

行。歷代以來，六合之內，興廢不知其幾，戰鬥莫計其時。或寇盜猖獗於城中，或夷虜腥羶於邦內，不得已而征討，終未免於殘傷。身命殞於弓鎗，血肉塗於草野。或圍城而敗績，或遇伏而喪功，或失援而懸軍，或輕敵而餌毒。勝者未能全璧，敗者必將陷師，郡邑爲之荒涼，生靈遭於屠戮。雖云天數之或定，其亦人情之至哀。然奮義以效勤，盡忠而死節。若非返生人世，則猶隸役冥司。伏願略駐劄於靈壇，共贊扶於元化。同沾利佑，早遂升騰。其間或缺於忠誠，或失於疑二，或陣未交而自潰，或勢非急而就降，或爽律而受誅，或違伍而被罪。恐一念之不正，慮九地之尚留。符命已頒，拘纏必解。所當悔懲昔咎，灌洗前愆，各承大宥之恩，盡脫九沉之苦。即希來赴，同領善功。

以今焚香，攝召文場秀士，學海儒生。博通百氏之書，深造六經之奧，聲譽高於庠序，行義冠於鄉閭。以至身擢巍科，名魁多士，知顯達之由分，故

出處以隨時。以至未沾爵祿之榮，自徹性命之理。初不拘於得失，亦何礙於死生，千古英魂，萬方靈爽。伏願俯臨壇席，即邁車輿。華胥國內成名，已知夢覺。白玉樓中作記，即遂仙飛。其有志徒切而天命乖，學雖優而至理昧。凌霄壯氣，易以差池。眩世辭華，竟成委靡。場屋屢困，名器愈賒。一息不流，萬緣皆斷。慮其未悟窮通之分，莫明禍福之機。生而事爽素心，死恐魂稽泉曲。伏願去離執着，警省神情。當知太上之真科，即是聖人之大道。自宜黜聰明而屏志慮，味道德而達死生。盡屆法筵，即超淨域。

以今焚香，召請真祠羽禱，琳館黃冠。委塵俗以出家，悅沖虛而入道。深悟浮生之夢幻，仰探至理之希夷。白簡黃壇，交真靈之盼饗。青山綠水，縱杖屨以徜徉。或功高而錫召於玄都，或丹就而受書於洞府。伏願特矜晚學，曲降飛車。開化沉溺之幽魂，或就齋功之善果。其有宿因未厚，美意徒勞，其學罔際於真師，內鍊不逢於秘

訣，或修存而中輟，或障難之橫生，鸞鶴不來，空有青霄之望。虎龍難偶，遂爲黑壤之歸。承今符命之招，詣此薦資之會，毋牽纏於宿念，早湔濯於靈根。一徹玄機，即升仙籍。

以今焚香，攝召山林逸士，巖谷幽人。視富貴若浮雲，等功名爲外物。奇峰碧嶂，滿日烟霞，木履青筇，賞心泉石，王公莫友，天子難臣。或遁跡於郊園，或放浪於湖海。高資邁俗，清氣逼人。生兮既能超羣，死也自應無滯。猿吟夜靜，嗟蘭佩之難回。鶴怨山空，嘆蕙幃之已寂。瀟灑神識，幸賜來臨。清靜齋羞，同垂享鑒。其有身爲隱逸，惟切志於功名。或致北山之移文，或爲仕途之捷徑，不能堅美節，依舊入塵緣。以願不滿於人間，恐恨益深於泉下。當知進退，乃在生之計。眷茲功業，亦處世之謀。冷已無生，是爲委世。貴賤俱泯，成敗兩忘。承茲度化之休，早遂返生之樂。

以今焚香，攝召叢林大德，列刹高僧。秉智慧刀，斷煩惱障。方袍圓頂，

悟不空之空。鐵心石腸，修難修之果。打透無生理，深知不死機。一性清靈，雖久而不墜。六根了絕，有召即遙聞。剖破藩籬，何用拘於道釋。飛馳杖錫，即俯降於壇場。鑒此良因，用歆淨供。其有禪心未寂，覺性猶迷，五蘊非空，六賊尚熾，或隨時以飄蕩，或混俗以浮沉，及其天數之告終，不覺色身之永已。茫茫幽域，杳杳泉臺，自怜超脫以何時，適此遷升之有路。昨非今是，咸資曠蕩之恩。捨舊從新，即上清虛之岸。

以今焚香，攝召宮觀女冠，寺院尼衆。或悟真而入道，或因事而出家，或歸西方寂滅之宗，或慕太上沖虛之教。緇袍素質，已祛脂粉之塵凡。羽袂星冠，不受鉛華之點污。禪心如止水，還同佛性之圓明。清氣薄浮雲，終見仙蹤之超舉。伏願俯從懇請，不吝慈悲。鑒此精修，納茲薦獻。其有道緣之尚淺，宿慶之未深，雖披出俗之冠裳，莫竟脫塵之念慮。或積功之易倦，或見性之不明。徒知世故之紛紜，不覺大

期之至止。念幽都之寂寂，慮飛爽之淒淒，因此修崇，悉祈來赴。重資靈澤，再作生涯。

以今焚香，攝召累代富豪之士，積年貴盛之家。承閥閱之餘，襲膏粱之舊。府庫充溢，箱篋豐盈，廣厦崇堂，歷暄涼而罔覺。高軒大蓋，雖風日以難侵。悅目將厭於珠珍，服御乃賤夫羅綺。能於此檢身而育物，庶可乎善始以全終。未免經於太陰，必亦生於貴胄。其或流而不返，盛而愈奢，過嗜聲色以無窮，廣畜車馬而自縱，生兮爲意之所欲，死則慮魂之多迷。伏望不耽世上之榮華，毋念身前之翫習，徑迂軒馭，並造壇筵。即悟靈機，同臻善境。

以今焚香，攝召九流之士，雜藝之倫。或通於易象壬占，或達於天文地理，或攷五行而知貴賤，或稽一貌而驗吉凶，或習推測而有識氣之能，或辯疾患而施活人之手。倘臻一術於至奧，或兼衆善以俱亡。故窮通莫得以汨其真，死生不足以累其性。蓋術乃察事

物之變，理則徹造化之機。生則精明，死亦了悟。存亡不惑，隱顯無拘。仰冀昭昭之靈，俯鑒勤勤之禱。其有名同實異，習矣而不精。藝淺識卑，鬻之而苟利，或挾斯而遊謁，或因此以飄零，或宿留於異鄉，偶成客死，或羈棲於逆旅，因至路亡。惟其見理之不明，深恐身亡而魄滯。伏願收浮遊之識，聚散蕩之魂。屆此淨筵，悟茲道妙，一俊故性，俱陟生鄉。

以今焚香，攝召雲水高人，江湖達友。單瓢隻笠，遍遊於福地名山。五炁三華，暗聚於崑峰蓬頂。或調金石以精煅鍊，或驅草木以救疾傷，或施符以濟時，或布炁而愈患，或佯狂而混俗，或托醉以全真，或面壁以無爲，或行功而有作。及其丹成而事竟，故能脫殼以升神。伏願提拔玄門，主張大教，曲全齋薦，同拯迷津，欽佇雲輿，即臨法席。其有山川徒歷，未逢出世之師。功法雖繁，莫有成真之訣。未免苟活於軀體，蓋將空度於歲時，生而逐伴隨群，死則飄神蕩識，請回清慮，早

脫昏衢，結茲無礙之緣，再遂有生之樂。

以今焚香，攝召街衢遊子，市井閑徒。擁蓋驅車，遍章臺之綺陌。臂鷹挾彈，衝上苑之紅塵。籠畜珍禽，醪傾玉斝，銀燭呼盧嫌夜促，玉簫催拍怕筵終。情雖適於少年，事恐虧於厚德。及至吳霜點鬢，方驚往景之非。空思楚館遺蹤，已覺衰顏之迫。交遊滿目，誰爲住世之謀。情愛盈懷，乃是喪生之本。惟有殯宮之寂爾，遙知冥路之茫然。伏願捨舊從新，歸根復命，來沾薦拔，前遂升遷。毋着相於空花，不留心於外物。盡捐故態，速進前程。

以今焚香，攝召江上漁人，溪頭釣叟。掛網垂餌，幾翻秋月春風。泛宅浮家，到處雲濤雪浪。千尺絲綸，直下五湖，烟水閑遊。西塞山前，望白鷗之點點。富春灘上，擁翠岫之層層。惟見物外之蹤，多遇箇中之友。或潛修於至道。或默悟於真機。卓兮獨存，超然不泯。伏願暫離仙府，略降塵寰，同開導於幽魂，特圓成於齋事。其有

勤勤於網罟，役役於鈎綸，豈耽山水之清，姑爲口體之計。勞亦至矣，時可留乎。兩曜相催，百年瞬息。數焉有限，命也必終。短棹長竿，至此時而難顧。風巾雨帽，嗟遺跡之空留。岸邊之墓巋然，舟上之人去矣。伏願毋拘昔習，不着前緣，徑出幽棲，特臨齋次。一聞妙道，咸證生方。

以今焚香，攝召耕稼之民，農桑之衆。爲庶政之先務，居四民之最勞。負來挾耰，冒寒暑而同輟。沾體塗足，凌風日以惟勤。仰輸俯育之艱，遇豐穰而徂給。東作西成之望，遭凶歉則罹憂。或衰老而善終，或飢荒而困斃，或遺體骸之零散，或孤塚之尚存。林莽淒淒，魂神何托，歲時寂寂，享祀莫沾。願招集以來臨，請提携而並赴。識破浮生之夢幻，不淪鬼趣之沉迷。承此善緣，陟諸仙界。

以今焚香，攝召川陸經商，江湖販鬻。汨沒世緣之累，奔赴貿易之途。駕橐馳車，逐旅程於無際。張帆轉舵，泛波面以何窮。多成異里之飄蓬，乃

至他鄉之寓跡。或幸得資基之豐厚，或終身世網之荒涼，或抱患於遐方，或委軀於孤館，或已老而未止，或尚少而早亡，或逢盜以傾囊，或覆舟而喪命。念遺骸之莫返，痛遠魂以難招。伏願來聽真詮，共登道岸。貨財即身外之物，難隨泉下之魂。鄉曲乃世上之居，莫重生前之戀。猛行棄捨，必遂升騰。

以今焚香，攝召伶人樂部，俳客倡流。語尚恢諧，藝精絲竹。曲折於舞群歌板，豈其性之使然。隨逐於馬跡車塵，亦爲勢之所逼。將欲圖溫飽之計，未免有迎送之勞。然而聚若浮雲，散如流水，年華向謝，多非可托之人。數限既終，恐作無歸之侶。伏願塵緣不染，舊念皆忘。即相率以來臨，領薦修而度化。

以今焚香，攝召路岐市藝，南北雜能。或教習禽蟲，或藏壓花果，或刻木牽絲而使舞，或騰烟凝焰以從輝，或橫索以步馳，或環刃而飛度，或以力角觝而分勝負，或爲象影燭以效折旋。此等之儕類甚多，近世之技能尤衆。但

窺溫飽，亦人心之所同。而身久道途，乃其勢之不免。豈皆樂爲此計，亦恐他無良謀。因循虛度，年華悠久，難成基業。生則聚散之不定，死慮飄蕩之無歸。伏願捨彼妄緣，悟茲真理，聞經聞法，明性明心，既沐玄津，必生樂國。

以今焚香，攝召今古有司，係公胥吏。奉行文墨，助郡邑之承流。遵守條章，贊聖朝之宣化。或能隨機而立善行，或由隸役而積陰功，家可保而嗣息繁昌，身雖沒而魂神不墮。伏願鑒茲修建，同作證明，濯此靈休，益增善業。或者嗜財黷貨，倚勢而爲姦。縱暴行私，侮文而致毒，或入輕而出重，或害物以傷時，未免禍起於一朝。或致身流於萬里，或性命之不保，或家業之敗亡。雖陽罰之已鍾，慮陰愆之未脫。承茲道澤，普宥宿辜。伏願悉詣道場，均沾資薦，投誠天闕，悔已往之非。超識地關，求再生之路。

以今焚香，攝召割烹之衆，宰屠之行。或剖羊刺豕以爲生，或屠狗解牛而謀息，或炮炙以精滋味，或豢養以供

鮮肥。乃由身口之榮，遂爲衣食之計。其事雖居世之難免，而此業則擇術之良。非慮殺意之云多，恐慈心之終泯。及其奄謝，或致牽纏。伏願洗滌舊懷，發生善念，來沾淨供，即返人倫。

以今焚香，攝召絕葷之衆，喫菜之徒。或傳二宗經，或稱四果教，或云白佛法，或號金剛禪，或歸二會子之師，或習五來子之曲，或雜聚男女，或不祀祖宗，或眩左道以爲功，或熬乳香以爲禮，日散其跡，夜集其徒。或即釋氏以爲名，或引道教而掩僞，外託幻變，內事邪魔。夫民生而俱稟良心，惟性流而習歸邪教。中人之性，可上可下。不根之說，乃惑乃滋。陷其醜而欲脫無門，殞其生而雖悔何及。且斷葷而戒酒，本是善基。然叛道以遺親，遂成惡果。伏願絕其誑妄，祛彼愚迷，大回遷善之情，毋啓好奇之想。天地之內，正理常存。人鬼之中，本真不滅。赴此潔誠之會，濯茲清淨之風。何必行其所難。行自合悟，其所當悟。俯仰無愧，超脫可期。



以今焚香，攝召產死婦人，孕亡人子。或因結胎而受惠，竟以傷生。或由育子以成艱，終於殞命。或子母不分而死，或血液未靜而亡。在常情已可驚疑，於死魂必生迷執。伏願返其本性，悟彼天真。當知結穢濁以成身，由清虛於稟識。一靈越古今而不泯，衆穢逐塵垢以俱消。何拘產死孕亡，亦受陰資陽鍊，滅諸障難，往遂生成。

以今焚香，攝召寇攘之輩，劫掠之徒。或迫於飢寒，或困於荒歉。大則槌牛發塚，小則穴壁踰墻。閭里爲之不安，郡邑從而掩緝。或陷誅殛，或遭竄流，或殞於狴犴之中，或沒於道途之上，或孤骸之暴露，或遺體之摧殘。豈其資性之皆然，亦爲習氣之所使。生而不幸，死也何歸。承茲滂霈之恩，悉悔牽仍之惡。即超苦趣，早出冥鄉。

以今焚香，攝召犯刑徒衆，法死傷魂。或肢解而鬻分，或身殘而首斷，或重杖而斃，或久禁而終，或流竄於要荒，或誅夷於塵市，或以殺人而抵罪，或以不軌而伏辜。陷此極刑，豈非宿

分。然既已證結於陽案，蓋將原免於陰曹。幸被道恩，必回本性。宜知五體之雖壞，當悟一靈之無傷。悔艾前非，沾濡大宥。改過而不復，求度而可升。舊屋宇不須回頭，新根芽却須致念。若得脫於六天九地，宜不忘於三綱五常。爲鬼爲人，守禮守法，永離惡道，即度慈舟。

上來攝召三途之衆，萬類之魂，有識有情，無依無倚，具述不盡，聲說難詳，無極無窮，無數無限，無遠無近，無姓無名。或以壽終，或以惡死，或因癆瘵，或被瘟瘧，或墜馬而覆車，或溺江而赴水，或自刑自害，或自縊自殘，或落澗墜崖，或委溝陷井，或中蠱而殞，或服毒而傷，或死於家鄉，或終於道路，或已老而逝，或尚少而亡，或虎噬蛇傷，或雷噴電擊，或受刀刃，或被弓鎗，或萬類人民，或百工技藝，或官或吏，或賢或愚，或富或貴之流，或貧或賤之輩，或孤或寡，或女或男，或無資基，或有家產，或馬奴婢，或陷孤寒，或患聾盲，或困暗啞，或腰身中疾，或手

足不全，或少也奔馳，或壯而遊蕩，或久絕嗣息，或尚存子孫，或尸柩已焚，或墳墓猶在，或浮遊郊野，或執滯坵墟，或繫陰獄地司，或在獄宮水府，或拘城隍社令，或沉蒿里黃泉，或抱冤讎，或懷忿怒，或已經證結，或未盡報讎，或役電驅雷，或擔沙負石，或繫閉幽夜，或漣汲溟波，或未得遷升，或不經濟度，或往劫沉滯，或近世淪亡，或土石精靈，或山林鬼怪，或魍魎而處潛隱之地，或魍魎而在恍惚之中。一切幽靈，無邊鬼爽，想皆祇赴，盡已來臨。幸不拘於等倫，召齊同而慈愛。毋以貴而凌賤，無懷恨而挾冤。毋啓忿爭，毋生喧雜，靜其念慮，整其神儀，值此良因，可爲善遇。將登齋次，先就浴幃。法衆稱揚，前行引導。

舉大聖黃華蕩形天尊

引至浴室 宣沐浴科

高功存變浴室，請降生炁，灌注身中

伏以久辭人世，荐處冥鄉。或隨五濁以飄流，或墮三途而謫役，或浮遊

而神不返，或散蕩而魂未全。方脫昏衢，恐罹陰翳。若非澄神而滌慮，豈能謁帝以朝真。是以廣闢清場，嚴陳浴室，仗高玄之妙蔭，資大道之神功，變此凡區，悉成妙域。頃刻而大周六極，恍惚而廣並二儀，萬類鬼神，悉能濯。九州魂爽，盡得清明。衆慮俱清，六塵咸淨，欽承惠澤，並挾玄津，一切陰靈，靜心就浴。

奉爲孤魂，上資往生仙界。念沐浴蕩穢呪：

天氣澄清，五色高明。日月吐輝，濯鍊身形。神津內盥，香湯鍊精。光景洞耀，煥映上清。炁不受塵，五府納靈。罪滅三塗，禍消九冥。身受開度，昇入帝庭。

奉爲孤魂，上資往生仙界。念沐浴鍊真呪：

太上高真，九靈之精。使魂飛仙，上登紫庭。沐浴華池，神身澄清。精通太虛，萬炁自生。

伏聞惟水可滌於根塵，非呪莫消於宿障。更須詳緩，悉就蕩除。再誦

玄文，以資濯鍊。

奉爲孤魂，上資往生仙界。念沐浴鍊度呪：

龍漢蕩蕩，無形無名。渺渺億劫，黃道開清。神燈朗耀，九魂吐精。玉虛澄輝，太霞高明。元始開化，諸天齊靈。三元導養，二象攝生。已度者度，未成者成。已死即化，已枯即榮。蠢動蜎飛，一切冥靈。懷胎含孕，咸得受形。亡靈命過，魂歸三清。魄受鍊度，南宮變形。今日大吉，皆得光明。五帝鑒映，普告萬靈。天神地祇，及諸河源。五嶽四瀆，及諸名山。洞玄洞虛，洞空洞仙。無極大道，至真尊神。無窮無極，普監度生。地根斷絕，玄都記名。衆神並映，一切咸聽。

奉爲孤魂，上資往生仙界。念沐浴東井呪：

天河灌東井，石景水母精。圓光拂靈曜，玄暉瑩高明。元始披重夜，天人逐月生。沐浴蘭池上，龍負長庚瓶。金童灑香花，玉女流五星。冠帶濯玉津，鍊度五仙形。體香萬神降，乘景登高

清。

伏以遊魂滯爽，已離幽昧之鄉。塵念欲根，復被沖虛之澤。神明整聚，性識昭融。

奉爲孤魂，上資往生仙界。念錄字回生呪：

天地同清，五色高明。玄黃施化，沐浴玄精。三晨朗煥，五緯交迎。胞胎結節，洗滌氛營。光鮮萬炁，靈漿自生。玉樓金室，祖炁流行。惡對落滅，寶梵雲征。

伏以冥識無依，或稽留於陰境。真科有格，用濟拔於幽途。既召來臨，已行就浴，嚴裝冠帶，恭詣道前，給化仙衣，再宣靈韻。

奉爲孤魂，上資往生仙界。念金池冠帶呪：

金真降靈，炁散玄黃。沐浴丹池，真氣芬芳。二景冠帶，天爲隱藏。左振玉佩，右策金璫。浣除諸穢，遊行紫房。雲霞鮮耀，飛玄羽章。九輶洞煥，流金振芒。

伏以形神整復，炁識開聰，羽袂仙

裳，遂雲風而輕舉。神章秘呪，宏道蔭以廣覃。更祈接引之恩，便遂參朝之樂。

奉爲孤魂，上資往生仙界。念清水度魂呪：

巍巍道德尊，功德已圓齊。降身來接引，師寶自相携。慈悲惠法水，用以洗愚迷。永度三塗岸，長辭五濁泥。

伏以諸塵既淨，六慾皆空。永辭幽暗之鄉，高陟光明之境。所當識真返本，悟過思愆，振肅精神，嚴存識想。恭赴齋席，虔詣靈壇，瞻望金闕玄都，朝禮玉京上聖。祈天自列，向道力陳。是乃歸善之得門，斯爲自新之有路。不宜慢易，所合虔恭。道衆諷經，同行導引。

### 諷中篇

伏以冥府幽都，或未沾於玄澤。沉魂滯魄，恐難值於善緣。今幸有此遭逢，可謂非常慶會。遠瞻玉闕，拜手清都，恭對齋壇，馳神紫極。衆等虔誠朝禮，以盡歸誠。

臣等志心稽首，禮

太上無極大道。

臣等志心稽首，禮

三十六部尊經。

臣等志心稽首，禮

玄中大法師。

伏以參朝大道，敬禮高真。已遂投誠，所宜堅志，既知妙本，宜識根源。毋得妄惑異端，毋得輒信邪道。已流者至斯而返，自執者於此而通。念念無邪，心心歸正。陽境豈難托化，陰府安得拘留。退就斛筵，相携受食。

引孤魂赴芟廓，次第呪食。

如未呪食，則云：孤魂等衆，朝真獲畢。望闕已終，當退就清場，伺候薦餉。爲此良因，念十方靈寶天尊，不可思議功德。

### 呪食文

伏以真機妙用，可以潛通。至道神功，端由誠格，況玄科之素著，大法之宏張。玉篆煥如雲雷，寶誥昭如日月，變化於頃刻，應感於斯須。今齋官潔備斛筵，嚴陳供禮，普資五道，以及三途。廣設九幽，旁沾萬類。然非秘

呪，安能化茲凡饌。非道力，何以度彼衆生孤魂。既已悉臨法食，當爲呪施。

### 道衆呪食

高功執真文五道，望天闕密啓上帝。次存想各方真炁，下灌斛筵。每方燒真文，遠立吹灰於空中，存斛筵廣大，可以遍迴無窮所是。本法用真文及存變之詳，已別出。

奉爲孤魂，上資往生仙界。念玉清惠命啓請呪：

稽首冥惠虛無尊，稽首歸命重玄主。裁成天地無德稱，悉爲衆生作恃怙。慈濟五道轉輪魂，哀救三魂地獄苦。皈命金闕天中尊，皈命六度慈悲父。皈命玉清無上真，以離生死長綿綿。出有入虛無所待，能令枯朽變成仙。千劫萬劫難一遇，爲衆廣說業因緣。迴骸起死永長存，使其形神無變遷。

奉爲孤魂，上資往生仙界。念淨

酆都呪：茫茫酆都中，重重金剛山。靈寶無量光，洞照炎池煩。七祖諸幽魂，身隨香雲旛。定慧青蓮花，上生神永安。

奉爲孤魂，上資往生仙界。念甘露法食呪：

功德金色光，微微開幽關。華池流真香，蓮蓋隨雲浮。千靈重元和，常居十二樓。急宣靈寶旨，自在天堂遊。

奉爲孤魂，上資往生仙界。念三

光法炁法食呪：

浩晶生法炁，氤氳凝玄中。兩曜共澄徹，五緯交相通。三光煥已明，寶氣盈三宮。帝鄉會九老，咽服百骸豐。金華照光景，身與日月同。念道上聖前，萬劫壽無窮。

奉爲孤魂，上資往生仙界。念三

光流精法食呪：

妙道分一炁，炁中分陰陽。凝化日月星，燦然流三光。九華含九道，八色怡八方。煥爛洞真體，流精歸太茫。下生淵泉宮，上列無何鄉。縱體復飛跡，忽然都相忘。七寶流精潔，混沌雜華芒。咽服九雲散，此樂殊未央。

奉爲孤魂，上資往生仙界。念三

光陽玉法食呪：

陽玉正真炁，妙真三景分。玄和唱靈

音，八會敷瓊文。五老宴丹宅，飄飄乘景雲。大聖諸天衆，駕龍飲玉津。三五定生籍，遊戲太上賓。華光朗無際，携手朝帝宸。

奉爲孤魂，上資往生仙界。念玉

清甘露法食呪：

回首仰圓羅，合景揖靈芒。拘魂制七魄，思審定中央。行住禮虛無，寢息宴玄房。飢飡黃碧華，渴飲瓊林漿。神旌命大魔，合體鍊真光。復照觀大無，恒在空中遊。圓通泯波濟，真化靡中期。宵眇無終始，行者當明知。寂寥忘理教，應運闡宏規。降道不自昭，要當先所施。會歸無二處，隨心自合離。

奉爲孤魂，上資往生仙界。念玉

清雲宮梵昌生魂育魄呪：

靈芝無根，衆化之原。中凝七魄，上結三魂。二十四真，出入無門。杳冥之中，恍惚元精。隨劫存亡，逐炁而生。外凝混樸，內養七經。五神植華，三台敷榮。紫闈素童，返形歸嬰。騰雲而升，騁霧浮空。中有玉真，號曰神公。左挾無英，右衛白元。玄獸遏後，丹禽

擁前。上浮翠蓋，下湧金蓮。香雲凝空，甘露無窮。用之無盡，尋源不終。

次諷中篇，以多爲度。

右諸方呪食所用，呪互有不同，此特叙其通用者爾。

回向

上來施陳法食，宣演靈章，並祀冥途，廣資幽爽，諒承道力，必享淨筵。茲當端肅於形神，澄清於識想，一心向道，萬念皆真。更茲濯鍊之功，前進登升之路。爲上因緣，念生天得道天尊，不可思議功德。

上清靈寶大法卷之三十八

# 上清靈寶大法卷之三十九

洞玄靈寶法師南曹執法典者  
權童初府右翊治金允中編

## 散壇設醮品上

齋法起於中古。晉宋之間，簡寂先生始分三洞之目，別四輔之源，疏列科條，校遷齋法。又唐時張清都經理之餘，尚未大備。至廣成先生荐加編集，於是黃籙之科儀典格，燦然詳密矣。後世遵行，莫敢越也。但其本旨，謂黃籙兼總生死，人天同福，下而兆庶，上自帝王，皆可修崇，其功無際。但以編帙稍多，難以盡行編入法內。行教之士宜自於全部中，錄出科書行用。所有散壇設醮，則元科分作兩卷。臨時恐繕寫，兼古科與世所行次序不同，未免校正。編出散壇設醮一節于左，其餘科書，略具元來品目，以便尋閱可也。

## 廣成杜先生黃籙齋科合用下項

叙事，鎮信，威儀，壇圖，合用。  
投詞，告齋，禁壇，行事，法服品目。

建壇宿啓科文。

第一日清旦，出官，早朝科文。

都懺并二十方懺。

陞壇轉經儀。

正齋第一日，中分落景，行道朝科

正齋第二日，三時行道朝科。

正齋第三日，三時行道朝科。

言功，散壇，告簡，設醮，送師。

禮燈，并九幽燈儀。

投龍壁儀。

此外有遷拔黃籙齋三時行道朝科，三元黃籙齋三朝科，消災黃籙齋三朝科，安宅黃籙齋三朝科。有十方懺，又安宅單朝科，疾病黃籙齋朝科，師友保病黃籙齋三朝科，普度幽魂黃籙齋三朝科，及諸品方懺，五段懺，朝廷為臣下保安黃籙齋，人臣為國消災黃籙齋，真文儀式等，總計四

十卷。黃籙則幽顯兼司，存亡允賴。今專以廣成齋科全書，隨法傳行。同志之士，宜詳觀熟味，然後知廣成先生深於古經，致力於教門，不淺淺也。

## 叙醮

廣成先生曰：醮者，祭之別名也。牲牲血食謂之祭，蔬果精修謂之醮，皆可延真降靈。河圖經品，三洞之中也。凡百二十四等，與齋法相類。并諸雜醮法，凡五十六門。皆前哲後賢，隨機所感。並能降真祈福，濟物利人，輔佐王化，孕育群生。或以太上為主，次以北斗為宗。苟能禮物精豐，心誠志罄，何善不降，何惡不除。但延請乖儀，俯仰失度，不能感降爾。由此言之，則三洞既有二十七品之齋，三洞復有四十二等之醮。庸妄之流，乃為建醮設齋。而正一有醮，或於齋後散壇。却改正一銜，易正一服，然後設醮，尤其謬矣。夫醮則三洞皆有之。況散壇之醮，乃齋事終畢，酬謝真靈，豈宜改銜易服，別作一式行之。其為鹵莽好奇，敗壞

科典，可勝言哉。此實古今之正理，天下之通論，安可以私意亂之耶。是致邇來散壇送師，色色了畢，却再請上

真，重行設醮，謂之專醮則可，以為齋後醮之義，則大失本意矣。若從古法，不必請醮狀，未送六幕，即行言功，一併設醮，然後送師徹席，事簡而理通，不違古來之典格。醮儀輦馬之類，聊以寓誠，却專狀獻之，可也。古者拜章之外，文狀尚少。自上帝以至列真，隨宜修設，故醮位不多。後世文狀關牒干涉既衆，凡狀牒所至之曹，並當醮謝。謹疏出黃籙齋三百六十分位，謹隨文檄，干涉去處而已。儻欲省節，則於狀牒，亦行簡約，及酌量事體輕重。其次，則減損作一百六十分位。路真官正一科黃籙醮位，亦一百六十分。蓋下此則不能盡故也。有如世人，將上真總數位，而作一分，極為礙理。以至九天上帝作一位，三十二天作一位，十一曜作一位，似此之類，大是褻瀆。今上真並合專設，諸法中將吏員數難計，未免以類相從，稍加總括。更能於

將吏之前，廣排酒果，普行酬謝，則不必計位，尤善也。主行之士，更請詳度而行之。

黃籙大齋醮謝真靈三百六十位

虛無自然元始天尊。

梵監須延天帝。

太上道君洞玄靈寶天尊。

寂然兜術天帝。

太上老君洞神道德天尊。

波羅尼密不驕樂天帝。

太上開天執符御曆含真體道昊天玉皇上帝。

洞元化應聲天帝。

中宮紫微北極大帝。

靈化梵輔天帝。

勾陳星宮天皇大帝。

高虛清明天帝。

承天效法厚德光太后土皇地祇。

無想無結無愛天帝。

南極長生大帝。

太皇黃曾天帝。

東極青華太乙救苦天尊。

太明玉完天帝。

東華上相木公青童道君。

清明何童天帝。

白玉龜臺九靈太真金母元君。

元明文舉天帝。

東方青靈始老天君。

上明七曜摩夷天帝。

南方丹靈真老天君。

虛無越衡天帝。

西方皓靈皇老天君。

太極濛翳天帝。

北方五靈玄老天君。

赤明和陽天帝。

中央元靈元老天君。

玄明恭華天帝。

鬱單無量天帝。

耀明宗飄天帝。

上上禪善無量壽天帝。

笏落皇笏天帝。

觀明端靖天帝。

虛明堂曜天帝。

玄明恭慶天帝。

觀明端靖天帝。

太煥極瑤天帝。

玄明恭慶天帝。

元載孔昇天帝。  
太安皇崖天帝。  
顯定極風天帝。  
始皇孝芒天帝。  
太皇翁重浮容天帝。  
無思江由天帝。  
上揲阮樂天帝。  
無極曇誓天帝。  
皓庭霄度天帝。  
淵通元洞天帝。  
太文翰寵妙成天帝。  
太素秀樂禁上天帝。  
太虛無上常融天帝。  
太釋玉隆騰勝天帝。  
龍變梵度天帝。  
太極平育賈奕天帝。  
五福太一真君。  
君基太一真君。  
大遊太一真君。  
小遊太一真君。  
天一太一真君。  
地一太一真君。  
四神太一真君。

直符太一真君。  
臣基太一真君。  
民基太一真君。  
紫微垣帝座星君。  
太微垣帝座星君。  
天市垣帝座星君。  
南極長生大君。  
南上好生韓君丈人。  
南上度人不死神君。  
度世司馬大神。  
南上司命司錄君。  
延壽益筭度厄尊神。  
日宮太陽帝君孝道仙王。  
月宮太陰皇君孝道明王。  
木德歲星君。  
火德熒惑星君。  
土德鎮星君。  
金德太白星君。  
水德伺辰星君。  
神首羅睺星君。  
神尾計都星君。  
天一紫炁星君。  
太一月孛星君。

上台一黃星君。  
中台二白星君。  
下台三青星君。  
北斗陽明貪狼星君。  
北斗陰精巨門星君。  
北斗真人祿存星君。  
北斗玄冥文曲星君。  
北斗丹元廉貞星君。  
北斗北極武曲星君。  
北斗天關破軍星君。  
北斗洞明左輔星君。  
北斗隱元右弼星君。  
北斗魁精玄上真皇夫人。  
北斗靈精上妃玄黃夫人。  
北斗靈妃元皇九極夫人。  
北斗上靈神妃華皇夫人。  
北斗北上金蓋中皇夫人。  
北斗安上晨華元皇夫人。  
北斗玉華靈皇夫人。  
北斗太帝左皇夫人。  
北斗變靈右皇夫人。  
南斗天府司命上相星君。  
南斗天相司錄上相星君。

南斗天梁延壽保命星君。

南斗天同益筭保生星君。

南斗天樞度厄文昌星君。

南斗天機上生大理星君。

角宿星君。

亢宿星君。

氏宿星君。

房宿星君。

心宿星君。

尾宿星君。

箕宿星君。

斗宿星君。

牛宿星君。

女宿星君。

虛宿星君。

危宿星君。

室宿星君。

壁宿星君。

奎宿星君。

婁宿星君。

胃宿星君。

昂宿星君。

畢宿星君。

觜宿星君。

參宿星君。

井宿星君。

鬼宿星君。

柳宿星君。

星宿星君。

張宿星君。

翼宿星君。

軫宿星君。

東方青帝。

南方赤帝。

西方白帝。

北方黑帝。

中央黃帝。

上元天官帝君。

中元地官帝君。

下元水官帝君。

九天丈人儲福定命真君。

九天司命保生真君。

九天採訪使者應元保運真君。

天蓬大元帥真君。

天猷副元帥真君。

翊聖保德儲慶真君。

真武靈應佑聖真君。

玄中大法師。

三天扶教輔元大法師。

靈寶經師真君。

靈寶籍師真君。

靈寶度師真君。

太極左仙翁沖應真君。

九州都仙太史高明大使神功妙濟真君。

靈寶監齋大法師真君。

天曹司命君。

天曹司錄君。

天曹司非君。

天曹司危君。

天中上相君。

天中上傅君。

天中上宰君。

天中上保君。

泰玄都省主宰真君。

天樞院主宰真君。

無色界大魔王。

色界大魔王。

欲界大魔王。



東方青天魔王。  
南方赤天魔王。  
西方白天魔王。  
北方黑天魔王。  
中央黃天魔王。  
北魁玄範府大魁王。  
東方無極飛天神王。  
南方無極飛天神王。  
西方無極飛天神王。  
北方無極飛天神王。  
東北方無極飛天神王。  
東南方無極飛天神王。  
西南方無極飛天神王。  
西北方無極飛天神王。  
上方無極飛天神王。  
下方無極飛天神王。  
九天生神司馬。  
九天監生大神。  
上元道化唐真君。  
中元護正葛真君。  
下元定志周真君。  
三洞四輔法錄中神仙。  
上清靈寶法錄中神仙。

正一諸階法錄中神仙。  
三天門下上章詞表仙官。  
三天門下引進仙官。  
北陰酆都大帝。  
東霞搏桑大帝。  
東嶽上卿司命真君。  
東嶽天齊仁聖帝。  
南嶽司天昭聖帝。  
西嶽金天順聖帝。  
北嶽安天元聖帝。  
中嶽中天崇聖帝。  
東嶽泰山府君。  
水府暘谷神王。  
紂絕陰天宮主宰真靈。  
明神耐犯武成天宮主宰真靈。  
泰煞諒事宗天宮主宰真靈。  
敢司連宛屢天宮主宰真靈。  
恬照罪氣天宮主宰真靈。  
宗靈七非天宮主宰真靈。  
地府泰素妙廣真君。  
地府陰德定休真君。  
地府洞明普靜真君。  
地府玄德五靈真君。

地府最勝耀明真君。  
地府寶宿昭成真君。  
地府神變萬靈真君。  
地府無上正度真君。  
地府飛魔演慶真君。  
地府五化威靈真君。  
酆都南明真公。  
酆都東明真公。  
酆都北明真公。  
酆都西明真公。  
酆都大禁晨。  
鬼官北斗君。  
酆都侍帝晨。  
酆都中禁晨。  
酆都西明郎。  
某洞天主錄仙真。  
建齋在此，其或近所洞天。  
某福地主錄仙真。  
建齋在其地，則用本屬者，無則不必。  
第一壘色潤地土皇君。  
第二壘剛色地土皇君。  
第三壘石脂色澤地土皇君。  
第四壘潤色澤地土皇君。

第五壘金粟澤地土皇君。

第六壘金剛鐵色地土皇君。

第七壘水制澤地土皇君。

第八壘大風澤地土皇君。

第九壘洞淵無綱維色地土皇君。

酆都司命宮主宰真靈。

酆都丈人宮主宰真靈。

酆都北都宮主宰真靈。

酆都五道府主者。

酆都變生府主者。

酆都泉曲府主者。

北天修門郎。

酆都北彈方侯。

漢江水帝。

楚江水帝。

湘江水帝。

吳江水帝。

楊子江水帝。

浙江水帝。

松江水帝。

荆江水帝。

五川江水帝。

東海淵聖廣德王。

南海洪聖廣利王。

西海通聖廣潤王。

北海沖聖廣澤王。

順濟龍王。

江瀆廣源王。

河瀆靈源王。

淮瀆長源王。

濟瀆清源王。

馬當山上水府福善安江王。

采石山中水府順聖平江王。

金山下水府昭信泰江王。

青草湖大神。

彭蠡湖大神。

丹陽湖大神。

謝陽湖大神。

太湖大神。

五雲溪真。

武陵溪真。

苧羅溪真。

桐栢溪真。

崑崙溪真。

岷山溪真。

嶓冢溪真。

沔池溪真。

清遠溪真。

中條溪真。

浣沙溪真。

巫峽溪真。

溟泠大神。

童初府一炁都統大將軍。

童初府直月五將。

欸火律令大神。

五方五雷使者。

雷公電母大神。

風伯雨師大神。

蓬萊都水監使者。

社令雷神五雷直符張使者。

陰境飛雷電吏。

五雷諸司官將召龍上靈神吏。

神虎何喬二主吏。

神虎主魂七司玉女。

三部追魂使者。

追攝合干將吏。

丹天鍊度諸大神。

鍊度玉童玉女。

火府五方都伯吏。

玄都金龍驛吏。茭龍騎吏。

降真召靈符吏。

齋章進章諸從事。

飛章從事促炁功曹。

收邪食炁諸君吏。

剛風騎置吏驛馬上章吏。

三元四始諸官君。

三五功曹左右官使者。

五帝直符直日香官。

侍香金童傳言玉女金官龍虎君。

領仙監齋直符直事飛龍驛吏。

北極驅邪院官將吏兵。

六甲神將六丁玉女十干大神。

諸法符圖印訣中官將吏兵。

今年太歲神君六十甲子靈官。

天丁力士天騶甲卒。

揚州社令神君。

兗州社令神君。

青州社令神君。

徐州社令神君。

豫州社令神君。

荊州社令神君。

冀州社令神君。

雍州社令神君。

梁州社令神君。

某郡城隍主者。

某縣城隍主者。

年月日時四直功曹使者。

三界直符使者六道功曹。

十二時直主者。

監壇某神。

監醮某神。

黃泉薨里丈人。

典祀某廟某神。

建齋所屬管內正神，若神位崇高，移向上。

天仙兵馬神衆。

地仙兵馬神衆。

飛仙兵馬神衆。

神仙兵馬神衆。

真人兵馬神衆。

神人兵馬神衆。

日月星宿兵馬神衆。

五方五帝兵馬神衆。

三元五帝兵馬神衆。

二十四治兵馬神衆。

三十六靖兵馬神衆。

五嶽兵馬神衆。

洞天福地兵馬神衆。

三河九江兵馬神衆。

五湖四海兵馬神衆。

城隍祀典兵馬神衆。

當境土地正神。

某宮某觀土地正神。

已上共三百六十分。

如事體從簡，則不得已，約損作一百六十分位。所有申奏關牒，並照應位申發，不可醮位之外行移也。

黃籙一百六十分位聖號

虛無自然元始天尊。

太上道君洞玄靈寶天尊。

太上老君洞神道德天尊。

太上昊天玉皇上帝。

中宮紫微北極大帝。

勾陳星宮天皇大帝。

后土皇地祇。

南極長生大帝。

太一救苦天尊。

東華上相木公青童道君。

白玉龜臺九靈太真金母元君。

五靈五老天君。各列專位。

九天生神上帝。各列專位。

三十二天帝。各列專位。

日宮太陽帝君孝道仙王。

月宮太陰皇君孝道明王。

北斗七元輔弼星君。列九位。

五方五帝。各列專位。

三官帝君。列三位。

四聖真君。列四位。

玄中大法師。

三天扶教輔玄大法師。

靈寶三師。各列專位。

太極左仙翁沖應真君。

九州都仙太史高明大使真君。

靈寶監齋大法師。

三天門下泰玄都省主宰高真。

天樞院主宰真君。

三界大魔王。列三位。

五帝大魔王。列五位。

十方無極飛天神王。列十位。

三元真君。列三位。

北陰酆都大帝。

水府扶桑大帝。

東嶽天齊仁聖帝。

水府暘谷神王。

六天宮主宰真靈。各列專位。

十王真君。各列專位。

溟泠大神。

某郡城隍主者。

某縣城隍主者。

黃泉蒿里丈人。

九州社令神君。

或止設本處社令，却看行移如何。

靈寶大法司符吏玉童玉女。

童初府都統將軍官君將吏。

雷霆律令大神雷部官將吏兵。

領仙監齋直符直事飛龍騎吏。

社令雷神陰境飛雷電吏。

驅邪院將吏考召官君。

神虎二主吏七司玉女攝召將吏。

朱陵火府鍊度官將大神玉童玉女。

三五功曹左右官使者左右龍虎君。

侍香金童傳言玉女五帝直符直日香官。

降真召靈符吏飛天神人金龍茭龍驛吏。

飛章促炁上章諸官君剛風上吏。

齋章進章諸從事章中真靈。

六甲神將六丁玉女十干大神。

今年太歲神君六十甲子靈官。

三界四直功曹十二時直主者六道功曹。

監齋某神

天仙地仙飛仙神仙真人神人兵馬。

五嶽五帝靖廬治化洞天福地兵馬。

三河九江五湖四海城隍里域社令兵馬。

當境里域土地正神。

某宮觀土地正神。

上清靈寶大法卷之三十九

## 上清靈寶大法卷之四十

洞玄靈寶法師南曹執法典者

權童初府右翊冶金允中編

### 散壇設醮品下

黃籙大齋醮謝真靈三百六十分位，並略叙在上卷矣。其班次高下，並以羅天醮圖，及宣和間頒下醮位，參攷排列。非以世俗私意撰集。如上真名號，亦隨元來出處，及有前後朝廷冊上尊號，方敢收用。如三界五帝大魔王，十方飛天神王，皆係靈寶中最關涉之司，故當專位設之。如五老天君，見於道典。又有五方五帝，古今之論不一。蓋道經中注釋，多總謂之五帝，不加分別，愈重疑惑。《度人經》中五老啓途，群仙翼轅。李少微注中引《本行經》謂：東方安寶華林青靈始老，號曰青帝，姓閻，諱開，字靈威仰。南方梵寶昌陽丹靈真老，號曰赤帝，姓洞浮，諱炎，

字赤燦怒。西方七寶金門皓靈皇老，號曰白帝，姓上金，諱昌開，字耀魄寶。北方洞陰朔單鬱絕五靈玄老，號曰黑帝，姓節，諱靈會，字隱侯局。中央玉寶元靈元老，號曰黃帝，姓通班元氏，字含樞紐。其後青帝護魂，白帝侍魄，赤帝養氣，黑帝通血，黃帝中主，萬神無越。嚴東注云：東方青帝靈威仰，南方赤帝赤燦怒，西方白帝白招矩，北方黑帝叶光紀，中央黃帝含樞紐。李少微於此又注云：此名五老上帝，各領受赤書符命，在天中則主鎮五方神仙，在地則主領五嶽，在人則主領五臟。此說雖近之，而未能析其理也。今按天文，太微垣中有五星，乃一星居中，四星挾之，名曰五帝座，即太微之帝也。《晉天文志》云：是東方蒼帝靈威仰，南方赤帝赤燦怒，西方白帝白招矩，北方黑帝叶光紀，中央黃帝含樞紐。而紫微垣中又有五星，曰五帝內座。《天文志》云：帝所居也五星。則東歲星，於時主春。於

物屬木，於人為貌，於五常為仁，南方熒惑，於時主夏，於物屬火，於人為視，於五常為禮。西方太白，於時主秋，於物為金，於人為言，於五常為義。北方辰星，於時主冬，於物為水，於人為聽，於五常為智。中央鎮星，於時主四時，於物為土，於人為思，於五常為信。儒書止於天文所見者言之，道典則有五老上帝，又益之姓諱。然五老上帝，道典既以為靈威仰等五神。而帝座天文中，又以為靈威仰等五神。此皆以名號紛紜，而未臻於理也，若儒書道典，而通定於理。則五老上帝者，五炁之根宗，五行之本始也。及其見於天文者，則為五星，或為五帝座。天地既分，則凝質具體，遂為五嶽。既成山嶽，必有神司，是為五嶽之帝。成歲而建，四時有神，以司其令者為五帝。下至於物，為金木水火土，於事為五帝，於人為五臟，皆此五炁也。而所屬不同，不可拘於名號，而混為一也。林侍宸玉格中，謂五嶽帝則

天帝也。令人上奏，稱臣與天地一體，其意亦以五炁同源。欲以五嶽為五天帝，一等也。林侍宸高達之士，所見偶適偏爾。五老則五炁之根，在天中乃妙有妙無之門，與天尊同體。及其為山嶽之主宰，謂之嶽神而已。使同此五神，則在天頌稱五老，在山稱五嶽可也。且如生民以至萬物，莫不同稟元始祖炁。分此一炁，以昇性受靈而已。直以人為元始天尊，則不可也。蓋五帝之肇，其源者無二。致五炁之見，於用者互不同。故齋科中臨壇，存五嶽五帝兵馬，又存五方五帝兵馬。若五老上帝，豈是統率兵馬之神，所以齋壇只稱五帝幕。古不稱五老幕者，蓋以紀錄功過，考校罪福，恐非天中五老之職。從其簡而無礙，則齋壇只稱東方青帝，南方赤帝，西方白帝，北方黑帝，中央黃帝，有何不可。使此五帝，則是五老。今只稱為五帝，又何害乎。使五帝與五老不同，則只稱五帝，又其當也，何必

執泥一說哉。以理言之，莫若隨五炁之所寓而稱。在天中則稱五老上帝，在天文則稱五帝座，及五方五星，在神靈則稱五方五帝，在山嶽則稱五嶽聖帝，在人身則稱五臟神君，豈不通理而易行。若欲總歸一源，則五臟神君稱五老上帝，三尺之童亦知其不可也。已於六幕啓謝品，略言之矣。而此醮位中，既列五方五帝，又列五方五帝，恐後人不知其說，故詳陳之。此事先儒通論之甚衆，亦少有定說。同學之士，更加詳考。儻有所見，則為一定之論，以解後世之惑，尤其幸也。此外上真稱呼邇來，亦有以天師改正一天君，許旌陽改天樞使相，此類甚多，誣罔褻瀆，無所不至。此徒不足責，博洽之士宜共斥之。

#### 古法黃籙大齋散壇設醮儀

古者未有排列道場之儀，止於壇上行事。故設醮則於壇外，用青綃絳座，備時果醮饌，拜表投龍之後，便降神設醮。後世雖於壇上行事，而

復設像立位，鋪置道場，壇以設醮，竟就道場內，排列供饌。若行古法，則於壇上行事拜表之後，便降神設醮壇上，行科道場內，三獻行禮亦可。或於拜表投龍之後，復爐出戶。退靖所，少息。然後再入戶升壇，上香宣科，降神設醮，還戒納職，三途五苦頌，旋壇出戶，送神，焚燎畢事，亦可。然後解壇散席。今於三途五苦頌，旋壇之際，擾擾以下門榜，大非儀也。備置壇場，法天象地，立門列榜，以示儀式。齋中醮畢，併壇撤之，何獨急急於下榜哉。混亂威儀，交雜進止，實為非便。況三途五苦頌中之辭，無非陳罪福以崇經教而已。又非下門榜之儀，幸深詳之。

師前立班，高功上香。唱道讚。入地戶，升天門，上十方香，御案香，本位香。各禮師存念如法。宣五星呪。鳴法鼓，發爐，各稱法位。

稱法位臣姓某等，今故燒香，願以是功德，上為宗廟先靈，今朝皇帝，文

武官屬，卿輔庶僚，及修齋弟子某，七世九玄，見存眷屬，臣等三師九祖，天下人民，一切衆生，幽途暗爽。歸身歸神歸命，十方無極太上靈寶天尊。乞賜原赦，前代及今生死重罪，免罹三惡之道，十苦八難，九厄之中。身得道真，飛行虛空，白日升天，侍衛道君，逍遙無上金闕七寶自然宮殿，永與道合。所啓玄感，上御至真無極道前。

### 禮十方懺悔

臣法衆等，志心歸身歸神歸命，十方無極大道太上靈寶天尊。懺悔宗廟先靈，今朝皇帝，諸王卿輔，文武百僚，及修齋弟子，與臣等三師九祖，內族外親，存亡兩途，姻緣眷屬，幽曹主宰，地府苦魂，飛爽幽靈，沉魂滯魄，有情含識，一切生靈。自從曠劫以來，至于今日，或身業所犯，四肢舉措，動違戒律，不依經典。或心業所犯，注念不專，情浮意動，馳騁不息。或口業所犯，善惡交論，綺語飾非，華詞惑衆，三業大罪，積若丘山，十惡之愆，深盈巨海。因今懺謝，並乞蕩除。伏冀宗廟尊靈，逍遙

紫極。聖圖延永，國祚安寧，皇帝壽等五山，明齊二景。王侯卿佐，文武職僚，允贊帝猷，敷揚道化。齋官某家，及臣等九玄七祖，四友三師，蛻質南宮，濯魂丹霍。三途六道，盡出幽沉，咸登福岸。臣等身入至仙，會道合真，神歸冥寂，洞入自然，性命合道，玄會無爲。稽首禮謝，無上至真三寶。

### 禮經，三啓，三禮。

修行，收真文，衆官隨聲誦和。

高功執真文，熏香上，叩齒十二通，呪。

如專薦亡靈，書中篇安鎮，則宣此呪。

無上至真，大聖高尊。布化運炁，三十二天。八會九光，自然成文。安鎮天地，保制劫年。元始符命，普告三元。下敕九地，上關三天。中告海嶽，名山大川。今日上告，萬神咸聞。修齋行道，拔度亡魂。三官九府，削減罪根。永度三魂，五苦之源。世世受福，記名丹篇。神生天堂，鍊化自然。生死開度，億劫長存。九天告命，風火驛傳。

衆官再拜，隨真文表，焚之

如為國為民，康時保世，禳災度厄，兼濟死生，用赤書安鎮，則宣此呪。

元始上天，三光高明。四景照耀，四方朗清。運度所衝，激揚流星。五分錯越，三統失寧。五斗總神，七星明靈。真君大魁，厥諱玉精。夫人皇妃，字曰育嬰。總御玄關，回轉諸天。今有某灾，玄告不祥。請以真文，亦書上呈。散髮謝過，披露丹誠。乞垂玄鑒，回復天經。氣不橫越，灾不橫生。焚燒真文，散煙玉庭。上景監度，普告萬靈。氣清三關，灾滅九冥。陰陽調和，國土太平。請以金龍，風火驛傳。

衆官再拜，真文隨表焚之  
再稱法位

稱法位臣某，與合壇官衆等，謹重誠，上啓太上無極大道元始天尊，太上道君，太上老君，無上玄老十方靈寶天尊，已得道大聖衆，至真諸君丈人，三十六部尊經，玄中大法師，天師真君，上相上宰，四司五帝，五嶽靈宮，名山洞府，三界官屬，一切真靈。臣等夙以

道緣，躬逢正化。天尊演教，三洞宣行。寶訣靈圖，濟家康國。獲參真妙，許以稟修。惟在立功，普及幽顯。宜弘聖訓，廣度天人。凡有投誠，不容寢絕。今奉詞旨，敢不上聞，散壇青詞，謹當宣奏。

宣詞

按如詞言，實惟虔切，理宜關奏。冀獲感通。臣等同運丹誠，輒相携率。考靈仙典格，披黃籙簡文。奉為齋官某人，於某州縣某處，設玄科之式，法象二儀，以所齋燈燭香華，金龍繒綵，本命之信，證質丹誠。以某日某時，啓齋為首，燒香行道，懺悔玄冥，然燈續明，照耀三界。下通九地，上及諸天，濟存拔亡，普為家國。三日五夜，行道轉經，以某日亥時，功成事竟。蓮燈息焰，玉磬收聲，仙馭返於上玄，法流分於下界。金龍騰影，上奏齋功。聖澤宣慈，開度幽爽，酬功行賞，徧及靈司。臣身中所佩，內外真官，三洞兵吏，及日月星宿，五帝五嶽，三河四海，兵馬騎乘，侍香金童，散華玉女，五帝直符，傳言

奏事，飛龍騎吏等，並有功勞。今當別拜，黃繒朱表，言功舉遷。臣等學法未備，俯仰失格。進止犯科，不合儀式。恐為四司所糾，五帝所執，千愆萬過，乞蒙原赦，哀貸未悟，不見罪罰。臣等建齋之始，奉請智慧上品十戒。法事既竟，謁還天宮。臣所修齋，功成事竟，重明功德，進拜黃繒朱表一通，在臣玉案之上，請省表文。

露表御前，以龍頭刀鎮聖位之左，朱筆鎮聖位之右。宣表。高功就本位跪，封表。封畢，遣官。

謹遣臣身中五體真官，官一小吏，十二書佐，重敕功曹使者，飛龍騎吏，嚴裝顯服，冠帶垂纓，磨硯點筆，簪劍理錄。為臣及時，操黃素朱表，上詣天曹，隨表進奏。若有謬誤之字，脫漏言詞，到錯不相比次者。傳言書佐習事小吏，操龍頭書刀，長毫利筆，隨誤正定。無令上官典者，有所遣却。閉炁升表。徑上三天無極大道太上御前，慎勿稽停。左官歷關，右官次啓，諸官君以次

分別。當令所請者下，所拔者達，所召者到，所理者愈，所誅者滅，所宣者通，所遷者進，所願者應，所求者得。若有下官故炁，邀截臣表文，不使上達者，收付所在近獄，依律定罪，以明天憲。臣伏待玄恩報應。

高功以表授道衆，以所收真文，置章几上，同焚之。監齋送表文，法事引至天門上，焚，舉焚詞頌。高功伏表，存念如章式。起，稱以聞。

宣山簡。高功捧簡，香上熏，叩齒九通，宣山簡呪。

玄上開明，元始監真。上帝五老，赤書丹文。天地本始，總領三元。攝炁召會，催促舉仙。高上符命，普告十方。日月星宿，五嶽靈山。天上地下，冥靈大神。監生主錄，南上三門。開領玉簡，勒名丹篇。削落罪目，上補帝臣。齋主某人，歸憑至道。建齋立功，拔贖九祖。一切苦魂，行道事竟。謹依靈山，請投玉簡。乞削罪名，皆蒙解脫。



無有冤親，去離三惡。魂升九天，生死開度，億劫長存。今日上告，萬神咸聞。謹以龍簡，關盟真官，乞如所告，金龍驛傳。

次宣水簡。高功熏簡，如前，宣水簡呪。

元始五老，上帝高尊。十方至真，太華靈仙。赤文告命，無幽不聞。上御九天，請下玉文。日月五星，北斗七元。中告五嶽，四方靈山。下告河海，十二泉源。九府水帝，冥靈大神。今日上告，萬願開陳。齋主某人，建齋行道。普爲存亡，請贖七祖。宿對罪根，謹投玉簡。乞得上聞，記名水府。過去升天，生死開度，萬神咸聞。謹以龍簡，告明水官，請如所陳，金龍驛傳。

次宣土簡。高功熏簡，如前，宣土簡呪。

天地開張，萬炁分靈。三元洞府，十方朗清。五老上帝，主領死生。丹書赤文，元始上精。普告天下，九土皇靈。今日上告，萬仙定生。齋主某人，建齋行道。普爲存亡，我願我仙。請投玉

名，土府太皇。勒除罪刑，奏簡上宮。刊簿華清，身得飛騰。天地同靈，九祖種親。腐骸更榮，魂升南宮，受化仙庭，今日告命，萬神咸聽。謹以白簡，表明至誠，請如所告，金龍驛傳。

舉投龍頌。

祈真登紫府

高功入科，設醮。

臣等謹重誠，上啓太上無極大道元始天尊，太上道君，太上老君，無上玄老十方靈寶天尊，已得道大聖衆，至真諸君丈人，三十六部尊經，玄中大法師，三界應感，一切真靈。臣等伏聞黃籙簡文，玄都品格，靈章秘重，威禁崇嚴。上消天災，下攘地禍，惠安家國，保鎮帝王，無外之功，有生被福。臣等欽承齋款，虔露禱祈，列象陳儀，舒壇歲事。關行已畢，蒙佑誠多，邦國同休，寰區共慶。幽途苦趣，承齋福以昭蘇。夜府寒庭，沐慈恩而開泰。今齋官某，懷恩至渥，效報無從。敢因壇席之終，輒奉醮修之敬。仰謝真靈之垂憫，少酬將吏之宣勤。瞻望靈光，重伸

請降。臣與齋主等，無任瞻天，望聖之至，謹當奏請。

謹聖，朝謁，進茶，初獻法事。

臣謹重誠，上啓大道高尊，萬霄上帝，十方大聖，天地靈仙，日月帝君，四司五帝，三台北斗，嶽瀆神祇，靈寶衆真，三界官屬，醮筵列位，一切真靈。臣等夙承餘慶，得誕今生。叨佩靈文，稟修玄教。功輕塵露，過重丘山。誠宜束身，以自修檢。而法許開度，佐國立功。凡有歸投，理難抑絕。今齋官投誠，瀝悃結願。修齋拔度亡靈，昭蘇幽夜，祈恩請宥，謝過消愆，上福邦家，普資動植。茲以齋功成就，魔障不生，悉賴應感真靈，齋壇聖衆，內外官屬，法籙吏兵，成此洪休，副其丹禱。然而朝修之戾格，崇建之失儀，齋物有虧，壇規未備，動靜越度，俯仰不經，干冒真靈，犯違科禁，因斯醮謝，悉用首陳。乞下有司，告行合屬，削其罪目，釋此過愆。敢憑孚佑之恩，請降將來之福。幸衆真之在御，進二酌以陳誠。輕瀆威靈，不勝危懼。臣與齋官等無任戰

兢，稽首再拜。

亞獻法事

臣謹重誠，上啓無極大道，上聖高真，嶽瀆冥曹，陰陽主執，三界官屬，一切威靈。臣聞三清上聖，五帝尊神，天地真靈，玄司上宰，裁成造化，孕育生靈，體洽無爲，功先覆載，神機不測，德被幽明，潛佑邦家，幽贊群品，無灾不

解，無厄不禳，凡有啓祈，必蒙監佑。伏願證明修奉，紀錄齋功。庶使齋官某人，七祖九玄，五姻六族，先亡往逝，係薦亡魂，升入朱宮，逍遙碧落，不經苦惱，衣食自然。臣等四友三師，俗姻法眷，往者登真度品，存者證果成仙。次冀齋官某，舉族親緣，見存眷屬，凶灾蕩散，罪累消除，真炁內滋，靈官外護，年

齡延遠，福壽增新，出入遊行，神明保衛，北宮落化，南斗上生，所在地司，常加警佑。上願帝王萬壽，社稷興昌，天下太平，兵戈戢息。九幽長夜，咸得生天。率土含靈，同躋壽域。臣學法未備，修真未成，恐犯玄科，奏陳難徹。伏願青請未表，速御九天。真文靈章，

遍濟幽壤。玄風普暢，惠澤下臨，幽顯沾榮，存亡開泰。啓謝已畢，應感斯須，醮禮有終。敢陳三獻。臣與齋官無任懷恩，激切之至，稽首再拜。

終獻法事，宣疏狀。

臣等謹重誠，上啓三界高真，十方衆聖，醮筵列位，一切真靈。臣等齋直事成，醮修禮畢。請陳失次，薦獻菲儀，冀垂寬佑之恩，曲赦狂愚之罰。福流群品，澤被萬方。塵世凡微，難稽仙仗。至真杳邈，高邁瑤宮。上境天真，俾升宮闕。嶽瀆主宰，各返靈司。法籙真靈，三界兵馬，謁言天府，進職叙勳。里域地祇，城隍典祀，承茲齋福，悉被玄休。拜首天階，同誠恭送。臣等無任攀戀，皈依激切之至。

送神頌

渺渺空無象。

次還戒頌，旋行，都講位。

天尊大慈悲，說戒度衆生。

次唱還戒，三禮，納職，依次於御案前，投職簡，三禮，

退位，納官。

臣建齋之始，以及拜進章詞，所出臣身中功曹使者，三五真官，百節神吏，並還臣身中。從衆妙門而入，在左還左，在右還右，直使功曹，主領檢押，各復本位，毋令差互。後召復到，一如故事。

復爐，各三禮。

旋行，

詠三途五苦頌八首，旋壇三周，如步虛。

三才及萬物云云，大賢慎茲戒云云。

罪福不由他云云，淫嫉爲禍首云云。

宿命有信然云云，人命已消盡云云。

學仙行爲急云云，大賢樂經戒云云。

次解壇頌

大空包有象。

降天門，出地戶。

出壇，法事，至師幕前，致謝，宣

箋。

舊儀送師，未立白文於科書內。今恐臨時言語無序，今撰六幕監齋前致辭等文，于左。蓋欲全一宗之用。或其文未盡善，請自改易。

先至西三幕首，詣監齋前，上香，高功與齋官各拜，長跪致辭。

具法位臣某，謹拜手投誠，上啓靈寶監齋大法師真君。臣濟度天人，莫先於齋福。恢宏教法，實藉於師恩。幸茲修建之誠，皆出包容之賜。私忱獲遂，靈貺無涯。但以臣等魯昧之資，迷謬之學，列款謄詞之粗畢，背科爽格之誠多。輒奉箋文，自陳過目，不慚累瀆，謹用披宣。仰冀慈憐，特垂省錄。

### 讀箋

上來箋文，冒干真聽。願矜後學，俯渙寬恩。越五日而終九朝，累千愆而成萬過。悉祈湔滌，盡賜原除。紀勒善功，布流靈佑。科終事竟，斂席散壇。仙仗莫停，已整霓旌於層漢。靈驂既駕，難隨鶴馭於長空。法衆稱揚，同誠拜送。

舉修齋，送師頌，雲輦。

次詣天師前，致詞。

具法位臣某，謹拜手投誠，上啓三天扶教輔玄大法師真。臣伏以齋忱普

格，適壇席之圓成。道澤遐霑，實師尊之芘佑。自念狂愚之僭，仰蒙憫濟之深。惟是臣等，退鈍之資，孤陋之學，敢不臨壇而勉力，終虞失格以成愆。乃負愧而莫逃，輒陳詞而自訟。具有箋牘，敬用披宣。恭望師慈，曲垂省錄。

### 宣箋

上來箋文，已行陳啓，願矜末學，曲貸深愆。頒行糾察之司，消除過籍。關告校量之所，紀勒齋功。載德由中，酬恩無地。緬想靈光之如對，已瞻法從之飛空。壇衆稱揚，同誠拜送。

舉修齋同前。

次詣五帝幕，致辭。

具法位臣某，謹拜手投誠，上啓東方青帝，南方赤帝，西方白帝，北方黑帝，中央黃帝。臣伏以祈天告地，爰祇按於科條，歲事修齋，實仰關於校錄。奉九朝之成禮，普萬彙以蒙休。曲濟善緣，實由宸眷。強顏有愧，俯首知歸。但以臣等血肉之資，口耳之學，踐齋壇而行教，昧真典以違科。雖崇建之已終，慮罪愆之難追。敢陳丹悖，

敬貢箋文。干冒聖聰，仰祈省錄。

### 宣箋

披讀箋文，已塵睿監。願貸謬違之罰，俯停考察之威，糾非錄事之曹，乞行削籍紀善勒功之府，庶可標名。法席既終，乘輿將駕。從屬車而莫及，想清蹕以徒遙。法衆稱揚，同誠拜送。

舉修齋同前。

次至東三幕，先詣三師前，致辭。

具法位臣某，謹拜手投誠，上啓上古靈寶經師君，靈寶籍師君，靈寶度師君。臣伏以科教之宏敷，本由明授，齋修之成就，實出保全。誠格干天，恩歸有地，束骸知幸，刻骨無窮。但以臣等朴野之資，迂疏之學，冒列宣謄之職，獲終濟度之儀。事雖圓成，過則深重。輒憑箋牘，以謝愆非。謹用宣陳，仰祈省錄。

### 宣箋

上來箋文，敬據哀悃。願扶科教，曲宥罪瑕。落過籍於三元，勒齋功於九極。仙科徹奏，梵響收音。雲輿難

駐於人寰，羽蓋將升於天路。凡軀莫舉，真馭以遙。法衆稱揚，同誠拜送。

舉修齋同前。

次詣三官幕，致辭。

具法位臣某，謹拜手投誠，上啓上元天官帝君，中元地官帝君，下元水官帝君。臣伏以紀善錄功，允屬三元之府。修齋設醮，幸終五日之規。凡茲善果之圓成，實藉恩休之普博。自非大造，豈遂凡私。但以臣等萎萃之資，荒無之學，惟聞見之不廣，故行用之多非。粗畢善因，恐罹冥譴。欲祈原貸，專用首陳。披露箋文，恭祈省錄。

宣箋

上來箋文，幸陳真聽。乞少寬於玄憲，願咸削於罪書。敕彼仙曹，勒茲齋福。宏道恩而廣覆，覃沖廕以無窮。既徹瑤壇，難稽玉輦。計將升於霄漢，徒瞻望於瑤穹。法衆稱揚，同誠拜送。

次詣玄師前，致辭。

具法位臣某，謹拜手投誠，上啓玄中大法師。臣伏以玄綱肇舉，幸齋直之告成。靈蔭誕孚，普幽明而均慶。靖

惟僥冒，實藉生成。但以臣等么麼之資，淺近之學，雖扶持而畢事，必謬戾以違科。俯首懷慚，束身請宥。輒具箋牘，僭以陳聞。仰冀真慈，曲垂省錄。

宣箋

上來凡愆，已徹淵聰。願恢大有之恩，普貸無窮之罰。勒善功於三界，流齋福於十方。塵濁之途難稽，仙仗穹玄之境。將邁靈驂，雖依戀之誠深，念攀從之莫及，叨恩至渥，陳悃莫窮。法衆稱揚，同誠拜送。

次至監臨神，祝白

具法位某，謹焚香，上白監壇某神。伏以翊贊教綱，籍典祀有神之力。肅嚴壇界，資地祇列職之勤。適大齋之告成，幸仙儀之禮畢。周旋衛獲，召命宣通，皆出維持，重勞駐劄。除已言功於天闕，上祈進牲於仙階。已竟沖科，難稽神馭。各還所屬，悉復靈司。後有修齋，更祈臨賁。

法事至焚燎所，化錢馬疏狀。  
焚詞頌 向來 表白回向

伏以赤書演妙，濟世莫窮。黃籙玄科，度人無量。以今齋官某，刻心濟度，勵志修齋，啓建無上靈寶黃籙大齋五晝夜。祈天告地，拜表上章，燒香然燈，轉經行道，保安家國，利佑存亡，設醮謝恩，解壇散席。巍巍善果，蕩蕩良因，幸遂圓成，並已周畢。伏願邦國寧謐，寰宇安平，九祖先靈，登升善域。六親家眷，被沐垂休。庶俾係薦亡魂某，承此齋功，自知宿命，永脫沉迷之境，徑登清淨之鄉。以至三途罷謫役之勞，九地釋拘纏之苦。含親抱識，咸遂昭蘇。賦性植形，悉臻利濟。爲上因緣，念大聖元始天尊，太上道君，太上老君，十方靈寶天尊，不可思議功德。

高功回靖，上香，交賀慶齋圓成。

退位，滿散。

恭聞道不可得而名，因經而立教。經不可得而備，隨運而開祥。元始一炁分三，是爲玄元始三炁。玄炁爲清微天，曰玉清境，元始以龍漢之劫，說

《洞真經》一十二部，於此天中出書，是名天寶也。元炁爲禹餘天，曰上清境，元始以延康之劫，說《洞玄經》一十二部，道君於此天中出書，是名靈寶也。始炁爲太赤天，曰太清境，元始以赤明之劫，說《洞神經》一十二部，老君於此天中出書，是名神寶也。及至開皇之餘，敷揚三洞，下化人間。上皇以後，群經衆典，流布無窮。三洞之經，乍隱乍顯，或存或亡，自非玄都玉京之上，不得備足。三十六部之全，總計一百八十四萬四千二百餘卷。凡世有此而闕彼，後降而前隱。天地開闢，教法興行之後，人間未嘗三洞周足。秦末，三茅真君修存上道，洞真之教已萌其端。至東晉哀帝興寧年間，南嶽魏夫人，以大洞衆經付楊司命，以次流傳。東吳葛仙翁受經於徐來勒，而洞玄之典大布。正一天師遇老君於鶴鳴，而洞神之教宏敷，是其大源也。此外或見於他書，或付於史冊，或因人而特降，或應運而荐傳，出沒不常，隱顯無定。宋齊之間，陸簡寂以靈秀之姿，振虛皇之

教，大敷道典，廣闢真源。分九清三洞之殊，列五法四輔之異。區別真僞，研究精粗，而經誥之存者，纔一萬八千卷。後世稱三十六部萬八千篇者，乃陸簡寂校之目也。其後南北紛擾，典籍散亡。後周武帝立通玄觀，收聚道典，尚及萬卷。隋室之末，四方兵戈，中原板蕩，或焚或毀，經教凌夷。暨唐開元天寶之間，天下無事，玄宗稍加收葺，止得七千餘卷，唐有瓊經綱首，是此時也。未幾大盜侵逼，天子蒙塵，道館琳宮，所至凋弊。厥後廣成先生。又值艱難之際，極力搜尋，收亡補遺。校開元之目，不及其半。既按三洞之經，遂參以陸簡寂、張清都所編齋科，酌量今古，審訂事宜，重編《黃籙齋科》四十卷，備極允當，不爽古規。蓋見時經籍雖已多亡，不若今日之甚也。當時書成之後，露刺告天，特昭玄應。迨今將四百載，罔敢擬議前後。按儀修奉，莫不感格，顯得報應者，不可勝計。自唐以後，五代亂離，道格之亡嘗七八。四方割據之地，亦有崇廣經誥之

地。或起琳宮，或見《道藏》，多隨偏方所有之經，編排而入，訛雜尤多。宋朝統一之後，天下平安。真宗命宰臣王欽若，校正道典。其中精粗莫別，真僞混淆，已不能免。宣和之際，徽宗主張科法，教門大興於一時。而經籍正典，終不能一一淳正。靖康以後，駐畢錢塘，南北間關，道家經籍尤甚不備。若廣成先生編集齋科之時，身居翰苑，任兼執正，朝廷典籍，省府圖書，兩街道官，二京秘藏，悉可指索，皆得搜揚。所以著書立言，各有經據，天下後世，無不遵行。今之諸方《道藏》，可以數計，而經籍不訛者甚少。況於私家相傳，里閭集寫，實難據依。然世人或得數卷之經自尚，真僞莫辯，謂人莫已若，憑壓同輩，攻訐古人。至於出言立論，亦將廣成先生齋科，輒行去取。雖未能明言其非，乃多暗起議論，擅作更改。意謂自己傳得秘經，便可高出廣成之上。殊不知廣成編校之時，藉朝廷之力以搜訪，豈不勝於區區一家之所有哉。陸簡寂編科書，乃在宋齊之

際，張清都亦在廣成之前，而廣成書中，未嘗遺二君之說，自執一己之見。故其多叙某處張清都已述，某處則依據陸簡寂之科，可謂洪纖悉舉，具細兼收矣，至於今日後學之士，乃欲議之，恐其說未必可以久行也。私家所收之經，未必如當時也。今所編靈寶，則一遵古法。黃籙，則悉從廣成之科。固未能隨順於世俗，實可以不愧於鬼神。所是散壇設醮一節，與浙間俗儀小異。以至蔣氏《黃籙立成儀》，多主古科，亦引經典出處。其間又或參以近世之式，如先行散壇撤席之後，再發請醮狀牒，別行設醮，乃近世之規爾。蔣氏儀中，從浙東風俗而用之，却不言此格出於某經。中古來科法，拜言功宣表，告山水土三簡，即降神設醮，一併送師徹席。惟路真官以正一科品，奉行黃籙，却是設醮之後，方拜表散壇，一併送師徹席。正一之宗，所主不同，而路君之意，亦以古儀而定式也。江東西行之不以異，用古法於浙東，與世俗相違。而蔣氏《立成儀》刊行已出，且其說與

浙俗相符，人必是彼者衆，此書爲天下之公器，不敢用此變古。異時他日，豈無高古博洽之士，公議未易泯也。醮後送師謝過等語，乃高功口啓之辭，古科不載此等瑣細，却是臨壇之不可闕者。允中謹已撰定在前，隨法備用，免致臨時言語，失次而已。此又非用近世儀，而雜古典也。宿啓建壇，正齋九朝，一應科文，並見廣成先生齋科，此不再錄。

#### 上清靈寶大法卷之四十

### 上清靈寶大法卷之四十一

洞玄靈寶法師南曹執法典者  
權童初府右翊治金允中編

#### 投龍送簡品

下元黃籙簡文靈仙品曰：拔度罪根威儀修齋都畢，依赤書玉訣，以丹書玉札，金龍一枚，金紐九隻，青絲纏之，以關靈仙五嶽，升度之信，封於絕巖之中。又曰：關五帝威儀畢，當以丹書玉札，金龍一枚，金紐九隻，青絲纏石，投之三江，以關水帝，升度之信，一依玉訣真文。又曰：關水帝威儀畢，即以丹書玉札，金龍一枚，金紐九隻，青絲纏之，埋於壇所，以告盟地官，一如科文。玉匱明真科云：修靈寶黃籙，當以上金三兩，鑄三龍，龍各一兩。國家用上金，公侯大臣用次金，士庶以銀塗金。副以簡文，題修齋所為，及太歲年月日法師姓名。投奠方所名山大洞，靈泉龍穴，及齋壇中。以告盟天

地水府，使鑒證齋功。闕者考屬地官。九都曹科曰：龍者乘雲炁，御陰陽，合則成體，散則成章，變化不測，入地升天。故三十六天極陽之境，可以驛傳信命，通達玄靈者，其由龍乎。龍者陽魂，故天用龍。是以天上以龍為驛騎，往來人間矣。金者，五金之最，堅剛不渝，天地所寶，通靈合神。故以上金鑄之，取法龍形，投之洞府，告盟二元也。洞府真官，所司僚屬，傳告龍信簡文，錄其善功，以奏言於上聖。感應之報，猶影之隨形。修齋之士，不可闕也。簡者，告也。札者，紀也。紀世之善，告於上真。法長一尺二寸，象十二辰；廣二寸四分，法二十四炁；厚二分，法二儀；上下方正，法日之方景，正直通達，無所避讓。國家以玉為之，玉有九德，可以為禮天神地祇之信，故用玉焉。公侯臣庶通用槿木，以其潔白纖緻，可以比玉矣，明尊卑之殊也。璧者，禮天地山川之寶也，以玉為之，投山簡用蒼璧，

圓形，徑二寸，虛其中。山簡為九天之信，故用蒼璧，以法天地也。投水簡用六出之璧，其色黑，徑三寸，虛其中。水簡為九江水官之信，故用玄璧，水之色也，六出，水之數也。投土簡用黃璧，正方，徑二寸，虛其中。土簡為九地之信，黃者，土之色也，方者，地之形也。璧與龍副於簡封之外，以青絲纏之。科曰：投三簡之法，當用金紐九隻，以副於簡，三簡用二十七紐也。金紐代歃血，青絲代割髮，通盟達誠，最為重也。故以青絲纏紐璧，以附於簡及龍，而後投之也。紐，國家用金，臣用銀，塗以金。徑九分，圓其外如環之形也。科曰：修齋畢，別卜良日，或齋潔之辰，備醮饌，法師衆官及齋主某，或泛舟以詣水洞，或梯陸以登山間，於洞府之外，薙草掃灑潔淨，敷列醮席，酒果饌殺當鹿脯湯茶等。國家六十分，臣庶二十四分，一如醮儀。乃盛服澡漱，朝謁法事，備遵科式。所在地司靈官，監察將吏，當為

關啓洞中仙曹，通達告齋之簡，如此則福善立應。却不得都無關啓，直爾投於洞中，不達真靈，反獲罪考矣。若山水之洞稍遠，師衆不可俱行，難於澄泛者。當選壇內法職二人，與弟子齋簡，以詣洞所，設醮關告投奠，一如本儀。若國家投龍五嶽諸山，具有金錄科式，與此常禮，繁簡不同。不得藏匿簡文，因循持久，所在地司錄奏，獲罪不細。切宜謹之。

簡三片，槿木為之，長一尺二寸，闊二寸四分，厚二分。

金龍三枚。每龍用銀一兩，塗之以金。璧三片，玉為之，蒼璧圓形，黑璧六出形，黃璧方形，各虛其中，徑三寸，金紐二十七隻，銀為之，塗以金，徑九分，如環形，虛其中。

#### 山簡告文 併年月日作五行

具位臣某，今謹有某州縣某，上為家國，下及存亡，或入意亦可。於某處修建黃籙大齋五晝夜。行道事訖，投簡靈山，願仙長生，度世飛行。上清五嶽真人，至神至靈，乞削罪籍，上名九天。請詣靈山，金龍驛傳。

太歲年月朔日具位臣姓某於某處告文。

山簡符




水簡告文并年月日共五行

具位臣某，今謹有某州某縣某人，上為家國，下及存亡，請福祈恩，首愆謝過，於某處修建黃籙大齋五晝夜。行道事訖，投簡水府。願神願仙，九江水帝，十二河源，江河淮濟，溟泠大神。乞削罪籍，上名九天，請詣水府，金龍驛傳。

太歲年月朔日具位臣姓某於某處告文。

水簡符




土簡告文并年月日共五行

具位臣某，今謹有某州某縣某人，上

為家國，普及存亡。入意添亦可。於某處奉修黃籙大齋五晝夜。行道事訖，投簡靈壇，中黃九地，戊己黃神，土府五帝。乞削罪名，請詣中宮，勒簡太玄，金紐白信，金龍驛傳。

太歲年月朔日具位臣姓某於某處告文。

土簡符



投簡醮位

某洞府神仙列位

三十六部尊經

都講

太上無極大道

酒果香燭

齋主拜位

玄中大法師

高功

日直功曹土地等

洞門外選平地，掃灑潔淨，以醮位。或潭澤，就岸上平處。或舟上，以淨席數領，鋪地縫布為座，席須新者。五果茶酒等，二十四分，或三十六分。香燭獻之，並如醮法陳列。皆畢，命道士一員，敕水淨醮，高功行

科、請聖。不恭其事，考罰尤深。

投山簡醮儀

敕壇，上香，啓堂頌。

各禮師存念如法思存如齋法。

宣五方呪

五星列照，煥明五方。水星却災，木德致昌。熒惑消禍，太白辟兵。鎮星四據，家國利亨。名刊玉簡，字錄帝房。乘飈散景，飛騰太空。出入冥無，遊宴十方。五雲浮蓋，招神攝風。役使萬靈，上衛仙翁。和：與道合真。

鳴法鼓二十四通

無上三天玄元始三炁太上道君，太上老君，召出臣身中三五功曹，左右官使者，左右捧香，驛龍騎吏，侍香金童，傳言散華玉女，五帝直符，直日香官，合三十六人出。出者嚴裝顯服，冠帶垂纓。關啓此間土地山川正神，臣今正爾燒香，奉為投簡意其諸誠款，具載簡文。願得太上十方至真道炁，靈寶瑞光，下降流入臣身中，令臣所啓，速達徑御太上無極大道，崑崙上宮，五嶽靈山洞府神前。



請稱法位

具位臣某，與合壇官衆等，謹同誠，上啓無極大道元始天尊，太上道君，太上老君，三十六部尊經，玄中大法師，天曹主宰，洞府真仙，崑崙上宮，名山福地，五嶽真君，青城丈人，廬山使者，北部幽陰，冥靈神衆，某處靈山主錄仙聖，虛空鑒察，靈司三界官屬，一切威靈。臣等伏聞寶訣靈圖，出濟世康時之典。赤書玉字，示安天鎮地之文。籠萬法以爲宗，統三元而紀善。況於靈壇告罷，齋福已成。冀勒善以消愆，敢祈真而降聖。伏願靈光下燭，仙仗遙臨。臣等俯伏投誠，謹伸奏請。

請聖

太上三尊，五師五帝，日月星辰，某處洞府仙真，當境正神香官，日直功曹，土地等。先列牌位，依次請上。

初獻茶酒

具位臣某，重誠上啓無極大道，太上三尊，至真諸君丈人，三十六部尊經，玄中大法師，九極高真，日月星宿，崑崙上宮，名山洞府，得道仙真，五嶽

真君，潛霍真君，青城丈人，廬山使者，鍾山鬱結，西玄墉臺，三官北部，六洞幽司，天下地上，冥靈衆神，監生注籍，南上三門，至神至靈，一切神仙。臣胎誕塵濁，瞽闇無知，萬劫善緣，依承道化。奉宣慈訓，佐國立功，濟物度人，弘道贊法。自投簡修仙，則可去下一段。以今齋主，上爲家國，善及存亡。於某日就某處，修建黃籙大齋五晝夜。行道事竟，投簡靈山，乞削罪錄，願神願仙。仰扣神真，用伸關告。臣與齋主無任祈恩，激切之至，謹稽首再拜。

亞獻

具位臣某，謹重誠，上啓三境天尊，十方上聖，三官九府，五帝靈司，洞府真仙，名山聖衆，醮筵列位，一切威靈。臣等恭詣靈山，奉修醮禮，爲黃籙齋主某人，修建事畢，投簡關盟，所冀勒善書勳，除愆宥過。解釋齋主九玄七祖，六族種親，先亡後化，拔贖惡根，免脫酆都岱宗，二十四獄，五嶽之府，九幽之中，魂睹光明，永蒙開度，更生受化，逍遙福門，安穩墳墓，注訟不興，舉家蒙

福，一切荷恩。妖精殄滅，善瑞日生，修道參真，永諧仙品。臣與齋主無任，依歸之至，再拜。

終獻

宣簡告文

封簡，以玉文、金龍、金紐，青絲纏於簡上。仍入匣內，香熏，叩齒九通。念：

玄上開明，元始監真呪。

以簡投洞中

投龍頌

祈真登紫嶽，告命詣靈山。玉女搖梵響，金童奏香煙。書名通九地，列字上三天。永享無期壽，克成高上仙。

再入科

臣謹重誠，上啓高真上聖，山嶽神仙，五帝尊神，三界主宰，醮筵列位，一切威靈。臣等告簡禮終，投龍事畢，仰蒙成就，曲荷鑒觀。高真已返於上玄，列聖各還於仙府，功曹將吏，悉復靈司，土地衆神，咸安所部。功書三界，澤被十方。臣與齋主無任，依歸之至，稽首拜送。

舉送神頌

復爐

香官使者，左右龍虎君，侍香諸靈官。當令臣向來建壇行事之所，自然生金液丹碧芝英。百靈衆真交會，在此香火爐前。當願十方仙童玉女，接待蘭煙，傳臣向來所啓之誠，速達徑御太上無極大道崑崙上宮五嶽靈山洞府神前。

學仙頌

焚燎，向來回向。

投水簡醮式

排列醮位法事，如山簡式。

無上三天玄元始三炁。至當召此間江海潭澤，正神土地真官，速出關啓，臣今正爾燒香，奉爲宣簡意至徑御太上無極大道暘谷神王水府水帝神前。

各稱法位

具位臣某，合壇官衆等，謹同誠，上啓無極大道，太上三尊，十方已得道大聖衆，至真諸君丈人，三十六部尊經，玄中大法師，日月星宿，北斗七元，日窟常暘，洞陰神仙，扶桑大帝，暘谷神

王，三河四海，九江淮澤，九府水帝，十二河源，溟泠大神，靈湫泉澤，下元水界，一切威靈。臣等伏聞泛地浮天，浩浩之源莫測。聚流積勢，沉沉之際難窮。隱神龍於洞府之淵，司罪福於幽明之境。況以仰依玄典，幸終黃籙之齋修。紀錄善功，恭按赤書之品格。敬趣潭澤，或云江海敷啓靈真。伏願仙旆臨軒，雲輿按轡，鑒瞻壇席，省錄醮修。臣與齋主，無任祈恩，望聖之至，謹當拜請。

降聖，初獻茶酒。

重稱法位。

具位臣某，與合壇官衆等，謹重誠，上啓無極大道，太上高尊，日月星真，十方上聖，水宮主宰，江海神祇，冥靈大神，河源聖衆，醮筵列位，一切威靈。臣等誕身下土，稟職凡微。宿以道因，遭逢聖運。靈寶垂化，大法度人。佐國立功，奉弘慈訓。以今齋主某，上爲家國，普及存亡，祇按仙科，奉修黃籙，九時行道，五日修齋，解席散壇，功成事畢。謹齋龍簡，恭詣靈泉，願神願

仙，消愆消罪。仰扣靈真，以伸關告。謹陳亞獻，用寓丹衷。臣與齋主，無任祈恩，激切之至，稽首再拜。

亞獻

臣謹重誠，上啓三境高尊，十方上聖，河源主宰，江海真靈，暘谷扶桑，水宮仙衆，醮筵列位威靈。臣等恭詣靈泉，奉修醮禮，爲黃籙齋主某。修齋事竟，投簡關盟，所冀紀善錄功，除愆宥過。爲齋主某，解釋冤仇，增延壽錄，脫落死籍，注上生名，蠲除愆過，賜以自新。九玄七祖，解拔苦根，出離暘谷，幽夜寒鄉，沐浴鍊度，超升天堂。塚墓安吉，殃注不興，舉家受福，神炁清寧，學識聰朗，志慧圓明。闡揚正法，消伏姦兇，三界證度，功滿行充，帝王安鎮，國祚興隆。謹以啓聞。乞如所陳。臣與齋主，無任禱祈之至，謹稽首再拜。

終獻

宣簡告文

封簡，以龍、璧、紐，絲纏袋，入匣，香熏。叩齒九通，念元始上真呪，以簡投水中。

投龍頌

天尊留戒律，太上演真經。奉法須勤志，功德貴精神。虔心啓三寶，焚香告百靈。書名投水府，功勳達上清。

再入科

具位臣某，謹重誠，上啓高真上聖，江海神仙，水國職司，下界主宰，醮筵列位，一切威靈。臣等告簡禮終，投龍事畢，仰蒙成就，曲荷監觀。上境高真已還天闕，水宮仙聖各返靈司，將吏功曹悉歸所治，土地主者咸就元班，三界紀勳，萬方被澤。臣與齋主，無任依歸之至，稽首拜送。

送神。

復爐。

學仙頌，焚燎回向。

投土簡醮儀

土簡埋之壇前地中。若能預辦，則先於地戶中，開坎，深三尺。候言功拜表後，宣告三簡畢，先以土簡入袋封之，青絲纏附金龍金紐，即埋之，則不必再醮告矣。或散壇之夜辦不及，則別行關盟，可也。然醮不可

闕。故併錄出備用。

醮位排列節次並同山水簡用式。

無上三天，至當召此間土地，里域社稷等神。至徑御太上無極大道九土皇靈地府大帝神前。

各稱法位

具位臣某，與合壇官衆等，謹同誠，上啓元極大道，太上三尊，十方已得道大聖衆，至真諸君丈人，五老上帝，三十六部尊經，玄中大法師，日月星真，天曹主宰，酆都大帝，九府三宮，泉曲主司，無極世界，九土皇靈，中皇戊己黃神，土府五帝，三界官屬，土地里域真官，一切威靈。臣等伏聞九地九鄉，淵深難極，六天陰境，博厚無垠。上列五嶽之神真，下有萬靈之治職，以至洞天福地，仙域名山，開校量罪福之司，分主錄生靈之府。況以奉修齋直，理合關盟。恭就靈壇，上干沖鑿。伏願天輝下映，神馭遐臨，勒此齋功，錄茲丹禱。臣與齋主，無任祈恩，望聖激切之至。稽首再拜，謹當奉請。

請聖。

初獻茶酒。

重稱法位。

具位臣某，與合壇官衆等，謹重誠，上啓無極大道，太上高尊，日月星真，十方上聖，上司主宰，地府冥官，九上高皇神仙，治職醮筵列位，一切威靈。臣等稟絜凡愚，叨因宿運。得遇真法，與善因緣。值靈寶開光，赤書宣化，許以庸穢，恭奉正真。佐國爲時，立功行教。今爲黃錄齋主某，修建黃錄大齋。上資邦國，普濟存亡，請福祈恩，消殃謝罪。齋終五日，禮畢九朝，解席散壇，功成事訖。謹齋龍簡，恭就靈壇，輒露精衷，仰祈靈鑒。敢陳亞獻，以薦克誠。臣與齋主，無任祈恩，激切之至，稽首再拜。

亞獻

具位臣某，謹重誠，上啓三境高真，十方上聖，地司主宰，九土高皇，醮筵列位，一切真靈。臣等恭就靈壇，奉修醮禮，爲黃錄齋主某。修齋事畢，投簡告盟。伏願紀善錄功，除愆宥過。爲

齋主解消灾咎，蠲免冤讎。乞削地簡，除其罪書。願度願生，保濟形身。九老仙都，玉曆記名。九祖父母，胞元種親，先亡後逝，咸享福緣，出離九幽之下，八門之鄉，殃注消釋，塚宅清寧，惡根斷絕，上生福堂。臣等學業圓就，功行盛明，生死同福，永保無傾。帝王受福，天下和平。乞如所願，謹以告盟。臣與齋主，無任惶懼之至，稽首再拜。

終獻

宣簡告文

封簡，以龍、璧、紐，絲纏於簡袋，入匣，香熏。叩齒九通，念天地開張呪。以簡投土，埋之壇中。取月建上，開坎埋簡。

投龍頌

齋功已成就，符命告靈壇。玉璧書誠悃，金龍信驛傳。虔心仰中府，歸命拱黃圓。生死皆快樂，會當禮天顏。

再入科

具位臣某，謹重誠，上啓高真上聖，九地神仙，土府職司，山嶽主宰，醮筵列位，一切威靈。臣等告簡禮終，投龍

事畢。仰蒙成就，曲荷鑒觀。萬真已舉於瑶空，衆聖各還於中界，將吏復位，里域回班，恩被有情，澤覃無外。臣與齋主，無任依戀，懷恩之至，謹當奉送。

送神頌。

復爐。

學仙頌，焚燎，回向。

右投三簡之法，本為佩受中盟，及學士求仙，削罪投簡，以告三元也。如受錄自用之，則三簡之科，除去奉為齋主某修建黃錄等一段。却續云：

臣某年月，謹詣三洞法師某，受靈寶五老真文赤書靈篇，三部八景諸天内音，神仙二錄八威策文，五帝符杖中盟衆經。傳受事畢，投簡靈山，水簡云投龍清泉，土簡云投簡中宮，金龍驛傳，乞削罪籍。餘並同科。修道之士，三元八節，謝罪祈真，投五老赤書簡文，出真文玉訣，亦於簡上具位，及某年月日時生，命屬某帝，名係某嶽，願神願仙，長生度世，飛行上清。五嶽真人，至神至靈。乞削罪

籍，上名九天。請詣靈山，金龍驛傳。

太歲年月朔日於某處告文。

外土簡水簡，一如黃錄簡文，只於前具位及生、命，其封題、龍、璧、紐、絲，並如前法，於其所醮告投之。

第一次投簡，則每簡用金紐九。

第二次、第三次投，只用龍簡而無紐。

道士投簡之詳，依經編出，已見玉文真篆品，此不再叙。

廣成先生科中，叙黃錄齋主土簡言功之後，宣讀已訖，至明旦便可埋於壇中，不俟別更關告。今以張承先法師儀內三簡啓奏，真位不同，故再錄於此。三簡科文在前若修齋壇內，只以言功醮時呪告文，便投可也。此乃宣讀之後，即時埋也。其山水二簡，雖言功之時宣讀已畢，若至洞所設醮，當依此次第，再讀封呪，然後投之，庶為周備。不可以壇中告了，至山洞處，直爾便投。所在真靈，恐不關領。善功不達，所失太多。又曰：

欲度諸天民善男善女，咸得離三惡五道八難之中，得過三惡，世世與道相值。當八節甲子之日，投三玉簡，除宿罪之簿，言功上天事，事三過諸天三官九府，更相關告上天右別。萬神敬護，五帝侍衛，三界司迎，門戶清肅。天地神祇，日月來朝，千魔萬精，不敢妄干。至願堅固，觸向咸成。七祖父母，即得解脫，三塗五苦，升上天堂。生死福善，影響相酬。三官九府，書人功過，其理甚明，世世因緣，毫分無遺。若有至士，為國主帝王，土地官長，一切人民，九祖父母，長夜三塗，修黃籙大齋，三日三夜。告盟九天，投簡三元，福利廣大，不可勝言。諦聽奉行，勿為懈怠，魔壞爾身。道士張承先曰：登壇，受靈寶中盟訖。依自然經科，投金紐十口，投龍清泉，為求仙之道。重登壇，受五老赤書二籙策杖、恩微定志等，依盟真科文，即投三龍二十七紐，以山水宅三處，為求仙之信。然後依玉訣，別以九

龍二十七紐，以八節日，投山水宅，求除黑簿，言名上天。又黃籙齋竟，亦投龍簡，只依三元簡文。故撰此三處關告文，各指告其仙司，必蒙削罪，記名九玄，即拔家門荷榮。又曰：大道以一炁化生三才，陶鈞萬有。故分三元之曹，以主張罪福，即天地水三官，實司於三元也。人之生死壽夭，罪福善惡吉凶，莫不係焉。三籙文，亦三元之典功也。修齋之法，當投三簡，以告三元。故山一投諸天洞府，奏天官上元也。水簡投靈白水府，告水官下元也。土簡投於壇宅，告地官中元也。詳簡文之中，真靈位號，事顯理明矣。切以元始安鎮，敷落五篇。故五老上帝，受赤書真文，安天之根，鎮地之源，下鎮五嶽，以奠五方。斯實靈寶之根宗，度人之樞紐。上學之士，希道求仙，傳中盟之經，佩靈寶之籙。皆以赤書真文，朱篆於樞木之簡，面書告文，投之山川及住宅，關盟三界，削落罪根。及於五嶽，投簡

送龍，滅過消愆，乃其本旨也。事見真文玉訣諸經中。若修齋建黃籙壇，解壇事訖，則告山土水三簡，金龍、金紐、玉璧附所，以紀勒齋功，關告三元也。其法實本諸赤書而用之。自唐張承先法師編叙齋科，已詳言之矣。至廣成先生編集黃籙齋科，則備述赤書之本末，投簡之典格，可謂昭然明白，無可疑者。近世多於三簡之後，各篆一符。且各人所傳法書不同，符形亦異。豈知投簡之本意，捨赤書其可行之。故山簡呪曰：玄上開明，元始監真。上帝五老，赤書丹文。天地本始，總領三元。水簡呪曰：元始五老，上帝高尊。十方至真，太華靈仙。赤文告命，無幽不關。土簡呪曰：天地開張，九炁分靈。三元洞府，十方朗清。五老上帝，開真領生。丹書赤文，元始上清。三呪之首，皆明指五老赤書也。今投簡而易以他符，則與本旨異矣，況呪文全不相合。故今一依經旨，告文則從古式，簡後真

文並用五老赤書。以義取文，用為投簡之信。此乃出於正經，而非後世私師經籍之比。倘法書各有師傳，而凡格決不可易。投簡正涉三官之府，罪福甚重，尤當謹審。所有投簡關啓科書，悉本廣成先生齋科。但其書流布日久，傳寫之間，多行減節。故於首尾略具節目，只存啓祝之辭而已。其本法一如醮儀。似此寫未成科。使高功隨口致白，增益首尾，則臨事必是謬誤。今未免詳錄次序，及宣呪發爐，上啓降神，三獻復爐，並從醮禮，可以徑行。寫作科書，易於宣讀，不致失禮而已。其言辭則並遵廣成先生之文也。

上清靈寶大法卷之四十一

上清靈寶大法卷之四十二

洞玄靈寶法師南曹執法典者  
權童初府右翊治金允中編

傳度對齋品

靈寶之道，正屬洞玄。然而貫三洞之樞機，涵諸經之奧妙。自徐來勒真人付葛仙翁，而經教漸彰。孝道明王授許旌陽，而科法大備。可以安鎮天地，保國寧家，度死濟生，除邪輔正，內鍊形氣，外集萬神，坐致自然，與道冥合。是以得人乃授，非才不傳。經曰：至士齋金寶效心，盟天而傳。又曰：若有至人齋金寶質心，依舊格告盟十天，然後而付焉。蓋齋信所以寓誠，盟天所以堅誓。師與弟子，則飲丹以代歃血，分環以示共盟。夫以金寶可捨，心亦隨之，質信不可闕也。富貴而吝財，不當傳付。寒棲而樂道，豈在齋金。但中古以降，三洞宣行，授受之規，

合分次第，學則有序，不可僭陞。須先佩洞神部諸階秘錄，奉行正一諸法，心志無惰，利濟有功。方詣宗壇，受中盟之秘錄，進洞玄之上品。然後請保舉監度，投師錄奏上穹，關申三界，開壇傳授，遷職奉行。所謂告盟十天，即啓告十方靈寶天尊，對天自誓也。分券破環，則與弟子對誓之條，非與天尊分券也。故有三皇版策，思微定志之券。既係宗壇總教，此等儀物，並合隨錄出給。今更不編叙入法，恐越傳法之科。從靈寶經格，分真券五靈策杖，合隨本法行用。本法印劍給帖補職，不輕於授受之禮，以崇乎經法之宗也，故法以傳度終之。

嗣法弟子，先謂保舉、監度師已定，然後齋香信，詣師前投詞：

具法位姓某，

右某本命年月日時生，本貫州縣坊郭居。念某夙藉善因，獲陶真化。身膺符籙，職列班行。先曾投度師某人，傳受某法。奉行已久，曲荷保全。深愧無

功，罔敢退惰。謹齋法信，恭瀝丹衷，仰叩師垣，願行嗣受上清靈寶大法一宗符圖印訣，歸身修奉，益勵素心，共贊玄猷，力揚大教。得法之後，倘有輕泄漏慢，妄傳非人，及不守正真，混雜邪偽，違盟負誓，咎道怨師，則一身受風刀之誅，九祖同酈山之罰。謹具狀，申保舉師某君先生，監度師某君先生，度師某君先生。伏望師慈，特與錄奏天關，申牒三界合屬真司，開壇傳度施行。謹狀。

太歲年月日具法位姓某狀。

度師受詞，即啓告上帝高真，錄狀奏聞，申牒三界。

申奏大略格式

玉清聖境洞真元始天尊。

上清真境洞玄靈寶天尊。

太清仙境洞神道德天尊。

太上昊天玉皇上帝。

勾陳星宮天皇大帝。

中天紫北極大帝。

后土皇地祇。

已上七狀同式，並詣天樞院。

奏牘式

具法位臣姓某，誠惶誠恐，稽首頓首，再拜上言。臣待罪靈班，久無善行。所宜省己，豈應接人。蓋以教在敷揚，事難寢抑。敢瞻凡悖，上冒高穹。臣謹據鄉貫叅受某錄弟子法職

姓某投詞，伏爲自己本命年月日時生，行年幾歲。昨曾投師，傳受正法。經今幾時，幸沐生成，時獲通感，茲願進傳上清靈寶大法，歸身修奉，誓濟顯幽。倘或泄於非人，以正混諸邪偽，酈山甘罪，重罰無詞。據此堅誠，理宜付授。臣擬遷補某人，充靈寶中盟弟子，南曹執法典者爲職。須至昧死，錄狀上奏。

聖位玉陛下，恭望

天道睿慈，允臣所奏。容臣補授，傳度施行。臣干冒天宸威，下情無任戰慄，待罪激切，屏營之至。謹奏。

太歲年月日具法位臣姓某狀奏。

右七狀內，可漏各僉聖位，方函，並詣天樞院，請進

南極長生大帝 方函詣 南極帝闕，

東極青宮太乙救苦天尊 東極青宮。

十方靈寶天尊。十狀。

九天帝。九狀。

三十二天，三十二狀。

木公，一狀。

金母，一狀。

奏狀式

具法位臣姓某。

右臣謹據鄉貫云云同前狀至，須至錄狀，上奏

聖位陛下。恭望

道天睿慈，允臣奏請。容臣補授，傳度施行。臣干冒道天宸威，下情無任戰慄，待罪之至。謹奏。

太歲年月日具法位臣姓某狀奏。

右諸天尊天帝奏狀，並同。惟天尊作道慈，天帝作天慈，金母睿慈，十方九天，若不能專狀具奏，則不可連作一狀，大為不便。木公金母聖號，奏申文檄品內具載。

申上界狀

具法位姓某。

右某謹據鄉貫云云同奏狀意，所有本法合

用印篆，謹粘連式樣在前，須至錄狀申聞者。

右謹具，申

三天門下泰玄都省主宰高真聖前。恭望真慈，允今申請。特與敷奏天闕，取旨先次。原赦臣與嗣法弟子某人，九玄七祖，前世今生，一切罪惡，許容傳度，仍乞頒告諸天諸地，日月星辰，三界三元，十方世界，應干合屬去處。依法照應施行。某干冒真威，不勝惶懼之至。謹狀。

太歲年月日具法位姓某狀。

中天大聖北斗九皇星君。一狀。

上元天官帝君，中元地官帝君，下元水官帝君。三狀。

天蓬、天猷、翊聖、真武四聖。一狀。

玄師、天師、經籍度師五師。一狀。

日宮孝道仙王。專狀。

月宮孝道明王。專狀。

九州都仙太史。專狀。

太極左仙翁。專狀。

三界大魔王。一狀。

五帝魔王。一狀。

右十二狀，並同式。若專狀與連狀，非有輕重。蓋上真所治，各有其局。使其曹局共一所，始可共狀。如日月異宮，三官分府，是不得不專狀也。外有十方飛天神王，合用十牒專行，一如狀意。更不具式。

申狀式

具位姓某。

右某謹據鄉貫云云並同奏狀意至，須至錄狀申聞者。

右謹具，申

中天大聖北斗九皇星君聖前。恭望

真慈，允令申請。特與敷奏

上玄，頒行三界，各令依法，照應施行。仍乞恩矜，許容傳度。某干冒真威，不勝惶懼之至。謹狀。

勝惶懼之至。謹狀。

太歲年月日時具位姓某狀。

申中界下界狀

地府北陰酆都大帝。

水府東霞扶桑大帝。

東嶽天齊仁聖帝。

靈寶大法司。

當司據云云同前至須至申聞者。

右謹具，申

北陰酆都大帝聖前。伏望

聖慈，允從申請。特與行下九壘重陰，六天十洞，泉曲冥關，應干合屬去處，依法照應施行。

水府狀後改云：行下三河九江，五

湖四海，川源溪洞，下元水界，應干

合屬去處。

東嶽狀後改云：行下四嶽有司，洞

天福地，靈域名山，天下祀典正神，

城隍社令，應干合屬。

牒式

蒿里丈人。一牒。州縣城隍。二牒。

九州社令。九牒。並請行下所屬分野，

應干典祀正神，祠廟郡邑，城隍社令，

應干合屬去處，依法照應施行。

其餘欲加詳更，自隨事增益。或兼

傳別法，事屬他司者，各自申牒可

也。

發放功曹關應干帖式例，見奏申文

檄品。茲不再錄。

發奏已畢，則擇日開壇傳度，修設謝

恩，清醮至期，按科奉行。



上帝請醮狀式

具法位臣姓某。

右臣先據嗣法弟子某人投詞，乞傳上清靈寶大法。已於某日錄狀聞奏訖，謹取某月某日，就某處開壇傳度，修設清醮，上謝天恩，須至錄狀，上奏

上清靈寶天尊玉陛下。恭望

道慈，流光鑒映。臣干冒

道威，下情無任惶懼，待罪之至。謹狀。

太歲年月日時具法位姓某狀。

上界高真請醮狀式

具位臣姓某。

右臣先據云云同前至天恩。除已再行具奏外，須至申聞者。

右謹具，申

三天門下泰玄都省主宰聖前。恭望真慈，俯賜下臨，證明傳度。臣干冒真威，下情無任惶懼，待罪之至。謹狀。

太歲年月日具法位臣姓某狀。

中下界請醮狀式

靈寶大法司。

當司先據云云同前至設醮謝恩，須至申聞者。

右謹具，申

東嶽天齊仁聖帝聖前。伏望

聖慈，特賜降臨，證明傳度。謹狀。

城隍社令等神合用者，並用牒請醮。

牒請照會，幸垂臨賁，歆納醮誠，謹牒。

醮中進狀

具嗣法弟子全函臣姓某。

龍車一乘，

右謹上進以聞。謹進。

太歲年月日嗣法弟子全銜臣姓某狀進。

具 度 師法銜臣姓某。

上界列真獻狀

具嗣法弟子銜臣姓某。

金錢一分，雲馬一騎。

右謹貢獻以聞。謹狀。

太歲年月日具嗣法弟子銜臣姓某狀。

度師銜位臣姓某。

中下界列聖獻狀

具嗣法弟子銜姓某。

金錢一分，雲馬一騎，

右謹上獻，伏惟

聖慈，俯賜鑒納。謹狀。

太歲年月同前結。

右式之外，或列位神祇，及諸司官將曹局，同所者連狀，有遺發關引等，並見奏申文檄品。

傳度合用法物

銀環二，徑二寸四分。別無字，只鑿度師花押在上。

銀龍頭書刀一。鋼鐵為，刃長六寸，銀作龍頭。

黃絹券文。高九寸，長七尺二寸。

鎮綵三丈六尺。青九，赤三，白七，皂五，黃丈二。

鎮壇米。三斗六升。

鎮壇錢。三千六伯文。

命綵一縑。嗣法弟子本命所屬之色。全縑則不論數，或隨年。

靈書真券式

具度師銜位姓名押

太歲年月 日

玄科律令

會一如

洞玄補職受事訖存留本司照  
右分券合同係某人嗣行靈寶大法進品

朱篆靈書中篇真文<sup>②</sup>

向右反書，篆文，見玉文篆品。

須至給券者。


諸天送迎，已補某人充具嗣法弟子新補職  
銜為職。

永勤孝忠，九祖蒙福。靈章下處，

準格嗣行靈寶大法。進品洞玄，陞

秩仙官

三天門下南曹。



三天門下南曹，

準格嗣行靈寶大法。進品洞玄，陞

秩仙官，

永勤孝忠，九祖蒙福。靈章下處，

諸天送迎，已補某人充具嗣法弟子新補職

銜為職。

須至給券者。

朱篆中篇真文

右合同真券，付給弟子某人，收執佩帶。

已後五苦咸解，三惡並原，永滅罪籍，  
度上生名，劫劫長存，與天齊年。急急  
如

太上勅令。

太歲年月日。

保舉師姓 名押。

監度師姓 名押。

度師姓 名押。

此乃靈寶本法券文，對天分之。將  
右券度師收之，左券入袋，付度嗣法  
弟子。或度師不必留存，徑將右券，  
用狀繳申上清天樞院照應，以為弟  
子修仙學道之證。落罪籍，上生名。  
則易右券後語曰：

右分靈書真券，係法錄弟子某人，嗣行  
上清靈寶大法，進品洞玄，補職受事。  
傳度禮畢，畫券示約，為弟子落滅惡  
根，消除過籍，修仙學道，所向圓成，乞  
依玄科施行。


年月，餘同前式。

環式

環者，所以昭信誓，如古人投璧為盟  
之義。環上本圓，無字。今宗壇則

鑿師押字於上，傳法亦然。古人舍  
淳抱朴，不事外飾，凡事尚質素而  
已。至路真官編《天心正法》，則環  
上有字。其文云：天心正法，萬神  
所宗，盟天而傳，循環無終。此亦用  
環之義，然皆非古式。若靈寶乃洞  
玄之上品，不宜隨俗行事。環以示  
信誓。路君臨壇分券，而不剖環，其  
意蓋謂既分券合約矣，不剖環亦可  
也。環則弟子佩之，不渝盟而已。  
高識之士，更宜詳酌而行。

書刀式



右書刀，並以鋼鐵為利刃，却以銀為  
龍頭，包其末之太半。拜章亦同此  
式，惟其有刃可用，故備儀以俟削治  
差誤，况分券尤須刃也。今人銀葉  
為之，非也。

補職帖式

靈寶大法司。

當司契勘鄉貫居嗣法錄弟子某人投詞，伏爲自身本命，年月日時生，夙藉善因，獲陶真化。叨行正法，濫綴靈班，敢堅素誠，荐摠丹悃。先已具申宗壇，遷受中盟秘錄。今願進傳上清靈寶大法一宗符圖印訣，皈身崇奉。期濟幽顯，馘毒除妖，輔道贊化。如敢參雜邪僞，混亂神文，或妄傳非人，輕泄天寶。甘以身謝天地水府三官。照得本人，誓辭堅篤，誠心不回，格許宣宏，理宜接引。除已錄奏三天帝闕，申牒三界合屬真司，依式開壇，對天傳度，合行補職，受事給付上清靈寶本法秘文，合用印劍策杖，須至逐一開具給帖者。

一 其人已佩中盟秘錄，今來進傳

靈寶大法。依準

科格，合行遷補靈寶中盟弟子南曹執法典者爲職。

一 給付

上清靈寶大法一部。

一 給付

靈寶大法司印一顆，

通章印一顆，越章印一顆，

黃神印一顆，神虎印三顆。

一 給付

八景輝靈之劍。長三尺六寸。

一 給付

五靈策杖，隨身受持，一如科

法。

一 準

格洞玄弟子芙蓉冠，紫帔，三十

二條黃裳黃褐，明光玉珪，玉

珮，赤舄。

一 靈寶大法，品屬洞玄。總三洞

之樞機，乃中乘之上法。尊貴

崇重，不同常科。應有申告收

治，並合申三界五常大魔王，依

法牒所屬飛天神王。每遇給符

呪水，並關遣神王，下使者吏

兵，施行給降，靈寶受事，如意

大將軍，隨行司領職。

一 進拜章書，入室修存，謁帝朝

真，飛神啓事，焚誦禱請，召役

神靈。並合關召三五功曹，左

右官使者，侍香金童，傳言散華

玉女，五帝真符，直日香官，依

法奉行，隨印受事。事畢復位，

應召即臨。

一 追取幽魂，攝召魂爽，並準科移

牒神虎何喬一大聖，三部追魂

使者，七司玉女，齎持符札，照

應施行。

一 修齋設醮，宣令傳符，並隨事請

降十方飛天神王，降真召靈符

使，玄都金龍茭龍驛吏，稟符受

事，宣傳事畢，徑復元班。

一 靈寶官屬，玉童玉女，天將仙

兵，隸屬上玄，不同常職。準依

經格，隨事請降，輔佐行持，法

師毋得叱咤指呼，其神不係凡

世駐劄。須當澄心定息，誦呪

焚符，臨目存思，密行召用。行

令已畢，各復元班。其餘經格

外，妄稱將吏名目，擅置仙曹有

司，並不許隨俗混行，違經雜

用。故爽誓盟天不爾私。

帖伏以皇人按筆真毋戒經，觀四譯而成書，為三洞之要典。和天安地，福國寧家。千聖攸遵，豈獨顯幽之俱利。萬方取則，實同今古以蒙休。嗣法弟子某人，職品洞玄，法遷靈寶，誓盟私著，傳度已終。事體非輕，職位甚重，所宜永堅一志，密練百神，檢己修身，毋違科而犯戒。濟人利物，當立德而建功。五帝大魔察其勤惰，三官都禁糾其愆非。謹秘專精，萬炁全而三天錫召。輕泄漏慢，一身落而九祖罹棄。守而有常，戒之無忽。故帖。

太歲年月 日帖。

保舉師具位姓 名押。

監度師具位姓 名押。

度師具位姓 名押。

籍師具位姓 名已羽化不押。

經師具位姓 名。

傳度開壇建醮，或有力之家，宿啓則預行申發，晚下敕水禁壇，宿啓行科如齋法。次日味爽，登壇開啓，三時行道，朝真懺悔謝恩，有靈寶道場三朝科文可用。晚下設醮傳度，尤為

盡善。往往世人傳度，多止於設醮而已。故今具叙傳度醮式，即係受法傳度。乃本法之事，非黃籙之儀。今列于左。

鋪設醮筵，中列上帝，兩廡設從聖，或六十分，或一百二十分。中設三寶位，置御按，如齋壇式。設五師幕於壇左。

神功妙濟真君太極沖應真人於壇右，或以五師與二位共幕，亦可。排列請醮狀牒於師前，次發牒。

道衆師前立班，知磬舉法事，

高功與弟子，各上香致拜。

高功長跪請牒。道衆捧狀牒，華夏至發牒所，道職一員，吟呪灑

淨。知磬舉法事。

高功焚降真召靈符，變神召將。

次宣白初獻法事。

次再白亞獻法事。次三白終獻法事。宣關帖。

高功遣發。

弟子灌爵。

焚燎 向來。

回向念善。晚下設醮如常式。

上清靈寶大法卷之四十二

① 此券式文句應從左向右書寫、誦讀。

② 此真文句應從中央向左右書寫、誦讀。

# 上清靈寶大法卷四十二

洞玄靈寶法師南曹執法典者  
權童初府右翊治金允中編

## 傳度對齋品

### 對齋設醮傳度科儀

道士有威者一員，禁壇敕水。次醮筵內，關斗燈，華夏引，高功出靖，詣師前立班。高功與弟子，上香致拜。次修齋，請師，玄師，天師，經籍度許葛。

舉雲輿。

高功長跪，啓白。

唱道讚。華夏引，高功詣醮壇，入地戶，升天門，上十方香，上御案香，焚降召符，密呪。長跪，上本位香。表白開啓。

臣聞潛融一炁，肇形於混沌之初。判立三才，資始於洪濛之劫。玄恩普被，道蔭咸包，橐籥陰陽，鈞陶人物。故無幽而不燭，是有禱以皆通。恭焚

道香，德香，無爲清靜自然香。奏啓虛無自然元始天尊，太上大道君洞玄靈寶天尊，太上老君洞神道德天尊，昊天玉皇上帝，紫微北極大帝，句陳星宮天皇大帝，十方靈寶天尊，后土皇地祇，東極青宮太一救苦天尊，東華上相木公青童道君，南極長生大帝，白玉龜臺九靈太真金母元君，九天上帝，五老天君，三十二天上帝，五福十神太一真君，上清十一曜星君，日宮孝道仙王，月宮孝道明王，中天北斗九皇星君，天地水三元帝君，北極四聖真君，玄中大法師，三天扶教輔元大法師，正一靜應真君，靈寶經籍度三師真君，太極左仙翁沖應真人，九州都仙太史高明大使神功妙濟真君，泰玄都省主宰高真，天樞院主宰上聖，周天三百六十五度列宿星真，三界五帝大魔王，十方無極飛天神王，某人本命元辰真官，北陰酆都大帝，水府東霞扶桑大帝，五嶽真君，五嶽五天聖帝，靖廬治化仙官，江海河源聖衆，三洞經法錄中靈官將吏，太歲官君，城隍典祀，三界官屬，一切威靈。

仗此香雲，普伸供養，玉音攝炁，靈風聚煙，紫虛鬱秀，輔翼萬仙，執錄把籍，同到帝前。令臣關啓，咸賜如言。奏爲鄉貫嗣法錄弟子某人，投度師某人，進傳上清靈寶大法。已行錄奏天闕，申牒三界合屬真司。涓此剛辰，恭就某處，開壇傳度。修設清醮一座，延奉三天上帝，九極高真。召三界以齊臨，異萬仙而俯降。容其傳度，許以告盟，證錄禱祈，鑒瞻修奉，醮筵已肅，壇墀粗嚴，恭對高真，關行法事。

知磬舉啓堂頌。

都講舉各禮師。

高功宣五方呪。

舉鳴法鼓。

發爐 衆官等各長跪。

高功出官。

謹出臣身中五體真官，功曹將吏，開化定道，陰陽功曹，消灾散禍，解厄君吏，各十二人出。某建節監功大將軍，直使功曹，陰陽神訣吏，各二人出。出者嚴裝，住立營衛匝繞。臣身中郎吏虎賁，察姦勾騎吏，都官僕射，天丁力

士，治正執正吏，收神食神吏，收毒食毒吏，收精食精吏，收邪食邪吏，誅符破廟吏，剛風騎置吏，驛馬上章吏，飛龍騎吏等官。並皆屯駐臣左右前後，受臣詞語，關啓此間土地，里域正神，治化靖廬名山，洞天福地，海嶽太歲官君，治中將吏。謹同誠，上啓太上無形無名虛無自然至真大道無上元尊金闕七寶玉陛下。臣受法之日，約以流通濟物，是先接人爲切。今謹有某人，謹爲進拜詞文，上祈玄感。當令臣所啓者達，所告者應，所禳者却，所濟者度。功曹使者，飛龍騎吏，分別關告，以時上達。列啓事竟，各還臣身中，復於宮室。須召復到，一如故事。

各稱法位

具位臣某，與合壇官衆等，謹同誠，上奏啓虛無自然元始天尊，無極大道太上道君，太上老君，昊天玉皇上帝，紫微北極大帝，十方。靈寶天尊，后土皇地祇，南極長生大帝，青華大帝，九天上帝，五老天君，三十二天上帝，十極天君，玉虛上帝，玉帝大帝，東華南

極，西靈北真，玄都玉京，金闕七寶，瓊臺紫微上宮，靈寶至真明皇道君，上相上宰，上保上輔，四司五帝，長生大君，好生韓君丈人，度世司馬大神，日宮帝君，月宮皇君，五方五德星君，四炁四曜星君，北斗七元真君，斗中帝座，輔弼星君，南上司命司錄，延壽益筭，度厄尊神，三十六部尊經，玄中大法師，靈寶經籍度三師真君，天地水三元帝君，北極四聖真君，太極仙翁沖應真君，九州都仙神功妙濟真君，泰玄都省高真，歷代傳經演法真仙，三界五帝大魔王，十方無極飛天神王，天樞院主宰高真，二十八宿周天列曜星君，本命元辰，太歲尊神，北陰酆都大帝，東霞扶桑大帝，五嶽正副真君，五嶽五天聖帝，靖廬治化仙官，江海河源聖衆，三洞四輔法籙中靈官將吏，城隍典祀，三界官屬，一切威靈。臣伏聞無形無名，即玄真之妙蹟。有光有象，乃聖化之靈機。混成宇宙之前，肇造乾坤之本。分茲一炁，育破三才，宰制萬靈，陶成庶類。於是元綱啓蘊，立萬劫之根宗。

大梵發輝，漏九清之秘奧。三洞流布，九品宣行。本惟佐天化機，亦以彰於道要。因師尊之開度，跨古今以欽承。臣猥以庸鄙之資，叨綴班行之末。濫師至化，叨眄靈文。所宜隨力以宏科，不敢因人而廢事。既承潔己之進，當開勤道之途。授受不窮，所以副大教作成之意。繼成有格，須祈求高真鑒度之恩。是用瞻碧霄界以投誠，想白玉樓而稽首，不慚塵陋之禮，冒聞玄極之高。伏願五色卿雲，擁擲火流鈴之仗。三華黃道，降飛龍唱鳳之車。衆聖臨軒，萬真就列。臣等百神震惕，一念精純，拜首瑤壇，敢伸降重。

初獻茶酒

臣謹重誠，上啓虛無自然三境至尊，昊天玉皇上帝，紫微帝座，九極高尊，三天主宰，三十六部尊經，玄中大法師，三天大法師，靈寶經籍度三師真君，三洞四輔法中主執聖衆，靈官將吏，三界官屬，一切威靈。臣聞道本無言，因經科而立。教化垂有，作出法籙以度人。九品三乘，遞相通貫。六書

八體，互以發明。傳於天中，爲萬品指歸之路。降乎人世，開群生修進之門。自非歷劫之良因，安得一窺於正典。故教剛精練，始可爲師。志慮清高，乃容受法。立功建事，上以贊於玄猷。勵行飾躬，內以檢於凡質。科條至重，付度不輕。如臣本匪良資，實無達識。五芽三素，豈知練習之源。六慾七情，徒逐沉迷之浪。所當省己，安可接人。蓋以立誓盟心，登壇受質。雖戒張皇而妄泄，不許緘祕而失傳。況承勤懇之詞，願被正真之化。豈以臣之不才，終加抑絕。幸其人之有志，僭爲申膳。臣雖昧通真達妙之機，然不敢傳叛道罔人之法。爰從彝典，用葺靈壇。奉高聖之回光，仰至真之在御。輒披凡悖，上瀆宸嚴。設醮青詞，謹當宣奏。

宣詞，焚詞。

按如詞言，情誠堅切，義當接引，不敢遜辭。伏以靈寶神章，洞玄上品，延康之始，莫測其端。龍漢之初，漸彰其妙。結飛玄之正炁，成隱祕之靈音。發五鎮之根宗，經四譯而昭布。寧家

國而讚帝王之治，調陰陽以輔造化之功。上聖高真，莫不因茲而證道。沉靈幽爽，豈非假此以遷升。實萬品之津梁，乃千靈之規範。雖巍巍之典，傳度不輕。然浩浩之功，包容無外。有若臣庸愚末學，謬居師匠之階。嗣法某人，塵碌凡資。僭受仙靈之職。事俱越分，理實愧心。尚祈天造之慈憐，更冀師恩之覆育。許容傳度，俾遂進遷。赦原臣等九祖宿愆，萬生重過。罪籍先除於黑簡，真階早紀於玄都。臣等驚冒瀆之漸繁，第醮儀之有式。敢陳亞獻，以薦克誠。臣與嗣法弟子，無任戰兢之至，稽首再拜。

亞獻法事。

獻畢，舉十方靈寶天尊。

嗣法弟子再拜，啓白。

此作掌記寫，或領贊引代念。

嗣行靈寶大法具位臣某，誠惶誠

恐，稽首頓首再拜，上啓三境高真，萬天上帝，東方無極太上靈寶天尊，南方，西方，北方，東南方，東北方，西南方，西北方，上方，下方無極太上靈寶

天尊。願賜矜憐，俯垂鑒錄。臣千生慶幸，一旦遭逢，嗣法傳真，遷階進職。永堅素志，不敢負心，儻渝誓盟，甘從譴罰。今與師分環剖券，立誓飲丹。伏望證明，容臣受度。臣無任望恩，激切之至。

舉天尊號。

師與弟子，回班對立。

高功啓白，宣戒。

恭聞靈寶之道，洞玄之宗，獨步玉京，度人無量。受之者功遷九祖，修之者形陟九霄。乃萬法之靈樞，總十方之正教。巍巍大範，德難可勝。受其法者，固所當修，戒其所必戒，修爲不替，神仙可期。對天發揚，先明十戒。

第一戒者，無忘八極。忠者欽之

極，孝者順之極，齋者戒之極，敬者禮之極，寬者廣之極，裕者樂之極，容者和之極，忍者智之極。天以北辰爲極，地以五嶽爲極，屋以棟爲極。天以有極則能聚衆炁，地以有極則能聚衆形，屋以有極則能聚衆木，人有八極亦如是也。故能聚衆善，善立則道備，道備

則所見自然開煥，所應自然調適，此得靈寶度人之基也。

第二戒者，無忘鑑水。鑑者，喻心。水者，喻性。心清則萬法皆照，性靜則五濁不歸。道之在人圓通，非蒙蔽可了，亦非躁動可達。託鑑水而悟心性，此得靈寶度人之體也。

第三戒者，無忘日錄。日錄者，所修檢善惡。人之處世，患不自知，患不聞過，患不聽言。不自知則無所悟，不聞過則無所改，不聽言則無益。今以日錄，日錄所爲不可下筆處，皆己之非也。改之爲貴，則日錄者不教之師，不說之友，不詔之君父，不約之法度也。不可忘之，此得靈寶度人之想也。

第四戒者，無忘追度安鎮。人之所親，不過父祖，所尊不過君上。君上父祖之德，必報之者，追度安鎮是也。追者，謂誦經行符，上爲父祖六親之過去者，以資冥路。度者，謂誦經行符，上爲父祖六親之見存者，以資福筭。安鎮者，謂誦經行符，上祝國皇帝主聖壽，安鎮四方，召龍行雨，驅妖馘毒，保

護民物，禳度星躔，皆其一也。其或在家人行祖父之志，或居官分君上之職，種種利益，有可報稱，皆即爲之。凡木之葉落，尚糞其本根，則歸根復命之義也。人之根本反始，不可不勉，此得靈寶度人之宜也。

第五戒者，無忘治救之術，慈憫所先。凡有病者，爲其行符誦經，至誠禳却，如己至愛男女父母。凡有方便，種種惠澤，皆盡其心。如蒞官行法，務布陰功，寬平設法，三省而行，再思而動。其或修治橋梁，當道種植，有益於世者，皆力行之。夫人之有慈，念木有根。人而不仁，逮於禽獸。故猩猩活象，義鵲搏蛇拔難，有始此者可思之，此得靈寶度人之由也。

第六戒者，無忘服鍊之術。參同天地，效法陰陽，念念正真，存存不缺，劃然超脫，變化無方。今之蟲豸，有外捨陸走，而至飛翔。地脉川遊，而遂奔逸。在物既爾，於人當然，此得靈寶度人之方也。

第七戒者，無忘剛潔。剛則有正，

不行非淫。潔則戒行，不慕非食。不非淫則不損身之精神，不非食則不殺物之性命。見人妻女，如己尊親。見物性命，如己所生。自然精神全而冤對少，此得靈寶度人之實也。

第八戒者，無忘儉約。凡所求物，當知皆是元始祖炁化生。灰水蕩穢，不用修飾。粟菽充饑，不用珍庖，此得靈寶度人之福也。

第九戒者，無忘願約，願者，從初入道，時發善心。約者，既入道後，設誓天地，神明司之，無輒中變。科戒不可不守，此得靈寶度人之念也。

第十戒者，無忘師友。師者，所以教。友者，所以勸。教者，似父。勸者，如兄。既爲父兄，可不欽重而委棄之乎？此得靈寶度人之宗也。

上來十戒，乃師尊付授，發明古經。夫經蘊道之機，法乃經之用。欲遵正教，修謹爲先。守之行之，毋得中怠。億曾萬祖，幽魂苦爽，皆即受度，上升朱宮。修之益勤，學之不已，功滿得就，皆得神仙，飛升金闕，遊宴玉京，



子其勉之。

### 次分環剖券

夫環券者，所以結誓三官，告盟十天，承永堅信。度師不敢隱真出偽，弟子不敢叛道背師。分環永不渝盟，裂券永不負誓。始勤終怠，五帝錄愆敬佩精修，九天同福。對聖披受，終身寶持。

次弟子與度師，共執朱筆。章表以環券各入袋。

度師云：回筆指天。

弟子云：上不負天。我若負天，七祖受刑，天若負我，日月不明。

度師云：回筆指地。

弟子云：我不負地。我若負地，身受刀兵。地若負我，草木不生。

度師云：回筆指心。

弟子云：我不負心。我若負心，合門不生。心若負我，道化不行。

次度師捧水盂，執筆，白云：付度已訖，歃血重盟，以丹代血，各堅其心，飲此丹華，通真達冥，中理五炁，混合百神，十轉回靈，萬炁齊仙。

師與弟子及道衆，各回班，還本位。高功再白，對聖補受公帖，宣行表白，對聖宣補職帖。弟子長跪，章表以環券并帖，付弟子。

弟子執券，白云

臣賦性昏愚，植資凡下。誤蒙天澤，叨進仙階。裂券分環，立盟結誓，對天領職，被寵實深。臣敢不益勵素心，永棲正教。儻有違負，一從玄科。臣無任懷恩，激切之至，謹稽首禮謝。

高功宣科

臣謹重誠，上啓三清上帝，九極高真，三界靈司，十方衆聖，醮筵列位，一切威靈。臣聞道在人宏，法因師度。繼承不絕，乃能敷暢於真風。流布無窮，可以恢彰於大教。引後世於背暗向明之域，躋生民於遷善遠罪之途。將成輔正之功，實以度人爲切。但臣稟資退鈍，賦性愚蒙。學未際於至人，道不逢於真授。僭當傳度，大失典儀。豈謂萬聖流慈，衆真孚佑。不遺么賤，曲賜包涵。乃容勉強以行科，俾遂扶持而畢事。分環破券，立誓結盟，露刺對

齋，飲丹受職，威儀粗備，實荷垂恩。所愧薦獻之誠不全豐潔，醮修之禮罔極精嚴。壇墀不崇，請陳失格。儻憐其愚則可赦，若錄其過則難逃。願祈曠蕩之恩，普宥狂愚之罰。庶使臣與嗣法弟子，早逢妙旨，獲悟靈機。進修無障難之侵，符法契神靈之助。呼吸有應，關奏咸通。身得道真，名題丹簡。下同鴛累，俱賴恩私。上願道法興行，真科闡布，天清地靜，日麗月明，社稷宗祧先聖，騰駕於常陽之館，遊神於大漠之庭。福及皇圖，慶流神嗣。今朝皇帝，乾坤薦祉，嵩華齊齡。億萬斯年，永迪無疆之慶。百千其葉，終符過曆之祥。海宇丕平，邊陲寧謐，五兵不試，六炁均調，禾稼滋豐，人民康樂。隱谷棲巖之士，修真進道之人，行就功成，早拜九天之召。升神鍊質，克爲三境之臣。次冀臣等宗祖先靈，師資往識，自知宿命，長超冥昧之鄉。早悟真宗，徑陟逍遙之境。以至六天十地，三途九幽，悉被宸輝，盡沾沖磨。罷停拷掠，解釋冤纏，遊靈飛爽之無歸，沉魄

迷魂之未度，咸令警省，普遂消閒，賦性立形，含情受命。羽毛鱗介，草木昆虫，不逢橫傷，並臻生理。臣等深慚累瀆，難駐群真。敢伸終獻之私，少酢酬恩之至。臣與弟子，無任戰慄，稽首再拜。

終獻法事

臣謹重誠，上啓大道高真，瑤空上聖，臨壇監度，一切威靈。臣聞道虛善應，天高聽卑。故茲傳度之壇，特沐臨觀之澤。惟是冒干天聽，輕瀆靈威。惶懼實深，驚危失措。尚祈寬宥，曲賜矜原。補受事終，醮修禮畢，仙凡有間，仗衛難停。清蹕收音，已返瓊輿之駕。紫雲斂綵，難隨玉輦之蹤。將吏還司，真靈復位，徒深戀慕，陪切依歸。注想天階，百拜奉送。

送神頌，納官，復爐。

出堂，詣師幕。

高功長跪，致謝師詞。

修齋，雲輿，焚燎。

向來，酌酒。

念善，謝師，交賀退。

允中嘗聞，道之難聞也久矣。中古以後，科教興行，而大道隱晦。世降愈下，法術盛行，流之多岐，日以駁雜。三洞之品，自漢天師宏正一之宗，而天心正法出焉。當其受印劍於玉局，蕩妖異於寰區，法之濟時，厥勳盛矣。天心眷牘，歷魏晉之變遷，經南北之分治，散失淪墜，幾不可考。五季之後，有譚先生、饒先生，相繼祖述而成書。雖曰三符二印為宗，而其名稱職位、體格言詞，悉非漢制。及其天條鬼律，遂有徒三年杖一百之刑。按徒杖之名，乃定於後周顯德之間，亦非漢天師本文。漢之刑曰笞三百、笞二百之類，與今不同也。聞饒君頗通達幽冥之事，恐其欲以俗格，而警勵世人，或他有所見。又於傳度之時，給仙誥以補職幽冥，世法為之，元妙宗遂因其式而編叙。紹興之初，路真官再編天心法。則用世法，以定之者尤衆。路君高才博達之士，撰傳度科文，又於其法十卷之首，各作一叙，

極為精確，超越古今。惜其所見有偏，陞天師與上帝同列，奏告尊崇之比僭。天尊獨躋萬真之上，失於礙理，良可恨耳。惟出給仙誥之事，路君却不從舊例，止給補帖而已，大為允當。夫人世官爵受命於君，故出給告身。若大臣便宜，補人以官，亦不過給帖僭補。非得君命，不給告也。矧傳法之規，乃以科教，有此典式，依按而行。初非面覲上帝，顯奉天旨，止於備錄奏告，依儀傳度，皆補職帖而可，雖宗壇亦止於給帖。幽陰之事，安可全用世俗格式，擅作告命，誠不可行。此事獨於天心見之。若靈寶大法，自葛仙翁而經典宏敷，至許旌陽而法法大備。雖混元法，亦以許君為宗。而淨法秘法，與靈寶分派，終未嘗有諸詭怪之狀。紹興之後，天台靈寶之法，行於浙東，於是混雜偽妄，甚於天心矣。如經中依格告盟十天，蓋奉金寶以詣師，啓十方而結誓。言出諸口，天不我欺，欲重其事而不致輕慢，乃經中

之意。金寶本無數目，盟天立儀傳法，則師與弟子對齋結盟，分環破券。俾師不得隱真，弟子不得背師，此其義也。天台靈寶法中印券品，乃以黃縑十片，朱篆弟子某稽首東方玉寶皇上天尊。十方皆依《救苦經》天尊聖號，逐一朱篆。於傳法之際，以十方天尊之號，當中分割，名曰告盟十天，且如世間文字，有干涉、乘輿、官禁、輦蹕之類，皆平闕，謂其近於君也。豈有正篆天尊聖號，而當心剖之乎。又立券式，以經籍度師，排書而順列於上，以父母三代，逆書而倒列於下，名曰三天文券。古者引九祖以告盟，言禱之天。臣若有違，九祖同罰。亦重其約也。書券而倒安於下，可乎。不知何人為此怪證。彼不知天尊初非剖破之文，父祖豈是顛倒之物。是可忍也，孰不可忍也。其餘典格可以類見，恐吉人善士不探源流，陷身於逆，故復深辯之。分券，乃師弟子恐其相負也。天尊何嘗負汝。天尊不與世

人分券也。券上略為合同之誠，有一符在剖開處而已。靈寶臨壇，並啓十方天尊爾。允中所編，一遵古式，給帖補職，亦從舊儀，帖尾之辭，允中以法中之義，撰述欲知文飾，從便更易可也，格例則非自立也。法中將吏，皆屬上玄，非天心正法用嶽下將兵，乃考召諸法，可以交撥，此乃臨事請降者也。天台法中破壞經句，以為將吏司局之名，盡出附會臆說，已詳論於三界官曹品次，不可襲非蹈妄而用之。帖中略具本法，合召將吏，以備典儀，非交撥之例，皆舊例也。倣倣朝廷，私作告敕，決不可行。識者所當深戒。天心正法久已混淆，靈寶神文豈宜隨俗。至如傳受，近來多增十天盟告，雜儀頗衆，諸方互有不同，悉非本經舊典，難以輕用。及其傳度行科，或用天心法傳度之文，或以他醮之語參雜宣啓，却與傳靈寶大法事體大不相侔。古法中雖有其辭，而科文未備。允中今從舊典，校正編撰，並從本法

之義，免致於上帝前，事屬此而口言彼也。宗派源流，各有所主。儻非傳度此宗之法，而用允中科文之語，尤其不切事情。非此宗派者，自別為之乃善。

上清靈寶大法卷之四十三

### 上清靈寶大法卷之四十四

洞玄靈寶法師南曹執法典者  
權童初府右翊治金允中編

#### 鍊度

高功先就上帝前，密啓事。次退身，就道場側東南，敷座如法。

#### 祝香

夫香者，稟資靈秀，植質芬薰。蓋將以寓誠敬之心，故得上徹沖虛之境。瑞靄騰而九清可格，祥烟布而三界遙聞。以今初捻上香，供養無極大道，上帝高真。以茲功德，上資宗廟尊靈，社稷先聖。升神紫極，流慶皇圖，繼聖無疆，卜年有永。今朝皇帝壽均天地，福等滄溟，萬類昭蘇，十方寧泰。以今二捻上香，供養日月星辰，天曹主宰，三洞經籙，法中聖衆。以茲功德，奉爲齋官某等，各家九玄七祖，五族六親，近逝神儀，先亡靈識，及係薦某魂，以至萬類幽靈，五道孤爽。伏願悟本知根，出迷

入覺，冥關幽路，咸遂昭明，天上人間，長居快樂。以今三捻上香，供養地水真靈，嶽瀆主宰，十方列聖，三界職司。以茲功德，歸流齋官某等，見在宗姻，各家眷屬，伏願福祥臻萃，壽祿維新。悉承涵育之恩，俱被沖虛之化。傍均動植，普遂生成。

#### 次啓聞上帝

具法位臣姓某，以今再拜，奏啓虛無自然元始天尊，太上道君，太上老君，昊天玉皇上帝，紫微北極大帝，紫微天皇帝，后土皇地祇，太乙救苦天尊，東華上相木公青童道君，白玉龜臺九靈太真金母元君，九天上帝，五老天君，二十二天上帝，日月星君，北極四聖真君，靈寶五師真君，九州都仙太史高明大使真君，太極左宮仙翁沖應孚佑真君，三洞四輔法籙中高真上聖。恭祈宸鑒，俯錄愚衷。臣聞造化分形，乾坤定位。明則生人物，幽則有鬼神。死生不免於輪迴，報對遂分於升墜。是以謫役列三途之異，幽沉有六道之分。或歷劫之不原，或積年之未脫。

長夜冥冥之莫旦，幽鄉杳杳之無窮。儻非上帝之寬恩，豈得陰靈而曲濟。臣不量淺質，叨綴靈班。冒領齋修，濫司典教。以今齋官某等，按科薦事，瀝志輸誠。願夜壑之均休，祈幽魂之俱度。臣已嘗錄奏，僥倖矜從。是以整肅壇場，輒欲普行鍊化。然而肇育庶彙，陶冶萬生，惟天之功，豈人之力。但以科教之設，要當濟拔爲先。儻非玄造之哀矜，豈得幽魂之超脫。伏願道恩廣覆，天造普矜，特與告下東華上相宮，西靈龜闕，及南方丹天世界，朱陵火府，南昌上宮，日月二宮，鍊度合屬去處。亟令照應，即賜施行。降金木之神輝，錫乾坤之正炁。蕩除陰翳，整復魂神，萬類四生，悉被生成之澤。三途六道，咸離幽暗之鄉。臣謹按科奉行拱，俟天恩報應。臣誠惶誠恐，稽首頓首。謹言。

#### 焚降真召靈符。就座，召將吏。

靈寶本章，追拔亡魂。上品妙首，十回度人。中有度人不死之神，中有南極長生之君，中有度世司馬大神，中

有好生韓君丈人，中有南上司命司錄，延壽益筭度厄尊神，回骸起死，無量度人。今日鍊度，諸天臨軒，傾光回駕，監真度生，諸天丞相，南昌上宮，韓司主錄，監生大神，執籙把籍，齊到帝前。隨所應度，嚴校諸天。上帝有命，萬神咸聽。謹召南方丹天世界，朱陵火府，南昌上宮，鍊度衆真，鍊度大神，木宮真陽生炁主執靈真，日宮炎光童子丹霞玉女，日宮神仙，火府玉童玉女，火鈴童子，火鍊官君將吏，金宮真陰正炁立執靈真，月宮圓光童子，散輝玉女，月宮神仙，水鍊玉童玉女，水鍊官君將吏，鍊魂度魄聖衆，靈寶官屬，一切威靈，速降壇所，稟符奉行。

存將吏降臨，次念五帝真諱。

功都成午，切角鎮酉，興生轉子，可韓明卯，獨隸遷中指中，功都聚魂攝。

南方炁，剔訣，吹受鍊亡魂。再

念：焚真文。

紅杏持到卯，嘿黑捷同子文，磨針計刀酉文，襪臘收成午，靈寶萬物中指中文，息利合通。正一成法，智益可真。取驛令

下攝。

右取五方五色炁，見存諸局功曹，乘五色真炁浮空而來，各為係鍊亡魂，收召魂神，澄其性識，使之受鍊。

自此至五芽真文止，皆同正薦行持式。此不重述。

舉幡出池，至壇之中正立，高功白云：

到壇應受度三途十類，五道四生等衆。早纏世網，夙昧真修，九炁無歸，五行蕩失，三魂受譴，萬劫飄流，不假良因，難回生理。當職既依典格，啓告真靈，體乾坤造化之功，法陰陽和合之數，匹配水火，濯鍊形神，降兩曜之精華，結五行之沖秀，立根受祖，溟滓生精，杳冥聚真，恍惚有象。蓋物有終而必有始，理以變而乃通，鬼復爲人，身當仙化。除已表聞九上帝，乞爲流祥頌慶，錄本生神。錫正炁於九關，合胎圓於十月。再資混沌，重睹光明。謹上請帝真胞命元元一黃演之炁，無纏其胞，使胞源宣通以生成。

焚第一章符，諷章。

此九章，高功行持，道衆諷誦，與正薦同。此不再述。

### 說戒

於鍊度後，誦呪，至逍遙，上清訣，畢。即讀白文。

伏聞大道昭然，無往而不在。以至事物，皆有正理，不可紊也。天地鬼神，亦不能離大道，越正理也。夫日月煥耀，星辰昭回，寒暑之有常，推移之有候，潤之以雨露，鼓之以風雷。育萬物而不以爲功，調二氣而無爽。其節運旋不息，此天之道也，天之正理也，此其所以爲天也。山嶽之崇厚，河海之宏深，草木之芳榮，穀粟之播殖，載萬物而至靜，奠六極以無垠，此地之道也，地之正理也，此其所以爲地也。舒慘陰陽，贊夫造化，禍淫而福善，嫉惡而害盈，正直以不私，聽明而晦迹，神化罔測，變通無窮，此神之道也，神之正理也，此其所以爲神也。稟天地之炁，乃陰陽之和。雖結幻妄以成身，實以清明而賦識。爲人主則代天之功，保民而王，澤被生靈，恩流萬世，盡君

之道，茂厥丕基。以至爲臣則忠，爲子則孝，在民庶則守常而行信義，立德而懷慈仁，富貴貧賤，歸之分定，死生榮達，不易其本心，此人之道也，人之正理也，此其所以爲人也。道者，不可須臾離也。惟天地則法道而成，故天地長存，而不知其終窮。若鬼神則有邪正之分，升沉之別矣。至於人之修爲，習尚禍福報對，莫非以類而形，不可槩論。然天地尚不能離大道，越正理，況於人乎，又況於鬼神乎。至於萬物稟炁之不純，異質之或異。或爲畜獸，或爲禽蟲，或能鳴而無知，多有性而少慧，此則不可責之以道，正之以理也。人爲萬物之最靈，所以天地之性，人爲貴也。於是生則爲人，而生不可以無終，未免死而爲鬼。儻一性不滅，陰極則陽生，故鬼復爲人，至此則輪迴之說興焉。所謂大道之昭然，正理之不昧，何間於天地，何幽乎人物，何拘乎鬼神。天上地下，無極無窮，皆不外此乎。若夫修齋行道，燒香然燈，祈告真靈，懺謝愆過，攝召鬼爽，度化魂儀，迺

上帝高真，聖師前哲，垂科立教，利濟幽顯，訓導將來，開悟迷執者也。今齋官歸真向道，備禮陳儀，願濟存亡，請修齋直。本職受詞關告，不敢昧其心，不敢違其格，關宣將罄，功德告成。所是普召六合內外，萬國之中，六道三途，四生萬類，若凡若聖，一切幽魂。沐浴朝真，聞經享供，整聚神識，懺滌愆瑕，種種善緣，皆已周畢。拘纏已釋，罪惡已消，所有度脫之階，超騰之路，却在己而不在人，在內而不在外。一性悟徹，萬慮驅除，神自不淪，何須他計。更冀到壇衆等，以賢者而訓昏愚，以覺者而救迷著，互相勸化，深切省循。上而神祇亦幸垂聽，毋背大道，毋越正理，毋肆行威福，毋侵暴生靈，毋混雜邪魔，毋擅作妖怪，毋希求血食，毋交通生人，毋示現形儀，毋障固王土。翊天贊化，康時保民，將見漸陟崇階，進登尊位。人而爲鬼者，生前貴盛，至此不必耽戀榮華。生前富足，至此不必執著財貨。生前貧賤，至此不必怨懼窮苦。生前嫌隙，至此不必隱

蓄冤忿。或修真而不就，或學釋而未成，至此當爲後圖，毋蹈舊跡。百工九流，士農商賈，五姓之衆，萬類之民，貴賤不同，賢愚異致，莫不身已壞滅，世事皆空，所當盡捨情緣，不須迷執。惟有失德而累過，越理而積愆，則當痛切悔懲，深自警省。非謂前事皆舍，於此猶存，蓋欲念過思愆，不蹈覆轍，以爲將來之戒，而作返生之計也。豈應失德越理，於生世之時。乃復蹈過乘非，歸陰之後哉。故不當延注生人，不可纏害親屬，不必圖報冤隙，不須留戀故居，不得作爲影響，不宜希求祭祀，凡此皆無益於鬼魂，乃所以爲超生累爾。所有惡殞橫終，孕亡產死，或零落肢體，或斷首殘身，或耳聾目盲，或瘡痍潰爛，應是被傷染穢，形質不全而死者。當知人以精血立形，五穀養體，一靈之性，本自虛無。及其命終，血腐肉敗，有質之物，復歸于土。所謂一性，何緣有傷，亦未嘗染穢。故不必記將終之想，不宜着垂死之形。若鬼若人，能悟此機，亦正理也。向之銜刀帶索，

今已不存。昔日染穢受腥，今已清淨。人間天上，所至超然，是果在我，而不在于人矣。萬類之衆，凡聖之靈，既知大道不遠，正理坦然，則天不棄我，地不拘我，爲神則能變化，爲鬼則不沉淪，返生爲人，亦必高達。冤讎執對，不使之消而自消。魂魄精神，不使之復而自復。由此言之，天堂有必可升，地獄終不復見。儻得返生人世，則正理根於本心，忠孝出於天性。在幽在顯，永與道俱。是以歸依三寶，洞徹根宗，凡聖鬼神，各各諦聽。

#### 按人各恭敬

第一皈依，無上道寶。夫道寶者，無形無名，先天先地，孕育離坎，肇造乾坤，渺漠長存，希夷罔測。或因時而出教，或御運以開光。羣生日用而不知，萬劫恩流而無極，人間天上，處處皈依。

#### 道寶讚

第二皈依，無上經寶。夫經寶者，九清真典，三洞靈文，八角垂芒，五篇鬱秀。或妙炁飛空而結篆，或真人按

筆以成章。億萬劫中，宏敷衆化，三十六部，訓育群生。今古承休，顯幽蒙惠。人間天上，處處皈依。

#### 經寶讚

第三皈依，無上師寶。夫師寶者，玄中教主，三洞宗師。傳錄授經，流科演法，分身而行道，拯世以垂文。爲萬代之科模，作十方之矜式。提携後學，接引迷途，或返景於遙空，或留形於象外。人間天上，處處皈依。

#### 師寶讚

向來歸依三寶，已徹根宗，何拘聖凡，初無二理。其間遷升有格，返生待時，未免暫駐陰冥，亦須常循正理，鬼神十戒，先當受持。及其再涉人倫，結形陽世，則以忠孝爲本，廉謹自將，九真戒文，次宜謹守。聖凡有衆，祇聽戒言。

智慧生戒根，真道戒爲主。三寶由是興，高仙所崇授，泛此不死舟，倏歛濟大有。當此說戒時，諸天皆稽首。

#### 鬼神十戒

第一戒者，不得非時出入，衝突生

人，妄入人間，通連作怪，令人夢想顛倒。衆和：惟願陰靈，第心受度。

第二戒者，不得輒同外魔客鬼，亂索飲食，拋沙擲瓦，恐嚇生人。

第三戒者，不得輒引瘟疫入界，侵暴良民，令人疾病，延累親屬。

第四戒者，不得禁護王土，妨人種植，強占林木花果，隱蔽天租。

第五戒者，不得輒動四方火精，燒人宅舍，損害貨財，敗人家業。

第六戒者，不得邀求血食，罪障轉深，報對輪迴，無有休息。

第七戒者，不得使諸妖怪，鴉鵲狐狸犬鼠，驚怕生人。

第八戒者，不得傷人六畜，後生報身，永墮幽陰。

第九戒者，不得縱逸車馬，妨礙生人行往，興禍害人，自求私便。

第十戒者，不得爲人作禍，取受情囑，令人疾病，追人生魂，使人迷妄。

衆和：惟願陰靈，齊心受度。

#### 九真妙戒

第一戒者，敬讓，孝養父母，是名

初真戒。衆和：惟願陰靈，齊心聽受。

第二戒者，克勤，忠於君主，是名念真戒。

第三戒者，不殺，慈救衆生，是名持真戒。

第四戒者，不淫，正身處物，是名守真戒。

第五戒者，不盜，推義損己，是名保真戒。

第六戒者，不嗔，兇怒凌人，是名修真戒。

第七戒者，不詐，諂賊害善，是名成真戒。

第八戒者，不驕，傲忽至真，是名得真戒。

第九戒者，不二，奉戒專一，是名登真戒。

### 舉奉戒頌

上來戒法，想已欽承。天上人間，幽鄉人世，心心不亂，念念無違。然而本來一性，元自清明，良心善意，自然而然。又何懼於升沉，又何假於戒律。惟其習而陷諸惡趣，流入於他岐，戒

律亦不得而施也。尚悟本之根，及證

真之性，爲鬼則不沉不惑，爲人則無禍無愆。一動一爲，無非大道。一思一

慮，不背正理。到此地位，可不戒而自戒矣。然在陰之日，不宜戀着。以至

世間功名富貴，華屋危樓，錦綉綺羅，金珠璧玉，珍羞異味，大蓋高軒，聲色

之娛，車馬之樂，奉養之物，受用之資，眷屬之情，妻子之愛。至於飢而欲食，

寒而欲衣，得之則生，失之則死，是真不可闕者，第無非有身之累，在世之事

爾其如此。身既不得長生，凡此等亦不可長有。宜知此身留不住，萬有盡

成空，生死異途，貪愛無益，是豈非天地間之正理，合當若是耶。況人一死

之後，茫無形體，陽間之食不可得而餐，人世之衣不可得而服，若餐若寒，

安能相累。故《道德經》云：吾所以有

大患者，爲吾有身。及吾無身，復有何患。理甚昭然。正緣情愛不忘，事物

在念，貪求祭祀，牽戀眷姻，自離迷執之途，遂生飢渴之想。上來嚴陳淨供，

虔置斛筵，亦何是以浼諸鬼神，蓋欲其

間未能徹悟者，遂其想念，解其執迷，

而今而後，洞察此理，既無身矣，何資飲食。而世有奉先之禮，祭祀之誠，示

人情不忘本也。一性明矣，豈待於享祀哉。爲鬼爲人，在幽在顯，萬緣不

著，所至逍遙，豈復有六道之分，三途之役，以至羽毛鱗甲，鳥獸虫魚，悉反

故根，盡辭異趣，永遂生生之樂，咸沾蕩蕩之休。命有太上長生靈符，生天

寶籙，仙經寶誥，功德牒文，以爲升遷之據，謹用宣示。

### 讀符告簡關牒

上來給牒傳符，領薦受度，善功已畢，各各離壇，悉登解脫之途，盡陟清

虛之界。前程進步，更莫遲延。一切聖凡，各惟珍重。

存孤魂陰靈，皆端潔成人，飛騰散去。起身白云：

人身世累本難除，去世無身事已非。

到此既能知此理，湛然真性見天機。

高功下座，表白送魂度橋。

伏以巍巍至道，蕩蕩神功，開方便

之門，啓遷升之路。大恩廣覆，被幽昧



之鄉。玄澤普沾，遍窮陰之府。三途以茲而罷役，六道由此以更生。以今恭啓玄科，修崇齋福，悉資幽爽，用薦冥途。萬類鬼神，九州魂識，既已朝真告道，聽法聞經，呪施淨筵，宣傳妙戒，闡揚妙典，演誦靈文，所建善功，普皆圓備。莫不沉魂釋覺，冥籍消除，萬罪咸原，一靈不昧。各領齋功而善去，咸登淨域以超生。

法橋大度天尊。焚燎。

舉三清樂，向來，回向。

伏以誠可動天，齋悃已騰於三境。教能濟物，道恩下徹於九原。遐邇蒙休，顯幽同慶。以今齋官備陳儀式，崇建齋修，上福君親，普資存歿，凡諸善果，普遂圓成。伏願係薦亡靈，九先神識，十方滯爽，萬國幽魂，六道三途，四生萬類，咸承利濟，盡出幽陰。濯質蕩形，逍遙於三界。明心見性，朝謁於十天。有識羣生，同沾惠澤，含情雜類，盡沐靈休。齊官蒙恩，眷緣俱慶。爲上良緣，念大聖元始天尊，太上道君，太上老君，十方靈寶天尊，不可思議功

德。

切詳黃籙諸齋，濟度爲本。顯則祝君康時，普福羣生。幽則拔鬼度魂，廣資萬類。庶幾遍及，以成善功。或超薦先靈，亡者受福。或禳解灾厄，則生人蒙休。儻切切於一己，而旁無濟度之心，則不足以為齋矣。故施食普度，不可不盡其心也。古齋科中，宿啓建壇，朝真懺謝，禮燈投簡，設醮散壇，古來所行之事，科書並見廣成先生《黃籙齋科》內，非後人所可增損。至於普召六道三途孤魂全類，則近世有廣召之文，沐浴有科書，呪食有白語。惜乎撰述者不加考究，多致礙理。且如所傳六道儀，至地獄道則云：鎔銅灌口，利鋸解形，及皮膚焦爛等語，猥陋甚矣。此等事有無不可必，何須如此形容。外有傳用二十五類孤魂文，亦有兩三本，往往礙理極多。如召娼優，則有酒入香腮，蓮臉長新等語，其可製其可顯宣於鬼神之前耶。如雜類之魂，皆力陳其惡，深許其

短，但欲一時成文，近乎以資戲笑。且呼爾而與之，行道之人不屑也，況於鬼神乎。普度之筵，齋中之大事，當明指大義，開其良心，使鬼神啓遷善遠罪之情。豈無覺悟者，豈召之使來，乃恣加毀罵，極口詆辱，誠非可行。近時有呂雲編《黃籙立成儀》，只為一晝夜之式。昨來臨安府天慶觀，即行所有雜科，多取俗用之本。如送孤魂一段，其中有云：蕩蕩愛河之上，雪浪浮空。沉沉欲海之中，銀波溢目。夫經中所謂流吹欲海，飄浪愛河，蓋人之愛與欲，無有紀極，如河海之深長，隨欲而流，逐愛而飄，若河海不知其止，理甚分明。今乃言愛河之上，則是河有其地，而復有岸矣。至如雪浪銀波之語，尤其過矣。說經如此，豈不有誤幽冥。邇來雜科，類多如此。況普召鬼神，不拘高下，其中豈無高達之魂，辭旨謬妄，必取笑於鬼神矣。今重撰六道之文，召孤魂二十五類文，沐浴科及諸白文等，非敢自以為當。

且使言語平易，章句可讀，常不越於大義，俾略切於事情，免致訐持毀罵，狎侮幽陰，至於傳符度戒，則世傳科文，少有正當者。宋朝建中靖國年間，有士人辛澤，為道士陳誠刊古本《教戒鬼神儀》，大為淳正，而其文頗多。而三歸依之後，又諷《救苦經》與《清靜經》，至末段則全以二經之意，告戒發遣。蓋古來不行鍊度，繁文簡節，是以可行。今鍊度之後，已是夜深，難以久遠宣白，兼其中戒士夫并僧道之類，其辭切直。古人朴厚，不以為過行之，今則發怒者多矣。而古人之文，不敢易其勢，只得別撰傳戒一科，續於鍊度之後，庶成一宗。區區陋見，勉強而成，無文采之可觀，無華麗之可喜，然所可知者，未至叛道而亂科，必不越常而昧理，豈敢追古人之萬一，較之俗用鄙俚之言，則頗為平整，辭語不致怪僻，庶幾臨壇易讀。今自古齋科之外，應干雜用科書，自始及終，盡行重撰，並無闕事。惟有童子科、十王

儀，不可思議功德之類，自古無之。兼其典格乖疏，言辭淺陋，於理不當收用，亦不應編入法內用。並是遵古典所以，措辭立意，重述科書，不敢背違師旨。若行此古法，用此文移，讀此科書，則始終一理，對越上帝，感通鬼神，此心無愧。若不行此法，移諸他所，隱其來歷，而用其言辭，既不切事情，亦失此本意。此外只送魂度橋，舊以水養魚於亭子下，取其魚龍變化，傳達符命之意，仍於亭子四門，各吟偈一首，方送魂度橋。緣道家古來科法中，未有吟偈之格。而近來所用偈子，太涉淺近。既有草龍，以備傳符之儀式，則魚不必用，是以並不編入法內。天下後世高人上士睹此書，豈無興念者，必能刪其冗瑣，補其疏闕，實至願也。

上清靈寶大法卷之四十四

（李遠國點校）

# 002 靈寶无量度人上品

## 妙經

經名：靈寶无量度人上品妙經。簡稱《度人經》。撰人不詳。凡六十一卷。其卷一為《度人經》本文，係東晉南朝古靈寶諸經之一。後六十卷則為後人增益，出於北宋末神霄派道士之手。又有序文及目一卷，名曰《高上神霄宗師授經式》（另見）。底本出處：《正統道藏》洞真部本文類。

### 目錄<sup>①</sup>

- 卷一  
元始无量度人上品妙經  
諸天中大梵隱語无量音  
卷二  
玉宸大道品

- 元始無量度人上品妙經  
上清天中玉宸大道隱語靈音  
卷三

- 天地八維安鎮國祚品  
元始无量度人上品妙經  
諸天中大梵隱語无量音

#### 卷四

- 永延劫運保世升平品  
元始无量度人上品妙經  
諸天中大梵隱語无量音

#### 卷五

- 消穰國君王侯世土灾祥品  
元始无量度人上品妙經  
諸天中大梵隱語无量音

#### 卷六

- 太一神變五福護國禳兵品  
元始无量度人上品妙經  
諸天中大梵隱語无量音

#### 卷七

- 顯瑞符應品  
元始无量度人上品妙經  
諸天中大梵隱語无量音

#### 卷八

- 清微金科品  
元始无量度人上品妙經  
諸天中大梵隱語无量音

#### 卷九

- 禹餘玉律品  
元始无量度人上品妙經  
諸天中大梵隱語无量音

#### 卷十

- 大赤靈文品  
元始无量度人上品妙經  
諸天中大梵隱語无量音

#### 卷十一

- 玉明運度品  
元始无量度人上品妙經  
諸天中大梵隱語无量音

#### 卷十二

- 陰陽化生品  
元始无量度人上品妙經  
諸天中大梵隱語无量音

#### 卷十三

- 太乙元精品  
元始无量度人上品妙經  
諸天中大梵隱語无量音

卷十四

日精陽明品

元始无量度人上品妙經

諸天中大梵隱語无量音

卷十五

月華陰景品

元始无量度人上品妙經

諸天中大梵隱語无量音

卷十六

陰陽離合五行化體品

元始无量度人上品妙經

諸天中大梵隱語无量音

卷十七

扶桑青陽品

元始无量度人上品妙經

諸天中大梵隱語无量音

卷十八

素景曜靈品

元始无量度人上品妙經

諸天中大梵隱語无量音

卷十九

十方聖境品

元始无量度人上品妙經

諸天中大梵隱語无量音

卷二十

碧落空歌品

元始无量度人上品妙經

諸天中大梵碧落空歌隱語无量音

卷二十一

生化胎根斷除邪穢品

元始无量度人上品妙經

諸天中大梵隱語无量音

卷二十二

飛神召靈品

元始无量度人上品妙經

諸天中飛神召靈隱語无量音

卷二十三

降真召靈品

元始无量度人上品妙經

諸天中大梵隱語无量音

卷二十四

神變氣化品

元始无量度人上品妙經

八天之大梵隱語无量音

卷二十五

赤符丹光品

元始无量度人上品妙經

諸天中大梵隱語无量音

卷二十六

明體貫氣品

元始无量度人上品妙經

諸天中大梵隱語无量音

卷二十七

紫光丹靈品

元始无量度人上品妙經

諸天中大梵隱語无量音

卷二十八

三辰光輝保命延生品

元始无量度人上品妙經

諸天中三辰光輝大梵隱語无量音

卷二十九

降真延壽品

元始无量度人上品妙經

諸天中大梵隱語无量音

卷三十

斷絕胎根閉塞死尸品

元始无量度人上品妙經

諸天中回風混合隱語无量音

卷三十一

長生久視品

元始無量度人上品妙經

諸天中大梵隱語無量音

卷三十二

五行順治品

元始無量度人上品妙經

諸天中大梵隱語無量音

卷三十三

五方正氣品

元始無量度人上品妙經

諸天中大梵隱語無量音

卷三十四

騰曜二景五星品

元始無量度人上品妙經

諸天中大梵隱語無量音

卷三十五

九宮仙籍品

元始無量度人上品妙經

諸天中大梵隱語無量音

卷三十六

八景神合品

元始無量度人上品妙經

諸天中大梵隱語無量音

卷三十七

七星除祆品

元始無量度人上品妙經

諸天中大梵隱語無量音

卷三十八

神符除難品

元始無量度人上品妙經

諸天中大梵神符隱語無量音

卷三十九

南宮延生品

元始無量度人上品妙經

諸天中大梵隱語無量音

卷四十

北都除殃品

元始無量度人上品妙經

諸天中大梵隱語無量音

卷四十一

五行備足生靈壽域品

元始無量度人上品妙經

諸天中大梵隱語無量音

卷四十二

祈求嗣續慶延門闕品

元始無量度人上品妙經

諸天中大梵隱語無量音

卷四十三

保胎護命品

無始無量度人上品妙經

諸天中大梵隱語無量音

卷四十四

洞神禳灾品

元始無量度人上品妙經

諸天中大梵隱語無量音

卷四十五

解禳山谷瘴癘品

元始無量度人上品妙經

諸天中大梵隱語無量之音

卷四十六

除禳水火漂焚品

元始無量度人上品妙經

諸天中大梵隱語除禳水火無量音

卷四十七

祈禳水旱品

元始無量度人上品妙經

諸天中大梵隱語無量音

卷四十八

安鎮九壘土祆不祥品

元始無量度人上品妙經

諸天中大梵隱語無量音

卷四十九

消除病癘跛痾品

元始無量度人上品妙經

諸天中大梵隱語無量音

卷五十

蠲化水火災癘品

元始無量度人上品妙經

諸天中大梵隱語無量音

卷五十一

消除疾疫保命延年品

元始無量度人上品妙經

諸天中大梵隱語無量音

卷五十二

玄明洞淵品

元始無量度人上品妙經

諸天中大梵隱語無量音

卷五十三

斬滅五行邪怪品

元始無量度人上品妙經

諸天中大梵隱語無量音

卷五十四

斬滅不祥品

元始無量度人上品妙經

諸天中大梵隱語無量音

卷五十五

追度上世亡魂品

元始無量度人上品妙經

諸天中大梵隱語無量音

卷五十六

濟度死魂品

元始無量度人上品妙經

諸天中大梵隱語無量音

卷五十七

解釋幽牢品

元始無量度人上品妙經

諸天中大梵隱語無量音

卷五十八

迴生起死品

元始無量度人上品妙經

諸天中大梵隱語無量音

卷五十九

化屍受形品

元始無量度人上品妙經

諸天中大梵隱語無量音

卷六十

鍊氣變仙品

元始無量度人上品妙經

諸天中大梵隱語無量音

卷六十一

永斷輪轉品

元始無量度人上品妙經

諸天中大梵隱語無量音

① 此目錄係整理者補。

# 靈寶无量度人上品妙經卷之一

道言：昔於始青天中碧落空歌大浮黎土，受元始度人無量上品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來，飛雲丹霄，綠輿瓊輪，羽蓋垂蔭，流精玉光，五色鬱勃，洞煥太空，七日七夜，諸天日月星宿，璇璣玉衡，一時停輪，神風靜默，山海藏雲，天無浮翳，四氣朗清，一國地土，山川林木，緬平一等，無復高下，土皆作碧玉，無有異色。衆真侍座，元始天尊懸坐空浮五色獅子之上。說經一徧，諸天大聖同時稱善，是時一國男女聾病，耳皆開聰。說經二徧，盲者目明。說經三徧，暗者能言。說經四徧，跛痾積逮，皆能起行。說經五徧，久病痼疾，一時復形。說經六徧，髮白反黑，齒落更生。說經七徧，老者反壯，少者皆強。說經八徧，婦人懷妊，鳥獸

含胎，已生未生皆得生成。說經九徧，地藏發泄，金玉露形。說經十徧，枯骨更生，皆起成人。是時一國是男是女，莫不傾心，皆受護度，咸得長生。

道言：是時元始天尊，說經一徧，東方無極無量品至真大神，無鞅之衆，浮空而至。說經二徧，南方無極無量品至真大神，無鞅之衆，浮空而至。說經三徧，西方無極無量品至真大神，無鞅之衆，浮空而至。說經四徧，北方無極無量品至真大神，無鞅之衆，浮空而至。說經五徧，東北無極無量品至真大神，無鞅之衆，浮空而至。說經六徧，東南無極無量品至真大神，無鞅之衆，浮空而至。說經七徧，西南無極無量品至真大神，無鞅之衆，浮空而至。說經八徧，西北無極無量品至真大神，無鞅之衆，浮空而至。說經九徧，上方無極無量品至真大神，無鞅之衆，浮空而至。說經十徧，下方無極無量品至真大神，無鞅之衆，浮空而至。十徧周竟，十方無極天真大神，一時同至。一國男女，傾心歸仰。來者有如細雨密

霧，無鞅之衆，進國一半，土皆偏陷，非可禁止。於是元始懸一寶珠，大如黍米，在空玄之中，去地五丈。元始登引，天真大神，上聖高尊，妙行真人，十方無極至真大神，無鞅數衆，俱入寶珠之中。天人仰看，唯見勃勃從珠口入。既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。不殺不害，不嫉不妬，不淫不盜，不貪不欲，不憎不嫉，言無華綺，口無惡聲，齊同慈愛，異骨成親，國安民豐，欣樂太平，經始出教，一國以道，預有志心，宗奉禮敬，皆得度世。

道言：元始天尊說經中所言，並是諸天上帝內名隱韻之音，亦是魔王內諱，百靈之隱名也，非世上之常辭。上聖已成真人，通玄究微，能悉其章，誦之十過，諸天遙唱，萬帝設禮，河海

靜默，山嶽藏雲，日月停景，璇璣不行，群魔束形，鬼精滅爽，迴屍起死，白骨成人。至學之士，誦之十過，則五帝侍衛，三界稽首，魔精喪眼，鬼祿滅爽，濟度垂死，絕而得生。所以爾者，學士穢氣未消，體未洞真，召制十方，威未制天。政德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，為萬道之宗，巍巍大梵，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，上昇朱宮，格皆九年，受化更生，得為貴人。而好學至經，功滿德就，皆得神仙，飛昇金闕，游宴玉京也。上學之士，修誦是經，皆即受度，飛昇南宮。世人受誦，則延壽長年，後皆得作尸解之道，魂神暫滅，不經地獄，即得返形，遊行太空。此經微妙，普度無窮，一切天人莫不受慶，无量之福，生死蒙惠，上天所寶，不傳下世。至士齋金寶效心，盟

天而傳。輕泄漏慢，殃及九祖，長役鬼官。侍經五帝，玉童玉女各二十四人，營衛神文，保護受經者身。

道言：正月長齋，誦詠是經，為上世亡魂，斷地逮役，度上南宮。七月長齋，誦詠是經，身得神仙，諸天書名，黃籙白簡，削死上生。十月長齋，誦詠是經，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，得為九宮真人。本命之日，誦詠是經，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲炁之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：无上玄元太上道君，召出臣身中三五

功曹，左右官使者，侍香玉童，傳言玉女，五帝直符，直日香官，各三十一人，關啓所言，今日吉慶，長齋清室，修行至經，无量度人，願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，上品妙首，十迴度人，百魔隱韻，離合自然，混沌赤文，无无上真，元始祖劫，化生諸天，開明三景，是為天根。上无復祖，唯道為身。五文開廓，普殖神靈。無文不光，無文不明，無文不立，無文不成，無文不度，無文不生。是為大梵天中之天，鬱羅蕭臺，玉山京，上極无上，大羅玉清，渺渺劫仞，若亡若存，三華離便，大有妙庭，金闕玉房，森羅淨靈。大行梵炁，周迴十方。中有度人不死之神，中有南極長生之君，中有度世司馬大神，中有好生韓君丈人，中有南上司命司錄，延壽益筭度厄尊神。迴骸起死，



无量度人。今日校錄，諸天臨軒。

東方无極飛天神王長生大聖无量度人。

南方无極飛天神王長生大聖无量度人。

西方无極飛天神王長生大聖无量度人。

北方无極飛天神王長生大聖无量度人。

東北无極飛天神王長生大聖无量度人。

東南无極飛天神王長生大聖无量度人。

西南无極飛天神王長生大聖无量度人。

西北无極飛天神王長生大聖无量度人。

上方无極飛天神王長生大聖无量度人。

下方无極飛天神王長生大聖无量度人。

十方至真飛天神王長生度世无量大神。並乘飛雲，丹輿綠輦，羽蓋瓊輪，

驂駕朱鳳，五色玄龍。建九色之節，十

絕靈幡，前嘯九鳳齊唱，後吹八鸞同

鳴，獅子白鶴，嘯歌邕邕，五老啓途，群

仙翼轅，億乘萬騎，浮空而來。傾光迴

駕，監真度生。諸天丞相，南昌上宮，

韓司主錄，監生大神，執錄把籍，齊到

帝前。隨所應度，嚴校諸天，普告三

界，無極神鄉，泉曲之府，北都羅酆，三

官九署，十二河源。上解祖考，億劫種

親，疾除罪簿，落滅惡根，不得拘留，逼

合鬼群。元始符命，時刻昇遷，北都寒

池，部衛形魂，制魔保舉，度品南宮，死

魂受鍊，仙化成人，生身受度，劫劫長

存，隨劫輪轉，與天齊年。永度三途、

五苦、八難，超凌三界，逍遙上清。上

清之天，天帝玉真祭色之境梵行。

東方八天

太皇黃曾天，帝鬱繼玉明。

太明玉完天，帝須阿那田。

清明何童天，帝元育齊京。

玄胎平育天，帝劉度內鮮。

元明文舉天，帝醜法輪。

上明七曜摩夷天，帝恬愴延。

虛无越衡天，帝正定光。

太極濛翳天，帝曲育九昌。

南方八天

赤明和陽天，帝理禁上真。

玄明恭華天，帝空謠醜音。

耀明宗飄天，帝重光明。

竺落皇笏天，帝摩夷妙辯。

虛明堂曜天，帝阿伽婁生。

觀明端靖天，帝鬱密羅千。

玄明恭慶天，帝龍羅菩提。

太煥極瑤天，帝宛黎無延。

西方八天

元載孔昇天，帝開真定光。

太安皇崖天，帝婆婁阿貪。

顯定極風天，帝招真童。

始皇孝芒天，帝薩羅婁王。

太皇翁重浮容天，帝閔巴狂。

无思江由天，帝明梵光。

上揲阮樂天，帝勃勃監。

無極曇誓天，帝飄弩穹隆。

北方八天

皓庭霄度天，帝慧覺昏。

淵通元洞天，帝梵行觀生。

太文翰寵妙成天，帝那育醜瑛。

太素秀樂禁上天，帝龍羅覺長。

太虛元上常容天，帝總監鬼神。

太釋玉隆騰勝天，帝眇眇行元。

龍變梵度天，帝運上玄玄。

太極平育賈奕天，帝大擇法門。

三十二天，三十二帝。諸天隱諱，

諸天隱名。天中空洞，自然靈章。諸

天隱韻，天中之音。天中之尊，天中之

神。天中大魔，天中之靈。九和十合，

變化上清。無量之奧，深不可詳。敷

落神真，普度天人。今日欣慶受度，歷

關諸天，請滅三惡，斬絕地根。飛度五

戶，名列太玄。魔王監舉，無拘天門。

東斗主筭，西斗記名，北斗落死，南斗

上生，中斗大魁，總監衆靈。青帝護

魂，白帝侍魄，赤帝養氣，黑帝通血，黃

帝中主，萬神无越。青天魔王，巴元醜

伯。赤天魔王，負天擔石。白天魔王，

反山六目。黑天魔王，監醜朗馥。黃

天魔王，橫天擔力。五帝大魔，萬神之

宗，飛行鼓從，總領鬼兵，麾幢鼓節，遊

觀太空，自號赫奕，諸天齊功。上天度

人，嚴攝北酆。神公受命，普掃不祥。

八威吐毒，猛馬四張。天丁前驅，大帥

仗旛。擲火萬里，流鈴八衝。敢有干

試，拒遏上真。金鉞前戮，臣天後刑。

屠割鬼爽，風火無停。千千截首，萬萬

翦形。魔無千犯，鬼無祆精。三官北

酆，明檢鬼營。不得容隱，金馬驛程。

普告無窮，萬神咸聽。三界五帝，列言

上清。

元洞玉曆，龍漢延康。眇眇億劫，

混沌之中。上無復色，下無復淵。風

澤洞虛，金剛乘天。天上天下，無幽無

冥。無形無影，無極無窮。溟滓大梵，

寥廓無光。赤明開圖，運度自然。元

始安鎮，敷落五篇。赤書玉字，八威龍

文。保制劫運，使天長存。梵炁彌羅，

萬範開張。元綱流演，三十二天。輪

轉無色，周回十方。旋斗歷箕，回度五

常。三十五分，總炁上元。八景冥合，

炁入玄玄。玄中太皇，上帝高真。汎

景太霞，嘯詠洞章。金真朗郁，流響雲

營。玉音攝炁，靈風聚煙。紫虛鬱秀，

輔翼萬仙。千和萬合，自然成真。真

中有神，長生大君。無英公子，白元尊

神。太一司命，桃康合延。執符把錄，

保命生根。上游上清，出入華房，八冥

之內，細微之中。下鎮人身，泥丸絳

宮。中理五炁，混合百神。十轉回靈，

萬炁齋仙。仙道貴生，无量度人。上

開八門，飛天法輪。罪福禁戒，宿命因

緣。普受開度，死魂生身。身得受生，

上聞諸天。諸天之上，各有生門。中

有空洞，謠歌之章。魔王靈篇，辭參高

真。

第一欲界飛空之音

人道渺渺，仙道莽莽，鬼道樂兮，

當人生門，仙道貴生，鬼道貴終。

仙道常自吉，鬼道常自凶。高上

清靈爽，悲歌朗太空。唯願仙道成，不

欲人道窮。北都泉曲府，中有萬鬼群。

但欲遏人筭，斷絕人命門。阿人歌洞

章，以攝北羅酆。束送祆魔精，斬馘六

鬼鋒。諸天炁蕩蕩，我道日興隆。

第二色界魔王之章

落落高張，明炁四騫。梵行諸天，

周迴十方。无量大神，皆由我身。我

有洞章，萬徧成仙。仙道貴度，鬼道相連。天地渺莽，穢氣氛氛。三界樂兮，過之長存。身度我界，體入自然。此時樂兮，薄由我恩。龍漢蕩蕩，何能別真。我界難度，故作洞文。變化飛空，以試爾身。成敗懈退，度者幾人。笑爾不度，故爲歌音。

### 第三無色界魔王歌曰

三界之上，眇眇大羅。上無色根，雲層峨峨。唯有元始，浩劫之家。部制我界，統乘玄都。有過我界，身入玉虛。我位上王，匡御衆魔。空中萬變，穢氣紛葩。保真者少，迷惑者多。仙道難固，鬼道易邪。人道者心，諒不由他。仙道貴實，人道貴華。爾不樂仙道，三界那得過。其欲轉五道，我當復奈何。

此三界之上，飛空之中，魔王歌音，音參洞章，誦之百徧，名度南宮。誦之千徧，魔王保迎。萬徧道備，飛昇太空。過度三界，位登仙公。有聞靈音，魔王敬形敕制，地祇侍衛送迎，拔出地戶五苦八難，七祖昇遷，永離鬼

官。魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王隱祕之音，皆是大梵之言，非世上常辭，言無韻麗，曲無華宛，故謂玄奧，難可尋詳。上天所寶，祕於玄都紫微上宮，依玄科四萬劫一傳，若有至人齎金寶質心，依舊格告盟十天，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾同氣，皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人，爲其行香誦經十過，以度尸形如法，魂神逕上南宮，隨其學功，計日而得更生，轉輪不滅，便得神仙。

道言：夫天地運終，亦當修齋，行香誦經。星宿錯度，日月失昏，亦當修

齋，行香誦經。四時失度，陰陽不調，亦當修齋，行香誦經。國主有灾，兵革四興，亦當修齋，行香誦經。疫毒流行，兆民死傷，亦當修齋，行香誦經。師友命過，亦當修齋，行香誦經。夫齋戒誦經，功德甚重，上消天灾，保鎮帝王。下攘毒害，以度兆民。生死受賴，其福難勝，故曰無量，普度天人。

道言：凡有是經，能爲天地、帝主、兆民，行是功德。有灾之日，發心修齋，燒香，誦經十過，皆諸天記名，萬神侍衛，右別至人，尅得爲聖君金闕之臣，諸天記人功過，毫分無失，天中魔王亦保舉爾身，得道者乃當洞明至言也。

### 諸天中大梵隱語无量音 道君撰

#### 元始靈書上篇

#### 東方八天

廣生高映，覺元洞虛。應玄九真，化交肇圖。文靈運構，宗範玄都。感變總括，威昭自成。綠嶺遷景，皇道含

明。天琳耀權，炁晶育魂。融羅負立，圓英隱文。期巨神包，洪綱告寧。

南方八天

章炎通泛，堅敷澄宗。虛象玄華，龍陽儂穹。微正霄艷，淵太凝沖。元關三紐，大梵飛空。隱覺龍益，天倫慶呈。神戶纏絡，真元散精。淨握冥照，回合升遷。導騫宴雲，靈應騰天。

西方八天

剛澤微控，陰峻孤儀。貫炁明素，震洞開微。周化幽應，澄輝帝臺。平遐挹虛，恢茂章池。結飈臨育，麗無散開。陽通百六，沈芒隱階。幽廓冥默，真峰會靈。堅丕順道，告命騫林。

北方八天

龍安洞變，純陽隱玄。方本還炁，象伏高員。神變惠允，解鍊靈根。赤精純道，成號威尊。利雲友常，億仞中丘。鬱城瓊壘，謠音慶流。受位玉室，大憲通幽。玄章煥落，綱輪迺周。

元始靈書中篇

道君撰

東方八天

亶婁阿蒼，無想觀音。須延明首，

法攬菩曇。稼那阿奕，忽訶流吟。華都曲麗，鮮菩育臻。答落大梵，散煙慶雲。飛灑玉都，明魔上門。無行上首，回蹠流玄。阿陀龍羅，四象吁員。

南方八天

南閻洞浮，玉眸詵詵。梵形落空，九靈推前。澤洛菩臺，綠羅大千。眇莽九醜，韶謠緣遭。雲上九都，飛生自騫。那育郁馥，摩羅法輪。靈持無鏡，攬姿運容。馥朗廓奕，神纓自宮。

西方八天

刀利禪猷，婆泥咎通。宛藪滌色，太眇之堂。流羅梵萌，景蔚蕭嶠。易邈無寂，宛首少都。阿縊郁竺，華莫延由。九開自辯，阿那品首。无量扶蓋，浮羅合神。玉誕長桑，栢空度仙。

北方八天

獲無自育，九日導乾。坤母東覆，形攝上玄。陀羅育邈，眇炁合雲。飛天大醜，總監上天。沙陀劫量，龍漢瑛鮮。碧落浮黎，空歌保珍。惡奕無品，洞妙自真。元梵恢漠，幽寂度人。

道言：此諸天中大梵隱語无量之

音，舊文字皆廣長一丈。天真皇人昔書其文，以為正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上仙。道備剋得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祆塵，冥慧洞清，大量玄玄也。

元始靈書下篇

天真皇人撰

東方八天

森角儲雲，九魂鍊晶。枳默窺玦，浮枚臼跡。鹿幾陽房，碧提鄮回。池溘黨負，跂道謁携。藻章變瑜，蘭泮壁環。亢滂野生，極中昆清。曜展洞涸，寂無眇凝。素倚虛羅，皇違元靈。

南方八天

炎鍍綽堂，太霄謠隅。歷遐薦漪，周肩加圖。披嶢蹊朦，觚亶渾都。戟

芸茶炫，井欺持蒲。掌維迮儀，奕泐琅  
璫。扁屢益但，幽微畢雷。涓湟寔東，  
赤曜叢稽，玉玄演侯。栢渠至規。

西方八天

鎬正左適，婆泥煞靈。悲招均疆，  
泊南躔魁。靜夷損光，混元覺緣。道  
守岑遙，綿微知宣。太靈涇漠，曷和盧  
隨。哲京常華，墟咸堅沙。栗鐸黜株，  
會衍球裴。卓雲青府，業睹般基。

北方八天

注孩蒙甘，翠宇九蘭。肅鈎連興，  
龍汾神關。溝淪沉魔，豁蠻祈通。玄  
寥亢息，無知肆明。蟒修吉夕，馥壇時  
畎。湯長敷昌，匪庸謹濟。朝康聖寬，  
祕法侈宜。廣帝理生，衛肇宏人。

天真皇人，梵炁玄遼，天寶自然，  
八合之音。主治世會，地壘洪澤，變灾  
厄難。誦詠之者，禳辟祆祥，清淨道  
炁，無不寧也。地官奉書，百靈敬畏，  
神朱寫文，服佩明驗，施之於至學，不  
宣於下俗也。

太極真人頌

神雲煥層虛，梵羅屯碧霄。元始

九龍駕，皇人按青輶。靈光集萬真，珠  
景開陽寥。出示靈寶篇，福德由是招。  
洞玄隱高嚴，玉音泛雲璈。無量匪得  
思，道海生波濤。法義同涓流，滋植成  
嘉苗。用以拯饑窮，教興衛中朝。帝  
尊壽億年，太平滅兵刀。稽首望玉宸，  
靈華散金毫。

靈寶无量度人上品妙經卷之一

靈寶无量度人上品妙經卷之二

玉宸大道品

道言：昔於始青天中大浮黎土，  
受元始度人无量上品。元始天尊初降  
清微，示現珠瑞，納無鞅衆，天真大神，  
上聖高尊，妙行真人，俱入珠中。以无  
量度人靈寶上品之法，衆真監度，以授  
於我。當此之時，喜慶難言，法事粗  
悉，諸天復位。即於開皇五劫之初，玄  
龍昇度天關之時，再降太丹流爛之天。  
洞陽凝暉，玉玄赤境，度人萬億，以玉  
宸大道付授於我。元始天尊當說是  
經，周迴十過，以召十方，始當詣座。  
天真大神、上聖高尊、妙行真人、玉宸  
大道、元師仙君、太極帝真、飛華九靈、  
禹餘天帝、紫霞丈人、無鞅數衆，乘空  
而來。玉虛流煙，三景煥彩，碧輪寶  
輿，羽輅絳蓋，神錦鳳羅，玄明蔭几，洞  
空合回，神晶交炳，九氣揚霞，三房旋

耀，天廓地寧，碧落凝真，飈靈散景，迴風混合，帝一監生，圓羅灌氣，飛動八門，日珠含秀，月璧泫波，靈綱鬱靄，徧周化境。元始天尊玄坐空浮玉文寶臺之上，說經一徧，玉宸大聖同時稱善。是時，一國男女徹聽十方，無有滯礙。說經二徧，周視無極，徹然洞觀。說經三徧，語音清妙，化度方來。說經四徧，一神應萬，萬神合真。說經五徧，三界種民，念往即至，神行無迹。說經六徧，指按二儀，倏忽周徧。說經七徧，永斷生滅，億劫長存。說經八徧，道海呈祥，玄山發瑞。說經九徧，形鍊爲氣，氣鍊爲神。說經十徧，自然至真，玉宸證道，十方三界，俱獲超升。是時，一國是男是女，莫不同心，無有彼此，咸得長生。

道言：是時元始天尊說經一徧，東方玉宸大道自然大神，無鞅之衆，浮空而至。說經二徧，南方玉宸大道自然大神，無鞅之衆，浮空而至。說經三徧，西方玉宸大道自然大神，無鞅之衆，浮空而至。說經四徧，北方玉宸大

道自然大神，無鞅之衆，浮空而至。說經五徧，東北玉宸大道自然大神，無鞅之衆，浮空而至。說經六徧，東南玉宸大道自然大神，無鞅之衆，浮空而至。說經七徧，西南玉宸大道自然大神，無鞅之衆，浮空而至。說經八徧，西北玉宸大道自然大神，無鞅之衆，浮空而至。說經九徧，上方玉宸大道自然大神，無鞅之衆，浮空而至。說經十徧，下方玉宸大道自然大神，無鞅之衆，浮空而至。十徧周竟，十方無極天真自然大神，一時同至，一國男女，同心歸仰。來者有如屯雲積霧，不可稱計，周徧一國，四合浮虛，非可禁止。於是元始攝指飛光，微如炯星，暉耀九色，亭立空玄，照徹上下，去土十仞，洞表見裏，此十方境宛同琉璃，混然一色。元始安座，光暉普極，觀此國土如鏡中像，天人衣裾，男女形相，絲髮皎露，大虛空中，無有纖隔。玉宸大道自然大神，與諸上聖無量高尊，妙行真人，十方化氣道品大神，俱從一光，徧攝法體，十百千萬，密如層縠，回光返射，容

像互映，明透分別，了不雜亂。其國天人來應證者，仰看神光風馳雲繞，萬聖咸在太虛空中，觀妙寂然無體。元始即於道光之內，說此玉宸大道度人之法。周竟，衆真監度，以授於我，當此之時，喜慶難言，法事既畢，諸天復位，頃刻之間，寂無遺響。是時天人遇值大範，普獲昇度，長生永存。神凝氣專，同而無分，傾土歸仰，以道爲心。無念無爲，無思無營，無覺無識，無滅無生，無起無住，無己無名，言合至妙，神飛紫清，齊同慈愛，異骨成親，國安民豐，欣樂太平。玉宸大道，無量度人，欽信悟解，得道成真。

道言：元始天尊說經中所言，並是玉宸大道上帝內名隱韻之音，亦是高真玉清神王內諱，百靈之隱名也，非世上之常辭。上聖已成，真人通玄究微，能悉其章，誦之十過，萬天敬禮，千帝伏聽，玉京運搖，海澄嶽峙，三景合照，七曜齊明，魔魂滅種，鬼爽絕嬰，邪氣肅清，三元廓靜，槁形白骨，返生還神。至學之士，誦之十過，則五老監

盟，四帥下觀，三官錄功，八史外營，魔王受事，萬神禮廷，濟天度厄，死而更生。所以爾者，學士心依玉宸，氣合道真，威制六天，無幽不聞，勅制三界，招真致靈。但知玉宸，不必流丹，誦詠洞文，道氣入身，目睹三元，太上道君，無極无形。輕誦此經，風刀考身，刻名艷山。玄老呼名，供養尊禮，道備德興，業葉真仙，壽命億齡，萬灾不干，神明護門。斯經尊妙，獨步玉京，度人無量，爲萬道之宗，巍巍大梵，德難可勝。

道言：凡誦是經十過，九帝降輶，諸天遙唱，億曾萬祖，幽魂苦爽，皆即受度，上登玉宸，同與九帝，上奔太霄，爲帝之賓。至學之士修誦是經，功滿德就，皆得神仙，飛昇金闕，成道玉宸也。上學之士修誦是經，皆受護度，飛昇南宮，炎火之陵。世人受誦，則延壽長年，易骨變形，得悟元皇，大道自居，真神長存，氣與道同，去濁流清，清爲神精，氣合靈津，不經地獄，太陰鍊形，三官衛尸，太一養魂，遊行虛空，出入八門。此經微妙，普度天人，已生未

生，皆得受度，无量之福，生死蒙惠，上天所寶，不傳下世。至士齋金寶效心，盟天而傳。輕泄大道，殃連祖考，役使河源，撻波鬼域，受報北都，侍經九老，日中靈童、大道玉女各三十六人，扶翊真人，保護受經者身。

道言：正月長齋，誦詠是經，青華帝君、九光真人，爲子書名，上拔祖考，億世之靈，上登玉宸。七月長齋，誦詠是經，鍊氣成神，神歸禹餘，大道洪元，鍊子神形，身得仙真，記名寶書，妙合天地，永劫無傾。十月長齋，誦詠是經，爲帝主人王。溥天之民，君臣父子，育物如天，好生如春，福及萬方，境域常寧，宗緒昌衍，永保長生，永鎮天下，康樂升平。八節之日，誦詠是經，九陽梵炁，俱來入身，純陽變體，神氣永存。本命之日，誦詠是經，玉宸降房，大道休明，魂魄澡潔，六氣內榮，不罹世患，却灾辟兵，六天閉邪，三景挾昇，萬道開通，帝官奉迎，刻名太微，位登仙卿，功滿德就，飛昇上清。

道言：行道之日，皆當香湯沐浴，齋

戒入室，東向叩齒三十六通，上聞三十六天，心拜三十六過，閉目，靜思身坐青紫絳三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。

密呪曰：无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言，今日吉慶，長齋清堂，修行至經，无量度人，願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，玉宸大道，十合度人。玄真帝書，隱顯自然。玉宸之真，眇眇上清。若顯若晦，若亡若存，湛然虛寂，交結紛紛，其道至妙。靈化所聞，洞耀九元，橫帶七宸，左扶豁落，右掖金真，紫霄流響，赤光橫奔，

纏變其章。大道生根，伏於玉京，蕭羅之臺，下蟠淨靈雙池之源，駢出二宮日月之門，擲火萬丈，掃蕩妖氛，洞陽丹華，朱煙八遙，灌鍊神窗，崑崙九虛，爛景喻霞，玉神羅英，嚙御長樓，玉華散開，神融骨化，萬氣昭諧，玉宸入玄，道氣成身，煥爛恍惚，混極命仙，道以生神，氣以成形，明以衛真，化以敷榮，無往不至，所作立成。太微鍊精，幽廓沈冥，碧虛赤境，大道元京，上浮雲庭，玄闕高清，禹餘化氣，周回十方。中有豁落北臺之神，中有赤精九和之君，中有泥丸天蓋真人，中有金闕輔皇上帝之卿，中有上清三境之尊，中有長生變仙之靈，中有雙童流光，赤文結珠，自然玉宸，金真丈人。太霞明堂，少精綠輶，圓規大有，太一召仙，降福度生，天化綿綿，今日御景，萬帝臨軒。

東方无極自然神王玉宸大道无量度人。  
南方无極自然神王玉宸大道无量度人。  
西方无極自然神王玉宸大道无量度

人。

北方无極自然神王玉宸大道无量度人。

東北无極自然神王玉宸大道无量度人。

東南无極自然神王玉宸大道无量度人。

西南无極自然神王玉宸大道无量度人。

西北无極自然神王玉宸大道无量度人。

上方无極自然神王玉宸大道无量度人。

下方无極自然神王玉宸大道无量度人。

十方至真自然神王，長生飛景玉宸大道无量大神。並乘神光九陽之輿，碧霄金根朱鸞之輦，含象萬變之紱，清靈洞光之蓋，赤幢蔽日，瑤輪碾空。各駕玄晶神狩，黑甲毒龍，攫天辟非，變化無窮。拊須延之璈，擊太霄之鼓。紫煙素雲，隱現萬靈。天騶仗旛，大帥啓程，風火合發，神霞散明。垂祥降禧，

浮空自來。揚音凌虛，伏魔護生，上清司馬，高靈總真，玉宸帝司，大道之神，度人應仙，長生大君。佩錄執符，齊到帝庭。上極九空，神蓋之宮。泥丸之分，三素流晶，玄丹太寧，中黃紫微。上真之靈，普告三元，紫戶青房，煙羅雲營。玉堂紫嬰，伯華之神，化骨之英，雙童流鈴。金真玉光，二景大神，左轉豁落，右電火鈴。急催三五，上清吏兵，丹紋紫絡，繞匝天經。顧眄飛光，吸納玉城，下極幽泉，河瀆溟泠。曲折之理，黑水內停，玉女轉機，金童絞繩。上世玄祖，考罰休停。玉宸道炁，速檢號名。罪籍削解，業道無榮，不得拘留，上帝嚴刑。元始符命，時刻升遷。積夜九都，太溟弱淵，一切魔爽，寒露苦魂，火鍊陰塞，焚蕩百關，凶姦滅種，速制酆山。玉宸大道，變體生仙，仙鍊身度，劫劫無傾。隨光引氣，神池吐煙，與道同生，壽逾億年。永度七傷、八難、九厄，步登天門，超凌三境，鳳臺高軒，逍遙上清。上清之天，天帝元真，妙空之境梵行。



東方九天

玉宸梵遙天，帝玉真上華。  
紀樂元須天，帝大武洞尤。  
抱素冲寂天，帝鬱檀波田。  
上化重空天，帝樂化自生。  
九光空素天，帝遠扶仙。  
朱極静修天，帝洞日芝玄。  
曲照含離天，帝子華琅英。  
崇仁德修天，帝赤珠咸和。  
龍胎曜華天，帝殊冥梵康。

南方九天

粹華無鎮天，帝耀殿六遊。  
道辯冲容天，帝玉羅仲神。  
濯廣滋元天，帝明豫静通。  
炎景耀明天，帝無色嬰。  
福應極真天，帝慮文次嵩。  
玉苑法持天，帝德夷和。  
定名紫元天，帝黃文臺父。  
上極思真天，帝十華高聰。  
玄龍隱羽天，帝彰德用光。  
西方九天  
大无空洞九明天，帝耀日程家。  
丹回綠鎖天，帝芝元洞生。

覺源赤玉天，帝回彦明宗。

素明慶奉天，帝赤公伯文。  
皇籍度生天，帝長景羅。  
境陽浩稱天，帝玉神无竟。  
芒忽變由天，帝江生慕空。  
九疇質陽天，帝歷勤成。  
蓋車青極天，帝摩多容。

北方九天

中極太素天，帝理淵躬。  
太上廣化天，帝醜都九離。  
白魂英遙天，帝波帝呵都。  
惠明招濟天，帝洪棋蕩真。  
都照元陽天，帝怙江子明。  
亮極玄竺化靈天，帝冲範查虛。  
子定平无天，帝沙何耀明。  
易常究中天，帝玉臺丞。  
光空百宗天，帝越景王。  
三十六天，三十六帝，玉宸隱諱，  
玉宸隱名。天中自然，九空靈章，上清  
隱道，皇極之真。洞虚之尊，太空之  
神，玉京祕範，大化之文。變升之格，  
開度之靈，九晶十明，明堂降生。玉宸  
大道，深不可詳。豁落七真，普度天

人。其道至重，下真匪聞。身佩五斗，

頭建三辰，飛神景霄，和合至真。今日  
欣慶受度，歷關諸天，刻名丹籍，招真  
命仙。紫度炎光，氣入太玄，斬絕五  
道，夙負咸原。三靈共舉，五帝同軒，  
道成上清，無拘天門。東斗肇形，西斗  
運精，北斗育質，南斗降神。繞身纏  
絡，太上千真，金玉混光，擲奔火鈴，中  
斗帝宮，攝告萬靈。青帝授符，白帝攝  
兵，赤帝執法，黑帝典刑，黃帝居中，萬  
境保寧。青天上靈，玉光次明，赤天上  
靈，寶耀圓成。白天上靈，皓素虚明。  
黑天上靈，太乙干精。黃天上靈，伯常  
子京。五方玉宸，三界同賓，騰天倒  
地，電激雷奔。周行十方，下察杳冥，  
神帥統制，億萬神兵。巡山索海，旌佩  
紛紜，變化太空，神機乃分。敢有干  
前，斬伐横吞，玉宸降命，驅蕩不祥。  
蒼禽振羽，長蚪列張，黃神前衝，赤帝  
持旛。射火無極，大殺揚鞭，八景清  
邈，十華列言。皆奉玉宸，自然至真，  
玄符所告，鑿天輔輪。誅魔滅醜，火令  
無文，萬萬千千，誠絕祆魂。天獸吐

毒，電火噴雲，速送三官，檢捕無停。有害正道，追命北君，玉宸大道，感徹帝尊。雲麾羽葆，上朝玉清。

混劫帝曆，精潛太明。華芒倏變，九道開生。洞樓日月，玄耀雙睛。內徹泥丸，赤文之庭。琳條結氣，奔飛火鈴。左淨右靈，三府澄清。運用揮擊，威化天京。左爲金真，右爲玉光。回翔八極，石景中房。身登太霞，位列仙王。玉垣上妙，道所經常。九丹太微，絳闕瑤房。洞空洞無，洞陰洞陽。非相非名，非短非長。流輝瓊室，仰餌玄霜。骨化柔金，神度天梁。上賓藥淵，日池龍塘。太乙執綏，玉女捧觴。天老持符，開化無疆。普授要言，刻書青琅。解脫九幽，扶鸞散煙。鳳曆赤書，龍章隱篇。密布五氣，度人億千。據衡揖魁，功歸上玄。大輪運幹，三十六天。上通神宮，九帝真軒。司馬注書，太史保延。過度日月，合宮蘊遷。施政薦音，大化綿綿。包羅六虛，陽景交纏。十過九周，氣合三元。元中太嬪，碧霄飛裙。七真御合，上景靈尊。玄

辭參高真。

第一下元玉宸大道碧空仙王之音  
雲光冲融。霄風八通。綠輿朝旌，命駕神龍。玄海澄碧，朱旗攝魔。九天齊威，振蕩百邪。是我泥丸，靈光飛霞。流煙八道，蒼晶玉羅。紫晨道成，灌氣三華。无量度人，書功帝君。元始符告，天策紀名。超離幽壤，飛度朱陵。帝庭蕭仞，化鍊形魂。

中至陰，紫闕大神。神居玄丹，絳臺生根。雌一玉檢，黃道生煙。無量度人，大洞青編。遊體玉華，攝命帝仙。風爲火偶，出沒無間。梵謠激氣，天聲舞玄。紫雲合蔭，白素回旋。玉宸浮蓋，校籍萬仙。一合再合，自然至真。流精五色，太和入身。身中之真，泥丸尊神。輔卿弼仙，三元帝君。守護玉闕，調養生元。玄一老子，林夫太真。白元藥珠，紫元鍊精。明堂三暉，玉宸度人。移化就變，萬氣高分。太清太極，冥空上靈。錦衣星裾，龍袍虎文。攝氣保命，億聖同倫。茫茫至化，妙立無垠。上遊上清，出入太微。八景之內，大有之機。下鎮人身，蒼碧丹池。中合五氣，服御晨暉。左顧右眄。七祖同飛。仙貴長生，生道貴真。真神得道，無量度人。上開玄關，四闢八門。中有至精，泥丸夫人。手攀神光，身流紫雲。玉宸至重，道非遠神。神明得真，真氣合生。上清靈章，列奏諸天。諸天致神，今子知真。三元之上，各有生門。中有飛神化氣之章，仙王玉章，

第二中元玉宸大道紫洞仙王之章  
暉暉紫微，眇莽八維。化形御玄，周矚靈圍。天河灌津，杓昂魁低。玉璫繁明，大珠小璣。群星搖光，隨指帝旗。安座紫宸，流金四暉。朱煙洞開，火精颺馳。中有老人，絳章雲衣。升我玉京，下觀鬱儀。回風煽颺，合景希夷。日童混珠，照映中規。騰輝億境，二氣合離。道祕玉真，厥諱淵池，手執長戟，腰帶瓊蕤。左權右衡，丹蛇玄龜。賜我度人，上清同歸。  
第三上元玉宸大道太虛仙王歌曰  
吐氣成龍，噓氣生風。嚴我神駕，蹈景飛空。日月運轉，交會無窮。不

見我神，神與虛通。子問大道，道何形容。殊不能知，泥丸洞樓。神蓋蔚蒼，正化興隆。養鍊爾神，鬱秀雙童。流鈴擲火，朱光九重。周行八極，天運剛淵。鍊陰滅祿，侍宸玉垣。此道玄妙，洪福綿綿。

此三空之上，三元宮中，玉宸仙王度人之音，音參洞章。誦之百徧，名書上清；誦之千徧，三元降庭；萬徧道備，飛升上清。治按三元，萬神禮庭，有聞靈音，仙王保真。勅制三界，指策千靈，永滅地官，五司考神。出入無難，里社送迎，九祖鍊化，魂魄超升。是謂玉宸，道成至真，度人无量，太極簡名。有祕上清文，諸天共所崇。泄慢沈幽牢，永謝太極翁。

道言：此玉宸洞章，皆諸天上帝，及三元仙王隱祕之音，皆是大梵之言，非世之常辭。其言混洞，其文天成，故於祕妙不可思詳。上清所寶，祕於玄都紫微上官，依玄科四萬劫一傳。若有至人齋金寶質心，依玉宸付授之格，告盟九帝，然後而傳焉。

道言：二儀運行，亦有終起。七政九宮，亦有災次。至真道士，亦有隱顯。末學之夫，亦有疾傷。凡有此災同氣，皆當齊心修齋，六時行香，十徧轉經，以玉宸大道祕重之力，天回地轉，神安鬼息，福德立降，消諸不祥。玉宸洞文，普度無窮。

道言：夫末學道淺，或仙品未充，或知行玉宸未悉，道要不悟，自然以心為託，墮於有數。運應滅度，身經太陰。臨過之時，同學至人，為其行香，誦經十過，以度屍形如法，則神宮縝密，泥丸堅固，流鈴內煥，玉宸涵光，屍鍊魄滅，魂神上升，隨其學功，計日而得更生。陽火入身，還其朽形，靈肉布體，忽然更生，轉輪不惑，位登高仙。

道言：辰申數極，劫窮運否，亦當修齋，行香誦經。黃赤改度，勃蝕凌犯，亦當修齋，行香誦經。時令勝鬱，支干不和，亦當修齋，行香誦經。國境水旱，兵戈四興，亦當修齋，行香誦經。疫癘流行，鬼神害傷，亦當修齋，行香誦經。師友命過，亦當修齋，行香誦

經。夫齋戒誦經，功德甚重，上消天災，下消人禍，保延帝王億載之壽，安寧國家，以度兆民。生死受賴，其福難勝，故曰無量，普度天人。

道言：凡有是經，能為天地帝主兆民，行是功德，告禮玉宸元皇至真，有願之日，發心修齋，燒香，誦經十過，皆上清記名，萬神侍衛，右別至人，得為聖君，長生大帝，王府之臣，諸天注其道功，表著玉宸。疏功錄過，不失毫分，三元仙王，亦保舉爾身。得道者，乃當洞明至言也。

### 上清天中玉宸大道隱語靈音

道君撰

### 元始玉章首篇

東方八天

梵无眇虛，玉會婁京。玉明帝剛，華達宛須。明落智閭，昧孤成圖。栢大除極，涓岡茂禺。翳勤煩宛。提定玄謨。卓景浩澄，玉日高蘇。圭華驅邪，辯流瓊胡。文殿正利，猛鄙員都。

月津凝輝，光神洞珠。

南方八天

京蔚嵯會，紫律夷余。注極爛炎，招來牛堅。猛火極回，素道懷然。古真元沖，氣淵龍崇。剛嚴鵠益，駕聿乘容。乾知挺格，冥治呼玄。玉羅京孱，都開度軒。九命沙摩，綠鏟緣連。升行周度，泰廣交纏。

西方八天

斗胃亢泰，紫流衍盧。擎河赤蹊，轉止聞于。無極耿爛，歷塊扶羅。天旌皓精，眇神煥都。帝歷卯室，真丙西徂。懋覺月印，池澄求孚。道希采利，正質滋延。憑浦溟海，淵力徒虛。鑿淨極越，四洞蘭儲。

北方八天

稼元索靈，聽孤自幾。遲齒日紀，丘華綸維。火炎飈舉，馳兆圓時。命籍綠荆，秀符偃稽。陀諸號育，慶舒景扉。一式玉垣，依衍弼希。箕侍句尾，臻童黨持。彥度清靈，雲銜紫移。風禁寂傳，太玄竟奇。

道言：此上清天中，玉宸大道君

之隱文，玉帝所祕，无量之音。舊文書太空華蓋紫微垣上境，綠字蟠屈，廣長一丈。天真皇人昔書其文，以正天音。有知其音，能齋而誦之者，上清諸天，皆遣三元仙王，玉宸萬真，下鑒子身，書其功勤，上奏諸天，四司凜節，九宮拜迎。心未通悟，但誦其文，仙王保任，飛昇玉京，遊宴洞陽，高奔紫庭。此音玉宸大道之章，無所不感，無所不明，無所不鎮，無所不營，三元用之，無所不神，天真上帝自然至真之音也。故誦之則八素合景，神光映形，泥丸之中，森列萬神，玄真大君，告子以妙道也。日誦此經，耳聰目明，髮毀更生，自然契玄，金真玉光，徧繞爾身，神宮振暢，萬氣歸真，千聖降霞，道海明清，無極開濟，大量玄玄也。

靈寶无量度人上品妙經卷之二

靈寶无量度人上品妙經卷之三

天地八維安鎮國祚品

道言：昔於靜空天中，朱落神風，太玄妙土，受元始度人天地八維安鎮國祚无量上品。元始天尊當說是經，周迴八過，以召八維，始當詣座。天地八維大神，上聖高尊，鎮國真君，無鞅數衆，乘空而來。玉華紫氣，瑞靄凝暉，瓊車泛霞，羽仗交映，翠蓋駢羅，香風散靈，天精昭朗，萬象澄鮮，神光散揚，黃霧芬苾，綠羅泛景，洞煥太虛。八日八夜，諸天日月星宿，經緯魁衡，一時停景。金真玉明，靈響靜空，法雷輕震，莫不肅然。一國地上，緬平一等，山川煒麗，林木敷榮，威光應感，天瑞咸臻，衆真翊侍，元始天尊玄坐玉藥敷華御化寶牀之上。說經一徧，諸天大聖同時稱善，是時萬國一切有情，普蒙開化，俱發善心。說經二徧，八維安

鎮，帝祚綿昌。說經三徧，品彙交和，民人富樂。說經四徧，禍亂永消，毒害不生。說經五徧，道化普宣，咸陶聖範。說經六徧，天覆地載，和氣沖融。說經七徧，靈文顯布，正道清明。說經八徧，民物熙洽，無有事心。說經九徧，真文發現。說經十徧，嘉祥沓至，是時一國是男是女，莫不傾心，皆受護度，咸得長生。

道言：是時元始天尊說經一徧，東維無極無量品青華官君將吏，無鞅之衆，浮空而至。說經二徧，南維無極無量品丹華官君將吏，無鞅之衆，浮空而至。說經三徧，西維無極無量品皓華官君將吏，無鞅之衆，浮空而至。說經四徧，北維無極無量品紫華官君將吏，無鞅之衆，浮空而至。說經五徧，東北維無極無量品鬼門官君將吏，無鞅之衆，浮空而至。說經六徧，東南維無極無量品、地戶官君將吏，無鞅之衆，浮空而至。說經七徧，西南維無極無量品人門官君將吏，無鞅之衆，浮空而至。說經八徧，西北維無極無量品

天門官君將吏，無鞅之衆，浮空而至。八徧周竟，八維安鎮國祚官君將吏，八景八威，八史八神，諸部仙官，曹屬之衆，一時同至，一國男女，傾心歸仰。皆願天地八維，福瑞應感，安泰欣榮，來聽天尊，宣布法要，安鎮國祚，保天長存。有如細雨密霧，無鞅之衆，傾圓圍繞，非可禁止。於是元始即於眉間額珠之上，出異色寶光，光分八道，每一道中現天書自然梵炁神符。於此八

維，出此八符，安鎮國祚，保定乾坤，復現丹章，玉文靈篇，迎至妙氣，感攝嘉祥。元始登引八維，天曹地司，官君將吏，八方至真。無量大神，無鞅數衆，俱入寶光之中，天人仰看，惟見拂拂，從寶光中入，混化梵炁神符之內。既入寶光，不知所在，國人廓散，地靄綿雲，皎如柔玉。元始即於妙景之內，說安鎮國祚大法都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有殘傷，傾土歸仰，咸盡一心。不欺

不誣，不伎不謀，不毀不爭，不佞不邪，不媚不忍。言尚忠正，口無怨譽，齊同慈愛，異國成親，國安民豐，欣樂太平。經始出教，一國以道，預有至心，宗奉禮敬，皆得度世。

道言：元始天尊說經中所言，並是諸天上帝內名。安鎮國祚，禳解八維，至福降祥，隱韻之音。亦是上靈內祕，琅笈之書，招集至真元聖妙有內諱，保帝熙時之隱名也，非世之常辭。上聖已成，真人通玄，降靈力，扶皇圖，道持洪祚，威伏邪醜，德被生類，能悉其章。誦之八徧，八維康靖，六合乂寧，諸天遙唱，萬帝設禮，河海湛然，山嶽效靈，日月重景，璣星順躔，群魔束形，鬼精滅爽，迴福延世，安養種人。至學之士，誦之八過，則五帝護國，三天助持，魔精喪眼，鬼祿滅爽，濟度垂死，絕而得生。所以爾者，學士雖稟至科，八維峙符，安鎮靈法，神氣未合，體未洞真。召制八神，威未制天政。德可伏御地祇，束縛魔靈，但請祥致福而已，不能更生。輕誦此章，身則被殃。

供養尊禮，家國興隆，世世昌熾，與善因緣，萬災不干，神明護門。斯經尊妙，獨步玉京。度人无量，為萬道之宗，巍巍大範，德難可勝。

道言：凡誦是經八過，天地八維八神，官君將吏，八景大神，安鎮國祚。八大神王，八方真人，同時齊到。邪怪潛伏，民物安和，邦家寧鎮，魔精妖魅，八符禳解，營護真靈，八維之地，伏骼藏屍。千年木石，水火之怪，丹蛇赤鼠，陰影冤滯，古昔之鬼，往衆先宗，億曾萬祖，幽魂苦爽，皆即受度，上升朱宮，格皆九年，受化更生，得見太平。而好學至經，功滿德就，皆得神仙，飛昇金闕，遊宴玉京也。上學之士，修誦是經，身合天地，絡應八維，頭中九宮，上通太極，八方玉文，映照身宮，何鎮心君，性靜無為，混合百神，魂魄受鍊，陰陽運靈，左居無英，右守白元，中有晨暉，照耀億千，驛馬奏功，司命結篇，皆即受度，飛昇南宮。普世受誦，俱獲道真，玉符招神，神安氣靈。赤筋霜髓，紫脉成文，文布洞章，骨變丹金。

則乃延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役地官。侍經八維安鎮玉童玉女，各三十二人，營衛神文，保護受經者身。

道言：正月長齋，誦詠是經，安鎮寅、卯、辰、巳、午、未、申、酉、戌、亥、子、丑之方，維正之位，兆域之中。為上世亡魂，斷地逮役，度上南宮。七月長齋，誦詠是經，安鎮天地，民物生靈，咸遂道性，克慕神仙，諸天書名，黃籙白簡，削死上生。十月長齋，誦詠是經，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，天地八維，咸皆安鎮，八景降祥，瑞應備現，靈文祕圖，八柱刊瓊，八官紀善，道化保於無窮。三元之日，誦詠是經，十二辰宮，四方八維，天神地祇，施

慈降福，注定吉祥，永使聖君，上德日隆。神洞無間，體生玉華，面有金顏，魂神澄正，萬炁長存，斷除苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室。東向，叩齒三十二通，上聞三十天，心拜三十二過。閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，八維符吏，八面功曹，環立侍直，項生圓象，內現天文龍鳳之書，安鎮天地，光映八維，如此分明。密呪曰：无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

元始无量度人上品妙經

元始洞玄靈寶本章，上品妙首，安鎮度人，天地八維，八威隱韻，凝篆自然。八神赤文。祖劫元真。元始妙氣，化生諸天。開闡八維，輔立天根。天地神真，分氣結身。方維既定，禍福乃陳。上帝靈符，辟魔護人。無文不光，無文不明，無文不立，無文不成，無文不安，無文不鎮。是爲大梵，安鎮乾坤，國祚隆長，慶瑞永綿。鬱羅蕭境，玉帝靈都。上極无上大羅天中，眇眇劫仞。下至崑崙莫界，八維區別。萬方辨分，正位皆有官君神吏守衛。奏疏上晨，紀善注功，率由于民。大行梵炁，周回八方。中有天地八維之神，直符殺鬼之使，安鎮國祚之尊，南極長生大君，神霄真王，青華之君。出教立法，保國護民，符鎮八維，天地朗朗，天省玉堂，上相真君。中有上宰玄司之君，禳解災氣，國祚咸寧。中有南上司命司錄，延壽益筭，度厄尊神，清蕩方

隅，萬物欣欣。今日開化，諸天臨軒。

東維无極飛天護世神王長生大聖无量度人。

南維无極飛天護世神王長生大聖无量度人。

西維无極飛天護世神王長生大聖无量度人。

北維无極飛天護世神王長生大聖无量度人。

東北維无極飛天護世神王長生大聖无量度人。

東南維无極飛天護世神王長生大聖无量度人。

西南維无極飛天護世神王長生大聖无量度人。

西北維无極飛天護世神王長生大聖无量度人。

八維守符飛天護世神王長生大聖无量大神。並乘玄雲，都吏甲馬，八維神官神吏。旗幡騶騎，乘駕風雲，噴煙吐火。龍神驛卒，鬼官虎賁，四面大將，八臂神丁，朱額青甲，乘鸞跨麟。直符小吏，安鎮靈曹，地域之神，億乘萬騎，

升降而來，迎侍霄駕，鎮國保生。天機

丞相，南昌上宮，韓司主錄，八維大神，執天地籍，檢察萬神，飛意密召，齊到

帝前。隨所方維，嚴奏上天。普告三界，无極神鄉，泉曲之府，北都羅酆，三

官九府，十二河源。急召積屍大靈星君，使度生民。八維剋害，破射惡殺，

呼魄追魂，上解祖考，億劫種親，疾除罪簿，落滅惡根，不得拘留，逼合鬼群。

元始符命，安鎮升遷，北都寒池，部衛形魂，地司保舉，度品南昌。天機都

省，道運長新，死魂受鍊，仙化生民。生民受度，劫劫永存，隨劫輪轉，與天

齊年。永度方維，注害不干，隨符安鎮，保慶長年。道備德成，超凌三界，

逍遙上清。上清之天，天帝玉真，護持國境梵行。

東方八天

明持玉陽天，帝至利師方。

角胎上極天，帝勳夷思完。

儲淨妙有天，帝群題士詢。

彥迹鉛宗天，帝歷蘄化常。

氏張輔皇天，帝彭義慈。

太至昊祖天，帝招機總維。  
祕普韓化天，帝傳真識元。  
逸邈希順天，帝祖羅英。

南方八天

燠度霄炎天，帝龍澌瀾沙。  
鑄神骨想天，帝玄鮮生。  
曜華麗舉天，帝純寂渙池。  
宣革慶鴻天，帝香京沂牢。  
變黼拭崇天，帝肇玄慈名。  
斗虛爛阿天，帝真雲秘都。  
阻義炎流天，帝猛子迴堂。  
略羽道餘天，帝洞景易當。

西方八天

紆論制魔天，帝誥屠辛良。  
柳寓偁當天，帝伯定謨。  
微連紫鯨天，帝奏祥敷。  
傲靈悅空天，帝上覺真。  
越積渚安天，帝演丘資賢。  
宜封觀虛天，帝峻淵辭朋。  
義神飛廬天，帝判極洞霞。  
頌玄流景天，帝泰遙康容。  
北方八天  
兜玄隱微天，帝氣襲龍枚。

兆化億光天，帝保粹沖。

史阿奚幾天，帝湊昌輪。

豫常尤俞天，帝斷從堅。

寶張守符天，帝曲回明方。

福王行逸天，帝壽耆晞。

靜原華鼎天，帝度真天形。

道遠浩流天，帝言永疆。

三十二天，三十二帝。諸天隱諱，

諸天隱名。天中空洞，安鎮國祚，自然

靈章，八維隱韻。安鎮之音，安鎮之

尊。八維之神，八維大魔，八維之靈，

度符玄合。變化上清，无量之奧，深不

可詳。召攝神真，普度天人。今日禳

除度法，歷關諸天，請鎮國維。斬絕祆

群，飛仙八景，名列太玄，真魔監舉，無

拘天門。東斗定化，西斗伏祆，北斗斬

姦，南斗衛生，中斗鎮惡，總監八維。

青帝養育，白帝輔成，赤帝安民，黑帝

滅禍，黃帝衛生，保安兆時。青天魔

王，安鎮東維。赤天魔王，寶符南離。

白天魔王，西遏刀兵。黑天魔王，北維

普寧。黃天魔王，八威神兵。五帝大

魔，搜捕八維。清肅天地，總領鬼兵，

麾幢鼓節，遊觀太空。靈文煒煥，羅布

威光，安鎮國祚，嚴攝邪氛。神王受

命，除世不祥，玄蛇吐毒，九都膽張。

天丁縛鬼，北斗戮精，擲火萬里，流鈴

八衝。敢有干試，拒遏八神，金刀亂

施，千祆滅形。仰嘯玉華，俯咀絳津。

天地八維，念道安真，屠滅禍爽，風火

無停。千千截首，萬萬剪形，魔無干

犯，鬼無祆精。三官北酆，明檢鬼營，

不得容隱，金馬驛呈。普告無窮，萬神

咸聽，三界五帝，列言上清。

元始上帝和合三炁，天地八維，安鎮

國祚之法，祕於東華寶室，威禁至

重。八維真符，皆自然靈章。飛玄

之華，九鳳之氣，以成紫字。用以救

護世厄，方隅邪怪，境土不順之道。

若國境疾癘，兵盜、水火之難，則行

香修齋，六時行道，誦此妙經，隨所

灾分，丹書此符，作旺相所宜之色，

設於國內。燒香，醮禮三天帝君，八

維神王將吏。中庭，法師仗劍，步躡

斗罡，禁氣，誦呪，隨所安符。訖後


三日或七日，徹去壇席，大吉。如一




家有方隅注害毒惡之氣，身黄土符之殺，亦用此符禳厭，亦祭八維官君將吏等也此。

上清護世之文，不可輕慢。衛符皆有靈官童子，玉女直符，以申令行事焉。具符如左八符，或繒，或紙，金鑄，石刻，皆可。每維直符十九人，使者三人，守符官君將吏三千人。


安鎮東維青華丈人護世長生真符  
青書黑繒，施震官上。




安鎮南維赤靈真人護世旺福真符  
丹書黃繒，施離官上。




安鎮西維章簡玉女護世禳兵真符  
白書黑繒，施兌官上。




安鎮北維龍玄大神護世保祚真符  
黑書白繒，施坎官上。




安鎮東北維皓真靈君護世伏魔真符  
白書綠繒，施艮官上。




安鎮東南維碧仙神君護世通玄真符  
碧書紫繒施巽官上。



安鎮西南維玄真夫人護世寶皇真符  
黑書絳繒，施坤官上。



安鎮西北維天老帝君護世鎮國真符  
白書黑繒，施乾官上。



如上八符，皆梵炁至精變化，自然成文。安鎮天地八維，變災為福，帝尊萬年。民有信誠，取黃繒以丹書八符，佩身，辟萬邪千禍，出入行來，不避太歲，方維大殺，修營居室，施符八維，元亨利貞。

安鎮國祚萬歲太平五福真君，一十二字，黃書之安，中央石臺上。



中央玉文一十二字，保鎮國祚，福壽帝尊，諸天上帝臺闕之上，皆刻書之也。國界之內，四時不調，災癘競起，皆當醮禮。天真敷露，五方真文，安鎮入符及山水簡券，七日之內，必獲感降，致福流祥也。

元始混茫，五氣回光，上降下接，玉液流滂。結為玉京，環峙八方，金氣

生剛，神風激揚。浩浩九劫，太乙玉房，道爲氣母，龍漢延康。眇眇億劫，混沌之中，上無色界，下無輪淵。金粟潤澤，群龍伏潛，中有大神，身如玉虬。莽莽萬丈，噴雷吐烟，眼爲日月，血液爲泉。浩波杳冥，海之百川，雲凝氣鼓，玉景爲天。天上天下，無幽無冥，無形無影，無極無窮。溟滓大梵，遼廓無光，赤明開圖，運度自然。元始安鎮，敷落靈真，八維神綱，星斗交連。勅命靈官，分域龍君，天殺地殺，八維大神。十二官分，上乾下坤，道氣如繩，貫珠絡纓。神符赤書，辟斥妖氛，保制劫運，使天長存。梵氣彌羅，萬範開張，元綱流演，三十二天。輪轉無色，周回八維，旋斗歷箕，六氣纏綿。三十五分，總御天關，勝伏凌犯，動靜改遷。維內守神，衛世無愆，生善滅惡，定錄三天。八景冥合，氣入玄玄，玄中太皇，上帝高真。汎景八維，禳鎮咸寧，金真朗郁，流響雲營。玉音攝氣，靈風聚煙，紫虛鬱秀，輔翼萬仙。露文植符，福祚帝宸，水升火降，自然

成真。真中有神，長生大君，無英公子，白元尊神。太乙司命，祧康合延，八維之內，各有尊靈。共保皇圖，護衛帝門，執符把籙，保國救民。上遊上清，出入華房，八維之內，細微之中。下鎮百靈，中華絳宮，運行五氣，混合萬神。十轉迴靈，萬氣齊真，真道貴生，无量度人。上開八關，八維之方，罪福禁戒，宿命因緣。普受開度，死魂生身，九土安鎮，氣降諸天。諸天之上，八道靈文，中有空洞，謠歌之章。真王靈篇，辭參高真。

第一欲界清寧維域飛空之音

道化一形，陰陽兩分。天上天下，瓊室玉宮。十二神營，八維四門。水火金木，寒暑相因。沖氣爲和，刑剋俱存。順爲吉德，逆爲禍根。天地八維，倚伏所存。煌煌赤符，蕩逐神姦。保德常自吉，泄慢常自凶。高上神霄王，綠輿來紫空。惟願法教興，生津遠莫窮。龍章施八維，辟除禍害宗。不使斷正氣，保延世運亨。凌虛誦洞玄，以攝扶持功。束送幽邪靈，斬馘妖魔鋒。

安鎮長綿綿，聖祚日興隆。

第二色界八維禧祐之章

玉都萬神，總御八方。圓羅洞無，大梵周行。變化浩渺，周布億千。飛玄成書，佩服真靈。斷絕殃注，吉慶相連。坎離激戾，邪氣紛紛。神符所至，靈光燕存。福降紫清，運會自然。此時樂兮，上帝之恩。禳祓滅凶，生類和寧。我道難遇，故顯洞文。飛空妙範，混合玄元。成敗之用，率由爾身。普天護度，賴此歌音。

第三無色界安鎮天福歌曰

碧雲鬱嵯，玉淨圓羅。洞虛無色，耀素靈波。惟有元一，混沌之神。生育天地，布列玄真。世分八維，中含紫虛。皇極爲王，統御萬方。飛神萬變，法道真常。赤文煥麗，制魔召祥。施張靈化，庶物咸康。致福者心，諒不由他。心通妙意，三氣凝華。國祚由是安，教化靡不同。萬神享慶會，靈童伐鼓鐘。

此三界之上，飛空之中，飛仙歌音，音參洞章。誦之百遍，名度南宮。

誦之千徧，魔王保迎。萬徧道備，飛升太空，過度三界，位登仙公。有聞靈音，魔王敬形，勅制地祇，侍衛聖君。八絃安泰，永絕禍難。祖禰升遷，遊宴玉天。欣樂無窮。歡盼劫年。是謂無量，保度無窮。有祕上天文，諸天共所崇，泄慢墮地獄，禍及七祖翁。

道言：此二章並是諸天上帝，及至靈真王隱祕之音，皆是大梵之言，非世之常辭。言无韻麗，曲无華宛，故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷，上逮國境水旱，民物疾癘，八維之分，有諸灾怪。同氣至士，皆當齊心修齋，六時行香，八徧轉經，醮禮天真，八維施符，中安十二玉字，勤苦至禱，福德立降，消諸不祥，无量之文，普度無窮。

道言：夫治化未周，道德未充，事

應廣運，開闡玄功，當擇上學至人，爲其行香誦經。則天地八維，普獲安鎮，國祚咸亨，人無邪害。真正神明，萬物被德，稟生受靈，鬼屍滯爽。開度形魂，徑上南宮。隨其學功，計日而得更生。輪轉不滅，便得神仙。

道言：夫天地運終，星宿錯度，日月失昏，四時失度，陰陽不調，國境有灾，水火兵盜，疫毒流行，兆民死傷，師友命過，皆天地八維刑勝之氣，注射使之。皆當施符，按法修齋，行香誦經。夫齋戒誦經，功德甚重，上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有灾之日，發心修齋，燒香誦經，醮告八維，施符用法，誦經八過，皆諸天記名，萬神侍衛。右別至人，剋得爲聖君金闕之臣，諸天記人功過，毫分無失。天中真王，亦保舉爾身。得道者，乃當洞明至言也。

諸天中大梵隱語无量音 道君撰

元始靈書安鎮國祚玉篇

東方八天

竅叫鼈醯，辯霸蘇露。教昂泊撲，越英孳緘。昷扁流轄，爰瓏稽榔。妙落筆俞，肇熒彌摩。郁圖璟祖，寶冥健稠。瑄斐赭環，微咸協汾。鮮鐸巴漫，馗瓊綠完。蔽膜遊綿，邈巒斗箋。

南方八天

訥池建憩，炯桓嶷熒。罔玄師元，霹溥優賓。宥團宥假，天晶歷孫。叫崛羈罩，麼錫漾敦。鍤犀幹索，譚監鬼道。懋姬暄緒，屢涪婁鹵。蕭仙登京，篆昭孔盟。晝就豚浹，混徊洞命。

西方八天

蘇訶交彭，屈觀史庚。忍利欵遁，幽茂武神。圭羅積坤，殊容被紳。濫卓廣割，嬰漏淵璘。頂舍乾婁，淨展昏鈞。命提權茹，邁混泥淪。淪莊運秀，毗孤遼泉。達濯衍文，史亟西仙。

北方八天

藏堅濟銳，日擘靈頤。輻遠蹟徠，蘊剗犀雷。耀揚晃微，阨蘭伊垂。乳臙旌派，虛劫赤嬰。盤巒俯巔，纏翅驛繪。鈕耿遙玄，真沆霄宣。蕩逸巨廓，龍廬皎荃。艷截令牢，燔丁北然。

道言：此諸天中大梵隱語，无量之音，舊文五色神金，鼓冶爲符，安鎮天地八維之上。調正運數，氣合元和，扶衛國祚，與道常興。字皆廣長一丈，天真皇人昔書其文，以爲正音。有知其音，能齋而誦之者，諸天皆遣八方神王，八維宰牧，下觀其身，書其功勤，上奏諸天，萬神朝禮。地祇侍門，大勳真仙。保舉上真，道備剋得。遊行三界，升入金門。此音无所不辟，无所不穰，无所不度，无所不成，天真自然之音也。故誦之致八真下觀，上帝遙唱，萬神朝禮，三界侍軒，群祿束首，鬼精自亡。琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之三

### 靈寶无量度人上品妙經卷之四

#### 永延劫運保世升平品

道言：昔於皇靈天中，妙化飛音大黎樂土，受元始度人永延劫運保世升平无量上品。元始天尊當說是經，周迴十過，以召十方，始當詣座，天真大神，上聖高尊，妙行真人。無鞅數衆，乘空而來。瑞彩瀾漫，靈香飛空，龍車紫蓋，交映拱扶，流霞輝煥，洞朗萬天。九日九夜，諸天浮蓋，圓象森羅，樞斗一時停機，二景合光，八極廓清，湛然澄瑩，一國山林川澤淵藪，緬平蔚蒼，無不華明，土皆作柔玉，光照凝鮮，無有異色。衆真侍座，元始天尊玄坐太空九色玄龍寶局之上。說經一徧，諸天大聖同時稱善，萬物民人，咸皆遂性。說經二徧，物無札癘，民息憂虞。說經三徧，人安其化，無所爭求。說經四徧，時稱豐樂，不識灾凶。說經

五徧，萬方率服，遐邇同風。說經六徧，禽魚胎卵，各保生成。說經七徧，麟鳳來儀，天地應祥。說經八徧，至德熙洽，民物還淳。說經九徧，國君王侯，永保世續。說經十徧，普天率土，咸證道妙，是時一國是男是女，莫不傾心。皆受護度，咸得長生。

道言：是時，元始天尊說經一徧，東方无極无量品延劫保世至真大神，無鞅之衆，浮空而至。說經二徧，南方无極无量品延劫保世至真大神，無鞅之衆，浮空而至。說經三徧，西方无極无量品延劫保世至真大神，無鞅之衆，浮空而至。說經四徧，北方无極无量品延劫保世至真大神，無鞅之衆，浮空而至。說經五徧，東北无極无量品延劫保世至真大神，無鞅之衆，浮空而至。說經六徧，東南无極无量品延劫保世至真大神，無鞅之衆，浮空而至。說經七徧，西南无極无量品延劫保世至真大神，無鞅之衆，浮空而至。說經八徧，西北无極无量品延劫保世至真大神，無鞅之衆，浮空而至。說經九

徧，上方无極无量品延劫保世至真大神，無鞅之衆，浮空而至。說經十徧，下方无極无量品延劫保世至真大神，無鞅之衆，浮空而至。十徧周竟，十方无極天真大神，一時同至。一國男女，

傾心歸仰，來者萬億，普徧方土，咸皆欣願，來詣天尊，觀聽上法，洞達妙無，劫運綿長，保世升平，萬國歸依，天人同。無鞅之衆，迮國一半，土皆徧陷，非可禁止。於是元始凝目斂神，飛出妙氣，結爲圓光，大如赤日，在空玄之中，去地九丈，元始登引，天真大神，上聖高尊，妙行真人，十方无極至真大神，無鞅數衆，俱入圓光之內。天人仰看，惟見拂拂，從光明中入。既入圓光，不知所在，國人廓散，地還平正，無復欹陷。元始即於圓光之內，說經都竟，衆真監度，以授於我。當此之時，延度劫數，保世升平，福德无量，道法自然，萬彙樂育，喜慶難言。法事粗悉，諸天復位倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸契大道。

無天無闕，無患無殃，無爭無擾，無惡無邪，無徧無黨，意無貪欲，心無怨憎，齊同慈愛，異骨成親。國安民豐，欣樂太平。經始出教，一國以道，預有至心，宗奉禮敬，永延劫運。

道言：元始天尊說經中所言，並是諸天上帝內名，隱韻之音，亦是魔王內諱，百靈之隱名也。皆至道之神機，天地之密文。可以永延大小劫運，保世升平，帝享萬曆，民物咸亨，非世之常辭。上聖已成，真人通玄究微，能悉其章，誦之十過，天地合泰，運度無愆，三灾消革，五氣常平，善瑞咸臻，帝祚綿昌。至學之士誦之十過，則身躬永固，命運長延，保世億齡，感真致仙，濟度垂死，絕而得生。所以爾者，學士道氣未純，體未合靈。召制十方，威未制天。政德可伏御地祇，延度灾衰。但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京，保延无量，爲萬道之宗。巍巍大範，德難可勝。

道言：凡誦是經十過，諸天齊到，推延妙氣，制水伏火，不得凌犯，劫運永長，無有時灾，永保升平。凡學至經，功滿德就，皆能保衛，成其至治，欣樂年豐也。上學之士修誦是經，外保六合，內保一身，內外一理，同獲永延，小大蒙福，幽顯被恩。此經微妙，保衛無窮。一切天人，莫不受慶。无量之福，萬劫蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖。長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，歷劫萬世，數會無窮，道化長存。七月長齋，誦詠是經，消除乖沴，召至福祥。十月長齋，誦詠是經，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，永延劫運，保世升平。身受道德，祖禰超登，得爲九宮，三天真人。離合之日，誦詠是經，普濟生靈，咸獲福壽，擾競永消，普世

率寧，萬神鎮衛，五帝司存。晏眇無窮，以度億齡。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人，願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章上品妙首，十回度人，百神隱韻，離合自然，妙化玉真，高玄上神，孕育元氣，融結萬天，開

明華景，和合陰陽。陰陽合變，五運推行，寒暑代遷，萬化生成。冥冥大範，妙數該通，盛衰周布，各有窮極。陽九百六，水火相厄，號曰劫災，造化俱忒。大劫所交，水火蕩焚，乾坤滅景，惟道獨存。元始安鎮，瓊書上篇，總真命靈，檢校諸天。星宿分度，軌運無愆，攝召蛟龍，負塞河源。東井不傾，江海停淵，統持世界，各有真神。衛世之君，太平高尊，五靈玄老，三氣丈人。中有護國十方大聖，永制劫仞度厄尊神，回災散禍，保世清貞，今日宣布，諸天臨軒。

東方无極飛天保延世劫神王，長生大聖，无量度人。

南方无極飛天保延世劫神王，長生大聖，无量度人。

西方无極飛天保延世劫神王，長生大聖，无量度人。

北方无極飛天保延世劫神王，長生大聖，无量度人。

東北无極飛天保延世劫神王，長生大聖，无量度人。

東南无極飛天保延世劫神王，長生大聖，无量度人。

西南无極飛天保延世劫神王，長生大聖，无量度人。

西北无極飛天保延世劫神王，長生大聖，无量度人。

上方无極飛天保延世劫神王，長生大聖，无量度人。

下方无極飛天保延世劫神王，長生大聖，无量度人。

十方至真飛天神王，永延劫運，保世升平，无量大神。並乘靈瑞祥雲，明霞寶輿，翠蓋華輪，驂駕玉龍，侍衛辟邪。

建紫旄之節，雲錦神幡，前嘯鸞歌逸響，後吹簫籟相和。普天稱慶，莫不欣歡。金童散香，玉女翼轅，安天大將，

赤甲萬兵，齊麾並驅，擁衛高真，保度劫災，蕩熄妖氛。三元正吏，九天上

靈，統化元老，安鎮大神。檢校運會，簡奏帝前，陰陽滯結，隨應開宣。斡旋

大紐，檢極靈關，曆數相厄，回順彌綸。水火流布，生成自然，超凌安泰，杜絕

灾原。凶勃殄滅，萬慶咸臻，不容乖

忒，無招禍愆。靈寶玉字，安鎮劫延，君民安泰，億劫長存。乾坤靜肅，日月合明，昆蟲遂性，至化無邊。神真協贊，世祚長年，與道齊德，功歸萬天。越度三災，福祿純全，億兆無爲，逍遙太平。太平之機，總攝上玄，無色之境梵行。

東方八天

義明昭正天，帝殊師彥希。  
泰智雲陽天，帝妙定無炎。  
昌機游玄天，帝肇初茲成。  
魯思元舉天，帝莊華永恩。  
玄章變梵天，帝無寂阮監。  
韶動希音天，帝陽浴利生。  
度生救靈天，帝辯混持雷。  
周井虛秦天，帝雲梁藻彌。

南方八天

朱海霞藏天，帝皓塞冲圖。  
瑶扈璇侶天，帝祭勤董猷。  
利正京符天，帝晋句頤澤。  
六常賓愬天，帝九方真童。  
呼耻更回天，帝保紀定明。  
魁神總今天，帝捧罡飛霄。

抱日慶交天，帝確生鼎孚。  
量乎文琪天，帝瑟那東。

西方八天

察非正憲天，帝崇四欽靈。  
兆籍羅公天，帝斬彗斗兵。  
楮牧妙睹天，帝陋都内真。  
幹定道庸天，帝樂明報先。  
龍羅竦持天，帝漂粗尉宜。  
候宿推霞天，帝大微亮宗。  
道至玉翰天，帝祈明俱唐。  
上虛寶有天，帝曲擇蒼房。

北方八天

沈淵泛生天，帝廣候無希。  
冥回杳迹天，帝魏鑿變祥。  
羽演萋藉天，帝居門雲芒。  
淵靈浪元天，帝土狨庚驅。  
遼微斷極天，帝鑑伯真侔。  
鼎焯召氣天，帝屢無邁規。  
酌并傲冥天，帝擢寒連。  
妙微昆定天，帝道驗中皇。  
三十二天，三十一帝，諸天隱諱，諸天隱名。天中空洞，自然靈章，諸天隱韻，天中之音，天中之尊，天中之神。

延劫大魔，天中之靈。和會帝氣，統化上清，无量之奧，深不可詳。敷教神霄，保衛無窮。今日欣慶受度，歷關諸天，統御劫化，保世升平。開延紀曆，氣運無愆，混合太一，回度五行。歲星衛生，太白司成。辰星藏養，熒惑敷榮。鎮星中主，皇一周行。青靈定仁，皓靈輔義。丹靈贊禮，玄靈衛智。中央元老，恢張冲氣。東皇大神，木沃蕩蠶。南真大神，灾禍寧極。白帝大神，金兵消革。元晶大神，玄會合德。中皇大神，總御符靈。五方十界，萬道之神，握鈴仗鉞，嚴衛億千。鼓運化綱，召制神真。歷劫天地，保鎮不傾。二十八宿，抗禦四躔。中斗臨向，弭禍開生。四序旋列，寒暑循環。陰陽輪轉，怪沴勿干。大劫至期，辟却灾群。五河主宰，溟泠大神，促令檢錄，開除水津。元始符告，敢有稽停，攝送上宮，所誅無存。姦邪喪氣，祆亂滅根。世受大福，道化澄清。永載慶昌，仁善興隆。普推衆妙，同升上宮。順扶曆數，列奏高空。元始大梵，三氣推延。分


判二象，植立萬天。神靈羅布，造化生成。生成陶育，五氣流行。六氣代遷，榮謝相仍。氣運否塞，大劫纏綿。命有數會，水火風災。華燿隳沒，生靈滅根。溟津幽寥，三景藏輝。善惡無別，凶咎交馳。元始安鎮，福德自然。靈書大策，寶錄上篇。促召諸天，十方大神。統握玄圖，綿綿不窮。範圍道氣，妙用開通。神綱經緯，運劫法輪。樞轄造化，常保元貞。靈風鼓扇，八極和平。和氣沖融，善瑞咸臻。敷揚天政，歷奏上真。真中有神，長生大君。神霄後聖，青華帝君。東極西臺，左右仙卿。執符定簡，以保希夷。威明將吏，掃絕百非。上奉九天，下制三灾。四維八區，一德咸歸。邪穢蕩盡，魔癘折摧。億萬斯載，富樂又寧。不容姦慝，上善日新。忠良輔化，與道合明。道貴保延，无量劫津。悉除鬼盜，風火無停。海宇清謐，天地廓澄。慶逮幽壤，滯爽超登，沈魂滅對，釋解冤愆。純化蕩蕩，稱讚諸天。諸天大聖，咸喜歡言。中為空洞謠歌之章，魔王靈篇，辭

參高真。

第一欲界飛空永劫之音

神化恢張，吉慶方亨。邪道滅兮，嘉祥來臻。天道昭昭，息絕妖氛。仁善歸至德，姦凶造惡根。貪愛忘真守，天經錯謬行。勿使成華愆，當今保太平。惡魔樂殘敗，傷困勞生靈。擾我清淨境，怨毒苦相仍。高上玉清王，賜我靈寶章。攝制綿長劫，常膺無上功。真風既蕩蕩，世祚日興隆。

紫清降福洞微天尊永劫寶符




第二色界魔王延運之章

混洞乾坤，曆運無常。陰陽否愆，厄塞劫津。劫灾所至，水火蕩焚。萬景三辰，冥冥莫存。賴我眾靈，安鎮普天。推延大紀，解釋灾根。調御四氣，寒暑相和。人何知此，以享我恩。禍害沈息，清晏自然。此時樂兮，護度億齡。煌煌群生，一合俱真。上帝寶符，敷落山川。宗社寧肅，永保太平。善

應元吉，我道常尊。


太皇萬福天尊延運寶符



第三無色界魔王保世歌曰

三天之上，萬景之宗。元皇統御，我界所崇。勅制神靈，保衛天根。三灾化蕩，八道清明。劫輪無滯，順化流行。檢校星躔，宿度悉分。我奉帝符，勅制魔群。敢有姦橫，陽光激熾。太平開化，安鎮長存。永膺福慶，後天無傾。造化玄樞，上攝天機。若不知此道，何以登真梯。無令逢運會，群妖得放威。

太平護國天尊保世真符



已上三符，以金銅鑄，安闕門殿廡之上，大吉。學道者佩服，延年却灾度厄，丹書赤紙如科。



此三界之上，飛空之中，真魔謠詠之音，音參洞章。受之永延劫運，帝祚克昌。誦之百徧，消却時災。誦之千徧，魔王衛靈。萬徧道備，億世升平。保度劫化，萬凶摧傾。有聞靈音，魔王敬形。勅制地祇，侍衛神真。臣民康樂，超脫禍難。福慶大來，莫不咸臻。是謂无量，保度無窮，有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王隱祕之音，皆是大梵之言，扶佑劫運，衛世降祥，招真致神，惠民安國。言無韻麗，曲無華宛，故謂玄奧，難可尋詳。上天所寶，祕於神霄玉清玉府經室華堂，應運六萬劫下傳。若有至人齋內寶質心，依舊格告盟九天，然後而付焉。

道言：夫天地運度，亦有否終。日月五星，亦有虧盈。劫數世運，亦有促延。至聖神人，亦有休否。末學之夫，亦有疾傷。凡有此災，同氣皆當齊心修齋，六時行香，十徧轉經，福德立降，消諸不祥，无量之文，普度無窮。

道言：夫末學道淺，或仙品未充，運應滅度，身劫將終，神經太陰。臨過之時，同學至人，為其行香，誦經十過，以度尸形，如五鍊生尸法，魂神徑上南宮，度名天機玄省。隨其學功，計日而得更生。轉輪不惑，便得神仙。

道言：夫天地運終，亦當修齋，行香誦經。星宿錯度，日月失昏，亦當修齋，行香誦經。四時失度，陰陽不調，亦當修齋，行香誦經。大小劫終，五運改易，世紀延續，亦當修齋，行香誦經。疫毒流行，兆民死傷，亦當修齋，行香誦經。稼穡不登，亦當修齋，行香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝，故曰无量，普度天人。

道言：凡有是經，能為天地帝主兆民，行是功德。有災之日，發心修齋，燒香誦經十過，皆諸天記名，萬神侍衛。右別至人，剋得為聖君金闕之臣。諸天記人功過，毫分無失。天中魔王，亦保舉爾身。得道者乃當洞明

至言也。

諸天中大梵隱語无量音 道君撰

元始靈書永延劫運護世太平玉篇

東方八天

鬱羅高張，化運玄庸。歷譜緣世，憫愍慈宮。幸祐夷拱，敷卓姦求。輅做題攸，覺租沂鉤，祝屠睹需，琳局鄙幽。大格省急，宰錄並由。獻嶽遘塞，雲業道解。錫疇帝房，略勿鋤諫。

南方八天

褒嶢儲析，星簡昉泰。神音謹忱，醮伯呼在。漠延徂墀，伐靈力心。第粵著延，高始耿亨。昭符江愬，山尸毛樊。乙愬通輻，卷白彼關。升童照腦，精延內鑒。運意神占，寸曠允閑。

西方八天

明思彪陔，鐸哥淨淙。瓊阜煙徊，媁茲綠姬。蒙虛遙誠，露液密樂。抱連卯墟，玄冥洞覺。蕪晶縻常，活欲耻孤，熾動命得，無何劫空。定本為防，真絕乖當。一同龍初，子胎幻如。

北方八天

罔光搖潤，結沫陷海。抽丘擬岡，流漫溢蔓。忽影紛象，興沒降伏。妄有認匪，混獨消止。生恩名慈，伐毒擯非。隨自納祥，天收赴微。繩遠丕固，糝萋邈窺。榮竟弗悼，諱契啓施。

道言：此諸天中，大梵隱語，无量之音。舊文字皆廣長一丈，天真皇人以絳玉之簡，刻書其文，以爲正音，布諸臺闕及太微紫微館室之上，以攝大小劫運，世數水火，克復不祥。有知其音，能齋而誦之者，諸天皆遣飛天神王，下觀其身，書其功勤。上奏諸天，萬神朝禮，地祇侍門，大勳真王，保舉上仙，道備剋得，遊行三界，升入金門。此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞烟，萬靈振伏，招集群仙，天無氛穢。地無祲塵，冥慧洞清，大量玄玄也。

靈寶无量度人上品妙經卷之四

靈寶无量度人上品妙經卷之五

消禳國君王侯世土災祥品

道言：昔於靜慶天中，玉景安華大真樂土，受元始度人消禳國君王侯世土災祥无量上品。元始天尊當說是經，周迴十過，以召十方，始當詣座。天真大神，上聖高尊，耀寶真人，諸天仙王，太極公侯，左右仙伯，卿士神吏，無鞅數衆，乘空而來，寶埒天馬，流駟雲車，揚光輝彩，華宸耀浮，金根飛輪，五雲交映，侍衛星羅，九靈開瑞，洞朗八虛。七日七夜，諸天三界，仙真境域，一時慶樂，群真協德，人天康壽，災患蠲消，咸樂太平。諸天世土，山川林木，緬平一等，無復高下，土皆作黃玉，無有異色。衆真侍座，元始天尊玄坐空浮九光寶藥太和瓊龍之上。說經一徧，諸天大聖同時稱善，是時普天世土之中，風化晏清。說經二徧，祲沴不

生。說經三徧，時序和平。說經四徧，星辰順軌，日月常明。說經五徧，五穀咸茂，無有凶橫。說經六徧，保真棄僞，民無欲心。說經七徧，民德歸仁，富壽永康。說經八徧，正道流行，群生遂性。說經九徧，國王帝主，益增萬壽。說經十徧，天人合慶，福祚無窮。是時一國是男是女，莫不傾心，皆受護度，咸得長生。

道言：是時，元始天尊說經一徧，東方无極大聖消災大神，無鞅之衆，浮空而至。說經二徧，南方无極大聖禳凶大神，無鞅之衆，浮空而至。說經三徧，西方无極大聖散禍大神，無鞅之衆，浮空而至。說經四徧，北方无極大聖除殃之大神，無鞅之衆，浮空而至。說經五徧，東北无極大聖滅醜大神，無鞅之衆，浮空而至。說經六徧，東南无極大聖馘惡大神，無鞅之衆，浮空而至。說經七徧，西南无極大聖蕩穢大神，無鞅之衆，浮空而至。說經八徧，西北无極大聖誅邪大神，無鞅之衆，浮空而至。說經九徧，上方无極大聖殄癘

大神，無鞅之衆，浮空而至。說經十徧，下方無極大聖伏魔大神，無鞅之衆，浮空而至。十徧周竟，十方無極消

攘世土一切灾祥至真大神，一時同至，諸天國土，君臣兆民，傾心歸仰。來者有如雲奔霧合，無鞅之衆，迨國一半，土皆偏陷，非可禁止。於是元始化一神珠，大如鬱儀，凝輝曜煥，升降徘徊，在太空之中。元始攝引，華芒徧及一切。天真大神，上聖高尊，耀寶真人，十方無極諸天國土君臣兆民，消攘世土灾祥大神，無鞅數衆，俱入神珠之中。天人仰看，惟見諸天國土，君臣兆民，消攘世土灾祥大神，惟見欵欵從華芒中入。既入華芒，不知所在。國人廓散，地還平正，無復欵陷。元始即於神珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，世土安泰，莫不昌隆。不擾不競，不疾不傷，不刑不殺，不侵不盜，不夭不殘。上下一德，保合太

和，齊同慈愛，異骨成親。國安民豐，欣樂太平，經始出教，萬國以道，預有至心，宗奉禮敬，皆得度世。

道言：元始天尊說經中所言，並是諸天上帝內名隱韻之音，亦是真王內諱，百靈之隱名也。十方世土之中，國君王侯欲延永世襲，保安境土，使兵灾不起，水旱不生，盜息民豐，時康物泰，皆當敷置五方消攘世土灾祥真文。或以佩受，迎致福祥。鎮國之符，立壇祈醮。詠此神文，消灾攘禍，克保太平，非世上之常辭。上聖已成，真人通玄究微。能悉其章，誦之十過，諸天遙唱，世土遐昌，灾病弭除，水火蕩平，政教大備，道德齊隆，福祥洊至，民物熙熙。至學之士誦之十過，則天地協贊，感格神靈，經緯順次，造化生成，國祚綿遠，善瑞日臻。所以爾者，世土氛穢既消，道氣還淳，消攘，妙範召制威神，營衛於時運，抗禦而不愆，保度至治，但無爲而已，不復憂虞。輕誦此章，身則被殃。供養尊禮，社稷興隆，世上昌熾，與善因緣，萬灾不干，神明護門。

斯經尊妙，獨步玉京。消攘一切灾祥，爲萬道之宗，巍巍大範，德難可勝。

道言：凡誦是經十過，諸天齊到，億千萬國，國君王侯，世土之中，皆蒙玄化，普受道恩。生養人物，德澤咸均，潛化蝨賊。使姦慝無聞，激揚和氣，清靜自然，介爾景福，上契玉真也。上學之士，修誦是經，皆能爲國消攘疾害，召致嘉祥。世人受誦，則上保家邦，下無身灾，永爲忠孝，延壽長年。後獲鍊化，超生沉淪，返質登仙，遊宴太清。此經微妙，普度無窮，一切天人，莫不受慶。無量之福，世土蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役冥關。侍經五帝，玉童玉女，各二十四人，營侍神文，保護受經者身。

道言：正月長齋，誦詠是經，消攘國君王侯世土，爲天地陰陽，乖沴成灾，攘制克平。七月長齋，誦詠是經，消攘國君王侯世土，日月星辰厄會之愆，臨注身宮，扶持妙用，後天無終。十月長齋，誦詠是經，消攘國君王侯世

土灾祥，爲永延曆數，降致仙真，安鎮國祚，保天長存，世世不絕，長爲人君，安鎮其方，民稱太平。八節之日，誦詠是經，靈慶單被，敷佑庶民。本命之日，誦詠是經，消穰灾禍，保身之中，三田八景，九宮關節，靈真臟腑，百神羅絡一形，壽筭無傾，鎮穰世土灾凶，保萬物以同榮，尊享上功，聖德齊明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官使者，各三十二人，關啓所言。今日吉慶，長齋清堂，修行至經，无量度人。願所啓上

徹，徑御无上三十二天元始上帝至尊几前。

畢，引炁三十二過，東向誦經。

### 元始无量度人上品妙經

元始洞玄靈寶本章，消穰國君王侯世土灾祥上品妙首，十回度人，百靈隱韻，離合自然。五氣玉文，三天妙根。混沌之始，感激神真。推判萬象，品物流形。光華布景，與道合明。總御三界，羅絡八方，邦國境域，帝主侯王，各統世土，上玄所宗。政治德化，效法是崇，動靜之機，表慶灾祥。善招其吉，惡貽其殃，洞合希夷，天運隆昌。存乎妙範，皇極金篇，彌綸範氣。攝錄神王。檢校禍福，會于玉堂，左右玄臺，丹靈雲房。簡察否厄，隨氣消穰，演溢太和，周旋徘徊。中有上化保度之司，中有極真雙皇太微，中有五老却灾辟非，中有道祖太乙天真，中有九靈太妙元神，掌握樞紐。西華玉妃，迴愆散厄。无量之功，今日開化，諸天臨

軒。東方无極消穰灾厄神王，長生大聖，无量度人。南方無極消穰灾厄神王，長生大聖，无量度人。西方无極消穰灾厄神王，長生大聖，无量度人。北方无極消穰灾厄神王，長生大聖，无量度人。東北无極消穰灾厄神王，長生大聖，无量度人。東南无極消穰灾厄神王，長生大聖，无量度人。西南无極消穰灾厄神王，長生大聖，无量度人。西北无極消穰灾厄神王，長生大聖，无量度人。上方无極消穰灾厄神王，長生大聖，无量度人。下方无極消穰灾厄神王，長生大聖，无量度人。十方消穰世土灾厄保慶神王，長生度世，无量大神，並乘寶埒天馬，流駢雲

世，无量大神，並乘寶埒天馬，流駢雲

車，華蓋耀浮，金根飛輪，騰馭驂駕，玉鳳金龍。建召神之節，命靈之旛，前詠洞虛之曲，後歌天寶之章。青鸞素鶴，鳴嘯相和。前馳後擁，金華帝仙。騎乘駢羅，控景徘徊。停旌駐蹕，監真度非。十方主吏，萬國神君，天曹主宰，皇綱衆靈。持符執籍，同會帝宸，鑒觀善惡，檢察災源。宣命世土九地神州，定化之府。神霄外臺，典錄仙卿，九宮八道，十二天元，總提運會，造育之權，蕩除凶戾，塞絕惡津，不容邪蠶，激肆祆雲。靈寶上法，安鎮消穰，回祥致福，延祚無邊，國君侯王，常居自然，端拱無爲，燕禧劫年，民物寧泰，共保長存，世難息氛。三極澄清，永致陰陽。窮厄之愆，四時和平，五辰順序，二運推遷，妙用之本，該通太玄。太玄之天，天帝洞明，元皇之境梵行。

#### 東方八天

瀾部臻祺天，帝南菩泊呈。  
鎮平思化天，帝越輔明津。  
拱觀政神無竟天，帝索可靈。  
道端克適天，帝抱雌觀神。

真華總明天，帝侯昌都。  
運陽扶世天，帝孟奇晦山。  
福納萬申天，帝用達斯。  
洞靈濟方天，帝劉景標。

#### 南方八天

覺慧丹元天，帝女裳益玄。  
常應炎空天，帝學統慈布。  
光德保生天，帝杜百還。  
洪猷遠滋天，帝照無拖。  
澤施普揚天，帝運撻默尋。  
歷祚極隆天，帝魁元仲嘉。  
福熙照績天，帝孝攸倫。  
政通神幾天，帝洞皇利尊。

#### 西方八天

道功微妙天，帝初顯蔚基。  
鍊素證真天，帝登保妙持。  
奇靈省世天，帝雅玄旨宜。  
百寶履完天，帝略伯季望。  
順慈濟明天，帝龍求信中。  
智藏遁芒天，帝退吉淵。  
武威宗皓天，帝助光浪同。  
宇寧正隆天，帝順回靈夫。  
北方八天

玄生悟真天，帝報逸取仙。  
施玄淨粹天，帝伯師邊能。  
戒精檢神明祖天，帝賀室龍門。  
遙龍普變思真天，帝釋乙叢。  
直功進義天，帝曜合紫清。

太玄思无天，帝召變祝棋。  
離緣定化天，帝末那憂余。  
司危履玄天，帝虚生斗察。

三十二天，三十一帝，諸天隱諱，諸天隱名。虚玄變化，無量洞章，空无成韻，九天之音。三境之尊，立極之神，飛天大魔，保鎮之靈。陰運陽降，法象生成，元化之妙，大不可量。普育群真，保國護人，消穰灾厄，静息祆氛。收捕惡逆，掃蕩姦凶，解散厄會，却滅洪灾。真王監舉，過度天關。東斗豐殖，西斗持兵，北斗注壽，南斗政明，中斗養德，恩沛下民。青帝備文，白帝鑒觀，赤帝行令，黑帝察姦，黄帝體道，統攝天官。青童持旛，伐滅叛亡。赤童執節，消殄火殃。素童秉旗，四夷來王。玄童建麾，穀盈太倉。黄童仗鉞，守衛明堂。五天靈童，神化無方。總

領三界，斡運天常。召神制氣，叩玉鳴鐘。宣令布教，飛行太空。丹天赫弈，與道同功。鎮安世土，保天無終。上玄降命，符告北酆。真王護世，境土崇康。真文寶書，普鎮不祥。八靈翊衛，雷電恢張。金獸天馬，神鳳毒龍。流鈴煥落，風火激衝。炎炎赫赫，朗耀高穹。滅滅妖蠱，皇道升平。社稷綿永，萬邦咸寧。魔無干試，鬼無逃形。六天列曹，檢察鬼營。不得怠縱，使氣交并。普告三官，萬神咸聽，三界五帝，列言上清。

帝一元始，皇老上真。三氣流芳，化生神靈。上列九宮，下布九淵。太漠真精，紫虛玉清。曲宸高映，耀景玄冥。蒼混綠旻，白章碧炎。羅絡大梵，素雲杏煙。金闕黃房，玉京寶山。丹霞鬱壘，藥珠廣寒。眇眇劫仞，無極靈宮。混黃下降，輪轉剛風。九水三周，浩蕩頑空。外運綱紐，流演諸天。中育萬類，主之以君。體備天地，齊居獨尊。陰陽升降，庶物乃成。元和沖妙，牧養人民。陰窮陽悖，天灾互生。兵

荒水旱，疫毒流行。民物天傷，何以禳除。洞玄靈篇，七真印章。五帝玉文，石精金光。太丹玄經，消禳世土之灾，永亨利貞。調正五常，七曜齊明。人主受福，永保太平。上遊玉虛，九化飛輪。太微之內，玄極之中。三元考校，正道興隆。蕩蕩灝景，巍巍圓羅。圓輝絳煙，大明陰華。朱爛蒼晶，騰光散霞。天道貴和，无量度人。出入八門，生化之根。陽九百六，水火刀兵。普受拯濟，消滅灾凶。世獲樂康，上聞三天。三天之上，玉帝玄居，中有消禳世土灾厄之章，八景瓊書，辭參高真。

第一保鎮國君飛空之音

淳羅神丘，受錄紫皇。乘雲落煙，八道交光。玉闕龍文，保鎮帝皇。妙哉神霄尊，興此大法橋。天光降紫微，寶符攝群妖。翩翩歸上帝，紛紛登絳霄。國君受大福，天歌朗幽寥。世祚享太平，懋昌道所招。元始授靈章，大範何昭昭。境界既以肅，惡根皆殄消。正己道來格，萬劫亦非遙。

第二消禳王侯灾厄之章

大道恢張，變化無方。峨峨諸天，咸立侯王。翼衛億千，共正宏綱。下及人世，仰法高穹。悠悠群類，功歸帝皇。斡運斗極，齊以崑崙。召仙集真，開化超登。感降和氣，養育生民。掃殄凶醜，却滅邪源。肅清世土，皇極真明。三玄寶符，統攝萬兵。得與飛仙，同到玉階。遊行太空，所向利亨。運神上景，永居紫庭。

第三消禳世土灾厄歌曰

上列九天，下分九淵。蕩蕩道景，經緯無邊。輪轉元綱，而定域中。國界既正，宸極居尊。森羅三境，安鎮五山。帝處神洲，總攝萬靈。若有灾厄，禳以玉文。玄音八書，六十四篇。洞明天地，六氣交纏。拂除凶穢，簡奏上玄。保鎮隆平，三界晏然。至道本無形，神妙可相傳。玄德被群有，稽首神霄文。

此三界之上，飛空之中，真王歌音，音參洞章。誦之百徧，四海和同。誦之千徧，民化時雍。萬徧道備，世祚

無窮，超度三界，德業興崇。有聞靈音，封山召靈，勅制地祇，侍衛送迎，保安國土，普濟群生。是謂无量，億劫度人，有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及神霄真王隱祕之音。消滅國君王侯世土之內一切災厄，辟斥不祥，禳除兵饑蝗旱，洪災瘟疫，繁霜雷電，暴惡風雨，一切怪異。使世土遐長，宗胄□茂，禁制邪魔，召迎和氣，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清王府東室秘藏，數丁壬辰應運下傳。若有至人齋金寶質心，依舊格告盟十天，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾，同氣皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，

運經灾厄，身歷傾危，但當冥心行香，誦經十徧，即得過度厄難，隨其學功，計日而得昇遷，不犯干試，超登列仙。

道言：夫天地運終，星宿錯度，日月失明，四時失度，陰陽不調，國境灾怪，疫毒流行，兆民死傷，師友命過，皆當於國門之外，築五方玄壇，於有灾之所，向望其處，敷露五方真文，六時行香，讚禮誦詠，投詞上章，招致真靈。諸天即遣消禳世土十大神將，一合來降，驅斷灾厄，除斬妖魅，世土安寧，五福荐至。夫齋戒誦經，功德甚重，上消天灾，保鎮帝王。下禳毒害，以度兆民。生死受賴，其福難勝，故曰无量，普度天人。

道言：凡有是經，能為天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛。右別至人，剋得為真王玉府之臣。諸天記人功過，毫分無失。天中真王，亦保舉爾身。得道者，乃當洞明至言也。

諸天中大梵隱語无量音 道君撰

元始消禳國君王侯世土灾祥玉篇

東方八天

景位尸陀，邀林詞歌。辨樊至持，韋詢不多。鉤白猛提，韓淵竟傿。徧霧勅符，橫佐篇沙。冀液秦屯，淳侯總河。无闌催宴，離雲濯波。壘慈貽明，光廓幽羅。正行梵龍，天機玉洩。

南方八天

星殿元基，曆奔華邊。轉擲賀門，九峨承天。化直占殿，允皇逸權。聊還注壺，景運璣璇。丙現守澤，平遙屈連。慶常驛飛，流岐玄仙。蕩方經構，璧建趣堅。陳東莫支，猛柞混田。

西方八天

劍伊真庭，連岡驥晶。變素莎臺，治異消靈。卦室鎖疆，飛翔定局。蔭末山峰，汶時贄丁。演亶棋陋，祠婁決征。祖判叔徒，吉倚文寧。頻鄆曲泉，例蘇雲城。元被渦祖，救慈蓬興。

北方八天

纁組迎符，樞台北圖。究綿密祝，嬰次緣桓。苟隸寂曹，月緒敷綿。珎初凝紀，遼笳牧班。霞沛望逾，令別將神。削凝詔咸，力宣固全。錄梵廣報，冥察裕玄。栗微罔著，覺陶茨輪。

道言：此諸天中，大梵隱語，无量之音。舊文祕在九天玉闕之內，應運降世，消穰下土諸國境域灾癘。字皆廣長一丈，天真皇人昔書其文，以為正音。有知其音，能齋而誦之者，諸天皆遣靈飛使者，下觀其身，書其功勤，上奏諸天。萬神朝禮，地祇侍門，四極真王，保舉上升，道備剋得，遊行三界，升入金門。此音無所不辟，無所不穰，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵。冥慧洞清，大量玄玄也。太上五方真文，及國君王侯所佩消穰灾祥符命，並附于後。

東方真文

𠄎<sub>角</sub>𠄎<sub>龍</sub>𠄎<sub>負</sub>𠄎<sub>河</sub>𠄎<sub>護</sub>𠄎<sub>世</sub>

𠄎<sub>却</sub>𠄎<sub>非</sub>𠄎<sub>真</sub>𠄎<sub>王</sub>𠄎<sub>下</sub>𠄎<sub>降</sub>

𠄎<sub>萬</sub>𠄎<sub>惡</sub>𠄎<sub>俱</sub>𠄎<sub>推</sub>𠄎<sub>世</sub>𠄎<sub>土</sub>

𠄎<sub>永</sub>𠄎<sub>延</sub>𠄎<sub>億</sub>𠄎<sub>下</sub>𠄎<sub>無</sub>𠄎<sub>衰</sub>

南方真文

𠄎<sub>赤</sub>𠄎<sub>帝</sub>𠄎<sub>命</sub>𠄎<sub>靈</sub>𠄎<sub>萬</sub>𠄎<sub>法</sub>

𠄎<sub>開</sub>𠄎<sub>通</sub>𠄎<sub>魔</sub>𠄎<sub>鬼</sub>𠄎<sub>滅</sub>𠄎<sub>種</sub>

𠄎<sub>世</sub>𠄎<sub>無</sub>𠄎<sub>灾</sub>𠄎<sub>凶</sub>𠄎<sub>神</sub>𠄎<sub>府</sub>

𠄎<sub>玉</sub>𠄎<sub>文</sub>𠄎<sub>皇</sub>𠄎<sub>道</sub>𠄎<sub>永</sub>𠄎<sub>豐</sub>

西方真文

𠄎<sub>玄</sub>𠄎<sub>女</sub>𠄎<sub>素</sub>𠄎<sub>禡</sub>𠄎<sub>把</sub>𠄎<sub>符</sub>

𠄎<sub>紫</sub>𠄎<sub>清</sub>𠄎<sub>授</sub>𠄎<sub>命</sub>𠄎<sub>玉</sub>𠄎<sub>階</sub>

𠄎<sub>斬</sub>𠄎<sub>伐</sub>𠄎<sub>百</sub>𠄎<sub>精</sub>𠄎<sub>世</sub>𠄎<sub>土</sub>

𠄎<sub>湯</sub>𠄎<sub>湯</sub>𠄎<sub>君</sub>𠄎<sub>主</sub>𠄎<sub>宴</sub>𠄎<sub>平</sub>

北方真文

𠄎<sub>黑</sub>𠄎<sub>靈</sub>𠄎<sub>北</sub>𠄎<sub>君</sub>𠄎<sub>總</sub>𠄎<sub>攝</sub>

𠄎<sub>天</sub>𠄎<sub>門</sub>𠄎<sub>消</sub>𠄎<sub>穰</sub>𠄎<sub>世</sub>𠄎<sub>上</sub>

𠄎<sub>翦</sub>𠄎<sub>滅</sub>𠄎<sub>妖</sub>𠄎<sub>氛</sub>𠄎<sub>神</sub>𠄎<sub>膏</sub>

𠄎<sub>玉</sub>𠄎<sub>書</sub>𠄎<sub>保</sub>𠄎<sub>天</sub>𠄎<sub>無</sub>𠄎<sub>傾</sub>

中央真文

𠄎<sub>天</sub>𠄎<sub>皇</sub>𠄎<sub>稟</sub>𠄎<sub>氣</sub>𠄎<sub>保</sub>𠄎<sub>鎮</sub>


𠄎<sub>萬</sub>𠄎<sub>方</sub>𠄎<sub>擲</sub>𠄎<sub>火</sub>𠄎<sub>流</sub>𠄎<sub>金</sub>

𠄎<sub>照</sub>𠄎<sub>除</sub>𠄎<sub>不</sub>𠄎<sub>祥</sub>𠄎<sub>黃</sub>𠄎<sub>老</sub>


𠄎<sub>律</sub>𠄎<sub>令</sub>𠄎<sub>世</sub>𠄎<sub>上</sub>𠄎<sub>水</sub>𠄎<sub>康</sub>




國君佩符



王者佩符



諸侯佩符



右符安世土，除灾禍。隨所旺色，書碧繒上，絳囊盛。上香，三再拜，佩之，吉。更用一著社中，尤勝。

元始无量度人上品妙經卷之五

### 靈寶无量度人上品妙經卷之六

#### 太一神變五福護國禳兵品

道言：昔於始青天中，碧落空歌大浮黎土，受元始度人太一神變妙品。元始天尊當說是經，周迴十過，以召十方，始當詣座。天真大神，上聖高尊，妙行真人，三元太一真君，九宮八史，靈圖玉局大神，無鞅數衆，乘空而來。九光泛駕，紫霄薦芷，綠煙裊香，丹鳳雲輿，班龍寶輦，雕輪層蓋，注玉凝輝，縟彩爭華，仙雲呈麗，洞照八極。九日九夜，諸天神嶽，靜布靈風，蕩除纖翳，廓清區海，澄覽太和。一國地土山川林木，芳潤等齊，碧霞回宛，周視寥虛，妙光同色。衆真侍座，元始天尊玄坐空浮玉京金梁八風浮臺雲珠寶構曲晨萬龍天德之座。說經一徧，諸天大聖同時稱善，是時混沌營胎，自無成有。說經二徧，太一稟生，狀如蓮萼。說經

三徧，含華吐藥，真氣流虹。說經四徧，九色雲芽，迸勾爲甲。說經五徧，太一居中，外羅八景。說經六徧，玄液同滋，元氣內輔。說經七徧，天嬰七竅，開爽能聲。說經八徧，人物出胎，太一仰視。說經九徧，太一試步，九宮旋行。說經十徧，身御錦衣，手持玉式。是時一國是男是女，欣睹天尊，演示太一神變道機，元宗降福度人，冥信歸誠，皆受濟護，咸得長生。

道言：是時元始天尊說經一徧，東方三元太一慶生真君，至真大神，無鞅之衆，浮空而至。說經二徧，南方三元太一廣明真君，至真大神，無鞅之衆，浮空而至。說經三徧，西方三元太一神虎真君，至真大神，無鞅之衆，浮空而至。說經四徧，北方三元太一隱道真君，至真大神，無鞅之衆，浮空而至。說經五徧，東北三元太一鬼策真君，至真大神，無鞅之衆，浮空而至。說經六徧，東南三元太一本生真君，至真大神，無鞅之衆，浮空而至。說經七徧，西南三元太一坤母真君，至真大

神，無鞅之衆，浮空而至。說經八徧，西北三元太一大老真君，至真大神，無鞅之衆，浮空而至。說經九徧，上方三元太一天呱真君，至真大神，無鞅之衆，浮空而至。說經十徧，下方三元太一地齒真君，至真大神，無鞅之衆，浮空而至。十徧周竟，十方三元太一真君，無鞅之衆，一時同至，一國男女，傾心歸仰。來者皆從上元九宮太一真君，中元九宮太一真君，下元九宮太一真君。三元每宮太一，各變三宮，於其三宮。又變九宮，九宮之內，每宮九宮，九九各變八十一宮，太一居中。十方太一，垂光度人，是諸天人咸詣元始，瞻聽大法，衆不可計。侍從三元太一真君，雲填海赴，滿餘一國，聖地震動，觀闕傾搖，晃耀無極，不可禁止。於是元始不起于座，上攀玉綱，手把大魁，忽從空落，天人遠矚，華蓋燦然，萬寶縈結，惟見斗口元魁墜空，六炳昭列碧影之間，圓映金色，熠熠吐霞，如大火聚。其中有太上真君，金床玉帳，紫繡錦裙，項負九色，手持星珠，瑩煥瓊

都。天尊顧視天人，宣告無鞅。乃曰：三元九宮太一真君，各乘宮室，神變福祥。在人身中，號中黃太一，宴處玄丹。今作神變，降道元魁，遐想玉城，未逾方寸，我以神力无量度人，太一變身，同我說法。於是元始登引天真太神，上聖高尊，妙行真人，十方無極，三元太一真君，至真大神，無鞅數衆，俱入元魁之中。天人仰看，惟見勃勃從魁星中入。既入星宮，不知所在，國人廓散，地還平正，無復欹震。元始即於星宮之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，太一神變，隨運降福，全其本年，不有害傷，傾土歸仰，咸悟道心。無難無兵，無饑無病，無暴無夭，無變無刑，無畏無驚，言符休應，口饒善聲。齊同慈愛，異骨成親。國安民豐，欣樂太平，經始出教，一國以道，預有至心，宗奉禮敬，皆得度世。

道言：元始天尊說經中所言，並

是三元太一內名，隱韻之音，亦是九宮內諱，百靈之隱名也，非世上之常辭。上聖已成真人，通玄究微，能悉其章，誦之十過，太一下觀，三元鼓節，天輪錯翠，地局界金，日月合璧，星宿連珠，河漢揚清，山嶽嚴峙，靈風蕩虛，萬穴吹籟，移綱轉機，化職自行，群魔束形，鬼精滅爽，迴屍起死，白骨成人，太一之福，滅而更生。至學之士，誦之十過，則五帝仗鉞，三元命幡，太一乘車，周臨八埏，福從氣行，萬道克先，斷除不祥，災饑播遷，魔鬼掃迹，幽爽升仙，君德所加，慶熙億年，神威無方，位居綱前，疾病垂死，遇而能全。所以爾者，學士候氣待時，太一命真，以制十方，威攝萬天，伏御地祇，束縛魔靈，辟灾却死，脫難就生，太一神文，變化回靈。輕誦此章，身則被殃。供養尊禮，門戶興隆，世世昌熾，與善因緣，萬灾不干，太一守門。斯經尊妙，獨步玉京。度人無量，爲萬道之宗，巍巍大範，德難可勝。

道言：凡誦是經十過，當知太一

神變之道。夫三元二十七宮，天元、人元、地元三部，各有太一真君主之。隨九氣九星九宮之色，各以定世之禍福。濟時衛世，護國保君，使帝壽永隆，天象共泰，乃太一之玄功。

天之九宮，北帝居，東北遊樞，東育生，東南望黎，南朱陵，西南女房，西皓清，西北虛微，中黃靈。其太一曰：古蒼、竹孚、冥由、紫儀、九首、白旗、定嘉、速吉、兵囚。

人之九宮，北道玄，東北吐魂，東嬰兒，東南鬼都，南火山，西南虎身，西熊女，西北乾父，中福堂。其太一曰：長生、帝康、伯輪、臣斧、玄圖、九殺、丹精、七甲、人母。

地之九宮，北玄室，東北蒼提，東玄青，東南宜明，南赤兵，西南將印，西伏殺，西北道京，中普登。其太一曰：玄虎、綠齒、披髮、九身、青蛇、白蒙、血噬、猖奴、孟錚。三元之隱名，與世所稱異，其道甚祕。中宮五福之庭，土神之精，上爲天皇，中爲太一，下爲玄一。在學道者，身爲帝所，而思之爲玄一。

得其道者，以一爲萬，以萬爲一，通變化，知生根，壽而不死，長生仙也。

五土之氣，爲帝主福，故四十五年而遷其室。居北者，九年而遷居；西南者，十八年而遷居；東者，二十七年而遷居；東南者，三十六年而遷居；西者，六十三年而遷居；東北者，七十二年而遷居；南者，八十一年而遷。遷不背逆，下無臨制，上無刑剋，則灾害不生，日享太平。或履非其位，遇非其時，上下不相得，則隨宮爲蠶，其灾皆亦繫道德之所致也。能誦是經，則太一回旗，使者執節，召福致氣，不戰而勝。兵道大利，吉歸帝尊，與天齊年。太一神變，難可詳知。太一者，三元之貴神，以福人君者也。其變無常，知之壽無紀極，道德來備。太一之氣，朝變爲慶雲，中變爲重輪，暮變爲流金，星光夜流，又餘者是也。見之焚香誦經，以迎其福，坐致天祿，得爲神仙，遊宴飛升，自然得道。雲如弁士者，五福在北也；雲如飛龍者，太一在東也；雲如舟魚者，太一在南也；雲如

旗常者，太一在西也；雲如織蓋者，太一在中也；雲如遊女者，太一在東北也；雲如火炬者，太一在東南也；雲如丘隴者，太一在西南也；雲如戈矛介士者，太一在西也；雲如輅車者，太一在西北也。上學之士，不以道俗，望雲燒香，誦經十過，太一降九宮騎吏，護國安人，福慶普賴，皆即受度，長生神仙。太一真君護國帝王，保安人民。有知太一，總臨萬天，近居一身，則億曾萬祖，幽魂苦爽，皆悉受度，上升朱宮。格皆九年，受化更生，得爲貴人。身自受誦，心識意解，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮，太一神變，天人受度，無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，迎上元太一真君，從官將吏，九宮大神，爲

上世亡魂，斷地逮役，兵刑殞命，度上南宮。七月長齋，誦詠是經，迎中元太一真君，從官將吏，九宮大神，消兵却敵，佐輔帝王，福及人民，身得神仙，諸天書名，黃籙白簡，削死上生。十月長齋，誦詠是經，迎下元太一真君，從官將吏，九宮大神，爲國王帝主，禳解五兵，寧鎮八方，盜賊喪形，姦宄不生，君臣父子，安鎮國祚，保天長存，世世不絕，常爲人君，安鎮其方，人樂太平。八節之日，誦詠是經，奉迎五福太一真君，入居中宮，得爲九宮真人。本命之日，誦詠是經，迎三元太一真君，入居命局，降福兆身，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐青黃白三色雲氣之中，內外蒼冥，儼見十方太一，各乘本宮，布氣天內，有青龍、白虎、朱雀、玄武、

獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹、左右官使者、侍香玉童、傳言玉女、五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄，靈寶本章。太一神變，五福度人。三元隱韻，離合自然。混黃窈茫，無門無傍。朗朗太空，道氣無方。八十一劫，遼廓無光。混沌胞胎，不從陰陽。忽生至神，強名太一。乘駕黃龍，手把天綱。狀玉嬰兒，丹錦綠裳。回旋左右，真正八鄉。萬靈伏從，莫有敢當。太一大神，是爲天根。時遊玉清，上聖之身。泥丸九宮，下生萬天。及以人民，各有知識。分別種倫，

分形萬物。居人腦宮，是爲明覺一真大神，上居太微，中安福庭，下此九宮，爲帝之寶。太一生誕，元始同真，上無復祖，惟道爲身。一既植立，天地乃凝，無一不光，無一不明，無一不立，無一不成，無一不度，無一不生，是爲大梵天中之天。太一真形，遊步玉京。上極無上，大羅玉清。眇眇劫仞，若亡若存。乘道之清，三元布宮。以九爲程，太一御之。垂福弭兵，與道同遷。元始俱生，動靜消息，進退晦明。前有金闕，後有玉房。東淨西靈，太一經行。支演梵炁，周迴十方。中有三元九圖之神，中有玉局行筭之君，中有易度遷室之神，中有揚旗、望歲、赤幘、直符丈人，中有太一、前驅、後部、八殺、五福、六氣、九虛尊神，迴骸起死，无量度人。今日校錄，諸天臨軒。

東方无極三元九宮太一真皇，長生大聖，无量度人。  
南方无極三元九宮太一真皇，長生大聖，无量度人。  
西方无極三元九宮太一真皇，長生大

聖，无量度人。

北方无極三元九宮太一真皇，長生大聖，无量度人。

東北无極三元九宮太一真皇，長生大聖，无量度人。

東南无極三元九宮太一真皇，長生大聖，无量度人。

西南无極三元九宮太一真皇，長生大聖，无量度人。

西北无極三元九宮太一真皇，長生大聖，无量度人。

上方无極三元九宮太一真皇，長生大聖，无量度人。

下方无極三元九宮太一真皇，長生大聖，无量度人。

十方至真太一真皇，長生度世无量大神，並乘碧霞，紫白交雲，流光照空，丹轂綠輿，蚪輪鳳駟，羽翼朱紱，蔭映搖曳。驂駕九色巨天神獸，玉宸飈欵之龍。建青髦之節，七曜洞神靈幡，前嘯九歌齊唱，後吹八音同鳴。天馬辟邪，鼓舞躑躅，鸞鶴鴻鵠，嘯集囀囀。六甲啓途，玉女扶轅，億乘萬騎，浮空而來，

傾光回駕，御運度生。太一直符，三元九宮，布策推局，招搖大神，天目飛鳥，揆氣推時，下臨方外，福禍應期。執錄把籍，齊到帝前，隨所應度，嚴校諸天。

普告三界，九維八極，二十八分，所臨邦國，兵饑水旱，暴卒癘疫，祥瑞福應，君壽道德。合符下上，剋制所經。三官九府，十二河源，陰陽氣局，內外一千二百度運，天界人域，主治福禍。下逮生民祖考，億劫種親，福會所臨，太一降氣，幽爽蒙度，冥泉發光，疾除罪簿，落滅惡根，不得拘留，逼合鬼群。太一符命，時刻升遷，迎氣修誦，升壇叩靈，以祈福應。雖植灾宮所臨之國，至信祈禳，則三官鳴軫，太一回轅，灾變爲福，享國太平，帝壽億年。世人命曆所加，當爲灾害，依法祈請，天光映身，及世長生。太一紫宮，福及天人，至有滅化，在貴福之分。則北都寒池，部衛形魂，制魔保舉，度品南宮。死魂受鍊，仙化成人。生身受度，劫劫長存。隨圖輪轉，御代直年。有知其神，身爲仙真，永度三灾四殺，五鬼六害，

七傷、八難、九厄、超凌三界，逍遙上清。上清之天，天帝玉真，無色之境梵行。

### 東方八天

太一所行九宮三十二天，九色之氣隨宮灌之。三十二天，亦九宮之分，太一所臨制也。學者存思，服天氣，避害迎福，真氣下降，太一來應，可致神仙。有天下者，依爲福之天，以祈請奏告，神機立應。

羽真洞無天，帝善契淵空。

元渚流祺天，帝降流明蟄。

紫度九宮天，帝華定膺。

太玄步氣天，帝覺除溢生。

玉籍儲福天，帝洞浮左嚴。

至元增妙天，帝律用偵侯。

和陽寶圖天，帝覺錫自逾。

想明昭韞天，帝了杳忘都。

### 南方八天

赤殃飛遊天，帝勃監祁簷。

震寂曜靈天，帝論堂地元。

降瀋子討天，帝龍菩大羅。

鋪化曜離天，帝奕敷權。

落玄遊氣天，帝上景祠連。  
質羅梵庫天，帝保昌延。  
明丞滋狂天，帝朱液夜捐。  
孟諭謹正天，帝平堂淵。

西方八天

道義沖真天，帝鬱籃僊。  
覺無真理天，帝辨丘夷默。  
道謀重望幾天，帝龍曜弗尼。  
河都棋貳天，帝漸子疇。  
九道或微天，帝祿旗通。  
誠除盈真天，帝會家無。  
僊首理混天，帝翹羅鼎光。  
福會域遐天，帝毗遵祺玄。

北方八天

玄墟撩幽天，帝彭羅孫。  
了止極庸天，帝妙陀輪。  
無極景明天，帝龍首部玄。  
極真洞無天，帝超定利元。  
普拯神牛天，帝斗真義玄。  
密宿樞微天，帝耀真明。  
鬼室柳懸天，帝蔚頭祺翩。  
兆宗永平天，帝竊玄滋僊。  
三十二天，三十一帝，諸天隱諱，

諸天隱名，太一空洞，自然靈章。太一  
隱韻，太一神音，太一之尊，太一之神，  
太一之真，太一之諱，太一之靈。九宮  
十方，變化上清，无量之奧，深不可詳。  
敷落神真，運臨天人。今日欣慶，推測

歷布諸關，返凶成吉，斬絕世根，出死  
入生，面禮玉君。飛度七政，回旋太  
玄，歲直奉書，請制天門。東斗左扶，  
西斗右携，北斗正樞，南斗轉機，中斗  
天蓋，太一內行。青帝執符，白帝持  
兵，赤帝行令，黑帝攝精，黃帝統運，萬  
里前征。青天直使，仗鉞揚麾。赤天  
直使，太一回旗。白天直使，干城積  
屍。黑天直使，奉衛咸池。黃天直使，  
五福大岐。五天直使，太一爲宗。總  
領丁甲，啖魔飲風，玄纛嘯幟，與兵齊  
攻。羌道小醜，敢肆驕庸，斗標轉式，  
玉圖改封。萬福合帝，利勝無凶，天騶  
在前，飛騎浮空。八道擲火，四天檢  
蹤，護國佐時，太一神公。首建日月，  
手把金鍾，身御黃甲，駕十飛龍。所向  
無前，風火迭衝，五福來下，紫煙蔚矇。  
仙雲覆闕，三元攝從，兵殺不祥，悉付

北酆。故氣魍魎，乘氣藏容，陰與災  
會，民病殘癘。不得容隱，金馬驛通。  
普告無窮，萬神咸聽，三界五帝，列言  
上清。

无極至空，龍變神移，太一道祖，  
萬生所資。天地輔成，中運妙微，太一  
受靈，日月同飛。眇眇億劫，混沌之  
中，神靜氣凝，布植九宮。九宮爲一，  
一爲九宮，九一之道，太一之宗。數行  
去還，真氣如龍，太一來御，三元律同。  
包裹動植，玉都玲瓏，外纏剛風，混沌  
之中。上無爲色，下無爲空，太一執  
綏，儼侍玉童。一鼓再鼓，爲水爲風，  
一接再接，天棋指東。爲道聰明，庶彙  
熙融，太一入玄，九氣開天。天上天  
下，無幽無冥，無形無影，無極無窮。  
溟滓大梵，遼廓無光，太一神變，運度  
自然。丹牖九野，布棋紀年，太一神  
氣，結爲靈篇。玄讖玉曆，虎書龍文，  
保制劫運，使天長存。梵氣彌羅，萬範  
開張，圓機流演，三十二天。輪轉九  
宮，周迴十方，旋子過申，回度八門。  
二十八舍，總氣上元，八景冥合，氣入

玄玄。玄中太一，上帝高尊，泛斗倚魁，天皇勾陳。九宮十精，玉緯金經，神風隨軒，輔翼萬仙。千和萬合，天地同鈞，一真大神。太一之尊，上登泰階，啓謁大君，羽林導前。叩鼓鳴鐸，遏斬鬼種，保命生根，上遊上清，出入三元，八冥之內，細微之中。下鎮人身，泥丸絳宮，中理五氣，運行萬神。十轉迴靈，萬氣齊仙，仙道貴生，太一度人。上開八門，天地爲輪，罪福禁戒，宿命因緣。普受開度，死道生身，身得受生，上運諸天。諸天之上，各有生門，中有空洞謠歌之章，太一靈篇，辭參高真。

第一下元九宮太一真君飛空之音  
朝乘黃騅，入登太微。下視九州，棋布星離。仰觀端門，上帝惟禧。

斗車四馳兮綠煙飛，金鉞寒光兮天弧垂。丹符赫陽兮五福迴，萬兵無敵兮天德歸。神武化昭兮歲無凶饑，帝迴光輝兮玉袞龍衣。太一臨明堂兮祥滿郊畿，阿人排紫空兮傾光彤闔。

### 第二中元九宮太一真君之章

我推天策，福在帝室。萬國歸命，車文混一。昭昭大星，弈弈紫光。中纏紫宸，下臨玉房。爾神毛頭，爾兵阿傍。太一合符，乘魁履剛。飲馬綠芻，脂車拯箱。不陣而功，太一奠方。金童仗旛，玉女捧漿。卜墀酌誠，五福湯湯。壽我帝尊，來天百祥。民人樂歌，時維平康。雲飛碧茫，珠露玄霜。瑞答普天，我道其昌。

### 第三上元九宮太一真君之歌

我乘脩蛇，冠帶雲霞。入經天衢，出遊帝家。龍旗所指，萬物光華。太一之氣，喜盈福奢。臨衛帝堂，靈耀斯煌。誦我玉書，五帝燔香。三界稽首，西母傳觴。鳳圖億千，龍壽無疆。我征青輶，八風來朝。望拜太一，錦衣翠袍。壇雲四迴，拊石鳴雷。薦我甘華，黃縷百枚。天聲杳迢，振響琳琅。左顧紫微，右扶玉璫。轉我斗樞，萬寶盈倉。降福洋洋，含宮咀商。

此三元之上，九宮之中，太一歌音，音參洞章。誦之百徧，可免三灾。

誦之千徧，太一保迎。萬徧道備，隱淪太空。知一所止，位登仙翁。有聞靈音，魔鬼滅形。勅制地祇，侍衛送迎。拔出地戶，五苦八難。身世利遷，永離三官。名籍太一，列侍帝軒。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此洞章並是諸天上帝，及三元九宮，十神、八奇、六隱、五真、四門、二曜、一元，太一隱祕之音，皆是玉局迴度、轉凶爲吉、改禍致福之辭。言無韻麗，曲無華宛，故謂玄奧，難可尋詳。上天所寶，祕於玄都太一三元紫宮，依玄科四萬劫一傳。若有至人齋金寶，質心依舊格，告盟十天，然後而付焉。

道言：夫天地運度，將臨否終，則太一真君神變以應之，則爲神馬肉鬣，一角赤色，出汲於海中。日月五星，將有虧盈，則太一真君神變以應之，則爲女巫負瑟，以遊唐肆。至聖神人，將有休否，是太一真君神變以應之，則爲黑氣橫貫東西，繁霜著木，大風摧拉，飄

注驚暴以應之。末學之夫，將有疾傷，則太一真君神變以應之，夢為血尸死亡，兵殺疾雷，墮崖落河以應之。凡有此灾，候其神變，同氣皆當齊心修齋。六時行道，十徧轉經，福德立降。或遇太一下遊，迎逢禮請，必得長生。神仙祕道，隨時所遇，善意察之，勿逆其神，則保大亨之正。無量之文，普度無窮。

道言：夫末學道淺，或仙品未充，運應滅度，身經太陰臨過之時，太一主尸真君下而應之，以示神變，或為白鶴飛來，龜蛇並出，或疾風忽至，天地晦冥，禽獸悲鳴，白虹貫日，山林改色，仙夢殊徵。則太一守尸，三官錄魂，九老攝氣，一周甲子，返生還形。同學至人，為其行香，誦經十過，以度尸形如法，魂神逕上南宮，隨其學功，計日而得更生。轉輪不惑，便得神仙。

道言：夫天地運終，亦當修齋，行香誦經；星宿錯度，日月失昏，亦當修齋，行香誦經；四時失度，陰陽不調，亦當修齋，行香誦經；夷戎寇境，軍事暴行，亦當修齋，行香誦經；疫毒流

行，兆民死傷，亦當修齋，行香誦經；師友命過，亦當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝。故曰无量，普度天人。

道言：凡有是經，能知太一神變護國禳兵之道，能為天地帝主、兆民行是功德。有灾之日，發心修齋燒香，誦經十過，皆諸天記名，萬神侍衛，右別至人，剋得為聖君金闕之臣。諸天記人功過，毫分無失。天中九宮大神，亦保舉爾身。得道者乃當洞明至言也。

諸天中大梵隱語无量音

太一神變護國禳兵玉篇

東方七天

吉洛慶持，迷漏乙施。漳陀蹇江，並庚殊離。乾曦蔚宛，紫敕由幾。贊華穴利，黎紂淵宜。越宣回多，韓司冥河。洞寂玄若，綠景曜羅。池盟演樞，支竟幽歌。

南方七天

尾丹曰途，館丁彥盧。帝契浩都，綿多英瑜。颺盈冲游，微氣白孤。道散上京，嶽嶽察甦。昌陽健區，堯晃光舒。音定法輔，天琳紅腴。治無攝緒，九真嘯圖。

西方七天

蘭濤役商，胃池希陽。散率鬼都，荀候敕符。浪澤寒渚，斗司高蘇。正辨夷直，僊遠煙濡。卦說琅璇，奇洞輔皇。邈初景章，鬼泉馘藏。銜娘適漠，合神郁蒼。

北方七天

魚錄海定，扶騫彌華。安膚祆玄，智洪僊霞。混元逸隸，光通蒙嘉。珪召神竦，書羅芒搖。黑獸顛元，赤馳龍表，壽鏡寶除，支方謨宣。覺益華雲，神瑛奏環。

道言：太一神變，氣行二十八天，天氣布流九宮。此諸天九宮中大梵隱語，无量之言，舊文刻書太微鳳館青壁之上，字皆廣長一丈。天真皇人昔書其文，以為正音。有知其音，能齋而誦之者，諸天皆遣飛天神王，下觀其身，



書其功勤，上奏諸天。萬神朝禮，地祇侍門，大勳三元，保舉太一，道備剋得，遊行三界，升入金門。

此音無所不辟，無所不禳，無所不度，無所不成，太一天真自然之音也。故誦之，致飛天下觀，太一遙應，萬神朝禮，三界侍軒，群祿束首，鬼精自亡，琳琅振響，十方肅清，天輪高映，萬象懸明，海光湛徹，嶽穴凝煙，萬國振伏，稽顙帝前，兵道自勝，神勇自然，冥慧洞清，大量玄玄也。

靈寶无量度人上品妙經卷之六

靈寶无量度人上品妙經卷之七

顯瑞符應品

道言：昔於大丹天中，洞陽幽寥赤精境土，受元始度人顯瑞符應上品。元始天尊當說是經，周迴十過，以召十方，始當詣座。顯化大神，主瑞靈尊，符應真人，無鞅數衆，乘空而來。泛氣紫霄，瑤輦琅輿，華蓋垂蔭，金碧交光，飛雲蔚藹，朗耀大虛。九日九夜，元綱天輪，慶煙高浮，七曜凝輝，坤靈發祥，三元肅靜，四炁澄清，諸天寶闕瓊樓，瑞霞照映，皆現八會真文，洞煥上宮，無有異色。衆真侍座，元始天尊玄坐空浮五色寶山之上。說經一徧，諸天列聖同時稱善，俄有丹鳳黃龍，來告升平。說經二徧，大地山川七寶涌出。說經三徧，渺景陰華，光結重輪。說經四徧，天市太微，皆現景星。說經五徧，瑤華滿空，慶雲四飛。說經六徧，

甘露凝珠，潤澤一切。說經七徧，城闕臺觀，玉芝羅生。說經八徧，靈書敷陳，真符下降。說經九徧，天授玄圖，帝膺寶籙。說經十徧，人民康樂，普受百福，草木昆蟲，咸均至化，是時一國是男是女，莫不傾心，睹見玄瑞，符合聖時，各受護度，皆得長生。

道言：是時元始天尊說經一徧，東方无極无量品舉仙大神，無鞅之衆，浮空而至。說經二徧，南方无極无量品丹池大神，無鞅之衆，浮空而至。說經三徧，西方无極无量品明耀大神，無鞅之衆，浮空而至。說經四徧，北方无極无量品雙闕大神，無鞅之衆，浮空而至。說經五徧，東北无極无量品碧霞大神，無鞅之衆，浮空而至。說經六徧，東南无極無量品黃上大神，無鞅之衆，浮空而至。說經七徧，西南无極无量品中皇大神，無鞅之衆，浮空而至。說經八徧，西北无極无量品天元大神，無鞅之衆，浮空而至。說經九徧，上方无極无量品玄虛大神，無鞅之衆，浮空而至。說經十徧，下方无極无量品洞

淵大神，無軼之衆，浮空而至。十徧周竟，十方無極顯瑞符應大神，一時同至。一國男女，各相謂言，我等昔聞五篇初出，三界始分，天尊帝王，降生諸天，神靈告瑞，變化其中。今聞元始演

陳天地之本，悉歸帝王。帝王之德，配於天地，道隆德廣，神備絜充，五行至精，各顯玄妙，挺生奇異，敷告帝王，爲瑞符應，理該洞玄。傾心歸仰，來者有如潮期風信，無軼之衆，迨國一半土皆偏陷，非可禁止。於是元始放大光明，隱顯莫測，所御寶山化成一珠，大如朗月，在太虛之中，去地萬丈。元始登引，九天列真，上聖高尊，妙行飛仙，十方無極，瑞應大神，無軼數衆，俱入寶珠之中，天人仰看，惟見拂拂，從珠口中入。既入珠口，不知所在，國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。不妄

不諂，不黨不偏，不苟不佞，不恣不僞，不慢不欺，心行恭讓，口無浮言，齊同慈愛，異骨成親，國安民豐，欣樂太平。經始出教，一國以道，預有至心，尊奉禮敬，皆得度世。

道言：元始天尊說經中所言，並是洞神祖炁，靈寶內名，隱韻之音，亦是降瑞符聖列真內諱，飛仙之隱名也，非世之常辭。上聖已成真人，通玄究微，能悉其章，誦之十過，諸天降瑞，萬帝錫符，河海靜默，山嶽藏雲，地瑞顯明，高靈燭幽，群魔束形。鬼精滅爽，迴屍起死，白骨成人。至學之士，誦之十過，則五帝納瑞，三界告盟，顯應至仁，式揚至道。所以爾者，天地發祥，符合聖真，爲瑞之炁。其炁妙微，思而不得，論而不知，萬物爲變，五行化奇。人感其精，不爲朽屍。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，精感上玄，克集瑞祥，妙炁凝結，萬物化光，上輔人君，道運無疆，永保億年。而好學至經，功滿德就，皆得神仙，飛昇金闕，遊宴玉京也。上學之士，修誦是經，天瑞昭慶，福被一方。簡奏天官，名度南宮。世人受誦，則靈芝發生，池涌醴泉，降集道炁，制靈召和，精鍊服餌，延壽長年，遊行五嶽，位證地仙。此經微妙，普受無邊，一切天人，莫不受慶，無量之福，生死蒙惠。上天所寶，不傳下世。至士齋金寶，效心盟天而傳。輕泄漏慢，殃及七玄，長役鬼官。侍經五帝，玉童玉女，各一十二人，營衛寶章，守護受經者身。

道言：正月長齋，誦詠是經，使天和乎，草木發榮，物無疵癘，萬寶俱成。七月長齋，誦詠是經，九天降神，山嶽孕精，產育賢人，慕道學仙。十月長齋，誦詠是經，天地開通，封山致靈，符瑞臻應，俱會帝庭，永鎮萬方，民稱太平。八節之日，誦詠是經，五穀繁滋，異秀呈祥。月晦之日，誦詠是經，丹碧靈芝，以度兆身，不經干試，身有

光明，玉華耀映，羽葆司迎，萬神朝禮，名書上天。功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐蒼碧赤三色雲炁之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御元上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章上品，顯瑞符應，變化度人。玄微隱韻，符合自然。蒼混流精，鍊胎結仙。妙光景輝，化生

赤文。融構羅絡，慶煙交纏。植立玄根，炯耀諸天。丹光玉書，普集五靈，虚无曠邈，浮響幽寥。真宮帝炁，絳籙生音，流布九霄，水火飛騰。是爲珍瑞，混一之居。七寶玄臺，紫微上宮，上極太無，高深鬱單。把握元機，巍巍至尊，統御陰陽，造化生成。上範虛漠，理微太幽，宴處大羅，遐覽十方。中有玄元大化之真，中有上清七變之君，中有顯揚天瑞之尊，中有符應帝運真人，中有幹旋天綱，鎮安地紀，飛行空界，立極尊神。總校圖錄，无量化身，今日慶會，萬神臨軒。

東方无極仁德神王長生大聖，无量度人。  
南方无極明德神王長生大聖，无量度人。  
西方无極化德神王長生大聖，无量度人。  
北方无極智德神王長生大聖，无量度人。  
東北无極柔德神王長生大聖，无量度人。

東南无極正德神王長生大聖，无量度人。  
西南无極文德神王長生大聖，无量度人。  
西北无極清德神王長生大聖，无量度人。  
上方无極玄德神王長生大聖，无量度人。  
下方无極厚德神王長生大聖，无量度人。

十方顯瑞符應神王，長生度世无量大神。並乘絳煙，瓊車瑤輦，紫蓋龍旂，驂駕天鹿，靈鳳騶虞。建玄英之節，三素神旛，左列飛天大將，右從流金火鈴。天馬麒麟，騰擲辟邪，十華啓途，五佐翼轅。億乘萬騎，浮空而來。靈光回耀，命仙集真。龜臺典錄，崑崙閭風，玄司主宰，符瑞大神。執簡侍章，同到玉庭，隨所昭應，攝召諸天。普告域中仙境神洲，八海四瀆，名山大川，洞天官府，十二靈源，大地曹局，黃闕九宮，速布道化，肇發嘉祥，不得雍遏，元瑞克臻。真王受符，福蔭下民，寒暑

順時，三景長明。物無灾癘，百穀豐登，化被四夷，仁及昆蟲。遂性逍遙，欣樂太平，隨劫輪轉，俱獲飛仙。永斷六天魔試之難，凌空步虛，遊宴太冥。太冥之天，天帝文昌，極道之境梵行。

東方八天

應德寶玄天，帝太京祖門。  
顯靈恭耀天，帝伯公容。  
運慶冥感天，帝后元留常。  
員明化氣天，帝召林永仙。  
開光妙真天，帝合季冲。  
仙度仁受天，帝正光通生。  
旻章廣志天，帝昊集高卿。  
玄化澤都天，帝覃承理弓。  
南方八天

崇文惠聞天，帝拂鑿朗。  
紀延大功天，帝祝求聞。  
禮尊告玄天，帝連最招敦。  
太華綵靈天，帝將賢匪庸。  
高虛明惠天，帝洞浦臨。  
正力定方天，帝敷要總奇。  
君慈布仁天，帝景回萬容。  
用成積化天，帝穹景資。

西方八天

育王宗變天，帝防監淨康。  
方義端妙天，帝洪飛益梁。  
厚信興教天，帝混至杯庚。  
成敏施同慶生天，帝道昌化延。  
微齋元映天，帝巒宏遠衝。  
玄監流精天，帝召闕山希。  
元聖品仙天，帝卓抱臨。  
瑞莊明符天，帝恭蒙比元。  
北方八天

法海龍輝大寶天，帝崑羅耀。  
空洞密昭天，帝覺神機。  
宗元妙光天，帝好從輔昌。  
融混豐炁天，帝守蒼流軒。  
彌印合輪天，帝揚旗布安。  
太妙護世天，帝吉支越初。  
歷變全道天，帝圖斯騫門。  
廣生章觀上加天，帝合輔召嚴。  
三十二天，三十一帝，諸天隱諱，諸天隱名。天中空洞，自然靈章，諸天隱韻，大洞之音。靈寶之尊，瑞應之神，開祥啓運，混炁之靈。九轉十徧，登虛躡空，神妙玄奧，高蔭二儀。敷落

丹華，顯應天人，今日同欣至化，歷感諸天，泛景紫霄，回僂雲營，超涉弱淵，玉耀靈津，仙聖錫符，受書帝門。東斗運神，西斗鍊精，北斗凝結，南斗布靈，中斗攝炁，符瑞化生。青天命真，素天舉仙，玄天定錄。丹天召仙，黃天慶會，總闢元關。廣霞神王，經紀彌綸。長離神王，上炎流煙。昌開神王，主制七關。鬱單神王，仙鍊八威。中黃神王，監真糾非。五天高真，萬化之尊，統御天政，運斡璇璣。乘龍駕雲，飛行太微，照辟妖氣，正氣同歸。上帝降圖，丹景炎光，大君受詔，威制十方。百邪摧滅，道化施張，嘉祥來至，境界澄清。五行順軌，皇道長明，敢有暴亂，束送女青。三元列曹，定罪嚴刑，九天八極，考校無停。人主受福，國安民豐，社稷綿綿，億劫無終。克享太平，與道俱隆，神飛玉京，遊宴上宮。宣示萬神，普告無窮，三界五帝，列奏高穹。大運澄廓，啓極丹光，植立諸天，流變陰陽。上騰三氣，下化百常，元洞幽奧，飛範堅剛。玄曆數周，六濁

九清，太漠鬱微，無象無形。混沌玄黃，靈音散生，敷我至化，廣運自然。炎精扇焱，鼓躍天淵，瑤編赤簡，玉籙正文。攝召冲炁，役使萬靈，天書森羅，大法恢張。隨劫開演，大素妙篇，授圖神霄，永鎮瓊宮。數當慶會，慶運流傳。普度群品，同歸三元。至教清明，功參上玄。玄中瑞符，來應真人。生民樂康，境土常寧，含輝隱耀，鎮息綿綿。保精玄華，鍊胎紫煙，乘霞泛景，舉形飛仙。千變萬化，與氣合真，真中至神，萬道之君。正天御極，億劫獨尊，號曰元始，是爲我身。三界治官，總統生根，上遊玉虛，飛神太無。圓羅之內，混黃之中，洞淵無色，八極靈關。速召大魔，制會玄都，十轉回風，慶及幽冥。天道降祥，无量度人，上開生門，經入飛輪。考校圖籙，善惡因緣，咸受開濟，死魂生身。身得受生，上奏紫清，紫清之上，各有玄音。中有顯瑞符應之篇，三素玉章，辭參高真。

第一飛仙吟詠元始立極之音

眇眇觀大無，諸天宗虛皇。龍漢既已往，冥冥度延康。天地返鴻濛，八垣藏精光。三界皆化消，生靈遂渺茫。獨有極道境，群有無夭傷。赤光開玄圖，真文散十方。妙炁降清微，飛輪結元綱。靈寶育三景，萬化復恢彰。玄符鎮五山，世祚永無疆。上聖坐圓羅，常居大福堂。正統皇極道，永以付真王。

第二大魔讚歎說經昭感之篇

朗朗玄綱，周流八虛。輪轉諸天，統會玄都。嚴嚴萬神，環侍帝居。

上聖弘至教，洞陽羅簡書。十過演靈章，群品皆昭蘇。妙道無窮極，億天藏一珠。仙真慶無已，玉虛受玄符。赤文煥碧霄，祥煙滿空浮。大地發珍奇，騫樹生瓊琚。鳳麟降世間，玉芝秀庭隅。萬劫獲昇平，玄化從此敷。

第三真人宣告顯瑞符應之章

元始虛皇，高居玉清。生育三景，立天之根。右列玄輝，左運員明。分炁下中天，斗極爲至尊。端坐

朝八維，下應於人君。人君順天道，嘉祥隨德生。地出長生籙，天授玄景文。山川浮秀氣，珍瑞集王庭。兆民無灾癘，五穀保豐登。明宣太上旨，萬天咸使聞。群品盡歡悅，稽首荷玄恩。

此三界之上，飛空之中，真魔歌音，音參洞章。誦之百徧，名度南宮。誦之千徧，真魔保迎。萬徧道備，飛昇太空，過度三界，位登仙公。有聞靈音，天瑞降身，魔王敬形，勅制地祇，侍衛送迎，拔出地戶，五苦八難，七祖昇遷，永離冥官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝至靈隱祕之音，上元太和萬福之氣，爲祥爲瑞，顯告於君。爲人爲忠良賢達，在物爲寶玉偉異，於禽獸爲麟鳳龜龍，於地爲五芝奇木珍石山河之祥，於天爲慶雲景星甘露。人君有道，符應所行之德。皆是大梵之言，非世上常辭。言无韻麗，曲無華宛，故謂玄奧，難可尋詳。上天所寶，祕於神霄玉清玉府東

藏經室，數行壬辰，運應下傳。若有至人齋金寶質心，依舊格告盟三天，然後而付焉。

道言：夫爲善仁之德，則天顯瑞符應，以報其君。爲惡眚之過，則天顯災異，以告於民。故於天地運度否終，日月五星虧盈，至聖神人休否，末學之夫病傷。凡有此災。同氣皆當齊心修齋，六時行香，十徧轉經，嘉瑞立降，消諸不祥。無量之文，普度無窮。

道言：夫末學道淺，或仙品未充，運應減度，身經太陰，臨過之時，同學至人，爲其行香，誦經十過，以度屍形如法。靈瑞之氣默降於身，魂神徑上南宮，隨其學功，計日而得更生。轉輪不惑，便得神仙。

道言：夫天地運終，星宿錯度，日月失明，四時失度，陰陽不調，國境不安，農商失利，疫毒流行。兆民死傷，師友命過，皆當修齋，行香誦經。夫齋戒誦經，功德甚重，上消天災，保鎮帝王，下攘毒害，以度兆民，生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有災之日，發心修齋，燒香誦經十過，肇降嘉祥，永保太平。皆諸天記名，萬神侍衛。右別至人，剋得爲聖君金闕之臣。諸天記人功過，毫分無失。天中真魔，亦保舉爾身，得道者乃當洞明至言也。

諸天中大梵隱語无量音 道君譔

元始靈書瑞符曲篇

東方八天

蟄積扈演，仇非瑄忱。彌羅漫疇，決都合岑。古娥罔籍，綿洪美欽。洞荷丙珞，華瑤子尋。屈波樊那，明魔大林。妙際極梵，目奮玄深。旣住戍解，曆瓊闢辛。忽灼徧柯，銘謀符歆。

南方八天

哲遲延殊，救嘉珉賢。果澄利頂，公祕景單。越那鬱諾，顯社茲元。翳俊豆閣，宜正復騫。和舒愍農，畢室九回。郎化止伯，思己懸居。社嘉法祈，錄足尉微。光屯幽爽，乾靈自催。

西方八天

沖廣魯淵，牟陲炯宣。弼乙旦娑，氣蒙師勻。薄約龍淀，甫幽建存。踐將橫卒，蔽仙浦全。杳溫澤臺，應晞蒼輪。聿兀昭素，雲和鼓瓊。寥延鹿迷，攝精祕卿。陸謨吁恪，寶輪猷屯。

北方八天

角還悟鏗，夷林希疆。玄遁清微，古慎匪揚。霞巒邀塵，問覺通皇。智平由逵，矻機式郎。耦都離珊，召封化光。龔寵祖迂，斗轅兵剛。漂廬健需，玄釜陰當。靈肘捐度，太赤混方。

道言：此諸天中大梵隱語，无量之音，舊文書中天黃靈臺。招十二玄瑞，二十四應，於元始五老大福堂之境。赤書玉文，顯瑞符應之始，字皆廣長一丈，天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳真魔，保舉神霄，道備剋得，遊行三界，昇入金門。此音無所不辟，無所不攘，無所不度，無所不成，天真自然之音也。

故誦之致飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之七

靈寶无量度人上品妙經卷之八

清微金科品

道言：昔於妙極天中靈洞霄音奏玄化境，受元始度人清微金科无量上品。元始天尊當說是經，周迴十過，以召十方，始當詣座。天真大神、上聖高尊、妙行真人、清微九聖、上元天官、衛法仙王、無鞅數衆，乘空而來。玉光綠輿，三素飛雲，羽葆流輝，玄虛散霞，丹景浮英，晃耀太空。七日七夜、諸天陽館陰宮，金闕瓊樓，羅列真文，靈風扇霄，隱韻生音，元綱停運，雙曜高明。一國地土山川林木，緬平一等，無復高下，土皆作碧玉，無有異色。衆真侍座，元始天尊玄坐空浮九色神龍之上。說經一徧，諸天大聖同時稱善，是時一國男女，各運精誠，願見玄妙。說經二徧，靈府虛明，廓然開悟。說經三徧，神炁混合，坐觀十方。說經四徧，了悟

在心，轉能化誘。說經五徧，未來衆生，廣爲接引。說經六徧，證天仙業，修上真道。說經七徧，超出三界，爲天種民。說經八徧，得見元尊，神靈位號。說經九徧，注籍清微，名上金科。說經十徧，與聖合真，永斷輪轉，是時一國是男是女，莫不傾心。皆受護度，咸得長生。

道言：是時元始天尊說經一徧，東方无極无量品注生大神，無鞅之衆，浮空而至。說經二徧，南方无極无量品執憲大神，無鞅之衆，浮空而至。說經三徧，西方无極无量品定名大神，無鞅之衆，浮空而至。說經四徧，北方无極无量品司化大神，無鞅之衆，浮空而至。說經五徧，東北无極无量品簡奏大神，無鞅之衆，浮空而至。說經六徧，東南无極无量品敷教大神，無鞅之衆，浮空而至。說經七徧，西南无極无量品權變大神，無鞅之衆，浮空而至。說經八徧，西北无極无量品糾察大神，無鞅之衆，浮空而至。說經九徧，上方无極无量品監觀大神，無鞅之衆，浮空

而至。說經十徧，下方无極无量品成德大神，無鞅之衆，浮空而至。十徧周竟，十方无極天真大神，一時同至，一國男女，傾心歸仰。來者有如細雨密霧，無鞅之衆，迨國一半土皆偏陷，非可禁止。於是元始結清微玄妙之炁，化一寶珠，光如大星，在空虛之中，去地百丈。元始登引，金科生真，玄變高尊，化炁真人，十方无極、開導大神、無鞅數衆，俱入寶珠之中。天人仰看，惟見勃勃從珠口中入。既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我。當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，一切群生，皆證善緣，傾土歸仰，咸契虛明。妙見妙聞，妙覺妙知，妙有妙無，妙合妙離，妙變妙化。言符至道，心行大慈，齊同玄悟，清正無爲。國安民豐，欣樂太平，經始出教，一國以道，預有至心，宗奉禮敬，皆即受度。

道言：元始天尊說經中所言，並

是諸天化炁帝皇道君隱名聖號，十方无極高真上靈內諱玄章，亦是九壘立極生音，百魔考試之文，非世之常辭。上聖刻錄金科，祕在清微，威禁至重，鬼官不可得聞。玉虛洞玄，太極太清，四境三十九天，神仙真人，能悉其章，誦之十過，聲振圓羅，太一監臨，保安天地，億劫無傾，五辰順道，日月常明，境土安寧，永保太平。回屍起死，白骨成人。太空飛仙，誦之十過，則五老保舉。三界稽首，大魔伏謁，天官上功，升入洞真，永侍元尊。九宮地仙，誦之十過，元老降庭，隨願濟拔，大惠含生，玉詔司迎，上登天宮。輕誦此章，身則被殃。供養尊禮，門戶興隆，世世昌熾，與善因緣，萬災不干，百靈護身。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，上升朱宮，格皆九年，受化更生，得爲貴人。而好學妙經，功滿德就，皆得神仙，飛升金闕，遊宴玉京也。上學之士，修誦

是經，金科注名，萬善咸臻，皆即受度，飛升南宮。世人受誦，則靈官降身，延壽長年，後皆得證飛仙之道。玄功外應，神氣內充，形神俱妙，遊行太空。此經微妙，普度無窮。一切天人，莫不受慶，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經太丹玉童，青腰玉女，各四十二人，營衛神文，保護受經者身。

道言：正月長齋，誦詠是經，開導重泉，光照九幽，爲上世亡魂，斷地逮役，度上南宮。七月長齋，誦詠是經，奏簡清微，名上金科，身得神仙，諸天書功，黃籙白簡，削死上生。十月長齋，誦詠是經，三元曜明，功歸帝君，爲國主人王，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，天仙奉迎，得爲九宮真人。本命之日，誦詠是經，魂神澄正，萬炁合仙，不經苦惱，形運昇遷，暉映八冥，五帝臨軒，萬神朝禮，名書上天，功滿德就，飛升太玄。



道言：行道之日，皆當香湯沐浴，齋戒入室。東向，叩齒三十二通，上聞三十二天，心拜三十二過。閉目，靜思身坐青黃白三色雲氣之中，內外翦冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十一人，關啓所言。今日吉慶，長齋清堂，修行至經，无量度人。願所啓上徹，徑御无上三十一天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章清微金科上品，符應度人，天真隱諱，結氣自然，混合玄文，中藏至精。虛皇開劫，生育諸天，洞光廓落，三氣飛騰。包含大象，植立天根，青編金簡，普錄神靈。恢張

正道，赫奕冥冥，雙元飛景，五炁流形。洞明變化，群類生成，是爲沖妙，萬道之宗。太微陽華，紫霄瓊宮，上通大羅，虛梵高空。三真杳漠，無極無窮，赤混太無，玉境居尊。應見十方，无量化身，敷教清微，注籍金科。中有諸天萬帝之名，中有玉皇正行遊梵之帝，中有山川海嶽之形，中有群魔考試之文，中有三天洞真洞玄洞神。開天立極，大憲飛輪。我今宣示，普召百靈，三元同會，諸天臨軒。

東方无極注生神王長生大聖，无量度人。  
南方无極執憲神王長生大聖，无量度人。  
西方无極定名神王長生大聖，无量度人。  
北方无極司化神王長生大聖，无量度人。  
東北无極簡奏神王長生大聖，无量度人。  
東南无極敷教神王長生大聖，无量度人。

西南无極權變神王長生大聖，无量度人。  
西北无極糾察神王長生大聖，无量度人。  
上方无極監觀神王長生大聖，无量度人。  
下方无極成德神王長生大聖，无量度人。

十方主錄金科神王飛天度世无量大神。並乘騰耀瓊輿，景霄華輦，三素飛雲，驂駕天馬斑獸，耀晶蒼龍，建鳳真之節，流光大旛，左備九天羽衛，右羅三界神兵。太一帝元，統制萬靈，赤皇導前，玄老監盟。億乘萬騎，浮空而來，傾光回駕，召仙集真。清微帝氣，大洞玄宮，九華佐理，混合大神。總執金科，列班奉迎，簡閱符命，仙聖隱名。普告三境，無極高尊，太霄玉闕，劫仞瓊峰。紫微北府，三十九君，七轉七變，回水儼天。玄微結璘，下統羅酆，曲晨飛蓋，同會東河。光啓扇飈，運轉天關，斗極中方，以正崑山。開演至妙，降氣玄丹，經緯天地，保鎮度人。

生成化育，與我合仙，五神清朗，億劫無傾。永度諸天，學道之民，刻書金簡，名奏紫宸。紫宸之天，天帝耀光，無色之境梵行。

東方八天

琅丘會元天，帝澤力居英。  
沖構集真天，帝化夕祺分。  
霄林景暉天，帝庭鬱嶽君。  
洞宗慶先天，帝領斗監明。  
格梵飛靈天，帝貫合部延。  
大方制魔天，帝肇肅志廖。  
瓊文越章天，帝濛總羅。  
宇練洞陽天，帝領都陰平。

南方八天

定名感真天，帝洞泛景房。  
玄空耀虛天，帝落寶監章。  
炎靈奉符天，帝閣鄰古山。  
玉書赤文天，帝臻化定。  
丹光啓明天，帝扇揮音。  
景運紫華天，帝龍濱劫方。  
極元洞皇天，帝封正延靈。  
皇範總生天，帝員監利宣。  
西方八天

曇曜召魔天，帝洞皇九雲。

洞寂存明叩沖天，帝宣世瓊。

紫清太漠洞極天，帝令唱六宗。

玉陽妙真天，帝交舒化神。

迴風變合天，帝道滋元。

流暉曜章天，帝律定瑤華。

照元簡氣天，帝梁瓊伯阿。

融結正綱天，帝運皇極明。

北方八天

化氣升元天，帝眇利持淵。

八垣儻空天，帝至沖猷生。

飛神降真天，帝微融妙玄。

太素干精天，帝蔚京玉童。

碧華濟玄天，帝冥敷尚登。

三虛極道天，帝臨懷敏皇。

太英降房玉史天，帝陳常律賓。

太清正宗天，帝梵行緘觀。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，天中之音，天中之尊，天中之神，

天中大魔，天中之靈。四玄七虛，包含

至真，金科大格，結氣爲文。敷化玉

清，普度天人，今日欣慶，迴風受鍊。

嚴誓百神，刻名文昌，列告玄機，飛度

太素，合景清微，真仙考校，萬化同歸。

東斗授符，西斗司直，北斗上功，南斗

定籍，中斗合延，正天無極。青帝舉

仙，白帝驅役，赤帝攝氣，黑帝典錄，黃

帝制魔，統御化育。青元道君，持握龍

躡。丹光道君，執法明曜。少陰道君，

召山開導。鬱微道君，運幹玄妙。中

黃道君，敷令布勅。五方上靈，至道之

元，飛行三界，總領群仙。變化無窮，

遊觀萬天，生成品彙，執我威權。上真

化民，混合綿綿，紫皇奉命，收伏祿姦。

陽光激電，照徹艷山，清正綱輪，明啓

元關。六天沉魂，受鍊洞陽，神州大

域，永保嘉祥。休停惡對，咸證善緣，

茫茫萬有，皆獲長年。神飛太無，濯氣

三華，景暉被身，灌鍊天河。三元上

佐，明校百魔，敢有干犯，定罪懸沙。

普告衆靈，同會圓羅，升階進秩，功列

金科。

清微金科首題三十六字餘列本科

清微混洞玉虛  
 太元無極禹餘元  
 黃紫虛太洞澄  
 赤玄精清虛  
 空明高上金  
 陽華大格文  
 科陽華大格文

右三天道君玉號隱名，告四九之數，  
 玉清高玄自然之文。朱書青素，佩  
 身，萬邪莫干，灰服治病，行之者名  
 書金科。

洞元豁落，升降圓方，茫茫大化，  
 周歷龍康。上開一氣，下布陰陽，包絡  
 諸天，風梵堅剛。玄變流精，太素冥  
 冥，虛明曠邈，無極無形。鴻濛元象，  
 三道化成，八坦清微，數極自然。玉京  
 開衍，金科上篇，黃簡碧書，八景玄文。  
 刻錄神名，與道長存，混洞騰飛，布天  
 彌綸。萬景回旋，雙曜五辰，統御元  
 綱，冥合靈根。皇老大洞，三十九章，  
 帝一分元，安鎮萬方。飛天妙書，過度

丹光，丹光化生，九天上靈。駕景紫

虛，御氣玄音，綠霞散空，布彩騫林。

三華舞煙，回秀流雲，扇霄鬱羅，明耀

長庚。千和萬合，自然成真，真中有

神，元素道君。方諸仙童，青華帝尊，

太乙合景，司命迴風。執簡持科，錄注

元功，上遊玉清，劫仞瓊宮。太微之

內，天界之中，下極重淵，黃闕玄宮。

回首九壘，三十六皇，五鎮大域，仙島

十洲。洞天福地，無極名山，八海四

瀆，主宰神靈。三元官長，无量飛仙，

咸錫真符，功書帝宸。列班定籍，上聞

三天，三天之上，慶會因緣。中有清微

金科之章，聖境仙音，辭參高真。

第一諸天化氣清微之音

眇眇大羅上，帝氣降清微。真光

耀玉京，攝御正化機。茫茫歷龍康，飛

度敗與成。三界化空無，大地淪九淵。

元始憫群類，玉章下五山。二景騰輝

光，元綱羅萬靈。洞真祕玉文，靈寶立

天根。洞神主玄變，萬品從此生。諸

方命天帝，總校長生人。剛風擎地紐，

天憲歸皇君。生靈荷大庇，億劫永無

傾。

第二金科定籍之章

鳳車舞空輪，停駕鬱山阿。劫仞

立大空，須延啓三華。元聖閱章籍，空

中召靈魔。太清難可度，輪轉如塵沙。

憫此去來際，飛仙運謠歌。蕩蕩龍漢

基，玄嶽高嵯峨。萬靈會帝所，東井貫

天河。濁境逐業緣，沉淪將奈何。誦

此清微篇，正氣蕩邪痾。三界諸天民，

齊奔濯耀羅。願爾道果成，刻名上金

科。永契長生理，億齡焉足多。

第三聖境真仙歌曰

圓羅包玉虛，高峙大有宮。騫林

覆諸天，九聖步靈風。宴景挹華明，逍

遙太无中。下遊洞玄境，控御飛天龍。

三十九道君，朝禮虛皇尊。大慈振法

音，聖澤常濛濛。勅印啓天關，敷落三

景文。玉詔下酆都，拔度長夜魂。鬼

官停考對，陽光燭九冥。三塗息苦役，

八道運飛輪。群品保長年，世土永安

寧。

此三界之上，飛空之中，真仙歌

音，音參洞章。誦之百徧，名度南宮。

誦之千徧，魔王保迎。萬徧道備，飛昇太空，過度三界，位登仙公。有聞真音，靈魔敬形，勅制地祇，侍衛送迎。拔出地戶，五苦八難，七祖升遷，永離鬼官，魂度朱陵，受鍊更生。是謂无量，普度無窮，有祕上天文，諸天共所崇，泄慢墮地獄，禍及七祖翁。

道言：此二章並是諸天上帝及至靈真王，隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都神霄玉清玉府，依玄科三萬七千年，應運下傳。若有至人齋金寶質心，依舊格告盟玉清，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾，同氣皆當齊心修齋，六時行香，十徧轉經，三氣合神，萬灾普消，天地清寧，降氣玄真。金科玉律，伏御鬼神，无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學

至人，爲其行香，誦經十過，以度尸形如法。不壞不傷，形體堅完，魂神徑上南宮，隨其學功，計日而得更生。轉輪不滅，便得神仙。

道言：夫天地運終，大劫流移，星宿錯度，日月失明，四時失度，陰陽不調，國境歲飢，水旱時出，疫毒流行，師友命過，皆當修齋，行香誦經，存思清微金科，降陽華之氣，太微之神，掃除灾氛。夫齋戒誦經，功德甚重，上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民行是功德。有灾之日，發心修齋，燒香誦經十過。皆諸天記名，萬神侍衛。右別至人，剋得爲聖君，金闕之臣。諸天記人功過，毫分無失。天中真王，亦保舉爾身。得道者乃當洞明至言也。

諸天中大梵隱語无量音 道君撰

元始靈書清微金科玉篇

東方八天

飛天羅會，浮化漫更。居元梨久，廓落司南。冥陽御直，局荷涓金。加虛沃至，遷書獨分。玉極待貫，貢遷正輪。幾果得都，清羅文雲。宜令嚮淺，才敵靈元。波華風停，氣上呼年。

南方八天

山延洞明，玄論康逋。曜略景空，斗綿揮珠。山棘契錄，明旋應符。丹宅洞燄，奎琳指琚。韜眩資猗，瓊府投虛。何竹生育，靈庭栢書。宏朴義華，玄阿宮都。綠桓絳天，紫霄正浮。

西方八天

畔師霧携，建晉契輔。太紫述羅，逍遙薦素。陽唐記方，回曲才至。允悟昊滿，帝宜卷未。耿液交蕩，利呪唯戶。稽門寔奔，鄙廣憫度。照燭離幽，意篆宜慕。先幾允和，登豫琪鞅。

北方八天

元簡長光，鼓奚律前。監索敷鄰，武明義先。北印極召，龍帝炎煙。神邈迪烏，諸因思般。妙玄六周，絕馳艷丹。孺常慈申，誠虛府閑。寶策勤佐，寫祛秉研。詔系始育，靈題書編。

道言：此諸天中大梵隱語无量之音，舊文字刻書金闕玉樓華房之內，以制和三氣，安保萬靈。字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天。萬神朝禮，地祇侍門，大勳魔王，保舉三玄，道備剋得，遊行三界，昇入金門。此音無所不辟，無所不穰，無所不度，無所不成，天真自然之音也。故誦之，致神王下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無沃塵，冥慧洞清，大量玄玄也。

靈寶无量度人上品妙經卷之八

### 靈寶无量度人上品妙經卷之九

#### 禹餘玉律品

道言：昔於金映碧光天中，絳霄流歌太元妙土，受元始度人禹餘玉律无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，上清九真，禹餘真仙，三境真王，無鞅數衆，乘空而來。綠華紫煙，寶輿雲駟，靈輝翠蓋，交蔭晨霞，萬色鬱煥，映耀霄虛。七日七夜，諸天日月合景，星斗停機，瓊樓玉闕，一時同明。天風惠和，海嶽晏清。一國地土山川林木，緬平一等，無復高下，土皆瑩碧，潤澤流鮮，無有異色。衆真侍座，元始天尊玄坐空浮九光玉華寶局之上。說經一徧，諸天大聖同時稱善，是時一國男女，超悟圓覺妙性，悉獲靈明。說經二徧，耳目聰明，悟此上清，爲元空界。說經三徧，

精神固真。說經四徧，累業解散，共證清虛。說經五徧，灾疾不生，時序和平。說經六徧，妙氣運化，萬物皆昌。說經七徧，真風浹洽，道德日新。說經八徧，翁艾返壯，皆得長年。說經九徧，普受開度，俱登如仙。說經十徧，天上天下，萬聖稱歎，是時一國是男是女，皆被玄澤，仰戴無窮。

道言：是時元始天尊說經一徧，東方无極无量品至真大神，無鞅之衆，浮空而至。說經二徧，南方无極无量品至真大神，無鞅之衆，浮空而至。說經三徧，西方无極无量品至真大神，無鞅之衆，浮空而至。說經四徧，北方无極无量品至真大神，無鞅之衆，浮空而至。說經五徧，東北无極无量品至真大神，無鞅之衆，浮空而至。說經六徧，東南无極无量品至真大神，无鞅之衆，浮空而至。說經七徧，西南无極无量品至真大神，無鞅之衆，浮空而至。說經八徧，西北无極无量品至真大神，无鞅之衆，浮空而至。說經九徧，上方无極无量品至真大神，無鞅之衆，浮空

而至。說經十徧，下方无極无量品至真大神，無鞅之衆，浮空而至。十徧竟周，十方无極天真大神，一時同至。一國男女，傾心歸仰，來者有如細雨密霧。天人微妙，洞合至真，化體結形，分變萬億。咸各相謂我等歷劫悟道，无諸塵漏，證位法身，自入氣觀，了悟玄虛。初居大赤玄氣境界，道妙之域，無爲之中。次達禹餘，位進清真，高證妙果，涉於道極。禹言廣大，餘言遼遠，廣大無窮，故號禹餘，混同元體，普該一切。我聞元始說法，開示禹餘玉律之文，最上大法。檢真檢仙，制命衆魔，辟却邪精，化惡歸善。無鞅之衆，迨國一半土皆偏陷，非可禁止。天尊俯觀，普告而言：爾今衆等學道登真，位列上清，身居禹餘，法性自然，已無遷變。羸習俱淨，細着不生，自無過尤，何用其律。若有立教，垂訓於人，不立科律，而辦修行。譬之天帝仙真，地超九品，緣法俱盡，而猶圓冠方履，帶劍播圭，乘駕羽軒，龍旗鳳宸。所以爲法，豈可不議。今我出禹餘玉律之

妙，檢天地神聖之文，奉之一身，蔭及萬祖，行之千日，恩徧十方。子其敬聽，毋忽神文也。於是元始懸一寶珠，大如黍米，在空玄之中，去地五丈。元始登引，天真大神，上聖高尊，妙行真人，十方无極，至真大神，無鞅數衆，俱入寶珠之中。天人仰看，惟見拂拂從珠口中入。既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有中傷，傾土歸仰，咸行道真。無私無惡，無漏無染，無結無想，無欲無穢，無貪無嗔。言無妄誕，口詠善聲，齊同慈愛，異骨成親。國安民豐，欣樂太平，經始出教。一國以道，預有志心，宗奉禮敬，皆得度世。

道言：元始天尊說經中所言，並是諸天上帝內名，隱韻之音，亦是禹餘玉律真王內諱，百靈之隱名也。爲上清之祕，九真之要。知其道者，因法即

真，因真會道，道妙合神，忘神於虛，守道於無。先天地而爲主，後天地而獨居，匪禹餘之玉律，安能使神化於無隅，蓋非世之常辭。上聖已成真人，通玄究微，能悉其章，誦之十過，諸仙稱讚，萬帝咸欣，天地清肅，和氣沖融，三元降瑞，九壘發祥，振伏邪祲，凶怪蕩滅，苦趣消除，俱登快樂。至學之士，誦之十過，則感降真靈，招延妙精，鍊神致仙，司命保迎，超度七祖，受化朱陵，回襮灾禍，無所不神。所以爾者，元真之炁，出於上皇，玄虛之音，該契洞極。混元交激，布德生成，一切庶彙，普被其恩。輕誦此章，身則被殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京。度人无量，爲萬道之宗。巍巍大範，德難可勝。

道言：凡誦是經十過，萬聖竦聞，諸天齊到，以禹餘玉律，檢察仙聖，戒制神靈，無不尊畏。勅赦北酆，億曾萬祖，幽魂苦爽，皆即受度，上升朱宮，格皆九年，受化更生，得爲貴人。而好學

至經，功滿德就，攝制萬靈，道被群品，皆得神仙，飛昇金闕，遊宴玉京也。上學之士，修誦是經，神帝降會，三田九宮，洞房集明，煥耀玉光，一身靈固，遂獲長生。世人受誦，則宿罪消釋，奉道希僊，勤積善功，當超世緣，後皆得作尸解之道，魂神暫滅，不經地獄，即得返形，遊行太空。此經微妙，普度無窮，一切天人，莫不受慶，无量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，則青帝奉律，天官奏功，爲上世亡魂，斷地逮役，度上南宮。七月長齋，誦詠是經，則白帝奉律，地官奏功，身得神仙，諸天書名，黃籙白簡，削死上生。十月長齋，誦詠是經，則黑帝奉律，水官奏功，爲國王帝主，君臣父子，安鎮國祚，保天長存，世世不絕，常爲人君，安鎮其方，民見太平。八節之日，誦詠是

經，律總八天，警勵百神，得爲九宮真人。本命之日，誦詠是經，絳宮納真，依律致神，魂魄澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐九色光明雲炁之中，內外蒼冥。有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄，靈寶本章。禹餘玉律，上品度人。帝真隱韻，離合自然。赤混太无，玄上玉虛。三元開劫，生化禹餘。廣大遼遠，至妙之墟。靈寶天君，洞玄之神，挺秀玉都，結真上清。龍漢之始，積氣華明，飛靈煥鬱，輝煌妙文。列成科簡，典錄之章，主治萬天，仙聖靈真。分別善惡，拘制妖氛，不得橫馳，敗試失正。規敕邪源，塞絕禍端，是爲元範，化育所存。太和華闕，八景雲城。大明紫宮，玉霄琳房。太微協晨，七映長樓，穹窿連落，流光散浮。中有玄真度命之神，中有丹靈延生定簡之君，中有玉晨上生大神，中有都天太元丈人，中有无上紫微典錄察姦司過檢校尊神。迴骸起死，无量度人，今日校錄，諸天臨軒。東方无極飛天主律神王長生大聖，无量度人。南方无極飛天主律神王長生大聖，无

量度人。

西方无極飛天主律神王長生大聖，无量度人。

北方无極飛天主律神王長生大聖，无量度人。

東北无極飛天主律神王長生大聖，无量度人。

東南无極飛天主律神王長生大聖，无量度人。

西南无極飛天主律神王長生大聖，无量度人。

西北无極飛天主律神王長生大聖，无量度人。

上方无極飛天主律神王長生大聖，无量度人。

下方无極飛天主律神王長生大聖，无量度人。

十方至真飛天主律神王，長生度世无量大神。並乘晨霞，丹車寶輿，翠葆羽

輶，驂駕玉華神鳳，九氣驪龍。建上清

三色之節，萬景靈幡，前導太和妙樂，後歌洞化神章。獅子白鶴，嘯歌嘯嘯，九色翊麾，三素衛軒。億乘萬騎，浮空

而來，僊輪霄穹，流盼高玄。八極真

帝，十方道君，神官主律，靈官上卿。紫文青簡，總御齊臨，校功度善，察制

邪源。驛馳萬域，洞府冥關，太元定錄，保命童初。三十六府，崑閬易遷，

各承律令，保度生民。却除災氣，延致吉祥，陶鍊靈質，與道俱昌。下濟幽

泉，三官北酆，考原罪福，鍊化朱陵。咸會真氣，返形受生，生身受度，劫劫

長存。隨劫輪轉，與天齊年，永度三塗、五苦、八難，超凌三界，逍遙上清。

上清之天，天帝淨靈，玄虛之境梵行。

東方八天

青化陽範天，帝惠吉浦尊。

部真符龍天，帝尼何義元。

景昌太明天，帝窈常鄙雲。

左元道父天，帝祝馳迅舒。

真氣修胃神制天，帝會娑南祁。

柏僊鍊和天，帝蔚長孽飛。

玉素籍玄天，帝招扶隔炎。

蘄陽純膺天，帝隱牙樞敦。

南方八天

駐思結神天，帝降婺靈棲。

元弼貴生天，帝闕運洙滄。

赤宗鼓時天，帝步方九關。雲殿列華天，帝中靜惠顏。

九明思微天，帝耀華靈淵。紀道順陽天，帝宗符致空。

康緒顯玄天，帝降須尚晨。交露變玄天，帝景崇元陔。

西方八天

鍊延至定天，帝曾咸宜聰。

少華肅登天，帝祖皇述辛。

真明管元天，帝利達辨寧。

太素耀靈九山天，帝洞侯陽圖。

玉機度人天，帝祚希仙王。

元梵象變天，帝塗光上玄。

太霄隱虛天，帝良都輔昌。

洞微帝真天，帝總監靈神。

北方八天

太嶽嘉愍天，帝雲靈啓先。

玄户理幽天，帝韓婁卷蒙。

北司平力天，帝陰政驅時。

真道顯芳崇令天，帝覺龍宗王。

玄黃洞虛煥落天，帝妙生智雲。

玉庭元素天，帝力真衛瀆。



龍梵變嬰天，帝格常居。

泉靈極冥天，帝推百雷。

三十二天，三十二帝，諸天隱諱，諸天隱名。天中空洞，自然靈章，諸天隱韻，禹餘之音。上清之尊，上清之神，上清真魔，上清之靈。玄虛至用，萬化生根，无量之奧，深不可詳。總轄靈綱，營機運真，今日宣揚妙化，普告三元，摧魔滅試，舉善升遷。簡定圖錄，標名帝仙，玄師保舉，越度太玄。東斗主曆，西斗定刑，北斗察非，南斗司姦，中斗奉化，統布大權。青帝保生，白帝輔成，赤帝奏功，黑帝赦罪，黃帝周行，恢張吉會。青律神王，護帝羅天。赤律神王，顯告刑原。白律神王，斬馘酆泉。黑律神王，拯判幽姦。黃律神王，五嶽都官。檢律真魔，萬神之宗，飛行鼓從，總領鬼兵。麾幢鼓節，遊觀太空，神威赫奕，諸天齊功。上清玉律，嚴攝北酆，神王受命，普掃不祥。金精鷲輝，飛電四騰，參尾前驅，玉甲揚旌。流精擲火，威南八衝，敢有干試，拒遏上真，金首前戮，天騶後刑。屠割鬼爽，風

火無停。千千截首，萬萬翦形，魔無干犯，鬼無祿精。三官北酆，明檢鬼營，不得容隱，金馬驛呈。普告無窮，萬神咸聽，三界五帝，列言上清。

禹餘玉律天文一百六十一字

禹餘真王檢萬神

制律刻玉嚴五刑

秘隱研歷窮天刑

敢有十道亂天經

弱肅川江嶽危城

風刀割裂羅酆城

九幽文人披錦巾

之匪周王商麟聖

朝騎金馬登玉京

聖職顯登座嵐

手提罪錄斬鬼神

狂祖膺龍祈願

救使五帝來考魂

越盟回帝齋辰

鑊湯火窟飛惡煙

鑊湯火窟飛惡煙

鑊湯火窟飛惡煙

鑊湯火窟飛惡煙

萬兵帶甲守曲泉

元因巨罰苦號天

亂臣賊子審此言

無犯玉律墮此顛

萬神奉律受玄文

公平忠孝道之門

胡為白是守空山

何不立功救無問

自然天帝錫子仙

七祖解脫升太玄

能指觀照百

使民壽樂見太平

使民壽樂見太平

使民壽樂見太平

使民壽樂見太平

使民壽樂見太平

使民壽樂見太平

使民壽樂見太平

使民壽樂見太平

使民壽樂見太平

使民壽樂見太平

上清司命策子名

歷氣風驟嵐

依律奉行朝帝君

神屋紫雲

人景浮駕生紫宸

眩扇勝紫坐

右青書白素，佩之百神衛形。刊文赤棗心，用以印萬病，效。萬神隨心，所用立應。

玉晨大律，三天妙文。三氣洞合，混化元清，天號大赤。元為上清，天號禹餘。始為玉清，天號清微。三氣未分，溟洞為一，三景開光，三氣乃分。赤混之代，玉律冥冥，元氣網緼，羅絡成文。其氣伏藏，混為玉精，眇眇億劫，混沌之中。上玄鬱藹，下元散分，妙氣磅礴，玉光凝精。元始帝魂，始為神嬰，風元水玄，洞虛為體。金輝耀天，華文之始，道範既彰，開化無窮。禹餘之境，萬道所宗，流演科條，運度自然。經維衆度，無量億千，玄官神錄，檢御真冥。保持劫會，生氣長存，元梵纏結，三十二天。運輪靈德，周度

十方，上關帝宅，下歷洞宮。宣告隱

篇，九品符章，嘯詠攝氣，靈風聚煙。

紫虛鬱秀，輔翼萬仙，千和萬合，自然

成真。真中有神，長生大君，無英公

子，白元尊神。四極之君，元皇主宰，

掌禁尊神，玄都典錄。定簡高靈，總該

玄籍，舉度當仙，上遊上清，出入華房，

降延真氣。靈妙之精，下灌生關，泥丸

絳房，中合五氣，混合百神。九變迴

風，萬氣齊仙，仙道貴生，无量度人。

上開八門，飛神運誠，朝謁帝皇，七祖

齊升。罪福禁戒，宿命因緣，普受開

度，死魂生身，身得受生，上聞諸天，諸

天之上，各有仙門。中有空洞謠歌之

章，真王靈篇，辭參高真。

第一禹餘玉律清玄飛空之音

寥寥三界外，浩氣結丹玄。玉樓

華靄間，絳闕連朱煙。中有虛无君，統

化御諸天。妙檢著玉文，出在太始先。

三光煥明鬱，經緯總萬神。察制遏百

非，保度道德人。冲素應格言，何足畏

魔群。洞景無遐累，億劫忘虧成。誰

知此至用，可以保長存。

第二玉律檢制神靈之章

赤明大劫初，玄清耀玉文。巍巍

靈寶君，掌握萬化元。天地山川主，神

司秉我權。陰陽適妙會，蕩蕩無凶姦。

調運太平氣，邪正勿相干。遵奉我律

章，日保道德隆。敢有肆橫毒，敗我清

靜風。五帝馳威伐，速送流火宮。詭

妄徒紛紛，檢制皆不容。功過無毫忒，

簡奏玉霄房。超度升有緣，同歸太妙

門。

第三玉律元皇超升歌曰

我行上清境，回觀三界中。指顧

臨萬天，欵忽轡飛龍。人身如籛廬，寸

田百妄攻。不知神氣盡，五道如樊籠。

當思絕學觀，道氣常冲融。神凝形自

分，玄影相朦朧。陰盡滅魔穢，清虛合

太空。結鍊成仙質，簡奏青華童。真

妙既充盈，福慶及先宗。躡景步寥廓，

萬劫年何窮。自非高真才，安我希鴻

濛。天人同我遊，勝樂靡不崇。若非

因律言，奚所振玄風。

此三界之上，飛空之中，真王歌

音，音參洞章。誦之百徧，名度南宮。

誦之千徧，真王保迎。萬徧道備，飛升太空，過度三界，位登仙公。有聞靈音，真王敬形，敕制地祇，侍衛送迎。拔出地戶，五苦八難，七祖升遷，永離地關。魂度朱陵，受鍊更生，是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音，禹餘玉律。統御天地，檢仙制神，天禁至重之文，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清玉府東經寶室。道君開教，應運流傳。若有至人齋金寶質心，依舊格告盟十天，然後而付焉。

道言：禹餘玉律，監察萬真。簡定功過，攝察百神。夫天地運度否終，日月五星虧盈，至聖神人休否，末學之夫疾傷。凡有此災，皆有天司掌轄之吏主之。故眚得失干於天政，玉律之所考按，不得而私也。敢有私蔽，妄爲殃咎，律所不赦。同氣皆當齊心修齋，六時行香，十徧轉經。至若道士登壇，

嚴肅齊整，如法誦此玉律大經，福德立降，消諸不祥，无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。則地官奉律統察，地祇拘魂鍊屍，土中風虎，不得侵害，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失明，四時失度，陰陽不調，國境水旱，兵盜間起，疫毒流行，兆民死傷，師友命過，同氣終歿，玉律之所違犯，神靈之所嚴畏，皆當修齋，行香誦經。夫齋戒誦經，功德甚重，上消天災，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始禹餘靈書玉篇

東方八天

室乾頌交，韓陀誓晦。韜漏頤侯，真阿瑄參。微冒絹撲，青逗驛岑。瓊存興治，號桓罟九。逸羅端丑，霞紡捐金。露耀忽卓，慶陂溪尋。喜陳玉靜，寶液鼎淫。辨甲宅祥，戍何三真。

南方八天

神霄干露，警青虎霞。壺方中定，敕法使靈。岫將斬魔，慧光滌元。賴巫來見，考魂隱宣。仙功惟意，真華命呼。離塗救焚，大宸紫君。天嶽祕諱，內闕法輪。蓬府司監，化度種人。

西方八天

玉闕明都，啓昆瑶月。火令擲雷，八殺戮檢。魁壘神帝，震誠理仙。恍蕩役罰，俊召龍嶠。遁鑄遐達，昌門入真。飛甲奔鉞，定奇左神。略晋尹泉，幽通爽魂。返化冥護，東符道君。

北方八天

道沆美時，虛精黃治。徧俱菩那，法寶玩詣。玉玄經顯，卯光胞幾。藏粹貫遙，漠洞純微。絳祠覺靈，依來輔王。眇濟廣浦，澤潤麗荒。斗童錄圖，潢津祖糧。綿冥罔著，蕭回魯剛。

道言：此諸天中大梵隱語，玉律內章，无量之音，舊文刻禹餘玉闕之上，以正玉律之文。上中下真，天官貴神，恭以佩之，不敢違也。非地下官君二千石之長，所遵稟爾。字皆廣長一丈。至學得之，可以飛神禹餘，受事玉宸，或隱靜雲宅，下遊人間，用其道召檄山靈，考錄萬鬼，書名上清。天真皇人昔書其文，以爲正音。有知其音，能齋而誦之者，諸天皆遣中天神魔，七名大將，太一仙真，下觀其身，附其本神，爲兆致靈，書其功勤，上奏諸天。萬神朝禮，地祇侍門，大功真王，保舉神霄，道備剋得，遊行三界，升入金門。此音無所不辟，無所不禳，無所不度，無所不成，天真自然之音也。故誦之致神魔下觀，上帝遙唱，萬神朝禮，三界侍軒，群祿束首，鬼精自亡。琳琅振響，

十方肅清，河海靜默，山嶽吞煙，萬靈振伏，招集群仙，天無氛穢，地無祲塵。冥慧洞清，大量玄玄也。

靈寶无量度人上品妙經卷之九

靈寶无量度人上品妙經卷之十

大赤靈文品

道言：昔於紫晨天中，金碧飛空大明寶土，受元始度人大赤靈文无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，太清真王，七天列聖，太極玉司，左右官屬，靈官童子，無鞅數衆，乘空而來。雲駕飛軒，琅輿瓊輪，彤蓋垂影，玉華散輝，五色流眩，洞耀太空。五日五夜，諸天道境，玄英深輿，神網息輪，玉標金魁，一時停運。天風靜籟，虛象凝霄，雲藏波湛，乾坤洞清。一國地土山川林木，緬平一等，無復高下，土皆明徹，熠耀積翠，無有異色。衆真侍座，元始天尊玄坐空浮五色輝明玉蓮之上。說經一徧，諸天大聖同時稱善，是時一國男女，心悟太空，得道無爲。說經二徧，洞見法身，

永無漏塵。說經三徧，心超妙元，通諸法相。說經四徧，神慧備足，自在飛行。說經五徧，音辯如流，敷揚至道。說經六徧，返照胎光，定息無窮。說經七徧，玉闕合氣，神宮流珠。說經八徧，騫林轉影，普覆諸天。說經九徧，萬物發生，中無夭折。說經十徧，天樂浮空，雲營靄瑞，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品至真大神，無鞅之衆，浮空而至。說經二徧，南方无極无量品至真大神，無鞅之衆，浮空而至。說經三徧，西方无極无量品至真大神，無鞅之衆，浮空而至。說經四徧，北方无極无量品至真大神，無鞅之衆，浮空而至。說經五徧，東北无極无量品至真大神，無鞅之衆，浮空而至。說經六徧，東南无極无量品至真大神，無鞅之衆，浮空而至。說經七徧，西南无極无量品至真大神，無鞅之衆，浮空而至。說經八徧，西北无極无量品至真大神，無鞅之衆，浮空而至。說經九徧，上方

无極无量品至真大神，無鞅之衆，浮空而至。說經十徧，下方无極无量品至真大神，無鞅之衆，浮空而至，十徧周竟，十方十境无極天真大神，一時同至，一國男女，傾心歸仰。來者有如飄雲蘊雨，無鞅之衆，各各稽首，恭禮玉陛。言臣所居之天，在種民之上，太清大赤玄空之中，天中萬象，應念即有，息念即無。莽蕩浩空，光明遼廓，道界之内，九氣聖位超升，已盡脫諸緣累，一切空想，不屬有無，思悟永生。大赤天中，爲第三太空，玄界景耀，三華之色，下安飛輪，保鎮天闕。恭聞天尊於此太極皇真仙境，出示靈文，昭垂顯奧。玄霄之中，一切衆生，下逮神洲，无量世界，同獲勝果，爲无量福。臣等各運道意，伫聽至言上真大法。於是元始懸一寶珠，大如黍米，在空玄之中，去地五丈。元始登引，天真大神、上聖高尊、妙行真人、十方无極至真大神、無鞅數衆，俱入寶珠之中。天人仰看，大赤靈文，徧見珠內，方廣一丈，八角垂芒，惟見勃勃從珠口中入。既入

珠口，不知所在。國人廓散，地還平正，無復欹陷。元始即於寶珠之内，說經都竟，衆真監度，以授於我，當此之時，喜慶難言。法事粗悉，諸天復位，倏歎之間，寂無遺響。是時天人遇值經法，普得濟度，全其本年，無有中傷，傾土歸仰，咸證玄空。無想無念，無色無聲，無殺無欲，無穢無垢，無妄無私。言無華麗，口無惡聲，齊同慈愛，異骨成親。國安民豐，欣樂太平，經始出教，一國以道，預有至心，宗奉禮敬，皆得度世。

道言：无始天尊說經中所言，並是諸天上帝內名，隱韻之音，亦是大赤靈文，九霄玉字，上真之隱名也，非世之常辭。列聖已證真仙，通玄究微，佩服赤文。能悉其章，誦之十過，諸天遙唱，萬帝設禮，靈文開廓，十方化玄，一切神靈，咸歸至應，真道發見，群魔束形，鬼精滅爽，丹字開生，迴屍起死，白骨成人。至學之士，誦之十過，則氣超五辰，德動三界，魔精喪眼，鬼祆滅爽，拔度垂死，沉淪得升。所以爾者，學士

初解玄空，道登大赤，欽味靈文，體未洞真，以制十方，德未合上聖，威可剋制百魔，濟度萬微，但超升而已，不能洞玄。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門，斯經尊妙，獨步玉京。度人無量，為萬道之宗。巍巍大範，德難可勝。

道言：凡誦是經十過，悟解之者，道契大赤，氣合太清，緣想累入一切塵滯，應時消盡。惟一玄虛，淡然微影，明靜瑩徹，洞觀妙體，即為真人。諸天齊到，億曾萬祖，幽魂苦爽，皆即受度，上升朱宮，格皆九年，受化更生，得為貴人。而好學至經，功滿德就，皆得神仙，飛升金闕，遊宴玉京也。上學之士，修誦是經，悟道證玄，登太極宮。一切世緣，廓然歸虛，默契此理，開悟虛明，永無變滅，超度長生，皆即受鍊，飛升南宮。世人受誦，未入真靜，漸棄有想，太空之中，自生真氣，下泆凡體，則延壽長年，後皆得作尸解之道，魂神暫滅，不經地獄，即得返形，遊行太空。

此經微妙，普度無窮，一切天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，神風協運，薰養萬靈，結累解落，合真體元，為上世亡魂，斷地逮役，度上南宮。七月長齋，誦詠是經，金真激雲，混洞招真，通靈致仙，身得飛升，諸天書名，黃錄白簡，削死上生。十月長齋，誦詠是經，紫雲鍊形，飛騰左迴，八景三真，謁真命神，嘯攝虎兵，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，八景開通，五官洞清，身入太無，體合玄虛，得為九宮真人。本命之日，誦詠是經，大赤靈文，與兆相因，千變萬化，自然致真，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就。飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐蒼赤黃三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過。東向誦經。

### 元始无量度人上品妙經

元始洞玄，靈寶本章，大赤靈文，上品玄空。无量度人，太清隱韻，離合自然，混洞玉文。冥寂玄通，上皇之代，神寶化生，靈書度命。凝泛玄空，上清之下，森列三宮，與道合混。九光

丈人，冥无大劫，變立諸天，天中聖人。大赤之庭，真人玉輔，高玄化仙，下統九品。開署天官，生無壽限，劫灾不登，莽蒼浮空。下臨眇城，一十二域，八景高清，周歷三道。變化靈文，應念自彰，大象開明，是爲玄梵。天中之天，三皇洞神，太極太冥，浮絕玉京。金華龍山，帝一躡景，无上元靈，正元玄氣。三境神穹，上極无上，大羅玉清，眇眇劫仞，若亡若存，玉華廣筵，大有琳房，金闕瓊樓，森羅耀綱。太霄正氣，周徧十方，下鎮八維，分亘中央。黄老大洞，三天化章，總氣冲元，保世亨昌。中有大赤靈文之神，中有南極長生之君，中有保生青華之尊，中有安鎮元皇大神，中有好生韓君丈人，中有赤元太一紫極真君，中有南昌司生司化耀明玉紀玄道尊神。迴骸起死，无量度人，今日校錄，諸天臨軒。

西方无極白洞神王長生大聖，无量度人。北方无極紫霄神王長生大聖，无量度人。東北无極八景神王長生大聖，无量度人。東南无極明化神王長生大聖，无量度人。西南无極生道神王長生大聖，无量度人。西北无極氣祖神王長生大聖，无量度人。上方无極靈運神王長生大聖，无量度人。下方无極保鎮神王長生大聖，无量度人。十方至真大化神王，飛天度世无量大神。並乘碧耀瓊霄之車，洞陽丹輦，鳳真素蓋，八景瓊輪。馭九龍汗漫之駕，抗朱霞飛生之輿。建命仙之節，十華大旛，前嘯玉謠齊唱，後吹泛唱同音。獅子斑麟，吟嘯辟邪，五緯啓塗，斗魁翼轅。億乘萬騎，浮空而來，傾光回

駕，監真度生。三天大帥，元老高尊，四極真王，九天上靈。執錄把籍，齊到帝前，隨所應度，嚴校諸天。大赤靈文，神氣流玄，上化天府，下極幽泉。高上推策，太皇寫篇，普告三界，碧落神鄉。星羅之府，北極元綱，三垣九道，十二通津。上解祖考，億劫種親，疾除罪簿，落滅惡根。不得拘留，形合高仙，元始符命，時刻升遷。北都寒池，部衛形魂，制魔保舉，度品南宮。死魂受鍊，仙化成人，生身受度，劫劫長存。隨劫輪轉，與天齊年。永度三塗、五苦、八難，超凌三界，逍遙上清。上清之天，天帝洞清，無色之境梵行。

#### 東方八天

惠靈真極天，帝侯適演均。  
岫靈洞剛天，帝巴光緣。  
太乙思遊天，帝直歷普疆。  
皇覺慶宗天，帝顯祕太茫。  
九變玄黄天，帝都京那無。  
雲津主成天，帝夢曆銖。  
高靈濟生天，帝魯常寂炁。  
靈震八威天，帝育尚庚元。

南方八天

朱陵契賢天，帝獻念慈薦。  
丹宇臻微天，帝韓頤洞文。  
上德太宗天，帝默領希。  
景皇澤龍天，帝蕩會舒氲。  
玄道通聖天，帝房度炎暉。  
育神感思天，帝揚奚令傍。  
中靈真鑒天，帝秀熏瑤。  
丹練神正天，帝呼甄蘄臻。

西方八天

瓊真嚴麗天，帝祚梁十孫。  
奏仙希福降玄天，帝鐸華息因。  
參尾元神天，帝卓趾無辰。  
大千仁靜天，帝頂空真魂。  
玄道化儀天，帝師慶祠溫。  
慶陽德廣天，帝肇伯元。  
咸行慶福天，帝巫羌李容。  
高靈宣智天，帝畢童井機。

北方八天

玄靈澄意天，帝了洞微公。  
寶驛定真天，帝乙安化宜。  
四明玉龍天，帝昭章北玄。  
承華望極天，帝抱沖胡捐。

寶運洞神洪濟天，帝越睹誥。

霄極啓元露沖天，帝祖昌明。

太無瑩神天，帝鐸柱演邦。

凝化絡雲天，帝眇索部暗。

三十二天，三十二帝，諸天隱諱，

諸天隱名。天中空洞，大赤靈文，諸天

隱韻，太極之音。太冥之尊，太空之

神。玄氣真魔，大赤之靈。神氣和合，

變化太清，无量之奧，深不可詳。敷落

靈文，普度天人。今日欣慶受度，歷關

諸天，請滅三惡，斬絕地根。靈文佩

受，名列太玄，真王監舉，無拘天門。

東斗生識，西斗受命，北斗分神，南斗

得性，中斗意真，五官以正。青帝玉

字，白帝金文，赤帝丹芒，黑帝玄晶，黃

帝成意，飛神召靈。青文神王，震氣鳴

空。赤文神王，摧伏魔凶。白文神王，

風火擊衝。黑文神王，萬滯開通。黃

文神王，元化興隆。五文神王，大赤之

雄。變化靈文，萬神之宗，飛行鼓從，

總領仙兵。麾幢鼓節，遊行太空，大明

赫奕，諸天齊功。佩服靈文，嚴攝北

酆，神王受命，普掃不祥。玉兕殄醜，

金獸四衝，火兵前驅，神首仗旛。朱鳳

流鈴，輝電騰煙，雲雷奮擊，綠齒攫吞，

敢有干試，拒遏靈文，金鉞前戮，威劍

後刑。屠割鬼爽，風火無停。千千截

首，萬萬戮魂。魔無干犯，鬼無祆精，

三官北酆，明檢邪源，不得容隱，金馬

驛呈。普告無窮，萬神咸聽，三界五

帝，列言上清。

太清大赤天靈文寶章之篇

萬形主太空出人如

飛龍名空太無體空

無浩難窮三界萬下

劫倏忽淪為空大赤

猶心象生滅苟承容

心空無二門心盡亦

歸空兆如念道真滅



境空無通玄元始三  
清是為三妙空大赤  
心想盡玄影尚朦朧

此為第三觀玄炁太

此為第三觀玄炁太

此為第三觀玄炁太

此為第三觀玄炁太

此為第三觀玄炁太

此為第三觀玄炁太

朱書青箔上，三元日然為灰，以東流水服之，役使鬼神，坐知長生。神仙佩之，則石神稽首，所向皆遂。悟其旨，則得道登真也。

玄氣受鍊，真火洞燔，九萬九氣，

變為赤文。六六數滿，天元乃成，玉樓丹闕，飛觀神京。昔在玄胞，初龍未康，眇眇億劫，混沌之中。上無其色，下無其淵，風行空內，積剛為堅。堅性為金，金露流泉，泉為白水，即受金淵，金水凝結，化地生天。天上天下，無幽無冥，無形無影，無極無窮，溟滓太朴，遼廓無光。大赤靈文，運度自然，元始安鎮，丹元上篇。赤書玉字，火鍊龍文，保制劫運，使天長存。玄氣彌羅，萬範開張，元精流演，三十二關。輪轉無色，上入泥丸，周回十方，履火蹈泉。旋斗歷箕，回度五常，白雲化液，玉露玄霜。三十五分，總氣上元，八景冥合，氣入玄玄。玄中至靈，聖母元君，汎景紫虛，嘯詠洞音。金華合氣，流運雲宮，玉音化景，靈耀迴風。太清上化，鬱秀八騫，千和萬合，自然成真。真中有神，長生大君，金闕至玄，無英白元。華陽玉妃，太乙上真，九宮司命，桃康合延。執把靈文，保命生根，上遊上清，出入華房。八冥之內，細微之中，下鎮人身，泥丸絳宮。中理五

氣，混合百神，十轉迴靈，萬氣齊仙。仙道貴生，生氣度人，上開八門，飛天法輪。罪福禁戒，宿命因緣，普受開度，死魂生身。身得受生，上聞諸天，諸天之上，各有生門。中有空洞謠歌之章，真王靈篇，辭參高真。

第一玄氣生大赤天飛空之音

赤黑相半，其名曰玄。陰微陽妙，復名太元。浩空無染，本物明白。比

此光空，以名自攻。赤黑來居，玄氣乃敷。玄為陰陽，邈未開圖。陰盡則赤，大赤是都。上清之下，種民之上。統十二天，太上之廬。第三氣觀，道境天衢。如兆行道，慾盡影餘。心空未盡，影跡不除。於道未徹，為空所拘。故號太清，九仙之庭。絕影去女，道乃可見。爾若不知真，徒為棲山林。大赤有靈文，詠之駕鸞輪。

第二大赤天為太清仙境之章

神氣浩浩，純陽發煙。真火鍊之，赤玉為天。火色未靜，大赤有名。火去真存，寥寥太清。丹瓊為闕，紫雲為庭。峨峨大赤中，上連玉都京。太上

黃錦衣，汎景流金鈴。左命九龍駕，右策轡神虎。風雨來導前，鐘鼓爲後部。三界諸天魔，叩首祈真度。陰陽正下埃，萬物由鼓舞。大赤有靈文，高靈咸所慕。

第三靈文神化真王歌曰

玄氣如破縷，乘風類遊龍。飄飄飛太空，九陽生其中。無然大赤色，屈曲斜方弓。結空乃成字，靈文體高沖。皇人按紫筆，宛與天真同。符書策萬神，度人功無窮。兆能起心信，佩服仰霄穹。咽服召元氣，玉津自流通。胃池生絳煙，骨節磨青銅。六丁來奉巾，變化幽冥宗。嘯歌升太清，神行本無蹤。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛升太空，過度三界，位登仙公。有聞靈音，真王敬形，敕制地祇，侍衛送迎。拔出地戶，五苦八難，七祖升遷，永離泉關。魂度神霄，受鍊更生，是謂无量，普度無窮。有祕上天文，諸天共所

崇，泄慢墮地獄，禍及七祖翁。

道言：此二章並是諸天上帝大赤靈文，隱祕之音。和天安地，禳鎮國家，佩服致真，却灾除殃，上輔道化，保民無疆。皆是大梵之言，非世上常辭，言無韻麗，曲無華宛，故謂玄奧，難可尋詳。上天所寶，祕於神霄玉清玉府經室東藏。道君行教，應運下傳。若有至人，齋金寶質心，依舊格告盟玉清，然後而付焉。

道言：大赤靈文，三氣之宗，濟度垂死，無所不成。夫天地運度否終，日月五星虧盈，至聖神人休否，末學之夫疾傷。凡有此灾，同氣皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。以大赤靈文，丹書青素，佩之，或著心前，魂神徑上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日

月失明，四時失度，陰陽不調，國境有灾，鬼氣流行，殭疰疫毒，兆民死傷，師友命過，親愛終亡，皆當修齋，行香誦經。夫齋戒誦經，功德甚重。上消天灾，保鎮帝王，下禳毒害，以度兆民，生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有灾之日，發心修齋，行香，誦經十過，皆諸天記名，萬神侍衛。右別至人，剋得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語无量音 道君撰

元始大赤靈文中篇

東方八天

伊檀抱時，碧泉淇味。洞關岐都，偃竺虔回。耀元仙址，殿凝微師。建扈猶略，慈叩引機。卓利復究，淵增條約。爰邦趨頻，道鍊息嶽。氣綿玄黃，

運冥部方。淨壯韓府，披維履剛。

### 南方八天

精童浮曦，七映瓊池。定獎氣馬，了澄玄漪。華貫邁液，魄拱神棲。柔瑩濯澤，芒忽闕持。亮豫恕游，謹濟莫常。歛索妙咸，沖逸揚頤。紫山太無，信思功宜。問仙晃朗，丹明玉微。

### 西方八天

靜無何爲，守神完輝。浩爛疊熒，結化崑緄，道育精傳，溢鳴時譔。天醴自波，玄輝光河。封命錫圖，陰平校魔。制泉部鋒，馘凶斬祿。文靈救真，護帝金闕。候海聽虛，質誠介膺。

### 北方八天

斗維携丑，理言變仙。實交烜赫，氣豐玄泉。把珞迎漠，奠區隨垣。命蒂九齒，辨驛祠綿。蟾滋合華，斗氏交車。韓司少元，丘資始房。判漫曹令，角新辭盤。月鄙杜宮，滕明阮光。

道言：此諸天中大梵隱語，无量之音，舊文刻書大赤天丹闕之上，以司天地之政，輔陰陽之化，制命萬靈。字皆廣長一丈。天真皇人昔書其文，以

爲正音。有知其音，能齋而誦之者，諸天皆遣赤天神王，下觀其身，書其功勤，上奏神霄，萬神朝禮，地祇侍門，大勳真王，保舉上清，道備剋得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之則靈文見空，紫雲滿室，百神侍軒，萬仙朝禮。佩之則上帝降策，八景登晨。服之則五藏混交，玉精流傳，三元歡樂，寶氣凝祥。體之則神遊太清，身御赤氣，妙合太無，道超萬有，分形千億，坐在立亡，琳琅振響，十方肅清，河海靜默，山嶽吞煙，靈魔畏伏，招集群仙。虛明合玄，神化自然，冥慧洞清，浩劫無遷也。

### 靈寶无量度人上品妙經卷之十

## 靈寶无量度人上品妙經卷之十一

### 玉明運度品

道言：昔於空碧天中，玉霄景明大寶嚴土，受元始度人玉明運度无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。紫霞揚暉，絳華舒彩，鳳輿龍駕，雲蓋霓輪，蔭景含晶，五色洞映，煥麗太空。九日九夜，諸天日月星宿，晨霞徊耀，駐機停綱，玉璇凝光，金衡息運，神風靜籟，雲收海嶽，六氣順明。一國地土山川林木，緬平一等，無復高下，土成玉明，碧無異色。衆真侍座，元始天尊玄坐空浮寶萼叢金九真鳳氣之座。說經一徧，諸天大聖同時稱善，是時一國男女，年壽隆長，無有灾夭。說經二徧，水騰火降，刑害不生。說經三徧，六氣調平，寰區安靜。說經四徧，天飛

妙香，徧空浮蓋。說經五徧，山澤呈瑞，玉瑩珠游。說經六徧，悟生死根，神證真境。說經七徧，欲界種民，盡除塵染。說經八徧，五運均化，萬物茂昌。說經九徧，天光下矚，幽府開明。說經十徧，普解運度，深得法門，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品玉明運度至真大神，無鞅之衆，浮空而至。說經二徧，南方无極无量品玉明運度至真大神，無鞅之衆，浮空而至。說經三徧，西方无極无量品玉明運度至真大神，無鞅之衆，浮空而至。說經四徧，北方无極无量品玉明運度至真大神，無鞅之衆，浮空而至。說經五徧，東北无極无量品玉明運度至真大神，無鞅之衆，浮空而至。說經六徧，東南无極无量品玉明運度至真大神，無鞅之衆，浮空而至。說經七徧，西南无極无量品玉明運度至真大神，無鞅之衆，浮空而至。說經八徧，西北无極无量品玉明運度至真

大神，無鞅之衆，浮空而至。說經九徧，上方无極无量品玉明運度至真大神，無鞅之衆，浮空而至。說經十徧，下方无極无量品玉明運度至真大神，無鞅之衆，浮空而至。十徧周竟，十方无極玉明運度天真大神，一時同至，一國男女，傾心歸仰。遙見元始升座說法，散大光明，照徹无量諸天世界，一國男女，及諸天人，其數無窮，各居一天，住一化境。各各神聽，恭聞天尊玉音響徹，宣說微妙玉明運度之法。即各相謂而共議言，元始天尊今說玉明運度之法，大小劫量窮盡之數，我知一切天人生死根本，悉由運度。運度之數。本於陰陽。陰陽之氣，即是生死。陽氣爲生，陰氣爲死。既從陰陽轉此生形，便有生死運度之數。我若得道，升入無形，超過陰陽，即無生死。及以大劫小劫運度之數，我等大眾，各各運心，齊赴空碧大寶之天，請聞至要。玉明運度，何以修行，出離陰陽，得免生死，證妙有身，爲大法王，度諸衆生，出大劫海。來者有如細雨密霧，無鞅之

衆，迨國一半土皆徧陷，非可禁止。於是元始懸一寶珠，大如黍米，在空玄之中，去地五丈。元始登引，天真大神、上聖高尊、妙行真人、無鞅之衆，俱入寶珠之中。天人仰看，惟見拂拂從珠口中入。既入珠口，不知所在。元始即見神變珠內，廣大含受十方諸天，一切國土，於大眾中出紫金光明，作七種色，一一色中出妙香雲，徧滿珠內，回青蓮目，俯眄大眾，攬百寶雕龍瑞玉之几，德音和暢，悅豫而言，告大眾曰：玉明者，天之才名也。言此萬天各運度，運度不息，生死不止。一切天人，困於有爲無爲，勤勞休息之見，墮在運度，棄道德海，入生死流，皆由衆生心有取捨，斷習諸見，貪欲喜怒，入陰陽之焮，運度遷易，萬生萬死，不造無形，不識道體。我今宣示法要，光明運度。運度者，天地之數也。一陰一陽，天地之根，生死之根，氣有終始，故有運度之數。天數三十年一小變，百年中變，五百年大變，三大變爲一紀，三紀爲大備，六千年矣。天圓十二綱，地方十二

紀，天綱三百六十日，運關一周。地紀三千三百日，推機一度。天運關三百六十周爲陽勃，三百年。地推機三百百度爲陰蝕，三萬年也。九千九百九，大百六，爲大劫運度。小陽九，小百六，小劫運度，亦如之。大運度之時，天氣窮於太陰，即爲火。地氣極於太陽，即爲水。二氣相反，萬物消化，然後元氣復合，更爲混沌，此名劫數運度也。大劫之來，水火之災，上至三界之上，下極九地之下，並得化滅，毫末無遺。以是陰陽二氣所生，故隨二氣化滅。三界之上，四民之天，及我所都，三清大羅之城，極道之境，水火不及，災數不至，出陰陽生死二氣之外。九大運爲一劫，八十一萬年爲大運度。九萬年爲小劫，爲小運度。大劫運度，既終我所，流布金文玉字，龍章鳳書，一切經典，皆還大羅玉京。混沌重判，真文復出，聖人流通，再傳下世。一切衆生，能厭生死，斷諸染著世間習氣，令此神氣，妙合太空，空體自然，不屬

陰陽，自無生死。契此妙空，應念現相，升入無形，運度終盡，飛昇大羅，出三界地，永離生死，克證道位，得爲天真，方名得道。一切衆生，以學道故，住於小乘，或壽限永劫，飛行往來，分形散影，乘駕龍鳳，此皆執著，未名漏盡。大衆聞語，皆出三空，證上真道，國人廓散，地還平正，無復畝陷。

元始即於寶珠之內，說經都竟，衆真監度，以授於我。當此之時，喜慶難言，法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸證至真。殺害嫉妬，淫盜貪欲憎妬，種種業心，悉淪爲空。不見陰陽，不有生死，言無畏愛，口無願幸，齊同慈愛，異骨成親，國安民豐，欣樂太平。經始出教，預有至心，一國以道，宗奉禮敬，皆得度世。

道言：元始天尊說經中所言，並是玉明上帝內名，隱韻之音，亦是魔王內諱，百靈之隱名也。知元氣爲生死之根，見陰陽爲生死之門。生死所因，

是由運度。運度不起，即無生死。得道成真，體合太空，永離生死，超凌三界，非世之常辭。上聖已成真人，通玄究微。能悉其章，誦之十過，諸天遙唱，萬帝設禮，河海靜默，山嶽藏雲，天關不行，地機不動，運度休止，人得長生，群魔束形，鬼精滅爽，迴骸起死，白骨成人。至學之士，誦之十過，則五行順常，陰陽無傷，運脩度永，福樂壽康，魔精喪眼，鬼祆滅爽，濟度垂死，絕而得生。所以爾者，學士至人氣拘陰陽，體未洞真，召制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，諸天齊到，運度開光，沈滯冥識，辭陰希陽，億曾萬祖，幽魂苦爽，皆即受度，上升朱宮，格皆九年，受化更生，得爲貴人。而好學至經，功滿德就，皆得神仙，飛昇金

闕，遊宴玉京也。上學之士，修誦是經，皆即受度，飛昇南宮。世人受誦，玉明降氣，生道來居，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮，一切天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳。輕泄漏漫，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，玉明東旋，運度丁壬，生德開光，九真簡名，太乙青符，拔度幽扃，爲上世亡魂，斷地逮役，度上南宮。七月長齋，誦詠是經，玉明西經，運度乙庚，肅氣結金，龜臺浚靈，白素玉符，鍊治兆形，身得神仙，諸天書名，黃籙白簡，削死上生。十月長齋，誦詠是經，玉明北上，運度丙辛，正氣成龍，紫庭命仙，帝真玄告，輔帝長生，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，

誦詠是經，玉明合映，運度允寧，冲氣分華，八門開明，神虎赤書，策號帝階，得爲九宮真人。本命之日，誦詠是經，玉明保命，運度千齡，斗宮奏功，錄兆成真，七元寶章，星流太淵，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐碧綠白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各六十四人，關啓所言。今日吉慶，長齋清堂，修行至經，无量度人，願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄，靈寶本章，玉明運度，上品妙首。曆數度人，百魔隱韻，離合自然，混洞太无。九空道祖，元氣內廓，玉明映玄，元分爲二。陰陽乃全，役氣運神，无无上真，元始祖劫。運度諸天，八九六七，劫運無窮，太陰生火，太陽爲水，五行反傳，開明三景，是爲天根。玉明梵景，惟道爲身，運度推移，五色乘天，玄光成篆，火鍊爲丈，五色定位，流霞結篇，五文列象，普植神靈。無文不光，無文不明，無文不立，無文不成，無文不度，無文不生。是爲大梵天中之天，鬱羅蕭臺，玉明上京，上極无上，大羅玉清。眇眇劫仞，若亡若存，三華離便，大有妙庭。金闕玉房，森羅淨靈，神霄梵氣，周回十方。中有度人不死之神，中有南極長生之君，中有玉明運度司馬大神，中有好生韓君丈人，中有南上司命司錄延壽益筭度厄尊神。回骸起死，无量度人，今

日校錄，諸天臨軒。

東方无極飛天玉明主運神王長生大聖，无量度人。

南方无極飛天玉明主運神王長生大聖，无量度人。

西方无極飛天玉明主運神王長生大聖，无量度人。

北方无極飛天玉明主運神王長生大聖，无量度人。

東北无極飛天玉明主運神王長生大聖，无量度人。

東南无極飛天玉明主運神王長生大聖，无量度人。

西南无極飛天玉明主運神王長生大聖，无量度人。

西北无極飛天玉明主運神王長生大聖，无量度人。

上方无極飛天玉明主運神王長生大聖，无量度人。

下方无極飛天玉明主運神王長生大聖，无量度人。

十方至真飛天玉明主運行度神王，長生度世无量大神。並乘紫蛟，瓊色紋

蚪，慶霄彤雲，鳳車龍輦，玉蓋金輪，驂

駕丹鯨玉毛金精之獸，建九氣之節，十極之旛，前嘯洞謠交音，後吹梵唱齊

鳴。仙姬素童，鸞歌囉囉，三皇啓塗，九老筭轅，億乘萬騎，浮空而來。傾光

回駕，興劫開生，推運行度，劫運無終，驅陰馭陽，輪轉死生。玉明丞相，南昌

上宰，樞機列真，韓司主錄，監生主死，靈魔大神，運度數元，彌綸六虛，水火

兵灾，料別種人。執錄把籍，齊到帝前，隨所應度，嚴校諸天。普告三界，

无極神鄉，泉曲之府，北都羅酆，三官九府，十二河源。上解祖考億劫種親，

疾除罪簿，落滅惡根，不得拘留，逼合鬼羣。元始符命，時刻昇遷，北都寒

池，部衛形魂。制魔保舉，度品南宮，死魂受鍊，仙化成人。生身受度，劫劫

長存，隨劫輪轉，与天齊年。永度三塗五苦八難，超凌三界，逍遙上清。上清

之天，天帝洞虛，無色之境梵行。

#### 東方八天

蒼室真符天，帝曲臺祕鉉。

玉靈至玄天，帝殿庸就孚。

寶洞元極天，帝伯史頓千。

正志明仙天，帝素網履微。

九真義需天，帝羊池空。

平維重華天，帝赤師匠威。

神液鍊珠天，帝鎮民具萊。

清都九龍天，帝贊雲次章。

南方八天

彤京降輿天，帝浩緒純耀。

融輝舒真天，帝變玄婁堪。

浩極升炎天，帝回俞務元。

湛定无極天，帝略府臯徊。

咸利開明天，帝卓渾斯疆。

丹靈思真天，帝治静基。

嚴上簡奏天，帝寥區馳光。

真光梵輔天，帝溢爽杜蘄。

西方八天

律檢萬魔天，帝輔龍九飈。

金景浩靈天，帝太微丙思。

素奏曲晨天，帝邀夫直闌。

神虎威章八極天，帝聖車翔。

明度修劫天，帝掌覺平。

瓚登脆盟天，帝巫雲慈仙。

陽府稟制天，帝梁華美經。

勅錄群魔天，帝轉延沙侯。

北方八天

玄靈感華天，帝懷昉指濱。

節車問方天，帝彭定思將。

鍊明玉宸天，帝慮慈景遷。

靈關制神啓陰天，帝建兜式南。

洞白廣功元化天，帝衍第嗣羅。

振景耀光天，帝輔章頤行。

北嚴護元天，帝學儲佐祠。

歷度定運天，帝超湟敬通。

三十二天，三十一帝，六十四重，

玉明運度。周回終始，法象網維，陰陽

復起，劫劫相因，生化不息。諸天隱

諱，諸天隱名，天中空洞，自然靈章。

諸天隱韻，玉明之音，玉名之尊，玉明

之神。九陽梵境，運度之靈，變化上

清，无量之奧，深不可詳。敷落神真，

普度天人。今日推演運度，理死別生，

會道之妙，無形爲真，與空爲一，隱祕

常名，神變出没，自然之靈。過度水

火，大劫刀兵。身有金色，堅固無傾，

欣慶受度，歷關諸天，請超三空，絕陰

陽根。飛度五戶，名列太玄，真魔監

舉，無拘天門。東斗受識，西斗鑄形，

北斗稟慧，南斗運心，中斗大空，是道

真形。青帝顯色，白帝明空，赤帝動

覺，黑帝玄通，黃帝意運，感合變生。

青運真王，木劫諦阿。赤運真王，火劫

部喃。白運真王，金劫剛嗟。黑運真

王，水劫湮羅。黃運真王，土劫神丘。

五運真王，萬神之宗。抑張運度，時刻

不容，飛行鼓從，總領神兵。麾旛鼓

節，遊觀太空，威號赫奕，諸天齊功。

超度劫運，嚴攝北酆，真王受命，普掃

不祥。素虎吐毒，天馬四張，赤甲前

驅，大殺仗旛。擲火萬里，流鈴八衝，

敢有干試，拒遏上真。金鉞前戮，巨天

後刑，屠割鬼爽，風火無停。千千截

首，萬萬翦形，魔無干犯，鬼無祆精。

三官北酆，明檢鬼營，不得容隱，金馬

驛呈。普告無窮。萬神咸聽，三界五

帝，列言上清。

元洞玉曆，紀劫重關，肇維元始，

生育天地，混沌成合，其數億千。自有

元氣合混已來，其世莫量。眇眇億劫，

爰龍達康，玉明圓虛，運度相期，太一

含運，其形自然。蕩蕩空景，大道之

元，生化二景，胞胎兩儀。此道至妙，

世莫之知。運度周極，玉明成形，大氣

泛景，或浮或沈。真土傳之，狀如卵

圓，中行運度，萬匝無偏。五行之中，

運度爲先，玉明爲色，元氣成淵。其理

如蒸，氣升爲露，降則爲泉，神風鼓之。

鍊爲真鉛，鉛爲金祖，以金爲天，運度

左行。九萬九千，五運成度。九萬九

千，復代於水。水行於天，九地湫流，

崑山湧泉，天上天下，無幽無冥，無形

無影，無極無窮，溟滓大道，遼廓無光。

赤明開圖，運度自然，行運合度，六氣

成天。動有差忒，萬物否焉。玉明之

數，運度所傳。元始安鎮，敷落五篇，

赤書玉字，八威龍文，保制劫運，使天

長存。梵氣彌羅，萬範開張，元綱流

演，六十四天。輪轉無色，周迴十方，

旋斗歷箕，運周四傍。迴度五常，三十

五分，總氣上元，爲玉明鄉。八景冥

合，氣入空玄，玄空太皇，上帝高真。

汎景太霞，嘯詠洞章，金真明郁，流響

雲營。玉音攝氣，靈風聚煙，紫虛鬱



秀，輔翼萬仙。千和萬合，運度周身，天運合人，自然成真。真中玉明，長生大君，青霞公子，東華帝君，皓青帝妃，白元尊神，紫庭太一，司命真君，桃康合延，玉光紫靈。執符把籙，保命生根，上遊上清，出入華房。八冥之內，細微之中，玉精流液，下鎮人身。泥丸絳官，中理五氣，混合百神，十轉回靈。萬氣齊仙，仙道貴生，無量度人，運流八門。飛天大梵之輪，運旋明晦，轉推死生，罪福禁戒，宿命因緣，普受開度，死魂生身，身得受生，上聞諸天。諸天之上，各有生門，中有空洞謠歌之章，真王靈篇，辭參高真。

### 第一玉明飛空之音

寥寥始青，萬劫之名。染空成碧，變玉柔明。爲九氣母，是諸天根。湛然景霄，高映青林，上交雲鸞，枝覆萬天。真霞千縷，金色萬重。是皆天章，震撼神風。帝真九老，神仙真人。出沒顯見，在此天中。一葉寶書，八會之言。嘯歌洞音，以滅萬凶。聞此玉明旨，得道無終窮。

### 第二玉明運度之章

高清之運，九氣爲防。旋斗歷箕，周行五方。順生逆死，載此百昌。五運行度，始於陰陽。陰陽造化，有數有名。名數之域，生死之程。氣之流運，三界成輪。運度所召，流轉無停。天堂之樂，地獄之苦。皆未爲道，業果所因。胡不爾思，鍊性如空。空無所空，妙非形容。須臾億劫，千載嬰童。超過陰陽，出離五運。無有生死，是真永命。我運此章，開兆之心。世欲汨汨，載浮載沈。但存兆心，量與空合。久而自定，隱于太漠。出爲真人，福極寥廓。坐證高宸，玉池金閣。

### 第三玉明真王歌曰

九天如壘，倚此切臺。蕭羅寶層，玉關對開。華房藥宮，含珠吐茸。丹碧萬縷，光纏六龍。運度網紀，神梵爲理。王明蕩蕩，中包九清。號曰虛皇，不夜之庭。兆若爲真，當證無形。運度不拘，以道爲身。神通變化，惟意所成。兆欲知之，內去五欲。虛光無留，與道爲儔。長生無爲，真人同遊。玉

音爲此歌，用作慈悲舟。捨此生死岸，上升崑崙丘。日月如跳丸，安能使人憂。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登仙公。有聞靈音，真王敬形，勅制地祇，侍衛送迎，拔出地戶，五苦八難，七祖升遷，永離三宮，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音。天體玉明，自然高凝，運度成劫，流浪死生。真人獨立，邈爾無形，不墮諸有，不涉智情，混洞純一，道從是生，三境逍遙，永劫太平。皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都高上神霄玉清玉府經堂東室。道君行化，運當壬辰，依科以傳。若有至人齎金寶質心，依舊格告盟神霄，膝行露丹，然後而付

焉。

道言：夫天地運度否終，日月五星虧盈，至聖神人休否，末學之夫疾傷。凡有此灾，同氣皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，玉明氣窮，天度終盡，運應滅度，身經太陰，臨過之時，同學至人爲其行香，誦經十過，以度屍形如法。即太一回旗，無英命旛，公子度符，玉明運還，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失明，四時失御，陰陽不調，國土歲灾，兵饑鬼盜，疫毒流行，兆民死傷，師友命過，族系殞亡，亦當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有灾之日，發心修

齋，燒香，誦經十過，皆諸天記名，萬神侍衛，右別至人，克得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始靈書中篇

東方八天

瀕陽釜箕，嶽直玄萃。羌除明梁，檀樂卷對。蓬仇仙畿，麗璠烈蛻。淪鍊矜瓊，房稽來呈。閨益果旅，瓓琳定迎。徧慈侯謀，品江條司。鏗熾班秀，庇場忤基。頌南歷乙，奔暘蝕微。

南方八天

霞賞烈起，汶瀘弼真。革師雲箒，亭泊頓回。想芒屢延，伯駢辭段。液虢殿伾，符決霞觀。鮑嶧荃侶，報瀛冥投。注煙翹咸，冕童貽筭。莊僖劫飛，峒綿祖侃。略元清巒，月騎由鴈。

西方八天

光編伏壘，赫蠹補新。竊蕩振索，

韞龍紀臣。儔希輔蒼，閱賈實瓊。河樞燕庫，庭齊止青。燿慮勅隨，兵圖總籍。鈎戈承威，火律延力。嵩神楚苓，閔睹府京。宿足斗韓，興生遄呼。

北方八天

玄洞逸剛，氣車無疆。妙指勤旅，八景靜昂。電口漏脉，擎支昆黃。賚頌九辰，蕭慈孛閑。遠無聽情，寒廬瑩鮮。空靈海昌，流煙蒙山。冪器拱玄，喻華詛仙。南奎秉神，寥放寂顏。

道言：此諸天中大梵隱語，无量之音，舊文刻書玉明之門中玄左臺天關地機之上，以正五劫九成十壤，水火金木之運，以行三光五辰流演，星宮宿舍遲伏留逆之度。天運星度，以紀劫數，大小陽九百六始終之次。小極三百六十有五，日，大極八十一萬，或九千九百九十億氣之數。天官運籌布筭，候氣觀象，按曆奉圖，以知玉明之運度。運度畢於陰陽，陰陽根於生死。生死流轉，因陰陽爲之駟。能釋念於虛，滅心於無，氣合於漠，神合於空。兆之介然之形，鍊之如素如光，如影如

風，如不可容，則身之質礙。如蛇有蚘，如蝸有翼，當委衣而登真也。字皆廣長一丈。天真皇人昔書其文，以爲正音。有知其音，能齋而誦之者，諸天皆遣主運度真官，下觀其身，書其功勤，上奏諸天。萬神朝禮，地祇侍門，大勳真王，保舉上清，道備克得，遊行三界，升入金門。此音无所不辟，无所不禳，无所不度，无所不成，天真自然之音也。故誦之致天吏下觀，上帝遙唱，萬神朝禮，三界侍軒，羣祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天无氛穢，地无祲塵，冥慧洞清，大量玄玄也。

靈寶无量度人上品妙經卷之十一

靈寶无量度人上品妙經卷之十二

陰陽化生品

道言：昔於太素皇極天中，紫宸流光大善明土，受元始度人陰陽化生无量上品。元始天尊當說是經，周回十過，以召十方。始當詣座。天真大神，上聖高尊，妙行真人，无鞅數衆，乘空而來。碧雲凝暉，紫金交映，瓊花四集，天籟成音，丹玉真輿，金華寶輦，錦霞垂蔭，絢彩蔚彰，三素擁輪，九真齊轡。七日七夜，儀璘交照，五緯澄明，瑞霧騰空，鬱林藹秀。一國地土山川林木，緬平一等，无復高下，土澤紺潤，藥闕飛霞。衆真侍座，元始天尊玄坐空浮五色師子之上。說經一徧，諸天大聖同時稱善，是時一國男女，明悟生機，不夭天壽。說經二徧，陰陽合德，玄醴昇和。說經三徧，飛仙蹈空，靈真布籙。說經四徧，神龍奮迅，除惡蠲

消。說經五徧，綠室生煙，神窗照徹。說經六徧，卷芽甲拆，陽德冲晞。說經七徧，生道普圓，相儀周足。說經八徧，靈光垂蔭，泉曲蒙恩。說經九徧，諸天諸地，品彙生成。說經十徧，衆真監盟，顯示大法，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品元化大神，无鞅之衆，浮空而至。說經二徧，南方无極无量品赤晶大神，无鞅之衆，浮空而至。說經三徧，西方无極无量品素威大神，无鞅之衆，浮空而至。說經四徧，北方无極无量品鬱微大神，无鞅之衆，浮空而至。說經五徧，東北无極无量品鎮極大神，无鞅之衆，浮空而至。說經六徧，東南无極无量品風輪大神，无鞅之衆，浮空而至。說經七徧，西南无極无量品太霄大神，无鞅之衆，浮空而至。說經八徧，西北无極无量品廣運大神，无鞅之衆，浮空而至。說經九徧，上方无極无量品高玄大神，无鞅之衆，浮空而至。說經十徧，下方无極无量品執

成大神，无鞅之衆，浮空而至。十徧周竟，十方无極天真大神，一時同至，一國男女，傾心歸仰，執持寶幢，花蓋紛委，雲鬪風騎，億萬咸集。仰佇天尊，敷演陰陽化生微妙大法。無鞅之衆，雜沓一國，地發金玉，惠露敷空。於是元始天尊於眉間，飛出日月之光，九芒十華，大如彈丸，去面九尺，騰躍上下，光芒激射，須臾徧滿天地，十方世界混然一色，天人聖衆凝瞻不捨，日月交映，化成一珠，元色殊特，見者驚異。於此珠中，出見天文大字，玉書真圖，龍鳳寶章，竈蛇之勢，廓落采布。又於珠光之中，見層觀危樓數仞，鳳臺麟閣，琪林華彩，融麗碧虛，去此地境，懸停百丈。元始登引，天真大神，上聖高尊，妙行真人，十方无極陰陽化生至真大神，无鞅數衆，俱入神珠之中。天人仰看，惟見拂拂從珠口中入。既入珠口，不知所在。國人廓散，地還平正，无復欹陷。元始即於神珠之內，寶殿之中，請命諸天上帝，統御陰陽，調育化生。諸天天尊，八方真宰，五老帝

君，長生大君，東極紫晨上宮青華帝君，皓真金庭祖炁元皇，南曦昊靈玉真，北玄水帝，中黃太真，玉華靈妃，太玄炁母，九靈太妙，陰陽化生，萬道元母，高皇帝尊，列坐其上，十方映見，如隔瑠璃。光炁合冥，空歌揚音，其聲宛雅，風和飄襲，萬物遂成。元始天尊顧眄仙衆，旋觀勝妙，萬天敬禮，龍騰虎擲，化見五輪紫金光明圓象。即撫流雲山水蔚翠離羅之帔，攬雕瓊結珠金真飛光之几，宣告衆真曰：此天文大字，乃陰陽元根，恍惚爲門，神爲化本，炁是生因。陰陽二物，元本无名，以其相求，變化所通。一浮一沈，一順一逆，一剛一柔，一內一外，一陰一陽，一龍一虎，含孕構精，故乃化生太虛。太虛生太无，太无生太洞，太洞生太空，太空生太漠。太漠者，在空玄无極之表，交變陰陽，以生二儀。二儀生三才，三才生萬物。三界具備，仙真分立。金闕玉都，百萬宮室，山嶽列峙，河流海澄，此乃元始造化大器之旨，而諸天上帝，高真帝主，仙聖賢哲，亦從

此生。下至九府北酆，泉扃九地，鬼神魔帥，亦同其道。至若人昇爲仙，轉凡成聖，證位真階，亦如陰陽造立天地，以陰陽龍虎逆順修之，可以神炁鍊形，形鍊爲炁，炁鍊合神，鍊神合无，以无合道，乃爲高真。真神飛化，洞入自然，以化以生，與道同體。譬效萬劫，億載夜旦。爾不能悟，輪轉諸業，受苦報對，皆由不知陰陽生成之妙，造化大器之由也。又有取陰陽之精，升降水火，左日右月，中涵太无，流運九九，凝爲紫華，爾能服之，合景飛昇，上朝太清，此亦陰陽化生外景至和之道。隱諱玄蹟，詳著金簡玉冊之內，封於玄都玉京高上真王玉清之府，東華寶韞之內。浩劫一開，度人無量。元始即於神珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂无遺響。是時天人遇值經法，普得濟度，明悟化生，壽與天長。傾土歸仰，咸見道元化性，化見，化理，化明，化因，生神，生炁，生精，生動，生物。身有玉光，聲洞

靈音，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音，亦是上聖高尊，陰陽化生真王內諱，百靈之隱名也，非世之常辭。上聖已成真人，通玄究微，能悉其章，誦之十過，諸天遙昌，萬帝設禮，天波泛瑞，紫海凝煙，日月吐輝，璇璣迴耀，群魔束形，鬼精滅爽，回屍起死，白骨成人。至學之士，誦之十過，則五帝侍衛，三界稽首，魔精喪眼，鬼祿滅爽，濟度垂死，絕而得生。所以爾者，以陰陽化生，究其本始，續絕繼傷，還得性命之根，以道爲父，以德爲母，以神爲師，以生爲主，穢炁普消，體漸洞真。召制十方，威制魔靈，伏制地祇，束縛妖爽，但却死而已，不能更生。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，皆即受度，飛昇南宮。世人受誦，則陰陽順化，生道入身，延壽長平，後皆得作尸解之道，神魂暫滅，不經地獄，即得返形，遊行太空。此經微妙，普度無窮，一切天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃逮七玄，責役冥官。侍經五帝，玉童玉女，各二十四人，營衛神文，得護受經者身。

道言：正月長齋，誦詠是經，上贊天地，以時化生，枯林槁幹，盡得繁榮，白骨朽骸，天和播精，真液內滋，赤書經營，太玄生符，招還百神，爲上世亡魂，斷地逮役，度上南宮。七月長齋，誦詠是經，天真下直，萬寶遂登，陰化陽生，革堅膚凝，五華結秀，丹魂耀靈，鑄鍊綠骨，金髓玉筋，身得神仙，諸天

書名，黃籙白簡，削死上生。十月長齋，誦詠是經，玄一在前，真一在役，太一居中，陰陽合湊，恍惚至神，混然太朴，道運日新，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，八景聚神，元炁交并，陽施陰納，質具性真，周回還返，金書紀名，八門九室，隨意飛昇，得爲九宮真人。本命之日，誦詠是經，胎真始生，生本太真，陰陽順道。天福自然，魂魄保固，萬炁俱仙，不經干試。壽曆綿綿，天元定籍，大魔列言，萬神朝禮，名書上天，功滿德就，飛昇太玄。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲炁之中，內外蒼冥，有青龍、白虎、朱雀、玄武、師子、白鶴，羅列左右，日月照明，洞煥室內，項生圓象，光映十方，如此分明。密呪曰：无上玄元，太上道君，召出臣身中三五

功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄，靈寶本章，陰陽化生，十轉度人。天元隱韻，混洞自然，浩劫難名，陰陽結精。含霄貫炁，大象開明，動極成炎，靜極成泉，陽嘘陰吹，感化兆元。龍呼於虎，虎投於淵，龍出於火，反復化生。玄波妙有，虛極成形，五運肇闢，金真成天。玉宮瑤闕，九翠崇山，內都億靈，主校萬仙。玉精凝華，雲章寶篇，六十四體，支變八千，陰陽炁交，化生赤文。无文不神，无文不明，无文不立，无文不形，无文不化，无文不升，是爲大梵天中之天。恍惚存亡，真道推遷。兆知其妙，化體爲仙。仙貴長生，生炁綿綿。九天鳳炁，大有

之山，下鎮百關，長谷太元。百二十官，環拱太玄，大行梵炁，周回十方。中有度人不死之神，中有南極長生大君，中有東林安寶帝君，中有度世司馬大神，中有好生韓君丈人，中有南上司命司錄延壽益筭度厄尊神，回骸起死，无量度人。今日校錄，諸天臨軒。

東方无極道憲神王長生大聖，无量度人。

南方无極神應神王長生大聖，无量度人。

西方无極炁合神王長生大聖，无量度人。

北方无極玄一神王長生大聖，无量度人。

東北无極陽範神王長生大聖，无量度人。

東南无極陰境神王長生大聖，无量度人。

西南无極正性神王長生大聖，无量度人。

西北无極意化神王長生大聖，无量度人。

上方无極感妙神王長生大聖，无量度人。下方无極真精神神王長生大聖，无量度人。

十方陰陽化生神王長生度世无量大神，並乘瓊文紫霄玄車，景耀流光之輦，飛空羽蓋，碧霞回映，積珠丹輿，素雲垂蔭，虛轉虹輪，驂駕神鳳白虎，持十華之旛，建命魔之節，暉映雲錦之旆，泛蕩紫瓊之旌，天龍靈獸，嘯歌囉囉，元皇啓途，妙行翼轅，億乘萬騎，浮空而來。傾光回駕，監真度生。太微天帝，玉闕至真，中央黃老，元素道君，總執洞章，齊到帝前，陶鎔鍊化，簡告諸天。情識因緣，五行變生，三元九署，品類聖凡。下校三界，无極神鄉，太丹鬱霞，紫度炎光。玉晶金馬，石景中方，天津帝臺，冥關扶桑。交灌濯羅，變合陰陽，簡閱玉籍，正道明輪。域於陰陽，二炁交并，以植萬品，開化元根。生知妙元，歸復神精，三宮流運，玉闕生華。身得神仙，福及後昆，拔度上世，九祖七玄。疾除黑簿，削落

罪愆，不得沈留，速啓冥關。虛皇告命，時刻昇遷，北都寒池，部衛形魂。陽化其魂，陰生其形，形魂合道，飛度朱陵。逍遙解脫，昇化種民，萬生欣慶，隨運長存。因緣輪轉，與天齊年，永度大魔，干試之難，超凌三界，逍遙上清。上清之天，天帝鬱玄，無色之境梵行。

### 東方八天

陰陽化生之天，起於西北，兆於子位，出於東北，生於東，齊於東南，相見乎離，成實於西，隨日之度，以立天分。

玉華元明天，帝嗣都元。

墟極化度天，帝柳題灌生。

萬寧重暉天，帝震光理監。

玄期耀和天，帝需密爰芻。

會昌鬱明天，帝嶽澄變徒。

扶搖恭靜天，帝飄偃停隆。

太易洞浮天，帝儔溢滋。

玉光盈虛天，帝真玄昇。

### 南方八天

炎明號名天，帝約遞淵圖。

鳳烝丹華天，帝治乾方超。

朱靈彤輝天，帝泰无萊。

紫素禁理天，帝龍角爛基。

輝神仙契天，帝圓力寶昌。

化應奉晨天，帝梵陽尚玄。

務猷合真天，帝鬱靈標。

重離洞陽天，帝僅宗九虛。

### 西方八天

雲景利真天，帝祖璫元名。

流輝素真天，帝保盟壽天。

太華慶昭天，帝妙羅永神。

極肇啓宗天，帝敷回正旂。

金耀九司天，帝辯伯史英。

浩都寶光天，帝靈元昌同。

太明監化天，帝三塗元。

明梁元素天，帝映神圓。

### 北方八天

玉林元上天，帝裔玄本英。

含景太真天，帝嚴固永期。

龍頤壽安天，帝歸烝祖道。

流明玉清天，帝尊太液初。

妙極周化天，帝號奕太无。

紫蓋耀離天，帝泰定惠光。

玄凝神秀天，帝杜吉元公。

淵明澄虛天，帝晶天中皇。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，天中之音，天中之尊，天中之神，

天中大魔，天中之靈。九陽十陰，變化

生根，无量之奧，深不可詳。敷落神

真，普度天人，陽胞陰胎，胎固以神。

神爲心本，心以意行，心意合道，寓以

強名。不知自然，神則變遷，途隙守

之，神化爲丹。丹化烝祖，玄化綿綿，

陰施陽華，鍊精保神。神魂永固，合景

飛昇，遊宴八極，結滯散開。九元妙

本，玄境生關，混沌大劫，三道交騰。

魔王監舉，无拘天門。東斗陽精，西斗

陰津，北斗感胎，南斗授生，中斗運幹，

五烝混冥。青帝施政，白帝布德，赤帝

養鍊，黑帝化育，黃帝守道，萬神无越。

青天魔王，龍耀玄格。赤天魔王，丹靈

感發。白天魔王，皓華玉澤。黑天魔

王，神閭通徹。黃天魔王，朱嬰藏月。

五帝大魔，萬神之宗，飛行三界，總領

仙兵。麾幢鼓節，遊觀太空，瀕洞陰

方，玄激神風。九陽元化，三景羅空，

大小境域，仙聖真公。恍惚萬變，猛馬毒龍，長矛倚天，玉杵摧峰。真符流火，焚蕩妖凶，九天前征，大醜按嚴。列陣北都，殺鬼億千，无撓陰陽，各遂化生。三玄九官，无使散離，瓊章上奏，金馬騰飛。普告无窮，萬炁齊歸，三界五帝，大振元機。

闕都洞清，神光晦冥，梵行周羅，雲結爲京。碧嶽浮空，太倉竦庭，煙徊風搖，鬱壘萬神。帝元真炁，彌盈百千，原於一成，支爲王嬰。陰道洪化，陽魂秉權，九變十合，金關暈聯。綠窗吐日，靈綱命仙，水爲太乙，形若含蓮。化生大神，玉號精延，錦衣瓊幘，坐鎮萬天。亦自陰陽，化生所傳，五符瓊笈，上道之元。化生天地，日月循環，太空九炁，中有玉淵。湛鏡內象，星斗外躔，天上天下，无幽无冥，无形无影，无極无窮。溟滓大梵，遼廓无光，赤明開度，運周自然。元始浩炁，如雲如煙，結空成字，寶篆金篇。赤書玉符，八景玄文，保制劫運，使天長存。梵炁彌羅，萬品恢張，元綱流演，三十二天。

輪轉无色，周回十方，旋斗歷箕，回度五常。三十五分，總炁上元，八景冥合，炁入玄玄。玄爲神母，陰使陽官，消息長養，動靜洪纖。以不易泰，以地合天，左入於右，後極於先。至道之機，太空無關，真一等空，化生之元。化極而變，變極而玄，玄中太皇，上景飛纏。朱霞舞空，嘯詠合筵，金真朗耀，流運雲宮。玉章召炁，玄風散煙，太霄鬱秀，輔化飛仙。千和萬合，自然成真，真中有神，長生大君。洞房黃老，青華帝君，左右玉妃，太一尊神。司命在心，桃康運精，腦膜赤文，混黃元真。无无曰玄，赤文命神，執符把籙，保命生根。上遊玉虛，出入黃庭，八冥之內，細微之中。下鎮人身，泥丸絳宮，中理五炁，混合百神。十轉回靈，萬炁齊仙，仙道貴生，无量度人。上開八門，飛天法輪，罪福禁戒，宿命因緣。普受開度，死魂生身，身得受生，上聞諸天。諸天之上，各有生門，中有太空合變之章，魔王隱文，辭參高真。

第一欲界魔王陰陽化生延壽隱訣  
太一空无，翛然獨居。靜極生動，陰陽乃育。陽火陰水，流運周足。中以大和，萬炁齊鮮。冥通妙應，黃房發煙。白雲之門，有炁如泉。以彼取此，以此得彼。流轉无窮，神定則止。赤入於黑，黑還於赤。或守以雄，或守以雌。感化情性。長生保茲。

第二色界魔王陰陽化生神仙隱訣  
溟滓无色，太空晦黑。二物相吞，忽生混沌。梵炁交度，九萬餘億。玄定神生，天精赫奕。圓經千里，中有神文。龍鳳曲折，變化三靈。玉京玄山，九真鳳炁。金井澄靈，涓涓滂沛。絳闕萬天，生同根柢。復本去華，上升仙家。子若心得，吸咽流霞。流播琅玕，玉芝丹砂。非妙莫窺，日轉龍車。

第三无色界魔王陰陽化生天地隱訣  
欲色既盡，无色見前。恍惚空洞，中隱萬天。无色意存，意真惟精。意召即至，五辰三奔。日精月華，光耀生根。方寸神宮，宮羅玉真。心火九陽，鍊骨成金。上極无上，下極淵源。火



令急速，飛龍八巡。自陰自陽，化生隱存。天地大鼎，水火中分。不知生端，見道無門。生從感悅，神炁至精。霏霏瑞露，灌治群靈。三界安立，大漠渾淪。乘龍飛霄，羽蓋青裙。

此三界之上，飛空之中，魔王歌音，音參洞章。誦之百徧，名度南宮。誦之千徧，魔王保迎。萬徧道備，飛昇太空，過度三界，位登仙公。有聞靈章，魔王敬形，敕制地祇，侍衛送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王隱祕之音。內明陰陽化生，天地媾精，萬物孕成之密要。人知其要，則久視延年，神仙不死。大則上法三尊，生天立地，養育混沌。中則移易陰陽，卷舒造化，仰合天德。下則龍虎陰陽，混合百神，迴風紫煙，道和百節，潛用五行，陰陽變泰，以至得道。皆是大梵之言，非世上常辭。言無韻麗，曲

無華宛，故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齎金寶質心，依舊格告盟十天，然後而付焉。

道言：夫此經元始天尊說陰陽化生之道，誦之者生德自昌，不見終滅。以內隱陰陽祕諱，生炁致祥之理，惡禍併消，自得元吉。若天地運度否終，日月五星虧盈，聖神休否，末學疾傷。凡有比灾，同炁皆當齊心修齋，六時行香，十徧轉經，福德立降，消諸不詳。無量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。陰陽二官，爲化生神炁，五藏自生，還白童顏，神魂徑上南宮，隨其學功，計日而得更生。輪轉不滅，使得神仙。

道言：混沌大器，中有神風，主營生化，隨時喻張。有如橐籥，陰陽爲神，往來其間，神炁相投，剛柔構精，自然化生，而不知其生。生亦無端，不見

其垠。誦詠此經，生神來降，故炁蕩絕。天地運終，星宿錯度，日月失昏，四時失度，陰陽不調，國境不豐，兵革侵寇，疫毒流行，兆民夭傷，師友命過。皆當修齋，行香誦經。大齋戒誦經，功德甚重。上消天灾，保鎮帝王，下禳毒害，以度兆民。生死受賴，其福難勝，故曰無量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過。皆諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中魔王，亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

谷元子丹，玄育滋明。閔恪祕爐，宏池閱銘。宥陰起陽，三素飛精。北靈偶文，炁容孕真。玉峰金泉，神液零清。終核碧包，元根神臬。巨朗吟穴，

皓震分交。化溉大源，華生寶遨。

南方八天

庚糝心液，龍濤密芒。明霞浥鈇，巢火晋褒。渙浹顛英，養朱成膏。瑩燦液露，亭曲華台。意雷迅飄，九旗洞招。烈煙混微，鼓冶凝飴。珞殊忻契，黃室和媒。雄守太廓，雌抱玄脂。

西方八天

焰輪赤靈，交映斗卿。鼎濟轉青，艷制威摧。丙求癸朋，爽秀西冥。太丘紫炎，光蒸晨離，萌化尾氏，煥燭清微。生變質剛，混易筵儀。句土動箕，堂耀蔚啓。霄瓊復施，汪縻鄒岐。

北方八天

戴真燾都，毛嶮乾姝。混綿巾鈴，輔恢團臃。盜幾運召，愍帝迂通。私得還冥，泥文紫朦。无寂眇邈，行真嶠蓬。全利廣生，大眇玄穹。遠宙毫忽，龍隱仙蹤。海宗廓翟，玉崑神宮。

道言：此諸天中大梵隱語，无量之音，舊文秘於紫微上宮，以明陰陽化生，神變造立，三界之真機，大道之奧蘊，五色之雲，蟠回成字。紫金爲界，

龍錦爲篇，字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上真，道備剋得，遊行三界，昇入金門。此音无所不辟，无所不禳，无所不度，无所不成，天真自然之音也。故誦之致飛天下觀，上帝遙唱，萬神朝禮，三界侍軒，群祇束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之十二

靈寶无量度人上品妙經卷之十三

太乙元精品

道言：昔於元黃天中，紫空金碧大方明土，受元始度人太乙元精无量上品。元始天尊當說是經，周回十過，以召十方，始當詣座。天真大神，上聖高尊，妙行真人，黃老元帝，太乙元精，妙空真君，中央九壘，三十六皇君仙王，地真大神，土中真皇靈仙，土下官曹司馬，无鞅數衆，乘空而來。碧霞黃雲，綠輿瓊輪，丹華垂蔭，元精玉光，業萃瑞色，洞煥太空。五日五夜，太乙神真，徧覆諸天，日月宮府，星斗宮闕。龍馭无馳，玉機停捷，纏曆凝輝，洞如金色，泠飈靜夷，天谷深湛，綠煙低微，明輝昭敞，碧天流綱，紫煙飛靄，三元浩回，四炁眇清。一國地土山川林木，緬妥平砥，無復高下，土皆金璃，厚柔含輝，彩縹霞觀，無有異色。衆真侍

座，元始天尊玄座空浮五色神龍之上。說經一徧，諸天大聖同時稱善，是時一國男女，目睹心思，諸天諸地，辰景山海，瓊臺寶閣，仙聖鬼神，自何出生，而具此相。說經二徧，思念日月交流，河海並注，憑何運搖，依空獨立。說經三徧，一切天人，回光洞視，悉入玄元，道合虛皇。說經四徧，一切天人，俯仰三界，雲動風施，荐臻嘉瑞。說經五徧，證悟化本，太乙元精，九形真土，感化而生。說經六徧，靈心頓開，懸知天地，陰陽順度，萬物遂成。說經七徧，玄沆泛灑，玉芝自生，龍虎悲吟，感悟法相。說經八徧，身鍊爲空，空化爲真，如是神通，實爲希有。說經九徧，大會咸悅，瞻見元始，得悟道機，元精爲妙。說經十徧，天樂流韻，萬籟齊聲，玉相垂慈，潔如空素，是時一國是男是女，莫不傾心，皆受護度，咸得長生。

无極无量品太乙元精至真大神，無鞅之衆，浮空而至。說經三徧，西方无極无量品太乙元精至真大神，無鞅之衆，浮空而至。說經四徧，北方无極无量品太乙元精至真大神，無鞅之衆，浮空而至。說經五徧，東北无極无量品太乙元精至真大神，無鞅之衆，浮空而至。說經六徧，東南无極无量品太乙元精至真大神，無鞅之衆，浮空而至。說經七徧，西南无極无量品太乙元精至真大神，無鞅之衆，浮空而至。說經八徧，西北无極无量品太乙元精至真大神，無鞅之衆，浮空而至。說經九徧，上方无極无量品太乙元精至真大神，無鞅之衆，浮空而至。說經十徧，下方无極无量品太乙元精至真大神，無鞅之衆，浮空而至。十徧周竟，十方无極太乙元精天真大神，一時同至，一國男女，傾心歸仰。咸聞元始天尊，宣演太乙元精之法，出生天地，三界仙聖鬼神，必依真土，胞胎養育，然後而成。真土者，非有形頑滯之士，茲乃五行鍊化，先天地生，道之全體，無形真土，識

此真土，自然得道。必當禮覲元始，求此妙法。來者有如細雨密霧，無鞅之衆，迨國一半土皆偏陷，非可禁止。於是元始懸一寶珠，大如黍米，在空玄之中，去地五丈。元始登引，天真大神，上聖高尊，妙行真人，黃老元帝，太乙元精，妙空真君，土中土下一切真靈，无量聖衆，十方无極太乙元精至真大神，無鞅數衆，俱入寶珠之中。天人仰看，惟見拂拂從珠口中入。既入珠口，不知所在。國人廓散，地還平正，無復畝陷。元始即於寶珠之內，說經都竟，衆真監度，以授於我。當此之時，喜慶難言。法事粗悉，諸天復位，倏歛之間，寂無遺響。是時天人值遇經法，普得濟度，全其本年，無有中傷。傾土歸仰，咸行信心。信道信經，信師信法，信位信證，信常信生，信化信本。言無華曲，口無邪聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並

是諸天上帝內名，隱韻之音，亦是真王內諱，百靈之隱名也。太乙元精者，無形真土也。真土無形，即是太空。太空爲土，其中生出三界一切，天地真仙，龍神人鬼。兆若知之，以有合無，以性合空，以神合道，即爲高真。非世之常辭，上聖已成真人，通玄究微，能悉其章。誦之十過，諸天遙唱，萬神設禮，太一臨景，河海靜默，元精布化，山嶽藏雲，真土孕明，內生日月，無形示象，璇璣不行。群魔束形，鬼精滅爽，迴屍起死，白骨成人。至學之士，誦之十過。則五帝侍衛，三界稽首，魔精喪眼，鬼祿滅爽，濟度垂死，絕而得生，太一施德，元精散靈，收炁於空，招神於無，續命繼生，土爲命先。所以爾者，學士穢炁未消，體未洞真，以制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人无量，爲萬道之宗，巍巍大範，德難可勝。

道言：凡誦是經十過，諸天齊到，太乙元精，土真變生，道胎分神，泉曲開明，億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，太一孕靈，土主五福，元精入身，皆得受度，飛昇南宮。世人受誦，則延壽長年，土爲金母，水爲土孫。土爲元炁，金爲真鉛。水既遇金，鉛與汞親。識者不死，遇者知真。然後皆得作尸解之道，魂神暫滅，不經地獄，即得返形，遊行太空。含咀土精，普度無窮，一切天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及七祖，長役三塗。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，太乙元精，萬變生形，爲上世亡魂，斷地逮役，度上南宮。七月長齋，誦詠是經，太乙元精，土爲生根，身得神仙，諸天

書名，黃籙白簡，削死上生。十月長齋，誦詠是經，太乙元精，土號帝尊，中臨四方，乘黃豐文，爲國王帝主，君臣父子，安鎮國祚，保天長存，世世不絕，常爲人君，安鎮其方，民樂太平。八節之日，誦詠是經，太乙元精，八風朝元，太一在庭，五福來佑，八難不經，得爲九宮真人。本命之日，誦詠是經，太乙元精，保命長生。无形上祖，元始前生，生命之本，隱于太玄，開目無見，惟睹空玄，空玄爲寶，悟之昇仙，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉日靜思，身坐青黃白三色雲氣之中，內外翫冥，有青龍、白虎、朱雀、玄武、獅子、白鶴，羅列左右，日月照明，洞煥室內，太乙元精之氣，炯炯赤景，居兆頂上，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。

畢，引炁三十二過，東向誦經。

### 元始无量度人上品妙經

元始洞玄靈寶本章，太乙元精，上品妙首。黃庭度人，百魔隱韻，離合自然，太乙元精。无无上真，元始祖土，名爲太空，空爲太一。祖土元精，胞養三界，化生諸天，開明三景，是爲天根。上無復祖，惟道爲身。無處無空，無所非土。空土土空，爲道之母。無形爲空，有形爲土。空能生化，是爲真空。土元無形，是爲真土。土爲生命，識空者仙。空可獨化，土有至文。太乙元精，真土之名，五文開廓，普殖神靈。无文不光，无文不明，无文不立，无文不成，无文不度，无文不生。是爲大梵

天中之天，鬱羅蕭臺，玉山上京，上極无上，大羅玉清。眇眇劫仞，若亡若存，三華離便，大有妙庭。金闕玉房，森羅淨靈。神霄梵炁，周回十方。中有太乙元精之神，中有南極長生帝君，中有東極青華帝君，中有度世司馬大神，中有好生韓君丈人，中有南上司命司錄延壽益筭度厄尊神，迴骸起死，无量度人，今日校錄，諸天臨軒。

東方无極飛天太乙元精神王，長生大聖，无量度人。

南方无極飛天太乙元精神王，長生大聖，无量度人。

西方无極飛天太乙元精神王，長生大聖，无量度人。

北方无極飛天太乙元精神王，長生大聖，无量度人。

東北无極飛天太乙元精神王，長生大聖，无量度人。

東南无極飛天太乙元精神王，長生大聖，无量度人。

西南无極飛天太乙元精神王，長生大聖，无量度人。

西北无極飛天太乙元精神王，長生大聖，无量度人。

上方无極飛天太乙元精神王，長生大聖，无量度人。

下方无極飛天太乙元精神王，長生大聖，无量度人。

十方至真飛天太乙元精神王，長生大聖，无量大神。並乘祥雲，絳輿青輦，華蓋文輪，驂駕黃鳳，五色金龍，建太

一之節，元精靈幡前嘯，貔虎齊唱後吹，鸞鶴同鳴，師子辟邪，嘯歌囉囉，五

老啓途，群仙翼轅，億乘萬騎，浮空而來，傾光回駕，監真度生。皇極丞相，

南昌上宮，韓司主錄，監生大神，執籙把籍，齊到帝前，體化探玄，考驗靈關。

玄牝之門，八極之根。吸引太空，土炁氤氳。空中有真，祖命之神，接和嚙

液，腦有土精。下流黃庭，上通泥丸，玄牝呼吸，空氣無端。天光入淵，七世

命仙，隨所應度，嚴校諸天。普告三界，无極神鄉，泉曲之府，北都羅酆，三

官九署，十二河源。上解祖考，意劫種親，疾除罪簿，落滅惡根，不得拘留，逼

合鬼群。元始符命，時刻昇遷，北都寒池，部衛形魂，制魔保舉，度品南宮。死魂受鍊，仙化成人，生身受度，劫劫長存，隨劫輪轉，與天齊年。永度三塗，五苦八難，超凌三界，逍遙上清。上清之天，天帝洞真無色之境梵行。

東方八天

昭體通生天，帝傳輝子譚。  
義明理陽天，帝虞戶逸承。  
神英化靈天，帝無竟訶孫。  
真慧無方天，帝抱淵力南。  
光持蒼景天，帝匠洄庶嘉。  
履昌收期天，帝載彊幽低。  
洞虛耀靈天，帝直夷邠婁。  
純化道威天，帝尾頂內鮮。

南方八天

龍梵信光天，帝還求耳光。  
大元逝炎天。帝哲育辨徊。  
丹輿平雲天，帝黨遙復交。  
耀華九光天，帝卓爛鍊琚。  
文爲空海天，帝乙靈播成。  
朱明散景天，帝滔槩爽塗。  
佐孚執符天，帝密嶽敬良。

耀赤浮修天，帝阿隸宥公。

西方八天

儲神衍丘天，帝崇幾種聞。  
金真浩懷天，帝陸時碧仙。  
真妙簡升天。帝亮剛質佗。  
太空無思天，帝虎凡禱韓。  
太白定真天，帝泰物田。  
果才極輔天，帝落儒祈倪。  
葦里齊明天，帝突盧偃祉。  
亶功慶恭天。帝秉康愈垂。

北方八天

淨鍊按地天，帝略茹經。  
玄蓋斷淨天，帝覺玄奔。  
承華洞虛天，帝度仙變明。  
道龍契明天，帝執順思。  
泉宮計真天，帝遊玄定蒙。  
斗嚴校錄天，帝拘神統牢。  
驅魔掖功天，帝邈載靜高。  
湛截珠孕天，帝象希祕雲。  
三十二天，三十一帝，諸天隱諱，諸天隱名。天中空洞，自然靈章，諸天隱韻，太一之音。太一之尊，太一之神，太一元精，太一之靈。虛一爲九，

一爲土基，極數爲十，十爲土成。土非形土，變化上清，无量之奧，深不可詳，敷落神真，普度天人。今日欣慶受度，還元知祖，見道歸真，仰空引和。土胎金神，立兆生命，爲兆真身，歷關諸天。請滅三惡，斬絕死根，飛度五門，名列太玄，真王監舉，無拘天關。東斗青龍，西斗金虎，北斗靈龜，南斗鶉首，中斗大魁，四像依土，土爲陰胞，脫胎乃生。青帝付魂，白帝育魄，赤帝生神，黑帝傳靈，黃帝主意，注性飛神。青土神王，驅魔遣屍。赤土神王，勾吒血嗤。白土神王，磨堅遁儀。黑土神王，照精馘駢。黃土神王，屈多繁徒。五方真土，太一元精，普周太空，與空同形。變化之母，萬神之宗，飛行鼓從，總領鬼兵。麾幢鼓節，出入太空，自號赫奕，諸天齊功。出生兩儀，化成九宮，三界分立，真土納容。太一元精，使兆得道，升真達靈，上天度人。嚴攝北酆，神王受命，普掃不祥，長牙吐毒，方顛四張，錦額前驅，嚴斗仗旛，擲火萬里。流鈴八衝。敢有干試，拒遏上

真，金鉞前戮，巨獸後刑。屠割鬼爽，風火無停，千千截首，萬萬翦形。魔無干犯，鬼無祿精，三官北酆，明檢鬼營，不得容隱，金馬驛呈。普告無窮，萬神咸聽，三界五帝，列言上清。空洞元精，太一未名。土行六虛，變化萬生，玉京金城，神倉九清。一土所生，諸天備成，非土不生，非土無陽。祖土爲空，下出龍康，眇眇億劫，混沌之中。上空生色，下空生淵，空極生風，風蕩水傾，風澤洞虛，金剛乘天。天上天下，無幽無冥，無形無影，無極無窮。溟滓真土，疆名太一，內號元精。元精之陽，遼廓無光，赤明開圖，運度自然。元始道先，安鎮土元，空梵成文，敷落五篇。赤書玉字，八威龍文，保制劫運，使天長存。梵炁彌羅，萬範開張，元綱流演，三十二天。輪轉無色，周回十方，旋斗歷箕，回度五常。三十五分，總炁上元，八景冥合，炁入玄玄。玄中太皇，上帝高真，汎景太霞，嘯詠洞章。金真朗郁，流響雲營，玉音攝炁。靈風聚煙，紫虛鬱秀，輔翼萬仙，

是皆真土，太一元精。變炁化成，無土不成，與道爲盟。土雖無形，內有生真。土爲牝牡，播精留神，千和萬合，自然成真。真中有神，長生大君，青華公子，玉妃尊神，太一元精，司命大神，桃康合延，體玉揚津，執符把籙，保命生根。上遊上清，出入華房，八冥之內，細微之中。下鎮人身，泥丸絳宮，中理五炁，混合百神。十轉迴靈，萬炁齊仙，仙道貴生，无量度人。上開八門，飛天法輪，罪福禁戒，宿命因緣。普受開度，死魂生身，身得受生，上聞諸天。諸天之上，各有生門，中有空洞謠歌之章，真王靈篇，辭參高真。

### 第一太一元精太空之音

三界未造，天地無名。十方皆空，空亦寓稱。不識道祖，以空述形。空爲無有，徧處混成。一切衆生，但知土名。爲空所隔，不見道真。不知空者，空非本稱。認空棄道，著空滯聲。不知其空，所空無形。無形者何，是真土精。不知真土，妄認爲空。空性頑慢，何緣物生。故知三界，萬天九清。玉

京大山，鬱羅高臺。不能自有，因土乃生。土名真空，出生萬化。離空求真，皆是幻假。勿取此空，自障其目。拂空翳除，真土露形。蕩蕩道體，無所不成。兆之玄牝，日飲土精。故能長生，遨遊赤城。真土之炁，立可仙身。

### 第二太一元精真王之章

高上神霄，去地百萬。周回八方，真遊降盼。神霄之境，碧空爲徒。不知碧空，是土所居。此非世間，陰濁之土。獨能植生，歲除月更。春至則復，遇夏乃繁。況此真土，無爲無形。有不無，萬化之門。積雲成霄，剛炁所持。履之如綿，萬鈞可支。玉臺千劫，宏樓八披。梵炁所乘，雖高不巍。內有真土，神力固維。太一元精，世不能知。我今爲此章，清音自合離。

### 第三太一元精真王歌曰

朝登太元阿，夕宴天河源。人間已再劫，閔風春正鮮。星羽整巍冠，轡龍御神風。霄程不計里，紫雲但瞳臙。玉女戛鳴庚，清音自寥寥。喚此浩劫迷，爽愷登雲濤。香煙起綠窗，赤錦迴

紫霄。翠色悚長樓，電旗隨雲飄。彩虹展瓊梁，萬仙舞靈謠。世界量三千，真土所倫陶。不知道德母，委聖奔蕭翹。哀此塵中流，歌此撫雲璈。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登位公。有聞靈音，真王敬形，勅制地祇，侍衛送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音，判指真土，道之所歸，太一元精，長養光輝。兆能體之，不有凶衰。性金空土，子順母和，定而守之，息息不離。太元之山，巨樓雙谿，納真吐氣，兆命所依。滅空見土，萬氣可補，神氣相融，死戶自封。皆是

大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都神霄玉清王府，運行壬辰，大君下降，奉教以傳。若有至人齋金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷，凡有此災，同氣皆當齊心修齋六時行香，十徧轉經，福德立降，消諸不詳。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。則太一護宅，元精灌形，真王長生，生炁來並魂神，徑上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失明，四時失序，陰陽不調，國土有災，兵刑鬼盜，疫毒流行，兆民死傷，師友命過，法學禍殃，亦當修齋，行香誦經。夫齋戒誦經，功德甚重。上消天災，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主

兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，剋得爲聖君金闕之臣。諸天記人功過，毫分無決。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始靈書太一元精中篇

東方八天

華生豐角，徧阿靈昧。至冥辨谷，烈令均馳。獻迪陽循，離連國鄰。召證荷頂，席度招卿。桓卓野迂，盧丁素偁。馬闌召靜，越度井庚。茁苓球部，騫靈處登。溢揚秉弛，辜訾健澄。

南方八天

嶽俞莊乾，弊炎鍾利。廓璘曠時，偃阮輪技。迸並驛司，牛靈輦符。治止物肅，丹巒古洲。燕漏鼎洞，隔彭輳流。柄否激敦，力奚玄焚。潛求猛需，液釜紀昆。真昂嵯幾，耀梵就溫。

西方八天

睹莽浩都，意梵寂類。悅廣侈特，



亶想冥閔。祝闌文克，鬪關洪依。蹈  
悅奔權，秀真雲微。罷萑杏候，迎東胃  
旗。鍊祖頓思，遠曠被圭。鎮摹孽注，  
協黨建宏。敷落賚系，淵覺祕涓。

#### 北方八天

臭漠澤官，斗軍司韓。庭歷潘真，  
金房璧完。隸畜渾島，巴龍幽湍。釋  
池頓魂，萬畢左盤。軸樊滋巡，西岨瑟  
觀。灞霞注智，略汧洞關。攝簡命神，  
帝皇符溟。作契爛海，澗章暄盈。

道言：此諸天中大梵隱語，无量  
之音，舊文太始真王以玄狩之毫，總括  
書之太空之中。時隱時顯，以招太一  
元精之炁，元始祖土，出生萬靈，爲混  
沌有物之母，太玄有命之先。兆能知  
之，與空隱淪。兆身本空，寓精成身，  
自有損實，實去還虛。虛乃空號，身入  
太无。入空如煙，散化萬天，出空成  
仙，應感隨緣。念之即現，忘之返玄，  
不知所以，自然而然。字皆廣長一丈，  
天真皇人昔書其文，以爲正音。有知  
其音，能齋而誦之者，諸天皆遣飛天神  
王，下觀其身，書其功勤，上奏諸天，萬

神朝禮，地祇侍門，大勳魔王，保舉上  
真，道備剋得，遊行三界，昇入金門。  
此音無所不辟，無所不禳，無所不度，  
無所不成，天真自然之音也。故誦之  
致真王下觀，上帝遙唱，萬神朝禮，三  
界侍軒，群祆束首，鬼精自亡，琳琅振  
響，十方肅清，河海靜默，山嶽吞煙，萬  
靈振伏，招集群仙，天無氛穢，地無祆  
塵，冥慧洞清，大量玄玄也。

#### 靈寶无量度人上品妙經卷之十三

### 靈寶无量度人上品妙經卷 之十四

#### 日精陽明品

道言：昔於赤明天中，紫陽空歌  
大寶光土，受元始度人日精陽明无量  
上品。元始天尊當說是經，周迴十過，  
以召十方，始當詣座。天真大神，上聖  
高尊，妙行真人，洞陽日宮帝后嬪妃，  
日中天官仙民，無鞅數衆，乘空而來。  
絳雲丹霄，綠輿瓊輪，華蓋垂蔭，日精  
陽光，九色鬱勃，洞煥太空。七日七  
夜，諸天星宿飛精，垂芒交輝，射映空  
極，神宮虛定，天樞止旋，玉璣金衡，端  
凝佇息，神風靜默，山海藏雲，天景陽  
明，炁流炯清，一國地土山川林木，緬  
平一等，無復高下，土皆作紅玉，無有  
異色。衆真侍座，元始天尊玄坐空浮  
九龍陽明爛珠寶山法座之上。說經一  
徧，諸天大聖同時稱善，是時一國男  
女，仰瞻日精，燦華九道，陽明霞炁，分

布諸天，信此真精，爲萬物之祖。說經二徧，日中宮殿，見千寶色，天仙衆民，咸歸正道。說經三徧，日中世界，剛風所持，獨立空際，周行無窮。說經四徧，瓊軸駕雲，紫金光聚，下照無邊，秀熟品物。說經五徧，天文大梵，俱見日中，字皆回旋，霞芒曲折，隱語深祕，悉得洞悟。說經六徧，洞陽之炁，九百萬丈，下臨八極，賢聖金寶，憑炁生成。說經七徧，洞陽識明，照徹幽夜，白骸寒骨，抑被溫曦，隨明上登，出離冥海。說經八徧，朱光四披，玉石含精，陽魂感接，皆變丹英。說經九徧，洞室巖嶺，栖真隱仙，引景奔晨，祖根開泰。說經十徧，日精停瑞，萬品凝滋，金液渙洋，槁朽成寶，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品日中青帝大神，無鞅之衆，浮空而至。說經二徧，南方无極无量品日中赤帝大神，無鞅之衆，浮空而至。說經三徧，西方无極无量品日中白帝大神，無鞅之衆，浮空而至。說

經四徧，北方无極无量品日中黑帝大神，無鞅之衆，浮空而至。說經五徧，東北无極无量品日中黃帝大神，無鞅之衆，浮空而至。說經六徧，東南无極无量品日中鬱儀赤鸞大神，無鞅之衆，浮空而至。說經七徧，西南无極无量品日中鬱儀紫晶大神，無鞅之衆，浮空而至。說經八徧，西北无極无量品日中鬱儀炎象大神，無鞅之衆，浮空而至。說經九徧，上方無極無量品日中陽明大神，無鞅之衆，浮空而至。十徧周意，十方无極日魂帝君，天真无量大神，一時同至，一國男女，傾心歸仰。各各相謂，共爲議言：我等夙以福因，久承道力，生居道境，獲在日月之上，但知乘光流景，煥耀諸天，激奔海嶽。宮室園林，皆成真金微妙之色。今日元始示我日精陽明之法，淘澤重陽，嘻吸華彩，至陽浹髓，骨肉成金，而三元九炁覆育品物，自非日精，不能舖飮。至學之士，外鍊金石，調制水火，日月

有數，造化克靈，內養一形，日爲心象，日中之炁，洞照百關，三萬神童，奔陽汜景。日爲火龍，產成玉液。胃爲土釜，元火烹鎔。千日布功，立成真道。我所知者，法之邊徼，元始所宣，定當隱奧，願聞上法，開我障山。來者有如細雨密霧，無鞅之衆，迨國一半土皆偏陷，非可禁止。於是元始四觀大衆，周覽會中，出紫金光明臂，約九色洞霄火玉離羅之服，引手而出，以大神力長三十三萬里，下摘日輪，如攀甘果。亭亭火色，光徧十方，來自空玄，日輪圓瑩，內有山林河海，宮殿城闔，无量仙民，逍遙自在，如寶瑠璃中含金色，一會天人，咸皆近睹。於是元始以此日輪，變成寶珠，大如黍米，在空玄之中，去地九丈。元始登引，天真大神，上聖高尊，妙行真人，日中帝后，无量大神，無鞅之衆，俱入寶珠之中。天人仰看，惟見拂拂從珠口中入。既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難

言。法事粗悉，諸天復位，倏欵之間，寂無遺響。是時天人直遇經法，普得濟度，全其本年，無有中傷，傾土歸仰，咸行善心。明道明真，明法明戒，明經明理，明陰明陽，明神明炁。言合洞章，口無妄聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是日中上帝內名，隱韻之音，亦是日官內諱，陽明之隱名也。日爲三炁之元，衆陽之父。仰之神仙無極，引之天谷虛盈。中生紫真，存之滅屍鍊魂，向之九霞注靈，造化因之而得，神聖用之而明，非世之常辭。上聖已成真人，通玄究微。能悉其章，誦之十過，祥光顯瑞，五帝設禮，神鳥扇赫，金精騰耀，赤車停輪，丹輜不行，群魔束形，鬼精滅爽，迴屍起死，白骨成人。至學之士，誦之十過，則五帝侍衛，三界稽首，陽明洞照，流火熾然，魔精喪眼，鬼祆滅爽，濟度垂死，絕而得生。所以爾者，

學士穢炁未消，體未洞真，以制日精，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆。世世昌熾，與善因緣。萬災不干，神明護門。斯經尊妙，獨步玉京，度人无量，爲萬道之宗。巍巍大梵，德難可勝。

道言：凡誦是經十過，陽明降仙，日闕轉機，九陰開翳，泉戶生光，億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而好學至經，道日捐陰，九陽鍊質，神光入心，心如朝暉，五藏成金，皆即受度，飛昇南宮。世人受誦，則延壽長年，後皆得作尸解之道，日精浮空，紫煙鬱蒙，神宅清鎮，天靈高冲，魂神暫滅，不經地獄，即得返形，遊行太空。此經微妙，普度無窮，一切天人，莫不受慶。无量之福，生死蒙惠，上天所寶，不傳下世。至士齎金寶效心，盟天而傳。輕泄漏慢，殃及九祖，長役冥官。侍經五帝，玉童玉女，各二十四人，營侍神

文，保護受經者身。

道言：正月長齋，誦詠是經，五帝賜錄，陽明度魂，爲上世亡魂，斷地逮役，度上南宮。七月長齋，誦詠是經，日精流金，赤童負瓶，飲兆玉醴，長存不傾，身得神仙，諸天書名，黃籙白簡，削死上生。十月長齋，誦詠是經，日池寫光，朱華玉英，戲蘂凝露，金霞流香，爲國王帝主，君臣父子，安鎮國祚，保天長存，世世不絕，常爲人君，安鎮其方，民樂太平。八節之日，誦詠是經，日精混成，先天蘊光，周行玉京，望拜金色，仰希陽明，得爲九宮真人。本命之日，誦詠是經，鎮兆神宮，丹轂錦旌，隨日以生，得道之名，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐九色紫雲之內，內外蒼冥，有青龍、白虎、朱雀、玄武、師子、白鶴，

羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，日精陽明上品，傾光度人，百魔隱韻，離合自然。混洞赤晶，無無上真，未有天地，自古固存。月爲水胞，日爲金精。日如彈丸，黑月胞之，狀如鷄卵，內有五色，旋爲五暉。日居其中，月抱其外，元炁裹之，漸變天地。地昇于天，天合於地。其精混沌，清濁未分，名爲胞元。天地既開，日月分胎。日精陽明，其數九五，以應乾位。日昇東桑，飛龍在天，

金水分形，日精乃成。晝昇夜降，子午爲經。日圓九萬，中有金城洞陽之宮，空青之林。食其華實，與日同壽，飛行上清，乘剛歷玄。元始祖劫，化生諸天，開明三景，是爲天根。上無復祖，惟道爲身。鬱儀寶章，日帝靈書，赤文開廓，普植神靈。無文不光，無文不明，無文不立，無文不成，無文不度，無文不生，是爲大梵天中之天，瓊池絳臺，赤林丹京，九龍陽燧，上奔日城。眇眇劫刃，若亡若存，土華離便，大有妙庭。金闕玉房，森羅淨靈，神霄梵炁，周迴十方。中有日精陽明之神，中有南極長生之君，中有東極青華帝君，中有度世司馬大神，中有好生韓君丈人，中有南上司命司錄延壽益筭度厄尊神。迴骸起死，无量度人，今日校錄，諸天臨軒。

東方无極飛天日中神王，長生大聖，无量度人。  
南方无極飛天日中神王，長生大聖，无量度人。  
西方无極飛天日中神王，長生大聖，无

量度人。  
北方无極飛天日中神王，長生大聖，无量度人。  
東北无極飛天日中神王，長生大聖，无量度人。  
東南无極飛天日中神王，長生大聖，无量度人。  
西南无極飛天日中神王，長生大聖，无量度人。  
西北无極飛天日中神王，長生大聖，无量度人。  
上方无極飛天日中神王，長生大聖，无量度人。  
下方无極飛天日中神王，長生大聖，无量度人。  
十方至真飛天日中神王，長生度世，无量大神。並乘晨霧蒨燦之雲，流鈴丹瓊之輦，絳芙彤輪，驂駕朱鳳，日精火龍，建耀羅之節，赤珊靈旛，前嘯九鳳齊唱，後吹八鸞同鳴，師子神雀，嘯歌雍雍，五帝啓途，日仙扶轅，億乘萬騎，浮空而來，傾光迴駕，監真度生。金闕丞相，南昌上宮，韓司主錄，監生大神，

執錄把籍，齊到帝前，隨所應度，嚴校諸天。普告三界無極神鄉，泉曲之府，北都羅酆，三官九署，十二河源，上解祖考，億劫種親，疾除罪簿，落滅惡根，不得拘留，逼合鬼群。日帝符命，時刻昇遷，北都寒池，部衛形魂，制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三途五苦八難，超凌三界，逍遙上清。上清之天，玉帝洞明，無色之境梵行。

#### 東方八天

帝暉瓊梁天，帝總魔威摧。  
九丹耀華天，帝篤宴求韶。  
青林振陽天，帝玉琅希章。  
日真寶慧天，帝澤清守金。  
旦明悟祕天，帝精微高昇。  
樂境觀元天，帝術陔留。  
蒼野化都天，帝洞臬興雲。  
歷軫耀明天，帝荔華亭柞。  
南方八天  
日車彤明天，帝光赤瞰。  
赤璣左徊輿神天，帝利蒙隱元。

圓景蔚臺天，帝庸熙驛符。  
備神紫興天，帝謁幽款幾。  
黃炁陽精天，帝遼昊房。  
朱娑帝都天，帝皇落持微。  
藥館雲文天，帝璇芳正仙。  
乘陽可周天，帝濟剛義沖。

#### 西方八天

絕兵素靈天，帝封關誓陰。  
秀樂慶舉天，帝肅安基。  
金芒聚霞天，帝碧雲凝琚。  
素炁七經天，帝鑄丹奇孚。  
資剛行迅天，帝役電令神。  
物錄資衛天，帝眇夷行修。  
律禁斷魔天，帝直印羅重。  
蘄仙玉龍天，帝青斧到牙。  
北方八天  
運真布極天，帝環樞高璇。  
保神契宗天，帝察理考房。  
日盈都格天，帝蹈靈猶光。  
寶霞命真天，帝極思建平。  
蓬柱鎖鴻天，帝昭損並敷。  
寂常體明天，帝連勤奉宗。  
報幾悟元天，帝叱底玄。

元明安順天，帝鑄部聃。

三十二天，三十二帝，諸天隱諱，諸天隱名。天中空洞，自然靈章，諸天隱韻，日中之音。日中之尊，日中之帝，日中真皇，日中之靈。九光十華，變化上清，无量之奧，深不可詳，敷落神真，普度天人。今日欣慶受度，降接日真，漱霞曠景，服御陽明，金液鐸骨，玉漿返神，身登寶車，為帝高賓。升祖玄堂，歷關諸天，請滅衆惡，斬絕欲根，飛度五苦，名列太玄。東斗輔左，西斗弼右，北斗殿軍，南斗太衝，中斗隨輪，驂日之後。朱闕山聳，絳都玉就，運精施生，世道乃行。青帝護魂，日精傳肝。白帝侍魂，日精經肺。赤帝養炁，日精鍊心。黑帝通血，日精退陰。黃帝主脾，萬物同依。青帝神王，角奎洪儀。赤帝神王，迅煙傾離。白帝神王，素芒炎暉。黑帝神王，黔玄紫光。黃帝神王，金靈八翔。五帝大神，日陽之宗。運明虛游，飛行鼓從，總領神兵，麾幢鼓節，遊觀太空。自號赫奕，諸天齊功，上天度人，嚴攝北酆。神王受

命，普掃不祥，炎光吐毒，赤甲四張。火兵前驅，日將仗旛，擲火萬里，流鈴八衝。敢有干試，拒遏上真，金鉞前戮，鑿天後刑。屠割鬼爽，風火無停，千千截首，萬萬翦形，魔無干犯，鬼無祆精，三官北酆，明檢鬼營，不得容隱，金馬驛呈，普告無窮，萬神咸聽，三界五帝，列言上清。

元洞玉曆，太初龍康，洞陽炁元，胞胎伏藏。眇眇億劫，混沌之中，中如卵形，日精赤靈。日抱而生，三景之根，金水既坼，上下弦分。爲光明者，是日之魂，上洞赤色，下洞靈淵，風澤廓虛，大明麗天。天上天下，無幽無冥，無形無影，無極無窮。溟滓是道，遼廓未光，赤明開圖，運度自然。元始安鎮，敷落五篇，赤書玉字，日中瓊文。保制劫運，使天長存，梵炁彌羅，萬範開張。日精陽明，三十二天，輪轉無色，周迴十方。旋斗歷箕，回度五常，三十五分，總炁上元，八景冥合，炁入玄玄。日中太皇，五帝高真，汎景太霞，嘯詠洞章。金真朗郁，流響雲營，

玉音攝炁，靈風聚煙。紫景鬱儀，日中萬仙，日精入身，傳降三田。鍊金爲液，胚土爲鉛，鑄入胃鑪，心火腎泉，厥陰鼓橐，液流百川，碧海神龜，吐炁如煙。金液傳鼎，胎成玉嬰，千和萬合，自然成真。真中有神，長生大君，無英公子，白元尊神，太一司命，桃康合延，執符把籙，保命生根。上遊上清，出入華房，八冥之內，細微之中。下鎮人身，泥丸絳宮，中理五炁，混合百神。十轉回靈，萬炁齊仙，仙道貴生，无量度人。上開八門，飛天法輪，罪福禁戒，宿命因緣。普受開度，死魂生身，身得受生，上聞諸天。諸天之上，各有日門，鍊陰全陽，流火變形，日精注凝，克爲仙真，中有空洞謠歌之章，真王靈篇，辭參高真。

第一日精陽明飛空之音

元始赤精，三元賴成。朱光照徹，色洞幽冥。青林金華，瓊實熒熒。赤城萬里，絳闕紅庭。五帝無爲，萬仙列卿。億民遊散，飲光食英。后妃玉女，燒香奏鬯。兆能引霞，奔神高清。金

顏寶冠，錦旛繡旌。前導六甲，後從六丁。陽明之威，陰醜滅形。帝錫長生，延年久齡。上真之道，九陽是稱。

第二日精陽明真王之章

日界遊空，浮行九宮。乘剛獨力，周駕神風。宇宙金色，山海一同。萬物賴生，三元共功。是元始身，分形變容。九鍊洞陽，出先洪蒙。朱芒靈鳥，吐納太沖。兆能感之，明智靈通。靜察遠鑑，還老成童。物得感之，華秀清蕤。丹沙寶玉，燦耀瓊芝。珠泳雲海，鳳栖紫微。日精陽明，道之真歸。我詠无量章，保子無凶衰。

第三日精陽明真王歌曰

丹霞飛紫煙，瓊輪湧明海。扶桑凝金芒，萬古色不改。故知元始精，先天蘊淵澮。九龍駕陽車，倏忽起世外。乾坤爲合谷，三炁亦既濟。日月爲神丹，吸精滅死潰。哀此頑滯仙，鍛石漫成塊。胡不引龍轅，運液落珠貝。穿節連百關，日氣破冥昧。咀雲碎紅璃。飲景以神醉。勿測蓬萊水，每惜生死對。晨本五帝前，道祕索玄會。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登仙公。有聞靈音，真王敬形，敕制地祇，侍衛送迎，拔出地戶，五苦八難，七祖昇遷，永離冥官，魂度朱陵，受鍊更生，是謂无量，普度無窮。有祕上天文，諸天共所崇。泄慢墮地獄，殃及七祖翁。

道言：此二章並是日中五帝鬱儀神王隱祕之音，昭晰日精陽明濛汜，出入霞景濟真之道，三界賴之以開明，二儀持之以分判。兆能納日精之炁，披陽明之暉，則金華變仙，七祖受鍊。皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都高上神霄玉清王府，道君降世，隨運流傳。若有至人齎金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此灾，同炁皆當齊心修齋，六時行香，十徧轉經，福德立降，消諸不

祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。日精下流，陽明開陰，骨鍊屍滅，炁合天真，魂神經上南宮，隨其學功，計日而得更生。轉輪不惑，使得神仙。

道言：夫天地運終，星宿錯度，日月失暉，四時失度，陰陽不調，國土有灾，疫毒流行，兆民死傷，師友命過，亦當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中真王，亦保舉爾身，得道者，乃當洞明至言也。

諸天中大梵隱語无量音 道君撰

元始靈書日精陽明中篇

東方八天

蒼明龍漪，略苔泱蔽。冤漠沙陁，極浮蠢齊。檀爛蘇曷，覩生英妃。烈注倪羨，龍門狩尸。媯蠱錫野，暴濱哀宜。詠暢司閣，斗環時裴。華薦直芒，忽晞靈披。鶴獵耿躍，眉玄酌微。

南方八天

巢陽暄扶，熾真嚴晦。寶層報馮，鈍剛昌宣。婺軸浩雲，川獲敏芭。映彰弔圖，狎光瑤盧。智哲採禧，抱衡存昭。幽厥鄙托，柱鉛飛吟。高蓋伽賞，舍羶琅盆。窈岫洞炎，驅原華魂。

西方八天

禪猷寂濛，潔嶺候涪。蹈凌酬緣，軸俞昌壽。庚途凝栖，辦黨喬依。聖度越延，食總休基。西萼輦秋，由奚覽趨。曆錢步稽，畫拔屏持。邈在玄落，茂悅群作。徧怙泊拜，倫匠舊顙。

北方八天

鎮佃丘塵，玉池慈源。海影首達，辰火沈旋。璫員淨寶，辟由光迷。疆論壯治，垂和邀瑰。專腹史脩，白兆淪實。耕籟申虺，清監槎排。丙綿司彪，穆都伴獨。持罇敷緒，涸鐸變梯。

道言：此諸天中大梵隱語，无量之音，舊文書日闕長樓赤扉之上，以陽鬱儀之光。其道至禁，爲太上不泄之旨，萬物爲之依息，千聖用之遊桓。兆能知之，招靈採真，洞盈泥丸，藥糲液泄，神變成仙，九祖受福，身浮天雲。字皆廣長一丈。天真皇人昔書其文，以爲正音。有知其音，能齋少其音者，諸天皆遣陽明神王，下觀其身，書其身勤，上奏諸天，萬神朝禮，地祇侍門，大功真王，保舉上真，道備剋得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致神王下觀，日帝遙唱，萬神朝禮，三界侍軒，群祿束首，鬼精日亡，琳琅振響，十方肅清。河海靜默，山嶽吞煙，萬靈振伏，招集群仙，天無氛穢，地無妖塵，冥慧洞清，大量玄

玄也。

靈寶无量度人上品妙經卷之十四

靈寶无量度人上品妙經卷之十五

月華陰景品

道言：昔於寶明天中，黃華梵景太素光土，受元始度人月華陰景无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，廣寒上官后妃元君，嬪御仙官，散輝金童，耀華玉女，無鞅數衆，乘空而來。素雲玉霄，金輿瓊輪，羽蓋垂蔭，流精玉光，灑彩鬱奕，洞煥太空。七日七夜，諸天日月，星宿璇璣，回標駐輪，神風宛轉，山海澄源，天虛八浮，地寂四清，一國地土山川林木，緬平一等，無復高下，土皆作金璃通玉，交映無有異色。衆真侍座，元始天尊玄坐空浮九龍瓊臺雲層之上。說經一徧，諸天大聖同時稱善，是時一國男女，始悟正因，陰爲道母，三元混沌，於此孕成。說經二徧，心識性解，明悟



道源。說經三徧，超離陰胎，即成化育。說經四徧，乘此經力，得飛仙道。說經五徧，聞法解理，神澄廣寒。說經六徧，金光徧空，騫林搖響。說經七徧，法奧開顯，保劫長存。說經八徧，空歌洞章，萬天遐唱。說經九徧，月后降輶，飄花凝秀。說經十徧，六陽俱朝，忽成萬化，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品月華陰景大神，無鞅之衆，浮空而至。說經二徧，南方无極无量品月華陰景大神，無鞅之衆，浮空而至。說經三徧，西方无極无量品月華陰景大神，無鞅之衆，浮空而至。說經四徧，北方无極无量品月華陰景大神，無鞅之衆，浮空而至。說經五徧，東北无極无量品月華陰景大神，無鞅之衆，浮空而至。說經六徧，東南无極无量品月華陰景大神，無鞅之衆，浮空而至。說經七徧，西南无極无量品月華陰景大神，無鞅之衆，浮空而至。說經八徧，西北无極无量品月華陰景大

神，無鞅之衆，浮空而至。說經九徧，上方无極无量品月華陰景大神，無鞅之衆，浮空而至。說經十徧，下方无極无量品月華陰景大神，無鞅之衆，浮空而至。十徧周竟，十方无極月華陰景大神，無鞅之衆，一時同至，一國男女，傾心歸仰，俱聞天尊將說大法，月華陰景妙无上道。各相謂言：聞經十徧，漸契玄宗，陰景之機，未畢祕奧。我等初聞月本無光，望如黑鑑。日泯水光，映以爲明。金水之炁，結爲陰景。上弦爲金，下弦爲水，合弦爲月，金體圓就，乾象周滿。月侍日明，日依月耀。望而純陽，晦而純陰。但知陽勝爲仙，不知陰景爲六陽之母。聖人尊陽貴陰，蓋以此義。陰生於陽，陽能生陰。玄鳥綽兔，交以天精，極而反之，得者無死。元始首唱月華陰景之道，各捨密寶，以覬受持。來者有如細雨密霧，無鞅之衆，迓國一半土皆偏陷，非可禁止。於是元始以大慈悲，入九陰觀，湛然大定。大衆仰觀，瞻見元始返神無息，靜如寶山，良久之頃，化爲明月，月

出十華，靈芒交映，累累陰景，狀如目瞳，紫光凌空，內隱輪際，海會驚睹，仙民再拜伏地。忽然之間，廣大月輪中現樓闕，后妃宮殿，仙民城郭，明白如晝，月華流光，雜寶同色，合座渴佇，心目驚駭。旋攝月華，變成寶珠，大如黍米，在空玄之中，去地五丈。元始登引，天真大神，上聖高尊，妙行真人，十方无極月華陰景大神，無鞅數衆，俱入寶珠之中。天人仰看，惟見拂拂從珠口中入。既入珠口，不知所在。國人廓散，地還平正，無復畝陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷。傾土歸仰，悟道知陰。陰景陰神，陰氣陰精，陰火陰化，陰生陰胎，陰變陰返至陽，日月同并。言爲陽華，口爲陰闕，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是月中結璘內名，隱韻之音，亦是月中后妃夫人內諱，百靈之隱名也。兆能知之，挹華采景，至陰生陽，陽極仙身，雌宮遐感，席降靈真，固兆血腦，使生久存。月為魄神，血為至陰。陽為陰留，陽號胎陰。陰稱祖土。綠書祕文，非世之常辭。上聖已成真人，通玄究微。能悉其章，誦之十過，諸天遙唱，萬帝設禮，河海靜默，山嶽藏雲，月降陰景，黃飴易形，群魔束形，鬼精滅爽，迴屍起死，白骨成人。至學之士，誦之十過，則五帝來衛，陰格陽真，六龍負車，三界稽首，魔精喪眼，鬼祿滅爽，濟度垂死，絕而得生。所以爾者，學士穢氣未消。體未洞真，召制月華，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人无量，為萬道之宗。巍巍大範，德難可勝。

道言：凡誦是經十過，諸天齊到，

月真佇軒。月中夫人為兆列言，億曾萬祖，幽魂苦爽，皆即受度，上昇朱宮，格皆九年，受化更生，得為貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，月華煥液，變骨鍊神，皆即受度，飛昇南宮。世人受誦，則金精入身，腦戶自鳴，玉女捧章，金童稟顏，得延壽長年，後皆得作尸解之道，魂神暫滅，不經地獄，即得返形，遊行太空。此經微妙，普度無窮，一切天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，月華陰景，中有大神，龍衣虎符，度兆先宗，為上世亡魂，斷地逮役，度上南宮。七月長齋，誦詠是經，月華陰景，中有大神，黃衣寶章，刻兆仙名，身得神仙，諸天書名，黃籙白簡，削死立生。十月長齋，誦詠是經，月華陰景，中有大神，繡

裳大紳，坐鎮萬靈，為國王帝主，君臣父子，安鎮國祚，保天長存，世世不絕，常為人君，安鎮其方，民見大平，八節之日，誦詠是經，月華陰景，布光八天，得為九宮真人。本命之日，誦詠是經，月華陰景，立兆生形，神生腹中，玉珮金璫，靈液注胃，身得長生，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐紫黃白三色素雲之中，內外翁冥，有青龍、白虎、朱雀、玄武、師子、白鶴，羅列左右，日月照明，洞煥室內，項生圓象，光映十方，如此分明。密呪曰：无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑

御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，月華陰景，上品妙首。十回度人，結璘隱韻，離合自然，混同陰景。无无上真，黑金之炁，玄一之胎，外陰內陽。至精未開，靜極生神，金水聚形，圓照浩劫。海嶽澄明，陽獨化息，陰凝變停，二象冥合。玄牝體并，陰升雨露，陽降淵泉，元始祖劫。化生諸天，祖爲陰景，月華含蓮，開明三辰。是爲天根，上無復祖，惟道爲身，月中靈文。黃書騫林，葉有玉章，普殖神靈。無文不光，無文不明，無文不立，無文不成，無文不度，無文不生。是爲大梵，天中之天，鬱羅玉闕，藥淵金臺。上極无上，大羅玉清，眇眇劫仞，若亡若存。三華離便，大有妙庭，玉戶藥房，森羅紫靈，神霄梵炁，周回十方。中有月華陰景之神，中有南極長生之君，中有東極青華帝君，中

有十龍飛車司馬大神，中有好生韓君丈人，中有南上司命司錄延壽益筭度厄尊神。迴骸起死，无量度人，今日校錄，諸天臨軒。

東方无極飛天月中黃華神王，長生大聖，无量度人。

南方无極飛天月中赤儀神王，長生大聖，无量度人。

西方无極飛天月中素魄神王，長生大聖，无量度人。

北方无極飛天月中紫字神王，長生大聖，无量度人。

東北无極飛天月中神光神王，長生大聖，无量度人。

東南无極飛天月中陰火神王，長生大聖，无量度人。

西南无極飛天月中紅露神王，長生大聖，无量度人。

西北无極飛天月中瑤闔神王，長生大聖，无量度人。

上方无極飛天月中五后神王，長生大聖，无量度人。

下方无極飛天月中玉妃神王，長生大

聖，无量度人。

十方至真飛天月華陰景神王，長生度世无量大神。並乘素雲，玉輿丹輦，霞蓋金輪，驂駕靈鳳。十真白龍，建廣寒之節，耀靈神旛，前嘯天樂齊唱，後吹神籟同鳴，師子白鶴，嘯歌嚙嚙，五老啓途，群仙翼轅，億乘萬騎，浮空而來，傾光回駕，監真度生。玉闕丞相，南昌上宮，韓司主錄，監生大神，執籙把籍，齊到帝前。兆能感恩，玉天流霞，注極碧玄，月中黃缶，挹華祕泉，神水透漠，真光變仙，嚙液寶章，心念白元。有五夫人，扶携踰躑，泝煙奔車，十龍駕輶，上動高晨，下通幽關，隨所應度，嚴校諸天。普告三界，无極神鄉，泉曲之府，北都羅酆，三官九府，十二河源。上解祖考，億劫種親，疾除罪簿，落滅惡根，不得拘留，逼合鬼群。月皇符命，時刻昇遷，北都寒池，部衛形魂。制魔保舉，度品南宮，死魂受鍊，仙化成人。生身受度，劫劫長存，隨劫輪轉，與天齊年。永度三途，五苦八難，超凌三界，逍遙上清。上清之天，天帝

洞璘，無色之境梵行。

東方八天

玉里延皇天，帝陸建封佐。  
秀峰碧華夫，帝聖司高安。  
龍喬聖驥天，帝逸徒超方。  
平洞浩元天，帝彭冷丕江。  
濟真常樂天，帝辦宗豫元。  
震光保生天，帝廖都洛旸。  
化玄開叙天，帝仙瓊紫璠。  
九山龍淵天，帝云濤迷成。

南方八天

赤揚鳳炁天，帝竺毗達良。  
耀靈寂思天，帝寧華笏。  
熏載陋賓天，帝妙瀆慈恭。  
錫真无極天，帝隱梵多容。  
絳立顯源天，帝初炎英摩。  
火巖考過天，帝略多倚臺。  
元命欽光天，帝聰規謨名。  
明虛正一天，帝邊朋祛屍。

西方八天

尾神監籍天，帝乙魁綿都。  
鍊仙變玄天，帝嶽漸穹。  
夔文斬魔天，帝真陀兮公。

七絕注明天，帝覺祿幽僅。

太素布揚天，帝逸寧无均。

梵光騰剛天，帝直嘉韞初。

液靈化魔天，帝蘇伯寅。

聖格致仙天，帝仲務建師。

北方八天

混光騎昇天，帝號巴部迤。

寶炁耀精天，帝正幼完時。

道育曲蒙天，帝正昭泰光。

越龍玄鑒天，帝海譽正該。

命仙海畿天，帝保機永生。

落監總明天，帝季光熾倫。

飛斗呈意天，帝耀次夷極。

霄庭度真天，帝鄭澤虔靈。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，月中之音。月中之尊，月中之

神，月中之真，月中之靈。九炁十華，

變化上清，无量之奧，深不可詳，敷落

神真，普度天人。今日欣慶受度，歷關

諸天，請滅陰惡，斬絕地根，飛度五斗，

名列太玄，真王監舉，無拘天門。東斗

龍光，西斗虎翔，北斗狼據，南斗鳳璫，

中斗麟伏，共成華芒，為月陰景，變化

奇常。青帝吐霞，白帝執玉，赤帝執

火，黑帝隱局，黃帝合神，月精鍊真。

青景神王，角應巴元。赤景神王，箕翼

擔天。白景神王，參力翻山。黑景神

王，玄正醜監。黃景神王，魁魁橫天。

月華陰景，五色回旋。降兆三宮，真王

舉仙，月華神王，萬神之宗。飛行鼓

從，總領神兵，揚霞太空，神光赫奕。

諸天齊功，陰真度人，嚴校北艷，神公

受命，普掃不祥。青龍吐毒，白虎四

張，朱雀前驅，玄武仗旛。擲火萬里，

流鈴八衝，敢有干試，閉固月精。金刀

前戮，玉戟後刑，屠割鬼爽，風火無停。

千千截首，萬萬翦形，魔無干犯，鬼無

祆精。三官北艷，明檢鬼營，不得容

隱，金馬驛呈。普告無窮，萬神咸聽，

三界五帝，列言上清。

元洞肇萌，陰景誕陽，陽求於陰，

陰留於陽。終始五運，自龍及康，日在

月中，水護金房。陽從陰生，以柔德

剛，身無太陰，發為狂陽。陽絕形斃，

非聖用藏，眇眇億劫，混沌之中。上金

爲色，下水爲淵，中有至無，神炁所安。風澤洞虛，金剛乘天。天上天下，無幽無冥，無形無影，無極無窮。溟滓大梵，遼廓無光，陰景開明，運度自然。元始安鎮，敷落五篇，赤書玉字，八威龍文。保制劫運，使天長存，梵炁彌羅，萬範開張。元綱流演，三十二天，輪轉無色，周回十方。旋斗歷箕，回度五常，三十五分，總炁上元。八景冥合，炁入玄玄，玄中太皇，上帝高真。汎景太霞，嘯詠洞章，金真朗郁，流響雲營。玉音攝炁，靈風聚煙，紫虛鬱秀，陰景化仙，千和萬合，自然成真。真中有神，長生大君，青華公子，月魄尊神，太一司命，桃康合延，執符把籙，保命生根。上遊上清，出入華房，八冥之內，細微之中。下鎮人身，泥丸絳官，中理五炁，混合百神。十轉回靈，萬炁齊仙，仙道貴生，无量度人。月有十門，飛天寶輪，罪福禁戒，宿命因緣。普受開度，死魂生身，身得受生，上聞諸天。諸天之上，各有生門，中有空洞謠歌之章，真王靈篇，辭參高真。

### 第一月華陰景飛空之音

六合皆空，初無一物。空忽自噓，炁風轉足。風號剛風，炁爲元炁。炁如黑霧，風鼓而聚。化爲黑月，遊汎無所。黑中生赤，赤丸爲日。天地華實，月爲日根。十者徧出，五色流津。月華陰景，萬靈仰尊。至陰生陽，其光乃昌。造化之本，陰陽爲防。五引結璘精，天人來我傍。

### 第二月華陰景真王之章

龍山之阿，綠羅抱月。天光潛邁，四飛玉雪。極陽生陰，陰爲物君。陰靜無爲，萬物芸芸。陽動陰靜，陰景自正。靜則變化，各正性命。兆不知真，常勞我神。自破居空，不知抱神。抱神曰靜，陰景爲令。中生至陽，飛神躡罡。咽黃金液，遊白雲鄉。胡爲樂世間，朱顏徒爾蒼。

### 第三月華陰景真王歌曰

神風駕明月，世界隨雲行。不知萬樓閣，玉棟虹霓生。天后服黃繡，曳環響忽衡。光分九天上，十龍馳素英。上學仰神廬，引華含至精。易骨三洗

腸，神霄刻仙名。腦血自克溢，陰景延遐齡。玄露生海環，真水來杳冥。南宮度七祖，北都消罪嬰。逍遙乘飛車，奔造廣寒庭。浩劫留芳顏，千載無愁聲。故知上真道，妙化生群靈。我歌太清下，俯輪驂玉馬。金波漲天來，秀色若可把。月漿滋百神，再歌調再陳。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登仙公。有聞靈音，真王敬形，敕制地祇，侍衛送迎，拔出地戶，五苦八難，七祖昇遷，永離冥官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是月中高真結璘神王隱祕之音，陰景之道，陽炁之先，陽爲陰留，月因日弦，黑白分胎，金水性全，駐息延命，育胎固年。天地持之，月華藥淵，内生炁母，萬類之元。伏藏始祖，真火繼傳，三官往來，造物功全。上帝無爲，元德潛敷，皆是大梵

之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都高上神霄玉清王府，道君降世，隨運下傳。若有至人齋金寶質心，依舊格告盟十天，然後而付焉。

道言：夫天運度否終，日月五星虧盈，至聖神人休否，末學之夫疾傷。凡有此灾，同炁皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度尸形如法。則月華停彩，陰景降精，真炁歛生，陽神盡復，魂神經上南宮，隨其學功，計日而得更生。轉輪不滅，便得神仙。

道言：夫天地運終，星宿錯度，日月失光，四時失度，陰陽不調，國土有灾，疫毒流行，兆民死傷，師友命過，亦當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，

故曰无量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，則諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始靈書月華陰景中篇

東方八天

陰睇邁景，月珠凝液。岵基輝魂，碧霞投蹟。粹功稱羅，乙珠岡壁。度靈疏妙，靈真秀激。郟中赫沙，祕俞勤律。昌角柳鬼，奇明映日。博訶元宗，化池杳密。陽真成風，運華調適。

南方八天

丹曜蔚靈，伺訣膺珮。陽規橫登，洎桴涓極。瑤湍函虛，真合定化。流乘步邦，補雲浮廊。叙驛騰炎。司執遄漂。瀾媚洞阿，禁真瓊洮。穎兵芝露，罇叩蘊塞。莫振毗諦，玄方岐泰。

西方八天

靈持啓傳，塾鏢雲帥。轄餼維爵，參畢昭對。狀皇仙叢，歷霞猶外。青札禮光，金雷寂涓。鍊繁菲籠，三素閱兌。衍弼記寶，鳳關璘嶢。典執討廉，玄鄉神衝。澄霸演熙，長庚浮瑞。

北方八天

峒凌魁浪，敵波軒煥。薰儲葳輔，龍真丕傳。握紐陣魔，揭雷祝垓。烈山傾奔，黑虛刁端。蒼龜火蛇，幽泉斗官。制邪馘醜，頂剛巫鑾。洪矜寶源，躔危絡輪。蓋辰捧台。帝觀礫遵。

道言：此諸天中月中璘文，大梵隱語，无量之音。舊文刻書月中十芒之闕，以招結璘大神，布光太無，召陽成真，萬類得文，陽歸真陰，真陰固陽，使神炁存，金體玉骨，月華鍊形，蕩穢致仙，高上欽聞，贊天无功，萬億福成。字皆廣長一丈。天真真人昔書其文，以爲正音。有知其音，能齋而誦之者，諸天皆遣飛騎神王，下觀其身，書其功勤，上奏諸天，萬神朝禮，地祇侍門，大功真王，保舉上真，道備剋得，遊行三

界，昇入金門。此音無所不辟，無所不禳，無所不度，無所不成，天真自然之音也。故誦之致飛騎下觀，月妃遙唱，萬神朝禮，三界侍軒，群祿束首，鬼精自亡。琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之十五

靈寶无量度人上品妙經卷之十六

陰陽離合五行化體品

道言：昔於玄變天中，元明靈歌大真化土，受元始度人陰陽離合五行化體无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。凝輝明虛，絳輦丹輿，扶華翠葆，映耀非煙，瑞炁八靄，靈光四纏。九日九夜，諸天陰陽經緯，二景三元，停運息機，太空騫朗，洞極難名，風雲靜肅，物象敷榮。一國地土，山川林木，緬平一等，無復高下，土皆紋玉，交纏萬彩。衆真侍座，元始天尊玄坐浮空太極十華九光之座。說經一徧，諸天大聖同時稱善，是時一國男女，疾累悉得消除。說經二徧，物遂其生。說經三徧，道炁歸形。說經四徧，人民富壽，俱獲延長。說經五徧，二儀升降，

和合自然。說經六徧，四時順德，造育化愆。說經七徧，百靈協化，萬寶咸熙。說經八徧，率土之內，安裕豐康，欣樂太平，保世榮昌。說經九徧，風俗淳厚，尊崇道真。說經十徧，存亡受惠，普賴玄恩，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品玉寶大神，無鞅之衆，浮空而至。說經二徧，南方无極无量品玄真大神，無鞅之衆，浮空而至。說經三徧，西方无極无量品太妙大神，無鞅之衆，浮空而至。說經四徧，北方无極无量品紫陽大神，無鞅之衆，浮空而至。說經五徧，東北无極无量品度化大神，無鞅之衆，浮空而至。說經六徧，東南无極无量品好生大神，無鞅之衆，浮空而至。說經七徧，西南无極无量品明華大神，無鞅之衆，浮空而至。說經八徧，西北无極无量品玄冥大神，無鞅之衆，浮空而至。說經九徧，上方无極无量品玉虛大神，無鞅之衆，浮空而至。說經十徧，下方无極无量品真

皇大神，無鞅之衆，浮空而至。十徧周竟，十方无極天真大神，一時同至，一國男女，傾心歸仰。來者有如雲飛霧集，無鞅之衆，迨國一半土皆偏陷，非可禁止。於是元始攝聚二景日月玄根，盤結縈纏，成一寶輪，大如車轂，在空玄之中，去地九丈。元始登引，天真大神，上聖高尊，妙行真人，十方无極陰陽五行至真大神，無鞅數衆，俱入寶輪之中。天人仰看，惟見勃勃映其光明而入於中。既入寶輪，不知所在。國人廓散，地還平正，無復欹陷。元始即於寶輪之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，天地率土，道合至真。無虧無敗，無動無擾，無愆無塞，無乖無異，無衰無滅。物無夭喪，命有長生，慈惠相保，仁善協心。國安民豐，欣樂太平，經始出教，一國以道。預有志心，宗奉禮敬，皆得度世。

道言：元始天尊說經中所言，並

是諸天上帝內名，隱韻之音，亦是真王內諱，百靈之隱名也。出有入無，離合陰陽，五行變化，其體歸常，能明能光，能存能亡，知而行之，驅陰運陽，非世之常辭。上聖已成真人，通玄究微。能悉其章，誦之十過，諸天諸地，陰陽五行，運化之神，設禮致恭，齊來敬仰，妙用常和，正氣不忘，生津自開，品彙咸若，無有隳殘。至學之士，誦之十過，則陰陽順德，五行齊功，上循天紀，歷度不窮，保濟否厄，絕而得延。所以爾者，學士道炁未純，體未合神，撫調致理，位未達玄。任力可以消却時災，禳制運會，但祛害而已，蠲其殃禍。輕誦此章，考罰被身。供養尊禮，門戶興隆，世世昌熾，與善因緣。萬災不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，諸天齊到，陰陽五行錯謬之氣，勃沴之理，皆即協和，契會至真，道備三年，輔化通幽，咸致神靈，而運用玄關，造育生成，如司

其權，錄名金闕，簡在玉清也。上學之士，修誦是經，陰陽五行，外內合玄，外營恢範，內守天元，內外之機，符其自然。世人受誦，則日月星辰，降注其晶，於其身中，後皆得作尸解之道，魂神暫滅，不經地獄，即得返形，遊行太空。此經微妙，普度無窮，一切天人，莫不受慶。无量之福，生死蒙惠，上天之寶，不傳下世。至士齋金寶效心，盟天而傳。輕泄漏慢，殃及七祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，陰陽離合，萬物受生，剛柔和協，錯綜五炁，化體無傷，形神永存。七月長齋，誦詠是經，陰陽離合，萬物受成，載營抱魄，充備五德，化體彰明，形神永全。十月長齋，誦詠是經，陰陽離合，萬物歸真。混合玄根，育養五精，化體常堅，形神永昌，總其上道，保鎮帝王，國祚綿綿，至治無疆。八節之日，誦詠是經，開導和氣，集助化功，修積無已，登獲仙宗。本命之日，誦詠是經，陰陽五行，神妙



之元，保我生命，扶我驅靈，長離苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲炁之中，內外蒼冥，有青龍、白虎、朱雀、玄武、師子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓徑御无上三十二天元始上帝至尊几前。

畢，引炁三十二過，東向誦經。

### 元始无量度人上品妙經

元始洞玄靈寶本章，陰陽離合，五行化體。上品妙首，十極度人，天皇隱

韻，離合自然。太極妙範，幽微至玄，大混之始，運化百神。清濁辨體，升降陰陽，交會變化，景耀昭彰。積氣定數，五用分方，下育其形，上麗其精。長養於中，道有其常，柔剛燥濕，寒暑溫涼。沖和元一，總括靈綱，相資相化，相剋相成。無此不立，無此不成，無此不度，無此不生。是爲靈寶，天中之真，瓊琅上境，會月之宮。總攝萬界，統御玉晨，鬱藹華煙，縹緲之根。三關九域，承光妙宗，金闕玉房，森羅淨靈。大行梵炁，周迴十方。中有陰陽造化之神，中有開天立極之君，中有主宰玄機大神，中有三元皇君丈人，中有司掌五靈五炁四時四序太歲尊神。離合化體，无量度人，今日校錄，諸天臨軒。

北方无極元精神王，長生大聖，无量度人。  
東北无極定運神王，長生大聖，无量度人。  
東南无極開生神王，長生大聖，无量度人。  
西南无極成德神王，長生大聖，无量度人。  
西北无極玄寶神王，長生大聖，无量度人。  
上方无極天樞神王，長生大聖，无量度人。  
下方无極地關神王，長生大聖，无量度人。  
十方至真主化神王，長生度世，无量大神，並乘飛雲，絳輦丹輿，扶華翠葆，駢駕瑞獸，五色驪龍，建流火之節，玄耀大旛，前導十天妙樂，後參三界謠歌。赤文洞章，和合生音，十華啓塗，七精捧轅，億仙萬真，吟詠而來，遊空步虛，召炁攝雲。天樞丞相，无極元宮，九靈玄佐，化炁大神，執錄持符，齊到帝庭，隨所開化，運幹諸天。普告三界，洞冥

六關，青館丹池，黃關泉臺。離合陰陽，化體五行，驅役感變，萬類生成。包羅流布，二炁飛騰，大化交周，升降相纏。元運四虛，綱紐回旋，把握元機，陰魄陽魂。玄悟真妙，神飛玉京，朱陵火鍊，仙化超升。升真受度，劫劫長存，陰陽輪轉，與天齊年。永離鬼魔，干試之難，超凌三界，逍遙太清。太清之天，天帝化光，無色之境梵行。

東方八天

耀棋靈藪天，帝重機沖玄。  
瑜昉智參天，帝福世化仙。  
乙羅沖試天，帝都智益相。  
景妙盡思天，帝觀察九幽。  
田靈緒成天，帝露芝淵嶽。  
離真合玄變極天，帝迓達玄通。  
道依顯靜虛神天，帝猷神令思。  
歷思證理明通天，帝定旋希元。

南方八天

持容慶緒拱化天，帝道輔赤明。  
樂佑思真管熙天，帝孟若享良。  
魯咸至中天，帝遵徒詢。  
英齊裕管天，帝嶧求滿真。

栗還玄沖天，帝邈暢洞禹。  
周極盟真天，帝卓湛起玄。  
明洞祕思天，帝幾先承臯。  
康宗楊義超無天，帝動常遜。

西方八天

敦極洞皇天，帝玄華定明。  
照志演微天，帝道萬有來。  
太始昭生天，帝本希沖遙。  
嚴極靜修天，帝安丘居疇。  
直輪渾樞天，帝彥樂想敷。  
吉令化時天，帝碧琳次回。  
溫閔成儀天，帝鐸儲庸良。  
肅圓恭慶天，帝熙德重光。

北方八天

惠祖龍坡天，帝全無定生。  
寂無常善天，帝無玄敬充。  
蒙玄靈示天，帝遁伯高。  
妙度進良天，帝望宗景昭。  
灑景護真天，帝宥慶離丞。  
九真太羽天，帝變常宗。  
默和隆度天，帝耀河司靈。  
幽無委玄天，帝奕功仲動。  
三十二天，三十一帝，諸天隱諱，

諸天隱名。天中空洞，自然靈章，諸天隱韻，陰陽之音。五行之尊，離合之神，化體自然，窮變之靈。九和十合，變化上清，无量之奧，深不可詳。敷落神真，普度天人。今日欣慶受度，歷關諸天，呼陰召陽，聚散激熾。春木孕火，爲夏之炎，秋金育水，爲冬之寒，四季運土，萬物生全。三炁化體，離合幽關，二景騰變，乃辨五行。三炁結精，鼓躍陶鎔，飛伏沉顯，道行其權。三界直立，萬類俱安，再離再合，神精播宣。玉丹凝結，形具質靈，化體萬變，一真自然。真王持鑰，啓闢天門。東斗生陽，西斗誕陰，陰陽斗降，金魄木魂。北斗玄津，南斗赤明，中斗總御，常司衆靈。青帝發生，白帝成形，赤帝敷養，黑帝通精，黃帝定意，檢策萬神。青天魔王，巴元醜伯。赤天魔王，負天擔石。白天魔王，翻山六目。黑天魔王，監醜朗馥。黃天魔王，橫天擔力。五帝大魔，萬神之宗。隨炁離合，體化周流，飛騰翕張，與道爲儔。建植大器，分布九丘，經營天地，掌握神兵。

持符執節，飛行太空，自號赫奕，諸天齊功。上天度人，嚴攝北酆，黃老奉詔，殄滅祿祥。夔龍禦毒，麟騎驅鋒，參尾警前，赤甲揚旌。擲火萬里，流鈴八衝，敢有干試，拒遏上真。素靈前戮，火兵後刑，陰蕩鬼魅，殺伐邪精。明晨定錄，考校無停，魔無干犯，鬼無逃形。六天列曹，案察鬼營，不得容隱，風火驛呈。普告三元，萬神咸聽，九淵上佐，簡奏太清。洞劫綿曠，太始龍康，眇眇億劫，混沌之中。離合陰陽，五性自生，化體空常，上窮三色。下極重淵，風轉九虛，金火乘天，天上天下。無幽無冥，無形無影，無極無窮，溟滓化炁。遼廓交纏，丹光啓圖，劫歷自然，元始安鎮。敷落五篇，赤書玉字，八威龍文，保制劫運。使天長存，梵炁彌羅，萬範開張，元綱流演。三十二天，輪轉無色，周迴十方，旋斗歷箕。回度五常，三十五分，總炁上元，八景冥合。炁入玄玄，玄中太皇，上帝高尊，汎景太霞。嘯詠洞章，金真朗郁，流響雲營，玉音攝炁。靈風聚

煙，紫虛鬱秀，輔翼萬仙，悉由陰陽。離合五行，化體顯充，妙炁生成，感變正道。開化至真，真中有神。長生大君，青華大帝，皓靈尊神，太乙務猷，司命理明，桃康主命，合延帝尊，執符把錄，保命生根。上遊九清，出入黃房，玄丹之內，絳闕之中。下鎮六扉，洞穴蒼精，中理五炁，混合百神，十轉迴靈，萬炁齊仙，仙道貴生，无量度人。上開八門，飛天法輪，罪福禁戒，宿命因緣。普受開度，死魂生身，身得受生，上聞諸天。諸天之上，各有生門，中有離合化體之章，真王靈篇，辭參高真。

### 第一離合飛空之音

一炁既闢，萬化通流。離合陰陽，大劫交周。九天八極，三十二關。一離一合，炁數推遷。明明元象，下應人身。森羅宮闕，統備百神。欲斷輪轉，順修五行。五行變化，是爲天元。爾能識之，舉形飛仙。靈府濁昧，爲道不成。豈知悟道，神炁同升。陰陽離合，萬物循萌。逍遙過三界，自然無死生。神飛步圓羅，雙闕朝高真。

### 第二真人化體之章

控駕遊八冥，停景崑山阿。金闕禮虛皇，鬱藹乘大霞。化體空無中，生成濯玄波。拘形欲未蠲，陰念無津涯。業念相追尋，漫漫沈愛河。一墮穢濁境，苦道興悲歌。我今敷至教，正炁遏邪源。赤文度群品，黃旗招大魔。永以享大福，億齡奚足多。嗟爾塵中子，背真其如何。

### 第三五行陰陽歌曰

渺渺三天上，巍巍白玉京。元始御明景，立此大化根。陰生結黃華，陽光敷赤輪。一炁相纏羅，太空流五行。七景忽騰變，萬彙從此生。五行互遷改，誰測敗與成。神霄執玄紀，總校諸天人。左攝三界魔，右制六天兵。寶章召和炁，玉符集百靈。天丁秉瓊鉞，赤帝擲流金。收捕群魔醜，境土皆澄清。普天被真蔭，億劫保無傾。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬徧道備，飛昇太空，過度三界，位登仙公。有聞靈

音，真王敬形，敕制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈仙王隱秘之音，陰陽離合之奧，五行化體之機，啓造天地三界，剖析混沌之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清王府東華經室，數歷壬辰，依玄科下傳。若有至人齋金寶質心，依舊格告盟真王，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。皆陰陽離合，化體變現之象。凡有此灾，同炁皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學

至人爲其行香，誦經十過，以度屍形如法，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失明，四時失度，陰陽不調，國畿水旱，疫毒流行，兆民死傷，師友命過，此爲陰陽五行離合化體之變，皆當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始陰陽離合五行化體靈書玉篇

東方八天

登岐伽當，漏采殊華。畢遙普竟，

陽職奔涯。略栗延鎮，欵并密夸。昊嶺陸齋，煙迷備賒。燿戴紀落，匪清晦陳。邁速嬰緒，命列逾秦。酢推晏優，隸湖閱臻。惑習疲驛，延剛保垠。

南方八天

墩籍肆濡，騫連法眸。定微勤索，益名齒都。昕京墉傍，蔑神論壬。既懇甫比，演質元存。亮澤育嶽，遮地密真。禱胥愛節，聊安步伸。睹羅曷帝，妙赤祕輪。學但營茂，紀並寥寅。

西方八天

鈕鐸率堅，蘭康滋孫。敬鞠間熾，躍持求昆。琥驛傳牘，韓機郁文。驗考道聰，汧林啓昏。極侯備衷，那牢雌能。弼劉夷默，時圖印成。迕淵期盧，宣仝幽岑。魯淡蹇望，胡遄救金。

北方八天

信祖熙路，賓恭召經。絡斗俯胃，青君奕賓。本應師鐔，元堂古陳。別則仇敏，移精竹棼。誥宗宜竦，閣德宛循。亭微保際，坤山野侖。猛敵象魔，攷猷竊靈。敕意天放，聊維幾雲。

道言：此諸天中大梵隱語，无量

之音，舊文字北斗元魁，南斗天箕，施行陰陽，運斡五行，鎮三界於混極，立玄機於太清，離合得以交其道，水火得以榮其靈，統攝群類，與真合盟，浩劫不竭，謁帝玄庭。字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳真王，保舉神霄，道備剋得，遊行三界，昇入金門。此音無所不辟，無所不穰，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無沃塵，冥慧洞清，大量玄玄也。

靈寶无量度人上品妙經卷之十六

靈寶无量度人上品妙經卷之十七

扶桑青陽品

道言：昔於蒼靈天中，青芽雲歌大好生土，受元始度人扶桑青陽无量上品。元始天尊當說是經，周回十過，以召十方，始當詣座，天真大神，上聖高尊，妙行真人，扶桑大帝，青華帝君，青陽寶耀木皇，九炁上真道君，天官從騎，真仙真人，無鞅數衆，乘空而來。寶雲青霄，合沓紫煙，琅碧瓊輿，八真飛輦，葆蓋流蔭，靈霞散空，七色蔚靄，洞煥高空。九日九夜，諸天日月星宿，停虛倚輪，五緯舒光，天經順行，元綱鎮靜，三道清平，流暉關紐，七辰煥明，一國地土山川林木，緬平一等，無復高下，土潤琳琅，無有異色。衆真侍座，元始天尊坐空浮青麟玉臺海光寶雲之座。說經一徧，諸天大聖同時稱善，是時一國男女，衆惡消除，默契真道。

說經二徧，流晶降體，完堅萬神。說經三徧，五臟生華，永無百疾。說經四徧，金光易骨，瓊華鍊形。說經五徧，通體虛明，飛行遊宴。說經六徧，化周八極，普度十方。說經七徧，冥曹罷對，進補真仙。說經八徧，元老五帝，敷落妙音，一切天人，皆識雲芽。說經九徧，諸天諸地，化現嘉祥。說經十徧，朽骨更生，返形復命，是時一國是男是女，莫不傾心，皆受護度，咸得長生。

道言：是時元始天尊說經一徧，東方无極无量品廣生大神，無鞅之衆，浮空而至。說經二徧，南方无極无量品明耀大神，無鞅之衆，浮空而至。說經三徧，西方无極无量品皓晶大神，無鞅之衆，浮空而至。說經四徧，北方无極无量品玄變大神，無鞅之衆，浮空而至。說經五徧，東北无極无量品靈暉大神，無鞅之衆，浮空而至。說經六徧，東南无極无量品混合大神，無鞅之衆，浮空而至。說經七徧，西南无極无量品鎮安大神，無鞅之衆，浮空而至。

說經八徧，西北无極无量品回風大神，無鞅之衆，浮空而至。說經九徧，上方无極无量品純德大神，無鞅之衆，浮空而至。說經十徧，下方无極无量品輔

化大神，無鞅之衆，浮空而至。十徧周竟，十方无極天真青陽景耀大神，一時同至，一國男女，傾心歸仰。各以諸天寶花，龍香百果，恭敬供養，來者有如雲影飛霧，無鞅之衆，迨國一半土皆偏陷，非可禁止。於是元始懸一寶珠，大若明星，在太空之中，去地九丈。元始登引，天真大神，上聖高尊，妙行真人，十方无極青陽大神，無鞅數衆，俱入寶珠之中，天人仰看，惟見勃勃從珠口中入。既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸奉高真。合景合妙，合炁合神，合元合本，合惠合靈，合化合變，合性合明。心符上聖，演範流

行，青陽降體，雲芽發生。二暉灌鍊，真道克成，經始流布，一國仰教，咸罄至誠，衛生保質，皆得度世。

道言：元始天尊說經中所言，竝是諸天上帝內名，隱韻之音，亦是真王內諱，百靈之隱名也。宣演扶桑帝景之山，下接太溟青陽之炁，纏結九霄，圓景真光，三十萬里。引其景者爲仙卿，欽其華者爲至真。九道絳煙，回度三靈，瓊瑤變質，敷羅玉英，非世之常辭。上聖已成真人，通玄究微。能悉其章，誦之十過，扶桑鍊神，陽華自成，寶明煥燭，大福來臻，上聖之道，奔挹五辰，妙炁合無，飛昇玉京，百邪伏滅，大魔束形，回屍起死，白骨成人。至學之士，誦之十過，則青腰奉書，太丹吐輝，含景浮光，天靈啓扉，東極降璽，萬炁齊歸，濟度群品，遊行太微。所以爾者，扶桑爲崑崙玉誕之精，青陽爲長生九榮之氣，返年却禍，賜爾元老大帝之道也。龍煙之神，屈伸震垣，肝葉敷玉，關戶紫煙。知此道者，飛昇列仙，色更嬰童，變化神泉，永保生妙，合炁

長延，通真達靈，受慶綿綿。輕誦此章，身則受殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，諸天齊到，青元上皇，九華之精明耀，扶桑大帝綠瑤之闕，天葆少陽碧琳之宮。敕命鳳光玉女，持太玄開明青真之符，詔九幽寒庭泉府重陰之獄，召青陽之神。却死蒙生，太陽群靈，隨光上昇，九祖幽魂，受度飛昇，格皆九年，受化更生，得爲貴人。而好學是經，功滿德就，皆得神仙，飛昇玉府，下宴方諸也。上學之士，修誦是經，青陽入身，玉精內化，流注無英，威明執鉞，斬伐屍根，皆即受度，飛昇玉明。世人受誦，則洞戶琳琅，朱火明璫，陽真來應，丹化紫房，生道續命，萬蕾流芳，保鍊玉飴，六府絳章，五斗被膺，坐鎮魁罡。此經微妙，普度無方，一切天人，莫不受慶。无量之福，生死蒙惠，上天所寶，不傳下世。

至士齋金寶效心，盟天而傳。輕泄漏慢，殃及九祖，長役冥官。侍經始陽玉童，朱光玉女，各一十二人，營衛瓊文，保護受經者身。

道言：正月長齋，誦誅是經，扶桑垂條，青陽布英，生炁變幽，冥考悉停，使上世亡魂，斷地逮役，度上南宮。七月長齋，誦誅是經，方諸降真，青華召靈，身得神仙，諸天書名，黃籙白簡，削死上生。十月長齋，誦誅是經，東霞保生，暘谷開成，八關啓蘊，九炁敷成，爲國王帝主，君臣父子，安鎮國祚，保天長存，世世不絕，常爲人君，安鎮其方，民樂太平。八節之日，誦誅是經，天山通景，玉極延齡，得爲下元真人。本命之日，誦誅是經，太一下臨，青帝監盟，外運玄炁，內育三嬰，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜

思身坐九陽蒼雲之中，內外翫冥，有青龍、白虎、朱雀、玄武、師子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，扶桑青陽，九華上品。化炁度人，元晶隱韻，正運自然，東極青真。玄關化神，九芒琅碧，洞照陽門，太无上劫。化生八靈，青宮肇立，扶桑億尋，虯龍交迴。蛟螭委蟠，青陽之精，升爲歲星，開明蒼景。是化天根，下爲青華，方諸玉宮，上無復祖。與道同生，玉垣真炁，析爲寶

文，安鎮東方。玄變純仁，挹采華芒，結節洞明，隱芝自生。玉髓金筋，蒼符開廓，普殖神文。無文不敷，無文不通，無文不建，無文不崇，無文不化，無文不隆，是爲至妙，天中之宮，瓊寶玉羅，龍嶽剛峰。上極无上，圓耀高穹，渺渺化城，安鎮太空。青華離便，神變九龍，金闕黃房，森羅淨靈，神霄道炁，周徧天京。中有度人不死之神，中方諸青童道君，中有南極長生之君，中有東極青華帝君，中有挹霞採光度世司馬大神，中有好生韓君丈人，中有南上司命司錄延壽益筭度厄尊神。迴骸起死，无量度人，今日校錄，諸天臨軒。東方无極飛天青符神王，長生大聖，无量度人。南方无極飛天青炁神王，長生大聖，无量度人。西方无極飛天青爛神王，長生大聖，无量度人。北方无極飛天青精神王，長生大聖，无量度人。東北无極飛天青虛神王，長生大聖，无

量度人。

東南无極飛天青陽神王，長生大聖，无量度人。

西南无極飛天青運神王，長生大聖，无量度人。

西北无極飛天青帝神王，長生大聖，无量度人。

上方无極飛天青景神王，長生大聖，无量度人。

下方无極飛天青芽神王，長生大聖，无量度人。

十方至真飛天神王，長生度世无量大神，竝乘飛光青輶之車，蒼珠碧琅之輦，綠蓋玄輪，參駕丹鳳，九首青龍，建流霞之節，廣生靈旛，前按洞章齊奏，後唱玉謠同音，白鳳麒麟，嘯歌嘯嘯，青靈啓塗。歲耀翼轅，億乘萬騎，浮空而來，傾光回駕，監真度生。東極丞相，暘谷神宮，帝司玄一，九炁大神，導降青精，光照八冥，碧霞散飛，三五順行。骨生金輝，迴耀瓊英，青皇受書，列位仙真。校定群品，區別衆靈，執籙把籍，齊到玄庭。隨所應度，嚴校清

都，普告十極，杳漠高虛。洞淵化府，北闕靈居，閔風崑丘，瑤臺帝墟。下逮寒池，長夜幽扃，拔度祖考，削落惡根，不得拘留，剋獲超升。青宮符命，飛度無停，神嶽鬱羅，開衛形魂。大魔監察，度品朱陵，死魂鍊炁，變朽成人。生身受度，劫劫長存，隨劫輪轉，與天齊年。永度三灾八難，九橫五苦，超凌三界，逍遙九清。九清之天，天帝保安，無色之境梵行。

東方八天

修方正華天，帝天季宜庭。  
青芒順綱天，帝憫化神覺。  
繹真洞映天，帝善徂越文。  
隆緒景師天，帝遙符玉渦。  
辨常起位天，帝關閑資仁。  
歷濟桓輿天，帝護諱難。  
木極粹生天，帝工機顯房。  
廣風至化天，帝孟麟九中。  
南方八天  
慶炎崇古天，帝信師拜凡。  
綠真應羅天，帝賁寧禱玄。  
宗理高明天，帝玄攸叙嘉。

日旗招炁天，帝太一紫庭。  
液華澤限天，帝雲蒲綠英。  
常經衛和天，帝耀靈泊元。  
洞空蔚陽天，帝飛日路咸。  
青宮啓生天，帝士勝育居。

西方八天

定曦扶晨天，帝光空極真。  
曲桑漱瓊天，帝嬰定泰郊。  
群黎寂鎖天，帝炁摩幽寧。  
玄墟正魔天，帝直鑲湛罽。  
運曆開靈天，帝時維康假。  
素契治律天，帝召可司非。  
西清玉賓天，帝茨留江。  
道元聖山天，帝臺堅庸。  
北方八天  
潛池演滋天，帝決隲少披。  
虛闕對神天，帝渺秩祿宜。  
寔羅帝陀天，帝呼畫頤光。  
艷營總監天，帝述廬猶朋。  
智廬降真天，帝蘇杜善提。  
號都佐理保福天，帝部允允淝。  
海靜雲儀玉夷天，帝洞義明持。  
壬領六司天，帝考按鬼神。



三十二天，三十二帝，諸天隱諱，諸天隱名。天中空洞，自然靈章，諸天隱韻，青陽之音，青陽之尊，青陽之神，青陽耀晶，青陽之靈。九炁十華，變化上清，无量之奧，深不可詳，敷落神真，普度天人。今日欣慶受度，歷關諸天，木真九皇，倚杖扶桑。妙靈攝炁，結爲青陽，青陽飛精，碧光高升。大圓照空，億炁爲程，仁德逮下，福資聖君。普覆區宇，變化生靈，仙真神龍，克應至神。和煬慈恕，微妙彰明，上學感靈，仰味天精。神光下流，骨玉顏金，策登神霄，披服組紋。拔苦扶難，振祐生民，請滅三惡，斬絕地根。扶桑吐華，蟠條散英，瓊綠萬葉，蒼雲千層。上生靈寶，紫光丹靈，九芒纏虛，煥爛東晨。遐想青輶，龍仗繽紛，青炁如絃，挹彩玄曛。洗髓鍊神，奔騰玉津，飛度九戶，廓開八門，真王監舉，列告元真。東斗降陽，西斗耀明，北斗玄沉，南斗光凌，中斗益生，總括萬靈。青華啓暉，皓芳開性，丹蘂扶衛，玄津保命。黃英中貫，普行教令，大帝碧

羅，三界大定。蒼元上真，綠炁東桑，丹元上真，鍊玉朱光。素元上真，皓華流芳，玄元上真，雙闕提綱。中元上真，坐鎮明堂。五元至神，上景之真，含芳拱露，交幹雙筵。飛龍高舉，落鳳騫星，統部靈魔，萬神之宗。飛行三道，總統仙兵，魔幢鼓節，遊觀九清。自號赫奕，諸天齊功，上天化民，嚴攝羅艷。真王受命，普掃妖凶，伯華降晶，龍耀持鋒。太丹流雲，威化無邊，神帥擲火，萬里飛煙。金鈴迸擊，玉戟八懸，敢有干試，拒遏高仙。玄鉞前戮，神金後刑，屠割妖爽，激蕩無停。千千截首，萬萬翦形，魔無干犯，鬼無妖精。三官九司，明按鬼營，不得容隱，玉馬交呈。普告無方，萬彙咸聽，三界五帝，列言上清。

元洞玉曆，東極扶桑，未開五劫，初判青陽。陽華發生，三元紀綱，生爲神仙，道樞已張。震動知覺，龍漢延康，眇眇億劫，混沌之中。青顯爲色，陽墮成淵，風爲木神，澤爲木元。風澤洞虛，金石凝天，天上天下，大化冥冥。

陽光浩蕩，無極無名，洪濛大道，遼廓無光。丹暉啓圖，運度自然，青華安鎮，綠誥瓊篇。赤書玉字，九炁龍文，保制劫運，使天長存。梵炁彌羅，萬範開張，木真流演，四羅諸天。輪轉綱維，回度無邊，旋角歷箕，粲斗車廂。傍俠天經，運化五帝，玉城九門，青帝東鄉。三十五分，總炁上元，八景冥合，炁入玄玄。玄中太皇，玉極仙真，乘景步虛，下照桑林。千真共會帝庭，飲食青陽，浩劫采淪，汎景紫霄，吟詠洞章。金真朗秀，流響雲宮，靈音化景，混合回風。太虛鬱微，輔翼玄空，青陽入肝，碧樓玉山。中有少童，錦衣美冠，手執天籥，吹噓百關。內通境界，感御披蘭，白珠累累，靈流三田。鼓橐茹和，赫然成丹，千和萬合，自然成真。真爲青陽，陽中有神，長生大君，曜元公子。浩晶尊神，方諸司命，賜谷合延，執符把籙，保命生根。上遊九清，出入琳房，八關之內，細微之中。下鎮人身，瓊樓絳宮，中理五炁，混合百神。十轉回靈，與炁俱仙，仙道貴

生，蒼垣度人。上開九門，青光大輪，司治天政，下劾鬼神，中主人民，罪福因緣。普受開度，死魂生身，身得受生，上聞諸天。諸天之上，各有生門，中有碧桑雲葉自然青陽空洞之謠，真王靈篇，辭參高真。

第一碧海扶桑飛空之音

玉都翠京，下連碧淵。光霞億萬，青陽九玄。寒波泛溢，蒼景扶桑。並生萬尋，神風化綱。葉映碧落，中祕龍章。歌空成韻，枝舞鸞翔。元精縈羅，綠英瑤璫。林密如雲，中有上真。寶弁嵯峨，交龍羽裙。厥號太帝，扶桑之尊。無英伯華，龍胎九魂。主教至學，灌鍊五形。千變萬化，八道揚旌。勒我上範，方諸紀名。

第二青陽寶耀真王之章

扶桑連理，並幹相倚。接雲龍升，逼波雷起。蟠根蜿蜒，接曲千里。青宮大神，太一元尊。碧霞鬱壘，玄相老人。三界仰德，九土蒙恩。桑林之真，炁名青陽。昇於神天，結秀紫房。寶耀赫奕，傾丹化鄉。下照億天，無極威

光。生育列聖，飛度延康。仰引神霞，經天緯常。悟此得生道，識者通神靈。吟詠青陽章，九天俯雲輪。

第三東極青華帝君歌曰

寶山峙東南，上有真王宮。盤根凌太虛，下眇九霄中。內列諸靈司，洞治億天宗。元嗣輔上帝，統御興真風。鑑觀圓羅下，驂駕飛天龍。十極秉元化，大魔爲攷功。收制六天兵，使道永興隆。飛章請玉詔，玄符赦羅酆。大慈憫長夜，五苦使咸停。與我本同氣，翛然宴赤明。變化無邊際，普度諸天民。胡爲樂須臾，貪欲勞其神。不學上真道，歷歲空悲辛。我今爲此歌，清音感玄人。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登仙公。有聞靈音，真王召神，敕制地祇，侍衛送迎，拔出地戶，五苦八難，七祖升遷，永離幽山，魂度朱陵，受鍊更生。是謂無量，普度無窮。有祕上天文，諸天共所崇。

泄慢墮地獄，禍及七祖翁。

道言：此二章並是諸天上帝，及至靈真王隱祕之音，顯明扶桑之山，仙國宏遠。其山面方萬里，在碧海之東，去中國九十萬里，上通神霄五府，億萬里中，有太真王扶桑大帝，方諸山青童道君，東極青華之別宮。山生巨桑，內黃而外紅，其華食之長生，其液狀如玉飴，服之壽千劫，鍊之爲丹，餌爲高真。其根感玉京崑山之玉津，孕於桑中，下生玉璞，如世松根，而有茯苓，茯苓千年生威善。扶桑之下有玉璞，溫瑩殊美，並能制鳳凰立於其上。下方生玉，玉結未成，凝爲流液，服之變爲嬰童，壽等天地。扶桑之上，有靈雞鸞鳳九色之鳥，日旦升於若木，金烏飛於桑上，即日出暘谷。其扶桑之頂，有炁名青陽，上爲木星，光照三十萬里，徑一百里，十二年一周天，三百九十九日一見伏，凡八十三年七十六見，而七周天中，有星帝后妃夫人官屬，木皇爲之主。爾修其道，則玄丹太一吐納青炁，太一天尊授兆青符，無英公子飲兆青

精，龍煙丈人威盟真人受兆東方真文，御青陽以東升。音旨微妙，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都高上神霄玉清玉府東藏經室。依科三萬七千年，應運下傳。若有至人齋金寶質心，依舊格告盟十天，然後而付焉。

道言：夫青陽爲生福之力，本有形之類，無不賴之。至若天地運度否終，日月五星虧盈，至聖神人休否，末學之夫疾傷。凡有此灾，同氣皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法，則東極青華帝君賜通光之符，召青陽之炁，於無英之宮，流太玄青精生炁，入兆之肝府，死戶閉塞，木皇內遊，含明丈人爲兆啓紫蘭之室，開青珠之檢，授兆隱文兆之精靈，按而誦之，魂神經上南宮，隨其學功，計日而得更

生。輪轉不惑，便得神仙。

道言：夫天地運終，星宿錯度，日月失明，四時失序，陰陽不調，國土灾怪，水火厄難，疫毒流行，兆民死傷，師友命過，善士橫殃，皆當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始靈書扶桑青陽玉篇

東方八天

翟軒媚羅，傾音謨光。歷紀悲響，迎贖丘玄。濟淙欹累，固淵蔽芒。憫協華迹，曜度氏房。奇魚立嬪，制儀蒙

剛。海鄒夜潭，舒毗琳琅。扁幾合無，邁盈東祥。矧測雉兌，旣胡并唐。

南方八天

戰熾兜郢，陀騰炯瞻。戚孺臧殷，命魔設官。極臺勅吏，走驛告嚴。陽居始都，究萌部端。猛聚定棘，鹿温冥牢。景補皇位，静部尤常。烈卑柄重，吉祺信諭。茂期諶于，昆熙夷光。

西方八天

瑟那志靈，褥達侯度。頂磋蔚京，陸省備助。菴乙布寧，求銖閱正。狼文薜嶇，途營譟兵。厭騰釋璘，葆疇尹倉。萬彥師倫，池府爵屍。犇寶印里，述冥關蘭。幽河斗神，金名祝仲。

北方八天

扶曦霞梁，絕革伎彊。耀學素寂，抱帝澤門。藹符紫丁，夜舍追擬。託詫蘊胸，叵沙燕偁。縛爾泉弁，交奇浮綱。淨信同法，罔慈擊亢。瀆延龍哀，計羅卓傳。業俞鄭璠，石雷皓清。

道言：此諸天中大梵隱語，无量之音。舊文刻書青華帝君左闕玉臺之上，青陽洞煥，木道其昌，仁澤純被，壽

樂靈遐，施生於地，惠德於天，中遊至虛，妙歸三元，福貴本始，道賞其玄，字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大成真王，保舉木真，道備剋得，遊行三界，昇入金門。此音無所不辟，無所不讓，無所不度，無所不成，天真自然之音也。故誦之致神王下觀，上帝遙唱，萬神朝禮，三界侍軒，群祿束首，鬼精自亡。琳琅振響，十方肅清，河海靜默，山嶽吞煙，萬靈振伏，召集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之十七

靈寶无量度人上品妙經卷之十八

素景曜靈品

道言：昔於元洞天中，慶霞流音太空化土，受元始度人素景曜靈无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，西華玉妃，四極真王，黃素元君，飛天騎吏，仙官主宰，無鞅數衆，乘空而來，白雲綠霞，羽駕鸞輿，華蓋浮晨，珠璧交光。五色鬱勃，洞煥太空。九日九夜，諸天日宮月府，星闕長樓，元斗停機，三道平周，剛風鎮靜，崑嶽收雲，地浮五瑞，天開八門，境土山川城廓林木，緬平一等，無復高下，土皆變瓊瑤，無有異色。衆真侍座，元始天尊玄坐空浮萬葉寶蓮之上。說經一徧，諸天大聖同時稱善，是時一國男女，仰聽法音，神識開悟。說經二徧，靈府虛明。說經三徧，默契玄妙。說

經四徧，真炁灌身，萬疾皆愈。說經五徧，體合正道，衆惡消摧。說經六徧，三十二天，發見真文。說經七徧，九天玉境，四極玄宮，三洞寶經，昭然徹見。說經八徧，員羅之下，太空之中，一切音聲，皆參大範。說經九徧，九色妙光，下燭幽夜，普赦北酆，受苦罪魂。說經十徧，十方萬類，遂性逍遙，是時一國是男是女，莫不傾心。皆受護度，咸得長生。

道言：是時元始天尊說經一徧，東方无極无量品華林大神，無鞅之衆，浮空而至。說經二徧，南方无極无量品赤文大神，無鞅之衆，浮空而至。說經三徧，西方无極无量品帝符大神，無鞅之衆，浮空而至。說經四徧，北方无極无量品元景大神，無鞅之衆，浮空而至。說經五徧，東北无極无量品青精大神，無鞅之衆，浮空而至。說經六徧，東南无極无量品圓珠大神，無鞅之衆，浮空而至。說經七徧，西南無極无量品廣霞大神，無鞅之衆，浮空而至。說經八徧，西北无極无量品金華大神，

無鞅之衆，浮空而至。說經九徧，上方無極无量品紫霄大神，無鞅之衆，浮空而至。說經十徧，下方無極无量品靈都大神，無鞅之衆，浮空而至。十徧周竟，十方九極天真大神，一時同至，一國男女，傾心歸仰，欣聞元始宣說素景耀靈之法，外生天地，結成混沌，內生萬物，變爲嶽瀆。皆由无形五行，真金之性，虛明同力，不可破壞。至生人神，知見悲喜，率因素景不鑿之剛，耀靈明察之體，而以爲之。物有堅脆，其成爲一。人有聖凡，其知爲一。我等

雖懷此金，未經冶鍊。今遇元始以此法火，瑩此神金，鑄爲法器，成此道力，无量變化，作是說已，欣樂再拜，旋遶座側。來者有如細雨密霧，無鞅之衆，迨國一半土皆偏陷，非可禁止。於是元始懸一寶珠，大如黍米，在空玄之中，去地七丈。元始登引，天真大神，上聖高真，妙行真人，十方無極素景耀靈至真大神，無鞅數衆，俱入寶珠之中。天人仰看，惟見勃勃從珠口中入。既入珠口，不知所在。國人廓散，地還

平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歎之間，寂無遺響。是時天人遇值經法，普得濟度，全其本年，無有中傷，傾土歸仰，咸知妙微。無執無滯，無想無結，無愛無憎，無苦無惱，無敗無虧。心行正道，言合天機，齊同慈愛，異骨成親。國土康安，永慶太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音，亦是真王內諱，百靈之隱名也。開示道妙，無形五行，先天地生，同寓一炁，浩劫不分，內有神金，素景耀靈，外成諸天，內爲真神，剛堅無壞，萬物仰成，爾能知之，可以長存，非世之常辭。上聖已成真人，能悉其章。誦之十過，諸天遙唱，萬帝設禮，河海靜默，山嶽藏雲，金輪停景，玉璣不行，浩浩太空，飛度生門，柔爲至剛，虛爲至藏，大不可圍，廣不可量。金光素景，耀靈無方，堅凝流

行，得道之疆，群魔束形，鬼精滅爽，回屍起死，白骨成人。至學之士，誦之十過，則金門校仙，真籙奉玄，五帝侍衛，三界稽首，魔精喪眼，鬼祿滅爽，濟度垂死，絕而得生。所以爾者，學士穢氣未消，體未洞真，神金未堅，遇火則鎔，素景未潔，耀靈昏矇，召制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾。與善因緣，萬灾不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，素靈神金，不散至靈，耀魄長存，陰關自開，諸天齊到，億曾萬祖，幽魂若爽，皆即受度，上升朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，素靈合性，空體至神，金身得道，栖泊上清，皆得受度，飛昇南宮。世人受誦，真一守身，金德不朽，業火不焚，則延壽長年，後皆得作尸解

之道，魂神暫滅，不經地獄，即得返形，遊行太空。此經微妙，普度無窮，一切天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳，輕泄漏慢，殃及九祖，長役冥官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，木表金胎，五藏生春，枯朽老敗，得新長生，爲上世亡魂，斷地逮役，度上南宮。七月長齋，誦詠是經，耀景金津，神威內冥，百關堅彊，淵池濬靈，身得神仙，諸天書名，黃籙白簡，削死上生。十月長齋，誦詠是經，水得其金，結爲聖胎，天地一塵，至妙至玄。爾能行之，變化飛仙。爲國王帝主，君臣父子，安鎮國祚，保天長存，世世不絕，長爲人君，安鎮其方，民稱太平。八節之日，誦詠是經，水火土木，併蝕於金，永固其神，得爲九宮真人。本命之日，誦詠是經，太一下臨，素景耀靈，呼子三魂，左三右七，役使無停，魂神澄正，萬炁長存，不經苦惱，身有光明，三界侍衛，五帝司

迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲炁之中，內外蒼冥，有青龍、白虎、朱雀、玄武、獅子、白鶴，羅列左右，素景耀靈之炁，晃如皎月，輝耀頂上，日月照明，洞煥室內，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人，願所啓上徹，徑御无上三十二天元始上帝至尊几前。

畢，引炁三十二過，東向誦經。

### 元始无量度人上品妙經

元始洞玄靈寶本章，素景耀靈上品妙首，開天度人，虛皇隱韻，混合自

然，大洞元金，空玄至真。堅剛明決，神化彌綸，不壞無染，變境高清，包含太虛，內生九元，無形真妙，道性靈玄。元皇布炁，肇立諸天，剛風內鼓，素耀外旋。至陽凝質，梵炁流泉，結爲大器，二象乃分。開明素景，是爲靈根，上無復祖，惟道爲身。耀華流結，普植神靈，无上玉篇，安鎮丹城。無文不光，無文不明，無文不立，無文不成，無文不度，無文不生。是爲大梵天中之天，鬱羅肅峰，金闕瓊山，上極玄上，大赤清源。眇眇浩劫，若亡若存，三輝帝室，大有黃庭，瑤刃朱宮，天真玉房，太素化炁，同徧十方。中有素景耀靈之真，中有南極九玄之君，中有度世皇老大神，中有太霄成妙真人，中有紫庭真帝元素道君，中有南昌定命司變主錄運化保鎮尊神。回骸起死，无量度人，今日校錄，諸天臨軒。

東方无極華林神王，長生大聖，无量度人。  
南方无極赤文神王，長生大聖，无量度人。

西方无極帝符神王，長生大聖，无量度人。  
北方无極元景神王，長生大聖，无量度人。  
東北无極青精神王，長生大聖，无量度人。  
東南无極圓珠神王，長生大聖，无量度人。  
西南无極廣霞神王，長生大聖，无量度人。  
西北无極金華神王，長生大聖，无量度人。  
上方无極紫霄神王，長生大聖，无量度人。  
下方无極靈都神王，長生大聖，无量度人。  
十方素景耀靈神王，長生度世无量大神，並乘層雲金霄，八景之輦，玉輿羽輶，素蓋飛輪，驂駕九光神虎，玄甲蒼龍，建流金之節，招靈大幡，前列太玄寶仗，後從三天化兵，白鳳麒麟，嘯歌唵囉，七耀啓塗，三真翼轅，億乘萬騎，浮空而來，傾光回駕，召靈度生。西崑

上空，瑤闕高仙，九微太妙，黃景元君，執符把籙，齊到帝前。原兆生胎，稟道以來，業識念想，纏思億冤，汨亂素境，耀靈翳昏，神光正性，曠劫冥頑，元始洞火，冶鍊純堅，金華變體，當爲真人。粗辱毀敗，逐愛散分，隨所應度，嚴校神靈。普告洞淵，无極名山，泉沙之嶽，北闕寒庭，神州五鎮，十二溪源，三河四瀆，溟海咸池，疾除罪簿，落滅惡根，不得留滯，怠縱魔群。元始開化，隨運升遷，六天陰官，拔度沉魂，制玄監舉，鍊度朱陵，太清降炁，仙變成真，生身受度，劫劫長存，隨劫輪轉，與天齊年。永度三塗，五苦八難，超凌三界，逍遙上清。上清之天，天帝妙玄，無色之境梵行。

#### 東方八天

玉岐英實天，帝伯戊景勳。  
秀峰翠華天，帝眇珍業池。  
寶林耀光天，帝芳霄宛驛。  
真元靈韞天，帝冥成妙沂。  
玄符顯靈天，帝肇啓元皇。  
集瑞慶皇天，帝方稽生。

瑤瑰映虛仙穴天，帝澤嶽匠靈。  
汶波碧洞神宮天，帝道光仙。

#### 南方八天

陽台化景鍊真天，帝寶宣紀延。  
南明洞陽天，帝劾章測神。  
司炎治明天，帝護生極言。  
檢真定曆天，帝執機主民。  
降炁大光天，帝嚴威四衝。  
冲和總領天，帝化令正行。  
溟元赤景天，帝奉皇玉尊。  
變化定籍天，帝鑑英皓定。

#### 西方八天

主福定生天，帝巽都景陽。  
素景耀靈天，帝綿觀典常。  
閩圃瑤琳天，帝露溥順華。  
西臺玉匣天，帝寶當元畸。  
靈玉治方天，帝訊先求爽。  
剛山頂龍天，帝奮光紫神。  
七絕神虎天，帝力關威京。  
梵炁金乘天，帝嚴幾靜山。  
北方八天  
玄老海藏天，帝宅神岳羅。  
龍光萬虛天，帝耀金爛剛。

雲營周華天，帝微玄部清。

忠嶽洞波碧琳天，帝絕崿珠。

瓊宮无極天，帝昭高璿回。

蒼目化山天，帝拔方起雲。

京臺海穴天，帝濯上慈真。

五神泛洋召靈天，帝宛令西波。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，天中之音。天中之尊，天中之

神，大化真魔，合變之靈。九復於一，

十還於九，九合十遷，素景生輝。金無

結滯，與神同並，神無變壞，鍊之即鮮。

耀光爲澤，共名火宮，神金鼓冶，合會

太清。无量之奧，杳不可詳，敷落三

華，普鍊神人。今日欣逢化度，歷試諸

天，請降至妙，大慶因緣，飛步五辰，名

列高玄，真王監察，拘制元關。東斗授

神，西斗化形，北斗注籍，南斗開生，中

斗黃華，合景耀靈，三真之炁，發爲金

英。青帝執規，白帝御兵，赤帝守衛，

黑帝結凝，黃帝演化，萬道乃成。蒼華

天王，攝炁舉仙。丹青天王，上炎流

煙。素景天王，開天召山。玄耀天王，

通導百川。混極天王，坐鎮崑山。五

天真王，萬神之宗。飛行六合，遊宴天

宮，總炁耀靈，敷散太空。自號赫奕，

諸天齊功，上天鍊真，同會明堂。神王

震威，掃蕩不祥，青霞布天，電火施張。

丹靈扇颺，收滅遊光，域中大帥，擲劍

剛風。騰耀萬里，流鈴八衝，敢有干

試，拒抗三官。玄鉞前戮，神金後刑，

屠割祿魅，風火無停。千千斬戮，萬萬

誅形，邪無侵犯，保護生民。六天九

宮，明檢鬼營，不得怠縱，金馬交呈。

普告羅酆，無間溟泠，三界大魔，飛章

玉京。

元洞玉冊，五炁混淪，金炁爲骨，

木炁爲筋，水炁爲血，火炁爲神，土炁

爲意，物乃化形。虛皇妙道，三象告

成，玄元建立，羅列神靈。明以燭物，

烈以辨真，動則成禮，靜則晦溫。神光

變化，大復依金，金體無變，運幹飛輪。

員華震耀，風扇於明，乃成大象，皇極

高深。元微大素，金現長庚，紫融灌

虛，白章洞旻。流結五炁，生育七玄，

大洞消魔，玉惠靈篇。共敷至化，天晶

妙光，九龍大劫，數極延康。眇眇億

劫，混化堅剛，五炁爲色，五精爲淵。

風水相包，泰極無邊，黃臺杳邈，朱闕

沉冥。無形無影，無極無窮，鴻濛太

朴，遼廓開生。芒華流彩，運度自然，

虛皇保劫，元素玉章。丹景結璘，大布

青房，赤耀至靈，演炁十方。旋斗歷

箕，回度五常，三垣化闕，明列元綱。

八景赤文，攝炁高玄，玄中太真，上帝

飛仙。素景金霞，嘯詠洞虛，耀靈綠

羅，交響雲輿。玉音泛霄，黃華執符，

紫清鬱岳，轉翼元居。金爲神液，流貫

蒼圖，千和萬合，自然成真。真中至

神，南昌上靈，通班元老，安寶帝尊。

玄一九輔，司命真君，簡閱生章，變化

飛根。上遊清單，出入華源，八冥之

內，細微之中。下極重泉，九壘淵宮，

中治生民，萬物混同。十轉回靈，與炁

俱仙，仙道貴生，无量度人。上開八

門，耀景天輪，罪業禁戒，考校因緣。

普受開度，死魂生身，身得受生，上聞

諸天。諸天之上，各有生門。中有升

遷顯耀之章，黃素靈篇，辭參高真。



第一素景顯妙飛空之音

太虛生至真，太空成有形。運轉無津涯，普育諸神靈。玄清化圓羅，混黃沉杳冥。錯謬散爲物，沖和構人倫。朗朗諸天境，持握生道根。蕩蕩大化基，八冥歸玉京。元始顯真妙，素景融神金。既悟重玄旨，合體通靈明。七祖升天堂，南昌朝帝尊。五苦永解脫，天魔詠謠音。齊樂真王化，群類皆長生。

第二燿靈常照真王之章

龍漢立劫仞，丹光建元圖。大聖玄一帝，敷落飛天書。高仙受天命，正道祕清都。洞章下玉京，靈光煥八隅。元尊示神變，億天藏藥珠。故以常明金，冶鍊貪愛徒。神金真化炁，灌注度凡軀。明明無濁污，玄精當不枯。燿靈玉景源，常照成空無。巍巍大慈尊，宣演開生符。妙微上清旨，真悟合玄虛。鍊炁登種民，玉篇從此敷。

第三成道變化之歌

百魔樂沉溺，飛仙唯好生。神炁常堅完，三界無死生。既悟上清道，與

化相順成。宴景常陽宮，東井浥天津。逍遙度剛風，三垣朝帝尊。茫茫大輪下，俯世何營營。一瞬爲虛空，浩劫焉有程。携手誦大範，素景永清澄。運轉法輪綱，變化通神靈。東桑觀濯羅，西崑眇長庚。使爾見真教，靈府長虛明。刻名玉真檢，削落酆泉名。振衣凌太霄，稽首虛皇庭。

此三界之上，飛空之中，飛仙歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登仙公，有聞靈音，魔王敬形，敕制地祇，侍衛送迎，拔出地戶，五苦八難，七祖升遷，永離冥關，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音，發明至真妙本生元大神，雖因元始洞陽九鍊赤炁玄空真火，以爲明識覺了能知之體。殊不知堅固不壞，經劫不變，今古常存，湛然定觀。全依无上清淨不動至大至剛

真金爲質，能生能動。木風爲助，金風相耀，遂成炎景，洞然而明，名曰純一妙靈之炁，爲道之玄奧，成立混沌，生育三才，無不由此。兆若體之，瑩我靈根，以自神力，徧無窮界，仙靈鬼神，人龍萬物，自我陶鎔，十方諸天，不從外得，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都神霄玉清玉府東寶經室。依科三萬七千年，應運下傳。若有至人齎金寶質心，依舊格告盟道君，然後而付焉。

道言：夫天地運度否終，日月五星虧盈，至聖神人休否，末學之夫疾傷，此皆神炁內虧，素金不靈，故燿空有待，則制殃衰。凡有此灾，同炁皆當齊心修齋，六時行香，十徧轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法，素景還復，燿靈更明，魂神經上南

宮，隨其學功，計日而得更生。輪轉不滅，便得神仙。

道言：夫天地運終，星宿錯度，日月失昏，四時失度，陰陽不調，國土生災，水火風劫，疾毒流行，兆民死傷，師友命過，同學終亡，皆當修齋，行香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝，故曰无量，普度天人。

道言：凡有是經，能為天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，克得為聖君金關之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始素景耀靈玉篇

東方八天

奎都出陌，化揚入參。霞虛激璘，延訶沂涔。萬竦柘宿，淇華幾欽。轉

蘭彩望，晨精典尋。昭盈靈肆，溢卜奚登。擎莊荷露，龍蛟捐沉。靜佐亟道，劉彬緒忱。稭稂蕩卑，里適逾金。

南方八天

蓬整絕力，赫難志外。寅珞尤趣，延需利瑾。琢華透方，儀奔汾郡。哲疆仙稀，珍異寔進。燎灘盪虞，色離弼應。杳坤陳歆，祕野桓定。角聾救戮，陽山致信。風演孔雄，曆帝充仞。

西方八天

素景莫生，糾都佳萌。健納甲竺，誓攻本神。迮東獻威，相妃斬尊。敬罷欽役，奴軍總雲。吉堂洄侶，至戈鼎熒。萬鑑獨持，化師九成。便良日辟，斗往岡生。浪恥達隨，珪山啓兵。

北方八天

闐程缺遼，景生系郎。玄進紫玉，投遠趣光。董真樞靈，星侔箕羌。遁履太幽，北昆杳房。庇夜軍利，氏瑟齊邦。度潜倚霞，命旗洒藏。桑碧螭首，洞玄辭皇。律躋魔丑，臺止賓祥。

道言：此諸天中大梵隱語，无量之音。舊文刻書玉臺西真素景之堂，

以開三辰之光。太一典經，紫靈醮香，元帝命神，萬靈聿章，目見口言，神金流剛，舉天承地，使兆慧良。總持冥機，恍惚存亡，鬼入神出，變化無方。帝之寶書，豈世所聞，字皆廣長一丈。天真皇人昔書其文，以為正音。有知其音，能齋而誦之者，諸天皆遣素景神王，下觀其身，書其功勤，上奏諸天，萬神朝禮，地祇侍門，大勳魔王，保舉上真，道備剋得，遊行三界，昇入金門，此音無所不辟，無所不攘，無所不度，無所不成，天真自然之音也。故誦之致素景下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙。天無氛穢，地無祲塵，冥慧洞清，大量玄玄也。

靈寶无量度人上品妙經卷之十八

# 靈寶无量度人上品妙經卷之十九

## 十方聖境品

道言：昔於靈華天中，景耀迴風大圓化土，受元始度人十方聖境无量上品。元始天尊當說是經，周迴十過，以召十方，始當詣座。天真大神，上聖高尊，妙行真人，十方聖境化土世界仙君仙王，無鞅數衆，乘空而來，玄雲飛霞，鳳輿朱輪，葆蓋交蔭，琅碧騰輝，洞徹八冥，晃耀太空。九日九夜，諸天日月，官府星垣，帝闕寶觀，朱樓神嶽，瓊山璇臺，劫仞下及蒼丹之界，玄素之鄉，清都九淵，六周十極，光明照朗，通達無礙，一國地土山川林木，緬平一等，無復高下，土皆作黃玉。中天正炁，交灌坤丘，神化平夷，無有異色。衆真環侍，元始天尊安坐太虛九芒赤文火玉之座。說經一徧，諸天大聖同時稱善，是時一國男女，仰聽玄音，悉

悟妙道。說經二徧，目睹神化，洞徹萬緣。說經三徧，合會正炁，皆能闡法。說經四徧，億劫積滯，隨念消融。說經五徧，金真散結，百關流通。說經六徧，地生寶華，天敷玉文。說經七徧，悠悠群類，克保完堅。說經八徧，鬼官罷對，幽魂上升。說經九徧，虛皇妙光，照映十方，无量元宮，分形應化。一切天人，隨方敬仰。說經十徧，玉符下降，安鎮神山，度世升平，永無劫運，是時一國是男是女，莫不傾心，皆受開濟，咸得長生。

道言：是時元始天尊說經一徧，東方无極无量品仁旺大神，無鞅之衆，浮空而至。說經二徧，南方无極无量品合明大神，無鞅之衆，浮空而至。說經三徧，西方无極无量品皓元大神，無鞅之衆，浮空而至。說經四徧，北方无極无量品玄光大神，無鞅之衆，浮空而至。說經五徧，東北无極无量品保安大神，無鞅之衆，浮空而至。說經六徧，東南无極无量品流運大神，無鞅之衆，浮空而至。說經七徧，西南无極无

量品鎮紀大神，無鞅之衆，浮空而至。說經八徧，西北无極无量品持綱大神，無鞅之衆，浮空而至。說經九徧，上方无極无量品生方大神，無鞅之衆，浮空而至。說經十徧，下方无極无量品延康大神，無鞅之衆，浮空而至。十徧周竟，十方天真聖境大神，一時同至，一國男女，傾心歸嚮，來者有如輕塵重霧，億乘萬騎，玄雲四會，天澤密周，素煙層沓，非可禁止。於是元始手出妙光，化一圓象，結成寶雲，瑩若明月，在空中玄之中，去地百丈。元始登引，天真大神，上聖高尊，妙行真人，十方无極天真大神，無鞅數衆，俱入寶輪之中。天人仰看，惟見導從，自輪影中入，既入輪影，不知所在，國人廓散，地常清潤，無復更變。元始即於寶輪之內，說經都竟，衆真監度，以授於我，當此之時，欣慶難言。法事周悉，衆靈復位，俄爾之間，杳無遺音。是時天民遇此大範，普獲惠濟，全其天年，無有天傷，合境歸仰，咸悟道緣。不懈不退，不敗不遷，不苟不諂，不私不偏，不佞不黨，

不過不愆。言宗至理，命保長延，齊同慈智，心契高玄。國境豐寧，帝祚綿綿，法始流布，一國以道，預有至心，宗奉敬衛，皆得度世。

道言：元始天尊說經中所言，並是三天化炁謠歌大範之音，亦是十方聖境真仙之隱名也，非世之常辭。上元開運，真人通微悟玄。能悉其章，誦之十過，九天稱慶，群靈列言，三官執籍，簡奏玉京，日月騰輝，星綱順行，大魔伏謁，衆祿束形，濟生度死，朽骸成人，太極飛仙。誦之十過，則十方境界，無極靈鄉，下逮神洲洞泉海嶽，有生安泰，各遂逍遙。所以爾者，上聖高真挺自然之秀，育質碧霄，生而知道，故感格玉清，無所不度。飛仙中真，積學修鍊而契於玄，雖證位同聖，非上元之比，但濟世境而已，不能制天政也。輕誦此章，身則被殃。宗敬保祕，立著元功，世世昌熾，善根興隆，衆邪不干，天神護門。斯經玄奧，萬境所尊，度人無極，爲生道之宗，皇皇正範，難可勝量。

道言：凡誦是經十過，洞章玄音，上達玉清，感格虛皇。降三天正真九陽積妙太玄之炁，下開八門，灌注流入羅酆幽音，泉曲冥關，度爾億曾萬祖，受苦魂爽，克得化鍊，上升朱陵，皆應真期，靈符攝生，得爲至人，而好學上經，果備功圓，皆得飛仙，超升玉闕，遊眇九霄也。鴻學之士，修誦是經，皆即受度，高宴南宮。世人受誦，則壽極三元，後皆得證太陰鍊形之道，藏質九淵，寄身后土，魂不蕩空，魄不沉滯，歷劫周運，即獲更生，一切天人，悉護受度。无量景福，幽顯蒙惠，上玄所禁，不傳于世。至士特重寶效心，盟誓而傳。輕泄玉章，殃連七祖，長役土官。侍經聖境玉童玉女，各四十八人，營衛神文，保護受經者身。

道言：正月長齋，誦詠是經，真光下濟，溥釋幽陰爲上世亡魂，斷滅罪結，升度朱宮。七月長齋，誦詠是經，正真生炁，流灌心田，金籙注名，身得高仙。十月長齋，誦詠是經，聖境內通，法耀外明，爲國王帝主，保延世境，

安鎮萬邦，欣樂昇平，大福無疆，三辰寧順，天壽永昌。八節之日，誦詠是經，得爲流珠，絳闕保生真人。本命之日，誦詠是經，十方大聖，化境高尊，乘雲駕龍，來詣監盟，書名元斗，列奏玄冥，百神集會，功著九天，大魔保舉，形飛列仙。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐碧絳紫三色雲炁之中，內外蒼冥，有青龍、白虎、朱雀、玄武、師子、白鶴，羅列左右，十方聖境，一時同見，日月照明，洞煥室內，項生圓象，光映十方，如此分明。密呪曰：無上玄元、太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人，願所啓上徹，徑御无上三十二天元始上帝至尊几前。畢，引炁三十二過，東向誦經。

元始无量度人上品妙經

元始洞玄靈寶本章，十方聖境，上品神霄。神化度人，赤符隱韻，騰耀自然，混漠洞冥。虛無玉真，肇開元範，大合神靈，虛皇一炁。植立諸天，斯構十方，五劫推遷，七變神洲。十轉天關，玄妙聖境，仙真帝臣，開明三道。散化五形，萬象齊立，虛極靈根，上周復景。獨運爲身，華晶至應，大朴靈文，九霄沖感。風激飛煙，迅綱木輪，交瓊深淵，皓皇廣布。元運包纏，是爲造化，十極將分，鬱嶽瓊臺。蕭仞遐京，上窮圓象，琳闕飛青，眇眇帝炁。巍巍劫城，三靈玉筵，太上玄庭，金閣華房，森列流精，廣霞育炁，周變千靈。中有十天校錄之神，中有方諸上道之君，中有洪聖妙元之真，中有合境開導丈人，中有東華南極，西靈北鬱，四維上下，列聖高真，共敷大範，開化天人。執天正憲，无量度人，今日集會，攝召臨軒。

東方聖境賢善世界正化神王，長生大聖，无量度人。

南方聖境明離世界真慧神王，長生大聖，无量度人。

西方聖境皓洞世界招仙神王，長生大聖，无量度人。

北方聖境清淨世界多吉神王，長生大聖，无量度人。

東北聖境妙華世界威德神王，長生大聖，无量度人。

東南聖境九真世界福滿神王，長生大聖，无量度人。

西南聖境流光世界金華神王，長生大聖，无量度人。

西北聖境玉宸世界神智神王，長生大聖，无量度人。

上方聖境紫虛世界道樞神王，長生大聖，无量度人。

下方聖境慈護世界救厄神王，長生大聖，无量度人。

十方无極通變神王，飛空度世開化大神，並乘絳雲，綠輿碧輦，羽蓋瑤輪，驂駕玄鳳白虎斑龍，建元暉玉節，七耀靈

幡，前列十天大帥，後從黃闕化兵，猛馬蒼麟，騰擲辟邪，天官啓塗，玄真翼轅，億乘萬騎，浮空而來，傾光回駕，聖境度生。太微玉輔，元素上靈，神章鴻化，大洞高尊，統天執法，齊會帝前，隨方立應，簡示諸天，普告八極寒夜，靈關洞神，左府北水，九淵太上。羅酆六洞，三宮曲池，龍廡大劫，河源威光，九仞長役，風庭火山，冰鏡億零。女青大君符命，時刻飛昇，斷絕惡趣，消滅罪根，陽輝下濟，原赦幽魂，朱官受鍊，仙變成人，生身合炁，隨運長存，因緣輪轉，與天同年。永度陽九百六，風刀水火之難，超凌三界，逍遙九清。九清之天，天帝鑑冥，無色之境梵行。

東方八天

靈蘭雲室天，帝記行宛盈。

開真成化天，帝閻濟莊。

祕景凝神天，帝逸塗獨雲。

玉陽聖境天，帝赤序畢升。

海國飛鄉天，帝穆衍离。

嶽靜虛音天，帝感時慶昭。

智常極仁天，帝述俱辭名。

神島遊車天，帝益憑子柯。

南方八天

炎正司治天，帝諒宮承方。

百豐就和天，帝迪宗中宜。

朱陵典禁天，帝冲仙九純。

降都昭靈天，帝兵襁仲和。

字庭校精素魔天，帝暉道清。

剛幾度光天，帝響邦署枚。

都神耀羅天，帝達玄宥窺。

威明廣兵天，帝成都祈陽。

西方八天

束臺羽武天，帝河稽魯傳。

韓官篤辜天，帝明維子康。

龜巖西臺天，帝冒興黎嚴。

直申迅靈天，帝悉託思。

幽墟潛校天，帝伯耀光。

挈瀆垂神天，帝逐防廓明。

波關龍濟天，帝和冲孚。

參首慶生天，帝勅利住賓。

北方八天

洞陰夜城天，帝定平若澄。

孤光王峰天，帝寂蒙變旒。

黑嶷雷司天，帝澤披戢光。

正居錫玄天，帝悲盧祈昌。

太一張遙天，帝尤全子營。

素炁徊堂天，帝愍都交華。

龍威捨湟天，帝逐閑辟晞。

至澤洪靈天，帝杜祥示恭。

三十二天，三十二帝，諸天隱諱，

諸天隱名，天中空洞，自然靈章，諸天

隱韻，天中之音，天中之尊，天中之神，

天中大魔，天中之靈。九開十關，混合

上清，玄關大典，幽妙難量，造天立極，

敷落十方。今日欣慶會遇，考試諸天，

已滅世累，斬絕惡根，飛度五難，乘景

高奔，真王監察，無制玄門。東斗注

生，西斗司伐，北斗執契，南斗定格，中

斗帝室，宣流聖澤。青帝布機，白帝持

筭，赤帝御炁，黑帝交貫，黃帝中居，大

化分判。青天真王，寶慶合離。赤天

真王，玄真糾非。白天真王，太素運

時。黑天真王，夭化霄暉。黃天真王，

靈炁所歸。五天真王，萬境之尊。飛

行三界，總領威兵。持幢仗節，遊行太

清，位號顯著，與天同生。上玄化民，

嚴制幽扃，紫微受詔，掃殄祆祥。天蓬

執印，神虎恢張，流火前馳，朱鳳後翔。

六天大醜，收付魁罡，敢有干犯，拒抗

天真。神兵左戮，巨殺右刑，屠割除

滅，風火無停。千千截首，萬萬誅形，

魔無侵試，鬼無逆凌。三官北酆，明察

鬼營，敢容怠縱，飛章奏呈。普告十

方，无量神靈，八冥諸帝，列言紫宸。

混元無名，非濁非清，分爲兩半，

素玄肇平。積微爲仞，大化生方，劫號

既定，冥變龍康。眇眇祖源，混合文

昌，上無景色，下無化淵。風行太虛，

空洞無邊，自然聖境，至道之玄。碧霄

降地，金水成天，天上天下，大舍沉冥。

無輝無影，無象無形，溟滓元炁，雙耀

交并。赤明玉虛，運周自然，天一流

化，金簡玉篇。赤陽至精，八垣玄文，

保制崑丘，永劫長存。梵炁彌羅，萬法

施張，元綱交貫，九地九天。輪轉空

無，生成億千，旋遶蕭山，回度飛躔。

三十九帝，總攝上元，十方聖境，統治

丹玄。玄中太真，上景高皇，汎炁玉

霞，吟嘯洞清。金延秀賴，流盼雲營，

天音朗韻，靈光散煙。太蕭鬱羅，明化

金編，千和萬合，自然成真。真中有神，長生大君，青華左踞，玉妃右蹲。太一司命，桃康合淳，執符把籍，保度靈根。上遊紫清，出入玄丹，三方之內，六極之中。下鎮人身，明堂絳宮，分治五神，合會百骸。十運回風，萬炁俱仙，飛神召靈，變化無邊。仙道貴生，无量度人，十方玄極，開通八門。飛行三界，受書玉宸，罪福禁戒，宿命因緣。咸受濟度，天正生身，身得受生，上聞諸天。諸天之上，各有生門，中有天元合變之章，太上靈篇，辭參高真。

### 第一十方聖境飛空之音

玄光赤運，大梵無名。飛境飄飄，化闕九門。玉城盤回，碧落敷明。旋臺萬劫，音華耀文。中有大聖，龍衣虎裳。首建紫宸，腰帶金璫。持握四境，化土中方。爾能長齋，鍊度文昌，蕩穢紫戶，納真絳房。二神擲火，元一揚光。見我真形，出沒低昂。粲粲存工，灼灼在傍。乘神以遊，綠室朱窗。我道杳密，心合靈鄉。

### 第二十方聖境之章

一炁所變，萬境澄清。玄嶽鬱嵯，仙都玉京。長林茂秀，大有玉庭。朱衣龍章，開化生根。聖緣天運，正道開揚。炁貫飛煙，結花無常。穹樓千尺，巨闕明堂。龍游虎馳，朱旆雲綱。隱如太空，顯如宿張。發現應所行，即明善惡方。玉真跨班龍，神風得高翔。

### 第三十方聖境歌曰

龍漢大劫，萬品玄虛。元始開天，先造空无。大洞上元，清微禹餘。靈文九訓，玄真七舒。蕩蕩八垣，高升四隅。赤明啓運，列聖御圖。五山嵯峨，敷落赤書。蕩蕩天闕，巍巍帝居。靈光下濟，息役三塗。頌赦河源，真風廣敷。式歌此音，與聖同符。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛昇太空，過度三界，位登仙公。有聞靈音，魔王敬形，勅制地祇，侍衛送迎。拔出地戶，五苦八難，七祖升遷，永離幽關，魂度朱陵，受鍊更生。是謂无

量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音。深啓至玄，發明洪化，使彼天民咸入聖境，皆是大梵之言，非世常辭。言無韻麗，曲無華宛，故謂玄奧，難可尋詳。上天所寶，祕於高上神霄玉清玉府。大君行教，應炁流傳，若有至人齎金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此灾，同炁皆當齊心修齋，六時行香，十徧轉經，福德立降，消諸不祥。无量之文，并度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。則生身所行善功，所營陰德，當滅度時，十方聖境皆現，元始天尊安座說法，或援手接引，幡蓋來迎，魂神經上南宮，隨其學功，計日得更生。輪轉不惑，便得神仙。

道言：夫天地運終，星宿錯度，日月失光，四時失序，陰陽不調，國境生災，疫毒流行，兆民死傷，師友命過，淨友災殃，皆當修齋，行香誦經。夫齋戒誦經，功德甚重，上消天災，保鎮帝王，下攘毒害，以度兆民。生死受頭，其福難勝。故曰无量，普度天人。

道言：凡有是經，能為天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，克得為聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始靈書十方聖境祕篇

東方八天

群陀湮索，召鑑淵沛。靈馬逾綱，期韜式晦。遼闌彌瓊，列都夷悌。濛巖睽羅，逸還周器。烏陽演赤，皓凶乾銳。報美丙山，璐章蕪粹。祝多時延，綠真英仙。湛那睹泊，至良微瞻。

南方八天

寶夏昆略，鯨池紫澶。跛玖但思，蕭南岐顛。寶節徂徠，密盟書玄。樂藻梯莫，直幾進綿。注黍乙趨，離咸資權。藍傍依序，歷高次宣。靈僅霄華，臺他閱城。璣黨扶驅，洞籟潏溟。

西方八天

庫岍牲勻，丘慈始傷。庚井龍羅，柏房停香。酌嶰留激，屏麻辭真。雲業定相，敞多淪神。徹虛琅璅，燕都景凝。感族揚鄙，智傳齊謨。混覺測靈，維玦粗根。亮若已禱，部墟塗垠。

北方八天

侯汪迹元，披景奪靈。衣篤變契，郭多民達。鍊泓寒穴，招仙賁輪。蕩交逸區，爭光蒲形。早炁冶東，司萌決同。智騫環耀，規璘冀沖。洞育邈里，羸魁謁豐。萬仙合絕，空靈寔功。

道言：此諸天中十方聖境大梵隱語，无量之音。舊文題十方洞臺天闕玉都之上，神化十方，靈隨應出，空合道微，悟解之者，神鄉聖境，無不普現。字皆廣長一丈。天真皇人昔書其文，

以為正音。有知其音，能齋而誦之者，諸天皆遣十方聖境化土神王，下觀其身，書其功勤，上奏諸天，萬神朝禮，地祇侍門，大功真王，保舉上真，道備克得，遊行三界，升入金門。此音無所不辟，無所不攘，無所不度，無所不成，天真自然之音也。故誦之致十方飛天下觀，上帝遙唱，萬神朝禮，三界侍軒，群祆束首，鬼精自亡，琳琅震響，十方肅清，河海靜默，山嶽吞煙，萬靈振伏，招集群仙，天無氛穢，地無祆塵，冥慧洞清，大量玄玄也。

靈寶无量度人上品妙經卷之十九



# 靈寶无量度人上品妙經卷之二十

## 碧落空歌品

道言：昔於始青天中，碧落空歌大浮黎土，受元始度人空洞靈章自然之音。碧落纏虛，天霞流曼，神風鼓激，萬音合響。浮沉清濁，抑揚宛轉，錯而成歌，其聲洞徹，交唱諸天。當於是時，天地萬物，無聲之類，一時能言，敷道立教。啓玄建宗，一切生類，通理明法。元始天尊當說是經，周迴十過，以召十方碧落世界。飛霞結縷，妙於寶綱，一切天人，龍輿鳳葆，倏忽往來。若經幽寶，空碧炫煥，略無限礙，光輝流影。照一透萬，中生神風，徐速得度，歌吟應節。虛琴法音，徧無有量，珠樓寶闕，咸出靈韻。讚道讚法讚仙，勸諸天人，興崇善功，深悟上道。天真大神，上聖高尊，妙行真人，碧落至真，自然空歌，金童玉女，無鞅數衆，乘空

而來。紺虛擬湛，寒碧洞清，玉馬騰輪，寶繖敷蔭，天音妙梵，隱密互作，九光纏回，五明泛耀。七日七夜，諸天內真，各陞寶樓，齊擊天鼓，龍虎號嘯，星機東搖，二十四天，寶宮殿中，混然碧色，嶽聳波澄，七辰瑩澤，雲容風寂，灑景舒明，一國地土山川林木，緬平一

等，無復高下。天海涵環，土玉葱蒨，渺然洞歌，無有異色。衆真侍座，元始天尊玄坐空浮九翠玉臺神龍萬珠之座。說經一徧，碧空洞歌，群響唱善，是時一國男女，聽牖解關，無幽不聞。說經二徧，華童散輝，照鑑无極。說經三徧，碧落成音，神風緩奏，言詞清越。說經四徧，大智該廣，法身普同。說經五徧，聞歌悟法，還元復命。說經六徧，視身與境，潔如寶珠，隨方現色，道空不遷。說經七徧，悟此空歌，元非起滅，霞張風至，音調自生，入道登真，理從斯得。說經八徧，遊宮浮闕，泳蕩碧虛，內音清歌，流轉隱顯。說經九徧，空洞生華，湧成千界，天人男女，出入黃房，沉碧還虛，呈露道體。說經十

徧，霞布十方，歌成九奏，上極大明，下開幽夜，天人大慶，靈寶示祥，是時一國是男是女，莫不手結天維，足躡雲綱，飛形上清，皆受護度，咸得長生。

道言：是時元始天尊說經一徧，東方碧落空歌至真大神，無鞅之衆，浮空而至。說經二徧，南方碧落空歌至真大神，無鞅之衆，浮空而至。說經三徧，西方碧落空歌至真大神，無鞅之衆，浮空而至。說經四徧，北方碧落空歌至真大神，無鞅之衆，浮空而至。說經五徧，東北碧落空歌至真大神，無鞅之衆，浮空而至。說經六徧，東南碧落空歌至真大神，無鞅之衆，浮空而至。說經七徧，西南碧落空歌至真大神，無鞅之衆，浮空而至。說經八徧，西北碧落空歌至真大神，無鞅之衆，浮空而至。說經九徧，上方碧落空歌至真大神，無鞅之衆，浮空而至。說經十徧，下方碧落空歌至真大神，無鞅之衆，浮空而至。十徧周竟，十方无極。碧落空歌，至真大神，一時同至，一國男女，聞悟法音，傾心歸仰，來者有如无量風

雲之聲，繁音大音，無等之聲，未睹形儀，先聞如是音。景若歌謠，笑語讚歎，悲啼環珮，履屨無邊，衆音闐闐而來，徧滿國界，非可禁止。於是元始手挽碧落長縷之霞，盤屈寶掌，圓如碧珠，光明透徹十方世界，碧落空歌，無外之事，若近眉睫，俯窺傍矚，如淨瑠璃。先示法筵，次示大衆，瞻仰未久，忽然之間，擲於空中，去地九劫，大如飛星。元始登引，天真大神，上聖高尊，妙行真人，十方無極，碧落空歌，至真大神，無執數衆，俱入飛星妙光之中，一切天人，無不登入。神光晃粲，外者見內，內者見外，上者若附，下者若仰，表裏洞鑿，不知所由，內外咸觀，湛然同體，切處一光，空歌自鳴，碧霞鬱密，神風鏘鏘，十方玉城，融麗齊等，無執天人，不知所在。元始即於妙寶光聚之中，說此碧落空歌，是出世道，是長生法，是大化源，是玄妙宗。十方衆生，具此聖心，眼耳口鼻，悉能了知。一切道境，而未有不從碧落之中，空生洞歌，至道法音，徧一切生類，音言應

答，由是道生。論法都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人值遇經法，普得開悟，究識本真。知此碧霞，本元始精，天地既開，霞精散遠。經緯演布，絡如弦縷，風動其間，五音共作。不從天造，不從緣生，故知道玄，自然出音。聞此靈音，開辨心目，乃有分別，得悟道真。無聲之中，得聞遐唱，道無終窮，傾心歸仰，咸行大心。無作無欲，無意無念，無想無愛，無執無得，無虛無實，無滅無生。言無矯妄，語無惡聲，齊同慈愛，異骨成親，國安民豐，欣樂太平，經始出教，一國以道，咸露至心，吟詠欽禮，皆得度世。

道言：元始天尊說經中所言，並是碧落空歌，天霞四飛，神風潛唱，擊搏生音。內演諸天上帝內名，隱韻之音，亦是十方神王空歌內諱，百靈之隱名也，非世之常辭。上聖已成真人，通玄究微。能悉其章，誦之十過，空洞成歌。神聲遠振，萬帝稽首，千真竦聞，

海平兵偃，天谷藏煙，三辰駐輪，權衡停運，八威鼓氣，群魔喪眼，綠骨增秀，靈骸返生。至學之士，誦之十過，則三元奉駕，五帝同駟，封山召雲，攝御鬼營，濟病度厄，絕命更生。所以爾者，學士身洞真極，炁合青玄，碧落之文，刻記心骨。可以召制三界，政預天司，敕戒地官，速送魔醜，壽無盡年，還形度生。輕誦此章，七世傳殃。頂護存禮，道業興隆，世世昌熾，與善因緣，萬試莫干，靈人降房，斯經高妙，獨步玉京，度人无量，明碧落之音，皇皇道宗，妙莫與勝。

道言：凡誦是經十過，諸天齊到，億曾萬祖，幽魂苦爽，皆即受度，上升東華青宮。空歌召魂，魂知其音，還來附身，魂鍊炁真，返生爲人，能餐碧霞之玄芒，濯神風以散襟。而好學至經，功滿德就，皆得神仙，飛升玉闕，遊宴碧空也。上學之士，修誦是經，皆即受度，飛升青宮。世人受誦，則延壽長生，後皆得作尸解之道，魂神暫滅，耳聞空歌，心不迷妄去，如解衣神安炁

定，復爲聖民，不經地獄。用晦而明，心與道俱，普度天人，莫不受慶。无量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經碧落空歌青帝，玉童玉女，各二十四人，營衛神文，保護受經者身。

道言：正月長齋，誦詠是經，以開碧霞始生之炁，爲上世亡魂，斷寒池長夜之役，生其魂神，度上青宮。七月長齋，誦詠是經，降碧落之靈音，澤金真之剛炁，使三田潔素，身得神仙，碧落成文，記書仙名，青玉玄簡，削死上生。十月長齋，誦詠是經，碧霞結篆，空洞成文，玄匠之音，奉慶帝宸，青簡執符，東極授經，君臣父子，享德萬年，四海太平，世世不絕，爲天下君，安鎮十方，劫劫長存。八節之日，誦詠是經，八風洋音，碧落垂文，服燕青芽，得爲上真。本命之日，誦詠是經，魂真魄靈，骨有玉英，身得長生，與道相宜，不罹世患，胎景光明，三老錫命，五帝攝京，神司朝禮，上天書名，功滿德就，飛升上清。

道言：行道之日，皆當香湯沐浴，齋戒入室，東向，叩齒二十四通，上聞二十四天，心拜二十四過，閉目，靜思身坐青黃白三色雲炁之中。良久，變為碧霞，內外翳冥，有青龍、白虎、朱雀、玄武、師子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各二十四人，關啓所言。今日吉慶，長齋清堂，修行至經，无量度人。願所啓上徹，徑御无上二十四天元始上帝至尊几前。畢，引炁二十四過，東向誦經。

### 元始无量度人上品妙經

元始洞玄，靈寶本章，碧落空歌，九變度人。神音隱韻，離合自然，混洞太无。無无其無，无爲浩空，空與道俱，空極而明。明爲陽精，陽精爲火，火爲元始，洞陽赤炁。赤炁之中，化生

黃暈，黃暈爲土，是爲火子。火土之炁，九鍊而堅，堅者金性，金伏爲鉛。鉛化爲水，水成木居，曰青黃白，號元始。三炁植根，火力鍊之，九萬餘歲，其色凝碧，碧光熠燿，其晶霏霏，乍騰乍躍，乍伏乍飛。或出或沒，或步或馳，陰火爲風，陽光爲火。風火合德，碧晶混離，若雲若霞，如東如西。神風鼓之，碧霞析支，支勢曲折，或正或欹。圓者如環，銳者如珪，屈伸匪常，凡不可窺。碧空落落，光含四維，霞張八極，變化神奇。天老上帝，按筆以施，模爲天章，洞音深微，雲霞之書，三元八威，六十四體，象各有宜。龍升其天，鳳翥帝軒，麟卧寶衢，龜行澤邊。三九五七，星帶相連，奎房畢觜，鎮御十天。碧霞從橫，布峙機延，落猶絡也，縻之無巔。中空含虛，風吟其間，神音自然，隱顯回騫。洞歌玉文，靈寶祕篇，內明上真，超登之言。一聞空歌，腦宮發煙，紫氣盈室，六丁來前。無歌不光，無歌不明，無歌不立，無歌不成，無歌不度，無歌不生，是爲大梵，

碧落空歌，上清神音。脫離死生，天中之天，鬱羅蕭臺，玉山上京。上極无上，大羅玉清，眇眇劫仞，若亡若存。皆有碧落，自然空歌，歌詠至真，洞解天靈。天地萬神，因歌得名，碧空神音，呼之即聞。是生神靈，及諸上真，祕諱所重，因歌得明。碧落之中，恍惚杳冥，中有玉真。口吐氤氳。碧霞梵炁，周回十方，中有度人不死之神。東極宮中，青華之君，中有空歌神音自然之神，中有好生青皇九靈太妙生德之神。碧空真老，天化丈人，中有上清碧霞空極玉謠至真洞文，天一之君，度生鍊神。无量度人，今日校錄，諸天臨軒。

東方无極碧落空歌玉音神王，長生大聖，无量度人。

南方无極碧落空歌玉音神王，長生大聖，无量度人。

西方无極碧落空歌玉音神王，長生大聖，无量度人。

北方无極碧落空歌玉音神王，長生大聖，无量度人。

東北无極碧落空歌玉音神王，長生大聖，无量度人。

東南无極碧落空歌玉音神王，長生大聖，无量度人。

西南无極碧落空歌玉音神王，長生大聖，无量度人。

西北无極碧落空歌玉音神王，長生大聖，无量度人。

上方无極碧落空歌玉音神王，長生大聖，无量度人。

下方无極碧落空歌玉音神王，長生大聖，无量度人。

十方至真碧落空歌玉音神王，長生度世无量大神，並乘碧霄綠輿紋輪，驂駕青鳳蒼甲玄龍，建碧霞之節，十絕靈幢，前嘯玉瑄齊唱，後吹瑤籥同鳴，神禽玄鶴，和音嚶嚶，宛與空歌，協音流暢，天卿秉策，元帥扶轅，億乘萬騎，泛碧而來，歌動海嶽，聲越金石，傾光回駕，監真度生。諸天丞相，上清公卿，霄極神宮，碧空大聖，雲營四司，剛風九道，監仙大神，按籙御圖，齊到帝前，推校仙名，嚴劾六天。能知碧落洞章

空歌至音，神包太空，炁停大淵，過度世厄，宿命應仙。普告三界，无極神鄉，泉曲之府，自非天維所關，碧霞鬱壘九陽之界，籍在三官，列階九府，十二河源。上解祖考，億劫種親，積逮復連，冥考冢訟，罪錄所刊，速落惡根，不得拘留，度魂命仙。元始符命，時刻升遷，夜河積屍，漏瀆寒泉，隱停罪役，檢制形魂，度品青宮，碧霞絡骨，神音入玄，召集百神，九宮復完。生身受度，劫劫長存，永不輪轉，與道忘年。永度傷柱景休開生驚死八關，超登長生，過度留難，逍遙上清。上清之天，碧落之炁梵行。

東方六天

碧落之炁起角宿，一度一杪一虛，漸次北行。

碧梵玄无天，帝采覺會英。

碧空臻際天，帝辨極宛頃。

碧羅元始天，帝洞真飛生。

碧合澄開天，帝越常典興。

碧顏朱景天，帝惠廓孚生。

碧宏虛曠天，帝重盅途。

南方六天

碧落之炁起箕宿，十二度一厘之杪，以次北行。

碧真洞陽天，帝九笏空玄。

碧瑶絳宮天，帝龍混覺。

碧霞明素天，帝紫景空崇。

碧无耀洞天，帝茂極越宜。

碧運始圖天，帝元延九真。

碧浩正虛天，帝都加遠稀。

西方六天

碧落之炁起女宿，三度十二杪之半，以此北行近西。

碧神照智天，帝常無覺。

碧冲紫耀天，帝定極太元。

碧蓋梵空天，帝妙詢尤延。

碧洞霞陽天，帝眇莽自真。

碧華開曆天，帝無婁慶玄。

碧梵明遙天，帝子虛太明。

北方六天

碧落之炁起井宿，十五度二十四分之半，此真碧落之維。

碧光寒華天，帝龍耀化真。

碧液注延天，帝玄神太都。

碧丹化炁天，帝泥樓偃京。

碧廓慈明天，帝彥生元常。

碧落歌音天，帝浮黎妙孚。

碧虛凝陽天，帝妙恭太寧。

二十四天，二十四帝，碧落隱文，

碧落隱名，碧落天中，空洞自然，空歌

靈音，諸天隱韻。天中之音，天中之

尊，天中之神，天中玉文，天中之靈。

九變六合，變化上清，碧落之奧，深不

可詳。敷落至真，普度天人，雲章霞

書，曲折成音。金清土濁，木浮火輕，

太一為水，渾然其音。五炁就位，五宮

遂成，碧霞絡空，神風鼓吟。流商抑

徵，含宮蘊羽，空歌合奏，萬天起舞，今

日大慶，受度碧天，歷告三元，請斷五

西，七世魔冤，削落死根，續命生元，出

離太陰，乘駕青龍，存揖玉女，正坐明

堂。下遊九宮，伏藏天牢，隱淪八地，

出沒無方。碧落至真，玉音神王，聚煙

攝炁，遏絕鬼門。東斗玉光，西斗皓

華，北斗太妙，南斗輝耀，中斗黃雲，覆

我生方，五炁錯霞，碧空成章。青帝執

竿，白帝振鐔，赤帝伐鼓，黑帝擲鈴，黃

帝奉塤。吹噓揚音，合奏空歌，碧落仙

京。中有太皇，服御飛青，左嘯伯華，

右嘯君成。青天玉音，玉文自成。赤

天玉音，神迹天經。白天玉音，戛石叩

瓊。黑天玉音，萬羽蔚興。黃天玉音，

神謠太清。五天玉音，碧落俱登。空

歌梵響，詠道无名。无極神王，騎虎乘

鯨，吐火萬里，飛雷鎮兵。泛景碧空，

下極杳冥，屠割馘裂，誅斬鬼營。諸天

大魔，嚴衛火兵，六天作炁，百靈首名。

清蕩羅都，鬱絕洞溟，揮戈楊旛，流矢

沸鉦。號呼北山，鬼無逃形，五帝銜

命，四公校籍。有功者錄，有過者停，

鬼主六目，電師徂身。流火騰毒，八道

速并，敢有干試，拒遏上真。碧空神

音，自然之書，玉帝之敕，上清之符，火

鈴風鐸，萬神前驅。普告無窮，六天咸

聽，三界五帝，列言碧虛。

元始玉精，光停碧儲，泛乎杳冥，

神道以敷。太空莽莽，萬真開圖，上浮

下沉，東卷西舒。流彩九門，景賁三

途，太上神公，威極有無。玉斧金霹，

萬天立呼，洞章四張，斑斑寶書。碧霞

吐芒，龍翔鳳翥，縷飄仙錦，雲蟠寶觚。

碧空道英，變化無無，天上天下，無空無冥，無光無聲，無色無名，浩廓遐邈，混一非成。成與道形，形為玉京，碧峰峨峨，大有妙庭。中有元始，貌奪雌嬰，披服青袍，攢帶月明，頭建神光，足乘五靈，碧霞凝空，神風八衝，谷神幽鳴，空歌有聲。是為靈寶赤書，九天真文，保制劫運，我道永存。碧落彌羅，萬象周張，妙炁回度，二十四天。輪轉角氏，井鬼柳房，炁入上玄，隨斗低昂。元炁所行，造化太陽，炁鍊成文，文錯為聲。聲因風激，霞精九靈，音謠蕩魔，下制冥河。碧煙右旋，總炁上元，空碧冥合，炁入玄玄。玄中玉尊，抱日而明，徘徊龍澤，檢御朱兵。敢干我者，戮以天丁，神旗翻翠，浪搖太清。紫雲結華，綠英散庭，千離萬合，鍊炁成真。真中有神，碧真上嬪，霞章仙支，太一高真。帝宸玉輔，天老同卿，吹陰嘘陽，保命絳津。上遊上清，出入丹房，三竅之內，下連黃庭。白雲幽門，素霜層凌，碧霧羅迎，下鎮人身。蘭臺有宮，紫玉重城，中有大神，號曰

無英。身輝青光，口嚙玉津，變化自然，與空無形。中理五斗，敕制百靈，九道還明，三元應仙。仙道貴真，无量度人，上入玄門，飛步九宸。罪福禁戒，宿命因緣，身登華宮，脫離幽冥。骨鍊屍滅，飛魂生身，身得受生，上聞諸天。諸天之上，廓落仙門。中有神王，碧落空歌，道玄之章，辭參高真。

第一東方无極碧落空歌玉音神王之音  
太无非神，道受其靈。化變無方，用之至神。道不顯神，至化冥冥。神煙蔚青，逍遙玉京。

第二南方无極碧落空歌玉音神王之音  
眇眇逮臺，花文龍書。成此空歌，碧宮絳輿。周遊九天，令音簫竽。詠此道王，至真無餘。

第三西方无極碧落空歌玉音神王之音  
奎張帷西，落落明璣。洞碧涵炁，炁與空齊。真炁無形，真道無名。藉此空無，玉真自成。

第四北方无極碧落空歌玉音神王之音  
大牛玄犁，戌亥飲之。陰胞已除，天斗陸離。孕育萬類，調養六儀。呱呱夜號，鬼庭散披。

第五東北无極碧落空歌玉音神王之音  
玄鳳在場，洞洁至陽。碧霞扇空，歌吟神風。聲淒韻微，道有希夷。我界黃丘，萬生得宜。

第六東南无極碧落空歌玉音神王之音  
帝乘丹車，號令天門。碧書金函，部索冥魂。鍊炁赤明，青芽發生。歌洞神音，大姥驂軒。

第七西南无極碧落空歌玉音神王之音  
鳥母執幢，水王捧節。王鎖度人，九幽澡雪。龍仙轉機，東井浴月。今日大慶，祖考分別。

第八西北无極碧落空歌玉音神王之音  
天父黃髮，錦衣萬花。口吹陽光，

足蹈神蟆。玉刀斷魔，鐘鼓斯鏗。斬血玄黃，碧落道昌。

第九上方无極碧落空歌玉音神王之音

碧霞浩浩，彌羅玉清。印空成字，八會洞文。植至道根，化生群倫。巍峨天臺，中有帝君。

第十下方无極碧落空歌玉音神王之音

壘壘剛澤，風海洞冥。玄老校籍，火煙鐵城。黑虺張牙，毒獸啖形。天光時來，萬苦息停。

此碧落之上，十方之中，玉音神王，自然歌音。誦之百徧，名度青宮。誦之千徧，神王保迎。萬徧道備，飛昇太空，過度三界，上清真公。有聞玉音，百靈衛形，敕制地祇，出入送迎，超出地戶，三灾九厄，七祖昇遷，永離冥關，魂升碧宮，太一之家。碧爲四宮，御袞乘龍，匪若黑赤，斗逆步凶。碧空至真，知者大通，壽年无極，錄記玄功。有祕上天音，諸天共所崇，泄慢墮地獄，禍及七祖翁。

道言：此洞章並是碧落神王十方

玉音，自然至真神王隱祕之音，皆是大梵之言，非世上常辭。以明碧落空歌，爲至真上道。大以參玄乘化，出入萬機，正運玄度，開世成天。小以身致神仙，飛昇上清。夫碧落之炁，於人爲耳目，下通肝腎之精，出坎入離，晝夜用之。腦戶神鑪之中，當有玄丹，大如黍豆，出子耳中。子得而服，換骨易形，上爲帝賓。其道若成，神遊碧土，洞見碧城寶樓玉闕，龍虎崢嶸，師子白鶴，蛟虯至循，碧落世界，萬里逡巡，故非世學，難可尋詳。上天所寶，祕於玄都紫微上宮，依玄科四萬劫一傳。若有至人齋碧玉之環，青錦之紋質心，依格盟告上清，然後而付焉。

道言：夫高厚之運，亦有差次。

三光九元，亦有隱伏。至聖神人，亦有隱顯。末學之夫，亦有人患。凡有此灾，同炁皆當齊心修齋，六時行香，十徧轉經，空歌神音，福慶自生，玄真立降，消諸不祥。无量之文，普度無窮。

道言：夫末學道淺，或仙品未充，

運應滅度。身經太陰，臨過之時，同學至人爲其行香，誦經十過，使碧落空歌之音，招其魂神，碧落之炁，下連骨相，六腑生明，真炁自生，以度屍形如法，魂神經上青宮，隨其學功，計日而得更生。轉輪不惑，使得神仙。

道言：寅申失軌，亦當修齋，行香

誦經，儀璘勃暗，亦當修齋，行香誦經。水火激射，民炁不調，亦當修齋，行香誦經。國界侵虞，兵盜不息，亦當修齋，行香誦經。異氣爲灾，民病疫癘，亦當修齋，行香誦經。師友命過，亦當修齋，行香誦經。夫齋戒誦經，功德甚重，上正天運，中安帝王，下除毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主

兆民，行是功德。有灾之日，發心修齋，燒香，誦經十過，皆諸天記名，萬神侍衛，右別至人，剋得爲碧落帝君青宮之臣。諸天記人功過，毫分無失。天中神王，亦保舉爾身，得道者乃當洞明至言也。

諸天中大梵碧落空歌隱語无量音

道君撰

元始靈書碧霞玉文靈篇

東方六天

銜鏡鬱峨，霞露四空。容景杳期，斗胃斯容。明薄九陽，周遊至宗。會辨酉正，入走八通。丘坎鼎除，金錄月春。抱明玉野，靈章夷冲。

南方六天

井生尾箕，柳張合岐。正鈴東嘉，雲龍瓊飴。再命黃絡，邁隅壁支。炁運普口，林嶼玉眸。道幾正圖，五陽交宮。蘿媛紫景，玄孚散公。

西方六天

蕭池禺微，珠明夜霏。鬼柳冥疆，走籍火池。洞馬調合，玉妃散夷。昂張並驅，女室相宜。陽靈曲淨，金鉉虎姬。錯帝彥辰，芙天太儀。

北方六天

昆太傍由，路正獄琳。琳悔駿施，火公電侯。正笑正池，淨明仙謀。鉤

合靈便，殿軍伯修。无无太采，洞臨逆樓。龍機河銘，紫微九丘。

道言：此碧落空歌大梵隱語，无量之音。舊文字皆碧霞宛轉，曲折成文，垂芒八會。天真皇人雲迹句留，筆而錄之，以為正音。有知其音，能齋而誦之者，諸天皆遣玉音神王，碧空至真自然大神，下觀其身，書其功勤，上奏諸天，萬神朝禮，地祇侍門，大勳魔王，保舉剋得，遊行碧落，身御青門。此音無所不襪，無所不辟，無所不度，無所不成，碧落神風，自然之音也。故誦之致飛天碧空大神下觀，上帝遙唱，萬神朝禮，三界侍軒，群祿束首，鬼精自亡，神風振響，碧落洞清，十方交映，海嶽淵澄，空洞凝光，照映合明，群仙稽首，飛騰玉京，天地曠極，神音泠泠，冥慧无極，大量玄玄也。

靈寶无量度人上品妙經卷之二十

靈寶无量度人上品妙經卷之二十一

生化胎根斷除邪穢品

道言：昔於始青天中，紫霄空歌太極玄土，受元始度人生化胎根斷除邪穢无量上品。元始天尊當說是經，周回十過，以召十方，始當詣座。天真大神，上聖高尊，妙行真人，無鞅數衆，乘空而來。絳煙捧塗，華晶耀輦，丹碧浮駕，洞光羽輪，五明錦色，蓋映霞芳，九氣合彩，洞煥太空。七日七夜，諸天樓闕遙開，玉毫隱顯，星珠絡緯，日景自停，神陰舒輝，金波泛滉，璇璣玉衡，還幹靈和，注泱空海，神風回混，翠峰蟠偃，天無浮翳，四氣明清，一國地土山川林木，緬平一等，無復高下，土皆作碧玉，無有異色。衆真侍座，元始天尊玄坐空浮七宸九華明離寶座之上。說經一遍，諸天大聖同時稱善，是時一國男女，妙氣凝胎，生根超秀。說經二



遍，邪穢斷除，結節通解。說經三遍，神棲空洞，梵氣冥涵。說經四遍，骨有玉華，顏揚金色。說經五遍，七世散仇，福堂慶會。說經六遍，紫煙灌身，百神愷樂。說經七遍，雄雌混化，三昇遊。說經八遍，神光內映，徹見百關。說經九遍，心悟洞靈，證真帝臺。說經十遍，策名玉清，侍宸金闕，是時一國是男是女，莫不傾心，皆受護度，咸得長生。

道言：是時元始天尊說經一遍，東方无極无量品青帝梁虛生，化胎至真大神，無鞅之衆，浮空而至。說經二遍，南方无極无量品赤帝仲明賓，除穢至真大神，無鞅之衆，浮空而至。說經三遍，西方无極无量品白帝詡成豫，化胎至真大神，無鞅之衆，浮空而至。說經四遍，北方无極无量品黑帝元道冥，除穢至真大神，無鞅之衆，浮空而至。說經五遍，東北无極无量品八景明微君，化胎至真大神，無鞅之衆，浮空而至。說經六遍，東南无極无量品八景玄靈君，除穢至真大神，無鞅之衆，浮

空而至。說經七遍，西南无極无量品八景真華君，化胎至真大神，無鞅之衆，浮空而至。說經八遍，西北无極无量品八景靈暉君，除穢至真大神，無鞅之衆，浮空而至。說經九遍，上方无極无量品八景吟穴君，化胎至真大神，無鞅之衆，浮空而至。說經十遍，下方无極无量品八景祕形君，除穢至真大神，無鞅之衆，浮空而至。十遍周竟，十方无極天真大神，一時同至，一國男女，傾心歸仰。來者各相謂言，元始天尊在始青天中，演說生化胎根斷除邪穢之法，我等自入流轉，不出生死，貪嗔愚癡，墮在諸有，雖福業因緣得生天上，而諸天人愛迷執戀，纒捨塵染，尚居細塵，習氣不除，動罹結滯，感化胎元，不得淨盡，生根堅固，著於不滅，以住爲本。不知道體玄妙，包養太空，九聖十真，本無生滅。胎根未斷，致此撓競，互相變化，遞爲種族，屍血流行，骨壞形朽。我雖天人，未出三界，形未獨化，與道相隔，縱使化身，猶在色境。故於相視接手，語言音聲，不契大洞。

使三尸蕩流，穢血生瘕，邪魔乘襲，背遠真道。今當傾聞法音，而繞天座，億劫之衆，一時同會，非可禁止。於是元始垂衣正視，命黃素元君，執方規之鑑，天地真形，支勢成字，白素元君擊洞陽之鐘，十方合響，萬天交唱，紫素元君垂浩景之珠，大如黍米，在空玄之中，去地九丈。元始登引，天真大神，上聖高尊，妙行真人，十方无極，至真大神，無鞅數衆，俱入寶珠之中。天人仰看，惟見勃勃從珠口中入。既入珠口，不知所在，國人廓散，天光輝映，萬氣肅清。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，解散結節，斷絕邪源，傾土歸仰，咸行至心。忘累忘有，忘化忘得，忘念忘情，忘識忘動，忘息忘形。言無理宗，口無欲聲，齊同慈愛，異骨成親，國安民豐，欣樂太平，經始出教，一國以道，預有至心，宗奉禮敬，皆得度世。

道言：元始天尊說經中所言，並

是諸天上帝內名，隱韻之音，亦是魔王內諱，百靈之隱名也，非世之常辭。皆生化道胎，清鍊胞根，斷除邪氣，斬滅血屍，修真洞極之要言。上聖已成真人，通玄究微。能悉其章，誦之十過，諸天遙唱，萬帝設禮，河海靜默，山嶽藏雲，日月停景，璇璣不行，群魔束形，鬼精滅爽，回屍起死，白骨成人。至學之士，誦之十過，則胎根生化，無有世緣。邪穢凋落，百神合形，五帝侍衛，三界稽首，魔精喪眼，鬼祿滅爽，濟度垂死，絕而得生。所以爾者，學士邪穢漸消，心未洞玄，以制十方，咸未制天政，德可伏御地祇，束縛魔靈，但得度身而已，不能普濟萬生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人無量，為萬道之宗。巍巍大範，德難可勝。

道言：凡誦是經十過，諸天齊到。玄上丈人為兆解稟胎已來宿血痕穢，赤黑大滯。西明君為兆解胞中積水腥汗，屍鬼潢溺，泉曲寒池之覺。訟在水

官，考注不止，連及生人，生死之根，灾禍萌蘖，不得興作。使胎根生化玉液，仙英妙姿，自然得道。七魄遊逸，魔彭伺姦，外構邪鬼，淫犯胎宮，夜夢燕樂，與鬼同營。太上玉帝以紫光九靈寶札，詣南宮韓君丈人，天機省中，監簿按籍，檢考善功，生化胎根，斷除邪穢，億曾萬祖，幽魂苦爽，皆即受度，上升朱宮，格皆九年，受化更生，得為貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，皆即受度，飛昇南宮。世人受誦，胎根惡濁，鍊化故氣，尋得斷滅，生化仙真，邪魂穢魄，淘澤清淨，則延壽長年。後皆得作屍解之道，魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，上部

九宮青帝羅文英，執青宮之符，開兆百關，解散結節，帝一內權，紫煙灌身，神光洞照，羽輝映玄，為上世亡魂，斷地逮役，度上南宮天機省也。七月長齋，誦詠是經，中部九宮白帝寓文昇，執素靈之符，為兆生化胎根，使斷凡因，流轉停關，邪正速分，穢垢清蕩，日霞瑩形，太素生五臟，七雲入泥丸，身得神仙，諸天書名，黃籙白簡，削死上生。十月長齋，誦詠是經，下部九宮黑帝鄭文通，執黑帝之符，入兆膀胱中，使胞胎屍滅，百穢遏絕，邪魔祿爽，然骨瀝血，兆體有五帝之玉暉，面有流金之皓姿，常與太一公寢，魁抱明月，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，得為九宮真人，三元三宮，二十七真，雄一无英，雌一白元，五宮奇耦，交變又玄，生化胎根，掃誅邪源，孕精流光，玉嬰生蓮，帝一坐壇，萬靈莫先。本命之日，誦詠是經，十二大結，三百六十骨節，八關九宮，神蓋童子，中池內神，感鍊變易，

生化胎根。斷除邪穢，使身不傾，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，三部八景，二十四真，環衛嚴肅，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄，靈寶本章，生化胎根，斷除穢氣。十回度人，百神定命，離合自然，雌一變魄，雄一化魂。混沌變化，中有帝尊，呼陽召陰，鍊精玉胞。升降明堂，輝映景霄，內結流珠，融媁萬方。紫霞素雲，玉嬰金光，絳闕神池，宛轉冷風。下有北都，萬鬼之營，青蠱白姑，蝕兆胎靈。赤黑二魔，賊命之基，帝君符告，勅斬血屍。洗淨胎穢，與氣交并，鼓冶真元，運化太冥。上宮圓虛，洞房玄丹。明童持火，焚燼邪根，嬌女聞簫，辟非和煙。帝真胞命，策名上玄，靈府散朗，位登高宸。鬱罷蕭臺，玉山上京，上極无上，大羅玉清。眇眇劫仞，若亡若存，下備一身，主制七關。三部八景，森列萬神，三華離便，大有妙庭。金闕玉房，玄輝耀靈，大布正炁，周回十方。中有生化胎根之神，中有斷除邪穢之君，中有混合百神之君，中有解結散節之神，中有

變胎易胞之神，中有南極長生帝君，中有東極青華帝君，中有天機韓君丈人，中有南上司命司錄延壽益筭度厄尊神。回骸起死，无量度人，今日校錄，諸天臨軒。東方无極飛天定生神王，長生大聖，无量度人。南方无極飛天感化神王，長生大聖，无量度人。西方无極飛天變胎神王，長生大聖，无量度人。北方无極飛天斷根神王，長生大聖，无量度人。東北无極飛天易胞神王，長生大聖，无量度人。東南无極飛天解結神王，長生大聖，无量度人。西南无極飛天散節神王，長生大聖，无量度人。西北无極飛天極真神王，長生大聖，无量度人。上方无極飛天去邪神王，長生大聖，无量度人。

下方无極飛天除穢神王，長生大聖，无量度人。

十方至真飛天神王，長生度世无量大神，並乘翠霞三景瑤輦，素雲十華丹輿，羽蓋瓊輪，驂駕朱鳳，五色玄龍，建九道招神之節，七絕霜羅之旛，前嘯九鳳齊唱，後吹八鸞同鳴，靈真導前，吟詠洞章，群仙景從，嘯歌噦噦，億乘萬騎，浮空而來，傾光回駕，感化定生。天機丞相，南昌上宮，韓司主錄，監生大神，爲兆胎根，生化玄靈，胞門紫房。中有大神，叩玉鳴鐘，擲火流鈴，滌盡氛穢，去血屍彭，結節赤黑，二十四關，布兆生氣，除却邪紛，執籙把籍，齊到帝前，隨所應度，嚴校諸天。普告三界，无極神鄉，泉曲之府，北都羅酆，三官九府，十二河源。上解祖考，億劫種親，疾除罪薄，落滅惡根，不得拘留，逼合鬼群。元始符命，時刻升遷，胎根生化，返塵歸真，斷邪除穢，招鎮百神，七祖散仇，五帝監盟，北都寒池，變化形營，鍊骨成仙，出入无門，制魔保舉，度品南宮。死魂受符，仙化成人，生身受

度，劫劫長存。隨劫流轉，與天齊年。永度三塗，五苦八難，超凌三界，逍遙上清。上清之天，天帝奎零，無色之境梵行。

東方八天

至真堂回天，帝輝離无生。  
虛洞普搖天，帝賀真彌倪。  
遠師崇濟天，帝淵虚子銀。  
皓景環宗天，帝栢雲孳光。  
略无燕神天，帝俎司越章。  
牛岵兆壺天，帝直盧奚敦。  
妙宮蔽无天，帝亮辨由都。  
顧靈定度天，帝康化治衍。

南方八天

喬繁麗空天，帝變无元昌。  
持命典仙天，帝覺玄覽常。  
元師究由天，帝寂度孟斗。  
霸澤回華天，帝理名正騫。  
太素夷微天，帝廓益遼真。  
序乾標谷天，帝羊輅國賓。  
道表臻祥天，帝麓錫來。  
冥轉運邦天，帝慶祖辭仁。

西方八天

龍玄胎神天，帝車梁賜蒂。  
丘定漾炁天，帝頤窮景冲。  
昭力支羅天，帝九用兹瀛。  
孝至岡虞天，帝極根環元。  
洞化寶陽天，帝玉汴自檀。  
靈緒混甘天，帝產珠凝方。  
救牢拔塗天，帝蔽山都真。  
流曜絳章天，帝晋關肇宣。

北方八天

耿易火帝天，帝强完明華。  
意寶聚真天，帝百憩陰成。  
溉本歷孚天，帝知玄得容。  
河陣肆師天，帝穀原彦昇。  
鑄精育神天，帝交鈐紫肆。  
胞命元化淨光天，帝秀隆幽虚。  
芒旹欲度天，帝並炁壺完。  
觀竺吉猷天，帝正瑛寂仙。

三十二天，三十一帝，諸天隱諱，諸天隱名，天中空洞，自然靈章，諸天隱韻，洞真之音。洞无之尊，洞觀之神，攝制大魔，變化神靈。臭肺吞賊，與天同生，飲血搖精，潛伏胎根。使命天闕，仙道不成，屍鬼改易，飛身泥丸。

隱藏胞蒂，陰構外邪，入登玄窗，薰亂宸霞。上帝斬摧，神燕玉堂，九和十合，變化空常。无量之奧，深不可詳，敷落神真，普度天人。今日欣慶受度，歷關諸天，解散結節，斷絕胞根，飛度五戶，名列太玄，魔王監舉，無拘天門。東斗延生，西斗鍊胞，北斗除穢，南斗化胎，中斗混洞，一合生神。青帝徊風，白帝命靈，赤帝保根，黑帝澡形，黃帝守中，胎穢不生。青天魔王，鬱珠洞羅。赤天魔王，炎光滅精。白天魔王，斷胞交真。黑天魔王，伐邪命神。黃天魔王，洞觀太英。五帝大魔，萬神之宗。飛行三界，總攝真胎，揮邪命靈，七關廓開。流布妙化，上變九回，穢滯既蕩，骨肉同飛。天真承命，召致福祥，真功內充，神威外張。凶妖殞息，邪精伏藏，浩炁纏結，三丹玉房。共輔帝化，却滅凶衰，六天大醜，豁落誅摧。金光散景，玉道交馳，拔度七祖，擯絕百非。三官黑書，永落禍基，不得容隱，明正元機。普告無窮，萬神總歸，遊宴玉闕，列言太微。

空洞九玄，玉帝玄靈，招霞散景，含虛紫煙。降神玉妃，舞華胎仙，道本生化，靈根無垠。高極太无，上列諸天，天上天下，无幽无冥，无形无影，无極无窮。溟滓大梵，寥廓无光，赤明開圖，運度自然。元始安鎮，敷落五篇，赤書玉字，八威龍文。保制劫運，使天長存，梵炁彌羅，萬範開張。元綱流演，三十二天，下逮一體，混化五神。

真命應仙，玄紀彌綸，九府六卿，列坐蓮胎。玄一洞魂，踞斗跨魁，左扶火王，右奠伯嬰。掃穢除邪，玉靈四開，位證金宸，制到萬靈。輪轉无色，周回十方，乘躋飛步，幹運七元。驅除邪穢，澄廓璇羅。充溢七門，灌養青芽，二十四圖，總攝真方。八景冥合，升降混黃，中有玄一，上帝高真。泛景太霞，嘯詠洞章，金真朗郁，流響雲營。玉音攝氣，靈風聚煙，紫虛鬱秀，輔翼萬仙。千和萬合，自然成真，真中有神，長生大君。紫戶青房，流鈴大神，坐鎮明堂，守護玄真，執符把籙，生化胎根，斷除邪穢。出入九宮，八景之

內，細微之中，蕩淨胃池，通理百關，速召萬神，混合泥丸，十轉回靈，與氣齊仙。仙道貴生，无量度人，上開八門，飛天法輪。罪福禁戒，宿命因緣，普受開度，死魂生身，身得受生，上聞諸天。諸天之上，各有生門，中有空洞謠歌之章，魔王靈篇，辭參高真。

#### 第一欲界飛空之音

人道眇眇，仙道莽莽。鬼潛胎根，當人生門。使爾愚凡，不樂仙真。虛宮襲邪，穢腐來攻。高上清靈爽，洞微同太虛。生化寶胎根，使爾仙道成。故氣隨日消，神風起崑崙。太洞觀玉真，紫雲繞絳庭。公子授靈符，帝一俯仰存。謝此帝穢途，八道自然分。羽蓋殊翩翩，羽駕適九清。錫告華天英，瓊文燦靈篇。

#### 第二色界魔王之章

眇眇高虛，瓊闕峨峨。元始靈章，普教仙賢。下極綱維，上極諸天。无量之奧，皆同我身。如何邪穢，亂我胎根。血屍沉骸，陰魄拘魂。寶山化銷，何能獨存。玄受靈符，致身帝前。此

時樂兮，面返玉嬰。赤明既往，猶能別真。我界輕染，故錫寶文。除蕩氛累，召集百靈。鍊胎飛仙，授命玉宸。淨穢凌空，上爲帝賓。

第三無色界魔王歌曰

骨有太空，中蟠古尸。故氣紛紛，凋爾靈芝。胞戶翳塞，欲華四披。血沉奇理，穢絕元機。我位上王，統御群靈。左持玉符，右呼天兵。蠱積胎根，擲以流鈴。使命永延，萬姦消摧。三十九真，赤書開光。生道妙玄，服此天章。干試無前，我道其昌。洞空洞无，洞真洞仙。飛神玉霞，沂車碧煙。

此三界之上，飛空之中，魔王歌

音，音參洞章。誦之百遍，胎根清正，名度南宮。誦之千遍，永斷邪穢，魔王保迎。萬遍道備，飛昇太空，過度三界，位登仙公。有聞靈音，魔王敬形，勅制地祇，侍衛送迎，拔出地戶，五苦八難，七祖升遷，永離鬼官，鍊度朱陵，受鍊更生。是謂无量，普度无窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王隱祕之音，皆是大梵之言，非世上常辭。言无韻麗，曲无華宛，故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶質心，依舊格告盟十天，然後而付焉。

道言：生民俗无至緣，識託業化，胎命凡頑，生根不真，朽蝕腐敗，以道化鍊，妙感通神，邪魅穢沫，害蠱節中，隨結不開，致冥爽來舍，三真退席。上學同氣，皆當齊心修齋，六時行香，十遍誦經，福德立降，消諸不祥。无量之文，普度无窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。胎根淨固，魂臺四明，邪穢斷除，仙聖爲鄰，魂神經上南宮，隨其學功，計日而得更生。轉輪不惑，便得神仙。

道言：夫生體不固，每有疾傷，胎穢攻蝕，面焦髮素，孕育不成，嗣係夭折，起居備劣，道炁斷息，三尸鼓動，致

兆死傷，皆當修齋，行香誦經。夫齋戒誦經，功德甚重，上可生化胎根，保身得道，下除邪穢，以度兆民。生死受賴，其福難勝，故曰无量，普度天人。

道言：凡有是經，能爲師友兆身民人，行是功德。有災之日，發心修齋燒香，誦經十過，皆生化胎根，斷除邪穢，右別至人，剋得爲聖君金闕之臣。諸天記人功過，毫分无失，天中魔王，亦保舉爾身，得道者乃當洞明至言也。

諸天中大梵隱語无量音 道君撰

元始靈書中篇

東方八天

真庭獻莊，混璧卷常。月離珉施，几葉洞梁。嶼車錫磬，休留忘襄。馬焉胡旗，震正允臧。道密意綿，玄圖洞桓。兆寂孔幽，夷邈眇聞。旨在爰應，駢貫感番。流淇温靜，空觀无還。

南方八天

素氣徊豫，華跡采滋。延醜戮暑，英照淵昆。竭帝邃京，玉倉璉瓊。霞

枚雲施，子丹雲征。秀珠蔚華，南韓肆駢。宰聽幽貴，天機監元。綸極太冥，亢孤攝煙。龍運祕標，默目返緣。

### 西方八天

欵悲觸荑，仁澤流涓。槁梗昭炫，靈化杳傳。混浩莽都，景驥飛旋。長古轉臺，運逸孔堅。便穴液持，澱靈龍鰓。偃驅神虛，相主八關。演岢襲道，部鄒球奚。胎居消晶，玉津明微。

### 北方八天

鬼適啖茹，辛牢莛錮。勅校九天，省錄韓注。希恍罔睹，覺超意龍。昇祛翔周，神虎萬丘。洛歌嘯宛，叩鳴和澗。問絕溢酬，化樞既辨。陀仙浮闐，嵩漾林縣。寶屈體光，梵布于鍊。

道言：此諸天中大梵隱語，无量之音，舊文字皆廣長一丈。欲生化胎根，斷除邪穢，即布丹書石上，坐誦洞文，則尸賊伏匿，雀陰嘯怖，琚驕喪睛，姑俞竄隱，天素佩身，百靈朝謁，檄統萬神。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸

天，萬神朝禮，地祇侍門，大勳魔王，保舉上真，道備剋得，遊行三界，升入金門。此音无所不辟，无所不禳，无所不度，无所不成，天真自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祆塵，冥慧洞清，太量玄玄也。

### 靈寶无量度人上品妙經卷之二十一

## 靈寶无量度人上品妙經卷之二十一

### 飛神召靈品

道言：昔於始青天中，九華瑩徹，靈明扶宮，受元始度人飛神召靈无量上品。元始天尊當說是經，周回十過，以召十方，始當詣座。紫清仙界，梵炁靈音，三天道主，玉宸聖君，諸天上帝，金闕高真，无鞅數衆，乘空而來。飛雲丹霄，綠輿瓊輪，羽蓋垂蔭，流精玉光，五色鬱勃，洞煥太空。三日三夜，諸天日月星宿，璇璣玉衡，一時停輪，神風靜默，山海藏雲，和炁遼遠，紫霧氤氳，天無浮翳，四氣朗清，一國地土山川林木，緬平一等，無復高下，土皆作碧玉，無有異色，衆真侍座，元始天尊玄坐綠霄回旋，泛光碧玉寶座之上。說經一遍，諸天上帝稽首言善，法始出世，人皆見妙理。說經二遍，三界萬天，歸仰讚歎，人獲長生。說經三遍，數出五

行，无有生滅。說經四遍，外境湛然，內境明悟。說經五遍，生路可開，死戶立閉。說經六遍，炁序和平，四時混一。說經七遍，生死快樂，无有窮已。說經八遍，悟解妙法，得升仙境。說經九遍，鳥獸草木，咸得盡數，不被夭傷。說經十遍，幽魂滯魄，久沉地獄，皆得解脫，是時一國是男是女，莫不傾心，皆受護度，咸得長生。

道言：是時元始天尊說經一遍，東方明耀十天帝君，從吏神兵，无鞅之衆，浮空而至。說經二遍，南方赤明十天帝君，從吏神兵，无鞅之衆，浮空而至。說經三遍，西方素明十天帝君，從吏神兵，无鞅之衆，浮空而至。說經四遍，北方玄明十天帝君，從吏神兵，无鞅之衆，浮空而至。說經五遍，東北洞明十天帝君，從吏神兵，无鞅之衆，浮空而至。說經六遍，東南耀明十天帝君，從吏神兵，无鞅之衆，浮空而至。說經七遍，西南離明十天帝君，從吏神兵，无鞅之衆，浮空而至。說經八遍，西北靈明十天帝君，從吏神兵，无鞅之

衆，浮空而至。說經九遍，上方通明萬天帝君，從吏神兵，无鞅之衆，浮空而至。說經十遍，下方普遍重壘山谷洞

天主宰，神兵鬼官，无量數衆，升空而至。十遍周竟，十方无極天真大神，一時同至，一國生靈，虔心稽首，來者有如海波洋溢，地泉湧發，无鞅之衆，迨國一半土皆偏陷，非可禁止。於是元始化光，自眉間出，騰耀萬方，分身入於光中，各有元始聖像。然後光明復入眉間，聚成圓珠，大若乾坤，普照天地，化形无體，變象自然，虛空天界，盡入圓珠中。天人仰看，惟見萬身元始，萬天帝君，勃勃從珠口中入。既入珠口，不知所在。國人廓散，地還平正，无復欹陷。元始即於光明圓珠之上，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂无遺響。是時天人遇值經法，普受天恩，咸得濟度，全其本年，无有夭傷，傾土歸仰，咸行善心。无盡无滅，无敗无壞，无損无去，无離无散，无死无傷，言无華綺，口无惡聲，

齊同慈愛，異骨成親，國安民豐，欣樂太平，經始出教，一國以道，預有至心，宗奉禮敬，皆得度世。

道言：元始天尊說經中所言，並是三景上帝祕密隱奧之文，亦是玉宸大帝化形召真之隱名也，非世之常辭。上聖已成真人，飛神召靈，通玄究微。能悉其章，誦之十過，萬天恭禮，三界聽法，河海靜默，山嶽藏雲，日月停景，璇璣不行，陰陽翕和，晝夜皆明，群魔束形，鬼精滅爽，回屍起死，白骨成人。至學之士，誦之十過，則五帝侍衛，三界稽首，鬼官束形，魔精受法，濟度垂死，絕而得生。所以初學道士，血穢未除，神不通爽，身不清寧，體未洞真，以制十方，威未制天政，德可伏御地祇，束縛魔靈，但爲華文，不究精微。輕誦此章，身則被殃，禍連九祖。供養尊禮，門戶興隆，世世昌熾，得爲真仙，萬灾不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，諸天齊到，



億曾萬祖，支連屬籍，皆即受度，上升朱宮，格皆九年，受化更生，得爲真人。而好學至經，功滿德就，皆得神仙，飛升金闕，遊宴玉京也。上學之士，修誦是經，神完炁具，飛升南宮。中學之士，受誦是經，皆即受度，得爲神仙。

下學之士，悟解此經，即得五行備足，去來由己，不沉鬼官。若復投胎，再受是經，即獲飛升，遊行太空。此經微妙，普度無窮，一切天人，莫不受慶。集无量之道，生死蒙惠，上天所寶，不傳下世，永祕玉府。三萬六千年劫運當興，盟天而傳。輕泄漏慢，殃及九祖，禍災門閥，長役靈官。神兵將吏，侍經五帝，神司朱靈金童，青腰玉女，各三十六人，營衛神文，保護受經者身。

道言：正月長齋，誦詠是經，飛神召靈，魂飛九天，與道合真。七月長齋，誦詠是經，神靈不昧，出入杳冥，洞達幽微，永保長生。十月長齋，誦詠是經，內外明徹，炁出復還，神隨意往，聚散變化，皆得運度，性悟真空，安鎮其

方，人稱太平。八節之日，誦詠是經，得爲南宮列仙。本命之日，誦詠是經，超凌三界，升入金門，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐九霄純陽五色梵炁之中，內外翁冥，有青龍、白虎、朱雀、玄武、獅子、白鶴，羅列左右，日月光明，照耀天地，身化萬變，遍歷十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人，願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄飛神召靈本章，上品妙首，萬變度人，千化隱韻，離合自然，出空入无。混洞赤文，无无上真，元始祖劫，化生神靈，開明萬類，是爲道根。上無復祖，惟道爲身，通天徹地，分神化靈。無文不光，無文不明，無文不立，無文不成，無文不度，無文不生，是謂大梵天中之天。紫瓊浮臺，碧霄梵京，太極元尊，大羅玉清。混然六合，移炁萬靈，眇眇劫仞，若亡若存。洞華三境，六宸巨庭，藥館嬰房，紫微神靈，九華梵炁，周遍十方。中有南極長生之君，中有飛神召靈之君，中有變化自然大神，中有通天徹地靈君，中有化炁萬形之神。遊行太空，微妙尊神，回骸起死，无量度人，今日校錄，諸天臨軒。東方无極飛神召靈長生大聖，无量度人。南方无極飛神召靈長生大聖，无量度人。

西方无極飛神召靈長生大聖，无量度人。

北方无極飛神召靈長生大聖，无量度人。

東北无極飛神召靈長生大聖，无量度人。

東南无極飛神召靈長生大聖，无量度人。

西南无極飛神召靈長生大聖，无量度人。

西北无極飛神召靈長生大聖，无量度人。

上方无極飛神召靈長生大聖，无量度人。

下方无極飛神召靈長生大聖，无量度人。

十方至真飛神，召靈長生度世无量大神，並乘華蓋五色翠羽雲輿，龍首絳萼

凝珠寶輦，駕御靈鳳，驂乘翠鸞，建千真變化靈節，萬炁聚散神幡，前嘯神虎

泛響，後隨蒼龍發揮，辟邪天鹿，雷音大獸，更唱迭和，交映拱扶，七曜啓扉，

千真擁轅，億萬天仙，浮空而來，恭迎

法駕，俯持信幣，專心稽首，虔仰靈音。主宰上相，南陵火官，掌經仙伯，監籍大神，執經把籍，齊到帝前，隨所應度，嚴校諸天。普告三界，无極神鄉，昌明玉閣，瓊室華堂，太一靈府，九炁梵天。上解祖考，億劫種親，罪籍幽玄，落滅消釋，不得拘留，神合道符。元始告命，時刻昇遷，校錄朱宮，鑄鍊形魂，靈魔保舉，度品南宮。死魂受鍊，仙化成人，生身受度，劫劫長存，隨劫輪轉，與天齊年。永度三塗五苦八難，超凌三界，逍遙上清。上清之天，天帝玉真，玉宸之境梵行。

東方八天

青麗始緣天，帝幸經綸夷。

日景微度天，帝永須梵希。

惠正麗變天，帝洞耀神凝。

靈兆綠敬天，帝靄鬱延微。

廣華成化天，帝汎光每支。

上靈清慧天，帝委汝加非。

羽舞晃曦天，帝大鞠零施。

呼變穆粹天，帝弗支婁機。

南方八天

陽離大盛天，帝昇欲玄生。林宛極瓊天，帝容純影光。九變東文天，帝永重威光。寧丹正度天，帝莫緬那方。熙凝澤物天，帝忽咤雲昌。和明慶音天，帝伏浮昇康。大定施變天，帝臻齊何鄉。好生長育天，帝温慧令長。

西方八天

皓景今芳天，帝既无漂生。

平敷玉素天，帝擁靄行元。

飄飄影梵天，帝龍斐角衣。

鎮觀至幾天，帝壯敬玄機。

正始華光天，帝妙睿升飛。

永極威庭天，帝競盛呼黎。

上浮碧蒙天，帝整謂緣威。

霄零施政天，帝弗綱兮歸。

北方八天

淵默玄化天，帝濛暮携混。

慧宛成理天，帝行緣金衝。

樂梵无欲天，帝肯持妙通。

和同萬有天，帝遍育元烘。

冲虛大漠天，帝遠上來升。

元通法號天，帝秀繞雲京。

文英動妙天，帝願施成并。

上靈七耀天，帝慶貽宗真。

三十二天，三十二帝，玉清祕訣，

上清隱奧。九霄梵音，自然妙理，萬天

瓊文，天中龍章。玉符寶篆，天中神

機，九天靈魔，太清隱名。萬和千合，

變化飛神，无量之寶，深莫可量。敷落

神真，普度天人。今日欣慶受度，歷關

諸天，請滅三惡，斬絕地根，飛度五戶，

名列太玄，魔王監舉，無拘天門。東斗

發生，西斗除殃，北斗延筭，南斗注昌，

中斗化形，總監衆靈。青帝飛神，白帝

聚魄，赤帝流光，黑帝召靈，黃帝內升，

萬神合明。青天魔王，恭符神音。赤

天魔王，書罰功非。白天魔王，斬馘不

祥。黑天魔王，巨力施威。黃天魔王，

持法守真。五帝大魔，萬神之宗，飛行

三界，統領神兵。麾幢持節，遊遍太

空，自號神威，諸天稱功。上天度人，

施化靈文，至真受命，降法召靈。八威

莫維，萬炁開張，錦額前驅，青甲仗旛。

擲火萬里，流鈴八衝，敢有干犯，拒遏

上真，金鉞前戮，巨戈後刑。蕩除邪

穢，風火無停。千千截首，萬萬翦形，

魔無干犯，鬼無祆精。三官校錄，神司

考魂，不得容隱，金馬驛呈。普告无

窮，萬神咸聽，三界五帝，列言上清。

洞元通曆，玉宸開劫，兩儀鑿象，混沌

始分。上無色界，下無色根，道玄虛

寂，靈風自然。天上天下，無忘無想，

無本無源，無體無累。混然六合，照徹

十方，龍漢初劫，傳法開生。壬辰開

度，化育群元，死戶閉塞，胎根息滅。

氣靈通爽，俱集神庭，上衝太虛，下徹

幽關。百體俱一，內外無傷，神隨氣

運，變化無常。一體萬身，呼吸非光，

神遊三界，氣遍十方。聚散爲一，皆由

我身，中爲神王，意乃神主。意與神

合，飛神召靈，仙道可入，平視高真。

太極混沌，金函玉章，洞達幽微，坐通

八景。飛照億千，性定神息，回風紫

煙，道包萬象，法制千魔，與道同合，自

然成真。真中之真，長生大君，玉靈公

子，飛化尊神。遊空主宰，內治形真，

氣聚靈全，保命生根。永固神靈，出入

上清，八維之內，三界之中。通化萬

神，主握三宮，應召九源，混合萬神。

十轉回仙，靈氣生全，仙道隱祕，運應

度人。上開天門，飛神召靈，超升玉

闕，浩劫無停。普受開化，身得列真，

鍊形太空，永離凡緣。上關九霄，遍歷

三台，鍊屍黃庭，飛升太清。太清之

上，有此仙門。中有飛神，召靈之章，

真王靈篇辭參高真。

第一神霄玉府飛神之章

神靈變化，奧隱無窮。氣神相合，

真入仙門。神乃身主，氣乃神王。神

氣俱妙，參御高真。飛靈八極，召至萬

神。惟道可偕，洞徹幽冥。回風扇景，

天地育生。誦詠除殃，解悟成真。真

中妙理，返本固根。太乙真魔，上相元

君。祕隱不顯，億劫長存。

第二紫微玉府洞真召靈之歌

神庭隱大羅，梵炁爲宗主。不動

乃經常，動之即解悟。祕於紫元都，昌

運符流布，華房鬱紫煙，靈臺釋長句。

開闢萬有法，包括六虛成。大道寂無

體，得道還爾身。根斷死戶滅，飛神入

太清。超凌億劫塗，永離北鬼宮。過三界兮，道御長空。升無爲兮，混合仙真。既真空兮，宿命開通。飛靈八維兮，億劫無終。妙理通真兮，虛玄寥廓。究本還元兮，出入御靈風。

第三景霄天尊洞神隱諱歌曰

玉宸洞微，大道隱存。至真無體，以道爲身。運神召靈，抱括乾坤。內實外虛，陽光陰精。浮黎玄寂，身入杳冥。變化自然，遊觀太空。太空之上，混合九成。五體生全，百神咸寧。出入影隨，隨影見真。真中之真，即此真空。悟解成道，保之長存。爾不悟真道，永沉北羅酆。轉輪生死根，六趣無仙門。

此九霄之上，玉靈之中，神王歌音，音諧玉律，靈參金文。誦之百遍，超度南宮。誦之千遍，名列高真。萬遍道備，飛昇玉清，度越三界，位登仙籍。有聞神音，魔王敬形，敕制地祇，侍衛送迎，拔出地戶，五苦八難，七祖升遷，永離北官，魂度朱陵，受鍊更生。是謂无量，普度無窮。有祕上天文，諸

天共所崇。泄慢墮地獄，禍及七祖翁。

道言：此二章並是玉宸上帝，及九霄神王隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉府內禁瓊宮華堂經室，依玄科三萬六千年劫運當傳。若有至人明內寶質心，依舊格告盟三天，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾，同學皆當運神鍊炁，受化濟度，十遍轉經，以召神靈，復獲更生。无量之文，普度無窮。

道言：夫末學道淺，或仙品未充，神氣未備，飛召不能，運應滅度，身經太陰，臨過之時，同學至人，爲其行香誦經，傳法開悟神靈，以度屍形如法，魂神經上南宮，隨其學功，計日而得更生。轉輪不惑，使得神仙。

道言：夫天地運終，亦當修齋，行香誦經。星宿錯度，日月失昏，亦當修齋，行香誦經。四時失度，陰陽不調，

亦當修齋，行香誦經。國主有灾，兵革四興，亦當修齋，行香誦經。同學命過，亦當修齋，行香誦經。疫毒流行，兆民死傷，亦當修齋，行香誦經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德，飛神玉闕，召靈仙都。有灾之日，發心修齋燒香，誦經十過，皆諸天記名，萬神侍衛，右別至人，克得爲聖君金闕之臣。諸天記人功過，毫分無失。天中魔王，亦保舉爾身，得道者乃當洞明至言也。

諸天中飛神召靈隱語无量音

道君撰

元始靈書中篇

東方八天

垓北妙本，顯黎俱浮。弈扉空柯，華陸宛都。敬既推哲，景耀洞虛。慶夷林遠，育兆玄珠，珠成靄何，芬苾化

舒。飛光箕翼，敷遍北樞。太一靈房，俯仰碧居。回犯神漠，運轉靈軀。

### 南方八天

光動赤霞，蒼梧火兢。蹠景紅希，龍虎降升。施展除布，炯赫綠英。日俱雲遠，闡發齊并。郁馥離晃，定披錦星。氣動掬基，復邈洞清。擲罔莫斯，殊轉運丁。卜扶貽建。象宮鎮靈。

### 西方八天

金光六支，虛于大黎。煥素耀景，空華洞希。惠余正蘊，泛歌旻施。注顯辨惡，歸氏合持。教筵宙落，方鑑影提。曷衛堅蒲，勝凝神衣。忽扶合策，品度侔暉。巨倆荒權，符車合離。

### 北方八天

淵淨浮羅，弗離幽爽。據盧圓軒，玄漠訓敞。丹宛屈騎，挾展附長。退呼魔魂，統復施張。沉息華兜，泛曲會傷。普落大化，曜都定昌。平隨擬護，追幽反光。度功罔極，億化天仙。

道言：此玉晨天中，大梵隱語，无量之音，皆玉文丹書，龍章雲篆。祕於內闕華堂，黃金寶函，輝光百尋，五色

靈氣神章之中。神霄玉清真王，扶桑青華帝君，皆知其音，以傳其文。能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，玉清消魔，神王保舉，上仙道備，克得飛神三界，召靈千真。此音無所不變，無所不通，無所不度，無所不成，天真自然之音也。故誦之致飛天，下觀，上帝遙唱，諸天朝禮，三界侍軒，群妖束首，萬靈擁佑，和氣叶流，瑞煙翁靄，神靈湛寂，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

### 靈寶无量度人上品妙經卷之二十二

## 靈寶无量度人上品妙經卷之二十三

### 降真召靈品

道言：昔於太極宮中，紫耀騰歌，大通神土，受元始度人降真召靈无量上品。元始天尊當說是經，周回十過，以召十方，始當詣座。天真大神，上聖高尊，妙行真人，無鞅數衆，乘空而來。紫煙騰霄，羽騎雲車，霓旌霞蓋，映靄晨輝，五色羅絡，鬱耀九空。七日七夜，諸天諸地，日月星辰，海嶽洞宮，一時開朗，靈光照徹，景氣澄清，一國地土山川林木，緬平一等，無復高下，土皆作七寶異珍，十華妙色。衆真侍座，元始天尊玄座空浮，天靈洞化，神金萬變之座。說經一遍，天真大聖同時稱善，是時一國男女，尊崇道德，開悟性真。說經二遍，神化彰明。說經三遍，昧識達玄。說經四遍，霄虛妙響，雅韻成音。說經五遍，空洞靈文，朗煥八方。

說經六遍，高真上聖，下教人間。說經七遍，三洞經法，普用宣行。說經八遍，幽顯神靈，應念隨心，感善降祥，與德合并。說經九遍，魔試蠲息，五帝舉仙。說經十遍，百神結體，萬炁齊升，是時一國是男是女，莫不傾心，皆受護度，咸得長生。

道言：是時元始天尊說經一遍，東方无極无量品元道大神，無鞅之衆，浮空而至。說經二遍，南方无極无量品明會大神，無鞅之衆，浮空而至。說經三遍，西方无極无量品浩素大神，無鞅之衆，浮空而至。說經四遍，北方无極无量品靜復大神，無鞅之衆，浮空而至。說經五遍，東北无極无量品萬化大神，無鞅之衆，浮空而至。說經六遍，東南无極无量品通光大神，無鞅之衆，浮空而至。說經七遍，西南无極无量品華真大神，無鞅之衆，浮空而至。說經八遍，西北无極无量品玄虛大神，無鞅之衆，浮空而至。說經九遍，上方无極无量品紫極大神，無鞅之衆，浮空而至。說經十遍，下方无極无量品洞

皇大神，無鞅之衆，浮空而至。十遍周竟，十方无極天真大神，一時同至。一國男女傾心歸仰，來者有如雲飛霧合，無鞅之衆，迨國一半土皆偏陷，非可禁止。於是元始化一寶山，狀如崑崙，內有洞室，玉扉四開，在空玄之中，去地千丈。元始登引，天真大神，上聖高尊，妙行真人，十方无極至真大神，無鞅數衆，俱入寶山之中。天人仰看，惟見勃勃從玉扉中入，既入玉扉，不知所。國人廓散，地還平正，無復欹陷。元始即於寶山之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，久視長年，無有疾傷，傾土歸仰，咸啓悟心。不邪不詖，不昧不愚，不荒不蕩，不求不欲，不念不思。性與道通，體合至真，慈惠爲本，風俗長淳。國安民豐，欣樂太平，經始出教，一國以道。預有至心，崇奉禮敬，皆得度世。

道言：元始天尊說經中所言，並是諸天上帝內名，隱韻之音，亦是神霄

內諱，玉洞之隱名也，非世之常辭。上聖已成真人，通玄究微。能悉其章，誦之十過，諸天遙唱，萬帝設禮，河海靜默，天真降庭，招命神靈，三天駐軒，璇璣不行，千官列班，負赤玉之寶圖，握黑帝之隱篇，回屍起死，降真得生，白骨成人，上獲高仙。至學之士，誦之十過，則五帝臨察，三官赦愆，地根伐絕，魔試莫侵，濟度垂死，絕而得生。所以爾者，學士穢氣未消，體未洞真，以制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京，度人无量，爲萬道之宗。巍巍大梵，德難可勝。

道言：凡誦是經十過，降真召靈，諸天齊到，海嶽神官，陰陽主宰，俱來護度，簡奏高宸，格皆九年，道就長生，獲受玉書，而上列帝臣，功滿德就，無不克升，朝于金闕，遊宴玉京也。上學之士，修誦是經，降真召靈，混化百神，

洞合幽妙，超鍊飛昇。世人受誦，雖未達玄要，精念若勤，亦可感真期靈，延致妙氣，灌養身形，脫離疾患，保壽長年，後皆得作尸解之道，魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各三十二人，營衛神文，保衛受經者身。

道言：正月長齋，誦詠是經，降太上之上真，召三界之衆靈，爲上世玄曾，下逮一身，消絕積禍，散滅惡愆，上升玉宮，參晨帝軒。七月長齋，誦詠是經，降太一之中真，召九宮之衆靈，保度我身，上奏玄名，紀功青簡。十月長齋，誦詠是經，降太上之下真，召洞臺之衆靈，爲國土封疆，社稷民人，撫調時序，風雨順宜，稼穡豐穰，永享升平。八節之日，誦詠是經，降召八方玄虛，日月宿度真靈，消穰殃疹，感格福祥。本命之日，誦詠是經，降召天地陰陽五

行真靈之神，混合我形，鎮守百關，九宮泥丸，骨骸玉固，色潤金鮮，使我長存，上賓帝前。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲炁之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明，密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，降真召靈上品妙首，十回度人，百魔隱韻，感格自

然，神素靈章，合明妙關。虛清大梵，經緯萬天，總括三道，玄通化樞。宗於會極，與道涵虛，開布精誠，分辨靈塗。非志不達，非德不據，神文攝炁，冥冥相符。上該玉闕，旁周洞无。彌羅梵境，幽寥之中。紫微瓊館，龜臺閭風，天機所主，歷劫元綱。混茫之精，祕蹟幽光。煥落萬景，鬱秀五華。大羅法輪，總御十方，佩受帝炁，降真召靈。中有消愆散厄之神，中有長生延壽之君，中有三玄定命大神，中有五老皇靈丈人，中有陰陽丁甲元根主宰，太一尊神。回光鑒映，无量度人，今日存感，萬聖臨軒。

東方无極景真神王，長生大聖，无量度人。  
南方无極化靈神王，長生大聖，无量度人。  
西方无極昭應神王，長生大聖，无量度人。  
北方无極冥慧神王，長生大聖，无量度人。  
東北无極妙智神王，長生大聖，无量度人。

人。

東南无極洞明神王，長生大聖，无量度人。

西南无極藏光神王，長生大聖，无量度人。

西北无極寶華神王，長生大聖，无量度人。

上方无極寶仙神王，長生大聖，无量度人。

下方无極舉度神王，長生大聖，无量度人。

十方降真召靈神王，長生度世无量大神，並乘三素華雲飛騰，霞輦浮耀，玉輿翼衛，鑿天大獸，神虎辟邪，建降真之節，召靈之旛，前列鐘鼓震響，後參廣樂簫歌，景龍碧鳳，音韻相和，千真馳驅，萬象回旋，天仙兵馬，羅布億千，傾光回耀，應化而來。神霄上宰，太極諸天，玄機玉輔，二臺仙卿，奉符秉籍，簡奏晨玄，真皇敷化，告下三元八極世界，洞府泉源，重河九壘，酆都六宮，南闕北溟，百二十曹。檢校仙士，學真之人，丹心淵徹，志念精微，感通妙際，契

會幽機，隨所昭格。敢有愆違，玉都上房，錫命靈飛，上清六甲，豁落五符，左招無英，右挾白元，保鍊形骨，與天齊年。永度三塗五苦八難，超凌三界，逍遙上清。上清之天，天帝合元，無色之境梵行。

東方八天

幽澄至感天，帝順斬允隆。

九生論化天，帝賀玉淳汶。

巴那浩公天，帝落定形。

垠谿政修天，帝寥吉有駢。

角明動中天，帝司關正儀。

无量勤德總彰天，帝卓蘭冥奇。

銖滿自利天，帝運希生。

幼直感容天，帝護特化昭。

南方八天

鳳陂文隱天，帝權變朱英。

丹宮簡房天，帝竺月羅。

樞洪歷瑤天，帝燿童真。

度仙勝延天，帝真來乘夫。

變世壽華天，帝祕度無傍。

逸龍雲景天，帝驛追萬靈。

胎素衛慈天，帝握烝盈孫。

寶紀定名天，帝達真和。

西方八天

神營受符天，帝老景星昌。

召靈促駟天，帝石燿公儀。

印道誓玄天，帝術律用封。

真化瓊靈天，帝召嬰伯康。

皓靈傅卿天，帝和總山圭。

太微七司天，帝祝望枚宗。

流精大安天，帝就思九生。

刺陽巡斗檢靈天，帝正輿傾光。

北方八天

莫辰高清大混天，帝瑤弓致真。

證道示虛納空天，帝範堂賓。

舞雷舒光玄報天，帝温慈明旂。

洞色紫精天，帝召靈考仙。

修陽啓珠天，帝伯述無回。

騎史信書天，帝益冲領方。

太上閱功天，帝普英元王。

仙曹劾功錄王天，帝壽都基昌。

三十二天，三十一帝，諸天隱諱，

諸天隱名。天中空洞，自然靈章，諸天

隱韻，混合之音。立極之尊，儻天之

神，飛空大魔，攝氣之靈。四被六周，



騰變太清，玄上之化，廣難可名，召降靈真，普度天人。今日感生鍊度，歷試諸天，成體玉華，合景飛根，佩服赤書，功列紫宸，玄司考察，名參上宮。東斗奏言，西斗授章，北斗奉簡，南斗化光，中斗元標，運幹萬方。青帝開生，白帝舉仙，赤帝執法，黑帝賞延，黃帝秉正，攝御威權。青天真君，大憲明曆。丹天真君，龍耀司直。素天真君，摧伏惡逆。黑天真君，施玄布德。黃天真君，鎮安四極。五天至真，萬道之元。飛行太虛，統領群仙，總校圖籙，高居上玄。周行八冥，坐鎮天關，蒼河碧海，瑤闕瓊山。宣令布化，普告無窮，元皇受命，掃蕩災凶。鑿天震威，流光四衝，天老持符，照辟不祥。驅除萬惡，理正元綱，敢有干犯，亂我天常。不容乖變，糾送溟泠，風火交激，殺伐妖群。學道得度，開濟生民，斷滅魔試，皆獲飛升。拔度七祖，永離幽沉，不得留滯，受鍊朱陵。宣告北酆，萬神咸聽，三官九府，列奏玉京。

天元大籙，變化玄虛，纏結周流，

騰降沉浮。下沖鬱絕，上朗太无，靈風扇霄，開天御圖。天上天下，幽廓冥冥，玄光浩蕩，大劫無形。鴻濛元炁，雙象交升，混沌懸立，保運自然。負山召龍，億歷綿綿，周行離合，包絡諸天。玉昌安鎮，五方赤文，妙化生育，三十九篇。立以天帝，主以道君，流演陰陽，統治萬靈。攝領群魔，持運彌綸，大範宣布，八垣流精。澄景天華，眇眇玄微，玄微上皇，炁合真機。飛光紫清，耀英霄輝，明霞散空，太真儼開。玉章灌鍊，靈煙九回，玄京納正，輔化三才。千備萬周，混道成真，真中至神，萬帝之尊。宴處圓羅，我之化身，龍漢億劫，植立無垠。丹光煥發，萬品生成，上遊紫虛，劫仞蕭臺。琳宮之內，華闕之中，召降真靈，普度群生。蕩除穢滯，通理百關，七轉回風，與氣俱仙。仙道永存，无量度人，上開八門，經天化輪。考校功業，罪福因緣，普度七祖，一切幽魂，逍遙十極，上升九天。九天之上，各有生音，中有玄虛通感之章，列聖靈篇，辭參高真。

第一天人通感之音

玄化蕩蕩，流結真精。肇立諸天，生育神靈。茫茫三界，无極天民。邪想淪惡趣，通感登高清。穢濁相沉溺，使爾道無成。不受洞元章，何以超玄津。欲念隨所樂，學仙多苦辛。縈累須臾滅，業盡化埃塵。一悟永逍遙，萬劫保長存。精誠貫紫霄，遼思達玉京。神飛合太虛，同妙際幽冥。

第二仙王降真之章

玉文羅碧霄，降真玄上峰。服嚙日月華，高奔玉帝宮。逍遙過三界，倏駕徊靈風。中育孩道康，內居伯史原。巾金佩綠羽，騰輝乘紫煙。相命諸仙僚，齊禮帝一尊。下觀無極鄉，塵境何紛紛。丹簡攝大魔，黃旗校雲營。蔚蕭祕青編，普度學真民。玄符下三界，萬炁皆齊仙。元始會百神，回光臨我軒。七祖離長夜，幽魂度五關。與我永相期，超升出世緣。

第三元皇召靈之篇

三天之上，洞靈清微。玄景崇阿，統劫仞靈宮。中有至尊，運化元機。統

御群品，萬炁總歸。巍巍大梵，太素高神。丹光曆明，二象豁開。鬱察受教，布列真階。飛天流演，包絡泉臺。八威玉文，安鎮五山。永保億劫，使炁無傾。人能玄感。悟道通靈。修真進仙業，萬聖自來臨。世慾空真趣，何不栖山林。

此三界之上，飛空之中，飛仙真音，音參洞章。誦之百遍，通感無垠。誦之千遍，召降真靈。萬遍道備，玄聖來臨，過度三界，位登仙卿。有聞靈音，群魔敬形，勅制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至真仙王隱秘之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清王府東華寶藏，依玄科隨運下傳。若有至人，齎金寶質心，依書格告盟玉清，然後而付焉。

道言：夫降真則灾厄息，召靈則禍難除，安國寧家，悉從玄感。若劫運否終，三光虧盈，神人休否，末學疾傷，同氣皆當齊心修齋，六時行香，十遍轉經，高聖立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，致五靈之童，以始生之英，鍊度屍形如法，魂神徑上南宮，隨其學功，計日而得更生。轉輪不惑，便得神仙。

道言：夫天地運終，星宿錯度，日月失明，陰陽不調，國境有灾，兆民死傷，師友命過，皆當修齋，行香誦經。則八天主司，各遣飛仙，收滅禍害之氣，使國土安寧，生民康泰，已化超升。夫齋戒誦經，功德甚重。上消天灾，保鎮帝王，下攘毒害，以度兆民。隨其功業，感格真靈，故曰无量，普度天人。

道言：凡有是經，能爲天地帝主兆民，行是功德。召降之日，發心修齋燒香，誦經十過，皆真靈記名，萬聖來

臨，右別至人，克得爲帝君玉府之臣。列曹記人功過，毫分無失，神霄公卿，亦保舉爾身，得道者乃當洞明至言也。

諸天中大梵隱語无量音 道君撰

元始降真召靈中篇

東方八天

陣林斗廬，弔角歷虛。帝明愬恪，景昭化于。丙純祠文，律慶自模。滅叔止普，政愬愬居。昌極褚鄰，兑挹元符。札邁時畢，臻魯張須。甲華左周，轉辰閭師。杳太逸王，紫天毗分。

南方八天

朱光含道，析真流陽。固已洞温，伏覬玻璃。露乾迹非，雲押寧章。既獲由祭，夢奪元剛。注靈鸞泰，旬使治倉。弗閑獲度，平太勇光。赤華輝帝，廣素啓方。望智無問，義并委常。

西方八天

頓又瑤敕，冥湄阻衰。釋謚房弼，定局可歸。稱玄弗極，用祕提回。猛歌昆緣，邾墟淑階。高華偃聰，拱師陀

開。輝路湛見，嶽察守臺。至鎮栢趨，  
琪袍碧微。山真夷郎，道英格非。


### 北方八天

獲侯察姦，主兵元環。盧起瞻谿，  
歷魔簿監。文華權陽，液掖嵎盤。麗  
審密火，化混雲輪。交到又谷，羅弈穹  
旻。暝和情比，紫真降璘。展義漠涖，  
晦張垠綿。緯投穴互，畢忽輕遷。

道言：此諸天中大梵隱語，无量  
之音，舊文刻書青城宮玉臺館，主降天  
地之高真，幽顯之玄靈，助行大化，以  
唱三境之仙宗，字皆廣長一丈。天真  
皇人昔書其文，以爲正音。有知其音，  
能齋而誦之者，諸天皆命化炁仙王，下  
觀其身，書其功勤，上奏諸天，萬神朝  
禮，地祇侍門，大勳魔王，保舉飛升，道  
備克得，遊行三界，升入金門。此音無  
所不辟，無所不禳，無所不度，無所不  
成，天真自然之音也。故誦之致飛天  
下觀，上帝遙唱，萬神朝禮，三界侍軒，  
群祆束首，鬼精自亡，琳琅振響，十方  
肅清，河海靜默，山嶽吞煙，萬靈振伏，  
招集群仙，天無氛穢，地無祆塵，冥慧

洞清，大量玄玄也。

### 高上仙王降真之符



靈寶无量度人上品妙經卷之二十三

## 靈寶无量度人上品妙經卷 之二十四

### 神變氣化品

道言：昔於太素天中，皓景霄虛  
凌空曜土，受元始度人神變氣化无量  
上品。元始天尊當說是經，周回十過，  
以召十方，始當詣座。天真大神，上聖  
高尊，妙行真人，無鞅數衆，乘空而來。  
碧虛扇霞，鳳輿瓊輪，綠蓋華軒，流彩  
降霄，八景交輝，洞煥太空。三日三  
夜，諸天玉籙寶光，上照玄都宮闕，森  
羅元綱臺觀，朗然徹見，劫仞巍峨，飛  
輪煥赫，一國地土山川林木，緬平一  
等，無復高下，土皆作瑞玉無有異色。  
衆真侍座，元始天尊玄坐空浮神化萬  
炁寶闕之上。說經一遍，諸天大聖同  
時稱善，是時一國男女，知道變化，悉  
由神炁，乃至天城紫殿，碧閣黃房，萬  
聖千真，皆是神變法身，氣化真境。說  
經二遍，金龍吐雲，寶臺千柱。說經三

遍，宸霞散縷，結空成字。說經四遍，大音輕震，甘露敷和。說經五遍，地發寶蓮，萬葉凝光。說經六遍，玉京金闕，神輝洞虛。說經七遍，萬神混一，出有入無。說經八遍，神氣變微，秋毫同體。說經九遍，地獄消滅，死魂受生。說經十遍，神變氣化，洞入太冥，是時一國是男是女，莫不傾心，皆受護度，咸得長生。

道言：是時元始天尊說經一遍，東方无極无量品始陽大神，無鞅之衆，浮空而至。說經二遍，南方无極无量品炎輝大神，无鞅之衆，浮空而至。說經三遍，西方无極无量品少陰大神，无鞅之衆，浮空而至。說經四遍，北方无極无量品太一大神，无鞅之衆，浮空而至。說經五遍，東北无極无量品保鎮大神，无鞅之衆，浮空而至。說經六遍，東南无極无量品通生大神，无鞅之衆，浮空而至。說經七遍，西南无極无量品冲厚大神，无鞅之衆，浮空而至。說經八遍，西北无極无量品運關大神，无鞅之衆，浮空而至。說經九遍，上方

无極无量品主變大神，无鞅之衆，浮空而至。說經十遍，下方无極无量品持化大神，无鞅之衆，浮空而至。十遍周竟，十方无極變化大神，一時同至，一國男女，傾心歸仰，雖未聞法，各悟三界十方諸天高真，乃至宮殿臺觀，未有一名，不從神變氣化而有。今睹天尊真王宣真演道，聖容煒煥，光徹諸天无量世界，一一國中，各有天尊真王，宣演大法。故知神變無窮，氣化無極。我等今身色相根塵動轉音影，皆是神變氣化所成。來者億量，無鞅之衆，迨國一半土皆偏陷，非可禁止。於是元始示現神氣變化之道，從玄坐起，踴身虚空，高齊劫仞，在飛雲浮景之上，去地千丈。元始登引，天真大神，上聖高尊，妙行真人，十方无極變化大神，无鞅數衆，俱入浮景之中。天人仰看，惟見勃勃從虚空中入，既入空內，不知所在。國人廓散，地還平正，無復欹陷。元始即於飛雲浮景之上，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，

寂無遺響。是時天人遇值經法，普得濟度，全其本年，無有中傷，傾土歸仰，咸滅有心。極妙極玄，極洞極真，極化極用，極變極通，極神極靈。心悟至道，合體虚明，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝神變氣化內名，隱韻之音，亦是真王內諱，變化百靈之隱名也，非世之常辭。上聖已成真人，神氣通玄。能悉其章，誦之十過，諸天遙唱，神氣合應，變化倏忽，河海山嶽，俄爾亡存。日月璇璣，周流隱顯，神之所變，萬聖齊臨，則群魔束形，鬼精滅爽，氣之所化，則回屍起死，白骨成人。至學之士，誦之十過，則神變五帝，氣化三界，魔精喪眼，鬼祿滅爽，濟度垂死，絕而得生。所以爾者，學士穢氣未消，體未洞真，召制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊

禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，爲萬道之宗。巍巍大梵，德難可勝。

道言：凡誦是經十過，諸天齊到，神感氣會，變化自然，不同起心，作諸幻妄，神氣混合，無道不生，億曾萬祖，幽魂苦爽，皆即受度，上昇昧宮，格皆九年，受化更生，得爲貴人。而好學至經，功滿神變，德就氣化，皆得神仙，飛昇金闕，遊宴玉京也。上學之士，修誦是經，神氣鍊化。皆即受度，飛昇南宮。世人受誦，神不去身。真氣內營，則延壽長年，後皆得作屍解之道。魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，神變發生，氣化敷榮，內景煥彩，玉雲結城，

爲上世亡魂，斷地逮役，度上南宮。七月長齋，誦詠是經，神變道體，內景明潔，神嬰正位，身得神仙，諸天書名，黃籙白簡，削死上生。十月長齋，誦詠是經，神變深密，氣化安寧，內景齊仙，遊宴玉華，爲國土帝主，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，神變順常，氣化循經，內景調衍，金池玉露，得爲九宮真人。本命之日，誦詠是經，神變九宮，氣化九真，混一自然，與帝同盟，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青紫白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方。次思太空之中，洞真神氣，如紫光雲冉冉來覆兆首，雲氣彌室，內有萬神森然，

如視目中瞳子，對兆面前。次思兆九竅氣出，如白煙煙雲，右旋纏繞兆身象罔之中，紫雲白煙，亘遍天地。良久，覺見己身肝中有碧玉宮殿，中有神人，衣青龍華羽之服，口中吹氣成風，吹此雲氣，左回約九九數周。乃見空中所存來者萬神，與兆身中百神，合為一身，狀如嬰兒，繡衣錦裳，對兆面坐，聽兆誦經。訖，還入兆口中，上泥丸中，畫面向外，夜面向內，此爲神變氣化之道，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御无上三十二天无始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，神變氣化上

品，回混度人，百魔隱韻，離合自然。洞空無形，神氣爲真。神非恍惚，氣非氤氳。是道妙本，於空爲神。太空爲氣，神生萬神，氣生萬氣，萬神歸一，萬氣合一，一萬之變。神爲道機，氣爲道樞，機變樞化，三界乃生。元始祖神，變生萬真。元始祖氣，化生諸天。開明三景，是爲天根。上無復祖，惟道爲身。神變赤書，氣化玉文，五文開廓，普植神靈。無文不光，無文不明，無文不立，無文不成，無文不度，無文不生，是爲大梵天中之天。變化生成，鬱羅蕭臺，玉山上京，上極无上，大羅玉清。眇眇劫仞，若亡若存，三華離便，大有妙庭。金闕玉房，森羅淨靈，神霄梵炁，周回十方。中有神變氣化之神，中有南極長生大帝君，中有度世司馬大神，中有好生韓君丈人，中有南上司命司錄延壽益筭度厄尊神，回骸起死，无量度人，今日校錄，諸天臨軒。

東方无極飛天超玄神王，長生大聖，无量度人。  
南方无極飛天升炎神王，長生大聖，无量度人。  
西方无極飛天易皓神王，長生大聖，无量度人。  
北方无極飛天生神神王，長生大聖，无量度人。  
東北无極飛天司變神王，長生大聖，无量度人。  
東南无極飛天主化神王，長生大聖，无量度人。  
西南无極飛天遷氣神王，長生大聖，无量度人。  
西北无極飛天換質神王，長生大聖，无量度人。  
上方无極飛天至有神王，長生大聖，无量度人。  
下方无極飛天妙無神王，長生大聖，无量度人。  
十方至真飛天神王，長生度世无量大神，並乘玉虹萬寶之輿，結綠千真遊玄之車，泛蓋旋羽，驂駕丹鳳，九色真龍，建召神攝氣變化之節，三元回命保生靈籙，前詠洞文齊唱，後吹部曲同音，獅子白鶴，嘯歌嚙嚙，五老啓途，群仙

翼轅，億乘萬騎，浮空而來，傾光回駕，變化度人。諸天丞相，南昌上宮，韓司主錄，監生大神，神變天司，明令四張，氣化神人，據位持兵，執籙把籍，齊到帝前。百億變化，神氣自然，官府在左，刑罰著邊，隨所應度，嚴校諸天。普告三界，无極神鄉，泉曲之府，北都羅酆，三官九府，十二河源。上解祖考，億劫種親，疾除罪簿，落滅惡根，不得拘留，逼合鬼群。元始符命，時刻昇玄，北都寒池，部衛形魂，制魔保舉，度品南宮，死魂受鍊，仙化成人。神氣無窮，變化無終，無極神鄉，變化所從。神氣合空，無所無容，十方皆變，一神混同，十方皆化，一氣普通。變化生身，生身受度，劫劫長存，隨劫輪轉，與天齊年。保度三塗五苦八難，超凌三界，逍遙上清。上清之天，天帝洞輪無色之境梵行。

東方八天

神變九真天，帝梵靈虛泉。  
角應震生天，帝京繼婁虛。  
曲真啓元天，帝混奇迎隆。

曆陳蒼華天，帝明耀芒。

動緣仁宥天，帝閣龍景盈。

嶽判紀靈天，帝述蘭棲。

翠闕寶輝天，帝飛英預嘉。

綠粹秀和天，帝離如祕公。

南方八天

薰微炎照天，帝嗇運通。

陽光混虛天，帝寶主輔元。

南玉化闕天，帝部俞慶言。

耀景丹靈天，帝祖簡尊猷。

朱明景平天，帝伯舉沖幾。

安變澤神天，帝曜華奉靈。

龍變慶元天，帝廓都良。

赤氣定初天，帝平披昌。

西方八天

雲極素靈天，帝正寶仙明。

正化觀行天，帝時保基常。

帝靜順康天，帝滋殊聿光。

竺珞道封天，帝崇昇真墟。

晶明虎寶天，帝象日回景。

思度逸沖天，帝祝郭友。

太瑤葆存天，帝道鑿沖升。

感羽浩名天，帝極那輪。

北方八天

紫度靜明天，帝忱伯次恭。

句魂除邪天，帝尾房忌侯。

正察高玄儀真天，帝島基錄開。

玄符虛轄天，帝密觀赴靈。

德芳曜圓露神天，帝超玄濟昏。

鍾陽溟混天，帝曾微子都。

治化政安天，帝寂浩素覺。

智冥洞空九常天，帝本光希先。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，天中之音。天中之尊，天中之

神，天中大魔，天中之靈。神和氣合，

變化上清，无量之奧，深不可詳，敷落

神真，普度天人。今日欣慶受度，歷關

諸天，神變萬真，請滅三惡，氣化百靈，

斬絕地根，飛度五戶，名列太玄，真王

監舉，無拘天門。東斗運機，西斗司

氣，北斗玄樞，南斗生神，中斗混合，總

監衆靈，神變五帝，下領天人。青帝施

仁，白帝明義，赤帝司禮，黑帝生智，黃

帝主信，萬神無越。青神魔王，拘魂定

華。赤神魔王，守神立慧。白神魔王，

定魄蕩穢。黑神魔王，溺邪安正。黃

神魔王，總監萬氣。五神真魔，萬靈之

宗，飛行鼓從，氣化神兵，麾幢持節，遊

觀太空，神變赫弈，諸天齊功。上天度

人，嚴攝北酆，神王受命，普掃不祥。

收神攝氣，變化飛仙，金精吐毒，天馬

四張。神兵前驅，流煙八衝，敢有干

試，拒遏上真，金鉞前戮，巨天後刑，屠

割鬼爽，風火無停。千千截首，萬萬剪

形，魔無干犯，鬼無祆精。三官北酆，

明檢鬼營，不得容隱，金馬驛呈。普告

無窮，萬神咸聽，三界五帝，列言上清。

天元洞極，生化無窮，眇眇億劫，

混沌之中。上無復神，下無復氣，風澤

洞虛，虛極變玄。玄生爲神，神薄氣

真，氣爲神子，神爲氣母。神氣合一，

萬變可取，萬變萬化，金剛乘天。剛風

爲氣，風動爲神，動生知識，梵氣爲身。

神變氣化，三界自成，陽神爲天，陰氣

爲泉。無極無色，泉極無淵，神氣冥

冥，地藏爲天。天上天下，無幽無冥，

無形無影，無極無窮。神降氣升，流精

鬱寥，溟滓大梵，遼廓無光。赤明開

圖，運度自然，元始安鎮，敷落五篇。赤書玉字，八威龍文，保制劫運，神氣長存。梵氣彌羅，萬範開張，元綱流演，三十二天。輪轉無色，周回十方，神氣普運，四達皇皇。旋斗歷箕，回度五常，三十五分，總氣上元。八景冥合，氣入玄玄，玄中太皇，上帝高真，亦從神氣，變化生成。泛景太霞，嘯詠洞章，金真朗郁，流響雲營。玉音攝氣，靈風聚煙，紫虛鬱秀，神氣回旋。變化陰陽，輔翼萬仙，千和萬合，自然成真。真中有神，神中有氣，附景纏光，返復氣神。南極帝宮，長生大君，無英公子，白元尊神，太一司命，桃康合延，執符把籙，保命生根。上遊上清，出入華房，八景之內，細微之中。下鎮人身，泥丸絳宮，中理五氣，混合百神。十轉回靈，萬氣齊仙，仙道貴生，无量度人。上開八門，飛化神氣，往來無窮，轉此法輪。罪福禁戒，宿命因緣，普受開度，死魂生身，身得受生，上聞諸天。諸天之上，各有生門，中有空洞謠歌之章，真王靈篇，辭參高真。

第一道玄神變飛空之音

無形無名，獨立太空。合混萬神，變化莫窮。萬物咸賴，神運圓通。生天生地，把握洪濛。廓散無邊，視之無蹤。泛然自應，名曰至神。三界仙真，諸天雲宮。神變周流，皆由道身。此道幽祕，得之乃真。歌此冲妙，玄中之天。中有造化，浩劫至神。冥會樞運，斡旋皇極。萬炁長存，保之勿息。

第二道玄氣化真王之章

空爲真氣，真氣如空。我其辨之，與道皆同。物得之生，捨之則窮。能生者何，曰氣與神。一切諸天，神仙聖人。乃至六道，諸凶鬼神。天地官府，呼吸屈伸。是皆氣化，無逃此輪。如神守氣，千劫無傾。三界俱壞，我獨長存。九天停運，神升太微。携盼玉京巔，映日金華西。願參空洞歌，駕龍耕瓊芝。

第三神變氣化真王歌曰

俯軾東桑，仰觀逮臺。下有長樓，劫海崔嵬。億萬里兮，超遙鑿開。嗟此大道境，攝之方寸規。神變而氣化，

妙有相徘徊。控轡玉龍駕，奔雲太清下。無鞅繡衣人，非若世幻假。神變氣化成，千劫忘衰薺。笑爾穀仙輩，區區辨青黃。垂白無所成，咎道爲不祥。自昧神氣元，不知道有方。歌此太上篇，翛然禮真王。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛升太空，過度三界，位登仙公。有聞靈音，真王敬形，敕制地祇，侍衛送迎，拔出地戶，五苦八難，七祖升遷，永離地官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及

至靈真王隱祕之音，神變氣化，杳然難名，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清王府東藏經室，運應壬辰，大法當傳。若有至人齋金寶質心，依舊格告盟玉府，然後而付焉。



道言：夫神有不變，氣有不化，則為天地運度否終，日月五星虧盈，至聖神人休否，末學之夫疾傷。凡有此災，同氣皆當齊心修齋，六時行香，十遍轉經，福德立降，消諸不祥。无量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人為其行香，誦經十過，使神變為仙，氣化為真，以度屍形如法，魂神徑上南宮，隨其學功，計日而得更生。轉輪不惑，便得神仙。

道言：夫神變氣化，神氣能變化於物，非神氣自變化也。神氣剛大，不可變化。變而化之，神氣使之，非變化神氣也。神氣不和，則不能變化，與物為災，故曰天地運終，星宿錯度，日月失明，四時失度，陰陽不調，水旱兵災，疫毒流行，兆民死傷，師友命過，皆當修齋，行香誦經。夫齋戒誦經，功德甚重。上消天災，保鎮帝土，下攘毒害，以度兆民。生死受賴，其福難勝，故曰无量，普度天人。

道言：凡有是經，能為天地帝主兆民，行是功德。有災之日，發心修齋，燒香，誦經十過，神氣變化，轉為福祥，諸天記名，萬神侍衛，右別至人，剋得為真王玉府之臣。左華記人功過，毫分無失，玉清真王，亦保舉爾身，得道者乃當洞明至言也。

八天之大梵隱語无量音 道君撰

元始靈書神變氣化玉篇

東方八天

明羸室寅，宛奏滌滄。阿留梵萌，提覺辭外。演羅丘微，對境平施。加那握溫，毗德佑機。洞洛次禰，原襄資連。陳岡闕夏，曆數惟年。當著逸潛，蒙祺益兼。亟馳寶陀，氣不汝偏。

南方八天

秀旨峙滿，偏登球敦。炎井投枚，八道耿英。邈野駢路，崔慈梁賓。太極玄素，尤難檢欵。莽司馳微，表師覽兌。康達鈴宜，碧圓漪外。趣仙恭塗，旦昌昭隨。正華玉纂，道戶祕持。

西方八天

參諱投綿，蔚羅大千。妙乙丙族，乾定婁弦。舒騫魔堂，逸變坤玄。文定柳齊，上剛思元。圖靈祕寂，部丹凝宣。略要紀呈，令商自全。邈奎狼都，竟邊普傳。浪馬永儲，希天怙專。

北方八天

龍扎燕宮，洞庭蚶沖。閣靜化極，列寶慈洪。乘聖逾棘，召倫愷攻。大藏復莫，歷泉已穹。道度冥瓘，力丁霞容。冀翼房穴，軫迹幾雄。瑞廣靈約，莊地萬鋒。純澤固賢，鄙開策空。

道言：此諸天中大梵隱語，无量之音，舊文刻書蕭臺天樞玉衡之上。神變氣化，以正萬天無極世界，三元真皇，莫不由其道。知而鍊之，神氣永留，大劫成壞，小劫生死，皆為之解顏傲視之也。字皆廣長一丈。天真皇人昔書其文，以為正音。有知其音，能齋而誦之者，神府皆遣飛仙天人，下觀其身，書其功勤，上奏諸天，萬神朝禮，地祇侍門，大勳真王，保舉神霄，道備剋得，遊行三界，昇入金門。此音无所不

辟，無所不襪，無所不度，無所不成，天真自然之音也。故誦之致飛仙下觀，上帝遙唱，萬神朝禮，三界侍軒，群妖束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之二十四

靈寶无量度人上品妙經卷之二十五

赤符丹光品

道言：昔於絳霄天中，丹景清真大玄明土，受元始度人赤符丹光无量上品。元始天尊當說是經，周回十過，以召十方，始當詣座。天真大神，赤靈

神氣合混，萬景生津。說經四遍，虛明曠達，觀見十方。說經五遍，赤符丹光，現於身中。說經六遍，生道交會，疾癘蠲消。說經七遍，北酆暗域，報對休停。說經八遍，金簡書功，玉符定籍，三官告命，形化飛仙。說經九遍，法露珠英，潤澤一切。說經十遍，十方三界，無極幽關，无量群生，逍遙離苦，是時一國是男是女，莫不傾心，皆受護度，咸得長生。

丈人，三氣天君，丹光九仙，上聖高尊，妙行真人，無鞅數衆，乘空而來。玉緯飛輪，羽葆交蔭，太霄騰晶，八素流光，璇極珠躔，煥赫元綱。五日五夜，三清四境，无量諸天，上極大羅，下通黃闕，各現赤混開劫飛霄寶符，丹霞光散，照映八門，一國地土山川林木，緬平一等，無復高下，土皆作紋玉，凝輝瑩徹，無有異色。衆真環侍，元始天尊停駕空浮九龍陽燧神金萬變法輅之上。說經一遍，諸天大聖，同時稱善，是時一國男女，仰聽聖教，默悟重玄。說經二遍，天光內發，照朗昏冥。說經三遍，

道言：是時元始天尊說經一遍，東方無極无量品寶生大神，無鞅之衆，浮空而至。說經二遍，南方無極无量品洞浮大神，無鞅之衆，浮空而至。說經三遍，西方無極无量品耀明大神，無鞅之衆，浮空而至。說經四遍，北方無極无量品太一大神，無鞅之衆，浮空而至。說經五遍，東北無極无量品保安大神，無鞅之衆，浮空而至。說經六遍，東南無極无量品持化大神，無鞅之衆，浮空而至。說經七遍，西南無極无量品玉靈大神，無鞅之衆，浮空而至。說經八遍，西北無極无量品飛霞大神，

无鞅之衆，浮空而至。說經九遍，上方无極无量品大變大神，无鞅之衆，浮空而至。說經十遍，下方无極无量品冲厚大神，无鞅之衆，浮空而至。十遍周竟，十方赤符丹光大神，一時同至，一國男女，傾心歸仰。皆見赤文大字，遍滿虛廓。丹光洞照，十方同明。內見自己身中，心通萬道，外與法合，即名赤符。見察萬殊，異體同照，即名丹光。內外之道，皆是元始，外生天地。內化一身，皆同此道。自非列聖開教，不能化成。譬如混沌初造，終始九劫，若非赤明，不能開圖。一身始生，毛髮肢節，九竅雖具。若非神光外見，心光內通，一切聖賢，不能成就。是故我等咸悟元始所說大法，役運神變，開導天人。來者有如細雨密霧，无鞅之衆，迄國一半土皆偏陷，非可禁止。於是元始懸一寶珠，大如黍米，在空玄之中，去地五丈。元始登引，天真大神，上聖高尊，妙行真人，十方無極赤符丹光至真大神，無鞅數衆，俱入寶珠之中。天人仰看，惟見勃勃從珠口中入，既入珠

口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行道心。洞見洞識，洞妙洞知，洞悟洞徹，洞照洞微，洞明洞鑒。言符至理，默契玄機，齊同慈愛，異骨成親，國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音，亦是真王內諱，百靈之隱名也。開示大法，造立天地，內生人物，外成混沌。赤符應合，丹光纏綿，元氣烹煎，真火化鍊，以成三界，匠立萬天，爾能體之，自然得道，非世之常辭。上聖已成真人，通玄究微。能悉其章，誦之十過，諸天遙唱，萬帝設禮，河海靜默，山嶽藏雲，絳煙布逸，霄光巨玄，心符內充，丹寶外應，群魔束形，鬼精滅爽，回屍起死，白

骨成人。至學之士，誦之十過，則五帝侍衛，三界稽首，紫輝遐映，神晶注盈，妙開元造，神泊其間，魔精喪眼，鬼祿滅爽，濟度垂死，絕而得生。所以爾者，學士穢氣未消，赤符陰隱，丹光內潛，體未洞真，以制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京，度人无量，為萬道之宗。巍巍大範，德難可勝。

道言：凡誦是經十過，諸天齊到，赤符度生，丹光啓幽，億曾萬祖，幽魂苦爽，皆即受度，上升朱宮，格皆九年，受化更生，得為貴人，而好學至經，功滿德就，皆得神仙，飛升金闕，遊宴玉京也。上學之士，修誦是經，神契赤符，道融丹光，皆即受度，飛升南宮。世人受誦，則延壽長年，丹赤之華，注澤屍腐，骨剛氣真，後皆得作屍解之道，魂神暫滅，不經地獄，即得返形，遊行太空。此經微妙，普度無窮，一切天

人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳，輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，赤符召和，丹光運明，三元錫契，萬象蒙生，爲上世亡魂，斷地逮役，度上南宮。七月長齋，誦詠是經，赤符召陰，丹光育精，四明奏功，五老奉經，身得神仙，諸天書名，黃籙白簡，削死上生。十月長齋，誦詠是經，赤符召陽，丹光用章，九宮合氣，玉女跪漿，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，赤符周建，丹光流行，八景合體，六司命真，得爲九宮真人。本命之日，誦詠是經，赤符召神，丹光繞身，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞

三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。

畢，引炁三十二過，東向誦經。

### 元始无量度人上品妙經

元始洞玄靈寶本章，赤符丹光上品妙首。明識度人，龍康廣運，開化因緣，大洞隱章。虛含至真，太无三一，流結諸天，碧落敷明。高峙天根，大經離合，萬境分神，赤符帝氣。丹光上靈，恢張玄範，洪歷冥冥，六風交換。空象告成，玉文肇啓，天道流行，是爲

元造。蒼混飛煙，太霄鬱單，玄丘景仙，茫茫正化。皇極推遷，瓊羅騫仞，至妙靈圓，三周九復。包絡綿綿，億天群品，歸真玉垣，正行遊梵，過度生關。中有赤明校錄之神，中有玉符攝氣之真，中有大丹流焰之君，中有炎光開化丈人，中有太一，入纏黃庭。鳳紐混合，大洞高尊，統御玄變，清都化身。金篇消魔，廣大飛輪，三十九帝，廓開八門。今日敷教，萬真臨軒。

東方无極寶生神王，長生大聖，无量度人。  
南方无極洞浮神王，長生大聖，无量度人。  
西方无極耀明神王，長生大聖，无量度人。  
北方无極太一神王，長生大聖，无量度人。  
東北无極保安神王，長生大聖，无量度人。  
東南无極持化神王，長生大聖，无量度人。  
西南无極玉靈神王，長生大聖，无量度人。

人。  
西北无極飛霞神王，長生大聖，无量度人。  
上方无極大變神王，長生大聖，无量度人。  
下方无極冲厚神王，長生大聖，无量度人。

十方赤符丹光神王，至真度世飛天大神，並乘三華絳霄流雲，鳳輿瓊輦，天蓋地輪，驂駕朱光玉角神獸，蒼鱗火鬣蛟龍，建招真之節，告靈大旛，前列玉虛寶仗，後從三元化兵，洞神九仙，飛空步虛，四帥啓塗，三師告盟，億乘萬騎，浮空而來，傾光回駕，監真度生。赤符經天，三界同生，丹光六飛，萬物洪施。心知目見，神動意隨，天人仰法，至化同歸。大象流布，洞虛極玄，方諸符召，超登九天。九天上宰，元黃左宮，流雲司命，保世大神。執籙持符，同會帝庭，隨所應度，天化浮沉。普告三界，八極雲營，崑崙瑤闕，廣野寒扃。五方玄嶽，四極真公，九元大憲，化見玉文。疾除故氣，清正生根，

不得拘留，上合仙真。赤符丹光，時刻飛升，北都六洞，普赦幽魂。制魔保舉，度品朱陵，死魂受鍊，仙化成人。生身受度，劫劫長存，隨劫輪轉，與天齊年。永度風刀水火之難，超凌三界，逍遙上清。上清之天，天帝朱明，無色之境梵行。

#### 東方八天

靜都勤明天，帝妙衡具傍。  
昌郊九華天，帝卿靈尹登。  
符應智靈天，帝曉虛妙常。  
灼變丹神天，帝邁氣圖生。  
蒼京寶風天，帝化招境形。  
聖基密照天，帝鑒真定微。  
運晶遂方移想天，帝縛奔囊孤。  
高虛赤符惠生天，帝井虛歷維。  
南方八天  
陽光化生天，帝景中惟寧。  
九宮明耀天，帝闕淵求方。  
丹青注靈天，帝赫爰胥延。  
曲晨紫真天，帝護斗召仙。  
太微瑞靈應精天，帝直波夷倫。  
光慧洞無天，帝剛過擇躬。

寂意思玄天，帝保玉令脩。  
洞玄摧魔拱雲天，帝飛圓曜隨。

#### 西方八天

瑤府定民天，帝按涂知元。  
寒庭對兵天，帝戒無象虛。  
司覆開世天，帝慈流升。  
真功定籍天，帝問初顯非。  
太上素晨禁綱天，帝樞牢勝當。  
內池誕華優陽天，帝耨達用義。  
簡微求祖知變天，帝洞仙常師。  
主錄度仙超化天，帝山英謝方。  
北方八天  
梵樂錄魔天，帝變龍擲旌。  
垂慈飛真無想天，帝志明淵符。  
玄明左期靜光天，帝甫昭叢希。  
五氣交符鍊神天，帝優頻景珠。  
張育行真天，帝納生辨殊。  
龍桑命仙天，帝屈空冥神。  
朱明合氣天，帝極監盟真。  
靈綱正氣總陰天，帝主羅察冥。  
三十二天，三十一帝，諸天隱諱，諸天隱名。天中空洞，自然靈章，諸天隱韻，天中之音。天中之尊，天中之

神，天中大魔，天中之靈。九奇十耦，和合自成，赤符丹光，變化上清。无量之奧，深不可詳，敷落神真，普度天人。今日欣慶受度，大化開生，感變幽關，大會神靈。請滅三惡，斬絕地根，斷胞閉死，名列太玄，真王監舉，無拘天門。東斗執契，西斗召仙，北斗奏簡，南斗列言，中斗坐鎮，運轉元關，帝魁玉錄，洞鑒冥無。天真玄一，五斗之符，下元化氣，太劫丹書。青帝施令，白帝禦敵，赤帝正憲，黑帝建立，黃帝中主，變化無極。惟符所指，陰陽乃宣，吉凶示象，善惡相連。青天魔王，晶晶鬱羅。赤天魔王，明耀絳霞。白天魔王，金真保華。黑天魔王，鼓化玄波。黃天魔王，安鎮崇阿。五天大魔，萬神之宗。飛行鼓從，總領天兵，持幢仗節，遊觀太冥。自號赫弈，諸天齊功，上天度人，嚴攝北酆。真王受命，普掃不祥，三元降詔，大憲恢張。飛符攝御，清蕩十方，定界無邊，風火八衝。敢有抗拒，糾送酆宮，元真振劍，天曜施刑，屠戮邪魅，收捕無停，千千斬馘，萬萬滅

形。魔無干試，鬼無祆精，太陰北都，按察鬼營。不得怠縱，飛章奏罪，普告三官，正道流行。考功定籍，書名紫清，玄曜大劫，寶曆龍康。洪運周流，纏結陰陽，一氣交絡，開隆上皇。飛生玉音，廣布十方，丹華升降，輪轉剛風。眇眇億氣，赤混玄宮，上周圓曜，下變重淵。風動八冥，洪極成天，赤符化鍊，丹光發煙。天上天下，輝朗幽冥，肇形虛象，廣大無窮。鴻濛溟滓，豁落舒光，太真啓圖，運度自然。朱陵敷演，徊風上篇，碧簡金章，玉錄瑤編。保安天地，永劫綿綿，梵炁彌羅，萬範開張。丹光成立，三境諸天，輪轉崑丘，包羅億千。元老下教，普度群仙，三天三地，灌氣三垣。八景玉羅，氣入高玄，玄中至真，丹霄上卿。佩天瓊文，校錄稱尊，合景飛霞，執詠洞經。金華流彩，普攝雲營，玉章大誥，鳳簡龍書。徊天隱道，接閱元圖，千和萬合，自然成真。真中有神，東華天君，方諸帝一，太素千精。玄光保命，混洞延生，赤符丹錄，永鎮玄根。上遊清

微，出入洞虛，巍巍天闕，列聖之居。下降種民，升舉清都，中理太極，混合空无。十轉回靈，萬景同升，仙道貴生，无量度人。上開八門，經天法輪，罪福禁戒，宿命因緣。普受鍊度，死魂生身，身得受生，上聞諸天。諸天之上，各有生門，中有混天開劫之章，仙聖靈篇，辭參高真。

第一混極飛仙赤符之音

太虛元始，生成天地。空極杳冥，肇于一炁。廣大無邊，化生真帝。上居玉京，三界統制。威錫威靈，不問巨細。周流合變，成此大器。赤書敷落，靈仙交會。五山安鎮，玄嶽高峙。崑丘閔風，黃老爲治。虛皇憫衆生，開演玄妙義。洞章攝魔群，億天蒙大庇。

第二玄變真君丹光之章

嚴嚴大有宮，萬靈朝上皇。三氣包太虛，飛霞結元綱。上開廣瓊室，下布流景房。三垣懸帝座，赤文羅五方。內陳玉極真，保此大經常。空生纏地紐，冥冥度龍康。真王馭天馬，寶闕舒丹光。天運啓玄圖，玉道發嘉祥。元

君乘化氣，神變不可量。俯觀三界民，欲海徒茫茫。披誦洞玄篇，超升太福堂。

### 第三赤符丹光真王歌曰

岌岌金闕，下臨太清。碧霞鬱合，化此金城。巍巍虛象，飛臺玉京。九龍大劫，生育神靈。妙氣交合，變化天根。赤文列聖，丹光上真。三十九帝，與道同生。持握天憲，空洞皇君。校鍊飛天，驂駕龍麟。周遊三界，正道開明。威光下濟，照徹重昏。清蕩北艷，普赦幽魂。萬類逍遙，十方蒙恩。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛升太空，過度三界，位登仙公。有聞靈音，魔王敬形，敕制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音，皆是大梵之言，非

世上常辭，言無韻麗，曲無華宛，故謂玄奧，難可尋詳。上天所寶，祕於神霄玉府東藏經室，依科三萬七千年應運下傳。若有至人齋金寶質心，依舊格告盟真王，然後而付焉。

道言：夫赤符道逆，丹光內隱，則二儀失序。五行數睽。故天地運度否終，日月五星虧盈，至聖神人休否，末學之夫疾傷。凡有此災，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。則赤符照心，丹光還形，不與物化，神凝氣清，魂神經上南宮，隨其學功，計日而得更生。轉輪不惑，使得神仙。

道言：夫天地運終，星宿錯度，日月失輝，四時失度，陰陽不調，國土有災，兵革四興，疫毒流行，兆民死傷，師友命過，良善橫殃。皆當修齋，行香誦經。夫齋戒誦經，功德甚重。上消天

災，保鎮帝王，下攘毒害，以度兆民。生死受賴，其福難勝，故曰无量，普度天人。

道言：凡有是經，能爲天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，克得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

### 諸天中大梵隱語无量音 道君撰

#### 元始靈書赤符丹光玉篇

##### 東方八天

弗黎竟桑，僣遭輔璫。庚福奠神，揚騎時房。充枚鬱澮，周勤氏梁。越贊傳野，畢容治光，按披曜師，維誓鄞康。靜學原蔽，密都朱堂。參據角首，穹奇僖章。絡昔魔靈，粲秀東疆。

##### 南方八天

赤符三氣，火山炎精。照煥潛蟄，幽離浮瓊。定顯妙樞，紀錫幾冥。善旅逸修，豫盈司奔。嶽迭命召，魂林繁

騰。無鐸演廬，盤河哲承。綿度令高，慈尤并艱。肆除獻寧，太霞資明。

西方八天

碧巒濟佑，浮空景涯。神策飛錄，早馳玄華。奎芒皇休，祿員禹瑤。遵善既邈，閉延投嵬。良茲印宙，玉微化伸。昊素格略，利淵開仁。掌紀緣釋，湊智遠京。抱月綠霞，詠此至音。

北方八天

衡圍太始，芒露激虛。句陁支云，桓做箕無。正鄰投黃，聚沖攸靈。欲蘇踐荒，祥實觀真。鬼由牢察，玄屍杳丁。沖熙日囿，評霞嶽虔。氣膺逃宏，沼領綿謨。彫梗雲昆，總靜邁泉。

道言：此諸天中大梵隱語，无量之音，舊文刻書絳臺瓊華妙靈玉妃丹墉廣闕之上，字皆廣長一丈。天真皇人昔書其文，以為正音。有知其音，能齋而誦之者，諸天皆遣赤符丹光神王，下觀其身，書其功勤，上奏諸天，萬神朝禮，地祇侍門，大功魔王，保舉上真，道備克得，遊行三界，升入金門。此音無所不辟，無所不禳，無所不度，無所

不成，天真自然之音也。故誦之致赤符告靈，一呼萬應，丹光回照，百理千通，密授紫書，上為真宰。神王下觀，上帝遙唱，萬神朝禮，三界侍軒，群祿束首，鬼精自亡。琳琅振響，十方肅清，河海靜默，山嶽吞煙，萬靈振伏，招集群仙。天無氛穢，地無祲塵，冥慧洞清，大量玄玄也。

靈寶无量度人上品妙經卷之二十五

靈寶无量度人上品妙經卷之二十六

明體貫氣品

道言：昔於太丹天中，絳雲凝霄，赤光世界，受元始度人明體貫氣无量上品。元始天尊當說是經，而乃謂言：吾為天地之祖，萬氣之先，三寶天君肇化之後，道體分三，於太空混黃清虛丹暉廣化大劫，生第三元老，號太上老君。統治玄氣，養育人民，即吾至道分神，傳授大範，已經九萬九千九百九十九億妙氣。氣分三劫，无量度人。吾昔於彼，已明此道。當命太上老君，於太丹天中，為一切衆生剖析祕密，開化天人。吾已演化諸天，明露道要，三才五行，陰陽玄極之旨，明體貫氣。最後分別，宜命太上宣示隱微，使諸衆生悟道通達。作是念已，太上老君居太清太極宮大光明殿，敬聞教誡，徑詣座前，稽首再拜，長跪，默念大聖虛皇元



始天尊寶號者三，上奏天尊。臣奉密旨，令升法座，爲十方天人說明體貫氣妙經。謹依詔命，諦奉宣揚，禮足整衣，將說是經，周回十過，以召十方，始當詣座。天真大神，列聖高尊，上清真人，無鞅數衆，乘空而來。九霞布空，

玄光內照，華蓋飛軒，碧落騰輝，流雲丹景，垂蔭太虛，七日七夜，清微、禹餘、大赤三境種民，三界無極諸天，日月宮府，玉垣帝座，太微寥陽，鬱山玄宗，丹臺紫閣，瑤闕瓊樓，皇極飛綱，洞淵劫仞，森然在目，無有隔礙。衆真侍座，太上老君玄坐空浮陽光玉闕寶臺之上。說經一遍，諸天大聖同時稱善，是時一國男女，咸悟生化之根。說經二遍，衆惡消除。說經三遍，萬善集身。說經四遍，真氣下降，灌注心田。說經五遍，所向皆真，玄符正範。說經六遍，神妙足備，克獲飛仙。說經七遍，明體妙元，貫氣達用。說經八遍，九玄七祖，上世亡魂，眷屬親姻，逍遙離苦。說經九遍，玉章破暗，靈光燭幽。說經十遍，一切衆生，永斷惡趣，

冤仇解脫，報對休停，是時一國是男是女，莫不傾心，皆受護度，咸得長生。

道言：是時太上老君，說經一遍，東方無極無量品八景大神，無鞅之衆，浮空而至。說經二遍，南方無極無量品明光大神，無鞅之衆，浮空而至。說經三遍，西方無極無量品制魔大神，無鞅之衆，浮空而至。說經四遍，北方無極無量品藥珠大神，無鞅之衆，浮空而至。說經五遍，東北無極無量品雲宮大神，無鞅之衆，浮空而至。說經六遍，東南無極無量品變化大神，無鞅之衆，浮空而至。說經七遍，西南無極無量品靈飛大神，無鞅之衆，浮空而至。說經八遍，西北無極無量品三素大神，無鞅之衆，浮空而至。說經九遍，上方無極無量品玉虛大神，無鞅之衆，浮空而至。說經十遍，下方無極無量品離合大神，無鞅之衆，浮空而至。十遍周竟，十方無極明體貫氣大神，一時同至，一國男女，傾心歸仰，來者駢委叢踏，數計億量，非可爲比，徧諸天境。於是太上老君睹見四衆十方圍繞，即

向北方，恭禮玉京大聖元始天尊，上清紫霞太上玉宸大道君。既畢復座，東嚮環顧大衆，運道神力，移十方天人遐邇，來者徧天，觀聽之儔，盡升虛空，高可百丈。即取碧霓流雲黃縷萬花之帔，迎取天人，來置座下，廣殿四開，無鞅之衆，厠如積粟，讚歎禮拜，聲震八極。太上老君天顏微笑，舉五明寶扇，撫紅霄金光明之几。重告大衆曰：道出而爲神，神化而爲氣。氣者，未有天地陰陽之先，真元萬化之祖，道之妙感也。其氣非色非形，非有非無，不隸陰陽，不屬五行，能生能化，能成能實，爲道之神用。故剛於金石，清於冰玉，大於虛空，長於上古，內凝至精，造立混沌，下逮萬類，此氣爲始，其謂之氤氳恍惚者。氣兆於形端，質陶於太素，作天地之妙本，名曰一氣。故有真一，玄一，太一，亦曰玄元始三氣。自建植玉京，及於泉戶，仙聖鬼神人物，莫不由之，均以道生，無有分別。高下善惡，強弱堅脆，以自然付受，未常爲也。洎三界成就，神靈攸司，君尊臣卑，則役

造化，定隆殺，興賢愚，立高下，則道有至聖之神，天有不私之帝，三垣星斗，八威神官，以布其政，記人功過，生滅無失。雖纖芥圭黍，不得逃逾，則先明體以貫其氣。如道爲無體，德爲有體，照爲明體，玄爲暗體，陽爲動體，陰爲靜體，正爲仙體，邪爲鬼體，體分既定，則貫其氣，以受其生。無體則貫以浩氣，有體則貫以元氣，明體則貫以清氣，暗體則貫以濁氣，動體則貫以龍氣，靜體則貫以常氣，仙體則貫以靈氣，鬼體則貫以異氣，明體貫氣，區畛有方，萬化大定，三才之政，績用乃成，超凌三界，高真之業。可觀善惡之錄，有科福禍之理，大明天人鬼神，十方億萬之衆，化遠教行，出離輪轉，仙道克登，長生無爲，允合太空。太上老君說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。明信明因，明緣明報，明感明果，明法明教，明戒明體。

言符至道，行合天機，齊同慈愛，異骨成親。國安民豐，欣樂太平，經始出教，一國以道。預有志心，宗奉禮敬，皆得度世。

道言：太上老君說經中所言，並是諸天上帝內名，隱韻之音，亦是魔王內諱，百靈之隱名也，非世之常辭。上聖已成真人，通玄明體，真氣貫身。能悉其章，誦之十過，神光內耀，魔鬼喪睛，儀璘舒華，璇璣煥明，崇癘斬戮，鬼神伏形，回屍起死，白骨成人。至學之士，誦之十過，則太上遙鑒，三府記名，祆邪殞首，滯爽登升，濟度垂死，絕而得生，所以爾者，學士未洞太玄，務明體理，穢氣不盡，尚拘人累，召制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量。爲萬道之宗。巍巍大範，德難可勝。

道言：凡是經十過，諸仙齊到，體

淨心明，陰翳消瀾，氣合神真，冥光晰暢，億曾萬祖，幽魂苦爽，皆即受度，上升朱宮，格皆九年，受化更生，得爲貴人，而好學至經，功滿德就，皆得神仙，飛升金闕，遊宴玉京。上學之士，修誦是經，皆即受度，飛升南宮，以其誠誦通感，明體不昧，靈氣貫形，自然受鍊，得詣流火之庭，瑩玉光於靈顏，納朱文於錦胃也。世人受誦，氣添生福，屍故自斷，血流清津，腦填素液，則延壽長年，後皆得作屍解之道，魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，明萬物受生之體，仙靈人鬼變化之道，皆從太无自然中來。依道立體，資氣爲用，以神發知，用明爲識，陰陽水火，鍊以成真。萬物之體，仙靈人鬼，其體若同

變化，所貫之氣各異，神通妙密，各各不同，出沒隱淪，彰顯之道，互出玄領，爲上世亡魂，斷地逮役，度上南宮。七月長齋，誦詠是經，明萬物受成之體，仙靈人鬼陰息之道，皆從靈氣貫質，陰

火烹鍊，依定立堅，憑靈爲變，以清爲知，以燥稟體，月華滌沐，鍊以成真，萬物之體，仙靈人鬼，其體若同變化，所貫之氣各異，神通冥運，各各不同，謝緣斷凡，幽曠之道，互出奧領，身得神仙，諸天書名，黃籙白簡，削死上生。十月長齋，誦詠是經，明萬物復命之體，仙靈人鬼還元之道，皆從玄一得命，命以定體，太黑貫氣，兩半成功，依液感生，喻粹護養，晦以生明，以靜爲化。玄霜碧露，鍊以成真，萬物之體，仙靈人鬼，其體若同變化，所貫之氣各異，神行默察，各各不同，出離遐舉之道，互出祕領，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，八風隱體，貫氣八方，八景會真，泥丸洞明，得爲九宮真人。本

命之日，誦詠是經，兆自明體，貫氣入身。賢者爲聖，凡骨爲真，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，東有木玄真人，南有炎象真人，西有金液真人，北有水象真人，上有玄妙真人，侍衛監觀，獅子白鶴，羅列左右，日月照明，洞煥室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。天皇真人曰：此經神寶君代虛皇說

之，故亦詣元始上帝授，太極元化保生真人爲序。真人乃禹餘天高真道君之臣，故亦稱道言。

### 元始无量度人上品妙經

元始洞玄靈寶本章，明體貫氣虛妙上品。皇極度人，淵微寶曆，符應自然，混合玉文。龍康化真，泰洞無垠，虛象流形，空無眇邈。植立萬天，鴻濛正氣，大朴分源，飛騰升降。包絡交纏，開明雙景，帝一合仙，玄虛上宰。演妙高清，鬱昌啓運，肇生神靈，是爲變化。玉極元皇，紫霄綱維，晶耀琳琅，飛輪持紐。數度朱光，上清劫仞，大有黃房，後聖廣筵。三真化宮，下治崑丘，瑤臺閔風，端居天京，統教十方。中有玄元大範之靈，中有司天變化之君，中有徊水儻空大神，中有太微沖和妙行真人，中有鳳臺絳闕雌一玉檢曲素大洞高真。共明正體，无量度人，今日貫氣，諸天臨軒。

東方无極八景神王，長生大聖，无量度

人。

南方无極明光神王，長生大聖，无量度人。

西方无極制魔神王，長生大聖，无量度人。

北方无極藥珠神王，長生大聖，无量度人。

東北无極雲宮神王，長生大聖，无量度人。

東南无極變化神王，長生大聖，无量度人。

西南无極靈飛神王，長生大聖，无量度人。

西北无極三素神王，長生大聖，无量度人。

上方无極玉虛神王，長生大聖，无量度人。

下方无極離合神王，長生大聖，无量度人。

十方虛明正體神王，開天貫氣无量大神，並乘流光，鳳車瑤輦，華蓋丹輿，驂駕神虎猛獸斑麟，建七真玄鉞，三素朱旗，前捧洞陽寶印，後仗招靈信幡，太

極群仙，飛空步虛，五佐啓途，三官翼

轅，億乘萬騎，浮空而來，傾光回駕，監真度生。太微玉輔，紫宸上皇，至陽元

老，沖妙大神。總執生符，來詣帝庭，隨所開化，攝召萬靈。普告三界，六極

八冥，廣霞飛圓，寒嶽丹扃。方諸靈紐，暘谷洞泉，通明大劫，龍廐成池。

龜城瑤闕，浮照星機，三元上館，天憲九宮。二十七府，簡注元功，持握生

化，考校羅酆。真光流布。下拔罪魂，息役鬼官，業報休停。冤仇和釋。隨

運長存，因緣輪轉，上升朱陵。永斷貪愛牽纏之苦，逍遙高空，受鍊太霄。太

霄之天，天帝觀覺，無色之境梵行。

東方八天

力欲竟成天，帝徂央微真。

納乾晝登天，帝辨崇至群。

都曾秀敷天，帝杳良鳴。

祛非却妄天，帝石完夫。

變正玄明天，帝寂真耕。

呂耀疆勒天，帝胡顓希明。

極真定瑤天，帝章毗化居。

邀玄召雲天，帝野昌曜虛。

南方八天

利定宛圖天，帝景昌祖名。

韓司主生天，帝萌元評。

玉觀夷會天，帝召靈紀須。

咸樂赭沖天，帝確端由衢。

車揚璘下天，帝度謠路音。

平煥鬱理天，帝氣成專浮。

太皇育嶠天，帝孔遵生。

藍英佐侯天，帝洞覺靈。

西方八天

童隨巘妙天，帝圖賓良。

舉玄謝都天，帝仇周九王。

赤震招仙天，帝火提楚基。

標光咸思天，帝璟明山師。

亮宗迪玄天，帝召意並堂。

魁符大建天，帝玉練演論。

空居杳樂天，帝越婁浮光。

載梵阿史天，帝隱題部延。

北方八天

東井貫綱天，帝北華粗彌。

幽華太虛天，帝莊竭杜如。

劫刃降和天，帝斗勇慈云。

玄方正嶽天，帝籠京麻瑛。

通霄次皇天，帝玉宮乾尊。

極張應加天，帝洞神八威。

宗回浮化天，帝黃朱景飈。

慧擇龍化天，帝謝登溢常。

三十二天，三十一帝，諸天隱諱，諸天隱名。天中空洞，自然靈章，諸天隱韻，天中之音。天中之尊，天中之神，天中大魔，天中之靈。九華十晶，遊宴鬱單，生神妙冊，高祕京山。玄波鼓蕩，運幹天關。今日雙輪會合，大慶因緣，請除故滯，真降玄丹，萬惡永消，變景飛仙，上靈監舉，同升帝軒。木曜宣威，火曜施政，金曜司察，水曜行令，土曜四據，總持符命。句芒主生，蓐收化斂，玄冥閉藏，祝融流演，后土居中，執御大典。青靈始老，立天開發。丹靈真老，檢校科格。皓靈皇老，主領殺伐。鬱靈玄老，大布聖澤。玄靈元老，坐鎮金闕。五老帝尊，萬神所歸，飛行三界，正統元機。持幢仗節，遊觀太微，位號顯著，教令弘施。上天戮邪，豁落誅摧，天皇受詔，收滅魔凶。石光交換，列火流衝，炎方攝精，醜伯驅風。

寒夜雲營，清穴陰宮，敢容乖變，拒遏高真。融蒼大吏，明示典刑，泉沙苦刃，捕逐無停。風刀束送，除蕩妖兵，百邪歸正，皇道長興。簡奏大羅，同功紫宸，陽輝鳳曆，九氣順行。普告十方，無量威靈，列科定籍，三元保寧。丹華大誥，分變推遷，劫刃崑丘，飛霞散煙。上開八極，下列九淵，風轉圓羅，肇生諸天。天上天下，混洞沉冥，溟滓鴻濛，玄極無形。宏綱大範，幽廓生音，赤象黃方，度劫自然。元始流布，霄輝上篇，金籙簡章，八景瓊文。攝召衆魔，保制天根，正氣騰飛，成結清都。元和化演，鳳真玉書，總祕蕭臺，廣運沖虛。紫微八會，元素珠編，陽景招靈，无量飛仙。同會太清，氣合上玄，玄中玉真，太極高皇。流泛洞霞，吟嘯明堂，三騫秀鬱，輝耀絳房。玉章化氣，丹字騰光，澄晶永劫，安保延康。千和萬合，自然成真，真中有神，三天大君。玉虛上帝，黃老先生，長生法師，大洞高尊。執符把籙，保度天民，上居須延，遊宴玉京。虛无之

內，空洞之中，下鎮神州，五嶽名山。六無相勝，回轉天關，不得怠縱，三華列言。皇道開生，无量度人，上升八羅，運天彌綸。九光至聖，相慶因緣，妖姦永息，正教洪宣。通流萬化，列奏三天，三天之上，各啓生門。中歌開明，合體之章，貫氣靈篇，辭參高真。

第一妙無廣化生氣之音

雙明初判，乃闢天關。蕩蕩道境，元始高居。玉剛橫空，輪轉四虛。鬱羅寶臺，深祕龍章。虎山海嶠，開天御圖。上玄降氣，悉受真符。回環八素，飛躍飄浮。上清大洞篇，三十九皇書。道君受法言，絳霧闕清都。帝道既已成，真文當廣敷。普度學仙民，飛神登太无。

第二妙有明體成道之章

玄玄太羅天，中有白玉京。瑤闕聳太虛，端坐虛皇尊。三氣遶蕭臺，天闕列神靈。太帝執虎符，下召元皇君。群品受真體，分化逐境生。天魔列玄職，朱籙校北營。大聖憫淪溺，玄章下太清。元洞布靈慈，爲爾敷真經。願

爾進仙業，咸得道果成。光明照幽夜，苦爽皆超升。求斷相牽結，冤對悉休停。

### 第三大混貫氣之歌

元始立萬天，正氣青黃白。浮變爲高清，沉化成渾濁。中和有邪正，爲人復生物。欲念弊真元，愛河常汨沒。契道入仙靈，功圓歸帝闕。造業墮輪回，隨念沉幽獄。豈知太空中，三官秉化筆。執我大威權，九宮標憲格。天堂諸種民，南昌常快樂。既證玄悟道，豈復有淪沒。受我天寶言，速進長生業。

此三界之上，飛空之中，仙王歌音，音參洞章。誦之百遍，名度南宮。誦之千徧，魔王保迎。萬徧道備，飛升太空，過度三界，位登仙公。有聞靈音，魔王敬形，勅制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及

至靈魔王隱祕之音，皆是大梵之言，非世上常辭。明究生體，貫氣隨材。天政及民，卓無私妄。天之至公，考驗於帝王。法道以變通，隨時以舉用，通玄聖之隱密，非凡俗之可量。故謂玄奧，難可尋詳。上天所寶，祕於神霄玉清王府東藏寶室，依科三萬七千年，應運下傳。若有至人齋金寶質心，依舊格告盟十天，然後而付焉。

道言：夫誦詠此經，則凡體成真，穢氣清蕩，天光入心，骨有玉津，克證靈仙，永謝死因，萬道開通，所爲者成。上順天常，日月五星。中和人氣，疾痛無侵。下制魔爽，百神衛形。皆當齊心修齋，六時行香，十徧轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其行香，誦經十過，以度屍形如法。太上明體，體變柔金，司命貫氣，氣陶玉津，魄鍊屍滅，九宮還靈，魂神徑上南宮，隨其學功，計日而得更生。轉輪不惑，便得神仙。

道言：夫天地運終，星宿錯度，日月失昏，四時失度，陰陽不調，國境有災，兵氣時現，疫毒流行，兆民死傷，師友命過。凡有此災，皆業成變體，德感致氣，各有所由，道之自然，天之政也。皆當修齋，行香誦經。夫齋戒誦經，功德甚重，上消天災，保鎮帝王，下攘毒害，以度兆民。生死受賴，其福難勝，故曰無量，普度天人。

道言：凡有是經，能爲天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

### 諸天中大梵隱語无量音

太極真人撰

### 太上明體貫氣靈篇

東方八天

亨健基圖，偃明命輿。句華品懋，蘭第玄無。剝莠忌到，泯炎坤謀。建

晝靈憲，直真帝壺。呼正德銘，越鼎亭  
莘。詔彥遵澤，古同焉誅。敵假宥傑，  
番離潛徂，神岡破綱，周慎斬都。

### 南方八天

璿瑁虛攸，麗佃雅秋。孟廓純被，  
思瀏騫投。勅鎮鬼井，畢參萊休。定  
斷神磔，賜侯印婁。洗鉛洞溢，霞晶散  
浮。煌爛棲魂，交駟蔚揆，常古疑涵，  
淨池火求。冶溟感兑，生蘇氣彪。

### 西方八天

混契萌動，融衝駿偷。綠羅知大，  
猛旂聿漚。荷裙夷箭，曷領逋道。日  
藥烏九，文已空洲。眇何呈段，曆江紫  
泉。響抱親飼，爻構道先。君軀分體，  
氣列由筵。肇解魯住，釋滋用筌。

### 北方八天

芻陶阿陵，辜胡拯玄。景搏太霄，  
舒靜播連。赤鏤瑤秩，巨閱宏遷。符  
疏雲華，紅誕露翩。關溟東戶，丘府壅  
年。轟竝旒晉，滄意邈傳。色凝方確，  
祕丹董源。韓錄罰爽，道彰碧沿。

道言：此諸天中大梵隱語，无量  
之音，舊文字皆廣長一丈。天真皇人

昔詣柏林之舍，對伏天玄五方，率現帝  
仙唱虛，納以火泉，鍊之九劫，文乃瑩  
鮮，書太極鳳軒玉屏之上。金光自生，  
照徹諸天，真子佩文，世世登仙，龍車  
入門，常侍帝前，丹書燔之，飲以瓊泉，  
百病去身，壽等九天。昔書其文，以爲  
正音。有知其音，變而通之，爲道利  
亨。齋而誦之，諸天皆遣飛天神王，下  
觀其身，書其功勤，上奏諸天，萬神朝  
禮，地祇侍門，大勳魔王，保舉上真，道  
備克得，遊行三界，升入金門。此音無  
所不辟，無所不禳，無所不度，無所不  
成。變凡體，招靈氣，克保升仙，天真  
自然之音也。故誦之致飛天下觀，上  
帝遙唱，萬神朝禮，三界侍軒，群祿束  
首，鬼精自亡，琳琅振響，十方肅清，河  
海靜默，山嶽吞煙，萬靈震伏，招集群  
仙，天無氛穢，地無祲塵，冥慧洞清，大  
量玄玄也。

靈寶无量度人上品妙經卷之二十六

## 靈寶无量度人上品妙經卷 之二十七

### 紫光丹靈品

道言：昔於大丹天中，絳華虛歌  
太玄景土，受元始度人紫光丹靈无量  
上品。元始天尊當說是經，周回十過，  
以召十方，始當詣座。天真大神，上聖  
高真，妙行真人，紫光丹靈，元化大神，  
無鞅數衆，乘空而來。飛霞浮霄，琅輿  
寶輪，玉蓋垂蔭，絳雲藹虛，五色翳蔚，  
洞煥太无。七日七夜，諸天靈關，日宮  
月府，騰耀凝輝，瑤闕層城，通明瑩徹，  
星綱回運，五斗舒光，九道散飈，碧壘  
交纏，寶圓泛景，天貫飛煙，一國地土  
川谷林藪，緬平一等，無復高下，土皆  
變紫瑤，無有異色。衆真侍座，元始天  
尊玄坐空浮九色寶華丹耀飛瓊之座。  
說經一遍，諸天大聖同時稱善，是時一  
國男女，道性開通，了悟玄妙。說經二  
遍，神府流珍，玄泉泛液。說經三遍，

妙範宣微，密周衆體。說經四遍，雙景朝元，玉關合會。說經五遍，洞神應變，生化自然。說經六遍，沖和降繞，形極仙真。說經七遍，靈功遠速，開濟祖先。說經八遍，天尊身光，上騰大羅，下降九淵，長夜停悲，寒宮罷對。說經九遍，鬼官考吏，升補仙階。說經十遍，三界之下，一切衆生，皆見紫光丹靈之道，是時一國是男是女，莫不傾心，皆受護度，咸得長生。

道言：是時元始天尊說經一遍，東方无極无量品青元大神，無鞅之衆，浮空而至。說經二遍，南方无極无量品太丹大神，無鞅之衆，浮空而至。說經三遍，西方无極无量品皓素大神，無鞅之衆，浮空而至。說經四遍，北方无極无量品玄光大神，無鞅之衆，浮空而至。說經五遍，東北无極无量品鎮靈大神，無鞅之衆，浮空而至。說經六遍，東南无極无量品流飈大神，無鞅之衆，浮空而至。說經七遍，西南无極无量品神金大神，無鞅之衆，浮空而至。說經八遍，西北无極无量品天垣大神，

無鞅之衆，浮空而至。說經九遍，上方无極无量品圓羅大神，無鞅之衆，浮空而至。說經十遍，下方无極无量品沖

妙大神，無鞅之衆，浮空而至。十遍周竟，十方无極紫光丹靈大神，一時同至，一國男女，傾心歸仰，各相謂言，我初聞經，即悟神丹，真氣灌鍊，合體通明，微妙道範，求證仙真。來者有如繁星積霧，飛雲細塵，無鞅之衆，迓國一半土皆偏陷，非可禁止。於是元始懸一寶珠，大如黍米，在空玄之中，去地五丈。元始登引，天真大神，上聖高尊，妙行真人，十方无極紫光丹靈大神，無鞅數衆，俱入寶珠之中。天人仰看，惟見勃勃從珠口中入，既入珠口，不知所在。國人廓散，地還平正，無復畝陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有中傷，傾土歸仰，咸得至真。養氣養神，養元養精，養志養妙，養慧養形，養生養性。光華

被體，靈丹告成，齊同慈愛，異骨成親，國安民豐，欣樂太平，經始出教，一國以道。預有志心，奉禮恭敬，皆得度世。

道言：元始天尊說經中所言，並是諸天上帝內名，隱韻之音，亦是上真內諱，列聖之隱名也。誦詠之者，紫光內映，丹靈輔魂，玉丹舖飼，太一降真，非世之常辭。上聖已成真人，通玄究微，能悉其章。誦之十過，諸天遙唱，萬帝設禮，合景升玄，丹靈捧雲，內化日月，俠侍星辰，群魔束形，鬼精滅爽，回屍起死，白骨成人。至學之士，誦之十過，則五帝侍衛，三界稽首，魔精喪眼，鬼祿滅爽，濟度垂死，絕而得生。所以爾者，學士穢氣未消，體未洞真，以制十方，威未制天政，德可伏御地祇，束縛魔精，但感丹光度形而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，爲萬道之宗。巍巍大範，德難可勝。



道言：凡誦是經十過，諸天齊到，心丹自靈，紫光保身，億曾萬祖，幽魂苦爽，皆即受度，上升朱宮，格皆九年，受化更生，得爲貴人。而好學至經，功滿德就，皆得神仙。太一玉丹，賜兆長生，飛升金闕，遊宴玉京也。上學之士，修誦是經，知覺性明，元命歸神，玉丹潛符，紫光騰凌，皆即受度，飛升南宮。世人受誦，則丹津自生，流注胎神，延壽長年，後皆得作屍解之道，魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役冥官。侍經五帝。玉童玉女，各三十二人，營衛神文，保護受經者身。

道言：正月長齋，誦詠是經，紫光丹靈，陽德度冥，玉丹九回，七世成真，爲上世亡魂，斷地逮役，度上南宮。七月長齋，誦詠是經，紫光丹靈，真道歸體，能屈能伸，身得神仙，諸天書名，黃籙白簡，削死上生。十月長齋，誦詠是

經，紫光丹靈，太一授書，玉丹護真，爲國王帝主，君臣父子，安鎮國祚，保天長存，世世不絕，常爲人君，安鎮其方，民見太平。八節之日，誦詠是經，紫光丹靈，鑪開八門，鼎有九宮，太一爲尊，得爲九宮真人。本命之日，誦詠是經，紫光丹靈，悟兆元命，得爲真人，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐紫赤黃三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，頂上紫光，內有太一玉丹，赤光如日，大如彈丸，捧在神雲之內，日月照明，洞煥室內，項生圓象，光映十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二

人，關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，紫光丹靈上品妙首，九轉度人。太一隱韻，玉丹自然，混洞赤昌，華元上真。生育天地，造化群靈，太有玄宮，耀光彌綸。開導九淵，交絡天根，太一蔚微，萬物生神。熒熒丹景，圓照通明，外連四虛，包含玉嬰。元始大劫，五緯流形，是爲靈瑞，紫極高清。鬱嶽蕭山，太上玄京，上通圓曜，瑤闕飛精。神運廣筵，昌玉純英，方臨帝仞，元化開生。太微明堂，青霞碧城，安鎮十方，貫氣八冥。下連列宿，降妙群星，巍巍上帝，安坐玉垣。中有紫陽大範之真，中有光飛玄極之君，中有丹華符應元君，中有靈通上妙真人，中有開天化氣司生司育九微八道皇老尊神。丹靈上範，宸極

度人，載天持地，列聖開生。共宣洪化，度劫回津，今日降鍊，萬神臨軒。

東方无極紫光丹靈神王，長生大聖，无量度人。

南方无極紫光丹靈神王，長生大聖，无量度人。

西方无極紫光丹靈神王，長生大聖，无量度人。

北方无極紫光丹靈神王，長生大聖，无量度人。

東北无極紫光丹靈神王，長生大聖，无量度人。

東南无極紫光丹靈神王，長生大聖，无量度人。

西南无極紫光丹靈神王，長生大聖，无量度人。

西北无極紫光丹靈神王，長生大聖，无量度人。

上方无極紫光丹靈神王，長生大聖，无量度人。

下方无極紫光丹靈神王，長生大聖，无量度人。

十方至真紫光丹靈神王，長生度世无

量大神，並乘紫光飛雲，丹霞寶輿，綠環神輦，方蓋圓輪，驂駕白虎綠鳳丹鸞，建八元神節，明飈羽旛，前列三天

大仗，後從朱陽萬兵，鬱單玉真，遊空步虛，三師啓塗，九仙捧轅，億乘萬騎，

浮空而來，傾光回駕，錫丹度生。統仙丞相，太極元宮，九垣玉輔，皇老大神，

執簡持章，齊會帝宸。俯閱教科，下頒幽扃，變化梵氣，周流五行。隨所飛

奏，開導諸天。普告神洲，仙境靈鄉，洞天福地，海嶽河源，三元曹局，九淵

化城，關紐綱維，閭風崑崙，瑤闕三真，玄華帝臺。劫仞彌羅，大經玉輪，元皇

詔命，時刻飛升。開度先祖，受對苦魂，逍遙解脫，隨光上賓。玉眸鍊質，

素暉蕩形，上登流火，仙變生身。合景太霄，與運長存，因緣輪轉，劫劫無傾。

永斷衰凶勝伏尅害之厄，超凌玉虛，受化洞陰，過度生關，飛神絳垣之天。天

帝洞丹，無色之境梵行。

東方八天

旌房簡宮天，帝伯弓思臧。

慶德昭符天，帝正車燕良。

用靈希祕天，帝契岸孔沖。求玄絜聞天，帝持時明。

利陽開華天，帝招仙圖休。勝穆問宗天，帝冒洪蘊都。

降華極光天，帝規童倚賢。寵猷清儀天，帝梁部央畸。

南方八天

紹經師濟天，帝靜敷樂襄。

火洞薦隆天，帝勅陀除魔。耀神司丙天，帝華魂錄靈。

特靜淪化天，帝確啓紋嵩。廉聖廣明天，帝謁通俟會。

極陽遠靈天，帝將維卑光。純修至感天，帝兆用無兼。

杳冥普居天，帝黨南式回。

西方八天

光遼慈息天，帝蒙擊還俵。

神耀總靈天，帝顛多鄰洙。碧萼璇珍天，帝鐸妙田并。

定籍朱宮天，帝胡堂祕公。虎章考錄天，帝阿韓呂全。

太無真首天，帝儲能捨祗。錄皇寂根天，帝淪仲息完。

平虞夙野天，帝資緣景班。

北方八天

玄晨昌化天，帝獨勤王。

真極康庸天，帝離文逸恭。

備神息尤天，帝釋乾次開。

道覺遊靈天，帝莫玄池侖。

瑶虛漢霞管真天，帝達匪報祥。

霄墟歷皇紫光天，帝略淵詞皋。

文欽哲員天，帝格涂玄。

昌都萬華秀宗天，帝冒嘉龍周。

三十二天，三十二帝，諸天隱諱，

諸天隱名。天中空洞，自然靈章，太一  
隱韻，丹靈之音，丹靈之尊，紫光之神，  
紫光玉垣，正憲丹靈。六運十飛，變化  
九清，无量隱妙，神不可量。敷落三  
華，普度天人，太一玉丹，化育生民。  
民有元命，寔丹之靈，弈弈紫光，入體  
生真。以劫爲晝，生滅無輪，授書玉  
臺，招真命神。今日欣慶受度，歷試萬  
天，請滅種惡，斷絕胎根，飛運五行，上  
列太冥。御省注籍，紀功仙官，真王監  
察，過度天門。東斗保生，西斗降神，  
南斗注籍，北斗化精，中斗混合，紫光

丹靈。青帝順行，白帝司金，赤帝炎

耀，黑帝主成，黃帝立極，正氣交并，化

生寶丹，九道鬱凝。青霞神王，覺除虛

開。赤霞神王，孟都昌期。白霞神王，

玉光凌采。黑霞神王，紫扉密回。黃

霞神王，金郊靈晞。五方神王，萬氣之

宗。佐天丹靈，飛行九宮。持幢仗節，

遊化高空，紫光赫弈，列聖齊功。上天

濟生，開度北艷，神王受命，掃蕩不祥。

青龍左持，白虎右張，朱雀前驅，玄武

後防。四象纏結，丹符洞章，擲火流

鈴，揮擊十方。敢有妖魅，干我黃房，

玄鉞斬滅，天吏定刑。屠割鬼爽，風火

飛騰，千千馘首，萬萬誅形。魔無考

試，鬼無祆精，三元九司，嚴校雲營。

不容怠縱，飛章奏呈，普告三界，諸地

八冥，九宮玄師，言功太清。

靈符大錄，太上真文，三光妙氣，

浩劫生成。崑崙玄嶽。巨液之明，開

張玄化，火耀金升。赤白既顯，元神鬱

凝，天廓澄高，覆周九冥。太一王境，

爲丹之靈，上連下接，非色非淵。風轉

至陰，虛動神源，源神合道，植立億天。

天上天下，泛景浮沉，元光浩蕩，玉極

無形。溟滓太一，玄丹赤明，皇運金

華，景晶彌綸。宣布洪京，元始瑤篇，

赤書寶符，合氣成仙。安制九方，使命

長延，梵氣騰飛，包絡交纏。紫光散

分，爲緯爲經，元風流演，三十六門。

輪轉太虛，周結生根，旋紐歷綱，回度

飛輪。六十九氣，總御三元，二景冥

符，氣降玄泉。玄泉太真，帝道洪軒，

八威萬華，安鎮綿綿。七關四維，與天

齊并，絳霄鬱單，輝映無傾。皇一三

帝，大洞徊風，伯史育嬰，千景玄童，千

交萬和，自然成真。真中有神，萬境居

尊，紫光真人，丹天上靈。長生大帝，

青華玉君，太一務猷。司命無英。白

元赤子，制魄拘魂，桃康合延，布氣營

精。執冊運關，保度天民，上遊清微，

內居琳琅。太極寶洞，大經明堂，下鎮

人身，六府五宮。中理百神，混合飛

空。十詠洞章，與氣俱仙，道貴真丹，

紫光度人。神鑪八門，運天三輪，陳羅

禁戒，宿化因緣。咸獲開濟，無量生

身，身得受生，舉形上升，升入玉垣。

俾各應丹靈，大勳群魔，吟詠謠音，九華隱篇，辭參高真。

第一紫光丹靈飛空之音

天谷靈泉，真光絳煙。飛霞挹芒，雲周九淵。回遶崑崙，萬景合仙。升騰紫虛，灌鍊交纏。妙有空無，降氣玄丹。玄丹化生，無極真關。九道神輝，下燭鄴山。真功昭著，開度七玄。采輝登晨，飛升玉輶。金華變體，遊行八騫。永超神府，大福綿綿。

第二紫光丹靈仙王之章

天垣玉霞，九和育嬰。丹章上道，宸極珠英。太華大寶，化爲玉京。玄元祖範，紫光煥明。人有元象，中藏至精。變化沖妙，升入皇寧。元始真氣，肇立生根。青琅丹碧，徊水玉晶。濯羅結璘，絳天奔星。周旋三景，流飛火鈴。蕩蕩帝氣，巍巍劫城。雙元合應，大朴構形。普天安鎮，億劫無傾。

第三紫光丹靈真王歌曰

金闕啓靈扉，真光遍諸天。萬仙集帝宮，鳴鐘藹飛煙。一唱召萬神，再歌來衆真。茫茫化八圓，珠樓竦琳庭。

太上攝千精，元始命伯華。令奔紫晨輝，長生引真牙。妙範祕玄嶽，碧落回雲霞。端坐九霄中，天墉羅九門。日月列其傍，下有層雲屯。紫光化丹靈，驂駕舞龍輶。自然玉清帝，瓊獄請元尊。宣布玉丹道，太一天皇文。普使諸天境，悟玄爲種民。設此大法梁，正憲永流行。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛升太空，過度三界，位登仙公。有聞靈音，真王敬形，勅制地祇，侍衛送迎，拔出地戶，五苦八難，七祖升遷，永離北陰，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及紫光丹靈隱祕之音。能知太一玉丹，爲己元命存而保之，不使陰穢邪妄昏觸，返歸心源，紫光照燭，逆知彊名，寓於心相。非心非神，非丹非靈。玄關脫略，悟而得道。既得道已，即心即

神，即丹即靈，生死往還，並無所礙，天宮上境，遂性遊嬉，謂之真人，亦曰神仙。七祖飛升，逍遙億劫，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於高上神霄玉清王府東室寶藏之內，依科三萬七千年，運應下傳。若有至人齋金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此災，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人，爲其行香，誦經十過，以度屍形如法。則泥丸中太一，諱重冥空，字幽寥無，吐玉丹之英，返兆生氣，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失輝，四時失度，陰陽不調，國境有

灾，疫毒流行，兆民死傷，師友命過，同氣灾殃，皆當修齋，行香誦經。夫齋戒誦經，功德甚重。上消天灾，保鎮帝王。下禳毒害，以度兆民。生死受賴，其福難勝，故曰无量，普度天人。

道言：凡有是經，能為天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，克得為聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

諸天中大梵隱語无量音 道君撰

元始紫光丹靈玉篇

東方八天

乙羅刹賓，虔踞恒微。祕裝則泯，高牙輦綏。仗毅秦役，瑶真元岐。洞嶽勅玉，琅卿簡瓌。幽流互曾，越田正催。頗惟澤柄，推察冥稽。趙品逸鐸，梁辭變機。郝完賜鈎，洪延伯龜。

南方八天

品慈盈菌，戛和凌京。燕翳洛巔，

祝勿幻平。離皇遠寅，欽輪夷恒。旦奏屏約，車塗石肩。道辯驛別，熙都索明。慶備河湄，奚梅趙真。記益曹弼，烏靈交兵。赤旃胡陀，摩求默淳。

西方八天

教飛瓊格，曆本日箕。論仁明席，延闈次鈎。長儀並敷，閭披江薰。祕露忽漠，餘棠已門。察落正梵，依畢嵯純。勤哀曜比，杓範交并。闡第委媚，斗紐升行。君支陽微，隕作常呈。

北方八天

關師時昌，聯將易蕭。碧斷幽根，霞激邊毫。原趨遲昴，季學明刀。政霜堅濤，杞南惟商。漸胙華敵，晶焰求興。丁羌把房，族英猷卿。緣冥使裔，焦昂步汀。兌臨其雩，爵述撩靈。

道言：此諸天中大梵隱語，无量之音，舊文書高上神霄玉清王府紫光丹靈之閣金門左扉之上，以盟諸真。亦傳東極宮中已成真人者，使知妙道。字皆廣長一丈。天真皇人上真道君昔書其文，以為正音。有知其音，能齋而誦之者，諸天皆遣飛天神王，下觀其

身，書其功勤，上奏諸天，萬神朝禮，地祇侍門，大勳真王，保舉上升，道備克得，遊行三界，升入金門。此音無所不辟，無所不禳，無所不度，無所不成，天真自然之音也。故誦之致大魔下觀。上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之二十七

# 靈寶无量度人上品妙經卷之二十八

## 三辰光輝保命延生品

道言：昔於始青天中碧落空歌大浮黎土，受元始度人无量上品。元始天尊當說是經，周回十過，應現諸天。說此度人，六周十遍，无量神靈，盡來集會，聽法大衆，咸皆濟度。其經藏於高上神霄玉府，宣說玉音，演暢大法。元始天尊自上皇開基，散布真氣，造立道境。復於太皇之末，中皇之始，下於東方，建通靈禁上太霞洞元之天，開上皇梵飛世界，運仙化飛昇之風，舒飛仙洞羅之氣。南方洞陽太光之天，開陽明洞耀世界，運赫炎朱火之風，舒三天火鍊丹池之氣。西方九仙梵行之天，開渺行霧雲世界，運高皇大霏之風，舒少陰開明運仙之氣。北方陰生廣靈之天，開玄滋駕光回飛世界，運上極羅天之風，舒真洞飛光之氣。至於東北始

青木皇之天，開碧落空歌世界，運融和九氣之風，舒始陽震生之氣。垂珠攝煙，建法略竟，元始法身示現三百六十變化，大放九色神光，洞照空有。元始一氣，敷落萬真，青陽宮中，寶胤聖胎。三氣周流，木母生火，出於東鄉玉雲萬華溫明世界，紫金巍闕，狀如嬰童，黃朱錦衣，巾金帶瓊，坐鎮三垣，爲萬象之主，膺我玉宸元皇之號，現圓象於太空，日月列宿，儼侍左右。赤景至陽爲日，黃華純陰爲月，八素流精爲星辰，九元五章爲神靈，鎮天剛之樞，居三辰之上，即於太素天中，景霄虛陰長樂化境，受元始度人三辰光輝，保命延生之法，始當詣座。天真大神，上聖高尊，妙行真人，無鞅數衆，乘空而來。三素飛雲，八景琅輿，華旛翠節，流彩揚光，五色鬱勃，洞煥高虛，靈霞散空，三辰交映，華芒四射，妙氣結形，自成龍鳳，甘露飄珠，神煙卷縷，纏綿續靜，綱紐旋回，聖真心目，照達明徹，山川林木，互入無礙，天蓋圓浮，土如碧玉，無有異色。列仙環侍，元始天尊玄坐虛浮

火玉交光神虎之座。說經一遍，諸天大聖同時稱善，是時太極元綱，星羅雙耀，宮闕通明。說經二遍，景星騰光，照朗太微。說經三遍，黃氣陽精，徊天舞空。說經四遍，五緯列真，同會玉闕。說經五遍，日闕月宮，發現嘉祥。說經六遍，靈氣感降，民獲延年。說經七遍，得見赤文，齊修上範。說經八遍，執詠洞章，挹景奔辰。說經九遍，功圓果滿，下拔幽冥。說經十遍，萬品化成，永開生道，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極无量品明真大神，無鞅之衆，浮空而至。說經二遍，南方無極无量品真陽大神，無鞅之衆，浮空而至。說經三遍，西方無極无量品太素大神，無鞅之衆，浮空而至。說經四遍，北方無極无量品羽明大神，無鞅之衆，浮空而至。說經五遍，東北無極无量品碧落大神，無鞅之衆，浮空而至。說經六遍，東南無極无量品洞戶大神，無鞅之衆，浮空而至。說經七遍，西南無極無

量品飛符大神，无鞅之衆，浮空而至。說經八遍，西北无極无量品辟非大神，无鞅之衆，浮空而至。說經九遍，上方无極无量品清都大神，无鞅之衆，浮空而至。說經十遍，下方无極无量品遠昌大神，无鞅之衆，浮空而至。十遍周竟，十方无極天真大神，一時同至。一國男女，傾心歸仰。來者各乘七耀明霞，三辰寶輦，無邊翺積，非可禁止。各見日帝月皇，列星宮殿，各處世界，一一宮中，皆有帝尊群臣，吏民佐史，國土境域，不可臆度，遍計天仙高真，羽蓋丹輿，斑龍獅子，驂駕往來，採鍊奔挹，明諸上道。於是元始化現妙光，大若圓象，乃登引。天真大神，上聖高尊，妙行真人，十方无極至真大神，无鞅數衆，俱入妙光。論說三辰光輝保命延生大法，示教至妙之先。道非形相，混成有物，金水凝魂，魂養胎宮，光由神發，乃立妙无上帝，妙有大帝，混元大帝。三帝萬變，經九七六億萬之數。句陳上宮命天皇大帝，左宮命太陽尊帝，右宮命太陰元君，中宮命紫微

北極大帝。總統二象，運行五氣，共領三辰，斡以元斗。三百六十五度四分度之一，周流六十甲子。運九陽之精爲日，十陰之精爲月，和合日月之精爲星辰。日有九色，月有十華。日號九色圓象，月爲十華圓光。統大道之神靈，故號太一。天靈之光，太玄無夜之光，太蒼洞清之光，綠璃赤景之光，五色濯羅耀明之光，白素黃華神耀之光，丹霞朱火之光，太素玉華之光，絳炎九微之光，光中焕然，自然梵氣，結成紫書瓊簡，真文龍章，鳳璽雲霞，五篇之篆，八方之氣，支勢曲折，隱韻垂芒，作八卦之狀，普濟天人，救脫衆苦。日之周徑一千里，日行一度。月之周徑一千里，晝夜平行一十三度。遲行十二度，速行十四度，日月合則萬物生成。星大九百里，小及百里，行各有次。水火之度，不可爲準。三辰光輝，文理垂形，靈書八會，妙章玄圖，曲素大洞。知光輝之道，參於風雲氣雨，玄津玉液，則形神洞妙。奔光曠霞，引景步星，則爲太上之真人。元始即於妙光

之內，說經都竟，衆真監度，以授於我，當此之時，喜慶難言。法事粗悉，諸天復位，倏歎之間，寂無遺響。是時天人遇值經法，普得濟度，全其本年，無有中傷，傾土歸仰，咸悟光明。神合於光，氣合於明，保命不終，延生無窮。三辰在天，真道冥沖，三辰入心，飛舉成真，三辰照地，七寶鎮世。識其道則骨成龍文，飲其光則肉化金色，出入有無，永斷生滅，齊同慈愛，異骨成親，國安民豐，欣樂太平。經始出教，一國以道。預有至心，宗奉禮敬，皆得度世。道言：元始天尊說經中所言，並是諸天上帝內名，隱諱之音，亦是日月內諱，星宿之隱名也，非世之常辭。三辰光輝，所以能保命延生者。三光之精，天真之神，下接人氣，神氣混淪。光性爲照，於人爲識。識在氣存，神不離根，是之謂命。命洞斯旨，可保而有。命爲生主，主在生延。延生得道，道妙自然。上聖以成真人，通玄究微。能悉其章，誦之十過，諸天遙唱，萬帝設禮，河海靜默，山嶽藏雲，日月停景，

璇璣不行，群魔束首，鬼精滅爽，回屍起死，白骨成人。至學之士，誦之十過，則真神上奔，三辰接景，乘駕龍車，與帝扶携，遊宴華庭，屍蠹蕩滅，胎穢淨明，伏御地祇，束縛魔靈，返老却死，還年更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，為萬道之宗。巍巍大範，德難可勝。

道言：凡誦是經十過，則三辰之精，下覆爾身，心光上騰，景氣冥一。始輝之童，採華之女，執空青之紱，以招三靈之神。鍊神泥丸，恍惚奔登，燕觀太元，諸天齊到。億曾萬祖，幽魂苦爽，皆即受度，上昇朱宮，格皆九年，受化更生，得為貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，自然奔辰，皆即受度，飛昇南宮。世人受誦，則三辰光輝，降流身中，注鍊形魂，五臟金色，面有玉光，延壽長年，後皆得作屍解之道，魂神暫滅，不經地獄，即得返

形，遊行太空。此經微妙，普度無窮，一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，日帝下觀，天光接身，九霞鍊骨，紫氣合神，為上世亡魂，斷地逮役，度上南宮。七月長齋，誦詠是經，星帝下觀，天光接身，寶霞鍊質，金色化精，身得神仙，諸天書名，黃籙白簡，削死上生。十月長齋，誦詠是經，月帝下觀，天光接身，寶霞鍊氣，三光合身，神奔意感，萬變更生，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，雙景朝元，閉目內冥，光洞天谷，赤景鍊神，五星降真，三辰繞身，八威吐火，元氣自生，得為九宮真人。本命之日，誦詠是經，日月煥照，九元絡形，朱煙飄浴，使爾玄通，乘龍紫霄，據斗攀

魁，徘徊三陽，遊行三玄，辟試除殃，八靈七政，坐卧斗中，辟却萬凶，三辰光輝，為我還容，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，五星交蔭，洞煥室內，項生圓象，光映十方，如此分明。密呪曰：无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。顯所啓上徹，徑御无上三十二天元始上帝至尊几前。畢，引炁三十二過，東向誦經。



元始无量度人上品妙經

元始洞玄靈寶本章，三辰光輝保命延生妙品，十回度人，三垣隱韻，變化自然，大範騰輝。靈光散凝，真氣鴻濛，混合杳冥，外黃內赤。二象交并，陰陽吸和，天寶成文，玉字五篇。八方威神，造化之祖，二儀之源，大化玄同，溟滓無垠，開明三景，是爲天根。日月含胞，九道乃分，元晶玄晶，萬天化生，上無復祖，惟道爲身。五文開廓，普植神靈，光氣結縷，宛轉億尋。龍章虎書，真玉布金，華芒蔚構，離合真精。劫仞圓羅，玉山蕭京，上極太无，混洞三清，渺渺鬱微，紫蓋黃庭。左日右月，中有赤熒，六氣交纏，三光結形。五帝告符，七曜玄經，雲綱結帶，神池育嬰。中有奔景赤黑之神，中有梵氣周回之君，中有日童月女星妃之真，中有鬱儀結璘壘珠飛青耀紫之英，中有挹輝採華八素之文，中有赤帝黃老。天魂高奔，上靈圓景，方象九色，霞津

灌鍊。五臟澡，治百關。迅駕龍車，上造帝軒。三辰光輝，保命延生，回骸起死，无量度人。今日校錄，諸天臨軒。

東方无極明真神王，長生大聖，无量度人。

南方无極真陽神王，長生大聖，无量度人。

西方无極太素神王，長生大聖，无量度人。

北方无極羽明神王，長生大聖，无量度人。

東北无極碧落神王，長生大聖，无量度人。

東南无極洞戶神王，長生大聖，无量度人。

西南无極飛符神王，長生大聖，无量度人。

西北无極辟非神王，長生大聖，无量度人。

上方无極清都神王，長生大聖，无量度人。

下方无極遠昌神王，長生大聖，无量度人。

十方至真三辰光輝飛天神王，長生度世无量大神，並乘八素之雲，紫霞之輦，洞光之輿，飛龍遊鳳，杳靄萬香之車，金碧瓊文之蓋，神明之節，鬱絕之旛，前擊鳴璫節奏，後吹曲素生音，玄鶴青鸞，嘯歌嚙嚙，九真啓塗，十華翼轅，億乘萬騎，浮空而來，傾光回駕，保命延生。天魁內相，玉輔帝靈，太微司命，玄合大神。執籙把籍，齊到帝前。

隨所應度，嚴校諸天。高奔赤帝，吸御九元。五辰協氣，感接太玄。光輝俯流，保命億千。朱景綠英，飈象韜騫。炎照虹離，結璘黃華。刻名絳臺，鍊腦飛霞。坐鎮明空，佩服靈篇。普告三界，无極神鄉。日宮月府，左紀右綱。九天五斗，東井河源。降氣玄丹，同會崑崙。疾除罪簿，落滅惡根。不得拘留，逼合鬼群。元始符命，時刻升遷。三辰流火，變化寒泉。制魔保舉，奔景成仙。陰質受鍊，神光綿綿。三宮極真，道化玄精。生身受度，劫劫長存。隨劫輪轉，與天齊年。永度三途五苦八難，超凌辰極，上登三垣。三垣之

天，天帝紫微，無色之境梵行。

東方八天

三辰光輝應化之天，如三奔之道，上造日月宮，有樓闕仙民世界，皆晶光所生。

光洞極瑤天，帝越靜靈公。

明梵燿白天，帝道謹觀元。

玄德悅生天，帝伯茲命棲。

恭紀彥張天，帝角牢同氏。

妙玄九真天，帝兆育勤精。

洞關采莊天，帝永幽九英。

太飛玄頗天，帝定正常無。

冥窈漏度天，帝棘茲莊攸。

南方八天

九道淵魚天，帝日觀浮都。

林元允風天，帝僑平子虛。

化淨寂夷天，帝還寶阿婁。

梵雲深玄天，帝憫江幽升。

成德寶氣天，帝順護彥丘。

靜正霄敷天，帝洞真端堯。

升降治臻天，帝卿度司兵。

清真紫虛天，帝奉貫治王。

西方八天

混合寶真天，帝太素京。

保印又玄天，帝刹陀奚。

洪拱祖秀天，帝度仙元尊。

列辰九師天，帝皇因太微。

虛明光无天，帝敞冥氣玄。

韓司明禁天，帝華屢真機。

流精瓊球天，帝博洞備符。

神龍變至天，帝玉清監真。

北方八天

變度化真天，帝求何普林。

空梵影藏天，帝覺仙蕩如。

風元易氣天，帝鄙遲忽俞。

臨山降仙天，帝斗魁玉宸。

集慶蒼室天，帝睹多沙留。

朝燕猛部天，帝泰師宣遐。

劫仞吉明天，帝洞演務陂。

相夔島正天，帝郝陂山尊。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，天中之音。天中之尊，天中之

神，天中大魔，天中之靈。九芒十華，

變化上清，无量之奧，深不可詳。敷落

神真，普度天人。今日欣慶受度，歷關

諸天，朝引辰光，顧儀眄璘，台元寫綱。

絳絃採玉，月液裁防，五星轉珠，落落

明堂。飛神九宮，存嚙太陽，光輝炫

晃，無拘天門。東斗青房，西斗玉闕，

北斗紫戶，南斗玄丹，中斗黃庭，合會

飛仙，口吐青氣，錫祚萬年。青帝拘

魂，白帝制魄，赤帝火垢，黑帝蕩蠶，黃

帝召魔，萬妖伏滅。青華神王，木景含

元。赤華神王，執憲句天。白華神王，

徊風絳煙。黑華神王，飛童飲玄。黃

華神王，光燿三垣。五華奔龍，萬神之

宗。飛行鼓從，總領天兵。麾幢鼓節，

遊觀太空。流精赫奔，與道俱隆。上

天度人，金虎玉龍。浩風攝氣，辰極鍊

容。英秀鳳羅，保命無終。五老持符，

太一鳴鐘。速召萬神，降光闕宮。洗

滌陰愆，書紀玄功。掃除不祥，斬滅姦

凶。猛馬吐火，金鉞前衝。風雷巨霹，

電激四飛。疾行帝命，引挹光輝。劫

往方嬰，生無凋摧。三奔嚙華，碧落同

歸。單青羽裙，封山校精。三官北酆，

明檢鬼營。不得容隱，金馬驛呈。普

告無窮，萬神咸聽。三界五帝，列言上

清。混洞九光，玉輪十芒。流珠曲直，落落四張。化行祖氣，道之至精。精澌泮霞，寶斡旋回。符圖龍書，勢合交開。鳳氣蟠丹，仙雲偃芝。嶽蹠卷玉，赤曜吐奇。太上靈篇，保命正文。三辰光輝，凝化自然。上極圓蓋，帝變億千。周流化氣，肇生三垣。幽冥虛曠，無極無窮。溟滓大梵，遼廓沖融。神景炯爍，梵氣淵旋。妙液滋感，恍惚變仙。升降黃赤，遊宴上清。元綱流演，五十二天。輪轉星羅，周回十方。旋

角度婁，開生五常。三十五分，總氣上玄。八景冥合，氣入玄玄。玄曜發光，光神自生。神曰赤皇，五帝夫人。洞關九門，白華隱存。執把洞章，召降天元。紫虛鬱秀，輔翼萬仙。千和萬合，自然成真。真中有神，天皇帝君。太微北極，天市玄宮。日皇月耀，總主星辰。金霞朱芒，保命延生。上極上清，出入黃房。八冥之內，細微之中。下鎮人身，泥丸絳宮。四目密招，炎光寶龍。中理五氣，混合百神。甲爲陽日之始，壬爲陽日之終，庚爲陰月之始，

申爲陰月之終，角爲星舍之始，璧爲星舍之終。黃赤黑白，三辰之迹，獨立周行，亥没子生，十轉回靈，萬氣齊仙。仙道貴生，光輝度人。經歷八門，飛天法輪，奔引感接，赤鏡左旋，普受開度，死魂生身，身得受生，上聞諸天。諸天之上，各有生門。中有三辰空洞之章，上帝靈篇，辭參高真。

### 第一赤景奔日之音

暘谷金城，昇彼扶桑。巨光萬里，洞照十方。珠景外圓，中藏藥淵。五帝絳闕，瓊池碧蓮。青紫白黃，丹氣綿綿。下流爾身，錫以長年。騫林八羅，雲膺玉芝。散布百神，精合一儀。陽燧九龍駕，天馬奔高風。光老降華芒，飛昇日帝宮。錫爾洞元章，上清爲真公。

### 第二黃華奔月之章

月精綠羅，結磷化光。中有大神，號曰素皇。浩蕩流駟，杳不可量。珠宮玉府，寶閣琳房。攝御神氣，總統元綱。羽儀騰飛，車駕十龍。潢波崑崙，高峙玄峰。交會祥源，降我皓童。泛

霞注碧虛，逍遙步靈風。採精挹華芒，下眇太無中。注爾長生錄，大惠永沖融。

### 第三八素奔辰之歌

萬象布洪綱，三垣主神靈。嚴嚴天中尊，斗極運飛輪。紫微上帝君，元皇之化身。一景輔玄造，五曜施天經。大化積所變，黃氣騰陽精。九天降沖妙，太霄羅七真。暘谷滄鬱微，群聖度西崑。大慈虛皇帝，化此開生門。黃旛召天魔，列真趣大明。六氣相纏結，萬彙保生成。皇極既以立，三道當順行。八素下禹餘，天民奔五辰。齊修正元道，飛神登玉京。

此三辰之上，飛空之中，天真歌音，音參洞章。誦之百遍，名度南宮。誦之千遍，天真下迎。萬遍道備，飛昇太空，過度三界，位登仙公。有聞靈音，魔王敬形，勅制地祇，侍承送迎。拔出地戶五苦八難，七祖升遷，永離鬼官，魂度朱陵，受鍊更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝三辰天真隱祕之音，皆是大梵之言，非世上常辭。挹輝引景，降致天光，通玄變仙，故謂玄奧，難可尋詳。上天所寶，祕於神霄玉府東藏，依科格三萬七千年，應連下傳。若有至人齋金寶質心，依舊格告盟十天，然後而付焉。

道言：夫三辰光輝，寂無虧蝕。天運周行，豈有否終。月與日同道，則陰侵陽以掩其光。日與月同道，則陽蔽陰而掩其華。氣望而掩之，三辰未嘗損也，為天地之至精。爾能採其光華，則為上清之真，秉策於玄臺。故運度虧盈，人有休否，至于疾傷，存真吸光，按摩疾所，或思握日月，手把星綱，坐致神仙，保命無老。齊心修齋，六時行香，十遍轉經，福德立降，消諸不祥。无量之文，普度無窮。

道言：夫三辰光輝，保命延生。九色神光，鍊骨灌心。陽精合氣，仙化通神。或存三景於泥丸，洞煥於六合之府，併照洞房，含芒嚙液，上為高真。而末學道淺，或仙品未充，運謝太陽，

身經太陰，卧形五斗，道應滅度，臨過之時，同學至人為其行香，誦經十過，以度屍形如法，魂神經上南宮，隨其學功，計日而得更生。輪轉不惑，便得神仙。

道言：三辰為上道之宗，萬象賴之以生，仙聖因之而成。仰其威神，可以制伏六天，魔鬼滅形。引其光則遍徹幽關，滌蕩胞胎屍血，消散七世解仇。吸其華則體有金色，面流玉光，位登太微，神昇景霄。光輝吐秀，則萬藥凝丹，方寸萃寶，飛晶接魂，控辰紫庭，浮駕上清，遊宴玉京也。天地運終，星宿錯度，日月失昏，四時失度，境土有災，兵氣時見，疫毒流行，兆民死傷，師友命過，皆當修齋，行香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝，故曰无量，普度天人。

道言：凡有是經，恭信之者，三辰光輝，下映爾身。外辟不祥，內拘神魂，遷度幽爽，使睹天英，魄鍊屍滅，保命延生。上為天地帝主兆民，行是功

德。有災之日，發心修齋燒香，誦經十過，皆諸天記名，萬神侍衛，右別至人，尅得為聖君金闕之臣。諸天記人功過，毫分無失。天中魔王，亦保舉爾身，得道者乃當洞明至言也。

### 諸天中三辰光輝大梵隱語无量音

道君撰

#### 太上三垣保命延生玉篇

##### 東方八天

祝盧球圖，布遠孕諸。影羅龍浦，光神司璘。旻徹昭麓，青璫暨蟻。整震輅微，玄离堪池。道極霜褒，珏井仇聯。大宛阿柏，珍天玄仙。須華飛何，楚眇那輓。元碧洞空，瑛瑤曇多。

##### 南方八天

魄耀曇明，嶽泥通靈。玉嶠醜火，迷師鮮崙。南澤雲靈，亶稼答無。惡陀珉竺，廓弈嬰犢。圈天山機，琚鎮浮羅。馘魔權漠，意迅心和。罔墜俟昔，紛統煙遠。梵由明緣，法易玻鄒。

##### 西方八天

閻浮玉岳，穎呂總監。无玄鏡即，鋤暮忱炎。廓靈台北，防斗德銜。華舊由黎，辨部平漂。紫巒儼論，謹邈馥芬。巴靜戶央，池演將奔。於閩藪藏，帝伯幾魂。冶睹騫都，陳漠卑孫。

### 北方八天

玄宥猷度，澄璠廉關。鄭紘巫萍，茲槎雲庭。金太越還，羅澤祺詩。薄好率藉，汶定淵恢。周盟革鏐，岵栗題營。轉化響竊，變冥祠丁。資靈攝京，和時莽桃。寶宛辨育，邈頗何枚。

道言：此諸天中大梵隱語，无量之音，招三辰之光輝，引九天之真氣，清詠佩閱，天真下迎。舊文自然梵氣，生於三辰之宮，以制三界大小之殃，水火之變。天真皇人刻題日月中及大宿星。次以禳厄會，斷絕否塞，增駐運度。有識其文，勅制鬼神，役使六丁，保命延生，與空傳靈。字方廣一丈，八角。書形佩服，朱綱玉策紀名。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上

真，道備尅得，遊行三界，升入金門。此音無所不辟，無所不禳，無所不度，無所不成，天真自然之音也。故誦之三辰降光，九霞攝氣，化鍊凡骸，祖考同僊，頂生金華，相具瓊顏，壽等圓輝，得道自然，飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙。天無氛穢，地無祲塵，冥慧洞清，大量玄玄也。

### 靈寶无量度人上品妙經卷之二十八

## 靈寶无量度人上品妙經卷之二十九

### 降真延壽品

道言：昔於始青天中，碧落空歌大浮黎土，受元始度人降真延壽至極道品。元始天尊當說是經，周回十過，以召十方，始當詣座。天真大神，上聖高尊，妙行真人，降真延壽，福德神王，開化司命，定生道君，護人靈宰，十方真神，無鞅數衆，乘空而來。控辰紫清，凌颺碧落，丹霞薦輪，綠景繞轅，天蓋結瑞，仙葆奏香，神光絳彩，六氣和積，虛梵空无。七日七夜，諸天大聖高真，境界凝現，宮殿譙闕，光毫四飛。法鼓仙音，自然鳴響。韻律清應，萬穴千喁容。神風飄搖，日月騰照，合辰雙景，洞映九天。星妃攀綱肆容，玉帝建常攝氣，萬方昭徹，三界澡瑩，一國土山川林木，谿澗洞海，混離金色，各有真仙，正容拱立，冕服其下，遙瞻遐眄，

若有待期。神闕穹樓，巍碧聳黛，天花雨飛，錦繡敷圍，衆真侍座，元始天尊玄坐萬寶天宮結珠翔龍之上。說經一遍，十方天真慶聲降駕，同時稱善，爲世學真，長延壽命，是時一國男女，皆具六通，變化自然。說經二遍，真念通格，天皇俯降。說經三遍，湛海不波，龍宮明現。說經四遍，天隕紺霜，地生紫柰，供養降真。說經五遍，業病性魔，道中法結，皆得玄通，神智開爽。說經六遍，永住道梵，不緣報盡，而有退墮。說經七遍，能運心香，遍諸仙國，迎降十方三境天尊，延壽度人。說經八遍，靜觀三界，萬類衆生，皆是天仙高真，應化法身，立功護國，降請真靈，延壽度人。說經九遍，見諸雲林奇妙壇靖，悉有上真，降身說法，延壽度人。說經十遍，欣樂讚禮，實未曾有，元始上帝，躬宣法要，爲此群生，延壽降真，是時一國是男是女，莫不傾心，皆受護度，咸得長生。

道言：是時元始天尊說經一遍，東方降真延壽至真大神，無軼之衆，浮

空而至。說經二遍，南方降真延壽至真大神，無軼之衆，浮空而至。說經三遍，西方降真延壽至真大神，無軼之衆，浮空而至。說經四遍，北方降真延壽至真大神，無軼之衆，浮空而至。說經五遍，東北降真延壽至真大神，無軼之衆，浮空而至。說經六遍，東南降真延壽至真大神，無軼之衆，浮空而至。說經七遍，西南降真延壽至真大神，無軼之衆，浮空而至。說經八遍，西北降真延壽至真大神，無軼之衆，浮空而至。說經九遍，上方降真延壽至真大神，無軼之衆，浮空而至。說經十遍，下方降真延壽至真大神，無軼之衆，浮空而至。十遍周竟，十方降真延壽至真大神，一時同至，一國男女傾心歸仰。來者各執花幡寶衣，珍果香林妙供，讚詠而來，奉禮元始天尊，願聽降真，延壽度人。上清十方天人，至真大神，一國男女，各自思惟天尊大慈，開我冥暗，顯示法要，爲下方衆生宣說道要，請降上真，增延壽命。我等天人，雖以道業進登天位，而南昌上宮亦繫

限數，壽年雖永，不過百千萬歲，而未  
能出離三界，保天長存，身入無形，不  
歷生死。我今欣聞天尊，首爲太上道  
君，出度人上法，降感真靈，真靈下濟，  
延人壽命。我等位登諸天，益當樂信  
是法，依教修行，躋於聖道，永不輪轉。  
如是讚歎議說，一切音聲，遍十方界。  
猶如隱雷風雨飄驟，金石交音，震動天  
地五嶽，八海十二神山，煙凝波湧，獅  
子躑躅，鸞鳳吟嘯，龍澤靈池，雲濤宛  
轉，碧落薦瑞，翠京發光。於是元始即  
於座起，命侍真靈妃，太極玉郎，燔鬱  
單无量壽天，蘭薇千和之香，鼓動法  
音，簫篳吸張，匏箎遞舉，顧眄十方。  
告太上道君十方天人，言降真延壽之  
法，已居聖位，竟亦爲之，真中有真。  
此真主攝萬真，爲三界化主。我今燔  
香頂禮，以蕪感降真。既降，接神氣合  
真，真神歸體，壽命永延，壽者，天德之  
和。道壽無數，天壽有窮，人壽無定，  
地壽有終，若能降真，真與道通，壽則  
無數，所謂長生久視，壽曆無極萬歲  
矣。笑億齡合歡，作是語已，頂禮十

方，心拜道元。忽睹空玄之中，光輝遍溢，碧玉遊宮，鬱藹臺殿，萬聖千真，棲息其間，往來雲霞，驂駕龍虎，遙矚鬚眉，仰觀如畫，明逾日輪，熠燿上下，金剛之氣，圍繞維正，作二十四種殊絕異色，出沒顯晦，金青煥麗，瑩等月珠。元始登引天真大神，上聖高尊，妙行真人，十方無極降真延壽至真大神，俱入遊宮之中。上下天人俯仰瞻望，惟見拂拂從寶樓瑤闈中八道而入，既入遊宮，不知所在。國人廓散，地雲柔軟，若蹈綿纈，天雨衆花，雜色盈尺，壅輪沒履，香風洗空，絳光流動。元始即於神宮之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，延其壽年，無有中傷。傾土歸依，咸識道真，延壽延神，延氣延靈，延法延形，延息延化，延福延祥。言無二情，口無僞聲，齊同慈愛，異骨成親。國安民豐，劫劫太平，經始出教，一國以道。預有至心，降真延壽，皆得度世。

道言：元始天尊說經中所言，並是諸天降真內名，隱韻之音，亦皆延壽內諱，百靈之隱名也，非世之常辭。上聖已成真人，通玄究微，能悉其章。誦之十過，則玉清降真，神霄命靈。天帝誦之以延劫，真人誦之以延神，上聖誦之以延道，仙人誦之以延曆。諸天遙降，十華俯庭，河海澄湛，山嶽深凝，日月合景，太儀眇清，群魔束形，鬼精滅爽，回屍起死，白骨成人。至學之士，誦之十過，則五帝駐輦，三官在賓，上直接禮，靈人造局，魔精竄伏，鬼妖伏形，濟病度死，絕而得生。所以爾者，學士故氣已消，神漸降真，召制十方，延壽千齡，攝御地司，泉曲令丞，削落玄簡，過度之名，延期却死，道備長生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，爲降真延壽之宗。巍巍大範，德難可勝。

道言：凡誦是經十過，諸天齊到，司命司錄，延壽益筭，南昌大神，爲其

降真，揚軒紫雲，偃蓋下邁，錄其姓名，注上生籍，延壽無垠。五鬼大殃，注訟元辰，不得干犯，降真之人。而好學至經，功滿德就，皆得神仙，飛昇金闕，遊宴玉京也。上學之士，修誦是經，能降天真，皆即受度，飛昇九宮。世人受誦，則感降神靈，延壽長年，後皆得作屍解之道，神氣易形，出幽入冥，返閉天藏，洞入無形。此經微妙，普度無窮，一切天人，莫不受慶。無量之福，延生保惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官，降真延壽玉童玉女，各二十八人，營衛神文，保護受經者身。

道言：正月長齋，誦詠是經，感降東方九炁青皇帝君，斷絕連注鬼役呼徵，身得延壽，度名青皇宮。七月長齋，誦詠是經，感降西方七炁太素帝君，斷絕殃考傷害，沉痾無留，身得神仙，刻書黃籙白簡，削死上生。十月長齋，誦詠是經，感降北方五炁玄老帝君，斷絕水禁塚墓訟刑，風濕邪源，追

考生魂，爲國王帝主，君臣父子，延壽長年，保天長存，世世不絕，常爲人君，安鎮其方，國祚太平。八節之日，誦詠是經，感降八景高聖，太上丈人，斷絕鬼厲殞毒，三十六癩，野道不行，五西逃形，得延壽命，爲九宮真人。本命之日，誦詠是經，感降六甲靈妃，三皇道君，斷絕行年太歲大煞，凶害諸神，不得干犯，受道者身，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒二十八通，上聞二十八天，心拜二十八過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞渙室內，項生圓象，光映十方，如此分明。密呪曰：

无上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十六人，

關啓所言。今日吉慶，長齋清堂，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，降真延壽妙微靈品，十遍度人。諸天隱韻，離合自然，混洞無形，空相冥冥。元氣未生，孰有其真。真者，太空之中，生化之主，不變不易，無壞無成，金剛成體，空得其真。真爲司命，校錄萬靈。真爲天尊，布教留經。真爲寶皇，福祿生民。真爲延壽，爲世種情。真爲益筭，布局命神。如是天真，爲空中之神，冥中之精，道中之真。赴念隨感，珠輓鳳駟，首建九色，身御金青，駕氣乘雲，萬千吏兵，爲世延壽，注上生名。上無復祖，惟道爲身。能降天真，命籌日增。過度九六，神氣通靈。無真不光，無真不明，無真不立，無真不成，無真不度，無真不生，是爲大梵，真中之真。碧虛

圓羅，金闕玉城。上極神風，重霄紫庭。真本非形，若亡若存。太霞玉宮，中有至真。大行梵氣，周回十方。中有度人不死之神，中有南極長生大君，中有度世司馬大神，中有好生韓君丈人，中有南上司命司錄延壽益筭度厄尊神。降真延壽，无量度人。今日校錄，諸天臨軒。

東方无極降真延壽神王，長生大聖，无量度人。

南方无極降真延壽神王，長生大聖，无量度人。

西方无極降真延壽神王，長生大聖，无量度人。

北方无極降真延壽神王，長生大聖，无量度人。

東北无極降真延壽神王，長生大聖，无量度人。

東南无極降真延壽神王，長生大聖，无量度人。

西南无極降真延壽神王，長生大聖，无量度人。

西北无極降真延壽神王，長生大聖，无



量度人。

上方无極降真延壽神王，長生大聖，无量度人。

下方无極降真延壽神王，長生大聖，无量度人。

十方降真延壽福德神王，長生度世无量大神，並乘景霄碧霞寶輦，珠蓋彤輪，驂駕神虎，赤甲飛龍，建九光之節，八景靈旛，前嘯天籥齊唱，後吹仙籟同鳴，辟邪斑虬，悲號嘶嘶，五帥啓途，三界奉轅，億乘萬騎，浮空而來，赴誠降駕，延壽度生。諸天丞相，南昌上宮，韓司主錄，監生大神，執籙把籍，齊到帝前。隨所應度，嚴校諸天。普告三界，无極神鄉，司命之府，延壽益筭，降真大神，二十八宿，北斗九元。上解祖考，億劫種親，疾除罪殃，播植生根。高真下應，開度生門。元始符命，時刻昇遷。長生大君，垂護形魂，制魔保舉，延壽南宮。氣骨受仙，道德化身。生身受度，劫劫長存。隨劫輪轉，與天齊年。永度三官五嶽，八獄九幽。超凌三界，逍遙上清。上清之天，天帝玉

真，無色之境梵行。

#### 東方七天

靈書降真之氣，起華蓋斗樞之下，回行二十八宿之上，在房宿二十七度左回，貫四種民天，下在日月之上，散入諸天。已次東行，復位西北而止。近世執法端門左右，應數而下，與風炁相接，故通真感格，須有徵應者此也。

大明護真天，帝圓多羅。

絕梵猷靈天，帝康期伯靈。

胡樂萃秀天，帝茂純德盈。

紫丹明儲天，帝丘無那。

洞霞育真天，帝赤仰師和。

空玄歷數天，帝仲光享波。

僑通諸普天，帝翰童離。

#### 南方七天

炎輿正始天，帝助覺正功。

京維霄明天，帝蒲鈴宛宗。

慶符濮檀天，帝薄滋師蒙。

隨文希度天，帝耀明芝修。

長基樂玩天，帝朝斯元堂。

祈華布容天，帝元定黃。

高凌代无天，帝通孫章。

#### 西方七天

周俞平无天，帝澄占回。

景炎太真天，帝道无明維。

綠井數陳天，帝除彥荒施。

牛羅普逝天，帝時祇洞芝。

定梁惠宗天，帝南白温宜。

兆靈蘇寂天，帝梵初光。

九微洞皇天，帝知極用藏。

#### 北方七天

帝舒光淨天，帝鬼都玉蒼。

紫儀寂化天，帝叱羅焰千。

至定允理天，帝醮生玉完。

光梵救智天，帝圖定九空。

虎勲正部天，帝十華竟多。

伯燕無原天，帝部單憂婆。

道冥混杳天，帝末都成盧。

二十八天，二十八帝。諸天隱諱，

諸天隱名。天中空洞，自然靈章。諸天隱韻，天中之音。天中之尊，天中之神，天中之真，天中之靈。分神降真，和合氤氳。真神高尊，降駕上清。無量之奧，深不可詳。有知降真，延壽度

人。今日欣慶受度，歷關諸天，注簡誠通，徹感幽玄，飛降九真，泛景太玄，三真監舉，昇入天門。東斗主筭，西斗記名，北斗落死，南斗上生，中斗大魁，度人降真。青帝奏書，白帝破券，赤帝露文，黑帝紀願，黃帝開通，道真合變。青天命神，越玄九冥。赤天火鈴，斬伐魔鬼。白天操戟，嚴陳帝敕。黑天總靈，萬萬神兵。黃天布炁，列真齊至。五天上真，萬神之尊。飛行三界，驅役雷霆。揚旗擲火，九醜奔驚。降真延壽，福德安榮。盡摧鬼鋒，諸天齊功。上天度人，蕩滅北酆。冥官鬼庭，殺氣橫空。仰降高真，五華蔚葱。八海練淨，六天沖融。天帝按籍，上卿典封。紫皇注壽，億劫齊終。後役電吏，前催驛龍。敢有干試，拒遏上真。騁煙絳房，舞輪北清。真降玉符，易質童嬰。上偕帝友，刻位丹瓊。搖光熒熒，碧杳萬程。中列九宮，協宸玉京。續益生氣，靈機內營。恍惚變化，躬接仙真。司命秉筆，帝君授經。壽命無窮，萬神咸聽。三界五帝，列言上清。

太光沉謐，萬劫開光。眇浩非迹，混氣成空。空無復色，空無復淵。空極生風，風降為澤。風澤洞虛，天中之天。天中之神，神為天真。降氣運神，天地用成。三界爰立，萬象容停。天上下下，無幽無冥，無形無影，無極無窮。溟滓大梵，遼廓無光。神真布化，運度自然。元始安鎮，雲霞結篇。九天虎篆，八威龍文。植化靈人，格降上真。真道流行，萬範開張。真光洞流，二十八天。轉輪宸樞，周回十方。旋斗遶垣，還度天端。二十八舍，總氣北元。輝映冥合，真景通玄。玄中太皇，上帝高真。泛輿景霄，時來帝庭。撫璈激音，奏響雲營。翩翩羽旗，列聖來賓。注命玉曆，延壽度生。氣具神備，自然成真。真中有神，長生大君。左神公子，皓華尊神。帝一輔皇，神母弼卿。儼坐三宮，保命生根。真氣下接，壽命日增。上遊上清，燕息金房，九曲之內，細微之中。下鎮人身，泥丸絳宮，中總道空，混洞神真。九孔受靈，萬氣齊仙。仙道貴生，无量度人。出

入天門，俯車統膽巾。檢閱人世，罪福禁戒。宿命因緣，普受開度，鬼質生身。身得受生，上聞諸天，諸天之上，降真有門，中有空洞謠歌之章，三真靈篇，辭參高真。

第一玉清上真金景明微大帝三華之音

玉京浩浩，玄漠何有。雲層巖峨，星隱春白。下上其神，沖和為春。踟芽自伸，真道斯陳。

第二上清上真神景洞微大帝九華之章

我乘八風，裊裊飛龍。下觀世間，光青瞳矐。彼維何人，企我神宮。騁輪夜過，寵福濛濛。

第三太清上真玉景靈微大帝十華之歌

壽定天錄，我執其目。降真奏煙，駐鳳流軒。玉女灌香，錫命億年。子未知真，道去子身。

此三界之上，飛空之中，三真歌音，音參洞章，誦之百遍，名度南宮。誦之千遍，三真保迎。萬遍道備，飛昇

太空，過度三界，位登仙公。有聞靈音，天真記名，敕制地祇，侍衛送迎，拔出地戶，五苦八難，七祖昇遷，永離鬼官，真人降堂，壽窮更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此洞章並是諸天上帝，及至靈真王隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶傾心，依舊格告盟十天，然後而付焉。

道言：水火激射，二運否終，宿次星躔，亦有虧盈。至聖神人，亦有遷遯。末學之夫，亦有疾傷。凡有此灾，同氣皆當以此降真延壽之法，於名山靈水之間，大林東流之側，齋館靖堂之所，建立壇場，香花禮念，依教行持，乞降三境高真，十方聖衆，九天兵騎，捍厄除過，延壽益筭大神。三日，五日，七日，夜亦如之。天真來降，必先垂應，當有異光白鶴天樂奇特之瑞。或

夢遊天闕，親遇神人，殊感日臻，灾殃退弭，延壽添年，長生得道。或世緣重大，無力營崇，但皆齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰，臨過之時，同學至人爲其降真緣感，未應世數，終盡天賜之壽。未得延益，祈告殫竭，威神不格者，即當行香，誦經十遍，以度屍形如法，魂神經上南宮，隨其學功，計日而得更生，還復故形。而所延之壽，併受於身，真氣來降，滋澤顏嬰，轉輪不惑，便得神仙。

道言：壽者，天委之和，原其始生，即天官推策，以定壽筭。陰福添益，陽過滅除。一筭之執，準爲三日。筭於人壽一百二十，過者千二百。而天地日月，四時陰陽，皆有分畔。若有灾怪勃蝕，爲其降真，而壽筭益延，保天無窮也。若有灾殃兵氣干斗，疫毒流行，兆民夭傷，師資法侶，命過運終，皆當祈降真靈，乞延壽命，鍊度屍魂，

回殃轉福。夫齋戒誦經，功德甚重。上消天灾，保鎮帝王。下攘毒害，以度兆民。生死受賴，其福難勝，故曰无量，普度世人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天降真，萬神侍衛，延壽度人，尅得爲聖君金闕之臣。諸天記人功過，毫分無失。天中仙真，亦保舉爾身，得道者乃當洞明至言也。

諸天中大梵隱語无量音 道君撰

元始降真延壽玉文靈篇

東方七天

角龍浮羅，晶儀辨訶。帝觀下漠，淵濟侔和。景梵延鬱，慶煙散那。子騫影霞，鍾猷夢安。攬池煙施，離箕盪戈。宛巖玉真，帝錫宏魔。婁都乾虛，正軫玄阿。赤文洞霞，綠蒼无峨。

南方七天

丘峰肆機，約謹遲微。仙湊皇偃，毗藍定基。岐原天孤，紫煙歷迷。普

九營室，井鬼明夷。斬戮酆西，太空眇微。落元嘯然，神父泉扉。洞爽澤涸，古鈴合持。陋丙演著，欽稽緣時。

西方七天

朝謀彥期，稼婁權尼。法延鬼房，碑眉無宜。禁直南阜，暉溟牛奎。鑿落蔚仰，輔規桓衣。公由囹廡，威殿皓龜。紅微境兌，虎標司披。黨求洞基，智竭名夷。穹羅嶠元，龍晃艷救。

北方七天

閣路治斗，星張入柳。馬格火涵，潛靈縛醜。句魁四張，宦女元首。玉嶽繞河，曲參降酉。符運赤天，雷轟九浮。蕩魔鉞鼎，兵圖駢遊。玄雲日陀，月梵母缶。都天可韓，攝艷珍連。

道言：此諸天中，降請三真，十方仙聖，延壽益年，大梵隱語，无量之音。舊文以丹金刻書，辰樓天蓋之下，回旋詰流，支霞析煙。天真皇人仰而傳之，以爲正音。有知其音，能齋而誦之者，諸天皆遣飛天神王，下觀其人，不履犯道，禁世殄即，天真立降，五帝奉筆，書其功勤，延壽續命，上奏諸天，萬神朝

禮，地祇侍門，大勳三官，保舉上仙，道備尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致飛天，下觀，上帝遙唱，萬神朝禮，三界侍軒，群祆束首，鬼精自亡，真衛遄集，天駕停驂，風沉煙空，玉響振清，大量玄玄也。

靈寶无量度人上品妙經卷之二十九

靈寶无量度人上品妙經卷之三十

斷絕胎根閉塞死戶品

道言：昔於始青天中，紫清玄洞五明華宮，受元始度人斷絕胎根閉塞死戶无量上品。元始天尊當說是經，周回十過，以召十方，始當詣座。天真大神，上聖高尊，神霄玉清真王，太上消魔玉清神王，扶桑青華帝君，後聖金闕帝君，萬天帝主，無鞅數衆，乘空而來，飛雲丹霄，綠輿瓊輪，羽蓋垂蔭，流精玉光，五色鬱勃，洞煥太空。九日九夜，諸天日月星宿，璇璣玉衡，一時停輪，神風靜默，山海藏雲，天無浮翳，四氣朗清，一國地土山川林木，緬平一等，無復高下，人皆悟道成法，土變作碧玉，無有異色。衆真侍座，元始天尊玄坐翠浮玻瓈靈陽寶座之上。說經一遍，萬天帝君同時稱善，稽首再拜，咸得見道，是時一國男女，死者復生，生

者悟道。說經二遍，鳥獸介蟲，皆得長生。說經三遍，四時和平，無有寒暑。說經四遍，星宿日月天界停住，無復東行。說經五遍，疾病沉痾，並獲痊瘥。說經六遍，地土平正，妖塵自潰。說經七遍，五行皆一，混合天成。說經八遍，娠胎皆出，芽蘗甲坼，已生未生，立獲生成。說經九遍，善惡無迹，心歸正化。說經十遍，華夷一等，無有邪僻，是時一國是男是女，莫不傾心，皆受護度，感得長生。

道言：是時元始天尊說經一遍，東方扶桑青華洞境至真大聖，無鞅之衆，浮空而至。說經二遍，南方赤靈陽光洞元至真大聖，無鞅之衆，浮空而至。說經三遍，西方素景皓靈洞扶至真大聖，無鞅之衆，浮空而至。說經四遍，北方玄靈至妙洞化至真大聖，無鞅之衆，浮空而至。說經五遍，東北上靈通理洞妙至真大聖，無鞅之衆，浮空而至。說經六遍，東南鎮靈體元洞神至真大聖，無鞅之衆，浮空而至。說經七遍，西南耀靈瑩空洞徹至真大聖，無鞅

之衆，浮空而至。說經八遍，西北華靈統化洞遠至真大聖，無鞅之衆，浮空而至。說經九遍，上方神靈普變洞觀至真大聖，無鞅之衆，浮空而至。說經十遍，下方靜靈化生洞慧至真大聖，無鞅之衆，浮空而至。十遍周竟，十方無極天真大聖，一時同至，一國男女傾心歸仰。來者有如黃霧蔽密，瑞煙雜沓，無鞅之衆，迓國一半土皆偏陷，非可禁止。於是元始內發心光，外飛神氣，上出泥丸，火光輝耀，遍於十方天界。然後收光返照，歸本聚氣，變成寶珠，狀若露圓，去地億數萬丈。元始登引，天真大神，上聖高尊，諸天帝主，十方無極至妙神靈大聖，無鞅數衆，俱入寶珠之中。天人仰看，惟見勃勃從珠口中入，既入珠口，不知所在。國人廓散，地還平正，地復元色，無復碧玉。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。

是時天人遇值經法，普得長生，全其本年，無有天傷，傾土歸仰，咸行善心。

不妄不貪，不滿不盈，不傾不敗，不去不來，不住不見。心無妄想，身無邪歛，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝，至靈神王，內境妙道，變仙化形隱秘之音，亦是上帝內諱，萬神之隱名也，非世上之常辭。上聖已成真人，通玄究微，能悉其章。誦之十過，諸天遙唱，萬帝設禮，河海靜默，山嶽藏雲，日月停景，璇璣不行，群魔束形，鬼精滅爽，回屍起死，白骨成人。至學之士，誦之十過，則五帝侍衛，三界稽首，萬神護法，百靈祐身，濟度垂死，絕而得生。所以爾者，學士穢氣未消，體未洞真，以制十方，威未制天政，德可伏御地祇，束縛魔靈，但爲常文，未通微妙，即却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人无量，爲萬道之宗。巍巍大範，德難可

勝。

道言：凡誦是經十過，諸天齊到，億曾萬祖，幽魂苦爽，皆即受度，飛昇朱宮，皆得鍊形，受化更生，復爲至人。而好學至經，功滿德就，皆得神仙，飛昇金闕，遊宴玉京也。上學之士，修誦是經，皆即受度，飛昇南宮。中學之士，修誦是經，無有生滅，去來快樂，得陞仙籍。下學之士，修誦是經，即得神魂爽利，疾病消除，住世長年。此經微妙，普度無窮。一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，罪及爾身。長有天官，侍香五帝，玉童玉女，各二十四人，營衛神文，保護受經者身。

道言：正月長齋，誦詠是經，死戶立閉，胎根斷滅，形神微妙，飛昇南宮。七月長齋，誦詠是經，身得神仙，諸天書名，金簡玉符，召魂通微，得獲長生。十月長齋，誦詠是經，爲國王帝主，君臣父子，安鎮國祚，保天長存，道玄不絕，永斷劫運，安鎮其方，民稱太平。

八節之日，誦詠是經，得爲九宮真人。本命之日，誦詠是經，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十六通，上聞三十六天，心拜三十六過，閉目，靜思身坐紅黃紫三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月映照，光耀洞空，洞煥天地，項生圓象，遍滿十方，如此分明。密呪曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清室，修行至經，无量度人。願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始大洞徊風混合本章，上品妙首，萬變度人，千真隱韻。離合自然，太極玉文。洞神上真，元始祖劫。開化諸天，翕闢陰陽。是生萬彙，自然大道。上无色界，下无色根，虛无渺漠，惟道爲身。五文開廓，普植神靈。無文不顯，無文不靈，無文不動，無文不明，無文不化，無文不成。是爲上清，玉晨之天，九霄梵氣，藥笈靈臺。金闕玉京，上極無上，大羅聖境，虛无寥廓，若隱若存。七景華房，九變龍庭，昌明玉閣，紫微天靈，純陽梵氣，遍徹十方。中有南極長生大君，中有玉清消魔神王，中有扶桑青華帝君，中有好生韓君丈人，中有南宮度人解厄定命天尊，中有南極宮中慈仁通化真君，回骸起死，无量度人。今日校錄，諸天臨軒。

東方无極青華神王，長生大聖，无量度人。南方无極赤靈神王，長生大聖，无量度

人。  
西方无極素景神王，長生大聖，无量度人。  
北方无極玄妙神王，長生大聖，无量度人。  
東北无極保命神王，長生大聖，无量度人。  
東南无極集慶神王，長生大聖，无量度人。  
西南无極寶輪神王，長生大聖，无量度人。  
西北无極梵氣神王，長生大聖，无量度人。  
上方无極橫天神王，長生大聖，无量度人。  
下方无極鎮壘神王，長生大聖，无量度人。  
十方至真威德神王，長生度世无量大神，並乘飛天六龍雲輿，九華寶輦，翠蓋雕輪，毛節朱幢，驂駕鸞鳳，跨馭金龍，建降魔辟非五方靈節，持除禍賜福四神靈旛，前嘯靈璈汎景，後吹簫瑟齊鳴，獅子白鶴，嘯唳噉噉，太乙侍從，真

王翊軒，億仙萬衆，從空而來，迎衛寶駕，恭慶靈音，統法持文。諸天靈魔，上相主宰，天真神王，南昌上宮，韓司主錄，監生大神，執籙把籍，齊到帝前，隨所應度，嚴校諸天，普告三界，無極真王，神霄玉府，扶桑華宮，三清九霄，億兆天界，百萬仙國。上解祖考，億世萬劫，惡籍罪簿，消滅惡根，不得拘留，道合仙真。元始符命，普率九埏。南靈火光，度越靈魄。北府真符，解脫幽魂。神王保舉，超生南宮。死魂受鍊，仙化成人。生身受度，劫劫長存。隨劫輪轉，與天齊年。鍊屍聚氣，保護胎仙。內境汎光，定息收玄。永斷死戶，纏鍊幽關，超凌三界，逍遙上清。上清之天，天帝玉真，神霄之境梵行。

#### 東方九天

重華文朝天，帝照汎叨景。  
六晨汎景天，帝定玄耀明。  
至真極瑤天，帝浮羅永延。  
上靈元化天，帝大元辰并。  
曲鼎號都天，帝勝金生光。  
瓊瑛汎景天，帝有提辯論。

七晨扶明天，帝苑育飛衡。  
推虛動神天，帝昔齊浮黎。  
樂化自宥天，帝冕更容曦。

#### 南方九天

晃朗赤梵天，帝元競錦霓。  
惠正輝奉天，帝擁愛加吟。  
妙音飄飄天，帝號施幸綿。  
華離正定天，帝呼立機成。  
宣景六虛天，帝整婆阿貪。  
化形度敬天，帝勃負孜真。  
龍希幾遍天，帝從扶鄉輕。  
陽廓曠晞天，帝緬移神機。  
錦文絢赫天，帝景束梵寧。

#### 西方九天

皓渺舒蕩天，帝握林俯極。  
倏颺始平天，帝影浮金華。  
落塵普盛天，帝執翁施零。  
藥庭皇威天，帝粵拂思誠。  
元舉星瓊天，帝顯加膺象。  
龍政委恩天，帝運嘉玄康。  
快樂敷變天，帝欲化無垠。  
逍遙請福天，帝豁落行夷。  
旻景扇颺天，帝動鬱蒼題。

北方九天

玄明證赤天，帝石育俯昌。  
遠揚綠霄天，帝浮纏方漢。  
元漠誓訓天，帝順通兮凝。  
臨蒞物成天，帝日羅景輪。  
政理分化天，帝範擲俱重。  
誘黎永勝天，帝拱越林夷。  
馥明大普天，帝嚴度丹霞。  
續區廣蒙天，帝棟零延祺。  
玉元淵淨天，帝景大羅長。

三十六天，三十六帝。諸天隱秘，萬天隱名，天中玉文，大梵靈章，三天密諱，天中神音。天帝高尊，天真神王。上相大魔，靈文玉音。回風混合，鍊屍飛昇。無量之奧，深不可詳。守雌抱雄，是爲神真，普度天人。今日欣慶受度，歷關諸天，請滅三惡，斬絕地根，飛度死戶，名列真仙，魔王監舉，無拘天門。東斗監生，西斗除殃，北斗輔靈，南斗化魂，中斗成真，總監衆靈。青帝育生，白帝守神，赤帝升氣，黑帝流光，黃帝靜中，萬神祐身。青天魔王，辟穢受形。赤天魔王，內寶神真。

白天魔王，却邪輔正。黑天魔王，監持護法。黃天魔王，守衛萬靈。五帝大魔，萬神之宗。飛行一身，總貫泥丸。藏氣元精，澄神安鎮，坐觀太空，自號赤符，諸天上功。元始度人，皆稟生宮，神嬰受化，普掃胎根。斷除血穢，閉塞死門，流精反聚，俱入妙庭。天魔接引，上升玉都，屏除瘴癘，鬼毒祆精，天丁前驅，大帥仗旛，擲火萬里，流鈴八衝。敢有干試，拒遏上真，金鉞前戮，巨天後刑。屠割鬼爽，風火無停，千千截首，萬萬翦形。魔無干犯，鬼無祆精。七魄寧謐，三屍速奔。外營百關，內保萬神，白虎守芝，青龍纏液。普告無窮，萬神咸聽，三界五帝，列言上清。

玉晨寶曆，會玄神章，龍漢開劫，降自華房。混沌九變，斷滅邪亡，戶戶即開。上無道境，下无道基，生死之道，玄牝之門。惟神與氣，散聚無停，內觀元神，反本方成。回風死道，復入生門，還巡泥丸，遍歷精門。三十九戶，戶戶可死，閉之即生，生從何戶。

戶戶即開，閉之不出，可以長生，名戶即穴，實穴即精。神氣交會，龍虎固根，血凝神聚，不散乃成。散之無窮，不可名成。氣壯滿溢，通徹泥丸，流布丹田，升降反嬰。有出有入，有死有生，不出不入，斷戶除根。斷除之道，以火鍊精，安鎮其戶，胞凝血根。陽施陰化，流響扇營。上應天關，下集百神。實乃丹精，閉即神英。七星分散，飛行陰房。二儀攝氣，流迹陽光。分之既停，陰陽交并。以赤入黑，變黃成紫，精華流暢，血穢殄平。上納下奔，死道未降。赤霞遼遠，瓊漿混迎。上和下合，自然成真。胎根既存，道成正生。根斷乃仙，名列南宮。父母胎孕，化體成形。散之即氣，聚之有名。聚散爲根，斷之長存。與道合真，天機秘密，洞徹萬靈。三天龍篆，元始玉文。赤書玉字，錦符朱囊。洞妙汎景，保劫運延。梵氣彌羅，萬範開張。元綱流演，三十六天，輪轉無色，周回十方。璇景歷機，回度五常。三十九氣，總禦一身。八方冥合，氣勝乃生。玄中妙



理，斷絕胎根，死戶週密，得道成仙。汎景太霞，嘯詠洞章。金真朗郁，流響雲營。玉音攝氣，靈風聚煙。紫虛鬱秀，輔翼萬仙。歸正合符，鍊之見真。真中有神，長生大君。消魔神王，紫微元君，無英公子，高玄真人，執符把籙，保命生根。上遊上清，出入液房。明梁之內，神化之中。下鎮人身，絕塞死根。結胎五氣，混合百神。七世回靈，萬真靈輝。神風飈粲，仙道貴生。无量度人，上開生門。飛天法輪，日月植根。安固黃庭，宿命因緣。普受開度，仙化生真。身得受生，上聞諸天。諸天之上，貴此仙門，中有大洞消魔之章，玉清靈篇，道御高真。

### 第一高上神霄玉清王靈祕之音

元始浩劫，玉清靈文。迷塗悟解，洞徹真空。天仙所慎，祕久不通。斷絕死戶，直入生門。三屍殄滅，五斗束魂。血化成精，反此神嬰。七祖受庇，百神咸寧。出有入無，安鎮黃庭。上保泥丸，中理玄津。下流丹田，百關息封。內體充益，我道乃成。

### 第二太上消魔王清王隱韻之章

天之大隱寶，明梁塞下戶。慎之祕元都，結胎却生死。守雌抱真一，是為長生路。斷絕生死根，持握九命門。仙庭回九變，神聚反嬰童。上無億劫祖，惟道化爾身。顛顛三境文，過之即神丘。披雲散紫煙，離合由景輪。禁戒非可言，流光聚泥丸。正氣召萬神，滅屍七孔陰。神華耀日英，三素飄雲營。回風扶晨景，真源六虛靈。太微轉日月，度魂飛玉京。混沌生太漠，故曰玄歌音。

### 第三扶桑青華帝君歌曰

萬象化體，百神歸根。物備乃靈，惟形與身。大道之本，是為玄精。內觀即見，外境隱停。無此上道，保生長存。默誦萬過，混合天成。血穢斷除，消滅惡根。仰徹仙位，超度南宮。迷悟不解，永沉鬼倫。天籍祕語，丹華杳冥。南和握節，北極守靈。金氣入三界，玉髓通九門。帝一混合真，無顯亦無明。

此三界之上，玉文之中，真王歌

音，音參洞章。誦之百遍，名度南宮。誦之千遍，斷絕死門。萬遍道備，飛升太空，過度三界，位登仙公。有聞神章，千真祐形，敕制地祇，侍衛送迎，拔出地戶，五苦八難，七祖升天，受事九宮，魂度朱陵，鍊屍更生。是謂无量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈神王玉清真王隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清王府東壁經室華堂，依玄科六萬劫一傳。若有至人齎金寶質心，依舊格告盟三天，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾，同氣皆當以己鍊形，受化濟度，十過轉經，移神駐氣，復得更生。無量之文，普度無窮。

道言：夫末學道淺，或仙品未充，死戶未閉，胎根尚存，運應滅度，身經

太陰，臨過之時，同學至人爲其開神敷經，攝氣傳道，以度屍形如法。魂神經上南宮，隨其學功，計日而得更生。輪轉不惑，便得神仙。

道言：夫天地運終，亦當修齋，行香誦經。星宿錯度，日月失昏，亦當修齋，行香誦經。四時失度，陰陽不調，亦當修齋，行香誦經。國主有災，兵革四興，亦當修齋，行香誦經。疫毒流行，兆民死傷，亦當修齋，行香誦經。同學命過，亦當修齋，行香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝王兆民，行是功德，斷絕生死，超凌仙宮。有災之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中魔王，亦保舉爾身，得道者乃當洞明至言也。

諸天中回風混合隱語无量音

道君撰

元始靈書中篇

東方九天

華明會奇，耀魔赫弈。玄精散妙，絳英綠飛。禮俯呼嘉，汎屏境宜。馥鬱洞杳，回禦泛輕。靈標煥麗，蕩蔚蒼陵。納污成灑，慶集霄零。尚佳那育，冒曲萬京。叨回景鬱，伐緬沉煙。翼紀角纏，六度虛玄。

南方九天

嚴俱慕因，光捍香披。赫火吞霞，梵氣九疑。攝機汎陶，龍遍赤旗。枝離亢鬱，林峰內希。慶眇雲羅，玉附化屍。停升霽表，揆徹永延。澤遠紅輪，覆明持圓。廓靄敬連，繡落明機。定察並房，大液浮黎。

西方九天

定希交粹，宛陵咎基。靡恪凡潤，幸施綠離。指益繁影，靄雅同遲。空蕩巘訥，干施惠文。托落標由，尋蘇延

施。潰綠首辯，力轉回真。迎照童苴，倚母幾埃。皓仰塗府，彼億真庭。究本知源，翼生浮靈。

北方九天

坤符握節，炳煥太霄。摘兌侵氏，擇邈玄標。都浮偏漠，冰翫虛林。既魄見素，齊叱封吟。渠因劫弈，晏勳加明。綱演覆壁，闡發輝停。執符煥麗，賂神保寧。氣氤紫秀，顯微徹升。通神妙空，徑曉成人。

道言：此諸天中，大梵隱語，无量之音，琅書玉文，皆龍文丹篆，寶篋玉函，祕於東華堂。金縷寶花瓊瑤，浮光萬象神藏之中。神霄玉清真王，扶桑青華帝君，皆知其音，以傳其文。能齋而誦之者，諸天皆遣飛天神王，持經神吏，下觀其身，書其功勤，上奏諸天，萬神朝禮，地祇侍門，玉清消魔神王，保舉上仙，道備尅得。超度玉京，升入金門。

此音無所不通，無所不降，無所不度，無所不成，天真自然之音也。故誦之致飛天下觀，上帝遙唱，萬神朝禮，

三界侍軒，五帝侍迎，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祆塵，冥慧洞清，大量玄玄也。

靈寶无量度人上品妙經卷之三十

靈寶无量度人上品妙經卷之三十一

長生久視品

道言：昔於始青天中，朱景瓊明洞真化土天際，有大玄樂天，號曰長生，中有帝君，號長生大帝君。丹瓊之宮，絳霄玉宸之闕，紫雲繚繞，黃霧苾芬，帝藏寶室，山川林木，煙霞風露，皆作晴虹頰靄之色。仙官神吏，僚佐書史，以億萬計。而此天中，東連東蒙之宮，紫極之天，明真之臺，希琳之殿，西接協宸之宮，耀景之天，寶靈之臺，太和之殿。天垂清微九光之雲，以爲承覆，聳海霞碧瑤之氣，以結几席。廓然輝耀，諸天之中，號爲極樂。元始天尊當說是經，開示長生久視大法。元始即於始青天中，五色獅子座上，遙存瓊明天際大玄樂天中長生大帝君，以其元始上帝元冑之長，福德充備，付囑長生大帝君，令爲十方天人一切衆生，說

此長生久視轉凡成聖之要。長生大帝君默感元始玄密之旨，即從座起。敕命左右侍真，天官僕射，侍經典者香官，玉童玉女，一切部屬，無量天人，及諸仙衆，來詣朱景玄洞延康南和之殿，無上大法疊玉之座。子丹靈童，升扶希之樓，擊斑龍雷音之鼓。閻洞玉女，升霽虛雙景之樓，叩黃庭九絕神金之鐘。聖衆大集，普天同悅。長生大帝君將演妙法。周回十過，以召十方，始當詣座。天真大神，上聖高尊，妙行真人，無鞅數衆，乘空而來，自然妙氣，流光沖霄，八照圓象，洞煥景耀，旛蓋輿輦，九色合成，萬種分輝，千真交影，龍鳳結彩，山水流形。本無窒礙，隱顯靡常。宮殿臺碗，音樂法具，持幢建節，泛景乘煙，境瑩晨華，土成文玉。衆真侍座，長生帝君玄坐空浮九轉七變赤精紅蓮之座。說經一遍，紫虛回映，天籙字生。說經二遍，玉京吐晶，變化千億。說經三遍，道空內易，徹見祖源。說經四遍，神顯真形，羣類長生。說經五遍，玉帝啓緘，寶符永命。說經六

遍，琪林嘯風，宛成虛梵。說經七遍，靈潢湛清，黛海同色。說經八遍，日月合輝，絳霧飄香。說經九遍，道運無窮，天壽長生。說經十遍，熒芝成盤，甘露敷空，是時一國是男是女，莫不傾心，皆受護度，咸得長生。

道言：是時長生帝君說經一遍，東方無極無量品長生大神，無鞅之衆，浮空而至。說經二遍，南方無極無量品長生大神，無鞅之衆，浮空而至。說經三遍，西方無極無量品長生大神，無鞅之衆，浮空而至。說經四遍，北方無極無量品長生大神，無鞅之衆，浮空而至。說經五遍，東北無極無量品長生大神，無鞅之衆，浮空而至。說經六遍，東南無極無量品長生大神，無鞅之衆，浮空而至。說經七遍，西南無極無量品長生大神，無鞅之衆，浮空而至。說經八遍，西北無極無量品長生大神，無鞅之衆，浮空而至。說經九遍，上方無極無量品長生大神，無鞅之衆，浮空而至。說經十遍，下方無極無量品長生大神，無鞅之衆，浮空而至。十遍周

竟，十方無極長生大神，一時同至，一國男女傾心歸仰。來者有如萬山出雲，千江湧浪，轟雷震海，無鞅之衆，遍諸天界，壓疊國畿，非可禁止。於是長生大帝君舉手南嚮，於此空中，化出百億寶光，一一寶光，有諸世界。一一世界，百千樓閣，或依山林木岡阜，或近都邑谿畔樵野。見有仙衆，飛身步空，水火激射，乘龍按轡，遊盼神州，駕鳳梯雲，倏歛騫逸，圍繞太息，渴佇法言，覲度此生，見長生道，脫離法網，超悟真階，得悟大乘，盡忘習染。長生大帝君登引，天真大神，上聖高尊，紫虛真人，十方無極長生久視大神，俱登神境之中。天人仰看，聖集傾依，徹見道根，本無變滅，元始一炁，能得之者，浩劫無終。內視五體，外觀萬象，日月齊照，無有已期。長生則道本無生，生而不滅。久視則邈然無視，洞照三清。求生於死，死化爲生。久視於无，无極爲有。潛精內息，默觀自然。無生死中，妄有生死。生死流轉，不能止者，以視不久也。久視則定，定照則真，境

自現八十一天，洞如指掌。衆生所以不得長生久視者，以刑剋敗絕，其氣有無，真妄其心。心著生死，則形亦隨化。心與道一，一與神冥，守神忘心，生道長久。太微玉符，續生和形。使氣無害，九仙玄錄。使視久而徹，徹則見道，道來現形，與子相守，長生寶符。使道性不遷，遺心抱神，神變無方。十方世界，八景妙空，一得長生，自然久視。浮沉萬象，應時消殞。惟見長生大帝君，無量境界，無邊法身，無窮惠用，无極變化，一時出現，如同眉睫。一切天人，悟此大法，乘雲駕龍，來往空洞，視十方太空如一黍米。仙真教化，應世權實。超證玉清，位登真極。說經都竟，衆真受度，作證於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，長生久視，與道同居，傾土歸仰，咸住輪轉。無生無死，無壯無老，無疾無衰，無苦無滅，無作無爲。言無戾中，口無惡聲，齊同慈愛，異骨成親。國安民豐，忻樂太平，

經始出教，一國以道。預有至心，宗奉禮敬，皆得度世。

道言：長生大帝君說經中所言，並是諸天上帝內名，隱韻之音，亦是長生大帝君內諱，百靈之隱名也，非世之常辭。上聖已成真人，通玄究微，能悉其章，誦之十過，諸天遙唱，萬帝設禮，三景順行，五行不尅，道炁自然，長久不終，久視无極，河海淵凝，山嶽崇深，日月降精，璇璣煥明，羣魔束形，鬼精滅爽，道在無爲，保命無傾。至學之士，誦之十過，則五帝侍衛，三界稽首，靈氣來輔，無所不成，痼疾垂死。以氣能行，皆由道真，長生自然，營致神氣，絕而得生。所以爾者，學士感契大道，常與生俱，神合洞真，召制十方，天光入身，久視玉京，默朝上帝，攝錄魔精，運應革易，生道日新，七情六慾，永斷妄根，五臟百體，久視如鑑，百神現形，授兆要言，與神同駢，入侍帝軒。輕誦此章，身則被殃。供養尊禮，門戶興隆，世世昌熾。與善因緣，萬灾不干，神明護門。斯經尊妙，獨步玉京，度人

無量，爲萬道之宗。巍巍大梵。德難可勝。

道言：凡誦是經十過，諸天齊到，檢定生名，罔墜元惡。及有冥愆，守道正心，神來守身，身得長生，後天永存。凡不聞道，喜怒日遷，水火尅伐，金木相連，不滋真水，寧制炎光，水升火降，道備登仙。平則火降，伏藏太淵。怒則焚身，四極惡煙。知長生道，義入玄玄。擲水泳珠，火居九泉。炎火鍊形，金體永堅。水火二用，非聖不傳。中有真土，名曰自然。自然無知，萬物以生。杳冥恍惚，動靜無間。天地三界，從自然生。自然爲土，土能變遷。皆從太空自然中生，生則無盡，與道齊年。內見九宮，無英白元，黃老運神，與兆精連。知之長生，大帝五篇，雲章玉書，攝氣舉仙。世人受誦，則延壽長年，尸解得道，形變升玄。呼吸剛風，乘駕六龍，南和賜策，青帝給童。此經微妙，普度無窮，一切天人，莫不受慶。无量之福，三界蒙惠，上天所寶，不傳下世。至士齋金寶效心，盟天而傳。

輕泄漏慢，殃及九祖，長役鬼官。侍經五帝，玉童玉女。各二十四人，營衛神文，保護受經者身。

道言：正月長齋，誦詠是經，佩服太微玉符，召東華真公齋滿之炁，下入身中，以生木火之氣，長生久視，後天無窮。七月長齋，誦詠是經，佩服九仙玄籙，召西靈真母陽色之氣，下入身中，以生金土之氣，長生久視，後天無窮。十月長齋，誦詠是經，佩服玉帝長生寶符，召北方三氣君葛賢之氣，下入身中，以生水木之炁，長生久視，後天無窮。八節之日，誦詠是經，佩服大君久視之章，召中黃帝君務猶之炁，下入身中，以生火土之氣，命得長生，神朝玉真，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。


道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目靜思，身坐青黃白三色雲氣之中，內外蒼冥，有青龍、白虎、朱雀、玄武、獅

子、白鶴、羅列左右，日月照明，洞煥室內，項生圓象，光映十方，如此分明。密呪曰：


無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御無上三十二天元始上帝至尊几前。畢，引炁三十二過東向誦經。

元始無量度人上品妙經


太微玉符




九仙玄籙




玉帝長生寶符




土命人制木氣尅賊令長生久視




金命人制火氣尅賊令長生久視




水命人制土氣尅賊令長生久視




木命人制金氣尅賊令長生久視



火命人制水氣尅賊令長生久視



大君久視之章



右青書絳箔上，火化之，面東，清水調服之。取長生日，忌上制下尅賊。宜以開建日，或春甲寅，夏丙午，秋辛酉，冬壬子，大吉。佩用，丹書青箔上。服用，丹書赤炁。在齋九十日，佩服，致神仙，長生久視，大驗。書符密室，勿以語人。

長生大帝君刻以丹金瓊鳳之簡，封以玉帝長生之章，藏南和瓊明帝阿九洞寶室之內，劫盡一出，以度緣骨宿名之士。有此玉文，不知祕道，為尸解仙。佩服忌厭穢，犯之考身。

元始洞玄靈寶本章，長生久視，十

回度人。南極隱韻，離合自然，浩虛眇玄，恍惚精轉。中變化生，無極諸天，大梵妙氣，祖劫綿綿。玉霞結山，真明爲仙，靈光煌煌，絳阿碧巔。上出九色，內列三便，九室曲峙，下流玄泉。綠窗金樓，神風回煙，太和攝錄，雲書洞篇。斑斑龍鱗，落落鳳紋，宛轉流迹，寶華委紛。直元題象，空無生神，神運無形，氣貫如繩。眇眇莽莽，若亡若存，玄渾彌羅，藥宮嵯峨。育嬰日池，真粹潛施，得者長生，忽失璇璣。天珠浥液，雲綱八關，轉紫成青，三真檢飭。視表徹裏，遐照千億，翠影九還，洞陽孕丹。黃父赭帔，守魂久視，見之萬年，金鎖玉關。神虎衛門，真母奏香，杳杳梵氣，周回十方。中有度人不死之神，中有南極長生之君，中有度世司馬大神，中有好生韓君丈人，中有南上司命司錄延壽益筭度厄尊神。長生久視，無量度人。今日校錄，諸天臨軒。

南方無極生精神王，長生大聖，無量度人。  
西方無極生液神王，長生大聖，無量度人。  
北方無極生道神王，長生大聖，無量度人。  
東北無極生化神王，長生大聖，無量度人。  
東南無極生質神王，長生大聖，無量度人。  
西南無極生識神王，長生大聖，無量度人。  
西北無極生妙神王，長生大聖，無量度人。  
上方無極生定神王，長生大聖，無量度人。  
下方無極生感神王，長生大聖，無量度人。  
十方至真長生久視神王，長生度世無量大神。並乘四規八照之輿，三氣九光之輦，洞皇蒨粲之雲，流霄浪霞之蓋，雙虹之輪，七絕之節，驂駕神虎紺鬃之龍，前嘯金鶴齊唱，後吹玉律同

音，丹鳳青鸞，嘯歌嚶嚶，五老啓途，羣仙翼轅，億乘萬騎，浮空而來，傾光回駕，監真度生。諸天丞相，南昌上宮，韓司主錄，監生大神，執符把錄，齊到帝前，隨所應度，嚴校諸天。普告三界，無極神鄉，泉曲之府，北都羅鄴，三官九府，十二河源，分別種民，簡記善功。授道真氣，佩錄希玄，身得長生，久視永年。心感生德，神入太玄，紫童內觀，真境現前。洞徹無極，仙道自然，坐知休否，得天中天。大劫不爽，萬氣洪源，性合光空，騁雲泝煙。元始符命，時刻昇遷，還嬰錄氣，易形變仙。適爾百齡，有頃億千，制魔保舉，度品南宮。玉符受鍊，仙化成真，生身受度，劫劫長存。隨劫輪轉，與天齊年，永度三塗，五苦八難。超凌三界，逍遙上清。上清之天，天帝玉真，無色之境梵行。

東方八天

道遠殊明天，帝普斗元真。  
滄淵煥奕天，帝婁乾至多。  
德照清華天，帝建朱曙謨。

昌祐極宗天，帝鈕俞詵喬。

皓際預光天，帝寶丘銘。

鍊度無欲天，帝覺杜容。

晨光延祚天，帝玉堵阿窗。

澄虛幽完天，帝九曲上英。

南方八天

太微耀通天，帝苟常貽先。

太皇深華天，帝洞無冥施。

慶煙鳳真天，帝敕禁魔源。

梵化炎虛天，帝嶠期祖強。

露真應化天，帝映留度仙。

超玄紫宸天，帝仲康霞。

廣生妙神天，帝麗光蘇。

丹琳三華天，帝祐閻密音。

西方八天

晶真鼎貫天，帝洪儀剛需。

延永轉飛天，帝率輅登虛。

素華慶壽天，帝月髻同渠。

浩蘭安平天，帝嶽汗騫敷。

冲靈洞幽天，帝求常卑寥。

太玄鬱晨天，帝寶勤巴方。

玉景明遠天，帝逸玄冲。

合景九微天，帝斷注王。

北方八天

韓司普監天，帝神驛召魔。

洞室曜靈天，帝越部南。

太極玄都天，帝正治宗公。

太寂玄清天，帝長生丕明。

高虛梵寶天，帝鄒儲靖奇。

龍浮羽葆天，帝宥單都孫。

靈化抱淵天，帝柳玄夜鄉。

樞光九華天，帝延祐百靈。

三十二天，三十二帝，諸天隱諱，

諸天隱名。天中空洞，自然靈章，諸天

隱韻，南上之音。南上之尊，南上之

神，南上大君，南上之靈。九和十合，

延命億齡，神瞳內徹，久視惟明。長生

道在，變化上清，無量之奧，深不可詳。

敷落神真，普度天人。今日欣慶受度，

歷關諸天，請滅死道，續命長生，飛度

五戶，入斗昇玄，洞見無極，渺渺玉天，

瓊樓億壘，金闕千門。中有南極長生

大君，戴寶披青，御朱履玄，執秉命籌，

爲兆添年。東斗度魂，西斗制魄，北斗

鍊真，南斗養神，中斗華蓋，下蔭九元。

青帝護魂，白帝侍魄，赤帝養炁，黑帝

通血，黃帝中主，萬神無越。青天元

王，玉文保真。赤天元王，丹符攝精。

白天元王，金籙命神。黑天元王，玄圖

護身。黃天元王，五老監真。五天元

王，萬神之宗。飛行鼓從，總領仙兵。

遊行太空，長生玉冊。天帝檢封，雲羅

錦帟，萬舞鳴鍾，碧堂突空。繞九飛

龍，賜兆長生，規正方瞳，坐察億程。

幽微密通，授號拱璧，位爲真公，兆臣

造玄。普掃不祥，巨獸吐毒，高刀四

張，兵鋒前施，真武持旛，天狼擲火，威

劍揚煙。敢有干試，拒遏上真，鑿天前

戮，蒼舌後刑，黑天斬祆，炎帝食精。

三官迅車，北酆列部，不得容隱，猛馬

八征。普告無窮，萬神咸聽，三界五

帝，列言上清。

太玄始分，五老命神，三元變化，

是爲真身。口吐紫氣，纏絡在根，化開

五符，萬有成形。符爲天根，倏忽變

真，玉帝居室，三景回明。六合洞房，

入玄出青，瓊膏黃飴，凝爲赤城。金臺

萬重，碧嶽千層，下沸混海，洪波杳冥。

蒼龍九首，火帝七身，蜿蜒百里，噴烟



閃睛。日月爲目，氣如奔雲，甲錯黑  
頑，護世保民。負載魍魎，是道真形，  
剛風石堅，積陽爲天。天上天下，無幽  
無冥，無形無影，無極無窮。溟滓大  
梵，遼廓無光，赤明東昇，元始育嬰。  
至丙南陵，朱光絳庭，中有大帝，號長  
生君。與天同生，與天齊明，鳳衣藻  
裳，青霞爲巾。正坐洞宮，保兆永存，  
返照長樓，氣連玉京。北斗覆己，太一  
舖精，視極幽朗，奄見神文。五篇八  
素，神虎龜章，元氣流演，三十二天。  
輪轉無色，周回十方，旋翼歷軫，迴度  
五常。三十五分，總炁上元，八景冥  
合，氣入玄玄。玄中授籙，賜兆長生，  
一瞬息劫，久視萬年。太皇大君，上帝  
高真，泛景流霄，嘯詠洞經。金光旋  
激，震響雲營，圓曜攝氣，八海洞清。  
寶淵蔚秀，縹彩浮京，千和萬合，自然  
成真。真中有神，長生大君，無英公  
子，白元尊神，太一司命，桃康合延，執  
符把籙，保命生根。上遊上清，出入華  
房，八冥之內，細微之中。下鎮人身，  
泥丸絳宮，中理五氣，混合百神。十轉

迴靈，萬炁齊仙，仙道貴生，無量度人。  
長與生俱，視極杳冥，上開八門，飛天  
法輪。罪福禁戒，宿命因緣，普受開  
度，道化生身。身得長生，上聞諸天，  
諸天之上，各有生門。中有空洞謠歌  
之章，諸仙靈篇，辭參高真。

第一長生神仙南和真君飛空之音  
我適飛輿，遐造八荒。空洞生風，  
玉音遼遼。鳳軒崛起，環山復水。紫  
金作宮，蟠基六龍。內有大君，金姿玉  
容。儼坐紫雲，絳衣剪虹。下觀兆人，  
錄紀善功。冥與化通，長生無終。照  
覽十天，騁霧浮空。左挾金真，右扶玉  
童。詠此洞章，神昇九重。

第二久視真妃瓊明玉符之章  
明璣龍翹，冠彼綠縵。錦裾流雲，  
香車華軫。南宮九門，日惟月隱。時  
乘六淳，金鸞玉袞。夕眄龍山，芝田霞  
嶺。天官捧策，神使列請。書兆生籍，  
鬱清涵景。雙珠四規，宏視無影。無  
極道君，虛真寶名。梵氣回環，玉符變  
形。生兆神氣，青帝凝魂。朱芒蘊光，  
八威輝煌。嚙以瓊泉，龍低虎昂。賜

兆祕訣，晨風錦光。

第三長生大帝君宮中太微神母歌曰  
六星爛爛，對臨天剛。宮浮紫烟，  
玉輦昊蒼。帝君丹袍，瑤笏龍刀。三  
魂七魄，竟井魁魍。天嬰煒秀，嘯泛雲  
濤。口吐赤文，光纏景霄。六真夫人，  
錦帳金韜。迅風朱陵，風背鸞腰。飲  
月咀日，碧霜琅膏。玄芝萬株，絳實殷  
桃。授以長生。久視遊遨，揖此晨暉，  
仙露飴醪。變骨爲玉英，歌此玄中豪。

此三界之上，瓊明天中，飛空歌  
音，音參洞章。誦之百遍，名度南宮。  
誦之千遍，天帝保迎。萬遍道備，飛昇  
太空，過度三界，位登仙公。有聞靈  
音，仙王敬形，敕制地祇，侍衛送迎，流  
火玉眸，自然入身，身光如瞳，洞照萬  
神。長生神仙，道胎結嬰，龍氣灌濯，  
南極同盟，親拜黃老，口受神文，是謂  
無量，普度無窮。有祕上天文，諸天共  
所崇。泄慢墮地獄，禍及七祖翁。  
道言：此二章並是長生大帝君，  
及長生神王隱祕之音，皆是大梵之言，

非世上常辭。言無韻麗，皆是長生久視永存大法，隱祕其章，故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶傾心，依舊格告盟十天，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。欲延生續命，過度運會，皆當祈叩長生大帝君，南極神王。則命注玉檢，名刊金格，免過三塗，超濟八難。凡有此灾，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫學長生久視大法，心契自然，玄默懷道，與造化冥一，誠通玉清。而世患縈縻，緣賞未際。或運當易骨，五臟更生。或神樓九宮，鍊華脫化。或末學道淺，仙品未充。運應滅度，身經太陰，雖長生久視大法未備，見身功缺而心洞無有，神已長生，骨肉未鍊。臨過之時，同學至人爲其行香，

誦經十過，以度生名如法，徑上南宮，賜以生道，隨其學功，計日而得更生。轉輪不惑，便得神仙。

道言：夫長生久視之法，其禁至重。或守心自然，玄契妙道。或從師請法，能致久生。或陰營衆德，功及羣靈，天官列言，得以永世。或神觀內洞，徹見道根，俯視二儀，遐窺往劫，近若旦夜。宿命因緣，善功業債，如觀尋尺。與造化爲徒，出生入死，運用由己，延日爲劫，促劫爲日，千春爲朝，萬劫爲夜，長生久視，卷舒在意，則非學道修誦所能。或天稟特異，氣質不凡。如天有神仙，地有松栢，人有耆艾，皆靈成自然。聞道而得，聞道而生，不原於教理，別得天真，卓挺於世者也。至若天地運終，三辰失次，四時不調，國境生灾，兵劫不息，疫毒流行，師友命過，亦當修齋行香，誦詠此經。夫齋戒誦經，功德甚重。上消天灾，保鎮帝王，下攘毒害，以度兆民。生死受賴，其福難勝，故曰無量，普度天人。

道言：凡有是經，能爲天地帝主

兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中真王，亦保舉爾身，得道者乃當洞明至言也。

### 諸天中天大梵隱語無量音

道君撰

### 長生大帝君靈書玉篇

東方八天

明柯遜淳，靜微樂惇。幾研菟棋，純精杳紛。韜祕幽諱，交渾冶崙。氣徹內返，神嬰自存。職熾嶼嶂，偶銜丕容。吟亢潛納。寶粹溫通。屈流地海，頂邁繪同。玉靈延和，仙鍊輔沖。

南方八天

玻回霞液，凝降嶸樓。玄黃滋化，曲窠漕濛。奎室虛光，三辰皎昌。青白英元，黃真火堂。罔照東華，飲瀾粲張。扶思舉龍，軫車控翔。熒庚捕壇，玄井護昆。網射激明，靈魔渾然。

西方八天

庭雲鬱披，鋌瓊感機。左池汨鳴，結英懼尸。灌引天淵，復運太微。眇私山玄，恍命薰怡。陰斗弼軀，異爽挾和。赤章綠典，道廓應施。合就匪緒，忽辨意衡。象胚先元，化華甦宣。

北方八天

獄艷都首，影酪魂醜。馥味音姦，籍官統祆。龍委瀆谷，米聿輪腩。此受宏出，洞真和玖。隲功衛子，壽頤燁觀。呼徵大殺，韓司詔候。移超隱峰，默彰離邁。無號幕研，碧空浮遷。

道言：此諸天中大梵隱語，無量之音。舊文九炁丈人染赤彪之獸，流丹之液，題書長生大帝君南明之殿，青環之壁，空中出字，皆廣長一丈。金氣鏤縷，采明以紫，寔丹入玄，玄又入丹。丹玄起煙，鬱勃上元，題寫佩服，誦習相傳。最上妙訣，慎勿妄宣。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上仙，道備尅得，遊行三界，昇入金門。此音無所

不辟，無所不襍，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，羣祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙。天無氛穢，地無祆塵，冥慧洞清，大量玄玄也。

靈寶无量度人上品妙經卷之三十一

### 靈寶无量度人上品妙經卷之三十二

#### 五行順治品

道言：昔於玉虛大明天中，九華寶光神瑞慶土，受元始度人五行順治妙品。元始天尊當說是經，周迴十過，以召十方，始當詣座。天真大神，上聖高尊，妙行真人，上清五星真君，無鞅數衆，乘空而來。五色重光，景雲四繞，紅瓊之輶，紫琳之輅，金輪轉轂，日駕浮空，羽箒連霞，金真警衛，流虹交映，玉馬騰煙，照徹碧虛。三日三夜，七宸啓靈，五斗順位，璣衡停運，山嶽玄鎮，天道開明，華林蒼彩，長樓列觀，接引凌風，金闕瑤京，無復高下，地敷寶砌，色吐瓊綿，衆真侍座。元始天尊玄坐五雲浮黎冰玉金映萬寶之座，與中天紫垣蒼華生德萬壽道君，丹華陽德萬福道君，皓華正德萬善道君，玄華一德萬生道君，大華聖德萬順道君，五

方真元道君，元始開圖之後，五氣乃分，道祖攸同，氣母稟異，將宣五行順治，生化三界，慈育萬彙之道。說經一遍，諸天大聖同時稱善，是時一國男女，宣行順教，無有尅傷。說經二遍，四氣和平，時不失度。說經三遍，沖用太和，景物長春。說經四遍，騰氣均行，人無衰薺。說經五遍，陰陽調運，疾病不生。說經六遍，羣生遂性，萬宇咸寧。說經七遍，五星合明，珠躔周軌。說經八遍，甘露浮空，靈芝鬱秀。說經九遍，天光下濟，泉曲開明。說經十遍，國被道化，率土歸賓，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品蒼華九氣至真大聖，無鞅之衆，浮空而至。說經二遍，南方無極無量品丹華三氣至真大聖，無鞅之衆，浮空而至。說經三遍，西方無極無量品皓華七氣至真大聖，無鞅之衆，浮空而至。說經四遍，北方無極無量品玄華五氣至真大聖，無鞅之衆，浮空

而至。說經五遍，東北無極無量品素華梵炁至真大聖，無鞅之衆，浮空而至，說經六遍。東南無極無量品碧華梵炁至真大聖，無鞅之衆，浮空而至。說經七遍，西南無極無量品大華梵炁至真大聖，無鞅之衆，浮空而至。說經八遍，西北無極無量品寶華梵炁至真大聖，無鞅之衆，浮空而至。說經九遍，上方無極無量品紫華一炁至真大聖，無鞅之衆，浮空而至。說經十遍，下方無極無量品黃華一十二氣至真大聖，無鞅之衆，浮空而至。十遍周竟，十方無極至真大聖，一時同至，一國男女，傾心歸仰。來者侍側圍繞，咸欲欣聞。元始天尊召集五元道君，敷演五行順治長生之法，物無夭傷，永絕刑禍，普天稱慶，劫劫隆平。於是元始變身示現，天座高遠，大如蕭臺，翠光層劫，以億爲仞。元始聖體巍巍，瑩如寶山，十方華林，同蔭若蓋，金色洞耀，遍照無極。元始登引，天真大神，上聖高尊，妙行真人，五元道君，十方無極，至真大聖，無鞅數衆，俱升玄座。天人仰

看，一一天真，住一天界，瓊欄藻井，金闕琅軒，無不備足。說法之聲，億衆如一，心心相通，法音無間，同時說法，無有違逆。比之流泉，傾瀉妙意，一切衆生，各各了知。金木水火土，五行之氣，自相順治，本無刑尅。雖有勝復鬱拂之變，斟酌天倪，以生和氣。五行混同，升降合德，五氣調平，三界泰定。及於人物，一切生身，三元構精，五行結秀，順治不逆，沖德滋神。虛含道真，凝如珠玉，大若彈丸，光華鮮灼，太空有象。是時天人一切衆生，以順治故，斷絕死道。諸惡不生，大業宿冤，一時頓息。地獄衆苦，猛火洋銅，變成青蓮，九幽北都，爲安樂國。以五行順治，則萬物化生，三界靈仙，一切種民，悉無罪越。諸天遙唱，萬神設禮，一國之境，如懸冰玉，及似寶珠，表裏明徹，略無浮翳，以及纖塵。元始即於玄座所現之境，說經都竟，衆真監度，以授於我，當此之時，喜慶難言。諸天復位，倏歛之間，寂無遺響。是時天人遇值經法，普得濟度，全其本年，無有中

傷，傾土歸仰。咸行順心順道，順德順善，順法順真，順明順生，順神順化。言無悖異，口無惡聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，玄道順福，五行不尅全物之隱音。亦是五元道君內諱，混交五氣之隱名也，非世之常辭。上聖已成真人，通玄究微，能悉其章。誦之十過，諸天順度，萬物生榮，天潢隨流，氣無鬱藹，山安海鎮，六天運明，三辰駐照，九道齊并，羣魔鬼精，歸道成人，白骨屍骸，順治更生。至學之士，誦之十過，則五行聚精，三田結嬰，人無中傷，壽與天登。所以爾者，學士誦詠是經，召命五星，順慶和樂，六腑安寧，穢氣消亡，心感洞真，以制十方，法施天靈，天人皈依，災害不生，可伏御地祇，束縛魔靈，却死留形。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。

斯經尊妙，獨步玉京，度人無量，為萬道之宗。巍巍大範，德難可勝。

道言：凡誦是經十過，諸天齊到，五星真君，五方大神，悉降其所。三辰在人身命，或凌犯勃蝕伏逆為災，使世生民運為不遂理務乖違，宜齋戒誦經。五星合度，五行順治，災害消弭，億曾萬祖，幽魂苦爽，皆即受度，上升朱宮，格皆九年，受化更生，得為貴人。而好學至經，功滿德就，皆得神仙，飛升金闕，遊宴玉京也。上學之士，修誦是經，五星旋行，回而不轉，三宮填滿，自然得真，皆即受度，飛升南宮。世人受誦，則天輪順次，一十二宮，不相違錯，運過限臨，氣超候接，周徧宛協，身無殃咎，真氣內結，邪癘不干，延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠，上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神

文，保護受經者身。

道言：正月長齋，誦詠是經，五行順治，春氣遂生，萬物秀成，胎卵化濕，就形無隕，自然通神，上世亡魂，斷地逮役，度上南宮。七月長齋，誦詠是經，五行順治，秋氣遂成，萬類堅革，就養燕寧，金真入骨，身得神仙，諸天書名，黃籙白簡，削死上生。十月長齋，誦詠是經，五行順治，冬氣剛凝，萬物歸根，陽氣潛形，太一復位，帝主道興，五星聚中，聖德日新，四海澄波，六氣和平，臣民康樂，億載太平，壽等天地，日月無傾，兵消疫散，時清德盈，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，五行順治，十方齊營，真氣周流，時化自然，所作皆成，內功克備，得為九宮真人。本命之日，誦詠是經，五行順治，災害不經，三刑六害，劫耗傷驚，星光映身，仙道自生，魂神澄正。萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上

清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，五星在頭，光氣纏繞，青龍、白虎、朱雀、玄武、獅子、白鶴羅列左右，日月照明，洞煥室內，項生圓象，光映十方，如此分明。密祝曰：

无上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，五行順治，真化度人。百魔隱韻，離合自然，大無元冥，杳寂無真。空極生神，真炁神存，兩半同升，陰陽始分。黑白二物，爲天

之尊。中黃爲土，四氣潛形。赤明開圖，乃有五星。熒熒列位，道之淵靈。太空真土，鎮德自名。鎮之父母，甲己爲源。網緼相求，土形乃生。乙庚合氣，土乃孕金。金德神武，承天之根。金液化水，丙君辛臣。水性潤下，金土感化。句芒吐綠，青芽起雲。雲回上清，癸魄戍魂。日月含育，赤精揚煙。煙息體合，氣歸返真。神化無門，無門爲空。空爲土公，九還七返。至道之宗，是曰五行。順治而通，陽順則福，陰逆爲凶，順治五行，惟帝之亨。萬天凝粹，浩劫又寧。五行尅伏，鬱拂差勝。自非通神，不知至聖。土爲中主，五劫氣彊，木來尅之，非謂勝制，欲其順昌。木極金犯，金勝火流，火炎水濟，凡此皆爲尅伏。世之鄙愚，不悟天道。貴其中順，惟其平調，爲帝之德，順治無偏，玄之又玄。至寶順生，礫石迺成，瓊臺玉闕，金樓碧城。鬱羅蕭臺，玉山上京，上極无上，大羅玉清。若亡若存，隨意而營，浩浩梵氣，瀰漫無形。中有大帝三清君，中有九老仙

都之真，中有黃元九素大神，中有白元皓空之君，中有太玄五靈洞微之神，中有青華九仙丈人，中有赤書紫文之君，中有太皇萬福順治元化延壽度厄尊神。今日校錄，諸天臨軒。東方無極青帝木真神王，長生大聖，無量度人。南方無極赤帝火真神王，長生大聖，無量度人。西方無極白帝金真神王，長生大聖，無量度人。北方無極黑帝水真神王，長生大聖，無量度人。東北無極大帝玄女神王，長生大聖，無量度人。東南無極大帝赤子神王，長生大聖，無量度人。西南無極黃帝土真神王，長生大聖，無量度人。西北無極大帝天姥神王，長生大聖，無量度人。上方無極真帝玄父神王，長生大聖，無量度人。

下方無極元帝道母神王，長生大聖，無量度人。

十方至真飛天神王，長生度世無量大神。並乘紫霞流精之輦，太微金明五真混變無極之駕，素麟丹鳳，青鸞黃獸，萬福之騎，天仙扈從，七億萬人，執持雙珠月明，白羽玄干冠帶，九氣三辰之華，九歌陽音，八素陰唱，嘯歌嘯嘯，五老啓途，羣仙翼轅，億乘萬騎，浮空而來，傾光迴駕，順治化生。諸天丞相，南昌上宮，韓司主錄，監生大神，五帝司馬，感生元君，執籙把籍，齊到帝前。隨所應度，循運諸天，却逆除暴，調元五精。水火不尅，萬物悉全，天人鬼神，順道變仙。順爲臣子，忠孝德先，忠感玉帝，孝徹太玄。陰陽和等，三官列言，人神感悅，品彙駢繁。下極幽都，北山河源，冥類苦爽，時刻升遷。以順得生，仙化成人。生身受度，劫劫長存。隨劫輪轉，與天齊年。永度三塗，五苦八難，超凌三界，逍遙上清。上清之天，天帝玉真，無色之境梵行。

東方八天

運智正除天，帝玉覺睹月。洞霞寂夷天，帝醜鑒元期。彰直元通天，帝馘妄理真。照效清池天，帝苦勤寥。

昌景仁政天，帝吉義安。

蹈登煥夷天，帝長肱正基。

崇譽炎常天，帝整真微晞。

玉真高聖天，帝道極元凝。

南方八天

艷靜淵映天，帝胡尤琛。

神鄉總樞天，帝勾龍師存。

述理精玄天，帝石嶽正璘。

火度化周天，帝選妙資忱。

魔治宛靈天，帝兆勤洞豪。

逸婁冲璩天，帝彊鹿皓蘇。

赤奪標秀天，帝祈東偃名。

太極順皇天，帝蕪軒董玄。

西方八天

仇圖蔚育天，帝爍陀郝明。

睹耀真妙天，帝祚莊堂。

梵度明瑤天，帝宗耀頓康。

抱正斗機天，帝斬伐魔凶。

辨伏安道天，帝嗣康監生。

素明洞虛天，帝惠施部慈。華都耀明天，帝雞樞婁命。要玄大皓天，帝晶絕神環。

北方八天

神府公符天，帝宿陰城。

梵章紫皇天，帝越平延。

龍猷轄洞天，帝火旦爛焮。

僊平清修天，帝玉素真華。

混合妙真天，帝抱光紫輝。

玄璘統儀天，帝時承道生。

冥度弘嘉天，帝杳曲玄嶼。

澄漢洞浮天，帝中極幽微。

三十二天，三十二帝。諸天隱諱，

諸天隱名。天中空洞，自然靈章。順

治五星，不有遲留。伏藏悖逆，道氣左

回，逆犯者追，使氣循軌。由正相生，

交養萬彙，與帝同榮，無敢夭傷。秀實

華精，一萬九千四百二十一種穀果蔬

畜，五行順生，食者長年，不作疾癘，自

致神仙。此文隱諱，知者不言。悟真

識玄，玉書明宣。諸天隱韻，無有尅

勝。戰爭違忤，干凌五星。之分協和，

致福帝主。萬年正氣，殄滅妖怪，凶害

永捐。順治之音，順治之尊，順治之神，順治之魔，順治之靈。二景六合，順躔上清。紫微布氣，招搖列星。太和冲盈，金木同形。水火爲一，土德共

並。殺害怒鬥，以順得平。無量之奧，深不可詳。敷落神真，普度天人。今日欣慶受度，歷關諸天，請滅遲伏留逆勃蝕之氣，斬絕祆根，順度五常，真流太玄，五帝轉樞，經緯天門。東斗延生，西斗合氣，北斗養胎，南斗行勢，中斗受形，三界福凝。青帝樂金，白帝同木，赤帝運水，黑帝助火，黃帝含虛。五行協佐，敢有惡逆，不順道者，戮以風火。青天真王，治木之鬼。赤天真王，斬火之賊。白天真王，斷金之邪。黑天真王，滅水之怪。黃天真王，伏土之殃。五帝真王，萬神之宗。飛行鼓從，總領神兵。麾幢鼓節，遊觀太空。自號赫奕，諸天齊功。上天度人，嚴攝祆凶。木氣逆土，土制水窮。水藏火精，火鍊金鎔。金還尅木。相迭爲凶。五帝握符，五星御龍。御繞靈綱，使氣和同，五行順治。不有尅傷，天人協

道，萬物輝昌，自然長生。時化明雍，天地正輪。六精允隆，萬氣無愆。聖運無窮，萬神咸聽。三界五帝，列言上清。

龍漢延康，真道惟常，恍惚無形，初不隱彰。元晶廓如，混氣華芒，赤黑潛孕，五氣乃光。方域定位，東西擊攘，形勢相乘，或柔或剛。金木爭戰，龍虎騰驤，陰制於陽，陽薄於陰。凌奪無期，氣與神傷。元始行道，五星尊王。善爲陽順，惡爲凶戕，正真御樞，中極命神。順以治化，化開玉京，晃燦玄臺，碧落維天。天上天下，無幽無冥，無形無影，無極無窮。赤明開圖，運度順行。元始安鎮，瓊篆玉文。流雲翥鳳，元氣道根。保制劫運，使天長存。梵炁彌羅，萬範開張。元綱流演，三十二天。輪轉無色，周回十方。旋斗歷箕，回度五常。三十五分，總氣上元。是謂順行，不犯神綱。綱以制氣，進退所將。好生協從，輪無蹶張。順道偶和，和密而淵。八景冥合，氣入玄玄。玄中太皇，上帝高真。泛景璇圖，

敷落洞章。赤書五篇，制斷不祥。經緯得緒，三界福堂。

帝德體循，紫庭聯芳。雲宅玉靜，日闕金璫。皇皇寶華，空洞自然。千和萬合，五政成真。真中有神，長生大君。無英木帝，白元金神。太一治土，司命火尊。桃康合延，水祖大溟。執符把籙，保命生根。上遊上清，出入華房。八景之內，細微之中。下鎮人身，泥丸絳宮。中理五氣，混合百神。十轉回靈，萬氣齊仙。仙道貴生，無量度人。上通玄門，飛天法輪。順治命延，罪福禁戒。宿命因緣，普受開度。飛魂生身，身得受生，上聞諸天。諸天之上，各有生門。中有空洞謠歌之章，五真靈篇，辭參高真。

第一五星真君紫微定位飛空之音  
太空無邊，道體自然。冥漠匪迹，混洞之先。恍惚中物，至精不遷。升陰降陽，元氣綿綿。氣從何生，太虛發煙。晶明在胎，神氣淵泉。三五既名，七九相連。氣分方畔，水火變生。彊弱剛柔，道功無全。根角有來，落落在



天。生化由之，悟則神仙。五行共濟，五賊爲緣。水火金木，中土天關。尅制則鬱，氣變成姦。不動則平，化力無傳。歌此靈音，泛駕翩翩。

第二五星真君順治五氣招玄之章  
金光在東，炎炎寶龍。西靈授符，南山起雷。黃旗翻翻，環拱太微。履道無爽，真氣所歸。錦輿琅軒，金馬玉鞭。吾何狩之，周流八騫。事君事父，順忠孝先。道妙在茲，祕不可傳。上輔帝臺，出爲德宣。吾道正明，光揚九天。生植和澤，造化匪艱。布于天道，灌氣巡環。庶品孳育，各用其元。光亘上下，萬氣同仙。內福三界，外洞人玄。天順明清，地順咸寧。人順胎丹，重閭胞肩。出生無死，徹視通靈。神變入空，驂駕九龍。慶耀流彩，五老命封。玉策絳章，左嘯華童。右扶太真，流金火風。順行祕道，萬帝唱恭。五行返一，非有無中。

第三五星真君順治運度大霞歌曰  
天市層垣，列耀猶肆。我執玉書，赤文大字。刻寶光門，瓊館北軒。星

國萬里，仙民駢繁。中有帝皇，絳闕紫煙。雲盈我居，光浮我廬。陰陽二景，瑤琳珮珠。疊疊其行，五色自生。遲伏留逆，順德無爭。以順事帝，動如符契。以順事天，得道自然。以順生化，神功綿綿。氣合太無，結錄寶圖。五篇玉文，迴旋帝車。帝車在東，仁化普從。大標經西，攬槍協齊。順道爲治，神造希夷。我位上王，炯炯其方。善惡不遺，德之所臧。順爲聖德，萬方作則。不順天運，變爲五賊。道幾無形，杳杳元精。生化無窮，螭迹彫瓊。雲萌紫素，咽服玉精。日視三素，倏忽變通。神母玄父，日月瞳矐。

此三界之上，飛空之中，五星真君順治五行至妙之音，音參洞章。誦之百遍，名度南宮。誦之千遍，五帝保迎。萬遍道備，飛升太空，過度三界，位登仙翁。有聞靈音，萬神敬形，敕制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂無量，帝度無窮。有祕上天文，諸天共所崇。泄慢墮地獄，禍及

七祖翁。

道言：此二章並是諸天上帝，及五方真元道君至靈隱祕之音，皆是大梵之言，非世上常辭。回度順綱，使流演得宜，遠諸灾殃，降致和氣，福如太倉，故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齎金寶質心，依舊格告盟十天，然後而付焉。

道言夫五行順治，則萬物有宗，陰陽至和，三界歡樂，天人長年，無夭折尅傷之患。若氣化失次，星度迭軌，刑殺制勝，竟不休息。則天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。以其五行之氣，不以順道，則天人怒而不喜，人鬼凶而不吉。凡有此灾，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫世人生命，限臨滯厄，運即相須，水火交錯，數歸滅亡，氣索命終，以五行刑尅，併於絕地故也。不知

身壞物弊，而真神本元之主，道之至精，未常滅也。五行逆次，則天地終極。或末學道淺，仙品未充，運應滅度，身經太陰。臨過之時，同學至人爲其行香，誦經十過，以度屍形如法。魂神徑上南宮，隨其學功，計日而得更生。轉輪不惑，使得神仙。

道言：五星凌犯，不順治其道，上爲天災，下爲地禍，中爲人患。天地運終，星宿錯度，日月失昏，四時失度，陰陽不調，不順於天也。山摧地震，水湧泉涸，獸食人民，蝗鼠害稼，陷沒注決，風火迸出，壓溺倒裂，不順於地也。國境生災，兵革興作，疫毒流行，兆民死傷，師友命過，鬼出爲祟，不順於人也。五行失順，則物莫能治。欲使順道自然，天下安謐者，皆當修齋，敷露五方真文，立壇奉幣，以告五帝，行香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝，故曰無量，普度天人。

道言：凡有是經，能爲天地、帝主、兆民，行是功德，有災之日，發心修

齋，燒香誦經，十過皆諸天記名，萬神侍衛，右別至人，克得爲聖君金闕之臣，諸天記人功過，豪分無失，天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書五行順治玉篇

東方八天

神屢易圖，玉過山回。子王七覺，輔波仙深。旦列靜卒，江梗呼迎。寶煙披澤，始栗備身。閱碩疆偃，辨卑羅密。魯輦息家，處檀移心。魔詠枝河，究屈張平。蘭球珠忽，離龍梵陰。

南方八天

太玄混微，斗著轉華。移盈曲祿，報該無涯。念蕩董頤，救明演徙。極深光總，九搖契遠。露戟韓司，洎誅招西。飛玉投檢，瓊籌泛芽。丹明希沈，長幾嶧訛。騫傳良滌，房睹迎陀。

西方八天

音混真隅，柳寂鎮鋪。義殿洪護，

邁健錫無。仗仗亟丑，月羅雲奔。部茫哆參，王中玄臺。元洞惡奕，靈童爛浮。祥寧寔賈，靈提丁謀。勤玄樂明，燿雄傳孤。梵明皇景，豐嬉並元。

北方八天

太玄宛室，旗正亭白。沈酬幾澄，貴真奚名。廓定逸革，樞靈愬縑。韶庭湄濩，醜那奕升。宿嶽林曆，道混魔京。罔被淵密，龍固迷緣。太陰九靈，魔微朝徵。神瑛沙蘭，韞誥仙盟。

道言：此諸天中大梵隱語，無量

之音，舊文紫筆題璇璣之門。以東方八天第一第二第三字，正天分度，丹書龍臺玉山中閣。以南方第六天第四第七字，使五行順治，氣不害逆。三華太玄碧落之文，刻紀中斗魁宮司空之庭。以西方第三天第五第七字，第四天第一第八字，以斬祆芒犯害。順行之軌，黃道之前，爲蠶之者，使水火不尅，正氣和寧，帝道皇極，吉昌蒼延。大素錄簡之筆，著文斗箕。東北龍母之山，鳴鼓之樓，真靈瑤闕，譙都之上。以北方第二天第三天第四字，第八天第一第

四第七字，以斷却五行不循，星車失度，差躔之氣，使五行順治，降福人天，爲百靈所仰，萬神所遵。字皆廣長一丈，八角垂芒，方廣如印。天真皇人昔書其文，布於八天十方上下，以爲正音。有知其音，能齋而誦之者，諸天遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上真，道備克得，遊行三界，升入金門。

此音出空洞之中，太和冲杳之氣，結成正音。五行刑害不順，行度失治，禍及民者，鼓其音而禳之，天垂甘露，地生神芝，金寶開泄，符瑞自生。無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，羣祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之三十二

### 靈寶无量度人上品妙經卷之三十三

#### 五方正氣品

道言：昔於始青天中，大明混洞上宮寶華靈闕，無爲大慈廣生玄妙虛清道境，上干浮光，元化混沌。九微八關，俯跨碧落，太空星輪，景耀之精，中有真王，號舍運樞。道力自然，功位高玄。中有妙寶神山，連延天內，有五方天尊紫霄光明飛霞之闕，官將百萬，民衆千億，壽無窮期，氣如長春，雜萬花色，以爲光明，瑤海朱鬢，綠斑之龍，常御九真玄玉之輅，以奉玉帝。此天五方正氣，所生五行之精，順天常道，不爲囚尅，是謂真一元氣，萬物之宗，爲瑞爲寶。非如陰陽交爭之氣，生合離殺，長育虧殘，而無常也。元皇大慈，化此真境，五方天尊間居寶座，吹噓正氣，採嗽華根，流波遠蔭，逮於天界。天得正氣，圓蓋不傾。地得正氣，海嶽

平寧。帝得正氣，道運太平。人得正氣，爲世賢良。慕道求仙，上輔正化，無所不真。元始天尊當說是經，周迴十過，先向五方，召命五方天尊，東方九神太洞玉真天尊，南方三華上極丹光天尊，西方五明太真金耀天尊，北方一真洞陰寶鏡天尊，中央瓊華黃景微妙天尊，五方天尊敬奉玄旨，泛駕黃輿丹靈之輦，三素飛雲，龍鶴羽葆，仙官執典，天騶啓途，來如迅風，流鈴煥落，雷火耀天，十方無極世界，悉皆震動，一切天人，咸知元始召命，五方道主，願聞真一之氣，無等上妙大法。五方天尊稽首作禮，元始垂眄俯視，以召十方，始當詣座。天真大神，上聖高尊，妙行真人，無鞅數衆，乘空而來。明耀流暉，玉輿虹輪，彩霧蔽空，靈光靄華，神煙密羅，寶雲疊霞，風煙澄息，和氣彌羅，土化堅剛，湛如金魄。衆真侍座，元始天尊玄坐空浮天闕雲山妙光瓊臺之上。說經一遍，諸天大聖，同時稱善，是時一國男女，初受真道，靈慧虛通。說經二遍，心契妙微，永無湮

沉。說經三遍，五方正氣，灌育華根。說經四遍，玄光流景，映耀身形。說經五遍，赤書玉綱，纏塞死關。說經六遍，福被普天，慶瑞咸臻。說經七遍，四氣調和，萬物豐昌。說經八遍，品彙生成，保固無殃。說經九遍，邪精滅根，魔害不行。說經十遍，老復壯盛，少者求延，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品蒼精正氣至真大神，無鞅之衆，浮空而至。說經二遍，南方無極無量品丹精正氣至真大神，無鞅之衆，浮空而至。說經三遍，西方無極無量品晶精正氣至真大神，無鞅之衆，浮空而至。說經四遍，北方無極無量品紫精正氣至真大神，無鞅之衆，浮空而至。說經五遍，東北無極無量品鎮精正氣至真大神，無鞅之衆，浮空而至。說經六遍，東南無極無量品炎精正氣至真大神，無鞅之衆，浮空而至。說經七遍，西南無極無量品華精正氣至真大神，無鞅之衆，浮空而至。說經

八遍，西北無極無量品玄精正氣至真大神，無鞅之衆，浮空而至。說經九遍，上方無極無量品虛精正氣至真大神，無鞅之衆，浮空而至。說經十遍，下方無極無量品幽精正氣至真大神，無鞅之衆，浮空而至。十遍周竟，十方無極天真大神，一時同至，一國男女，凝瞻元始與五方天尊，妙極玄微，見大神變，九色光明，遍照十方世界，一切國土。即各相謂，共目携率，齎持妙香，珍寶奇花，天衣旛蓋，自十方來。舉此種種珍奇妙供，陳於天尊座前，徘徊宛轉，化成寶蓋。百億珠玉，百億結綬，百億繒綵，百億紋繡，百億神奇，百億光景，遍於諸天所有世界。如是男官女衆，咸皆敬禮，仰聽元始天尊宣揚靈寶大法，無量度人，五方正氣之道，瞻望聖顏，一心歸依。爾時五方天尊，五老上帝，侍立元始天尊法座之側，元始天尊舉身正衣。良久復坐，於是紫金神光從面門出，此光暉耀，與諸光明，如相經緯，縱橫微妙，萬種華炫。一一天人，不由心目，外見天尊安如寶

山，內見己身三一九宮，諸境玄府，光氣無極，自下徹上，自上徹下，從東達西，從西達東，交射灌激，聖變神化，難可比倫。元始告大衆曰：今當度人，說五方正氣護生萬有之法。得吾正氣，皆證妙道。爲諸天仙真十方之聖，利益世界，演說大法，使諸天衆生，聞道蘊奧。五方天尊環繞寶座，各放大光，暉耀世界，猶如千日，照徹諸天，九萬億土，天人宮殿，帝王臺觀，與光所照，森然俱見，無有隔礙。是時諸天各於光中，顯示正氣大道，自然凝化相狀，近可指矚。又於光中，各有玉書，五篇真文，炳煥張布，屈曲飛動，鎮召襪制，普天安寧。東方正氣，晨光九羅，素景徘徊，碧壘鬱霞。南方正氣，紫雲沓煙，朱丹三精，生化億千。西方正氣，明石太素，光芒凝化，非煙非霧。北方正氣，玄闕飛精，雙皇太微，包羅玉清。中央正氣，上玄寶洞，妙變盤結，化成龍鳳。五方正氣，無量形相，懸在太虛之中，各飛瑞光，灌元始耀明火玉如意之上，迤邐盤匝，五色混成，

大如朗日，通含五方，所見物象。元始登引，五方天尊，天真大神，上聖高尊，妙行真人，十方無極至真大神，無缺之衆，俱入五色混成圓光之內。說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，各受正氣，道心開悟，見生化門，知道宗祖，普得濟度，全其本年。年極數窮，升入太空，脫離生死，與正氣俱存。示身千億，變化空常，靜而爲虛，動而爲形。普應十方，道同列聖，識心如幻，無作無爲。普濟萬生，永斷輪轉。有形安泰，愛利俱忘。正氣入身，與化冥一。離諸疑網，習染解脫。飛形太虛。爲天種民。言無華綺，口無惡聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天至尊五方正氣內名，隱韻之音。亦是三寶皇君丈人內諱，百靈之隱名也，非世之常辭。上聖已成真人，通玄

究微，能悉其章。誦之十過，召致五方正真之神，化鍊結節，靈感胎真。東方正氣爲英明，文華清淨，儀矩高賢，仁恕仙真，之應於物，爲寶玉瑰奇，珍禽瑞獸，希世之祥。南方正氣爲明慧，禮制辯哲，爽越命令，布政輔弼尊神，之應於物，爲丹華工麗，艷妍色腹，經畫之事。西方正氣爲義決，剛別堅正，果敢介守，敕法大神尊官，之應於物，爲介甲金石，牢革牙角，防鈴兵刑之象。北方正氣爲敏贍，智數機謀，變通玄化，爲真母后太一隱靈，之應於物，爲修蛇玄黠，委曲怪異，伏藏鬼神之符。中央正氣爲尊德，祕道寬厚，博容廣大，碩學輔化，帝王君主，崇高神聖，之應於物，爲沖融柔順，坎下盈滿，遠隆甘和之驗。遇正氣者，上爲帝仙，中爲宰牧，下爲賢德，爲長生，爲吉祥，爲福慶。故誦詠此經，諸天齊唱，萬帝設禮，正氣來集，淵澄嶽靜，日月合照，璇璣歷天，魔爽喪壞，屍骨還生。至學之士，誦之十過，則五帝侍衛，三界稽首，正氣臨斗，鬼祿滅形，濟度垂死，絕而

得生。所以爾者，學士思神致真，坐招正氣，生命遇之，則貴極仙真，召制十方，與天爲一，五氣齊靈，中粹發華，福德自生。輕誦此經，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，五方真氣齊到，以之治身，則仙化長生，使丹靈氣備。以之生物，則堅大瑞美，煥偉靈異。以之治人，則明譽公端，凜然超舉。以之通鬼神，則億曾萬祖，幽魂苦爽，皆即受度，上升朱宮。正氣所挺，五方同真，格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，五方正氣入身，愚變爲智，俗化爲賢，賢則得道，道成而仙。爲聖爲神，氣之正也。爲祿爲孽，氣之邪也。皆即受度，飛升南宮。世人受誦，五方天尊正氣之光，照其真形，則延壽長年，後皆得作尸解之道。魂神

暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，五方天尊登玉寶青華之闕，布行五方正氣，治化三界，爲上世亡魂，斷地逮役，度上南宮。七月長齋，誦詠是經，五方天尊登朱陵丹華之闕，布行五方正氣，治化三界，身得神仙，諸天書名，黃籙白簡，削死上生。十月長齋，誦詠是經，五方天尊登紫雲瓊圖玄真之闕，布行五方正氣，治化三界，爲國土帝主，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，五方正氣周回八方，還朝帝一，化生萬靈，得爲九宮真人。本命之日，誦詠是經，五老上帝下鎮五臟，五方天尊口吐正氣，入兆命宮絳府泥丸，真道自然，魂神澄正，萬炁長存，不經

苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，五方真氣繞絡身形，光明洞耀，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，五方正氣，十

迴度人。諸天隱韻，離合自然。玄漠無垠，妙氣生根。杳如紫煙，分爲三華。玉清離便，大有纏羅。升過玄門，盤結浮沉。天元正道，化爲玄京。陰抱至陽，陽合其真。陰陽會化，玄生其神。神化爲氣，氣化爲靈。化無體狀，至用圓成。發生之氣，高祕黃庭。神池絳淵，色凝嬰丹。旋轉浮遊，上下無方。黃老潛養，道體居常。東青西素，南赤北玄。中有寶皇，正氣自然。五方之神，神運綿綿。巡環周流，雷動雲奔。五帝授符，五老合魂。天光無象，太朴混淪。英芒晃耀，靈液其滂。物得之生，鬼得之靈，神得之明，人得之仙。天得之清，地得之寧。上分三界，下列九泉。風動虛清，變化行天。希夷正氣，皇道開宣。肇自天真，幽微之君，玉冠錦襪，碧鳳飛裙。乘駕九龍，役御千官，布行正氣，運植五方。沖氣所鍾，爲仙爲靈。時爲尊賢，用宏紀綱。以之授形，爲物之英。悉感正氣，變化神真。至真無形，大象流精。眇眇劫仞，若亡若存。琨琛麗房，琪藹妙

庭。紫户玄關，森羅浮靈。五暈正氣，周回十方。中有太上三素之君，中有上聖清母之神，中有太微玉帝之尊，中有胎元帝一之君，中有道德五方丈人，中有主錄主籍主生主化主變玄道尊神。迴氣儲正，無量度人。今日校錄，諸天臨軒。

東方無極飛天正氣神王，長生大聖，無量度人。

南方無極飛天正氣神王，長生大聖，無量度人。

西方無極飛天正氣神王，長生大聖，無量度人。

北方無極飛天正氣神王，長生大聖，無量度人。

東北無極飛天正氣神王，長生大聖，無量度人。

東南無極飛天正氣神王，長生大聖，無量度人。

西南無極飛天正氣神王，長生大聖，無量度人。

西北無極飛天正氣神王，長生大聖，無量度人。

上方無極飛天正氣神王，長生大聖，無量度人。

下方無極飛天正氣神王，長生大聖，無量度人。

十方至真飛天正氣神王，長生度世無量大神。並乘化真九光丹輪之輿，炎飈紫霞神虛之輦，彤彩耀光百神之蓋，五精天德大力之幢，驂駕朱虬玉龍，建萬天十華之節，洞神招真之幡，神獸夔龍，悲鳴躑躅，青鳳紫鸞，翔騰飛翥，前詠八素九陽之歌，後吹六籥虛生之曲，神虎鏤天，奔躍辟邪，五老啓塗，羣仙翼轅，億乘萬騎，浮空而來，傾光回駕，正氣度生。中皇內弼，元斗右宮，紫垣太極，妙通大神。攝氣監真，合會高玄，徘徊升降，周歷虛圓。敷告八冥，幽微之關。上極玉羅，太空靈尊。下該九壘，洞淵之源。運道正氣，鍊化神仙。五方大神，玉司之官。施生布養，法道而行。變凡入聖，易骨超騰。恍惚通感，大混帝門。北都寒池，部衛形魂。氣聚神生，命出自然。挺植正氣，度品南宮。死魂受鍊，仙化成人。生

身受度，劫劫長存。隨劫輪轉，與天齊年。永度三塗，五苦八難，超凌三界，逍遙上清。上清之天，天帝妙和，無色之境梵行。

此為五方正氣之天，從角宿一度一杪半起，經五星之分，流演同法，正行黃道，不犯傍綱，上稟皇極，專行正氣。四方各有二天，配屬中央土位。土無正形，各居四方，同會於正，五方施化，為造物之主，得其正氣，決為高真。

#### 東方八天

定都越玄天，帝辟除正虛。  
輅宜脩皇天，帝伯上騎東。  
梁无書元天，帝覺披言鏤。  
抑麗古常天，帝蹈寂樞楊。  
啣岐森著天，帝查无運沖。  
九奇蒼丘天，帝律允師期。  
弼皇教宗天，帝彊畢伺孕。  
皓冥都源天，帝真抱隸昌。  
南方八天  
耀機鄙瑶天，帝球提振生。  
炎明升微天，帝祖正宜先。

颺麗正神天，帝紐澄珠。

洞冲璟降天，帝拯溥施隆。

萌華鏡羽天，帝辯帝荼延。

路瑾蕭宮天，帝嶽樞兆玄。

理禁宗明天，帝護巴冥离。

角應巽靈天，帝都夷昇優。

西方八天

信真瓊都天，帝謁普順康。

周渝韓薦天，帝蕩浮南。

杜極太元天，帝噩吟雲潭。

不驕耀評天，帝弦樞烈微。

躔飛騫余天，帝濯羅兵祈。

樂靜雲贄天，帝杜圖阿容。

正玄邈夷天，帝辨克甦駢。

西騫盈虛天，帝尚備密通。

北方八天

曇迷阮靈天，帝皜孫隅方。

昭峻令琚天，帝嶽沅李渦。

度明極皇天，帝波記薰惠。

玉宸和化天，帝柏庾變呈。

偃利蕪鋒天，帝露真譯符。

佇宛仙殊天，帝召靈啓明。

元渚陽玉天，帝龍膺庠汪。

仙度沈精天，帝秘眇玄英。

三十二天，三十二帝。諸天隱諱，

諸天隱名。天中空洞，自然靈章，諸天

隱韻，諸天之音。諸天之尊，諸天之

神，諸天大魔，諸天之靈。九和十合，

變化上清。無量之奧，深不可詳。敷

落神真，普度天人。今日欣慶受度，歷

關諸天，五方天尊，施行正氣，轉物之

精，使合道真，不爲錯診，與道俱貞。

遇之則吉，失之沈淪。五帝衛生，普度

天人。五苦斬絕，無拘天門。東斗執

節，西斗捧符，北斗宣令，南斗定書，中

斗大魁，開天立圖。青帝輔德，白帝司

志，黑帝守神，赤帝行意，黃帝統天，攝

錄正氣。青天正神。玉陽真伯。赤天

正神，動化感格。白天正神，金德司

殺。黑天正神，伏姦破敵。黃天正神，

中御無極。五方正神，萬靈之宗。飛

行鼓從，總領仙兵。麾幢鼓節，遊觀太

空。威光赫奕，諸天齊功。上天度人，

變化太清。玄樞虛通，神輪不傾。感

生冲氣，永滅祆凶。攝命帝官，乘建交

衝。世被福祥，莫有不從。敢容干犯，

拒抗列真，風刀前戮，丹火後焚。五方

正氣，化骨爲仙。挹鍊革易，萬景流

行。候順自然，九轉回真。五色結融，

洞陽道成。普告無窮，萬神感聽。三

界五帝，列言上清。

杳杳變化，混合冥冥。運轉天陽，

大象交并。神源所肇，耀景相依。神

氣無形，天地玄機。太一含元，化生真

精。谷虛而應，道空而明。命魔校符，

動極太凝。正氣之狀，和契平寧。動

則聖真，靜則圓成。天地告瑞，六氣昭

融。虛妙停養，水火形容。金光廓落，

元象之中。五方植建，正氣自然。貸

以元始，皇道乃宣。元和包絡，下立風

淵。天上天下，無幽無冥，無形無影，

無極無窮。鴻濛上範，溟滓舒光。五

色分形，運度周天。正因德興，生以道

全。紫融化結，雲宮五篇。赤書玉字，

風檢龍文。招回正氣，使天長存。神

化彌羅，萬品施張。五精開演，經歷諸

天。包纏景色，周遍八維。出陰入陽，

造立四時。三十二位，仙鍊太微。八

景混合，氣入玄暉。玄暉五老，元洞大



神。命皇保帝，同天永貞。汎景碧霞，嘯咏雲營。流鈴七變，豁落八威。仙王召氣，靈音九回。虛歌發響，變化仙飛。千和萬合，正氣成真。真氣生神，五方天尊。長生大帝，寶華靈君，無英伯史，司命回骸。太一景精，桃康景

延。執符把籙，保命玄根。上遊上清，出入黃庭。星輪之內，三道之中。扶搖大闕，民壽永隆。世生良弼，道運興崇，降灌人身，泥丸元宮。中理五炁，混合百關。十轉回靈，萬氣齊仙。仙道貴生，無量度人。召爾正氣，爲爾福源。帝啓化門，經天大輪。罪福禁戒，宿命因緣。普受開度，正氣生身。身得受生，上聞諸天。諸天之上，各有生門。中有空玄生氣之章，太上靈篇，辭參高真。

### 第一五方神王布行正氣斬伐邪源

#### 飛空之音

朱旗散霞，雲塗金馬。六洞鬼魔，隱伏泉下。出爲祿殄，干我正氣。勃亂時令，真光蒙蔽。泊空縱姦邪，依地爲蠱魅。生民受其殃，乘灾行疫癘。

玉書煥赤文，真光洞天地。煌煌列玉篇，靈嶽安其位。五老鎮五天，攝凶送寒夜。扣鍾伐神鼓，清蕩諸醜類。萬方永安寧，仙真常保衛。

### 第二五方五老帝君玄造正氣嚴莊

#### 三界之章

凝雲化玉，碧闕萬重。洞然金色，混合八風。亶樓蔚峨，翠巘高崇。朱輪碾月，虛唱冥沖。有物玄黃，大道之王。轉白爲紫，寶華生香。瓊胞合氣，兩半陰陽。左携玉佩，右帶金璫。五色沓沓，各奠一方。神以意行，道由德將。正氣流傳，變化無常。絳臺丹楯，琳室青房。中有帝一，龍衣虎章。萬物成真體，三界居福鄉。仙真普生植，大洞爲津梁。

### 第三五方天尊分衛正氣空玄度命

#### 歌曰

我乘東霞，植此雲牙。南丹赤城，嘯攝火兵。玉臺西龜，氣如龍芝。玄老太一，散香繞日。黃神揚旛，命駕帝關。洞空凝碧，絳絃光直。海色不動，繁星歷歷。晨耀扶桑，萬寶其昌。正

氣流傳，出入華房。中和太玄，紅露清霜。物象陶冶，九醜伏藏。我道惟明，金斗朱璫。

此三界之上，飛空之中，衆真歌音，音參洞章。誦之百遍，名度南宮。誦之千遍，五帝保迎。萬遍道備，飛升太空，過度三界，位登仙公。有聞靈音，魔王敬形，敕制地祇，侍衛送迎，召攝正氣，冥感天真，五精扶衛，所作者成，魂魄制守，飛騰玉清。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是五方天尊，及至靈神王隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉府東藏經室，依科三萬七千年應運下傳。若有至人齎金寶質心，依舊格告盟十天，然後而付焉。

道言：五方正氣，稟生受之，則爲福貴尊安，澤逮久遠。違其道則五方之氣，錯戾弛散，不能致福成德，則有運否滯閉，三景虧盈，休咎疾傷。凡有

此灾，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：五方之氣失正，則於人爲運窮數盡，變化終歿之證。末學道淺，仙品未充，運應滅度，身經太陰，臨過之時，同學至人爲其行香，誦經十過，以度屍形如法。魂神經上南宮，隨其學功，計日而得更生。轉輪不惑，便得神仙。

道言：五方正氣，從道爲胎，生布五方，以成萬法，下挺於人物，氣正則生福，否則爲殃。正者，天中之真精，道妙之自然。違其正則天地運終，星宿錯度，日月失昏，四時失度，陰陽不調，國境有灾，兵寇四起，疫毒流行，兆民死傷，筭窮命極，皆當修齋，行香誦經。夫齋戒誦經，功德甚重。上消天灾，保鎮帝土。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有齋之日，發心修齋

燒香，誦經十過，皆諸天記名，萬神侍衛，右別至人，克得爲玉清神府之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音 道君撰

元始靈書五方天尊正氣玉篇

東方八天

攬陀元聿，正忱巴林。檀田梵都，羣峴蕭深。錫延慮賞，明機肅岑。芻羅筠婁，杜虬偃金。聚輿駟魯，挺奚漠琳。傳定太丘，泮句眇澄。玄茫騰逸，微氏涓璧。霞邈耀麗，曲區乾泉。

南方八天

龍遙方埤，月停頂真。仇多部寅，麓寡阮神。持清莎淨，願侔吉樊。瑋至寶止，梵嬰象宮。元恢洒育，攝仙咎菩。刀濫大序，閻鮮曲舒。稼馥魔輪，涎那易坤。沙惡相空，飛華散逋。

西方八天

宣無法疇，珍明綠玄。碧夫雲滌。色開九仙。池冥瑛燮，辨史眸綿。猷

景莽栖，古毅邊桓，普首篤司，駕鮮圖收。候勢谿達，玄略師陰。誦黎嶠爽，浮落觀霑。景慕由昨，魔墟救堅。

北方八天

雄玄彼真，朔璿回靈。辰劫秀野，攬叫閭童，氣敷章急，琉荷卷伸。祖時享帝，漢濫鋤魂。浩億忌幽，圖柳慶基。運資泛適，日白洪施。燕虎璟泥，行霧鈴離。嶽騫千羅，竭洙昧夷。

道言：此五方正氣，合大梵之精，風迴煙轉，結成玉文。丹筆五色，輝耀天關。五氣之書，上帝寶章。招致靈妙，乙密玄微。赤書五篇，斯文副之。舊文每字方廣一丈。上清天真皇人上真道君，執天芒九精之筆，染丹紀於太微清都之館，鳳臺南軒，以爲正音。使五方氣行，三界寧曠。有知其音，能齋而誦之者，諸天皆遣飛天神王，下觀其身，書其功勤，簡奏神霄，萬神朝禮，地祇侍門，大勳魔王，保舉上仙，道備克得，遊行三界，升入金門。此音無所不辟，無所不攘，無所不度，無所不成，天真自然之音也。故誦之致飛天下觀，

上帝遙唱，萬神朝禮，三界侍軒，羣祇束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之三十三

靈寶无量度人上品妙經卷之三十四

騰曜二景五星品

道言：昔於上極天中，霄霞洞歌大光明土，受元始度人騰曜二景五星上品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。紫煙霏霏，玉鸞華車，靈雲蔭蓋，朗映晨輝，九色精瑩，洞煥十方。七日七夜，諸天妙氣，結化成形，並爲珍寶。八風惠暢，四海和寧，時無乖沴，庶物自然，一國地土山川林木，緬平一等，無復高下，土皆作月璧日珠，靈華五色。衆真侍座，元始天尊玄坐空浮洞化龍仙曲晨萬象玄牀。說經一遍，諸天大聖同時稱善，是時一國君臣，修崇道德，感格神真。說經二遍，二景齊明。說經三遍，三才交暢。說經四遍，四時順序，玉燭調和。說經五遍，五星

循軌，歷劫不愆。說經六遍，六氣周流，運化協功。說經七遍，七元停健，光景延長。說經八遍，八方列宿，刻注不干。說經九遍，九宮主宰，捍厄除灾。說經十遍，十神安位，永致福祥，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品天晶騰曜至真大神，無鞅之衆，浮空而至。說經二遍，南方無極無量品天晶騰曜至真大神，無鞅之衆，浮空而至。說經三遍，西方無極無量品天晶騰曜至真大神，無鞅之衆，浮空而至。說經四遍，北方無極無量品天晶騰曜至真大神，無鞅之從，浮空而至。說經五遍，東北無極無量品天晶騰曜至真大神，無鞅之衆，浮空而至。說經六遍，東南無極無量品天晶騰曜至真大神，無鞅之衆，浮空而至。說經七遍，西南無極無量品天晶騰曜至真大神，無鞅之衆，浮空而至。說經八遍，西北無極無量品天晶騰曜至真大神，無鞅之衆，浮空而至。說經九

遍，上方無極無量品統辰御象至真大神，無鞅之衆，浮空而至。說經十遍，下方無極無量品承光合景至真大神，無鞅之衆，浮空而至。十遍周竟，十方

無極天晶騰曜日月星宿天真大神，一時同至，一國男女，傾心歸仰。來者有如細雨密霧，無鞅之衆，迨國一半土皆偏陷，非可禁止。於是元始俯容笑嘖，億衆傾瞻。於是旋命紫微玉妃，啓御神寶鑪，擁夜山火玉，爇徊妙靈香，煙結空中，如寶如雲，現一瓊室，縹緲之間，去地十丈。元始登引，天真大神，上聖高尊，妙行真人，十方無極至真大神，無鞅數衆，俱入瓊室之中。天人仰看，惟見拂拂從煙景中入，既入瓊室，不知所在。國人廓散，地還平正，無復畝陷。元始即於瓊室之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，皆獲開悟，得保永年，無有中傷，傾土受度，與道齊真。不灾不害，不夭不殘，不虧不敗，不愆不禍，不衰不死，顏如

玉瑩，體映金姿，內外無疵，微妙合玄。下保家邦，安泰昌隆，經始出教，一國以道。預有至心，崇奉禮敬，皆得度世。

道言：元始天尊說經中所言，並是諸天上帝內名，隱韻之音。亦是二景五星騰曜星君高真隱韻之音，亦是璘儀三素之隱名也，非世之常辭。上聖已成真人，通玄究微，能悉其章，誦之十過，諸天遙唱，萬帝設禮，日月垂芒，星辰映華，寶炁流精，妙灌三宮，百神飲玉，千真嚙芳，羣魔束形，鬼精滅爽，迴屍起死，白骨成人。至學之士，誦之十過，則日君鑒德，月妃受靈，超脫世難，以得長生。所以爾者，學士方達妙詮，未鍊至真，勤苦修行，道漸升玄，自可祛蕩灾疾，感格妙氣，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京。度人無量，爲萬道之宗。巍巍大範，德難可勝。

道言：凡誦是經十過，諸天齊到，

七曜之真，保度善人，一身受度，七祖昇遷，享福天堂，常處逍遙。上學之士，修誦是經，與道契德，與天齊真。世人受誦，散禍延年，後獲成功，遇其經訣，得作解化之道，以度於世。此經微妙，普度無窮。一切天人，莫不受度。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役地官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，招致日魂，保生鍊屍，注景成真，爲上世亡魂，斷地逮役，度上南宮。七月長齋，誦詠是經，招引月魄，保生鍊屍，降景成真，身得神仙，諸天書名，黃籙白簡，削死上生。十月長齋，誦詠是經，招引五星精魂，保生鍊尸，合景成真，騰耀玉華，普賴生成，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，神氣纏綿，運化形軀，克就玄業，得爲九宮真人。本命之日，誦

詠是經，寧固命府，塞遏死津，魂魄受鍊，道體日新，超出苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐五色雲氣之中，內外翦冥，有青龍、白虎、朱雀、玄武、獅子、白鶴，羅列左右，五星真氣纏綿兆身，日月照明，騰曜室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人。關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，騰耀二景五

星上品妙首，十迴度人。七晨隱韻，造化自然，高上元精。天皇至真，元始結化，煥落天經。陰陽推別，分布五行，自其本元，凝積精神。列象穹玄，日月輪耀，五星交躔，各有官府。明皇道君，玉妃夫人，司領治化，禍福生成，騰耀經緯，晝夜無停，綱維次舍，宿度之間，隨其氣數，以立權衡。品物受命，庶位衆靈，凡隸臨照，莫不稟承。衰旺隱顯，進退虧盈，辯其主張，亦有其方。上攝中極，紫微天皇。高上玉真，曲素雲房。金闕靈都，森羅會宗，太妙之極，無所不周。中有宰御天地之神，中有大帝金母扶桑閔風二闕之官，中有乾元萬炁之君，中有五靈真老元都丈人，中有南上司命司錄延壽益筭度厄尊神。回骸起死，無量度人。今日校錄，諸天臨軒。

東方無極飛光騰耀神王，長生大聖，無量度人。

南方無極飛光騰耀神王，長生大聖，無量度人。

西方無極飛光騰耀神王，長生大聖，無

量度人。

北方無極飛光騰耀神王，長生大聖，無量度人。

東北無極飛光騰耀神王，長生大聖，無量度人。

東南無極飛光騰耀神王，長生大聖，無量度人。

西南無極飛光騰耀神王，長生大聖，無量度人。

西北無極飛光騰耀神王，長生大聖，無量度人。

上方無極飛光騰耀神王，長生大聖，無量度人。

下方無極飛光騰耀神王，長生大聖，無量度人。

十方至真飛光騰耀神王，長生度世無量大神。並乘華龍彩鳳金根陽燧之車，五色瓊瑤之輦，迴光紫蓋，景耀靈旛，前嘯空歌齊詠，後吹靈響同鳴，獅子白鶴，嘯歌嚙嚙，靈童散花，玉女擁軒，億乘萬騎，浮空而來，傾光迴駕，監真度生。諸天丞相，南昌上官，韓司主錄，監生大神，執綱乘紀，齊到帝前，隨

所應度，嚴校諸天。二景五星，真光激旋。採咽奔引，注功太玄。上為高真，福施無邊。普告三界，無極神鄉，泉曲之府，北都羅酆，三官九府，十二河源，上解祖考，億劫種親，疾除罪簿，落滅惡根，不得拘留，逼合鬼羣。元始符命，時刻升遷，北都寒池，部衛形魂，制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三塗，五苦八難，超凌三界，逍遙上清。上清之天，天帝洞明，無色之境梵行。

東方八天

極華耀真天，帝咸伸戈。  
玉明純意天，帝述正微。  
無量耀景天，帝邈自頻機。  
朱經離雲天，帝穹修度迴。  
真英鎖龍天，帝召都康師。  
燕常凌虛天，帝翹里治因。  
九芒淵靈天，帝覺由洞閑。  
仙臺乘光天，帝冲遙客孚。  
南方八天  
紫玄凝光暉逸天，帝敏江約樊。

變霞隱金明幾天，帝辯棋廣仙。  
蓋空梵氣天，帝紉德盧綦。  
陽神扶靈天，帝古谷允嘉。  
丹炎洞陽天，帝太隆阿生。  
奇都益元天，帝波遲騰崇。  
景空回雲天，帝荷明思觀。  
寶魂隱章天，帝道陣勤和。

西方八天

晨浩冥元天，帝澤宣濟元。  
清瑤進希天，帝運英標華。  
金羽芝帶天，帝弼維員承。  
煥極太真天，帝鼎跡瑤光。  
綠光度玄天，帝尚吠伯誨。  
初皇含暉天，帝長定宜文。  
道諱對精天，帝顓越慈信。  
一混露液天，帝博還陽恭。  
北方八天  
螭房利神天，帝攝萬精。  
寥幽宗光天，帝玄祖蘄清。  
龍陔梵道天，帝冲融定方。  
元一生靈濟化天，帝基昌化時。  
垂熒灌烝易本天，帝益趙進涓。  
墟微建霞可智天，帝浩搖微光。

熾文成流天，帝沙逾變周。

法有足思天，帝紉杳鳴潛。

三十二天，三十二帝。諸天隱諱，

諸天隱名。天中空洞，自然靈章。七

晶隱韻，御景之音。天地之尊，靈寶之

神。飛晨三素，鬱儀結璘。九色十華，

變化上清。無量之奧，深不可詳。招

神飲光，普度天人。今日欣慶受度。

歷關諸天，日魂月魄，五星道君，請注

暉芒，流霞絳津。灌兆百骸，凝固泥

丸，高奔帝宮，入燕瓊臺。乘駕寶車，

上造日門，月妃贈珠，藥池浴身。木星

鎮肝，金星保肺，辰星固腎，熒惑定心，

中央土皇，厥號鎮星，榮養脾元，總衛

一形。青霞護魂，白霞侍魄，赤霞養

炁，黑霞通血，黃霞主命，萬神無越。

五色流霞，煥爛華鮮。自天來下，入兆

九宮，三田盤回，八景蔚融。青華帝

君，天雉落澤。赤華帝君，皓雲充極。

白華帝君，阿婁款幽。黑華帝君，碧潤

真侯。黃華帝君，寶鬲承休。五華帝

君，日月之神。隨兆吸引，降光運精。

神光照目，玄珠意輪。七辰帝尊，萬神

之宗。飛行鼓從，總領合明。九億萬兵，麾幢鼓節。遊眇天津，散靈育生，共成玄功，上天度人，此道爲宗。日月之使，一景皇君，五星上王，迴霞綠英。威南受命，普掃不祥，先斬陰孽，下布威光。金晶吐毒，玉馬魁張，天丁前驅，大帥仗旛。擲火萬里，流鈴八衝，敢有干試，拒遏上真。金鉞前戮，巨戈後刑，屠割鬼爽，風火無停。千千截首，萬萬翦形，魔無干犯，鬼無祆精。三官北酆，明檢鬼營。不得容隱，金馬驛呈。普告無窮，萬神咸聽。三界五帝，列言上清。

二景元精，五星威神，與道同德，天地俱生。騰耀未判，混沌之中，上無復色，下無復淵。神風淪激，火液凝光，日月合璧，五星連珠。共處玄胎，以養天軀。天上天下，無幽無冥，無形無影，無極無窮。赤明開圖，運度自然。元始安鎮，七耀列玄。二景飛騰，五星運天，水火分任，萬物所尊。兆引其精，克爲真人。白華凝液，神氣同符。傳降天樓，二十四關。木榮土化，

金烹火鎔。氣矢交射，走虎蟠龍。赤紋成脉，布絡三元。玉真明堂，敷落五篇。赤書玉字，八威龍文。保制命會，使身長存。梵炁彌羅，萬範開張。元綱流演，三十二天。輪轉無色，周回十方。旋斗歷箕，回度五常。三十五分，總氣上元。八景冥合，氣入玄玄。玄中太皇，上帝高真。汎景太霞，肅詠洞章。冠帶日月，衣服星辰。垂芒騰耀，朗徹高清，金真明郁，流耀雲營。玉音攝炁，靈風聚烟。紫虛鬱秀，輔翼萬仙。二景五星，通光入身。千和萬合，自然成真。真中有神，長生大君。無英公子，白元尊神。太一司命，桃康合延。執符把籙，保命生根。上遊上清，出入華房，八冥之內，細微之中。下鎮人身，泥丸絳宮，中理五氣，混合百神。十轉迴靈，萬炁齊仙，仙道貴生，無量度人。上開八門，飛天法輪，日月運行，寒暑經緯。五星主令，導和生身，身得受生，上聞諸天。諸天之上，各有生門。中有空洞謠歌之章，真王靈篇，辭參高真。

### 第一騰耀飛空之音

水火相函，氣號混芒。柔於裹囊，圓包不開。浮沉太空，天地神胎。真炁如煙，左周右旋。至精爲星，日玄月青。熠耀生華，煥顯難名。天老剖象，玉麗神嬰。日月自飛，五星內明。冥冥交養，騰耀而升。景騰星耀，色象齊并。萬物啓圖，赤書玉文。動植滋繁，皆有天經。中虛以節，外華以紋。虛則達氣，紋以運精。神爲生主，動植炁均。萬化淘澤，騰耀是因。太空杳杳，玄漠深淪。日月既照，屈者能伸。真王飛空，交映寶輪。洞鑿十方，垂光度人。行斯祕道，神霄上賓。

### 第二二景飛霞之章

玉海無際，碧煙徘徊。扶桑萬里，青闕崔嵬。中有寶臺，內隱樞機。左日右月，前罡後魁。玉女持鑰，神官啓扉。晝日夜月，翕受敷施。舉標斡輪，萬象分馳。日月二門，激電飛雷。騰騰寶光，命駕九龍。絳霞紫雲，映天瞳矓。朱芒張弦，金繩下連。兆執一章，引景八圓。日童玄炎，月妃華嬈。吐

光揚暉，散注流分。保兆生命，變化神仙。雙景並耀，深入含蓮。紫金爲容，受書帝軒。

第三五星鍊真歌曰

東方九氣，歲星九門。玉樓萬重，寶駕飛輪。中有帝皇，青衣絳裙。南方三炁，熒星三門。瓊臺八觚，辟飛流煙。中有帝皇，錦衣寶冠。西方七炁，岡星七門。靄靄金闕，玉光散分。中有帝皇，素衣虎裙。北方五炁，辰星五門。龍宮高浮，紫雲擁軒。中有帝皇，玄衣飛裙。中央十炁，鎮星十門。黃池帝臺，五斗攝精。中有帝皇，黃衣錦裙。彼五帝皇，總御萬靈。泛泛天光，來入兆身。鍊真易骨，刻兆仙名。

乘飛龍兮遊九宮，宴妙庭兮舞千童，交虎旗兮傾羽蓋，震鍾鼓兮動天籟，五皇歡樂兮福祐帝宮，永陽春兮億壽無窮，引靈光兮神炁熏融，登上清兮超凌碧空。

此三界之上，飛空之中，真王歌音，音參洞章。誦之百遍，名度南宮。誦之千遍，真仙下迎。萬遍道備，飛升

太空，過度三界，位登仙公。有聞靈音，真王降形，敕制地祇，侍衛送迎，拔出地戶，五苦八難，七祖升遷，永離幽宮，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及神霄真王挹暉奔景騰耀日月五星上道，隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神霄玉清玉府東華經室。數當壬辰，應運下傳。若有至人齋金寶質心，依舊格告盟真王，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾，同炁皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，以度尸形如

法，一景五星之精，鍊化屍穢，魂神經上南宮，隨其學功，計日而得更生。轉輪不惑，便得神仙。

道言：夫天地運終，星宿錯度，日月失昏，四時失度，陰陽不調，郡邑灾蝗，水旱流移，疫毒流行，兆民死傷，師友命過，皆二景五星之致也，亦當修齋，行香誦經。夫齋戒誦經，功德甚重。上消天灾，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，克得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書七辰寶篇

東方八天

騫樓岸符，宛蕭瑤琚。玟還阿奢，



奔澤西杆。落棧謨群，支斗益敷。渺化尤砭，歷論伊尋。光訛定拘，定思雲魂。神洞郁郁，億亶胡汾。赤咤慶廬，戚驛資存。佑路善特，匪耀維騰。

### 南方八天

素登丘霞，月液芬葩。九帝畜武，迎田湊營。畔府碧顏，鳥鑑留南。質承子敬，燕程被幾。靖暮輕槎，願廢猛寂。訖寶殊堅，波緘罔直。瓊醪億歡，奔升管堤。爛陳宣嶷，游丹沖昵。

### 西方八天

晨鸞著啼，翹趙忘雷。乙戰兌醜，祝照漂隨。黨薄豫童，鳩沙華谿。勢式莊驅，玉崑輔宣。丙鉛雌神，合規扶鄰。正戟迴枚，暴西那兑。俵道韓曲，大庚縱竹。白積天屢，萬闌敏日。

### 北方八天

疆默窘闌，夷增巨修。岑永部承，擊幾前謨。飛魔周玄，術如紀光。洛欽野盧，抱圖逸嵩。稽庸等化，飲謹周夷。智洪觀區，投幽運機。慧仝昭徹，晨鋒救彌。尺坎溥奏，虎震威峙。

道言：此諸天中大梵隱語，招降

二景五星神精霞液上道，高真命仙無量之音。舊文元始開圖，生於二景五星之中，騰耀光華，感化萬物，字皆廣長一丈。天真皇人昔書其文，以為正音。有知其音，能齋而誦之者，諸天皆遣神霄上吏，下觀其身，書其功勤，上奏諸天，萬神朝禮，地祇侍門，大勳靈司，保舉洞玄，道備克得，遊行三界，升入金門。此音無所不辟，無所不穰，無所不度，無所不成，天真自然之音也。故誦之致日月流精，身神上奔，五星垂華。鍊炁成仙。太上之道，經隱妙玄。上帝遙唱，萬神朝禮。三界侍軒，群祇束首，鬼精自亡，琳琅振響，金石同鳴，仙梵合律，十方肅清，河海靜默，七辰吐光，天魔飛翥，山嶽吞煙，萬靈振伏，招集群仙。天無氛穢，地無祲塵，冥慧洞清，大量玄玄也。

靈寶无量度人上品妙經卷之三十四

## 靈寶无量度人上品妙經卷之三十五

### 九宮仙籍品

道言：昔於太碧天中，紫霞玄歌太空真土，受元始度人九宮仙籍無量上品。元始天尊當說是經，周回十過，以召十方，始當詣座。天真大神，上聖高尊，妙行真人，三元仙籍，九宮大神，無鞅數衆，乘空而來。流雲景霄，琅輿鳳車，羽葆神幡，翠輦珠蓋，金碧交光，九色鬱明，洞煥太空。三日三夜，諸天日月宮府，星宿躔次，化綱變幻，大經彌綸，停機息運，寥廓沈冥，地踴寶花，天敷赤文，韶響合奏，靈韻生音，輝耀上境，洞開八門，一國地土山川林木，緬平一等，無復高下，土皆作紫瑤，通明瑩徹，照映圓羅，光焰流晶，無有異色。衆真侍座，元始天尊玄坐空浮神化飛龍羽座之上。說經一遍，諸天大聖，同時稱善，是時一國男女，心開悟

解，密契妙微。說經二遍，百神聚會，降體玉英。說經三遍，生氣交纏，合變正道。說經四遍，圓虛應化，五府灌煙。說經五遍，內運修輪，上符天範。說經六遍，浩劫結滯，廓爾消融。說經七遍，神洞虛明，徹見十方。說經八遍，九宮注籍，身飛列仙。說經九遍，恩沾萬有，福及八冥。說經十遍，寒夜衆生，逍遙離苦，是時一國是男是女，莫不傾心，皆受護度，咸得長生。

道言：是時元始天尊說經一遍，上元無極無量品玄都紫微宮正氣大神，無鞅之衆，浮空而至。說經二遍，上元無極無量品元黃太極宮合景大神，無鞅之衆，浮空而至。說經三遍，上元無極無量品洞白太清宮耀輝大神，無鞅之衆，浮空而至。說經四遍，中元無極無量品洞虛清靈宮運功大神，無鞅之衆，浮空而至。說經五遍，中元無極無量品南極洞陽宮仙籍大神，無鞅之衆，浮空而至。說經六遍，中元無極無量品羅淵導山宮元陰大神，無鞅之衆，浮空而至。說經七遍，

下元無極無量品青華方諸宮安保大神，無鞅之衆，浮空而至。說經八遍，下元元極無量品南水景脩宮元道大神，無鞅之衆，浮空而至。說經九遍，下元無極無量品陰天混化宮玄皇大神，無鞅之衆，浮空而至。說經十遍，仙府無極無量品考校功過玄籍靈宮大神，無鞅之衆，浮空而至。十遍周竟，三元九宮，二十七府，百二十曹，主領生化善惡飛天大神，一時同至，一國男女傾心歸仰。元始天尊即以五明寶扇，指東南維，天光煥赫，照耀太空。天人隨扇所指，仰視神化，見一寶山高聳玉虛，廣大難量，上有瓊臺玉觀華闕，神功羅列，天真敬禮元始，飛空步虛，謠歌讚歎。天尊乃召清微高上治化玉虛萬寶一品天官，黃闕大鎮敷化方輿元會二品地官，大溟流運廣化九淵玄德三品水官，立於座右，三十二天帝君，立於座左，九天高聖自然真王，立於座前，日月五斗經緯，列宿元綱大神，立於座後。曜晶玉極，持握彌綸，二十五大魔王，十方無極飛天大神，按

部九天儀衛，三界神兵。瓊花散空，天樂互奏，導從羽駕，飛入東南天中。天人仰看，惟見億乘萬騎，鳳輦龍車，炳若繁星，難可悉視，須臾黃雲四合，不復瞻見。元始即於東南玉闕之內，說經都竟，衆真監度，以授於我，當此之時，欣樂難言。法事既周，萬真復位，俄頃之間，寂爾無聞。是時天民悟此大範，普獲濟惠，皆得長年，永斷沉淪。合境歸嚮，咸識生根。神真開化，標名九宮，沖和變氣，收伏妖凶。物無瘡疹，萬彙昭融。邪關闔塞，正道開通。永輔上極，威令敷弘。世土升平，國康民豐。經始流布，一國演教。各運至心，宗奉禮敬，悉皆度世。

道言：元始天尊說經中所言，並是九天自然真王內名，隱韻之音。亦是三元宮府內諱，百靈之隱名也，非世之常辭。上清開化，真人通真悟玄，悉契其章。誦之十過，天官遙唱，真公設禮，太淵鎮靜，神嶽收雲，元皇錫教，九宮書名，大魔伏形，羣祿滅景，回靈化體，朽骨成人。妙學上士，誦之十過，

則九官擁衛，神帥稽顙，鬼精逃遁，不敢干犯，濟拔品彙，淪而復升也。神州之民，初學至道，若能依科，誦之十過，則萬惡消摧，千瑞來臨，聲參太微，道貫紫霄，三元執筆，注上九宮，果備功圓，升爲地真也。輕誦玉文，永劫湮沉。崇奉尊禮，所願克成。世世下教，開度含生，萬魔不干，天真護門。斯經隱奧，高祕玉清。度人無極，爲靈寶之宗。巍巍尊妙，難可稱量。

道言：凡誦是經十過，九宮列曹真吏，持生化之簿書，下臨監觀，削滅羅酆黑籍，注名青編，祖先幽魂，皆得上升。流火之庭，鍊質召靈，爲天種民，而妙契有無。修行至學，大魔保奏，升度朱陵，飛行八極，遊宴上清。降神天闕，爲世賢人，恢張至道，輔弼明君。世人受誦，則百痾普消，靈府虛明，玉華內鍊，金光外凝，暫寄厚土，太陰變形，數極純陽，隨運更生。此經玄奧，普濟無邊，一切有生，莫不蒙惠。無量之福，生化受賴。上天所禁，不傳下凡。至士齋寶玉，格心盟約而傳。

輕慢洞章，殃及七玄，長役冥塗。侍經九宮，玉童玉女，各二十四人，擁護靈文，守衛受經者身。

道言：正月長齋，誦詠是經，紫微上宮，注籍金科，妙行真人乘少陽景霄之光，下開幽關，拔度上世亡魂，升入天堂。七月長齋，誦詠是經，洞虛元宮，書功瓊簡，龍耀神王，奏名九天，降以生氣，身得神仙。十月長齋，誦詠是經，方諸洞宮，列章上聞，持綱執紐，玄天大魔，清蕩姦祿，收伏百精，消滅三灾，保世升平。八節之日，誦詠是經，得爲地真，遊冥八冥。本命之日，誦詠是經，五府灌鍊，雙景交纏，九元上會，混合綿綿，制魂拘魄，升騰絳煙，采集華芒，流運靈泉，功滿道備，神飛列仙。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐九色雲氣之中。內外蒼冥，有青龍、白虎、朱雀、玄武、獅子、白鶴，羅列左右，三元九宮，仙籍大神，森然對目，日月照明，洞煥室內，項

生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，九宮僊籍上品，升降度人。大經離合，結氣自然。玉洞紫文，森羅景真，虛無至化，流範成尊。圓光分妙，洪象飛根。九宮育質，帝一生身。琳琅廓落，赤文化生。奔天迴水，三極玄津。眇眇層關，運空飛輪。安陽紫微，同歸帝宸。是爲極變，雲宮太霄。鬱察神丘，玉虛陽寥，須延飛霞，熒晶散飈。劫仞元臺，敷靈列曹，數周綱維，大運相交。蕩蕩天闕，經緯華城，流爛泛境，保天蔚明。

中有萬垣太帝之真，中有三官廣治之君，中有九宮主籍之靈，中有化周開導丈人，中有二十七府，百二十曹，陰陽水火，考校生死，靈官大神。敷弘至妙，濟度天人。遊觀太空，護世長存。上朝大羅，下治泉扃。總領北酆，按察雲營。神符告命，玄詔奉行。今日宣示，諸天臨軒。

東方無極廣生神王，長生大聖，無量度人。  
南方無極執範神王，長生大聖，無量度人。  
西方無極司伐神王，長生大聖，無量度人。  
北方無極普利神王，長生大聖，無量度人。  
東北無極鎮極神王，長生大聖，無量度人。  
東南無極運化神王，長生大聖，無量度人。  
西南無極保經神王，長生大聖，無量度人。  
西北無極玉輪神王，長生大聖，無量度人。

人。  
上方無極紫霄神王，長生大聖，無量度人。  
下方無極黃闕神王，長生大聖，無量度人。

十方無極飛天神王，長生度世無量大神。並乘素雲飛輿，浮光葆輦，羽蓋鸞輪，驂駕朱虎神鳳金鸞，建綠霞玄節，翠耀華幢，前導九天神印，後仗伏魔信旛，素靈秉鉞，青真執麾，神帥啓塗，玄老主盟，億乘萬騎，浮空而來，傾光回駕，促氣召仙。紫霄丞相，太極上宮，清微治錄，一品天官，執簡捧籍，齊會帝前。隨所肇化，開示諸天。普告八冥，浩蕩神闕。混合之府，七都九淵，羅酆暗域，寒刃冰山，炎城火翳，剛風九旋，考功六司，羣魔同宮，激飈迅流，劫運交衝，九宮符命，伏制妖凶。威光下濟，普赦罪魂。升入福堂，度品朱陵。逍遙解脫，衆苦咸原。超生受化，慶會因緣，隨劫運轉，與天齊年。過度三灾，九厄之難，永居上境，遊行九清。九清之天，天帝洞文，無色之境梵行。

東方八天

玄利族延天，帝澄源舒明。  
釐豐隱華天，帝慶百靈。  
昭靈碧滌天，帝略儀耀和。  
晉師長齡天，帝玩生無遺。  
漳亭主仙天，帝恪順預平。  
明極迴真天，帝漠題甦英。  
昧思純氣天，帝定玄景監。  
靜解應誠天，帝隆欵皎淵。

南方八天

皓明慶述天，帝植秀友良。  
炎華赤芒天，帝託端承光。  
鍊真消魔天，帝一求微藍。  
寂度忘塵天，帝謹悟濟。  
靈鑑射玄天，帝紹儀祕常。  
太極校仙圓明正化天，帝力彊捐。  
赤岡飛霞鍊中天，帝無待資宣。  
靜常惠神天，帝篤慶生。

西方八天

鍾仙校錄天，帝披冲薦光。  
扶善紀功天，帝都盈撩鄴。  
西昌奉真天，帝辨世正開。  
鬼靈隔犀除魔天，帝鍊咸俞全。

逸曦助爲號明天，帝勃陽持雲。

張虛留契左神天，帝諒真召期。

伯化救傷拯物天，帝覺義通。

都司召靈天，帝弼忠希恭。

北方八天

宣陰布化天，帝詢蒙若賒。

伏魔掌錄天，帝正威莫明。

氣輪壘業天，帝嶽昌祠宗。

昇真進澄天，帝輔東登華。

陶晶正思天，帝穹嚴犁。

運龍直陽天，帝烈江純思。

九宮典嶽天，帝優圖訥庸。

順靈濟幽天，帝呼成自康。

三十二天，三十二帝。諸天隱諱，

諸天隱名。天中空洞，自然靈章。諸

天隱韻，天中之音，天中之尊，天中之

神。主錄真魔，仙籍玄靈。九運十周，

變化杳冥。無量隱妙，廣不可量。紀

籍元真，和合天人。功書玉錄，升進飛

宸。今日玄關應體，洞告無垠，削落黑

籍，曲素高奔，徊風上範，超度弱淵，大

魔伏謁，同揮玉軒。東斗發生，西斗執

權，北斗布澤，南斗主遷，中斗廣化，攝

御靈官。青帝降神，白帝制氣，赤帝育

胎，黑帝合志，黃帝坐鎮，統天大惠。

青宮真王，碧羅定基。赤宮真王，丹文

耀開。白宮真王，玉景蔚扉。黑宮真

王，紫素員微。黃宮真王，金方化機。

五宮高靈，萬天之尊。飛行九垣，總領

天兵。持幢秉節，遊眄太冥，神威赫

奕，與道交並。上天度人，太憲流行。

元皇受命，掃殄不祥。石光交換，天令

恢張。玉馬奔馳，巨獸銜岡。炎精遐

布，封落靈鄉。敢肆干犯，束縛誅摧。

玄鉞左戮，玉斧後夷。除蕩怪魅，殺伐

祆蜚。正天元極，寶運同歸。魔無干

試，邪無遁形。九署列曹，校錄鬼營。

不容怠縱，天吏飛呈。普告靈關，羣真

仰聽。三界十極，咸使知聞。

靈書大策，寶錄玄篇。周化五常，

三氣推延。太極布形，晶耀綿綿。混

洞浩劫，眇奔升遷。六氣代交，無極無

邊。上陳五斗，下布九淵。風包太空，

徊水騰天。玉京植立，太素九城。峨

峨琳房，仙籍命真。翠霞蔚蕭，散颺長

庚。凝爲山嶽，流爲百川。中藏上靈，

統領萬緣。元綱流轉，三界諸天。包

絡碧虛，纏結生關。旋紀度經，回運極

炎。三十九帝，統御四玄。八治分真，

氣合淵源。皇中紫宸，玉府絳霞。宴

景洞英，吟嘯玄華。金書蔚明，虛泛雲

宮。玉瑤鍊質，神音散冲。瓊關騫秀，

開導元功。千運萬周，自然成真。真

中有神，天官大君。紫微玉輔，暘谷高

尊。嬰兒伯史，太一千精。總執玉符，

保奏生根。上遊太虛，出入圓羅。玉

山之岫，蕭仞之阿。下應人身，五府靈

河。腦宮之戶，方池百盈。六洞回泉，

檀質飛青。青華九微，開度天人。上

啓雲綱，八門玉輪。大福禁誥，善惡因

緣。普獲濟度，死魂生身。身得受生，

上聞帝庭。帝庭之上，各有玄音。中

有九宮，闢闔之間，三元靈歌，辭參高

真。

第一九宮羣仙飛空之音

八明四虛，包含九宮。赤混高清，

交羅太空。八圓之上，風澤之中。洞

合杳冥，下鎮北酆。三官統領，中有至

神。執天大憲，與道同功。立以天帝，

主以玉真。妙化生育，三十九君。上輔元始，浩劫稱尊。出入有無，飛遊玉京。洞章下教，萬天告行。

第二九宮仙籍之章

紫瓊天策，玉極真科。高真隱諱，上祕圓羅。朱璧列名，紫素三華。飛仙列聖，赤文煥霞。玄金寶簡，黃玉柔編。總記羣真，帝心所銓。太極玄宮，校籍命仙。憫彼世人，逐物流遷。魂升魄降，沈淪九泉。胡不登山，詠此洞篇。一悟至道，身飛帝軒。

第三太極九宮歌曰

太清九方，回秀流雲。總執天機，開通杳冥。碧山紫河，玄微結鄰。太微上府，中有老人。騰天隱道，合景生身。扇霄蔚羅，朱光耀明。天輪回運，經變元成。九淵包絡，通道河津。清微帝一，大洞靈尊。默念契大有，自然成至真。我歌九宮仙，願同朝帝辰。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛升九宮，過度三界，位登仙公。有聞靈

音，魔王敬形，敕制地祇，侍衛送迎，拔出地戶，五苦八難，七祖升遷，永離北山，魂度朱陵，受鍊更生。是謂無量，普度無窮。有祕上天文。諸天共所崇。泄慢墮地獄，禍及七祖翁。

道言：此二章並是諸天上帝，及九宮仙籍隱祕之音，內有九真雄一雌一真諱，仙聖內名。誦詠之者，刻書太極，證位九宮。腦中有紫房真神，列坐向外，聞此經聲，上參太極，下應洞響，九宮之神，告兆仙期也。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於高上神霄玉清玉府東臺寶藏，依科三萬七千年，隨運下傳。若有至人齋金寶質心，依舊格告盟九宮，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此災，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，

運應滅度，身經太陰，臨過之時，同學至人爲其行香，誦經十過，以度屍形如法。則玉華帝妃執火炬以滅陰邪，雲儀玉女擊天磬於腦宮，于是百神混合，九光之精，入填泥丸，返其所始，魂神徑上南宮，隨其學功，計日而得更生。轉輪不滅，便得神仙。

道言：夫天地運終，星宿錯度，日月翳昏，四時失度，陰陽不調，國境生災，疫毒流行，兆民死傷，師友命過，同學罹殃，皆當修齋，行香誦經，夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，克得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書九宮仙籍諸真寶諱首篇

東方八天

憂圖元鈴，流體射回。恍濡咸泰，周漿明垂。爛龍疋芻，斗江頻雷。仰斷鴻極，招仙納暉。演莆寂著，空蒙華催。都瑤審涂，洽玄壁刀。察陳澡珂，祕來發深。辨蒼祈蔚，壯卑茂彬。

南方八天

赫那提都，明邀診彥。荒度覺攸，璣標暄煥。仗掌雲籍，曾湍游旻。曜勤祝慈，邊溘氣司。駢胡耿池，晶圭薄微。摘卓鄙消，幽羅菅屍。靜立冥泮，揚華激彌。滄雲驛童，豐佐畢龜。

西方八天

燎梵諸照，環光秣羅。邀兵無形，堆達輳圍。應道洛馘，周蒙宛毗。屹左遊縛，朱並丙持。渺但洞澤，僕幽楮奚。亮愬祖穆，由汾淇真。獨綿閣韓，夷虛角張。密變慈悲，瓊迅時機。

北方八天

叱麓擎蔽，岬吟時陸。絳海碧岨，

希幽炯梅。逸躍便燭，錫光瑤陀。欽載更驅，每官元師。救潔壘嶽，堅風育悲。族蕩萃遠，淑不在丹。陽輔葛則，厭車橫鱗。處滅生久，關盤泊嬰。

道言：此諸天中，大梵隱語，無量

之音。舊文刻書太極九宮崇墉之上，以詔未度。至學之士，神棲九宮，氣抱太極，參味隱韻，則錄名仙籍，上遊太玄，策登左元。字皆廣長一丈。天真皇人昔書其文，以爲正音。有知其音，能齋而誦之者，諸天皆遣太極右卿，下觀其身，書其功勤，上奏諸天，萬神朝禮，地祇侍門，大勳真王，保舉九宮，道備克得，施行三界，升入金門，此音無所不辟，無所不穰，無所不度，無所不成，天真自然之音也。故誦之致太極下觀，上帝遙唱，萬神朝禮，三界侍軒，羣祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之三十五

靈寶无量度人上品妙經卷之三十六

八景神合品

道言：昔於朱陽天中，玄極靈歌

太融昌土，受元始度人八景神合無量上品。元始天尊當說是經，周回十過，以召十方，始當詣座。天真大神，上聖高尊，妙行真人，三元八景大神，無鞅數衆，乘空而來。靈雲敷華，寶輿玉駟，紫蓋扶蔭，神境同光，瑞色交朗，八道煥明。七日七夜，諸天八景，合映自然，千神萬靈，冥洞一氣，混化同輪，一國地土山川林木，煒燿齊鮮，高下彌漫，坦平一等，土皆浮異彩纏羅之色。衆真侍座，元始天尊玄坐空浮萬氣穹窿洞景瓊臺之上。說經一遍，諸天大聖，同時稱善，是時一國男女，欲念永獲斷除。說經二遍，達悟至真。說經三遍，識用通玄。說經四遍，妙和元氣，一合其形。說經五遍，神精凝粹，

保鎮軀靈。說經六遍，萬神結華，與身齊並。說經七遍，三宮帝尊，朝集神真。說經八遍，百關固密，官府相連，死戶塞絕，斷滅胞根。說經九遍，三部開朗，八景齊歸。說經十遍，神明洞合，舉形飛仙，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品至真青景大神，無鞅之衆，浮空而至。說經二遍，南方無極無量品至真丹景大神，無鞅之衆，浮空而至。說經三遍，西方無極無量品至真素景大神，無鞅之衆，浮空而至。說經四遍，北方無極無量品至真玄景大神，無鞅之衆，浮空而至。說經五遍，東北無極無量品至真生景大神，無鞅之衆，浮空而至。說經六遍，東南無極無量品至真明景大神，無鞅之衆，浮空而至。說經七遍，西南無極無量品至真華景大神，無鞅之衆，浮空而至。說經八遍，西北無極無量品至真幽景大神，無鞅之衆，浮空而至。說經九遍，上方無極無量品至真合景大神，無鞅

之衆，浮空而至。說經十遍，下方無極無量品至真化景大神，無鞅之衆，浮空而至。十遍周竟，十方無極天真八景大神，一時同至，一國男女，傾心歸仰，欣躍而言。我等各以善因，或從道業，證遇福緣，得居此天，獲睹天尊。說此八景神合之法，上真至化之道，非我衆等，素所知聞。今當聞者，必獲位進上真，備契玄理。而我等昔來未聞此道，不識八景神合之妙，豈能超合混元大道之宗。於是來詣天尊，請聞至教，有如細雨密霧，無鞅之衆，迨國一半土皆偏陷，非可禁止。是時元始天尊周覽十方，垂顏凝顧，揮五明羽扇，徐啓玉音，彰明法要，開顯太極，一氣分化，判爲三辰，離爲八景。八景者，八方光景自然之神也。天之八景，有三部以隸三元。人之八景，有三部以隸三閑。故三部八景，一十四真，爲上道之高靈。修用其道，使八景之氣，與己神合。則混合百神，聚爲帝一，散爲千真，立成高仙也。天之八景，上元八景在玉京蕭臺，中元八景在太微紫宮，下

元八景在崑崙之室。人之八景，上合泥丸，中合絳宮，下合丹田。各有名字，大小服色，所居之處，能招天景，以合人神。八景之靈，混與神合，則爲高真矣。其旨要玄妙，虛明洞徹，清靜明照。專此八事而修此道，無不克臻。此八者，八景之德性也。兆知勤此陽精八景真神之道，則八景之神自降於子，授子洞玄長生之真仙矣。大衆于時，聞是語已，再拜稽首，願盡至言，以教未悟。今日慶幸，獲聞妙法，波我沈賸，三請不止。於是元始化一元精，狀如朱日，寶華熠熠，在空玄之中，去地九丈。元始登引，天真大神，上聖高尊，妙行真人，十方無極，八景大神，無鞅數衆，俱入朱日之中。天人仰看，惟見勃勃從寶華中入，既入其中，不知所。國人廓散，地還平正，無復欹慙。元始即於日華之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行



妙心。合道合虛，合无合神，合明合景，合照合清，合玄合妙。情無妄偽，性備天真，齊同慈愛，異骨成親，國安民豐，欣樂太平。經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是三部八景內諱，百靈之隱名也，非世之常辭。兆能長齋修誦，八景神合，與天爲一，七世滅殃，胞户閉塞，上聖已成真人，通玄究微，能悉其章。誦之十過，諸天遙唱，萬帝設禮，心源澄寂，害氣消沉。洞合八景，神真內盈，羣魔束形，鬼精滅爽，迴屍起死，白骨成人。至學之士，誦之十過，閑八景挾衛，三元稽首，魔精喪眼，鬼祿滅爽，濟度垂死，絕而得生。所以爾者，學士穢氣未消，體未洞真。存召八景，功未克全，天政德可伏除魔試，却滅灾患，但不死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京，度人無量，爲萬道之

宗。魏魏大範，德難可勝。道言：凡誦是經十過，八景齊降，殃注斷滅。億曾萬祖，幽魂苦爽，皆即受度，上升朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊冥玉京也。上學之士。修誦是經，智慧開明，含光育英，八景神合，道契玄庭，皆即受度，飛昇南宮。世人受誦，則身中八景，固律死門，天中八景，下合兆形，神景齊會，得道成真，延壽長年，後皆得作飛升之道，魂神變鍊，不經地獄哀惱，常保孩嬰，遊行太空。此經微妙，普度無窮，一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役幽官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，上部八景，降兆神庭，泥丸玄堂，七祖超遷，度上南宮。七月長齋，誦詠是經，中部八景，與兆合并，黃元混一，天地同靈，身得神仙，諸天書名，青籙紫簡，舉形

飛仙。十月長齋，誦詠是經，下部八景，固兆生根，真精鍊化，萬炁結神，僊輪太霄，遨遊上清，億世含歡，浩劫齊齡。八節之日，誦詠是經，八景神合，超登玉京，得爲上清真人。本命之日，誦詠是經，三部八景，二十四真，混變嬰兒，錦衣繡裙，列坐泥丸，身宮之中，魂神澄正，萬炁長存，百關受鍊，身有光明，三界侍衛，五帝司迎，萬神朝禮，書名上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐八色雲氣之中，內外蒼冥，有青龍、白虎、朱雀、玄武、獅子、白鶴，羅列左右，二十四真，來到兆前，日月照明，洞煥室內，項生圓象，光映十方，如此分明。密呪曰：無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人。願所啓上徹，徑

御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，八景神合上品妙首，十回度人。八景隱韻，離合自然。帝氣元真，幽寥高宸。冥漠之始，空洞靈宗。分化結形，敷鎮百關。三宮布列，纏絡迴環。混變上境，合鍊精根。無神不光，無神不明，無神不立，無神不成，無神不度，無神不生。是謂妙極，天中之尊。玉闕明堂，流珠玄丹。上衝華極，巍峨崑崙。紫文纏羅，輝煥交騰。下通中黃，絳宮之門。躋元幽室，瓊房之田。八景神氣，周用迴旋。中有三部八景二十四真之神，中有虛明通徹清靜光照之君，中有南極長生大帝君，中有東極青華帝君，中有度世司馬大神，中有好生韓君丈人，中有南上司命司錄延壽益筭度厄尊神。迴骸起死，無量度人。今日校錄，諸天臨軒。

東方無極一景天虛神王，長生大聖，無量度人。

南方無極二景天印神王，長生大聖，無量度人。

西方無極三景天曜神王，長生大聖，無量度人。

北方無極四景天玄神王，長生大聖，無量度人。

東北無極五景天符神王，長生大聖，無量度人。

東南無極六景天光神王，長生大聖，無量度人。

西南無極七景天姥神王，長生大聖，無量度人。

西北無極八景天真神王，長生大聖，無量度人。

上方無極三部總真天慧神王，長生大聖，無量度人。

下方無極三部神合天順神王，長生大聖，無量度人。

十方至真三部八景神王，長生度世無量大神。並乘華雲流霄寶輿，玉駢紫蓋霞輪，驂駕素靈神虎蒼精妙龍，建玄

元之節，洞景朱旛，前詠三辰華曲，後參五曜真歌，青鸞翠鳳，鳴嘯相和，高仙啓塗，玉女翼轅，億乘萬騎，浮空駕虛，傾光迴駕，混合人身。元皇太一，洞房玄宮。左持五籍，右秉五符。三迴九轉，洞化冥无。隨景應召，開朗八區。凝和結氣，高超太無。大魔保舉，天皇授書。普告十極，洞府神君。開釋祖考，億劫沉魂，脫除罪籍，散落禍根。敢有停滯，烈火蕩焚。身既升度，上及億曾。永出夜庭，復備形魂。普受鍊化，度品南宮。朱陽紀錄，仙化成人。生身受度，劫劫長存。隨劫流轉，與天齊年。永度三塗，五苦八難，超凌三界，逍遙上清。上清之天，天帝洞昌，無色之境梵行。

### 東方八天

翼真元慈天，帝經角司神。

洞靈開濟天，帝恬淵景虛。

昭素欽宗天，帝慶嘉盡玄。

輔元敢需天，帝大極右扶。

玉履羲常天，帝生功被蒼。

神德仰真天，帝逸車婁玄。

皇度禮方天，帝善回夷陽。  
生幟標陽天，帝主靈達華。

南方八天

玉曆紀功天，帝道忻致登。  
雲韜素書天，帝七舉無阿。  
八真清明景合天，帝孝儀奉仙。

化及冲要天，帝烈常希真。

赫丹保年天，帝妙氣承隅。

洞廬朝皇天，帝絜維志聰。

拔臯濟靈天，帝開明度生。

璇芳助月天，帝蒲都斗皇。

西方八天

會氣集景天，帝昆堂抱思。

朝祖欽元天，帝越康子明。

擲干起威天，帝運明宥初。

奮容束魔天，帝敕契頗庸。

受嚴持福天，帝覺育自中。

宣道招靈天，帝遜佑孚成。

啓極司化天，帝章瑤兑。

梵廣審清天，帝寅熙融神。

北方八天

披真恭慶天，帝昊蕭紫琚。

錫離崇用天，帝鐸時勤。

應化成功天，帝渝塘雲翻。

壁躔納靈天，帝魂度九王。

析梁緒明天，帝仲方奇。

海映龍剛天，帝蒙長生。

星井珞璣天，帝歷陲麗寧。

八神合景天，帝馘化曜靈。

三十二天，三十二帝。諸天隱諱。

諸天隱名。天中空洞，自然靈章。諸

天隱韻，八景之音。八景之尊，八景之

神，八景真王，八景之靈，八景神合，變

化上清。無量之奧，深不可詳。敷落

神真，普度天人。今日欣慶受度，神境

爲一，湛湛真元，守而勿疑，位登高仙。

金顏玉歲，虛微不室，明識無虧，通導

不壅。徹運忘機，清無滯濁，淨無穢

氛，光華輝朗。照寂自然，神有八道，

合此八關，結化爲形。錦帶龍衣，神化

純妙，逍遙玉階，受職東華。制命三

官，永滅衆惡，斬絕胎根，塞斷死戶。

名列太玄，三省監舉，無有留難。東斗

主筭，西斗記名，北斗落死，南斗上生，

中斗大魁，總監衆靈。青帝護魂，洞景

致真。白帝侍魄，華景安宅。赤帝養

氣，元景受明。黑帝通血，慧景朗徹。

黃帝中主，合景備列。青天真王，青景

化神。赤天真王，丹景曜明。白天真

王，素景混靈。黑天真王，玄景靜深。

黃天真王，八景齊輪。五天真王，萬神

之宗。飛行鼓從，總領神兵。麾幢鼓

節，遊觀太空。自號赫奕，諸天齊功。

上天度人，嚴攝北酆。神王受命，普掃

不祥。神龍攝毒，天馬四張。辟非前

驅，天將持幢。擲火萬里，流鈴八衝。

敢有干試，拒遏上真，金鉞前戮，玉斧

後刑。屠割鬼爽，風火無停，千千截

首，萬萬剪形。魔無干犯，鬼無祆精，

三官北酆，明檢鬼營。不得容隱，金馬

驛呈，普告無窮，萬神咸聽。三界五

帝，列言上清。

真皇玉訣，玄化混冥。斡旋妙氣，

杳藹之中。上景非色，下景非淵，中景

太虛，冥合自然。八景神合，金剛乘

天，天上天下，無幽無冥。無形無影，

無極無窮。二十四真，周環列宮。天

地始成，神帝隱龍。溟滓大梵，遼廓無

光。八景開圖，三部敷張。元始安鎮。

敷落五篇。赤書玉字，八威龍文。保制劫運，使身長存。梵氣彌羅，萬範開張。元綱流演，三十二天。輪轉無色，周回十方。旋斗歷箕，回度五常。三十五分，總氣上元。八景神合，氣入玄玄。玄中太皇，上帝高真。汎景太霞，嘯詠洞章。金真朗郁，流響雲營。玉音攝氣，靈風聚烟。紫虛鬱秀，輔翼萬仙。千和萬合，自然成真。真中有神，八景玉玄。神景之尊，長生大君，無英公子，白元尊神，太一司命，桃康合延，執符把籙，保命生根。上遊上清，出入華房。八景之內，細微之中。下鎮人身，泥丸絳宮，中理五炁，混合百神。十轉迴靈，萬氣齊仙。仙道貴生，無量度人。八景飛神，過度輪轉，罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞謠歌之章，八景靈篇，辭參高真。

第一八景神合飛空之音

天有三元氣，人有三部關。二十四真神，紫戶連青扉。上部有八景，四

景居泥丸。又復四境居，在彼咽喉間。淳光與季行，幽陀及越庚。肺肺携顛顛，玉儔引叔淵。是名四星君，保兆泥丸間。辟祿却萬邪，鬼祿毋得干。喉中有四景，革革史史神。賓元與子柯，青奇伯羅君。桃闌蔚蹊子，貫列相纏綿。保兆冥運機，神合純和全。萬劫長不衰，億齡猶合歡。

第二八景神合真王之章

高上雕玉駟，浮駕華景龍。遊宴三元宮，靈日光瞳矐。中部有八景，侍兆生關中。能存而守之，身登玉京山。心中居四景，黃寅併景霏。詡詡連祝祝，師南與孟暉。望离並鹿去，護衛長生扉。陽華制靈魂，固衛玄微津。四景在膽中，嘘噓子張神。鎮凶奉仙子，霄度禹疆君。粲暉瑤芳來，金缶瓊觴和。鎮彼天德君，永除世灾殃。八景神合一，六氣御飛翔。賜兆司命書，億載無悲傷。

第三八景神合真王歌

日車雲旗，玉佩瓊璫。坐宴金闕，指顧樽桑。二十四真，與王頡頏。飛

翥神霄，蹈莅華房。下部八景，神名作彊。生化萬靈，權衡斗剛。腎中四景，玄真大靈。毛毛叱叱，紫還輔真。月女落雲，四景真人。護兆育嬰，保天長存。膀胱四景，公碩佃濛。亭亭幻光，芝仙伸逢。雄元次陽，雲綱內通。淨府不穢，除滅鬼凶。三部八景，二十四童。錦衣綉裳，住兆神宮。合沓如一，晝飛高冲。試爲此歌，嘒彼仙公。生道眇邈，世莫我窮。兆能體之，騰轡華龍。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛升太空，過度三界，位登仙公。有聞靈音，真王敬形，敕制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及

八景神王隱祕之音。兆誦詠之，則百神混合，八景同歡，抱神成真，身生羽

翰，皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於高上神霄玉清玉府東華玉堂經室之內。道君下治，傳教流行。若有至人齋金寶質心，依舊格告盟神霄，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此灾，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，以度屍形如法。則八景俱降，真神合并，左飛右伏，神行氣谷，乍合乍離，景與神冥，朽者更新，墮者復支，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失昏，四時失度，陰陽不調，國境生灾，疫毒流行，兆民死傷，師友命過，同學非殃，亦當修齋，行香誦經。夫齋戒

誦經，功德甚重。上消天灾，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民。行是功德。有灾之日，發心修齋燒香，誦經十過。皆諸天記名，萬神侍衛，右別至人，克得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書八景神合內篇

東方八天

聰明規般，蔣籍濤外。變維宏珂，曆展攸最。彰谿濱義，儀渤窈粹。靈敞懷堂，保嘉瑶位。卓評靜魔，墀騫扶頗。緣演定足，優杜頻羅。邈川洪嗣，幽涂亟魔。謁關領仙，格降越和。

南方八天

緣祈嘖南，迕梢穹貝。丁河宰池，遭翽离銳。甲靈梵除，清宣綱沛。彭

都牢難，約箕亨會。處昌倫房，九俞蘭穉。智澄雲瑶，力濟奧類。耿參玄地，運魂巢燔。孽吠顛騰，揚旗東轅。

西方八天

武堅迎邦，捐暉隗方。寧緒岨芷，冤清紀皇。持鳳曜陔，伊那妙光。鈕乾祕寶，寧孤極良。障彬越都，秦鈞睹剛。翳眇熾掇，奚枚魯航。祝陔桓鈞，洙機翹倫。亮古忠悌，允鄙戚羣。

北方八天

賁融技傍，珏傺温類。延搜毗芒，淵嚴詹音。寂相據育，還微聊源。通隅蕭頂，權著靈隨。蠢孳羅合，玉神飛圖。滑瀛佐丘，直充綺烏。略靜邊适，琤瑄來虛。逸澄俯汀，赭巖稽符。

道言：此諸天中大梵隱語，無量之音。舊文刻記龍山北岡之室，以調正三元，爲洞真之宗。高仙真人，皆銘誦佩服，以交八景之神。真氣流布諸天，下及世間，皆仙官奠璧，玉女醮煙，樂御羣靈，灾厄莫干。字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛仙玉

郎，八景大神，下觀其身，書其功勤，上奏諸天，萬神朝禮，地祇侍門，大功真王，保舉上仙八景，道備尅得，遊行三界，升入金門。此音無所不辟，無所不攘，無所不度，無所不成，天真自然之音也。故誦之致飛天下觀，八景遙降，萬神朝禮。三界侍軒，羣祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之三十六

靈寶无量度人上品妙經卷之三十七

七星除祿品

道言：昔於北清玄靈天中，大魁羅上妙寶華土，受元始度人無量上品。玄靈妙天內號太虛無上常容天，其天帝主，名曰總監鬼神，居其宮殿。思道因緣，言我植福，位爲天帝，住不遷界。中與北方諸天世界，通爲一境，十方天中，及以天下一切大力鬼神國土，咸我部屬。我以福業故，周足神通，禁制魔種，歸依三清。奉太上玉律金科，威被鬼爽。而今元始上帝當降此天，爲諸天人，十方衆生，說無量度人無上法門。我今處極真世界，聞聽法味，實爲忻快。當與天中聖人僊真，一切部寮男女等衆，遠詣玉京，恭請元始天尊，降此天中，爲衆說法。敕命侍香金童都文瑜，傳言玉女馮道倩，啓藥玉九色之蘊，索三天降真洞瓊寶香，然丹天火

玉，驛龍捧爐，千真奏煙，靈幡寶幢，奇花珍供，百千萬人，俱詣玉京蕭臺金闕，叩禮元始，三說其辭，仰祈大慈，不違本念，降眄天中，宣演道法，度脫一切，開通靈虛，使內識洞玄，外伏魔試。再拜長跪，伏俟聖言。天尊告曰：吾本無形，以道爲質。住此玉京，散爲五形，變神萬億。吾今住此，見爲十方無極世界，無量衆生，各各演說法要，明曉至真，示玄清之路。汝所居天，上干無色，下臨崑山，傍及北臺，幽嶽鬼都，無不統御。北清玄靈，俯及酆羅，近於海際，密與人境，支連貫接，人世衆錯，臭濁難堪，爲諸六天遊精，八方鬼神，殺戮啖食，一切人民，不滿天壽，橫被夭傷。於三元本命年，限運會之上，陰謀鬼吏，遣說冥官，妄作灾凶，種種刑害，是致呼魂之聲，趣死之哀，不絕於耳。睹此厄害，身繫灾疾，我今欲下彼天，說度人法。汝以挺生空洞，乘此天位，未明至道微妙大法。吾以妙无天帝，出生三氣三寶三君，造立混沌，分別萬天，使帝闕列峙，億真翔集，三萬

六千，日月一時同明，吾以是也。吾下化爲玉宸大帝，居紫玉寶闕華蓋之下，紫微垣中，號北極大帝。龍衣玄服，垂條大弁，左右十二元士，雷公霹靂居其傍，三十六將衛其後，五帥四德導其前。赤明開圖之初，爲上清神公。開皇之後，爲北陰大帝。平定功成，位居中天，紫極之庭，十方世界，望之不動，謂之辰樞者是也。然有形皆動，惟無形不動。北極星與羣星相遠，三度有奇。而中空者北辰，上帝真形也。望之炯炯，五星輝映，熒熒有光者，帝座也。但可見座，豈可遽謁其帝也。此北極大帝，總制三界星宿鬼神，萬神千靈，莫不叩頭請命。五嶽四瀆山川之神，皆再拜伏候，乞請水旱風雨。北極是吾第五化身，位居皇極正統，玉帝爲祖，立太空之元。在九宮則號中黃太一，衣紫錦袍，腰十二流金火鈴，狀如嬰兒，手把七元，口吐青色。今居天中蔭華蓋，乘斗車，履三台，席大角，坐明堂，左右七人，服紫綉者，北斗七星之精也。汝宜往彼，請下天中，論說法

要，開度天人。天帝聞是說，已整冠執圭再拜。臣今上請北極帝君，降此天宮，願聞大法。乃與天衆辭禮元始，下詣中黃紫庭，華宸玉闕之下，真官導前，執法從後，徑達北極大帝御前，具陳上事，再拜作禮，辭懇志切，涕泗交下。帝君被玄龍之服，以降言曰：吾上爲元始天尊敷揚至教，當允斯請。于是天帝垂光，俯眄北清玄靈太虛無上常容天中寶闕之內，三氣寶明之殿，將昇法座，當說是經，周迴十過，以召十方，始當詣座，五天大神，七元真君，上聖高尊，太虛真人，無鞅數衆，乘空而來。彩霞亘虛，雲光四布，瓊臺鳳駕，羽節金幢，雜色寶蘊，翫曖鬱勃，洞煥太無。七日七夜，諸天神真，日月飛仙，星真雲將，璇綱玉緯，一時停輪，剛風啓韻，豁落流光，山川林木，緬同玉色，土變碧璃，柔明瑩潤，衆真侍座。北極帝君先嚮玉京，心拜元始，至恭修敬，乃登玄空浮光五色龍臺之座。說經一遍，諸天大聖同時稱善，是時一國男女，皆聽北極帝君宣標玄旨，無量度

人，七星除祆最上法要。說經二遍，七星明耀，玄符見空。說經三遍，巨斧鑿天，山開石裂。說經四遍，乾坤交泰，四海澄源。說經五遍，僊樂滿空，靈香遠馥。說經六遍，天虹周遍，跨空成橋。說經七遍，七真下觀，魔精喪膽。說經八遍，鬼帝驚逃，萬魔摧伏。說經九遍。天垂甘露。珠璣散飄。說經十遍，鬼神悟道，幽品登僊，是時一國是男是女，莫不傾心，皆受護度，咸得長生。

道言：是時北極帝君說經一遍，東方無極無量品天斗七星除祆大神，無鞅之衆，浮空而至。說經二遍，南方無極無量品人斗七星除祆大神，無鞅之衆，浮空而至。說經三遍，西方無極無量品地斗七星除祆大神，無鞅之衆，浮空而至。說經四遍，北方無極無量品陰斗七星除祆大神，無鞅之衆，浮空而至。說經五遍，東北無極無量品鬼斗七星除祆大神，無鞅之衆，浮空而至。說經六遍，東南無極無量品陽斗七星除祆大神，無鞅之衆，浮空而至。

說經七遍，西南無極無量品遁斗七星除祆大神，無鞅之衆，浮空而至。說經八遍，西北無極無量品升斗七星除祆大神，無鞅之衆，浮空而至。說經九遍，上方無極無量品飛斗七星除祆大神，無鞅之衆，浮空而至。說經十遍，下方無極無量品降斗七星除祆大神，無鞅之衆，浮空而至。十遍周竟，十方無極天真，制魔除祆大神，一時同至，一國男女，傾心歸仰。來者各各發心，願除累劫以來，心不正真，穢念充塞，三尸遊蕩，七魄妬害，交通鬼氣，及諸魔類。使有法病，見道不明，雖處人天，墮入流轉。乃至證位諸地，暫登真階，以魔精入心，祆試惑亂，念動塵起，支緣傍對，起無量因，作百千業。今聞北極大帝宣說七星除祆拔邪護正之法，開迷翳眼，蹈玄清路，趣高真品，慚愧頂禮，無鞅數衆，佇立傾聽。於是北極仰天俯地，觀察萬彙，運無量心，啓靈寶慧，普告大衆。元始未生，曠劫無跡，混沌既坼，七竅乃張。大爲日月，細爲星辰，日月五星，總號七元，而配

屬北斗。北斗十二星，五星爲隱曜，斗口之中，有天一太一二十四玉皇，光芒不顯，惟七曜大明，彰示萬方。七星之精，在人七竅。亦分其神，能視聽言嗅，知識悉皆由也。輔弼二星之精，分降爲目中瞳子。七星之神，有陰魄陽魂，及正星之神。斗中除祆之神，有五帥四德，七千神將，天罡河魁，大殺大角，豁落立斗，黑衣玄冥，七殺之神，以滅除兇祆，蕩遂魔鬼。兆能齊心修齋，服佩符籙，奏告懇祝，則七星大神下降兆所，立除祆害。有能稽索道要，勤企止清，七星之神教兆上道，飛昇神僊，七祖升度，鍊化自然。七星之精，三辰五斗，九宮八卦之妙，皆在於是聖人之心。七星降神華房之內，方寸七室，微妙祕諱，不可宣泄。已登上真，後復爲此。北極即於法會之中，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷。七星垂光，光映真形，内生玄丹，外除祆精，傾

土歸仰，奉教遵行。除魔除幻，除妄除想，除愛除有，除見除得，除疑除邪。言中天律，口無非聲，齊同慈愛，異骨成親，國安民豐，欣樂太平，經始出教，一國以道。預有至心，宗奉禮敬，皆得度世。

道言：北極帝君說經中所言，並是七星天中列帝內名，隱韻之音。亦是北帝內諱，百神之隱名也，非世之常辭。上聖已成真人，通玄究微，能悉其章，誦之十過，八威揚兵，五天擲火，魔王警陣，星使騁軒，甲卒億萬，斬邪除祆，燒霞燎空，金鉞寫光，羣魔束形，鬼精滅爽，回屍起死，白骨成人。至學之士，誦之十過，則七元降真，三界稽首，魔精喪眼，鬼祆滅矣，濟度垂死，絕而得生。所以爾者，學士欽詠洞章，斗元布氣，殺伐祆祥，掃蕩穢氣，體將洞真，召制十方，威未制天政，德可服御地，祇束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人



無量，爲萬道之宗。巍巍大範，德難可勝。

道言：凡誦是經十過，斗中天驕，七星大神，天帝使者齊到，爲兆除祿，驅斷不祥，億曾萬祖，幽魂苦爽，皆即受度，上升朱宮，格皆九年，受化更生，得爲貴人。以誦詠此經，身神明正，氣無陳故，則玄堂啓關，魂爽超越，不拘冥昧。而好學至經，功滿德就，皆得神僊，飛升金闕，遊冥玉京也。上學之士，修誦是經，七真登房，妙極空常，往返三周，履星蹈綱，漱雲嚙液，魂魄俱翔，變化上清，壽與天長，皆即受度，飛升南宮。世人受誦，拱持北辰，坐致神女，風送雨迎，左據魑魍，右揖魍魎，六丁輔兆，捕鬼搜尸，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保

護受經者身。

道言：正月長齋，誦詠是經，七星真君開北玄之錄，校別罪魂，斗中司命，鍊七星之光，導引冥靈，爲上世亡魂，斷地逮役，度上南宮。七月長齋，誦詠是經，七星魁宮之氣，紫光如絃，灌兆泥丸，星中大神七人，扶胥兆身，遊行斗關，身得神僊，諸天書名，黃籙白簡，削死上生。十月長齋，誦詠是經，斗中天皇手把七星，爲兆除祿。赤帝黃老與兆陶魂，同蔭華宸，坐卧七星，星精入腦，真火鍊形。泥丸紫君，厥諱規英，金床玉帳，紫繡錦裙，腰帶火鈴，除祿滅精，福慶自生，位極人臣。爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，七星光色，連布八方，北帝位中，九宮齊同，一白二黑，貪巨爛空，下代鬼祖，斷遏衰凶，得爲九宮真人。本命之日，誦詠是經，子魁午魁，丑未二宮，下臨生位，七星迴陽，延兆天年，賜壽無疆，魂神澄正，萬氣長存，不經苦惱，身有

光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐紫青絳三色雲氣之中，內外蒼冥，七星覆頭，五藏真氣，繞絡身相，脾生黃氣，出頂成雲，存見北極金容，天馬千萬，青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密咒曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，七星除祿，元

綱度人。天關運幹，離合自然。天有三魂，二景含晶。天有七魄，七曜流精。華蓋曲直，三五飛昇。紫雲爲關，綠煙蒙蒙。中有北極，金城九重。山環峰列，玄草垂茸。洞戶鬱杳，清虛八通。頭建魁剛，足履玄龍，手揮碧霞，鳴玉叩鍾。天丁九首，四目老翁，秉仗金鉞，息滅祿凶。璇珠爲樞，運機惟空，真道自然，光泛九宮。立斗大神，霹靂靈隆。眇莽九醜，衣斗乘風。吐毒噴火，衛世無窮。鬼爽竄伏，神府靈明。青氣灌滌，混合百神。金闕玉房，赤鏡飛光。流雲萬丈，周遍八冥。中有七星除祿之神，中有天猷紫極之尊。中有景霄太帝之真，中有天丁縛龍大神，中有玄天黑殺四德五帥之君，中有天蓬威化玄曜真君，中有太元真紐綱紀關七星尊神。迴骸起死，無量度人。今日校錄，諸天臨軒。

西方無極星氣神王，長生大聖，無量度人。  
北方無極星台神王，長生大聖，無量度人。  
東北無極星藏神王，長生大聖，無量度人。  
東南無極星使神王，長生大聖，無量度人。  
西南無極星河神王，長生大聖，無量度人。  
西北無極星令神王，長生大聖，無量度人。  
上方無極星威神王，長生大聖，無量度人。  
下方無極星根神王，長生大聖，無量度人。  
十方至真七星除祿神王，長生度世無量大神。並乘七星耀羅之雲，八色光明之輩，天馬爲馭，辟非驂羣，六甲備駕，天丁揚威，徘徊丹霞，翱翔胎僊，建翠旄之節，流光靈幡，前嘯紫鳳齊唱，後從玄獸同鳴，獅子白鶴，嘯歌嘯嘯，天一啓途，神兵翼轅，億乘萬騎，浮空

而來，傾光迴駕，監真度生。星宮丞相，九霄上宮，天英主錄，元斗大神，執錄把籍，齊到帝前，隨所應度，嚴校諸天。七星寶宮，七元真君，帶月引日，龍巾虎裙。蒼舌虎賁，北極神君，赤書火錄，黑籍黃文。蕩除祿蠶，飛屍遊魂，斬馘無拘，束送泰山。普告三界，無極神鄉，泉曲之府，北都羅艷，三官九署，十二河源。上解祖考，億劫種親，疾除罪簿，落滅惡根，不得拘留，逼合鬼羣。元始符命，時刻升遷，北都寒池，部衛形魂。七星除祿，度品南宮，死魂受鍊，僊化成人。生身受度，劫劫長存。隨劫輪轉，與天齊年。永度三塗，五苦八難，超凌三界，逍遙上清。上清之天，天帝玉真，無色之境梵行。


天真皇人曰：北斗七星，除祿之真，北極大帝代元始天尊說，付授雲宮紫房明威真人。明威位為高真，序稱道言，理亦有在。其三十二天者，以三十二天為輞，二十八宿為輪，七星為箱，二曜為轄，北極為樞，總於四方，三十二天，枝連蒂固也。亦東

南西北為次，每天之色，下貫九宮，析而為九真，合而成大洞，學者明之。

東方八天

康化盡明天，帝樂航内生。  
禧提成光天，帝無圖理宗。  
却宴正緒天，帝宛伯祁。  
空常梵無天，帝眇逐韓盧。  
協真司真天，帝剛杜巽隅。  
朱極玩時天，帝角衣普招。  
希微蒙素天，帝阿丹題昌。  
祖元慶淑天，帝杳平彌強。  
七星真君除妖神符 施有妖處

東方直符吏八人




南方八天

浩都火象天，帝趙天僊長。  
著師滋妙天，帝瑤宗重光。  
章岐善化天，帝乾河預沙。  
帝圖上炎天，帝定觀生。  
銖覽台賢天。帝確震曲東。

遼方頓微天，帝扉期无垠。  
善譙鎮星天，帝皇玄越南。  
變嶽呼雲天，帝婁景瑞長。  
七星護生神符 房堂中安


南方直符吏八人



西方八天

巢平演炎天，帝伏屹偃山。  
常鍊栢空天，帝獸路主基。  
錄齊鏡張天，帝璪梁核義。  
灼華奏素天，帝漠羽擎諦。  
璉祭鼎元天，帝赫由忌孫。  
大始順陽天，帝雲延慶標。  
正遠感化天，帝仇蘭已蓬。  
素明耀姿天，帝耿演符驩。  
七星斬鬼神符 置廟社中


西方直符吏八人



北方八天

皇淵靜極天，帝元晶持關。  
順明宗化天，帝昊禹神。  
曆鮮玄都天，帝邊茲倚聰。  
寥府祐祠天，帝龍輔玉。  
靈化梵光天，帝崑統鬱秀。  
玄天玉明天，帝混育九真。  
六成耀靈天，帝寶真魔。  
斗芒振感天，帝總丘光。  
七星除病神符 治一切病

北方直符吏八人



已上七星除祆四符，吞帶貼，燒灰，丹書，香水調，男女通用。

三十二天，三十二帝。諸天隱諱，諸天隱名。天中空洞，自然靈章。七星之音，七星之尊。七星之神，七星大魔，七星之靈，九和十合，變化上清。無量之奧，深不可詳。八萬四千，大小之星，天河九都，子真天狼。玄身獸

狀，威禁尊神，北極七星，至真之形。爾能知之，祿氣無干，鬼戶蕩滅，元斗飛精，神變氣化，無量通靈。青身三髻，黃目鳥形，一十八角，十二飛輪。或變女子，綉衣丹裙。或爲老人，紫綬玄巾。或變赤蛇，巨蟒龜身。吐火放煙，擲鈴興雲。天地未生，七星混冥，昊皇聖母，生成崑崙。七星之精，變爲七真，首戴玉幘，披青佩金，梵炁成符，上帝玄文。東斗開生，碧落乘煙。西斗皓華，景耀飛天。北斗玄輝，變化真僊，目奪日光，手握天關。南斗赤精，乘龍仗旛，司執典錄，統御無邊。中斗帝氣，寶冠垂蓮，身御龍袞，佩帶五篇，前引天剛，萬神莫干。青天魔王，斌齒元成。赤天魔王，林志方生。白天魔王，文朱育英。黑天魔王，黃道玄明。黃天魔王，合混元精。五帝大魔，萬神之宗。飛行鼓從，總領鬼兵。麾幢鼓節，遊觀太空。自號赫奕，諸天齊功。上天度人，嚴攝北酆。七星七殺，普掃不祥。玄龜召氣，丹蛇敷張，巨靈擊鍾，神妃奏香。蒼舌大帥，綠齒神王，

是稟七星，變化威光。黑氣翳空，海風激揚，流火熾然，電女回璫。龍旗橫天，摧震輝煌，魔鬼剝腦，祿黨伏藏。三官北酆，明檢鬼營，不得容隱，金馬驛呈。普告無窮，萬神咸聽。三界五帝，列言上清。穹碩玉京，眇浩無垠。元氣成雲，紫明寶輪。熠耀太空，牢植天根。根連風澤，洞虛生龍，陰陽交進，動化飛騰。太光玄甲，一十二元。身蟠碧霞，背負神洲。日月傍流，寶仞三玄。萬化合景，炤灼浮明。三十五分，二十八辰。爲天形容，幹運圖羅。氏房參尾，回旋皓華。角亢昴胃，飛騰絳霞。中有雲綱，光環帝宮。魁魍魎魍魎魍魎童，七大神王，變化天蓬。億萬火兵，十八日翁，嘯鼓黑氣，巨電蒼龍。剛風神虎，南丹玉童，斬除羣祿，滅鬼鋒。天上天下，無幽無冥，無形無影，無極無窮。溟滓大梵，遼廓無光。七元威光，照滅不祥。三辰合明，太一奉章。玉帝下觀，黃旗召靈。空梵成結，玉符寶文。刻書金簡，混九元陽。靈瑞自生，玄臺紫堂。梵氣彌羅，

萬範開張。分度流演，三十二天。旋軫歷房，回度北玄。七星炯灼，總氣上元。八景冥合，氣入玄玄。玄中斗星，北極高尊。泛景太微，同會句陳。金真執書，簡奏天皇。玉音召氣，靈化舒光。清虛鬱耀，輪轉萬方。千和萬合，自然成真。真中有神，元斗大君，元羅帝一，黃素飛僊，太一司命，桃康合延，此諸大神，即爲七星，分化之神。七神在身，除祿鍊真。天有三台，人有三魂。天有七星，人有七魄。三魂主陽，七魄主陰。三台六星，虛精六淳，合會曲生，天尸地尸，及與人尸，共爲六神。招真降靈，除滅祿氛，執符把籙，保命生根。上遊上清，出入華房，八冥之內，細微之中。下鎮人身，大洞泥丸，絳宮玄氣，混合百神。十轉回靈，萬氣齊僊。僊道貴生，無量度人。上運七星，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞謠歌之章，七星靈篇，辭參高真。

第一七星童子飛空之音

元斗飛杓，廣大真星。日耀電火，誅伏魔兵。司執元化，鎮守天門。首建紫微，擲火流金。回布九道，北極之真。斡旋二儀，總統百靈。三十六童，玉冠珠纓。主校圖籍，持握生成。威光無量，魔怪潛形。斬邪捕鬼，正道流行。消滅九醜，天清地寧。

第二七星玉妃之章

碧雲層層，錦華明輝。中有帝靈，內號玉妃。推籌布策，行天四時。電光豁落，星綱陸離。御兵九重，爲世除祲。致福却禍，正道昭昭。玉符四飛，萬惡蠲消。元化蕩蕩，貫氣紫霄。一受真妙，形神不凋。戴九履玄宮，周流四象中。太微回靈耀，神府自幽通。

第三七星神王歌曰

黑甲橫天，三官列言。真魔神帥，備兵億千。天蓬履元一，坤母敞金扉。離英肇帝真，回光衝大微。巍巍神霄尊，駕龍耕瓊芝。香氣鬱元綱，靈照洞神池，旋步雲羅上，流爛散天谿。二五混玄景，三元陳玉機。綜錯理皇運，御

氣合僊飛。丹靈曜幽闕，青童啓霄扉。除祲輔正道，我道日昌輝。

此三界之上，飛空之中，星真歌音，音參洞章。誦之百遍，名度南宮。誦之千遍，魔王保迎。萬遍道備，飛升太空，過度三界，位登僊公。有聞靈音，七星衛形，敕制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王七星神王僊真隱祕之音。皆是大梵之言，非世上常辭。言無韻麗，曲無華宛，皆七星除祲上真重諱密妙之訣。是謂玄奧，難可尋詳。上天所寶，祕於玄都神霄玉闕東藏，依玄科四萬劫一傳。若有至人齎金寶質心，依舊格告盟十天，然後而付焉。

道言：夫天地運度，日月五星虧盈，至聖神人休否，未學疾傷。凡有此灾，皆六天大魔，五方大力惡鬼，爲世祲蟹，因生人之命，天地厄會，作爲禍

殃。同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或自營生業，不識道真，致土石之精，草木之怪，山魃山魈木客，人都鳥都泉魍魎，或稱古今廟社血食，一切依附，爲民祲害。祈告北極大帝，七元尊星，以丹砂書七星真符，燒灰，以香水調服，或佩帶自身，安貼堂房之上，七星真君立降，天兵剪除大害，變灾爲吉。七星降庭，授爾真要，身得神僊。

道言：夫天地運終，星宿錯度，日月失錯，四時失度，陰陽不調，國境有灾，水火漂焚，疫毒流行，兆民死傷，師友命過，同契殞傷，或是大力魔神，六洞鬼帥，妄興祲變，亦當修齋，行香誦經。夫齋戒誦經，功德甚重。上消天灾，保鎮帝王。下禳毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有灾之日，發心修齋

燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音

明威真人撰

七星除妖玉篇

東方八天

渙都瓊樓，魂綦猷浮。洞鏡宛貳，嶽鄙顏仇。呂正燕驛，儻札遞侯。勲寂恕願，京僅蕭侔。輪豫關璞，晉晝辯周。固遁靈嶷，互琤淙留。卦評杜盤，華逗燕彪。元直和敕，禧魯真收。

南方八天

程計鄒強，挹需闕牙。紂閤師祥，淵仍邈霞。冀類屏場，密圖景羅。湫減殊亡，力扁盟柄。朱環柳檣，玄鍊可韓。魁漠救堂，幼諦炎墮。良便嬰鄉，美林斗樞。回混巖康，儔奕綿羅。

西方八天

神途霄儀，著冥究麗。碧高慶和，

雞堵曰達。莊池翊漿，憂智完休。廊定符司，馘艷秤微。僊輦光谷，罔穴鋒錐。席衍黃琥，緣索凝頤。昊罔太煥，天庚聿拯。采錙伏袄，晶熒哀遼。

北方八天

童總靈邃，刃截冥爽。衄清茶九，道注生軼。璨華曜黨，頗淙慈精。良納胃藏，通羽聯鴻。剛婦瑤瑁，治巫允塞。魂箕井昂，泉獨興利。寶迪澤昉，玉誕赤瑛。梵輳滄幾，意透飛驛。

魁魍魎魍魎魍魎攝。

唐夏轄囚，珠絡入度。月妃東暄，

七殺黑鬻。

內一十六字七星隱文符書如左

處求願問文龍參為軍起堯然并  
原莫於皇致甘致句於魯行於木

道言：此北極紫微七星大梵隱

語，諸天大將五斗大魔無量音。舊文始生於北斗玉闕，及三台垣門之上。推正七星軌度，統制鬼神，斬邪除袄，北君之祕文。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功

勤，上奏諸天，萬神朝禮，地祇侍門，大勳魔王，保舉上真，道備尅得，遊行三界，昇入金門。此音無所不辟，無所不攘，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，羣袄束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙，天無氛穢，地無袄塵，冥慧洞清，大量玄玄也。

靈寶无量度人上品妙經卷之三十七

# 靈寶无量度人上品妙經卷之三十八

## 神符除難品

道言：昔於赤靈丹天耀華明輝八威神闕，受元始度人神符除難祕奧妙品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。宸霞映虛，翠轂瓊軒，華芝寶蓋，明彩纏輝，萬光精燦，圓景合鮮。五日五夜，諸天妙氣，交文煥落，龍光鳳徊，鬱藹自然，一時成章，靈風爽徹，星宿停輪，萬景廓奕，氛穢消澄，一國地土山川林木，七寶凝華，緬平均等，無復高下，土皆作瑞雲浮鬱離羅之色。衆真侍座，元始天尊玄坐空浮八靈九變神圖玉局之上。說經一遍，諸天大聖同時稱善，是時萬界廓清，靈風散煙，天發玄瑞，地發祥應，慶會咸臻，普及含生。說經二遍，魔癘滅形，丹刻麗空。

說經三遍，灾疾消除。說經四遍，自然靈章，映現八虛。說經五遍，人民達悟，符章之因。說經六遍，敬奉靈文，皆獲道真。說經七遍，寶章玉書，開度無窮。說經八遍，三光妙氣，灌絡形神。說經九遍，苦魂受化，鍊度朱陵。說經十遍。國祚安鎮，永保升平，是一國是男是女，莫不傾心，皆受護度，咸得長生。

道言：是時元始天尊說經一遍，東方無極度符神王，至真大神，無鞅之衆，浮空而至。說經二遍，南方無極度符神王，至真大神。無鞅之衆，浮空而至。說經三遍，西方無極度符神王，至真大神，無鞅之衆，浮空而至。說經四遍，北方無極度符神王，至真大神，無鞅之衆，浮空而至。說經五遍，東北無極度符神王，至真大神，無鞅之衆，浮空而至。說經六遍，東南無極度符神王，至真大神，無鞅之衆，浮空而至。說經七遍，西南無極度符神王，至真大神，無鞅之衆，浮空而至。說經八遍，西北無極度符神王，至真大神，無鞅之

衆，浮空而至。說經九遍，上方無極度符神王，至真大神，無鞅之衆，浮空而至。說經十遍，下方無極度符神王，至真大神，無鞅之衆，浮空而至。十遍周竟，十方無極主領神符度符神王，天真大神，一時同至，一國男女，傾心歸仰。來者有如雨霧交集，無鞅之衆，繁積一國，地土皆震，非可禁止。於是元始於其座中，凝顧玄空，運大神力，口吐靈文雲篆龍章，流金散耀，八角垂芒，遍於空際，離合變化，現一寶壇，去地九丈，下捧華雲。元始登引，天真大神，上聖高尊，妙行真人，十方無極天宮度符神王，至真大神，直符將吏，無鞅數衆，俱登所現寶壇之上。天人仰看，惟見冉冉從壇四面而升，既登寶壇，無不容載。國人廓散，地還平正，復得安靜。元始即於寶壇之上，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，皆得濟度，全其本年，除難免傷，傾土歸仰，普證善緣。無憂無惱，無疾無殃，無驚

無恐，無厄無患，無試無魔，言惟道旨，心惟道真，齊同和樂，異骨成親，國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是五老上帝火鍊光精豁落空玄變化之根，三元妙氣神祕內名，隱韻之音。亦是三天內諱，百靈之隱名也，非世之常辭。上聖已成真人，通妙達玄，能悉其章，誦之十過，魔王敬仰，邪怪滅精，氛穢蕩淨，道氣合神，二耀流景，五華受明，灾癘消散，却死回生。至學之士，誦之十過，則帝真鑒祐，高宸降軒，密授玄言，寶籙玉文，總治鬼魔，却伏禍姦。所以然者，靈音會於眇清，至理合於元根，妙精感激，召氣致真，洞化莫窮，無所不神。輕誦此章，身則被殃。供養尊禮，門戶興隆。世世昌熾，神符除難，萬灾不干，神明護門。斯經尊妙，獨步玉京，度人無量，為萬道之宗。巍巍大範，德難可勝。

道言：凡誦是經十過，諸天齊到，三萬六千神符妙氣，八萬四千赤文之

精，灌注其身。身受鍊養，結化僊真，格皆九年，玉籙定生，削除死名，億曾滯魄，冤繫幽沈，皆受濟度，各獲逍遙，遷變生形，性識洞悟，敬奉微言，玄功備著，昇於九宮，超凌太霞，逸轡紫清也。上學之士，修誦是經，九天真文，皆集其真，結絡靈綱，入其身中，纏羅五臟，養育華精，延度壽考，長生飛僊。世人受誦，則招集神吏，符章從官，三光真宰，五氣天君，威靈衛護，萬禍不干，身鍾道氣，死不滅真，徑上南宮，返化常存。此經微妙，普度無窮，一切天人，莫不受慶，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，直符玉童玉女，各二十四人，營衛神文。保護受經者身。

道言：正月長齋，誦詠是經，感致上元東極宮中長生玉真高上帝皇，敷降九氣玄生之符，保度一身，九祖沈魂，皆獲超脫，與道合并。七月長齋，誦詠是經，感致中元西靈太皓宮中寶華上妙至極高尊，宣通七氣金光玉符，

斷除業累，却伏魔精，罪結散釋，永保清貞，金真鍊華，瓊英內生，玉體堅彊，長生萬年。十月長齋，誦詠是經，感致下元北真紫皇玄上宮中玉宸大道無上元皇，垂華散靈，惠布五氣天玄太符，蕩除姦穢，掃滅祲凶，固衛家國，敷佑庶民，帝主壽康，福祿綿綿，德被萬方，常保太平。八節之日，誦詠是經，感致八景赤精丹華玉文八威神策靈光妙氣，下降身中，灌澤九宮，三田受真，百病蠲除，萬害塞源，群魔憚伏，脫離禍難，青書奏功，紫籙紀僊，玄功偉著，昇景上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有六甲直符，九官掾吏，度符神王，直符將吏，羅列左右，日月照明，洞煥室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言



玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，神符除難妙首玉文，變化無量，十迴度人。天真隱韻，離合自然。妙虛八靄，大混之初。靈光結體，朗煥玉都。分化三景，稟粹七元。纏綿至用，總括真神。標著符章，統御羣靈。因符而立，因符而行，因符而度，因符而生。符命所告，莫敢不從。禍離所臨，消却無前，是爲神寶。元始玉文，赤書內籙。八會垂芒，威章豁落。北帝隱銘，天皇鳳璽。玄律女青，攝邪大檄，都匠合明，非尸斷滅。山怪摧姦，紫庭祕奧。羅布魁剛，屠割鬼爽。伏魔洞淵，黃籙白簡，超鍊苦魂，範圍太妙。宰制玄虛，存亡受度，普被無窮。中有明光合變之神，中

有除灾散禍之君，中有消魔破害大神，中有九光三氣丈人，中有掌符定籙三光五帝，威伐尊神，迴生起死，無量度人。今日校錄，諸天臨軒。

東方無極飛天神符除難神王，長生大聖，無量度人。

南方無極飛天神符除難神王，長生大聖，無量度人。

西方無極飛天神符除難神王，長生大聖，無量度人。

北方無極飛天神符除難神王，長生大聖，無量度人。

東北無極飛天神符除難神王，長生大聖，無量度人。

東南無極飛天神符除難神王，長生大聖，無量度人。

西南無極飛天神符除難神王，長生大聖，無量度人。

西北無極飛天神符除難神王，長生大聖，無量度人。

上方無極飛天神符除難神王，長生大聖，無量度人。

下方無極飛天神符除難神王，長生大

聖，無量度人。

十方至真飛天神符除難神王，長生度世無量大神。並乘景霞綠輿，羽明流輶，宸燿飛蓋，玉精寶輪，驂駕麟鳳，丹簫歌逸響，後吹鸞鳳同鳴，獅子白鶴，音韻嗻嗻，四將啓途，玉帝翼轅，億千萬乘，泛皓凌煙，騰輝驚電，御化開玄，明宸帝氣，太微玉宮，神綱主宰，天靈上卿，秉符執籙，總會高清。考校天地萬類之情，隨品救護，三洞敷陣。告下十方五嶽神君，南丹北幽，河海冥原，帝命所至，風火驛傳。禁察祿凶，削除罪姦，至於長夜，罪繫沈魂，並令解釋，氛穢咸蠲，惡魔毒害，孰敢當前。生根寧極，壽保長延，神霄紀善，青華宥愆。寶章流演，應會百靈，皆受道德，陽光鍊真。永度三塗，五苦八難，超升三界，遊觀上清。上清之天，天帝燿靈，冥無之境梵行。

### 東方八天

清祕元漠天，帝竺羅啓英。  
遼正愬明天，帝元邵齊靈。

定凝至惊天，帝府蔚徐名。  
精務索离天，帝明余梵平。  
九墟梵度天，帝覺猶光庭。  
朱期符旨天，帝祕宛須。

南方八天

敕校峰闕天，帝呪威越淵。  
鬼符昭印天，帝董道仲兵。  
岳驅杳魂天，帝塵沙王。  
宿耶慶句天，帝蒲妙光。  
圖都叟裕天，帝子侯真生。  
玄利虎延天，帝魔定張。  
明斗玉符天，帝除海勃陀。  
混元太始天，帝素來彥真。  
曜京誅魔天，帝神祐元貞。  
玄城數極天，帝鹿那容。

西方八天

符离金利天，帝弱甫耀昆。  
戚奚鋪極天，帝華渚淵靈。  
延那丘靖天，帝玉閑願寧。  
太紫限常天，帝鄒父近營。  
歐盟俱于天，帝密夫冕京。  
資力勝玄天，帝屈唐稽和。  
道捨崇和天，帝慈勝時遊。

孤正驚臚天，帝卷用勤登。

北方八天

赤宜洪陟天，帝虐龍爲。  
牛微元舉天，帝玄師冥回。  
童枚孔乾天，帝變希常玄。  
卓落辨蔽天，帝統監鬼師。  
混常化空天，帝河當灰迷。  
眇伎明儒天，帝喬思洞機。  
那羅冲奧天，帝滅都好微。  
政奚居浩天，帝邈無九期。

三十二天，三十二帝。諸天隱諱，

詣天隱名。天中空洞，自然靈章，諸天  
隱韻，天中之音。天中之尊，天中之  
神，天中玄符，天中之靈。五符八策，  
變化上清。無量之奧，深不可詳。敷  
落神文，普度天人。今日欣慶受符，歷  
關諸天，請滅八難，斬絕邪根，飛步空  
常，名列太玄，魔王監舉，無拘天門。  
東斗青簡，西斗素文，北斗玄綱，南斗  
火鈴，中斗神符，總監天兵。青帝運  
仁，白帝摧兵，赤帝破暗，黑帝驅精，黃  
帝布命，統制萬神。青符神王，揮英左  
翊。赤符神王，炎功破釋。白符神王，

虎牙大嚇。黑符神王，橫吞跨驛。黃  
符神王，雄剛會極。三符大神，萬魔之  
尊。揚旌揮戟，兵騎合驅。遊行天界，  
檢察災虞。奉命上帝，宣布真符。隨  
感應念，善士相須。與道齊契，靈光衛  
驅。獲天神獸，鐵額長顙，噴煙吐火，  
啗食祿魔。直符將吏，旋雷風行。執  
法功曹，威忿列陳。作難之鬼，幻惑神  
魂，俱令捕錄，束送溟泠。千禍沈消，  
福慶皆臻。三元九宮，關奏玄清。赤  
章青簡，丹書紫文。玉網結斗，妙用齊  
並。該集冲氣，永固道根。

空洞玄景，赤明之初，飛宸煥邈，

靈光耀敷。三元五德，至理冥无，凝華  
結氣，著象自然。杳靄之中，現出靈  
文，翩翩濯羅，赫奕萬天。流金玉霞，  
曲折回旋。混成八朗，靈芒四騫。維  
持造化，神明之元。統運陰陽，四序之  
行。攝制萬魔，威伏鬼精。統御上極，  
虛皇高尊。開度至化，流演微言，彌綸  
億劫，玄治司權。天真真人，洞達元  
根，承命制篇，解釋形模。連貫成章，  
紀錄幽樞，散布三境，藏於五城。隨劫

顯受，拯護生津。小大定格，參品分名。龍章鳳書。纏綿長存。保僊度真，安鎮靈關。妖害不起，蕩穢合靈。


敷落妙精，育養人身。一身受鍊，上契清玄。玄中有神，三景真君。五靈玄老，太一尊神。紫微北帝，明威吏官，執節奉符，保命長延。逸轡紫霄，升雲駕龍。朝拱玉軒，接待陽寥。超度三灾，永脫八難。七祖齊僊，永離幽泉。逍遙朱陵，華陽洞臺。玄恩普被，無所不周。浩浩法橋，陶育萬生。訓悟之科，禁戒因緣。善道既臻，克獲推遷。玉符開度，神真散煙。定簡青華，關告諸天。諸天之上，各有真符。中有三天靈音，謠歌空洞之章，上聖靈篇，辭參高真。

### 第一太一洞玄飛符之音

赤明開大運，妙應顯元皇。冥冥空洞中，靈文煥萬方。輝燦耀神綱，八角垂光芒。纏羅元梵精，隱靄藏神綱。結書散萬篇，感化無不藏。敷落緯至用，隨氣騰威光。符命所降傳，風火馳驛龍。蕩滅妖魔迹，稟粹神明宗。永

却八難厄，與道同玄功。福慶契自然，儼輪飛太空。


第一元始神符泰清大赤天隱諱  
已下三符，並丹砂書白箔，遇厄難百試，佩服貼，並同用。



### 第二太一洞玄度符之章

八會三元氣，宸華煒萬篇。虛微該妙蹟，太一秉玄權。元始垂金科，玉律按格言。隨功佩帝真，衆害咸滅蠲。神霄察善錄，定簡青華編。摧遏羣魔鋒，試敗不得行。黃老保命基，桃孩固百神。哀此紅塵子，天喪迷玄津。惟我高宸師，與世爲梯衡。運度無窮極，三天散玉文。萬劫保至道，億兆無沈淪。


### 第二元始神符上清禹餘天隱諱



### 第三太一洞玄化符之歌

玉綱凝太眇，靈輝散景敷。煥落高上文，纏羅結八區。紫極洞之體，皇人按筆書。衆道分氣化，千篇保萬殊。神虎制大魔，金光却百邪。總命清微館，天職奉玄圖。法治垂真範，大格法幽樞。混變齊一德，咸歸無上居。寥寥隱韻歌，奕奕昭皇虛。嘯詠契靈會，我道長相扶。輕飛駕綠駟，旋轡登雲衢。

### 第三元始神符玉清清微天隱諱



此三天之上，飛空之中，玄變神符，自然成文。太一真符，三洞真君，神符歌音，音參洞章。誦之百遍，名度南宮。誦之千遍，魔王保迎。萬遍道備，飛昇太空，過度三界，位登僊公。有聞靈音，魔試逃形，敕制地祇，侍衛送迎，過度世殃，解除厄患，治官刀兵，五苦八難，七祖昇遷，永離鬼官。神符度屍，魄鍊更生。乘道威神，受化自

然。神符護生，上聞諸天。有祕上天文，諸天共所崇。泄慢墮地獄，禍及七祖翁。

道言：此洞章並是諸天上帝，及度符神王直符真君隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於三天三洞寶宮，依玄科四萬劫一傳。若有至人齋金寶質心，依舊格告盟十天，然後而付焉。

道言：夫天地厄運，亦有刑會。日月五星，亦有照臨，為厄為殃。至聖神人，亦有休否。末學之夫，亦有厄難。凡有此灾，同氣皆當齊心修齋，六時行香，受符轉經，福德立降，消諸不祥。無量之文，普度無窮。

道言：夫末學道淺，或僊品未充，運應滅度，身經太陰，臨過之時，同學至人，為其行香，受符佩卧，或安衣褥中，誦經十過，以度屍形如法。魂神徑上南宮，隨其學功，計日而得更生。轉輪不滅，使得神僊。

道言：三元厄運，灾難競生，亦當

修齋行香，受符誦經。星宿臨命，遭難橫逆，亦當修齋行香，受符誦經。賊難兵難，水火河井，摧石刀繩，疫癘冤害，夫婦刑破，男女夭傷，師友連注，一切諸難，皆當修齋行香，受符誦經。夫受符誦經，功德甚重，三天神符，隨師所用，悉致大驗。上消天灾，保鎮帝王。下攘禍難，以度兆民。生死受符，其福難勝。故曰無量，普度天人。

道言：凡有是經，能為君臣父子兆民，行是功德。有灾之日，發心修齋，燒香受符，誦經十過。皆諸天記名，萬神侍衛，受符至人，尅得為聖君金闕之臣。諸天記人功過，毫分無失。天中真僊度符神王，亦保舉爾身，得道者乃當洞明至言也。

### 諸天中大梵神符隱語無量音

道君撰

#### 元始神符玉篇

東方八天

紫宸洞京，太啟靈音。緬羅極梵，

太覺泊曇。玉那何逮，丹綱惠矜。華常健無，僊補爰臻。然眇梵羅，都美奚雲。領陶宛遂，素已正門。妙神越虛，責部靈玄。超度僊度，天蹟逾員。

南方八天

符名顯驅，金英玉詵。昭敕制魔，月儀祖前。文尼逮臺，花明郁千。都山由房，招卑帝遭。瓊除絳齒，沆浮青騫。安進日實，藥池四輪。竟育空遙，珍極魔容。太盡僊離，浩冥思宮。

西方八天

龜亭浦中，燕希奇通。莽崎充列，虹景逸堂。宋樹沈曦，盧東嶽嶠。梵寂空歌，卦奧靈都。子景覓瞿，步亨峙由。符止冤律，霞芒焰首。柏苔星蘇，梵津演神。韻慶牛張，微陳篤僊。

北方八天

關敖秀名，丹精播乾。化樂自幾，升斗乘玄。注書隸兌，無真妙雲。迪門求叔，碧圓用天。湛餌輝庸，道孚弭鮮。澤婁蘭龍，女布師珍。崛空敕嘉，瓊滋辨真。狄陶微胡，長規孳人。

道言：此諸神符布化之天，所現

赤書大梵隱語，無量之昔。舊文流演  
天門樓觀館軒之上，天真皇人紫筆錄  
之，字方一丈，八角垂芒，曲麗迢妙，施  
於十方上下，以爲神靈寶符之文也。  
有知其音，能齋而誦之，或以丹書一天  
八字爲符，用之大驗。諸天皆遣度符  
神王，直符真君，太一使者，下觀其身，  
書其功勤，上奏諸天，萬神朝禮，地祇  
侍門，大勳三界，保舉上真，道備尅得，  
遊行神景，昇入帝關。此音無所不辟。  
無所不禳，無所不度，無所不成，天真  
自然之音也。故誦之致飛天下觀，上  
帝遙唱，萬神聽命，三元侍軒，羣祿束  
首，鬼精自亡，空洞泛響，海嶽凝煙，天  
映碧彩，地秀丹連，淨朗宛默，萬氣回  
旋，靈文廓奕，招集羣仙，上無氛穢，下  
無祿塵，冥慧洞清，大量玄玄也。

靈寶无量度人上品妙經卷之三十八

靈寶无量度人上品妙經卷  
之三十九

南宮延生品

道言：昔於丹靈天中，絳彩飄歌  
朱陵昌土，受元始度人南宮延生無量  
上品。元始天尊當說是經，周迴十過，  
以召十方，始當詣座。天真大神，上聖  
高尊，妙行真人，南昌上宮天機內省，  
延生保僊上真道君，南宮延生天機上  
相真宰，天機上吏真宰，天機真僊真  
宰，天機直神真宰，丹元僊官，三元僊  
官，天機都吏，甲騎神吏，無鞅數衆，乘  
空而來，彤霞神霄，寶輿丹輪，鳳蓋垂  
蔭，流明紫光，九色蓊蔚，洞煥太空。  
六日六夜，南昌上宮，星樞守躔，候鼓  
不鳴，龍嶽水刻，玉滴停注，煙旗浮空，  
霧帷卷香，樞機二省，十官秉笏，嚴領  
局部，神風輕襲，虛海澄映，天容廓清，  
氣界昭曠，一國地土山川林木，緬平一  
等，無復高下，土成柔玉，紺膩純明，洞

徹圓羅，無有異色。衆真侍座，元始天  
尊玄坐空浮六龍戲珠交昇雲錦之座。  
說經一遍，諸天大聖同時稱善，是時南  
昌宮中，天機內省，注上兆庶延生保僊  
之名，萬億論計得仙之人，九萬餘條。  
說經二遍，南辰朱華，映滿碧虛，雲網  
縈回，瑰衡蚪屈。說經三遍，琳琅振  
韻，讚美洞章。說經四遍，南宮啓關，  
生育萬彙。說經五遍，天機流運，五德  
平昌。說經六遍，六星搖光，萬神協  
慶。說經七遍，僊筭無終，世壽遐遠。  
說經八遍，真魔降券，度兆延生。說經  
九遍，雨花盈尺，天香合雲。說經十  
遍，世無夭折，樂慕靈真，是時一國是  
男是女，莫不傾心，皆受護度，咸得長  
生。

道言：是時元始天尊說經一遍，  
東方無極無量品延生至真大神，無鞅  
之衆，浮空而至。說經二遍，南方無極  
無量品延生至真大神，無鞅之衆，浮空  
而至。說經三遍，西方無極無量品延  
生至真大神，無鞅之衆，浮空而至。說  
經四遍，北方無極無量延生至真大神，

無鞅之衆，浮空而至。說經五遍，東北無極無量品延生至真大神，無鞅之衆，浮空而至。說經六遍，東南無極無量品延生至真大神，無鞅之衆，浮空而至。說經七遍，西南無極無量品延生至真大神，無鞅之衆，浮空而至。說經八遍，西北無極無量品延生至真大神，無鞅之衆，浮空而至。說經九遍，上方無極無量品延生至真大神，無鞅之衆，浮空而至。說經十遍，下方無極無量品延生至真大神，無鞅之衆，浮空而至。十遍周竟，十方無極南宮延生天真大神，一時同至，一國男女，傾心歸仰，將聞元始天尊宣示南宮延生之法，成真之要。各相謂言，我等位證天人，住諸天中，未聞天司，名品居處，統治三元，生死罪福，功過所在，南宮延生。但知大略，南昌上宮，爲南極長生大帝君之總司，延生之所，復在何治，有何典宰主吏，三元之民，當何祈請，遂獲延生，將享無極。今日天尊敷陣綱括，開曉天人，我等宜各精心，歸依大法，修證前詣，再拜稽首。來者有如細霧

密雲，無鞅數衆，迨國一半土皆偏陷，非可禁止。一切大衆，圍繞座側，瞻佇靈顏。覬聞妙法。元始俯仰四顧，攬几迴天，儼紫金光容，發言宣告大衆曰：夫天地定位，君臣乃立。三天上帝，設官布政，分治三元。紫微太微，爲兩極之司，以主生死，世人罪福，僊真功過，紫微曹局，係於北斗。太微案掾，隸於南辰。紫微天官之司，則有太玄都省，以統三官。太微大君之司，則有天樞天機二省，以延注生命，校領羣靈。南斗第五星曰天樞，第六星曰天機，樞機二省爲上帝之內司，長生大帝正所御也。天有三省，以治三元，則樞機之司並屬於南昌上宮，即太微宮也。三省之內，金闕侍中上相上宰侍郎僊卿司命，以共治之。兆能長齋，奉詞天機省中，懇禮長生大帝，嚴備供養，勤誠不替。則有九天採察考校真官，按兆功過，上聞機省，則上相注筆，爲兆延生，壽無紀極，不必丹芝，可俟僊道。大衆欣躍，乞獲詳教，渴佇聖言。於是元始懸一寶珠，大如黍米，在空玄之

中，去地五丈。元始登引，天真大神，上聖高尊，妙行真人，天機內省上相真宰，靈官直符，甲卒統騎，南宮延生無量大神，十方無極至真尊神，無鞅數衆，俱入寶珠之中。天人仰看，惟見拂拂從珠口中入，既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有中傷，傾土歸仰，咸得延生。不殺不害，不嫉不妬，不淫不盜，不貪不欲，不憎不妬。言無華綺，口無惡聲，十二善行，專則延生，南宮自聞。天機列言，七世命僊，齊同慈愛，異骨成親，國安民豐，欣樂太平，經始出教，一國以道。預有至心，宗奉禮敬，各得度世。

道言：元始天尊說經中所言，並是上帝南宮延生內名，隱韻之音。亦是天機省中上相內諱，百靈之隱名也。齋戒誦之，直符詣天機省，乞延生之

錄，太上度南宮之契，兆得延生，永世長存。非世之常辭，上聖已成真人，通玄究微，能悉其章，誦之十過，諸天遙唱，萬帝設禮，南宮延生，天機紀齡，雙景照頂，泥丸返精，羣魔束形，鬼癘滅爽，回屍起死，白骨成人。至學之士，誦之十過，則大君流遷，三省言功，魔精喪眼，鬼祆滅爽，濟度垂死，絕而得生。所以爾者，學士穢氣未消，體未洞真，召制百神，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆。世世昌熾，與善因緣，萬灾不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，南昌宮中，天機省宰，上相真君，請長生大帝玉篆龍文，九雲之書，雲章寶錄，統僊驅吏八鸞真符。告下酆山泉曲之府，使億曾萬祖，幽魂苦爽，皆即受度，上升朱宮，格皆九年，受化更生，得爲貴人。而好學至經，功滿德就，皆

得神仙，飛昇金闕，遊宴玉京也。上學之士，修誦是經，南極丹元，左靈仙府，真官直符神吏，爲兆延生，皆即受度，飛昇南宮。世人受誦，則九元八極，四斗三真，十二仙官，教兆隱遷，延生長年，後皆得作尸解之道，魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役治官。侍經南宮，玉童玉女，各二十四人，營衛神文，保護受經者身。

道言：正月長齋，誦詠是經，南宮延生長生大帝，敕太玄九仙君，太虛無上君，太上九老仙都君，爲兆開心，通幽洞冥，爲上世亡魂，斷地逮役，度上南宮。七月長齋，誦詠是經，南宮延生天機上相，告太虛紫元洞陽元君，太素仙元君，太上秀樂君，爲兆辟妄，長獲至真，身得神仙，南宮書名，黃籙白簡，削死上生。十月長齋，誦詠是經，南宮延生金闕侍郎，請玉華洞靈君，玉華紫

靈君，元丹中皇君，爲兆護身，忠事至尊，孝及一門，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，南宮延生玉清三皇太帝，華陽仙君，紫靈仙君，洞陽仙君，開兆八關，得見真仙，得爲九宮真人。本命之日，誦詠是經，南宮延生長生大帝，敕太極仙君，清靈仙君，九光仙君，十華仙君，延兆生籍，赦罪超神，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐紫赤絳三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，南宮天機，相宰神官，俱降兆前，日月照明，洞煥室內，項生圓相，光映十方，如此分明。密呪曰：無上玄元，太上道君。召出臣身中三

五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，南宮延生上品，天機度人。太微隱韻，離合自然。混洞赤精，无无上真。化爲南極，六司高宸。天樞統兵，總御三元。天機內省，天政所干，統攝南宮，主校延生。元始祖劫，化生諸天。開明兩極，水火天根。上無復祖，惟道爲身。九龍雲書，八鸞真文，攝氣命仙，召靈招真。十極飛報，玉章瓊文。三省開廓，普植神靈。太玄都糾，樞機輔丞，持印執法，八天鳳文。無文不光，無文不明，無文不立，無文不成，無文不度，無文不生，是謂大梵，天中之天。鬱羅蕭臺，玉山上京。上極無上，大羅玉清。

眇眇劫刃，若亡若存。三華離便，南昌妙庭。金闕玉房，森羅淨靈。神霄梵氣，周迴十方。中有南宮延生之神，中有南極長生大帝君，中有神府青華帝君，中有天機上相上吏真神真宰真君，中有延生司馬大神，中有好生主錄韓司丈人真君，中有南上司命司錄延壽益筭度厄尊神。迴骸起死，無量度人。今日校錄，諸天臨軒。

東方無極延生注善神王，長生大聖，無量度人。  
南方無極延生考察神王，長生大聖，無量度人。  
西方無極延生賞功神王，長生大聖，無量度人。  
北方無極延生校錄神王，長生大聖，無量度人。  
東北無極延生定品神王，長生大聖，無量度人。  
東南無極延生紀壽神王，長生大聖，無量度人。  
西南無極延生上奏神王，長生大聖，無量度人。

西北無極延生僊誥神王，長生大聖，無量度人。  
上方無極延生帝司神王，長生大聖，無量度人。  
下方無極延生巡省神王，長生大聖，無量度人。  
十方至真南宮延生神王，長生大聖，無量大神。並乘紫雲琅輿朱輦，華蓋碧輪，驂駕丹鳳，五色青龍，建火鈴制魔之節，六甲召真靈幡，前嘯九部齊唱，後吹八樂同鳴，飛空遊僊，嘯歌囉囉，五帥啓塗，四靈翼轅，憶乘萬騎，浮空而來，傾光迴駕，臨真延生。天機丞相，南昌上宮，韓司主宰，延生大神，執籙把籍，齊到帝前，隨所應度，嚴校諸天。兆能投誠，奏告南宮，標紀生命，月日時年，奏章通詞，洞館隱天，詣南昌上宮，天機內省。金闕侍郎，南上司命，靈虛真僊，注筆丹籍，延生續年。已枯復榮，已殘復完，已滅復起，已朽復堅。天機上生，錫兆長生。普告三界，無極神鄉，泉曲之府，北都羅酆，三官九府，十二河源。上解祖考，億劫種



親，疾除罪簿，落滅惡根，不得拘留，逼合鬼羣。南宮符命，時刻昇遷。北都寒池，部衛形魂。制魔保舉，度品南宮。死魂受鍊，仙化成人。生身受度。劫劫長存。隨劫輪轉，與天齊年。永度三塗，五苦八難，超凌三界，逍遙上清。上清之天，天帝洞機，無色之境梵行。

#### 東方八天

玉曆司仁天，帝慈持宗元。  
化植蒼靈天，帝廣繁儀王。  
道華秀功天，帝純平子夸。  
寶宸妙生天，帝冲玄定僊。  
太玄靜真天，帝慈持宗元，  
邁僊滌想天，帝廣繁儀王。  
崑龍布和天，帝純平子夸，  
清丘洞夷天，帝冲玄定僊。

#### 南方八天

正紀黃元天，帝覺浮丹明。  
朱房簡真天，帝絕洞九方。  
曲化耀威天，帝恬昭延生。  
炎正宗成天，帝殿公維良。  
皇極變成天，帝放鐸卒馳。

丹明感僊天，帝鍊歸牧玄。  
飛龍晨燭天，帝育垠祕懷。  
神闕絳玉天，帝浮棠嘉萌。

#### 西方八天

七靈素明天，帝虎襄威。  
機輪皓都天，帝勝元衍光。  
靜生太无天，帝自真定開。  
清明回光天，帝監印主收。  
敢司正刑天，帝制懲檢冥。  
道嚴戒城天，帝曜道离昌。  
玉龍昇汭天，帝昇奇纂神。  
盈虛總靈天，帝對神把真。

#### 北方八天

朝極靜順天，帝烈華至彬。  
履剛召靈天，帝常祐柯童。  
玄真海遙天，帝伯赤飄光。  
玄洞五雲天，帝曷迴樞純。  
金呈禁理天，帝保撫慶明。  
玄靈斗宮天，帝契超燕宗。  
萬福帝皇天，帝善持揭藍。  
玉雲鬣龍天，帝母精羅源。  
三十二天，三十二帝。南宮隱諱，  
南宮隱名。天中空洞，自然靈章。太

微隱韻，太微之音。太微之尊，南昌之神。天機真宰，南宮之靈。九府十曹，飛報上清。無量之奧，深不可詳。敷落神真，普度天人。今日欣慶受度，延生永固，歷關諸天，請滅衆惡，斬絕地根，超度五苦，名列大玄。東斗主筭，西斗記名，北斗落死，南斗上生，中斗大魁，總監衆靈。青帝護魂，白帝侍魄，赤帝養氣，黑帝通血，黃帝中主，萬神無越。青錄真官，吉多真伯。赤錄真官，擘山擎石。白錄真官，黃越赤靈。黑錄真官，銜雷鐵腹。黃錄真官，天道神力。五錄真官，萬神之宗。飛行鼓從，總領僊兵。麾幢鼓節，遊觀南宮。威聲赫奕，帝省言功。南昌續生，嚴攝北酆。神府受命，普掃不祥。神龍吐毒，天馬四張。金精前驅，飛神仗旛。擲火萬里，流鈴八衝。敢有干試，拒遏上真。金鉞前戮，流火後刑。屠割鬼爽，炎颯無停。千千截首，萬萬剪形。魔無干犯，鬼無祆精。三宮北酆，明檢鬼營。不得容隱，金馬驛程。普告無窮。萬神咸聽。三界五帝，列言

上清。

大洞啓曆，道合自然，恍惚結氣，界域斯張。君父臣民，列職分庠。凝玉爲京，初易龍康。帝出而治，左右紀綱。三宮肇基，三省關張。三府總司，按牘維防。眇眇億劫，混沌之中。上空無色，下空無淵。風鼓澤涸，水堅爲山。空生元土，金剛乘天。天有萬官，命世經天。天上天下，無幽無冥，無形無影，無極無窮。自然神化，變造形容，溟滓大梵，與道合同。民有耳目，不知視聽，潛默漠昧，遼廓無光。赤明開圖，運度乃宣，元始安鎮，敷落五篇。赤書玉字，八威龍文，保制劫運，三界長存。符變僊真，官司臣鄰，氣復成符，象與空淪。梵氣彌羅，萬範開張，元綱星舍，隨氣流演。三十二天，輪轉無色，周迴十方，蔭蓋乘車。階登紫房，太玄都司。大魁植彊，旋樞歷機。據斗建綱，掖帶二省，統號南昌，順行六儀，回度五常，三十五分，總氣上元。八景冥合，氣入玄玄，上帝樞機，天之喉舌。下應體躬。心目爲玄。玄中太

皇，南宮延生。上帝高真，泛景太霞。嘯詠洞章，金真明郁。流響泥丸，雲營在中。白珠連連，玉音攝氣。耳聽鍾絃，靈風自徊。百神聚煙，紫虛鬱秀。輔翼萬僊，千和萬合，自然成真，真中有神。長生大君，青華左公，玉妃右神，南上道王，執玉垂紳，太一在前，司命在後，桃康合延，吐英喻秀，執符把籙，保命生根。閱籍南宮，請筭北元。上遊上清，出入華房，八冥之內，細微之中。下鎮人身，樞爲腦空，不動者空，絳宮爲機。索幽見微，中理五氣，混合百神，十轉迴精。萬氣齊僊，南宮延生。無量度人，機開八門，飛天法輪，罪福禁戒，宿命因緣，普受開度。死魂生身，身得受生，上聞諸天。諸天之上，各有生門。中有空洞謠歌之章，真聖靈篇，辭參高真。

第一南宮延生天機上相飛空之音  
天機據摛，帝宮維南。欲延爾生，無引機轅。機軸不動，道大勿用。機轅相馳，不病則屍。天機乘物，召則應之。善惡功過，率關帝司。機靜神動，

僊飛南宮。謹機祕真，卓爲靈人。運機以天，道法自然。運機以心，喪精失身。心目爲機，象以四時。我握其寶，上帝所知。

第二南宮延生天樞上相之章  
六星在南，上通朱陵。炎炎丹霄，絳闕彤庭。環樞者空，空體無形。無形不動，孰使其靈。靈無使從，惟帝是膺。天政以常，勿伐勿矜。有相若助，徒爲主名。靜而無爲，道以公平。象彼泥丸，中居至神。混與空合，百骸自生。大樞任成，無得無名。我駕飛颿，下觀億程。

第三南宮延生長生大帝歌曰  
電輪舞空，命駕神宮。雲旗燿燿，紫雲光襲。下有萬僊，龍翼我轅。紫霞爲蓋，天衣河帶。樂携高上，席宴華童。南昌列言，道濟真功。注善延生，勳靄僊宗。人無私機，正意爲師。情念鋒起，招魔致鬼。僊聖殊超然，豈獨長生已。浮身八景間，俯眄青圓羅。丹林覆諸天，玉音揚洞歌。憫此塵中人，一瞬隨流波。燒香捧靈篇，真人自

來過。

此三界之上，飛空之中，真王歌音，音參洞章。誦之百遍，名度南宮。誦之千遍，真僊保迎。萬遍道備，飛昇太空，過度三界，位登僊公。有聞靈音，真王敬形，敕制地祇，侍衛送迎，拔出地戶，五苦八難，七祖昇遷，永離幽關，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及南宮延生隱祕之音。統明樞機之司，為上帝喉舌心目之任，皆隸南昌上宮，為金闕之要地。兆能長齋封章，奏告謁詣真靈，上吏真宰，敷功列言，為其延年，身享天福，澤逮後昆。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都高上神霄玉清玉府，道合治世，應法以傳。若有至人齋金寶質心，依舊格告盟玉清，然後而付焉。

道言：夫天地運度否終，日月五星虧盈，至聖神人休否，末學之夫疾

傷。凡有此災，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或僊品未充，運應滅度，身經太陰，臨過之時，同學至人為其行香，誦經十過，以度屍形如法。天機上相，為開南靈延生續命之簡，注記善功，魂神徑上南宮，隨其學功，計日而得更生。輪轉不惑，使得神仙。

道言：夫天地運終，星宿錯度，日月失輝，四時失度，陰陽不調，國境歲災，疫毒流行，兆民死傷，師友命過，皆當修齋，行香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能為天地帝主兆民，行是功德。有災之日，發心修齋燒香，誦經十過。皆諸天記名，萬神侍衛，右別至人，剋得為聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書南宮延生祕篇

東方八天

婁胃握樞，裔延重波。綽摩慶將，陸徒凝帝。抱能興生，仗僊獨麗。銳伯麟元，綿洪騫熾。角飛兼羅，叻悅邁慧。越嘉童貽，雲鐸府位。梵方應落，彌迢緣遷。辟都登廂，丙寧盈牋。

南方八天

烏東寧駝，畢蒼充回。壯輔哀淵，星柯監摧。爵邏謹韜，闡時沂泉。耀芒赤奕，龜蹊宜陳。聚掌滅魅，寂盧歷聽。號炎都利，軫冲格真。漸旻蘇康，嶽靈衝渦。正並挾宥，棘囉達辰。

西方八天

灑景太華，肩韓附瑾。變清流滅，萌梁順忻。曜燄剛式，璞持妙成。梵度元品，恢漠連濱。常融殊丘，敵乾峨屏。混化開兌，偃池顛因。樞關嶠都，避爻魚圍。質傍樊儲，遍蕩掖奔。

北方八天

玄漢巨漢，騰輪映陽。龍堅華育，惠班至莊。答落正位，照艾虛危。錫河律多，稟察興和。瓚鼎幽仰，杞靈欽蓬。晦洞室育，俛墮熒敖。竺洛紀籍，燕坤呈魔。內殺醜祿，玉延終壁。

道言：此諸天中大梵隱語，無量之音。舊文刻書南宮鳳臺之上，召南極斗極真人，開兆玉曆，延生永世，拔度七祖，帝澤千重，身飛金房，書籍朱童，字皆廣長一丈。長生大君昔寶其文，以爲正音。有知其音，能齋而誦之者，諸天皆遣定真神王，下觀其身，書功勤其，上奏諸天，萬神朝禮，地祇侍門，大功真王，保舉南昌，道備剋得，遊行三界，昇入神霄。

此音無所不辟，無所不禳，無所不度，無所不成，天真自然之音也。故誦之致神王下觀，上帝遙唱，萬神朝禮，三界侍軒，羣祿束首，鬼精自亡。琳琅振響，十方肅清，河海靜默，山嶽吞煙，萬靈振伏，招集羣僊，天無氛穢，地無祿塵，冥慧洞清，大量玄玄也。

靈寶无量度人上品妙經卷之三十九

### 靈寶无量度人上品妙經卷之四十

#### 北都除殃品

道言：昔於紫元天中，流雲飄歌太玄光土，受元始度人北都除殃無量上品。元始天尊當說是經，周迴十過，以召十方，始當詣座。天真大神，上聖高尊，妙行真人，北都大帝，羅酆羣真，北方斗牛女虛危室壁七宿星君，北斗司命，北都司察，官曹掾吏，北都飛騎，立斗大神，北都黑甲，五氣魁吏，溟泠大神，北都九醜，捉殺五天元帥，除殃神王，無鞅數衆，乘空而來。蒼霞紫璆之輿，鑿壁山雲之輦，碧蓋垂蔭，玄精玉光，海色鬱凝，洞煥太空。七日七夜，諸天層輪止虛，辰緯停度，龍山息鼓，玉璣不行，神風靜籟，嶽雲散影，天德高清，坤維靜粹，一國地土山川林木，緬平一等，無復高下，土皆作碧玉，無有異色。衆真侍座，元始天尊玄坐

空浮六明純耀九宮混氣瓊山寶牀之上。說經一遍，諸天大聖同時稱善，是一國男女，以念道力，故豁然心開明悟。下世生民，先因積業，罪報不停，結孽羅酆，若非聞經，殃不可除。說經二遍，睹見元始，身有慧光，照徹十方，猶如朝日，北都三官，上下六洞，九幽無間，冤仇和釋，五苦停酸。說經三遍，法音清妙，普聞十方，證悟天人，具無漏相。說經四遍，凡類衆生，忘怨毒心，陰相謀害，變爲法侶。說經五遍，殃注之苦，三災之難，沉瘵屍疰，一時解脫，歡喜更生。說經六遍，種民真學，息鎮太无，正念通虛，神朝上境。說經七遍，國永太平，尊道貴生，無私無欲，民不矢傷。說經八遍，諸天稱慶，北都除殃，和順運誠，獲見真理。說經九遍，天流彩雲，地錄神芝。說經十遍，大帝遙臨，來證說法，天人讚歎，聲徹九清，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品北都除殃大神，無鞅

之衆，浮空而至。說經二遍，南方無極無量品北都除殃大神，無鞅之衆，浮空而至。說經三遍，西方無極無量品北都除殃大神，無鞅之衆，浮空而至。說經四遍，北方無極無量品北都除殃大神，無鞅之衆，浮空而至。說經五遍，東北無極無量品北都除殃大神，無鞅之衆，浮空而至。說經六遍，東南無極無量品北都除殃大神，無鞅之衆，浮空而至。說經七遍，西南無極無量品北都除殃大神，無鞅之衆，浮空而至。說經八遍，西北無極無量品北都除殃大神，無鞅之衆，浮空而至。說經九遍，上方無極無量品北都除殃大神，無鞅之衆，浮空而至。說經十遍，下方無極無量品北都除殃大神，無鞅之衆，浮空而至。十遍周竟，十方無極除殃大神，一時同至，一國男女，傾心歸仰，同悟無爲，方知一心，造此多業。愚民無知，動干罪殃。失忠孝之行，懷陰賊之謀，貪冒狠愎，淫殺敗真，妬害賢良，犯禁玄科，魂歸北都，身謝三官，受苦億劫，無有休停。乃至得生，灾病纏留，萬無

一善，不知罪積，致此受殃。若不誦詠真文，祈告北都，醮謝七宿，則殃不可除。願聽元始明顯北都除殃之法，來者有如細雨密霧，無鞅之衆，迨國一半土皆偏陷，非可禁止。於是元始宣示十方天人曰：北都羅酆，中有大帝，六洞山城，十二小洞，三官九府，百二十曹，一十六獄，二十四獄，三十六獄，八十一獄，百二十獄。如是大獄北都寒池，遠在下方東北癸地，大海之內，有酆都羅山，名曰北都，天尊陰真鬼帝所理，故號酆都。酆爲城名，羅爲山名，都爲聚處。去此天境，下觀非遙，山高三十六萬里，山根入水三十六萬里，宮闕樓觀，貴擬諸天。其間考對罪魂，長夜不息，悲苦之聲，充震天地。此大山上，干於斗牛七宿，每宿之氣，下貫都城，此爲北斗陰神制轄。北都中有大帝，玄滋天君黑帝尊神，身長千尺，服玄龍之衣，圓冠方履，乘駕九龍無極之輿，丞相官屬，萬億鬼神。惟此鬼神，實與人等，並皆胎生，其身自然通靈變化。譬如龍蛇毒獸，並是胎卵所

生，變化大小，神化不測。北都鬼神，悉亦如之。無量之衆，還來人間，與人婚宦商販生業，一與人同。皆是大帝密遣，伺察生人。衆生不能制戒心性，肆造惡業，不忠不孝，不義不仁，一一疏記，奏上北都。北都神王以日計時，簡奏大帝。帝敕惟允，則使世人命爲不遂。遂會凶殃，一切橫夭，皆自所招。萬死萬生，不可解脫。我以哀憫，普爲救護，敕使北都除殃滅禍。且北都有諸大神，一切衆生投詞叩請，嚴醮築壇，敷露真文，誓天自悔，則殃禍立除，身壽安永。諸大神者，北都神王，北都鬼相，北都陰斗左司命主生，諱閣。陰斗右司命主死，諱闔。北都左司命，主生死罪錄，諱灌生。北都右司命，主一切殃罰，諱啓成。北都左司察，主考定功過，諱闔。北都右司非，主治獄典錄，諱關。已上諸大神，乃主行殃禍。特能除之，奏章墾禱，大殃積負，頓可除釋，汝其受之。大衆伏地，再拜稽首，謹當奉行。元始說經都竟，衆真監度，以授於我，當此之時，喜慶

難言。法事粗悉，諸天復位，倏歛之間，寂無遺響。是時天人遇值經法，普得濟度，全其本年，無有禍殃，傾土歸仰，咸行善心。不殺不害，不妖不妬，不淫不盜，不貪不欲，不憎不妬。言無華綺，口無惡聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是北都大帝內名，隱韻之音。亦是北王內諱，百神之隱名也，非世之常辭。上聖已成真人，通玄究微，能悉其章，誦之十過，諸天遙唱，萬帝設禮，陰爽代釋，殃苦消除，福感自然，祥應昭顯，羣魔束形，鬼精滅爽，迴屍起死，白骨成人。至學之士，誦之十過，則北真竦聞，陰官稽首，魔精喪眼，鬼殃截源，濟度垂死，絕而得生。所以爾者，學士穢氣未消，體未洞真，以制十方，威未制天政，德可伏御地祇，束縛魔靈，但除殃而已，不能更生。輕誦此章，身則被殃。供養尊禮，門戶興隆，世世昌熾，

與善因緣，萬災不干，神明護門。斯經尊妙，獨步玉京，度人無量，為萬道之宗。巍巍大範，德難可勝。

道言：凡誦是經十過，北君齊到，億曾萬祖，幽魂苦爽，殃注斷絕，皆即受度，上昇朱宮，格皆九年，受化更生，得為貴人。而好學至經，功滿德就，皆得神仙，飛昇金闕，遊宴玉京也。上學之士，修習是經，殃注解脫，皆即受度，飛昇南宮。世人受誦，斷絕凶穢，死戶閉塞，北都除殃，東華記名，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齎金寶效心，盟天而傳。輕泄漏慢，殃及九祖，長考北山。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，北都除殃，傳注速寧，為上世亡魂，斷地逮役，度上南宮。七月長齋，誦詠是經，北都除殃，七祖超昇，身得神仙，諸天

書名，黃籙白簡，削死上生。十月長齋，誦詠是經，北都除殃，壽益增昌，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，北都除殃，萬彙蒙恩，得為九宮真人。本命之日，誦詠是經，北都除殃，落兆死名，魂神澄正，萬炁長存，不經苦惱，身有光明，三界侍衛，北帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃玄三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，北都大神，森然對几，降臨兆前，日月照明，洞煥室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，

修行至經，無量度人。願所啓上徹，徑御無上三十二天元始上帝至尊几前。

畢引炁三十二過，東向誦經。

### 元始無量度人上品妙經

元始洞玄靈寶本章，北都除殃上品，五氣度人。酆羅隱韻，冥漠自然。混洞元老，無無上真，元始同生，北帝高尊。陰斗七元，下統酆城，羅山巍峨，九府奠分。龍漢祖劫，北都六天，清河丹井，雲門洞泉。中有大神，垂條龍巾，攝制魔靈，善惡咸論。考謫慘酷，疏記罪名，律禁奉承，無有不聞。玄銅環牢，海峙山根，太玄鬼祖，骨肉爲身。同道變化，龍伏風奔，窺盜世法，窮搜業因。遞種爲殃，永溺轉輪。道有玉篇，開宥靈文。無文不光，無文不明，無文不立，無文不成。無文不度，無文不生，是爲大梵，天中之天。酆羅北臺，黑山玄京，上極高上，玄羅浩清。眇眇劫仞，若亡若存，三華離便，大有妙庭。下極北都，三官羅酆，

魔洞鬼營，火山寒池。左淨右靈，太光梵炁，周回十方。中有北都除殃之神，中有北極黑帝靈君，中有九天都禁司馬大神，中有注生定死北陰天君，中有北斗司命司錄延壽益筭度厄尊神。迴骸起死，除殃度人。今日校錄，諸天臨軒。

東方無極飛天攝魂神王，長生大聖，無量度人。

南方無極飛天攝氣神王，長生大聖，無量度人。

西方無極飛天殺鬼神王，長生大聖，無量度人。

北方無極飛天羅山神王，長生大聖，無量度人。

東北無極飛天巡虛神王，長生大聖，無量度人。

東南無極飛天定名神王，長生大聖，無量度人。

西南無極飛天都關神王，長生大聖，無量度人。

西北無極飛天監領神王，長生大聖，無量度人。

上方無極飛天簡奏神王，長生大聖，無量度人。

下方無極飛天除殃神王，長生大聖，無量度人。

十方至真飛天北都除殃神王，長生度世無量大神。並乘蒼虬巨獸，飛蓋奔輪，驂駕夔龍，玄角神虎，建召靈之節，耀景神旛，前嘯九歌齊唱，後吹八音同鳴，紫鯨玄羽，嘯歌嚶嚶，五老啓塗，羣仙翼轅，億乘萬騎，浮空而來，傾光迴駕，除殃度生。北都丞相，酆城六宮，總司主錄，除殃大神，執錄把籍，齊到帝前，隨所應度，嚴校六天。普告三界，無極神鄉，泉曲之府，北都羅酆，三官九府，十二河源。上解祖考，億劫種親，殃延禍種，疾除罪簿，落滅惡根。不得拘留，逼合鬼羣。元始符命，時刻昇遷。北都寒池，部衛形魂。制魔保舉，度品南宮。死魂受鍊，仙化成人。生身受度，永劫無終。隨劫輪轉，與天齊年。永度三塗，五苦八難，超凌三界，逍遙上清。上清之天，天帝洞虛，無色之境梵行。

東方八天

太元都羅天，帝閔闕齊宣。  
玄滋耀成天，帝辟乾毒王。  
玉寶超想天，帝演剛隆。  
論明極濟天，帝彥徒朶枚。  
開物順真天，帝平雷判生。  
玉明朝始天，帝綿都勤鐸。  
元陽耿化天，帝敢霞羅於。  
道光初華天，帝篤夏義端。

南方八天

耀利宣真天，帝王軍繁來。  
四極廣晶天，帝皇度振什。  
帝樞圓寂天，帝律佑符玄。  
丹雲紀命天，帝忽延輔章。  
曆增元紀天，帝齒將比耕。  
還靈端神天，帝卜直希辛。  
混明委光天，帝濱嘉熙亭。  
道威崇虛天，帝蔣露聰喬。

西方八天

籍度高明天，帝抱符器圭。  
昌慧資持天，帝闌緒稽時。  
維平智寂天，帝昭虎育明。  
素雲寶宗天，帝尸縑鬱景。

普明度地天，帝末頂昆。

舉仙鍊功天，帝柏曾堯儲。  
素神正矩天，帝蹈鈞隱洮。  
康祝運微天，帝洪元次胥。

北方八天

玄丘總神天，帝盼邏伊房。  
變玄極真天，帝力可明俱。  
度靈廣時天，帝勃提維多。  
生真慶緒天，帝鎮咄匪盈。  
定光浮羅天，帝握瑤避須。  
密濟禳助天，帝術宣求衡。  
餘梨葆生天，帝安夷社辟。

九清昌陽道化天，帝夜洋雲光。

三十二天，三十二帝。諸天隱諱，

諸天隱名。天中空洞，自然靈章，北都  
隱韻，梵化之音。北都之尊，除殃之  
神，北都真魔，除殃之靈。九聖十真，  
變化上清。無量之奧，深不可詳，敷落  
神真，普度天人。今日欣慶受度，北都  
除殃，歷關諸天，請滅三途，斬絕地根，  
飛度五炁，超神北都，殃種注胚，除蕩  
無餘，滅屍鍊仙，名列太玄，真王監舉，  
無拘天門。東斗天蒼，西斗天獄，北斗

帝車，南斗天機，中斗黃屋，五斗降神，  
牛女交宿，符下北都，除殃賜福。青帝  
延年，白帝斬精，赤帝焚祆，黑帝北君，  
建都羅山，峙闕艷城。臣民萬億，輸納  
帝庭，主世罪惡，除滅殃縈。六天使  
者，巡察幽明。黃帝中主，護國安人。  
萬神來朝，元始化身。青天神王，耀羅  
尸伯。赤天神王，振矢騫石。白天神  
王，斬鬼破山，黑天神王，瞋睛激電。  
黃天神王，倒海巨力。五帝神魔，萬神  
之宗。監領北都，飛行鼓從。總領鬼  
兵，麾幢鼓節。遊觀太空，九旗赫奕。  
六天齊功，除殃度人，嚴攝北艷。神王  
受命，普掃不祥，羅天吐毒，天狼四張。  
火丁前驅，都帥仗旛，毒龍萬丈，神虎  
八衝。敢有干試，拒遏上真，金臂前  
戮，巨天後刑。屠割鬼爽，風火無停。  
千千截首，萬萬剪形。魔無干犯，鬼無  
祆精。三官北艷，明檢鬼營。不得容  
隱，金馬驛呈。普告無窮，萬神咸聽。  
三界五帝，列言上清。

元晦未明，空無邊極。晃空生氣，  
風火爲石。八阿九周，非知非識。忽



化蒼龍，身長百億。纏結五柱，自龍及康。眇眇億劫，混沌之中，上海無色，下海無淵，中海風澤，洞虛包天。金石堅剛，漸成碧圓。六氣自行，五運終天。天上天下，無幽無冥，無形無影，無極無窮。溟滓太玄，遼廓無光，先生元始，乃化北皇。鼓鐵爲山，鍊金爲房，刻玉爲樓，九氣煥明。乃號黑帝，太玄元王，主治死魂，斷注除殃。萬鬼魔羣，成鎮十方。赤明開圖，運度自然。元始安鎮，敷落五篇。赤書玉字，八威龍文，保制劫運，使天長存。梵氣彌羅，萬範開張，元綱流演，三十二天。輪轉五色，周回十方，旋斗歷箕，回度五常。三十五分，總氣上元，八景冥合，氣入玄玄。玄中太皇，上帝高真，泛景太霞，北都除殃。殃爲罪種，經劫不亡，消陰維何，志詠洞章。金真郎郁，電火激焚，流響雲營，黑幘萬軍。玉音攝氣，禍殃速避，靈風聚煙，北都列言。紫虛鬱秀，輔翼萬仙，鎮兆一身，泥丸百關。斬滅邪殃，靈府氣宣，萬神同會，玉醴金樽。千和萬合，自然

成真，真中有神，長生帝君。青華大帝，飛羅九神，太一司命，桃康合延。執符把籙，保命生根，上遊上清，出入華房。八冥之內，細微之中，下鎮人身，泥丸絳宮。中理五炁，混合百神，十轉回靈，萬氣齊僊。僊道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞謠歌之章，真王靈篇，辭參高真。

#### 第一北都除殃上相飛空之音

四馬揚鑣，丹隨我輪。飛雲如旗，征此魔軍。北都闐闐，案牘紛紛。愚爲業因，世植惡根，殃自根生，胡不爾悛。念道太無，委心帝前。身佩八威，金闕玉文。十二大神，爲兆列陳。除殃北尊，乘駕鳳軒。我行太空，金廂玉轅。俯視九州，邈如深淵。大道之妙，非賢不傳。聞此飛空音，七祖升諸天。第二北都除殃司命之章  
通晨大冠，絳衣龍章。惟我上笏，司命之王。上帝之策，神璽之光。來

降北都，蔭魁乘剛。嚴備萬神，侍書在傍。爲世之人，生死尤殃。龍祈北尊，潔禱壇場。救命寶符，仰貯靈光。殃除福生，壽祿齊昌。永離八難衰，高升紫雲房。救世爲真人，範唱流無疆。

#### 第三北都除殃北帝君歌曰

三十六萬里，北都羅鄴山。上有夜光闕，下列九府官。陰陽生死曹，殃注停其間。世愚不念道，情欲相追攀。出身百年中，一往無再還。地獄由爾心，真境方寸邊。何不謝北都，默朝紫皇班。首露革爾情，天赦無留難。一身可得道，七祖超冥泉。殃注永斷絕，福來如轉丸。我歎生死途，萬劫囚幽關。刻志禮神霄，雲中仰金顏。此三界之上，飛空之中，真魔歌音，音參洞章。誦之百遍，名度南宮。誦之千遍，真魔保迎。萬遍道備，飛升太空，過度三界，位登仙公。有聞靈音，真魔敬形，敕制地祇，侍衛送迎，拔出地戶，五苦八難，七祖昇遷，永離殃纏，魂度朱陵，受鍊更生。是謂無量，普度無窮。有祕上天文，諸天共所崇。

泄慢墮地獄，禍及七祖翁。

道言：此二章並是諸天上帝，及北都真元隱秘之音，福佑生民，消除殃禍，有能起心祈向，斷絕注傳，橫害不生，真靈垂蔭，一身得道，七祖昇真，皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於高上神霄玉清玉府，道君降聖，按法以傳。若有至人齋金寶質心，依舊格告盟道君，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此災，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或先品未充，運應滅度，身經太陰。臨過之時，同學至人爲其行香，誦經十過，以度屍形如法。則北都大帝，玄滋天君，監領殺鬼，嚴敕幽方，太一回生，司命注昌，使此形神固息含光，魂神徑上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月翳昏，四時失度，陰陽不調，國境有災，疫毒流行，兆民死傷，師友命過，亦當修齋，行香誦經。夫齋戒誦經，功德甚重，上消天災，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德，有災之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書北都除殃玉篇

東方八天

暨桓乙遲，托圖延牝。盧須迎皇，迮羅紀清。璞化馘廣，娑賓雲承。緬洛义忽，猷郎匪京。諸變方定，益陀祖卿。藍首伽婁，亶迹墮昧。覺邦嬪廬，英玄指門。謁斗華溢，晞俞嶽秦。

南方八天

踴寧忌童，炎窗赤功。紹元帝祺，令鈿卷冲。蕙憫康洞，幾賢特隆。暉芒井圩，隸遭俞蒙。嬉云同宜，逸鎖由夷。爵恭韓延，王頤預飛。便梵奇綱，素誼謹儀。驛多斯靈。變茲溟池。

西方八天

邑堂神禧，薦福典隨。驛洛規通，咽服梁窺。曆奔庚和，彌鏐蘊微。造星車襪，回黃星微。僥正絕仰，徒姦報鏹。越懋蕩宥，曹巖丘佃。卓頌曉甫，辨薜揚艾。紐資雲璫，弼光迢泰。

北方八天

晝謠瓊都，北君陰拘。勿淑令趣，碧駢謨符。洛道綿博，映陞乾秀。錠累布西，拙倣晋酌。熾餅吳扶，烈命契斗。巒正悽極，動咸欵紐。轉霞綠綱，凝天扁陽。吳投吉囉，薄辰侶祥。

道言：此諸天中大梵隱語，無量之音，舊文刻書鄴城閣臺九阿之上。使兆殃種不生，爲道正真，逍遙無物。字皆廣長一丈。玄光真人昔書其文，以爲正音。有知其音，能齋而誦之者，

諸天皆遣考察真官，下觀其身，書其功勤，上奏諸天，萬神朝禮，地祇侍門，大功真王，保舉北元，道備尅得遊行三界，升入金門。此音無所不辟，無所不攘，無所不度，無所不成，天真自然之音也。故誦之致考察下觀，上帝遙唱，萬神朝禮，三界侍軒，羣祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集羣僊，天無氛穢，地無祲塵，冥慧洞清，大量玄玄也。

靈寶无量度人上品妙經卷之四十

靈寶无量度人上品妙經卷之四十一

五行備足生靈壽域品

道言：昔於大羅浮光天中，妙安飛真大善極土，受元始度人五行備足生靈壽域無量上品。元始天尊當說是經，周回十過，以召十方，始當詣座。天真大神，上聖高尊，妙行真人，無鞅數衆，乘空而來。紫煙散景，流雲交映，仙歌合奏，神風靜籟，絳車彩蓋，寶網瓊軒，三素玉光，九華窈窕，洞煥太空。七日七夜，諸天宮殿，日觀月扉，星網舍次，斗宿經躔，璇璣玉衡，泊然停景，神煙散藹，山海藏雲，天無浮氣，八景明清，一國地土，山川林木，緬平一等，無復高下，土皆作紺玉，無有異色，丹彩青明，涵影轉照。衆真侍座，元始天尊玄坐空浮五色獅子之上。說經一徧，諸天大聖同時稱善，是時一國男女，安壽超逸，五行之氣，大備大足，

無有傷殘。說經二徧，慶雲昭瑞，惠露敷空。說經三徧，萬寶呈祥，五行昌順。說經四徧，神鍊心通，民無疾病。說經五徧，天靈寶蓮，真仙化立。說經六徧，玉嬰空歌，音參大洞。說經七徧，九幽息對，水火分源。說經八徧，真符宣宥，幽顯霑恩。說經九徧，萬神迎光，混生帝一。說經十徧，朽骸重起，靈運成人，是時一國是男是女，莫不傾心，皆受護度，咸得長生。

道言：是時元始天尊說經一徧，東方無極無量品顯仁大神，無鞅之衆，浮空而至。說經二徧，南方無極無量品威化大神，無鞅之衆，浮空而至。說經三徧，西方無極無量品周覽大神，無鞅之衆，浮空而至。說經四徧，北方無極無量品收攝大神，無鞅之衆，浮空而至。說經五徧，東北無極無量品定志大神，無鞅之衆，浮空而至。說經六徧，東南無極無量品普振大神，無鞅之衆，浮空而至。說經七徧，西南無極無量品保安大神，無鞅之衆，浮空而至。說經八徧，西北無極無量品正氣大神，

無鞅之衆，浮空而至。說經九徧，上方無極無量品元光大神，無鞅之衆，浮空而至。說經十徧，下方無極無量品妙靈大神，無鞅之衆，浮空而至。十徧周竟，十方無極天真大神，一時同至，一國男女，傾心歸仰。來者有如細雨泛空，合沓駢至，無鞅之衆，迨國一半土皆偏陷，非可禁止。於是元始運神真境，聚萬八千天，十方國土，九地幽泉，團成一珠，大如黍米，在空玄之中，去地百丈。元始登引，天真大神，上聖高尊，妙行真人，十方無極五方備足至真大神，無鞅數衆，俱入寶珠之中。天人仰看，惟見勃勃從珠口中入，既入珠口，不知所在。國人廓散，地還平正，無復欹陷。元始即於寶珠之內，十方國土，無鞅數衆，天人仙聖，一切鬼神之中，普告大衆曰：五行備足生靈壽域者，爲天地之終極，大道之要妙。自非上聖，不得而明。五行者，三才之神用，至真之靈蘊。風熱燥濕寒，爲天之五行。木火土金水，爲地之五行。喜怒哀思憂恐，爲人之五行。生長化收藏，

爲四時之五行。周天氣者，六期爲一備。終地紀者，五歲爲一足。五行備足，則氣運平正。氣運平正，人無夭傷，各得全其天年。至學之士，抑勝助衰，使正氣長存，無太過不及之患，則長生神仙，久視無窮，得安壽域。域者限畛軫，封際之義。數之終始，五六相合。而七百二十氣爲一紀，凡三十歲，千四百四十氣，六十歲爲一周。不及太過，則非備足。所謂備足，正宮正徵爲備足，少宮少徵即非備足。五行平正，則陰陽無剋賊之患，陽法順施，長生不死，變化返覆，出生入死，入死出生，羽化神仙，與道合體，上爲真人。

禮敬，皆得度世。

說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。無爲無事，無爭無欲，無貪無起，無滅無思，無得無隨。言無唱物，口無邪聲，齊同慈愛，異骨成親。國安民豐，欣樂太平，經始出教，一國以道。預有至心，宗奉

道言：元始天尊說經中所言，並是諸天上帝內名，隱韻之音。亦是魔王內諱，百靈之隱名也。非世之常辭。上聖已成真人，五行備足，壽限無極，通玄究微，能悉其章，誦之十過，諸天遙唱，萬帝設禮，河海靜默，山嶽藏雲，日月停景，璇璣不行，群魔束形，鬼精滅爽，迴屍起死，白骨成人。五星之精，感降身形，運備氣足，生道永固，紫脉纏腦，赤筋霜髓，枯朽更還。至學之士，誦之十過，則五帝侍衛，三界稽首，魔精喪眼。鬼祆滅爽，清度垂死，絕而得生。所以爾者，學士知五氣之用，補缺平勝，續絕延生，運極化源，知生之幾，得道之本，雖備未足，穢氣未消，體未洞真，召制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，

億曾萬祖，幽魂苦爽，皆即受度，上昇朱宮，格皆九年，受化更生，得爲貴人。五行備足，數極於九，九變爲一，一變於九，無過不及，大小齊等。則金木運和，水火合德。土之一氣，遊行其中。固此四象，幽魂苦爽，以洞文玄要，而得受鍊，備足之氣，九年登真，受化生成。而好學至經，功滿德就，皆得神仙，飛昇金闕，遊宴玉京也。上學之士，修誦是經，皆即受度，飛昇南宮。南宮爲六氣五運之天，非其位則邪，當其位則正。五行備足，得昇南宮朱陵之府，降正真之氣，入身得仙。世人受誦，則延壽長年。備則不乏，足則不極。一切生靈，能盡此道，則壽域定筭，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神

文，保護受經者身。

道言：正月修齋，誦詠是經，九氣發生，爲上世亡魂，斷地逮役，度上南宮。四月修齋，誦詠是經，三氣養育，萬物滋榮，眷屬宗親，皆獲長年。七月修齋，誦詠是經，七氣收斂，萬寶結成，以濟兆民，身得神仙，諸天書名，黃籙白簡，削死上生。十月修齋，誦詠是經，五氣安鎮，福歸人君，國祚綿長，永保太平。四季吉日，誦詠是經，一氣和貞，永斷剋害，消滅瘟疫，使生民安泰，境土樂康，位爲九宮真人。離合之日，誦詠是經，天道澄清，大地安寧，心契至真，克獲飛昇，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有木九，火三，土一，金七，水五，二十五真，侍衛左右，日月照明，

五星輝耀，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，五行備足，生靈壽域，十回度人。六氣五運，合會飛昇，太虛寥廓，肇立元根。神靈浮景，大化生音，三玄降鍊，無象無形。八垣舒光，陰復陽明，剛柔相勝，皇道乃旋。玉機飛輪，流演萬天，丹輝晶瑩，正炁綿綿。太玄帝一，開生御圖，皇上素耀，普受真符。青簡綠字，鳳紐靈書，七神啓輝，備足五行。經緯交絡，輪轉四虛，巍巍玄景，萬聖之居。中有廣霞校錄之君，中有長离應運之尊，中有麗

陰仙鍊之真，中有鬱單變氣丈人，中有崑崙閔風司執元化統御萬道延壽尊神，浮霄鎮嶽，無量度人。今日敷教，諸天臨軒。

東方無極開生神王，長生大聖，無量度人。

南方無極化育神王，長生大聖，無量度人。

西方無極玄變神王，長生大聖，無量度人。

北方無極持德神王，長生大聖，無量度人。

東北無極隱妙神王，長生大聖，無量度人。

東南無極泰幽神王，長生大聖，無量度人。

西南無極冲氣神王，長生大聖，無量度人。

西北無極合道神王，長生大聖，無量度人。

上方無極廣運神王，長生大聖，無量度人。

下方無極定鎮神王，長生大聖，無量度

人。

十方至真立極神王，長度世無量大神。並乘流飈，翠車華輦，紫蓋飛輪，驂駕龍虎，道從風雲，建丹光之節，靈鳳黃旗，左列九天寶器，右陳八景真文，神印朱符，收攝萬祿，天綱前驅，七元後從。四極十華，讚詠而來。天經明耀，召靈度仙。鬱單翊相，大洞高真，青華上佐，萬始先生，總領圖籍，來詣帝軒。隨劫開建，嚴校五行。持紐運機，使氣無傾。大劫交周，同會河源。促召鳥母，役御蛟龍。陀丘億衆，下守崑山。灌注東井，通導水津。洪波浩蕩，風淵九重。數殆百六，陰極歸陽。金玉化銷，六合冥冥。五常返復，水火推遷。延康既往，蕩穢除姦。高仙下降，拔度種民。長安太虛，遊宴上玄。赤光開圖，三象復明。吾憫群類，乃降玉章。以命五老，安鎮長存。茫茫萬有，統以三官。生正五嶽，上列五神。元和備足，形具乃生。受道真妙，皆獲長年。永斷勝伏剋傷之數，逍遙朱宮，飛天太丹。太丹之天，天帝圓羅，混合之境梵

行。

東方八天

太豫玉微天，帝韞慈時明。  
朱英薜藹天，帝浮輝元霄。  
思佑太和天，帝愕都仇瀾。  
至正廓常天，帝栢閑睹生。  
寥霽散神天，帝肇敷蒙儲。  
徧景耀華天，帝求時衍彊。  
樂淵鏡皇天，帝超度幽明。  
皓輝慶名天，帝總監韓司。

南方八天

洞覺合帝天，帝虛陳妙依。  
玉元澄至天，帝景伯孫。  
梵光靜真天，帝泰初止騫。  
照理極炎天，帝盧神管魂。  
九帝辨宗天，帝陰君密通。  
太丹冲基天，帝鬼祖登。  
逸用變神天，帝嶽靈轉蹊。  
藏氣化仙天，帝領真監。

西方八天

大委顯光天，帝素明耀羅。  
紫宸大元天，帝子寶竊門。  
夜光含液天，帝朱華正幾。

感宓凝金天，帝瓊池祥延。  
麗澤正肅天，帝鬼化奇都。  
玉瀾麗初天，帝晶齊演山。  
崇仁振幽天，帝魂度陵。  
照胎化真天，帝蕩元伯康。

北方八天

太上真化天，帝絳氣玉華。  
造玄遠揚天，帝重明仙。  
軫翼司赫天，帝鍊神超雲。  
直泉閱崇天，帝黎松淨空。  
燕和納嘉天，帝宗冥祈修。  
淵光元淨天，帝四登朗期。  
瓊聖紫霄天，帝無常居。  
洞波混溟天，帝震歷五輪。

三十二天，三十二帝。諸天隱諱，  
語天隱名。天中空洞，自然靈章。諸  
天隱韻，天中之音。天中之尊，天中之  
神，天中大魔，天中之靈。八遷四纏，  
合並太清。玄運之度，變化有常。流  
演三華，普育生民。升騰兩曜，灌鍊五  
行。正綱執紀，以化萬靈。使氣備足，  
壽域無傾。七九相結，大小相交。大  
輪運化，經緯幽寥。周還四精，回度扶

搖。天開地闢，梵炁流焱。五神飛光，  
萬類肇形。离坎化真，咸契生成。丹  
靈玄仞，蒼宮浩清。今日欣慶建立，三  
景騰輝，鎮安地紐，旋斡天維。超昇玉  
闕，位列太微。大魔監察，明啓元機。  
歲星守肝，太白檢肺，熒惑正心，辰耀  
輔腎，鎮星定脾，布天威令。始老發  
生，皇老保命。真老降氣，玄老開性。  
元老四據，萬境以正。九氣仙王，總校  
圖籙。三炁仙王，攝御養育。七氣仙  
王，司執殺伐。五氣仙王，肅清蕩滌。  
一氣仙王，坐鎮天闕。五方上真，化天  
稱尊。飛行八極，總領神兵。爲道元  
輔，持握四溟。遏絕邪源，除蕩妖氛。  
威光下濟，周徧十方。雷電爭激，風火  
施張。萬彙保安，道化寧康。息澄真  
固，並獲長生。恢宣大範，告命普聞。  
五神協慶，列象文明。大殺豁落，陰斗  
書名。攝召六天，考校雲營。百邪摧  
伏，氣合真仙。炎精振威，淵耀持權。  
生靈安泰，壽域永延。元始符告，勅命  
天官。不容隱遏，開導冥關。幽沉群  
類，俱遂昇遷。三元上佐，列奏上玄。

開天御曆，龍耀剛風。黃素敷真，  
太合玄空。上輪元斗，下立靈宮。飛  
神化育，梵炁成文。渺渺洞泉，無極冥  
冥。天闕運轉，群品流形。元造億劫，  
溟滓鴻濛。赤光啓明，混洞冲融。泰  
清遼邈。杳杳無窮。靈寶設象，萬化  
之宗。太微九道，皇極彌隆。上元浩  
立，大洞玉篇。三十九皇，赤書寶章。  
普植百神，永鎮十方。常安太虛，正憲  
宣揚。儀璘執試，萬景舒光。玄綱調  
攝，位列高真。真中上靈，金闕輔臣。  
揮霞紫房，御氣太霄。流音景延，合範  
清謠。雲營定質，炎方扇颿。鬱察圓  
羅，召命玉宸。玉宸降氣，自然化生。  
生道妙微，徊風帝尊。雄一元父，唯一  
元君。混結交變，成育五行。五行御  
運，六氣迭興。素精金華，萬和成仙。  
靈威洞照，明煥九天。真光下濟，開闢  
幽關。太陰曹局，黃闕洞淵。秉道威  
令，勅告九官。九官列奏，上聞諸天。  
考校罪福，宿命因緣。不得差忒，戒教  
明宣。普受開度，咸獲升遷。遷升太  
極，書名玉京。玉京之上，各有生門。

中有五行空洞之音，魔王靈章，辭參高真。

第一飛仙讚歎五行備足之音

元始開圖，生育陰陽。二象既成，七耀飛光。冲和布靈，萬物無傷。安鎮五山，地久天長。至覺體道，與氣合并。水火升降，光照華京。上下往來，流運胎津。百神混結，徊風返生。飛行玉闕，坐觀十方。採集雙華，灌鍊黃房。五行備足，保天無傾。役使百魔，我道澄清。

第二真人吟詠生靈壽域之章

龍漢眇眇，回度三華。降生靈兮，受氣鬱羅。茫茫貪欲，沉溺愛河。浩劫迷所趣，安能出輪迴。大魔攝汝形，遊魂逐氣歸。既已背正道，受生知何依。汨沒三途中，空使天仙悲。豈如造化心，均壽何有期。十部洞玄篇，以爲登真基。一悟長生道，靈府廓爾開。運身入太虛，合體皆仙飛。

第三高真宣示超出五行成道歌曰

嵯峨鬱察山，玉宸誕茲嶽。託靈洪氏胞，幽栖經億劫。得遇虛皇尊，開

演靈寶法。鎮天永不傾，怡然坐金闕。濟度無量衆，降神居斗極。把握天地機，經緯環拱立。素靈秉朱籙，青皇建金鉞。逍遙度赤光，玉文當一出。群品之有生，五行皆備足。數極反歸無，誰能定生滅。學真諸仙民，胡不奔日月。一誦飛天書，大劫可超脫。遊宴無何鄉，億天歡且悅。

此三界之上，飛空之中，仙真歌音，音參洞章。誦之百徧，名度南宮。誦之千徧，魔王保迎。萬徧道備，飛昇太空，過度三界，位登仙公。有聞靈音，魔王敬形，敕制地祇，侍衛送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王隱祕之音。皆是調制五行，不相剋伐，運備氣足，招降和氣，使生靈之命，補斷續絕，生生不窮，福祉荐至，壽域綿遠。元始飛玄之氣，結爲洞章大梵之言，非世上常辭。言無韻麗，

曲無華宛。故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷，皆非五行備足，故爲災殃。凡有此裁，同氣皆當齊心修齋，六時行香，十徧轉經，福德立降，消諸不祥。無量之文，普度無窮。

道言：夫末學道淺，或先仙品未充，運應滅度，身經太陰，五行之氣，未備未足，金木盜精，水火伐氣，土潰金鎔，神爲之遷。臨過之時，同學至人爲其行香，誦經十過，以度屍形如法。則五星氣協神精，完滿備足之運，還生於身，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失昏，四時失度，陰陽不調，國境灾癘，兵氣犯斗，疫毒流行，兆民死傷，師友命過，同學殞逝，皆五運大小之殊，履非其道，乖備足之福，亦當修齋，行



香誦經。夫齋戒誦經，功德甚重。上消天災，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能為天地帝主兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，剋得為聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

玄密珠穴，洞杳霞津。機運水火，龍浮妙梵。混合神真，無英華紳。白元錦綢，帝一虎中。素景回黃，散房成雲。雄雌氣溢，五露繽紛。儀璘交煥，中池帝君。朱衣碧冠，紫煙四屯。

南方八天

生命固壽，五老乘崑。飛光漸海，金液沄沄。羅阿重冥，寥無太宸。倏

忽萬化，靈根自新。慎諱天禁，得知寸深。郁玄上都，瓊祁蕭森。蹈白履虛，鳳譙寶輪。玄智神停，生死流塵。

西方八天

守不知知，至道冥冥。離邊去思，神霄有門。端待至空，空為生尊。神運意鑪，三一常明。玉書寶章，大梵罔輪。結閑勿露，自然成真。真魔鬼帥，走檄驅氛。備運足數，生靈保身。

北方八天

壽實天福，納錫種民。九韶法纓，叵濫無求。攬綠泛景，浮靄洛臺。育蓋竺萌，日導月付。變質龍靈，東蒼南閭。靜省玄評，昊莽迷度。那韓上京，奏錄度楫。元皇眇浼，恢澤輔忱。

道言：此諸天中大梵隱語，無量之音，舊文五老上帝刻書五星玉闕，以正分度，降備足之氣，壽彼生靈，字皆廣長一丈。天真皇人昔書其文，以為正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉高真，道備剋得，遊行三界，

升入金門。此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之四十一

# 靈寶无量度人上品妙經卷之四十二

## 祈求嗣續慶延門閥品

道言：昔於太始廣生天中，紫霄洞歌大福樂土，受元始度人祈求嗣續慶延門閥妙品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。香靄浮煙，翔鸞隨蓋，赤光前擲，瑤車轉雷，縹彩僊雲，絢葆千色，洞煥太空。七日七夜，諸天海嶽，交碧揚霞，日月星宿，凝明並照，神風遠襲。玉岳露輝，天翠高虛，絳氣飄衍，一國地土山川林木，鑑潔緬平，仰矚毫髮，重影沓見，萬象同規，土成柔玉，紺青一色。衆真侍座，元始天尊玄坐空浮藥珠寶臺之上。說經一徧，諸天大聖同時稱善，是時一國男女，悟識生根。說經二徧，定觀本元，不落苦趣。說經三徧，咸知至道，生育之宗。說經四

徧，生逢聖運，爲賢哲士。說經五徧，心行孝慈，善於養老。說經六徧，陰陽合德，感化靈胎。說經七徧，得至法門，生道不終。說經八徧，雖有受生，不爲愛慾，持結淫想。說經九徧，曉解希微，雌雄混合，理參洞玄。說經十徧，一切有情，永延嗣續，慶流海宇，福及幽明，是時一國是男是女，莫不傾心，皆受護度，咸得長生。

道言：是時元始天尊說經一徧，東方無極無量品始生雲芽玄露大神，無鞅之衆，浮空而至。說經二徧，南方無極無量品明性雲芽寶華大神，無鞅之衆，浮空而至。說經三徧，西方無極無量品大素雲芽感化大神，無鞅之衆，浮空而至。說經四徧，北方無極無量品神水雲芽定嬰大神，無鞅之衆，浮空而至。說經五徧，東北無極無量品受識雲芽明智大神，無鞅之衆，浮空而至。說經六徧，東南無極無量品縷絡雲芽攝用大神，無鞅之衆，浮空而至。說經七徧，西南無極無量品賢質雲芽主福大神，無鞅之衆，浮空而至。說經

八徧，西北無極無量品陽運雲芽健育大神，無鞅之衆，浮空而至。說經九徧，上方無極無量品碧菡雲芽九宮大神，無鞅之衆，浮空而至。說經十徧，下方無極無量品靈藏雲芽復命大神，無鞅之衆，浮空而至。十徧周竟，十方無極天真玄化大神，一時同至，一國男女，傾心歸仰，悉悟道元，傳立嗣續，生化之基，繼其本宗，聯芳襲慶，其生無窮。來者有如細雨密霧，無鞅之衆，迄國一半土皆偏陷，非可禁止。元始大慈，欲使無量衆生，明識造化之先，至道之奧。所以妙極隱諱者，爲明雌一雄一之神，偶而爲爻，混合百神，徊煙散風，化生真一，即是人備至祕之道。雖飛僊列真，未得道時，皆以雲珠下投金液，玄妙感合，生此靈胎，神氣充備，內顯真身無動之體，開演祈求嗣續慶延門閥之法。存念生根，始由元氣。元氣之精，微細如纖粒。於是懸一寶珠，大如黍米，在空玄之中，去地十丈。元始登引，天真大神，上聖高尊，妙行真人，十方無極至真雲芽生化玉嬰真

子大神，無鞅數衆，俱入寶珠之中。天人仰看，惟見拂拂從珠口中入，既入珠口，不知所在。國人廓散，地還平正，無復歌陷。元始即於寶珠之內，化舍蓮胎嬰之相，說經都竟，衆真監度。以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，嗣續昌隆，福慶來臻，全其本年，無有中傷，傾土歸仰，咸行善心。行惠行和，行弱行化，行悲行恕，行儉行慈，行定行仁，言無唱宗，口無佞聲，齊同慈愛，異骨成親。國安民豐，欣樂太平，經始出教，一國以道。預有至心，崇奉禮敬，皆得度世。

道言：元始天尊說經中所言，並是諸天上帝內名，生神育嬰隱韻之音。亦是真魔內諱，混化變胎，以致嗣續慶延世系百靈之隱名也，非世之常辭。開闡大法，明道根元。初從胎育，朱精白鉛，和混萬過，三二鼓舞，玉飴哺靈，流珠啓明，帝妃儂賡，紫胞坼落，天嬰挺生。號曰真一，字曰精延。爲形之主，百神之尊。固道元命，生道真身。

爾欲祈求賢嗣，門戶亨榮，使無絕氣，與道無邊。惟已得道大聖，能悉其章。誦之十過，諸天遙唱，萬帝設禮，聖母破券，司命定生，監魂益善，福慶駢蕃，群魔束形，鬼精滅爽，回屍起死，返胎更生。至學之士，誦之十過，則天后衛房，三界唱恭，天機上相，注命得生，嗣續傳世，慶延門閥，濟度生厄，絕而保完。所以爾者，學士外滌世穢，內臻化淵，童君捧篋，女君奏墳，聲和神布，妙諱乃傳，道胎靈孕，嬰息自然。召制十方，保鍊胎僊，克隆嘉嗣，無有夭殤。輕誦此章，身則被殃。供養尊禮，門閥慶延。世世昌熾，與善因緣，萬災不干，神明護門。斯經尊妙，獨步玉京，度人無量，爲生道之宗。巍巍大範，德難可勝。

道言：凡誦是經十過，諸天齊到，爲爾開呈生錄，降嗣繼賢，永大僊宗。億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而好學至經，功滿德就，嗣孫應僊，葉葉受道，門閥慶延，皆得飛昇金闕，遊

宴玉京也。上學之士修誦是經，爲諸生民祈求嗣續，使生道不絕，民獲有後，祭祀祖玄，陰德垂裕，皆即受度，飛昇南宮。世人受誦，胄系綿昌，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齎金寶效心，盟天而傳。輕泄漏慢，殃及九祖，長役冥官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，祈求嗣續，慶延門閥，感神真風火之君，傳降台光，使命得生，智識明秀，人中之英，拔度上世亡魂，斷地逮役，升上南宮。七月長齋，誦詠是經，祈求嗣續，慶延門閥，感金真黃室之氣，傳降幽精，使形得備，宮室內固，百神入胎，身得神僊，諸天書名，黃籙白簡，削死上生。十月長齋，誦詠是經，祈求嗣續，慶延門閥，感太玄真一之精，傳降爽靈，使性徹寥漠，慧通九冥，懸知吉先，

與化同營，爲國王帝主，祈請聖嗣，璇萼萬芳，百靈稱慶，普天蒙福，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，爲諸絕嗣衆生，降致道氣，咸使有子，克基其家，得爲九宮真人。本命之日，誦詠是經，三元返嬰，白珠凝神，道父道母，長守泥丸。司命定籍，伯華益年，魂神澄正，萬氣長存，不經苦惱，身有光明。三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐五色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，

修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，祈嗣慶門，生化度人。雌雄隱韻，混合自然。空生三氣，氣變赤文。元始祖劫，化生諸天。對明雙景，是起天根。傳氣立祖，法道爲身。五文開廓，五臟栖神。上天闕，虛適群僊。經絡血脉，是爲至靈。威制萬類，身備天經。傳孕嗣續，紹祖列孫。祈求勝氣，貴慶來庭。胞胎受真，羅列交纏。碧縷貫瞳，綠繒爲筋。定爲僊宗，應登高玄。體有朱誌，舌有錦文。三萬六千，神符繞身。永輔帝化，飛昇玉宸。下建民物，皆著玄文，流布大梵，身中之天。頭爲蕭臺，腦爲玉山。委曲九回，宮室相連。前有明堂，赤鑑三君。後有玄堂，九祖七玄。注記嗣續，保慶家門。元辰簡奏，天馬驛傳。定子注孫，繼續本先。方

寸虛盈，列坐高真。紫衣絳裳，狀如天嬰。節會谿谷，皆爲玉京。百神會身，大有妙庭。金闕玉房，森羅淨靈。大行梵氣，周迴十方。中有度人不死之神，中有南極感降嗣續長生之君，中有度世司馬大神，中有好生韓君丈人，中有南上司命司錄延壽益筭度厄尊神。迴骸起死，無量度人。今日校錄，諸天臨軒。東方無極飛天主福神王，長生大聖，無量度人。南方無極飛天定生神王，長生大聖，無量度人。西方無極飛天注嗣神王，長生大聖，無量度人。北方無極飛天錫慶神王，長生大聖，無量度人。東北無極飛天益筭神王，長生大聖，無量度人。東南無極飛天增品神王，長生大聖，無量度人。西南無極飛天送生神王，長生大聖，無量度人。

西北無極飛天度厄神王，長生大聖，無量度人。

上方無極飛天進德神王，長生大聖，無量度人。

下方無極飛天輔聖神王，長生大聖，無量度人。

十方至真飛天降慶神王，長生度世無量大神。並乘輕霄流輶，翠霞瓊輦，星車羽蓋，綺仗風輪，驂駕碧鳳，神虎蒼龍，建萬華之節，天騎靈旛，前嘯九靈齊唱，後吹八溟同鳴，獅子飛天，嘯歌嗻嗻，五老啓途，群仙翼轅，億乘萬騎，浮空而來，傾光回駕，降嬰度生。南昌上宰，天機丞相，金闕侍郎，大玄司命，紫靈僊君，韓司主錄，監生大神，執錄把籍，齊到帝前。隨所祈應，生息蕃滋。計考命祿，嚴校諸天。普告三界，無極神鄉，泉曲之府，北都羅酆，三官九府，十二河源。欲致貴勝，嗣續綿綿。上解祖考，億劫種親，疾除罪簿，落滅惡根，不得拘留，逼合鬼群。元始符命，時刻升遷。北都寒池，部衛形魂。制魔保舉，度品南宮。死魂受鍊，

僊化成人。生身受度，劫劫長存。隨劫輪轉，與天齊年。永度三途，五苦八難，超凌三界，逍遙上清。上清之天，天帝洞曜，無色之境梵行。

#### 東方八天

十華招慶天，帝洞覺好生。  
勝宗益賢天，帝定世茂玄。  
澡明鍊光天，帝陞明尚英。  
龍種玉嬰天，帝觀福廣營。  
祖極承圖天，帝妙無常生。  
化樞運陽天，帝肖真元昆。  
歷符應台天，帝果都祕空。  
傳福佑生天，帝納液合煙。

#### 南方八天

光動降識天，帝和無垠。  
辨息理明天，帝務延宗。  
康回遼澤天，帝順子榮。  
傳機宗道天，帝情何靈。  
孝始慶初天，帝始育上求。  
素開皓都天，帝玉蘭齊瑰。  
繪微延霞天，帝寂僊自盈。  
盟系靄豐天，帝屹多裔暉。  
西方八天

景祈報慶天，帝伯雲郁羅。  
辨華棄欲天，帝真交命神。  
冥緘密陽天，帝兆先祉包。  
溫醴濯支天，帝乘氣赴儀。  
敦道亨成天，帝握符通。

窈洞邁甫天，帝力孟成。

日灌彩裔天，帝鹿本太王。

九華含露天，帝靜延定明。

#### 北方八天

冥婁總靈天，帝孕咸同周。  
料度正緒天，帝寥持野舒。  
積曜部俞天，帝變螟神。  
綱需第容天，帝霞泮聰。  
淨變卵珠天，帝窮宅報恩。  
述真祀常天，帝管師遙寧。  
默抱蘊和天，帝揚嘉神英。  
鬱華九微天，帝醜並福完。  
三十二天，三十二帝。諸天隱諱，生化之機。諸天隱名，育嬰微稱。和陽合陰，繼世嗣民。神出空洞，芒芽句苗。自然靈章，上真隱名。召氣之音，帝一胎尊。結節之靈，上隸真魔。育嬰之僊，九陽和真。十陰合神，命嗣榮

耀，門閥慶延。無量之奧，深不可詳。敷落神真，普度天人。今日告祈受度，歷關諸天，請滅胎注，斬絕邪祆。誕子無殤，命通太玄。司命監舉，無拘生

鬼無祆精。三官北酆，明檢鬼營。不得容隱，金馬驛呈。普告無窮，萬神咸聽。三界五帝，列言上清。

門。東斗稟氣，西斗鑄形，北斗降魄，南斗賜魂，中斗內主，泥丸尊神。七寶

元造開始，龍漢延康。體同人胎，混沌相包。眼爲日月，頭爲崑崙，眉爲

宮室，窗牖分明。神氣衝溢，總監衆靈。青帝護魂，白帝侍魄，赤帝養氣。

華蓋，髮爲山林，腸胃江海，呼吸風雲，聲爲雷霆，出初光明。眇眇億劫，其氣

黑帝通血，黃帝中主，萬神無越。青天魔王，怒役威明。赤天魔王，變遷守

渾淪。上無復色，下無復淵。風澤洞虛，金剛乘天。天生地育，外護百關。

真。白天魔王，憤擊虛成。黑天魔王，車轂玄冥。黃天魔王，持犯互爭。五

金氣堅剛，質疆姿頑。立劫之初，無幽無冥，無形無影，無極無窮。溟滓大

帝大魔，萬神之宗。飛行鼓從，總領鬼兵。麾幢鼓節，遊行太空。恍惚無常，

梵，遼廓無光。赤明開圖，運度自然。元始安鎮，敷落五篇。赤書玉字，八威

下入身中。潛伏六根，時巡九宮。自頂達踵，無不停容。兆祈嗣續，願生天

龍文。保制劫運，使天長存。爾將降胎，百神内存。太一幽寥，來遇又寧。

童。淨蕩胎穢，嚴攝北酆。神王受命，普掃不祥。玉女抱黃，繡襦金璫。聖

玉真徹視，華萼流芳。紫脉降絡，曲折靈文。腦膜丹縷，自然流雲。因攝命

母護生，福慶堂堂。都吏甲馬，搜捕灾殃。神吏甲馬，斬付天綱。擲火萬里，

元綱流演，三十二天。輪轉無色，周迴十方。旋斗歷箕，回度五常。三十五

流鈴八衝。敢有厭魅，拒遏胎嬰。金鉞前戮，巨天後刑。屠割鬼爽，風火無

分，總氣上元。八景冥合，氣入玄玄。玄中太皇，上帝高真。泛景太霞，嘯詠

停。千千截首，萬萬剪形。魔無干犯，

洞章。金真明郁，流響雲營。玉音攝

氣，靈風聚煙。紫虛鬱秀，輔翼萬仙。

祈求嗣續，繼先承門。風迴煙繞，紫虛

梵胞。千和萬合，自然成嬰。嬰真有

神，長生大君。太乙主生，司命紀年。

桃康合體，邁精丹田。執符把錄，保命

生根。上遊上清，出入華房，八冥之

內，細微之中。永鎮人身，泥丸絳宮，

中理五氣，混合百神。十轉迴靈，萬氣

齊仙。仙道貴生，無量度人。上開化

源，生如飛輪。罪福禁戒，宿命因緣。

普受開度，死魂生身。身得受生，上聞

諸天。諸天之上，各有生門。中有空

洞謠歌之章，真王靈篇，辭參高真。

第一欲界祈嗣迎慶之音

人道維何，子孫是佑。祖幹孫枝，

英房實茂。世當綿派，淵胄遠久。積

德賜賢嗣，上帝垂慶延。稔惡斷爾續，

衰蕭淪重泉。帝心本無私，福報爲善

緣。生民寡嗣孫，黑錄在三天。悔過

祈至真，首罪露誠丹。司命赦刑籍，玉

女抱真還。爲爾千年後，積善廣真源。

金車登紫庭，慶積若丘山。

第二監生定嬰之章

真一玄一，合爲天精。飛露墮珠，受胎爲人。和氣肇元，形模乃全。精延入勝，知而能言。識明真妙，文武經綸。爲帝爲王，爲牧爲臣。祖基爲先，嗣承厥後。生道不泯，長生妙有。積德垂代，慶系無垠。念道思真，至聖無親。爰有簡籙，福慧生民。民亦何知，謂天無神。殺盜貪嗔，恣兆所行。不知絕緒，禍逮爾身。天官執筆，注其善功。百子千孫，祿食萬鍾。兆能所願，醮禮僊公。監生送魂，九老降容。使兆世其家，生氣永不終。故知道妙本，太陰飛千龍。

第三玉帝聖子歌曰

金闕絳霄，飛龍繞嶽。碧土紫房，洞清寥廓。帝有八子，聖智神通。長生大君，赤日瞳朧。青華東桑，三天列封。蓬萊僊王，制命萬靈。神璽玉策，翠袍羽巾。是皆上靈，聖胄洪勳。況爾下民，貴繼其先。杞祖奠宗，慶延其門。明不仰至教，奏章敷玉文。召氣得賢正，祈爲聖君臣。道常愛生化，連

連無斷倫。陰陽合太和，剛風舉其身。

此三界之上，飛空之中，真王歌音，音參洞章。誦之百徧，道氣充盈。誦之千徧，群僊監臨。萬徧道備，感激神靈，生端潔士，爲世賢人，進道功業，舉形上昇。有聞靈音，百神衛形，勅制地祇，出入送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王，天機上宰，垂系生民，注定嗣續，不斷孳育，流通化源，使生幾無盡，自外得者，後裔孫條孫枝擁茂，自內得者，雌雄神遇，下接氣泉，感生玉嬰，稟受真正，肖顏同體，紹立僊宗，身得神僊，分形萬億，幽栖方寸，神徧十方隱祕之音。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於神霄玉清上宮，運當下傳，垂教乃宣。若有至人齋金寶質心，依舊格告盟十天，然後

而付焉。

道言：夫善信之士，嗣子未立，先胄不繼，門閥萎落，或屢生女男，夭殤不成，纔及幼孺，便即淪沒。凡有此灾，同氣皆當奏詞投款，祈懇上真，齊心修齋，六時行香，十徧轉經，福德立降，嗣息生成，慶延積世，消諸不祥。無量之文，普度無窮。

道言：夫末學道淺，或福業未充，祈求嗣續，雖得生已未至成人，多被夭害。同學至人爲其行香，誦經十過，以度夭殤如法，魂神經上南宮，隨其善功，復得更生。爲爾賢德之男，慶延門第，輪轉不滅，便得神僊。

道言：夫生民不知無後爲大，定信此身滅已緣盡，未明大道以生氣無終，世世不絕爲本。九玄七祖，近世祖考，廢泯時祀，犯禁彌甚。或年齒既大，嗣續未立，既常誕育，不遂婚宦，或生輒愚魯，慧靈不開，偶得成人，不循四業，所習凡下，遠遊無方，貽親憂憤，弱稚繁疾，治療無痊。皆是父母先世殃注訟呼所延，悉當行香誦經，祈求天

司，以招福慶。夫齋戒誦經，功德甚重。上為人君，祈嗣蕃衍。下為兆庶，延續家門。生死受賴，其福難勝。故曰無量，普度天人。

道言：凡有是經，能為帝主兆民，行是功德。祈求之日，發心修齋燒香，誦經十過，皆諸天記名，萬神侍衛，右別至人，剋得為聖君金闕之臣。諸天記人功過，毫分無失。天中真主亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

綠應昭符，黎學道蘇。熙南允封，契天合魚。英晃爽夕，麓素凝濡。神瀨誠布，聿詔大魁。鑿蹟匪回，蘄永壽言。帝澤寶有，霄飛意冥。道大真龍，穰慶沛度。安祉變猷，寀勝廣定。

南方八天

綺侖斗包，子還戍高。天籍司枚，福溱效嚴。奚盧忻恚，閱空辭彬。洞

咸幽計，瑰罔筵頤。耐陣嶮縛，鬼首樵肥。鄒靈胥顏，辨炳牛尼。嶽驅機相，玄省教微。曜強注生，監玄仰淵。

西方八天

紀景靈定，坤足邀明。遙魔彥堅，武箕婁魔。洞洪寥濱，元圖隱哥。澤奕肆宗，丘騎攸還。縣稟列暝，億健由灘。支務海洛，宜勤棣般。杳浦翹梭，欵淇徧巒。士浸蔚角，秋火戈山。

北方八天

鄭程育都，支溪遄蕪。歷真离周，氏室傳俞。勿落盤濯，神鳳著騫。槎皇卷鋤，謹命璣序。依攸憫遷，覺稠倣倭。雲充披灑，孟阿邢何。龜華異邊，祕邈道琪。神曹把筵，僊碧露芝。

道言：此諸天中大梵隱語，無量

之音，舊文字皆廣長一丈。司命大禁，南宮上宰，監生大神，以鸞羽紫瞳之紱，書於絳臺瓊房金墉之上，以為正音。大定生息，道氣襲隆，祕諱之要。侍文玉童玉女，各六千人，俠以寶華，覆以龍巾。有知其音，能齋而誦之者，諸天皆遣飛天神王，下觀其身，書其功

勤，上奏諸天，嗣續貴壽，慶延門閥，大勳僊曹，保舉上真，道備剋得，遊行三界，昇入金門。此音無所不辟，無所不穰，無所不度，無所不成，天真自然之音也。故誦之致飛天下觀，上帝遙唱，萬神惠澤，三界普聞，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群僊，天無氛穢，地無祆塵，冥慧洞清，大量玄玄也。

靈寶无量度人上品妙經卷之四十二



靈寶无量度人上品妙經卷之四十三

保胎護命品

道言：昔於始青天中，碧落空歌大浮黎土，受元始度人保胎護命妙品。元始天尊當說是經，周迴十過，以召十方，始當詣座。天真大神，上聖高尊，妙行真人，保胎護命三元六甲大神，無鞅數衆，步景而來。飛雲流輶，泛霄紫輿，翠輦金車，彩蓋采覆，洞清凝光，三色煥麗，映徹空玄。十日十夜。諸天寶苑，鬱京墟臺，庭闕浮積，魏構萬壘，靈綱神芒，停機駐耀，海雲呈瑞，山嶽迴煙，遠逮浩杳，近連陬壁，雲輝鼓華，僊澤飄曳，觸衣聞香，皆獲上道，一國地土山川林木，碧蒙綿密，蘭風靜注，委霞繞落，道聲夷由，無量天仙，稱歎希有。衆真侍座，元始天尊玄坐空浮一千二百天宮萬龍蚪揭明藥繁珠大寶玉座之上。說經一徧，諸天聖母同時

稱善，是時一國僊妃神女，憶悟往因，見道本元。信知天地未生，元氣肇始，神精吸粹，陰陽定胎，九十億劫，三氣混淪，九十大劫，三華始分。五老保胎，三元育魂。七竅洞張，大塊乃坼，二儀出胎，始建寰海。說經二徧，胎卵濕生，毛鱗介羸，無不備成。說經三徧，喙鳴口語，呼應調順，真協天律。說經四徧，膚革堅完，金真散靈，剛風宛轉。說經五徧，道出英妙，才韻秀爽。說經六徧，至巧功成，曲遂天德。說經七徧，育嬰端就，善慧滋身。說經八徧，婦人懷娠，鳥獸含胎，已生未生，皆得生成。說經九徧，胎臟發泄，內寶露形。說經十徧，道用神化，自然成人，是時一國是男是女，莫不傾心，保胎護命，咸得長生。

道言：是時元始天尊說經一徧，東方無極甲宮天冥保胎萬和護命大神，無鞅之衆，浮空而至。說經二徧，南方無極丙宮天真保胎玄明護命大神，無鞅之衆，浮空而至。說經三徧，西方無極庚宮天曆保胎肅靈護命大

神，無鞅之衆，浮空而至。說經四徧，北方無極壬宮天胚保胎順生護命大神，無鞅之衆，浮空而至。說經五徧，東北無極癸宮天孕保胎護正護命大神，無鞅之衆，浮空而至。說經六徧，東南無極乙宮天壽保胎樂化護命大神，無鞅之衆，浮空而至。說經七徧，西南無極丁宮天申保胎道寂護命大神，無鞅之衆，浮空而至。說經八徧，西北無極辛宮天童保胎玄祖護命大神，無鞅之衆，浮空而至。說經九徧，上方元極戊宮天明保胎法義護命大神，無鞅之衆，浮空而至。說經十徧，下方無極己宮天陽保胎道康護命大神，無鞅之衆，浮空而至。十徧周竟，十方無極保胎護命大神，一時同至，一國男女，傾心歸仰。來者有如揚埃積塵，繁星散霧，無鞅之衆，徧滿一國，九地俱震，非可禁止。於是元始舉身放光，洞照十方上下，良久攝光，從寶光雲葉中出，上現元始天尊大慈玉相，金容赫炳，於其眉間出寶珠相。此珠微妙，光出一尋，內見虛皇玉闕，天靈寶

臺，無鞅天人，行住栖止，乘跨鸞鶴，笑言顧矚，一時同現，水火交發，山川宮殿，圓寸而足。元始既在，太玄真一廣大靜定，即此化身分形，無量登引，天真大神，上聖高尊，妙行真人，十方無極保胎護命至真大神，無鞅數衆，俱入元始珠光之中。天人仰看，惟見拂拂從珠影中入，既入珠影，不知所在。國人廓散，地還虛曠，無復駢沓。元始即於神珠妙光之內，說經都竟，衆真監度，以授於我。當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，保胎護命，無有殞傷，傾土歸仰，咸行善心。不妄不惑，不欺不欲，不爽不違，不思不作，不制不回。言與天通，口無二聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天保胎護命神王內名，隱韻之音。亦是保胎三元六甲內諱，百靈之隱名也，非世之常辭。上聖已成真人，通玄

究微，能悉其章，誦之十過，諸天遙唱，萬帝設禮，天地萬類，含胞孕胎，無不生成。祕解道先，深得元奧，大至天地，纖及昆蛸，未有不深極胎真，受道真氣，布精凝血，然後化成。一切聖賢，諸天帝王高僊，未有不從胎根育養而出。故保胎護命，誦經召神，易轉陰陽，降福生人。至學之士，誦之十過，則聖母降房，司馬侍軒，司命定籍，五帝延生，萬彙受形，保胎護命，壽德齊明。所以爾者，學士內呪隱名，外誦真經，召制十方，與道同榮，伏御地祇，束縛魔靈，不但却死，亦可僊身。謂其呼召三元六甲十方胎神，使護己命身中胎元，十真百節，赤君聽命，使子神僊。不惟女子胎盈之厄，可以誦持，而學道鍊真，不妨咏味。輕誦此章，身則受殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天三元六甲九宮保胎護命福善大神，降應齊

到，斷絕六天惡鬼，上世亡魂。於一切衆生胎元命宮，作諸誣害，使真氣消落，神華傾喪，孕化不登，子嗣難成，故氣流接，注連累代，速付北都，斬戮鬼形。考按錄籍，善惡速分。受道順生，得爲貴人。而好學至經，功滿德就，自識胎真，皆得神僊，飛昇金闕，遊宴玉京也。上學之士，修誦是經，皆即受度，真神自飛，出入胎宮。女人受誦，則得保胎護命，天人爲子，寶精變嬰，誕育之日，胎神護命，無有損傷。男子夙成，福與道隆，慶偕時興，延壽長年，後皆得作尸解之道。魂神暫滅，不經生滅，即得返形，遊行太空。此經微妙，普度無窮。一切天人，莫不受慶。無量之福，生世蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。保胎護命玉童玉女，各三十二人，營衛神文，保護受經者身。

道言：正月長齋，誦詠是經，速召上元六甲直符，保胎護命，斷上世亡魂，追呼子孫，訟在天官，使胎不成，絕

孕无子，鬼注孤婢。七月長齋，誦詠是經，速召中元六甲直符，保胎護命，斷呪詛蠱厭，妬害男女，訟在地官，使胎不成，絕孕無子，鬼曆著名。十月長齋，誦詠是經，速召下元六甲直符，保胎護命，斷豕訟濕注，祖世牽連，鬼食胎精，訟在水官，使胎不成，絕孕無子，黑札定刑。八節之日，誦詠是經，護諸衆生，一切命元，使命無傾，八方胎神，各領官屬，入朝九宮，太一真君，延生保胎，護命生根。凡誦是經，普及生民，不獨女身，而植道因，天帝下觀，得爲九宮真人。本命之日，誦詠是經，速召胎神，聽受真經，明堂三君，保護胎精，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東南，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥

室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍者玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，保胎護命，十徧度人。生根隱韻，離合自然。太漠未分，大道隱存。倏忽變化，是生精神。神爲物靈，混沌斯成。上下相錯，二象氤氳。以白入赤，陰陽齊並。以赤入黑，胞胎乃凝。中含太虛，明耀三清。神室峨峨，無始未名。有玉嬰兒，出玄入青。上無復祖，惟道爲身。紫胞解蒂，瑩然真形。混元脫胎，產育神靈。二儀同化，恍惚杳冥。冥中之精，至真之神。無神不光，無神不明，無神

不立，無神不成，無神不度，無神不生。是爲大梵，胎中之胎。億劫玉山，七寶峻嶒。九宮十闕，億千萬門。皆自道胎，化運精神。逮於人物，三華妙庭。紫閣朱宮，胎光爽靈。細微幽精，潛伏胎根。神風轉靡，周回十方。中有保胎叔火之君，中有變嬰和菟之神，中有司男伯華之君，中有太玄監生之神，中有衛房在庭之真，男呼孟非，女呼子宜。玄胞未開，二神同依。胎血之鬼，聞名斬摧。不敢干試，生道永歸。天壽之福，護命玄師。龍文虎裳，五斗攝衣。速召三官，太極主非。握鈴嘯咤，警歛風雷。挾衛胎宮，素煙霏微。五帝大魔，金火八威。保胎成真，貴務光輝。除難度厄，無念無爲。今日校錄，諸天臨軒。

東方無極保胎生道神王，長生大聖，無量度人。

南方無極保胎生德神王，長生大聖，無量度人。

西方無極保胎扶貴神王，長生大聖，無量度人。

北方無極保胎衛真神王，長生大聖，無量度人。

東北無極保胎福善神王，長生大聖，無量度人。

東南無極護命昭化神王，長生大聖，無量度人。

西南無極護命精神神王，長生大聖，無量度人。

西北無極護命食厄神王，長生大聖，無量度人。

上方無極護命斷死神王，長生大聖，無量度人。

下方無極護命廣慧神王，長生大聖，無量度人。

十方至真保胎護命神王，長生度世無量大神。並乘紫霞吉光越蒼之獸，神禽丹鳳之輿，瓊宮瑤輦，左驂七靈，右

服九絕，巨鳥戢羽，夔龍負轅，建保胎之節，護命神旛，前嘯八淳齊唱，後吹

九律同鳴，僊舞秦侯，嘯歌嚨嚨，五老啓塗，三元列言，億乘萬騎，浮空而來。

天貴生道，胎命為先。上帝躬簡，大極候煙。總真命神，監房度生。九天聖

母，浮駕綠輶。天后王妃，玄虎擁筵。保胎護命，齊到帝前。隨所應度，嚴校諸天。普告三界，無極神鄉，延生之府，太一三垣。十二胎神，布氣錫年。使召天真，絳膜紫淵。交氣黃庭，掃蕩河源。若有故氣，祖考逮傳，閉塞生道，破胎敗傷，不繼種嗣，剋害殃延，疾除宿注，落滅禍根，不得拘留，逼合鬼群。元始符命，時刻升遷。斷絕惡試，五道不祥。保胎育嬰，部衛形魂。制魔保舉，護命朱宮。靈降出貴，僊化成人。生身受度，劫劫長存。隨劫輪轉，與天齊年。太度生灾，胎中八難，超度三元。道備飛昇，逍遙上清。上清之天，北華台元。主世生道，各有種天。天帝玉真，無色之境梵行。

東方八天

此三十二天，專生保胎護命，及天下胎生種類，莫不隸之。其胎氣所行之天，起於辰極之下，自北斗玄冥星支入三台。三台六星，主生養萬物，胎護群生。下左回纏房宿十三度，女宿十七度，至寶鉞宮子位而止。凡遇氣到本命及本生胎宿，則女人有胎，胎脫生子，故謂之子。寶鉞者，取其

受而出之，亦胎之象也。惟天人化生，住無形胎，自天人至於人鬼龍魔，皆不化生，住有形胎也。此天傍連欲一十八天，亦有帝君官屬治之，世人諸乞，則降貴氣，生男安胎室也。

靈梵居羅天，帝恭慈真。

秀明華耀天，帝辨元霄。

極真洞生天，帝劉行真提。

蒲離正化天，帝羌度霞迷。

上治宏默天，帝延神關熙。

六凝真度天，帝抑真虛夷。

英延飛度天，帝汨燄婁呬。

覺儲應始天，帝正察真微。

南方八天

燄魔靜空天，帝崔臨支題。

旋樞亦界天，帝理常都。

氏正護雛天，帝辯遲樓藍。

越理至玄天，帝蒼端思蒙。

梵符昭濟天，帝約尚良。

虛球彥渚天，帝淵憂毗栖。

禁非司政天，帝眇圖卑羅。

玉庭明度天，帝鬱童僊人。

西方八天

風舉大剛天，帝匪常儀生。

金嵬賢善天，帝火玄行。  
 瓊嶽修盛天，帝力摧大魔。  
 陶化揚儀天，帝都演奢多。  
 曲魚斗刺天，帝求婆貪貢。  
 判靈宣平天，帝智辟郎據。  
 皓華成備天，帝倪僊連。  
 高玄智豫天，帝九都赫盧。  
 北方八天  
 太始拘墟天，帝弗欲單齊。  
 廣曜黎明天，帝阿留真明。  
 鶴臺統全天，帝開躬朗充。  
 應利回冥天，帝惠屈眉龍。  
 善幾率陀天，帝偃幾西康。  
 玄胎修妙天，帝定梵光。  
 稽元曆除天，帝著克頤陽。  
 不驕道循天，帝鬼府洞侯。  
 三十二天，三十一帝，諸天隱諱，  
 諸天隱名。胎神空洞，自然靈章。保  
 胎隱韻，變胎靈音。天中之尊，天中之  
 神，天中太玄，天中之靈。保胎化成，  
 氣連玉清。皆自元始，播精移神。無  
 量之奧，深不可詳，敷落胎真，普度天  
 人。今日欣慶受度，歷關諸天，請滅胎

種，傳注不祥，食穢惡鬼，黑齒夫人，黃  
 女春姑，白殃日巡，噉胎殺子，西宮鬼  
 神，青蛇天狗，白虎花源，老翁幼婦，誣  
 害胎元，生民嗷嗷，但抱深冤，不知胎  
 害，故氣相連。神王監舉，無拘生民。  
 東斗布筭，西斗定名，北斗結胎，南斗  
 送魂，中斗大魁，土爲胎真。青帝護  
 魂，白帝侍魄，赤帝養氣，黑帝通血，黃  
 帝中主，萬神無越。青天降胎，木真碧  
 羅。赤天降胎，紫蓋婆娑。白天降胎，  
 金真九回。黑天降胎，水帝灌池。黃  
 天降胎，福禧登期。五天胎神，萬生之  
 宗。飛行三台，涉過氏房。攀女揖虛，  
 遊觀太空。光霞赫奕，諸天齊功。保  
 胎護命，嚴攝北酆。八方害氣，敢爲灾  
 凶。監生大神，校課不容。風馳雲奔，  
 擊劈前衝。火師迅煙，玄虎檢蹤。燔  
 裂洞浩，神兵四攻。敢有干試，拒遏上  
 真。金馬傳驛，玉真衛營。屠割鬼爽，  
 風火無停。千千截首，萬萬剪形。魔  
 無千犯，鬼无沃精。保生瓊胎，天壽和  
 寧。普告無窮，萬神咸聽。三界五帝，  
 列言上清。

玉泉无波，龍澤靈阿。眇眇梵氣，  
 道胎駢羅。孕化混沌，攝制大魔。混  
 沌之中，上無復色，下無復淵。風水舍  
 虛，紫胞洞然。神來感格，氣本先天。  
 天上天下，無幽無冥，無形無影，無極  
 無窮。溟滓大梵，遼廓无光。生道開  
 明，度人億千。元始安鎮，建植諸天。  
 人氣昇玄，胎神內連。妙氣成文，雲章  
 玉篇。三元寶書，鳳蹟龍文。保胎護  
 命，運曆長存。大梵泛維，萬胎啓張。  
 星光流演，三十二天。輪轉無色，周迴  
 十方。旋女歷房，迴度三台。三十五  
 分，總氣上元。八景冥合，氣入生元。  
 元中太皇，上帝高真。乘景太和，唱詠  
 洞章。司錄定生，聖母履綱。斷除胎  
 注，生厄除殃。時貴月吉，三元惟良。  
 既誕勝慶，載齡協昌。千和萬合，道化  
 成身。身從胎生，胎中有真。帝一至  
 尊，司命保胎。宮室布分，天一左真。  
 保胎神君，天一右真。保胎神君，泥丸  
 大神。保護胎門，玉女出入。抱火握  
 鈴，玉帝在頭。赤子住心，黃庭老師。  
 守護帝闕，與天爲一。百子千孫，斬逐

腐敗。狼藉血痕，不得忤胎。使嬰晏存，上通玉清。呼吸華房，綠室神窗。細微之中，護命安魂。玉宮明堂，金闕崑崙。生氣保胎，道德委純。十月九周，萬氣齊仙。僊道貴生，無量度人。開通人門，飛天元君。恍惚常經，變化無垠。保護胎命，三景同明。罪福禁戒，宿命因緣。普受開度，降魂生身。身得受生，上聞諸天。諸天之上，各有生門。中有空洞謠歌之章，保胎靈篇，辭參高真。

第一天元保胎大神護命真君甲子

甲戌監生之章

大道有神，地魄天魂。日月同并，結胎變靈。玉佩左飛，金璫右迴。流精九轉，光被八垂。赤子妙微，房參尾箕。神女錦襪，華纓寶衣。入宴胎宮，三元共禧。扶携真童，自然合離。辟却萬凶，不蹈傾危。祈男公侯，禱女嬌妃。保固利亨，天真永綏。

第二地元保胎大神護命真君甲申

甲午監生之章

黃旗舞空，紫白當宮。胎全子生，

天福濛濛。我來自東，泛青雲兮。御彼長虹，捫星斗兮。玉馬金風，下真庭兮。素女么童，傾光降車兮。翠裾六龍，彼天人兮。揖我上公，保胎神於三元，固靈根於九重。紫皇太一，萬天齊功，坐嘯千神，斬馘殃窮。擲火億程，化明飲風，保定生胎，道德無終。晨霞吐光，照徹玄穹。

第三水元保胎大神護命真君甲辰

甲寅監生之歌

陰胞陽胎，萬生同賴。一氣共旋，三界斯在。我執玉彝，來奠洪儀。聖妃瓊顏，光華夷蕤。紫氣在戶，胎室寧固。即召九天，華蓋翩翻。六丁鼓瑟，三元掬煙。衛此生房，日月齊年。神公誅斬，北帝列言。天兵合圍，僊真按軒。燒香稽顙，注記無偏。善功自生，翊侍玄元。

此三元之上六甲之宮，保胎護命自然歌音，音參洞章。誦之百徧，靜衛胎宮。誦之千徧，百神保迎。萬徧道備，胎化僊容，過度三元，護命王公，有聞靈音，六甲扶承，勅制地祇，寢息無

驚，拔出地宮，天墮橫傷，五苦八難，生孽繁榮，永離禍姦，魂魄和明，合道長生。是謂無量，普度無窮。有祕上天文，諸天共所崇，泄慢墮地獄，禍及七祖翁。

道言：此洞章並是三元上帝，六甲神王隱祕之音，皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都三台上宮，依玄科六萬劫一傳。若有至人齎金質心，依舊格告盟十天，然後而付焉。

道言：下元女人身抱胎脈，或犯五傷，日月刑衝，返害母命，分降之時，為上世亡魂，無道鬼爽，阻礙移殃，不得生就，天魁大殺，作諸妖賊。凡有此災，此時皆當淨心修齋，六時行香，十徧轉經，福德立降，消諸不祥。無量之文，普度無窮。

道言：夫胎宮氣衰，生福不行，多致墮落，羸涸不榮，祖考訟呼，嗣種斷緒，母子不良，三孤九病，乳育乘邪，灾咎隨妨，奉真至人，為其行香，誦經十

徧，保胎護命監生，奏上南宮，爲添筭紀，全祐生身。隨其道功，計其隆殺，富壽神僊。

道言：有傷胎之鬼，致訟三官，賊其年命，滅折祿員，使胎嬰病注，子養不榮，皆鬼神之所爲也。亦有善人橫被陵害，使失嗣續世微，門戶凋謝。可以急誦此經，祈告胎星，以保命生基。或上世乏德，鬼責人怒，天刑其胎，不得安完。速宜改慎，洗心自悔，以免此灾。害胎之鬼，其名有九。食二月胎鬼名黃球，食三月胎鬼名厲生，食四月胎鬼名兆非，食五月胎鬼名陸蜺，食六月胎鬼名血尸，食七月胎鬼名窮奇，食八月胎鬼名火期，食九月胎鬼名龍眉，食十月胎鬼名赤奚。知其鬼名，焚香誦詠，永保安寧。生死受賴，其福難勝。故曰無量，普度世人。

道言：凡有是經，能爲下世男女保胎護命。有灾之日，發心修齋燒香，誦經十過，皆諸天記名，萬神侍衛。學道之士，修誦是經，則胎神明正，三宮煥騰，長生致真，聖胎內結，不但女子

可以奉行也，右別至人，尅得爲聖君金闕之臣。諸天記人功過，毫分無失。三元胎僊，六甲神王，亦保舉爾身，得道者乃當洞明至言也。

諸天中大梵隱語無量音 道君撰

元始保胎護命靈篇

東方八天

祁彥荒正，北台元旋。梵形結生，帝火洞遷。求离柏名，希樓都玄。玉觀浩劫，女房幾延。景命神魔，綠英回檀。感屢碧戚，華瀾過壇。公都阿夷，雲符月淵。僊握流微，慶落孤賢。

南方八天

九獸蔚無，曠圖日珠。豐曲鬼神，正頤温甦。望祕蕭竟，紫華玄胡。舊井逼府，渾謀宛道。雅協僊梵，芝格乘除。建土生屈，道玄遮吳。律覽角媒，乾卑浸孤。萬眸逸度，天耀傳侔。

西方八天

羅肩野垂，騫泥偃池。劍婁尹虛，機泰迎埤。宴月霞昇，玄然瀆齊。景

瑤綠璆，交拳近師。宛樂大藪，勤封陂時。骨夜求睹，部目隱侶。歌逾昭樂，鼎琯赤容。飛屢耿名，僊庭泊峰。

北方八天

苟無猴余，琥具凝浮。威曠安迎，冥居岫臺。洺澥尸枚，九真迷崖。阿都子他，平奚海嘉。魯登丞丕，昷榭頤陀。木罔魁漠，玄籛願華。斗畢觀齒，明愬灑差。洞鎮希閱，天句衢羅。

道言：此諸天中辰魁三台元生之音，靈芒結文，布鎮三十二天，以施生定命，化肇種民，光輝縟麗，含景玉霄。天真皇人模按其文，以爲正音。有知其音，能齋而誦之者，諸天皆遣飛天神王，下觀其身，保胎護命，上奏諸天，萬神朝禮，地祇侍門，大勳僊王，保舉上僊，上真下臨，尅得遊行三界，昇入金門。此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，胎真洞映，三府肅清，天蓋旋碧，地樞玄明，嶽峙海澄，日月煥照，靈音幽響，群仙

慶寶，四氣宴寂，道景虛擬，大量玄玄也。

靈寶无量度人上品妙經卷之四十三

### 靈寶无量度人上品妙經卷之四十四

#### 洞神禳災品

道言：昔於太極天中，青華安保大真明土，受靈寶度人洞神禳災無量上品。扶桑洞神大道君當說是經，周迴十過，以召十方扶桑世界一切真仙。亘太極之東，九十萬里，碧海之內，中有大山，根連洞溟，金沙重疊，貫軸下元，上出大無，紫空神境，西連太極，南峙炎陵，北定幽門，中通玄都。而此世界，十萬餘里，神峰巨嶺，隱顯滄浪，梵浮瑞光，青霞之氣，冪冪在上，青玉爲城，碧林爲宮，地凝紺華，拱生扶桑，根蟠東極，枝條相向，青碧爲光，千葉之上，自然天文，帝真赤書，九氣鳳文，以鎮十方諸天。日月下出，陽機自運，晝夜六時，天漢波潮，雲濤爭湧，仙都人民，十二品格，百千種物，太無三氣化生，號青宮扶桑世界。元始天尊分神

萬天，散形千億，忽於此方，命以扶桑之天，青華道境，靈胃孕精，挺生空洞之極，號扶桑洞神大道君，外曰扶桑大帝。出納太陽，寶錢濛汜，真形爲日月之精，魂爲南極長生大帝。其季次曰青華帝君。扶桑育洞神之氣，氣變九劫，體貌完具，東真道成，爲洞神大道君。扶桑洞神者，九陽真精之氣也。生於扶桑之內。化爲劫火，更爲明哲辯慧高聖之德，德之至神，爲大道之君。道君執萬物之母，以化生元胎，含五行之精，以鑪錘天地。世之災變，必由火殃。火爲災本，而道有扶桑洞神之祖，以御其變。扶桑青林之氣，大則冶鍊真文，增益玄道。小則禳災散禍，福祐群生。比之火然，必緣於木。木胎藏火，火屬於神。神養水中，天灾自息，可禳之道。故扶桑洞神大道君，爲禳災之主也。降於太極，始當詣座，扶桑真境道德大神，上聖高尊，青帝真人，無鞅數衆，乘空而來。碧落飛雲，青林鬱秀，飄輪潛運，洞蓋垂華，蒼龍妙光，迢迢無外，流霞丹景，混合渺茫。



七日七夜，諸天昭臺日館，星闕璣輓，一時停軌，靈風遠溢，海岱明雲，天無異色，九氣鬱清，一國地土山川林木，瓊蘂粲芳，青文壘起，紫璆振響，合音空洞。扶桑洞神大道君於玄靜之中，爲諸生民，解禳灾厄，玄坐空浮紫霄寶光玉座之上。說經一徧，諸天大聖同時稱善，是時一國男女，灾病普皆消散。說經二徧，太極天開，萬真同會。說經三徧，仙都揚煙，慶周三界。說經四徧，靈心內通，宛識妙體。說經五徧，龍鳴海空，神波遠浹。說經六徧，三灾不作，萬物生榮。說經七徧，神輝同映，層闕光明。說經八徧，五篇雲篆，紫籟成音。說經九徧，玉華飛空，重綵交煥。說經十徧，洞神垂照，泉曲蒙恩，是時一國是男是女，莫不傾心，皆受護度，咸得長生。

道言：是時扶桑洞神大道君說經一徧，東方無極無量品禳灾解厄洞神至真大神，無鞅之衆，浮空而至。說經二徧，南方無極無量品禳灾解厄洞神至真大神，無鞅之衆，浮空而至。說經

三徧，西方無極無量品禳灾解厄洞神至真大神，無鞅之衆，浮空而至。說經四徧，北方無極無量品禳灾解厄洞神至真大神，無鞅之衆，浮空而至。說經五徧，東北無極無量品禳灾解厄洞神至真大神，無鞅之衆。浮空而至。說經六徧，東南無極無量品禳灾解厄洞神至真大神，無鞅之衆，浮空而至。說經七徧，西南無極無量品禳灾解厄洞神至真大神，無鞅之衆，浮空而至。說經八徧，西北無極無量品禳灾解厄洞神至真大神，無鞅之衆，浮空而至。說經九徧，上方無極無量品禳灾解厄洞神至真大神，無鞅之衆，浮空而至。說經十徧，下方無極無量品禳灾解厄洞神至真大神，無鞅之衆，浮空而至。十徧周竟，十方無極禳灾解厄天真大神，一時同至，一國男女，傾心歸仰。來者如赴淵之流，應潮之水，渺然無際，不見端倪，無鞅之衆，舉國內外。或有體用未分，因緣爲灾。智慧不爽，法染爲灾。神氣不合，分別爲灾。道性不明，執妄爲灾。去取空有，邪正爲灾。戀

著法身，認己爲灾。貪著神通，變幻爲灾。欲出三界，生死爲灾。識悟大道，無作爲灾。測量元化，狂瞽爲灾。不知洞神，陰陽爲灾。出入胎藏，凡聖爲灾。凡此十二大灾，天人大神至學之灾也。復有世間之灾，出胎之時，業力所轉，橫側爲灾。童孺之時，驚忤爲灾。壯歲之時，運度爲灾。營辦之時，得喪爲灾。修舉之時，氣候爲灾。起居之時，疾病爲灾。有作之時，鬼神爲灾。昧心之時，天地爲灾。負國之時，刑戮爲灾。不孝之時，雷火爲灾。不戒之時，天禁爲灾。汗慢之時，夭折爲灾。潛毒之時，陰陽爲灾。貪徇之時，溢分爲灾。居世之時，僞薄爲灾。凡此十五大灾，世所罹犯。以至身命喪失，五命加臨，天星爲殃，地司執錄，三官上奏，五帝注尤。此等灾厄，累繫身心，咸赴道君廣大法席，周帀圍繞，瞻望天顏，伫聽玉音，宣示禳灾普利大法。於是扶桑教主洞神太上大道君，攬日月雲龍之綬，轉瑞玉明光之几，俯顧大衆，欣眄十方，倏歛之間，分身千

億，一切衆生，各起生緣，及諸境界，一衆生，皆見己身，親對聖身，長跪受記，撫頂訓言。演說扶桑爲生氣之根，中生洞神之氣，爲萬類之精神。一切

大災，存念洞神正真九陽之光，無災不除，滌滅厄害。於其會中，見一道君，浮坐紫雲曲蔭扶桑玉章紋葉之下，洞神之氣化爲丹林，丹林千真，冠劍竦列，去地五丈。洞神大道君登引，禳灾解厄洞神天真大神，韓司主錄，南宮移度却灾順行神君，上聖高尊，青華耀寶真人，十方無極至真大神，無鞅數衆，俱入神林扶影之內。天人仰看，惟見勃勃從洞光中入，既入林光，不知所在，國人廓散，碧壘砥平，神林靜默。洞神大道君即於化境之內，說經都竟，衆真監度，以授於我，當此之時，喜慶難言。法事粗悉，諸天復位，空洞生神，寂無遺響。是時天人遇值經法，普得濟度，全其本年，無有中傷，傾土歸仰，灾患消禳，清靜本心。心既淨正，邪道不干。星軌凌犯，鬼神禍刑，三灾四殺，五行六害，七傷八難九厄，過度

灾咎，除滅不祥，言契中道。中無毀非，齊同慈愛，異骨成親，國安民豐。欣樂太平，經始出教，一國以道。預有至心，宗奉崇禮，皆得度世。

道言：洞神大道君說經中所言，並是諸天上帝禳灾致福隱韻之音，亦是魔王內諱，禳消萬灾之隱名也，非世之常辭。上聖已成真人，通玄究微，能悉其章。誦之十過，諸天降真，灾氣沈滅，厄禍擯竭，本命開光，生福自然，天真警衛，非道無干，群仙凜顏，靈司鼓節，灑霞分綯，寶海發光，世故殄除，惡煙飄息，回灾轉厄，進業成真。至學之士，誦之十過，則列帝同格，衆天遐映，護世灾殃，悉令禳解，民物安謐，生道永昌，毒害消散，鬼精喪眼，五帝侍迎，三界稟命，濟度垂死，絕而得生。所以爾者，學士道德充備，鬼神尊仰，體洞真極，神力周滿，誦詠至經，福降灾消，一切衆生，禳脫衆難，玄通天政，伏御地祇，束縛魔靈，不但却死，亦能更生。輕誦此章，身則被殃。供養尊禮，門戶興隆。世世昌熾，與善因緣，萬灾不

干，神明護門。斯經尊妙，獨步玉京，度人无量，爲萬道之宗。巍巍大範，德難可勝。

道言：凡誦是經十過，九天消灾散禍，諸天大神齊到，禳除厄難，暗宿陰曜，玄天神首，孛戾凶怪。將臨命限，齋心祈懇，永斷衰殃，數極劫終，魂神受度，上昇朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，惠澤滋洋，生類蒙福，重灾巨厄，清蕩捐釋，皆即受度，飛昇南宮。世人受誦，則延壽長年，後皆得作尸解之道。洞神火精，鍊骨變仙，形神隱顯，出入自在，栖泊福庭，逍遙道域，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，解禳

上世亡魂，塚訟鬼官，臨注之灾，斷滅殃傳，夜河之役，度上南宮。七月長齋，誦詠是經，解禳己身，天羅地網，九橫凶醜，天獄刑害之厄，身得神仙，諸天書名，黃籙白簡，削死上生。十月長齋，誦詠是經，解日月勃蝕，天地運否，邪源妖蠶，境土國界之灾，人民毒症，傷犯天絕。爲國王帝主，君臣父子，安鎮國祚，保天長存，世世不絕。常爲人君，安鎮其方，民稱太平。八節之日，誦詠是經，解禳氣數遷易，交變時節之灾，口舌罪咎，禁繫殺傷之厄，水火窮衰，閉塞之難，九宮降神，下衛其身。本命之日，誦詠是經，解禳北斗，追召生魂，死注坎蹇，窘辱之灾，魂神澄正，萬氣長存，不經苦惱，身有光明，三界侍衛，五帝司迎。萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅

子、白鶴，羅列左右，日月照明，洞煥室內，十方禳灾洞神大神，儼對前後，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。

畢引炁三十二過，東向誦經。

### 元始無量度人上品妙經

元始洞玄靈寶本章，洞神禳灾妙品，天福度人。百魔隱韻，離合自然。洞神赤文，無無上真。元始祖劫，化生諸天。青華木真，萬物生根。生氣流布，精液氤氳。木之尊神，元氣之子。氣生真水，水變生木。木含青華之氣，爲萬物之主。其青華木精中舍明性，化而爲火。火色赤明，通妙成真。自然生神，體洞太虛。解悟誠明，其氣長

生。炎動熒熒，名曰洞神。洞神至真，物得生成。一切邪殃，見之悉寧。爲道真體，灾凶邪僞，莫可禦當。地有五金，得火見精。萬物入火，變化無方。易骨登玄，思妙全天，理臻又玄，如世灾殃，非正之歸。洞神乘之，萬灾折摧。洞神九陽，生福無量。得者長存，物感永臧。神風揮激，丹霞飄揚。屈曲成文，三景同光。禳灾護生，刻榜瓊堂。上通三天，無無道鄉。下極玉山，鬱羅混黃。中施群類，救禳灾殃。嚙佩神文，引吸太陽。紫烟內凝，燦灼焯煌。爲道之要，超升之門。天真之因，化生神靈。制運保民，皆由洞神。神氣大梵，周迴十方。中有禳灾回福之神，滅禍延生之君，洞神解厄尊神，東華度命之君，太皇萬福丈人，中有扶桑定命除灾之神，消灾散禍道德之君，禳祈應契，無量度人。今日校錄，諸天臨軒。

東方無極洞神禳灾神王，長生大聖，無量度人。南方無極洞神禳灾神王，長生大聖，無

量度人。

西方無極洞神禳灾神王，長生大聖，無量度人。

北方無極洞神禳灾神王，長生大聖，無量度人。

東北無極洞神禳灾神王，長生大聖，無量度人。

東南無極洞神禳灾神王，長生大聖，無量度人。

西南無極洞神禳灾神王，長生大聖，無量度人。

西北無極洞神禳灾神王，長生大聖，無量度人。

上方無極洞神禳灾神王，長生大聖，無量度人。

下方無極洞神禳灾神王，長生大聖，無量度人。

十方洞神禳灾神王，長生度世無量大神。並乘颿輪回旋耀景之輿，丹瓊雕輦，華蓋珠旛，驂駕龍鳳，十絕九光之幢，四氣八景明离之帳，前嘯梵音齊唱，後吹瓊籟同鳴，金鶴丹禽，嘯歌嘯嘯，六甲啓道，九老翼轅，億乘萬騎，浮

空而來，傾光回駕，監真度生。諸天丞

相，南昌上宮，司命司錄，禳灾散禍，延壽益筭，度厄尊神，執籙把籍，齊到帝

前，隨所應度，嚴校諸天。普告三界，無極神鄉，泉曲之府，北都羅酆，三官

九府，十二河源，行灾主瘟天大殺鬼冥曹之神，禳免世間生類刑禍衰虛之灾。

改易簿書，勾落灾祥，使生常存，福慶日增。疾除罪釁，落滅惡根，不得拘留，逼合鬼群。道君符命，時刻升遷，

順剛入斗，迴度天關。出死入生，上見帝宸。制魔保舉，度品南宮。魂魄受鍊，灾消福應。生身受度，劫劫長存。

隨劫輪轉，與天齊年。永度三塗，五苦八難，超凌三界，逍遙上清。上清之

天，天帝玉真，無色之境梵行。

東方八天

玉曆玄度天，帝真定儀陽。

錫納慶祖天，帝仇辨嬰常。

九氣敬賢天，帝收提耿光。

青華利元天，帝孚蒲耳敦。

韓都九司天，帝旺池奚銘。

部同超後天，帝鄙宗時隆。

丹林隱立天，帝僑蹤彥松。

九色剛種天，帝月支子容。

南方八天

耀浮埤寓天，帝景肇建生。

重光普時天，帝玉微觀靈。

洞極丹儀天，帝祖奇歸仁。

正基太度天，帝除思步肱。

辨阿錄成天，帝感儀聰。

玄殊惠凝天，帝彥侶馮靈。

九陽歷靖天，帝路蚪師陰。

章梵元淨天，帝伍丘思全。

西方八天

參寂玄際天，帝大無元。

兆津普夷天，帝師度歌延。

妙瑜素靈天，帝順師洞陰。

金扉皓墟天，帝藻辭願晡。

洞惠明妙天，帝根齊疏袞。

招真空碧天，帝蟻東枝傾。

國定慶基天，帝浪敷由央。

皇思時龍天，帝夢元夷玄。

北方八天

道力弘度天，帝學務演直。

豫懌玄明天，帝長善珉。

助極德契天，帝景章融妃。  
九素思玄天，帝洞覺燿真。  
潛燿承光天，帝軸羅用崔。  
太元崇構天，帝臺淵奔施。  
皓幾宗神天，帝鹿杜冥樞。  
幽復遼期天，帝月上真。  
三十二天，三十二帝。諸天隱諱，  
諸天隱名。洞神梵氣，自然靈章。諸  
天隱韻，洞神之音。洞神之尊，洞神之  
神，洞神大魔，洞神之靈。性和神合，  
變化上清。無量之奧，深不可詳。敷  
落神真，普度天人。今日欣慶受度，禳  
灾去非，太上考按，宿舍回軒，黑道百  
試，血火千殃，灾及世間，鬼謀福怨，誣  
成巨灾，歷關諸天，請滅五苦，勅斬五  
衰。飛步天垣，命據九元，害氣永滅，  
道君錫年。洞神降精，想入天門。東  
斗校錄，西斗攝靈，北斗禳解，改易灾  
名。南斗符命，靈書護身，中斗注壽，  
大福總靈。青帝保命，白帝遏殃，赤帝  
度錄，黑帝釋禳，黃帝營衛，福慶煌煌。  
青天大神，使灾不生。赤天大神，呪詛  
不成。白天大神，喪害潜形。黑天大

神，清蕩鬼營。黃天大神，靈圖鎮真。  
內安五臟，外集百神。靈文玉章，元氣  
之根。禍難撲滅，光明赫升。五天大  
神，萬鬼之君。飛行空界，總領鬼兵。  
麾幢鼓節，遊觀九冥。朱幡赫奕，紫氣  
輝騰。諸天改度，灾變福臻。上天度  
人，嚴攝北酆。洞神太上，普掃灾凶。  
八威攝氣，猛馬四攻。天丁捕鬼，大帥  
縛龍。擲火萬里，流鈴八衝。敢有干  
試，妄為衆灾。北帝漂骨，南斗焚骸。  
屠割鬼爽，誅斬無偕。風火浩浩，豁落  
燒摧。千千截首，萬萬剪形。魔無干  
犯，鬼無祆精。三官北酆，明檢鬼營。  
不得容隱，金馬驛呈。普告無窮，萬神  
咸聽。三界五帝，列言上清。

元洞青華，氣結碧霞。曲扶神桑，  
紫文雲芽。本神為生，生道為春。化  
物之祖，洞神之尊。洞神陰火，制鍊陽  
魂。人物遇之，即成仙真。允被世灾，  
邪回所興。心能契真，禍散消雲。洞  
神吐氣，不祥如焚。生福之源，玉京玄  
山。左淨右靈，金液玉泉。巍巍九天，  
氣入重玄。玄道無色，玄下無淵。風

澤洞虛，玄中有天。天上天下，無幽無  
冥。無形無影，無極無窮。溟滓大梵，  
遼廓無光。當爾之時，孰為屯灾。赤  
明開圖，萬象克諧。善集成福，積惡成  
灾。灾福之肇，皆心所生。道體無形，  
道心無為，無形無為，福灾何媒。洞神  
道君，至慈運悲，回灾就福，護生不遺。  
五篇玉字，八威龍文，禳革故氣，延筭  
遠期。保制劫運，使天長存。梵氣彌  
羅。萬灾伏藏。元綱流演，三十二天。  
輪轉無色，周迴十方。斗中司命，注福  
除殃。神氣運行，三十五分。總氣上  
元，八景冥合。氣入玄玄，玄中太皇。  
上帝高真，手把混元，禳灾寶符，坐鎮  
明堂，泛景太霞，嘯詠洞章。金真朗  
郁，流響太微，祆星順度，攝制祆氛。  
白烟左回，紫氣右歸，化生玉儀，千和  
萬合。自然成真，真中有神，扶桑碧  
宮，洞神道君。萬氣之祖，長生大君，  
首建青霞，身御綿紳。無英公子，白元  
尊神，太一注筆，桃康俯庭。執符把  
籙，保命生根，上遊上清，出入華房，八  
冥之內，細微之中。下鎮人身，泥丸絳

宮，中理五氣，混合百神。十轉回靈，萬氣齊仙。僊道貴生，褻斥灾氛。神視天門，奄見皇君。授子密語，自識天真。罪福禁戒，宿命因緣。普受開度，洞神生身。身以道生，上聞諸天。諸天之上，永滅灾因。中有空洞謠歌之章，三真靈篇，辭參高真。

第一洞神道君禳灾致福天市順度之音

煌煌磊落，明威八回。下照世間，萬類所歸。順度則吉，逆天見衰。再拜金色，願應禳祈。灾害不生，道德巍巍。仙道無休否，鬼道輪興衰。何不觀太無，靈妙氣昭璫。炯炯碧空上，玉闕雲煙飛。仙人挹香風，嬰顏等春回。洞神變青芽，嚙餌光徘徊。庶使扶桑道，鳳章藹清微。下憫朝生徒，疊疊輪轉間。不知洞神旨，躑躅拘籠樊。騁霄契高靈，偶景東華山。

第二洞神道君禳灾致福太微空洞之章

碧光流映，金闕朱軒。燦燦星株，雲網繞天。繁秀貫珠，遲伏見灾。留

逆殃延，我有赤文。靈圖寶躔，交綱合形。禳灾赦愆，太上所祕。萬劫一傳，洞神元皇。冒禁下宣，霞章吐麗。丹書寫玄，除世厄尤。延道永年，扶順帝道。億劫無遷，連閣龍居。金光蜿蜒，吐火激波。蕩滌魔冤，與道冥一。三界列言，過度八難，氣入自然。

第三洞神道君禳灾致福紫微伏魔之歌

圓景蕩蕩，金馬四馳。瓊車空遊，日將月隨。部衛萬神，三官拱儀。世有灾數，水火陵夷。九六終窮，交換坎離。九靈鼓翻，龍驛轉機。兵刀雨暴，殺氣橫陂。灾惡見象，赤書布施。五帝執筆，四明捕非。妖氛淨蕩，福德洪采。帝壽萬年，巨民燕頤。荒服衍歌，慶善襲之。我歌洞文，丹輿綠雲。寶傘吹華，神風杳芬。紫宸周行，三台屏神。浩氣臨斗，流鈴鍊真。宸霞九色，太素之君。

此三真太上洞神道君，分化法身，

遊行太空，禳灾萬福之音，音參洞章。誦之百徧，名度南宮。誦之千徧，魔王

保迎。萬徧道備，飛昇太空，過度三界，位登仙公。有聞靈音，魔王敬形，勅制地祇，侍衛送迎，拔出地戶，五苦八難，七祖升遷，永離鬼官，灾咎無留，命福駢臻。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及禳灾真王隱祕之音，皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶質心，依舊格告盟十天，然後而付焉。

道言：夫洞神禳灾之法，其道至妙。自非體玄究微，不能悉知。天人

之灾者，運度否終，日月虧盈，聖神休否，末學疾傷。凡有此灾，同氣皆當齊心修齋，六時行香，十徧轉經，福德立降，消諸不祥。無量之文，普度無窮。

道言：禳解種民之灾，或數窮命

盡，禳却不祥者，或末學道淺，仙品未充，運應滅度，身經太陰。臨過之時，

同學至人爲其行香，誦經十過，以度屍形如法。夫如法者，爲禳世災不逮，更禳歿後之災也。今既身沒魄逝，而尚謂之災者，謂水火之獄，金鐵之獄，考掠追召囚閉之災，亦魂爽地下之災。則於山水間寂之地，封土爲壇，北向祈啓，敷露五方真文玉書，修齋誦經以解，魂神逕上南昌，隨其學功，計日而得更生。轉輪不惑，便得神仙。

道言：夫天地運終，星宿錯度，日月失昏，四時失度，陰陽不調，國主有災，兵革四興，疫毒流行，兆民死傷，師友命過，皆當修齋，行香誦經。以五帝赤書五方靈文，丹書碧素，向方火而颺之。以栢木爲簡，丹注其意禳解之文，投山水間，埋著向處，及有災之境。則洞神大神收攝災氣，降致福祥。夫齋戒誦經，功德甚重。上消天災，保鎮帝王。下禳毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有災之日，發心修齋燒香，誦經十過，皆諸天記名，萬神侍

衛，右別至人，尅得爲聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音 道君撰

扶桑洞神大道君禳菑靈書中篇

東方八天

箕鳴玉阜，東井變仙。牛室互交，六氣辯玄。离披寶泰，玄躅迷夷。諸羅梵摩，陳帑萬微。馘竺由慈，字盼紛持。角卓護景，月帝陰霏。辜乾擊陀，變覺銘儀。仙柳說林，翼原巒微。

南方八天

正坤九辨，巴冥混東。紫丘適河，寂真相同。梵度遼普，金極洪壠。肇淨平育，阿彌思蒙。挺洞赤霞，晶晶碧容。桓羅閻救，率宰營忠。肆碑詩何，竟卓懋春。公建霜緣，哨粵垂雄。鬼澤龍偃，定白祕玄。學靈鄙露，支騫走檀。

自鬼字叩四句，係禳災密文。

西方八天

奎婁應仙，旗高步蓮。綽真構攤，景復滋堅。太香玉度，球浪楚傳。牛室事無，寶秤默云。神諦梵藪，青朗奏矜。龍霧侔就，丹蜚淵弘。普載丁琥，驥敕揚誠。覽覺垌常，狐兵資興。

北方八天

鬱儀結璘，飲聖功傳。朗都究明，道伯攸玄。爻宜轉綱，權融齒房。玉邈稽微，天魁訕延。畢老墟圩，景霽洞傷。陽復雷捷，越達聿蒼。蘇林奚充，神鳳膺張。寂區環極，道祕奇常。

道言：此諸天中大梵隱語，無量之音，舊文字皆廣長一丈，刻書大帝金宮扶桑青林玉葉雙幹之上。上禳天災，下禳地禍，中安民物。神風振之，洞神發音，氣徧九有，和合萬靈，使災害不干，萬真降庭。天真皇人昔書其文，以爲正音。有知其音，能齋而誦之者，諸天皆遣洞神禳災萬福神王，下觀其身，書其功勤，上奏諸天，萬神朝禮，地祇侍門，大勳魔王，保舉上真，道備尅得，遊行三界。昇入金門。

此音無所不辟，無所不禳，無所不

度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默。山嶽吞烟，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之四十四

靈寶无量度人上品妙經卷之四十五

解禳山谷瘴癘品

道言：昔於浩舒天中，邃碧幽歌大神樂土，受元始度人解禳山谷瘴癘妙品。元始天尊當說是經，周迴十過，以召十方，始當詣座。天真大神，上聖高尊，妙行真人，大小山谷，仙官主宰，十方國土，列嶽群仙，溪谷泉源，鬼神令長，直年方域，行瘴爲癘，神官曹屬，部隸攸司，無鞅數衆，乘空而來，從山現出。紫輶碧輿，飛雲暉映，寶輪羽蓋，扶華垂蔭，流明玉光，千色蓬勃，朗耀玄虛。七日七夜，諸天日月星宿，樞衡，玉關，駐景停輪，神風靜默，山谷藏雲，天鑑鮮瑩，和氣八騫，一國地土山川林木，緬平一等，無復高下，土皆作藥珠含碧溫明之玉，無有異色。衆真侍座，元始天尊玄坐空浮九靈夜光萬峰承景瓊臺之上。說經一徧，諸天大

聖同時稱善，是時三萬六千山嶽，一時開明。說經二徧，玄霜洒空，靈芝盤鬱。說經三徧，祥煙普覆，岩竇生香。說經四徧，世境肅清，山雲吐秀。說經五徧，龍光照海，天寶凝華。說經六徧，道炁昭蘇，群生怡悅。說經七徧，鬼魔潛伏，瘴癘捐消。說經八徧，天谷虛玄，神煙鬱藹。說經九徧，玉真俯應，妙瑞告玄。說經十徧，化洽窮夷，天人稱嘆，是時一國是男是女，莫不傾心，皆受護度，咸得長生。

道言：是時元始天尊說經一徧，東方真賢世界無極國土解禳山谷瘴癘大神，無鞅之衆，升空而至。說經二徧，南方慧觀世界無極國土解禳山谷瘴癘大神，無鞅之衆，升空而至。說經三徧，西方定仙世界無極國土解禳山谷瘴癘大神，無鞅之衆，升空而至。說經四徧，北方常善世界無極國土解禳山谷瘴癘大神，無鞅之衆，升空而至。說經五徧，東北明微世界無極國土解禳山谷瘴癘大神，無鞅之衆，升空而至。說經六徧，東南靈德世界無極國



土解穰山谷瘴癘大神，無鞅之衆，升空而至。說經七徧，西南海靜世界無極國土解穰山谷瘴癘大神，無鞅之衆，升空而至。說經八徧，西北元皇世界無極國土解穰山谷瘴癘大神，無鞅之衆，升空而至。說經九徧，上方洞虛世界無極國土解穰山谷瘴癘大神，無鞅之衆，升空而至。說經十徧，下方通光世界無極國土解穰山谷瘴癘大神，無鞅之衆，升空而至。十徧周竟，十方世界無極國土解穰山谷瘴癘大神，一時同至，一國男女，傾心歸仰。求請天尊，以大慈力，普爲下元十方世界無極生類，解穰山谷瘴癘，保命全形。演說普天山嶽，洞谷幽墟，有諸鬼神，藏匿遊泊，與諸惡毒御命之衆，聚結黨屬，施行毒炁，瘴癘生民，元始神文，收攝解除，毒害永消。是時仙真來者，雲集雨飛，駢羅圍繞，無鞅之衆，迓國一半土皆偏陷，非可禁止。於是元始凝眸垂盼。遐覽國土，緩振玉音，徧告大衆。混黃立極，萬象同生，故有三萬六千天地，三萬六千日月，又有大三千世界，

中三千世界，小三千世界。一一世界，各有種類，以分族緒。三萬六千山谷，處諸世界。次一萬三千山谷，一萬二千山谷，一千二百山谷，三百六十山谷，以爲天地世界。滌澮藪澤山谷之炁，化生毒酷醜惡蛇虺，大小之蟲，乘其晨炁，噓吐成烟，毒霧蔽蒙，觸冒世間。世間男女依近山谷，呼吸飲吞，納受其邪，構爲瘴癘，以至夭傷，徧殆境邑。我以法慧，出示神符解穰之法，使世間生民獲養安和，修行得道。大衆稱讚，各願聽聞。元始既興妙教，懸一寶珠，大如黍米，在空玄之中，去地五丈。元始登引，天真大神，上聖高尊，妙行真人，十方無極世界國土解穰山谷瘴癘大神，無鞅數衆，俱入寶珠之中。天人仰看，唯見勃勃從珠口中入，既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中

傷，傾土歸仰，咸行善心。不邪不妄，不恣不逸，不驕不矜，不詭不隨，不誑不惑，言止淳正，體貌雍容，齊同安泰，異骨成親。國安民康，欣樂太平，經始出教，一國以道。預有至誠，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是真王內諱，解穰山谷瘴癘百靈之隱名也，非世之常辭。上聖已成真人，通玄究微，禁敕山谷行瘴爲癘毒惡鬼神，解脫禍因，厭穰疾害，保濟生民。能悉其章，誦之十過，諸天遙唱，北帝設禮，鬼神攝毒，山谷藏雲，瘴癘不行，兆民清安，群魔束形，鬼精滅爽，回屍起死，白骨成人。至學之士，誦之十過，則五帝侍衛，三界稽首，魔精喪眼，鬼祆滅爽，濟度垂死，絕而得生。所以爾者，學士棲真山谷，與道玄同，不假解穰，自無瘴癘。若穢氣未消，體未洞真，以制十方，威未制天政，德可伏御地祇，束縛魔靈，解穰瘴癘，存救世人，但却疾而已，不能長生。輕誦此章，身則被殃。

供養尊禮，門戶興隆，世世昌熾，與善因緣。萬災不干，神明護門。斯經尊妙，福慧自然，度人無量，為濟物之宗。巍巍大範，德難可勝。

道言：凡誦是經十過，十方解穰山谷瘴癘大神齊到，毒惡之炁，大小蟲蝮，噴吐惡烟，染害生民，殘傷物命，誦此洞文，瘴癘消滅。十方山谷，總屬瘴癘之神。有七仙童子，奏事童子，十二年王，七十二候，統瘟癘仙師，掌病仙母，主瘴癘歐陽神君，華仙郭師君，張師君，鍾師君，李師君，白師君，統兵行瘴病鬼帥邵侯，欽聞帝勅，急為收攝毒炁，山谷惡精，解謝積世傳注，禳辟灾咎，立離兆身。長生降真，福祿永年，清淨通靈，衆神護衛，如符所勅，病炁蠲釋。而好學至經，功滿德就，皆得神仙，飛昇金闕，遊宴玉京也。上學之士，修誦是經，山谷之邪，世間瘟疫，不敢為害，神炁充全，皆即受度，飛昇南宮。世人受誦，則延壽長年，後皆得作尸解之道。魂神躉滅，不經地獄，即得返形，遊行太空。此經微妙。普度無窮，一切天人，莫不受慶。無量之福，生死蒙惠。上天所寶，不傳下世。至士齎金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，解穰春夏山谷瘴癘，不得染注生人，為上世亡魂，斷地逮役，度上南宮。七月長齋，誦詠是經，解穰秋行山谷瘴癘，不得染注生人，身得神仙，諸天書名，黃籙白簡，削死上生。十月長齋，誦詠是經，解穰冬行山谷瘴癘，不得染注生人，為國土帝主，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，解穰時行山谷瘴癘，不得染注生人，得為九宮真人。本命之日，誦詠是經，解穰山谷瘴癘，不得於本命刑害衝破死敗之日，染傳毒炁，殃注兆身。魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東南，叩齒三十二通，上聞三十二天，心拜三十二過，閉目，靜思身坐青絳黃三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，解穰大神，侍衛畢至，項生圓象，光映十方，如此分明。密呪曰：無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，解穰山谷瘴癘妙品，十方度人。勅魔隱韻，冥合自然。真炁妙祖，虛無上玄。元始之炁，寶液凝華，植立天地，山嶽洞宮。樓列萬神，握御元綱，經營造化，順育生靈。

陰陽乖沴，生積妖雲，毒精結體，以造魔群。虺蛇巨蝮，癘鬼之精，八山四嶽，隱穴幽墟。乘其正炁，騰化邪氛，肆其酷毒，傷害黎民，爲瘴爲癘，無以蕩除。靈寶上道，洞玄真文。攝召統制，永保肅清。無文不光，無文不明，無文不立，無文不成，無文不度，無文不生，是爲大梵，神妙之機。鬱羅蕭臺，玉山上京，上極無上，大羅玉清。渺渺劫刃，若亡若存，三華離便，大有妙庭。金闕玉房，森羅淨霑，斡旋大紐，範圍十方。中有解穰山谷瘴癘之神，中有清淨萬福天君，中有衛世吉祥大神，中有無極保命丈人，中有南上蕩妖滅注延壽益筭度厄尊神。回骸起死，無量度人。今日校錄，諸天臨軒。東方無極攝毒神王，長生大聖，無量度人。南方無極葆真神王，長生大聖，無量度人。西方無極破邪神王，長生大聖，無量度人。北方無極靜天神王，長生大聖，無量度

人。東北無極辟禍神王，長生大聖，無量度人。東南無極祛瘴神王，長生大聖，無量度人。西南無極消癘神王，長生大聖，無量度人。西北無極制妖神王，長生大聖，無量度人。上方無極固命神王，長生大聖，無量度人。下方無極護身神王，長生大聖，無量度人。十方解穰山谷瘴癘神王，長生度世無量大神。並乘寶雲紫琳玉輦，碧鳳神輿，縹緲雕輪，驂駕玄虎，五色黃龍，建九天之節，八素靈幡，前嘯洞章齊唱，後歌隱韻同音，獅子白鶴，嘯歌嚙嚙，仙卿啓途，五老翼轅，億乘萬騎，浮空而來，傾光回駕，監真度世。九地土皇，五嶽上公，九州社令，四瀆神王，解穰瘴癘厄大神，執籙把籍，齊到帝前。隨所應度，嚴校諸天。普告三界，

無極神鄉，山谷之府，四面八方，三萬六千，大小之山，潛穴幽谷，岩壑溪源。上解鬱伏五行不正之炁，寒溫乖沴之邪，邁合鬼異，蒸發雲烟，隨人呼吸，傷害間關，外薄肌膚，侵擾內真，寒如冰凜，熱如火燔，形負萬苦，神意哀冤，急爲穰除，速付三官。不得怠縱，逼合生靈。元始符命，敢有稽延，天師將吏，部衛形魂。勿使惡毒，枉致暴殘。普世蒙惠，福慶自然。生身受度，劫劫長存。永無災患，與天齊年。過度三灾，五苦八難，超凌三界，逍遙上清。上清之天，天帝玄真，無色之境梵行。

#### 東方八天

螭明通化天，帝景齊文。  
普曜絕真天，帝昌嘉久隆。  
生開悅感恩皇天，帝曜正尊。  
洞空濟澤昭隨天，帝驕持屍危。  
奔中理神淨化天，帝論祁允多。  
虛德紀章天，帝保真自宜。  
道思款玄天，帝覺子湘。  
獻迪蒙示天，帝伯越師昂。  
南方八天

玉除正強天，帝班何子卿。

果寂思微天，帝道伯靈。

都璣明玄講化天，帝玉賢公梁。

章化夷德天，帝滋季師明。

慧觀曜空天，帝勅雷九莊。

太微妙宗極義天，帝延岐保靈。

端靖存華天，帝尚孝恭。

仙曆總真平功天，帝促玦宜坤。

西方八天

濬玄真和天，帝黃聿慈。

太上變炁天，帝諒伯上玄。

辭化舉仙天，帝千梁曜。

角道生光天，帝湛肩羅強。

梵寶招靈用修天，帝確覺真。

鬱淵景慶天，帝鎮微次霞。

叢陽絳英天，帝高玄陽。

瓊度力房天，帝正虞兆先。

北方八天

玄靈七真天，帝班序正析。

慶玄宛縮天，帝魯方躋騫。

校靈議淳天，帝澤路龍符。

斗籍變魂升真天，帝優管黨無。

保仙順解理明天，帝混道開。

初皇元首玉機天，帝賢資漸容。

八道隱玄藏微天，帝朝侯左還。

太素龍景逸王天，帝烈修洞休。

三十二天，三十二帝。諸天隱諱，

諸天隱名。天中空洞，自然靈章。諸

天隱韻，天中之音。天中之尊，天中之

神，天中大魔，天中之靈。九和十合，

變化上清。無量之奧，深不可詳。敷

落神真，普度天人。今日解襁瘴癘，擒

攝妖氛，請消殃怪，誅伐禍根，削除疾

橫，上奏玉玄，真王護度，塞絕死門。

東皇馘毒，西帝錄精，北君淨穢，南真

衛形，中皇太一，司領化權，調運正炁，

蕩辟魔烟。青帝布和，白帝安肅，赤帝

激炎，黑帝潤澤，黃帝總生，無令天闕。

青山魔王，拘飛運格。赤山魔王，擊殃

禦惡。白山魔王，鋒揮巨勃。黑山魔

王，撫烈捍戟。黃山魔王，董威利翼。

五山大魔，攝毒之神。各司將吏，億萬

之兵。操戈揚麾，祛掃不祥。拱輔玄

化，與道齊功。上天度人，突闡真風。

神姦不作，妙化澄清。萬種孽類，肅殺

成塵。黑溪曠野，下逮幽陰。夔魑魍

魅，血食之資，奮鼓祿力，乘負邪津。流

鈴震腦，金鉞戮形。元始告命，敢有稽


停，癘魔喪迹，瘴毒滅氛。三官北酆，明

檢鬼營，不得容隱，金馬驛呈。普告無


窮，萬神咸聽。三界五帝，列言上清。

辟山谷瘴癘佩帶符，絳囊盛，朱書白


素上，男女大小通用。




朱書，辟山谷瘴癘，貼卧處。



朱書，辟山谷瘴癘，作小丸，煎桃柳湯，望東南吞服，日三次。病寒燒灰服。



朱書，辟山谷瘴癘，解穢符。安水孟中。



天元之始，萬劫之先。渺渺祖劫，混沌玄黃。凝精結育，融植乾坤。陰陽升降，四序推行。中有沴炁，化成毒精。毒精之母，號曰栢仙。噓炁焦木，吸潤枯泉，造爲瘴癘，冥晦遊天。形爲莽鳥，九頭相連，聲如啼呱，周行八山。人觸其形，病注羸孱。天寶妙帝，鎮伏邪源，號曰赤靈，被丹巾金。威用無邊，救護世人，摧敗強殄，召迎冲炁，安輯元元。太平開圖，運度自然。元始安鎮，敷落五篇。赤書玉字，八威龍文，保制病魔，使命長存。封山禁谷，瘴癘不生。梵炁彌羅，萬範開張。元綱流演，三十二天。輪轉無色，周回十方。旋鬼歷心，迴度八山，三十六洞，總炁上元。八景冥合，炁入三玄。玄中太皇，上帝高真。汎景紫雲，嘯詠洞

章。金真郎郁，流響雲營。玉符攝炁，

徊風聚烟，紫虛鬱秀，輔翼萬仙。巨山

神獸，金虎獲天，啖食瘴癘，冲和自然。

天地康泰，和合歸真。真中有神，青華

帝君。太始青炁，來降下元。兆民長

生，病無毒艱。仙卿輔相，真妃侍軒。

叔火玄父，擁衛華晨。執符把籙，保命

生根。上遊上清，出入雲房。八冥之

內，細微之中。下鎮人身，泥丸絳宮。

中理五炁，混合百神。十轉回靈，萬炁

齊仙。仙道貴生，無量度人。地戶天

門，日車月輪。隨道正炁，救病得生。

山谷惡注，禳解永蠲。保度得生，上聞

諸天。諸天之上，各有生門。中有空

洞謠歌之章，真王靈篇，妙化玉文。

第一解禳山谷瘴癘之音

高上眇眇，神用無涯。御正炁兮，

蠲蕩百邪。正炁衛生，邪正酷殘。魔

毒既滅迹，怪孽熄其源。妖氛害我真，

乖沴相纏綿。消魔王清王，妙範却百

痾。靈音鎮山岳，琅琅招太和。散攝

禍根源，瘴癘亦無餘。噫嗟爾兆身，未

識玄中歌。天橫喪其軀，哀冤將奈何。

不遇空洞音，焉能脫世羅。

第二解禳靈感之章

四炁無騫，萬禍滅連。瘴癘毒妖，

鬼莽邪烟。神符驅甸，威虛輝煌。諸

天大聖，總御騰躡。握鈴儀節，掃絕不

祥。肅清十界，氛穢除蠲。遠殃疾子，

安泰自然。身度此難，無量玄恩。此

其樂兮，賴我生存。和炁蕩蕩，與道合

真。靈寶上法，元始玉文。無所不禳，

無所不解。保度無窮，爲世津梁。恐

爾未悟，設此歌章。

第三解禳降真招靈歌曰

朗朗高晨，煥耀玉都。布令千真，

總統萬魔。神金虛章，制召衆靈。部

衛世化，闡我明科。有崇我教，遂保長

年。灾橫莫千，晏眇無虞。上聖哀憐，

出此玉書。消除苦毒，我道不愆。正

道好生，邪道夭殘。遵我正道，以合我

真。正道常固，疾禍無侵。若不知此

道，何以感百神。神威鎮八方，上德長

日新。

此三界之上，飛空之中，真王歌

音，音參洞章。誦之百徧，瘴孽消除。

誦之千徧，邪癘不生。萬徧道備，普護長年，過度三界，位列仙真。有聞靈音，五嶽衛形，敕制地祇，侍衛送迎，拔出禍難，解禳不祥，七祖升遷，永離北山，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音。解禳山谷之邪，合雜鬼神，異惡蟲蠱，四時不常之炁，以爲瘴癘，輕病一家，重疫一鄉，州城聚落，以至天下。上聖哀憫，出顯符章解禳之法，救護生民。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於神霄玉清王府東華經室，歲曆壬辰，應運下傳。若有至人齋金寶質心，依舊格告盟真王，然後而付焉。

道言：夫山谷之炁，險易不同，高下不等，寒濕不均，炁之所至，先後不時。高則多寒，下則多濕，溫蟲不蟄，流水不水，毒蛇異物，乘炁鼓邪，金石燥濕，鬱蒸成烟，游魂癘鬼，浮行其間，

觸冒生人，以爲疾患。上聖神人，示以解禳二法，若病炁方熾，井邑流行，則宜淨心，修齋行香，服佩符章以解之。又以朱書大梵隱語，燒灰，着清水之中，徧令飲之，無不寧息。若歲炁夫宜，或涉履山谷，預爲禳備之法。則於所居之方爲壇，醮祭十二年王，山谷行病，五方天使，邵侯神君，內外施符，五方安瓶，以桃柳香艾竹葉煎水，貯於瓶內，大小隨時飲之，或以沐浴。又以大梵隱文朱書，隨方安之。即瘴癘消散，鄉邑又安。六時行香，十徧轉經，福德立降，消諸不祥。無量之文，普度無窮。

道言：夫末學道淺，或仙品未充，誤遭瘴癘，失於解禳，運應滅度，身經太陰。臨過之時，同學至人爲其行香，誦經十過，以度屍形如法。魂神逕上南宮，隨其學功，計日而得更生。轉輪不惑，便得神仙。

道言：夫陰陽乖否，亦當修齋，行香誦經。瘴癘爲愆，疫毒流行，亦當修齋，行香誦經。妖靈肆酷，擾害生民，

亦當修齋，行香誦經。破除陰怪，侵犯正真，亦當修齋，行香誦經。召集吉祥，安鎮家門，亦當修齋，行香誦經。夫齋戒誦經，功德甚重。上清天災，下禳毒害，以度兆民。生死受賴。其福難勝。故曰無量，普度天人。

道言：凡有是經，能爲一切兆民，行是功德。有災之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中真正亦保舉爾身，得道者乃當洞明至言也。

### 諸天中大梵隱語無量之音

道君撰

### 元始靈書解禳山谷瘴癘玉篇

東方八天

桓精山佳，鷗雲穴狸。董猫虺蛛，殺真乾雷。桃鬼枯柳，月芝渠師。遁寂胡蟬，馬符蝮非。剪沙岩畜，虎涎流丹。土螭罔剛，遙文敕馘。化感夢仙，趙邵總靈。氣淘海區，性遂時凝。

南方八天

社侯伯元，南府三師。勉凶移毒，老父溪龍。崕鉤璉命，佐閑池蒙。攝命符令，轉火奔風。屍牢鎖伏，太空極雄。依出恍成，化石廣功。操枝運靈，察景殺童。道遊天霞，敕岸已春。

西方八天

崔杜監驅，急攝縞女。秦蘭丙垂，幽寶竟東。育典秋聖，欽持決容。茂果逸回，汶靈褒中。馬玄離逐，雲鄉耿漢。殿合建孤，明璣敏神。昆盧蒼機，淪藻品味。靜獨荒詛，走阮夷陵。

北方八天

真勃陀婁，燄珠擎門。左太皇宸，牛奎浮瓊。去害子仙，羅聰變玄。波霽充石，何庚窈宣。司饑鄭侯，錄刺捨修。泉合洞誡，赤天瀛由。定驛遣毒，斬截橫鉤。犯洛憂明，艷官蟬旒。

道言：此諸天中大梵隱語，無量之音，舊文刻書閩風玄臺，以却萬惡，不惟解禳山谷瘴癘，一切邪病鬼神為害。依法敕之，無不立驗。字皆廣長一丈。天真皇人昔書其文，以為正音。

有知其音，能齋而誦之者，諸天皆遣十方神王，下觀其身，書其功勤，上奏諸天，萬神朝禮，地祇侍門。流傳此經，普救世人，治病除邪，消却禍災，大勳真王，保舉上清，道備尅得，遊行三界，升入金門。此音無所不辟，無所不禳，無所不度，無所不成，天真自然之音也。故誦之致十方下觀，上帝遙唱，萬神朝禮，三界侍軒，群妖束首，鬼精自亡，琳琅振響，十方肅清，河海靜默，山岳吞烟，萬靈振伏，招集群仙，天無氛穢，地無妖塵，冥慧洞清，大量玄玄也。

靈寶无量度人上品妙經卷之四十五

靈寶无量度人上品妙經卷之四十六

除禳水火漂焚品

道言：昔於靜樂天中，飛青寥歌大無畏土，受元始度人除禳水火漂焚妙品。元始天尊當說是經，周四十過，以召十方，始當詣座。天真大神，上聖高尊，水火二司大將仙君，將軍吏兵，行水發火官曹掾吏，度厄拔難真人，無鞅數衆，乘空而來。紅黑奔雲，虎輿甲馬，黃麾絳節，翠葆朱旛，疾雷沸天，雄風偃嶽，異彩祥光，縹緲鬱勃，洞煥太空。七日七夜，諸天宮鑰震鳴，殿觀傾動，日月星辰，靈芒噴射，燁耀停輪。仙梵伫雲，迴霞繞斗，碧影輕泛，紫烟結樓，一國地土山川林木，緬平一等，無復高下，土皆作蒼玉，無有異色。衆真待座，元始天尊玄坐空浮五色自然飛仙十華之座。說經一徧，諸天大聖同時稱善，是時一國男女，受福諸天，

常樂道化。說經二徧，太微紫微，水火二曹，奏功紀德，陰陽調平。說經三徧，日帝奉笏，月后致恭。說經四徧，二曜三元，咸來稟命。說經五徧，水母運機，延劫永世，火官布筭，增曆益年。說經六徧，考罰得宜，無有橫枉。說經七徧，漂焚息苦，燒溺業消。說經八徧，三界晏安，不生驚擾。說經九徧，地鑪天竈，飛伏合倫。說經十徧，厄運俱濟，人物乂寧，是時一國是男是女，莫不傾心，皆受護度，咸得長生。

道言：是時元始天尊說經一徧，東方無極無量品水火司功大神，無鞅之衆，浮空而至。說經二徧，南方無極無量品水火司察大神，無鞅之衆，浮空而至。說經三徧，西方無極無量品水火司罰大神，無鞅之衆，浮空而至。說經四徧，北方無極無量品水火司直大神，無鞅之衆，浮空而至。說經五徧，東北無極無量品水火司厄大神，無鞅之衆，浮空而至。說經六徧，東南無極無量品水火司令大神，無鞅之衆，浮空而至。說經七徧，西南無極無量品水

火司錄大神，無鞅之衆，浮空而至。說經八徧，西北無極無量品水火司禁大神，無鞅之衆，浮空而至。說經九徧，上方無極無量品水火司命大神，無鞅之衆，浮空而至。說經十徧，下方無極無量品水火司非大神，無鞅之衆，浮空而至。十徧周竟，十方無極水火二司典錄大神，一時同至，一國男女，傾心歸仰。來者皆各頂禮，讚歎已證天尊。願不罹水火大小劫災，三界遷易之難。尚處世身，願不罹水火焚漂燒溺之厄，不爲三官考按罪錄，刑在水火，罰於漂焚。乞使二曹順理天政，和均人界，清裕鬼道，沈鎮邪神祿吏，無妄行水發火，作非橫之厄。稽首元始，欣聞至要，各以天寶妙具，神州真跪，勢同雲集，無鞅之衆，迮國一半土皆偏陷，非可禁止。於是元始流眄十方，俯觀衆會，振衣進几，迴天轉地，吹爲水光，呵爲火耀，二景交飛，遊龍宛轉，翔騰虛極，良久之間，變成寶珠，大如黍米，懸處高空，去地七丈。元始登引，天真大神，上聖高尊，度厄拔難真人，水火二

司曹掾將吏，漂溺焚熱執罰大神，無鞅數衆，俱入寶珠之中。天人仰看，惟見勃勃從珠口中入，既入珠口，不知所。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。不猛不怒，不侈不迅，不察不蕩，不散不時，不諂不回。言尚明析，口無惡聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中，所言並是諸天上帝內名，除襮水火漂溺焚燒隱韻之音。亦是真王內諱，禁勅水火二司，不得妄溢行發二考，虐暴生民，呼召主宰百靈之隱名也，非世之常辭。上聖已成真人，通玄究微，法寶已靈，水火之變，尋源得涇，燔燎炎暴，知究祖因，能悉其章。誦之十過，諸天遙唱，萬帝設禮，水土火藏，淵靜明離，河



海湛默，赫烈防扃，日月停景，璇璣不行，群魔束形，鬼精滅爽，焚燦潛息，漂溺自平。至學之士，誦之十過，則黑精守位，赤怪不生，魔魅喪眼，鬼妖滅爽，濟度水火，危厄不生。所以爾者，學士丹宮未成，水騰火降，體未洞真，召制二司，威未制天政，德可伏御姦祿，束縛遊火大醜故氣，但却邪度厄而已，不能使水火二神，絕諸考罰。輕誦此章，身則被殃。供養尊禮，門戶興隆。世世昌熾，與善因緣，水火不干，神明護門。斯經尊妙，獨步玉京，制御水火，除穰漂焚，爲萬道之宗。巍巍大梵，德難可勝。

道言：水火二司，有大威神，號五嶽總領真君。主放大水漂流蕩溺，發暴火焚熱燒延，護善去惡，考罰罪人，下逮地獄寒池，火車漂焚，重苦烹注，亡魂謫役泉曲，火山之府，煮漬焦然，悉隸真君。天有二耀，陰陽靈根，照映下民，而惠灾福，非行禍厄之權也。此大威神，與九天司命，採訪使者，五嶽丈人，五嶽都司，共治水火。水火之

罰，有六將軍，以布令行灾。主水之將，河魁將軍杜元吉，天錄將軍張子華，執符將軍沙伯晃。主火之將，捷疾將軍劉天鏹，定界將軍周君采，發火將軍石完夫。世界有水火之穴，伏藏陰陽之精，化爲水火之龍。民有危厄，則飛龍降灾，水火併至。北斗中勅，北帝

列司，領水火神龍之政，號玉光紫靈夫人，官吏數千，典掌其職。生人先世有罪幽魂，在水火之獄，徒水火之役，運水灌四漬之穴，伐薪煎百里之鑊，洪波滔天，烈火亘地，一日一夜，受苦無量。凡誦是經十過，諸天齊到，受苦衆生，出離水獄，遊神紫臺，出離火獄，上昇朱官，格皆九年，受化更生，得爲貴人，除穰漂焚，福慶自生。而好學至經，功滿德就，靈寶成丹，身生水火，七返九還，皆得神仙，飛昇金闕，遊宴玉京也。上學之士，修誦是經，真水上浮，靈火下温，日藏於海，萬竅生雲，皆即受度，飛昇南宮。世人受誦，則延壽長年，後得作尸解之道。魂神暫滅，不經地獄，水火漂焚，即得返形，遊行太空。此經

微妙，普度無窮。一切天人，莫不受慶，無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，爲上世亡魂，斷地逮役，水火功考，度上南宮。七月長齋，誦詠是經，除穰水火漂焚，身得神仙，諸天書名，黃籙白簡，削死上生。十月長齋，誦詠是經，除穰水火，使二氣和平，爲國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，赤黑順界，萬物遂成，得爲九宮真人。本命之日，誦詠是經，陰無僭陽，臣忠於君，火降水升，德下而尊，魂神澄正，萬炁長存，不經苦惱，身有光明，三界待衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜

思身坐青紫絳三色雲炁之中，內外  
蒼冥，有青龍、白虎、朱雀、玄武、獅  
子、白鶴，羅列左右，典總水火二大  
靈司神官將吏，備衛前後，日月照  
明，洞煥室內，項生圓象，光映十方，  
如此分明。密呪曰：

無上玄元，太上道君，召出臣身中三五  
功曹，左右官使者，侍香玉童，傳言玉  
女，五帝直符，直日香官，各三十六人，  
關啓所言。今日吉慶，長齋清堂，修行  
至經，無量度人，願所啓上徹，徑御無  
上三十二天元始上帝至尊几前。  
畢，引炁三十二過，東向誦經。

### 元始無量度人上品妙經

元始洞玄靈寶本章，除穢水火漂  
焚，保劫度人。百魔隱韻，從濟自然。  
二象交輪，無無上真。元始祖劫，神化  
無神，有一未形，氣生空玄。大器內  
溫，溫則氣升。升為玄露，降為天津。  
水為帝先，太一杳冥。溫氣成炎，火為  
神津。火明水晦，二象備成，水盈器

中，火動神溫。溫久泫液，結凝玉京。  
九宮八門，安鎮十方。開明赤黑，是為  
天根。水火無祖，一九化真。丹靈熒  
惑，玄老大辰，辟非朱鳳，蒼龍晶精。  
百六陽九，剪滅凶群。游火黑祿，戰物  
灾民。道可除穢，化空成文。是名大  
法，玄中之玄。三元八會，鳳真玉篇。  
高祕神文，億千萬年。真王治世，應運  
流傳。普度生死，一切苦魂。咸悉應  
符，永劫長年。歷水過火，三灾不登。  
暴氣邪侈，移變世間。成灾可除，將至  
乃穢。焚爇漂溺，速離遠方。帝君行  
令，敢有來當。太虛焚氣，運轉元綱。  
中有除穢水火漂焚之神，中有南極長  
生之君，中有度世司馬大神，中有好生  
韓君丈人，中有南上司命司錄延壽益  
筭度厄尊神。迴骸起死，無量度人。  
今日校錄，諸天臨軒。  
東方無極風力神王，長生大聖，無量度  
人。  
南方無極威耀神王，長生大聖，無量度  
人。  
西方無極金光神王，長生大聖，無量度

人。  
北方無極洞淵神王，長生大聖，無量度  
人。  
東北無極制姦神王，長生大聖，無量度  
人。  
東南無極熾爛神王，長生大聖，無量度  
人。  
西南無極水藏神王，長生大聖，無量度  
人。  
西北無極襁禍神王，長生大聖，無量度  
人。  
上方無極拔難神王，長生大聖，無量度  
人。  
下方無極度厄神王，長生大聖，無量度  
人。  
十方至真除穢水火漂焚神王，長生度  
世無量大神。並乘宸霞錦光玉輿，紫  
清瓊輦，彩蓋霓輪，驂駕五鳳，十二玄  
龍，建招真之節，八景靈幡，前嘯金篋  
齊唱，後吹玉鑰同鳴，獅子白鶴，嘯歌  
嚙嚙，列真啓途，群仙翼轅，億乘萬騎，  
浮空而來。傾駕水火，監檢生靈。神  
霄府相，青華上宮，韓君僊伯，消灾大

神，執錄把籍，齊到帝前。隨所應度，嚴校諸天。普告三界，無極神鄉，連宛之府，靈紐之宮，六天九獄，冰池火山，救解衝蕩，漂溺焚燼，過度生關，沈屍苦魂，釋放三官。上解祖考，億劫種親。疾除罪簿，落滅惡根，不得拘留，逼合鬼群。元始符命，時刻昇遷。火翳寒庭，部衛形魂。制魔保舉，度厄南昌。死魂受鍊，僊化成人。生身受度，劫劫長存。隨劫輪轉，與天齊年。永度漂沈焚蕩之苦，超凌三界，逍遙上清。上清之天，天帝洞覺，無色之境梵行。

#### 東方八天

慶華瑤虞天，帝臺昌舞霞。  
歷明資玄天，帝靈谷振光。  
控神九真天，帝巴慈引祥。  
日觀揚靈天，帝都奇昇方。  
步奇乘角天，帝統貪羅。  
氏舍次東天，帝真陀流淵。  
妙律垂科天，帝閱道維美。  
定儀師微天，帝伯初桃英。  
南方八天

燦寰理赫天，帝孫愚道奕。  
禁明威勇天，帝鄱滿祁桓。  
安樂昭仁天，帝鬱禎英。  
陽化度僊天，帝幽雲靜坊。  
微境冲遊天，帝子殊衡。  
史滔逸魂天，帝符乾處寧。  
赤洞顯幽天，帝徧常澤墟。  
利泰猶和天，帝召無僅剛。

#### 西方八天

梵氣七真靈曜天，帝繼元正基。  
白章文皇天，帝越定莊。  
台玄極義天，帝僊閔弗冥。  
江霞子湘天，帝韜樞蓋倉。  
中遙玄變天，帝師元同瓊。  
靜妙委神天，帝嶽錄華由。  
洞光素耀天，帝落丘造章。  
制飛鎮精天，帝穴汨求輔。  
北方八天  
麗正真期天，帝黃武明。  
超空昇化碧炎天，帝詔智寶。  
玉奔紫景露陽天，帝宗耀煌。  
祕清瑤章神府天，帝仲季綿。  
寶陳華几降龍天，帝學吉隆。

雲澤敷成天，帝達司進行。

紫融通微天，帝芾儀開。

正真萬齡天，帝建裕崑。

三十二天，三十二帝。諸天隱諱，

諸天隱名。天中空洞自然靈章，諸天隱韻，除穰水火漂焚之音，水元太一之尊，火元赤皇之神，發水大魔，行火真靈，九陽十陰，變化上清。無量之奧，深不可詳。敷落神真，濟拔漂焚。今日欣慶度厄，除穰却氛，禁勅典司，歷關諸天，請滅漂焚，斬絕邪冤，飛度水火，名列太玄，魔王監舉，無拘天門。東斗紀善，西斗降祥，北斗水考，南斗火殃，中斗定刑，燎溺存亡，罪大殞命，責輕受厄。青帝監魂，白帝攝魄，赤帝執炬，風火煥赫。黑帝揚波，漂蕩無極。黃帝中主，統行誅殛。青天魔王，監試群姦。赤天魔王，擲火騰烟。白天魔王，汹濤反山。黑天魔王，洪波汨淵。黃天魔王，焦屍泛骸。五帝大魔，萬神之宗。飛行水火，總領威兵。麾幢鼓節，遊觀太空。熾爛赫奕，滔天縛龍。上天度人，嚴勅北艷。真王受命，

救難迎祥。八威衛駕，猛馬巡疆。飛天息火，大帥塞洋。除穰橫厄，厭解擊衝。敢有干試，抗拒上真，司非定罪，巨天注名。赤袄大醜，收行天丁，千千遏塞，萬萬滅形。敢有漂溺，燒害良民，三官北酆，明檢鬼營。不得容隱，金馬驛程。普告無窮，萬神咸聽。三界五帝，列言上清。

元洞同域，水炎二鄉，陰含陽精，陽賴陰疆。二氣成物，能柔能剛。眇眇億劫，混沌之中，上浮爲色，下沈爲淵。水火遍空，合質凝天。天上天下，無幽無冥，無形無影，無極無窮。溟滓大梵，遼廓無光。水火既生，三界境完，久則氣勝，進退升遷。制暴遏邪，水火立官。考校罪業，泉曲火山。醜類僭逆，僞妄行權。漂溺天人，焚燎區寰。昊帝震怒，符召百神。玉章正氣，赤文命靈。黑精啓胞，龍母拖紳。鑿天振威，主領萬兵。郁默執旗，醜伯攝精。元老奉詔，掃蕩妖氛。收捕遊火，開通水精。不得犯縱，明敬教言。清肅宇宙，歸奏帝前。威光下照，廓開八

門。普赦北酆，受報窮魂。悉令玄悟，明道之根。因緣輪轉，上生諸天。永享大福，鍊胎飛僊。超出三界，高居太清。藥臺遊宴，齊對功貞。玉音攝氣，洪波自平。靈風聚煙，狂爛不然。停波息爛，水火二光。按科金律，神文化真。真中至神，長生大君。御火旺德，萬天稱尊。飛形九霄，統政萬靈。無英輔相，白元泳淵。太一冥耀，司命光旋。桃康二景，字合精延。執符把籙，保命生根。上遊上清，出入華房。八冥之內，細微之中。下鎮人身，泥丸絳宮。中理五炁，混合百神。十轉回靈，萬炁齊仙。除穰漂焚，救苦度人。消滅厄會，散解危迍。帝君頒令，罪福甄分。普受開度，死魂生身。身得受生，上聞諸天。諸天之上，各有生門，中有空洞謠歌之章，真王靈篇，辭參高真。

第一除滅水厄漂溺飛空之音

水官檢精，總御北元。理陰制陽，平定河源。醜類亂天道，群妖歸一時。蕩蕩移山嶽，舟楫安能施。河伯遠避勢，蟹蜃來助威。生民罹此災，空闊天

難知。血肉飽魚鼈，骨骸落沙泥。悲風吹九陰，呱呱終夜啼。大命即天枉，流浪無所依。妖乘其祭祀，靈爽知何之。真王降九霄，攝凶送七非。馘耳斷腰頸，山河戮其尸。玉符召靈，死魂受生。詠此洞章，丹簡書名。皆受拔度，上升朱陵。

第二穰解火難焚熱之章

火官察惡，領典南司。大星熒熒，老人赤衣。臂弓鵝首，乘駕辟非。萬物賴功，流火玉池。天機御省，六門景輝。下官竊政，亂行誅夷。中夜忽起，疾風交馳。碧煙如龍，烈燭橫施。萬丈灼灼，聲伴隱雷。驚呼垣奔，迷不出帷。肉潰脂流，殤鬼急追。斷髻焦髮，氣逐餘灰。魂游冥冥，猛火離離。脫有來饗，惡鬼齶之。渴不得飲，因不獲栖。僊聖在天，孰謂使知。天官按行，執凶糾非。玉符制火，鬼道莫違。帝君有命，普獲純禧。生民晏安。不涉傾危。

第三除穰度厄拔難歌曰

玉清之上，神霄鬱開。帝都九門，

中有大君。錦裳絳衣，碧冠珠纓。統治三界，十方萬天。千二百曹，咸職列官。八百七十，按局群僊。七元罪福，水火氣元。制命勅律，佐理億千。校錄生死，河海谿泉。敢有故氣，變化幽關。妄行水火，毒害生靈。焚熱漂溺，猖獗不停。寶章玉符，密告帝庭。威劍巨斧，斬伐鬼精。水平火息，厄難無侵。誦詠洞文，祈天引誠。真王下觀，青籙記名。除穰度死，七祖超昇。氣鍊變僊，神飛意靈。萬世蒙福，俱登玉京。

此三界之上，飛空之中，真王歌音，音參洞章。誦之百徧，永穰焚溺，名度南宮。誦之千徧，真王保迎。萬徧道備，飛昇太空，過度三界，位登僊公。有聞靈音，魔王敬形，勅制地祇，侍衛送迎，拔出地戶，水火厄難，七祖昇遷，永離幽冥，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。道言：此二章並是諸天上帝，及神霄真王隱祕之音。除滅漂蕩之厄，

穰解燔燎之災，邪精魔類，盜行水火，毒害生靈，妄求血食鍾鼓之響。真王檢察，斬戮邪魔，安施玉符，辟斷非橫水火之厄。若有身歿水火，魂魄精識爲上古傷鬼男女之殍所憑，自赴水火，或世世水厄，年年火災，皆是邪神竊權天司，擅興焚蕩。學者敬誦此經，以爲救度，即能除斷。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於神霄玉清王府東華藏室，應運下傳。若有至人齎金寶質心，依舊格告盟真王，然後而付焉。

道言：夫天地爲水火之神器，天河在上，則水鼎上居，火海在下，則火鼎下儲，太空在中，日月爲藥。日月者，水火之根本，繫於南北二斗，爲太微紫微兩極都曹。以水親火，則水能剋火。以火隔水，則火能剋水。水火均等，則既濟成物。水火有太少之運，則萬物爲之刑災。上天以水火爲生化之樞機，樞機得則天政成。下官故氣，六天鬼魔，盜水火而用之，以害生類。

帝君出除穰之法，救濟在危厄者。大至天地運度否終，日月五星虧盈，至聖神人休否，細至末學之夫疾傷。凡有此災，同氣皆當齊心修齋，六時行香，十徧轉經，福德立降，消諸不祥。無量之文，普度無窮。

道言：夫末學道淺，或僊品未充，運應滅度，身經太陰。此皆身中淨靈之水，與明堂之火，未能升降，身中之神與司命殺鬼，戰於水火之門。臨過之時，同學至人爲其行香，誦經十過，以度屍形如法。魂神經上南宮，隨其學功，計日而得更生。轉輪不惑，便得神仙。

道言：夫天地運終，星宿錯度，日月失昏，四時失序，陰陽不調，國境焚漂，四民失業，疫毒流行，兆民死傷，師友命過，同學夭傷，皆由水火不調，勝負爲災，天官墮政，魔怪爲殍。雖外無焚熱漂溺之厄，氣失其平，奔注騰熾，內爲失度暴發之咎，皆當修齋，行香誦經。夫齋戒誦經，功德甚重。上消天災，保鎮帝王。下穰毒害，以度兆民。

生死受賴，其福難勝。故曰無量，普度天人。

道言：凡有是經，能為天地帝主兆民，行是功德。有災之日，發心修齋燒香，誦經十過。皆諸天記名，萬神侍衛。右別至人，尅得為聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

### 諸天中大梵隱語除穢水火無量音

道君譯

### 元始靈書中篇

東方八天

颺忽保靈，蔚元浮砂。覺濟飛泝，迎機濮耶。駛江充敷，即玄蘄嶮。允答貺策，幽榭穆崇。獻翰強憊，資氓逸聰。標定澱化，制碑畢戎。弄斗閣越，籍司奎鍾。昊叙養建，池鄒卷沖。

南方八天

濡穴探益，神命革遙。聯彼洞宥，極京龍桃。錯鑿楷阮，蕩蹇漠常。杜鬲謹載，晞蒸巴敖。碧連運變，亨極盧

楊。檢勅方帝，烈颺疾哀。熏露渙落，統莫虛隆。急制北律，萬呼冥冥。

西方八天

梵度乾鍛，慈傳龜喏。漸截鬼憂，并野部羸。詔端鼎察，意謨虛形。曇現罔寂，玄河祭賓。演漢洞譙，月姑張兌。采迅茹華，紫令適盛。丁治鷺石，刀丹錄魔。胡賽判決，神靈渾微。

北方八天

虎白緣璇，箕論頓恢。磚陽鐸世，知閭遷火。榜縉董掖，麗珍元娑。井估候驛，延蘇慶隨。突稼厥展，補因夸離。剉滅越絜，覲疏祝基。浩拙邁忽，指嶽池瓌。調明趨管，遼儼蘊綽。

道言：此諸天中大梵隱語，無量

之音，舊文書北元逮臺水帝七精之室，南靈騫陶未館飛華之宮。用平制水火，舉抑璇璣，進退二候，以成大化。天地交泰，日月運行，陰陽發生，僊聖變化，升降上下，比之權衡，斟酌量宜，以畜萬有。其道不忒，三辰順躔。攝受失理，則五魔盜柄。太上所祕，藏之寶餅。神通自然，一切無礙。翔為龍

鳳，伏為龜蛇。道妙都括，不使世知。字皆廣長一丈。天真皇人昔書其文，以為正音。有知其音，能齋而誦之者，諸天皆遣神府玉郎真王上吏，下觀其身，書其功勤，上奏諸天，萬神朝禮，地祇侍門，大勳真王，保舉上清，道備尅得，遊行三界，昇入金門。

此音無所不除，無所不穢，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，水無漂溺，火不炎燔，萬靈振伏，招集群僊，天無氛穢，地無祆塵，冥慧洞清，大量玄玄也。

靈寶无量度人上品妙經卷之四十六

靈寶无量度人上品妙經卷之四十七

祈禳水旱品

道言：昔於妙成天中，晨霞風歌大真和土，受元始度人祈禳水旱妙品。元始天尊當說是經，周迴十過，以召十方，始當詣座。天真大神，上聖高尊，妙行真人，十方龍王，水旱二司，八海水曹，三元火官，四瀆主者，雷電大神，流火神將，赤帝使者，靈官騎吏，無鞅數衆，乘空而來。流景之輿，洞霄之輦，曲晨垂蔭，丹精吐光，叢色分華，煥朗太空。七日七夜，諸天金闕瓊宮，絳房琳府，一時靜肅，星躔交彩，丹桂凝芳，騫林蔚葱，虹梁控帶，天光暉曜，日映重輪。一國地土山川林木，緬平一等，無復高下，土皆作翠玉，柔明瑩徹，無有異色。衆真侍座，元始天尊玄坐空浮九光結雲圓景遊龍之上。說經一徧，諸天大聖同時稱善，一國境界，和

氣冲融，物無疵癘。說經二徧，草木敷榮，萬寶成實。說經三徧，騫林集鳳，葉布天章。說經四徧，蓮露含華，藥藏仙液。說經五徧，水火得宜，動植榮暢。說經六徧，雲行雨施，泉定河平。說經七徧，三靈奉時，熙明合曜。說經八徧，聖運普亨，群生同泰。說經九徧，萬國咸寧，陰陽時若。說經十徧，帝道永昌，業隆政備，是時一國是男是女，莫不傾心，皆受護度，咸得長生。

道言：是時元始天尊說經一徧，東方發令龍王，水旱二司，無鞅之衆，浮空而至。說經二徧，南方大明龍王，水旱二司，無鞅之衆，浮空而至。說經三徧，西方肅政龍王，水旱二司，無鞅之衆，浮空而至。說經四徧，北方通生龍王，水旱二司，無鞅之衆，浮空而至。說經五徧，東北鎮山龍王，水旱二司，無鞅之衆，浮空而至。說經六徧，東南風化龍王，水旱二司，無鞅之衆，浮空而至。說經七徧，西南執紐龍王，水旱二司，無鞅之衆，浮空而至。說經八徧，西北運綱龍王，水旱二司，無鞅之

衆，浮空而至。說經九徧，上方布潤龍王，水旱二司，無鞅之衆，浮空而至。說經十徧，下方騰變龍王，水旱二司，無鞅之衆，浮空而至。十徧周竟，十方無極龍王，水旱主者，天真大神，一時同至，一國男女，傾心歸仰。來者有如細雨密霧，各持珍寶，供養天尊，瞻仰聖顏，欣聞妙道。於是元始光散諸天，出霞萬道，法身示變，恍惚存亡，水火二輪，旋暉掩日，霄音逸響，流激千尋，仙花散飛，天樂互作，靈音扇蕩，瑞氣聚空。天尊口吐玉文，影羅億界，發言微笑，再告天人曰：水旱者，天地太少之氣，生民所感不同，故於方域之境，其見各異。又有天地司歲之運，與人氣交爭，亦使之然。水爲陰溢，旱爲陽淫，王者之德應於天地，政平則時和，溢則爲水，亢則爲旱。或帝德純穆，恩逮八表，而有水旱者，即司歲天時之制也。歲丙辛戊癸，太羽太徵之運，災發一六二七之宮，不得不爲水旱。水旱爲世害之大，遇少即祈，遇太即禳。祈禳十方龍王，水旱二司大神，俾調其

氣，正其令，謹其時。則民物無癘，陰陽政等，道不私用。是時水火二輪，合一成珠，大如黍米，在空玄之中，去地五丈。元始登引，天真大神，上聖高尊，十方龍王，水旱二司大神，無鞅數衆，俱入寶珠之中。天人仰看，惟見拂拂從珠口中入，即入珠口，不知所在，國人廓散，遵奉教言。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人值遇經法，普得濟度，全其本年，無有中傷，傾土歸仰，咸平過心。不悔不吝，不亢不獨，不昧不冒，不濫不愆，不爽不誣。言以善化，口無嗔聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音，亦是真王內諱，祈禳水旱，召龍致神，百靈之隱名也。非世之常辭。上聖已成真人，通玄究微，能悉其章。誦之十過，諸天

遙唱，二象均行，進退順常，水旱不忒。祈禳隨應，字育繁滋，群魔束形，鬼精滅爽，代無飢饉，福被兆人。至學之士，誦之十過，祈澤世霖，禳水濬源，方界安和，生物蒙祐。所以爾者，學士身中水火升濟，氣候履常，格應二儀，祈禳遂請，穢滓已消，體向洞真，召制十方，龍神降祥，威和德備，保見長生。輕誦此章，身則被殃。供養尊禮，時穀豐盈，世世昌熾，與善因緣，萬災不干，神明護門。斯經靈妙，通奏玉京，度人無量，爲萬道之先。巍巍大範，德難可勝。

道言：凡誦是經十過，諸天齊到。請雨則群龍吐雲，玄澤滋槁，煙披霧集，涸坎波涵。請晴則皎日效明，陰翳消殄，陽光煥燭，幽蔀開昭。而好學至經，功滿德就，皆得神仙，飛昇金闕，遊宴玉京也。上學之士，修誦是經，陰平陽祕，水火內交，皆即受度，飛昇南宮。世人受誦，則五內清康，三田昌茂，身中水旱，適養無虧，陰鼎陽鑪，鍊真成道，延壽長年，後皆得作尸解之道。魂

神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官，侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，祈禳水旱，使春夏華實，各遂繁榮。七月長齋，誦詠是經，祈禳水旱，遏氣使平，嘉茂克遂，群實獲成。十月長齋，誦詠是經，祈禳水旱，民物阜康，天英積秀，病癘消禳，爲國王帝主，君臣父子，安鎮國祚，使天長存，歲歲豐稔，常保元亨，安鎮其方，民稱太平。八節之日，誦詠是經，祈禳水旱，循時虛盈，雨暘得宜，動植咸寧。本命之日，誦詠是經，身中水火升降，二輪雙景合照，安順天經，魂神澄正，道氣長存，不經苦惱，身有光明，三界待衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞



三十二天，心拜三十二過，閉目，靜思身坐赤黑黃三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，十方龍王，水旱二司大神，侍衛前後，日月照明，洞煥室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，无量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，祈禳水旱，降應度人。承康隱韻，妙感因緣。大洞隱文，空無至神。虛皇祖氣，生育群真。周流三境，開化洞玄。執綱持紐，運幹彌綸。朗耀大羅，紫融碧炎。洞煥九壘，風水河源。包括至化，中宅萬

靈。陰陽升降，天地以寧。陽乖爲亢，陰否爲淫。二氣錯繆，水旱乃生。壅塞沖和，災我生民。虛勞人力，稼穡不成。赤文告命，召龍致雲。永斷旱怪，開通水津。大布教令，普告十方。中有祈禳水旱之神，中有太少陰陽之君，中有攝龍行雨大神，中有收斂陰雲翳景之真，中有生成萬物延壽益筭度厄尊神。導迎和氣，無量度人。今日校錄，諸天臨軒。

東方無極龍德神王，長生大聖，無量度人。  
南方無極龍爛神王，長生大聖，無量度人。  
西方無極龍威神王，長生大聖，無量度人。  
北方無極龍藏神王，長生大聖，無量度人。  
東北無極龍變神王，長生大聖，無量度人。  
東南無極龍慧神王，長生大聖，無量度人。  
西南無極龍陰神王，長生大聖，無量度

人。  
西北無極龍昇神王，長生大聖，無量度人。  
上方無極龍父神王，長生大聖，無量度人。  
下方無極龍化神王，長生大聖，無量度人。

十方至真水火龍王，長生度世無量大神。並乘十色飛雲，瓊輿朱輦，碧蓋瑤輪，驂駕神獸，六馬華旌，建八威降澤之節，開六陽暉日之旛，前嘯洞歌齊唱，後吹虛籥同鳴，獅子白鶴，吟嘯囉囉，五雷治道，九夔贊輶，億乘萬騎，浮空而來，傾光迴駕，應祈護生。三天丞相，洞白右宮，天樞上宰，水旱大神，執籙把籍，齊到帝前。考檢節氣，太少運年，隨所應格，嚴校諸天。普告三界，無極神鄉，九水寒夜，泉曲幽關，三官九府，曹局名山，八海五湖，四瀆九江，七澤六野，十二靈谿，雷電大神，旱司火官。揭日之陽，赫煙炎鑪。火山炯池，燠鬱陽曹。元始符命，時刻昇遷。祈禳降答，應告關宣。風雨霜雪，隨令

無愆。若或過縱，執送水官。庶物昭蘇，普惠兆民。咸使受度，得道長存。隨劫輪轉，與天齊年，永度旱灾水厄，一切之難，超凌三界。逍遙上清。上清之天，天帝洞雲，無色之界梵行。

東方八天

曆華昭庸天，帝丑都造晨。  
紀靈素王天，帝揚琪祕清。  
訥澄祛義章祈天，帝竺嶽墩頓。  
覽覺玄居淨智天，帝伯林先。  
明虛存一天，帝洞時光。  
隱中慈信天，帝嗣蔚度田。  
龍札書雲天，帝孽長自倫。  
道冥朝極天，帝主器安秀。  
南方八天

禱真寵黎天，帝南子崇。  
務津敬至天，帝亶室尊玄。  
符傳九遙天，帝格斗司官。  
進氣運樞天，帝望烈真。  
與侯博權天，帝重地穴旺。  
協昊輔靈奏成天，帝紀兌交。  
略訊八極驛報天，帝康求領言。  
景耀化應天，帝正免遙流。

西方八天

綠斜楚峨天，帝高涂順英。  
靈還迅智天，帝獨泝建鏜。  
行皇輳流天，帝孝質夷冥。  
辨氣司玄天，帝備黎汶。  
定頤祝祠天，帝蹈方希斌。  
光洞龍軍天，帝抱臺一隻。  
日鈴奔車天，帝估彌農。  
磁谷養華天，帝黃時仲。

北方八天

龍康耀雲天，帝六野非去。  
海瀾溢度天，帝迦婁遁綱。  
詔神消魔天，帝密多達悲。  
魚塘沸蛟天，帝揭沙陀王。  
錄功考泉天，帝輦安壽。  
玄都北宮恬昭天，帝古歸起川。  
幽真返尸生化天，帝邈廬遠義。  
注澤判冥天，帝勃勃禧。

三十二天，三十二帝。諸天隱諱，諸天隱名。天中空洞。自然靈章。諸天隱韻，招降之音。水火之尊，陰陽之神。變氣大魔，直候之靈。九並十交，變化上清。無量之奧，深不可詳。敷

落神真，普度天人，今日祈禳水旱，歷關諸天，請逐魃鬼，興起雨工，迴戈揮日，駐雲偃風，沛然潤施，廓明四騫，飛度灾期，誠歛太玄，二司監舉，喻張天門。東斗雷府，西斗雨都，北斗暴泛，南斗赤田，中斗主符，水旱都詮。句芒御春。蓐收乘秋，祝融統夏，玄冥正冬，后土中季，散發流通，應天及人，德著玄功。青天魔王，震撼拉摧。赤天魔王，猛令炎威。白天魔王，陰連滯煤。黑天魔王，溟渤淵洄。黃天魔王，水火同推，五帝大魔，萬神之宗。飛行鼓從，總令鬼兵。麾幢鼓節，遊觀紫霄。課驗巡行，水旱蠲消。祈禳上天，却滅凶祲。天官稟命，旱震不行，滔泛洪波，戊己厭灾。黃頭兵將，斬縛蛟螭。玄冠真人，禁暴無威。回槁變青，餐和挹羲。敢有干試，妄縱二司。政令偏頗，民物鈐竝。金鉞前戮，巨天後刑。屠割姦祲，風火無停，千千截首，萬萬翦形。魔無干犯，鬼無祲精。三官北酆，明檢鬼營。不得容隱，金馬驛呈。普告無窮，萬神咸聽。三界五帝，

列言上清。

元洞玉曆，水火運行。神器在中，大小無過。混沌包之，無色無淵。風升氣舉，積陽爲天。天上天下，無幽無冥，無形無影，無極無窮。溟滓大梵，遼廓無光。赤明開圖，真火燎然。八龍負水，九壘噴泉。水火成之，敷落五篇。赤書玉字，鑄金爲篇。保制劫運，消息至均。世久去道，水旱浮沈。害傷生物，勝伏追尋。不知妙玄，綿綿若存。梵炁彌羅，萬範開張。元綱流演，三十二天。輪轉水火，升降低昂。旋斗歷箕，迴度五常。三十五分，總氣上元。八景冥合，氣入玄玄。玄中太皇，上帝高真。泛景乘霞，嘯詠洞章。金真朗郁，流響雲營。太陽元精，道合常經。玉音攝氣，靈風聚煙。陰景內煥，雲澤翩翩。紫虛鬱秀，輔翼萬仙。水旱不作，日月無偏。千和萬合，自然成真。神霄至尊，長生大君。東極宮中，青華帝君。握水火籍，臨萬國民。祈禳納靈，降福天人。無英在左，白元在右，太一在前，司命在後。桃康海伯，

合延河侯，調鍊平暢，水火數周。執符

把籙，保命生根，上遊上清，出入華房。八冥之內，細微之中，下通人身，泥丸絳宮。中理五氣，混合百神，三田豐植，水旱無并。顧視一身，天地同營，氣候不失，華池液溫。十轉回靈，萬氣齊仙。仙道貴生，無量度人，上開八門，飛天法輪。罪福禁戒，宿命因緣。水火二官，統秉權衡，普受開度，生世欣榮。害氣永滅，上聞諸天。諸天之上，各有生門。中有空洞謠歌之章，真王靈篇，辭參高真。

第一祈禳水旱飛空之音

油雲展布，雷車軋軋。飛雨既來，百川盈尺。食墮爾竈，均平爾屋。下民何知，罹此愁毒。炎炎畏日，流金焦石。四野生煙，草木皆赤。有田兆拆，塘可卜宅。不見泉聲，莫勾涓瀝。卒歲無儲，罹此灾凶。我壇其封，洞歌鼓鍾。符召十龍，樂舞千童。焚香誦經，達誠紫穹。水旱止息，福祿濛濛。億載享太平。稽首青華宮。

第二召龍致雨之章

大田南山，誅葦拔菅。深耕遠耘，度此歲寒。彼土如石，堅不可索。欲覲有成，天愛其澤。爰釀醪醴，潔醮皇壇。青龍銜符，山隴潺潺。赤龍銜符，飄雨班班。白龍銜符，杭稌早繁。黑龍銜符，積倉如巒。黃龍銜符，雲采雨瀾。十方龍君，憫此下民。滋及生物，茂泰傾伸。誠感三天，恩霑八垠。讚禮空洞章，驛龍莫輕奔。

第三止雨請晴歌曰

水官弛禁，不鎖雷城。鬼盜其車，輪墮其餅。強龍未馴，泄雨霖霖。雲靄原野，烏集狐驚。頑石有苔，枯桑出耳。田夫咄嗟，困徹其底。日匿于天，龍背生煙。不知世間，芳簷瀉湍。道勅玉文，止雨請晴。陽光晨發，野馬如蒸。海嶽澄霽，萬谷藏雲，符闢我田，乃築爾廬。日靜風和，生類以蘇。烈壺奠漿，四極真王。旋救歲直，富彼倉箱。祐世承平，教律斯昌。玉龍銜燭，照映十方。聖壽萬年，袞衣繡裳。此三界之上，飛空之中，真王歌

音，音參洞章。誦之百徧，萬物阜成。誦之千徧，和氣流通。萬徧道備，水旱永消，過度三界，昇入神霄。有關靈音，天司敬形。敕制地祇，侍衛送迎。拔出死戶，五苦八難，七祖昇遷，永難鬼官，魂度朱陵，受鍊更生。是謂無量，普度無窮。有祕上天文，諸天共所宗。泄慢墮地獄。禍及七祖翁。

道言：此二章並是諸天上帝，及神霄真王隱祕之音，可以致雨請晴，祈禳水旱，佐國佑民。皆是大梵之言，非世之常辭。言無韻麗，曲無華宛。故謂玄奧，難可尋詳。上天所寶，祕於神霄玉清玉府東華經室，運遇壬辰，應天以傳。若有至人齋金寶質心，依舊格告盟天君，然後而付焉。

道言：夫天地之氣，亦有差正。子午卯酉爲正，寅申己亥爲初，辰戌丑未爲終，皆差也。水旱之災，因天時差正之會，或民之動息相輸，應以致之。不及則祈之，太過則禳之。致雨爲祈，請晴爲禳。凡有此災，同氣皆當齊心修齋，六時行香，十徧轉經，福德立降，

消諸不祥。無量之文，普度無窮。

道言：夫祈禳水旱，致雨即於國西南除地爲壇，壇四面安十方龍王形，中安致雨靈符，五方貯水，以桐竹枝，青白楊枝安水中，以青紙墨書詞，詣三元四海水曹、太玄天機二省以祈之。請晴即於國南除地爲壇，壇並高九尺，爲三仞，上圓下方，傍開四門，門通九壘，以爲步道，四面安十方龍王形，中安請晴靈符，五方施香火燈燭，以破陰暝，丹書青詞，詣二省火曹以禳之。至人爲其行香，誦經十過，祈禳斯應，不爲歲災。隨水旱大小爲期，初七日至三七日，爲小期也。精念懇達，諸天監舉，便得神仙。

道言：夫四時失度，陰陽不調，則氣隨勝以爲過。故陰淫爲水，陽亢爲旱。所臨之境，則民庶流移，鳥獸失道，疫毒流行，橫被夭傷。亦當修齋，行香誦經，祈禳悔謝。夫齋戒誦經，功德甚重。上消天災，保鎮帝王。下禳毒害，以度兆民。生世受賴，其福難勝。故曰無量，普度天人。

道言：凡有是經，能爲天地帝主兆民，除禳水旱。有災之日，發心修齋燒香，誦經十過。皆諸天記名，萬神侍衛，右別至人，剋得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書水火三十二天祈禳中篇

東方八天

磐唐機孫，耀徹瓊祖。壇池玉淵，景龍允府。淀靈有校，嶽鍊卷魯。竊玄建封，淘薰胃古。神穴銷螭，白龍薦午。陣飛斗和，鬼占角普。袁聚祈油，山离緣韓。召杵甲黨，九昆堯桓。

南方八天

驗稽聿巒，赫迴耀丹。宸霖杳叱，萬華構觀。帝丁率霞，馬哲遼還。期逾峴籠，幽沙丘淵。斬觀苟術，西靖煙聯。合升露遂，妖陀蔽佺。戶呈牛黎，火洞責關。旅司要莫，休牟師雷。

西方八天

莓儔晏叟，拒靈齊哀。轉鋤有賢，式尼汶斗。祠訛騫魂，奔荼婁夷。弼賞堂鉉，曰協使馳。獨恩懋卓，溢敦侯負。左蘭契兆，牧臨僊端。登符閱真，慶兵司陳。蕩忽卯皇，勤度伊承。

### 北方八天

虎聃柚閣，殺直空精。道密薰降，雲黃交門。洞混叔火，樸沐指分。合魂神護，昭清樊盈。敕魔正艷，省甫輕經。杲陽喻懷，氣無順存。叱洛泗爛，囚縛攝坤。太考生獲，靈吟鑿荀。

道言：此諸天中大梵隱語，無量之音，舊文刻書太微紫微水火二宮蒼玉靈崖之上，以行天地四時水火之氣，神化之書，功不能名。世間學士，祈禳水旱，隨法丹墨書隱文，著壇四門，以召陰陽之氣。水火之祆，臨人境爲害，向有處安之，大吉。字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛天驛龍使者，下觀其身，書其功勤，上奏神霄。萬神朝禮，地祇侍門，大功三天，命職洞玄。道備剋得，遊行三界，昇入

金門。此音無所不辟，無所不祈，無所不禳，無所不度，無所不成，天真自然之音也。故誦之致天吏下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祆塵，冥慧洞清，大量玄玄也。

### 靈寶无量度人上品妙經卷之四十七

## 靈寶无量度人上品妙經卷之四十八

### 安鎮九壘土祆不祥品

道言：昔於洞陽天中，太微空歌晶華樂土，受元始度人安鎮九壘土祆不祥妙品。元始天尊當說是經，周迴十過，以召十方，始當詣座。天真大神，上聖高尊，妙行真人，仙王土皇，官屬僚佐，地真主宰，無鞅數衆，乘空而來。黃雲慶霄，羽蓋琅輿，彌覆九壘，晃耀八冥，流光錯落，洞煥太空，五日五夜，諸天日月星宿，璇璣玉衡，一時停輪，諸地海嶽，洞穴谿壑，碧華明徹，風雲靜默，天無浮翳，地無伏祆，一國地土林木原隰，緬平一等，無復高下，土皆作文玉，雲霞炳煥，無有異色。衆真侍座，元始天尊玄坐空浮九光金燭龍臺之上。說經一徧，大地土皇同時稱善，俄頃五嶽靈宮，化現真文。說經二徧，玄闕開通。說經三徧，醴泉湧

出。說經四徧，山澤川源，皆生祥瑞。說經五徧，地藏七寶，流出人間。說經六徧，土祿鬼精，捨邪歸正。說經七徧，禍害斷絕，殃注消滅。說經八徧，北都羅酆，九幽地獄，一切罪魂，並蒙原赦。說經九徧，鬼官主者，咸進仙階。說經十徧，萬物遂性，民無夭傷，是時一國是男是女，莫不傾心，皆受護度，咸得長生。

道言：是時元始天尊說經一徧，東方無極無量品色潤壘仙王，土皇神君，無鞅之衆。浮空而至。說經二徧，南方無極無量品剛色壘仙王，土皇神君，無鞅之衆，浮空而至。說經三徧，西方無極無量品石脂色壘仙王，土皇神君，無鞅之衆，浮空而至。說經四徧，北方無極無量品潤澤壘仙王，土皇神君，無鞅之衆，浮空而至。說經五徧，東北無極無量品金粟澤壘仙王，土皇神君，無鞅之衆，浮空而至。說經六徧，東南無極無量品金剛鐵澤壘仙王，土皇神君，無鞅之衆，浮空而至。說經七徧，西南無極無量品水制澤壘仙王，

土皇神君，無鞅之衆，浮空而至。說經八徧，西北無極無量品大風澤壘仙王，土皇神君，無鞅之衆，浮空而至。說經九徧，上方無極無量品崑崙閬風珠闕，瑤池八極靈仙，九宮地真，無鞅之衆，浮空而至。說經十徧，下方無極無量品洞淵無色混黃洞空綱維壘仙王，土皇神君，無鞅之衆，浮空而至。十徧周竟，十方無極九壘土司，仙王皇君，一時同至，一國男女，傾心歸仰。來者有如密雪飛沙，無鞅之衆，迓國一半土皆偏陷，非可禁止。於是元始俯視九壘冥漠淵衆三十六宮，諸大土皇殿闕臺觀，冉冉上昇，至天尊所。元始即以赤光火玉之拂，輝映宮闕，變爲一珠，初若彈丸，三十六宮，明徹可見。元始再運神力，揭此寶珠，大如黍米，在空玄之中，去地九丈。元始登引，天真大神，上聖高尊，妙行真人，十方無極至真大神，九壘仙王，土皇神君，無鞅數衆，俱入寶珠之中。天人仰看，惟見勃勃從珠口中入，即入珠口，不知所在。國人廓散，地還平正，無復欹陷。元始

即於寶珠之內。照見九壘土祿惡鬼形狀，種種不祥，出示靈文，安鎮除滅，利益生民。說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人過值經法，普得濟度，全其本年，無有中傷，傾土傾仰，咸居樂康。不喜不怒，不憂不悲，不病不惱，不苦不勞，不擾不驚。言歸至理，意合天真，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是九壘土皇內名，隱韻之音。亦是仙王內諱，百靈之隱名也，非世之常辭。上聖已成真人，通玄究微，能悉其章。誦之十過，諸天遙唱，萬帝設禮，九壘明正，土祿束形，謹守天勅，不敢害人，上帝律令，速付天丁。至學之士，誦之十過，則五土聽命，三玄稽首，邪精喪眼，土魔滅爽，濟度垂死，絕而得生。所以爾者，學士德化未充，道未合真，以制十方，威未制九宮，德可伏御百

祆，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，安鎮黃闕，普掃不祥，度人無量，為九地之宗。巍巍大範，德難可勝。

道言：凡誦是經十過，九壘三十六神王，土皇神君齊到，除蕩土祆刑犯，地下害氣，勅攝土公，畏法護人，億曾萬祖，幽魂苦爽，皆即受度，上昇朱宮，格皆九年，受化更生，得為貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，中宮土德靈寶真人，降浩元之氣，流入身中，皆即受度，飛昇南宮。世人受誦，則地司毀券，不敢拘形，償骨地官，延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳，輕泄漏慢，殃沈九壘，長役土官。待經五帝，玉童玉女，

各三十六人，營衛神文，保護受經者身。

道言：正月長齋，誦詠是經，安鎮青赤土政，辟除九壘一十二種土殃注氣，為上世亡魂，斷地逮役，度上南宮。七月長齋，誦詠是經，安鎮白黃土司，辟除九壘一十二種土殺刑氣，身得神仙，諸天書名，典錄白簡，削死上生。十月長齋，誦詠是經，安鎮玄黑土官，辟除九壘一十二種土怪害氣，為國王帝主，君臣父子，安鎮國祚，保天長存，世世不絕，常為人君，安鎮其方，民稱太平。八節之日，誦詠是經，八方福土，併及一身，得為九宮真人。本命之日，誦詠是經，土官降福，軒始延齡，神王護命，命存黃庭。真人飲兆華池，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐黃黑紫三色雲氣之中，內外

蒼冥，有青龍、白虎、朱雀、玄武、獅子、白鶴、羅列左右。日月照明，洞煥室內，項生圓象，光映十方，如此分明。密呪曰：

無上玄元，太上道君。召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，安鎮九壘土祆不祥開闢妙品，綿劫度人。正行遊梵，升降自然。混極九輪，虛無至真。玄元祖氣，流結成形。風淵包絡，妙運生根。大法保鎮，群類化成。碧林蒼池，羅列玄靈。九光總統，上帝玉文。離合變立，赤運開明。太空輪轉，飛範真香。是為冲妙，玄中之玄。鬱壘六交，攝御崑山。下纏風澤，劫仞泉臺。

茫茫大化，晨浩凝精。三真廣延，黃耀琳庭。軒始昌陽，甲土元卿。紫煙絳霞，照朗高清。役使百魔，坐鎮十方。中有元闢布氣之真，中有通靈合變之君，中有考察開化大神，中有伏邪滅祿丈人，中有九冥洞淵洞極載天持地皇老尊神。共敷至教，大道化身。今日安鎮，萬聖臨軒。

東方無極保世神王，長生大聖，無量度人。  
 南方無極滅祿神王，長生大聖，無量度人。  
 西方無極辟邪神王，長生大聖，無量度人。  
 北方無極伐惡神王，長生大聖，無量度人。  
 東北無極旺德神王，長生大聖，無量度人。  
 東南無極開道神王，長生大聖，無量度人。  
 西南無極正氣神王，長生大聖，無量度人。  
 西北無極成化神王，長生大聖，無量度人。

人。  
 上方無極上清神王，長生大聖，無量度人。  
 下方無極風澤神王，長生大聖，無量度人。

十方至真九壘神王，長生度世無量大神。並乘黃雲，絳輿翠輦，黃蓋飛輪，驂駕白虎，玄鳳丹鸞，建伏魔之節，神錦龍旗，前導耀昌主帥，後從虎口土龍，獅子麒麟，左右騰擲，七聖啓途，四明捧轅，億靈萬仙，浮空而來。泛氣太虛，飛光景霄。中元翼相，靈紐右宮，玄滋上佐，太陰尊神，總領地真，齊到帝前。隨所安鎮，永保無傾。普告九壘八極，靈關混黃之闕，蒼碧之庭，三十六君化氣，九宮洞天曹局，山澤川源，五河八海，雙光沿泉，三玄四始，一切神靈，收捕土祿，殺伐邪精，北都羅酆，拘制鬼營。生民安泰，國祚清平。死魂遷化，白骨成人。生身受度，與氣長存。因緣輪轉，上升諸天。永斷地下一十五種害物土祿，殄滅不祥，肅清四冥。四冥之天，天帝混成，合道之境

梵行。

東方八天

黃中理玄天，帝流銖延孫。

九壘神空天，帝闕康庸。

極真耀和天，帝閣曲尚筌。

生津布華漱靈天，帝祕景丕瓊。

道昭厚化天，帝照無敵元。

太沖德容天，帝靈梵度光。

靜順頤元天，帝抱由究非。

祖生無咎天，帝唱息隱宮。

南方八天

火壁赤墳天，帝念極住元。

張泠流經天，帝握善愈揚。

梵元度空天，帝靜朱勝龍。

秀嬰委素天，帝燦羅童瞻。

嶧穴妙光天，帝石沖亮夫。

盤基微虛天，帝直紀敦時。

陽隸曲池天，帝殿祺祐山。

土府察獄天，帝育神祕樞。

西方八天

孔升幽化天，帝嗇益至迴。

皇崖祖靈天，帝瑤慶備修。

幽古繁宜天，帝白元孔相。



陸冥四存天，帝覺道屈純。  
洞江微澣天，帝梵龍九阿。  
微生浩景天，帝催謁令存。  
離真樂常天，帝兆復素空。  
精纏次瑶天，帝結降特明。

北方八天

太虛梵容照無天，帝寧輔郎須。  
太虛寶劫厚成天，帝祝耻都安。  
直明辨孚進志天，帝邊落時明。  
斗璣晃霄天，帝極化涂先。  
進神敷生在，帝蔚侷無升。  
翊皇總壘天，帝迪諒切。  
定懷察陰天，帝悲豫蒙思。  
貴利升遊達真天，帝無求太庸。

三十二天，三十二帝，諸天隱諱，  
諸天隱名。天中空洞，自然靈章，九壘  
隱韻，土皇之音。仙王之尊，土皇之  
神，九都大魔，風澤之靈。九纏十壘，  
混化元根。妙會之祖，德難可稱。羅  
布靈真，總治神機。今日欣慶，安鎮九  
壘，斬斷土祿，絕滅不祥。升降道氣，  
通運靈津。土水風界，一十七重。真  
王檢察，統御神功。東極納氣，西極結

精，北極合體，南極成形，中極上嶽，盤  
鎮重冥。青帝開機，白帝握關，赤帝運  
軸，黑帝導脉，黃帝合和，祿殄蕩息。  
青界神王，龍剛耀密。赤界神王，炎華  
勵翼。白界神王，驍鋒電觸。黑界神  
王，含威冒育。黃界神王，該持洞極。  
五界大神，厚地之宗。遊行地境，部制  
靈官。揮戈伏鉞，總轄下司。掌握綱  
紐，體用之資。造化生成，並隸玄樞。  
上承天政，開闢陰陽。交和一德，品物  
隆昌。夔師攝毒，虎將祛凶，威兵振  
奕，麟獸騰驤。飛光八垣，抗禦十鄉，  
敢有干逆，拒遏真皇。金精啖食，神獸  
吞傷，殘割妖爽，所誅無蠲。群魔束  
首，萬鬼潛形，山川靜肅，草木敷榮。  
三光五老，塞閉邪源，不得容隱，金馬  
驛傳。普告無窮，萬化敷宣。九壘皇  
君，列奏上玄。

虛無淪化，開列乾坤。元氣浩浩，  
混沌之形。輕清上浮，堅濁下凝。劫  
數自然，乘陽結陰。真精間錯，金剛鐵  
輪。連構官府，寓屬其間。內司真宰，  
協治靈仙。分稟三玄，建號土皇。統

括機紐，運度無窮。不容怪沴，致害祿  
凶。五方安鎮，敷落真文。八會赤書，  
玉字之章。保持災運，地軸無傾。梵  
氣彌羅，萬範開張。元綱流演，九壘重  
陰。輪轉無色，周回洞冥。旋氣歷關，  
迴度合明。三十六宮，總理下元。八  
景混合，上入高玄。玄中帝皇，無土玉  
真。布衍太和，黃一之靈。包羅海嶽，  
灌養流形。玉華聚質，神景生煙。五  
山鬱秀，環拱萬天。上通下接，升降自  
然。中有真神，洞皇天君。坤元聖母，  
后土尊靈。甲土軒始，輔正九官。執  
符把籙，保鎮地根。遊行洞臺，出入冥  
津。淵窮之境，香眇之中。下鎮人身，  
紫闕丹田。中合五氣，大混百神。十  
轉回靈，萬氣齊仙。仙道貴生，無量度  
人。下鎮九壘，開化法輪。禍福教化，  
命蒂因緣，普受開度，萬彙生全。生道  
既昌，下告幽玄。玄關之內，各有生  
門。中有元洞謠歌之章，真王靈篇，辭  
參高真。

第一安鎮九壘空洞之音  
元一結氣，混洞之中。下成形兮，

盤礴冥空。地綱植根，內有靈真。號曰土皇君，受位於帝宸。官府三十六，經維統萬神。金石相纏固，機會總崑崙。虛涵溟渤津，風澤常彌綸。妙理宗靈寶，厚德堅無傾。勃化周大數，蛟龍俱負乘。正道順自然，祆姦何以興。二儀通至用，玄合保黃寧。

第二辟除土祆之章

元始洞章，靈妙結神。下統帝氣，檢攝群真。勅命土皇，三十六君。稟承至用，開關地關。九淵重壘，祆滯蠲消。沖德含和，融融散寥。運我正道，混合玄標。精禍滅兮，品物逍遙。保制劫災，永亨利貞。生靈樂兮，賴我高宸。科範宣布，絕滅凶姦。無窮無極，海嶽滄茫。衛養生成，流形化光。普世受度，功歸上王。

第三却滅不祥歌曰

九壘之下，冥冥洞關。綱維梵氣，混渺玄虛。中有真皇，承化開方。持運至氣，條達陰陽。乖沴通釋，祛蕩不祥。無上玉文，散禍滅殃。地根綿邈，神精化騰。上陟崑丘，升降纏旋。沖

妙周流，萬寶清貞。人道安泰，福德相乘。國界靜肅，浩劫無淪。巍巍太上尊，部制神明宗。萬境合玄圖，生成保所同。

此三界之上，飛空之中，真王歌音，音參洞章。誦之百徧，名度南宮。誦之千徧，真王保迎。萬徧道備，飛升太空，過度三界，位登仙公。有聞靈音，魔王敬形。勅制地祇，侍衛送迎。拔出九壘，五苦八難，七祖升遷，永離鬼官，魂度朱陵，受鍊更生。是謂無量，普度無窮，有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及九壘三十六宮土皇仙王隱祕之音，安鎮土祆，不得刑犯方隅，崇害民物。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於神霄玉清玉府東寶元堂，運遇壬辰，應數下傳。若有至人齋金寶質心，依舊格告盟玉玄，然後而付焉。

道言：夫地震山搖，亦法氣運。

土陷坼裂，亦由時曆。九壘之大，亦有祆祥。凡有此災，至土皆當齊心修齋，六時行香，十徧轉經，福德立降，保鎮不祥。無量之文，普度無窮。

道言：夫末學道淺，或仙品未充，運應滅度，身經太陰，還骸土宮，鍊骨重壘，戀土爲宅，幽魂不悟。臨過之時，同學至人爲其行香，誦經十過，以度屍形如法。土皇辟斥祆凶，安鎮百神，計日而得更生。轉輪不惑，使得神仙。

道言：夫天地之內，天有九霄，地有九壘。一壘去天九十萬七千二百里。九壘之下，復去天一千二百一十八萬里。則九壘上當崑崙，在天之中，正如卵內之黃混也。土官有洞元之殿，通陰之闕，四十二曹，其下則總爲地司，以治罪魂。復有三十六洞，仙王以居，地下一切神靈，攝御三十六種土祆怪異，害誣生人，冢宅不安，水火爲禍。皆當修齋，行香誦經。夫齋戒誦經，功德甚重。上消天災，安鎮九壘土祆不祥。下攘毒害，以度兆民。生死

受賴，其福難勝。故曰無量，普度天人。

道言：凡有是經，能為天地帝王，安鎮國土兆民，辟却禍殃。有災之日，發心修齋行香，誦經十過，皆諸天降真，消滅不祥，右別至人，剋得為聖君金闕之臣。諸天記人功過，毫分無失。天中真魔亦保舉爾身，得道者乃當洞明至言也。

諸天中大梵隱語無量音 道君撰

元始靈書九壘妙篇

東方八天

杳洞蘭澮，演明機珠。燿璉益闔，理丙玄舒。曰苴載精，圓奔海逋。現祥留寂，央笳潔圖。律帝陽辭，求開拯需。約淳騎伸，普散窈符。濺積柯能，正伎逸甦。沖維泰蛭，熾度爛無。

南方八天

赫延亘咖，龍羅景吠。蕩球送真，祆伏屏異。群苛曆盤，變枚遼治。謁濟橫博，亭微綿禧。衝計忌火，落蘭侯

師。古洞無傑，命青祈茲。溢毒梁貝，範尹凝施。玦育衡定，固賓邈宜。

西方八天

邊奚巒卿，孟初浩泰。質福枚涂，婁空止當。光展論符，救化度戒。和召總靈，察迅出辯。鷲鷲呂余，池名普觀。優擁木多，時萌正載。魁鎮壘塊，真妙驛大。文戎寵渦，柳倩推界。

北方八天

紫雲藹都，八景俱纏。閒羅蒙星，祝舉夷騫。叱張度宮，救曾路宣。傍嘿明徒，衣飛寥玄。漠題運沙，稠祁英堅。本漿極陽，泛席心佳。車勅放縛，鄰枯劫般。直戶邁同，司兵拱仙。

道言：此諸天中安鎮九壘大梵隱語，無量之音，舊文刊書王屋清虛小有洞天地官黃玉闕門之上，以鎮九壘災氣土祆不祥。字皆廣長一丈。天真皇人昔書其文，以為正音。有知其音，能齋而誦之者，諸天皆遣檢地神王，下觀其身，書其功勤，上奏諸天，萬神朝禮，地祇侍門，大勳真王，保舉隱地，道備剋得，遊行三界，升入金門。

此音無所不辟，無所不禳，無所不度，無所不成，天真自然之音也。故誦之致諸天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祆塵，冥慧洞清，大量玄玄也。

靈寶无量度人上品妙經卷之四十八

# 靈寶无量度人上品妙經卷之四十九

## 消除病癘跛痾品

道言：昔於太安天中，遙響風歌太和樂土，受元始度人消除病癘跛痾無量妙品。元始天尊當說是經，周迴十過，以召十方，始當詣座。天醫大神，上聖高尊，普濟真人，通治童子，無鞅數衆，乘空而來。飛光積霄，彤輪華蓋，花雲覆蔭，明霞舞輝，天錦交漫，洞映太空，五日五夜。諸天幽寶嵌巖，普皆大明，星璣月館，晝夜停輪，神風倚煙，靈香拂雲，天無飄翳，六虛洞清，一國地土山川林木，砥平齊等，無復高下，土皆紺碧，無有異色。衆真侍座，元始天尊玄坐空浮五色晶明寶座之上。說經一徧，諸天大聖同時稱善，是時一國男女，身報爲病，漸獲開爽。說經二徧，聾者耳聰，盲者目明，暗者能言。說經三徧，枯羸沈瘵，充澤豐平。

說經四徧，積逮注傳，不及于門。說經五徧，跛痾萎墮，皆能起行。說經六徧，鬼癘消除，正氣流通。說經七徧，老者反壯，少者皆強。說經八徧，軀體病除，法身怡悅。說經九徧，消除病癘，跛痾輕安，悟病皆妄，本非真有，返照回光，則無痛楚，起滅悉從假幻，既識道本，病從何來。說經十徧，面流紫華，身有玉明，魔疾普消，神氣合道，是時一國是男是女，莫不傾心，皆受護度，咸得長生。

道言：是時元始天尊說經一徧，東方無極無量品候氣大神，無鞅之衆，浮空而至。說經二徧，南方無極無量品持運大神，無鞅之衆，浮空而至。說經三徧，西方無極無量品司年大神，無鞅之衆，浮空而至。說經四徧，北方無極無量品定命大神，無鞅之衆，浮空而至。說經五徧，東北無極無量品鬼主大神，無鞅之衆，浮空而至。說經六徧，東南無極無量品行病大神，無鞅之衆，浮空而至。說經七徧，西南無極無量品却癘大神，無鞅之衆，浮空而至。說

經八徧，西北無極無量品八風大神，無鞅之衆，浮空而至。說經九徧，上方無極無量品天醫大神，無鞅之衆，浮空而至。說經十徧，下方無極無量品除病大神，無鞅之衆，浮空而至。十徧周竟，十方無極天醫，普濟大神，一時同至，一國男女，傾心歸仰。謂言我等元以福報，得生天上，非如人間父母精血濁穢之形，復有何病。是故思惟神氣，雖明化生融結，而我心想習染，尚粗身中，妄生疾病，痛苦未除。譬如世人夢中，飲食寒溫起居，一如平時。夢中之身，與今處世父母所生，實無有異。乃至夢身中疾病，痛痒悲歡，亦復同狀，无有殊別。故今身中，猶當有此病癘跛痾。當詣天尊，以求除瘥。咸各恭敬，願禮道前。來者有如細雨密霧，無鞅之衆，迨國一半土皆偏陷，非可禁止。於是元始知如是等衆，獲果天人，猶有病癘跛痾等相。何況世間胎化濕感七十二類，無量衆生，寧免斯苦。我以慈悲，說是妙經，消除衆患。衆患欲除，無非法藥。法藥之妙，莫越神丹。

即運紫光，明如寶焰，聚五輪手法。自九色離羅萬寶星雲玉錦之帔，內出神丸，化成寶珠，大如黍米，在空玄之中，去地五丈。元始登引，天醫大神，上聖高尊，普濟真人，十方無極除病大神，無鞅數衆，俱入寶珠之中。天人仰看，惟見勃勃從珠口中入，即入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。不疑不妄，不淫不貪，不欲不喜，不怒不暗，不邪不狂。言務忠信，口無疾聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，綿得度世。

世。

道言：元始天尊說經中所言，並是諸天上帝內名，隱韻之音。亦是真王內諱，消除病癘，起行跛痾，百靈救疾，攝邪之隱名也，非世之常辭。上聖

已成真人，出離五種病癘，廣大法身，純陽光明，能隱能顯。顯則普現十方，隱則聖真莫測。世病法病，並已消殞。通玄究微，能悉其章。誦之十過，諸天遙唱，萬帝設禮，內境澄瑩，峨山靡平，病癘痊復，跛痺全寧，身嶽不傾，日月同明，群魔束形，鬼精滅爽，回生起痾，朽質成人。至學之士，誦之十過，則五藏生華，膽腦堅真，百神守體，厲鬼喪睛，濟度垂死，絕而得生。所以爾者，學士穢氣未消，體未洞真，以制十方，威未制天政，德可漸杜世患，甦決沈苦而已，不能更生。輕誦此章，身則被殃。供養尊禮，病癘消除，緩跛健行，世世昌熾，與善因緣，萬灾不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，病癘衆生，痛苦消除，跛痾久疾，舉用完健，邪氣無干，百脉受靈，一身萬神，永不去身，身無疾疚，自然長生，億曾萬祖，幽魂苦爽，皆即受度，上昇朱宮，

格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。以經法神護，消除病癘跛痾，澤惠兆民，生類安逸，疾痛莫干，上帝遐觀，報兆真名。上學之士，修誦是經，道備群倫，病灾拂除，癘邪不興，跛癘登舉，宿痾更蠲，皆即受度，上昇朱宮。世人受誦，因病自安，瘕穢泮落，靈秀通玄，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。經泄漏慢，殃及九祖，長役三官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，消除痾病，積歲纏綿，世藥不治，鬼神異氣，遘爲癘病，工所不曉，或智或癡，或生或死，傳習先代，冢注爲殃，鬼氣崇物，相呼附著，爲上世亡魂，斷地逮役，度上南宮。七月長齋，誦詠是經，消除金

旺尅木，筋落受邪，或因土木，或因葬窆，刑害之氣注及肢體，手足不理，跛癱不行，沈冥宿痾，上關天律，考在斗宮，訟連陰府者，使各完固，不有傷絕，身得神仙，諸天書名，黃籙白簡，削死上生。十月長齋，誦詠是經，遍爲生民，消除病癘，風傷勞疾，痾瘰瘵虐，寒熱伏留，泉虬腫汗，水注咳逆，種種怪病，普使和捐。致國王帝主，君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，消解八風邪氣毒病，得爲九宮真人。本命之日，誦詠是經，萬疾消蕩，鬼癘無侵，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛升上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐綠紫青三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥

室內，天醫尚童，矜石小吏，咸在前後，項生圖象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人，願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，消除病癘跛痾，安化度人，百魔隱韻，離合自然。道爲法身，太虛生神。神寂無形，無無上真。元始祖劫，化生諸天。天降地騰，陰陽生人。人爲胎種，病癘因緣，考謫跛痾，積逮因連，採食三景，命固天根。病癘既蕩，神氣爲鄰，玄悟成仙，舉意飛神。上無復祖，惟道爲身，五文開廓，普植神靈。無文不光，無文不明，無文不立，無文不成，無文不度，

無文不生。是爲大梵，天中之天。鬱羅蕭臺，玉山上京。上極無上，大羅玉清。九品仙聖，爲自然人。身病法病，普得安寧。未證大乘，病癘所縈。鍊身爲氣，鍊氣爲神，神合太無，若亡若存。三華離便，大有妙庭，金闕玉房，森羅淨潔。大正道氣，周回十方。中有度人病癘跛痾之神，中有南極長生大帝君，中有度世司馬大神，中有好生韓君丈人，中有南上司命司錄延壽益筭度厄尊神。回骸起死，無量度人。今日校錄，諸天臨軒。東方無極消除病厄神王，長生大聖，無量度人。南方無極消除邪癘神王，長生大聖，無量度人。西方無極消除偏跛神王，長生大聖，無量度人。北方無極消除纏痾神王，長生大聖，無量度人。東北無極消除世疾神王，長生大聖，無量度人。東南無極消除注氣神王，長生大聖，無

量度人。

西南無極消除考察神王，長生大聖，無量度人。

西北無極消除宿報神王，長生大聖，無量度人。

上方無極消除見病神王，長生大聖，無量度人。

下方無極消除意病神王，長生大聖，無量度人。

十方無極消除病癘跛痾神王，長生度世無量大神，並乘奔雲迅電，赤鳳科車，營從天仙，靈官將吏，侍直神司，驂駕大獸，天鹿夔龍，絳節瑤旌，瓊干翠羽，前嘯吳嘯同嘯，後吹筠篔同鳴，吟僊飛籟，嘯歌嘯嘯，天丁啓途，青髻翼轅，億乘萬騎，浮空而來，傾光回駕，除痾度生，諸天丞相，南昌上官，韓司主錄，監生大神，執錄把籍，齊到帝前。隨所應度，嚴校諸天。普告三界，無極神鄉。泉曲之府，北都羅豐，三官九府，十二河原。上解尸注豕訟，積逮世傳，病瘖鬼癘，故氣跛癱，宿業纏痾，及以祖考，億劫種親，疾除罪簿，落滅惡

根。不得拘留，逼合鬼群。元始符命，時刻升遷。北都寒池，部衛形魂。制魔保舉，度品南宮，死魂受鍊，仙化成人。生身受度，劫劫長存。隨劫輪轉，與天齊年。永度三灾，九厄八難，超凌三界，逍遙上清。上清之天，天帝洞淵，無色之境梵行。

東方八天

太安順陽天。帝景闍玄仁。

至無化神天，帝玉都求輪。

靜華初元天，帝樂真輔仙。

覺昭情微天，帝廣穹良奔。

序止陰夷天，帝部圭士畦。

落具澄炎天，帝斗布紫昆。

賁亭瀘河天，帝除患慈英。

浪絕妙圃天，帝曉因祕巫。

南方八天

碭城寶真天，帝仇卑振篁。

寥居信靈天，帝爻霞總祥。

辨宗虛攸天，帝極真途。

騫揚寶區天，帝輔觀盈璪。

香泮赤和天，帝變丁匪邦。

亮部求玄天，帝古定梵康。

主延無童天，帝空基民宣。仙房校籍天，帝閱都賢昌。

西方八天

考勝逕靈天，帝嶽傳至文。

咸興遞迎天，帝關巴罔欵。

鬱珠達想天，帝召冥履元。

屏栖烈廣天，帝度命微冲。

璐真确濟天，帝眇仙儔。

輪預逆游天，帝智侈龍。

液度司夕天，帝被曦光旋。

綠史洞綿天，帝道嚴阮通。

北方八天

泝達紫垣天，帝治冥信方。

曠倚遵宜天，帝端究精膺。

洞慈慶周天，帝露進璣回。

頌咸褒聖天，帝哀丘繫璫。

太始至念天，帝稟卿徐韋。

光梵九名天，帝寔幾鄰。

應象徐盈天，帝蒙符靜康。

畢堂六輪天，帝演巴就剛。

三十二天，三十一帝，諸天隱諱，

諸天隱名。天中空洞，除病靈章，諸天

隱韻，天中靈音。天醫之尊，天藥靈

神，主病靈魔，生神之靈。九變七轉，飛昇太清，無量之奧，深不可詳。起癘回年，普度天人。今日欣慶受度，歷關諸天，請滅跛痾，斬絕注根，飛度六尸，命延太玄，司命檢錄，氣隆天門。東斗斷傳，西斗殺蟲，北斗縛鬼，南斗療痾，中斗大魁，五臟之精，消除病癘，總監衆靈。青帝護魂，白帝侍魄，赤帝養氣，黑帝通血，黃帝操藥，扶廢績絕，中主太和，萬神無越。青方魔王，腫癘春行。赤方魔王，陽毒發煙。白方魔王，偏廢委跛。黑方魔王，沈痾歷座。黃方魔王，腫痞狐缺。五方大魔，行病元凶，隨運出入，與時迎逢。初下崑崙，携駕毒龍。統領惡鬼，遊觀域中。屠害生民，誅惡不容，上官符告，收攝姦

天馬玉韁。電獸吐火，巨龜出黃。五酋仗旛，走馬飛光，玄蟒千丈，鬼車百箱。朱旗橫天，雷奔雨滂，敢有干試，誅斬爲當。玄鉞前戮，赤刃後刑。消除病癘，人道安寧。風火交發，跨斗乘星。魔無干犯，鬼無妖精。三官北酆，

明檢鬼營。不得容隱，金馬驛呈。普告無窮，萬神咸聽。三界五帝，列言上清。

洞皇玉極，龍漢延康。眇眇曠寂，混沌環剛。上無見色，下無見淵。風空運虛，金精凝天。天上天下，無幽無冥，無形無影，無極無窮。溟滓大梵，寥廓無光，赤明開圖，運度自然。元始安鎮，敷落五篇，赤書玉字，八威龍文。保制劫運，使天長存。下比人身，大小混淪，六腑九臟，自然赤文。風空天淵，九一變分，合道無病，跛痾不生。鬼癘除滅，長生神仙。絡膜谿谷，梵氣彌羅。玄府骨竅，萬範開張。脉如元綱，蟠結流行。輪轉一體，周回九門。二十四真，總御三關。中爲天樞，前爲廣明。列布宮室，後爲至陰。陰抱陽交，總氣上元。八景冥合，氣入玄玄。玄中太皇，上帝高真。泛景太霄，吟詠玉章。金真啓元，流響雲營。玉音攝氣，靈風聚煙。紫虛鬱秀，輔翼萬仙。千和萬合，自然成真。穢結解散，病癘不行。跛步輕奔，壞痾蕩擯。和合育

真，真中有神。長生大君，無英公子。洞陽之靈，白元尊神。靜湛而明，太一守房。司命振鈴，桃康攝邪。合延運精，執符把籙。保濟生根，飛升上清。遊宴瓊宮，碧羅之內。混黃之中，上騰下降。玄華泥丸，植立萬毛。集鍊百神，絳闕龍泉。統御要津，尸注速滅。宿瑕摧消，總理五氣，混合八瓊。十轉回靈，易骨變形。六周甲子，萬氣齊仙。仙道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門，中有空洞謠歌之章，真王靈篇，辭參高真。

第一天醫大神拂魔除病飛空之音  
熒熒五色，維此神丸。爲世凡夫，百病孔艱。冤憤幽憂，日殞殊顏。繼緣著境，神志不安。寒比冰烈，熱極火然。命等風燈，沈冥永歎。我施大慈，悟爾癘殘。絳宮既平，照映億千。虛明無礙，徹地通天。玉帝聳觀，群仙列言。度爾證仙公，萬氣常調完。病從緣業生，魂逝役鬼官。徒令爾親徒，悲



苦垂辛酸。不知道無形，輪轉生死間。見道守虛無，飛神玉京山。爾時上智慧，邪試當無干。

### 第二普濟真人勸誡鬼癘之章

夔龍蒼甲，十丈鋼鬚。日食萬鬼，邪癘無餘。瘟毒喪睛，幽爽急驅。召集都天，神吏斬誅。按籍考追，九獄崎嶇。爾何老氣，假形妄謀。入人血脉，塞彼神廬。使氣不行，尸鬼爲徒。夢想所通，意感陰靈。變其形服，干亂黃房。爾不自悟，坐與物矜。名書北鄴，報對無停。何不栖山林，思真道自成。吾行紫煙中，救苦居黃庭。

### 第三長生大聖振拔跛痾歌曰

千尋碧山，萬旗飛火。虎丘控弦，河侯鼓拖。大神騁雲，星流雷過。俯視阿人，起而復墮。邪注骨萎，筋癰家禍。敗風廢手足，賊鬼成曳躄。不知宿業因，真心泪流塵。貪嗔信癡緣，殺命祭鬼神。死入玄沙牢，億載豈得伸。爾當悟道奧，妙玄生爾神。自然無死生，永爲上清人。逍遙學無爲，至陽續窮薪。

此三界之上，飛空之中，真王歌音，音參洞章。誦之百徧，疾病永消。誦之千徧，緣習亦除。萬徧道成，普度一切，飛昇太空，超出三界，位登仙公。有聞靈音，萬魔束形，勅制地祇，侍衛送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈仙真，除病癘，起跛痾，明本真元，先天不動，無有變遷。疾病之報，皆由業緣，展轉結習，氣從而化，故有呻吟痛楚，如是等類。鍊神洞虛，億劫長久，不入流轉，體證真人，無有生死。隱祕之音，皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於神霄真王上宮，依元劫三萬八千年應運下傳。若有至人齋金寶質心，依舊格告盟三天，然後而付焉。

道言：夫天地病癘，則爲震擗陷拆，水旱風雹，運度否終。日月五星病

癘，則爲陵犯，薄蝕虧盈。至聖神人，雖捨病緣，無世跛患，亦有休否隱顯，隨運興衰。末學之夫，亦有疾傷。凡有此災，同氣皆當齊心修齋，六時行香，十徧轉經，福德立降，消諸不祥。無量之文，普度無窮。

道言：夫末學道淺，或仙品未充，病癘所縈，跛履痾瘵，使真念退悔，謂道無靈。同學至人爲其行香，誦經十過，以度病癘如法。則神氣流行，上下升降，真性開悟，疾恙消解，隨其學功，計日而得生理，壽齡延永，便得神仙。

道言：夫天地運終，星宿錯度，日月失昏，四時失度，陰陽不調，國境有災，疾癘四起，疫毒流行，兆民死傷，師友誤履淹衝，致身疾痛，皆當修齋，行香誦經。夫齋戒誦經，功德甚重。上消天災，保安邦國。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地一切兆民，行是功德。有災之日，發心修齋燒香，誦經十過，疾病跛痾，並皆消滅，

諸天記名，萬神侍衛，右別至人，尅得為聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音 道君撰

元始消除病癘跛痾靈書中篇

東方八天

聖應魁闡，牘嘉慶緣。昊赴微露，肅格中乾。教益彖遷，亦太真邈。逸珉匪類，奏通寶卓。意靈氣玄，道忱免宣。揚裔備法，濟生度孱。輔天蠻靈，廓濡企延。鑒賚洞寂，壽蘄汭漠。

南方八天

神飈散霞，梵極侷幽。無沔道夷，流淵離疇。猛牲投端，轉拳菟泉。冀瀛策思，馘靜魔玄。九露叱落，奚祠精涓。含熙傳青，比生麗班。鴟牙公都，樞機總南。錠丹燄酢，滋婁毛鵝。

西方八天

牝關玉停，勾旗愍蒸。黃婁纏奎，鬼井搖箕。鬱亶滌澤，首莫那羅。合

神仙度，無阿流刀。桓尤偁怛，嶽豈俄由。罔徹太匠，烏耿爭虬。車盈茶宛，泝適岐釋。開韓斗師，救局魂堂。

北方八天

魚曲玄校，女瑱蛟斗。栢麻初幾，正朕室西。幕河鄙虛，紇陋根湊。坤纓脾籍，呼轉丹候。月神華玦，條飛察周。燕泊芒肫，狸延倭畫。覺晦並彌，混權空咄。古泰定長，阿為上仙。

道言：諸天中大梵隱語，無量之音。舊文以琅華朱光之毫，書太極玄定天中紫館北扉之上。以氣下臨纏宿星尾之分，救諸病癘跛痾，報償惡業，解除縈纏詛訟冤負之氣，使知德自施，疾癘消滅。鳳迹龍紀之書，字皆廣長一丈。東華上相青童道君昔書其文，以為正音。有知其音，能齋而誦之者，諸天皆遣飛霄騎吏，下觀其身，書其功勤，上奏諸天，萬神朝禮，地祇侍門，大勳天樞，保舉上仙。道備尅得，遊行三界，升入金門。

此音無所不辟，無所不禳，無所不度，無所不成，天真自然之音也。故誦

之致飛霄下觀，上帝遙唱，萬神朝禮，三界侍軒，羣祿束首。鬼精自亡，琳琅振響，十方肅清，河海靜默，山嶽吞煙，萬靈振伏，招集羣仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之四十九

靈寶无量度人上品妙經卷之五十

蠲化水火災癘品

道言：昔於紫元寶皇天中，空洞玉音大升明土，受元始度人蠲化水火災癘妙品。元始天尊當說是經，周迴十過，以召十方，始當詣座，天真大神，上聖高尊，妙行真人，無鞅數衆，乘空而來。瑞靄積霄，靈煙揚彩，瑤輪瓊輦。華蓋垂蔭，萬景凝光，百千寶色，洞煥太空，七日七夜。諸天軌步，日月運度，咸悉凝輝，星宿璿璣，舍次停流，碧山層巘，神海湛波，天覆僊雲，地成瓊玉，臺闕長樓，龍攀鳳舞，素芝絳木，捧露生香，碧影金華，普天共色。衆真侍座，元始天尊玄坐空浮九色真龍之上。說經一遍，諸天大聖同時稱善，是時一國男女，欣聽天尊宣說蠲化水火災癘，慈救三界無量大法。說經一遍，天搖玉毫，彌覆龍觀。說經三遍，明河

瀉光，玄珠飄灑。說經四遍，水騰火降，變化自然。說經五遍，災癘不生，劫數延遠。說經六遍，陰平陽泰，氣無伏勝。說經七遍，混元顯化，靈範流昌。說經八遍，冲用陶虛，神真昭感。說經九遍，湧金爲壇，神僊俯矚。說經十遍，枯骸重肉，幽黨開明，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品開運大神，無鞅之衆，浮空而至。說經二遍，南方無極無量品玉曆大神，無鞅之衆，浮空而至。說經三遍，西方無極無量品植劫大神，無鞅之衆，浮空而至。說經四遍，北方無極無量品度劫大神，無鞅之衆，浮空而至。說經五遍，東北無極無量品權量大神，無鞅之衆，浮空而至。說經六遍，東南無極無量品制水大神，無鞅之衆，浮空而至。說經七遍，西南無極無量品滅火大神，無鞅之衆，浮空而至。說經八遍，西北無極無量品蠲災大神，無鞅之衆，浮空而至。說經九遍，上方

無極無量品化癘大神，無鞅之衆，浮空而至。說經十遍，下方無極無量品承濟大神，無鞅之衆，浮空而至。十遍周竟，十方無極天真大神，一時同至，一國男女，傾心歸仰，各施珍異，神香妙衣，无量法具，旌幢繖蓋，珮玉纓珠，狀如屯雲密雨，無鞅之衆，頂禮天尊，願聞大法。於是元始撫雕雲瓊几，揮紫金丹光塵尾，流眄垂光，告命大衆十方天人曰：吾自造立混沌，化生二儀，役御陰陽，始封皇上元君，青靈上真，青天帝君，青華帝君，蒼華大帝，青靈天君，搏桑大帝，九老仙都君，上相青童君，東華三官。校量水火，定平劫數，極於九五八六之會。地之維徑，三億三萬三千三百億萬里。南北則減千里，東西增千里。自地上至天半，剛風八極，則地之深亦如之。通而廣之，渾以相覆，其數鉤股。懸天之晷，著地之儀，移千里一寸而得之，天之廣大約三百六十六萬里。以萬天求之，不可以爲度。九氣青天，天有九元。九元運關，周迴三十二覆，晝夜三十日，天氣

一交，一十二交爲一度。三百三十度，諸天氣王於木，數至寅卯。三千三百度，青氣勃，黃氣否，陽數之九九者，天之極，謂小陽九。六天氣上，百官受會，謂小百六。此天氣勃於火宮，巳午之歲，疫氣流行。九千九百度，青氣激，黃氣蝕。陽數九九，謂大陽九，六天氣反，百神收氣，謂大百六。此天氣激於金宮，申酉之歲，兵疫並行。三氣丹天，運關三百六十度，諸天氣王於火，數至巳午。三千三百度，赤氣勃，白氣否。此小陽九，小百六。天氣勃於土宮，辰戌丑未之歲，土中生火。九千九百度，赤氣激，白氣蝕，此謂大陽九，大百六。天氣激於水宮，亥子之歲，當有洪災。中央一氣，黃天，運關三百三十度，諸天氣王於土，數至辰戌丑未。三千三百度，黃氣勃，黑氣否，此謂小陽九，小百六。天氣勃於金宮，申酉之歲，瘴疫大起。九千九百度，黃氣激，黑氣蝕，此謂大陽九，大百六。天氣激於木宮，寅卯之歲，江河水溢。災癘並興。七氣素天，運關三百六十

度，諸天氣王於金。數至申酉，國安民豐。三千三百度，白氣勃，青氣否，此則小陽九，小百六。天氣勃於水宮，亥子之歲，人民漂流，咸至夭傷。九千九百度，白氣激，青氣蝕，此謂大陽九，大百六。天氣激於火宮，巳午之歲，赤怪焚蒸，災疾尤甚，五氣玄天，運關三百六十度，諸天氣王於水，數至亥子。三千三百度，黑氣勃，赤氣否，此則小陽九，小百六。天氣勃於木宮，寅卯之歲，水湧沛決，人民夭傷。九千九百度，黑氣激，赤氣蝕，此謂大陽九，大百六。天氣激於土宮，辰戌丑未之歲，應以大旱。五方運關，三十二覆。九千九百度周，五方之氣皆上運，元始青陽之氣迴轉。靈寶玄都，玉京山中，周迴諸天，日月星宿，十空之外。九億九萬九千九百九十九度，天氣勃，一劫之交，天地再生，此水火變化之道。惟能蠲化，則災癘自平。是故道有九一，天有九一，地有九一，人有九一。四九合成，三十六氣。總會三十六天，一一變生。九一九九，八十一元氣。空有八

十一道氣，天有八十一聖天，地有八十一真氣，人有八十一僊氣，總會三百六十氣。道有三百六十虛無自然空玄之道，天有三百六十聖化之道，地有三百六十洞真之道，人有三百六十骨節騰化飛僊之道，此三百六十氣之所分化。上有三十六空，中有三十六天，下有三十六地。玄化在人，則有三十六戶。道有三萬六千神變玄象，天有三萬六千雲構宮殿，地有三萬六千洞府，人有三萬六千神識。道爲玄空之至精，人爲天地之至靈，亦水火之變化也。天地有劫數窮極，水火之災癘。惟上聖高尊，諸天帝王，以平和之。則劫數無終，水火無激蝕之變。世之水火災癘，惟有道之聖君，有德之賢臣，以平和之。人身有水火災癘之變，惟泰定無爲，降火升水，以平和之。非至真上學，所不能知，凡此蠲化水火災癘大法之道。元始說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本

年，無有中傷，傾土歸仰，咸識道體，實由水火二氣均調。天地清寧，人物安阜。不爭不勝，不勃不蝕，不鬱不拂，不抑不閉，不塞不伏。言無窮妄，口無邪聲，齊同慈愛，異骨成親。國安民豐，欣樂太平。經始出教，一國以道，預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是魔王內諱，百靈之隱名也。上聖已成真人，內制靈寶，真水無波，丹靈無煙，均調柔濟，蠲化惡毒，消滅灾癘，通玄究微，能悉其章。誦之十過，北都唱嚴，南陵錄善，火山揚光，昭溫和浹，龍澤澄瑩，天德清平，毒害消弭，劫世綿永，灾癘不生，人民康悅。至學之士，誦之十過，則五行循運，三灾自除，魔精喪眼，鬼祿滅爽，濟度垂死，絕而得生。所以爾者，學士抱神御氣，水火有倫，斟酌燔焔，理合有常，不差忒，正其紀綱，焚蕩之灾，收付天綱。輕誦此章，身則被殃。供養尊禮，門戶興隆。世世昌熾，與善因緣，萬灾不干，神明

護門。斯經尊妙，獨步玉京，度人無量，為萬道之宗，巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，上昇朱宮，格皆九年，受化更生，得為貴人。以經法通感，至水火二真，雙景合併，奇偶得宜，陰陽調平，真氣內應，上徹玄關，諸天降庭，昭響南陵也。而好學至經，功滿德就，皆得神仙，飛昇金闕，遊宴玉京。上學之士，修誦是經，日月俠傍，水火飛光，蠲化灾癘，皆即受度，飛昇南宮。世人受誦，則心火下降於紫室，玄水上朝於金門，中池朗秀，白元懽忻，害氣祓除，真神長存，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，正三

元之紀，蠲化水火灾癘之氣，為上世亡魂，斷地逮役，度上南宮。七月長齋，誦詠是經，正五運之紀，蠲化水火灾癘之氣，身得神僊，諸天書名，黃籙白簡，削死上生。十月長齋，誦詠是經，正六氣之紀，蠲化水火灾癘之氣，為國王帝主，君臣父子，安鎮國祚，保天長存，世世不絕，常為人君安鎮其方，民稱太平。八節之日，誦詠是經，正八方之紀，大小劫運，水火相伐，勃蝕之灾，蠲化調平，使九宮氣和，人民康樂，得為九宮真人。本命之日，誦詠是經，使支干無傷，水火均適，真氣自生，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓像，光映十方，如此分

明，密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十六人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，蠲化水火災癘，十迴度人。百魔隱韻，離合自然。三天澄明，靈寶不分。元胞未開，或浮或沉。浮者爲陽，沉者爲陰。浮者炎上，沉者潤下。性成質具，名曰水火。有形無質，若氣非氣，爲至道祖，爲太空精。上水下火，神濟其中。上火下水，氣營其門。水火相交，風爲之神，變化天地，生養乾坤。金氣生明，剛性發堅，水潤成木，木中成炎。水火既具，真土爲主，土爲空母。玉山上京，黃房紫庭。上聖九品，帝極三真，是由

水火，和感而生。鬱伏疆弱，變爲災癘，頑敗朽惡，氣撓神驚。火精爲日，水精爲月，月成歲功，日制軌刻。三界萬物，乃遂利亨。五行六氣，水火爲先。大氣鍊養，九萬九千。赤明開圖，運度自然。歷水過火，真得其真。上無復祖，惟道爲身。水火交胎，普植神靈。靈文結篆，龍鳳飛雲。無文不光，無文不明，無文不立，無文不成，無文不度，無文不生，是爲大梵，天中之天。鬱羅蕭臺，太微太階。上極無上，大羅玉清。恍惚存亡，水火真君。行天運度，畢觜昂參。行人厄會，水火漂焚。行地爲癘，土陷山傾。氣有逆順，劫有壞成。上真蠲化，生道謐寧。水火二氣，周迴十方。中有度人，不死之神，中有南極長生之君，中有蠲化災癘之神，中有度世司馬大神，中有好生韓君丈人，中有南上司錄，延壽益筭度厄尊神。迴骸起死，無量度人。今日校錄，諸天臨軒。

東方無極太玄神王，長生大聖，無量度人。  
南方無極赤帝神王，長生大聖，無量度人。  
西方無極九溟神王，長生大聖，無量度人。  
北方無極洞海神王，長生大聖，無量度人。  
東北無極火藏神王，長生大聖，無量度人。  
東南無極絳府神王，長生大聖，無量度人。  
西南無極水藏神王，長生大聖，無量度人。  
西北無極黑穴神王，長生大聖，無量度人。  
上方無極海空神王，長生大聖，無量度人。  
下方我極元火神王，長生大聖，無量度人。  
十方至真飛天神王，長生度世，無量大神，並乘三素流雲，八瓊丹輦，風輪霞帳，虎蓋虬軒，驂駕朱鳳，五色玄龍，建七耀之節，九色靈幡，前嘯萬舞齊唱，後吹千籥同鳴，朱鳳蒼虬，嘯歌嘯嘯，

玄獸神禽，喙音宛宛，五老啓途，群仙翼轅，億乘萬騎，浮空而來。傾光回駕，監真度生。水火二相，南昌上宮，韓司主錄，監生大神，執籙把籍，齊到帝前。蠲平水火，灾癘無干，隨所應度，嚴校諸天。普告玄都，玉京天闕，十二宮分，六甲之元。水不濫溢，火不焚然。玄精守位，絳章伏潛。水火合氣，不得流遷。大小劫運，九六之天。消平灾癘，三界咸安。無極神鄉，泉曲之府，北都羅酆，三官九府，十二河源，水怪弭息，洪波靜淵，九靈奉書，冤負明伸。上解祖考，億劫種親，疾除罪簿，落滅惡根。不得拘留，逼合鬼羣。元始符命，時刻昇遷。北都寒池，部衛形魂。制魔保舉，度品南宮。死魂受鍊，僊化成人。生身受度，劫劫長存。隨劫流轉，與天齊年。永度三塗，五苦八難，超凌三界，逍遙上清。上清之天，天帝玉真，無色之境梵行。水火灾癘，即大小陽九百六之變也。惟種民天已上，三灾不及。自紫微垣至九壘重陰，皆灾害所及之處。

雖聖賢真宰，不能變遷，亦如日月之蝕也。惟昇入無形，方免水火之患。此天亦三界之天，與靈寶同法。

#### 東方八天

大濟榮稽天，帝楚凡流阿。  
邵真梵光天，帝求何宗都。  
靈觀陽符天，帝彭樓提真。  
淵鎮扶搖天，帝伯嶽原殊。  
太微正度天，帝帥聰耻明。  
八景洞真天，帝曷寧晶魁。  
會昌延化天，帝司典公樞。  
紫津耀神天，帝辨侯稱。

#### 南方八天

雲瓊憫玄天，帝定思顯權。  
玉闕禁盈天，帝獨俾滋嚴。  
敷靈帝真天，帝輔華資臣。  
冲裕慧孚天，帝覺爽元祺。  
九華變空天，帝山麗玉相。  
玄剛降生天，帝察監領神。  
晶明廣善天，帝啓蒲昌光。  
晃朗太元天，帝烈智携。  
西方八天  
洞浮正樞天，帝監鬱蒼。

五英和育天，帝慮巴提文。  
離明邁容天，帝難洞申標。  
玉靈康濟天，帝綠寶宗。  
紫雲玄昇天，帝才輔氏回。  
玄緒慶猷天，帝賜禹景方。  
極真號名天，帝僊釐總皇。  
初神顯祐天，帝域圖檣。

#### 北方八天

玄洞祕神天，帝居賓汪。  
丘渚演真天，帝韓司秉觚。  
元虛隱符天，帝治極紫邛。  
七變無極天，帝震文啓玄。  
高素昇聞天，帝尹述希寂。  
玄雲羽華天，帝滔師越浪。  
玄清豁落天，帝頤典宥方。  
北華斗搖天，帝龍几承倡。  
三十二天，三十二帝。諸天隱諱，諸天隱名。天中空洞，自然靈章，諸天隱韻，天中之音。天中之尊，天中之神，天中大魔，天中之靈。九和十合，變化上清。玄化之奧，深不可詳。調運水火，普度天人。今日欣慶受度，歷關諸天，請滅漂焚流蕩燒爇劫運之灾，

大小陽九大小百六之會，旺否勃蝕，貽毒三元，飛度厄難，名列太玄，魔王監舉，無拘天門。東斗建杓，西斗生氣，北斗水神，南斗火帝，中斗大空，為劫之會。青帝化木，白帝烹金，赤帝孕火，黑帝飛泉，黃帝靈寶，變化無邊。青天魔王，母本太玄。赤天魔王，真土成天。白天魔王，水德自然。黑天魔王，青陽發煙。黃天魔王，剛粹冲淵。五帝大魔，萬神之宗。飛行鼓從，總領鬼兵。麾幢鼓節，遊觀太空。自號赫奕，諸天齊功。水劫浩浩，驚波萬重。火劫炎熾，惡煙渾蒙。激流烘爛，三界灾凶。元始正道，養育和融。蠲化陰陽，毒惡莫從。灾癘却除，時明國豐。神公受命，降世福祥。日月合拱，四斗明張。玄瑞僊雲，靈鳳飛翔。水火作寶，金玉凝堅。六氣夷平，四景回旋。金不尅金，木火降陰。土為水防，木受土生。五行既協，水火無偏。致民壽慶，心無忸冤。魔鬼滅爽，殺戮萬千。三官北酆，明檢鬼營。不得容隱，金馬驛呈。普告無窮，萬神咸聽。三界五

帝，列言上清。鬱羅天關，中環八門。眇眇億劫，祖氣未分。上無復色，下無復淵。水火洞虛，金剛乘天。天上天下，無幽無冥，無形無影，無極無窮。赤明開圖，日月麗天，水火合濟，運度自然。元始安鎮，水火為丹，内生玉字，赤書五篇。十方寶篆，八威龍文，保制劫運，二氣長存。梵氣彌羅，萬範開張，元綱流演，三十二天。輪轉水火，周迴十方，旋陰歷陽，回度五常。三十五分，分氣三元，八景冥合，氣入玄玄。玄中太皇，上帝高真，泛景太霞，嘯詠洞章。金真朗郁，流響雲營，玉音攝氣，靈風聚煙。紫虛鬱秀，輔翼萬僊，千和萬合，自然成真。真中有神，長生大君，玄帝水德，丹元火君。太一守氣，司命留神，桃康捧鑪，合延命精，執符把籙，保命生根。上遊上清。出入華房，八冥之內，細微之中。下鎮人身，泥丸絳宮，中理五氣，混合百神。十轉回靈，萬氣齊仙。仙道貴生，無量度人。水火交分，飛天法輪。罪福禁戒，宿命因緣。普受開度，死魂

生身。身得受生，上聞諸天。諸天之上，各有生門，中有空洞謠歌之章，魔王靈篇，辭參高真。

第一欲界蠲化大小劫運陽九百六水火灾癘飛空之音

玉京為樞，輪轉諸天。龍樓鼓鳴，九千餘周。水開洪源，炎飈九州。陽勝陰伏，木往金酬。水火為王，激勃滂流。燎山毀玉，民物振憂。元始上帝，虎冠龍旂。握策佩符，呼攝酆幽。啓靈寶篇，黑帝布籌。火神檢考，萬靈速句。灾害平寧，無待無求。

第二色界魔王蠲化大小劫運陽九百六水火灾癘之章

元氣為日，陰母為月。日行月隨，成歲分節。天關運動，水衝火蒸。斗車其行，三千有餘。陽九百六，為世卷舒。陰陽百六，數之堂隅。一十二度，鼓鳴三周。水火氣行，日月傍流。水勝河溢，火熾焚舟。至學無為，我神天游。數極筭竭，水火交結。世號灾癘，物為勦絕。九復為一，混沌重生。元始天王，出沒變更。兆度我界，玉清妙



庭。

第三無色界魔王水火災癘不及玉  
清神化歌曰

雲營廓落，浩蕩帝青。龍母九日，  
萬里蟠形。黑煙翳鬱，太音雷霆。屈  
繞玉山，八十萬層。俯觀日月，熒熒火  
星。下臨九天，玉闕金城。我界自然，  
無有火兵。九靈真母，諸惡不經。道  
空大妙，無上仙真。昇入無形，不染六  
塵。與神氣合，湛然長存。天谷綿綿，  
智覺不分。知本無爲，浩劫爲尊。

此三界之上，飛空之中，魔王歌  
音，音參洞章。誦之百遍，名度南宮。  
誦之千遍，魔王保迎。萬遍道備，飛昇  
太空，過度三界，位登仙公。有聞靈  
音，魔王敬形，勅制地祇，侍衛送迎，拔  
出地戶，五苦八難，七祖昇遷，永離鬼  
官，魂度朱陵，受鍊更生。是謂無量，  
普度無窮。有祕上天文，諸天共所崇。  
泄慢墮地獄，禍及七祖翁。

道言：此二章並是諸天上帝，及  
至靈魔王隱祕之音，皆是大梵之言。  
非世上常辭。言無韻麗，曲無華宛。

故謂玄奧，難可尋詳。上天所寶，祕於  
玄都紫微上宮，依玄科四萬劫一傳。  
以其調制水火，保固劫運，使天關之  
度，數軌無終，與天長存。禁重之限，  
不容宣泄。若有至人齎金寶質心，依  
舊格告盟十天，然後而付焉。

道言：夫天地運終，則水火激戾，  
洪流滔天，金石焦朽，於民爲疫癘寒熱  
之疾，水起土壤，風騰火炎。於民命  
終，亦猶劫焚水蕩數會，運終之時也。  
末學之夫，亦有疾傷。凡有此災，皆當  
建立壇墀，敷五方真文，三時行道，制  
御水火，蠲化災癘，祈告上靈，災害平  
息，同氣皆當齊心修齋，六時行香，十  
遍轉經，福德立降，消諸不祥。無量之  
文，普度無窮。

道言：夫末學道淺，或仙品未充，  
或四大燔灼，眩惑躁競，或則羸瘠瘦  
枯，寒窘跛痺。此皆水火凌戰，勝所不  
勝，運應滅度，身經太陰，臨過之時，同  
學至人爲其行香，誦經十過，以度屍形  
如法，魂神經上南宮，隨其學功，計日  
而得更生。輪轉不滅，便得神仙。

道言：夫天地運終，星宿錯度，日  
月失昏，四時失度，陰陽不調，國境有  
災，兵革四興，疫毒流行，兆民死傷，師  
友命過，皆水火爲之災癘。水火爲太  
微、紫微兩極都曹，主司人命，總括禍  
福。當依法建壇，醮南北二斗水火尊  
帝，奏詞懇願，心香上達，神真自降。  
亦當修齋，行香誦經。夫齋戒誦經，功  
德甚重。上消天災，保鎮帝王。下禳  
毒害，以度兆民。生死受賴，其福難  
勝，故曰無量，普度天人。

道言：凡有是經，能爲天地帝主  
兆民，行是功德。有災之日，發心修齋  
燒香，誦經十過，皆諸天記名，萬神侍  
衛，右別至人，尅得爲聖君金闕之臣。  
諸天記人功過，毫分無失。天中魔王  
亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

蘋璣無玕，珍華肆極。辨祖幽池，

魔靈滋直。允被盧康，景麗縛奕。乾  
司耀帝，禁離蒙辟。猛牛涂巔，侯鬥魯  
僊。障祿殿容，典蓄魁哥。梵流牡綦，  
智泉隱嶽。旅師戰瓏，秀宛僅涂。

南方八天

炎爍純瑤，澄彭睹韶。昭濟雲虛，  
緣功鄙刀。逸液興心，巖温密溥。毳  
巒芝茂，瓊溜窈岑。復察混洞，露微悅  
愔。化蹟罔圖，生妙真森。和感混化，  
乳珊朵丹。茹道含祥，中奇莫忱。

西方八天

鑄交火水，邁華喻邃。嬉胞一醜，  
氣淵賁藥。抱空意圖，璿光素齒。稽  
覆匪垠，韞息優視。神壘萬合，天津寥  
致。龍涓金瀝，田根浹被。光回燁驛，  
太玄雌宮。偶雄誕珠，固肇奚窮。

北方八天

晦默退樊，稀賓徐安。鼓釜燮種，  
忽芒烏完。蹈持夷廓，明塊九還。靜  
坦隳識，霞都矚觀。茅渙菁麗，馥簡帝  
韓。冲龐符規，劫眇黃壇。徊度汗諧，  
度寶期聯。斗閣錄文，巨籍紫元。

道言：此諸天中大梵隱語，無量

之音。舊文刻碧玉玄臺，紫微太微二  
極之館，以正水火之運，蠲化三界劫數  
運度灾癘奇變之殃。使日月含華，陰  
陽冲泰，以成萬物之自然，無爲而冥  
化。字皆廣長一丈，金霞煥曜，蔚翠映  
圖。天真皇人昔書其文，以爲正音。  
有知其音，能齋而誦之者，諸天皆遣飛  
天神王，下觀其身，書其功勤，上奏諸  
天，萬神朝禮，地祇侍門，大勳魔王，保  
舉上清，道備尅得，遊行三界，昇入金  
門。此音無所不辟，無所不禳，無所不  
度，無所不成，天真自然之音也。故誦  
之致飛天下觀，上帝遙唱，萬神朝禮，  
三界侍軒，羣祿束首，鬼精自亡，琳琅  
振響，十方肅清。河海靜默，山嶽吞  
煙，萬靈振伏，招集羣仙，天無氛穢，地  
無祿塵，冥慧洞清，大量玄玄也。

靈寶无量度人上品妙經卷之五十

靈寶无量度人上品妙經卷  
之五十一

消除疾疫保命延年品

道言：昔於青元天中，飛景真音  
大玉洲土，受元始度人消除疾疫保命  
延年無量上品。元始天尊當說是經，  
周迴十過，以召十方，始當詣座。天真  
大神，上聖高尊，妙行真人，無鞅數衆，  
乘空而來。素雲飛霞，瓊軒鳳蓋，紫霄  
流靄，碧落騰光，靈芒暉暉，洞煥太無，  
五日五夜。諸天宮室，臺館靈關，七色  
交耀，璇璣停輪，三辰合照，萬象咸寂，  
地發嘉祥，天現玉文，法音遠響，洞徹  
諸天，三界肅清，四海澄靜，一國地土  
山川林木，緬平一等，無復高下，土皆  
作碧玉，無有異色。衆真侍座，元始天  
尊懸坐空浮九龍寶局之上。說經一  
遍，諸天大聖同時稱善，是時一國男  
女，仰聽法音，玄悟仙真之道。說經二  
遍，正性虛明。說經三遍，靈氣降身。

說經四遍，蕩除業累，萬疾皆愈。說經五遍，六腑五臟，灌鍊生華。說經六遍，飛精變形，金光易骨。說經七遍，神妙備體，常保完全。說經八遍，化周三界，恩及十方，疫癘普消，人民康樂。說經九遍，幽魂昇天，冥官息對。說經十遍，萬物遂性，逍遙太平，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品皇老大神，無鞅之衆，浮空而至。說經二遍，南方無極無量品太丹大神，無鞅之衆，浮空而至。說經三遍，西方無極無量品月華大神，無鞅之衆，浮空而至。說經四遍，北方無極無量品靈光大神，無鞅之衆，浮空而至。說經五遍，東北無極無量品帝暉大神，無鞅之衆，浮空而至。說經六遍，東南無極無量品雲綱大神，無鞅之衆，浮空而至。說經七遍，西南無極無量品伏魔大神，無鞅之衆，浮空而至。說經八遍，西北無極無量品高清大神，無鞅之衆，浮空而至。說經九遍，上方

無極無量品冲虛大神，無鞅之衆，浮空而至。說經十遍，下方無極無量品洞元大神，無鞅之衆，浮空而至。十遍周竟，十方無極消除疾疫保命延年至真大神，一時同至，一國男女，傾心歸仰。始者心有法病，身遭邪疫，三界之內，一切群生，無量天民，或有身雖得道，未脫冥數，爲陰陽五行六氣之所陶冶者。各各思惟，因緣所證，得道果位，法身真形，應報種體，三十六變，出沒幽顯。又有世間衆生，曾爲不善，凌犯五方，金木水火土官之考，身累疾疫。或愚氓暗陋，不順天道，不知生理，五行尅伏，凌勃騰負，鬱怫萬變，水疫則寒，火疫則熱，金疫則清燥，土疫則喘汗，木疫則憊慄，疾疫流行，鬼癘爲害。如是等衆，十二類生，咸皆雲集，匝遶座下。既聞元始十過宣說靈寶飛天玄妙大範，三界十方，悉皆濟度，飛仙列聖，來者有如細雨密霧。於是元始神光八出，普映十方，遠覽萬天，再告天衆曰：道非情言，象先無偶。近比人心，倏來忽往，變化莫測，混雜難量，謂

之心者，非真常也。衆生昏愚，積業重厚，假心以知智，緣智以體神，神凝而體道。若不知真人修用之理。則心識鄙濁，近連鬼道，合以邪癘之氣，則爲疾爲疫，害其本年，不全天壽。能固氣於虛，合神於無，心爲神宇，神宇靜則精正，精正則形完，萬邪莫干，疾疫不入，身既無疾，保命延年。輔以道念，栖泊自然，玉符金篆，服御雲霞，長生得道，列爲真人。是時十方天人聞是語已，感歎稱慶，天光顯瑞，神寶揚輝，混元玄珠，並包九有。虛皇說經都竟，衆真監度，以授於我，當此之時，喜慶難言。法事粗悉，諸天復位。倏歛之間，寂無遺響。是時天人遇值經法，普得濟度，全其本年，無有中傷，傾土歸仰，咸行善心。不妄不貪，不僞不著，不執不非，不爲不見，不護不戒。言無華綺，口無惡聲，齊同慈愛，異骨成親，國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並

是諸天上帝內名，隱韻之音。亦是魔王內諱，百靈之隱名也。非世之常辭。上聖已成真人，通玄究微，慈念群彙，陰營萬生，使三氣明正，五常順德，消除疾疫，保命延年，若疫毒一身，疫遍世土，正心護氣，積善累功，則南極監簿，韓司錄名，禳解禍尤，宥過紀錄。能悉其章，誦之十過，諸天遙唱，萬帝設禮，河海靜默，山嶽藏雲，日月吐華，列耀徊精，溫邪滅熾，疾疫清平，虎符金簡，紀錄功名，鬼魔百毒，斷種戮形，天令順道，正氣流行，三官執奏，翼衛神兵，捕魂大理，考校檢程，賞善除祿，益靈駐真。至學之士，誦之十過，則五帝侍衛，三界稽首，魔精喪眼，鬼祿滅爽，濟度疾疫，絕而得生。所以爾者，學士穢氣未消，體未洞真，以制十方，威未制天政，德可伏御地祇，束縛魔靈，但却死而已，不能更生。輕誦此章，癘鬼傳殃。供養尊禮，門戶興隆，世世昌熾，與善因緣，萬災不干，神官侍巾，典省天機，獨步玉京，度人無量，為萬道之宗。巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，天機上生，韓司易名，格皆九年，受化更生，得為貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，疾疫無干，神閑氣真，濁府散開，邪試無門，丹火內鍊，骨變延齡，皆即受度，飛昇南宮。世人受誦，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，消除青疫九夷老氣，尅害人身，為上世亡魂，斷地逮役，度上南極太微天機省中，超化昇職。七月長齋，誦詠是經，消除白疫六戎老氣，尅害人身，身得神仙，諸天書名，神霄玉府，西華堂中，金書青簡，削死上生。十月長齋，誦詠是

經，消除黑疫五狄老氣，尅害人身，為國土帝主，安鎮國祚，保天長存，世世不絕，常為人君安鎮其方，民稱太平。八節之日，誦詠是經，安寧八景，奮靈八威，辟却八邪，永無百疫，三田生珠，諸節通理，血變瓊醴，精鍊玉華，得為九宮真人。本命之日，誦詠是經，異氣不生，疾疫無侵，年命固永，鬼怪潛靈，魂神澄正，萬氣長存，不經苦惱，身有光明，三界侍衛，五帝司迎，秉政天樞，雲騎珠纓，萬神朝禮，參位太玄，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐赤青黃三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，六甲六丁，伏魔大將，備衛前後，日月照明，洞煥室內，項生圓象，光映十方，如此分明。密呪曰：無上玄元，太上道君，召出臣身中三五功曹，左右官使者，侍香玉童，傳言玉

女，五帝直符，直日香官，各三十二人，關啓所言。今日吉慶，長齋清堂。修行至經，無量度人。願所啓上徹，徑御無上三十二天元始上帝至尊几前。畢，引炁三十二過，樂向誦經。

### 元始無量度人上品妙經

元始洞玄靈寶本章，消除疾疫，保命延年，無量度人。百魔隱韻，離合自然。太始無形，召氣成真。氣出無緣，泮虛凝玄。玄爲氣母，徊耀飛烟。玉液鍊光，金精八騫。玉京嵯峨，碧落凝旋。三景轉赤，九暈澄淵。自成玉文，無極至真。三五九一，是爲天根。元始祖妙，靈寶生神。溫厚滋養，堅澤剛輪。開明三氣，化生諸天。玄黃混淪，金火相乘。變化陰陽，正邪乃分。正爲物宗，守之長生。邪爲疾疫，禍害遷騰。惟知道真，可以全身。五臟真氣，結爲靈文。無文不光，無文不明，無文不立，無文不成，無文不度，無文不生。上應圓羅，天中之天。鬱萃玄臺，太皇

玉京。高極無上，玄虛紫宸。眇眇劫仞，若亡若存。三華離便，泰清黃庭。金闕玉堂，景素神池。流布洞氣，消滅萬殃。清正瓊輪，周迴十方。中有度人不死之神，中有南極長生帝君，中有消除疾疫大神，中有太微天極省主好生韓君丈人，中有南上司命司錄，文昌益筭度厄，保命延年上真。迴骸起死，無量度人。今日校錄，諸天臨軒。

東方無極皇老神王，長生大聖，無量度人。  
南方無極太丹神王，長生大聖，無量度人。  
西方無極月華神王，長生大聖，無量度人。  
北方無極靈光神王，長生大聖，無量度人。  
東北無極帝暉神王，長生大聖，無量度人。  
東南無極雲綱神王，長生大聖，無量度人。  
西南無極伏魔神王，長生大聖，無量度人。

西北無極高清神王，長生大聖，無量度人。  
上方無極冲虛神王，長生大聖，無量度人。  
下方無極洞元神王，長生大聖，無量度人。

十方至真飛天神王，長生度世無量大神，並乘三景飛龍，十華翠輦，九鳳雲車，流光玉輿，驂駕神虎，辟非蒼甲之麟，建召真之節，耀空靈幡，前列六陽大將，後從八史神兵，九天飛真，遊空步虛，五老啓途，群仙翼轅，億乘萬騎，浮空而來，傾光迴駕，監真度生。玉宸保相，南極至靈，上生監察，金闕元君，執籙把籍，齊到帝前，隨所應度，嚴校諸天。內保至真，建植功緣。仁恕忠孝，不犯三官。六洞無名，過度冥關。宿疾普消，疫灾不干。邪鬼破腦，四目當前。衆聖降接，保命延年。普告三界，無極神鄉，泉臺洞府，北闕冥關，六天雲營，火刃鐵山，列奏神霄，玉簡敷宣。釋除疾疫，穢禍凶愆。上解祖考，億劫種親。疾除黑簿，落滅惡根。不

得沉淪，拘制鬼群。虛皇詔命，時刻昇遷。北都寒庭，檢會神魂。大魔保度，升化朱宮。死魂受鍊，隨運長存。生身受度，劫劫無傾。隨劫輪轉，與天齊年。永度三塗，五苦八難，超凌三界，逍遙上清。上清之天，天帝玉真，無色之境梵行。

東方八天

玉歌燿宗天，帝平羅景都。  
帝歷鳳昌天，帝真章紫洛。  
皇离正化天，帝瑶府宛鈞。  
齊命登華天，帝尹詵持明。  
江宵邁期天，帝覺逸景虛。  
球度蘭瑄天，帝杳寂司干。  
永生久臨天，帝越梵治行。  
樞落左玄天，帝承安止宮。

南方八天

願極宗召天，帝嶽司校靈。  
并道指頤天，帝屢遠茲晞。  
太微機輔天，帝迴明庸康。  
召真訊智天，帝除膚究當。  
普信注玄天，帝問亨補宜。  
龍光照生天，帝祈堂紀逢。

冲妙延常天，帝轉英集輪。  
月諸慶號天，帝赤津良。

西方八天

壟化嬰如天，帝並京攄光。  
奧洞演于天，帝樂宣無垠。  
照幽洗翳天，帝積疆延。  
祕俞極混天，帝總監真。  
影爲窈空天，帝初嗣百還。  
玄度意冥天，帝報朝何嵩。  
茲芽雲藏天，帝降籍司陽。  
胄重忻盧天，帝伯巫期將。

北方八天

監明正化天，帝安途定方。  
太華上光天，帝祕師九祥。  
日員攝圍天，帝肇無辨。  
黃絡霞嶶天，帝支諦霜。  
朱涵溢今天，帝彭民踐區。  
印格制魔天，帝元真瀛。  
攝京回布天，帝斛亢禮淵。  
神倉放遂天，帝幽强宇元。  
三十二天，三十二帝。諸天隱諱，諸天隱名。天中空洞，自然靈章，諸天隱文，天中之樞。天中之機，天中之

轄，天中之輓，天中大魔，天中之靈。玉天金闕，中有至神。布氣度人，福及萬生。九和十合，變化上清，無量之奧，深不可詳。敷落神真，普度天人。辟除毒禍，禳解北辰。犯忤大殺，南極元尊。消除疾疫，保命延年。今日欣慶受度，歷關諸天，請滅三惡，斬絕地根，飛度五戶，名列太玄，魔王監舉，無拘天門。東斗消疾，西斗除愆，北斗保命，南斗延年，中斗大魁，主領元官。八十一神，總監衆仙。青帝蕩疫，白帝施教，赤帝宣威，墨帝開道，黃帝中主，萬神從詔。青天魔王，身佩帝書。赤天魔王，飛行太虛。白天魔王，萬惡潛誅。黑天魔王，統攝真符。黃天魔王，布令玄都。五帝大魔，萬神之宗。執天大範，總領鬼兵，麾旛仗節，遊觀太冥。神化無方，與天同生。上天度人，嚴攝寒庭。元王受命，普掃祿祥。疫疫莫作，正氣流行。生民自牧，却滅禍殃。命如山河，福等昊蒼。天師寶符，玄靈大章。龍文虎檄，追召魁剛。屠割鬼爽，風火無停。千千截首，萬萬剪

形。魔無干犯，鬼無祆精。三官九都，考察鬼營。不得怠縱，金馬驛呈。化周無窮，符告萬靈。上宮玄宰，飛奏帝宸。無極高妙，耀華洞清。氣生芳澄，天地備成。神運變化，風火交騰。精鍊九劫，水躍龍門。雲凝玉堅，天闕九關。瓊觀寶樓，萬神守垣。九絕明耀，朱符召仙。日揚九光，月吹十霞。五斗回車，天英蘊蘭。帝妃泝香，玉真踞軒。五老授職，三官迅駟。保民無疆，吉慶如山。真元吐氣，金馬當前。泛霄隱庭，奏鐘舞津。正道流行，疾疫莫登。命曆益筭，壽年億千。五方天使，虎巾龍官。咸領制券，歸造真玄。丹輝啓明，運周自然。元皇大布，靈寶玉篇。赤書五符，八威正文。保安大劫，使氣飛行。大梵包羅，萬品施張。元綱布演，無極諸天。輪轉無色，周遍十方。騰駕扶搖，旋歷經常。消除疾疫，五方之神。天溫六傷，却以洞文。灾怪消殄，毒害絕源。天機奏名，玄軌交纏。二十五氣，歸功上元。八羅冥會，合混玄玄。玄中太真，天帝高皇，泛景

太霄，吟引宸風。金昌明秀，消蕩祆凶。豁落奮擊，流響雲宮。仙音攝氣，靈光返生。太微御正，上昇玉京。邪癘殞殄，仙真列言。三氣護生，六府散烟。千和萬合，自然成真。真中有神，長生大君。正御南極，掃滅祆氛。收除怪害，五疫消平。太一持火，燒蕩魔官。司命膺策，收伏群奸。桃康命靈，萬景合延。執符把籙，召命生根。上遊上清，出入黃庭。明堂之內，絳闕之中。保正玄丹，三真道宮。中理五府，境域明通。十轉回靈，萬氣齊升。升仙鍊養，無極度人。上開八門，飛天寶輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞謠歌之章，魔王靈篇，辭參高真。

疫普清，壽樂康寧。生道既正，名奏天機。降集真氣，救灾却非。玉津灌鍊，與身同飛。

第二色界魔王保命延年之章

冠峨碧蕖，龍文虎書。帶劍朱綬，杳靄雲衢。丹文玉璽，威鎮太虛。太上黃籍，五老天符。仙官注筆，布令元都。壽年無窮，大化安舒。疾疫不入，心有玄儲。虛皇垂教，萬惡皆驅。南昌大府，朱陵上宮。洞陽火官，嚴駕九龍。寶珠顯妙，真文下敷。丹化凡骨，昇入帝居。笑爾阿人，詠此靈音。舉形變仙，上昇天堂。

第三無色界魔王升神造玄歌曰

剛風爲石，壘此重山。風澤堅凝，深藏帝關。日月運行，流轉諸天。化君主令，有形悉頒。爾氣清空，爾形秀冲。邪疫無侵，湛然神宮。大經龍蟠，合交景雲。血化玉液，精鍊瓊輪。魔王虎冠，繡幟朱駟。錄子正心，授子仙宮。雲層峨峨，黃霞碧波。授過冥曹，高仙玉仙。携手登翠都，笑歌入無何。

此三界之上，飛空之中，魔王歌

音，音參洞章。誦之百遍，名度南宮。誦之千遍，魔王保迎。萬遍道備，飛昇太空，過度三界，位登仙公。有聞靈音，魔王敬形，敕制地祇，侍衛送迎。拔出地戶，五苦八難，七祖昇遷，永離鬼官，魂度朱陵，受鍊更生。是謂無量，普度無窮，有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈魔王隱祕之音。皆是大梵消除疾疫保命延年之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齎金寶質心，依舊格告盟十天，然後而付焉。

道言：夫天運否終，地道隔塞，日月二星，虧盈凌犯，氣行勃亂，度數差忒，大則爲至聖神人之休否，小則爲末學生民之疾傷，時疫流染，方域生灾。同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，

運應滅度，身經太陰。或疾疫爲害，保命無傾，臨過之時。同學至人爲其行香，誦經十過，以度屍形如法，魂神徑上南宮，隨其學功，計日而得更生。轉輪不惑，便得神仙。疾疫清寧，人安道泰，永保天齡。

道言：夫天地運終，星宿錯度，日月失昏，四時失度，陰陽不調，則災氣自生，疾疫爲咎。使國界水旱兵革未平，疫毒流行，兆民死傷，師友契盟，有致延染。皆當修齋，行香誦經。夫齋戒誦經，功德甚重。上消天灾，保鎮帝土。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

天相樞明，機省元同。中黃四司，玉韜上公。靈虛太玄，錫命真封。雲文祕紀，校績南韓。文妃錄品，簡昇紫垣。章號瓊韞，朱曜洪頒。護字達龍，府開命神。碧圓通照，萬道冥神。

南方八天

感帝交仙，羽縹素烟。梵混自澄，洞魔駐筵。驛騰信馥，官師允騫。憫符昭濟，功念幽泉。利庇黎冲，進除果嚴。激思求邈，深蹟浩田。無落由動，壁刻元綿。救澤苦涸，常應匪邊。

西方八天

空含意模，仙令伎宣。謹悟豈緘，孔雄假乾。遐函默祝，兵冑潛蕃。救章鏗究，成島俠連。變宥忽網，測粹武賢。諱愚祈昏，奏迷縛還。中帝赤懸，威劍蒼虻。識爽杳辨，斯質華聯。



北方八天

玉宸宰儀，洪蕩胡時。忽透象察，役曹橫旂。統按宥生，火迅車馳。駟典責文，嶽圍魂疑。蒙乖亢正，敷式奚重。教檢斗剛，太一九徊。失慘丙注，符策按圍。目夔公馬，戮罰拉摧。

鬼溟長澤東，谷雲敞施南，赤圖震皇西，馘醜榮垂北。

已上四句計一十六字，清除疾疫，朱書，服之吉。

道言：此諸天中大梵隱語，無量之音。後一十六字，治病去疫，斷瘟密敕，其法祕重。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大動魔王，保舉洞真，道備尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞烟，萬靈振伏，招集群仙，天無氛穢，地無祲塵，冥慧洞清，大量

玄玄也。

靈寶无量度人上品妙經卷之五十一

靈寶无量度人上品妙經卷之五十二

### 玄明洞淵品

道言：昔於紫元天中，綠景空歌太晨光土，受元始度人玄明洞淵無量上品。元始天尊當說是經，周迴十過，以召十方，始當詣座。天真大神，上聖高尊，妙行真人，玄明洞淵五靈玄老水帝，八方九海洞淵龍王水官，四十二曹，江河泉源官屬將吏，無鞅數衆，昇空而來。流雲靄霧，鸞玉之輿，玄明之輦，紫蓋神輪，洞霄垂蔭，流虹寶光，萬色鬱勃，洞煥太空，五日五夜。諸天日月星宿，象沈海影，綱蟠玉樞，珠暈璣徽，停輪駐耀，神宮鎮靜，靈嶽收雲，天浮八騫，氣清九野，一國地土山川林木，緬平一等。無復高下，土明玉晶，無有異色。衆真侍座，元始天尊玄坐空浮玉光七變靈鼈寶座之上。說經一遍，諸天大衆同時稱善，是時一國男

女，歸依元始玄明洞淵之法，悟此生元，先從珠露。說經二遍，信知真水，變化無窮。說經三遍，知見柔明，利物幾道。說經四遍，思念生宮，初降洞淵之氣，腎華甲坼，神龜漾遊。說經五遍，心穴宏敷，靈潮機動，玄明散液，萬竅滋流，諦觀靜念，體妙無爲。說經六遍，天靈澄湛，明可分神，一一玄中，具我身相。說經七遍，洞淵靜碧，龍神奉教。說經八遍，海雲擎露，甘液潤生。說經九遍，水光發爛，宮殿千層，中有天民，咸悟道法。說經十遍，玄明之氣化成紫雲，普覆諸天，現無爲海，幽沈苦爽，解脫逍遙，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品玄明洞淵至真大神，無鞅之衆，浮空而至。說經二遍，南方無極無量品玄明洞淵至真大神，無鞅之衆，浮空而至。說經三遍，西方無極無量品玄明洞淵至真大神，無鞅之衆，浮空而至。說經四遍，北方無極無量品玄明洞淵至真大神，無鞅之衆，浮空

而至。說經五遍，東北無極無量品玄明洞淵至真大神，無鞅之衆，浮空而至。說經六遍，東南無極無量品玄明洞淵至真大神，無鞅之衆，浮空而至。說經七遍，西南無極無量品玄明洞淵至真大神，無鞅之衆，浮空而至。說經八遍，西北無極無量品玄明洞淵至真大神，無鞅之衆，浮空而至。說經九遍，上方無極無量品玄明洞淵至真大神，無鞅之衆，浮空而至。說經十遍，下方無極無量品玄明洞淵至真大神，無鞅之衆，浮空而至。十遍周竟，十方無極玄明洞淵天真大神，一時同至，一國男女，傾心歸仰。咸相議言，元始天尊來降此天百寶紫元天宮，爲諸仙衆，顯揚玄妙五行真水之法，其氣名曰玄明洞淵。我聞玄明爲真水之德，形色俱美。洞淵爲真水之量，幽深無涯。若以我等所見五行之水，滔天洋洋，浩浩不測，不知無形五行，謂之真水，名曰玄明洞淵，作何體狀。天地未分，先有真土。土能固攝十方上下，其中真水無量無邊。風氣鼓之，凝爲萬物，是

生命本爲大道。元始天尊今日宣演五行無形真氣之妙，我若得聞，自得超昇神霄上境，皆當朝禮天尊，覬獲大慈，遺我勝法，作如是說，敬禮再拜。來者有如細雨密霧，無鞅之衆，迓國一半土皆偏陷，非可禁止。於是元始懸一寶珠，大如黍米，在空玄之中，去地五丈，元始登引，天真大神，上聖高尊，妙行真人，玄明洞淵五靈玄老水帝，八方九海洞淵龍王水官，四十二曹靈司掾吏，無鞅數衆，俱入寶珠之中。天人仰看，惟見勃勃從珠口中入，既入珠口，不知所在。國人廓散，地還平正，無復畝陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行清淨。妙靈智心，心行如水，利澤無盡，明一明順，明通明照，明智明慧，明辯明道，明玄明空。心無留滯，默契玄妙。同造杳冥，深悟至要，國安民康，逍遙太平。經始出教，一國以道。

預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是真王內諱，百靈之隱名也，妙化無形。真水，玄明洞淵之法。夫玄明爲水之情性，洞淵爲水之室宅。流則爲智，靜則爲慧。流故能通，靜故能照。爾能體之，自然得道。天地以靜真水生，民物以靜真水行。燥熱爲火，靜寒爲水，燥可勝寒，靜可勝熱，真水生故也。爾若安靜，真水自行，變化日生。靜爲命元，靜則長生。非世之常辭。上聖已成真人，通玄究微，能悉其章，誦之十過，諸天遙唱，萬帝設禮，河海靜默，通導淵源，日月合度。璇璣不行，群魔束形，鬼精滅爽，回屍起死，白骨成人。至學之士，誦之十過，則五帝侍衛，三界稽首，魔精喪眼，鬼祆滅爽，濟度垂死，絕而得生。所以爾者，學士穢氣未消，體未洞真，召制十方，威未制天政，德可伏御地祇，束縛魔靈，但却死而已，不能更生。輕誦此章，身則被殃。供養尊禮，門戶興隆，世世昌熾，與善

因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，水帝列言，泉曲悉宥，開朗冥關，億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而好學至經，功滿德就，皆得神仙，飛昇金關，遊宴玉京也。上學之士，修誦是經，真水上應，五臟育嬰，昇入泥丸，玄霜紫冰，皆即受度，飛昇南宮。世人受誦，則洞靈激奔，神泉八周，益軀生神，延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役右官。侍經五帝，玉童玉女，各六十四人，營衛神文，保護受經者身。

道言：正月長齋，誦詠是經，九變三真，澤及重泉，爲上世亡魂，斷地逮役，度上南宮。七月長齋，誦詠是經，

真水出胎，道受永年，身得神仙，諸天書名，黃籙白簡，削死上生。十月長齋，誦詠是經，復本還源，功歸上玄，總攝正氣，統御高仙，爲國王帝主，君臣父子，安鎮國祚，保天長存，世世不絕，常爲人君安鎮其方，民樂太平。八節之日，誦詠是經，神泉流轉，玉關冲盈，得爲九宮真人。本命之日，誦詠是經，真水清明，內照形神，出紫入黃，五臟生英，魂神澄正，萬氣長存，不經苦惱，身有光明，三界侍軒，五帝司迎，萬神朝禮，名書上天，功滿行就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，玄明洞淵之氣，狀如紫烟，羅絡交灌，洞見百神，項生圓象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉

女，五帝直符，直日香官，各三十二人，關啓所言。今日吉慶，長齋清堂。修行至經，無量度人，願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，玄明洞淵上品，泉關度人。蒼華隱韻，肇氣自然。混合玄明，虛無至真。一元立本，二氣始陳。至陽下降，純陰上昇。天真開發，包絡飛騰，元和大朴，流結冲融。氣達崑丘，精通如泉。泉號玄明，積爲洞淵。洞淵生龍，龍爲玄蟲。九首兩翼，金額銅胸。恍惚之中，變化神通。主持氣母，宰育群容。品物既宣，玄道亦傳。元始祖劫，化生諸天。玉光開景，是植玄根。元氣爲祖，惟道爲身。大明結華，華芒蔚文。五官建立，變化神靈。是爲大梵，天中之天。鬱察玄峰，龜臺玉城。上極元景，泰洞高清。眇眇曆紀，劫刃飛精。三華廣堂，虛梵

琳庭。金闕丹陽，耀寶神池。降注天液，保度無衰。玄明成靈，流空洞淵。洞淵無極，九壘剛源。變化之妙，昇入九天。周行正氣，運轉天關。中有玄明洞淵之神，中有南極長生大帝，中有東極青華帝君，中有度世司馬大神，中有好生韓君丈人，中有玄上司變司化持天保劫大洞尊神。迴骸起死，無量度人。今日校錄，諸天臨軒。

東方無極飛天玄明洞淵神王，長生大聖，無量度人。

南方無極飛天玄明洞淵神王，長生大聖，無量度人。

西方無極飛天玄明洞淵神王，長生大聖，無量度人。

北方無極飛天玄明洞淵神王，長生大聖，無量度人。

東北無極飛天玄明洞淵神王，長生大聖，無量度人。

東南無極飛天玄明洞淵神王，長生大聖，無量度人。

西南無極飛天玄明洞淵神王，長生大聖，無量度人。

西北無極飛天玄明洞淵神王，長生大聖，無量度人。

上方無極飛天玄明洞淵神王，長生大聖，無量度人。

下方無極飛天玄明洞淵神王，長生大聖，無量度人。

十方至真飛天神王，長生度世無量大神，並乘明雲紫淵之輿，青玄玉輦，鳳蓋蜺輪，驂駕九鳳，七色蒼龍，建汗漫總靈之節，十方洞淵之幡，前嘯衆真齊唱，後吹列羽同鳴，獅子白鶴，嘯歌囉囉，大帝啓途，千官翼轅，億乘萬騎，浮空而來，傾光回駕，監真度生。太玄丞相，暘谷靈宮，玄司主錄，下元水官，執籙把籍，齊到帝前。默召玄明，制地參天。萬生被浹，枯涸生泉。玄明真水，凝化億門。高嶽巨山，寶闕珍林。皆資玄明，結固變成。九河水帝，玄津大神。上循閩崑，十二洞樓。絳海黃池，素波紫川。骨鍊金石，面流渥丹。長生隱遷，司命帝闕。隨所應度，嚴校諸天。普告三界，無極神鄉，泉關幽夜，北闕艷都，四空大帥，六洞靈魔，寒夜

暗域，考察玄司，四瀆七澤，十二谿真。上解祖考，億劫種親，疾除罪簿，落滅惡根。不得拘留，逼合鬼群。洞淵符命，時刻昇遷。九源玉池，部衛形魂。制魔保舉，度品南宮。死魂受鍊，遷變成入。生身受度，劫劫長存。隨劫輪轉，與天齊年，永度三途，五苦八難，超凌三界，逍遙上清。上清之天，天帝厚冲，無色之境梵行。

#### 東方八天

龍明瑞玉天，帝肅辭祕登。  
滋慶道炁天，帝承翰鴻暉。  
玉真辨玄天，帝殿運晞逢。  
流華注靈天，帝無惟育光。  
崇延竟祝天，帝盟章奉高。  
理懷變化天，帝玄玄鑒侯。  
雲府降澤天，帝執珠登全。  
道英晶無天，帝爽造延士。  
南方八天  
珪辰鎮陽天，帝錄莊修皇。  
赤射飛光天，帝保氣曜備。  
洞溪迎龍天，帝對榆倚玄。  
化國雲宮天，帝尚丁惟寧。

照玄生氣天，帝著時量瓊。  
天英和液天，帝生演輔童。  
龍肖溢真天，帝拂化慈元。  
聖正仙期天，帝洞梁無瓊。

#### 西方八天

毫靈伯江天，帝足宗寧方。  
金根養無天，帝道微斥廬。  
玄合流素天，帝廣淡題徊。  
朝仙變瀆天，帝優玄賜封。  
契真恭淨天，帝翻山白從。  
迂寂思冲天，帝濮并屏閭。  
逐神化幾天，帝妙洞止評。  
洋思定曆天，帝籌突紀庸。

#### 北方八天

寶笥扈書天，帝拂億蠢茲。  
列源正一天，帝命仙儀中。  
瑤光述液天，帝逸常京。  
昌英正理和真天，帝隨洪次章。  
攝司會光天，帝召神略玄。  
祈聖格淵天，帝昌回敷紳。  
現龍降河天，帝擇毗衍門。  
幾紀因盟天，帝孚廷剛。  
三十二天，三十二帝。諸天隱諱，

諸天隱名。天中空洞，自然靈章。玄明隱韻，洞淵之音。玄明之尊，洞淵之神。玄明真魔，洞淵之靈。九品十階，變化上清。洞淵之奧，深不可詳。龍以水神，風爲火靈。水中出火，龍火水精。真氣返覆，敷落神真。火中出水，心動精成。天中之水，子命之神。若有能之，普度天人。今日欣慶受度，飲咀玄明，身入洞淵，歷關諸天，請滅陰惡，斬絕地根，高超六氣，神昇太玄。真王監舉，無拘天門。東斗蒼精，西斗素童，北斗玄真，南斗丹風，中斗黃耀，珠光化鎔。如是神王，居洞淵宮。外玄內明，八海攸同。一氣變形，真水潛通。天地合德，萬物安豐。生氣之海，中有九龍。太霄合景，上與天通。身關大運，六氣之真。飈欵乘邁，超遇九神。青帝生魂，白帝育魄，赤帝攝氣，黑帝滋血，黃帝正極，肇立真宅。青帝龍王，安寶飛華。赤帝龍王，元善鬱羅。白帝龍王，玄霄玉霞。黑帝龍王，道柔顯和。黃帝龍王，甲建持波。五帝龍王，玄明之靈。生化洞淵，飛行紫

清。總領真仙，太上神兵。麾幢鼓節，遊觀杳冥。自號赫奕，諸天應機。上天度人，泉臺散開。神王受命，普度灾危。玄獸吐毒，神龍八馳。玉甲秉鉞，青童執旗，擲火萬里，流光四施。敢有干試，拒遏上聖，風刀奔突，巨天橫飛。流鈴交換，玄仙振威，千千截首，萬萬滅形。魔無干犯，鬼無祆精。三官北酆，明立嚴刑。不得容隱，金馬驛呈。普告無窮，萬神咸聽。三界五帝，列奏太清。

玄化九變，洞極圓方。生育神龍，持運陰陽。與道同範，體正純剛。廣羅天闕，妙立無形。造化之本，雲雨所藏，真水九淵，回度元綱。渺渺曆劫，混沌之中。上玄爲色，下河爲淵。風轉玉輪，威光戴天。一身九首，蟠遶群京。蒼源瑤海，龍嶽飛城。天上天下，無幽無冥。洋洋洞淵，萬龍斯官。雲書玉字，元始赤文。保鎮下元，護世長存。龍漢彌羅，黃闕開張，玄明流演，九地九天，輪轉包羅，旋遶十方。履水結纏，導化五常，三十九氣，昇降玉源。

九宮列職，合會玄玄。玄居太微，龍帝飛真。浮景碧融，執詠洞篇，玉真明耀，輝映玄明。空華御正，純金散烟，紫霄鬱陵，輔衛高仙。千和萬合，化生流精。流精變液，自然成真。真中有神，長生大君。東極青華，丹明紫靈。無英混極，白元保生。太一校籍，青童灌津。執符把籙，保命生根。上遊紫虛，出入華房。八溟之內，東井之中。下鎮人身，黃庭絳淵，中理五氣，混合百神。十轉迴靈，萬品俱仙。仙道貴生，無量度人。上開八門，飛天法輪。罪福禁戒，宿命因緣。普受玄澤，結鍊生身。身得受生，上聞諸天。諸天之上，各有生門。中有空洞謠歌之章，真王靈篇，辭參高真。

第一玄明洞淵飛空之音

真陽無形，恁玄明生。玄明真露，氣噓乃成。太空無邊，元氣騰烟。氤氳迅飛，水降如泉。浩浩其聲，洋洋積淵。炎風入水，自然蜿蜒。數經九曆，鱗角乃全。倏忽變化，入地通天。口銜雲雨，身如玉玄。叱電吐霧，雷火之

仙。經營萬物，開導生源。玄明之功，神龍爲先。洞淵溟海，注納百川。一水爲祖，中含五行。人身法象，神池淨靈。震氣爲龍，遊泳三田。飛伏以道，世壽億千。無量度人，吟此洞篇。

第二玄明洞淵真王之章

玉京崑崙，植空爲根。下跨碧海，九億之元。玄峰中峙，日月交軒。耀晶雙景，臨光七真。流泉上升，三十九門。養鍊二象，賴此玄明。下包黃闕，統制靈官。圓羅降氣，攝御元君，一氣六纏，三元化成。出入三華，浩蕩風淵。綠霞鬱壘，流鈴四奔。生化之道，肇立神靈。哺餌元和，保天無傾。世有能知，青簡書名。我今爲此章，度命以真水。飛步登神霄，仙真當敬禮。

第三玄明洞淵真王歌曰

揚舲洞淵池，青林振靈風。天聲自成音，萬變復以同。峨峨神霄闕，執誥東華中。度人迴清流，捨此百慮攻。玄明散天露，物體能滋融。鍊骨生玉華，長生得無憂。如何背仙道，濁穴隨尸蟲。不悟大道元，安能免衰凶。有

山旋碧虛，有水藏神龍。胡爲逐貪競，沈穢老嬰童。我位空洞王，法駕嚴鼓鐘。憫世統大憲，救物興教宗。執詠玉真謠，飛昇洞玄宮。八難從此解，歡樂永無窮。

此三界之上，飛空之中，真王歌音，音參洞章。誦之百遍，名度南宮。誦之千遍，飛仙保迎。萬遍道備，超昇太空，過度三界，位登真公。有聞靈音，魔王敬形，勅制地祇，侍衛送迎。拔出地戶，五苦八難，七祖昇遷，永離冥官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音，妙寂無形真水，化成天地，出生神龍。兆能體之，神仙無終。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都神霄玉清王府東華之室，依科三萬七千年隨運下傳。若有至人齋金寶質心，依舊格告盟十天，然後而付焉。

道言：夫天地運度否終，日月五星虧盈，至聖神人休否，末學之夫疾傷。凡有此災，同氣皆當齊心修齋，六時行香，十遍轉經，福德立降，消諸不詳。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，以度屍形如法。則玄明自生，玄冥自還，腎中玉女，手把陽關，死戶閉塞，三官舞輪，返命復形，錄名帝軒，魂神經上南宮，隨其學功，計日而得更生。輪轉不惑，便得神仙。

道言：夫天地運終，星宿錯度，日月失昏，四時失度，陰陽不調，國境不和，人民災饑，疫毒流行，兆庶死傷，師友命過，同志殞亡。皆當修齋，行香誦經。夫齋戒誦經，功德甚重。上消天災，保鎮帝王。下攘毒害，以度兆民，生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有災之日，發心修齋

燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始玄明洞淵靈書紫篇

東方八天

迺芹洒定，淵婁池溟。既霸沔洩，留青濟真。唐屏卞師，邀除止明。鬱落月肌，胡定杳征。命澤玄嶽，列淵自昇。雲茶帝嶼，利賓延承。洞假幽狄，越英仰靈。鑄晶漾口，道寂元經。

南方八天

猛洪滋盈，力羌華營。建浦時會，洙玄伺膺。綠養漸宛，被盧次丁。蕩蒙愈謹，玉毫途平。赤宮赤蘇，元首氣靈。告命艷臺，帝師虎臣。祕魔截龍，撲雷收星。研期胡由，並愆思稱。

西方八天

真庚六池，神虎四飛。栗洛衍曙，優正兵施。部亶吉會，耶帑露源。媾

媽和廬，七元九司。考謝已扁，傲琅袁  
渠。主典罪魂，幽肩圓登。頂角珍上，  
護真載延。竊斷皇極，壘山封城。

北方八天

蓬內伐北，旗翟造車。翠儀交蔚，  
九化方諸。英丹心溉，滂潢玉羅。根  
納赤尾，火龍游波。勝室耀蕩，兵府紀  
銅。黑遼追寧，建餘百聰。后爛水洞，  
瀋桓箕臺。勅催豐尚，變仙神迴。

道言：此諸天中大梵隱語，無量  
之音。舊文刻書玄明北山龍阿穴室之  
門，爲萬物生根，九天靈章。其道禁  
諱，隱奧無聞。字皆廣長一丈。天真  
真人昔書其文，以爲正音。有知其音，  
能齋而誦之者，諸天皆遣飛天神王，下  
觀其身，書其功勤，上奏諸天，萬神朝  
禮，地祇侍門，大功真王，保舉上真，道  
備尅得，遊行三界，昇入金門。此音無  
所不辟，無所不穰。無所不度，無所不  
成，天真自然之音也。故誦之致飛天  
下觀，上帝遙唱，萬神朝禮，三界侍軒，  
群祆束首，鬼精自亡，琳琅震響，十方  
肅清，河海靜默，山嶽吞烟，萬靈振伏，

招集群仙，天無氛穢，地無祲塵，冥慧  
洞清，大量玄玄也。

靈寶无量度人上品妙經卷之五十二

靈寶无量度人上品妙經卷  
之五十三

斬滅五行邪怪品

道言：昔於玉靈天中，明景謠歌  
大威神土，受元始度人斬滅五行邪怪  
無量上品。元始天尊當說是經，周迴  
十過，以召十方，始當詣座。天真大  
神，上聖高尊，妙行真人，五帝真官，明  
威大將，斬邪騎吏，陰陽三五，總統官  
曹，紫微神兵，無鞅數衆，乘空而來。  
金暉映虛，寶輿仙飈，華光羽蓋，纏鬱  
晨霞，萬景交朗，煥耀八圓，七日七夜。  
十方仙真，層樓寶闕，洞化相通，天網  
停回，星絡正度，神風微扇，妙靄凝香，  
氣象融和，海嶽澄清，一國地土山川林  
木，緬平一等，無復高下，土皆作華玉，  
瑩鮮五明之色。衆真侍座，元始天尊  
玄坐空浮景耀神龍御化天元之座。說  
經一遍，諸天大聖同時稱善，是時一國  
男女，斷滅五慾之情。說經二遍，五化



隆昌。說經三遍，五緯順躔。說經四遍，五氣常平，萬物咸亨。說經五遍，五常不擾，道治日新。說經六遍，五運推協，無有乖愆。說經七遍，五文顯布，玄教開明。說經八遍，五神守正，威用宣張，真氣充溢，蠲蕩不祥。說經九遍，五精固養，保育靈光。說經十遍，五行之內，邪怪俱亡，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品斬滅青精邪怪至真大神，無鞅之衆，浮空而至。說經二遍，南方無極無量品斬滅赤精邪怪至真大神，無鞅之衆，浮空而至。說經三遍，西方無極無量品斬滅皓精邪怪至真大神，無鞅之衆，浮空而至。說經四遍，北方無極無量品斬滅黑精邪怪至真大神，無鞅之衆，浮空而至。說經五遍，東北無極無量品斬滅火行遊精邪怪至真大神，無鞅之衆，浮空而至。說經六遍，東南無極無量品斬滅金行遊精邪怪至真大神，無鞅之衆，浮空而至。說經七遍，西南無極無量品斬滅水行遊

精中央黃精邪怪至真大神，無鞅之衆，浮空而至。說經八遍，西北無極無量品斬滅木行遊精邪怪至真大神，無鞅之衆，浮空而至。說經九遍，上方無極無量品斬滅天元五行邪怪至真大神，無鞅之衆，浮空而至。說經十遍，下方無極無量品斬滅地元五行邪怪至真大神，無鞅之衆，浮空而至。十遍周竟，十方無極斬滅五行邪怪天真大神，一時同至，一國男女，傾心歸仰。來者有如密雲細霧，無鞅之衆，迨國一半土皆傾陷，非可禁止。於是元始化一圓象，大小無常，煒燿五色，在空玄之中，去地九丈。元始登引，天真大神，上聖高尊，妙行真人，五帝真官，明威大將，斬邪騎吏，陰陽三五總統官曹，十方斬滅五行邪怪至真神王，紫微神兵，三天給事，無鞅數衆，俱入圓象之中。天人仰看，惟見拂拂從圓象中入，既入圓象，不知所在。國人廓散，地還平正，無復畝陷。元始即於圓象之內，說經都竟，衆真監度，以授於我，當此之時，喜慶

難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，咸行正心。不畝不陷，不誑不佞，不狠不悞，不戾不乖，不嫉不惡。言行平直，智識剛明，齊同慧悟，異骨和同，國安民康，欣樂冲融。經始出教，一國以道，預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是真魔內諱，斬滅五行邪怪百靈之隱名也，非世上之常辭。上聖已成真人，通玄究微，能悉其章。誦之十過，諸天讚詠，五靈敬侍，金木水火，元土合并，神粹凝和，毒害不生，混養內化，洞冥至真，邪怪鬼祿，無緣而興。至學之士，誦之十過，則五帝鑑觀，九真舉仙，邪試滅迹，怪禍永蠲，道業保固，善行克全。所以爾者，通感五行之神，蕩伏邪怪，召制威靈，克成至道，和合真氣，保育人命，得躋玄境。降會高真，不死而已，豈復更生。輕誦此章，身則被殃。共養尊禮，門戶興隆，世世昌熾，與善

因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，十方斬滅五行邪怪之神，勦絕魔精，五行之內，不爲殃禍，災咎永消，用保福祥，而運化常寧，安鎮率土，普承玄恩，仁壽富樂，清靜自然也。上學之士，修誦是經，消滌邪害，道氣清真。世人受誦，則元真受妙，惑念永忘，全其壽年，後皆得受鍊度之道。魂神暫滅，不經地獄，即得返形，遊行太空。此經微妙，普度無窮，一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳，輕泄漏慢，殃及九祖，長役考官，侍經五帝，玉童玉女，各三十六人，營衛神文，保護受經者身。

道言：正月長齋，誦詠是經，召上元將軍，斬滅五行邪怪，不正之祆，即使天界澄廓，七耀常明。七月長齋，誦詠是經，召中元官將，斬滅五行邪怪，不正之精，保衛兆民，使安其生。十月

長齋，誦詠是經，召下元官君將吏，五嶽兵馬，斬滅五行邪怪，不正之靈，安鎮天下，慶祐君親，歷世綿長，後天而存。八節之日，誦詠是經，召天地四方八極兵馬，却絕魔靈，順布五氣，長養生成。本命之日，誦詠是經，召天元九宮，星宿真官，威殺之神，檢校命錄五行邪怪，祛斬滅蹤，五神守正，萬氣資形，生道靈堅，超遷上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃赤三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂。修行至經，無量度人，願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，上品妙首，斬邪滅怪，十迴度人。百魔隱韻，離合自然。五氣真文，玄虛上神。大混靈源，天地幽根。統運五氣，五行之元。大化總御，歷劫綿綿。五行布育，相保生成。非道不顯，非道不明，非道不立，非道不真。錯診結靄，邪怪流形。自然神德，祛伐無停。是爲妙範，玄上之宗，太極玉關，金關靈都。陰陽元會，三氣之樞。浩浩元氣，乍合乍殊。青琳玉宮，始暉妙庭。墉臺積霄，交和耀晶。大周十境，羅絡彌綸。中有調運五行順化之神，中有宰御玄極生育之君，中有誠祆破害大神，中有仙靈寶籙官君丈人，中有陰陽三五七九明威正一定命尊神。斷滅邪怪，無量度人。今日校錄，諸天臨軒。東方無極飛天斬邪滅怪神王，長生大聖，無量度人。

南方無極飛天斬邪滅怪神王，長生大聖，無量度人。

西方無極飛天斬邪滅怪神王，長生大聖，無量度人。

北方無極飛天斬邪滅怪神王，長生大聖，無量度人。

東北無極飛天斬邪滅怪神王，長生大聖，無量度人。

東南無極飛天斬邪滅怪神王，長生大聖，無量度人。

西南無極飛天斬邪滅怪神王，長生大聖，無量度人。

西北無極飛天斬邪滅怪神王，長生大聖，無量度人。

上方無極飛天斬邪滅怪神王，長生大聖，無量度人。

下方無極飛天斬邪滅怪神王，長生大聖，無量度人。

十方至真飛天斬邪滅怪神王，長生度世無量大神，並乘晨霞寶輿，仙飈華光，羽蓋驂衛，三元官將，十極仙靈，建斬邪之節，滅怪神旛，前嘯洞真之曲，後詠靈虛妙歌，紫鸞玄鵠，吟嘯相和，

天蓬啓途，龍虎翼轅，億乘萬騎，浮空而來，傾光迴駕，監真度生。天關內宰，火鈴上曹，監察大魔，威禁玄靈，紫清主錄，監度大神，執麾仗鉞，大布威靈，齊奉帝符，檢錄五行，察制萬類，造化靈司。山河海嶽，經緯星躔。八溟九壘，十二宮辰。祛蕩祿忒，乖沴之愆。束縛惡精，邪怪之形。不得怠縱，逸肆魔群。元始告命，勅使神兵。斬邪無蠲，開化生津。保安正道，迴度劫輪。真機變鍊，妙氣敷榮。人無疾橫，神德合明。永度世厄，與天齊齡。超出三塗，絕離苦難。越昇魔界，遨游上玄。上玄之天，天帝鬱延，無色之境梵行。

#### 東方八方

玉儀明度天，帝忽回題蘇。  
寂玄通正天，帝寥遙初。  
輔覺鎮陽天，帝秀丹琚觀。  
始明運修天，帝辯盈子通。  
靈澤隨化天，帝海光洞珠。  
方洞曆皇天，帝去害無盡。  
京基耀光天，帝波斯普臺。

紫麟召仙天，帝福長生。  
南方八天

太妙鬱晨天，帝寶策紫微。  
頂光履真天，帝道極祕呈。  
存玄慶智天，帝頓希谷仁。  
傳靈滅魔天，帝駢邾蕩魔。  
顯生變身天，帝陰穴露堪。  
赤寶垂安天，帝益鹿杳機。  
錫熺祐明天，帝冤婁莎庸。  
洞光敬玄天，帝何童歷聰。

#### 西方八天

神文示宗天，帝玉棋上元。  
虎裳世標天，帝梵無延康。  
遊真虛用天，帝謁昌華龍。  
正氣符剛天，帝邈育規。  
測神問封天，帝宣幽述真。  
奏功證道天，帝運常明。  
烈地蒼冥天，帝號希淵途。  
誅怪通政天，帝處彥那靈。  
北方八天  
禁鎮百无利元天，帝瓊敷仙。  
高宸泰微抃宗夫，帝鳳華飛綱。  
洞志幽虛禮剛天，帝文何德揚。

九迴轉德思本天，帝陀邈清。

晦俱息康存一天，帝陽文子持。

北清總司天，帝判皇極峒。

玄微察命天，帝壽蒙資成。

鑒神按獄訊靈天，帝望蹟夷卿。

三十二天，三十二帝。諸天隱諱，

諸天隱名。天中空洞，自然靈章。諸

天隱韻，五行之音，五行之尊，五行之

神，五行大魔，五行之靈。九和十合，

變化上清。無量玄奧，深不可詳。敷

落神真，普度天人。今日欣慶受度，歷

關諸天。請滅怪惡，斬絕邪源，調運五

行，功參大元。真王鎮御，道氣開宣。

東極化木，西極生金，北極凝液，南極

激炎，中極上宮，合會四玄。青帝衛

生，白帝歛德，赤帝蕩沃，黑帝收毒，黃

帝中王，萬禍俱息。木行大魔，飛光寶

龍。火行大魔，耀天紫童。金行大魔，

返神會容。水行大魔，駕氣乘風。土

行大魔，劫霞洞穹。五行大魔，萬神之

宗。部率神官，出入幽冥。橫戈擁甲，

萬騎雲奔。統攝威伐，與道同倫。玉

天開化，察錄神奸。靈明通泰，蠲却無

前。玉樞流擲，烈銳八延。三將馳驅，

四帥揚旛。攫天觸爛，擊雷散烟。敢

有干試，據遏上真。金鉞前戮，巨天後

刑。掃除邪怪，風火無停。千千截首，

萬萬剪形。魔無干犯，鬼無祆精，三官

北酆，明檢鬼營。不得容隱，金馬驛

呈。普告無窮，萬神咸聽，三界五帝，

列言上清。

玄元妙紀，五氣開皇。眇眇大混，

混化微茫。上施神華，下布靈光。纏

綿元梵，羅絡乾坤。剛柔相感，序列五

行。五行相運，造育生成。推蕩無滯，

和合歸真。妙道彌輪，運度自然。五

真流演，升降回旋。施養生化，媾氣如

泉。五用順常，萬類滋繁。勝氣傍凌，

兼位而遷。淫則為癘，邪怪起源。出

為崇祿，民物銜冤。上帝勅斬，敷落五

篇。赤書玉字，八威龍文。保制劫運，

使天長存。梵氣彌羅，萬範開張。元

綱流演，三十二天。輪轉無色，周迴十

方，旋斗歷箕，回度五行。三十五分，

總氣上元。八景冥合，氣入玄玄。玄

中太皇，上帝高真。泛景太霞，嘯詠洞

章。金真朗鬱，流響雲營。玉音攝氣，

靈風聚烟。紫虛鬱秀，輔翼萬仙。五

氣混合，自然成真。真中有神，太極元

君。三天真老，大混尊神。太一司化，

三五神官，執符把籙，保度靈真。上遊

上清，出入華房，八冥之內，細微之中。

下鎮五嶽，上安九天。中理五氣，混合

百神。十轉迴靈，萬氣齊仙，五行邪

怪，斬滅無干。高明紫微，流轉諸天。

掌世罪福，與道同玄。仙道貴生，無量

度人。炎炎五星，飛天如輪。下維九

宮，上開八門。罪福禁戒，宿命因緣，

普受開度，五行生身。身得受生，上聞

諸天。諸天之上，各有生門。中有五

行，空洞之章，真王靈篇，辭參高真。

第一化生五行飛空之音

大梵未開，無形無名，二儀分兮，

位列五行。東青西素，南丹北玄。元

一中黃，五氣相循。各有主性，與道變

遷。此為道根，色質相連。寶臺玉宮，

碧山金門。上真仙聖，無量帝君。冥

冥之中，運合真神。錦旛黃綬，紫蓋朱

輪。皆真五色，隨化成形。息意冥一，

分化億千。超度三界，飛空結仙。此道世莫知，真王當普宣。神霄數萬里，金闕相輝鮮。飛神恍惚間，萬聖馳雲輶。世途念流轉，使我常哀憐。何如向玄道，妙本晤所歸。邪怪盡淪息，長居玉帝前。

### 第二斬滅五行邪怪之章

天元太乙，帝司主兵。護衛世上，保合生精。華衣繡裙，玉冠青巾。青龍左列，白虎右賓。佩服龍劍，五福之章。統部神官，三五將軍。檢校陰陽，運合元機。五行邪怪，莫不傾摧。有邪必斬，有怪必摧。敷祐福祥，啓悟希夷。邪怪已消滅，五帝降靈威。護世過萬年，帝德日熙熙。黃龍下中天，帝壽天所期。神霄空洞章，奏香綠烟飛。

### 第三和合五行歸身契道歌曰

太虛玄妙神，空洞幽無君。生於渺漭中，造化標元根。淡漠居正性，返照滅邪氛。消魔怪害除，沖融和至真。昭昭智慧鋒，威伐叱妖群。五濁安能擾，明輝華景形。佩服靈寶章，雲光煥爾身。玉符鎮內景，龍虎纏胎嬰。水

火金木交，混一宗皇靈。巍巍御絳闕，冥冥理百精。誰知年劫運。長保無窮齡。舞輪三界外，翱翔登九清。

此三界之上，飛空之中，真王歌音，音參洞章。誦之百遍，名度南宮。誦之千遍，魔王保迎。萬遍道備，飛昇太空，過度三界，位登仙公，有聞靈音，邪怪滅形，勅制地祇，護度生民，消拔禍難，超越惡津，七祖昇遷，永離鬼群，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈真王隱祕之音，皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都高上神霄玉清王府東館藏室，依玄科三萬七千年，應運下傳。若有至人齋金寶質心，依舊格告盟玉清，然後而付焉。

道言：夫五行氣逆，則淫僭自生。陰陽勃亂，則邪怪乃作，乘節隨氣，刑害乃興。凡有此灾，至士皆當齊心修

齋，六時行香，十遍轉經，福德立降，消諸不祥。無量之文，普度無窮。

道言：夫五行衰絕，則命數終盡，三元愆否，則元氣凋微。末學道淺，仙品未充，運應滅度，身經太陰，臨過之時，同學至人爲其行香，誦經十過，以度屍形如法。魂神經上南宮，隨其學功，計日而得更生。轉輪不惑，便得神仙。

道言：五行之氣，出爲邪怪，則致天地運終，星宿錯度，日月失明，四時失度，陰陽不調，國界不寧，兵火時起，疫毒流行，兆民死傷，師友命過。皆當修齋，行香誦經，則五行邪怪之鬼，聞經鎮制，呼其姓名，稱說根本因緣之狀。叩首請命，永不敢干，經隱妙道，及以真符，無不禳却也。夫齋戒誦經，功德甚重。上消天灾，斬滅邪怪，保鎮帝王，下禳毒害，以度兆民，生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍

衛，右別至人，尅得爲聖君金闕之臣。諸天記人功過，毫分無失，天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

橙俞离瓊，律角冥外。祺羅屈丹，妙穎楚僅。雲霏瑶闕，利逸謹慧。參鐸鶉房，偃營生記。珠煥陽甫，符梁照昧。巒格燕盡，冒德施隨。青鄙洛汶，華光擇匱。嬰環何容，枳墩陸會。

南方八天

暖矚奎常，九暄柏枚。漾朗冀泮，琢英明住。卜慮罄曜，丘抨驛催。救溢秉琅，圖倨金夷。渺歷定籌，恒佑慈理。涓浦牛童，加那彥東。梵珞祕思，以龍仵轅。覲綿炳懟，金庭蕭仙。

西方八天

鈕陶紀延，洞留啓宣。角躔東虛，疾通敬湍。招定純微，益素廬全。騰秉紹宣，竺路亨愍。濟幽忻淵，文邦師

瀆。寥幾秦元，布庸疑拳。直野魔池，振篇琅祈。昆漠未腆，靈恍宗怖。

北方八天


列晤亶定，耿澄微萊。鑑萌資條，陽璉印部。膽但瓊拂，拯紀盈剔。撰慈窺冥，番波氏石。仙潭碧洙，友句肆亭。聿琳序演，粲調持屏。闕塵靚沐，洋略扁飛。雷族咸匡，蹟真皇微。

道言：此諸天中大梵隱語，無量


之音。舊文字刻書太極東臺喬城之上，喬城爲五行出入之墟，以正分度，經變造化，順隆時符，字皆廣長一丈。天真皇人昔書其文，以爲正音。有知其音，能齋而誦之者，諸天皆遣日直仙吏，飛玄大神，下觀其身，書其功勤，上奏諸天，萬神朝禮，地祇侍門，大功真王，保舉五辰，道備尅得，遊行三界，昇入金門。此音無所不辟，無所不攘，無所不度，無所不成，天真自然之音也。故誦之致仙吏下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞烟，萬靈振伏，招集群仙，天無氛穢，地

無祆塵，冥慧洞清，大量玄玄也。


斬滅木宮邪怪靈符




斬滅火宮邪怪靈符




斬滅土宮邪怪靈符



斬滅金宮邪怪靈符



斬滅水宮邪怪靈符



靈寶无量度人上品妙經卷之五十三

靈寶无量度人上品妙經卷之五十四

斬馘不祥品

道言：昔於始青天中，紫陽泛歌大福樂土，受元始度人斬馘不祥妙品。元始天尊當說是經，周迴十過，以召十方，始當詣座。天真大神，上聖高尊，妙行真人，靈威神王，黑天玉京大將，斬邪馘毒威兵，巨魁伏魔誅魂都吏，無鞅數衆，乘空而來。寶雲接天，明霞覆海，瑤車玉輪，珠景垂蔭，飛華妙光，疊彩葱蒼，森映碧空，三日三夜，諸天宮殿，山川谿谷，混交九色，三辰定照，五斗停機，四極運明，神烟澄霽，一國地土都鄙人物，遞相鑒燭，萬身入於一身，一影普涵萬影，色空同顯，神氣合冥，遐爾若等，無復高下，土變柔碧，洞徹九虛。衆真侍座，元始天尊玄坐雙景迴旋神龍天寶之座。說經一遍，諸天大聖同時稱善，是時一國男女，天身

淨睦，妙香飄馥。說經二遍，天境高嚴，九霄散縹。說經三遍，沆露凝珠，寶林綴網。說經四遍，天籟成音，瓊金流響，自然法唱，讚詠冲玄。說經五遍，水光湛瑩，海嶽呈祥。說經六遍，飛仙揚花，彌空錦色。說經七遍，靈威降世，掃滅妖氛。說經八遍，三界蒙福，人道安寧。說經九遍，六氣順常，三灾消殄。說經十遍，天真下濟，說法度人，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品靈威勅法大神，無鞅之衆，浮空而至。說經二遍，南方無極無量品靈威斬妖大神，無鞅之衆，浮空而至。說經三遍，西方無極無量品靈威斬鬼大神，無鞅之衆，浮空而至。說經四遍，北方無極無量品靈威斬精大神，無鞅之衆，浮空而至。說經五遍，東北無極無量品靈威典獄大神，無鞅之衆，浮空而至。說經六遍，東南無極無量品靈威斬邪大神，無鞅之衆，浮空而至。說經七遍，西南無極無量品靈

威飛符大神，無鞅之衆，浮空而至。說經八遍，西北無極無量品靈威吐毒大神，無鞅之衆，浮空而至。說經九遍，上方無極無量品靈威九首大神，無鞅之衆，浮空而至。說經十遍，下方無極無量品靈威殺伐大神，無鞅之衆，浮空而至。十遍周竟，十方無極靈威大神，一時同至，一國男女，傾心歸仰。來者有如歸雲斂霧，無鞅之衆，遍滿一國，咸覲和寧，斬馘群醜，不祥捐蕩，境宇鎮清，駢杏凝瞻，非可禁止。於是元始

天尊於眉間，示現金色光明，色光宛轉，於其光中化出十方宮殿，戶牖敞對，重堂巍閣，光氣同流，冉冉浮空，去地五丈也。元始登引，天真大神，上聖高尊，妙行真人，十方無極靈威大神，無鞅數衆，俱入化宮之中。天人仰看，惟見勃勃從化宮金光中入，既入光中，不知所在。國人廓散，神宮流轉，勢如旋虹。元始即於其內，說經都竟，衆真監度，以授於我，當此之時，喜慶難言，法事粗悉，諸天復位，倏欵之間，寂無遺響。是時天人遇值經法，普得濟度，

邪正道分，斬魔馘祿，蕩滅不祥，傾土歸仰，咸行善心。正智正道，正神正念，正思正意，正力正威，正行正儀，言詞朗直，口慧和聲。齊同慈愛，異骨成親。國安民豐，欣樂太平，正教開廓，魑魅馘平。道妙至真，悉廣明心。寶奉宗禮，皆得度世。

道言：元始天尊說經中所言，並是諸天上帝正真內名，隱韻之音。亦是十方靈威神王，內諱斬馘不祥之隱名也，非世之常辭。上聖已成真人，探妙極微，能悉其章，誦之十過，諸天命靈，八威鼓氣，神官執刺，魔帥稟章，綱緯合軌，元魁吐暉，邪精滅迹，鬼徒喪形，正道通心，真光衛魂，陽施至德，死而更生。至學之士，誦之十過，則九天策名，五帝給乘，三元備兵，惡注逃殞，生功充盈，邪關杜塞，赤書降庭，福源自布，灾殃不經。所以爾者，學士感徹玉清，高上遐鑒，羽葆列營，召制十方，威被六天，道爲太極所仰，萬靈咸尊，已試無難，固守黃寧，地祇敬伏，攝御魔靈，辟除灾病，永與生存。輕誦此

章，削落胎元，神廬圯摧，七魄蹈揚。供養尊禮，門戶興隆，霄京降契，福祿共滂。大帥秉鉞，斬馘不祥。世授道德，孫葉茂昌。慶善相因，萬灾伏藏。斯經尊妙，獨步玉京，度人無量，爲大法之宗。巍巍正氣，天德自勝。

道言：凡誦是經十過，諸天齊到，神綱五斗，巨天斬馘，天騶甲士，威南巨兵，五天大帥，部率十方靈威，河魁大神，銜符操鉞，即至其所，撻捕九醜，暗澤幽川，古空巫祠，一切祿魅。及以魂爽，依附木石，潛遣生人，誣訟三官，覲伺禱祭，四目大呼，神虎奮翅，毒獸舉牙，擲火激電，斬首馘耳，世之不祥，應皆蠲蕩也。上學之士，修誦是經，青房大神，鳴鈴以却穢，紫戶將軍，引劍以辟魔，玉女叩瓊於九室，黃老振音於三素也。世人受誦，則延壽長年，黃庭之下戶，白雲之窮閭，泉曲寒池，萬鬼弭蟄，腎海不波，水怪竄迹，上宮唱善，三府樂玄，後皆得作尸解之道，魔鬼不得而徵呼，地司不得而攝錄。神氣蘊形，自成法體，魔精受鍊，飛行太空。



此經微妙，普度無窮。一切天人，莫不受慶。天界五魔，中元五尸，地司五考，永斷不祥，長保元吉。無量之福，生死蒙惠。上天所寶，不傳下世。至士齋金寶效心，盟天而傳。經泄漏慢，殃及九祖，長役鬼官。侍經五帝，玉童玉女，各二十四人，營衛神文，保衛受經者身。

道言：正月長齋，誦詠是經，召攝北清洞陰尊神，部督神兵，奏詣上宮。七月長齋，誦詠是經，召攝中天五帥，三界大魔，紫微帝君，統按百神，滌蕩邪源，掃滅妖氛。十月長齋，誦詠是經，召攝六天洞臺之靈，三官曹局考魂大神，執御八山勾鎖勅殺大神，九首龍君，斬馘故氣，不祥窮魂，五瘟疫毒，土木百精，害於生類羌夷鬼神。使國界安寧，人民遂成，國王帝主，君臣父子，安鎮國祚，保天長存，世世不絕。常為人君安鎮其方，民稱太平。八節之日，誦詠是經，召攝八天大威烟火洞熏太一八神，八殺靈君，領駕風雲遊盼九宮，孤虛奇門，斬馘不祥，無使亂程。

本命之日，誦詠是經，召攝三真，升入泥丸，斗極紫烟，中黃上真，口吐青華，鎮兆等身，三尸消落，殃疰枯焚，黑結白奸，斬伐無停，三帝紀功，七真運靈，神童導前，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，三天直事，左右兵吏，殺鬼使者，斬馘天驕，森然備衛，日月照明，洞煥室內，項生圖象，光映十方，如此分明。密呪曰：無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人，願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，斬馘不祥，十迴度人，破邪隱韻，離合自然。太無無名，混洞北清。太一正真，化爲老人。紫羽錦襪，腰帶流鈴，首建天英，執御洞經。口吐靈和，斬馘百精。天和至真，真氣煥明。五色玄黃，八角成文。龍章虎書，符圖啓靈。化生六甲，役使六丁。三元定錄，五帝變形。開廓陰穢，正道聿興。無文不光，無文不明，無文不立，無文不成，無文不度，無文不生，是謂大梵，天中之天。玉符妙重，諸天所尊。變化金闕，上清之神。太霄九華，梵氣洞冥。圓羅紫極，七九合玄，玄臺玉京，中有上皇。斬邪討奸，惡源消斷，真道自然，自然靈威。火山炎池，冶鍊至神。龍巾鳳衣，主攝不祥，聖蹟通開，萬二千神。符圖火兵，俠衛上皇，都校三元。眇眇玄道，若亡若存，雙景內朝，陰陽循環。紫景白罪，嚴駕不停，大行梵氣，周迴十方。

中有三天正法之神，中有北玄斬邪之君，中有司禁勅法之神，中有神符保命之君，中有六天普護丈人，中有九天司命探察之君，巡遊五嶽丈人，都禁真官，身化水火，立生風雲。神公萬億，虎賁兆民。斬馘不祥，無量度人。今日校錄，諸天臨軒。

東方無極靈威神王，長生大聖，無量度人。  
南方無極靈威神王，長生大聖，無量度人。  
西方無極靈威神王，長生大聖，無量度人。  
北方無極靈威神王，長生大聖，無量度人。  
東北無極靈威神王，長生大聖，無量度人。  
東南無極靈威神王，長生大聖，無量度人。  
西南無極靈威神王，長生大聖，無量度人。  
西北無極靈威神王，長生大聖，無量度人。

上方無極靈威神王，長生大聖，無量度人。  
下方無極靈威神王，長生大聖，無量度人。

十方至真靈威神王，長生度世無量大神。並乘紫氣丹霞，徊光赫衝，翠旌錦節，素蓋瓊輿，驂御龍虎，導從仙真，建五神流輝之幢，三素翔鸞之紱，前嘯玉籟齊唱，後吹碧籥同鳴，絳鵲青禽，嘯歌嗵嗵，四明治道，五仙陪車，億乘萬騎，浮空而來。傾光迴駕，檢錄不祥。諸天上公，北酆真宰，九天都司，七政八靈。騁霧凌風，奔馳炎獸，擲旗鼓革，號呼獵響。執案考籍，齊到帝前。隨所應度，嚴校諸天。下及人都，幽關冥界，無極神鄉，泉曲之府，北都羅酆，三官九府，十二河源，爍羅鬼國，二十四境，幽獄罪徒，生魂死魄，停繫嶽瀆。注害世間，喜爲不祥，促人壽命，發災興毒，成厄誣冤，放施毒邪，臨民命祿，使福德不備，智暗偏稟，尅天族屬，陰曹肆便，宄惑綿邈。嚴奉赤文，祇行符命，神刀斬戮，萬鬼糜睛，解釋祖考，億

劫種親，及大魔魂，攻蝕攝考，肆虐生民，不得拘留，逼合鬼群。元始符命，時刻昇遷。赦過伐罪，一一記名。北都寒池，部衛形魂。制魔保舉，度品南宮。世無災殃，福慶自生。來斬馘者，鬼錄課盟。死魂受鍊，仙化成人。身受度，億劫無傾。陰陽九六，常與善循。隨劫輪轉，與天齊年。永度三途，五苦八難，超凌三界，逍遙上清。上清之天，天帝玉真，無色之境梵行。

東方八天

紫景玉華天，帝肇符喜生。  
都極重明天，帝鬱黎兼登。  
宣真都正天，帝覺霞定符。  
穹燿思微天，帝正辨九區。  
蒼微露帝天，帝敦和學謀。  
至正常無天，帝孔彰儀能。  
靈姬肇符天，帝元昌崇。  
燿樞觀化天，帝龍扶越聰。  
南方八天  
赤明燿明天，帝賈須騫蒲。  
阮諸綿丙天，帝珠銀祕圖。  
太真素霞天，帝鳳跣玉孤。

道山空際天，帝九星演湖。  
洞浮紫華天，帝光平敷。  
元理妙機天，帝奧庭竟星。  
嶠嶼洞洪天，帝別南彥冥。  
烈歎高晨天，帝黨輔元需。  
西方八天  
寥霞雲素天，帝偃庭干鉏。  
化宛丘緒天，帝援揚斗然。  
九道化陽天，帝勃羅會明。  
八地素曆天，帝願慈真逾。  
太微妙觀天，帝孽嶺昭淵。  
飛華浩圓天，帝翥棋夷妃。  
金映灑都天，帝那離權機。  
玉鍊道成天，帝虞亭珎。  
北方八天  
冥洞斗魁天，帝術遐卷承。  
雉室羅宏天，帝雲笏潛虛。  
玄靈修化天，帝尚賢玉明。  
除真穹臺天，帝羅都元虛。  
太霞玄真天，帝暮緣景昌。  
混明耀景天，帝真期陽。  
靜順慶宗天，帝部靜祉詹。  
玄精秀光天，帝卞丁千期。

三十二天，三十二帝。諸天隱諱，  
諸天隱名。天中空洞，自然靈章，諸天  
隱韻，天正之音。天正之尊，天正之  
神，天正大魔，天正之靈。氣和道合，  
變化北清，出教布正，萬邪莫干。劍芒  
斬梟，鬼井逃奔，玄文紫書，雲篇洞章。  
敷落神真，普度天人，生兆正氣，奕奕  
法輪。長矛巨矢，瀝血喪睛。今日急  
速關察，火令橫摧，斬馘剝滅，五帝列  
儀，炎烟萬丈，雷電交馳。車破鬼營，  
兵散積屍，冥官送檄，九道併追。飛行  
五門，順逐三奇，神王稽顙，六天迎魔。  
東斗降氣，西斗垂綱，北斗勅法，南斗  
火然，中斗紫宸，役御九天。青帝變  
文，白帝斬形，赤帝傳符，黑帝運神，黃  
帝出令，萬靈咸聽。青天神王，瞿羅彭  
興。赤天神王，鼓畢冲明。白天神王，  
虎目昌英。黑天神王，礪石漂凌。黃  
天神王，晶都朶凝。五天神王，萬神之  
宗。斬鬼億千，馘殄不祥。總領鬼兵，  
泛泳大荒。麾幢鼓節，遊盼翩翩。霞  
結成書，龍舉爲章。火風赫炎，諸天齊  
功。上天斬邪，嚴攝北酆。神公受命，

普掃不祥。丹靈敷熾，黃越誅殃。六  
手操兵，鐵額擲烟。食邪之獸，啖鬼之  
王。霜甲秋陳，殺氣夜河。元帥統軍，  
大帝命魔。玄老前戮，龍將殿圍。擁  
騎雲嶠，王鉞迎阿。玄獸吞鎗，青斗列  
言，速登我前。敢有干試，抵遏上真，  
羽葆轉碧，鸞惟翊軒。萬旅震途，群真  
回駟，屠割摧裂，毒求激淵。邪道靜  
默，有誅無捐。萬萬截首，千千剝勅。  
魔無干犯，鬼無祆精。三官北酆，明檢  
鬼營。不得容隱，金馬驛呈。普告無  
窮，靈威俯聽。地司五皇，列言上清。  
寥無恢運，幽虛含精。龍漢延康，  
浩浩赤明。劫成界開，陰陽體名。倏  
忽變化，三景玉清。上通無玄，下際無  
淵。風爲陰火，水爲陽津。風秀成爛，  
水凝爲石。洞虛穹貫，三十二天。中  
有正氣，爲道高真。辟陰萬邪，會歸正  
明。至化通玄，鬼試莫干。道爲天父，  
神爲氣根。金剛乘天，天無幽冥，天無  
形影，天無極窮。溟滓大梵，爲道之  
宗。遼廓天光，萬象畢容。爰有九都，  
爲鬼之皇。與帝同生，龍穴徬徨。擅

治六天，害正無光。元始開圖，赤明洞張。三界化現，千神佩璫。玉文誅斬，馘滅不祥。麟迹虎符，飛雲併藏。元氣成符，精魁滅亡。帝一捧日，玉女侍傍。梵氣流行，仙聖穰穰。正意梵魔，萬法克揚。絡雲架霞，綴珠垂芒。丹繩絳縷，屈曲低昂，上布玉清，三十二天。輪轉無色，周迴十方。玉宇分譯，大極洞房。長樓寶山，妙臺玉堂。正天運度，消滅不祥。氣運五色，玉虹奠方。旋角歷氏，遶心蒂奎。牛女入斗，冥祆四飛。橫度中樞，迴行五緯。二十八舍，總氣真元。八威合氣，氣入太元。玄中帝皇，洞陰北真。身帶瓊璽，頭建神光。泛景紫霞，嘯詠洞章。流鈴電火，響震鬼營。玉真吐氣，靈官騎星。風火救命，金石生烟。地囊泮潰，屍魅昇仙。千化萬移，自然知真。知真得道，道性通神。中有至真，長生大君，九氣丈人，八極尊神。五天元宰，總正神靈，太一轉式，司命揀卿。齊到下方，斬伐祆倫，符籙前驅，兵馬糾紛。青髻蝕暈，赤靈考魂，校約宿命，俱奏

崑崙。上遊上清，出入黃房。八冥之內，鬼道不祥。束送帝君，及於世間，生化所因，不得隱避。枉禍善人，細微之中，下鎮人身，泥丸絳宮。黃池紫海，十二之泉，寒夜幽路，百鬼之群。佩服者書，八會神文，氣血流轉，斬馘邪神。鬼祖畢陽，聽命喪精。寶符降告，變骨成真。中理五氣，混合百神。十轉回靈，萬氣齊仙。仙道自生，無量度人，神入天門，心自通真。神珠運行，如大法輪。精守禁戒，信悟因緣。心目爲開，見道真形。普受開度，死魂生身。身得受生，上聞諸天。諸天之上，各有生門。變極不窮，自然常存。存者無形，空洞合明。謠歌之章，神王靈篇，辭參高真。

第一天界靈威正道神王飛空之音  
玉巔碧嵯，鳳軒八敞。雲螭在樓，飛仙俯仰。金馬奔衝，星階重重。太極化生，真人遊龍。正氣盤蔚回，車梁光無窮。赤書布金斗，立召四目翁。爲誅萬道魔，千邪不爲凶。三明炯無昏，壽以浩劫終。天老發紺城，長劍磨

太嵩。精崇滅形影，哀哀畏刀風。我降九霄氣，嚙之洞樓中。施以救世悲，成此脫度功。

第二人界靈威破邪神王之章

絳章虎裳，浮華十天。龍刀斬邪，六道侍軒。印光凝海，劍氣飛雷。戮滅不祥，正道所歸。小醜其何，禍試之媒。我有洞章，奸害元施。大君惠生，慶錫難老。金華九色，與天相保。靜智合神，玄元體妙。蠢茲繁生，蒙蔽真道。廣度天人，萬善同因。劫界共長，上帝宏恩。制魔成真，天籙紀名。邪無干犯，仙聖受盟。元始洞空，悟者幾人。能悟自然，泠泠玉音。

第三地界靈威斬鬼神王歌曰

茫茫塊壘，下有重山。蒼崔白雲，往者不還。太上哀之，請度無間。神風飄霞，碧玉彎環。出書九幽，赤文乃宣。制魄拘魂，斷此幽關。生類何辜，刑禍孱顏。明明太帝，正氣自然。真道正明，子得昇遷。捨此塵埃途，庶免陰邪源。我有元始章，誦詠萬祖遷。結滯超然散，默契歸無言。度人豈終

窮，勤此真王篇。

此三界之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛昇太空，過度三界，位登仙公。有聞靈音，神王敬形，勅制地祇，侍衛送迎，拔出地戶，五苦八難，七祖昇遷，永離鬼宮。魂度朱陵，受鍊更生。斬馘世不祥，福慶隨日增。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及靈威神王隱祕之音。皆是大梵之言，非世上常辭。皆斬馘不祥之要旨，六天殺鬼之司名。陰類沮喪，邪精消却，身得長生，位登仙真。故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶質心，依舊格告盟十天，然後而付焉。

道言：夫斬馘不祥之道，實繫大法有四。謂九六運終，三景虧盈，聖神休否，末學疾傷。凡有此灾不祥之重，同氣皆當齊心修齋，六時行香，十遍轉

經。北極中玄天帝君洞陰天尊，當勅飛雷電騎五方殺伐大神，威劍神王，符圖火兵，素梟嚇天元帥，下降斬馘灾咎，福德立降，消諸不祥。無量之文，普度無窮。

道言：末學道淺，真業未成，有冥泉之鬼，六天之神，妄作灾凶，遭諸厄難，身年注害，福祿減削，門戶不寧，家庭崇害。同學至人爲其行香，誦經十過，以解穰刑禍，拔除苴穢如法，中天大神，七元真氣，下入身中，吉祥自生，永保利貞，長存不滅，使得神仙。

道言：夫欲諸天降庭，神兵衛身，斬馘不祥者，齋戒誦經。可以致仙真，除咎癘也。天地運終，星宿錯度，日月失昏，四時失度，陰陽不調，兵革時動，疫毒流行，兆民夭傷，師友命過，皆當修齋，行香誦經。夫齋戒誦經，功德甚重。上消天灾，保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有灾之日，發心修齋

燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中神王亦保舉爾身，得道者乃當洞明至言也。

諸天中大梵隱語無量音 道君撰

元始靈書斬馘不祥玉篇

東方八天

明箕海芒，黨路徐忱。珽勤合帝，如輔洞真。鬱依多迂，麥吝需雲。拯河沙那，碧浙東雪。持定羽頤，法坡波吟。魯朝仙英，依璉拯珂。偃祕羅岑，月珠素離。美披元謠，寶褚宏參。

南方八天

扶拖九首，攸敦遏壺。皇鎮洞樊，鄒阿頰蘇。玄尚流函，屠論佑霞。道悟正元，麓謀仙居。敬邈元岨，景著真丘。圓羅季僕，凝宜啓珠。雲題迮粵，賢梵遄涂。藹原宋歸，澄幾演虛。

西方八天

直隨宛藪，智嬰茲洪，河究通極，正斗飛雲。祕鏗剛眉，嶷池魑宗。告

辨丁孟，嘉社元侯。吉河大魁，將馘冥求。金度冶華，紫鎮平優。玄道維寂，無始光休。仙氣司屢，酉露涓舟。

北方八天

黃玄載元，獲虎昇乾。梵景流弭，符傳炎宣。達躍度命，微玄力延。儀

□<sup>①</sup>丹鑿，隱悟定仙。謹濟順常，道明妙筌。軹騫騰盈，府圖凝邊。龍黎惡沙，變歌保天。洞瑞素尤，芝瑜功都。

道言：此諸天中大梵隱語，無量之音。舊文刻紀北都玄臺紫微南館，下通酆羅九幽泉關，以降道威神，馘除鬼魔，陰魄屍蠱之氣。天真皇人採洞清之華，染丹筆以成文，字皆廣長一丈，以爲正音。有知其音，能齋而誦之者，諸天皆遣護正斬邪之神，天毒八威，九首四目之吏，導從丁史，下衛其身。剪伐不祥，惠以福澤，延命長真，書其功勤，上奏諸天。萬神朝禮，地祇侍門，大勳真王，保舉上真，道備尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致天真下觀，上

帝遙唱，萬神朝禮，三界侍軒，群祿束首，鬼精自亡，琳琅振響，十方肅清，河海靜默，山嶽吞烟，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之五十四

①「□」，底本缺損不清。

靈寶无量度人上品妙經卷之五十五

追度上世亡魂品

道言：昔於龍梵天中，景霄幽歌大鍊化土，受元始度人追度上世亡魂無量上品。元始天尊當說是經，周迴十過，以召十方，始當詣座。九皇上真，飛天大聖，妙行真人，玄中法師，洞陰朔單鬱絕之境，五靈玄老，黑帝天君，酆都北帝，六天大魔，救苦靈仙，九宮曹屬，三元考魂，無鞅數衆，乘空而來。三素飛雲，八景霄輿，華蓋垂蔭，碧翠交光，九色瓊蕤，洞煥太空，七日七夜。諸天臺城樓觀，影徹幽寥，珠緯玉毫，停輪息耀，神風襲瑞，空藏傾波，一國地土山川林木，緬平一等，無復高下，土皆作青玉，萬里通映，無有異色。衆真侍座，元始天尊玄坐空浮九光寶局之上。說經一遍，諸天大聖同時稱善，是時大地衆生，祖先積罪，威蒙赦

原。說經二遍，光照九幽，開悟宿命。說經三遍，雲周道境，甘露灑空。說經四遍，火山息焰，寒池靜波。說經五遍，地獄弛關，幽魂解脫。說經六遍，落滅惡根，不沈苦趣。說經七遍，焚燒黑簿，考對休閒。說經八遍，泉曲冥官，進陞仙品。說經九遍，暗域飛雲，陽光盪翳。說經十遍，枯骨更生，皆起成人，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品青宮救苦大神，無鞅之衆，浮空而至。說經二遍，南方無極無量品朱宮明悟大神，無鞅之衆，浮空而至。說經三遍，西方無極無量品素靈宮玄定大神，無鞅之衆，浮空而至。說經四遍，北方無極無量品紫元宮幽感大神，無鞅之衆，浮空而至。說經五遍，東北無極無量品酆都宮雲營大神，無鞅之衆，浮空而至。說經六遍，東南無極無量品九幽宮拔罪大神，無鞅之衆，浮空而至。說經七遍，西南無極無量品泉曲宮度生大神，無鞅之衆，浮空

而至。說經八遍，西北無極無量品天福宮超化大神，無鞅之衆，浮空而至。說經九遍，上方無極無量品真都宮靈妙大神，無鞅之衆，浮空而至。說經十遍，下方無極無量品玄妙宮寂定大神，無鞅之衆，浮空而至。十遍周竟，十方無極升度苦爽天真大神，一時同至。元始天尊初說法時，一國男女，各各追懷上世亡魂，億曾萬祖，古往先親。或繫宿因承於業力，已遂生方，遨遊三界。或尚沈幽境，滯爽冥關，代歷綿長，時丁久遠，魂無依止，體化塵埃，性識未消，尚存心念，罹斯陰罪，必犯陽愆。今遇元始將陳追度之法，慶會無邊，願虛俟教，廣利有生。是時天尊四觀天人，一切鬼神，一方聖衆，舉山水雲霞之袂，揮九色碧光，宛轉之紱。良久之頃，以九色碧光一縷之絲，垂明下徹，遙至九壘七圍，鐵山之間，十大地獄。方面八千餘里，高廣深厚，其量過之，隨此碧光一縷之絲，拔地之聲，六種俱振。猶於大海交磕二山，亦如諸天五雷併起，正行遊梵，三十六宮應時

傾動，北酆諸大地獄，翩翩高舉，下離冥漠，昇於絕空。碧紱之絲挽提獄頂，洞出剛風，及於天界。以此大獄，繫於絲杪，形如彈丸。無量之衆，瞻矚無礙，皆見諸大地獄，五刑萬苦，血刃火然，表裏明睹，不有纖障。各見有罪祖先，受諸苦報，禁考獄中，哀吟求救。一切衆生見此事，相舉聲號泣，響震諸天，祈告虛皇，願垂追度。元始怡顏微笑，即於頂上，出大光明，煥照天地。於光明中有赤文雲書，昇天寶券，芒金角玉蚪曲，詳分示衆。宣言爾等衆生，上世亡魂，用此追度之法，周迴十過，皆獲昇天。來者霧合雲屯，非可禁止，迨國一半土皆偏陷，乃懸一寶珠，大如黍米，在空玄之中，去地九丈。元始登引，天真大神，上聖高尊，十方救苦拔罪真人，至真大神，無鞅數衆，俱入寶珠之中。天人仰看，惟見拂拂從珠口中入，既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，

諸天復位，倏欵之間，寂無遺響。是時天人遇值經法，普得濟惠拔度，祖先不墮惡道，傾土歸仰，咸行孝心。能敬能讓，能廉能貞，能柔能和，能奉能承，能忍能養。心無悖慢，口無怨言，齊同慈愛，異國成親。國安民豐，欣樂太平，經始出教，一國以道。預有志心，宗奉禮敬，皆得度世。

道言：元始天尊說經中所言，竝是諸天上帝內名，隱韻之音。亦是真王內諱，百靈之隱名也，非世之常辭。上聖已成真人，通玄究微，能悉其章，誦之十過，諸天遙唱，萬罪悉原，上世亡魂，皆獲昇仙，旁資一切，普度萬生，回屍起死，白骨成人。至學之士，誦之十過，則五嶽奏刺，三官奉詞，幽魂遷化，逝魄超昇，濟度亡歿，絕而得生。所以爾者，學士道德未充，體未洞真，以制十方，威未制天政，德可伏御地祇。資濟幽靈，濟拔祖先而已。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人

無量，為萬道之宗。巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，上昇朱宮，格皆九年，受化更生，得為貴人。而好學至經，功滿德就，追度高玄，皆得神仙，飛升金闕，遊宴玉京也。上學之士，修誦是經，上世亡魂，皆即追度，飛升南宮。世人受誦，則亡過祖考，得太陰鍊形之道，魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及子孫，長役三宮。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，為上世亡魂，斷地逮役，度上南宮。七月長齋，誦詠是經，九祖七玄，升入天門，赦罪遷善，身得神仙。十月長齋，誦詠是經，追度古先眷屬，億遠幽靈，即獲鍊化，刻錄太清。八節之日，誦詠是經，

遠世魂爽，罪滅北都酆山，息考罷役河源，得為九宮真人。本命之日，誦詠是經，玄堂七世，往劫滯魂，靈肉附骨，近生為人。魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐碧紫絳三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，十方救苦無量大神，駐輦空極，項生圓象，光映十方，如此分明。

密呪曰：無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人，願所啓上徹，徑御無上三十二天元始上帝至尊几前。畢，引炁三十二過，東向誦經。



元始無量度人上品妙經

元始洞玄靈寶本章，追度上世亡魂，十遍度人。九冥隱韻，開化自然，空洞降靈，太虛生神。總治法象，統歸三元。瓊宮大聖，高居帝尊，敷弘至妙，考校因緣。青編丹簡，紀錄玄文。元陽紫微，方諸洞泉。太陰署罰，火官舉遷。生民隨業，攝送酆山。九河六洞，萬鬼之營。火城劍樹，沸鑊寒庭。鬼帥大魔，考責罪魂。元始玉符，下拔幽扃。普爲衆生，追度祖先。上詣朱陵，功告三官。五嶽四瀆，名山大川，水府洞宮，主宰神靈，原赦滯爽，不得稽停。大會玄都，速召萬神。中有東極尋聲赴感太一救苦天尊，中有度魂化形之君，中有太冥鍊屍大神，中有大慈妙行真人，中有天樞天機好生文昌延壽度厄尊神。招靈太玄，無量度人。今日校錄，諸天臨軒。

東方無極龍威神王，長生大聖，無量度人。

南方無極丹靈神王，長生大聖，無量度人。  
西方無極皓華神王，長生大聖，無量度人。  
北方無極玄英神王，長生大聖，無量度人。  
東北無極鍊度神王，長生大聖，無量度人。  
東南無極變身神王，長生大聖，無量度人。  
西南無極復相神王，長生大聖，無量度人。  
西北無極正精神王，長生大聖，無量度人。  
上方無極火府神王，長生大聖，無量度人。  
下方無極返形神王，長生大聖，無量度人。  
十方至真飛天度魂超化神王，長生度世無量大神。竝乘八景琅輿，飛雲葆蓋，霞輦鸞輪，驂駕天馬，白鳳青鸞，建玄靈翠節，綠羽龍旛，前導鈞天廣樂，後參八素陽歌，巨象麒麟，翼衛辟邪，

十精啓途，七辰捧轅，億靈萬神，浮空而來。光明照耀，洞朗諸天。神霄府相，元黃左宮，陶公仙伯，執籙把籍，齊到帝前。普度衆生，上世亡魂。勅攝鬼帝，來聽教言。羅酆六宮，陰洞鐵山，賓友僚佐，四大明公。司禁侍宸，此河列侯，各持黑簿，削落罪根，不得拘留，逼合鬼群。元始符命，時刻昇遷。息苦寒池，濯灌天津。制魔保舉，度品南宮。九玄受鍊，仙化成人。身受度，劫劫長存。隨劫輪轉，與天齊年。永度風火刀兵考訟連對之難，超凌三界，逍遙上清。上清之天，天帝合延，無色之境梵行。

東方八天

基化正宣天，帝變津宜。  
由明應玄天，帝遍臻元。  
極樂樞冥天，帝六關玄玄。  
變真九仙天，帝陣希務夸。  
耀靈華運天，帝揀丘澤方。  
不驕悲識天，帝覺海雲。  
佑祺素寶周儲天，帝柳蒙少滋。  
歷爽古澗弘思天，帝季路時。

南方八天

李檀舜籍天，帝木岬舒。  
霞洞宴王天，帝景唐無央。  
刹聽化高天，帝效慈澆穹。  
封冥錄陰天，帝伯皇宥中。  
魂度昇慶天，帝用鄰德光。  
超對希樂天，帝息常如。  
慈登福果天，帝不逸披門。  
神校司官領錄天，帝蹈飃修璵。

西方八天

應祈勝妙天，帝適端俟。  
通化慮仙易真天，帝靖常崧。  
久世垆畿影化天，帝虛凡自微。  
道戶寂然天，帝吉動寵邦。  
愍正遙靈補天，帝照符率從。  
玉都蕭韓主成天，帝命玄冲。  
昇虛玄變天，帝乞章融留。  
梵行太無天，帝攝神總靈。

北方八天

太微玉華天，帝流傒宛興。  
微覺宗仙天，帝正刀蒲王。  
度靈蹟真天，帝榔題衍衡。  
董正黎辨天，帝步鏘極真。

陰臺總按天，帝奏猗連。

嶽詔遷證天，帝唐曜明輪。

龍化珍惠天，帝定智丕旋。

女青攄文天，帝阿都祉疏。

三十二天，三十二帝。諸天隱諱，

諸天隱名。天中空洞，自然靈章，諸天

隱韻，返空之音。化靈之導，追度之

神。監魂大魔，返生之靈。九聖十真，

變化上清。無量之奧，深不可詳。敷

落神真，追度亡魂。今日欣慶受度，歷

關諸天。請滅三惡，釋放地牢，不經五

道，魂升太玄。真王監舉，無拘天門。

東斗濯神，西斗鍊精，北斗追冥，南斗

度生，中斗統運，總司衆靈。青帝護

魂，白帝侍魄，赤帝養氣，黑帝通血，黃

帝中主，萬神無越。青天魔王，開運化

機。赤天魔王，法令奪施。白天魔王，

統領八威。黑天魔王，察凶檢非。黃

天魔王，萬神總歸。五帝大魔，生化之

宗。飛行鼓從，下攝幽魂。麾鐘鼓節，

考校鬼神。位號赫奕，高清上公。上

天度魂，光勅北酆。七玄受度，追召冥

陽。九幽奏簡，泰山列章。真魔附靈，

生氣聚光。乘化人天，道力恢張。敢

有干試，拒遏上真。金鉞前戮，巨天後

刑。屠割祿黨，風火無停。追度上世，

久遠亡魂。化氣受神，返生還形。魔

無干犯，真識炯精。三官北酆，明檢魂

營。不得容隱，金馬驛呈。普告無窮，

萬神威聽。三界五帝，列言上清。

混黃元紀，化用渺茫。感激真妙，

肇立二儀。風澤上騰，元綱下施。陽

魂耀靈，陰魄玄暉。空洞杳冥，中藏至

神。把握元化，無上之尊。號曰虛皇，

玄居玉清。龍漢大劫，蒼帝運終。延

康溟滓，長安太空。無形無影，無極無

窮。赤光啓運，傳道玉宸。柏陵長樂，

丹天始青。開明三境，三十六宮。元

變周流，四方之天。五斗列宿，綱氣相

連。輪轉升降，生育萬靈。乃錫玄符，

九天玉文。安鎮五山，長保無傾。洞

淵九壘，諸大土皇。正行遊梵，寶闕雲

營。軒始之主，虎口土龍，執天大憲，

與道同功。運以神化，包以剛風。是

爲靈寶，玄中之玄。羅布萬神，統歸三

官。生化学品，考治人民。錄善登真，

惡業沈淪。擔沙負石，漣汲溟波。驅雷役電，幽夜之河。萬劫受報，備歷酸辛。吾不原赦，何以超升。爲汝追度，上世亡魂。是故宣告大道之根，皆使開悟，與善因緣，靈符破獄，萬苦咸停，玄光照暗，朗耀重昏，鬼官升遷，上聞諸天。諸天之上，各有生門。中有追度上世亡魂之章，飛天靈歌，辭參高真。

### 第一欲界追度飛空之音

空洞宸景，玉妙元皇。統神化兮，開生度人。萬祖億曾，中有沈魂。欲念相牽纏，幽幽長夜闇。不遂齊玄覺，何以超冥津。滌慮脫塵垢，清心蕩穢氛。回我慈悲光，靈風冉冉昇。冤仇當罷對，由資大法乘。摧破癡迷網，逍遙寓十方。稽首無上王，誦此靈寶章。鍊質陽華館，受度歸南昌。慶會合一際，俱蒙登福堂。

### 第二色界追度成真之章

杳杳冥途，北帝鬼官。下統幽府，中有罪魂。業禍喪真，色累苦神。淪溺劫年，以失其生。我界險巖，穢念紛

紛。開悟正道，稟我玄科。獲昇度兮，飛越匏河。九天冲氣，三元妙華。混至化兮，敷張慶雲。統運機感，結育成人。億曾受鍊，解滅冤愆。殃散福來，逮及爾身。濟拔無窮，共獲帝仙。哀斯塵昧，故示法言。

### 第三無色追度昇玄歌曰

玉聖之尊，太一上神。號曰景精，招真命靈。接生降氣，度魄超魂。巍巍妙範，昭昭洞文。開悟無際，愛結悉除。慧朗回光，煥耀幽關。赫奕符告，上扳七玄。救赦滯爽，孰敢拘延。永過三界，鍊化朱陵。逍遙太清，晏昞劫年。我道廣大，陶運億千。不但於祖考，而獲此登昇。萬遍既道備，身俱乘景雲。

此三界之上，飛空之中，真王歌音，音參洞章。誦之百遍，七祖飛昇。誦之千遍，列仙保迎，億曾萬祖，逍遙太清。萬遍道備，普度含生，身超三界，位證仙卿。有聞靈音，六天敬形，勅制地祇，侍衛送迎。拔出地戶，五苦八難，永離北酆，魂度朱陵。是謂無

量，濟惠無窮。有祕上天文，諸天共所崇。泄漫墮地獄，禍及七祖翁。

道言：此二章並是諸天上帝，及玉清真王隱祕之音，皆是大梵之言。朗徹九幽，追度祖考，冥漠久逝之魂，聞是洞文，衆苦消解，神識超昇，非世上常辭。言無韻麗，曲無華宛。故謂玄奧，難可尋詳。上天所寶，祕於玄都神霄玉清王府東室，寶經祕藏。道亨昌運，符運下傳。若有至人齎金寶質心，依舊格告盟神霄。然後而付焉。

道言：夫世之生民，皆有玄祖上世高曾，雖繼子孫，鮮及遠代，七世而上，禮不稱論。脫有先逝，代數遼遠，祭祀莫及，資修之度，不克稽用，業累未除，魂留地司。皆當祈告真靈，請乞報應。得告報祥感，則已獲超遷。夢想不真，多見冢墓考對之像，則亡魂幽繫，未脫狴牢。皆當齊心修齋，六時行香，十遍轉經，以青紙丹書大梵隱語，著亡魂姓氏，去世年月，作四門方符。牒之面以丹書昇天券文，背書年辰，法師位號，盛以絳囊，祝地司主者，及亡

魂姓名，焚於建齋處，即得追度。佩券生天，福德立降，消諸不祥。無量之文，普度無窮。

道言：夫六親眷屬，末學道淺，或仙品未充，運應滅度，身經太陰。臨過之時，為其行香，誦經十過，以度屍形如法，魂神逕上南宮，隨其學功，計日而得更生。輪轉不惑，便得神仙。

道言：夫天地始生，元始開圖，即有人物。人物具備，即有死生。死生者，神氣來往，人命之數也。上世亡魂，不惟久遠，億曾萬祖，有經劫成壞而魂未超升者。世之學士，不知天地幾經成壞，為劫長短，亡魂定業幽繫不解者。皆當拜奏章表，行香誦經，焚昇天寶券，修齋設醮，祈向高真，即得追度，生大福堂。夫齋戒誦經，功德甚重，使亡魂昭泰，長夜通光，地獄苦消，火山息焰，冥曹考罰頓罷，炎寒一切受賴，其福難勝。故曰無量，普度天人。

道言：凡有是經，能為兆民行是功德。發心修齋，誦經十過，皆諸天記名，萬神侍衛，右別至人，剋得為聖君

金闕之臣。諸天記人功過，毫分無失。玉清真王亦保舉爾身，得道者乃當洞明至言也。

諸天中大梵隱語無量音 道君撰

元始靈書中篇

東方八天

達朗披覬，玄紀法王。魔師赫廬，炎池誦光。斗魯幽察，擷司定廂。宛了究氏，盈門肥堂。勅捕醜虐，混開紫皇。蔚房靜除，寂音思彊。汴神逸羅，廣明檢襪。破解妙行，其氣耀邦。

南方八天

籍羅八臺，四明建仙。匱錄窮魂，曆都命玄。泉沙般拉，阿列遭姿。妙澄演覺，離璘愆阿。擺笳頻夷，欵連遣那。籠卯遏戍，虛府蒲圭。都文曷駢，臻和夢持。袞物汨謨，塊額頤基。

西方八天

乾帝華樞，焦平觀都。景孽銖行，周萌賓呼。烈井驅力，玉判歸浮。趙章延蹊，鹿桓蚪檀。追冥叩無，綱石尸

徒。閱頂辭緯，奕奕霹靈。左翊箕制，木玄魔丘。略負廣須，韓司主圖。

北方八天

驚靈典洞，艷牢鎖魂。赤章檢考，問籍通詞，槌求過諺，報罰遣程。億資歲成，杳檄文靈。變孤驛弭，譎躍洞京。彫囂布欵，孽齊交明。昉邊冲廬，九口津泮。馬猛戮奴。奔愛莽神。

道言：此諸天中大梵隱語，無量之音。舊文字皆廣長一丈，刻書北清

玄天寶幢之上。散艷都泉曲九幽之罪，赦積世亡魂，追度超升，利拔苦爽，解脫業因，往劫定債，獲免償還，自在逍遙，不拘泰山。子孫福報，貴祿宜官，家無故氣，傳速不行，天保其昌，德富爾身。靈應元君昔書其文，以為正音。有知其音，能齋而誦者，諸天皆遣追度靈官，下拔其魂，書其功勤，上奏諸天，萬神朝禮，地祇侍門，大勳真王，保舉神霄，道備剋得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致靈人下觀，上帝遙唱，萬神朝

禮，三界侍軒，群祿束首，鬼精自亡，琳琅振響，十方肅清，河海靜默，山嶽吞烟，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之五十五

靈寶无量度人上品妙經卷之五十六

濟度死魂品

道言：昔於紫暉玄濟天中，綠景虛明大慈靈土，受元始度人濟度死魂無量上品。元始天尊當說是經，周迴十過，以召十方，始當詣座。天真大神，上聖高尊，北酆大帝，九幽拔罪天尊，金闕濟度天尊，太一救苦天尊，大慈大悲救苦真人，大惠真人，無鞅數衆，乘空而來。碧耀流輝，華雲映彩，龍駟鳳駕，寶蓋靈旛，彌漫羅列，香藹氛氳，日月停景，洞朗太無，九日九夜。諸天瓊樓玉闕，雲殿霞房，一時同明，下極崑崗三山，十洲四海，九河泉曲之阿，酆都寒庭長夜之關，悉被神光，普獲開煥，萬象澄清，十天昭廓，一國地土山川林木，緬平一等，無復高下，地成紺碧，無有異色。衆真侍座，元始天尊玄坐空浮瓊光洞陽寶牀之上。說經

一遍，諸天大聖同時稱善，是時天地山嶽，鐵城大嶽，自然齊啓，咸釋罪爽，來聽法音。說經二遍，鑊湯聲震，忽變清涼，水吐青蓮，異氣芬馥，萬刃刀山，悉爲寶樹，杻械銷鎔，骨骸生復，還得成人，俱承道蔭。說經三遍，仙聖讚揚，靈瑞咸臻。說經四遍，一切人民，悟解法要。說經五遍，昆蟲善慧，省識罪原。說經六遍，虎狼毒蝮，滅斷惡根。說經七遍，冤仇和釋，異骨成親。說經八遍，鬼道塞絕，永保生津。說經九遍，幽沈滯魄，鍊化昇遷。說經十遍，道德純一，俱登妙真，是時一國有情有識，冥不傾心，皆受護度，咸得長生。

道言：是時元始天尊說經一遍，東方無極無量品考較濟度大神，無鞅之衆，浮空而至。說經二遍，南方無極無量品司察濟度大神，無鞅之衆，浮空而至。說經三遍，西方無極無量品司禁濟度大神，無鞅之衆，浮空而至。說經四遍，北方無極無量品司化濟度大神，無鞅之衆，浮空而至。說經五遍，東北無極無量品典獄濟度大神，無鞅

之衆，浮空而至。說經六遍，東南無極無量品九幽濟度大神，無鞅之衆，浮空而至。說經七遍，西南無極無量品泉曲濟度大神，無鞅之衆，浮空而至。說經八遍，西北無極無量品羅酆濟度大神，無鞅之衆，浮空而至。說經九遍，上方無極無量品超生濟度大神，無鞅之衆，浮空而至。說經十遍，下方無極無量品昇化濟度大神，無鞅之衆，浮空而至。十遍周竟，十方無極天真濟度大神，一時同至，一國男女，傾心歸仰。來者萬億，並駕同驅，靈光散彩，華霧彌空。八部六天，三官九署，威光召致，異趣苦魂，無鞅之衆，迨國一半土皆偏陷，非可禁止。於是元始洞觀遐邇，哀念衆生，手執寶髮，髮出妙光，光及十方，一切聽法天仙聖衆，自見身相，有如瑠璃，內映濯羅。鬼神魂爽，各於其類中得圓滿，心體清淨，業火消除，仙花時飛，大震瓊音，宣明法要。爾等衆生，造諸罪惡，累彼死魂，飄蕩無依，散入諸趣，備經輪轉，莫測道緣。今以九陽神霄大梵之氣，化十二靈文，

濟度死魂，超昇天境。始從亡歿，以鍊屍形，屍神守骸，滯爽超昇，仙聖合德，還自成人。出離三塗，往度八難。大衆欣躍，仰俟恩光。於是元始引眄側然鑪炷寶香，上結密雲，化爲玉闕，去地九丈，內垂天虹，熒煌五色，接待大衆，俱入其中。元始申命拔罪天尊，羅酆帝宰，救苦真人，無鞅數衆，同升化闕，藥華紫玉靈妙之臺。天人仰看，惟見勃勃影現，萬殊既入玉闕，不知所。國人廓散，地還平正，無復欹陷。元始即於紫臺之上，說經都竟，衆真監度，以授於我，當此之時，喜慶難言，法事粗悉，諸天復位，倏欵之間，寂無遺響。是時天人遇值經法，普得濟度，全其道真，無有沈淪，傾土歸仰，咸行善心。不愆不犯，不忿不爭，不迷不忘，不愛不著，不擾不驚。言必真正，口無惡聲，齊恩慈愛，道化合並，存亡安泰，度樂生榮。經始出教，幽顯協德。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是真

王內諱，百靈濟度之隱名也，非世之常辭。上聖已成真人，通玄究微，能悉其章，誦之十過，諸天遙唱，萬帝設禮，沈逝死魂，證升仙品，緣愛積習，皆獲蛻捨，群魔敬衛，蕩化鬼精。至學之士，誦之十過，則四司釋訟，九獄除冤，回屍起死，白骨返形，普受濟度，以得生成。所以爾者，學士誦詠寶章，招真召靈，妙氣來臻，道生神德，故可下濟死亡，即獲超度而已，莫不昇遷。輕誦此章，身則被殃，供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京。度人無量，爲萬道之宗。巍巍大範，德難可勝。

道言：凡誦是經十過，諸天齊到，酆都六洞鬼帝官君，寒庭泉曲幽夜之河，泰山地壘，主宰神靈，簡奏上功，超拔罪魂，億曾萬祖，幽沈苦爽，皆即受度，上昇朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊宴玉京也。上學之士，修誦是經，皆即受度，飛昇南宮。世人受誦，開度九玄，出離地獄，生福

天堂，延慶後昆，永無身殃。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役陰官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，濟度死魂，解釋天官罪考之愆，五方大殺屍劫之鬼，威毒咸息，開貸死魂，獲度南宮，逍遙自然。七月長齋，誦詠是經，濟度死魂，解釋地官罪考之愆，五嶽四司，北都羅酆，曠野山澤，社令城隍，應關囚對，禍害滅連，黑簿削除，白簡上生。十月長齋，誦詠是經，濟度死魂，解釋水官罪考之愆，北海河侯，河伯冥泠，四瀆主宰，當令幽苦摠汲冥魂，役難散除，度越生門。八節之日，誦詠是經，濟度死魂，解釋罪考，八方大獄，八洞鬼牢，悉承道化，永變福庭，迷識開悟，咸登妙津，得生世間，智用高明，務勤上學，克致成真。三元之日，誦詠是經，濟度死魂，各遂其情，鍊度南宮，返

生受靈，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過，閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圖象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，無量度人。願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，濟度死魂，十

迴度人。元皇上錄，鍊度自然。九宮妙範，青華帝靈。至神開運，合會玄關。制命造化，長養生根。上布玄功，無所不周。五氣承德，結絡形軀。萬神羅列，帝一居尊。二十四宮，八景徊環。混洞天關，辟非藏烟。明梁開道，塞絕死門。斬伐胞樹，超度億曾。解釋罪考，朱陵鍊魂。太一定命，南昌衛形。無量濟度，長生大君。破滅罪府，司馬大神。超拔滯爽，韓君丈人。司命司錄，除削冤愆。拔罪天尊，度厄尊神。迴骸起死，無量度人。今日校錄，萬聖臨軒。

東方無極保命神王，長生大聖，無量度人。  
南方無極保化神王，長生大聖，無量度人。  
西方無極散禍神王，長生大聖，無量度人。  
北方無極度厄神王，長生大聖，無量度人。  
東北無極救苦神王，長生大聖，無量度人。

東南無極衛生神王，長生大聖，無量度人。

西南無極拔罪神王，長生大聖，無量度人。

西北無極度魂神王，長生大聖，無量度人。

上方無極超化神王，長生大聖，無量度人。

下方無極自在神王，長生大聖，無量度人。

十方至真濟度死魂神王，長生度世無量大神。並乘八色祥雲，九華翠輦，龍

鳳驂駕，羽蓋騰軒，建度魂定命之節，召神靈幡，前嘯玉童齊唱，後吹簫籟同

鳴，獅子白鶴，嘯歌嚨嚨，四明啓途，神官翼轅，億乘萬騎，浮空而來。傾光迴

駕，監魂度生。南昌丞相，天機上宰。韓司主錄，監生大神。執錄把籍，齊到

帝前。隨所應度，嚴校諸天。普告三界，無極神鄉。泉曲之府，北都羅酆，

三官九府，十二河源。上解祖考，億劫種親，疾除罪簿，落滅惡根。不得拘留，逼合鬼群。元始符命，時刻昇遷。

北都寒池，部衛形魂，制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三塗，五苦八難，超凌三界，逍遙上清。上清之天，天帝洞真，無色之境梵行。

東方八天

濟魂逸慶天，帝扈迪狂。

曜澤證玄天，帝梵聿斯平。

流剛昇陽天，帝振祖流光。

梵氣舉神天，帝尸真化魂。

蕭臺校錄天，帝拔苦尊。

祖猷徽緒天，帝道玄巨英。

麗慈變生天，帝敷承庸光。

道用超神天，帝伯常妙冲。

南方八天

紫暉洞明天，帝覺善自伸。

玉宸慈化天，帝退坂青輿。

正宗玄露天，帝定意須光。

初嬰育靈天，帝判載司强。

佐無肇宗天，帝嚇陳元防。

鵠史利真天，帝侯進斗光。

冥超生魂天，帝妙智仙。

祖靈增變天，帝勞提丙顛。

西方八天

蟻棣益司天，帝常容真。

果成超衢天，帝儀慈壽均。

瑛觀紫虛天，帝韓承詡言。

溢靈慶彰天，帝蹈方滋萃。

朱霞淇至天，帝海暎總陽。

黨峻悅疆天，帝孟勤禮冥。

度生昇魂天，帝招雲鍊玄。

魁符考嶽天，帝覺上生。

北方八天

玉頤淨睹天，帝柳昂順玄。

機牛亢化天，帝耀洞觀周。

育乾次寧天，帝顯道離田。

昭本神華天，帝絕憩斯仁。

玄龍史墟天，帝太完子賢。

仙斗迎祺天，帝昭迪用寥。

朝瑞玉幘天，帝伯緒遠。

康庸濟魂天，帝常元隱公。

三十二天，三十二帝。諸天隱諱，

諸天隱名。天中空洞，自然靈章。諸

天隱韻，開度之音。開度之尊，鍊化之

神。天中大魔，玉清之靈。混合變化，



而成上真。無量之奧，深不可詳，敷落神篇，濟度窮魂。今日欣慶受度，歷關諸天，請滅三惡，斬絕地根。飛度五陰，名昇太清，真王監舉，無拘天門。東斗受性，西斗結形，北斗保命，南斗超昇，中斗大魁，總御生成。青帝通真，白帝衛靈，赤帝運化，黑帝結神，黃帝養育，萬善咸臻。九竅四體，悉獲生全。青天魔王，巴元醜伯。赤天魔王，負天擔石。白天魔王，反山六目。黑天魔王，監醜朗馥。黃天魔王，橫天擔力。五帝大魔，萬神之宗。飛行鼓從，總統神兵。麾幢震節，八道揚威。遊觀天地，開度死魂。自號赫奕，功用無窮。啓運生津，嚴攝北酆。靈真受命，普掃不祥。神龍吐毒，麟騎騰驤。天吏持麾，蕩化不祥。擲火萬里，流鈴八衝。敢有干試，拒遏上真。金鉞前戮，巨戈後刑，制令鬼爽，咸得昇遷。冤愆和會，盡獲釋形，魔無干犯，鬼無祆精。三官北酆，明檢鬼營。不得容隱，金馬驛程。普告無窮，萬神咸聽。三界五帝，列言上清。

洞虛妙化，海嶽河源，中有冥關，幽閉罪魂。冥冥眇眇，億劫長昏。上無天光，下無所安，風刀亂施，哺聲塞空。惟有元皇，太一之尊，普施慈惠，神力自然。拔除罪苦，敷落靈篇，赤書玉字，無上真文，超度魂爽，使入生門。梵氣彌羅，萬形開張。元綱流演，三十二天。輪轉無色，周迴十方。普被玄恩，皆得升遷。八景和合，氣入高玄。玄中太皇，上帝高真。浮景太霄，嘯詠洞章。金真明郁，流響雲營。玉音攝氣，靈風聚魂。紫虛鬱秀，輔翼萬仙。千和萬合，自然成真。真中有神，長生大君，無英公子，白元尊神。鍊化生死，拔兆屍形。太一司命，攝氣還神。桃康合延，三一帝尊。執符把籙，保命生根。上遊上清，出入華房。八冥之內，細微之中。下鎮人身，泥丸絳宮，中理五氣，混合百神。十轉回靈，萬氣齊仙。仙道貴生，無量度人。上開八門，飛天法輪。罪福禁戒，宿命因緣。普受開度，死魂生身，身得受生，上聞諸天。諸天之上，各有生門。中有空

洞謠歌之章，真王靈篇，辭參高真。第一度魂欲界飛空之音。人道易墮，塵心苦神。神勞散逝，杳杳沈魂。魂爽何所覺，忽爾離軀形。形化爲劫灰，魂魄歸無因。默默有舊憶，索索忘其親。舉目無三光，栖栖誰所鄰。鬼官肆酷毒，鞭撻常無停。隊忤如驅羊，渺渺沒冥津。鐵獄常燒然，惡烟起繽紛。積骸若丘山，涕泗如河傾。經劫罪業纏，死魂悲酸辛。神霄玉清王，出書度天人。元始靈寶符，超化能生神。

第二昇玄色界真王之章。絳闕南昌，景耀輝煌。萬神之家，生化之門。中有長生，大帝紫君。碧羽龍衣，飛青紫裙。手執黃籙，靈寶上篇。校功玉軒，昇度死魂。魂氣受鍊，結植靈根。神真運度，隨陽化升。昇玄契妙，水激火焚。炎炎流池，玉虹萬鱗。跨池爲橋，金光橫奔。無上七元，九幽罪魂。銜領符命，超昇化輪。乘雲馭風，與天相傾。

第三變化示體無色界真王歌曰

三天上境，元皇妙宮。迴超三界，鬱鬱靈光。中有大神，號曰真王。設化開度，萬道之宗。元始上帝，錫命靈篇。普告下司，罪苦昇遷。破蕩冥暗，普現光明。滅除禍害，永植福根。生死受度，仰承玄恩。冥曹解散，慶會長亨。威化所被，敢有不從。玉符保鍊，晏昞劫年。上無色景，與道同玄。碧空圓羅，億劫自然。

此三界之上，飛空之中，真王歌音，音參洞章。誦之百遍，名度南宮。誦之千遍，魔王保迎。萬遍道備，飛昇太空，過度三界，位登仙公，有聞靈音，魔王敬形，敕制地祇，侍衛送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及神霄真王隱祕之音。鍊度死魂，超登上遷，天壽九劫，罪愆冤仇，俱蒙和釋，理極奧妙，皆是大梵之言，非世上常

辭。言無韻麗，曲無華宛。故謂玄奧。難可尋詳。上天所寶，祕於神府青琳寶藏，依玄科應運下傳。若有至人齋信效盟質心，依舊格告盟三天，然後而付焉。

道言：夫天地育形，至道生神。形爲靈宅，神爲元靈。神風鼓鍊，天與其生。生迷道本，纏著罪緣。疑網癡獄，貪念爲愆，境物亂心，思慮攻神，精喪氣謝，形軀敗昏，五臟內腐，七情外奔，神宅喪壞，神去離形，沈淪幽苦，爲業所牽，善者生天，惡陷酆泉。死魂所賴，至道宣慈。靈文濟度，真符捧持。冥官拜首，真吏咸依。大梵之宗，元真是栖。同氣皆當齊心修齋，六時行香，十遍轉經，福德立降，魂升天堂。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，以度屍形如法，魂神經上南宮，隨其學功，計日而得更生。轉輪不惑，便得神仙。

道言：夫至學之士，修誦上清三

洞寶文，專持戒錄，幽栖山澤，清慮忘世。或積德行，陰功及物，父母師長，去世之日，欲濟度死魂，使超登洞臺，列名仙階者，當以五香鍊湯。沐浴屍魂，以青繒朱書元始靈文一十二符，布著玄宮之內，一形上下，謂以卧符。枕上符，面上符，兩手符，兩足履中符，安心前符，榔四面符，凡十二道。焚香，北向書訖。安時呪曰：道民王甲，生奉仙真。運終鍊化，形歸太陰。上帝神符，赤書玉文。濟度死魂，速付玉真。飛昇天堂，刻簡仙名。骨成蘭玉，面有金英。太一守屍，三官衛靈。忽然輕舉，上登太清。土下大殺，屍鬼百精。敢干神符，亂甲神明。天丁把斧，斬汝五形。山澤水火，風氣至真。護完甲屍，返生還魂。北帝驚咤，落甲死名。飛雲玉輿，朝謁紫庭。急急如律令。行符訖，更當修齋，行香，誦經。夫齋戒誦經，功德甚重。魂爽飛化，享福生形。下穰毒害，以度兆民，生死受賴，其福難勝。故曰無量，普度天人。

道言：凡有是經，能爲王公侯伯

兆民，行是功德。濟度之日，發心修齋燒香，誦經十過。皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中真王亦保舉爾身，得道者乃當洞明至言也。

諸天中大梵隱語無量音 道君撰

元始靈書度魂中篇

東方八天

英曜斗極，領帝都關。運推息數，水火流根。生道稟玄，聽天自然。解掖蛻謝，魂禧雙羅。圓體用神，曲阿明伸。愁真普玉，慶雲門臻。梵遷靈易，魂度八極。素華應曆，符行昂畢。

南方八天

鍊眸玉庭，籍檢女侯。勘蹟有爽，度昇昌都。機保作塵，赴謨皇猷。辜原升府，名曹奏智。璽選宰童，魔化悉既。玄應大察，冥拘寒池。爍流瓊傳，變合谷養。救釋靈幹，柏庸被經。

西方八天

蹄陽隔樗，卷烈飛野。黥截鬼筵，

由庭軒庚。符傳龍殿，悔昔平涓。生合神廬，兆互成人。穴液聚纏，果溶圍身。略靖司化，巡祇輔真。陷錮兵旄，井席相均。演由欽觀，滔輪鼓駟。

北方八天

棄蚓乞魚，勿頻懶蘇。詔逸靜王，慈並比圖。虐古韓鎖，婁移舌昧。罌詛委奪，默元衙沔。綽辨鄙齊，淵古靈回。猖無慶育，勅珞資俞。強奎翳斗，龍呼吳求。左將魁酉，變生遊嘉。

道言：此諸天中大梵隱語，無量之音，舊文書玄天北靈玉闕之上，以正北山艷泉鬼獄，禁制九都大鬼，濟度死魂，生化福鄉，神智逍遙。字皆廣長一丈。天真皇人昔書其文，以爲正音。有知其音，能齋而誦之者，諸天皆遣察錄神王，下觀其身，書其功勤，上奏諸天，萬神朝禮，地祇侍門，大勳真王，保舉洞玄，道備尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致神王下觀，上帝遙唱，萬神朝禮，三界侍軒，群祿束首，鬼精自亡，琳琅

振響，十方肅清，河海靜默，山嶽吞烟，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之五十六

# 靈寶无量度人上品妙經卷之五十七

## 解釋幽牢品

道言：昔於始青天中，碧落空歌

大浮黎土，受元始度人解釋幽牢妙品。元始天尊當說是經，周迴十過，以召十方，始當諸座。天真大神，上聖高尊，妙行真人，十方救苦天尊，玉清雲宮大慈天尊，大悲真帝，酆都九幽帝主仙官，無鞅數衆，乘空而來。十方起雲，混如丹色，瓊臺寶宇，隱顯太空，玉馬金龍，驂霞泛景，飛光鳳蓋，垂蔭珠軒，瑞彩天光，流煥四極，翦鬱淵映，明徹碧空，七日七夜。紅霞搖曳，遠幕神鄉，天都紫微，層影洞耀，丹殿星宮，瓊堂日闕，珠緯躔虛，玉綱流演，紫烟紛華，山海凝碧，瑞金爲界，色雲合防，清靜聖途，明無纖玷。衆真侍座，元始天尊玄坐空浮八山九海伏龍翔虎十極太玄之座。說經一遍，天帝鼓節，高真洞

詠，是時一國重冥陰域，一時光明。說經二遍，地下重壘三十六皇，俯伏恭聽，簡閱皇籍。說經三遍，氣流甘濡，灑潤枯朽。說經四遍，殺鬼滅爽，魔衆失聲。說經五遍，地吐芝英八十一種，頰蒼秀異，奇文燕胎。說經六遍，艷山震搖，黑海停沸。說經七遍，九幽地獄，萬里鐵城，業火熾然，億劫洞赤。說經之際，毒勢冰消，炎牢消蕩。說經八遍，靈霞布空，九色成字，真文廓現，赦諸罪人。說經九遍，暗氣凝雲，傷血隕雨，聞經穢淨，神風掃塵。說經十遍，屍骨欬起，靈顏鮮瑩，自然成人。是時一國是男是女，悟道知真，胞結解釋，冥關錄籍，字迹除脫，素幅鍊章，了無罪目，歸嚮天尊，咸遂生養。

道言：是時元始天尊說經一遍，東方無極無量品大慈九氣救苦天君，無鞅之衆，浮空而至。說經二遍，南方無極無量品大智三氣赦罪天君，無鞅之衆，浮空而至。說經三遍，西方無極無量品大明七氣執法天君，無鞅之衆，浮空而至。說經四遍，北方無極無量

品大惠一氣息苦天君，無鞅之衆，浮空而至。說經五遍，東北無極無量品大悲梵氣破獄天君，無鞅之衆，浮空而至。說經六遍，東南無極無量品除過梵氣九幽天君，無鞅之衆，浮空而至。說經七遍，西南無極無量品大心梵氣拔罪天君，無鞅之衆，浮空而至。說經八遍，西北無極無量品大仁梵氣玉匱天君，無鞅之衆，浮空而至。說經九遍，上方無極無量品普濟一十二氣萬福天君，無鞅之衆，浮空而至。說經十遍，下方無極無量品不動五氣玄母天君，無鞅之衆，浮空而至。十遍周竟，十方無極天真大神，無量天君，一時同至。一國男女，傾心歸仰，咸荷慈恩。下逮淪亡，俱霑聖澤。感嘆之聲，響動幽夜，鳥獸悲嗥，人鬼帳惋，來者有如沙塵飄委，嚮風傾注。於是元始遍視群生，彈指微笑，金口發光，光如皎月。上極無上，剛風頂際。下極水輪，泉曲九漏。無底陰谷，無不照見，一一光中，皆現三界衆生，善惡命根，宿報新緣，互相酬對，業果自明，心目同證。

此九旋行，暈成五色。下覆人間，上接天境。運如輕車，灼灼圓象，逡巡九道，狀如日出東蒙。十方同色，去地五丈，炯爍停空。元始登引，天真大神，上聖高尊，妙行真人，十方無極救苦天君，至真大神，無鞅數衆，俱入九色圓象之中。天人仰看，惟見拂拂從圓光中入，既入光中，不知所在，國人廓散，境宇如初。元始即於九色圓象之中，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，解釋幽牢，無有橫傷，傾土歸仰，幽顯披心。不怨不憎，不執不滯，不著不愛，不害不欺，不冤不爭。言必諧理，口有和聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音，亦是魔王內諱，百靈之隱名也，非世之常辭。上聖已成真人，通玄究微，能悉其章。誦

之十過，則諸天遙唱，九幽啓關，冥海靜默，業山傾摧，光徹幽夜，積劫累代，縲繫鬼都，籍在三官，朽骸積屍，魂魄囚考，黑氣腥腐，破膽裂腦，火山冰池，焚爍烹瀆，以萬計期，無有晝夜。聞此

玉文天真靈篇，則太一錄魂，南丹鍊神，神還識明，捨妄歸真，鬱結冤負，應時清明，太和真氣，入其身形，蓮花捧履，龍瑞扶顏，與天人樂，大魔伺迎。至學之士，誦之十過，則岱宗凜命，紂絕凜恭。此君奉書，陰曹削名。泥丸玄堂，七祖故氣，氤氳未開，內構胎血。百節蟲官，骨中注吏，地虎風獸，啖骸食氣之鬼，守禦泉府銅大火蛇之神，惡烟四激，窮魂茫昧，神官切齒。百里洋鑊，千尋鐵壘，不見三辰。詎曉道境。真知沈淪，罪根駢委，牽連生人，追呼族緒冢宅之訟，誣告天司，冥漠無所，一時萬死，痛毒終天。聞此洞篇，魔帥弭節，黑帝停軒，往劫古爽，近世苦魂，道力陶冶，變酷消仇，玉曆定科，紫雲覆座，神風調逸，墮魄飛昇，死尸無拘，逍遙三界。輕誦此章，身則被殃。供

養尊禮，門戶興隆。世世昌熾，與善因緣，萬灾不干，神明護門。斯經尊妙，利樂幽靈，度人無量，爲萬道之宗。巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而有億劫結魂，千載滯爽，太上不以聞宥，上帝不以恩原。禁獄幽牢，在女青天一。王平女沙，九陰大禁，都司檢形，五老校錄，暗黶芒窈之穴。毒風醜類。蘊墮四瀆，海閭枯削。寒丁大魔，勅制之魅。誦此洞章，歛然自生。光梵變玄，屍背得度。與神同昇，洗除罪咎。青籙紀名，刺奸司非。不得鼓蝟，鋒之斷筆。韓君丈人將折簡於螭笈，是皆玄司九幽酆泉之重刑。此經解釋，渙爾泮散。而好學至經，功滿德就，皆得神仙，飛昇金闕，遊宴玉京也。上學之士，修誦是經，節關開通，胎真明正，洞陰一府，六峰遊精，隨氣變化，與時出入。或感人呼吸流毒飲食，因葛梗以兆體，假冥漠以潛靈，九府捕

索，三官定書，經道至神，皆即受度，飛昇南宮。世人受誦，誠貫十天，幽牢苦爽，祖世親緣，紀過泰山，刊名北都。皆得鍊質丹陵，瑩魂炎海，誦聲成雲，載此冥魄，逍遙太無，過度輪轉，不經生死。奉行之者，則延壽長年，後皆得作屍解之道，魂神暫滅，不住地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，爲上世亡魂，斷地逮役，度上南宮。詣三元洞宮主生太陽火官，焚除罪簿，赦免吞火食炭，洋銅沸鑊，銅柱鐵床，燒烹炮烙，衆苦之罰。經道神力，變成清池，獄具惡器，悉爲蓮花。七月長齋，誦詠是經，爲上世亡魂，祖考宗姻，昇遷鍊化，削滅罪緣，慶流孫曾，詣三元洞宮主死太陰水官，漂蕩刑書，滌濯元覺，

淨除溟波，海瀆沒溺，寒夜冰池，雷震霹靂，泉曲徒役，絞水暴注，湍激驚濤，衆苦之罰，經道神力，變成安室，獄具惡器，悉爲樂玩。十月長齋，誦詠是經，爲上世亡魂，姑妣姊妹，往逝婦姬，解斷徵呼，復連傳逮。詣三元洞宮主生死罪錄官，釋放考掠訊訟，簿錄證佐，對定冤仇，銜負悔恨，暗鳴追召，衆苦之罰。經道神力，變成德友，獄具惡器，悉爲珍寶。八節之日，誦詠是經，奉詣九宮直符，九府直事，八方大獄，九幽泉牢，開通八門，受生八道，天人鬼神，地獄餓鬼畜生，魔帥妖魅。出離禁獄，各乘生功，度脫九幽，爲大施者。本命之日，誦詠是經，爲北斗司命司錄，主非典禁，命在斗宮，計年期月，追召生魂，上諸斗宮。校定罪福，度脫三灾四殺，五苦六害，七傷八難，九厄十極，事在三元考官，冥曹譴謫，衆苦之罰。經道神力，不有害傷，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐青黃白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圖象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂。修行至經，無量度人。願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，解釋幽牢，開光度人，諸天隱韻，離合自然。太始無文，杳冥中真。元氣化生，紫烟氤氳。風火陶埴，流精自凝。支勢低回，鏤玉鎔金。垂芒駕霞，采市十方。混沌赤

書，命意寫形。離爲萬象，合爲寶經。累珠貫花，激濁揚清。五老吐符，皇人寫靈。造化以成，三界開明。天以之清，地以之寧，人以之生，神以之靈，物以之成。梵氣左騰，春夏肇興。天光右馳，秋冬滋營。元始上帝，命曰玉真。上無復祖，惟道爲身。五文開廓，普殖神靈。三辰揚輝，鬱羅玉清。九壘植根，冥渺酆城。下有天魔，與道同生。羅山龍源，醜都肆奸。蕩蕩億程，洞宮熒凌。中有萬鬼，鼓鐔巨兵。獄考幽陰，大劫匪捐。火鐵億壘，天地無門。大悲道王，天中之尊。口放神光，光顯玉文。瑞霞絡碧，鳳氣成雲。禁獄乃開，黑界光明。九龍銜符，鍊度種人。是爲大梵，天中之天，繁蒼庶生，知識自營。內構巨業，默與神爭。神本自天，元惡相纏。苦魂冥冥，墮拘重泉。鬼帥執契，虎卒仗鞭。按券呼名，敢干我前。黑甲噴火，電母攝仙。萬毒備形，閉以天關。沈目塞耳，寥邈南丹。哀企玉符，赦此幽艱。碧空莽莽，九劫重山。太上黃旗，司命騁轅。告

命九陰，典宰司殺。元童都禁，大君北陰。大神司錄，主筭捕魂。化生四明，五嶽泰山。丈人解釋幽牢，無量度人，今日校錄，諸天臨軒。

東方無極道化神王，長生大聖，無量度人。  
南方無極度生神王，長生大聖，無量度人。  
西方無極堅德神王，長生大聖，無量度人。  
北方無極玄照神王，長生大聖，無量度人。  
東北無極救苦神王，長生大聖，無量度人。  
東南無極拔罪神王，長生大聖，無量度人。  
西南無極濟苦神王，長生大聖，無量度人。  
西北無極赦罪神王，長生大聖，無量度人。  
上方無極昇度神王，長生大聖，無量度人。  
下方無極普惠神王，長生大聖，無量度人。

人。

十方至真慈化神王，長生大聖，無量大神。並乘流雲彩車，紫蓋彤輪，驂駕綠象，白獸斑龍，建招神之節，返生靈旛，前合九真之曲，後奏八會之音，天馬麒麟，騰躍辟非，六丁啓道，七耀捧轅，億乘萬騎，浮空而來，傾光回駕，監真度生。北陰右相，洞淵化宮，三元助理，太上靈君，執錄持符，同會帝庭。隨所開度，嚴誓百神。普告黃闕，無極幽關。悲歌九映，故試天魔。六天治獄，萬鬼之營。冰池沸鑊，銅柱火山。飛戈飄戟，巨石刀輪。三塗長役，五苦夜河。虛皇有命，皆使超升。北都寒池，部衛形魂。制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永斷幽沈，苦趣之難，超凌三界，受鍊洞陽。洞陽之天，天帝道元，無色之境梵行。

東方八天

玉餘明報天，帝蔚覽真。  
蒼靈洞籍天，帝耶殊覺氛。  
妙極神際天，帝錄多清夷。

長智通奇天，帝元胎保真。  
救寂惇和天，帝元胥子明。  
玉回霞緒天，帝招靈款神。  
赤瑜寶淨天，帝珈輔龍琛。  
道明雲覬天，帝清宣左聲。

南方八天

德育正化天，帝傳明道因。  
玄靈妙濟天，帝粵須延生。  
虛璲澄廉天，帝露憫遞聰。  
彰容克間天，帝彥韋常臻。  
奏須曆靜天，帝婆藍宛都。  
太妙希玄天，帝招真烈元。  
和遲竟觀天，帝部陀鬱彌。  
深極勝離天，帝明朝紫賓。

西方八天

鬼樞星映天，帝光輿羅軒。  
超氣皇度天，帝柏華月璘。  
昭寅澄觀天，帝至輔虎林。  
蕩拂遠想天，帝覺慮騫奚。  
靈微四極天，帝彥光平舒。  
月廣耀虛天，帝布華總陳。  
昌宜管祖天，帝畢康參。  
勅嚴制魔天，帝開圖祖玄。

北方八天

紫華慶陽天，帝辯惠源。  
常憫亟濟天，帝羅遜義淵。  
征旗闢廬天，帝虛岐杳宗。  
彊明拯機天，帝魯評煒。  
太極允明天，帝未京左丘。  
濯儲烈和天，帝曜童齒南。  
浸微液華天，帝潞靈宛寧。  
河都曲泉天，帝江定英。

三十二天，三十二帝。諸天隱諱，

諸天隱名。天中空洞，自然靈章，諸天  
隱韻，度幽之音。降幽之尊，感幽之  
神，解釋幽牢，化度群靈。九幽十極，  
變化幽冥，無量之奧，深不可詳。道出  
神真，普度窮魂。今日欣慶受鍊，歷關  
諸天，請滅三惡，斬絕地根，飛度炎池，  
名列太玄，魔王監舉，無拘天門。東斗  
主訟，西斗司刑，北斗出命，南斗變生，  
中斗降神，魂魄以靈。青帝授性，白帝  
造形，赤帝傳識，黑帝運精，黃帝養胃，  
出納分明。木獄神王，考掠爭析。火  
獄神王，燒焚烙灸。金獄神王，斬摧鑿  
戈。水獄神王，寒冰凝冽。土獄神王，

陷壓埋壘。五獄大魔，禁獄之宗。飛  
行肆兇，總領鬼兵。持刀負鑿，鼓氣成  
風。屠割幽爽，酷慘莫容。上天度人，  
勅告北酆。鬼相稟命，晶晶效祥。鐵  
城摧圮，火網不張。肩雉按戟，冒虎執  
鎗。威具咸息，惡氣殄亡。獄化仙苑，  
人道翱翔。敢有干試，拒遏上真，金鉞  
前衝，玄纛後停。屍鬼得度，衆苦斯  
平，千千出獄，萬萬賦形。魔王審對，  
鬼神考情，三官北酆，明檢鬼營。不得  
容隱，金馬驛程。普告無窮，萬神咸  
聽。三界五帝，列言上清。

元陽玉匱，區別冥魂。大劫極於  
陽九，小劫極於陰六。是時水騰火飛，  
九六爲變，兵刃誅刑，山嶽搖響，宇傾  
宙移，風烟雜亂。神州玉京，太玄之  
庭，眇眇億劫，非晦非明。上達八剛，  
不動之界，下極種民，不易之鄉。崑崙  
龍淵，玉州黃庭，三灾不干，有諸清靈。  
明爽之魂，皆道氣之佑，不遷不馳，自  
無營營。元始大慈，赤書合明，煥爛玉  
屈，霏縻紫清。鳳戴龍負，赦釋苦靈，  
有在三官，動經億劫。成壞之變，業累



無解。囚閉幽牢，劫載拘留。墮黑暗城，眇眇之中，上極無色，下極無淵。風震九虛，不知其天，無光無明，洞幽洞冥。形影窮極，出入死生。汨汨混海，昧魂交局。鎖鑄鉤鉗，同業積生。玉章開明，運度自然。玄老奮戈，龍銜五篇，赤書紫圖，青華虎文。芒回露披，金斗炳分，保制劫運，使天長存。陰爽結羅，道力開張。北山元阿，徂東陂陀。惡根流演，三十六都。輪轉井獄，周回九幽。斗箕之緯，旋歷五場。萬八千牢，總氣三元。六洞列宮，氣入太玄。玄中大魔，業等高真。浮氣鼓烟，承聽玉章。金馬驛告，拔宥鬼營。清歌召神，蘭音輔真。冥滯決舒，隨感受生。聖真布化，無幽不聞。左嘯紫童，右扶帝宸。陽健陰闢，元精化身。千和萬合，自然成人。輪轉五道，假受成形。形中有神，長生大君。無英公子，白元尊神。太一司命，桃康合延。執符把籙，保命生根。三官錫符，嶽帝紀名。隨宿命緣，三界乃生。上極皇曾，色界之天，桂館華房，八冥之內，細

微之中。下及酆羅，洞陰玄宮，中分九類，二十四生，泉瀆嶽磧，冥漠鬼神。十轉幽關，苦爽齊仙。仙道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞謠歌之章，救苦靈篇，辭參高真。

第一泉曲府滅罪濟苦天尊解釋幽牢飛空之音

長川浩浩，洪流九源。波惡毒兮，汨沒沈淪。業纏結兮，攝縛牽連。大穴極無底，杳杳藏萬凶。冥冥衆苦爽，受報北羅酆。汲汲泉山下，督責冤何窮。鬼吏考業體，哀號震寒空。罪目在三官，苦網脫無門。飛天下太元，八道開幽關。洞文燭長夜，拔度受生魂。萬劫永逍遙，稽首荷玄恩。

第二九幽府開光拔罪天尊解釋幽牢之章

崑丘嵯峨，仰祝八騫。遐觀十天，四睇諸方。九幽大神，變化億身。善功刻名，朽骨成仙。太一在上，綠宮光

連。幽壤在下，穢氣紛紛。黑山東兮，鬼獄長存。鐵牢依南，萬劫火然。遙遙九空，流浹道恩。狴域清蕩，嚴降高真。鍊鬼登玄，金籙簡文。識坐蓮胎，慶得度靈身。不經三途，世世爲人。慶雲飄飄，琅琅玉音。

第三酆都府五靈洞陰天尊歌曰  
北淵潭潭，氣貫鬱羅。鬼門四關，

酆山嵯峨。六天九府，是鬼神家。癸海億萬，嵌巖獸都。洞陰流光，潛通太虛。元始真王，伏御衆魔。飛雨甘露，續委天葩。瑞臻福應，度魂其多。功德咸備，遏截妄邪。惟道爲謀，罔試于他。內真自充，神登三華。永謝羅酆道，仙境由是過。超昇紫雲上，脩脩入無何。

此三府之上，飛空之中，高真靈音，音參洞章。誦之百遍，名度南宮。誦之千遍，普攝魔魂。萬遍道備，解釋煩冤，超度三界，簡刻太玄。有聞靈音，魔王敬形，勅制地祇，侍衛送迎，拔出地戶，五苦八難，七祖昇遷，永離鬼官，魂度朱陵，受鍊更生。是謂無量，

普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及至靈冥尊隱祕之音。皆是大梵之言，非世上常辭。言極幽黯，歌洞靈筌。故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人下濟泉扃，拔度幽窮，救死回生，齋金寶質心，依舊格告盟十天，然後而付焉。

道言：夫依業託識，依識顯神。神爲來往之主，識爲死生之根。神識業因，三者爲一。萬劫蒙蔽，不脫幽關。神雖不遷，因業外變。六道四生，天魔秉權。注籍斯艱，業力脗合。氣精流傳，歛爾爲人。福命所懸，貧富貴賤，簡記本緣，神風運轉，萬形允宣，生死之時。同氣皆當齊心修齋，六時行香，十遍轉經，福德立降，消諸不詳。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十遍，以度屍形如

法。道業淨戒之魂，在三官保命府左右侍中仙卿之間，校記玄功者。即得乘駕飛龍，侍軒帝宸，修真鍊道，致一守神之魂，在東華清虛東榮童初，遊散進功者，即得御素輶於北元，朝太極於上宮，位證高仙，預治天政，主化行權。清明苦爽，隨世希仙，三乘之魂，在山川福壤主者之任者，魂神經上南宮，隨其學功，計日而得更生。轉輪不惑，便得神仙。

道言：夫道無終始，人有死生。惟一真大神，與道同體，永無變滅。業風乘神，搏識滅性，假於形類，形同於物，故有終盡。終盡者，形之氣，氣之限。至神不終。世人惑妄，認爲死生。執於業識，墮於地獄，迷蔽自惑，鬼官執錄，永閉幽牢，黑暗萬重，不睹圓曜。元始運悲，神文光麗，玉書散芒，醜形得度，計日超昇，冲氣滋融，靈眸煒煥，臨將鍊易，皆當修齋，行香誦經。夫齋戒誦經，功德甚重。上通九天，保鎮帝王。下濟冥途，以度罪魂。生死受賴，其福難勝。故曰無量，普度天人。

道言：凡有是經，能爲歷劫幽魂苦爽，無量冥途，行是功德。開度之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中魔王亦保舉爾身，得道者乃當洞明至言也。

諸天中大梵隱語無量音 道君撰

元始靈書解釋幽牢洞篇

東方八天

歷阜輿衡，謨民越琳。迺池宛敷，果箕拒藍。崔波雲阨，魔夷鹿彬。滴無彥嘉，明微奴銜。至陳耀廬，仙期阿曇。劍島玉提，魔棲珞敦。鬼星臯房，覺體運元。善憫綠華，敵司毗南。內八字岱宗禁司。

南方八天

霄虛敞熾，遠釋皆賓。墟除岡寧，偃南俎澄。月斗羅稽，孟昏祉榮。寥扈景瑰，紫微胡凌。波陀臺阿，照徂曲征。命延佐蕪，路百祠輪。道定虞渚，

歷正孚瓊。兆堯柏巒，洞清湊營。

西方八天

奏度球疑，冲朋聯棲。此八字爲九幽

太一號。迷盧蘇支，寂幾渠施。汶漠

鑿，神斗玉儀。觀侔合積，噓持米離。

玄方碧羅，陽志荒時。七覺遙祖，卷逋

索達。霞敷瑄姬，景育度元。混幾央

畢，鼓龍澤歌。他墀半飛，龍晶由岨。

內八字鄂城官諱。

北方八天

玉蹊亂基，日淵孟池。溥載願列，

坡荒元祠。絳洞妙弼，丘日蘊飛。定

芒混逐，坤齊建蒙。激馘鬼鄙，煙營方

仇。卯畜既明，菩郎罕投。幽歌寒呱，

烈燔夢遊。戟旦悅支，仙都霞周。內八

字玄老內名。

道言：此諸天中大梵隱語，無量

之音。舊文書太玄北闕五靈長樓之

上，以開度泰山九幽，羅酆泉曲，冥關

累苦之魂，繫在三官，不得自明，逍遙

玄空之者。丹書揚之，以濟淪苦。昔

天真皇人詣夜光元后，模倣書之，字皆

廣長一丈，八角垂芒，委宛如印，九六

之會，離爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上真。道備尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致地獄釋縛，長夜開曉，幽牢陰界，息苦超生，人道安寧，鬼途解脫，碧宮霞覆，丹陵發光，鎮靜海嶽，福及萬生，天垂彩耀，地湧玉英。冥慧洞清，大量玄玄也。

靈寶无量度人上品妙經卷之五十七

靈寶无量度人上品妙經卷之五十八

迴生起死品

道言：昔於紫空耀景天中，玄風洞歌大靈妙土，受元始度人迴生起死無量上品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。靈輝耀虛，瓊車玉輿，扶華宸蓋，雲旌四張，瑞靄交鬱，彌羅八纏，五日五夜，諸天諸地，陰陽機運，一時停回，玄綱振肅，海嶽澄明，品物咸和，普安其生，一國地土山川林木，凝鮮一等，無復殘毀，土皆作異寶，燦麗熠熠。衆真侍座，元始天尊玄坐空浮萬氣雲華寶座之上。說經一遍，諸天大聖同時稱善，是時一國男女，禍害不作，無有天傷。說經二遍。灾病蠲消。說經三遍，翁艾返嬰。說經四遍，垂死得生，壽獲永延。說經五遍，死入輪轉，

即獲昇遷。說經六遍，沈屍九鍊，陰質迴生。說經七遍，受化太玄，枯骨復形。說經八遍，普世明悟，道性還淳，尚德貴正，斷滅奸邪。說經九遍，學道得道，求仙得仙。說經十遍，妙氣周備，混合神明，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品道化大神，無鞅之衆，浮空而至。說經二遍，南方無極無量品明性大神，無鞅之衆，浮空而至。說經三遍，西方無極無量品結氣大神，無鞅之衆，浮空而至。說經四遍，北方無極無量品開慧大神，無鞅之衆，浮空而至。說經五遍，東北無極無量品生魂大神，無鞅之衆，浮空而至。說經六遍，東南無極無量品育形大神，無鞅之衆，浮空而至。說經七遍，西南無極無量品保命大神，無鞅之衆，浮空而至。說經八遍，西北無極無量品延年大神，無鞅之衆，浮空而至。說經九遍，上方無極無量品迴生大神，無鞅之衆，浮空而至。說經十遍，下方無極無量品起

死大神，無鞅之衆，浮空而至。十遍周竟，十方無極天真大神，一時同至，一國男女，傾心歸仰。一切淪化沈冥屍過，蒙被道恩，生氣入身，既死返形。來者有如山嶽出雲，四塞彌漫，無鞅之衆，迨國一半土皆偏陷，非可禁止。於是元始開七寶山，啓無邊目，約衣斂几，凝觀遐想，以告衆真曰：衆生迷誤，罔覺玄真。既離胎育，情逐化遷，緣類隨著，遂生業因，業累敗性，徇識爲愚，利害交攻，情色蕩意，初爲幼稚，逮于壯時，顧視之間，已及於老，焦牢枯竭，生氣旋盡，至於死壞。殊不知道爲生德，生爲道根。心存於道，常與生俱。物有生死，道無生死。存道於形，生氣自續。數極形盡，道復能生。生道既固，不從化遷，保形不化，永存綿綿，迴生轉死，上真所崇。今爲衆等開演妙本，普度無窮。於時元始振揚華拂，景霧四騰，如雲如煙，靄浮空際，去地九丈。元始攝引，天真大神，上聖高尊，妙行真人，十方無極至真大神，無鞅數衆，俱在景霧之中。地還平正，無

復欹陷。元始即於景霧上，說經都竟，衆真監度，以授於我，當此之時，喜慶難言。法事粗悉，諸天復位，倏歛之間，寂無遺響。是時天人遇值經法，普得濟度，永植生根，無有沈淪，傾土歸仰，咸行道心。不競不擾，不任不勤，不念不欲，不貪不嗔，不營不思。言無藻麗，口無怨咨，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是真王迴生起死內諱，百靈之隱名也，非世之常辭。上聖已成真人，通玄究微，能悉其章。誦之十過，諸天攝氣，萬道齊真，靈化開宣，咸受玄恩，生津永啓，召魄收魂，沈零結育，以返屍形，迴生起死，白骨成人。至學之士，誦之十過，則五帝命靈，三元策真，靈真降合，死道散墮，濟度垂死，絕而得生。所以爾者，學士道氣未純，體未契真，保制萬神，德未全至，用可回度命機，開導生

津，但起死而已，不復轉輪。輕誦此章，身則被殃。供養尊禮，門戶興隆。世世昌熾，與善因緣，萬災不干，神明護門。斯經尊妙，獨步玉京，度人無量，爲生道之宗。巍巍大範，德難可勝。

道言：凡誦是經十過，諸天齊到，生道開明，返化結軀，億曾萬祖，幽魂苦爽，亦皆受度，上昇朱宮，格皆九年，受化更生，得爲真仙。而好學至經，功滿德就，皆得舉形，飛昇金闕，遊宴玉京也。上學之士，修誦是經，皆即受度，飛昇南宮。世人受誦，則延壽長年，久視無窮，後天長存，運數雖極，並皆得作解化之道。遁變神明，不經絕滅，常欣保榮，逍遙十天。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，告盟神霄而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，爲拔

度衰亡死滅極會之灾，得保生存。七月長齋，誦詠是經，神氣常全，厄難蠲消，名奏青籙，當獲長生。十月長齋，誦詠是經，爲普天率土，保度民物，仁壽咸臻，與天無傾，世世衍溢，戴仰人君，安鎮國祚，萬劫昇平。八節之日，誦詠是經，造化不愆，金木交並，神氣和同，養育皇靈，枯朽更生，受其鍊度，得證仙真。本命之日，誦詠是經，身保清貞，體用日新，禍患永消，長享福祥，天曹錄善，地司滅連，慶延七祖，名奏三天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐青黃白三色雲氣之中，內外翳冥，有青龍、白虎、朱雀、玄武、獅子、白鶴，羅列左右，日月照明，洞煥室內，迴生起死，玄化大神，侍衛前後，項生圓象，光映十方，如此分明。

密呪曰：無上玄元，太上道君，召出臣身中三五功曹，左右官使者，侍香玉童，傳言玉

女，五帝直符，直日香官，各三十二人，關啓所言。今日吉慶，長齋清堂。修行至經，無量度人。願所啓上徹，徑御無上三十二天元始上帝至尊几前。

畢，引炁三十二過，東向誦經。

### 元始無量度人上品妙經

元始洞玄靈寶本章，迴生起死，萬變度人。真王隱韻，混合自然，玉虛妙文，總括至神。元始之初，洞化玄元，肇明三氣，生育萬靈。是爲道本，無所不真，陰陽總會，玉華煥彰。無文不真，無文不明，無文不立，無文不成，無文不度，無文不生。是爲大梵，妙粹之宗。紫清上京，瓊室雲房。極真所御，生化之根。浩浩帝氣，或聚或分。朱陵丹天，瑤臺閬風。玉宸紫館，方諸鬱青。巡布流衍，周迴十方。中有度人起死之神，中有迴生結化之君，中有三素元君大神，中有十方皇靈丈人，中有南上司命司錄、延壽益筭度厄尊神。迴生起死，無量度人。今日校錄，諸天

臨軒。

東方無極度命神王，長生大聖，無量度人。

南方無極鍊魂神王，長生大聖，無量度人。

西方無極衛質神王，長生大聖，無量度人。

北方無極保化神王，長生大聖，無量度人。

東北無極致仙神王，長生大聖，無量度人。

東南無極寶氣神王，長生大聖，無量度人。

西南無極迴生神王，長生大聖，無量度人。

西北無極起死神王，長生大聖，無量度人。

上方無極超形神王，長生大聖，無量度人。

下方無極成德神王，長生大聖，無量度人。

十方至真飛天神王，迴生起死無量大神。並乘灝彩梵氣，金宸紫翠，流華景

雲，瓊鑾散花，八威羽輦，絳旂組帷，霞輪珠蓋，驂駕龍鳳，建執巾幢，前嘯玉真齊唱，後吹簫籟同鳴，獅子白鶴，嘯歌嗷嗷，六真啓途，四將翼轅，億乘萬騎，浮空而來，傾光回駕，起死迴生。天機丞相，南昌上官，韓司主錄，監生大神，執籙把籍，齊到帝前。隨所應度，嚴校諸天。普告三界，無極神鄉，泉曲之府，北都羅酆，三官九府，十二河源。速召司命，迴生命還，筭窮增壽，形死易籤，句姓移名，黑籍灰焚。上解祖考，億劫種親，疾除罪簿，落滅惡根，不得拘留，逼合鬼群。元始符命，時刻昇遷。北都寒池，部衛形魂。制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三途，五苦八難，超凌三界，逍遙上清。上清之天，天帝洞真，無色之境梵行。

東方八天

洞幾寂夷天，帝重光晞明。  
孔常茂祺天，帝瑤旁祖璫。  
彥麗漢度天，帝翹亞寵璐。

南方八天

昌治杭銖天，帝方詵九圖。  
冲忽晝虛天，帝就攸爰表。  
雍田禧福天，帝覺龍燕斤。  
全遙無思天，帝斗巨莽沙。  
側清舉藝天，帝侯符命連。  
角千火杵天，帝霞鮮明尊。  
洞微浩陽天，帝和裔並耀。  
起龍進成天，帝藻濟倣。  
滌極鵬祥天，帝褒允嘉。  
峻房光重天，帝定中慈昇。  
泊正由仙天，帝邈思雲襄。  
空玄懷漠天，帝輔寧氏安。  
崑嶼芳凝天，帝妙曩滋來。  
寶熙列儀天，帝邈師至京。  
道維部需天，帝九宸微樞。  
歷陶極真天，帝迴贊育敦。  
慶緒統皇天，帝蒲延已存。  
制魔曠猷天，帝澤煥頤洄。  
亮恭侍祥天，帝敷遠頓章。  
溶境麗光天，帝玉支鹿步。  
夏琳朱府天，帝月嬰無將。

西方八天

洞幾寂夷天，帝重光晞明。  
孔常茂祺天，帝瑤旁祖璫。  
彥麗漢度天，帝翹亞寵璐。

北方八天

聚咸承籍天，帝演題池瓌。  
馬應崇元天，帝頌頤布靈。  
蘿暲福世天，帝神洋觀璞。  
詔印八鸞天，帝都仙機。  
逸登翠廓天，帝燄摻披堂。  
霄庭應朝天，帝慧總龍。  
釋虛素文天，帝玄元神長。  
梵元勝樂天，帝行維上監。  
三十二天，三十二帝。諸天隱諱，  
諸天隱名。天中空洞，自然靈章，諸天  
隱韻，召生之音。立命之尊，感化之  
神。變化屍魔，出胎成靈。陽和陰合，  
降氣上清。無量之奧，深不可詳。敷  
落神真，普度天人。今日欣慶受度，迴  
生起死，歷關諸天，請滅三惡，斬絕地  
根，飛度五苦，命生太玄。魔王監舉，  
無拘生門。東斗送魂，西斗筮魄，北斗  
定品，南斗課年，中斗主福，大魁保生，  
周護三台，總監衆靈。青帝知覺，白帝  
興能，赤帝動識，黑帝鍊精，黃帝受形，  
萬神居身。青天魔王，迴生繼絕。赤  
天魔王，還氣甦血。白天魔王，引息如

繩。黑天魔王，六用通靈。黃天魔王，  
制鬼育嬰。五帝大魔，萬神之宗。飛  
行鼓從，總領鬼兵。麾幢鼓節，遊觀太  
空。自號赫奕，與天齊功，上天度人，  
嚴攝北酆。都天受命，普掃不祥。八  
威起死，枯朽更芳。神龍列馭，真吏揚  
威。天丁呼魂，大帥舉身。百神返歸，  
玉輅金軒。死注斷絕，鎖鬼北山。擲  
火萬里，流鈴八衝。敢有干試，抱遏上  
真。金鉞前戮，巨天後刑。屠割鬼爽，  
風火無停。千千截首，萬萬剪形。魔  
無干犯，鬼無祆精。三官北酆，明檢鬼  
營。不得容隱，金馬驛呈。普告無窮，  
萬神咸聽。三界五帝，列言上清。寰  
虛遐默，劫胞混康。眇眇億萬，生化混  
沌。外無定色，內無定淵。風行六虛，  
金液浮天。天上天下，無幽無冥，無形  
無影，無極無窮。溟滓大梵，遼廓無  
光。中有至精，自知自生。覺亦無覺，  
明亦無明。不以覺明，道化全神。神  
來即生，神去即死。生即胎謝，死乃蒂  
落。氣接神生，氣索神消。血結骨枯，  
挺然屍居。九蟲爲魅，蝕腦啖髓。藏

神泥丸，生道固天。神不去身，起死成  
人。爾有道力，枯骨更生。死滅冥默，  
魂遊魄息。如劫未開，昏昏寂寂。赤  
明開圖，運度自然。元始安鎮，敷落五  
篇。赤書玉字，八威龍文。保制劫運，  
使天長存。梵氣彌羅，萬範開張。元  
綱流演，三十二天。輪轉三界，周迴十  
方。旋房歷心，迴生起死。還返五常，  
三十五分。總氣上元，八景冥合。氣  
入玄玄，玄中太皇。上帝高真，泛景神  
霄。嘯詠洞章，金真煥擲。流響雲營，  
玉音攝氣。迴風聚烟，紫虛鬱秀。輔  
翼萬仙，千和萬合，自然得生，生命有  
神，長生大君。無英左官，白元右神。  
太一包識，司命頒靈。桃康氣元，合延  
母精。執符把籙，追死更生。上遊上  
清，出入華房。八冥之內，細微之中。  
下鎮人身，泥丸絳宮。中理五氣，混合  
百神。十轉回靈，滌鍊神形。三一還  
真，萬氣齊仙。仙道貴生，無量度人。  
上開八門，飛天法輪。罪福禁戒，宿命  
因緣。普受開度，死魂生身。身得受  
生，上聞諸天。諸天之上，各有生門。

中有空洞謠歌之章，迴生靈篇。辭參高真。

第一欲界飛空迴生之音

太空之中，無有內外。一熒生光，變此天地。天地何生，熒光爲神。神立成氣，氣亦無形。無形無名，化生三清。乾坤萬類，以此得生。能保此生，生來無蹤。天道貴生，鬼道責終。終盡其氣，不終其神。神無終始，和以天均。自然迴生，死壞不經。死者神逝，胡不留神。神其可留，生死俱濟。屍形委委，見性忽無。見無所見，與真爲徒。骨有玄空，氣入如風。欻然神至，笑語形容。此道維何，以意合玄。玄通靈感，自然而然。靈文迴玉算，萎屍返五官。我誦上清章，制魔詣可韓。執契告司命，沈冥立生還。

第二色界起死長生之章

赤扉景霄上，環日流紫煙。中有綠衣人，吹簫乘白蓮。稽首玉清王，校籍徵萬仙。執籍招九魂，秉策開八關。命窮呼帝皇，寶杖指神還。延生佩黃縷，赤書鬱爛斑。七魄入藥房，玉女啓

瓊軒。羽蓋羅太上，青龍遶烏鸞。白雲迴絳宮，靈光舞胎仙。命魔塞寒池，誅奸瑩奇泉。滅形無常鬼，恭誦大有篇。百神守太玄，流珠響珊珊。靈津濯枯枝，柔條翳蘭鮮。真氣洒八極，玉骨同蛻蟬。上道貴簡妙，祕語寧輕宣。

第三無色界高上神霄玉清王歌曰

眇眇玉闕，碧頂在上。梵氣如河，流演八天。鳴湍寫鍊，沸濤絞雷。我氣炎衝，萬物生回。三界有生，俱承妙氣。黃紿金液，山橫鼎峙。賦其巨者，高真仙王。與其細者，公侯佩璫。研丹比豆，玉京俄就。日月交飛，我命長久。亶亶繁生，握珠自得。不知太空，玄道是則。化機不運，三界休息。真一未明，五行爲賊。顧彼嵯峨，風謠空歌。咳笑浩劫，神都可過。我位上王，萬變玄中。惠兆絕命，九竅互通。返屍主形，致天六龍，至陽若無有，感和忽玄同。

此三界之上，飛空之中，真王歌音，音參洞章。誦之百遍，名度南宮。誦之千遍，靈魔保迎。萬遍道備，飛昇

太空，過度三界，位登仙公。有聞靈音，迴生返形，勅制地祇，侍衛送迎，拔出地戶，五苦八難，七祖升遷，永離鬼官，魂度朱陵，受鍊更生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及

神霄真王隱祕之音。招致生真，還復屍魂，九宮揚靈輝，三府凝玉津，身被紫景，面澤朱光，超凌玄都。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於神霄玉清上宮東華寶室，依玄科應運下傳。若有至人齋金寶質心，依舊格告盟十天，然後而付焉。

道言：夫天地運度，亦有否終，日

月五星，亦有虧盈，至聖神人，亦有休否，未學之夫，亦有疾傷。凡有此灾，皆可迴還生氣，起濟窮絕，同氣皆當齊心修齋，六時行香，十遍轉經，福德立降，消諸不詳。無量之文，普度無窮。

道言：夫末學道淺，或仙品未充，

運應滅度，身經太陰。臨過之時，同學



至人爲其行香，誦經十過，以度屍形如法，則生神赴身，宮室開明，死戶閉塞，穢胞蕩清，天機玄省，南昌上宮，返其魂神，隨其學功，計日而得更生。轉輪不惑，便得神仙。

道言：夫迴生起死，靈寶所重，神霄禁書。大至天地，細逮人物，皆有生死增減益筭之道。天地運終，己亥交氣，星宿錯度，日月失昏，躔次推移，四時失度，陰陽不調，金勝火伏，國境有災，兵盜時作，太一行宮，疫毒流行，兆民死傷，人運臨尅，師友命過，真譜斷宗。亦當修齋，行香誦經，迴生以成吉，起死以破凶，福應不淪，生道咸賴。切於己形，施於天下，靈祕至微，下學殊昧。夫齋戒誦經，功德甚重。上消天災。保鎮帝王。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有災之日，發心修齋燒香，誦經十過。皆諸天記名，萬神侍衛，右別至人，尅得爲聖君金闕之臣。

諸天記人功過，毫分無失。天中魔王亦保舉爾身，得道者乃當洞明至言也。

### 諸天中大梵隱語無量音 道君撰

#### 元始靈書攝氣還和玉篇

##### 東方八天

帝錫寶瑄，賚仙績洪。元奧昊允，資昇九冲。確璃峻翹，璨華炎封。邃亶瑤廊，靈池杳府。鑿池斗普，載護龍祖。尚師趨騫，願寂宿與。丹策韓璽，玉璣遠威。奏逕直變，偏呈丘陂。

##### 南方八天

軸璆蘭序，展逸冒弼。歌移追胡，回靈君漢。萬齡柱天，金鑿曜殿。葳菱美眸，皎慶枚施。爵關神那，彊鄙攸司。鬼社興生，獨官阿泉。濟龍穴大，灌瀆攸玄。秀魁璘女，福和育千。

##### 西方八天

适錄伊駟，陰裳比暄。漬雲吸瀨，白鍊虎遭。氣弦浴神，庚魂繞乾。斗閣注簡，命皇奏延。渾恍廓合，應殊交淵。沔漠甫察，丹露虬仙。竟祈蕭琢，

月薦瓊偕。整審屍爽，宸令迅傳。

##### 北方八天

極道無壁，青神意闕。溢漿沂巔，默求取饗。餌斂藏鬼，鳳石玉響。香英靜南，俱圍並黨。隙窻密靈，妙好自并。忽劫億仞，止圓洞清。教滔唱繁，真至眇綿。浩宅罔住，混古稽言。

道言：此諸天中大梵隱語，無量之音。舊文神霄真王紀錄紫臺碧閭之上，招諸天以回生，勅北都以起死。鬼神禮之以增靈，仙聖佩之以洞妙，天地因之以化育，陰陽通之以媾形。鼓橐運神，氣來命會，生道之諱，不可不知，以保長存。天真皇人昔書其文，以爲正音。有知其音，能齋而誦之者，諸天皆遣迴生復形神王，下觀其身，書其功勤，上奏諸天，萬神朝禮，地祇侍門，大勳真仙，保舉上清，道備尅得，游行三界，昇入金門。此音無所不辟，無所不攘，無所不度，無所不成，天真自然之音也。故誦之致神王下觀，上帝遙唱，萬神朝禮，三界侍軒，群祿束首，鬼精自亡，琳琅振響，十方肅清，九峰靜默，

七澤吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之五十八

靈寶无量度人上品妙經卷之五十九

化屍受形品

道言：昔於洞光天中，空化飛歌

太玄育土，受元始度人化屍受形無量上品。元始天尊當說是經，周迴十過，以召十方，始當詣座。天真大神，上聖高尊，化屍受形妙行真人，無鞅數衆，乘空而來。浩氣排還，策空扇景，紫輿黃蓋，絳霄瓊輪，曲晨垂蔭，丹精靈光，衆彩騰耀，翫靄鬱勃，洞煥太空，三日三夜。諸天星根日華，珠網月耀，一時停輪，和風却煙，彩雲布瑞，天無浮翳，四氣朗清，一國地土山川林木，緬平一等，無復高下，土作柔碧交輝紋玉，無有異色。衆真侍座，元始天尊玄坐空浮九氣梵光瓊臺之上。說經一遍，諸天大聖同時稱善，是時一國男女，屍穢殄殞，受形變仙。說經二遍，雲華羅虛，金容燦日。說經三遍，花凝仙露，

萬藥呈珠。說經四遍，生神鍊骨，屍化形完。說經五遍，大結開通，神氣併會。說經六遍，名錄上清，靈津灌體。說經七遍，靈儀擲火，洞照泥丸。說經八遍，天馬馳風，易屍革故。說經九遍，三官命誥，脫謝陰尸。說經十遍，神華定保，生氣海澄，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品道寂大神，無鞅之衆，浮空而至。說經二遍，南方無極無量品神力大神，無鞅之衆，浮空而至。說經三遍，西方無極無量品攝精大神，無鞅之衆，浮空而至。說經四遍，北方無極無量品玄運大神，無鞅之衆，浮空而至。說經五遍，東北無極無量品尸魔大神，無鞅之衆，浮空而至。說經六遍，東南無極無量品靈儀大神，無鞅之衆，浮空而至。說經七遍，西南無極無量品胎靈大神，無鞅之衆，浮空而至。說經八遍，西北無極無量品機用大神，無鞅之衆，浮空而至。說經九遍，上方無極無量品化屍大神，無鞅之衆，浮空

而至。說經十遍，下方無極無量品受形大神，無鞅之衆，浮空而至。十遍周竟，十方無極天真大神，一時同至。一國男女，傾心歸仰，明曉大道，深契神源，咸言得生，皆有壽紀，筭歷千萬，不免有期，玄極威神，施布大法。使令一心，開達根本，知未生時，復是何狀。太空之中，以何因緣，忽生知覺，及以見聞。五行寒暑，無不備識。生道將去。氣散神離，尸穢徒在。元始神智，蓋養群生，一感至靈，化此尸朽，受形更生，上爲真人。必有妙蘊，是當敷宣。如是天人，其衆無量，扶携幼耄，若賢若愚，若凡若聖，皆願傾聞。雖彼天中，尚繫愛欲，所染輕微，然於道妙，未得虛明，皆承勝化，蓬鬢雲集。來者有如細雨密霧，無鞅之衆，迨國一半土皆偏陷，非可禁止。於是元始普知衆念，頂出祥光，其光九色，照徹十方無極國土，三十二天，三十二帝，無不明煥。於此光中，普現億劫衆生，迷妄癡習，遞相爲種，展轉生滅，不見道真，無量業果，無量報對，無量冤債，一一瞭

然，如對心目。元始俯觀大衆，發言告曰：玉清之道，妙出萬天，神氣回光，尸滅形鍊，形鍊爲氣，抱神含虛，隱顯自由，出沒無礙，回觀世界，細於一滴。乃攝祥光，所現境界，搏爲寶珠，大如黍米，在空玄之中，去地七丈。元始登引，天真大神，上聖高尊，化尸受形，妙行真人，玄默靈仙，無鞅數衆，俱入寶珠之中。天人仰看，惟見勃勃從珠口中入，既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我，當此之時，喜慶難言。法事粗悉，諸天復位，倏欵之間，寂無遺響。是時天人遇值經法，普得濟度，全其本年，無有中傷，傾土歸仰，化屍受形，不晦不明，不伐不侵，不淨不穢，不用不驚，不戒不分。化除尸質，受度生形，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

是真王受形內諱，百靈之隱名也。非世之常辭。上聖已成真人，通玄究微，化滌尸朽，受易靈形，能悉其章，誦之十過，諸天遙感，陳故改新，萬帝歎嘉，付形稟真，九海靜波，五山吐雲，日月雙景，華芒運精，回雌轉雄，凡變爲仙，群魔束形，鬼魅滅爽，化屍受形，白骨成人。至學之士，誦之十過，則五臟返生，三尸逃奔，魔精喪眼，鬼祿滅爽，濟度垂死，絕而得生。所以爾者，學士穢氣未消，體未洞真，以生制尸，威未領天政，德可伏御地祇，束縛魔靈，但却死而已，不能降真。輕誦此章，身則被殃。供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，億曾萬祖，幽魂苦爽，皆即化屍受形，上昇朱宮，格皆九年，受化更生，得爲貴人。而好學至經，功滿德就，皆得神仙，飛昇金闕，遊冥玉京也。上學之士，修誦是經，皆即受度，形鍊尸滅，飛

昇南宮。世人受誦，則延壽長年，後皆得作尸解之道。魂神暫滅，不經地獄，即得返形，遊行太空。此經微妙，普度無窮。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各二十四人，營衛神文，保護受經者身。

道言：正月長齋，誦詠是經，太清傳靈紫皇帝君，為兆上世亡魂，斷地逮役，化屍受形，度上南宮。七月長齋，誦詠是經，上清三真太微帝君，為兆化屍受形，身得神仙，書名紫籙金簡，削死上生。十月長齋。誦詠是經，玉清神素飛玄帝君，為兆化屍受形，得為飛仙，國王帝主，君臣父子，安鎮國祚，保天長存，世世不絕。常為人君安鎮其方，民稱太平。八節之日，誦詠是經，九天化屍受形帝君，為兆解度，仙真降庭，得為九宮真人。本命之日，誦詠是經，九天真王飛駕空洞，為兆化屍，澡潔魂神，受形太玄，百神飲丹，至命澄

正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞三十二天，心拜三十二過。閉目，靜思身坐碧紫白三色雲氣之中，內外蒼冥，有青龍、白虎、朱雀、玄武、獅子、白鶴，羅列左右，日月照明，洞煥室內，頂生圓象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各三十二人，關啓所言。今日吉慶，長齋清堂。修行至經，無量度人，願所啓上徹，徑御無上三十二天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，化屍受形，妙感度人。百魔隱韻，離合自然。元氣

赤上，火鍊成真。元始祖劫，化屍受形。神去曰屍，不覺不聞。神附曰形，動起屈伸。是皆道機，太上所尊。無不化屍，無不受形。形動屍靜，神運至均。化屍成形，精氣自生。同本天地，開明三景。是為天根，神無相狀。以道為身，五行之精，神炁氤氳，隨情感色，因色賦形。五色真氣，結為五文，五文開廓，普植神靈。無文不光，無文不明，無文不立，無文不成，無文不度，無文不生，招靈真符，白骨成形。人皇內書，尸形更生。鍊故反新，真得其真。化屍受形，形固能存。小大無常，飛登太清。是為大梵，天中之天。鬱羅蕭臺，玉山上海。上極無上，大羅玉清。眇眇劫仞，若亡若存。三華離便，大有妙庭。金闕玉房，森羅淨靈。大行梵氣，周迴十方。中有化屍受形之神，中有南極虛和變生長生大君，中有易質降精受形司馬大神，中有玄文化尸好生韓君丈人，中有南上司命司錄、延壽益筭度厄尊神。化尸受形，無量度人。今日校錄，諸天臨軒。

東方無極蘊光神王，長生大聖，無量度人。  
南方無極開明神王，長生大聖，無量度人。  
西方無極大氣神王，長生大聖，無量度人。  
北方無極子育神王，長生大聖，無量度人。  
東北無極感德神王，長生大聖，無量度人。  
東南無極慶生神王，長生大聖，無量度人。  
西南無極母道神王，長生大聖，無量度人。  
西北無極元父神王，長生大聖，無量度人。  
上方無極生尸神王，長生大聖，無量度人。  
下方無極回形神王，長生大聖，無量度人。  
十方至真飛天化尸受形神王，長生度世無量大神。並乘三素飛雲珠光洞霄靈輿，翠輦羽葆，驂駕白獸，碧鳳麒麟，

建太微回黃之旗，無英命靈朱幡，前嘯洞章齊唱，後奏內音同和，玄鶴青鸞，嘯歌嚕嚕，七真導前，八靈翊後，千乘萬騎，浮空而來。天光朗耀，洞徹重昏，方諸仙相，南水左宮，主生真宰，太陽火官，執籙把籍，齊到帝前。隨業考校，咸使升遷。符告北帝，太陰諸神，九水佐理，玄滋靈君，雷電陰景，豁落七元，九映威劍，六天大魔，司錄司命，司察司功，冥關幽府，泉曲河源。真王有命，普度沈骸。太玄起尸，黃水浴魂。流火蕩穢，紫融鍊形。施靈合氣，仙化成人。不歷胎垢，澄淨光明。因緣輪轉，與天齊年。永離風刀塗炭魔試之難，飛行遊宴，逍遙上清。上清之天，天帝洞陽，無色之境梵行。

#### 東方八天

利慶昭華天，帝玉剛栖群。  
浮輿秉衡天，帝紹元子宗。  
汨沓灑流天，帝保仙宜逢。  
少正除皇天，帝辨宛通。  
角滌聚蜃天，帝每承符公。  
記淀猶休天，帝綠方旋容。

道治區玄天，帝樂慈昇。  
洞幽浚微天，帝魯希伯文。

#### 南方八天

錫華紫真天，帝梵澤雲。  
商廬藏文天，帝覺蒲宛婁。  
壯枝閱芒天，帝奢維遲全。  
報遵陽彭天，帝茂唐敖玄。  
火藏照沙天，帝極道嗣聽。  
黃靈剡湧天，帝福孳決生。  
谷羅應仙天，帝八冥杜防。  
睹佃幼明天，帝甘都求征。

#### 西方八天

鎮混洞香天，帝伯上杲卿。  
乾庇邈虛天，帝紫雲仲枚。  
烈命周隅天，帝緬聖慷呼。  
閻正雅樞天，帝益侃慈怵。  
濯幹紘化天，帝梵閔阿巴。  
浩回奉靈天，帝常招顯童。  
夜河司靈天，帝倩侍衢璫。  
太紫輪真天，帝閔俞至晨。  
北方八天  
寶聚紫陽天，帝玄方九靈。  
暴映神變天，帝燎庠燕元。

瀆望昇持天，帝雷智道開。

太始珍輝天。帝璧明雲璣。

朝衛導景天，帝阿龍長。

妙禁霄址天，帝握仙法王。

典教曆紀天，帝億宇始飛。

照罪解尸天，帝善勝祈門。

三十二天，三十二帝。諸天隱諱，

諸天隱名。天中空洞，自然靈章。諸

天隱韻，移氣之音。復命之尊，回生之

神。化屍大魔，受形之靈。九散十合，

變化上清。無量之奧，深不可詳。敷

落神真，普度天人。今日欣慶受度，歷

關諸天，請滅三惡，斬絕尸根，飛真受

形，名列太玄。真王監舉，無拘天門，

東斗主筭，西斗記名，北斗落死，南斗

上生，中斗大魁，化尸受形。青帝召

魂，白帝制魄，赤帝還氣，黑帝返血，黃

帝復命，萬神持節。速徵太一，起尸復

生。形具神備，調理三關。神風入穴，

泉溢崑山。玉童一呼，六丁威南。變

化恍惚，登仙隔凡。神境具前，黃誌金

顏。賜兆虎弁，丹衣碧欄。佩籙九霄，

仰視泥丸。三五斗綱，紫雲流煙。尸

化形鍊，飛昇太淵。坐鎮九戶，嘯攝百

靈。青天魔王，斬絕遊尸。赤天魔王，

金印玉螭。白天魔王，元海素龜。黑

天魔王，玄光老師。黃天魔王，絳帳紫

嬰。風令火勅，急急化尸。天尸皇君，

奏帝寶章。地尸皇君，殺鬼伏藏。人

尸皇君，截戮死殃。尸作生形，綠海霞

漿。八萬四千，華室曲房。神靈畢至，

返一混芒。骨有青霜，髓如碧琅。為

其化尸，叱逐魔冤。五帝大魔，萬神之

宗。飛行鼓從，總領神兵。麾幢鼓節，

遊觀太空。仗衛赫奕，天錄敷功。化

尸受形，嚴攝北酆。天機上相，玉清神

公。恭受帝命，普掃不祥。雷雹激戾，

龍虎蹶張。天丁驅邪，大帥橐風。黑

雲萬里，電火八衝。敢有干試，拒遏真

魂。金鉞前戮，巨蟒吞精。屠割鬼爽，

風火無停。千千截首，萬萬剪形。魔

無干犯，鬼無祆精。天中隱勅，除籍勾

名。三官北酆，明檢鬼營。不得容隱，

金馬驛呈。普告無窮，萬神咸聽。三

界五嶽，列言上清。

瀆混昊曆，龍漢儀康。俶台莽劫，

號混之中。上立無色，下開九淵。風

鼓波蕩，三萬六千。外堅中虛，金鎖流

玄。玄極上下，無幽無冥，無形無影，

無極無窮。若有大神，虎齒龍脣，六目

八角，乘駕風雲。手托混沌，狀如卵

形，三寸五分，圓白如銀。內有三界，

日月乾坤，山海草木，老父幼孫。生者

受形，滅者化屍，往來輪轉，氣常運機。

尸化為鬼，鬼化為人。是道還返，秋轉

為春。帝吐玉符，化尸斷死。受形生

真，真無比倫。太空浩氣，北斗南辰。

合為至無，玄白不分。溟滓大梵，遼廓

無光。赤明開圖，運度自然。元始安

鎮，敷落五篇。赤書玉字，八威龍文，

保制劫運，使天長存。梵炁彌羅，萬範

開張。元綱流演，三十二天。輪轉無

色，周迴十方。旋斗歷筭，回度五常。

三十五分，總炁上元。八景冥合，炁入

玄玄。玄中太皇，上帝高真。泛景太

霞，嘯詠洞章。金章明郁，豁落擊摧。

尸鬼奔逃，魂來魄歸。流響雲營，虛寂

聚炁。律呂生神，鳳舞鸞吟。玉音雲

熾，風回雨施。帝一在離，群真列位。

捧壁跨璫，龍虎俠傍。靈風聚煙，青真護肝。紫虛鬱秀，三官瓊堂。輔翼萬仙，千百相連。千和萬合，自然成真。真中有神，長生大君。無英度籍，白元執經。太一稟生，司命主盟。桃康好

生，合延育形。執符把籙，保命固根。上遊上清，出入華房。八冥之內，細微之中。下鎮人身，泥丸絳宮。中理五氣，混合百神。十轉回靈，萬炁齊仙。仙道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞謠歌之章，真王靈篇，辭參高真。

### 第一欲界飛空化尸之音

聚氣因精，變形因風。風通玄智，造化之宗。重闋九膜，實由道功。生而爲人，巧笑雌雄。仙聖鬼神，往來其中。慾海漫漫，心波渺瀰。意逐則往，莫測所因。生氣等秋毫，結形如冰澌。輔弼分斗光，入兆雙目瞳。見量出太虛，至神一與同。偕道數受增，形死再童蒙。數盡呼吸止，委口但形容。七

魄携三彭，六道循無窮。真人自入妙，化尸白日冲。太一召百神，稽首重冥空。洞妙得天氣，紫雲回九宮。七祖生九霄，保身如靈松。

### 第二色界真王受形之章

染空爲色，色化爲空。色化無常，空即非空。未形名空，受形爲色。形化色盡，命謝歸空。空亦無來，形本不往。形住色住，空非來去。以妄見空，妄緣名色。皆是大道，何可詮擇。寓空成形，杳冥中精。誰玄何受，陽動而生。空非陰陽，陰陽非空。認空爲道，網中死禽。非道非空，象外飛龍。能知此者，受形無窮。受形化尸，不合不離。化尸無相，恍惚有象。此非業道，生化長養。是吾道玄，真王靈篇。告爾群氓，非人勿傳。

### 第三無色界玉清王空洞歌曰

梵炁無無，玉清鬱羅。下直神丘。環洄海波。七劫金山，萬天瓊柯。日月兩曜，浩劫經過。吹則陰生，可乃陽至。香風紅雨，寶樓瑤址。元始流精，壘雪積酥。遇火成液，鑄彼玉京。巨

山崇石，比兆泥丸。內蘊黃赤，天潢奔注。尾閭固塞，汹汹洪濤。湛有天德，比兆脊節。內有九真，白雲滔滔。神風八回，無英青巾。御氣成雷，玉女吹笙。五音勃興，七情啼笑。道有至精，無形無名。化尸與受形，仙籙書紫靈。歌此空洞歌，至理升無名。世不悟真道，轉輪更復多。去來何幾數，永沈慾海河。

此三界之上，飛空之中，真王歌音，音參洞章。誦之百遍，名度南宮。誦之千遍，天真保迎。萬遍道備，飛昇太空，過度三界，位登仙公。有聞靈音，魔王敬形，勅制地祇。侍衛送迎，拔出地戶，五苦八難，七祖昇遷，永離考官，魂度朱陵，受鍊更生，是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及玉清真王隱祕之音。皆是化易委尸，受度生形，成道登真，換氣回生，自然大梵之言，非世上常辭。言無韻麗，曲無華宛。故謂玄奧，難可尋詳。上天

所寶，祕於神霄玉清王府東華玉堂，應上帝誥命流傳。若有至人齎金寶質心，依舊格告盟十天，然後而付焉。

道言：夫遠道則失生，離精則散氣。炁寂神逝，所遺肉骨齒髮形狀塊息尸居。以其不能留神養炁儲精，但同木石，無知覺動起挺逕于是，則謂之尸。至聖神人，將還氣招神，慧生於尸，歛爾而知，既受故形，若返故都，百神來歸，遊宴金堂玉室之內。若見世緣情欲所至，心意所感，不知其由，仰視三辰，俯觀萬類，欣然自得。得道高真，化尸受形，物理皆如是已。凡運度否終，日星虧盈，人有休否，死亡疾傷。凡有此灾，同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，化尸受形如法。魂神經上南宮，隨其學功，計日而得更生，轉輪不惑，便得神仙。

道言：夫化尸受形，不但祇於人

身，可同等於天地。迎生續氣，致福請年，與道無爽。至若天地運終，星宿錯度，日月失昏，四時失度，陰陽不調，國境有灾，疫毒流行，兆民死傷，師友命過。皆當修齋，行香誦經。夫齋戒誦經，功德甚重。上消天灾，保鎮帝土。下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，蕩滅尸穢，身獲飛仙。皆諸天記名，萬神侍衛，右別至人，尅得爲聖君金闕之臣。諸天記人功過，毫分無失。天中真王亦保舉爾身。得道者乃當洞明至言也。

諸天中大梵隱語無量音 道君撰

元始靈書化尸受形玉篇

東方八天

潮瑜激瑛，珍予交懷。冠祕攸尚，晞煥堯經。緣原珞珂，宛翠肆陳。撲乾邦都，異嶧方岷。蔽婁祠款，鬱丹儀

迎。便綠艷佑，祈斗遙森。明孺芽合，淋津濤淋。馥廓阿奕，司茨奏雷。

南方八天

烘炘烈光，炯霞爛宿。珥瑞韓司，機詮陰煜。力縉維南，剛勅耀逐。魚柄連題，萬嶽官笛。隸正籍契，眷龍慈職。勉湯句沙，鐸神延繫。倫極指徐，邀魂返策。化受涓煙，宅略展澤。

西方八天

翼衛星棟，鍊化莫綿。軫常遄羅，蹟運巴延。電治肇零，晶劍离田。嶧庄乞池，岵古登連。忽息回火，帝符靈玄。承咸拱風，寶牢瀆淵。費陽宣洽，動龍朗端。混鎖溢負，道命空觀。

北方八天

驕舒玄佳，婁突灌生。交精忻蛇，野鑿泛流。蜃淮湧嶽，流洄愬庚。靈帶併火，識覺轉周。太虛玄漢，素台冰渾。執交機印，造育仙謀。循軌罔商，日馳妙虛。尸毛山斬，耳魁東居。

道言：此諸天中大梵隱語，無量之音，舊文靈祕琅函。真王勅太玄司命上清靈虛真人，以丹筆書之，佩服化



尸受生，疾癘殃禍，應當滅解，如風揚塵。世間異冤尸怪，一切不祥，朱書，火化服之。或禁勅廟社，立應。天書寶圖，字皆廣長一丈。天真皇人昔書其文，以爲正音。有知其音，能齋而誦之者，諸天皆遣侍真靈官，下察其身，書其功勤，上奏諸天。萬神朝禮，地祇侍門，大功真王，保舉洞妙，德廣尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞煙，萬靈振伏，招集群仙，天無氛穢，地無祲塵，冥慧洞清，大量玄玄也。

靈寶无量度人上品妙經卷之五十九

靈寶無量度人上品妙經卷之六十

鍊氣變仙品

道言：昔於始青天中，碧落空歌大浮黎土，受元始度人鍊氣變仙超神上清之品。元始天尊當說是經，周迴十過，以召十方，始當詣座。天真大神，上聖高尊，妙行真人，十方鍊氣變仙生神道君，化骨住命，功曹天吏，主錄仙名，應真得度，鍊氣變仙，無量度人，諸天大神，無鞅數衆，御氣而來。其氣徘徊，非空非有，非形非色，混沌無極，雲霞霄霧，難喻其體。九色不定，乍光乍明，或絳或青，煥爛九空，映耀三界，自非諸天神靄靈華，仙雲瑞彩之可比類。發於元始玉京翠房淵岩冥寶之中，靡靡布散，中有百千無量光景，各現丹輿綠輦，羽蓋瓊輪，龍旌鳳軒，夜光神馬，九絕猛獸，玉蕤停空，紫蓋高蔭，流精玉光，浩氣鬱勃，洞煥太

空，三日三夜。諸天日月星宿，垂象之輪，金璣玉關，瑤樞寶纂，靈綱雲域，宿舍絳岐，一時運動，行度流移，不與常等。是時天司上官，主典掾司，各守輪轂，推紐轉括，不能循軌，以應常次。咸各驚駭，而相謂言，是何瑞因，睹此奇變。即建天鼓，以候斗車，鳴鼓九通，下觀玉京之傍，一十二山，靈海碧濤，神津潮應，龍虬出沒，其聲沸雷，大淵汪洋，涓流湮汨，不與天鼓鳴時。機會相應，諸天帝宮，未識何緣，以致斯異。賡料簿籍，默會簡錄，將詣帝臺，質其所疑。速命威神，分雲掃途，攝炁治道，驂駕龍虎，秉執旌旗，時未當行，神煙四起，天風洒灑，三辰迴照，妙炁澄廓，方輿圓蓋，左行右旋，天籟揚音，洞歌宛奏，千界流光，八騫高樂，靜睹群真，咸得侍座。元始天尊玄坐虛浮紺碧蓮花之上，其花萬葉，藥珠周遶，一葉下廣，遐覆一天，一藥之珠，各現金色天妙世界。一一界中，各有天仙帝王，首冠寶華，衣搖仙彩，乘鶴駕鸞，往來無礙，於此蓮幹，明如水晶，其直

生。

參空，根蟠玉海，圓徑萬里，中有寶樓，琛闕，瓊宮瑰殿，層壘鬱峨，所現靈觀，不可思議，及以比量。以近言之，猶於太倉，遙瞻積粟。元始天尊安坐蓮花，下觀諸天，而是身相，大小齊等，不有偏陷。說經一遍，諸天大聖同時稱善，是時一國男女，身光影相，互相涉入。說經二遍，神現無極，玉京崑崙，等一塵芥，無有限際。說經三遍，萬象群類，一時同聲，讚歎經法，清詠道真。說經四遍，上清九空，三萬六千，日月一時同明，九陰腐骸，未度之骨，還起成人。說經五遍，金龍神獸，競吐風雲，合沓九色，洞妙混淪。說經六遍，一國男女，含炁之倫，童嬰其顏，金玉其身，不知有死，食炁游神。說經七遍，天垂碧玉，地變黃金，紅露飄注，甘醴冲盈。說經八遍，金翅不生，神龍夜鳴，五嶽收煙，八景現形。說經九遍，玉海揚波，碧山秀榮，飛仙來朝，雲輅鳳旌。說經十遍，地藏甘露，七寶均生，頑堅濁礎，瑞光化成，是時一國是男是女，莫不傾心，皆受護度，咸得長

道言：是時元始天尊說經一遍，東方鍊炁變仙至真大神，無鞅之衆，浮空而至。說經二遍，南方鍊炁變仙至真大神，無鞅之衆，浮空而至。說經三遍，西方鍊炁變仙至真大神，無鞅之衆，浮空而至。說經四遍，北方鍊炁變仙至真大神，無鞅之衆，浮空而至。說經五遍，東北鍊炁變仙至真大神，無鞅之衆，浮空而至。說經六遍，東南鍊炁變仙至真大神，無鞅之衆，浮空而至。說經七遍，西南鍊炁變仙至真大神，無鞅之衆，浮空而至。說經八遍，西北鍊炁變仙至真大神，無鞅之衆，浮空而至。說經九遍，上方鍊炁變仙至真大神，無鞅之衆，浮空而至。說經十遍，下方鍊炁變仙至真大神，無鞅之衆，浮空而至。十遍周竟，十方鍊炁變仙天真大神，一時同至，一國男女，傾心歸仰。來者聞於妙炁，彌塞普遍，泛此浩蕩，無量俱來，形同於氣，氣同於形，無有東西，及以涯涘，種種人物，男女相貌，忽出忽沒，忽隱忽顯，遍一大國，炁

皆散滿，非可禁止。於是元始含笑，出紫金光明寶掌，五指手相，望炁歛約，瑩然開顯。即見諸天一切衆生，聽法真寮，無量大道威神，冥空天界，一切神司，大俱吒鬼，皆在光氣之內，稽首作禮，旋匝座下，願聞法要。眇眇之中，去地百丈。元始登引，天真大神，上聖高尊，妙行真人，十方鍊炁變仙至真諸大神王，無鞅數衆，俱入光炁之內。一切天人，見元始天尊，上聖高尊，如處寶珠及淨瑠璃，天海交映，渾空碧，光照內外，潔無纖翳。見十方空湛同天眼，一切真仙，仰看歌詠，步虛禮拜。惟見拂拂出入來往，光融炁化，不知所在。國人廓散，天境平正，虛通疏徹。元始即於炁觀有無之中，說經都竟，衆真監度，以授於我，當此之時，喜慶難言。法事粗悉，諸天復位，恍惚之間，空炁合體，寂無遺響。是時一切天司，三辰二景，主運轉機，一切真神，始悟異因炁變神移，莫知所緣，乃識元始，欲說鍊炁變仙最上妙道，先現斯瑞。諸天真仙，一切天人，

遇值經法，普得濟度，全其天年，無有中傷，傾土歸仰，識道忘心。炁鍊炁明，炁大炁剛，炁空炁淵，炁冲炁運，炁有炁無，炁變炁仙。言不唱宗，口不命物，齊同慈愛，異骨成親。國安民豐，欣樂太平，經始出教，一國鍊氣。悟十二法，以炁合道，以道合心，心合於神，神變爲仙。宗奉禮敬，皆得度世。

道言：元始天尊說經中所言，並是諸天上帝鍊炁變仙生神易骨隱韻之音。亦是十方變氣變仙至真大神內諱，鍊炁變仙之隱名也，非世之常辭。上聖已成真人，通玄究微。能悉其章，炁已超登聖地，升入無形，猶固鍊之。誦之十過，諸天召炁，萬帝變仙，天地返元，氣如淵泉，山鍊爲炁，地鍊爲炁，天鍊爲炁，人鍊爲炁，三景萬象，皆鍊爲炁。炁無形端，恍惚存亡，人能識之，變神爲仙。未能識氣，未知鍊道。齋戒誦經，真炁自生。鍊炁自然，天地自應。三辰不行，群魔束形。鬼精滅爽，回屍起死，白骨變仙。至學之士，誦之十過，則精血化炁，炁達百川，五

臟六腑，不逆無偏，自有入無，炁鍊綿綿，綿綿永存，變神爲仙。則五帝列侍，三元發煙，魔精喪膽，鬼官揚鞭，滌蕩九醜，炁極通玄，濟病度死，絕命更生。所以爾者，學士鍊氣未明，體未洞真，召制萬炁，炁登天門，炁還天門，不知無形，德可伏御地祇，束縛魔靈，但却死而已，氣鍊得生。輕誦此章，炁不光揚，流精玉化，塞闕明堂，玄曹記言，注子餘殃。供養尊禮，門戶興隆，世世昌熾，與善因緣，萬灾不干，神明護門。斯經尊妙，獨步玉京，度人無量，爲鍊炁變仙萬道之宗。巍巍大範，德難可勝。

道言：凡誦是經十過，諸天氣到，億曾萬祖，幽魂苦爽，既滅之後，皆化爲炁。炁不經鍊，冥漠不生。受誦氣鍊，皆即受度，上升朱宮，格皆九年，受化更生，得爲貴人。而好學至經，功滿德就，鍊炁變仙，飛昇金闕，遊宴玉京也。上學之士，修誦是經，皆即受度，飛昇南宮。世人受誦，則延壽長年，後皆得作尸解之道。形隨炁出，化入無

門。魂神合氣，氣結成神，不經地獄，即得返形，泛氣太空。此經微妙，普度無窮。一切天人，莫不受慶，無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役鬼官。侍經五帝，玉童玉女，各六十四人，營衛神文，保護受經者身。

道言：正月長齋，誦詠是經，鍊炁鬱青，爲上世亡魂故炁鍊新，斷地司牽役，復連冢訟，度上南宮。七月長齋，誦詠是經，氣鍊空白，身變神仙，諸天書名，玉籙素契，削死上生。十月長齋，誦詠是經，炁鍊太黃，爲道王帝主，君臣父子，召炁九天，天福炁冥，安鎮國祚，保天長存，世世不絕，常爲人君安鎮其方，永享太平。八節之日，誦詠是經，炁鍊九星，化爲九色，戴九履一，左三右七，二四扶身，六八挾足，氣遶九宮，變爲真身，得爲九宮真人。本命之日，誦詠是經，氣鍊太微，自干入支，六甲從官，一炁化奇，魂神澄正，萬炁相隨，不經苦惱，神變希夷，三界奉輪，

五天揚麾，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒六十四通，上聞六十四天，心拜六十四過，閉目，靜思身坐青黃白三色雲氣之中，內外翦冥，有青龍、白虎、朱雀、玄武、獅子、白鶴，羅列左右，日月照明，洞煥室內，項生圓象，光映十方，如此分明。密呪曰：

無上玄元，太上道君，召出臣身中三五功曹，左右官使者，侍香玉童，傳言玉女，五帝直符，直日香官，各六十四人，關啓所言。今日吉慶，長齋清堂，修行至經，無量度人，願所啓上徹，徑御無上六十四天元始上帝至尊几前。畢，引炁三十二過，東向誦經。

### 元始無量度人上品妙經

元始洞玄靈寶本章，鍊炁變仙，九變度人。道氣隱韻，離合自然，混洞太無，混無爲虛。虛爲空體，炁與空俱。

炁爲太真，妙入玄無。炁爲道性，不屬有無。變化通神，神與炁俱。炁非氤氳，炁非呼吸，炁無蒸出，炁非雲煙，炁非形質。真炁無體，彊有炁名。炁能生化，炁能變遷，炁能堅剛，炁能返還，炁能長久，炁能綿綿。我炁非物，能生衆物。我炁無情，能化有情。炁爲道母，炁爲大神，動而爲有，靜而爲空。化生玉京，蕭臺鬱峨。大羅玉清，金闕玉房，紫閣朱庭。真炁流間，化結上真。無炁不光，無炁不明，無炁不立，無炁不成，無炁不度，無炁不生，是爲大梵，玄中之玄。派分支析，如環相連。蟠延屈回，紫炁白煙，上下無常，剛柔有方。高聖靈仙，萬帝千真，混化一炁，鍊而變仙。譬諸世間，山海樓闕，萬物榮繁，智蠢賢愚，上宰下官，皆從炁生。受鍊變遷，炁無生死，炁無頗偏，隨感而應。炁妙相傳，若亡若存，眇眇三便，虹京瓊池。日澤藥淵，大行梵炁，周迴十方，化生度人。不死之神，化生南極。長生大君，化生鍊炁。變仙大神，化生道炁。自然威神，化生

上清。神炁紫君，鍊化元炁。始生變仙，至真尊神。炁存不死，無量度人。今日校錄，諸天臨軒。

東方無極鍊氣變仙長生大聖，無量度人。

南方無極鍊氣變仙長生大聖，無量度人。

西方無極鍊氣變仙長生大聖，無量度人。

北方無極鍊氣變仙長生大聖，無量度人。

東北無極鍊氣變仙長生大聖，無量度人。

東南無極鍊氣變仙長生大聖，無量度人。

西南無極鍊氣變仙長生大聖，無量度人。

西北無極鍊氣變仙長生大聖，無量度人。

上方無極鍊氣變仙長生大聖，無量度人。

下方無極鍊氣變仙長生大聖，無量度人。

十方至真鍊氣變仙長生度世無量大神。並乘梵炁，變成紫雲碧琳之輦，瓊鳳之輿，黃蓋素輪，驂駕九龍三炁之駟，景雲之幟，流火之鈴，鳴金考革，撼響帝鐘，前鳴玉童齊唱，後吹玉女笳鳴，獅子辟邪，嘯歌嚨嚨，八極開圖，五帝奏煙，億乘萬騎，浮炁而來，含空降光，監真度生。諸天丞相，太素上宮，

主道攝炁，變仙大神，執籙把籍，齊到帝前，隨所應度。嚴校諸天。普告三界，無極神鄉，泉曲之府，北都羅酆，三官九府，十二河源。上解祖考，億劫種親，陰屍滯魄，萬炁魔魂，身謝三官，魂炁久凝，宿業如風，飄流惡根。炁無生死，但有杳冥，識念憑炁，遊停何依，善化福堂，惡化炎池。性因識迷，隨炁所之。一如在世，驚喜笑啼。魔炁爲吏，聿來訊之。魂炁飄揚，憶念含悲。元始道恩，攝炁鍊持。積冤成和，積故成新。死炁蕩化，落滅罪根。不得拘留，逼合鬼群，元始符命，時刻昇遷。返炁太無，混道元胚。天魔六合，火獄冰池。業盡炁鍊，玉光洞微。寂然空廓，

獨存希夷。死魂受鍊，仙化天奇。道爲我身，炁爲我神。念世迷妄，徒取悲辛。鍊炁變仙，無量度人。生身受度，劫劫長存。隨劫輪轉，與天齊年。永度羸染漏念，輕欲業道天牢，魂魄不經，超凌三界，逍遙上清。上清之天，天炁至真，無色之境梵行。

### 東方十六天

此炁大梵初無，起止皆是道性元神所現天境。本無體象，道化爲真。此名炁觀，亦非鍊變而現。天真自然，太空之玄妙也。不歷星度次舍，在無色之境，出陰陽之分，皆上聖之居。

宛空明梵天，帝空冲嬰。  
紫元伯无天，帝明子歸。  
燕景鬱需天，帝虛父自康。  
冲正洞極天，帝耀朱駢羅。  
明辨元黃天，帝大无留延。  
理重淵虛天，帝道時建華。  
覺真權衆天，帝弗泰用師。  
清微黃羽天，帝鬼度監。  
救明望世天，帝常遊江因。  
越甫問時天，帝蘇來鳩生。  
炁靈昭浦天，帝慶皇上宗。

玄虛光範天，帝招集女魂。  
上極四種天，帝羌陳燄。  
易化正鎮天，帝杜常生。  
孤罡八範天，帝孔堅明婁。  
九延玉定天，帝智定嚴。

### 南方十六天

丹摩逸化天，帝崇真斯臺。  
斗鑑虛輿天，帝沙劫子安。  
帝光無濟天，帝望期明。  
朱陵耀光天，帝洞雲无真。  
紫景斷白天，帝宛醯羅。  
降仙台元天，帝呼牛演池。  
爽至謝深天，帝鹿堂子家。  
鬱江斯蟬天，帝日曜春。  
估侯利真天，帝曾和太空。  
谷玄道用天，帝吐明芝生。  
李步明微天，帝圖何部多。  
神廬昌應天，帝隨宮祕主。  
度正克宗天，帝舜角明基。  
大火赤衣天，帝翰覺賢。  
青帝洞遙天，帝江平延孫。  
亥城百化天，帝奚流夜陀。  
西方十六天

金離光啓天，帝敷妙丙昌。  
極皇玄運天，帝裕主洪肇。  
周延靜平天，帝光明王。  
寶宋榮滋天，帝明梵子璫。  
慶真美元天，帝廬姜上明。  
祭無神肆天，帝允知賢成。  
高降質華天，帝柏監文英。  
道期延紀天，帝屈墮彌。  
童利帝鋤天，帝西隅周微。  
鼎神化微天，帝龍恒師。  
太安順極天，帝震恭孝文。  
窮熙耀仙天，帝錄羅千。  
紫都月廣天，帝世諸叢名。  
崔康節時天，帝款魚夏瓊。  
境碧落珉天，帝絳飛酬京。  
普海洞幾天，帝酉子都。  
北方十六天

神吟蕭都天，帝定思狂。  
慶著嶽符天，帝燕仙壽躬。  
琛明除苦天，帝琴頤歌。  
鄴信考孚天，帝希清然寧。  
政入豹部天，帝脫喬孟嬰。  
耿壘瀝泉天，帝瀆庭九公。  
鬼儲史樂天，帝路熙載靈。  
靈馥海輪天，帝神文屈兵。  
上極霄埴天，帝召天提平。  
碧常洞元天，帝珞池宋程。  
六十四天，六十四帝。諸天隱諱，  
諸天隱名，天中空洞，鍊炁靈章。諸天  
隱韻，氣中之音，氣中之尊，氣中之神，  
氣中大魔，氣中之靈。九變十鍊，合化  
上清。道性爲炁，炁與空淪。子未能  
鍊，誦此洞文。子若知鍊，鍊爲至精。  
氣本無鍊，鍊爲假名。以子不精，欲染  
愛憎。業爲穢垢，情爲玷痕。害子道  
炁，去子華榮。靜以鍊炁，正以守成。  
鍊久炁定，油然太清。炁經鍊持，坦夷  
四平。內視八景，六虛流明。鍊去人  
道，邈同道真。無量之奧，深不可詳。  
敷落神真，普度天人。今日欣慶受度，

歷關諸天，諸鍊炁惡，斬戮邪根，飛度  
三宮，變仙太玄，氣中真王，監舉保鍊，  
出入無門。東斗炁青，西斗炁素，北斗  
炁冥，南斗炁赤，中斗黃庭，炁鍊五斗。  
寓變色形，色形至真。非幻滅稱，惟道  
所適，變仙齊靈。青炁護魂，白炁侍  
魄，赤炁養和，黑炁通血，黃炁中胎，萬  
道無越。青炁仙王，淨光幽潔。赤炁  
仙王，冲淵帝極，白炁仙王，浩庭凝密。  
黑炁仙王，北玄景蔚。黃炁仙王，子丹  
詡陸。五炁仙王，萬神之宗。泛駕遊  
空，總領天真。道炁爲龍，麟車虎旗，  
霹靂靈靈，幟纛焯赫。興大天功，上天  
度人。變攝飛空，摧魔束祿。嚴攝北  
艷，變仙受命。下掃不祥，六天故氣。  
腥血八衝，鬱勃無光，盤結橫攻，慘慘  
穢氣，神鬼伏蹤，隱形其間，與世爲凶。  
帝命九老，勅攝羅艷，電火前驅，鞭虎  
呵龍，遍天鬣鬣，擲火九重。害炁千  
里，鍊爲碧空。大帝嘯咤，玉真騁容。  
寶輪軋霄，紫景溶溶。敢有干試，拒遏  
上真。鑿天斬頭，金斧戮形。天運地  
旋，風號火噴。震撼神丘，紫微攝京。

萬萬千千，檢鬼姓名。三官鼓筆，五嶽竦庭。不得容隱，金馬驛呈。普告無窮，萬神咸聽。三界五帝，列言上清。

洞無玉明，龍變神剛。眇眇億劫，混沌之中。上氣無色，下亦無淵。中乃洞虛，鍊炁成天。天上天下，無幽無冥，無形無影，無極無窮。溟滓大梵，遼廓無光。氣鍊赤明，運度自然。元始安鎮，九空變仙。氣鍊成有，雲霞霧煙。氣鍊成無，神境變仙。氣凝大梵，靈書洞篇。火鍊水瑩，十華麗鮮。八角垂芒，金字碧天。玉文煥空，虎卧龍潛。鳳炁鶴迹，星鈎綱連。三元正體，萬天盟傳。保制劫運，使天長存。梵炁彌羅，萬範開張。元氣流演，六十四天。輪轉無色，周迴十方。旋空歷常，迴赤流玄。八十一分，總炁上元。九光混合，氣入玄玄。玄中太皇，上帝高真。泛氣妙庭，吟詠玉梁。柱火冶鍊，流響雲營。妙空涵炁，神風合煙。紫素瓊萐，黃白變仙。少青朱精，和合成真。自然鍊變，神真自成。真中有神，長生大君。扶携青華，顧接帝嬪。愷

宴九華，三天玉賓。太一泥丸，司命住心。桃康合延，布炁生神。黃老鍊變，保命生根。上遊上清，出入華房。八冥之內，細微之中。下鎮人身，泥丸絳宮。中合太虛，空爲道母。炁偕空居，變化無常。混合百神，九變迴靈，萬炁變仙。仙道貴生，無量度人。神蓋腦宮，上開天門。飛天命魂，罪福禁戒。宿命因緣，普受開度。死炁生神，神變爲仙，上聞諸天。諸天之上，各有生門。中有空洞鍊氣之章，仙聖靈篇，辭參高真。

第一天真帝皇鍊炁洞碧真王之音  
天光眇微，靈氣無期。飛騰洞空，左右流之。碧濤漪漪，鍊此瓊蕤。策虛維何，跨斗躡箕。

第二太真帝皇鍊炁洞青真王之音  
神馬無行，我氣非征。道爲氣天，王宮連連。靈娥帶月，龍車朝發。掇雲飛香，平海蒙雪。

第三玄真帝皇鍊炁洞紺真王之音  
上帝九門，日光其暉。氣曠晨霞，鍊之長存。青紅紺光，注我黃房。洞

芝可羹，舖嬰慶良。

第四妙真帝皇鍊炁洞蒼真王之音  
天玉其蒼，拊球琅琅。炁鍊入空，典形相忘。變神變仙，外玄內黃。道受邃妙，非世所藏。

第五極真帝皇鍊炁洞黃真王之音  
鳳車虎璋，東揖扶桑。紫書龍蟠，仙伯垂璫。陽氣如吹，仰御朱光。謁帝變仙，鍊炁中黃。

第六素真帝皇鍊炁洞紫真王之音  
赤黑未分，求卵於鷄。咽彼金色，氣合希夷。鍊骨爲空，氣與形通。我道妙微，陋仙何知。

第七虛真帝皇鍊炁洞赤真王之音  
白虎銜璧，轉此赤日。氣鍊彭亨，知三得一。仙人玉顏，變此九七。混沌無光，端坐瓊室。

第八帝真帝皇鍊炁洞綠真王之音  
青黃變綠，不疾而速。我神爲車，披雲輾輾。玉女華殊，我乘東驅。一笑墮珥。淵有雙魚。

第九玉真帝皇鍊炁洞白真王之音  
絳臺千級，飛仙何入。氣鍊如繩，

龍腰玉餅。雲液返童，氣成八風。朝宴崑崙，名登錦丘。

第十金真帝皇鍊炁洞玄真王之歌

我持橐籥，鍊氣消息。星垂金弧，網流五尺。披雲俯光，吸玄咀液。道成變仙，帝家淵碧。

此三景之上，飛空之中，真王歌音，音參洞章。誦之百遍，名度南宮。誦之千遍，真王保迎。萬遍道備，飛昇太空，過度三界，位登仙公。有聞靈音，魔王束形，勅制九天，侍衛送迎，拔出地戶，故氣黑赤，百結大關，三刑四殺，五道六害，祖炁升遷，永離鬼官，魂度朱陵，炁鍊更生。是謂無量，普度無窮。有祕上天文，諸天共所崇。泄慢墮地獄，故氣沒祖翁。

道言：此洞章並是諸天上帝，及鍊氣變仙真王隱祕之音。皆是大梵之言，非世上常辭。言無韻麗，曲無華宛。故謂玄奧，難可尋詳。上天所寶，祕於玄都紫微上宮，依玄科四萬劫一傳。若有至人齋金寶傾心，依舊格告盟上清。然後而付焉。

道言：天地鍊炁，亦有終窮。三光鍊氣，亦有虛盈。至聖神人，亦有氣數。末學之氣，亦有絕傷。凡有此災。同契皆當齊心修齋，六時行香，十遍轉經，福炁立降，害炁流祥。無量之文，普度無窮。

道言：夫末學道淺，或鍊炁未功，運應滅度，氣停太陰。臨過之時，同學至人爲其行香，誦經十過，以鍊屍炁如法，魂神經上南宮，隨其學功，計日而得更生。轉輪不滅，變神爲仙。

道言：天地氣終，亦當修齋，行香誦經。星炁錯度，日月失明，亦當修齋，行香誦經。四氣失度，陰陽不調，亦當修齋，行香誦經。國土有災，兵氣四興，亦當修齋，行香誦經。疫氣流行，兆民死傷，亦當修齋，行香誦經。夫齋師友氣絕，亦當修齋，行香誦經。夫齋戒誦經，功德甚重。上消天災，保鎮帝王。下攘害炁，以度兆民。生死受鍊，其福難勝。故曰無量，普度天人。

道言：凡有是經，能爲天地帝主兆民，行是功德。氣災之日，發心修齋

燒香，誦經十過。皆諸天記名，萬神侍衛，右別聖人，尅得爲聖君金闕之臣。諸天記人功過，毫分無失。炁中真王亦保舉爾身，得道者乃當洞明至言也。

諸天中大梵隱語無量音 道君撰

元始洞玄鍊炁變仙玉篇

東方八天

潭無景憐，起寂洞珉。太極竟羅，玄牡犒澠。玉幾纏眸，碧畢完辰。霞廓益眇，昆池鏡騰。虛蕩醜訐，華延日君。法達幽演，逗雲離寅。吹昂葛希，樊堂普澄。愛祕曲賴，滋球侍巾。

南方八天

金基明俞，控志煙陵。清都閔文，舒馘屏迎。暮孤燕飛，赤冀懋層。宛利皇建，喬強預仇。辨淨普徒，微丘霸形。花祈若龍，道羅韻聲。薦巴耶尼，九日玄京。烏佳求媚，碧除隱彌。

西方八天

泉曲監阿，齒精浮黎。覺逸湛定，絳閔侔兮。帝忽茲投，鈎圖建施。流



育律逐，桑殊巷非。林振即廬，苟旨元衣。崒峒天山，鷲樓綿披。僅房遠交，軒多瓊曲。爛絕送治，魂動太儀。

北方八天

蔚蘭未司，局丹耀禧。嶧龍煙梁，精泓蘇界。氣道神散，空中煩璫。德鎮洞后，題鉏乾羅。霞落美太，敕淵捧猊。璧瑤員月，追冥素旗。出氣度玉，金道八埤。黃臺四空，虎首澆欵。

道言：此諸天中大梵隱語，無量之音，鍊氣變仙九宮玄文。天真皇人知氣之元，得氣之根，氣化廓落，縱橫成文，丹筆書之，八角垂輝，疊玉排瓊，其方一丈，四景耀明，昔書其文，以爲正音。有知其音，能齋而誦之者，道炁鍊真，神隱冲冥，諸天真王，下觀其身，書其功勤，上奏諸天，萬神朝禮，地祇侍門，大勳真王，保舉上真，道備尅得，遊行三界，昇入金門。此音無所不鍊，無所不營，無所不化，無所不明，鍊炁變仙自然之音也。故誦之致飛天下觀，上帝遙唱，萬神朝禮，三界侍軒，群祆束首，鬼精自亡，氣激神宮，玉音自

鳴，天球振響，道空鬱清，海平嶽竦，碧煙金城，鶴觀壘壁，仙都虛盈，萬仙駢擁，紫蓋丹旌，天地鍊炁，變化昊京，冥夷超忽，大量玄玄也。

靈寶无量度人上品妙經卷之六十

靈寶无量度人上品妙經卷之六十一

永斷輪轉品

道言：昔於始青天中，大浮洞歌玄明黎土，受元始度人永斷輪轉無量上品。元始天尊當說是經，周迴十過，以召十方，始當詣座。天真大神，上聖高尊，妙行真人，無鞅數衆，乘空而來。玉馬雲輶，彩霞流靄，丹輿彤轂，陣萼飛香，三景蔚清，合映太空，七日七夜。諸天日有龍文，月呈寶字，星樓鶴觀，宿舍機躔，一時停輪，龍風兼雨，鳳氣成山，天無浮翳，四象高明，一國地土山川林木，緬平一等，無復高下，土軟紫金，外涵水火，淨瑩交徹，無有異色。衆真侍座，元始天尊玄坐空浮無色海光之上，金山不動，瑞相儼如。說經一遍，諸天大聖同時稱善，是時一國男女，見道真形，厭捨生死。說經二遍，覺悟三業，猶彼火聚。說經三遍，觀身

穢壞，願證法體。說經四遍，悲憫三界，轉覆如輪。說經五遍，世間妄見，回念正道。說經六遍，道可飛神，不染羸惡。說經七遍，自知宿命，不貴通靈。說經八遍，住此真常，永斷輪轉。說經九遍，壽過天地，得真長生。說經十遍，證位昇玄，永無生化，是時一國是男是女，莫不傾心，皆受護度，咸得長生。

道言：是時元始天尊說經一遍，東方無極無量品多聞大神，無鞅之衆，浮空而至。說經二遍，南方無極無量品多目大神，無鞅之衆，浮空而至。說經三遍，西方無極無量品堅住大神，無鞅之衆，浮空而至。說經四遍，北方無極無量品定海大神，無鞅之衆，浮空而至。說經五遍，東北無極無量品神用大神，無鞅之衆，浮空而至。說經六遍，東南無極無量品權化大神，無鞅之衆，浮空而至。說經七遍，西南無極無量品道聰大神，無鞅之衆，浮空而至。說經八遍，西北無極無量品玄藏大神，無鞅之衆，浮空而至。說經九遍，上方

無極無量品永生大神，無鞅之衆，浮空而至。說經十遍，下方無極無量品息化大神，無鞅之衆，浮空而至。十遍周竟，十方無極天真大神，一時同至，一國男女，傾心歸仰，於所住天所居宮殿，咸見元始升座威儀，說經演法，无量十方，光明照見，宮殿赫如朝日。各相謂言，我等位證諸天，未出輪轉，壽過五劫，未免生死，身相光明，未免衰滅。今聞天尊欲說大法，永斷輪轉，始得開悟，入真法門，出生死網。來者有如細雨密霧，無鞅之衆，迨國一半土皆偏陷，非可禁止。於是元始振衣凭几，頂出大明，普照十方世界，無極仙真國土，一一國中，見諸僊王，將引臣從，來赴法席。又見諸天各持奇華異果，玉芝仙草，以爲供養。有諸仙王，居大宮殿而修仙業，領理天政，心厭欲樂。或奔采光華，嚙味真景，勸教諸真，種種妙事，會中天人，心知目矚，不敢陳議。元始徐啓雷音，遍告大衆。欲免生死，不入流浪，先當無心。爾若無心，即無三業。衆生迷妄，指識爲心，分別有

無，計度生死。心本妄名，以妄取名，心則虛幻。覺了能知，本是道元，何關心事。認心著境，即住生死，若無妄心，不住生死，即永斷輪轉。乃至諸大天僊，高真帝王，以無心故，證位聖真，自然得道。依心取捨，趣死趣生，終非究竟。乃至服氣鍊化，餌藥延年，並爲小乘功用感應，皆非解脫，昇入無形之道。爾若不爲心所遷易，隨念用情，心迹兩忘，即見道體，永斷輪轉，不住生死，與我今者，在此無色海光，說如是法。若以有心，則一切護法，天人龍鬼，悉各遠離，不應來此，頂禮欽奉。故知無心是道，真形是無，等法則身，所行事十聖莫知。口所出言，是天帝勅。心若計度，則魔精來附，終歸惡道。元始忽從海光，混入無色太玄空中，縣一寶珠，大如黍米，在太虛之中，去地千丈。元始登引，天真大神，上聖高尊，妙行真人，十方無極大道威神，無鞅數衆，俱入寶珠之中。天人仰看，惟見拂拂從珠口中入，既入珠口，不知所在，國人廓散，地還平正，無復欹陷，

元始即於寶珠之內，說經都竟，衆真監度，以授於我，當此之時，喜慶難言，法事粗悉，諸天復位，倏欵之間，寂無遺響。是時天人遇值經法，普得開悟，玄默虛明，不著空見，傾土歸仰，咸行善心。不殺不害，不嫉不妬，不淫不盜，不貪不欲，不憎不妬。言無華綺，口無惡聲，齊同慈愛，異骨成親。國安民豐，欣樂太平，經始出教，一國以道。預有至心，宗奉禮敬，皆得度世。

道言：元始天尊說經中所言，並是諸天上帝內名，隱韻之音。亦是真王內諱，百靈之隱名也，非世之常辭。上聖已成真人，通玄究微，能悉其章。誦之十過，諸天遙唱，萬帝設禮，雲烟靜默，海嶽深靈，二象澄廓，三景輝明，一切有情，心契真道，永斷生死，輪轉休停。至學之士，誦之十過，則五帝侍衛，三界稽首，魔精喪眼，鬼祆滅爽，神飛形固，遂其永生。所以爾者，學士穢氣未消，體未洞真，召制十方，威未制天政，德可伏御地祇，束縛魔靈，但濟兆身而已，不能普度群靈。輕誦此章，

身則被殃。供養尊禮，門戶興隆。世世昌熾，與善因緣，萬灾不干，神明護門。斯經尊妙，獨步玉京，度人無量，爲萬道之宗。巍巍大範，德難可勝。

道言：凡誦是經十過，諸天齊到，三界停輪，兆得至真，明曉生根，不著有無，不滯亡存，若有大物，爲生死門，兆無物相，混洞不分，永斷輪轉，與道杳冥，億曾萬祖，幽魂苦爽，皆即受度，上昇朱宮，格皆九年，受化更生，得爲貴人。而好學至經，功滿德就，復歸無名，出離陰陽，無犯尅并，不屬生死，永斷輪轉，變化不化，更生不生，與道合體，皆得神仙，飛昇金闕，遊宴玉京也。上學之士，修誦是經，皆即受度，飛昇南宮。世人受誦，則延壽長年，廓爾得悟，玄解之道，神識不昧，應物無窮，即得運形，遊觀太冥。此經微妙，普度含靈。一切天人，莫不受慶。無量之福，生死蒙惠。上天所寶，不傳下世。至士齋金寶效心，盟天而傳。輕泄漏慢，殃及九祖，長役考官，侍經五帝，玉童玉女，各二十四人，營衛神文，保護受

經者身。

道言：正月長齋，誦詠是經，契道真極，止息生機，於諸天中，無去來因，不住滅定，得大乘門，爲上世亡魂，斷地逮役，度上南宮。七月長齋，誦詠是經，惡心消解，仇對和平，不爲人緣，往返相因，寓形黜明，元精天成，不死不生，身得神仙，諸天書名，黃籙白簡，削死上生。十月長齋，誦詠是經，不住永滅，不欣長存，乘物以遊，爲光爲塵，示兆大慈，無量度人，出教演法，寶書天經，爲國王帝主，君臣父子，安鎮國祚，保天長存，世世不絕，常爲人君安鎮其方，民稱太平。八節之日，誦詠是經，挺然獨觀，八風無傾，兆出死生，駕馭瓊輪，得爲九宮真人。本命之日，誦詠是經，真氣虧盈，不亡不存，永斷輪轉，逍遙妙庭，魂神澄正，萬氣長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

道言：行道之日，皆當香湯沐浴，齋戒入室，東向，叩齒三十二通，上聞

三十二天，心拜三十二過，閉目，靜思身坐黃綠青赤蒼黑碧紫白九色雲氣之中，內外蒼冥，有青龍、白虎、朱雀、玄武、獅子、白鶴，羅列左右，頭上有無無上真道君，頂七曜交泰寶冠，面若瓊瑤，方瞳素髯，威耀光明，身被綠霞絳章飛裙，手執神劍，斷生死魔，三天殺鬼，乘紫素雲，住立巖然，身長九尺，上應九真。日月照明，洞煥室內，項生三氣圓象，光映十方，如此分明。密呪曰：

無上玄元，太上道君，召出臣身中三五功曹，左右官使者，待香玉童，傳言玉女，五帝直符，直日香官，各三十二人，關啓所言。今日吉慶，長齋清堂，修行至經，无量度人，願所啓上徹，徑御无上三十二天元始上帝至尊几前。畢，引炁三十二過，東向誦經。

### 元始无量度人上品妙經

元始洞玄靈寶本章，永斷輪轉，周迴度人。洞真隱奧，緣起自然。赤混

靈根，空無化成。太虛朗徹，肇生諸天。流演三氣，大機彌綸。中有虛皇，是爲我身。玄文散落，普育萬靈。赤景爲陽，黃華爲陰。圓光森列，羅布諸星。太一紫房，瑤簡綠編。啓運元造，玄中之玄。圓羅大梵，靈闕瓊宮。下包黃氣，洞淵綱維。眇眇蕩蕩，六闢九開。招靈化人，體備百關。神變無方，與道俱隆。顧盼八垣，端居玉京。中有玄極至道之尊，中有主生象帝之君，中有開天龍躡大神，中有九皇天真丈人，中有把握元紀幹運機紐至妙尊神。生成二象，无量度人。普告一切，悟道之元。永斷輪轉，得爲種民。今日校錄，諸天臨軒。

東方無極清信神王，長生大聖，無量度人。  
南方無極明感神王，長生大聖，無量度人。  
西方無極堅立神王，長生大聖，無量度人。  
北方無極海空神王，長生大聖，無量度人。

東北無極聖仙神王，長生大聖，無量度人。  
東南無極妙慧神王，長生大聖，無量度人。  
西南無極定常神王，長生大聖，無量度人。  
西北無極證真神王，長生大聖，無量度人。

上方無極無影神王，長生大聖，無量度人。  
下方無極不迴神王，長生大聖，無量度人。  
十方至真飛天神王，永斷輪轉，無量大神。并乘瓊光綠雲八景琅輿，丹霞玉輦，驂駕碧鳳九色神龍，建交真之節，素虎靈幡，前按九章齊奏，後吹六等同鳴，青鸞白鶴，和鳴嚶嚶，九靈控飈，七真乘烟，謠歌步虛，浮空而來。傾光迴駕，召生命仙。南昌上宰，總御朱宮，韓司主錄，堅固大神，執籙把籍，齊到帝前。隨所應度，嚴校諸天。普告三界，無極神鄉，泉曲之府，北都羅酆，三官九府，十二河源。守識本真，悟見自

然，無有生死，不著變遷。道無去來，形爲寶山，智火鍊之，金光玉混。比之晝夜，日月常懸。往還非妄，眇眇綿綿。法體虛明，象外真仙。永斷輪轉，昇入太玄。上解祖考，億劫種親，疾除罪簿，落滅惡根。不得拘留，逼合鬼羣。元始符命，時刻昇遷。北都寒池，部衛形魂。制魔保舉，度品南宮。死魂受鍊，仙化成人。生身受度，劫劫長存。永斷輪轉，先天無年。永度三途，五苦八難，超凌三界，逍遙上清。上清之天，天帝洞光，無色之境梵行。

#### 東方八天

玉娑平海天，帝豪真秉符。  
驕炎祥備天，帝思順孝猷。  
雲碭龍磧天，帝景命混圖。  
驪性希矇天，帝齊丘綠符。  
鎮相流誓天，帝古威罕常。  
嶽樊膏汀天，帝兆籍監王。  
凝仙鹿觀天，帝幾道元光。  
斗浦玄司天，帝蕩淵慈宜。  
南方八天  
崑鱗飛機天，帝廓洞自幽。

洞炎赤圭天，帝息覺除營。  
陽祁正父天，帝杳晶皓黃。  
金律整靈天，帝弼由肅沙。  
烏稷無變天，帝密睹思微。  
神歸合明天，帝蹈靈防離。  
太元機省天，帝擇全施虔。  
校錄定真天，帝育韓籌冥。

#### 西方八天

明玄聖皇天，帝直義伯鑾。  
曲生司世天，帝幽都仙。  
總梵極元天，帝閔騎遐非。  
玄化典法天，帝祖定延真。  
刑籍真筭天，帝長靈度耽。  
華晶慶霄天，帝玉誕昌。  
妙真德女天，帝九濟道戶。  
列星交微天，帝應大法謠。  
北方八天  
孕魂敗白天，帝遷洞伏機。  
卵化液流天，帝遵犧眷雷。  
溫胞育陽天，帝洞混光臨。  
媁玉中華天，帝括保命生。  
池陰鎖神天，帝師火交侯。  
太極抱愛天，帝道真欲化。

諱津人山天，帝敵利寶龜。

丹精朱闕天，帝妙華玉剛。

三十二天，三十二帝。諸天隱諱，諸天隱名。天中空洞，自然靈章。諸天隱韻，元始之音。無形之尊，不轉之神，超象真魔，斷妄之靈。和合出流，脫離化源。永住諸輪，變化上清。無量之奧，深不可詳。敷落神真，無三界因。今日欣慶受度，歷關諸天，請滅三惡，斬絕地根，永淨六染，名列太玄，真王監觀，無拘天門。東斗發生，西斗義成，北斗存道，南斗降靈，中斗運神，九老三真。青帝巧量，白帝堅登，赤帝通化，黑帝淵清，黃帝中極，指呼萬神。青天魔王，以文定名。赤天魔王，知識散精。白天魔王，罪惡司刑。黑天魔王，智用乃分。黃天魔王，大宗非聲。五帝大魔，生死元雄。飛行鼓從，總領威兵。麾幢鼓節，遊觀太空。軍騎赫奕，佐天舉功。永斷輪轉，嚴攝北酆。神功受命，普掃不祥。八威吐毒，猛馬四張。天丁把斧，大帥持旛。擲火燎焚，流鈴四揚。敢有干試，拒遏上真，

金鉞前衝，巨劍後刑。屠割鬼爽，風火無停，千千截首，萬萬翦形。魔無干犯，鬼無祿精，三官北酆，明檢鬼營。不得容隱，金馬驛呈。普告無窮，萬神咸聽。三界五帝，列言上清。

元洞已迹，紹曆龍康。眇眇億劫，輪轉無常。劫終劫始，太空難量。恍漫不期，混沌之中。上無無色，下無無淵，風轉九虛，金景定天。天上天下，無幽無冥，無形無影，無極無窮。溟滓大梵，遼廓無光，不名生死，無有去來。三界輪轉，皇道流行，六氣變化，忽合忽離。神依靈寶，永固精根，赤明開圖，運度自然。元始安鎮，敷落五篇，赤書玉字，八威龍文。保制劫運，使天長存。梵炁彌羅，萬範開張。元綱流演，三十二天。輪轉無色，周迴十方。旋斗歷箕，迴度五常。三十五分，總氣上玄。八景冥合，氣入玄玄。玄中太皇，上帝高真。泛景太霞，嘯詠洞章。金真明郁，流響雲營。玉音攝氣，靈風聚烟。紫虎鬱秀，輔翼萬仙。千和萬合，自然成真。真中有神，神無方體。

道寓姓名，乃號南極太微長生大君。無英青華，白元素真。太一始生，司命筭程。桃康合延，致兆有生。生爲死本，輪轉不停。道初無爲，豈毀豈成。是爲仙真，養教種人。執符把籙，保命生根。上遊上清，出入華房。八冥之內，細微之中。下鎮人身，泥丸絳宮。中理五氣，混合百神。十轉迴靈，萬氣齊仙。仙道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，永不輪轉。上聞諸天，諸天之上，各有真靈。中有空洞謠歌之章，真王靈篇，辭參高真。

### 第一欲界飛空之音

天道朗朗，鬼道蒙蒙。人道杳杳，沈滯輪回。仙道樂兮，太虛爲家。男女相牽纏，我界居其多。聲色味靈府，頑空張網羅。濁海流巨浪，塵山鬱嵯峨。但能錄其惡，安能遏其邪。遇我虛皇尊，演此大洞篇。頓然爲種民，色景何足過。憫嗟曠劫迷，空中起悲歌。茫茫愛欲徒，不悟當奈何。

### 第二色界真王之章

峨峨無極山，上有飛天宮。羽衛羅億千，我得治其中。朝遊大有庭，丹輿駕靈風。夕歸校錄府，真仙執瓊編。返神入太空，下觀諸天民。自然浩劫來，身猶染輕塵。未得斷輪轉，安能忘色根。一聞空洞章，合體皆虛明。息念七寶林，濯身天河津。永契皇極道，稽首禮天尊。

### 第三無色界真王歌曰

蕩蕩龍漢，眇眇赤明。皇極生神，無形無名。始立三界，我居其尊。統制一切，攝御衆靈。曠朗諸天，境域四開。緣習未斷，猶有傾墮。乘運促會，得升列真。元始敷化，大演真機。此道堅固，悉入無爲。既悟絕輪轉，大福享爾身。何慮塵沙劫，天地應不傾。靈光散十方，齊爲白玉京。

此三界之上，飛空之中，真王歌音，音參洞章。誦之百遍，名度南宮。誦之千遍，群真保迎。萬遍道備，飛昇太空，過度三界，位登仙公。有聞靈音，三官敬形，勅制地祇，侍衛送迎，拔

出地戶，五苦八難，七祖昇遷，永離冥關。魂度朱陵，超度死生。是謂無量，普度無窮。有祕上天文，諸天共所崇。泄慢墮地獄，禍及七祖翁。

道言：此二章並是諸天上帝，及神霄玉清真王隱祕之音。兆能誦之，見道全體，洞入無名，得悟證真，永斷輪轉。皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於神府東華藏室，依玄科應運下傳。若有至人齋金寶質心，依舊格告盟三天，然後而付焉。

道言：夫天地運度，亦有否終。日月五星，亦有虧盈。至聖神人，亦有休否。末學之夫，亦有疾傷。凡有此灾，皆氣數窮極，往來始終，輪轉三界，諸幻所生。同氣皆當齊心修齋，六時行香，十遍轉經，福德立降，消諸不祥。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，以度屍形如法。魂神徑上南宮，隨其學功，計日而

得昇玄。不入輪轉，便得神仙。

道言：夫天地運終，星宿錯度，日月失昏，四時失度，陰陽不調，國境不稔，疫毒流行，兆民死傷，師友命過，悉爲有世之患，刑傷之灾。皆當修齋，行香誦經，真道內著，永斷輪轉，超出三界，却滅刑灾，神靈聞之，即當消解。夫齋戒誦經，功德甚重。上消天灾，保鎮帝王。下攘毒害，以度兆民。生死受賴，其福難勝，故曰無量，普度天人。

道言：凡有是經，能爲天地帝主兆民，行是功德。有灾之日，發心修齋燒香，誦經十過，皆諸天記名，萬神侍衛，右別至人，尅得爲聖君金闕之臣。諸天記人功過，毫分無失，天中真王亦保舉爾身，得道者乃當洞明至言也。

### 諸天中大梵隱語無量音

#### 元始靈書中篇

##### 東方八天

騏驎禹嶠，元佐句野。河魁杜軍，華侯張化。沙洛維晃，鏹神劉師。勅

周靈采，石完天真。陸鬻附魂，符驅陰名。祭賚謹戒，護救齊仁。約誠莫私，呼應合倫。意通使捷，丁威昵鄰。

##### 南方八天

闔關谷玄，妙液交瓘。混氣接心，道囿時會。和迫知微，兑意洪施。換忽眇漠，玄諱德宜。洞清絕往，介尸端期。邈默外世，天真俯携。雙路並遷，由夷指馳。歸畢空冲，鬼路幽機。

##### 西方八天

祖瑒開宗，氣根霞龍。梵演洞乘，恢化光容。仙露昇格，丹想文封。怪悟異生，水激火攻。壽隱解遙，遵叩祕濛。守嚴修隆，道授普風。隨舉觀代，繼軌述從。善教屏邪，權示玄籠。

##### 北方八天

一晶萬瓣，生幾空常。力弊紹新，化代周遷。旋易旺弛，輻轉逸連。昧無動玄，匪知鄙天。泯斬繁職，圓廓獨空。變回寔住，圖析來還。曷出俄居，恍字厥如。泮微祈醜，混罔勿規。

道言：此諸天中大梵隱語，無量之音。舊文玄都九老仙君，以黃檣漆

液書於劫門帝闕之上。至真之人，出三界，離十方，必登劫門，詠中篇以升無形。下世末學，住生死流，居小乘位，不誦其文，則地官錄其形質，天司禁其魂爽，取道暗杳，不知至玄。能味靈文，中池之神，告兆無極，開大明於慧牖，豁見海於定都也。字皆廣長一丈。天真皇人昔書其文，以爲正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳十真，保舉上清，道備尅得，遊行三界，昇入金門。此音無所不辟，無所不禳，無所不度，無所不成，天真自然之音也。故誦之致三天下觀，上帝遙唱，萬神朝禮，三界侍軒，群祆束首，鬼精自亡，琳琅振響，十方肅清，河海靜默，山嶽吞烟，萬靈振伏，招集群仙，天無氛穢，地無祲塵，冥慧洞清。大量玄玄也。

靈寶无量度人上品妙經卷之六十一

（李遠國點校）



# 003 元始無量度人上品 妙經直音

經名：元始無量度人上品妙經直音。撰人不詳，出於北宋以後。就《度人經》六十一卷本之古字及疑難字加以注音，以便誦議。一卷。底本出處：《正統道藏》洞真部本文類。

## 無量度人上品妙經卷第一

黎土。下音杜。鞅。音仰。嘿。音默。緬。綿上聲。痼。音固。妊。音任。迕。音窄。勃勃。並音拂。欵音欺。粗。徂古切。儵音叔。欵。薰入聲。始。音自。熾。痴去聲。可勝。下音升。尸解。下佳買切。爲上世。上音位。翁。翁上聲。殖。音石。霰。烏宏切。邕邕。於容切。九署。下音樹。上解。下皆上聲。種親。上音腫。縑。音藍。愴。音外。茄。音加。邠音伽。揲。音牒。阮。

元始無量度人上品妙經直音

音遠。樂天。上音岳。勃勃。上音孛，下音霈。曇。音單。玦。音英。秀樂。下音洛。總監。下音鑑。監舉。上音緘。朗馥。下音伏。鼓從。下去聲。麾。音揮。遊觀。下音貫。溟。音茗。滓。胡頂切。輪轉。下去聲。馘。音擱。葩。怕平聲。樂仙。上五教切。得過。下音戈。否終。上音被。運應。下音膺。爲其。上音謂。難勝。下音升。亶。丹上聲。蒼。音外。憩觀。上音禍，下音貫。蹠。音隻。誦。音莘。澤洛。上音鐸，下音郝。遭。音甄。藪。音叟。蔚。音鬱。蛄。音愚。少都。上燒去聲。獲。音獲。覆。敷救切。

## 玉宸大道品卷第二

軺。音遙。泫。音縣。去濁。上軀上聲。捷音輦。澡。音早。挾。音叶。墟。音祛。喻。音吸。紱。音弗。輶。音燃。璈。音熬。釐。音梨。轉機。上專去聲。虬。居由切。噴。音歎。幹。音棺。嬪。音頻。垠。音銀。關。瓶入聲。杓。標，又常入聲。蕤。藥平聲。蒼。音外。績。音軫。閔。苦壁切。禺。遇愚二音。翳。音詣。聿。勾入聲。孱。音潺。漉。音產。滇。音顛。

## 天地八維安鎮國祚品卷第三

芬苾。上音分，下頻入聲。伎。音至。清蕩。上音淨。辨分。下音糞。之使。下音士。虎賁。下音奔。射。音石。亦。音跡。蓐。蒙夢二音。燠。音漢。澌瀾。音斯米。黼。音府。紆。音于。偁。音稱。微。音叫。傲。音整。湊。音賸。咀。音聚。灾分。下音糞。繒。音情。蚺音元。襴。音你。竅。苦弔切。醯。咽平聲。穌。音和。霽。音陰。昂。音卯。榔。音琛。璟。居永切。健稠。下音擱。瑄。音管。棐。音匪。楮。音者。協汾。上叶，下焚。馘。音達。箋。音煎。憩。音氣。垠。音肩。嶷。音逆，又音疑。炘。音莘。蓀音孫。虬。音膠。崛。群入聲。鏹。音搜。適。就平聲。涪。音浮。卣。音由。浹。音接。瀾。音藥。亟。氣棘二音。澣。音虎。擘。淹入聲。蹟徠。上跡，下賴。剗。專上聲。豐。音問。翅。音世。繪。音會。沆。音桁。燔。煩焚二音。

## 永延劫運保世界平品卷第四

藪。音叟。蒼。音外。和。音禍。洽。音匣。闕。遏烟二音。沴。音利。眇。音面。分度。上音糞。殄。音殿。愬。音素。確。控

七四五

入聲。殍。音祥。狘。音戎。焯。他昆切。隙。許窺切。慝。疼入聲。謐。音蜜。樂。殘。上爻去聲。謬。眸去聲。梯。音蹄。廡。音武。憤。音鱗。沂。音宜。巘。言上聲。鋤。音鉏。褒。音包。眈。音戶。墀。音持。粵。音月。淙。音叢。阜。音付。誠。音咸。蔓。音萬。擯。音殯。糅。女救切。萋。音驢。

消穰國君王侯世土灾祥品卷第五

埒。音劣。殄。音殿。弭。音米。蝨。音脾。慝。疼入聲。貽。音夷。駐。音注。驛。音必。菩泊。上菩，下既。適。就平聲。標。影。鰲二音。旻。愍平聲。沓。潭入聲。灑。音浩。胄。音宙。築胸。竹上聲。訶。胸去聲。傒。音槎，又音梭。沲。音陶。柞。音作。汶。旻問二音。贄。音至。渦。音戈。纁。組。上薰，下祖。笱。音加。茨瓷。並音慈。櫛。音屬。

太一神變五福護國禳兵品卷第六

趾。音止。裊。音鳥。酌。音的。呱。音孤。熠。淫入聲。觀闕。上音貫。峙。音治。挺。延羶二音。播。波去聲。懾。沾入聲。脫難。上音奪，下去聲。噬。音誓。孽。言入

聲。眚。生上聲。織。音傘。矛。音牟。宄。音鬼。虬。音繆。翬。杉雲入聲二音。髦。音毛。後吹。下去聲。鷲。音木。偵。音裡。洿。音降。瀋。琛上聲。庫。音鼻。誠。音咸。飲。音蔭。蠱。道毒二音。幟。癡去聲。癰。音隆。數行。上音朔。臄。汪入聲。讖。楚禁切。駝。音追。弧。音胡。畿。音其。飢。音飼。墀。音善。燔。煩焚二音。軺。音遙。湯。音傷。拊。音府。咀。音聚。鬣。廉入聲。拉。婪入聲。之。正。音頁。腴。音臾。胃。音絹。銜。音咸。籲。音預。頰。桑上聲。

顯瑞符應品卷第七

挺。音定。化奇。下音機。炯。居永切。旂。音其。焱。音標。眚。生上聲。瑄。音管。忱。甚平聲。戊。音茂。歆。吸平聲。哲。音哲。瞽。音務。淀。音殿。恪。康入聲。鏜。音湯。逵駢。並音夔。矻，丁去聲。珊撒平聲。肘。周上聲。

清微金科品卷第八

葆音保。晃。荒上聲。勃勃。並音弗。粗。音柞。壘。羸上聲。驂。音參。閱。音悅。儻。音舞。颺。音標。冲天。上音蟲。握

幄。並於角切。躡。音喬，又音嚙。運幹。下音指。彙。音謂。縣沙。上音玄。紐。音扭。峙。治上聲。挹音揖。世土。下音杜。漫。謾慢二音。涓音眉。沃至。上翁入聲。眩。音縣。淇鞅。上其，下仰。孺。如去聲。寶。音豆。系。兮去聲。

禹餘玉律品卷第九

渥。音握。大赤。上音太。屨。音據。搢。音晉。宸。音矣。无惡。汗惡二音。挺。音定。翊麾。上弋，下揮。眇。音面。度善。上音鐸。婺。音務。洙滄。上株，下倉。澱。音殿。潰。音汾。帝推。下音吹。轄黜上音黠。談。音恢。鶯。音木。窳。音遙。湏。音貢。靄。音愛。詭。音鬼。轡。音蔽。遽。廬。上渠，下驢。眚。星上聲。韞。音醞。瑄。音管。皦。音皎。逗。音豆。瓘。音貫。罟。音古。捐。音負。陂潏。上悲，下尋。戊河。上音絮。闕。音祕。嶧。印入聲。遁。音鈍。鏤。子全切。沉。音桁。音翫。顥。音浩。粹。音歲。潢。音黃。罔著。下音注。檄。形入聲。

大赤靈文品卷第十

彤。音同。熠。淫入聲。暈。音輝。脫諸。

上音奪。逮。大地二音。激。音擊。颺。音  
標。嘯。音叱。巨。絙去聲。旂。音精。應  
度。上音膺。炘。音莘。念。音預。蕪。音  
其。卓趾。上提下止。捐。音負。眇。匹覓  
切。兕。音似。殄。田上聲。奮。音糞。  
獲。音饗。三觀。下音貫。脫然。上音奪。  
箔。音薄。燔。音凡。飛觀。下音貫。埃。  
音哀。著心。上音勺。趨蛆。並音沮。獎。  
將上聲。漪。音衣。邁。音構。熒。音紫。  
緜。隈假二音。溢。尤質切。譔。音撰。烜  
喧上聲。滕。音騰。

玉明運度品卷第十一

蜺。音霓。水勝。下音升。矚。音祝。穀。  
音構。推機。上吐回切。浚。音峻。彤。音  
同。需。音須。皋。音高。聖。津入聲。  
跪。音貨。瓚。殘上聲。孳。音茲。昉。方  
上聲。碩。音石。湟。音皇。湮。音因。  
湫。音伏。汨。骨覓二音。茸。音戎。跳。  
音迢。系。兮去聲。殞。云上聲。瀕。音頻。  
萃。秦醉切。懟。兌墜二音。璠。煩翻二音。  
蛻。音稅。淪。音藥。瓌。鱸平聲。攔。音  
蘭。鏗。音藥。汶。旻問二音。瀘。音爐。  
箐。音溝。駢。音夔。炘。音莘。伾。丕醅

二音。荃。音痊。翹。音莖。黼。音輔。  
閱。音悅。遄。音旋。孥。音奴。羈。音覓。  
詛。阻去聲。奎。音窺。蚘。音附。蝮。音  
條。

陰陽化生品卷第十二

絢。暄去聲。璘。音鄰。相儀。上音象。  
沓。談入聲。采。音彌。緬。音面。紺。甘  
去聲。蠲。音涓。卷。音拳。圻。音拆。  
晞。音希。彙。音位。騶。音鄒。騎。去聲。  
躍。音藥。帔。音沛。聲。音馨。效。開去  
聲。槁。音考。播。波去聲。湊。音媵。長  
谷。上音脹。閱。音悅。標。鰲，又音影。  
旂。音其。裔。音異。晶。胡了切。脂。吻  
泯二音。強名。上姜去聲。涂。塗除二音。  
瀕。音承。矛。音牟。撓。音惱。竦。音聳。  
鞞。音揮。幘。音責。瑒。音篆。柢。音蒂。  
混淪。下音輪。噲。音吸。橐。音托。窳。  
音窪。漑。既蓋二音。糅。紐去聲。浥。音  
邑。鈇。音汾。褒。音包。浹。音接。顛。  
音號。飴。音夷。燄。炎去聲。縻。音梅。  
葳。音闡。燾。音道。嶮。音溪。姝。音樞。  
滉。音晃。蟠。音盤。斂。民上聲。藐。音  
莫。嶠。音虞。

太一元精品卷第十三

萃。秦醉切。敝。音弊。妥。拖上聲。砥。  
音紙。荐。音游。縻。音辱。玄沆。下音桁。  
瀕。音承。炯。居禾切。貌。音脾。探。音  
貪，又去聲。邠。音伽。播。波去聲。濡。音  
如。孚。音于。茹。如去聲。統。音宛。  
掖。音亦。鶉。音淳。吒。音祖。嗤。音癡。  
駢。音達。顛。音爐。醞。音蘊。夏。姦入  
聲。愷凱。並開上聲。徇。苟去聲。偁。音  
稱。茁。側劣切。弛。音始。訾。音子。  
侈。癡上聲。孽。言入聲。岨。音蛆。汧。  
音牽。湍。象平聲。

日精陽明品卷第十四

曦。音希。朽。音鳥。舖。晡步二音。浹。  
音接。微。音叫。闐。音因。捐。音緣。  
彈。壇但二音。蒨。千去聲。軫。音疹。柞。  
作昨二音。噉。音燉。叱。噴入聲。聃。音  
貪。錐。音早。嬰。音鶯。滄。音檜。煨。  
音鍛。咀。音聚。晰。音浙。汜。音杞。  
漪。音衣。媽。音焉。哀。薄候切。鶴。音  
貫。婺。音務。涪。音浮。錢。音煎。湃。  
音派。沅。音充。瓌。鱸平聲。臄。汪入聲。  
涸。音恪。稊。音蹄。鞞。多上聲。

月華陰景品卷第十五

灑。音浩。璿。音璇。滉。音晃。槁。音稿。  
 覲。音既。陰觀。下音貫。糝。音夷。稟。  
 凜。並悲品切。闔。音撻。蹠。音偏。蹻。  
 音仙。廖。瞭流溜三音。燔。音煩。迤。音  
 以。畧。音喻。曳。音裔。虹。音紅。邁。  
 音構。漲。音脹。睇。音弟。岵。音戶。  
 蹟。音跡。倂。音稱。郟。音談。遁聿。並  
 勻入聲。伺。音四。泊。音計。桴。音夫。  
 湍。他官切。遄。音旋。漂。音飄。洮。音  
 條。穎。形上聲。醇。音淳。楠。音南。  
 塾。音敦。餼。音戲。猷。音由。札。音扎。  
 燎。音了。闕。瓶入聲。葳。音闌。揭。捷  
 入聲，又音氣竭。垓。音該。礫。音力。

陰陽離合五行化體品卷第十六

隳。許圭切。謬。眸去聲。勃沴。上孝，下  
 利。綜。音綜。燥。音嫂。枯。官入聲。  
 迮。音窄。灑。音浩。播。波去聲。鑰。音  
 藥。殄。音甸。殄。音祥。剖析。上普后切。  
 酢。音昨。墩。音敦。眸。音牟。蔑。音滅。  
 誦。胥上聲。爰。音元。錐。卑批音。汧。  
 音牽。遄。音船。鏗。音萼。焚。音焚。  
 徼。臯斗二音。

搏桑真陽品卷第十七

杏。單入聲。奉書。上音捧。庇。音兆。  
 璽。音洗。飴。音夷。虬。音繆。螭。音癡。  
 軺。音遙。渦。音戈。閔。洪去聲。賁。奔  
 焚二音。攸。音由。鑲。音還。茨。音慈。  
 號。音擱。淝。音肥。煬。羊漾二音。續。  
 音頻。沉。音桁。括。音聒。莛。音廷。兕  
 魂上音似。蜿蜒。上苑。下延。峙。治上聲。  
 上眇。音面。見伏。上音現。翟。狄宅二音。  
 悲。音弼。淙。音叢。矧。青晒。郢。音瘦。  
 謀。甚平聲。擣擣。上乃豆切。倅。□梭二  
 音。糲。音能。銖。音珠。閱。音悅。蘇。  
 音蟹。牛。音奔。伎。音真。訖。又去聲。  
 胸。濃入聲。叵。音頗。舛。音掩。哀。薄  
 候切。業。音業。璠。音煩。

素景耀靈品卷第十八

脆。崔去聲。濬。音峻。併。音並。纏思。  
 下音四。汨。骨覓二音。瑰。鱸平聲。汶。旻  
 問二音。畸。音機。眇。音面。涔。音岑。  
 柘。遮去聲。蛟。音祇，又音啓。亟。音棘，又  
 音氣。忱。音湛。稭。音室。榔。音郎。  
 瑾。音近。汾。音焚。灑。音你。洄。音回。  
 闐。音會。鈇。音莢。螭。音癡。躋。音賚。

聿。勻入聲。

十方聖境品卷第十九

碧落空歌品卷第二十

曼。音萬。合。音哈。杪。音眇。炫。音縣。  
 繖。音傘。涵。音領。蒨。千去聲。謬。音  
 聊。屨。鐵入聲。闐。音會。睫。音接。  
 矚。音祝。鏘。音槍。貨。音資。縻。音眉。  
 巔。音顛。瑄。音管。淳。音亭。采。音迷。  
 盅。音蟲。涂。除塗二音。煜。音欲。奉。  
 音捧。塤。音喧。憂。姦入聲。首名。上音  
 獸。鉦。音征。觚。音孤。被服。上音披。  
 擯。音貫。嬪。音頻。呱。音孤。部索。下  
 音色。姥。模上聲。鑽。音匱。澡。音早。  
 蟆。音麻。鏗。音湯。虺。音毀。知者。上  
 音智。崢。音橙。嶸。音宏。虬。音繆。

飴。音夷。邁。音構。媛。音院。鉉。音縣。  
芙。烏老切。駿。音俊。采。音迷。

生化胎根斷除邪穢品卷第二十一

大極。上音太。混。音晃。幹。音棺。合  
彩。上音閣。翹。音許。撓。音惱。痕。音  
加。清練。上淨，下煉。釁。忻去聲。孽。言  
入聲。伺。音四。燼。卒入聲。去邪。上音  
祛。景從。上影，下縱。填。音鎮。銀。音  
警。岵。音戶。麓。音鹿。琛。丑村切。  
閔。音愛。漑。音既，又音蓋。憩。音氣。斬  
摧。下音判。擯。音殯。洞觀。下音貫。不  
樂。下爻去聲。系。兮上聲。憊。音敗。嶼。  
云入聲。邃。音遂。璉。音連，又音輦。荻。  
音該。炫。音縣。澱。音殿。鰥。音關。  
岍。音蚺。晶。胡了切。适。官入聲。莛。  
音廷。閔。傾入聲。號怖。上毫，下鋪。睛。  
音精。檄。形，入聲。

飛神召靈品卷第二十二

從吏。上去聲。翕。音吸。館。音貫。迭。  
田入聲。咤。音吒。斐。音匪。額。硬入聲。  
粵。音月。括。官入聲。諧。音鞋。垝。昂  
上聲。圮。晏入聲。蹠。音隻。昃。音側。  
昴。音丙。恹。綿上聲。挾。嫌入聲。擗。

瓶入聲。虜。音鐸。

降真招靈品卷第二十三

訛。音貝。壇。音薑。穰。音穰。沴。音利。  
櫛。音盧。館。音貫。攫。音鑿。奉符。上  
音捧。挾。音叶。駢。音非。銖。音殊。  
陂。音悲。刺。青入聲。埃。音哀。盆。盆  
去聲。愬。音素。恪。康入聲。愁。音禍。  
燄。焰鹽二音。覬。音既。璫。音當。悲。  
音弼。謐。音蜜。邾。音朱。淑。音熟。  
趨。音蛆。獲。音饜。旻。蜜平聲。涖。音  
士。

神變氣化品卷第二十四

大空。上音太。合一。上音閣。吹。去聲。  
著邊。上音勺。縵。音婪。嗇。音色。晶。  
胡了切。忱。音湛。轄。音黠。紗。音妙。  
眇。音面。軾。音式。嵬。音桅。芥。音聶。  
澹。音繪。襪。音你。闕。遇烟二音。亟。  
氣棘二音。玳。音珉。漪。音衣。纂。音鄼。  
扎。口平聲，又音摳。炯。胡永切。復。瓊去  
聲。瓘。音貫。

赤符丹光品卷第二十五

闇。音暗。竅。苦弔切。睨。音貨。鬣。音  
獵。闕。音祕。奇。音機。晶。胡了切。

睽。音窺。僂。兮去聲。澶。音氈。澹。音  
膾。鄞。音殷。偉。音韋。蟄。沈入聲。  
嵬。隈隈二音。湊。音賸。

明體貫氣品卷第二十六

逌。談入聲。厠。初史切。脆。崔去聲。眇。  
音軫。覬。音既。崇。音歲。體分。下去聲。  
行合。上音杏。瀹。音藥。晰。音哲。燥。  
音嫂。既。音救。數度。上音速。湯谷。上  
音陽。徂。音殂。顛。音專。毗。音脾。  
赭。音者。確。控入聲。嶠。橋去聲。巘。  
焉上聲。玦。音英。蓐。音辱。闕。瓶入聲。  
躡。音橋，又音嘖。句華。上音勾。刹。音  
察。莢。音若。番。音婆。徂。音殂。璩。  
瑁。上遂，下昌。瀏。音柳。磔。音責。沈。  
音光。溘。音顛。駿。音俊。哥。哥上聲。  
蠹。音畜。旻。音莘。滄。音戶。確。音殼。  
燔。音煩。飲。音蔭。

紫光丹靈品卷第二十七

俠。音叶。彈。壇但二音。畸。音飢。佻。  
音求。顛。音專。洙。音殊。瀾。音藥。  
侖。音崙。涂。塗除二音。采。音迷。郊。  
音談。埔。音容。强名。上薑去聲。刹。音  
察。蹠。音忌。茵。音窘。憂。間入聲。

瞢。音夢。旃。音甄。閩。愍平聲。盜。音  
勻。哀。蒲候切。媚。音味。胙。音祚。  
裔。音異。零。音于。

三晨光輝保命延生品卷第二十八

黔。音陰。胤。因去聲。績。音軫。翹。血  
平聲。臆度。上億，下鐸。螭。音癡。璽。音  
洗。袂。音弗。頌。音汞。填。田殿二音。  
璈。音熬。壘。作堂。僑。音喬。敞。音  
炫。音懸。闕。音祕。炯。居永切。澌。音  
斯。蹠。音隻。爍。傷入聲。關。瓶入聲。  
眈。曼愍平聲。贖。音胼。麓。音鹿。褒。  
音包。珏。音角。輓。音伏。犢。音瀆。  
圈。音倦。琚玻。上居，下坡。穎。營上聲。  
閻。肩入聲。藪。音叟。葳。音闡。璠。音  
凡。紇。銀入聲。汶。問曼二音。鏐。音流。  
帖。音戶。響。音哭。桃。糶討平聲。閱。  
音悅。

降真延壽品卷第二十九

喁。音邕。眇。音面。雨飛。上音遇。媾  
隕。上邁，下殞。樂信。上爻去聲。燔。音  
煩。千和。下音禍。匏。音袍。賡。音庚。  
熠。淫入聲。闔。音撻。續。音曠。瘵。音  
債。塚。音腫。輓。音寬。播。波去聲。

僑。音喬。濮。音卜。叱。噴入聲。璈。音  
熬。紈。音膽。業。音業。春。書容切。  
跼。窮入聲。裊。音鳥。企。啓契二音。激  
射。上擊，下石。盪。音蕩。輳。音膝。滇。  
音顛。罔。音冬。庶。音武。句魁。上音勾。  
轟。橫平聲。缶。方久切。奉筆。上音捧。  
造。音船。

斷絕胎根閉塞死尸品卷第三十

類。桑上聲。痾。音阿。差。釵去聲。娠。  
音申。坼。音拆。僻。音劈。胤。因去聲。  
炯。居身切。翕。音吸。關。瓶入聲。戾。  
音厄。唳。音利。絢。血去聲。粵。音月。  
泣。音利。滅。歎入聲。殄禦。上殿，下語。  
顛。音邕。蒼污。上音外。揆。葵上聲。  
巘。言上聲。苴。蛆蚌二音。摘。音螭。咤。  
音吒。賂。音路。篋。謙入聲。

長生久視品卷第三十一

大玄。上音太。頰。檀平聲。射。音夜。合  
成。上音閭。腕。音宛。音樂。下音藥。  
阜。音父。激射。上擊，下石。轡。音背。  
覲。音既。心著。下長入聲。睫。音接。戾  
中。上利，下仲。浥。音邑。飭。音敕。赭。  
音者。蒨。千去聲。髻。宗惊二音。藜。音

燦。騁。音逞。嶧。音萼。晶。胡了切。  
玕。音于。帘。音亦。突。耀要二音。飴。  
音夷。蜿蜒。上宛，下延。魍。音濁。魍。音  
壘。藻。音早。舖。音哺。莠。音誘。縹。  
音辱。遐造。下操去聲。崛。群入聲。冠  
彼。上音貫。績。音軫。涵。音領。眇。音  
面。神使。下去聲。輦。音輝。魍。音漂。  
焯。音葦。咀。音聚。傲音敦。糝。音夷。  
醪。音勞。受。音受。缺。苦夬切。耆艾。  
上祁，下曖。挺。音定。遜。音異。惇。音敦。  
菟。音兔。崙嶼。上論，下序。峴。音陽。  
銜。音咸。邁。音構。繪。音會。窳。凹窪  
二音。漕。曹造二音。罔。居永切。淪。音  
藥。楠。音南。射。音石。鋌。音定。汨。  
骨覓二音。咫。云入聲。甦。音蘇。酪。音  
茗。聿。勻入聲。膝。音膝。隲。音陟。  
觀。音貫。瓌。音塊。鏤。音漏。轉括。下  
官入聲。

五行順治品卷第三十二

穀。音谷。嬰。摻入聲。列觀。下音貫。  
荼。音捻。佛。音佛。斟。音針。彈。壇但  
二音。悖。音備。酪。音格。中傷。上音仲。  
隕。云上聲。戊魂。上音茂。礫。音力。

肱。國平聲。琛。丑針切。忱。並甚平聲。  
帝句。下音勾。璩。音渠。爍。傷入聲。  
郗。音癡。晶。居了切。焮。忻去聲。嶼。  
音序。悖。音備。迭。田入聲。鑲。音襖。  
驤。音箱。蹶。音厥。疊。音尾。攙。儼平  
聲。炯。居永切。崇。音歲。

五方正氣品卷第三十三

鬻。音祁。輅。音路。虹。紅降二音。晶。  
胡了切。炫。賢眩二音。射。音赦。杏。單入  
聲。迤。音以。邈。音利。瑰。繪平聲。  
腹。汪入聲。黠。淡，又貪上聲。粹。音歲。  
偉。音葦。凜。音廩。挺。音定。襪。音屬。  
藹。音莓。籥。音藥。鏤。音獲。躍。音藥。  
杪。音眇。鏤。音銛。啣。音部。伺。音四。  
璟。居永切。施隆。上音是。瑾。音近。  
噩。音萼。贄。音至。甦。音蘇。曇。音覃。  
皜。音皓。峻。旬上聲。沉。音元。秘。音  
必。轉物。上音篆。殍。音祥。蠟。言上聲。  
碾。年上聲。沓。談入聲。楯。旬上聲。峴。  
音峴。筠。音勻。虬。音繆。駟。音日。睽  
音卷。埤。音脾。麓。音鹿。琤。音錚。  
燮。織入聲。紮。音執。嶠。音隅。胙。昨  
祚二音。墟。音祛。閔。傾入聲。荷。賀何二

騰曜二景五星品卷第三十四

音。璟。居永切。洙。音殊。  
蓊。千去聲。沴。音戾。軌。音鬼。嗒。音  
彥。疵。音瓷。微。音叫。飲。音蔭。闕。  
音域。藜。音臻。顛。音專。螭。音癡。  
鬲。音歷。裹。音果。大空。上音太。熠。  
音揖。耀。音耀。剖。普后切。鑰。音藥。  
姬。音胼。觚。音孤。玟。旻愍二音。忤。  
音吁。棧。潺上聲。砭。悲廉切。槎。音查。  
咤。陟駕切。葩。怕平聲。輳。音膝。敵。  
音語。醪。音途。疑。逆疑二音。呢。紐入  
聲。漂。音飄。俵。廟表二音，又去聲。縱。  
從平聲，又七從切。窘。君上聲。潏。音尋。  
翥。音注。

九宮僊籍品卷第三十五

見一。上音現。瘥。坐平聲。闔。音合。  
湮。音因。釐。音離。滌。音除。玩漳。上  
翫，下章。恪。康入聲。捐。音泐。鄆。音丹。  
賒。音奢。掣。音逝。訥。奴骨切。殄。音  
殿。噉。音咸。蜚。音火。裡。音因。關。  
瓶入聲。入填。下音鎮。鈐。音鉗。濡。音  
如。芻。音初。莆。音府。涂。塗除二音。  
珂。可平聲。診。音軫。荒度。下音鐸。

八景神合品卷第三十六

湍。彖平聲。澹。音唐。泫。音伏。漉。音  
產。秫。音術。屹。銀入聲。楮。音杵。  
愬。音素。汾。音焚。斐。音匪。肘。音箒。  
叱。噴入聲。麓。音鹿。邴。音耶。潔。貪  
入聲，又音答。  
窿。音隆。贖。五介切。熠。淫入聲。中。  
音仲。俠。音叶。臍。音齊。姥。模上聲。  
需。音須。頗。坡上聲。葳。音威。室。真  
入聲。省監。下音鑿。淳。音亭。顛。喞雍  
二音。詡。音許。嘘。音虛。缶。夫口切。  
頡。賢入聲。頰。音亢，又音航。莅。音利。  
叱。噴入聲。膀胱。上傍，下光。沓。單入  
聲。嗒。言去聲。邈。雁入聲。濤。音桃。  
珂。可平聲。渤。音孛。敞。音警。評。平  
病二音。亟。氣棘二音。嗤。音蚩。翹。血平  
聲。穉。音遂。類。雷去聲。孽。言入聲。  
顛。音專。隈。音猥。岨。音蛆。屬。音戲。  
掇。端入聲。洙。音殊。珏。音角。倭。音  
梭。涓。音昌。揆。音搜。詹。音霑。适。  
官入聲。琤。音錚。楮。音者。  
七星除祆品卷第三十七  
三說。上去聲。見爲。上現，下偽。臭。音

鼻。被玄。上音披。暖。音愛。豁。歡入聲。

宣標。下去聲。被。音弗。鯢。休去聲。稽

索。上鷄，下邑。殍。音祥。燒霞。上去聲。

驅斷。下音短。魑魍。上權，下標。魑。音

行。魑。音岡。茸。音戎。衣斗。上音意。

髦。音毛。賁。音奔。受。音受。星藏。下

去聲。星令。下去聲。轄。音黠。提。音是。

銖。音殊。玩淑。上翫，下孰。確。音殼。

屹。銀入聲。璪。音渠。璉。音輦。驪。音

歡。激湯。下音揚。刳。音枯。熠。音揖。

炤。音照。亢。音罡。魍。音畢。遁。音鈍。

嶷。音逆，又音疑。淙。宗叢二音。魁。音蛆。

魑。音參。魑。音消。湫。酒平聲。堵。音

睹。鄜。音廣。囷。音苓。錐。音追。鋸。

薑上聲。哀。薄侯切。屺。濃入聲。瑁。音

昌。昉。方上聲。瑛。音英。滄。音戶。

漣。音你。

神符除難品卷第三十八

蓋。音蓋。倩。千去聲。備著。下音注。

憚。音但。璽。音洗。檄。音覲，又形入聲。

驚。音務。惊。音叢。臚。音驢。伎。音至。

椰。音茄。摧兵。上音判。顛。音盧。奉

符。上音捧。梯。音蹄。摧石。上音判。

敌。音語。沆。音桁。畸。音基。峙。音治。

崛。羣入聲。璫。音壽，又音熟。觀館。並音

貫。適。就平聲。

南宮延生品卷第三十九

瓌。繪平聲。虬。音膠。雨。去聲。襄。音

箱。懲。音澄。汭。藥去聲。纂。音鄭。

擘。音百。揭。捷入聲。涸。音貉。掖。音

亦。漣。音連。熠。淫入聲。裔。音異。

綽。昌入聲。吻。文上聲。哀。薄侯切。邏。

羅去聲。渦。音戈。挾。音叶。顛。音浩。

瑾。音勤。濺。歡入聲。顛。音戰。騰。音

疼。腆。又上聲。瓚。殘上聲。

北都除殃品卷第四十

掾。緣去聲。璆。音求。鯨。音伊。釁。忻

去聲。瘵。音債。疰。音注。復。音弼。樓

觀。下音貫。販。方飯切。闐。開上聲。闐。

音因。峙。音治。屹。音厄。閔。音英。

采。音迷。閔。音玄。洮。音條。祝。音祝。

咄。音掇。胚。丕醅二音。礮。音劈。幘。

音責。鑄。音尊。鏹。表平聲。闐。田佃二

音。俊。音筌。寧。寧去聲。鈇。音巴。

圩。音烏。邗。音氈。嬉。音希。蒞。云上

聲。鉞。音陵。僥。音堯。鏹。音卑。嶢。

音堯。薜。音舜。洌。音降。耐。音呪。

囉。音羅。閤。音都。

五行備足品卷第四十一

合奏。上音閣。日觀。下音貫。涵。音領。

沓。單入聲。要眇。下音妙。燥。音嫂。

畛。真軫二音。正徵。下音止。少徵。下音

止。當其。上去聲。薜。音舜。藹。音葦。

嶧。音萼。晶。胡了切。軫。音疹。閱。音

悅。合并。上閣，下並。焱。音標。填星。

上音鎮。迭。田入聲。荐。音賤。潰溶。上

會，下容。殞。云上聲。稠。音到。續。匹平

聲。璫。音矣。漸海。上音尖。叵攬。上頗

下覽。蒼楫。上外，下接。浼忱。上每，下甚平

聲。亟。氣棘二音。哆愬。上多，下素。縑

獲。上滕，下鑊。

祈求嗣續慶延門闕品卷第四十二

閔。音伐。絢。血去聲。沓。單入聲。菡。

音領。聯。音連。系。兮上聲。飴。音夷。

賡。音庚。挺。音定。蕃。音龐。箴。音持。

墳。音喧。殤。音傷。緗。音皇。瑰。繪平

聲。屹。銀入聲。裔。音異。緘。音咸。

祺。音其。憤。音糞。襦。音如。父寧。上

音甫。擗。干去聲。茶。音捻。璽。音洗。



麓。音鹿。瀨紺。上音貢。冢。音采。溱效。上臻，下孝。耐。音紂。陣。音鎮。嶮。音險。哥上聲。烘。紅去聲。旻。音旻。灘。炭平聲。梭。音莎。窅。音杳。遄燕。上船，下無。鋤。音鉏。璫。音丸。倭。音莎。潛尋二音。紱。音弗。墉俠。上容，下叶。

保胎護命品卷第四十三

采。音迷。墉。音容。陬。走平聲。曳。音異。虬。音膠。保。音裸。喙。揮去聲。妊。任去聲。埃。音哀。胚。音丕。矚。音燭。蟯。音饒。復。音瓊。逮。大地二音。菟。音兔。咤。又去聲。聲。音磬。戢。簪入聲。汨泗。上蜜下四。儲。除殊二音。蒼。音外。僎。音奚。啖。音淡。嗽。音熬。漼。崔上聲。磈。音劈。燔。音煩。蹟。音跡。襮。音屬。嬌。音牆。捫。音門。公。音腰。蕤。藥平聲。穎。桑上聲。涸。音貉。緒。音序。琪。音其。璆璆。並音虬。陂。音悲。埤。音脾。瑄。音管。岫。音袖。洺。音降。澥。音蟹。篠。音除。愬。音素。灑。音浩。施生。上音是。縟。音辱。峙。音治。

洞神禳灾品卷第四十四

峙。音治。冪。音覓。挺。音定。餞。音賤。汜。音寺。錘。音鎚。軌。音鬼。璆。求虬二音。眇。音面。砥。音紙。擯。音殯。灑。音浩。絢。血去聲。謚。音蜜。釁。忻去聲。見。音現。僑。音喬。墀。音善。肱。音宏。虬。音膠。蟻。音胼。懌。音亦。復。興去聲。五衰。下音襄。咀。音聚。受。音受。磊。雷上聲。珞。音洛。璫。崔上聲。炯。胡永切。豐。音尾。蜿蜒。上宛，下延。翻。音核。陂。音孟。衍。看去聲。閔。傾入聲。躅。綽鐸二音。阜。音付。帑。音隳。馘。音擗。郴。音琛。晶。胡了切。閻。音鹽。春叔平聲。哨粵。上肖，下月。臙。音甄。綽。昌入聲。攤。炭平聲。垆。音肩。飲聖。上次，下即。迥。闡平聲。圩。上烏，下夔。

解禳山谷瘴癘品卷第四十五

邃。音遂。洽。音匣。眇。音面。漭。音檜。藪。音叟。蝮。音福。詭。音鬼。疹。音利。蚘。音刑。噓。軒上聲。燔。煩焚二音。玦。音決。濬。音浚。確。控入聲。賜。音羊。闕。安入聲。魑。音虛。魍。音

癡。魅。音味。啼呱。上提，下姑。摧敗。上音判。殍。音祥。輯。音集。攫熄。下音息。驤。音箱。蠶。釵去聲。蟄。沉入聲。燥。音嫂。佳鷗。上追下彫，狸虺。上離下毀。璫遁。上渠，下鈍。蜉蝣。上由，下搜。蜒蚘。上延，下賢。馘璉。上夔下輦。春。叔平聲。墜。津入聲。縞。高上聲。汶。旻問二音。褒宸。上包，下矣。窃刺。上杳，下青入聲。

除禳水火漂焚品卷第四十六

掾。緣去聲。裕脆。上預，下貨。眇。音面。焚。軟入聲。爍。傷入聲。漬。音恣。捷。潛入聲。鏹。音強。泫。音縣。晶。胡了切。侈斲。上齒，下銀。筮。音巨。紐燼。上扭，下盡。禺鄙。上愚，下婆。禎僅。上征，下近。瑰。繪平聲。汨。骨覓颯三音。芾。音弗。眚。生上聲。亟。氣棘二音。汨。云入聲。泓。音凶。甄蜃。上真，下腎。呱。音孤。鶉俟。上淳，下土。灼帷。上酌，下韋。潰。上會，下傷。鯁。休去聲。蹶猖。上厥，下昌。駛。音決。蒙憊。上蒙，下敗。澱養。上殿下漾。鬲。音歷。茹。如去聲。蹇喏。上健，下諾。適。勻入聲。掖。音液。估。音

古。靦。天上聲。拙。音匪。瓌。音平聲。莞儼。上完，下那。綽。昌入聲。繒。音情。

祈禳水旱品卷第四十七

戊。音茂。各。康入聲。霑。音注。濬。音浚。滓。音紙。陂。音悲。殄。音殿。阜。音父。稔。壬上聲。時。音止。括。官入聲。繆。眸去聲。旌。音精。籥。音藥。揭。健入聲。燠。云入聲。噉。他昆切。雩。音滂。涂。音塗。鎗。音湯。復。胸去聲。深。音迷。磁。音慈。勃勃。並音弗。魃跋。並般入聲。款。寬上聲。蓐。音辱。拉。音蠟。汨。音邑。泯。僻平聲。輓。音歷。墮。音隳。丐。音蓋。菅音姦。釀。襪去聲。醪。醴。上牢，下禮。稔稔。上更，下土。弛。音矢。咄。端入聲。昵。坭入聲。湍。彖平聲。困。音郡。黼。音甫。示省。下生，上聲。淀。音殿。胃。音絹。叱。噴入聲。峴。音現。莓。音梅。哀。薄侯切。荼。音徒。鉉。音縣。懣。門上聲。僎。音兮。閱。音悅。聃。音耽。柚。由去聲。呶。醯去聲。

安鎮九壘土沃不祥品卷第四十八

晶華。上音精。隰。音習。銖。音珠。闕。音祕。爍。傷入聲。嶧。音亦。澣。音虎。

頌。音永。涂。音塗。殍。音祥。驍。音澆。轄。閉入聲。闕。音辯。驤。音箱。礪。音白。崇。音歲。澮。音檜。璉。音輦。苴。音坦。濺。賤箭二音。蛭。音呈。咖。音加。苛。音可。傑桀。並捷入聲。驚。音就。驚。音嶽。優。音憂。施。音移。菑。千去聲。叱。噴入聲。嘿。音默。邾。音朱。佺。音筌。

消除疫癘跛痾品卷第四十九

嵌。苦監切。砥。音紙。瘵。音債。帔。披去聲。痺。音閉。疚。久救二音。癩。巒平聲。瘕。音委。瘡。央入聲。魁。音蛆。砭。悲廉切。嘖。音杪。策。音栗。閹。都蛇二音。畦。音兮。賁。音背。瀘。音爐。碭仇。上蕩，下求。璫。音渠。確。控入聲。憐。音稠。侈。癡上聲。阮沂。上遠，下素。臄。音直。褒。音包。哀。薄侯切。念。音預。靚。音淨。痊。音痊。痞。音背。韞。音姜。殄。殍。上殿，下祥。擯。音殯。憤。音糞。隕。音殞。癘。音隆。崎嶇。上欺，下區。曳鞞。上異，下朵。類。羸去聲。瑒。音篆。汨。音骨。忱。甚平聲。裔。音異。蠻。音亨。

蠲化水火灾癘品卷第五十

企。啓契二音。泖。藥藥二音。恙。音漾。沔。上恂，下酋。牲。音莘。菟。音兔。叱。噴入聲。鴟。音癡。酢。音昨。澁。音誓。鵠。音兼。倂。音稱。怛。丹入聲。虬。音繆。泝。上瓶，下官入聲。蟻。上矧，下啓。紘。痕入聲。湊。音鞮。玦。音英。泊。上暨，下屯。狸。上離，下仙。咄。音掇。咀。音聚。

音積。忱。甚平聲。邃。音遂。賁。焚背奔三音。澶。音禪。浹。音接。覈。音核。燁。醃入聲。爨。織入聲。塊菁。上恢，下精去聲。廐。邈平聲。

消除疾疫保命延生品卷第五十一

氓。音盲。佛燥。上佛，下嫂。喘。川上聲。愒慄。上噉，下栗。合邪。上音閤。翹。血平聲。磧。青入聲。峩。音猥。斛。紅入聲。轄。閑入聲。輓。音寬。檄。形入聲。帝省。下生，上洗。璽。音死。慝。音忒。蹟。士革切。涸。音貉。伎。音至。俠。音叶。蚺。音刑。役旂。上役，下其。駟。音日。圉。音語。拉。音臘。滇。田顛二音。敞。音警。

元明洞淵品卷第五十二

驚。音伊。躁。音皂。蜺。音霓。浹。音接。涸。音貉。渥。音藥。迂。音于。濮。音卜。閭。音銀。突。屯入聲。笥。音四。蜿。音宛。蜒。音延。蚘。音賢。叱。噴入聲。舩。音苓。殞。云上聲。霸。巴去聲。沔。音恤。茶。音徒。嶼。音郁。嶼。音序。洙。音殊。伺。音四。念。音預。撲。音雹。衍。音看。帑。音儻。媾。音構。媯。音焉。

渠。音匪。遄。音旋。漑。音既。潘。琛上聲。擗。音你。

斬滅五行邪怪品卷第五十三

復。音弼。勦。焦上聲。疹。音利。琚。音叔。蒼。音外。攫。音鑿。盪。音蕩。崇。音歲。滂。音莽。橙。音根。穎。營上聲。鶉。音淳。墩。音敦。抨。拍平聲。倨。音句。伾。音披。覲。音狄。對。兌墜二音。湍。彖平聲。腆。天上聲。忱。甚平聲。璉。音輦。剔。廳入聲。洙。音殊。閔。音祕。塵音塵。靚。音淨。蹟。音積。

斬滅不祥品卷第五十四

蒼。音外。睟。音卒。沆。音桁。沓。潭入聲。覬。音既。敞。音警。魑魅。上癡，下昧。奮。音糞。翅。音世。俠。音叶。疰。音注。虎賁。下音奔。紱。音弗。陪。音皮。聘。音逞。號。音豪。爍。傷入聲。祗。音支。阮銀。上遠，下敞。粵。音月。嶠。嬌去聲。嶼。音序。鉏。音鋤。緒援。上序下願。灑。音浩。梟。音澆。矛矢。上牟，下始。剗。音枯。車破。上音居。檄。形入聲。磔。漂。上辟，下影。臯。胡了切。帷翊。上韋，下亦。虬。音繆。劓。音義。魁。音蛆。

璽。音洗。暈。音運。螭。音癡。崇。音歲。孱。謹平聲。沮。音聚。菝苴。下弗，下鮓。忱。甚平聲。珏。音角。迂麥。上于，下陌。恹。林去聲。霏。音淫。璉珂。上輦，下軻。亟。氣棘二音。麓。音鹿。岨。音蛆。遄。音船。涂。除塗二音。鏗。音坑。嶷。音茲。魑。音權。獲。音鑿。逵。音夔。軹。音只。滕。音滕。跛波上聲。

追度上世亡魂品卷第五十五

蕤。藥平聲。閤。音暗。盪。音蕩。磕。堪入聲。袂。音寐。杪。音眇。彈。音但。虬。音繆。悖。音被。夸。音誇。岬。音耶。旻。音莘。嶼。音序。崧。音松。垆。音尪。倭。音莎。蹟。音跡。鏘。音槍。猗。音衣。攄。音樞。擔。音耽。檐。音鹽。摧破。上音剗。捷。音輦。閤。音暗。閤。音昏。嚙。言上聲。匏。音袍。眇。音面。狴。音卑。繫。音執。覬。音冀。擷。現入聲。匱。音貴。拉。音臘。遭。音甄。擺。敗上聲。戍。音恤。駮。音夔。汨。骨覓二音。瑰。繪平聲。頤。音夷。銖。音殊。詞。興去聲。諺。音彥。檄。音擊。蹊。音兮。譎。音訣。鬪。音銀。昉。音做。泝。音瓶。

合爲。上音閣。

濟度死魂品卷第五十六

杻。音紐。械。音蟹。晤。音悟。蝮。音復。署。音恕。眇。音面。忿。音糞。蛻。音稅。愁。音輦。微。音揮。顛。音專。蟻。音胼。翽。音許。噉。他昆切。憩。音氣。幘。音責。坂。音幡。驤。音箱。撻。音遂。續。匹平聲。榔。音郭。咤。又去聲。蛻。音稅。愁。音禍。劫。堪去聲。蹟。士革切。作。音昨。選。宣上聲。爍。傷入聲。樗。音樞。鯨。音鯨。璽。音洗。錮。音固。垺。音暨。蚓。因上聲。畱。音柳。汙。音云。綽。昌入聲。袂。音夾。

解釋幽牢品卷第五十七

曳。音異。罽。音覓。閱。音悅。頰。音懼。嗥。音毫。惋。音腕。暈。音運。爍。傷入聲。縲。壘平聲。漬。音恣。伺。音四。弭。音米。黥。音慘。窈。音鈔。齒。音慈。蝟。音胃。螭。音癡。泮。音判。葛。音初。梗。音梗。釁。忻去聲。湍。彖平聲。娣。音弟。蒼。音外。企。啓契二音。琛。丑林切。覲。音既。粵。音月。涖。音猪。摧。音判。璲。音遂。亟。氣棘二音。晶。胡了。

切。圮。音被。雉。音治。殄。音殿。燾。道毒二音。汨。骨覓二音。銛。音纖。炳徂。上丙，下詛。陂。音悲。磧。青入聲。業。音業。睇。音弟。浹。音接。嵌。掐平聲。狴。音鼻。脗。吻泯二音。姐。音阻。瓌。繪平聲。徂。音阻。湊。音轉。逋。音哺。瑄。音管。蹊。音兮。呱。音姑。燔。音凡。煬。音陽。摹。音模。載。音載。

迴生起死品卷第五十八

四塞。下音賽。解化。上音假。灑。音浩。亞。牙去聲。飲。音次。藝。音異。裔。音異。嶼。音序。曷。高上聲。糝。音夷。鹽。音尾。湍。彖平聲。確。控入聲。邃。音歲。趨。音喬。弼。音朋。漬。音恣。瀧。音貢，又音紺。澶。音禪。沔。綿上聲。虬。音繆。琢。音捉。璵。音餘。闕。烘去聲。沂。音素。窳。音俞。

化尸受形品卷第五十九

逌。談入聲。殄。音殿。亟。氣棘二音。邏。羅去聲。爍。傷入聲。耄。莫到切。灑。音焰。炫。音賢。淀。音殿。猶。音由。葢。音闡。剡。焰上聲。鎡。音基。聖。音即。慷。康上聲。閻。音銀。忸。濃入聲。紘。

痕入聲。燎。音了。適。就平聲。璲。音遂。握。音藥。姁。音自。徵。止征二音。螭。音痴。叱。噴入聲。蹶。音厥。俶。音畜。混。音晃。瀆。音貢。俠。音叶。數受。上音朔。彌。音米。澌。音斯。汹。音凶。挺。音定。瓌。繪平聲。孺。音茹。珥。音二。煜。音欲。遄。音船。蜃。音慎。蹟。音跡。岵。音戶。洽。咸入聲。突。敦入聲。愬。素索二音。瑯。音瑯。

鍊氣變仙品卷第六十

蕤。藥平聲。纂。音鄴。掾。緣去聲。虬。音繆。賡。音庚。瑰。繪平聲。軺。音遙。旌。音精。礎。音楚。涖。音士。吒。吒，又音粗。闕。安入聲。愬。充去聲。幟。癡去聲。撼。音領。醯。咽平聲。墀。音善。茱。音殊。琛。丑林切。埴。音石。璐。音路。去子。上祛去聲。燾。音道。摧魔。上音判。慘。參上聲。軋。晏入聲。蕘。音蹄。嬪。音頻。漪。音衣。躡。音聶。掇。端入聲。噉。他昆切。舖。音步二音。拊。音府。邃。音歲。輓。音歷。咀。音聚。珥。音耳。澠。音蠅。橐。音托。洩。音泄。界。音庇。犒。靠考二音。迤。準平聲。訐。健入聲。

逗。音豆。楸。音茂。仇。音莘。住。音錐。追  
二音。闕。傾入聲。萃。音粹。鯨。音伊。  
璫。崔上聲。猊。音霓。埤。音脾。鶴觀。  
下音貫。

永斷輪轉品卷第六十一

輶。音遙。計度。下音鐸。獨觀。下音貫。  
身被。下音披。髯。染平聲。疑。音逆，又音  
疑。海空。下音控。碭。音蕩。積。音積。  
謠。音遙。嗟。音挫。稔。壬上聲。駢。音  
變。崎。音欺。錕。音襁。捷。潛入聲。  
昵。妮入聲。瓘。音貫。瑒。音篆。受。音  
受。颺。音迭。櫨。音盧。

(李遠國點校)

